



BIBLIOTECA NAZ.

Vittorio Emanuele III

XLIII

C

44

NAPOLI





JACOBI PONTANI
DE SOCIETATE IESV
PROGYMNAS-
MATVM LATINITA-
TIS, SIVE DIALO-
GORVM

*Voluminis tertij pars posterior,
cum Annotationibus.*

DE VARIIS RERVM
GENERIBVS.



Cum gratia & privilegio Cas. Maiest.
INGOLSTADII,
Excudebat DAVID SARTORIUS.
ANNO M. D. XCIV.



Amus Profeta Hesp. facit. v. m.

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED



REVERENDIS-
SIMO, ET ILLVSTRIS-
SIMO PRINCIPI AC DOMINO,
IOANNI OTHONI, EPISCOPO
Augustano,

IACOBVS PONTANVS
E SOCIETATE IESV,

S. P. D.

DIuina quadam sorte
mihi tributum at-
que concessum au-
tumo, Ioānes Otho
Illustriss vt dum sese aperit an-
nus sæculi huius quartus vltra
nonagesimum, postremus dia-
logorum meorum foetus, reli-
quis aliquanto maior, & varie-

tate materiæ vberior, è latebris
in lucem conspectúmque homi-
num emerſus, pedem proferre
inciperet:quem omnino viſum
eſt faciendum, vt ad C. T. omnia
fauſta, felicia, ſalutaria com-
precatum, deinde ſemetipſum non
vſui & fruſtui tantum, ſed man-
cipio & nexui, idque, ſi modò
non aſpernarere, in locum xe-
nioli cuiuſdam verecundè obla-
tum tranſmitterem. Grandiora
& exquisitiora offerant, non in-
uideo, quibus ea copia eſt, quiq;
monteſauri, & culti iugera ma-
gna ſoli poſſident:ego cui ruſcu-
lum aratur exiguum, quaſi hu-
miliore hoſtia te colo: & quan-
do quidem thura nō habeo, tan-
quam

quam mola falsa, agrestium sci-
licet pietatem æmulatus, studeo
venerari. Nec ineuntem hunc
solum, verùm peræquè omnes
etiam consequentes annos, qui-
bus spiritum ducturus es, candi-
dos, & vt poëtæ loquuntur, ter-
quæ quaterquæ felices quis tan-
dem tibi voluntate summa non
optauerit, qui didicìt (didicerũt
autẽ iam pridem mortales mul-
ti) quãta cum dignitate & com-
mẽdatione personã istam pon-
tificiam, abhinc ferme trienniũ
mirifica bonorũ omnium gra-
tulatione tibi impositam tuea-
ris atque sustineas? Celerrimus
est virtutis cursus, quæ ad sese ex-
plicandam & in oculos, in aures,

in sermones hominum diffun-
dendam haud fanè longinqui-
tatem desiderat. Cùm decana-
tum Augustæ gereres, collegiũ-
quæ tuum vigilanter ac sapien-
ter gubernares, itaque viueres, vt
abs te moderationis & honesta-
tis exempla peterentur, videbat
istuc & vrebatur quodammodo
Eistadiensis Ecclesia: nec ante
conquiescendũ statuebat, quàm
te magistrum sibi atque recto-
rem in sinum suum accepisset.
Sed enim eius quanquam reli-
giosa vota ad irritum ceciderũt,
quando nullis vel hortatibus
commoueri, vel precibus infle-
cti, vel argumentationibus de-
uinci expugnarique potuisti, vt
episco-

episcopatum bonum opus, &
vltro delatum capefferes: tātum
ab erat, vt eum per te ambitiosius
concupisceres. Credo quod per-
spiciebas sagacissimè, quanta ef-
fet, istis præfertim durissimis
Reipub. Christianę temporibus,
huius sanctissimæ professionis
magnitudo, ac tibi met minime
omnium placebas. Quippe vt
sublimis est honos pascere & cu-
stodire gregem, quem princeps
pastorum acquisiuit sanguine
suo: sic, si quis ad omnes eius par-
tes animo se & cogitatione con-
uerterit, inueniet laboriosum
difficileque munus. Veruntamē
sicut fuit voluntas in cælo, ita fa-
ctum est. Quod enim vitare ma-

gnopere contendisti, hoc cẽtẽ
vitare nequiuiſti, & cũ hic elap-
ſus eſſes, paulo poſt alibi piẽ ca-
ptus hæere debuisti. Debuisti,
inquam, niſi diuino nutui ma-
niſeſtò ſeſe exerenti repugnare
parum laudabili exemplo inſti-
tuiſſes. Non igitur tu epiſcopa-
tum, ſed epiſcopatus te quære-
bat, te inſequebatur, quoad fu-
gentem comprehendit, & in ſe-
de Auguſtana diuinitus tibi ſer-
uata, diuiſ hominibũſq; appro-
bantibus collocauit. Haud inſci-
tẽ, quicunque dixit, duplici ho-
nore dignum eſſe, qui recuſat,
quod meretur: ſiquidem iſtiuſ-
modi recuſatio cum virtute cõ-
iuncta eſt, & Chriſtiani pectoris
vide-

videtur propria, eoque magis,
quo id quod recusatur, amplius
censetur & insignius. Omnis au-
tem virtus præmio, eoque vel
maximo dignissima perhibetur
à sapientibus. Quia verò ex om-
nibus præmiis nullum honore
& gloria maius, qui hoc ipsum
potest contemnere, is propemo-
dum humano fastigio celsior, &
hac nostra communi natura su-
perior habendus est: quod tamen
abs te factum semel vidimus: ne
porro iterum videremus, offusa
menti tuæ religio, quod crede-
re dignum est, impediuit. Cæte-
rùm de tua in Deum religione
singulari, de modestia, parsimo-
nia, cōtinentia, sobrietate quid

dicam: lucet hæc inftar luculentiffimæ facis fupra candelabrum pofitæ, & omnes, qui in domo funt, fplendoris fui claritate perfundunt. Verùm ne mala quæpiam linguam fecus interpretetur, meque blandius quàm verius de tuis ornamentis prædicantem exiftimet, fi faciam longius (funt enim qui, nifi quod ipfi fecerint, nihil rectum putant, & quidquid aliis additur, id fibi detrahi iudicant) cùm hæc ipfa pluribus differere, cùm reliqua fupersedebo attingere. Tibi vt hoc volumē infcriberem, pepulit me, fateor, quo fum erga te studiū, & merita in nostros tua nec rara, nec mediocria. Quamobrem

obrem nos ea memoria tenere,
& te suspicere atque imis sensi-
bus colere publicè vt ostende-
rem, consilium fuit. Ad extre-
mum me meosque C. T. tam-
etsi antea commendatos ac tra-
ditos, denuo commendo atque
trado, Deumque vehementer e-
tiam atque etiam oro, vt quo-
niam populo eius es necessarius,
& laborem non recusas, te quàm
diutissimè superstitem ac fospi-
tem esse iubeat. Vale. Au-
gustæ, Idibus Ia-
nuarij.

clb. Ib. XCIV.



BENE.

BENEVOLO,
ET ERVDITO
LECTORI.

E*N* accipe, mi Lector, va-
riarum mearum partem alteram,
sive, quod tu forsitan mauoles; poste-
riorem Tertij. Ad cuius confectio-
nem ita sentias velim, me pristinā curam, sollicitudi-
nem, studium, laborem, industriam, assiduitatem,
suppeditasse: nec vllas, quanquam toties multa inter-
uenere, molestias subterfugisse, quò minus data tibi
promissa putarem, & qua habebam instituta absolue-
rem. Ea omnia si cum vbertate communis emolu-
menti compensabuntur (cuius me amantissimum,
esse crebrò testificatus sum, & ut nullus testificer, res
ipsa loquitur) haud pœnitendum me laborum susce-
ptorum percepisse fructum, & expectationem deside-
rij mei cumulatè expletam arbitrabor. Nam quod
tandem munus aut maius, aut salutarius Reipub. at-
tulerim, quàm si insistam, summaq; ope adnitar eru-
dire adolescentes, qui se ad humanitatis literas con-
uerterunt, & nostra perlegere animos induxerint?
erudire, inquam, eorumq; non solum cor, omnium co-
gitatio-

gitationum consiliorumq³ fontem, verumetiam lin-
guam, cordis tanquam lumen, imaginem, nuntiam
& interpretem formare: atque illud quidem ad rectè
sapiendum, hanc autem ad commodè, diligenter, &
bene loquendum (quarum rerum coniunctione ni-
hil statuo in hominum vita versari splendidius, nihil
pradicabilius) eadem opera pro tenuicula facultate
mea excolere. Quia verò hæc duo latissimas habent
regiones, nec ad plurimum modo, sed dissimillima quo-
que accommodari & possunt, & verò debent, quid
est quapropter verear, ne plures futuri sint, qui me
tam multa, & discrepantia in dialogis conscriben-
tem reprehendant, quàm adeo non pauca, diuersaq³
prætermittentem accusent? Ego contra ex officio pru-
dentis esse autumo, cum in qualibet actione seruare
modum, tum potissimum in scribendo non omnia
profundere: nec ad ultimas rerum metas velle proce-
dere: quando in nullo scientiarum genere tam pla-
ne, stabiles, directæ, apertaq³ inueniuntur viæ, ut illis
longius ingredientibus, facile queant aut offensionis ali-
cuius, aut prolapsionis, aut errationis periculum eui-
tare. Quin à nobis item, ut fert humana conditio,
sive dormitantibus interdum, & peccata quæ *μνησ-
νικά* ἀμαρτήματα vocantur peccantibus, sive halluci-
nantibus, quædam missa sunt in libros hætenus in-
publicum proditos, quæ doctiorum, si qui fortè vigi-
liolas nostras non contempserunt, vngue notata fuisse
non absõnum fidei ducimus. Ea ubi monuerint, &
ut moneant rogamus, ad castigationem vocabimus:

simul

Simul cum illis, quæ per nosmet deprehensa, post deter-
sas maculas vultum nitidiorem adeptura confidi-
mus. Ad hanc confessionem insigne facinus Hip-
pocratis, verè & arte, & facundia insignis, cum me
magnopere incitavit, tum unamquamque naturam
ingenuam, nec magis sua gloria ineptè studiosam,
quam aliena utilitatis laudabiliter cupidam meri-
tò incitet, qui errata sua ipsæmet memoria prodenda
censuit, more scilicet magnorum virorum, ut
ait Celsus lib. 8. hoc de illo narrans, & fiduciam ma-
gnarum rerum habentium. Nam lenia inge-
nia, quia nihil habent, nihil sibi detrahunt.
Magno ingenio, multa quæ nihilominus habi-
turo, convenit etiam simplex veri erroris con-
fessio: præcipuè in eo ministerio, quod utilita-
tis causa posteris traditur, ne qui decipiantur
eadem ratione, qua quis ante deceptus est.
Et hac quidem Celsus, persapienter, quod omnes fa-
tebuntur. De his ipsis excellentibus viris, audia-
mus etiam quid nos moneat Quintilianus: Legen-
tes non sibi persuadeant, omnia, quæ magni
auctores dixerunt, esse perfecta. Nam & labun-
tur aliquando, & oneri cedunt. Hoc minutis au-
ctoribus quanto debet esse solatio? Omnium memo-
riam habere, & in nullo penitus peccare, divinitatis
est potius, quam humanitatis, inquit Iustinianus Im-
perator. Hippocrateum igitur factum, quinimmo ma-
gnorum virorum, nobis, qui cum illis collati umbra
corporum sumus, inuitamèto erit, ut ne erubescamus

nos hominum similes confiteri: id est, lapsos alicubi, & labi posse: & meminerimus, unum esse deum μόνον σὸν, qui decipi non potest. Cum hoc tamen imbecillitatem nostram summo alienam vitio censeamus licet, si non imitemur scriptorem librarium idem usq; peccantem, quamvis monitum: nec citharædum, semper eadem chorda oberrantem: quorum ille caret venia: hic risum debet, iudice Horatio, à quo in eodem libro illud peritè, & humaniter dictum:

Verum opere in longo fuit obrepere somnum.

Caue porro mireris, cur non dederim hic dialogos de argumentis nonnullis, quorum in præfatione primi voluminis mentionem feci: nec ideo suspicere, me propositi redditum immemorem: aut putes mancum tibi opus offerri. Exempli causa posuimus, ut planius ostenderemus, qua posset in extremo volumine tractari rerum varietas. Ceterum illorum loco inuenies alia, qua ibidem non nominauimus. Omnino fidem liberasse videmur hoc ipso, quod capita multa, utiq; rerum diuersarum plena, hisce duabus partibus comprehendimus. Et cum super singulis classibus prima Tertij seorsim differuerimus, quod id lectori pergratū, & optatum fore crederemus, nihil impedit, cur non in vestibulo, & tanquam propyleo huius secunda idem institutum ob eundem finem teneamus.

DE ARCHITECTONICIS.

MVLTVM profectò interest, quibus ab auctoribus linguam latinam petere contendamus: &

utrum

utrum opinemur unum alterumue omnia, quorum
usus indiget, an omnia neminem posse sumministra-
re. Eligendi sunt quos legamus, & è puris flumini-
bus bibendum libentius, quàm è turbidis, ac limosis.
Puriores constat esse vetustiores illos, sub quibus hac
lingua quasi mediam etatem suam egit. & in ipsa
maturitate sua eximie floruit. Post quæ tempora pau-
latim defloruit, atq; consenuit: & quemadmodum se-
nibus contingere cernimus, quorum corpora fessa aeo
fatiscunt, multis incommodis circumueniuntur, &
agritudinibus affliguntur: sic illa proprios etiam ve-
luti morbos, & vitia pertulit, donec ad extremum,
suo quodam elata funere, in congressibus apparere de-
sistit, & in solis libris, atq; gymnasiis remansit. Verun-
tamen à principe omnium latinorum Cicerone, à Sal-
lustio, Casare, Livio, à Virgilio, Horatio, Plauto, Te-
rentio, & aliis probatissima nota haud quisquam ita
locupletatus instructusq; recesserit, ut ei nullo in ge-
nere sit defutura oratio. Id nos manifestius cum alias,
tum præterea in hisce dialogis quodammodo fabri-
candis, experiundo comperimus: quibus etsi non om-
nem quæ poterat, attamen non aspernandam varie-
tatem inclusimus. Gloriari nequeo, me Ciceronis mo-
numenta, aliorumq; eiusdem ordinis, quos tu lector
animo præcipis, lætando contriuisse: non quenquam
illorum octauum descripsi, nec memoria commenda-
ui, ut Thucydidem Demosthenes: at istuc citra arro-
gantiam affirmauerim, me illos nec infrequenter, nec
oscitanter legisse. Cum autem de re rustica molirer
scribere,

scribere, ad Varronem, Columellam, Palladium ire
me auxilia petendum oportuit: hi enim numerantur
scriptores rustici: & quod gaudeas, admodum latine
loquuntur. Sic cum de architectura rationibus ac-
commodate scilicet consilio meo, disputare meditarer,
Vitruvium prius, & Leonem Baptistam Albertum,
evolvi, quam accederem ad scribendum: siquidem hi
in isto materia genere elaborarunt. In iisdem tantum
offendi verborum simplicium, coniunctorumq; à no-
bis ignoratorum, & tamen locutioni quotidiana per-
necessariorum, ut nesciam magisne inscitia summa
misertus, an fœdissimæ socordia indignatus fuerim.
Quotusquisq; ianuam saltē, per quam assidue ingre-
ditur, & regreditur explicare, & eius partibus debita
ac propria vocabula tribuere didicit? Cui notus inter-
gerinus paries, quem in die aspicit vel decies? Quis no-
uit displuvium tectum, lapidem quadratum, redini-
um, suggrundia, podium, arenatum, mille alia? Ea-
dem de aliis classibus quasq; suscepimus, quasq; præ-
terrecti sumus verissime dixerimus: mirabilem esse
nostram inscientiam, & propemodum inexplicabilem
egestatem: cuius mali causam primam & penè solam
esse video, quod iis duntaxat libris, qui in schola ado-
lescentulis nobis explanantur, puta epistolis, et oratio-
nibus aliquot Tullianis, uno & altero libro Virgilia-
næ Æneidos, Ovidio de Tristibus, & aliquot, si forte,
paginis commentariorum Cesaris, aut Liuij contenti
sumus: de aliis, quos vix de nomine novimus, evoluē-
dis neutiquam laboramus. Hinc quod facere omni-

modis, et quàm creberrimè oportebat, tam auersus ab
exercitatione scribendi, & loquendi animus: & utro-
big, tanta infantia, hesitatio, verborum sermonumq;
barbaries, & agrestis immūditia: ut si quis priscorum
ab inferis existens nos audiret, rudere, non loqui dice-
ret. Nec tamen nihil illis, quos protuli scriptoribus
architectonicis reliqui: sed pro eorum copia, & dini-
tiis perpauca, pro magnitudine ignorātia nostra per-
multa mutuatus sum, & ad studium talia quoque le-
ctitandi, lingua perficienda, & expolienda, addictam
praesertim Humanitati iuuentutem excitare, quan-
tum in me fuit, non peperci.

DE RE POLITICA.

POST homines generatos serius vrbes adificate
sunt: quibus cōditis iura magistratusq; sanctumq;
senatum legerunt, ut Maro cecinit de Carthaginen-
sibus. Tum deniq; ciuitates, & Respublica extiterunt.
Ergo secundum carmen Maronianum ita euenit, ut
tripartita euaserit nostra hac per politica progymnas-
mata disputatio. Agimus quippe de magistratibus,
quorum veterrimus, & maximus, & nobilissimus est
Rex: nec de civilibus tantum, verumetiam de dini-
nis, quos nostri Ecclesiasticos appellitare cōsueuerunt,
sed Romanis duntaxat, non etiam Christianis. Agi-
mus separatim de senatu, cuius providentia, vigilan-
tia, auctoritate, iustitia populus nititur: quiq; honores
mandat iis, quos idoneos gerendis honoribus arbitra-
tur. Agimus de legibus, quod est ius scriptum, ad ci-
uilem

uilem communionem perinde ut aqua, & ignis necesse-
 farium. Sed de his ea ratione agimus, ut à Romana
 Repub. pene nunquam oculos deiiciamus: quando sa-
 pientius ordinatam ac temperatam in terris nullam
 inuenimus. Excussimus plerosq, qui commentariis
 eam suis illustrarunt: sumpsimus quæ placuerunt, &
 ea ipsa conuenienter scopo nostro coarctauimus: nec
 enim sumus istiusmodi rerum tractatores, aut profes-
 sores, nec videri volumus. At verò dum supellecti-
 lem sermonis per illas vestigamus, vestigatumq, scri-
 ptura amplecti conamur, aliter nequimus, quin eas
 tradamus: atque hoc ipsum nisi distindè, ac distribu-
 tè præstemus, lingua ipsi percipiende officimus: est
 enim confusio mater obscuritatis: obscuritas autem
 cognitionibus inimica. Quicunque igitur rebus Ro-
 manis solent delectari, hosce dialogos, & qui sequun-
 tur, militares cupidius legant, suamq, voluptatem
 honestissimam vel nouis addiscendis accumulare,
 vel veteribus recognoscendis renouare studeant.

DE RE MILITARI.

SATIS iam constitutis ordinatisq, ciuitatibus, de
 inuadendis aliorum finibus imperioq, profereudo.
 ac dilatando cogitatum est. Ex quo natum initium
 rei militaris: ad quam more nostro exsequendam
 Vegetius præcipue, & eius explanator, atq, illustra-
 tor Godescalcus Stiennuechius, homo liberalissimè e-
 ruditus, non paruo mihi subsidio adiumentoq, fue-

runt. Utinam ne perissent scriptores disciplina belli-
ca: illi videlicet, è quibus collegit epitomen suam Ve-
getius, Cato Censorius, Cornelius Celsus, Frontinus,
Paternus, & alij complures, quos eundem non sit in-
credibile sub manu habuisse, & consuluisse: quamvis
eos nominare pratermittat, ut Cincius, Evangelius,
Stratocles, Hermias, Aeneas, Cyneas, Polybius, Eu-
polemus, &c. perspicue nosceremus, quasi qua aspe-
ctu obeuntur, quam spatiofo pateret ambitu ars bel-
landi: quamq, amplam, gloriosam, salutare negotio-
rum humanorum partem militaris scientia com-
plecteretur. Est profectò non belluarum solùm, qui-
bus cum nullam mentis & intelligentia particulam
communicavit mundi fabricator, sed hominum quo-
que, si causa adsit, decertare viribus, & hostibus bo-
na, fortunas, existimationem, vitam, sanguinem eri-
pere. Verùm eodem fato fuerunt quo Lilius, Tro-
gus Pompeius, Dio Nicaeus clarissimi historici, Fe-
stus Pompeius eruditissimus Grammaticus: quorum
libris, qui inde epitomas excerpserunt, interitum in-
dignissimum conciliarunt. Iam si cuiquam paulò
crasioris Minervae mirandum apparebit fortasse,
me de architectura ausum conscribere, qui nunquam
casulam adificârim: de potestatibus, qui nec Qua-
stor, nec Aedilis, quid dicam Prætor, Consul, Di-
ctator? aliquando fuerim: de re militari, qui pugnam
nullam pugnaverim: pugnaverim autem? immo qui
tanquam Plautinus Sosia, si pugnaretur maxime,
ego fugerem maxime, ut mihi Mars in pedibus esset,
huic

*Huic ita occurram: me item de nautica re locutum,
nec vidisse tamen pelagus: & de morbis ac medica-
mentis explicasse, nec ludum frequentasse medico-
rum, aut agroti cuiuspiam adhuc vel urinam inspe-
xisse, vel venam tentavisse: & de re culinaria fabu-
latum, nec in vita cocum egisse: & postremo de re fu-
nebri composuisse, nec unum quidem cadaver sepeli-
nisse, aut pollinctorem aliquando egisse. Quid ergo
est? quid est? Lege sis praefationem in dialogos Ru-
sticos prima parte Variarum: saxo quiescat admi-
ratio.*

DE RE NAVALI.

CLASSIS hac, seu ordo iste rerum non est tam
inops ac sterilis verborum & locutionum, quàm
parum attentè consideranti, ac perpendenti videri
queat. Utilis sanè ad cognoscendum quà rebus, quà
verbis, non minus quam reliqui: & si in eo, ut in aliis,
adhibere lōgitudinem vel nolimus, vel nequimus.
Minus est speciosa classis. At neq, culinaria, exce-
perit aliquis, est admodum splendida. Verum qui-
dem: sed in super etiam non suis partibus, quemadmo-
dum alia, diuiditur. In ista scriptione mihi profuit
Gregorius Gyraldus, cuius fertur liber de re navali
(ut alius de vario sepeliendi ritu, quo in funeribus me
usum scito) & Lazarus Baysius, cuius item eodem
argumento libellum habemus. Denum è Gramma-
ticis, & paræmiographis loquendi formas, & vim a-
dagiorum declaravi. In descriptione tempestatis, ac

*naufragij, quæ accidere potuerunt, & ipsum genus
propositum habui.*

DE RE CVLINARIA.

MILLE coquendi modos, & deliciosissimam ciborum dissimilitudinem, atq; ob id infinita instrumenta coquinaria, hominum gula excogitarunt; gula, dico, per quas quamdiu descendit, tamdiu sentitur cibi suauitas: ut idcirco ille collum gruis sibi precaretur. Et in potibus, poculisq; similiter iam pridem non necessitati, sed voluptati, & intemperantia captum est inferui. Hinc usque adeo amplificata illa pars sermonis, quæ ad ventrem pertinet. Quod cum perspiceremus, deesse nolimus, quin eam quoque in hunc librum adderemus. Scriptum ab Aristotele, hominem ad duas res natum esse, ad intelligendum, & agendum: & extant libri, qui, quæ intelligamus, quæ agamus docent. Atqui ingentia eduntur iam volumina, quæ curiosissimè, & luxuriosissimè coquere doceant: ut videatur non satis dixisse Aristotelem, qui tertium hoc affirmare debuerit, hominem etiam ad comedendum esse natum. Tales libros consuluisse me non inficior, & aio profecisse: non ut cocus fierem, sed ut coci muneribus describendis, & tractanda culinaria alios, cum usus venisset, ad purè ac propriè loquendum instituerem. Quæ de Oeconomo, & Obsonatore disserui, cum rebus culina coniuncta sunt, & eius quasi *αεγίστα* censeri poterunt.

DE RE MEDICA.

IN percensendis morbis, & enumerandis aliis, quæ chirurgica vocantur, & olim tractabantur etiam à medicis (siquidem non alij medici, quam qui chirurgi: nec chirurgi, quàm qui medici) visus sum, mihi parcipromus fuisse, postquam nitidissimum auctorem Cornelium Celsum legi. Sed quod initio dixi, præstat non omnia usq; ad ultimum persequi. In hanc seriem decreueram conicere nomina partium humani corporis tam internarum quam externarum, & inscribere progymnasma *Anatomen*: & nisi me fallit animus, quasi sub aspectum subiecta tam admirabili, & diuina constructione humani corporis, lectorem non mediocriter delectassem: verùm partim ne produceretur volumen, partim alia de causa voluntatem immutavi, quam tibi pro me indicet volo verbis suis inter medicos prudentissimus, & inter scriptores tersissimus, limitatissimus atque floridissimus Cornelius Celsus. Partium naturalium apud Græcos vocabula & tolerabilius se habent, & accepta iam usu sunt, cum communi fere medicorum volumine atque sermone iactentur: apud nos fœdiora verba, ne consuetudine quidem aliqua verecundius loquentium commendata sunt, ut difficilis hac explanatio sit, simul & pudorem & artis præcepta seruantibus. Posituram, & figuram humani corporis explanat pulcherrimè idem lib. 8. cap. 1. In cæteris sperare possum, neminem de obscuritate conquesturum. Quod

non temerè scribo, quoniam pro certo scitur, obscuram esse medendi scientiam, etiam ob id, quod græcis vocabulis refertissima est. Proinde illud prædicam græca lingua osoribus, eos veluti si per tenebras sine lumine incederent, sapius pedes offensuros, in rebus ad medicandum pertinentibus, quicumque iatrichographorum scripta legere voluerint. Neque fieri posse, ut de morbis suis aut propriè, aut intelligenter loquantur ipsi, aut alios, præsertim medicos, loquentes intelligant. Galenum, Hippocratem, Dioscoridem, Auicennam non legi: si interdum sententias eorum afferam, aliorum fide eas recitantium afferam. Recentiorum quorundam libellis si uterer, idq; intra modum, & valde modicum, satis factum fore lectori, finem meum perspectum habenti, omnino putavi.

DE RE FVNEBRI.

MORS est ultima rerum linea, qua nullum caput fugit: moriendum omnibus, quicumq; nati sunt. Quamobrem cum priore parte colloquia fecerimus de primis rerum lineis, qua sunt quatuor principiorum genera, unde res omnes ad ortus cientur, atq; adeo calum, & mundus ipse, ut est à Deo conditus (nam Deus ipse nullo est in ordine reponendus, & exsuperat non solum quamcunq; naturam, verum etiam omnem sensum, & à semetipso tantum capitur) par visum nobis, etiam de hac postrema linea contexere dialogos: & tamen si in medio multa reliquissemus, quia


quia mens nunquam fuit, sub stylum omnia deuocare, saltem extrema nostra non tacere: siquidem Christianam militiam sectamur: Christianos autem aequius est de morte & occasu huius lucis cogitare, loqui, scribere, quam eos, qui vel credunt, vel olim crediderunt animos cum corporibus extinguui, & omnia morte deleri, atque, ut aiunt sacrata litera, unum esse interitum hominum & iumentorum. Mihi spes magna fuit, quamquam in tristi materia, non defuturam lectoris iucunditatem, ex perceptione nimirum antiquitatis, cuius ritus funebres cognitu delectant. Sunt autem tam multi, & varij variarum gentium, ut totis libris vix possint explicari. Præterea istuc quoque non pono in desperatis, posse aliquem ista lectione rerum funerarum & doctiorem, & moribus meliorem fieri.

DE MISCELLIS.

APERVI antea rationem, quare postremo loco miscellos dialogos adiungerem, & id denuo facturum recorder fui pollicitum: qua sponsione nunc exeo: & si forsitan animum tuum priora defatigarint, offero diuersorium, in quo requiescat. Scis enim nihil æquè ad lenandos animos, ut varietatem conducere. Interim hinc quoque antiquarium te reddere sum conatus, dum mores gentium, dum priscos ritus, dum formulas veteres, dum temporis partes utcunque persequor. Fas erat in hac classe progredi vel trecenta milia: capit enim diuersitatem omnem, & eam eius inscriptio promittit, confusam tamen, & indistinctam:

sed confidebam, quod mihi placuisset & de argumen-
 tis, & de numero, id tibi peraque placiturum. Deus
 vota secundet. Interea valebis mi optime, & candi-
 distime lector, & me amabis: quaq̃ affecta habeo, &
 intus posita themata oratoria pro Christiana, & ciui-
 lis eloquentia studiosis, non minima diligentia, ma-
 gno certè numero, & omnigena uarietate è plurimis
 auctoribus conquisita, & disposita, unà cum orationi-
 bus meis expectabis: & si hoc volumen tibi, perinde
 ut prius magnum videbitur, recordare quid in episto-
 la quadam Plinij legeris. Statuas, signa, picturas, ho-
 minum deniq̃, multorumq̃, animalium formas, arbo-
 rum etiam, si modo sint decora, nihil magis quam
 amplitudo commendat: idem orationibus euenit:
 quin etiam voluminibus ipsis auctorita-
 tem quandam & pulchritudi-
 nem adiicit magni-
 tudo.





INDEX

PROGRAMMAS-

MATV M.

DE RE ARCHITECTO-

NICA.

I.	<i>Praconium architectura, partes, modellus.</i>	PAG. I
II.	<i>Architectus descriptus.</i>	12
III.	<i>AEdificiorum primordia, progressus, genera.</i>	10
IV.	<i>AEdificiorum partes communes.</i>	19
V.	<i>Structura principia, seu copia ad aedificiorum comparationes necessaria.</i>	63
VI.	<i>AEdificationes operum publicorum, ac primum Urbis.</i>	79
VII.	<i>Arx, templum, monasterium, curia, ades magistrarium, ararium, forum.</i>	116
VIII.	<i>Academia, theatrum, balnea, nosocomium, carcer, cloaca</i>	144
IX.	<i>Via, castra, nauale, portus, pontes, sepulcra.</i>	181
X.	<i>Privata aedificia.</i>	193
XI.	<i>Examen architectonicum, seu analysis architectura.</i>	198

DE RE POLITICA, SIVE

POTESTATES.

XII.	<i>De magistratu ως εν δημοκρατίαις disputatum, & de regali dignitate.</i>	208
XIII.	<i>Consultatio Persica, de optimo genere imperij.</i>	232
XIV.	<i>Sacra Romanorum potestates, siue sacerdotia.</i>	251
XV.	<i>Senatus Romanus, & senatus consultum.</i>	293
XVI.	<i>Ciuites Romanorum potestates liberae Repub.</i>	320
XVII.	<i>Ciuites Romanorum potestates mutatae Repub.</i>	

I N D E X.

XVIII.	<i>Ministri magistratum.</i>	387
XIX.	<i>Nun sint è Repub. perpetui magistratus.</i>	396
XX.	<i>Meliora esse legum imperia : tum de legibus Uniuersè, mox de Romanis.</i>	403

DE RE MILITARI.

XXI.	<i>Toga militiæ comparatio.</i>	414
XXII.	<i>Armamentarium, seu instrumentum militare.</i>	436
XXIII.	<i>Probatissimus miles.</i>	467
XXIV.	<i>Romanorum Virtus, & disciplina militaris.</i>	495
XXV.	<i>Artes imperatoria, seu officium Imperatoris.</i>	527
XXVI.	<i>Strategemata, & apophthegmata militaria.</i>	553
XXVII.	<i>Milites gloriosi.</i>	570
XXIIX.	<i>Vrbis Troia excidium.</i>	585
XXIX.	<i>Triumphus Romanus, & onatio.</i>	614

DE RE NAVALI.

XXX.	<i>Vita nautica.</i>	638
XXXI.	<i>Inuentio, notatio, multiplex usus, materia, genera nauis.</i>	654
XXXII.	<i>Nauium partes, & armamenta.</i>	667
XXXIII.	<i>Magisteria, ministeria nautica, & tutela nauium.</i>	676
XXXIV.	<i>Loquendi forma, & prouerbia à rebus nauticis.</i>	681
XXXV.	<i>Tempestas, siue naufragium.</i>	689

DE RE CVLINARIA.

XXXVI.	<i>Oeconomus.</i>	701
XXXVII.	<i>Obsonator.</i>	706
XXXIIX.	<i>Cocus.</i>	710
XXXIX.	<i>Coquinaria partes.</i>	715
XL.	<i>Coquinaria amplitudo : & epulum, seu lautitia rusticana.</i>	723
XLI.	<i>Iussa, & vituperatio culinaria.</i>	731
		XLII

I N D E X.

XLII.	<i>Quasita.</i>	737
XLIII.	<i>Coculus ebrius.</i>	740
XLIV.	<i>Syluula culina Vocum.</i>	745
XLV.	<i>Esculenta, seu rescibaria.</i>	748
XLVI.	<i>Secunda mensa, & poculenta.</i>	762

DE RE MEDICA, ET

MORBIS.

XLVII.	<i>Morborum agmina, & laus medicorum.</i>	767
XLIIIX.	<i>Præcepta tuenda sanitatis, & conseruatiua partes.</i>	779
XLIX.	<i>Medicamenta simplicia.</i>	790
L.	<i>Medicamenta composita.</i>	797
LI.	<i>Morbidi duo, & laus podagra.</i>	804
LII.	<i>Phlebotomia, seu missio sanguinis.</i>	813
LIII.	<i>Morositatis agrosantium.</i>	820
LIV.	<i>Chirurgica quarimonia.</i>	825
LV.	<i>Apologismus pro medicis.</i>	832
	<i>Appendix Elegantiarum, præcipue Cornelij Celsi, spicilegium, per locos communes.</i>	838

DE RE FVNEBRI.

LVI.	<i>AEquo libentiq; animo è corporum Vinculis euolandum, & defunctos Vista moderatè lugendos.</i>	851
LVII.	<i>Curatio corporis ex animi, priusquam efferreretur.</i>	869
LVIII.	<i>Funerea Vestimenta, & tempus luctui præfinitum.</i>	875
LIX.	<i>Apparatus & pompa funerum.</i>	883
LX.	<i>Flosculi, herba odorifera, ferta, corona quibus anima exuti cohonestantur.</i>	890
LXI.	<i>Mortuos terra cõmendandos, & cæmeteria.</i>	900
LXII.	<i>Genera, materia, forma sepulchrorum.</i>	910
LXIII.	<i>Legitima sepultura negata, & exhumatio.</i>	916
	LXIV.	

I N D E X.

LXIV.	<i>Qua solerent Enà sepeliri.</i>	913
LXV.	<i>Epitaphia, sculptura, pyramides, columella, crues ad sepulchra.</i>	928
LXVI.	<i>Inferia, ludi funebres, bene precari mortuis.</i>	936
LXVII.	<i>Ostium humanorum salutaris contemplatio.</i>	941

MISCELLA PROGYMNAS-

MATA, SIVE CHAOS.

LXVIII.	<i>Gnomica, seu philosophorum sapienter dicta.</i>	950
LXIX.	<i>Quatuor philosophorum familiae.</i>	964
LXX.	<i>Mores gentium.</i>	990
LXXI.	<i>Sacrum florilegium.</i>	1029
LXXII.	<i>Supplicia sanctorum Martyrum.</i>	1057
LXXIII.	<i>Salus.</i>	1066
LXXIV.	<i>Prisci ritus.</i>	1079
LXXV.	<i>Formularum Veterum ecloga.</i>	1101
LXXVI.	<i>Chronica, sive explicationes temporum.</i>	1128
LXXVII.	<i>Venatio, aucupium, piscatus.</i>	1151



Erratorum correctio.

PAg. 3. versu 2. Lurida. 6. 16. Ex parietinis. 7. 14. post sex, pone comma. Ibid. 22. ichnographia. Iterum 8. versu 1. 11. 20. migrate. 19. 23. polum. 31. 28. sum. 37. 15. An. 38. 17. post abstinendū, comma. 39. 2. con. Ibid. 12. post pulchritudine, adde, &. Ibid. 27. famā. 50. 11. Αὐδῶσι. 61. vlt. sexto. 66. 10. nolunt. 69. 20. affecta. 81. 15. ne. Ibid. 28. hoc. 86. 2. fœdissimis. 87. 11. serarij. 89. 29. eorundem. 94. 22. videbunt. 95. 23. labefactata. 101. 15. honorem. 103. 10. Eustathius. Ibid. 15. post appellationes, adde, ε. 107. 15. ἐχρόμυλαι. 111. vlt. Tam. 112. vlt. fessi. 121. 27. an. 125. 2. obeundorum. 128. 13. nihil æque. 130. penult. Gaditano. 132. 14. seueritate. 133. 8. διακονικόν. 142. 24. Cilicia. 144. 13. venibant. 151. 20. iniecere. 158. 5. vnciam. 165. 27. propnigium. 168. 14. Locum. 169. 18. cis. 174. 25. obedientissimi. 175. 16. lenonis. 178. penult. contaminant. 179. 3. complerant. 191. 24. repurgare. 200. vlt. parietes. 207. 26. sed. 226. 3. senex. 228. 26. rectorio. 248. 3. indicis. 268. 16. dissensiones. 275. 1. Potitii. 281. 14. talem. 285. 16. direxit. 318. vlt. te. 331. 17. tua. 340. 6. Hæc. 341. 3. proponebat. 344. 8. Priuatarum. 351. vlt. Thessalonicum. 359. 26. res. 360. 10. Hos. 371. 23. ni. 389. 5. Hæc. 397. 19. repeteret. 415. 21. spectio rem. 427. 17. post doleo, pone, E. 435. 8. vnum. 436. 21. arma. 454. 20. machinas. 455. 11. alteram. 469. 9. Pompeiani; . 491. 22. Marlianus. 504. 11. factum. 509. 12. millium. 520. 20. venibant. 528. 13. Ciliciam. 541. 21. conferendam. 550. 5. Pompeium. Ibid. penult. in. 554. 29. adde, in periculis. 556. 12. distinguuntur. 564. 14. persequendi. 573. 20. huic. 575. 7. lege in nostrum. 579. 26. hominum. 588. 1. vtrinq;. 600. 7. adde, efferres. 606. 1. est carmen: proinde minutulis scribendum. Ibid. 2. exeat. 609. 4. Paris. 642. 4. perpurgantur. 643. 19. Tityos. 648. 4. eandem. 658. 9. vinarias. 674. 16. Item. 693. 6. vt. 697. 20. à. 699. penult. eodem. 703. 9. charissimi. 713. 16. mores. 715. 7. delectetur. 717. 7. nempe. 734. 14. iurulentum. 737. 9. prænoscere. 741. 25. &. 753. 24. pustulæ. 755. 20. acetabula. 757. 1. abstinatum. Ibid. 4. quod. Ibid. 10. passerinum. 762. 2. MA-

GISTER, pro MISTYLLVS. 764.7. meracum. Ibid. 17. con-
 sulare. Ibid. 29. nolūt. 770.1. caninus. Ibid. 26. hydrops. 783.
 27. naturā. 784.12. nacta. 797.6. flaccescat. 811.24. & 25. Quā.
 815.17. dicebat. Ibid. vlt. anima. 817.25. ita lege. mollire: de-
 mi vero materiē sanguinis detractiōe. 819.8. quoque. 829.
 29. torculatum. 837.1. vt. 845.20. summo. 847.15. en. 860.7.
 fata. 861.1 in publicum. 871.28 liberari. 880.9. gens. Ibid. 11.
 non potest. 882.23. pugnantem. 888.1. agnationis. 903.21.
 extructa. 925.3. natus. 931.20. solida. 935.2. venustatisq; 936.
 vlt. mortuis. 941.4. rogum. 954.16 legisset. 968.20. aērē. 971.
 26. ædificārat. 982.28. hoc. 984.21. est. 995.19. deriuabis. 997.
 3. frumentiferam. 1000.13. pateram. 1001.3. A. 1004.11. Di-
 uortij. 1020.30 ære. 1029.7. latine. 1034.33. præcurrunt. 1037.
 15. alicui. Ibid penult. sacrificantis. 1038.21. continente.

Quia Dialogorum latinitatis voluminis
 tertij R. P. Iacobi Pontani pars poste-
 rior priori, si latini sermonis elegātiā
 & doctrinæ grauitatem erudiendæ iu-
 uentuti catholicæ cum primis vtilem
 & necessariam spectes, respondet: ideo
 longe dignissimam esse iudicaui, quæ
 in lucem edita, longè latèq; publicetur.

PETRVS STEVARTIVS
 Leodius Theol. Ingolstadij
 Professor & Acad. hoc tem-
 pore Rector.



PROGYMNAS-
MATVM LATINITATIS,
SIVE DIALOGORVM
VOLVMINIS TERTII

Pars posterior.

DE RE ARCHITE-
CTONICA.

PROGYMNASMA,
SIVE DIALOGVS
PRIMVS.

*Praeconium architecturae, par-
tes, modellus.*

MESSIVS, DRVSVS.



ESSIVS. Frequens ego in cam cogita-
tionem venire solco, mi Druse, & tibi
sæpius eandem oboriri auguror, archi-
tecturam nostram artificio, impensa,

A

pulchri-

pulchritudine, magnificentia, perennitate stru-
cturarum reliquas artes anteire omnes, quæ qui-
dem citra vsuram manuum, sola ingeniorum ap-
plicatione sollertiaq; quod intendunt moliri at-
que perficere nequeunt, & eò *μνησιν* appelli-
tantur. Verùm hæc quondam fuere: haud secus,
quàm totalia alibi præclarissima & maxima, quæ
hoc nostrò æuo aut nulla sunt: aut cum multa lu-
cis ac nobilitatis suæ imminutione sunt. D. Sæ-
pius, vt dicis, ista ego mecum: nec minus sæpe il-
lud, quod à Tullio scriptum legere memini, cum
è pueris excessissem. Oratorum laus, inquit, ita
ducta ab humili venit ad summum, vt iam, quod
natura fert in omnibus fere rebus, senescat, bre-
uiq; ad nihilum ventura videatur. Commute-
mus vocem primam, vt sit, Architectorum: om-
nia deinceps iisdem ac totidem verbis de nostra
natione pronuntiauerimus. A tuguriolis paupe-
ribus, & angustis casulis ad domunculas & ædi-
culas: ab his ad domos & ædes capaciores: ab ædi-
bus ad vicos: à vicis ad oppida, ad magnas vrbes
processit gradatim ædificatio. Si in plura sæcu-
la genus hominum propagabitur, verendum for-
tasse, ne desertis vrbibus rursus in agris, monti-
bus, syluisq; dispersum ac dissipatum bestiarum
ritu vitam sibi producat, & ad primævas ædifi-
catiunculas reuertatur. Tam infestis concurritur
odiis: fraudes, doli, insidiæ veritatem, fidem, pu-
dorem subuerterunt. Ardent bellis ciuilibus pro-
uinciæ: hospitum reuerentia periit: soceri à ge-
neris malè metuunt: in diem, & ex rapto à mul-
tis viuunt.

Immi-

*Imminet exitio vir coniugio, illa mariti:
 Lucida terribiles miscent aconita puerca.
 Filius ante diem patris inquisit in annos:
 Vixta sacet pietas.*

M. Malum istuc non temere in metu habes. Interim si quis omnium sæculorum spectata serie, artem in qua nos studemus excellere, laudibus exornare volet, non erit diu in conquirendis locis argumentisq; occupatus. D. Non erit: docere siquidem in promptu est, publicè priuatimq; opportunissimam, gratissimam esse mortalibus & dignitate certantem cum primis. Haud enim principiò vagos & palabundos homines alia res quàm tectorum parietumq; necessitas & commoditas congregauit, atque vnà continuit. Solis ardores nimios defendere, mordentia frigora pellere, labentes de cælo tempestates arcere necessario debuerunt: id sine habitationibus & receptaculis quì tandem assequerentur? an more talparum sub terra sibi cubilia foderent? Hæc ipsa corporum tuèndorum necessitudo communium propriarumque vtilitatum deinde quasi parens fuit. Certè in amplis vrbus inclytarum familiarum nomen, & memoria vetustate abiisset, nisi penates patrij eas tanquam in gremio auorum suorum seruauissent. Gestationes, vehicula, natationes, thermæ, aqueductus, trophæa, delubra & alia quam plurima ad curationem valetudinis, ad exercitationem religionis, ad fructum posteritatis quoque non mediocriter pertinentia, nostræ artis inuenta sunt. Rupes præcidere, montes perfodere, con-

ualles complere, paludes exsiccare, ostia cursusq;
fluminum dirigere, naues, pontes, portus ædifi-
care, nostræ demum artis opera sunt: sine quibus
ad alias gentes aditus sæpe non patuisset: regna
transmarina semper incognita & inexplorata
mansissent: nec vllum insulani cum mediterræ-
neis commercium extitisset: nec orbis cum or-
be contraxisset. Tot rebus quibus vitæ vsus in-
diget careremus: non varios fructus, non aroma-
ta, non gemmas & lapillos haberemus: non mo-
res peregrinos, & variorum instituta populo-
rum nossemus: non tam multiplici rerum noti-
tia excelleremus: & quod negligendum non est,
prudentia tantum non valeremus. Quid? ad pa-
triam defendendam, ad libertatem tutandam,
ad opes conseruandas, ad decus retinendum, au-
gendum & firmandum, nonne tormenta, & ma-
chinæ multimodæ, turres, arces, propugnacula
postulantur? at hæc architectura suo iure vendi-
cat: cuius potissimum ope vrbes diu circumsessæ
oppugnataq; tandem expugnata & captiua fa-
ctæ sunt. Nam quæ militem quantumuis tunica
coopertum adamantina, & telis instructissimum
nihili pendebant, fretæ suis viris atq; viribus, ba-
listas, arietes, catapultas, quarum emissionibus
percussionibusq; mœnia lacerabantur, tectaque
perrumpebantur, cōtemnere neutiquam potue-
runt. Probauit se in obsidionibus architecti inge-
nium, à quo etiam obsessi salutem & incolumi-
tatem sæpenumero petiuerunt. Si nos ad expe-
ditiones conuertamus, plures victorias archite-
ctorum peritia, quàm Imperatorum prudentia
compa-

comparatas : crebriusq; hostem illorum machinationibus, absque horum armis, quàm istorum ferro absq; illorum consilio victum : & nonnunquam tantillis copiis, nullo desiderato milite, ingêtes exercitus superatos ac deletos inueniemus. M. Omnia tibi nimio libentius assentior : & cum hæc permagni facio, tum illa quoq; miranda duco : quod neminem video, qui, si facultas modò non desit, non præseferat, palamq; ostendet ædificandi studium. Enimuero illud præter alia miramiror maximè, cur in architectonicis cogitationibus adeo libenter & iucundè versemur, & si qd ædificatorium cōmentari potuerimus, non quiescamus, donec id enūciauerimus. D. Natura, vsus & opportunitatis hominū cupida nos tacita videtur huc impellere. M. Quid quod non rarò foris alia curantes agentesq; intus, id est, cum ipsa mente aliquid architectamur, extruimus, aut destruimus? In ædificiis alienis inspiciendis & cōsiderandis quàm diligentes, & curiosi sumus? Altitudines, latitudines, formas, symmetrias, lumina perpendimus, & pro suo quisq; iudicio adiungenda, adimenda, mutanda notamus : & non rogati etiam super his monemus, quò pulchrius & cōmodius euadat ædificium : quibus rebus quamquam ad nos nihil pertinent, tamen recreamur, & probè descripta, ac bellè cōdita dulci quodam sensu intuemur. Fit item nescio quo modo, vt operum, & inprimis publicorum laudes vitiaq; admodum pateant, in promptuq; sint : in quibus non tam ad se trahit quod pulchrè positum, & omni ex parte absolutum, & admirandum, quam

alienat, & ad despiciendum mouet, quod indecens, & imperfectum est. Iam quis memoriæ suæ post mortem tam reperitur inimicus, vt non delectetur eam per ædificationē immortalem quodammodo reddidisse? non enim præsens duntaxat, sed futura etiam, & duratura multis sæculis gloria in ædificando quæritur: arbitranturq; se in regia sedere, qui domicilium paulò insignius ædificatum colunt. Commendantur à prudentibus, qui cum commoditate speciem in extructionibus ornatumq; coniungunt, & in hoc pecuniæ suæ fructum collocant: nam & sibi suisq; dupliciter prosunt: & vrbs dignitatem atq; elegantiam cumulant. Delon insulam magis aspectu suo, & augusta fani specie, quam Apollinis oraculo celebratam aiunt. Exparietinis & reliquiis antiquæ illius magnificentiæ hoc à nobis impetrarunt historici, vt eorum narrationes fidem & auctoritatem habeant: quo etiam Romanæ Reipub. & veteris imperij permultum creuit existimatio. Quem porro vlla in ætate potentem ac sapientem extitisse Principem legimus, cui inter primas curas extendendi nominis, quærendaq; apud postera sæcula perpetuitatis res ædificatoria non fuerit? Quid verò non debet Respub. nostræ scientiæ? per quam hoc adipiscitur, vt in amcenitate, & salubritate otium suum, in lucris negotium agat: vtrobiq; autem & absit à periculo, & decus consequatur. Eò minus mirum videbitur, si non postremum in his architectum duxerimus, qui cum de humano genere bene mereantur, honores ab eo, & præmia amplissima perci-

percipiunt. Is cum sit omnium commoditatum inuentor, & ei plurimum à communi deberi constet, illud tamen in ambiguo relinquitur, à qua nam hominum conditione, à qua Reipub. aut ciuitatis parte, à publicis ne, an à priuatis, à sacris an à profanis, ab otio, an à negotio, à singulis, an à genere vniuerso plus ei debeat. D. Dici hæc summam possent, opinor, si quis à nobis artificibus artis nostræ aliquam laudationem expeteret: nec valde in hoc oratoris lingua egeremus. Nam vnumquemq; in eo quod sciat satis esse disertum Socrates aiebat.

Quomodo autem alicui interrogati partes eius sex quam breuiter explicaremus? Sex enim constituuntur, vt nosti. Ordinatio, græcè *τάξις*, dispositio *διάθεσις*, eurythmia, symmetria, decor, distributio siue œconomia. M. Sic agerem cum huiuscemodi interrogatore. Ordinationem volumus esse modicam membrorum operis commoditatem, separatim, vniuersæq; proportionis ad symmetriam comparationem. Dispositionē aptam rerum collocationem: cuius tres sunt idæ siue species: iconographia, orthographia, sciographia, seu scenographia. Ab operis vestigio prima vocabulum ducit: ea in solis arearum formę describuntur. Altera est recta frontis imago, modiceq; picta rationibus operis futuri figura, siue ea sit frons interior, siue exterior. Tertia est frontis & laterum abscedentium adumbratio, ad circiniq; centrum omnium linearum responsus. Seu, est vniuersi tecti (quod Græci scenam dicunt) deformatio, non frontis tantum, vt orthographia: non areæ duntaxat, vt

iconographia. Quinetiam operis suscepti simulacrum & formam fabricari solent è ligno, quem modulum seu modellum cognominant: eo fine, vt futura errata deprehendant, paruoq; negotio iis anteuertant. Sculptor è cera prototypum, plastes è creta proplasma fingit. Ipsa ars typorum & formarum fingendarum proplastice dicitur. D. De modulo, cuius mentionem habuisti, libet tecum pluribus: sed vbi locum de partibus absolueris. M. Eurythmia est venusta species, commodusq; in compositionibus membrorum aspectus. Ea nascitur, cum membra operis conuenientia sunt, altitudinis ad latitudinem, latitudinis ad longitudinem, & ad summam, omnia symmetriæ suæ respondēt. Est autem symmetria ex ipsius operis membris conueniens consensus, ex partibusq; separatis ad vniuersæ figuræ speciem ratæ partis responsus: Decor est emendatus corporis aspectus, probatis rebus compositi cum auctoritate. Distributio est copiarum locique commoda dispensatio, parcaque in operibus sumptus cum ratione temperatio. Hæc de partibus à me allata paulò implicatiora, & subobscura esse fateor: tamen lucem eis dare maiorem haud potui. D. Non intelligant aliquod mysteriorum nostrorum cæteri: sint eis quædam difficilia maneant quippiam interdum haud intellectum: nihilominus talibus sermonibus vel audiendis, vel legendis ad cognitionem architectonicam non mediocriter proficient. Quod in aliis facultatibus fieri æquè potest.

Sed de modulo cogitanti mihi, laudandus videtur magnopere mos iste, vt scilicet non lineis

tan-

tantum & pictura, sed ligno quoque aliâue materia ædificij instituendi exemplar tanquam proplasma effingatur & fabricetur. In quo vniuersum opus singulæque partes, & earum dimensiones, numerus, ordo, omniumque rerum ad ædificium siue constituendum, siue exornandum spectantium, parietum, tectorum, conclauium columnarum, capitulorum, basium, coronarum, fastigiorum, crustationum, statuarum, &c. facies perpeditur, & examinatur. In modulo nulla cum iactura adiungere, detrahere, immutare, peruertere integrum est. Impensarum explicatio potest iniri ratio, dum in huiuscemodi simulacro propositæ ædificationis latitudo, altitudo, crassitudo, amplitudo, forma, species, qualitas ante consideratur. Nec apparet quidquam in opere vel minimum, quod non & quid, & quale, quas sedes, quantû spatij occupaturum esset, & cui rei seruiturum, ex modulo diligenter pensitato, recognito, & emendato etiam cognitum prius fuerit. M. Sanè quidem ob ista quæ attulisti laudabilis est hic mos, quia perutilis. Verùm ad laudes moduli addenda est adhuc alia, vt scis. D. Vt careat exquisitiore artificio: nec magis fabri in eo manus, quam inuentoris ingenium commendetur. Nolumus esse politû, coloribus fucatum, picturis decoratû: nudum potius ac simplicem: non enim ad oblectandos detinendosque oculos, sed ad occupandos in partium disquisitione animos fieri consuevit. M. Optimè, quod abusum qui increbuit castigandum putauisti.

ANNOTATIONES.

TVGURIOLIS, ET CASVLIS) Tuguria à
 tecto appellata, domicilia rusticorum sordida.
 Verrius. Casa est agreste habitaculum, palis atq; vir-
 gultis arundinibusque contextum, quibus possint se
 homines tueri à vi frigoris, vel caloris iniuria. Isid.
 TORMENTA ET MACHINAE) Machinatio-
 nem architecturae partem tertiam facit Vitruuius
 lib. 1. cap. 3. quam explicat lib. 10. Sic autem definit.
 Machina est continens ex materia coniunctio, ma-
 ximas ad onerum motus habens virtutes. Machi-
 narum porrò de quibus nos loquimur, alie sunt op-
 pugnatoria, de quibus idem cap. 19. 20. 21. alie repu-
 gnatoria, de quibus cap. ult. eiusdem lib. FIT ITEM
 NESCIO QVO MODO) Iusta causa admirandi,
 cur instigante natura docti indoctiq; omnes in arti-
 bus & rationibus rerum quid nam insit aut recti, aut
 prauis confestim sentiamus. In quibus rebus praesertim
 sensus oculorum acerrimus est. Ita si quid se obtule-
 rit, in quo aliquid curtum, claudicans, redundans,
 inane, aut inconditum sit, illico commouemur, & le-
 pidiora esse desideramus. Cur id accadat, non omnes
 intelligimus: tamen si rogemur, quae emendanda sint,
 dicere possumus: sed quonam modo, id non omnes
 possumus, quia peritorum in ea re proprium id est.
 Bene quidem consulti est omnia praecogitasse, & ani-
 mo praefinisse, ne in opere aut perficiendo, aut iam
 absolute

absoluto dicendum sit: hoc noluissem: illud maluissem. Nec verò leues pœnas malè constructi operis pendimus. Quod. n. nos temerè & inconsultò aggredi initio non videbamus, temporum successu tādē recognoscimus. Ex quo fit, ut aut aeternum ob erroris offensam pœniteat, si non deleatur ac emendetur: aut si destruat, impensarum & iacturæ ratio, iudiciūq; leuitas & inconstantia damnetur. Hactenus istis pæne verbis Leo Baptista Albertus cap. 1. lib. 2. de re ædificatoria. Quo scriptore ob egregiam veteris memoria cognitionem, prudentiamq; plurimum afficere confiteor. Cum quo mihi commune esse in his dialogis velim, quod de suis scriptis architectonicis ipse ait lib. 3. Id satis dictum latine, quod cum aptè ad rem dicitur, tam apertissimè intelligitur. INTER PRIMAS CVRAS) Notum est epigramma Martialis in amphitheatrum Vespasiani, lib. 1. De insana ædificatione Neronis iactatum fuit illud in eundem, quod refert Sueton. cap. 39.

*Roma domus fiet, Veios mi grate Quirites,
Si non & Veios occupat ista domus.*

TANQVAM PROPLASMA) Archelai proplasmata refert Plin. lib. 35. cap. 12. pluris venire solita artificibus ipsis, quàm aliorum opera. Ibid. Pafitelem affirmat, qui plasticen matrem statuaria, sculpture, cœlatura dixerit, cum esset in eis omnibus summus, nihil fecisse, antequam finxisset. Formare autem est Vitruvius, quod vulgo modellum facere.

PROQ.

PROGYMNASMA

SECUNDVM.

Architectus descriptus.

I I D E M.

MESSIVS. Si quis ad te veniret, Druse, homo sciendi auidus, seq; voluntate summa auditurum abs te cōfirmaret, quibus scilicet rebus architectonicen nostram circumscriberes, & quam variis eam doctrinis vestitam atq; instructam esse oportere sentires, quas tandem ei tuo iudicio partes cōcederes? quid illi, quoue pacto responderes? D. Egone? Vbi docuisssem componi & conflari architectandi artem ex fabrica, & ratiocinatione, fabricamq; definiuisssem, continuatam & tritam vsus meditationem, quæ manibus perficeretur è materia, cuiuscunque generis ad propositum deformationis opus esset: ratiocinationem verò, quæ res fabricatas sollertia ac ratione proportionis demonstrare atque explanare posset: hæc, inquam, cum fecisssem, tum alterum eorum quæ in quæstione attulisti, sic euoluerem ac declararem, vt ipsum architectum contemplandum proponerem. In quo cum esset intellectum, quas inesse disciplinas conueniat, vel potius necesse fit, non amplius exquirendum videretur, cum quibus artibus haberet facultas nostra commercium. M. Fac me talem percunctatorem ad te adire. D. Ludum tu mihi offers, quæ
animi

animi causa cur non ludamus? M. Ergo ludamus. D. Qui primum locum inter domorum extruendarum artifices tenet, & quid facto opus sit fabris mandat, architectum dicimus, ô bone: nec solum literis eum ac rationibus confidere ac niti postulamus, ne magis umbrâ rei, quam rem confectetur, ac persequatur: nec contra imprudentem doctrinâ liberalis in manibus duntaxat gestare artificium: quod sic minimè labores æquatura est auctoritas. Quapropter viuido & per quam acrisit ingenio: Grâmaticam deuorarit, Graphidem, Geometriam, Opticen, Arithmeticam, antiqua tempora nouerit, philosophoseuoluerit, aliquod Mûsicæ ac medicinæ studium dederit, iuriconsultorum responsa didicerit, Astrologiam demû gustauerit. M. Hem, dicet idiota ille, cuius ego personam per simulationem indui: permira sunt quæ audio, gazam diuitem nominas: causas singulorum abs te expiscabitur. Tametsi non propriè idiota dicendus est, qui cum nostra ignoret, literas tamen non ignorat. Sed nos magistri verborum non sumus. D. Et dabitur, quod optabit, summatim ac breuiter. Lectionibus architectus sustentare & alere memoriam debet. Linearum ductu promptius ac melius quàm verbis quorûlibet operum speciem oculis exhibet. A Geometria euthygrammi ac circini vsum, normarum, librationum, & linearum directiones mutuatur. Lumina à certis cæli spatiis per Opticen in ædificiis capiuntur. Eorundem sumptus, ac mensurarum rationes Arithmetica expediet: citra cuius opem perdifficilis ac perobscura est nōnullarum
sym-

symmetriarum probatio. Quem autem fugit, architectos eiusmodi argumentis condecorare consueſſe ædificia, quorum auctores præter rerū explicatores hiftoriāq; veterem proferre nullos poſſunt? quamquam talium ornamentorum copiam longè plurimam illis, perinde vt pictoribus, cælatoribus, ſculptoribus, poetarum fabulæ ſufficiunt: Philoſophia altum donat animum architecto, & aduerſus arrogantiam, cupiditatem, inhumanitatem obſtinatum: ad facilitatem autem, abſtinentiam, æquitatem, fidelitatem mirè propenſum. Extrahit nempe philoſophia expellitq; vitia radicitus, & virtutibus pectus conſerit: quarum æquè, vt laudandarum artium procreatrix atq; mater vocitanda eſt. Pars illa in qua viget perſpicientia contemplatioq; naturæ, quod multiplices in ædificationibus designandis, & in aquarumductibus quæſtiones naturales obiiiciuntur, abeſſe etiam non poteſt. Muſices nòtitia ideo requiritur, quòd (vtar verbis Vitruuianis) architecti naturæ veſtigia perſecuti, indagationibus vocis ſcandentes theatrorū perfecerunt gradationes: & quæſierunt per canonicam mathematicorum & muſicam rationem, vt quæcunque vox eſſet in ſcena, clarior & ſuauior ad ſpectatorum perueniret aures. Idem ad baliſtarum, catapultarum, ſcorpionumq; temperaturas rationem muſicam eſſe neceſſariam ſtatuit. M. Mirabitur in hoc, cuius nomine tecum confabulor, & quæret, cur in architectura tormentorum ſeu machinarum iſtarum verſetur appellatio. D. Repente vaneſcet miratio, ſi audierit, eius tres principes
 gene-

generalesq; partes constitui: ædificationem scilicet, gnomonicon, & machinationem: de quarum prima disputat noster Pollio octo libris à principio: de altera libro nono: de postrema libro decimo. M. Et medica scientia cur opus est? D. Cur? propter inclinationes ætheris, quæ dicuntur climata, & cælum locis aliis salubre aut salubrius, aliis insalubre, insalubrius, pestilens: quæ diuersitas architectorum consilia moderatur. Communes parietes, stillicidia, cloacæ, lumina, fenestræ, demolitiones, aquarumductiones, aliæq; similia iurisprudentiæ gnarum esse cogunt, vt ante locatori & conductori caueatur, quàm constructio inchoetur, tollaturq; omnis opere ad vmbilicum perducto litium & controuersiarum materia. Astrologia oriëntem, & occasum, mēridiem, septentrionem, æquinoctia, solstitia, astrorum cursus ad horologicam rationem necessaria tradit. Attamen quamuis horum indigeat, non idcirco oportet esse in Grammaticis Aristarchum, in Muscis Aristoxenum, in pictura Apellem, in medicina Hippocratem. Quid ergo? Non erit agrammatus, non amusus seu amusicus, non insciens graphidos, non plastices: siquidem cænationum lacunaria, & camerarum imum cælum nonnunquam aliquantò ornatius opere coronario siue prominenti, siue retuso & castigato, siue introrsus impresso distinguet ac cælabit. Insuper sigilla & imagines seu statuas paruulas in fastigiorum acroteriis disponet, aut in ædiculis semitundis in pariete, siue scaphis: quomodo eas ob similitudinem nominare licebit. Iam in medicis
rebus

rebus non erit ἀνιστελογικός. Demum in reliquis
 literarum generibus, quantum eius propria fa-
 cultas poposcerit, tantum rationes earum partes-
 que, id est, moderatè cognoscet. M. Patet omni-
 no, quibus comitata sodalibus ars nostra ince-
 dat. Sed mihi vnum quæsitum persolvas volo. D.
 Quod nam? M. Quia architectus nō tantum ma-
 nibus & usu, seu experientia, verū magnarum
 artium præterea instrumentis opus habet, & sci-
 entiam multis cumulatam eruditionibus exer-
 cet, num tu eū inter opifices rectius, an inter di-
 sciplinarum ingenuarum professores collocan-
 dum ducis? D. Ad hæc responsum do paucis. Fa-
 bricatio in opificibus eū esse cogit: ratiocinatio
 iisdem eximit. Ita erit bifrons quodammodo vt
 Ianus, & biformis vt Cecrops. Plato ait, nullum
 architectum vti manuum opera, sed vtentibus
 præesse. Ergo quibus præcepta dat, fabri & officii-
 natores dicuntur: & hi non semper intelligunt,
 quid faciant: architectus intelligit quid, & quam-
 obrem designet. Subseruiunt eidem plurimi fa-
 bri & opifices, vt cæmentarij, lapidæ, qui lapi-
 des & marmora poliunt, quiq; eadem, & colum-
 nas figuris & imaginibus, & emblematis exor-
 nant, laterarij, fictores, pictores, fabri materiarij,
 ferrarij, ferarij, &c. M. Percunctatorem me & as-
 sensorem hucusque fuisse, personamq; alie-
 nam egisse satis sit: de cætero asser-
 tor siam denuo.



ANNOTATIONES.

GRAMMATICAM DEVORARIT) *Has omnes scientias in Architecto inesse postulat Vitruvius, quem velut Cicero perfectum oratorem describit. Veruntamen eius sententiam eleuat & irridet, ut nimium multa complexam, Albert. Leo. Nos quæcum aliqua ratione dicta inuenimus, ea quam paucissimis verbis comprehendimus, ut Architectum tanto uberius laudaremus.* GRAPHIDEM) *Deformatio seu designatio futuri aedificij, quæ fit per ductus linearum, quibus tota scientia perficitur, vocatur graphis. Mallent eam nonnulli γραμμὴν appellari, quasi tu lineationem dicas. γραμμή scriptorum, pictorum, & sculptorum est. Cum de illis, descriptionem interpretaberis: cum de his postremis, designationem. Lineæ aliæ sunt rectæ, aliæ circulares, aliæ oblique: quomodo figura omnis aut recta est, aut circumcurrens, aut mixta.* EVTHYGRAMMI) *Hac voce afficitur regula, ad quam lineæ rectæne sint, an oblique exiguntur, uti ad circinum circulus, quæq; aliquam eius partem referunt.* LIBRATIONVM) *Libratio est libramentum. Perficitur genere quodam instrumenti, quo ad regulam uniuersa quæ in plano iacent coquantur.* LUMINA A CERTIS) *Lumen interdum, præsertim apud Inreconsultos, id est, quod lumen vel recipit, vel emittit, seu ipsa illuminatio. Cic. 1. de Orat. Quo quidem in genere familiaris*

noster *M. Bucculeius*, homo neq, meo iudicio stultus, & suo valde sapiens, & a iuris studio non abhorrens simili quodam modo nuper errauit. Nam cum ades *L. Fusio* venderet, in mancipio lumina, uti tum essent, ita recepit. *Fusius* autem, simulatq, adificari captum est in quadam parte urbis, qua modo ex illis adibus conspici posset, egit statim cum *Bucculeio*, quod, cuicunque particula cœli officeretur, quamuis esset procul, mutari lumina putabat. Hinc obstruere luminibus est altius adificando, vel obiecto pariete vicinis adibus lucem detrahere. Quæ vis est etiam illius, officere luminibus. Vterque modus loquendi in trāslatione venustatem habet. Cic. in *Bruto*. Nam ut *Philisti* & *Thucydidis* concisis sententiis, interdum etiam non satis apertis officit *Theopompus* elatione, atq, altitudine orationis suæ (quod idem *Eysia* *Demosthenes*) sic *Catonis* luminibus obstruxit hæc posteriorum quasi exaggeratâ altius oratio. Pro *Rabirio*. Nec illius animi aciem perstringit splendor sui nominis: nec mentis quasi luminibus officit altitudo fortuna & gloria. PER OPTICEN) Pars quadam Geometria, ait *Gell.* lib. 16. cap. 18. ὀπτική appellatur, quæ ad oculos pertinet. Pars altera, quæ ad aures, ἀκουστική vocatur, quæ *Musici* in fundamento artis suæ utuntur. Vtræque harum spatii & intervallis linearum, & ratione numerorum constat. ὀπτική facit multa demiranda, id genus, ut in speculo uno imagines unius rei plures appareant. Item ut speculum in

loco certo positum nihil imagnet, aliorum translatum faciat imagines. Item si rectius speculum spectes, imago fiet tua eiusmodi, ut caput deorsum videatur, pedes sursum. Reddit etiam caussas ea disciplina, cur iste quoque visiones fallant, ut quæ in aqua conspiciuntur, maiora ad oculos fiant: quæ procul ab oculis sunt, minora. RERUM EXPLICATORES) De Thucydide historico differens M. Tullius in orat. perf. At laudatus est, inquit, ab omnibus, fateor: sed ita, ut rerum explicator prudens, severus, gravis: non ut in iudiciis versaret caussas, sed ut in historiis bella narraret. Itaque nunquam est numeratus orator. Alias eidem rerum auctores etiam dicuntur, qui historias contexunt. Exempla de statuis marmoreis mulierum stolatarum, et Caryatidum pro columnis, de Persarum à Laconibus captorum simulachris sustinendo porticus tecto collocatis, periucunda est lectio Vitruvii lib. 1. cap. 1. PER CANONICAM) Lucē huic loco facit caput Gellij, ex quo supra quædam descripsimus. QUÆ DICUNTUR CLIMATA) Clima spatium est, seu plaga duobus parallelis interiecta, ἀκλίω, inclino: quod certo spatio inclinatur ad populum, siue declinet ab æquatore. LOCATORI ET CONDUCTORI) Qui dat adificandā domum, is audit locator: qui recipit, conductor, & à iurisperitis etiam redemptor. Locandi significatio manifesta est, inquit Nonius, ut aut operis locandi, aut fundi. M. Tull. epist. ad Cas. lib. 2. vel quod lo-

catio ipsa pretiosa. Idem in Verr. Frumētaria. Ac Senonis Meneni nobilissimi hominis uxoris fundus erat Colono locatus. Locare constituere. Virg. i. Aeneid. hinc alta theatri Fundamenta locant. Lucil. lib. 30. Virtutis hac tue artis monumental locantur. Locare, marito dare. Plautus Aulul. Virginem habeo grandem, dote cassam, illocabilem, Locare, parare. Lucil. lib. 28. Hac tamen commentus tela insidiasq³ locani.

PROGYMNASMA TERTIVM.

*Ædificiorum primordia,
progressus, genera.*

II D E M.

DRVSVS. De vita & moribus recentium illorum, mundo nimirum adhuc recenti ac tenero, mortalium, qui nihil ratione animi, pleraque corporum viribus administrauerint, diuinarum religionum, humanorumq³ iura officiorum nesciuerint, in immanem ferarum naturam immigrauerint, antequam se moenibus sepirent, plurimorum sapientum vna est eademque sententia. In his disciplinæ nostræ antistes Vitruuius, tenes, opinor, memoria, quam mira, & parum fortasse credibilia de ignis inuentione scripserit.

pferit. Nam quæ de primis tectorum constitutio-
nibus narrat, ea nolim arguere vanitatis. M. Te-
neo. Arbores densatas quatientibus ventorum
flabris ramos inter se collisisse, eo attritu flammæ
erupisse, quarum insolenti conspectu datos in ter-
rorem homines extemplo fugam capisse: mox
iis languescentibus adiuisse, sensu caloris iucundè
affectos alimenta lignorum adiecisse, ignem con-
seruasse. Hoc eum tam audacter ausum dicere,
nec formidasse, ne Prometheo irato vteretur, qui
apud Æschylum, cum aliarum rerum, tum ignis
se se repertorem autumat, etiam atque etiam mi-
rror. Paulatim deinde conuentus obiri solitos, &
ad cæli ab se prohibendas iniurias, vitâdosq; im-
moderatos solis calores, ventos, niues, pruinas,
rores, frigora, pluuias, alios è trondibus habita-
tiunculas componere aggressos, alios speluncas
fodisse, quosdam erectis furcis virgultisq; insertis
luteos induxisse parietes, hirundinum consuetu-
dinem imitatos.

Tum primum subiere domos, domus antra fuerunt,

Et densi frutices, & iuncta cortice Virga.

Quidam ex aridis glebis domicilia fabricaban-
tur, materia parietes iugumentantes, arundini-
bus, arborum foliis, stramentisq; ad tectum con-
ficiendum vtentes. Nec eundem esse locum vole-
bant, nec velle poterant, vbi focum struerent, vbi
accubarent, vbi somnum caperent. Notabant e-
tiam quid, & quonam modo alij in hoc labore
molirentur. Atque ita dum noui semper aliquid,
& ad vsum idoneum adhibuerunt, & accuratio-
ne excogitatorum certarunt, in re ædificatoria

plus plusq; sciētiam sibi suam adauxerunt, compluraq; ædificiorū genera, ad quæ paulatim hoc sermone delabemur, vt arbitror, inuenerūt, profana sacra, priuata publica: quædam vsibus & negotiis, quædam magis lusibus & otiiis, seu ornatui. Sed de hoc capite postea commodius. D. Perge itaq; de incrementis ædificiorū differere, & hunc locum iam inchoatū ad finem suum perducere.

M. Cum in extruendo essent assidui, non solum manibus ad opera promptiores & expeditiores, sed ingeniis insuper exercitatiores, & acutiores euadebant, vberioremq; rei peritiā adipisciebantur: vt in ædificando non amplius quemadmodum ab initio necessarias tuendæ valetudinis commoditates tantum, verum cum otio, & copiis abundarent, voluptatem quoque sibi proponerent, splendoremq; & varia delectamenta venustatum quas Vitruuius egregias ædificiorū auctoritates appellat, quærirarent: pyramidum & colossorum celsitates, amphitheatrorum moles, amplissima palatia, magnificentissimas arces, nobilissima sepulchra, porticus, thermas: sperarētq; ex magnis & sumptuosis structuris magnum sese, & perpetuum nomen apud posteritatem sibi conciliaturos: nec fore vllum hostem tam fero corde, tamq; barbarum, qui pulcherrima monumenta diruere, & exscindere auderet. Ex hoc ipso progressu nonne quiuis intelligat, oportuisse non nullos existere, qui fabrorum professionem & vocabulum assumerent? Atq; hi ipsi à necessitate admoniti, cum ad vsum suum, quo valebāt, scientiæq; imperfectionem, & velut infantiam, aliarum

liarum artium præsidia addidissent, eam facultatem effecerunt, quæ architectura dicitur, ipsiq; architecti ab omnibus capti sunt nominari. Factum deinde, ut multi tum Græci, tum Latini quæq; ipsi excogitassent, quæq; ab aliis accepissent, ad institutionem posterorum totis voluminibus persequerentur. De illis Agatharchus, Demetrius, Anaxagoras, Ctesiphon, Metagenes, Ictinus, Carpius, Philo, Hermogenes, Argelius, Satyrus. De his Fufitius, Varro, P. Septimius, Cornel. Celsus, Vitruuius, qui vnus ad nos peruenit: cæteri velut communi naufragio in profundum hausti perierunt. De quo tamen huiusmodi inuenio quorundam eruditissimorum virorum iudicium: scriptorem esse proculdubio cognitione multa & varia instructissimum: sed tamen libros illos decem ideo à perpaucis legi, quia & mendosi, & ad intelligendum perdifficiles, Delioque natatore indigentes. Nam ingenium etiam non mediocriter posse in illa rerum verborumq; obscuritate, tanquam ætuofo freto obrutum summergi. D. Papæ, iugulâras hominē, ait ille in Eunuchō. Vereor ne illud Hesiodium isto etiā loco quadret: *ὃς κερκαμὲν κερκαμῖ.* Vt cunq; sit, perutilem esse Vitruuiū architectonicæ studiosis: & quamquam non sine caligine, ac tenebris, quæ lectorem reiicere, præsertim rudiorē, & græcæ linguæ ignarum meritò possint, tamen haud sine omni elegantiâ cultuq; scripsisse affirmemus licet: quò sit, ut etiam latinitatis amatoribus eius lectio fructuosa sit. Ista ergo Criticis dimittamus: & si qui sunt, ut sunt, contentionis cupidiores quam veritatis.

Ædificiorū distributionem nō incommodam
 ex eo nunc in medium proferre libet. Summa ge-
 nera duo facit, priuata & publica. In illis numerat
 atria, triclinia, exedras, cecos, pinacothecas, cubi-
 cula, balneas, & ædificationes rusticas, vt chortes,
 stabula, torcularia, granaria, horrea, & alia deniq.
 Publicorū partim ad phibendos aditu repellen-
 dosq; hostes, & ad ciuitatis propugnationē con-
 duntur, vt mænia, turres, ppugnacula, portæ: par-
 tim ad exposcendā à supis veniā per preces &
 sacrificia, vt tēpla & sacella: partim ad negotia
 & cōmoda incolarū, vt portus, fora, porticus, bal-
 neæ, theatra, ærarium, carcer, curia, palestre, xysti,
 ambulationes, aquæduct⁹. Publica igitur, vt ver-
 bo repetā, alia sunt defensionis, aliā religionis, a-
 lia opportunitatis. In quibus quomodo primū
 firmitas, tū vtilitas, postremò venustas conside-
 randa sit, & quibus rebus singula pariantur, nihil
 attinet me hic exponere. M. Partitionē istam nō
 reprehēdo. Sint ædificiorū alia priuata, alia pub-
 lica: & horū alia necessaria, alia religiosa, alia vti-
 lia. Sed enim his ego tribus libenter quartū adii-
 cerē, si tu non nolles. D. Immo volo. M. Decora
 vrbi: in quo quia ipsa tēpla reponere possumus,
 quæ magna vrbiū ornāmēta, & præcipua decora
 sunt, cū ferme magnificē ac sumptuosē construā-
 tur, ita rursū ad ternariū reuertemur. Verūtāmē
 si primos ortus, & incremēta ædificiorū ppenda-
 mus, nulla habita priuatorū publicorūq; ratione,
 generatim in necessaria, opportuna, & voluptaria
 seu iucūda distribuemus. Certum est enim, vtro-
 bique necessitati primū, postea commoditati,

tan-

tandem voluptati seruitum esse. Vt homines non ante considerant quid vtile sit, quam necessarium: nec prius ferè, aut magis obiecta utilitate, quam necessitatis specie in actionibus suis mouentur. sic neq; ante se ad iucunditatem, quam ad opportunitatem conuertunt: & postquam adepti sunt, quæ profunt, sectantur etiam quæ delectant. Rursum si copiam diuersitatemq; ædificiorum mente nobiscum volutemus, videbimus ea pro varietate hominum, quorum causa excitantur, quorumq; vsu variantur, constitui. Hominum porro cœtus prisci illi Rerumpub. legumq; auctores alij alio modo cum partirentur, effectum est, vt singulis ordinibus singula ædium seu ædificiorum genera conderentur: militibus, artificibus, magistratibus, &c. sed de his hætenus, & quidem isto modo.

ANNOTATIONES.

PLVRIMORVM SAPIENTVM) *De agresti, inhumana, horrida, & infelici vita priscorum hominum, deq; emendatis eorum moribus, domorum atq; urbium & ciuitatum principiis scripserunt Plato in Protagora, & 2. de Repub. Cic. 1. de Inuent. orat. pro Sextio, & 5. Tuscul. Diodorus lib. 4. Vitruuius lib. 2. cap. 1. Lactant. lib. 6. cap. 10. Euseb. de preparat. Euang. lib. 1. cap. 4. Ecclesiast. hist. lib. 1. cap. 1. Niceph. lib. 1. cap. 3. Polydorus lib. 1. cap. 3. Lucret. lib. 5. Horat. ad Pison. & ode 10. lib. 1. PROMETHEO IRATO) *De furto ignis à Prometheo**

B s designa-

designato, & in terras ad homines delato fabula est
vulgatissima. Apud Æschylum statim ab initio
tragediæ id ei Κεῖται exprobrat, hortās Vulcanum,
ut eum etiam tanquam sua gloriæ inimicum, non
modo Ioui rebellem ad Caucasum firmissimè affigat.
Ipse verò Prometheus, dum longiuscula oratione sua
in mortales promerita commemorat, non dubitat
dicere.

πρὸς τοῖς θεοῖς, πρὸς ἐγὼ σφιν ὡπάω,
ἀφ' ἧς πολλὰς ἐκπαύουσται τέχνας.

QVIDAM EX ARIDIS) Meum non fuit om-
nem modum persequi, quò casarum suarum consti-
tutiones antiqui illi perficere solerent. Narrat hoc in
genere scorsim quadam de Colchorum, Phrygum a-
liarumq; gentium ritu Vitruvius lib. 2. cap. 1. quæ
verustatis indaganda studiosiores legent cum placue-
rit: atq; ut placeat legere tum hæc tum alià, quæ nos
in hisce annotamentis tantum libamus, vehementer
eos hortamur. MATERIA EOS IUGV-
MENTANTES) Fixis & erectis duabus hastis, super eas
transuersim ligabatur tertia. Sub ea militem vi-
ctum discinctum transire cogeant ignominia caus-
sa, & iugum appellabant, & sub iugum mittere dice-
bant. In vitibus item iuga erant, quæ pedamentis
transuersa iungebantur, seu iugabantur, quibus sta-
bat recta vitis: & inde vinea iugata, quas vocat sub-
limes Varro lib. 1. de re rust. cap. 8. A iugis igitur
istis detortum sit fortasse iugumentum, & iugumen-

tare verbum apud Vitruvium: quando nimirum trabibus directis hinc atque hinc substratis, supra transversaria alie hinc inde singula in angulis rudius, id est, ut internallum quidem sit, sed non alta incisura, sine crena, committuntur ita, ut quasi bina per diversum contignationes, angulis, quatuor fiant. Catoni de re rust. cap. 14. iugumenta videntur esse superalimina, seu portarum fenestrarumq, supercilia. PYRAMIDVM, ET COLOSSORVM) Pyramis est figura, qua in modum ignis ab amplo in acumen consurgit. Ignis enim apud grecos πυρ. Isid. lib. 2. cap. 12. De pyramidibus Marcellinus lib. 22. Herodot. lib. 2. Aristot. lib. 5. de repub. cap. 11. Diodorus lib. 1. Strabo lib. 17. Plin. lib. 36. cap. 12. Solinus cap. 5. Propert. lib. 3. eleg. 1. Ioseph. lib. 1. antiquit. Colossus nominatur πᾶσι τὸ κολλῆεν τὰ ὄσα, quoniam oculorum acies eius nimia celsitate infringi videatur. Sunt moles statuarum turribus pares. Vide Plin. lib. 34. cap. 7. ARCHITECTI AB OMNIBVS) Qui τέκτων à grecis, à veteribus latinis tector est nuncupatus: quiq, architecton, architector, Varro apud Nonium in confutare. Harum adium summa atria confutabant architectores. Cic. architecti vocabulum frequenter ad alia cum lepore transfert, quod observavit etiam Victor. lib. 11. cap. 11. In Bruto Stoicos verborum architectos appellat. De leg. agrar. architectos legis. Pro Cluent principem atque architectum sceleris, ut Demosth. orat. contra Diony-

Dionysium ἀρχιτέκτων ἐπιβουλῆς dixit. De finibus lib. 1. Quae ab illo inuentore, & quasi architecto beata vita dicta sunt. De Epicuro sermo est. Sic architectari 2. de finibus. Cur tandem sapientia tantopere laudatur? an quod illa callida est, ut optime possit architectari voluptates? Id est, formam & rationem fruendarum voluptatum comminisci & praescribere, quemadmodum architecti opera maioris sumptus & magnifica, ingenti ratiocinatione architectari solent. Sic locum explanauit Bud. in Pand. PRIVATA ET PUBLICA) De publicis disputat Vitruius libris quinq; ab initio. De priuatis lib. 6. De iis quae ipse defensionis nominat lib. 2. cap. 5. Quae religionis lib. 3. et 4. quae opportunitatis li. 5. Octauo autē quae ad aquam, & aquaductus. De firmitate publicorum lib. 6. cap. 11. De utilitate eod. lib. cap. 7. & alibi. De venustate, quoniam in ea symmetriam considerat, dicendus est agere libris prioribus, quibus eius ratio traditur. Eo referuntur quae de politionibus & pictura scripsit lib. 7. ALII ALIO MODO PARTIUNTUR) Partitiones huiusmodi plures recenset Leo Baptista lib. 4.

—•—•—•—



PROGYMNASMA

QVARTVM.

Ædificiorum partes communes.

TARPEIVS, SEVERIANVS.

TARPEIVS. Ita enimvero, vt autumasti Seueriane, laboriosa multum, multisq; obsepta, & quasi circumuallata difficultatibus est, cui studium nostrum omne addicauimus eloquentia. Vt enim discedamus ab illa trigemina philosophia percipienda, ab animorum motionibus pernoscendis, ab oratione velut architectanda, à lepore, facetiis, & eruditione libero digna, ab actione & memoria, de quibus separatim plurima differuntur, & in quibus singulis elaborare operosum est, quæq; sunt artes non mediocres ipsæ per se: vt existimare possimus facillimè, quantum earum concursus atq; coniunctio magnitudinem efficiat: vt fileamus de tenenda omni antiquitate, exemplorumq; vi: de legum, & iurisciuis prudentia minimè negligenda de cognoscenda consuetudine senatoria, disciplina reipub. iuribus sociorū, fœderibus, pactionibus, caussa imperij: vt inquam, his prætermisis generatim dicamus: Oratori, si studeat se esse perfectum, atque ita perfectæ laudis compotem, omnium rerum magnarum artiumq; bonarum scientia comprehendenda est: & earum scriptores
ac do-

ac doctores & legendi, & peruoluendi, & exercitationis gratia laudandi, interpretandi, corrigendi, vituperandi, refellendi: disputandumq; de quauis re in contrarias partes, & quidquid erit in qualibet re, quod probabile videri possit, eliciendum atq; dicendum. S. Cum cætera tibi do per libenter quæ differuisti, libata ex illis fontibus, quo sol iste nec vidit, nec videbit quidquam eloquentius: quiq; vnus omnium verissimè pronuntiare, & tanquam Apollo Delphicus oraculum de re tanta fundere potuit: tum illud libentissimè, quod aisti de peruolutione scriptorum, non sanè vnus, aut duorum, sed omnium, quorum industria bonas artes aternitati literarum commendasset. Sunt enim quidam meo iudicio non planè stulti, suo plus æquo sapientes, qui è libris Ciceronis quæ rerum, quæ verborum oratores se prodituros somniant: quo nihil potest cogitari obtusius, atq; inscitius, & à sensu præceptisq; Ciceronis alienius, ac remotius. Nam vt illud fateamur, quod inficiari non possumus, huius viri scripta omnigena scatere doctrina: tamen ea nos ad cognitionem artium necessariam contenti esse nequimus, cum non aliter ferè in iis, scriptis inquam eius, quàm palæstra in his qui pila ludunt appareat. Etenim isti in ipsa lusione artificio palæstræ non vtuntur: at motus ipse indicat ecquid palæstram didicerint: sic in oratore aliæ artes apparere, & elucere debent, cum oratorem agit, quem pæne vbique agit, non etiam tum ab eo vt à magistro explicari. Quare etiam si quædam geometrica ab eo dicuntur, mûsica, geographica, astrolo-

astrologica, non idcirco Euclidem & alios non legam: Nec si de medicis nonnulla attingit. Galenum iubebo valere, & Hippocratem. Nec si de versificationibus, testamentis, alluuiionibus, circumalluuiionibus, tutelis, gentilitatibus aliquid afferat, ideo ista apud Iureconsultos non quaram. Eodem modo si de columnis, porticibus, gymnasiis, quippiam apud eum reperero non idcirco vendam Vitruvium, Leonem Baptistam, Serlinum, & alios, quorum de architectura feruntur commentarij. Veruntamen non utar his quæ legi uti utuntur apud quos legi: sed ut Cicero, id est, ut oratorem decet: ostendere nimirum, se non esse illarum artium rudem. Atque ut in eodem simili consistamus, eo modo, quo, qui pila ludunt, palæstræ artificio uti consueuerunt. T. Vel M. Mus dictis tuis applausit. Atque ego Tullianum amplexus consilium, istos explicatores artium optimarum iam pridem euoluere ingressus sum. Legi de re metallica, de pictura, de venatica, de equestri, de militari, de architectonica: quæ postrema, quod in se continet veteris memoriæ plurimum, nec parum varietatis, multum etiam dignitatis & maiestatis, multum recoditæ prudentiæ, nec vulgaris scientiæ, adeo me tenet, ac patet, ut totos interdum dies, nedum horas huiusmodi non lectiunculis, sed lectionibus consummam. S. Tu igitur, si tibi non sunt odio, finas quaeso, ut hæc qua te pasci affirmas tam bella notitia ad aliquem etiam utilitatis meæ fructum redundet. T. Quæ valucro meminisse, & prima occurrerint ea tecum ita faciam communia, ut si

husto-

historiam narrarem tibi: non enim tui erudien-
 di causa id faciam. S. Modo, facis. T. Rem ædi-
 ficationum distribuunt in partes omnino sex: in
 regionem, aream, partitionem, parietes, tectum,
 apertiones. Regionem nominant, patentem soli
 amplitudinem, & faciem circum locum, in quo
 ponendum est ædificium. Aream partem regio-
 nis, certumq; ac definitum loci spatium, quod
 muro comprehenditur. Partitionem, quæ aream
 totam ac primam in minores areas, secernit, sta-
 tuendis ædificiis minoribus, quibus vti mem-
 bris inter se respondentibus, vniuersum ædificij
 corpus absoluitur. Parietes, structuras illas, quæ
 ab humo altius attolluntur tecto sustentando,
 quæq; intra ædificium instar septi & valli per va-
 cua ducuntur. Tectum tum sublimem & extre-
 mam partem ædium, qua imbres niues, grandi-
 nes excipiuntur: tum quidquid latum & longum
 supra habitantium caput est: quo ordine sunt
 contignationes, concamerationes, testudines &
 similia. Apertiones, quæ rebus & hominibus ini-
 tus & exitus. S. Quia breuiter ac circumscriptè
 senarum partium vnamquamque explicasti, id
 est, definitione amplexus es, proximum vide-
 tur, vt eodem quo ordine enumeratæ sunt euol-
 uas. Quamquam hoc abs te non vt à magistro,
 (nam id te facturum negabas) sed vt à narrato-
 re velim: & si patitur humanitas tua, rogo. Me
 quidem nihil est ad audiendum erectius. T. Non
 æquè multa, nec fortè tam præclara auditorus
 es, quam scribunt, quí se harum rerum docto-
 res profitentur: nam quis potest non aliquid ob-
 liuisci?

liuisci? S. Age, caussando nostros in longum du-
cis amores.

R E G I O.

T. Regionem vestigabant immunem carentem-
que rebus incommodis, nocentibus ac pernicio-
sis: pollentem contra, affluentemque commodis, &
oportunitatibus plurimis: nec aliud perinde, vt
graue & insalubre cælum fugiebant. Haud in-
consultò: quippe cum terrarum aquarumque vi-
tiositati ars & industria mederi soleant, vix est
vt cælum emendetur: vt aut ex crasso tenue, aut
ex caliginoso lucidum, ex nebuloso sincerum,
ex humido siccum, ex pingui atque concreto
subtile, ex immoderato temperatum, ex pestife-
ro demum salutare vlla ingenij sollertia, vllæue
opera & molimine reddatur. S. Sine dubio pro-
ducendis, nutriendis, confouendis, conseruan-
disque naturis, perampla & permagna in cælo sita
est potestas, & ad hominum ingenia haud pa-
rum interesse visum sapientibus, quo illi cælo vi-
uant: quod quidem pro locorum varietate ac dif-
ferentia aliud atque aliud esse cum nouerimus, a-
liasque mundi oras eo frui quam lætissimo: alias
quamquam talibus vicinas & contiguas, mœstis-
simo, rationes partim tenemus, partim adhuc in-
dagamus: & propter obscuritatem non attingi-
mus. Sed probatissimi aëris, id est, qui salubritate
sit præditus, quas notas, amabo, quæ indicia, quæ
signa inuenisti? T. Quæ? audies. Si eius simplici-
tati nullus spiritus sæculentus, perspicuitati ni-
hil fumidum, leuitati nulla grauitas, æquabili-

tati nullainæqualitas aut mutatio se permiscuerit, atque ita eum vitiarit. Ambarum conditiorum, expetendæ, inquam, & auersandæ, in solem ventumq; caussa conferenda est. Et sunt optabiliores auræ, quam venti: quos nihilominus etiam sæuos ac rapidos cælo semper quiëto, pigro, & immoto ac torpenti debemus antepone: quando hoc ipso id crassescere, inquinari, & tanquã sordibus fædari oppleriq; necesse est, quia agitationis expers manet. Agitatione siquidè & impulsione flabrorum validiore, qua humo remissi halitus vel dissipantur, vel ipso calore per agitatione nato concoquuntur, perpurgari, tenerascere & quodammodo hilarescere solet. Ventos aut oppositu sylvarum atq; montium ante refractos & accisos, aut tanquam de prælongo itinere fessos spirare volunt: nec cooriri è locis palustribus, lacustribus, fœtidis, contagiosis, ne afflatus ipsi re mala grauidati damnum corporibus importet. Genitorem, custodem, restitutorem bonæ valetudinis Aquilonem: languoris, pituitæ, morborumq; patrem & conciliatorem Austrum faciunt. Illius natura quasi mascula, & durior est: Huius fæminea & mollior: quo regnante, ne pecus quidem tutò errare in pratis arbitrantur. S. Quia secundæ valetudini flatus Aquilonares, aduersæ Austrini seruiunt, cõsentaneum est, gentes quæ ad Septentrionem habitant, quàm quæ meridiem versus incorruptiorem obtinere sanitatem. T. Nihil verius. Iam aërem finamus quiescere, & ad alia prognostica, aquarum nempe sermonem detorqueamus. S. Ne diu finamus quæso, ne situ
& otio

& otio marcidus & mucidus, à nobis periculose hauriatur. T. Non quiescet atatem. Ingentia momenta ad bonam corporis temperationem in aquis sunt. Gustatu, & igne examinanda atque exploranda sunt, num quid viscosum, crudum, impurum, admixtum lateat, vnde earum potu homines aut strumis deformentur, aut calculis excarnificentur, aut aliis inualetudinibus diuexentur. Laudatissimi saporis, odoris, coloris illam aquam decernunt, quæ omni sapore, odore, colore vacat: quæ pellucida, ac tenuis: quæ candido superfusa linteo nullas creat labes aut maculas: quæ nihil sui post aliquantam quietem deperdit: quæ postquam calefacta deferbuit, & conquieuit, nihil limi, fæcis, arenarum in imo vasis relinquit: quæ cum farina subacta bonum panem efficiat: in qua legumina celeriter decoquuntur: quæ citò concallescit: quæ parum ponderosa: quæ alueum quolabitur, & saxa quæ alluit, musco non prætexit. S. Satis cumulatè me ista docent, quibus rebus aquam probem, aut improbem. Reducor autem in memoriam admirabilis cuiusdam in aquis explorandis veterum Romanorum diligentia. Non enim tantummodo si oppida essent fundaturi, sed etiam si castra stativa metaturi, pecudum exta sollicitè rimabantur. Quod si iecinora liuida aut vitiosa inuenirent, quoniam id malum aquarum vitio euenisse sibi persuadebant, citra cunctationem alibi castra faciebant. T. Rectè sibi istuc persuaserunt. Vtile est etiam ad aquam probandam (vt

hoc addatur corollarium) considerare corporum figurás, & lineamenta hominum illam bibentium. Si fuerint validi, colore nitido, rectis cruribus, acri oculorum obtutu, non lippientes, ventre neque obeso, neque nimium castigato, puram eos ac salubrem bibere credi potest. Laudatur & inde regio, si incolis cum à natura ipsa rerum, tum à cætero hominum genere conuietutq; bene futurum videatur. Ex quo vetant vrbes, aut aliud quippiam condere in montibus præne inaccessis: nisi forte (cuius maxima ubique supra omnem legem vis est) necessitas id poposcerit. Vetant etiam in solitudinibus, quando vtrobiq; deficit, quorum vita humana indiget. Prudenterq; Alexander, qui Dinocratem præstanti scientia architectum montem Atho in ipsius Alexandri similitudinem conformare atque in eius dextera oppidum capax decem millium ponere volentem ac promittentem repudiauit. Aditus sint complures & varij, quò nauibus & iumentis hyeme & æstate, absque incommodo importentur, & inuehantur, quibus carere pro conditione nostra mortali non possumus. Sit humida siccitate, & sicco humore: alioqui frigidior & siccior minus quidem calenti, sed affatim & iniquè humenti præferenda est. Frigori quippe testò, pariete, vestimentis, camino luculento resistere licet: nec siccitas tantopere detrimetosa est vel ingeniis, vel corporibus: quæ cum siccis solidentur & rigescant, humidis in tabem abeunt, & calidis resoluuntur: nec vllis æquè vt frigidis tempestatibus locisue à morbis est

est vacatio. Commodissima regio, quam obsident tepor, & humoris mediocritas. S. Dentur huic generi primæ: secundas quæro cui dem. T. Ei, quæ vel in algidis terris, qualis est Thracia illa niualis, plus obiecta est soli: vel in æstuosis & torridis plus humidi habet, & umbrarum. Circumspicere etiã fas, sitne in regione quam quærimus hoc sermone, bonorũ vbertas fructuum. An quæ profert tellus, succo, odore, colore placeant. An quæ in apothecis & granariis conduntur, vt triticum, hordeum, & aliæ fruges atq; fructus putifcere, & corrumpi serius incipiant. Est enim causa terræ illius proba & salutifera exspiratio. Si secus fiat, eiusdem soli afflatus noxios & infestos arguet. Ac illic multi & admodum senes, multi & valentuli, viuaces & succipleni pueri. Sin autem senes rari, pauci morbidique pueri: si facies hominum macilentæ, deformes, pallore ac liuore occupatæ, corpora infirma, languida, membra flaccida, partus monstrosiores, vt strabi, claudi, tortuosi, imperfecti & manci, non est quod bene speremus: tum sperabimus, si vultus lati, facies colore bono, membra robusta, vegeta, optimè ad suum munus fungendum affecta. Salutarem insuper situm ostendunt animalia, si fuerint membris firmissimis, amplis, longis: si visceribus reperiantur integris & sanis: si pulli catulique viribus, sanitate, specie & rebus aliis præstent cæteris de suo genere, aliis in regionibus locisue procreatis. Quin & ædificia scabra & cariosa malignitatem regionis produnt. Et arbores, si in vnam partem velut consensu proclina-

ta, aut refracta visantur: etenim hoc immoderatorum ventorum indicium. Illa nihilominus præmeditari iubent, quæ ex præteritis temporibus rara prudentes obseruarunt: loca enim sunt, quibus occultum quiddam natura ingenuit, quod homines felices, aut infelices faciat. Locris & Crotonæ lego nunquam sæuuisse pestilentiam. In Creta nullum existere animal nocēs. In Ægypto nullas cadere pluuias. Alicubi in Galatia per tempus æstiuum adeo debacchari ventos, ut lapides arenarum instar per auras secum ferant. Delon nunquam terræmotu conuulsatam. Verum inter ea loca, quibus ædificatione abstinendum est, non postremas, ac potius primas tenent conualles. S. Hei, conualles? T. Etiam. S. Si his maxime abstinendum erit, ut auguror illa maxime incommoda, indecēs, inamœna ædificatio. T. Rem tangis. Niuius talia ædificia obruuntur, eluuiobus intercipiuntur: & quia humorem bibunt immodicum, putent madore continuo, infestumque firmis alioqui à valetudine corporibus afflatum continenter reddunt, quo libri, arma, frumenta putore vitiantur. Sole clarum micante, cum it sine nube dies, qui ædes huiusmodi incolunt, propter radios undiqueque repercussos pæne exuruntur. Si à solibus deserantur, umbra diuturniore in cruditatem torpedinemque labuntur. Præterea in huiusmodi locis venti velut constricti compressique magis quam in antro Aeoli & violentius bacchantur: ac, nisi quæ sunt validissima, laecerant, disturbantque omnia. si paulum sileant, aer contracta spissitudine ægrescit quodammodo:

nec

nec est ibi aliud, quam stagnum aërium, seu lacuna aëris. Ædificationem igitur molientibus, conualles auersandæ sunt. S. Quod ex dictis colligo, humilia & depressa loca non sunt amanda ædificatoribus, sed editiora potius, vbi assiduitate motionis aër exerceatur. T. Caue ne cum te discipulum feceris, me magistrum esse cogas per imprudentiam. S. Tamen facere, vix possum, quin aliquid nonnunquam interiiciam interrogando, ad quod te putem respondere posse ex iis quæ legeris: quamquam vt artifex fieres non legaris. T. Fortasse possum. Nunc de pulchritudine, quasi quibusdam ornamentis regionum, quæ in mentem venient, enuntiabo. Valent eo quædam operum miracula, quæ si quid habent cōmoditatum, nō reprehenduntur: sin minus, hoc est, si necessaria non sunt, vituperantur. Quid enim laudis abstulisset ille, qui vastissimum Atho montem in effigiem Alexandri suo artificio fingere voluit? At Nitocrin Assyriorum reginam commendant, quæ ad eundem pagum fluuium Euphratem maximis fossionibus ter inflexit: quo pacto regionem & munitiorem, & aquarum exuberantia feraciorem effecit. Verùm æquare montes, maria iungere maribus, insulas iungere continenti, mutare cursum fluminum, facinora impensæq; regum sunt, quibus illi formam apud posteros nunquam morituram aucupantur. Quæ, quò vtiliora fuerint, eò amplius illi quod voluere consequentur. Addit etiam dignitatem regioni, si consecretur: vt olim Sicilia Cereri dicata fuit: & Lusitani quas in Oriente insulas inuenerunt,

iis certos diuos pro patronis ac tutelaribus præfecerunt. Si prædita sit aliqua re singulari, & rara. Apud Meroën insulam scriptum reperi homines tamdiu vixisse, quâdiu eis libuit. S. Quàm vellem me in hac insula natum? Certè singulare hoc & rarum fuit, si fuit. T. Hiberniæ cælum ad eo mihi narratum est innoxium, vt quidâ quantumuis senes, in eâ hac luce defungi nequiverint: sed exportari aliò necesse habuerint mortis obeundæ causa. S. Ante me in nescio qua insula natum cupiebam, nunc in ista vellem: sed profectò morti non tantum gratificarer, vt me exportari eius gratia finerem. Si me illic de medio tollere senem nollet, fineret vel immortalem vitam degere. Nam vt ille non habebat cur accusaret senectutem: sic ego non habeo sanè cur accusem vitam. Estné aliud regionis decus? T. Et quidè magnum, si efferat alibi nunquam visum, hominibusq; optabile, & frugiferum: vt succinû, cinnamomum, balsamum. Si quædam illi, & admiranda vis à Deo videatur insita: vt ei, quæ nihil ferre nocuum dicebatur: sanè in Hibernia audiui nullâ cerni araneam. In Sueuia constat nullos inueniri sorices: quod D. Vdalrici Augustanorum Episcopi precibus dedisse Deum aiunt. Sequitur vt narrem tibi quæ de area legerim. S. Ea erat pars propositionis tuæ altera.

A R E A.

T. Cum Area sit ipsius regionis certum quoddam, ædificioq; destinatum spatium, conueniunt in eam ferè omnia, quæ ad regionem in vtramq; partem

partem æstimandam à me percurſa ſunt: habet tamen propria quædam. Videndum erit quodnam opus ſuſcipiatur, publicum an priuatum: ſacrum an profanũ: Curiæne ſcilicet an ſtabulum: templum an theatrum, & alia ad eundem modum: ſiquidem aliud ſpatium, & alius areæ ſitus ac modus alibi deſideratur. Arearum hæc angularis eſt, illa circularis. Angularium alia rectis deſinitur lineis, alia partim rectis, partim flexis. Quæ autem partibus ipsis ædificij commoditatem & gratiam addunt, ſi adſint, & deformitatem afferunt, ſi deſint, eadem in areis cuſtodienda ſunt: nempe vt cum angulis, tum lineis, tum etiã partibus quibusq; varietas quædam adſit, & paribus paria reſpondeant. Commodiſſimi cenſentur anguli recti: acutis niſi neceſſariò non vtuntur: obtuſos non indecoros iudicant. Rotundam aream conſtat eſſe capaciſſimam, ad quam ſeu aggere, ſeu muro circundandam minor impenſa requiritur. Secunda huic, quæ plurimos habet angulos proiectos. Cæterum angulos cuiuſvis areæ compares omnino, atque inter ſe reſpondentes, & æquabiles eſſe oportet. Inter lineas etiam proportio exigitur. Area aut plano ponetur loco (de artiſicioſa, non de naturali loquor) aut accliu, aut in ſummo iugo montis. In plano exaggeranda erit, & quaſi podium ſubſternendum. S. Cur tandem? T. Conciliat dignitatem hæc res, & ſi omitatur, ab alluuiionibus fluminum & imbrium limus & rudera conuehuntur in plana, ex quo tumores ſeu tumuli paulatim exiſtunt, & circum ea loca cardui, lappæ, & aliæ agreſtes atque inuti-

les herbæ nascuntur. Quoniam verò seu natura, seu arte facta area firmissima debet esse, fossione vna & altera, interuallo intercedente, densitas, raritas, mollitudo soli indaganda est: vt quàm idoneum sit structurarum oneribus perferendis intelligatur. Quæ tecto operiuntur areae, ad libellam æquabuntur: sub dio relictæ tantùm deprimentur, quantum satis est, vt cælestium aquarum illapsus emittant. Ornamenta regionis etiam aream ornant, cum sit pars regionis area. Dat nihilominus quædam decora areis natura, vt admirationis causa in aliis quam in aliis ædificare præstet. Promotoria, colles, antra, fontes, veterum rerum vestigia, quæ oculos mentesque commoueant. Et campos vbi Troia fuit quis non libenter intueatur, vt se hoc intuitu rerum maximarum admoneat? Et, si ædificare urbem velit, an non in tali maximè loco velit? Sic Helena Imperatrix Constantinensi parens se beatam iudicauit, quod eo loco templum excitasset, quo loco Saluatori crux fuit constituta. Præterea manus & ingenia hominum ad condecorandam aream multum valere possunt: vt si statuuntur columnæ, obelisci, arbores & alia, quorum aspectus admirationem posteris iniiciat. Maximopere autem honestatur locus, si quid tale ei cõtigerit, quale sacello Dianæ in Creta, in quod nisi pedibus nudatis ingredi non licebat. In ædem Bonæ Deæ maribus introgre-
 nefas erat. Doliolis loco Romæ apud Cloacam maximam, vbi ossa Pompilij Regis seruabantur, despuere piaculum erat. Hierosolymis accepi agrum qui de pretio sanguinis domini Iesu ad sepultura-

ram

ram peregrinorum emptus est, incolarum cada-
uera si quæ illic tumularentur reuomuisse. Gene-
ratim ad aræ elegantiam faciunt ambitus, cir-
cumscriptib, aggeratio, complanatio, stabilitio.
Si qua fuerit siccissima, æquabilis, consolidata,
ad rem cui destinatur comparatissima, ea cense-
bitur honestissima. Conferet illud quoque ad au-
thoritatem loci, si splendidum ei nomen impona-
tur. S. Recordor Adrianum Augustum cænacula
villæ Tyburtinæ Academiam, & Tempe appella-
se. Sic quidam hortos amæniores vocant paradi-
sos. sic in 3. Æneid. fluuiolo Buthrotum præter-
labenti Helenus Simoëntis nomen indiderat. M.
Tullius item villarum suarum gymnasia, Acade-
miam & Lyceum cognominauit. T. Potest con-
gerere exempla plurima, si quis secum de hac re
cogitare voluerit. Iam partitionem vt institui-
mus persequamur.

PARTITIO.

In hac totam ingenij sui vim, totamq; artem ar-
chitectus consumit: vt videas, quantum in ea sit
ponendum. S. Nondum istuc percipio. T. Hem
non? Quia integri ædificij partes, singularumque
partium habitudines omnium linearum angu-
lorumque consensum, & in vnum opus coniun-
ctionem partitio vtilitatis, speciei & amænitatis
ducta ratione commetitur. Ac si ciuitas maxima
quædam definitur domus, & rursus domus mi-
nima quædam ciuitas, certè domorum membra
minima quædam domicilia definientur: vt por-
ticus, atriũ, culina, granarium, cænatio, &c. Quo-
circa

circa vt in animante membra membris : sic in ædificio partes partibus respondebunt, multaque his cura & diligentia impendenda, cum earum imperfectiones atque vitia ad vniuersi operis deformitatem vituperationemque pertineât. Hinc maiorum ædificiorū maiores conuenit esse quasi artus : vt veteres illos publicis & amplissimis extructionibus lateres etiam maiores quàm priuatis adhibuisse legamus. Accommodatus ergo cuique situs & positura decernetur : nec amplior quàm postulat vsus : nec arctior quàm patitur dignitas : nec loco alieno, sed suo, atque ita proprio, vt alibi partem quamque commodius constitui potuisse neges. Non fit, inquit, honestissima & publica ædium futura pars loco abditiore, & in recessu : nec quæ priuata magis, in propatulo. Temporis quoque ratio ducenda, vt alia æstiuis, alia hybernis locis describantur : quorū illis vmbra, & venti : istis soles debentur : & cum ista compressiora fiant, illa magnitudine luxuriant. Decoram & venustam partitionem illam censent, quæ non est interrupta, nec confusa, non perturbata, non dissoluta, non ex malè conuenientibus compacta membris, non nimium multis, non nimium paruis, vastis, dissonis, deformibus, & quasi à cætero corpore diuulsis, ac dissipatis : in qua omnia pro natura, vtilitate & tractatione rerum agendarum ita definita, & explicata sunt ordine, numero, amplitudine, collocatione, forma, vt partem nullam totius sine aliqua necessitate, sine multa commoditate, sine gratissima concinnitate effectam & comparatam arbitremur.

PARIE-

PARIETES, AC PRIMVM

COLUMNARVM.

In tractatione parietum etiam columnarum inclusa est pertractatio: & ea est pars disputationis nobilior, quia columna pariete dignior: tametsi ordines columnarū dici possunt nihil esse aliud, quàm plurimis locis perfossi apertiq; parietes: & definitam inuenias columnam, firmam quādam, perpetuamque muri partem, excitatam ad perpendicularum à solo imo vsque ad summum, tecti ferendi gratia. Etenim hunc ad vsum principio excogitata sunt. Verūm vbi in ædificiis dignitas, & immortalitas spectari cæpta est, cum fuissent antea lignæ, adhibitæ sunt marmoreæ, & quidem ex perpetuo marmore. Cur autem dixerim digniorem, mirandum haud est, cum in vniuersa re ædificatoria, sicut nihil est, quod tantum operæ impensarūque desideret, ita nihil quod intuentes magis afficiat, & delectet. S. Scio me sapenumero locis bene columnatis maiorem in modum fuisse recreatum. T. Ab ipsis intercolumniis seu intercolumniorum spatiis ac distantia ædes cognomina adipisci affirmat Vitruuius. Pycnostylos, vbi crebrę columnę. Systylos, vbi paulò remissiores. Diastylos patentibus: aræostylos rarius quàm oportet inter se diductis: eustylos interuallum iusta distributione constat. Constituit idem genera columnarū tria, Doricum, Corinthium, Ionicum. Alij Tuscanicum & Italicum addunt, vt sint genera quinque, de quibus ne expectes vt disseram: est enim inuolutum negotium,

gotium, vt alia huius capitis. Quibusque colum-
 nis fundamenta substituuntur. Fundamentis ad
 areæ planitiem coæquatis murulum superstrue-
 bant, quem arulam & puluinem vocabant: & su-
 pra eum basim, inde columnam, quæ infra me-
 dium extumescens, sursum versus refugiebat.
 Initio columnæ & lignæ, & rotundæ fuerunt:
 deinde cum capitâ rotundarum annulis ferreis
 aut æneis vinciri cernerent, ne mole ponderum
 fatiscerent, quadrangulas maluerunt. Marmoreis
 quoque columnis in imo pede annulum latum,
 tanquam fasciam circumdederunt, quò contra
 subsilientes stillationum guttas communiretur.
 Præcipuum ædificiorum ornamentum; vt ante
 dixi, in columnis est. Plures portam, parietem, ge-
 nus omne apertionis cohonestant: & simplices
 decore non carent. Triuia, theatra, plateas ornât;
 trophæa seruant, monumenta sunt posteris, mul-
 tum inest in iis gratiæ, multum dignitatis: quam-
 obrem prisca tantos sumptus in eas insumpserunt.
 Nam quidam pro paruo habuerunt, vt constaret
 marmore Pario, lapide Numidico, alabastrite, a-
 lioue genere magni pretij: excellentium insuper
 artificum manus quæsierunt, à quibus variis si-
 gnis & imaginibus exornarentur. Alij bases, &
 capitula ænea atque inaurata addidere. Nonnulli
 totas ex ære, quidam argento coopertas voluerunt.
 Columnæ medianæ dicuntur ad discrimen angu-
 larium Peristylia loca columnis vndique clausa
 & circumsepta. Paries ad columnarum rationes
 tolletur, vt eius altitudo columnæ capitulum æ-
 quet: crassitudinem obtineat, quantam in imo
 colum-

columna. Omnis columna, basis, capitulum, paries ceteris sui ordinis ex omni parte respondeat altitudine, latitudine, dimensione & figura, & cū vtrinque peccetur, si paries vel tenuior, vel crassior, vel densior vel sublimior fiat, quàm ratio modusq; postulât, nihilominus supra quàm infra modum peccasse minus est in reprehensione: & ignoscitur facilius; si tantum induleris vt queat adimi, quàm si tantum peperceris vt necesse sit addi. Ad decorandos autem parietes & ipsa naturæ munera, & artificum peritia diligentiaque valent. Ecquid essent ornati, si ex auro struerentur? qualia templa Ioui Osyris condidit. Item si ex vno lapide, aut certè ex tantis, quantum Semiramis à montibus Arabia deuexit, latum quaquà versus cubitos 20. longum 150? Nec magni solùm, sed exotici quoque lapides, & difficili aduecti via laudem parietibus conciliant: vt illi qui cum per se admirationem merentur, loco nobili atque insigni ponuntur. Quin & raritas lapidem coniuncta elegantia commendat: nempe si sit de genere marmoris puro, candido, translucido: vt, quamquam clauis foribus, intus inclusa lux videatur. Veruntamen hæc omnia erunt inania, nisi componendo accuratus ordo modusq; seruetur, vt paribus paria, dextra sinistris, summa infimis consentiant: nihil intermiscendum, quo aut res, aut ordo perturbetur, omniaq; ad certos angulos paribus lineis æquanda. Non nunquã materia ignobilis arte tractata amplius, quàm nobilis temerè aceruata placet. Præter columnationem parietem ornat crustatio. Crustationum alia sunt inducæ,

ductæ, aliæ adauctæ. Inducitur gypsum aut calx: adigitur lapis, vitrum & huiusmodi. Prioris generis sunt albaria, pura, insignita, pictoria. Posterioris obtabulata, sectilis, tessellulata, vitra, & quæ ex his miscetur. Crustationibus non minus tres tunicæ arenationum siue cutes adigendæ. Primarum officium est, parietis superficiem prehensare arctissimè, reliquasque continere. Extremarum expolitionum, colorum, lineamentorum venustates expromere. Mediarum, vitia utrarumque emendare & prohibere. Etenim si vltimæ & supremæ acres & mordaces fuerint, quales primas esse decet, propter acrimoniam dum siccescunt crebris rimulis interscinduntur. Si primæ fuerint molliores, quales debent esse vltimæ, non comprehensabunt tenaci morso parietem, sed desciscunt. Murus quod erit recentior & asperior, eo arenationes densius continebit. Quare si inter austruendum, & dum viret opus, primam quamvis tenuem arenationem induxeris, captus super inducendis tenaces præstabit. Post Austros commodissimè omne crustationis opus inducetur. Per Boream, frigus & æstus inducta scabrescēt, præfertim cutis vltima. Alia multa de his quamquam meminèrim, tamen omitto: tum ne videar artem velle ipsam tradere: tum ne sermo noster plus æquo crescat. S. Nihil ergo de parietibus restat, quod mihi audiendum putes? Quæso, aliquid de generibus: postea rectè rationem memorabis. I. Ego propemodum leuitatis me, condemnare incipio, qui hætenus tantum verborum effuderim. S. O Tarpeie, amicitiam tu leuitatem appellabis? Nam

Nam vnicum erga me studium vt hoc faceres tibi persuasit. Persuadeat etiam quod de re proposita ac promissa sit reliquum. T. Præstemus ergo amico, præsertim tam cupido, quod de summa restat. Est quidam paries craticius, qui nempe ad similitudinem cratis ex arrectis transuersisque cannis, arundinibus, aut perticis lignisue componitur, & velut contextitur. Concraticius, qui inter duos confines constituitur, quodammodo intergestus, seu intergerinus: qua voce huiuscemodi parietes medijs quacunque è materia confecti appellantur. Quidam vocât intergerrios, à gerris, id est cratibus. Craticij velim, inquit Vitruuius, ne inuenti quidè essent. Quantum enim celeritate & loci laxamento profunt, tanto maiori & communi sunt calamitati, quod ad incendia (vt facies) sunt parati. Pluribus eosdem vituperat lib. 2. cap. 8. Marmorei, cæmentitij, è quadrato saxo, quid ego tibi quales sint exponam? Testacij sunt è latere igni percocto. Lateritij structi è crudis lateribus, solibus tantum coctis & duratis. Est enim apud Vitruuium later alius crudus, alius coctus, idemq; testaceus, rigens & sonans velut testa videlicet. Crudi durissimæ soliditatis, & ad diuturnitatem ædificiorum egregios præstare vsus existimantur. Porro lateritij quidam sunt diplinthij, alij triplinthij: idest duorum aut trium ordinum laterum in corij latitudinem instratorum: *πλινθῶ* quippe later. Lateritia structura in publicis, priuatis, regalibus etiam ædificiis utebantur olim. Id enumeratione copiosa demonstrat Vitruuius, & mirè cõmendat Plin. lib. 35. cap. 4. For-

maceus paries est, qui duabus tabulis circumdatis
 tanquam in formam infercitur. Isidoro forma-
 tus, seu formatius. Maceria est è solis cæmentis si-
 ne arenato, temerè aggestis, fundis, villis, hortis,
 vineis tutandis paries. De Hamanienſibus popu-
 lis retulit Plinius, domos sale montibus ſuis exci-
 ſo, ceu lapide conſtruere. Pygmæos autem ſuas
 caſulas luto, pennis, ouorumq; putaminibus con-
 dere. S. O muros ferreos, quos non dirruant
 grues, quibuſcum auibus huic genti bella crebra,
 non crebra victoria. Α'νδρας, πυγμαῖοις φόνον, ἔ-
 κηρα φέρονσι. O diriſſimum fatum. T. Stereobatam
 parietem ſic declarat Vitruuius. Supra terram pa-
 rietes extruuntur ſub columnis, dimidio craſſio-
 res, quàm columnæ ſint futuræ, vti firmiora ſint
 inferiora ſuperioribus, quæ ſtereobata appellan-
 tur, nam excipiunt onera. Eoſdem ſtylobatas di-
 cit. Sidentes & euanidi quamquam noti ſunt, ta-
 men de iis audiamus eundem architectum ita lo-
 quentem. Vtraque autem (incertum & reticula-
 tum ſtructuræ genus) ex minutiffimis ſunt in-
 ſtruenda, vti materia ex calce & arena crebriter
 parietes ſatiati diutius contineantur. Molli enim
 & rara poteſtate cum ſint, exſiccant è materia ſu-
 gendo ſuccum: cum autem ſuperarit & abunda-
 rit copia calcis & arenæ, paries plus habens hu-
 moris, non citò fiet euanidus, ſed ab his contine-
 bitur. Paries cæcus, qui fenestratus non eſt: vti a-
 pud Virgil. Parietibus textum cæcis iter, ancipi-
 temq; Milleuiis habuiſſe dolum. Hinc Varro lib.
 2. de ling. lat. cubiculum, ſi fenestrā non habeat,
 cæcum dici. Paries communis, quem communi-
 ter

ter vicini ædificant. Ad eum ius est vicino adiungere ædificium. Pariēs directus, cuius extremum, parietem alterum attingit. Cic. in Top. Omnibus est ius parietem directum ad communem adiungere, vél solidum, vel fornicatum. Pariēs rudis, cui nondum est inductum tectorium. Hoc item notandum, parietem dici ventrem facere, cum medio euadit prominens, aut turgens, extra perpendicularum. Ad tectum progrediamur. S. Si lubet.

T E C T U M.

T. Iam inde vsque à primo in ædificiis tectorum rationem potissimā ædificatores habuisse comperio, propter ingentem sine dubio primāque vtilitatem. Ea verò cernitur non solum in propulsandis cæli incommodis, capitibûsque nostris defensandis (sunt enim tecta quasi arma nostra contra impetus hybernarum præcipuè tempestatum) verum etiam in eo, quod hæc totius domus seu extructionis tutela, munimētum & salus est. Desit tectum, putrescet humore æthereo corrupta materies, labascent muri, latera hiascent, sensim distrahetur interibitq; omnis compositio & iunctura. Quin fundamenta ipsa tectorum defensione firmanantur: neque maior ædificiorum copia, igne, ferro, hostium manibus cæterisq; vniuersis calamitatibus, quàm negligenti curatione tectorum in ruinam data est. Quare antiqui meritissimò tantum honorem tectis habitum iuerunt, vt in iis ornandis summum studium collocarent. S. Quod dicis de tectis non curatis, ideò-

que perditis ædificiis, quendam mihi locum in mentem redigit, qui est apud Plautum festiuissimum iocorum ac leporum promum in Mostellaria, & sententiam tuam bellè confirmat. Hominem natum nouarum ædium simulacrum quoddam esse docet. Et quia suppeditat verficulorum recordatio, illos recito.

*Ædes quom ex templo sunt parata, expolita,
Facta probè, examussum,
Laudant fabrum, atque ades probant, sibi quisque
Inde exemplum expetunt, sibi quisque simile,
Suo & sive sumptu operam poscunt suam,
Atque & ibi illò immigrat nequam homo, indiligens,
Cum pigra familia, immundus, instrenuus,
Hic iam adibus vitium additur,
Bona cum curantur malè.
Atque illud sape fit, tempestas venit,
Confringit regulas, imbricesq;. Ibi
Dominus indiligens reddere alias ne & vult,
Venit imber, lauit parietes, perpluunt
Tigna, putrefacit aer operam fabri,
Nequior iam factus est & suus adium:
Atque haud fabri culpa, sed magna pars hominum
Moram hanc induxerunt. Si quid nummo sarciri potest,
Usque dum mantant, neque id faciunt, donecum
Parietes ruunt, adificantur ades tota denuo.*

T. Facetè ac verè Plautus. Tegebantur domus olim quoque, vti nunc plerisq; in regionibus, scandulis (scindulas quidam apud Vitruuium malunt legere) quo nomine vocantur asserculi sectiles, seu regulæ quædam lignæ, de quibus hæc Plinius. Scādulæ è robore aptissimæ, mox è glandiferis aliis fagòque: facillimè ex omnibus quæ refinam

resinam ferunt: sed minimè, durant, præterquam è pino. Scandula contectum fuisse Romam annis quadringentis Cornel. Nepos testatur. Cæterum mapalia sua Mauri scirpis, Chelonophagi populus in Carmaniæ angulo testudinum testis suas casas operiebant, cum carne earum vescerentur. Quin, vt traditum est à Diodoro lib. 3. cap. 3. eadem testæ etiam illi populo pro cymbis ad nauigandum, & pro aquæ receptaculis erant. Vtimur nunc ferme tegulis, iisq; vel planis, vel cauis & hamatis: quæ ita collocantur à fabris seu officinatoribus, vt duos singulæ imbrices coniungant. Est præterea genus lapidis attri, quod serra dentata, vt lignum, in laminas secatur, nec, instar aliorum lapidum, in cæmenta, sed assulatim frangitur: ex eo testæ templorum præsertim turriumq; pugillares & abacos fieri mos est. Genus istuc tegularum latastra quibusdam à latitudine dicuntur. Pauonacea testæ videtur dicta à Plinio, quòd caudam pauoninam referrent, cum nimirum lapidum sectilium crustæ, seu bractæe aliæ super alias hærentes construuntur. S. Quia de materia tectorum disseruisti, adiunge pauca de signis æreis, quæ in culminibus, pyramidibus, pinnis, metis, & summis ædium templorumq; fastigiis ad ventorum flamina expedito circumactu significanda, atque etiam ad ornatum quendam collocantur. T. Eiusmodi bractæe, siue petala, quæ auersa ventum indicent, ab vno vsitatòque genere figuræ Tritones nominantur, siue sint vexilla, siue galli, siue semilunæ, siue soles, siue stellæ: nihil enim interest. De quo verba proferam Vi-

truuij è cap. 6. lib. 1. *Qui diligentius perquisiuerunt, tradiderunt eos (Ventos) esse octo, maxime quidem Andronicus Cyrrhestes, qui etiam exemplum collocauit Athenis turrim marmoream octogonon, & in singulis lateribus octogoni singulorum Ventorum imagines exsculptas contra suos cuiusque status designauit, supraque eam turrim metam marmoream perfecit, & insuper tritonem arcum collocauit, dextra manu Virgam porrigentem, & ita est machinatus, ut Vento circumageretur, & semper contra statum consisteret, supraque imaginem flantis Ventis indicem Virgam teneret. Ad tectorum elegantiam conducit, si, ut olim, è vitro, cedro, ære, plumbo, marmore, auro fiant. Habent & suas contignationum, testudinationum, crustationum delicias ac venustates, & in quibus nescias impensamne magis, an artificum ingenia admirare. Diuidunt etiam tecta, aiuntque alia esse sub diuo, alia non. Illa definiunt, quæ ad nullos ambulationis vsus, sed ad cæli prohibendas iniurias ponuntur. Ista, contignationum ac testudinum intermedias extensiones, quibus fiat ut ædificio quasi ædificium aliud superimponatur. Quæ inferioribus membris ædificij tecta sunt, superioribus area. Sed pauimenta melius appellabuntur: quæ olim etiam magno fiebant, & erant superba sanè in palatiis opulentorum, ac Principum. Nobis lignea, lateritia, aut è glarea sufficiunt. Pauimenta si vocis quæramus originem, à puiendo, id est feriendo nominata sunt, quemadmodum ipsum instrumentum, paucula dicitur. Principiò picta, postea lithostrota, id est lapillis strata fuisse lego. Scetilibus etiam & tessuris, id est paruis crustis colorum variorum*

opere

opere musiuo, & quadratis grandioribus. Fiebat & pavimentum spicatum testaceum laterculis coctilibus iunctis, & in latus proclinalis, ad spicarum similitudinem. Scutulatum intellige à frustis rotundi scuti figura, vt tessellatum à tessellis. Hæc hætenus. Superest postrema pars, de apertionibus.

APERTIONES.

Harum aliæ sunt luminibus ventisque admittendis, aliæ rebus, & domesticis, seu hominibus seruiunt, per quas aditus & exitus est in ædificium. Illo ordine fenestræ habentur: hoc ostia, spatia intercolumniorum, scalæ, vnde aqua & fumus egrediuntur, vt putei, cloacæ, gula camini seu culinæ, præfurnia, æstuaria. Domus pars quælibet fenestris prædita sit, quo renouetur aer, qui inclusus corrumpitur, ac nocet. Ad loci vsum, & parietis amplitudinem accommodatæ sint, tot nempe, & tantum luminis excipiant, quot & quantum fore opus videbitur. Quæ ventos salubres spectabunt, quàm apertissimæ fient, quarum etiam spondæ humiles erunt, vt cum aperiuntur, corpora incolarum assentur. Quæ ventis non valde salubribus obiciuntur, ita in sublimi ponentur, vt paries intercedens ventum à corporibus prohibeat. Æstiuis conclauibus, si ad septentrionem respiciant, fenestræ ampliores: meridianis arctiores, propter soles conueniunt.

Apertiones, quæcunque luminum caussa fiunt, sublimes potius quam humiles requirunt, quia vultu spectamus lumina non pedibus: & alioqui vnus aut alterius hominis interuentu loca obscurantur. Fenestras in angulis parietum locari vetant, quod earum iunctura dissoluatur, & nullo loco æquè validam atque firmatam structuram esse conuenit, vt in angulis: quorum si vel vnus vitium fecerit, totis ædibus damnum creatur. Itaque prudenter antiqui, cum angulis, quàm parieti reliquo maiorem dederunt crassitudinem. Quà de forma, prisca quadrangulas amabant, vt item ostia tam sacrarum, quàm priuatarum ædium: etsi vrbium portas non aspernabantur arcuatas. Minores, & portas, & ianuas, & fenestras arcuatas frequentarunt, quadrangulas fenestras plerunque intersecto, & arrectario illud ipsum intersectante distinguentes in crucis speciem. Nonnunquam duobus arrectariis, quam vocant crucem duplicem. Loco arrectariorum, ponere columellas mos iam vetus est. Stoici autem arctis, Epicuri latis luminibus fenestras probant: quoniam per impulsus simulacrorum, seu per rerum imagines in oculos sese inferentes, *εἰδωλα* vocant, homines viderent. Ostia quoque pro vsu loci maiora minora, plura pauciora erunt. Publicis in ædificiis, vt magnus fenestrarum, ita ianuarum numerus. Ostia iubent esse altiora quam lata: & ibi constitui, vnde in omnem partem ædificij commodissimus sit aditus. Cauebant summopere, ne
muros

muros apertionibus debilitarent. Itaq; ab angulis & columnis longius recedebant, curabantq; vt à solo vsque ad tectum integræ partes parietis quam plurimę ad perpendicularum surgerent. In apertionibus quodammodo numerari possunt (quia ostia & fenestras situ formæque imitantur) quæ scaphæ dicuntur, signis & tabulis locandis in pariete. Inter primas apertiones sunt intercolumnia, quæ ita ponenda, vt columnarum, quæ tectis sustinendis relinquuntur, diligentissima ratio habeatur: vt ne sint graciliores, aut rariores, quàm vt tectum sustineant: neque crassiores, aut frequentiores, quàm vt areæ spatia, & aditus ad rerum temporumq; vsus expedita relinquantur. Cum crebræ fuerint columnæ trabs: cum raræ, arcus superponendus est. Scalæ toto ædificio quò erunt pauciores, & quò minus areę occupabunt, eò commodiores censebuntur. In templorum gradibus hoc seruabant, vt gradus nunquã ferme plures continuos, quàm septem aut nouem adigerent: sed ad hos areolam subtexebant, quò fessi & imbecilles à conscendendi labore intermissas haberent quietes. Quod si fortè lapsi essent, vt spatia suppeditarent, vbi sisterent, seseq; firmarent. Hoc etiam in aliis scalis laudatur: vt videlicet areolis intercipientur, & sint luminosæ, ac pro loci dignitate amplæ ac spatiosæ. In vniis autem scalis tres apertiones concurrunt. Prima ostium est ipsum scalarum, seu ipse aditus, siue os scalarum. Altera est fenestra, per quam receptum lumen retractionem graduum ascendentibus ostendit. Tertia est contignationis & tecti,

qua in pavementum superius operimentumque
peruadimus . Fumo & aquis parandus est talis
exitus, ne consistant, ne exuberent, ne inquinent,
ne offendant , ne periculum afferant ædificio .
Quare gulam foci abesse longius à materia oportet,
ne vel scintillis disilientibus, vel concalescentione
trabes aut ligna proxima flammam arripiant.
Putei maximè in publica & patenti ædium
parte statuendi. Sub dio qui sunt, puriorem aquam
præbent. Veruntamen quacumq; in parte
ædium aut putei, aut cloacæ fuerint, aut aqua dif-
fluet, illic plurimum aëris se per apertiones, ob id
laxiores ingerat necesse est : quo cum ventorum
afflatu, tum aëris impulsu assiduo humidæ pavimen-
torum, & crassæ exhalationes depellantur.
Hæc de partibus communibus ædificiorū , quan-
tum scilicet mansit in memoria mea. S. Cum e-
go ex tuo sermone non ita longo, & ex modica
ista rerum varietate elegantiaq; tantum percepe-
rim suauitatis, quid futurum censeam, si in ipsos
architectorum commentarios me ingurgitarem?
Quod quidem adhuc non feci : sed tuo incitatus
exemplo faciam breui. T. Nunquam te facti præ-
nitebit.

ANNOTATIONES.

DE *VSUCAPIONIBVS*) *Usucapio inde no-*
minatus, quod per diuturnum usum aliquid
capitur & retinetur. Rei quippe usus diuturnitate
ad alium dominum transfertur, mobilis post trien-
niū

nium, immobilis post decennium, inter praesentes: inter absentes post annum viceesimum. TESTAMENTIS) Eadem forma dictum est testamentum, quae calceamentum, paludamentum, vestimentum: in quibus mentum est verbi productio. Definitur autem testamentum à Modestino, voluntatis nostrae iusta sententia, de eo, quod quis post mortem suam fieri velit. Testamentum nuncupare, est ipsis verbis testamentum facere: quoniam nuncupare est *ἔπαρξεν*. Plin. lib. 14. de ebrietate loquens. Alij testamenta sua nuncupant: alij mortifera loquuntur, redditurasque periculum voces non continent. ALLUVIONIBVS) Per alluvionem id etiam adici videtur, quod ita paulatim aducitur, ut intelligere non possimus quantum quoquo momento temporis adiciatur. Alluvius ager, quem paulatim fluvius in agrum reddit. CIRCUMFLUVIONIBVS) Fit circumfluvio, cum parte aliqua divisum flumen agrum alicuius ita ambit, ut inferius unitum, illum in insula formam redigat. TUTELIS) Tutela est vis atque potestas, in capite libero, ad tuendum eum, qui se per aetatem defendere non potest, iure civili data ac permissa. GENTILITATIBVS) Cic. in Top. gentiles sunt, qui inter se eodem nomine sunt (verbi causa, Brutus, Scipiones, Fabij) qui ab ingenuis oriundi sunt, quorum maiorum nemo servitutem servivit, qui capite non sunt diminuti. Quid inter gentilitates & agnationes intersit, docet Sigon. de antiq. Iure C. R.

lib.1.cap.7. REM AEDIFICATIONVM) *Plautus Amphit. res voluptatum pro ipsis voluptatibus dixit, & in eo genere loquēdi Græcos scriptores est imitatus, ut observat Muretus lib.6.cap.9. pluribus exemplis in medium adductis. AVRAE, QVAM VENTI) Aura ab aëre dicta, quasi aërea, quod lenis sit motus aëris. Agitatus enim aër auram facit, unde & Lucret. aëreas auras. Ventus dicitur, quod sit vehemens & violentus. NON QUIESCET AETATEM) Aetatem apud Plautum valet diutissime, proinde ut si esset adverbium. Asin. Ut tibi superstes uxor aetatem fiet. Ibid. Aetatem velim servire Libanum ut conveniam modò. AREARVM HÆC ANGVLARIS, ILLA CIRCVLARIS) Ad descriptiones arearum intelligendas quadam de lineis discenda sunt prius, quæ etiam aliàs non erunt inutilia. Linea sunt extrema perscriptio, quæ integræ areæ spatium circumcluditur. Linearum aliæ rectæ, aliæ flexæ. Recta est, quæ æqualiter inter sua puncta extenditur. Flexa est pars circuli, quæ apud architectos similitudinis gratia arcus vocatur. Quæ autem à duobus extremis punctis flexa linea seu circularis ducitur, pari similitudine chorda vocatur. Quæ à puncto media chorda coequalibus utrinque angulis ad arcum usq; perducitur, sagitta appellatur. Quæ à puncto medio circuli, seu centro ad extremam circuli lineam, dicitur radius. Quæ linea recta per centrum transiens duobus locis flexam circuli*

culi lineam secabit, dicetur diameter. Linea recta super rectam ad perpendicularum cadens creat duos angulos rectos: si oblique, creabit unum acutum, alterum obtusum. EX QVO TVMORES SEV TVMVLI) Etiam incendiis planicies coaggerantur, propter ruinas videlicet. Vnde Frontinus scripsit, Romam sua aetate collibus excreuisse propter frequentiam incendiis. PYGMAEOS AVTEM SVAS.) Vide Plin. lib. 7. cap. 2. INCERTVM ET RETICVLATVM) Structurarum genera inquit Vitruvius lib. 2. cap. 8. sunt hac. Reticulatum, quo nunc omnes utuntur, & antiquum quod incertum dicitur. Ex his venustius est reticulatum: sed ad rimas faciendas ideo paratum, quod in omnes partes dissoluta habet cubicula, & coagmenta. Incerta verò camenta alia super alia sedentia, interq; se imbricata, non speciosam, sed firmiorem quam reticulata praestant structuram. Hac illè. Sciendum, reticulatum opus dici, cum camenta non iacentia, sed in latius stantia ponuntur, quae structura similis est reti. Id melius erit, si fiat casis lapidibus, non rudibus, & coctilibus laterculis quadratis. Cubicula sunt sedes lapidum aut laterum. Inter se imbricata nihil est aliud, quam imbricum tegularum modo, ut unum duorum camentorum angulis, atq; adeo camenti ipsis inuehatur & infideat. Imbrices tegulae canalibus in formam ducta, & velut semitubuli. SEV OFFICINATORIBVS) Sic appellat in extremo texto

Vitru-

PROGYMNASMA

QVINTVM.

*Structuræ principia, seu copię ad
ædificiorum comparationes
necessarię.*

PHILOTECHNVS, MAGISTER.

PHILOTECHNVS. Vti tu mihi aliàs varia
sciscitanti nunquam, quę tua humanitas est,
defuisti, meq; persæpe, quę in designationi-
bus operum respicere, quęq; tibi proponere sole-
res non inuitè docuisti: ita te nunc rogatum ve-
lim, vti de communi omnium ædificiorum ap-
paratu, siue, vt tu loqui solitus es, de cõmunibus
copiis, quid in iis architectus considerare, quid
desiderare debeat, erudire me huius alumnus
disciplinæ summus tu absolutusq; artifex ne gra-
uere. M. Ordinatum tu scitator, quę in rem tuam
arbitrabere: ego ordinatum ad singula responde-
bo, quę quidem in ista etiã parte aut alienis præ-
ceptis didicerim, aut vsu ipso tractationeq; co-
gnouerim. Sed hoc primũ nosse te conducet.
Postquã è singulis partibus modulorum ita fue-
rit animaduersa, perpenſa, & percepta omnis æ-
dificij ratio, vt nulla res præterita sit: & iam sen-
tentia steterit ad eandem planè rationem moliri
ædificium: constabit etiam vnde sumptus neces-
sarij

farij suppetant: sic esse cætera conquirenda & paranda, ne quia deest hoc aut illud, opus inchoatum pendere, & tardius ad absolutionem perducı necesse sit. P H. Nempe hinc est, quod duo magni reges Dauid & Salomon Hierosolymis templum cōdituri, auri, argenti, æris, ferri, lignorum, lapidum, aliarumq; rerum opportunarum vim ante conuectarunt: à vicinis item regibus fabrorum architectorumq; ingentem numerum petierunt, vt nihil in tempore desideraretur. M. Optimè illi: nam præterquam quod operi dignitatem addit, etiam ædificantis nomen in gloria ponit, si quid cum rectè factū, tum celeriter perfectum fuerit. Alexander Philippi apud Tanaim diebus non plus septem haud modici ambitus urbem exædificauit. Nabuchodonosor fanum Beli ornatissimum diebus quindecim & cæpit, & compleuit. Semiramis singula stadia murorum, quibus Babylonem cınxit, diebus singulis absoluit. Nunc ad copias. Earum genera recense. P H. Materia, lapis, calx, arena. M. Probè: nam etsi requiruntur item ferrum, æs, plumbum, vitrum & huiusmodi, tamen quod ad nos attinet, in longa potius obseruatione, quàm in præceptione, eorum constituta est notitia. P H. Vides me primo loco materiam nominasse: quæro igitur, quando ea cædenda est? M. Inde tu incipis, vnde natura in ædificiis duxit exordium: arbores enim cæduas homines prius, quàm alia, dum sibi prima domicilia construerent, vsurparunt.

MATE-

MATERIA.

Omitto quid Theophrastus, Cato & alij sentiant: mihi cadenda videtur à nouo autumno, donec flare Fauonij incipiant: nempe circiter sextum Id. Februarias. Vere siquidem pręgnantes redduntur arbores, & vim suam in frondes fructusq; anniuersarios dispersiri aggrediuntur. Quocirca cum ob necessitatem naturamq; temporum inanes fuerint, & humidę, etiam vanę euadunt, & raritatibus imbecillę. Porro per autumnũ dum maturitate factum frondes moriuntur, succus ę terra in radices venit: inde robori suo arbores restituuntur, in pristinamq; soliditatem reuertuntur. Deinde cælum hybernum eas astringit & comprimit. P. H. Quomodo verò cadenda? M. Ad mediam vsque medullam incidenda est arboris crassitudo, & aliquandiu relinquenda, quò per vulnus illud humor & succus tanquam sanies depleatur, ac destillet, & arbor siccescat. Intus enim relictĩ humores cum concreuerint, putorem concipiunt, & materiam vitiosam efficiunt: quę utiq; non mediocrem ędificiis utilitatem ad longinquitatem præstabit: cum cernamus stantes adhuc in sylua, & viuas arbores, si humorem superuacaneum ferro, eo modo quo diximus vulneratę exsudauerint, nullam siccescendo admittere, senectutem. Iubent præterea eas antequam securibus sternantur tonderi, ramis scilicet circumquaq; amputatis: quod etiam ad siccitatem, maioremq; in opere fidelitatem futurum sit. P. II. Quid cęsarum materies quo

E

pacto

pacto habenda est? M. Reponenda loco, qui à sole
 non feruescat: vmbroso scilicet: & ad quem ven-
 ti importuniores non aspirent. Cato eam amur-
 ca illiniri suadebat, ne teredinosa existeret. Quæ-
 uis materia virens adhuc humido defossa æter-
 nat. Quomocunque autem habeatur, nisi post
 trimestre adhibenda ad vsum non est. Densari
 enim prius eam, & maturam adipisci firmitu-
 dinem oportet, quàm ad opus accommodetur.
 Eductam trahi per rorem volunt: neque roru-
 lentam, aut gelatam, aut non valde siccitam ex-
 asciari, aut ferra scindi. Ad asseres quidem val-
 uasque conficiendas antetriennium satis siccam
 fore materiem non putauit Theophrastus. P H.
 Quænam arbores ædificiis potissimum idoneæ
 censentur? M. Cerrus, quercus, robur, æsculus,
 populus, tilia, salix, aluus, fraxinus, pinus, cupres-
 sus, oleaster, olea, castanea, larix, buxus, cedrus,
 ebenum, vitis. P H. Quia sua cuique generi pro-
 prietas, vt arbitror, nec similis virtus, erunt eti-
 am aliæ ad alios vsus habiles & commodæ. De
 vtraque ista re audire gestio sanè. M. Bene in-
 telligis. Quædam nudo sub ætheris axe, vt ait
 Virgilius, seu sub diuo, vt vulgus loquitur, quæ-
 dam in vmbra, eximiè valent. Aliæ quasi nite-
 scunt in aëre: aliæ in aquis duritiem, & ad diur-
 nitatem vim magnam acquirunt. His ad lami-
 nas, asseres, sculpturas, intestina opera: illis ad
 tigna trabesque fabricandas, ad subdiualia pa-
 uimenta, seu tecta vtimur. Patientissima humo-
 ris alnus, fluuiialibus ac palustribus fundamen-
 torum palationibus vincit omnes. In aperto
 aëre,

Ære & solibus imbellis est, non durat. Æsculus
 humoris est impatiens. Ulmus in propatulo den-
 satur, alibi pandatur, nec persistit. Picea & pi-
 nus si terra operiantur, ad æternitatem profi-
 ciunt. Robur spissa, nervosa, compacta humo-
 rem respuit. Ideo ad terrenas ædificationes e-
 rit appositæ: seruiet etiam perferendis ponderi-
 bus, & in columnas aptari non dedignabitur.
 Huic cum tantam dederit natura duritiem, ut
 trebrationem nisi madefacta non sustineat, ta-
 men supra terram fieri inconstantem ac rimo-
 sam, contorqueri, & aqua marina facile corrup-
 pi scribunt. Olea, ilex, oleaster ceteræ similes ro-
 bori, aquis haud commacerantur. Quercus non
 senescit. Fagus & iuglans ab aquis non lædun-
 tur, & non sunt infimæ earum quæ defodiun-
 tur. Columnis utiles sunt suber, pinus sylue-
 stris, morus, acer, ulmus. Trabeationibus & ti-
 gnis longè optima abies, cui natura talis inest ri-
 gor, quem super incumbentium onerum pres-
 sus haud facillimè inflectat: nec suo pondere
 molesta est parietibus. Ædibus contignandis cu-
 pressus item valet, cariem vetustatèque non
 sentit vnquam, rimam sponte non agit. Inde
 prouerbiū natum, de rebus diu seruandis: di-
 gna cupresso. Valuas quidem cupressinas in æ-
 de Dianæ Ephesæ annis quadringētis velut sem-
 per nouas durasse comperio. Larix structura-
 rum moles firmissimè, ac diutissimè sustentat;
 cariei repugnat. Fuit quondam opinio, eam igni-
 bus resistere: sed inuenta est falsa: ardet enim,
 ita tamen, ut flammæ indignari, & à se repellere

conari videatur. Marinis aquis teredini fit obnoxia. Fraxinus in opere omnium durissima est. Nux cum ad cæteras res, tum ad asseritia opera admodum inuenitur tractabilis. Lætis, valuis, mensis, subselliisq; & similibus plurimum seruit abies: ut etiam picea & cupressus. Ulmus, fraxinus, iuglans faciendis asseribus parum sunt idoneæ, quia faciliè franguntur. Sclarum gradus ex orno & acere fabricabant: tubos ducendis aquis ex pinu, picea, ulmo. Ad simulacra Deorum, signa, tabulas, sumebant laricem fæminam, lothum, buxum, cedrum, cupressum, populum albam & nigram, salicem, carpinum, sorbum, sambucum, ficum. PH. Teneo ista. Nunc me de firmitate & duratione arborum per genera doce. M. Infæcundas scito esse firmiores fæcundis: sylvestres, omnisq; cultus expertes superare hortenses, & satiuas. In numero fertilium, imbecillitate maiore sunt præcoques, quam ferotinæ: dulces quam acutæ. Ex acutis & asperis soliditatis habent amplius, quæ fructus acerbiores dant, & rariores. Quæ ventos ac tempestates sustinuerunt, sunt quidem firmiores, & crassiores: breuiores tamen & nodosiores, quam quæ in vallibus locisque vento inaccessis venerunt. Materia quæque quò breuior, hoc fragilior: quò crispior eò astrictior. Ut à natura habent nonnullæ, quò diutius vigent: sic ab eadem quò strata serius corrumpuntur. Quò minus medullæ inest in quoquo ligno, eò illi natura acrior & robustior: quæ partes sunt medullæ propinquiore, cæteris duriores ac densiores inue-

inueniuntur: quæ cortici viciniore, neruo sunt tenaciore. Etenim in arboribus tanquam in animante locum cutis obtinet extremus cortex, carnis, quod subest cortici, ossium, quod medullam proximè circumdat. Sed de materia satis pro tempore: aliàs plura forsitan, cùm de his rebus denuo venerimus in colloquium. P H. Sic opinor. De lapidibus igitur age, quo genere etiam lateres comprehenduntur.

L A P I D E S.

M. Quia è lapicidinis lapides tum quadratos, tum cæmenta habemus, prius de illis pauca differam. Græci latomias vocant: Pro latomiis autem Latini quondam lautomias pronuntiabant. Sunt velut saxi fodinæ, loca cæsis lapidibus exsecta. Harum aliæ sunt molles, aliæ temperatæ, aliæ duræ ac filiceæ. Ex mollibus exempta saxa facilius in opere tractantur, & in locis tectis laborem sustinent: in apertis ac patentibus, gelicidiis, & pruinis atsecta friantur, & dissoluuntur. Adhæc secundum oras maritimas ab alsugine exesa diffluunt, neque perferunt æstus. Æstate non hyeme lapis ad ædificium effodiendus, & sub diuo habendus: nec ante biennium in opere locandus. Nam ventis, gelicidiis, imbribus ac cæteris tempestatibus assuefaciendi sunt, vt sint postmodum constantes, & inuicti aduersus omnes iniurias. Qui læsi fuerint, in subterraneas structuras vtiliter coniiicientur: reliqui velut à natura rerum probati, cælo committentur. P H. Hoc mihi videris dicere: non aliter cum lapidibus agendum ad comparandos muros, quàm cum militibus ad bellum

bellum ineundum. Sicut enim ibi imbelles ac timidi, solis ac pulueris laborumq; militarium impatientes domum ad suos cum dedecore reuerti iubentur: sic prorsus in fundamenta, velut indignos luce coniciendos lapides, æstus, frigoris, imbris intolerantes, & quodammodo effæminatos, vt velut in vmbra & otio asueto inglorij degant. M. Tale quid volo. Sed ad rem redeamus. Albi fuscis faciliores: tralucidi opacis ductiliores: salem autem imitantes intractabiliores. Arena insperfi sunt asperi: quibus scintillæ aureæ intermicant, contumaces: nigrantibus scatentes punctis indomiti: guttis angularibus asperfi firmiores, quàm qui rotundis: & quò minores guttæ, eò lapis tolerantior: & quò cuique color purgatior ac limpidior, eò magis æternus: quò minus venarum habebunt, eò integriores. Venæ lapidum colorem gerentes, æquabiles: tenues morosos: amfractuosa austeros: internodosa acerbos quodammodo indicant. Si multæ fuerint venæ, lapidem dissimilem sibi, & inconstantem arguunt. Lapis confractus, quò minus erit cute aspera, eò habilior erit scabro: in quo genere qui sunt candidiores, minus erunt obsequentes. Crudiores aqua asperfi tardius arescunt. Graues leuib; solidiores, minusq; friabiles. Qui dum feriuntur resonant, surdis denfiores: & qui ad scalpum contumaciores, aduersus tempestates valentiores sunt. Lapis omnis humectatus ferro tractabilior est, quàm cum exaruerit. Sunt item lapidum alij rediuiui, fortes & succosi, vt filex, marmora, &c. quibus innatum est, vt sint gra-

ues & sonori: alij exhausti, leues, surdi, quales
 tofinei, & fabulosi. Alij planis superficiebus, li-
 neis, angulis multiplicibus & variis: quos incer-
 tos appellamus. Rursus alij prægrandes, quos
 singulos nudæ hominum manus absque traha,
 vècte, rutulo, gerulis ad arbitrium agere neque-
 unt: alij minuti, quos vel vna manu tollas, & vbi
 vis colloques. Qui inter hos pondere & magnitu-
 dine intercedunt, iusti vocentur. Ad lateres
 eamus.

L A T E R E S.

Primùm laudes lateritij operis exsequamur. P. H.
 Ita, si tibi placet. M. Videtur priscos mortales
 inopia coëgisse, lapidum, inquam, inopia, vt è la-
 teribus ædificia componerét. Vbi verò obseruari
 ceptum est, quàm id genus constructionis esset ip-
 so labore facilè, quàm ad vsum commodum, ad
 gratiam aptum, ad perennitatem firmum, alia
 multa, & regum quoq; domicilia sic exædificata
 sunt. Postquam deinde etiam seu casu, seu dedita
 opera cognouerunt, quantùm ignis ad lateres fir-
 mandos ac densandos posset, institutum est, vt
 testaceo opere conderentur omnia: sic enim co-
 ctos lateres vocarunt, cum alios crudos dicerent,
 qui ad solem scilicet, non ad ignem coqueren-
 tur, seu siccarentur potius. Ducendi ergo late-
 res sunt non de luto arenoso, calculoso, fabuloso,
 ne grauitatem, & pondus iniustum habeant: ne
 cum ab imbris in pariete maduerint, paula-
 tim dilabantur, ac dissoluantur: ne præterea, quæ
 ipsis admiscendæ sunt paleæ propter asperitatem

tem nequeant cohærescere. PH. De quo fient igitur? M. De terra albicante, cretosa, siue de rubrica, aut etiam masculo sabulone. qua voce terreni quoddam genus apud auctores rusticos demonstratur: & nos eandem ei notionem modo donamus. PH. Et anni parte qua præcipuè ducendi? M. Vere & autumno, quo vno tenore ad siccitatem perueniant: probè etenim ad solem siccantur. Nec simul vt ducti fuerint, in fornacem immittentur, ni admodum sicci sint: nec verò ante biennium arescent satis: & in vmbra commodius, quàm in sole siccabuntur. PH. Per solstitium eos parari velim accipere cur vitiosum sit. M. Dicam equidem. Quod sol cum summum corium acerrimè coquat, efficiat, vt aridi videantur, cum intus sicci nondum sint. Et quia postmodum siccescendo contrahuntur, aritudinem perrumpunt, rimosiq; facti, imbecilli etiam euadunt. Siccis planè lateres oportebit esse: ne si in structuram recentes, & humeniores venerint, inducto & obsolidato tectorio fidentes ipsi parem cum eo altitudinem non teneant, contractionèque refugientes, ab eius coniunctione diuellantur. Atque isto modo tectoria à structura disparata, quia tenuia cum sint, per se subsistere nequeunt, necessariò frustulatim decident, parietesque recedentes vitiantur. Si necessitas coegerit per hybernum tempus fingere lateres, illico siccissima arena operiuntor. Si per mediam æstatem, humectis paleis: sic enim non findentur, neque contorquebuntur. Apud antiquos tria fuerunt genera laterum:

rum: vnum longum sesqui pede, latum pedem: alterū palmas quinque quoquò versus: tertium palmas non plus quatuor. Vtebantur item nunc maioribus, nunc minoribus: quoniam non modo vtilitatem in ædificiis, sed etiam leporem & gratiam quærebant. Hæc de lateribus. Sequitur vt altera opella perfungamur, & de calce dispuemus. PH. Sic tibi peracta erit disputationis pars tertia. M. Hinc exordiar.

C A L X.

Calci efficiendæ inutiles decernuntur lapides aridi, putrescentes, exhausti: siquidem tertia parte minus habere ponderis calcem oportet, quam suus lapis habuerat. Terrosus lapis impuram reddit. Optima coctio de saxo albo, præduro, admodum spisso: aut silice, quæ & in structuris, & in testudinibus vtilitatem magnam præstabit. Quæ cocta est de fistulosis lapidibus, tectoriis destinabitur: est quippe ductilior, & opera splendidiora reddit. Ex collectitiis torrentium lapidibus, globosis, fuscis, præduris etiam calcem non reprehendendam parant. Vtilior tamen effossus, quam collectitius: & ex fodina vmbrosâ ac humenti, quam ex arenti. Lapidem bonum in fornacem, inquit Cato, quam candidissimum, quam minime varium indito. Silices quidam albi visuntur, quidam nigri, siue fusci, quidam rubri, quidam rutili, quidam cornei coloris, cinerei, cærulei, phœnicei. Iam illud quoque dicam tibi, lapidem feruore flammæ in calcem redigi non minus

horis sexaginta. Postquam coctus fuerit, intra se latentem ignem cohibet, aqua superfusa exardescit, qua tamen ignem extinguere cernimus: oleo extinguitur, quo ignem pasci & augescere conspicimus. Extincta porro calx sic cum materia ad aptam temperaturam confundetur, ut una pars cum tribus arenæ fossiciæ, & rursus una cum duabus fluuiaticis aut littoralibus permisceatur. Quod si testam tusam & succretam ex tertia parte utriusque generi arenæ adieceris, ad usum ex temperamento proficiet. Improbant calcem, quæ ex fornacibus apportatur glebis non integris, sed resolutis, & valde puluerolis: negantque in opus validam futuram. Probant quæ ignibus purgata candidans, levis, sonora sit: quæque si aspergas aqua, multo crepitu acrem vaporis vim in altum euomit. Certum est etiam, calcem suis, & præsertim eadem ex fodina, tanquam cognatis lapidibus tenacius quam externis coherere. Gypsum quoque calcis genus est, & comparatur è cocto lapide, qui tener est, & friabilis. Coquitur horis non plus viginti. De arena restat ut dicendum sit.

A R E N A.

Tria sunt arenarum genera, fossicia, fluuiatica seu fluuiialis, marina seu littoralis. Fossiciæ, quæ maximè laudatur, species sunt nigra, cana, rubra, carbunculus, glareosa. Inter omnes fossicias carbunculum commendant. PH. Definito mihi istuc genus. M. Ex materiæ cuiusdam potestate mol-

molliore quam sit tophus, & solidiore quam sit terra ignibus naturâ perusta in Hetruria fieri carbunculum asserit Vitruuius. Cana locum tenet postremum: glareosa fundamentis faciundis adhibetur. Bonitatem ei arenæ tribuunt, quæ è fluento post primam cutem supremam abreptam eximitur. Inter fluuiatiles torrentium excellit. Marina vltima est bonitate, cuius nigricans, & vitrosa non omnino vituperatur. Littoribus versus austros aiunt reperiri deterrimam: quæ ad Libycum, non improbandam: commodiorem quæ ad rupes subfidit, & grano est crassiore. Marina difficile inhærescit, & falsugine dissolubilis continuò madescit atque subfluit. Inde onera agrè sustinet. Suadent quidam lacunæ dulcis humoris eam prius immergere, vt illa lotione vitium exuat: Fluuiatilis humidior est, quam fossicia, atque idcirco ductibilior, & tectoriis habilior. Fossicia ob pinguitudinem tenacior. Optima in suo genere arena erit, si manu confricata stridorem fecerit. Citra asperitatem terrosa, proiectaque in candidum vestimentum, & inde excussa idem non fœdatum relinquens, nec terram dimittens ibidem, bona & comoda censeatur. Non bona quæ per se lenis, colore odorêque terram luteam imitabitur. Item quæ intra aquâ exagitata, eam valde turbulentam reddet ac limosam. Item quæ in area relicta statim herbescet. Item quæ dudum conuecta, diu sub aëre ad solem, lunam, pruinas iacuerit: terrosa namque & putris euadit.

Fossia

Fossicia breui in structura arefcit, perdurant cum ea tectoria, concamerationes perpetitur, si modo recens sit. Habes breuiter quæ requisisti: quibus si contentus non es, immo, quia contentus esse non debes, ad ipsos scriptores vberius haustum accedas consulo: quorum verbis, si plura expressi ne mirere. Accidit enim iis, qui aliquem librum persæpe legunt, vt eum pœne ediscant. PH. Ego verò tibi & de labore, & de cōsilio amplas gratias ago.

ANNOTATIONES.

PRIMO LOCO MATERIAM) Lignorum quædam ignibus destinata sunt, quædam operibus, quibus materiarij utuntur: illa ξύλα καύσιμα, hæc ἱερὰσιμα Graci. Præterea ἱερὰσίμω ὕλῳ vocant. Latini lignum omne ad edificium accommodatum, materiam nominant: & materiarium, ac materionem fabrum lignarium: fabricam materiariam, fabricam lignariam, siue tignariam. Eodem intellectu est verbum materiari, & ades male materiata apud Tullium 1. de Off. ex vitiosa scilicet materia composita: nempe è lignis non tempestiuè casis: tignis & trabibus malè fulta, malèq; adminiculata, atq; ideo vitium facientes. Materiatiōem & materiaturam appellat Vitruuius structuram ligneam lib. 4. cap. 2. Graci ξυλουργίαν. A NOVO AVTVMNO) De cadendis arboribus lege Catonem cap. 17. Plin. lib. 16. cap. 39. Columell. lib. 11. cap. 2. Veget. lib. 4. cap.

36. Theophrast. *πυτῶν ἰσότηας* lib. 5. ETIAM VANÆ EVADUNT) Exemplo gravidarum mulierum appositè hoc illustrat Vitruvius. Confirmat sanè Hippocrates, mulierem ferentem uterum, cum virore pallefcere: quoniam purus illius sanguis semper quotidie è corpore destillat, & in fatum descendit, unde augmentum ei accedat. Cumq; minuat³ur sanguis per corpus, ipsam necessariò pallorem induere, debilioremq; fieri. HUMOR ET SVCCVS TANQVAM) Plin. lib. 16. cap. 39. Circumcisas quoque ad medullam alij non inutiliter relinquunt, ut omnis humor flantibus destuat. Idem præcipit Pallad. lib. 11. cap. 15. DE LAPIDIBVS IGITVR) De origine, coloribus lapidum, variis item imaginibus in iisdem apparentibus legendus Leo Baptista lib. 2. Philander in Vitruvium lib. 2. cap. 7. QVOS QUADRATOS) Lapidēs sunt casti, planis superficiebus & equalibus angulis, ut dicitur in dialogo, licet non paribus lateribus. Edificare lapide quadrato dicuntur qui scētis, & expolit^{is}, tamen si non verè quadratis lapidibus aedificent. Quid sit lapide structili, aut camentitio aedificare, consule Hadrian. Cardinal. DVCENDI ERGO LATERES) Inferciuntur in formam lateres, seu materia laterum, subigendoq; in longum trahitur. Sic lana pollice ducitur, cum digitis subacta producit^{ur}, & in filum fingitur. Ex metallis, ferro, plumbo, ære, stanno multa dicuntur duci, ex quo & ἑλάσματα vocantur lamina, quia ducuntur. Etiā
è mar-

è marmore duci aliquid dicitur. Virg. 6. *Æneid.*
vinos ducent è marmore vultus. De lateribus Leo
 Baptista lib. 2. *Pallad. lib. 6. cap. 12. Plin. lib. 35. cap.*
 14. **TERRENI QUODDAM GENVS**) Testis
 primus accedat Varro, qui est ita loquens lib. 1. *de re*
rust. cap. 9. quo de terra discriminibus disputat. Præ-
 terea etiam discrimina omnium horum generum sub-
 tiliora alia: ut in sabulosa terra quod ibi refert, sabu-
 lo albus sit, an rubicundus: quod sabulo albus ad se-
 rendos furculos alienus, contra rubicundior apposi-
 tus. Alter Colum. lib. 2. cap. 16. Si tamen nullum
 genus stercoris suppetet, ei multum proderit fecisse,
 quod M. Columellam patrum meum doctissimum
 & diligentissimum agricolam sapenumero usurpasse
 memoria repeto: ut sabulosis locis cretam ingereres:
 cretosis ac nimium densis sabulum. Idem lib. 3. cap.
 11. Cretosa humus utilis habetur viti: nam per se ipsa
 creta, qua utuntur figuli, quamq; nonnulli argillam
 vocant, inimicissima est: nec minus ieiunus sabulo.
CVM SVMMVM CORIVM) In structuris coria
 Vitruvio sunt ordines, ductus, & cursus. lib. 2. cap.
 8. Hac autem duobus generibus struuntur, ex his v-
 num isodorum, alterum pseudisodorum appellatur.
 Isodorum dicitur, cum omnia coria aqua crassitu-
 dine fuerint structa. Pseudisodorum, cum impares
 & inaequales ordines coriorum diriguntur. Lib. 7.
 cap. 3. pro ductu & directione tectorij usus est. Cum
 ergo ita in parietibus tectoria facta fuerint (uti supra
 scriptum

scriptum est) & firmitatem, & splendorem, & ad
 vetustatem permanentem virtutem poterunt habe-
 re. Cum verò unum corium arena & unum minuti
 marmoris erit inductum, tenuitas eius minus valen-
 do faciliter rumpitur: nec splendorem politionibus,
 propter imbecillitatem crassitudinis, proprium obti-
 nebit. Sed cap. 3. lib. 2. lateris superficiem hoc nomine
 expreſſit. *IN FORNACEM*) De paranda fornace
 calcaria egit diligenter Cato cap. 38. ad finem. Caus-
 sam porro, quamobrem cum receperit aquam calx,
 structuram confirmet, doctè eleganterq; exponit Vi-
 truvius lib. 2. cap. 5.

PROGYMNASMA

S E X T V M.

*Ædificationes operum publico-
 rum, ac primùm urbis.*

*OPPIVS, FVMANVS Politici, BOVILLVS,
 MANFREDVS Architecti.*

OPPIVS. Peropportunè factū, ut huic con-
 gressioni nostræ interueniretis, hominū
 familiarissimi atque sincerissimi.

Ὁππιὸς πᾶσι εἰρητοῖς ἔπος ὅτ' αἱ ἡλίδες αὐτοί.

Iamque aderant ipsi nondum sermone peracto.

B. Peropportune? qua de causa tandem? mi Op-
 pi. O. Occupationibus istis politicis relaxati (cu-
 ius

ius rei interdum potestas contingit) haud exsoluti (quod sola forsitan hora suprema nobis faciet) de architectura sermones communicabamus: verum aliquanto pinguiore: quod illis necesse est euenire, qui cum in aliqua arte tyrocinium ponere non potuerint, in ea magistri euadere nequiverunt. Proinde alteruter vestrum multò loqueretur de scientia ædificatoria scientius, subtilius, disertius, copiosius: quoniam credibile ducitur, vnumquemque in eo quod optimè nouerit, quodq; profitetur, satis esse eloquentem. M. Attende sis mihi, & caue ne in crimen vocere, quando es de alieno tam profusus ac prodigus largitor. Agent enim tecum lege, vindicabuntque oratores, qui de rebus, quas ad tempus cognouerint, melius sese dicturos glorianur, quam eos ipsos, quorum eæ res sunt propriæ. Aseuerant præterea firmissimè, ac fidentissimè, non posse quemquam artem suam dicendo illustrare, nisi ad eorum facultatem confugerit, indeque ad vsum suum mutuatitia ornamenta deprompserit. Sic Philonem architectum, qui Atheniensibus armamentarium ædificârit, perdisertè quidem populo rationem operis sui reddidisse: veruntamen in eo ipso non potius architecti, quam oratoris artificio disertum extitisse. Quod autem vt verisimile induxisti, quemlibet de sua scientia eloquendi satis magnam vim possidere; id quoq; ab iisdem explosum, & eiectum non ignoras, tametsi dissimulas. F. Non inscièter, Oppi, te Manfredus redarguit: quare ad hoc te necessitatis compulsus intellige, vt vel L. Crassi, & M. Antonio

nij eloquentissimorum, omnique dignitate principum eruditissimas disputationes irrisione ludas: vel huic amico nostro assentias: simul eius moderationem diligas & comprobas, qui non plus sibi assumere voluerit, quam ratio veritasq; concessissent. Continet se intra pelliculam suam. Avis pusilla nidulum paruum construit: & quod item vetus est, supra pedem non patitur, aut requirit calceum. O. Quin personas vtrinq; deponimus, & itasse nos aliquando in ludum oratorium, consumpsisseq; otium in exercitatione dicendi, citra metum Rhamnusiæ virginis confitemur? Ita nihil his duobus, Fumane, tribuo, quod sibi non audeant iure suo vendicare: nec est cur timeam, nec mihi sacramento contendendum sit cum oratoribus: aut promittendum vadium. B. Iam huc ventum gaudeamus licet Manfrede: en, hic nos nihil tale neque appetentes, neque verò suspicantes ad oratorum ordinem adscripsit: eo fortasse consilio, ut cum ista laudatiuncula demulserit, facilius nos ad grauem aliquam, & carptis vndique flosculis ornata disputationem eliciat. Hoc eum machinari quam sagacissimè odoror. Si tu nos pariter philosophos, deinde iureconsultos, aut medicos discernere cogitas, cras & perendie hunc in locum gratuito reueniemus. Sed iam de architectura nostra exponite nobis, si fas; quæ fuerit in hac vestro congressu versata materia. O. Quid censes? Multiplex operum vestrorū varietas: splendidissima & nobilissima quædam ædificia, quæ latinis iuxta, atque Græcis toties commendata

F literis,

literis, famam indelebilem, memoriámque sempiternam acceperunt. Ea seu bellorum licentia & immanitate destructa, euerſa, deleta: seu ab omnium rerum confectrice vetuſtate conſumpta cum recordaremur, ingemiſcebamus, & dolebamus, adeo, vt etiam frontem feriremus. F. Quantum eſt, Bouille, illa orbis terrarum miracula periſſe, ſi perierunt etiam vrbes, natura, ſitu, opere, ædificiorum descriptione, & amplitudine pulcherrimæ, munitiſſimæ, atque illuſtriſſimæ? quarum conſtitutione ars veſtra explicare ſe propemodum quanta quanta eſt poteſt: ſiquidem publicæ priuatæque ædificationes, cuiuſcunque generis, vno pæne urbium nomine comprehenduntur, quandoquidem ad eius abſolutionem requiruntur. Heu quomodo in viculos conuerſæ, quomodo collapsæ ſunt vrbes tam multæ, tam magnificæ, quas in Bœotia Mæonides ille enumerat? Quam flebiliter illa dicuntur à Panthu ſacerdote in 2. Æneid. de Troia cadente?

*Venit ſumma dies, & ineluctabile tempus
Dardania. Fuimus Troes, fuit Ilium & ingens
Gloria Teucrorum, ferus omnia Iupiter Argos
Tranſtulit, incenſa Danaï dominantur in vrbe.*

Ruit altò à culmine ſuperbum Ilium, diutim domus. De Alba longa imperio Tulli Hoſtilij proſtrata Liuius in hæc verba. Egreſſis urbem Albanis, Romanus paſſim publica priuatæque omnia teſta adæquat ſolo, vnæque hora quadringentorum annorum opus, quibus Alba ſte-
terat, excidio ac ruinis dedit. Vbi eſt, qua-
ſo,

To, vrbs antiqua illa, quam Tyrij tenuere coloni,

*Carthago, Italiam contra Tiberinâque longè
Ostia, diues opum, studiisq; asserrima belli?*

De qua item crudeli funere moritura iam Dido inter nouissimas voces: urbem præclaram statui, mea mœnia vidi. A Romano sanguine ducta progenies has arces igni populata est. O Athenæ, tam vos ab interitu Pallas, quam Carthaginem Iuno liberauit, periistis. Vbi tua Babylon Semiramis? De Hierosolyma vrbe sine dubio & maxima, & augustissima, recognoscite mecum quid saluator vaticinatus sit: quam vaticinationem certè euentus ipsa confirmauit. *Ecce Venient dies, & circumdabunt te inimici tui Gallo, & ad terram prosternent te, & filios tuos qui in te sunt, & non relinquetur lapis super lapidem.* Roma quondam arx omnium gentium, clarissimum Imperij domicilium, opus mundi augustissimum, princeps caput urbium, domina gentium, prima vrbes inter, domus aurea Romæ, vt est apud Aufonium, frustra dicta est AETERNA: non est hodie orbis epitome: multum mutata est ab illa, de qua Ouidius: & tetigit summos vertice Roma deos. Deformatam gerit faciem. Circi, theatra, fana, porticus, palatia nunc ruinæ & parietinæ sunt, & dirutæ atque combustæ velut ossa ac cineres: quæ nescio quas adhuc scintillas veteris splendoris dicuntur emittere. Argos aptum equis, & dices Mycenæ, patiens Lacedæmon nusquam visuntur. O. Dum vastationes excidiaque tot tanta-

rumq; vrbium recenseremus, conditionis humanæ memores reddebamur: & nihil esse mirandum dicebamus, nos è neruis, ossibus, venis, carne, sanguine coagmentatos, paucorum annorum curriculis dissolui, atque in puluerem mutari, cum quæ è lapidibus durissimis, è marmore ferròque constructa & compacta in omne æuum permanfura videbantur, multis abhinc ætatibus apparere desierint. Quo argumento ad causam aptissimo vsum videmus Seruium Sulpitium in epistola scripta prudentissimè atque dulcissimè, qua M. Tullium propter abitionem filia in mœrore iacentem erigere conatus est. Quem locum, nisi vos aliud vultis, ad verbum produxero. B. Hoc volumus. O. *Qua res mihi non mediocrem consolationem attulit, Volo tibi commemorare, si forte eadem res tibi minuere dolorem possit. Ex Asia rediens cum ab AEgina Megaram Versus nauigare, capi regiones circum circaprospicere. Post me erat AEgina, ante Megara, dextra Piræus, sinistra Corinthus: qua oppida quodam tempore florentissima fuerunt, nunc prostrata & diruta ante oculos iacent. Capi egomet mecum sic cogitare: Hem nos homunculi indignamur, si quis nostrum interit, aut occisus est, quorum Vita breuior esse debet, cum Vno loco tot oppidorum cadauera proiecta iaceant, Visne tute Serui cohibere, & meminisse hominem te esse natum? Crede mihi, cogitatione ea non mediocriter sum confirmatus. Hoc idem si tibi Videtur, fac ante oculos tibi proponas.* F. Cum ista quæ hactenus audiuiſtis inter nos celebrassemus, Bouille & Manfrede, nihilominus vrbium conditores laudibus ornabamus: nec prudentiæ solum haud vulgaris, verumetiam doctrinæ grauio-

grauioris opus esse statuebamus vrbes condere : quo quidem vobis architectis nihil vel ad operam studiũq; maius, vel ad commendationem præstantius. B. Neque tamen soli nos, etiam homines ad moderandam ciuitatem idonei, quos Græci πολιτικὸς nominauerunt, de huiuscemodi constructione omnium præcipua disputare solent : & vos si placitum modo fuerit, disputabitis : estis enim πολιτικώτατοι, cum ad Rempub. administrandam vsum, scientiam, studiũque omne contuleritis : & quibus rebus eius utilitates parentur augeanturque, optimè teneatis. O. De istoc nos viderimus. At politici illi de vrbe ædificanda differunt, quatenus ciuitatem beatam ac florentem effectura, videatur : vos quatenus commoda fiat, & elegans ad habitandum. Alium igitur ad finem vos, ad alium illi suam rationem referunt : quamquam haud negauerim, iisdem rebus, non quidem omnibus, at aliquibus posse vtrunque obtineri. Est autem non abs re, dispicere qualia sint, quæ moliendis oppidis initium : & qualia rursus, quæ iisdem vetustate iam antiquissimis vastitatem exitiũque creauerunt. M. De vastitate quidem, ac demolitione, quoniam causæ magis in promptu sunt, procliuus est dicere.

*Ira Thyesten exitio graui
Strauere, & aliis Urbibus Glima
Stetere causa, cur perirent
Funditus.*

Bella bella ex ambitione, inuidia, discordia, ira,
F 3 odio,

odio, etiam ex importunissimis libidinibus, foedissimisque adulteriis conflata vrbes oppugnarunt, diuexarunt, oppresserunt, euerterunt. O. Quoniam ciuitas in iis rebus est, quæ naturâ constant: quia homo est naturâ ciuile animal, id est, ciuitati hominûmque cætui colendô natum, & congregabilius quàm apes, quàm animantia quæuis, quæ gregatim viuunt: an non liquet vrbes similiter, quæ domiciliorum coniunctiones, & ipsa ciuium septa munitâque sunt, quibus incolæ aduersus belluarum laniatus, & hostiles incursiones sese tutantur, naturam habuisse sui principium? Iam hominem ita factum esse, vt in societate & communitate vitam exigeret, ecquid indicat, quòd cum rebus ad viuendum opportunis iisquæ multis indigere animaduertimus? quas cum ab ipso ortu cæteris animantium natura impertuerit, iisdemque satis consuluerit, prouideritque, hominem rationis munere condecorauit, quo sibi omnia acquireret, & pararet: ad quæ singula rursus nemo aptus, nemo sibi met sufficiens: alienis cuique auxiliis ad explendas vitæ necessitates vtendum est. Ea verò auxilia, quia non longè, sed prope, & è vicino accersere ac sumere oportebat, idcirco homines conuenire vnum in locum, ædes ædibus adiungere, vnâque habitare debuerunt. Sic sanè vicissim ad alium aliûmque vsum alter alteri, vnus plurimis, & plurimi contra vni opitulantur atque inseruiunt. Sic varias res inter nos contrahimus, auctioamur, negotiamur, mutamur,

tuamur. E terra nascentibus herbis pascuntur bestię: nos ad cibaria sola agricolis, molitoribus, pistoribus, olitoribus, laniis, figulis, coctis indigemus. Frigora illę pellibus ac tegumentis naturalibus defendunt: nos in hanc lucem nudi prodimus, & ex ea nudi abimus: ideo pannificibus, pellionibus, sartoribus, futoribus, pileariis carere non possumus. Habent illę cubilia, & latibula sua apta sine manibus: nobis habitationes fabri materiarij, cęmentarij, ferrarij, ferrarij, item vitriarij componunt. Possẽm alia ad eundem modum persequi, si res postularet. Immo nullam artem inuenies, cui exercendę non sit aliarum artium opera necessaria: nec vnus generis artifex, sine aliorum generum artificibus suo in munere versetur. Instrumenta agrorum partim lignea, partim ferrea sunt, & ab aliis, nec ab iisdem tamen omnia conficiuntur. Quorsum hæc? horsum, vt, quod multò ante dixi, clariùs pateret, indigentiam scilicet communitates atque conuentus peperisse: conuentus effecisse ciuitates: ciuitates generasse vrbes. M. Si hoc ita est, cur in Tusculanis ista leguntur? O vitę philosophia dux, ô virtutis indagatrix, expultrixque vitiorum, quid non modo nos, sed omnino vita hominum sine te esse potuisset? tu vrbes peperisti: tu dissipatos homines in societatem vitę conuocasti: tu eos primò domiciliis, deinde coniugiis, tum literarum & vocũ communione iunxisti: tu inuentrix legum, tu magistra morum, & disciplinę fuisti. B. Idem Cicero (feram enim tibi collegę meo suppetias)

pro Sextio sic ait. Qui igitur primi virtute, & consilio præstanti extiterunt, ij perspecta generis humani docilitate atque ingenio, dissipatos vnum in locum congregarunt, eosque ex feritate illa ad iustitiam atque mansuetudinem transtulerunt: tum res communem vtilitatem continentes, quas publicas appellamus, tum conuenticula hominum, quæ postea ciuitates nominauerunt, tum domicilia coniuncta, quas vrbes dicimus, inuento & diuino & humano iure mœnibus seperunt. Hoc loco, vt videtis, prudentibus viris, in Tusculanis philosophiæ, alibi oratoribus ciuitatum atque vrbiū originem tribuit. Horatius ad Mûsicos eam detorquet. Syluestres homines sacer interprèsque deorum, & quæ sequuntur. At enim uero tu, Oppi, necessitudinem & egestatem auctores faciebas. O. Nihil aliud his testimoniis effectum putatote, quàm leges, mores, instituta, religiones ciuitatum manasse à iudicio consilioque sapientum: quales etiam numerantur oratores, & apud priscam vetustatem numerabantur quoque mulici. M. Vndecunque tandem primū nata, & quandoque excitata fuerint vrbes, illud profectò nihil habet quæstionis, ad regionum proprietates & inclinationes, seu varietates cæli vrbis collocationem esse dirigendam: quando hinc naturæ gentium dissimilibus animis, corporumque figuris, & qualitatibus diuersis progenerantur, quod Vitruuius noster doctissimè, vt omnia, demonstrauit. Tum in sede qua urbem volemus constituere, salubritatem potissimum

mum considerandam, propter commodam ciuium valetudinem: quam vt singuli, ita vniuerſi quibuscumque rebus quantumcumque charis & iucundis debent antepone. F. Damas hoc tibi vel non rogati, & addimus, id ipsum permagni referre, vt beata efficiatur ciuitas. Ad solem orientem, vnde Euri veniunt, conuersæ vrbes egregie salubres sunt: quia in parte illa cælum calore ac frigore temperatius nec tot inde, nec tam periculosi difficilesque morbi. Quæ Septentrionem respiciunt, felicius censentur positæ, quàm quæ meridiem intuentur, à quo mundi latere spirat Auster, siue Notus, bonæ corporum habitudini exitialis, & à morbis quos inuehit νότος, quasi νότος, vt quidam putauerunt, nominatus. Quæ occasum versus ædificantur, obiciunturque ventorum inde ruentium flatibus, situ sunt admodum calamitoso: siquidem plurimæ corporibus ægritudines inde comparantur. Salutares etiam statuuntur editiores ac sublimiores loci propterea, quod patient totis ventis, qui cum aërem continenter exagitant, isto modo purum ac tenuem præstant. O. Valde tibi in hoc ego & Fumanus assentimur. Sine aëre nulla est sensuum efficientia. Nobiscum cernit, nobiscum audit, nobiscum sonat, nobiscum odoratur. Idem spiritu ductus, genus omne animantium alit ac sustentat. Quas nostrates medici complexionibus, nos constitutionibus & temperamentis corporum vocitamus, eas earundem habitudines consequuntur. Aër autem quo circumfundimur, non minimum, sed plurimum potius ad illam temperationem immutandam

valet, siue vt emendet, siue vt corrumpat: quem haurire sine intermissione cogimur, si animam velimus retinere. Quare si hic non crassus, nebulosus, pinguis, concretus, turbidus, verum purus, liquidus ac sincerus erit, humores & spiritus puri & sinceri erunt: alias spissi, faeculentissimi, impuri, vitiosi. Iam quomodo se corpus vtraque de causa habiturum sit, ipsi perspiciatis. Ergo salubris deligenda regio, ea enim opportunissima excitandae urbi. Salubrem caeli aspiratio facit: quae qualis vbique sit, & quibus de causis naturalibus talis sit, ex physicorum medicorumque scripturis discendum est. F. Socius tuus Bouille de caelesti urbium situ disseruit: par videtur, vt tu de terrestri earum situ, ac regione agas. Ecquid locis incultis, asperis, solis commodam iis sedem fore putas? Sic quippe à repentinis hostium incurribus, & effusis populationibus non timebitur: magna in securitate viuetur. Sesostrim Aegyptiorum regem exercitum in Aethiopiam ideo non misisse referunt, quod esset ibi praecipua locorum difficultas, & extrema frugum caritate laboraretur. Arabes quod fructibus & aqua deficerentur, ab externis hostibus tutos degisse. Italia nulla re magis tot barbaros ad se inuadendam & occupandam, quam fertilitate rerumque copia prouocauit: quae item hominibus effaminandis facit: cum contra sterilibus, lapideis, horridis locis acres & robusti mortales inueniantur. B. Barbaris sinamus barbariem suam, quibus bestiarum more adhuc viuere, & incertis vagari sedibus voluptati est: nos de hominibus veris,
non

non de feris loquimur, qui talem condendæ urbi locum quærent, & eum sibi à natura offerri optabunt, in quo cum omnia suppeditent necessaria, tum sit etiâ quod voluptati & deliciis præbeatur, & in quem nihil aliunde importari opus sit: finibus autem ita per se munitis ut sit hosti non facilis ad ingressum, & expeditior defensio libertatis. Habeat agrum vacantem rebus pernicialibus, ut sunt venenatæ bestix: sit aquarum in eo, fontium, riuorumque copia, non aliunde eò deducta. Si id negatum fuerit, receptacula, & cisternæ multæ magnæque ad aquas cælestes excipiendas parabuntur: ut præter usum quotidianum, si quando obsessâ urbe egredi in agrum non liceat, domi aquis necessariis ne indigenæ destituantur: alioqui non aberit, quin in deditiōē redigatur. Sit fecundus, amœnus, varius, nec longè à mari: ut quæ defunt commodius haberi, quæ supersunt exportari queant. Conueniet autem eam in medio agro collocari, ut oram suam circumspicere, & quò necessitas vocarit, opportuniùs accurrere possit. In montibus seu sublimibus locis ædificare vrbes cum securitas, tum salubritas hortatur: sed rerum requisitarum penuria, & subuectionis labor prohibent. Inde error magnus architecti clarissimi notatus ab Alexandro. O. Quis hic architectus, quis error? B. Dinocrates è Macedonia profectus ad Alexandrum, cogitationes se & formas eius claritate dignas afferre dixit. Athon enim montem ingentem in virilis statuæ effigiem se conformaturum, cuius læua manus sustine-

sustineret amplissimæ vrbis mœnia, dextera pa-
 teram, omnium quæ sunt in eo monte fluminum
 aquam excipientem, vt inde in mare profunde-
 retur. Ratio formæ quàm proposuit, non displicuit illa quidem Alexandro: quæfuit tamé, num
 agri essent circa, vnde victus ei ciuitati. Cum co-
 gnouisset non posse suppetere, nisi à mari, consi-
 lium est aspernatus. F. Prudenter. B. Nec aqua
 præstò est in montibus, qua homines egent ma-
 ximè: in planitie & flumina & fontes quidem
 sunt, non tamen cælum adeo purum habet: æstate
 feruet nimium, hyeme immoderatiùs alget: &
 impetus non æquè, vt altiora loca retundere po-
 test. Littora ad contrahendum, accipiendum e-
 mittendumq; idonea & opportuna sunt: tamen
 hostibus ac piratis expositæ vrbes maritimæ, &
 assiduis negotiationibus, aduenarum multitudi-
 ne parum quietæ sunt, morumq; peregrinorum,
 & nouarum illecebrarum corruptela deprauan-
 tur. Probant vrbem quæ abest à mari millibus
 decem. Quod si longius ab eo commodè extrui
 non poterit, eo loco extruetur, quò auræ maris
 humentes non nisi confractæ antea, pergurga-
 tæq; aspirent. Si celsioribus locis condetur, vi-
 dendum, ne circumcirca sublimioribus collibus
 sese attollentibus, perseuerantes nebulæ diem a-
 trum cælo assidue infuscato reddant. Curandum
 ne venti impatientiores, præsertimq; phrenetici
 Septentrionum filij immaniùs indigenas diue-
 xent. Inepta erit vrbi area, cui incumbens rupes
 eductos terra vi solis vapores retundit. Fugien-
 dum etiam, ne mons contiguus immineat, vnde
 hostis

hostis vehementius vrgeat. Cauendum præterea, ne siue mons, siue rupes, siue lacus, siue palus, siue flumen, siue fons, ita se habeat vt hosti prodesse, ciuibus nocere possit. De ambitu vrbs dicam quod à veteribus dici solitum legi: vrbs & nauim tam amplam esse non oportere, vt aut vacillet vacua, aut non sufficiat plena. Qui celebritatem nominis apud postera sæcula quæliierunt, laxissimas fecerunt. Vrbs solis à Busiride condita CXL. Memphis CL. Niniue quadringenta octoginta stadia per circuitum obtinuit. Tantum areæ alias occupasse comperimus, vt intra vrbs septa è solo eius quantum incolis sufficeret rei frumentariæ colligerent. Sed protritum est, ne quid nimis. Quod si in alteram partem delinquendum fit, malim in hanc, quæ auctum ciuium numerum queat excipere, quàm quæ suos honestè non potest continere. Nec ad tectorum modò vsum necessitatemq; vrbs habenda est, verùm & ita, vt plateis, curriculis, hortis, ambulationibus, & huiusmodi ornamentis spatia gratissima attribuantur.

O. Dum tu de vrbs ambitu explicas, murorum quibus ipse ambitus, & vrbiũ spatia definiuntur, mihi in mentem venit: de quibus existere quæstio potest, haud inutilis profectò, nec leuis, sintne illis circumdandæ ciuitates, ex potissimum, quæ virtutem se amplexatas profitentur. Non idem eruditi omnes sentiunt: adducitur enim in partem negantem cum rationibus grauissima diuini Platonis auctoritas: ea, si obtinebit, capite quodâmodo architectonica diminuetur: quæ,

quæ, si non mœnia, ergo neque turres, aut propugnacula, quorum idem est finis, molietur: nec tanta erit illius gloria de cætero. B. Absit verbo inuidia, absurdos homines, absurdum etiam ipsum Platonem. Tu, si lubet, aduersarij: ego refutatoris personam suscipiam. O. Lubet, agedum incamus pugnam disputatoriam. Non in arenis, calce, saxis & lignis, verum in habitatorum prudentia, sagacitate, fortitudine ciuitatis est inclusa securitas. Almacidas Lacedæmoniorum dux cum rogaretur, quamobrem eorum vrbs mœnia non haberet, iuuentutem in armis demonstrans adiecit. Hi sunt Spartæ mœnia. Fuerunt ergo in hac sententia Spartiata, quam re ipsa viriliter testati sunt, quando muros circum urbem nullos vnquam duxerunt: rati fortitudinem animi, & disciplinam militarem, qua perpetuo iuuentutem suam excolebant, muros esse ad defensionem, terroremque hostium longè firmissimos, planeque ferreos. Nihil inexpugnabilius concordia, qua copulati ciues, quamuis pauci, vtcunque bellicosarum copiarum incursiones atque impetus videbunt. Numantini propter vnanime constantemque consensum, sine muris tot annis Romanam obsidionem tolerarunt. Nec porro honestum est, contra virtute similes, & numero non admodum superiores, in murorum ac propugnaculorum præsidio munimentoque spem salutis reponere. possunt turribus, possunt propugnaculis vti etiam scelerati Principes ac tyranni: & inde glandibus, sagittis, telis tanquam fulminibus iaciendis, cum populo ingentem cladem, tum vrbi vastitatem asferre. In 6.
de le-

de legibus Plato sic loquitur. *De manibus autem Megille quidē assentior, ut illa in solo tacere facile patiar, & longum, si velint, quiescere, neq; his de causis erigi. Rectē enim poeticum illud laudatur, quo aenea & ferrea magis, quā terrea mania condere iubemur. Nos verò muros circumducimus, quod primum quidem ad cunium sanitatem parum confert: deinde in animos incolarū mollem quendiū, & languidum habitum solet ingenerare: ut non de hoste propulsando, sed de suis propugnaculis, quō tutiores sint, occupandis cogitent: neq; diligenti & diurna nocturnaq; custodia, sed murorum septu, licet interim ipsi stentant, salutē suam contineri arbitrentur, quasi ad desidiam nati essent: hoc ignorantes, cōmodam quietem reuera à laboribus oriri: ex turpi autem otio labores solere existere. Quid ad ista? B. Ego qd ad istas ineptias? Multa, & animadversione digna. Aio igitur risum & ludibriū debere, qui tam malè sapiunt, cum ciuitates tam altos gerentes spiritus, & se palam venditātes, re & factis refutatas nō ignorent: sunt enim ab hostibus occupatae, suoq; malo maximo desipuisse se, ac delirasse perspexerunt. Illa *κυσία* & Sparta à Thebanis, Pelopida & Epaminonda ducibus obsidione tabefactata & capta est: ipse Almacidas in potestatem adductus, muros illos de quibus dixerat, sibi patriāq; nihil profuisse intellexit. Quinetiam cum Pyrrhus Cleonymum regem extorré restituere in veterem locum conaretur, non videntes miseri Spartiatæ, qua ratione hostes arcerēt, cum ob numerosum aduersariorū exercitum virtuti suæ diffiderēt, festinatis operibus fossam ante urbem, quā hostis imminebat, altā & latā foderunt, cui operi fæminę quoq; ita impigre allaborarunt, ut tertiam partē absoluerint. Simile omnino est,*

nega-

negare vrbes muris cingendas, ac circumuallandas, atq; si quis regionem quærat, incursionibus hostium expositam, & si qua sint illic montosa & aspera loca, ea ipsa complananda curet. Item priuatas domos idcirco muris non concludat, quia incolæ propterea ignaui sint futuri. Non impedit virtutem militarem munitio: nec magnitudini animorum mœnia aduersantur. Poterunt enim qui mœnibus vrbes circundatas habent vtroq; modo iis vti: exire videlicet, manumq; cum hoste conferere, quasi vrbs aperta, & immunita sit: & secuti rationem, quam tutiorem existimauerim, intra claustra ac septa lapidum sese continere. Præstabit utique duas salutis posse vias tenere, quam vnâ. Non semper, quamuis eximia fortitudo conspiratioq; animorum, & consensus incredibilis ad defensionem sufficit: & certiora communioraq; præsidia incertioribus, minusq; communibus, parumq; vñtatis rectè atque ordine anteferuntur. Euenit etiam, vt qui adoriuntur, virtute humana, & ea quæ in ciuibus numero paucis inest, superiores ac potentiores sint. Quapropter si salutis habenda est ratio, & non vltro accipienda detrimenta, perferendæq; contumeliæ, vt quæq; operibus ac munitionibus tutissima ac stabilissima est, ita ad bellum habenda est appositissima: nec inurent sibi maculam, qui hac se ratione defendunt: nostris præsertim sæculis, quibus tot anxæ machinæ, & tormenta ad demolitiones ac disturbanceiones urbium exquisitissima excogitata cernuntur. Quod tyranni cōtra ciues suos iisdem propugnaculis vti possint,

sint, & in ea confugere, hoc vitium hominum est. Et si in aliis non ideo res tollendæ, quia iis abutuntur quidam malè: quare hîc tollatur? Ad virtutem, non ad tyrannidem munimenta ac munimina: ad salutem plurimorum innocentium, non ad libidinem vnius scelerati adiuuandam extruuntur. Si ea propter otio & ignauia ciues languerunt, vigilet magistratus, in armis eos exerceat: doceâtque maiorem in manibus, quàm in mœnibus constituendam fiduciam. Incumbendum igitur erit in eam curam, non solum vt ædificentur muri, qui urbem defendant, firmi ac solidi, bene crassi: sed etiam decori, qui eandem cohonestent. Hæc ad contrariam sententiam infirmendam dicta sunt. O. Etiam ad conuellendam & explodendam penitus. F. Bene interim, & ex ipsissima veritate Plautus in Persa, quinam urbium sint muri solidissimi vtilissimiq; ad munitionem.

SA. *Quid id quod vidisti? Et munitum tibi muro visum est oppidum?*

VIR. *Si incola bene sunt morati, pulchrè munitum arbitror.*

Persidia & peculatus ex Urbe, et avaritia si exulant:

Quarta inuidia, quinta ambitio, sexta obrectatio,

Septimum periurium. T O. Euge. VIR. octaua, indiligentia,

Nona, iniuria, decimum quod pessimum aggressu, scelus:

Hæc nisi aberunt, centuplex murus rebus seruandis parum est.

B. Sinite me paucis etiam de turribus fabulari.
 F. Nos verò, & fabulam tuam scribemus in animis. Cum mœnibus turrès vt extructione, sic disputatione coniungi debent. Quamobrem caue mœnia sine turribus ædifices. Quin enim sumptus tibi adsint ad istas ædificandas, & consummare possis quod inchoaueris, valde credimus. M. Sedisse ergo istum, & computasse sumptus qui necessarij sint ad perficiendum statuitis. F. Certè. B. Terræ multiplices sunt quasi cutes. Aliæ quidem fabulosæ, aliæ arenosæ, aliæ calculosæ, & aliæ demum alijs generis. Sub his vario incertoque ordine reperienda, est solida & densa cutis, & eo vsque turrium ac murorum fundamenta fodienda, quoniam illa propter soliditatem portandis ædificijs est omnium maximè idonea: sicut congestitia, aut ruderibus confusa tellus omnium minimè. Cæterùm concreta illa & solida cutis alicubi tam est dura, vt nec ferro facilè cedat. Alibi crassior, alibi nigricans, alibi (quod genus cæteris habetur stru-cturis sustinendis infirmius) albicans, alibi cretosa, alibi tofinea: omitto alias dissimilitudines. In solido de quo dudum sermo est, crassitudine ampliore ædificandum quam sunt parietes supra terram extantes. Prisci architecti murorum angulos improbarunt, quòd hostibus laceffentibus, magis quàm incolis propugnantibus commo-derent, quodq; non sint machinarum tolerandis iniuriis. Si ad loca præcipitia ducentur muri, non erit expeditus ac facilis aditus hostibus ad eos expugnandos. Portarum itinera non directà, sed obli-

obliqua & sinistra sunt. Amfractus sinuosi, procurrentesq; anguli, & quadrati murorum impediunt, quò minus ex pluribus locis eodem tempore hostis conspiciatur: & difficilior est eiusmodi urbis defensio: quòd angulus, vt dictum est, magis hostem tuetur, quàm ciuem. Muros ita latos volunt, vt defensores armati obuiam facti commodè se prætereant. Tam altos, vt scalis admotis transcendendi nequeant. Calce structuræque ita firmatos, vt tormentorum, machinationumque violentiæ, siue illarum quarum impulsu muri prosternuntur, siue illarum quibus suffodiuntur ac subruuntur, non cedant. Vtrique incommodo non magis muro, quàm fossa occurratur. Turres in exteriorem partem propterea proiiciendas monent, vt cum se impetu ferre ad muros hostis voluerit, è turribus dextrà sinistrà apertis laterib⁹ telis appetatur. Tanto ferme spatio distabunt, quanto telum adiici potest: vt si qua oppugnabitur, vtrinq; scorpionib⁹ & sagittis ei ad hostem repellendum succurratur. Tutiores sunt rotundæ ac polygoniæ quadratis: nam hæ minori negotio impactis in angulos arietibus dissipantur. Figura rotunda ita est comparata, vt vix pati queat: nullum quippe angulum habet expositum: & aries semper in centrum adactus, veluti cuneos multos compactos non lædit. Turres quo latere urbem spectant, muro nudatas ponito, & apertas: ne hostem fortassis immisum protegant. Turribus nulla testudo, sed lignea tabulata interstruantur, quæ vbi opus sit, & reuelli, & igne absumi queant. Illa tabulata clavis figi vetant, quò

celerius hoste prævalente deturbentur. F. Quoniam Bouillus mœnia turrésque ad ciuitatis propugnationem constituit: tu Manfrede eum leuare onere: & quæ reliqua manent de condendis urbibus *ἀπὸ τῶν τοῦ Μανφρέδε* explana: audimus enim quamuis cupidè. M. Ita sanè explanemus; sed quam licebit breuissimè: nam & quæ dicta sunt hætenus, dici vberius potuisse non ignoratis. Sequitur vt plateæ, & angiportus ad cæli regionem dirigantur. Id præstabitur perbene, si ex angiportis excludentur venti, qui frigidi lædunt, calidi vitiant, humidi nocent. Mitilenen oppidum in insula Lesbo eleganter & magnificè ædificatum memorat Vitruuius: sed non satis prudenter. Nam flante Austro homines ægrotabant, Euro, tussiebant, Aquilone, in salubritatem restituebantur: in angiportis autem & plateis propter immodicum frigus nequibant consistere. A regionibus ventorum directiones vicorum conuertendæ sunt: vt aduenientes ad angulos insularum frangantur, repulsiq; dissipentur. Diuisis angiportis, & plateis designatis videndum quæ aræ sacris ædibus, foro, & reliquis ædificiis publicis ad vsum communem eligantur. De quibus generatim hæc. Si prope mare posita erit vrbs, area foro deligetur secundum portum: si mediterranea, in medio oppido. Ærarium, carcer, curia foro coniungentur, ita, vt magnitudo symmetriæ eorum, foro respondeat: curia pro dignitate municipij, seu ciuitatis maximè extruenda est. Sacris ædibus (eorum præcipuè diuorum, qui ciuitati præsident) excelsissimus attribuen-

tribuendus est locus, vnde mœnium pars potior
 conspiciatur. Theatro quoque locus dandus sa-
 luberrimus. Ædificiorum priuatorum disposi-
 tio laudabitur, si primo animaduersum fuerit,
 quibus regionibus, aut quibus inclinationibus
 mundi constituentur. Sub Septentrione ædificia
 testudinata, & maximè conclusa, & non paten-
 tia, sed conuersa ad calidas partes molienda. Con-
 tra, meridianis regionibus (quod premuntur à
 calore) patentiora, conuersaq; ad Septentrionem,
 & Aquilonem sunt facienda: ita quod vltro na-
 tura lædit, arte erit emendandum. Secundum
 vias publicas priuatæ ædes longo ordine ad pa-
 res, quantum fieri potest, dimensiones collocan-
 dæ, vt vrbi decus & honor concilient: nec ex-
 porrigatur, quæ emineat quippiam, quod publi-
 cis viis imminuimento sit. F. Dum tu de publicis
 priuatq; disputas, grauis profectò, & eximius
 loci memoria. In vtroque genere antiquos A-
 thenienses commendans, in altero quidem sum-
 ptuosos & magnificos, in altero continentes, &
 moderatos fuisse docet his verbis. *In ipsa vrbe,*
spectate, quales & publicis, & priuatis in rebus maiores
nostri se præbuerunt: publicè enim ædificia & ornamenta
talia & tanta instruxere nobis templorum, & quæ his con-
tinentur donariorum, & ad excellentiam eorum à poste-
ris addi nihil possit. Priuatim autem adeo modesti fuerunt,
tantaq; cura reipub. institutis paruerunt, & si quis Ve-
strum Aristidis, & Miltiadis, & illius temporis illustrium
virorum domos vidit, cuiusmodi sint, vicinorum adibus ni-
hilo illas splendidiore videat. Nec enim augenda rei fa-
miliari gratia reipub. gerebant, sed quicq; rem cõmunem

sibi amplificandam ornandamq; putabant. Hæc orator Græciæ. Nunc etiam quidam ita viuunt, quasi altero die morituri: ita ædificant, quasi semper victuri, & Principum facta in hac partem studiosius imitantur, cum ipsi Principes non sint, quamuis pecuniosi sint. O. Templum noster Plato similiter in foro construï mandat, & iuxta magistratum palatia, curiasq; iuri dicundo destinatas, in quibus veluti augustissimis & sanctissimis locis iura dentur accipianturq;: partim ipsis iudiciis veluti de sacris reb⁹ iudicaturis: partim verò veluti in ipsis curiis deorum sint sedes ac delubra. Priuatas autem a^{des} sic disponi vult, vt tota vrbs æqualitate & similitudine vnus sit murus. Quæ dispositio & spectatu iuunda, & ad custodiam videtur fore opportuna: si videretur vnus domus figuram ciuitas repræsentet. Ap^l. Aristotelem in 7. politicorum sermo est de foro vnum vocat liberum, ab omnibus rebus v^{el}icibus purum ac sincerum: quò neq; quisquam fordidus atq; illiberalis artifex, neq; agricola, neque alius quisquam talis commeet, aut aspiret, nisi à magistratibus arceffatur: alterum appellat ἀνίστα forum rerum venalium, de quo super sedeb^o dicere. Hoc omittere nolui, Xenophontem in primo eorum librorū quibus regem in Cyri persona instituit, quo loco Persarum instituta in disciplina iuuentutis exponit, de libero foro scribere (vbi & regia, & aliæ magistratuum a^{des} extructæ sint.) Hinc venalia quæq; & circumforaneos homines, eorumq; clamores, & insolentias alium in locum reiectas: ne horum turba & temeritas cum

cum virorum rectè institutorum elegātia ac modestia misceatur. Ego ad metas veni. B. Iuxta tecum à sermone quiescam, si Fumanus me finat. F. Quoniam id temporis est, valetudini demus operam. M. Surgamus.

ANNOTATIONES.

Stephanus non ignorati nominis Grammaticus, *περὶ πόλεων* de urbibus commentarium scripsit, cuius tantum epitome superest. Testem citat hunc frequenter Eustachius, in *Bæotiam* Homeri potissimum, et Dionysii *περὶ ἑλληνισμῶν*, appellaturq; ab eo non suo vocabulo, sed ὅτι τὰ ἑθνικὰ συγγράμματα, ὁ τῶν ἑθνικῶν συλλέκτης, ἑθνικὰ: unde datur coniecere, ipsum auctorem operi suo indicem præposuisse, ἑθνικὰ: quia non tam proprias locorum appellationes Geographicis interpretandas suscepisset, quàm de appellationibus gentilitiis, & aliis id genus inde deflectendis, tanquam de negotio inter Grammaticos controuerso disputaret. Exponamus nunc, quid inter urbem, ciuitatem, oppidum discriminis intercedat. Seruius. Nonius. Isidorus tradunt urbem esse muros, seu mœnia, & ædificia, ciuitatem habitatores, siue incolas. Cic. cōtra Rullum. Vrbs & natura, & situ, & descriptione ædificiorum, & pulchritudine inprimis nobilis. Et in Sextiana. Domicilia coniuncta, quas vrbes dicimus, mœnibus sepserunt. Ciuitas urbem incolit. Cic. in Academ. Aristoteles non dubitasset,

quin & Prator ille esset, & Roma urbs, & eam ciuitas incoheret. Ibid. Nec hac urbs, nec in ea ciuitas. Est enim ut definit Isid. ciuitas hominum multitudo, societatis vinculo adunata, dicta à ciuibus, id est ab incolis ipsius urbis, pro eo quod plurimorum consciscat, & contineat vitas. Aristoteles lib. 7. de Repub. cap. 8. ἡ δὲ πόλις κοινωνία τῆς ὅτι τῶν ὁμοίων ἔνεκεν δὲ ζῶνς ἐνδεχομένης ἀείσης. Ciuitas autem societas quadam similium est, vita, quoad eius fieri potest optima gratia constituta. Eadem Cic. in som. Scipionis. Nihil est illi principi deo, qui omnem hūc mundum regit (quod quidem in terris fit) acceptius, quam consilia cœtusq; hominum iure sociati, quæ ciuitates appellantur. Urbs vocata est ab orbe, quod antiquæ urbes in orbem fiebant: vel ab uruo parte aratri, quo muri designabantur, per sulcum scilicet, idq; aratro. Seruius in 1. Æneid. Virgil. in 5. Interea Æneas urbem designat aratro. Huc facit locus Catonis. Qui urbem nouam condit, tauro et vacca aret: ubi arauerit, murum faciat: ubi portam vult esse, aratrum sustollat, & portet, & portam vocet. Rursum Seruius in versum à me productum. Condituri enim ciuitates, taurum in dextra, & vaccam intrinsecus iungebant: & cincti Sabino ritu, id est, toga parte caput velati, parte succincti tenebant stinum incuruam, ut gleba omnes intrinsecus caderent, & ita sulco ducto, loca murorum designabant, aratrum suspendentes circa loca portarum. Alios quosdam

dam ritus in condendis urbibus percenset Leo Al-
bertus lib. 4. Iam ut condendam aratro designabāt,
sic etiam euertendam. Horat. Ode 16. lib. 1. impri-
meret que muris aratrum hostile exercitus insolens.
Videmus tamen urbem pro ciuitate capti. Virg. 2.
Æneid. Inuadunt urbem somno vinoque sepultam.
Cic. ad Att. lib. 1. epist. 16. Emptione constituta, sen-
tinam urbis exhauriri posse arbitror. Ciuitatem dici
Verrius ait & pro loco, & pro iure hominum, & pro
multitudine hominum. Confunduntur ergo hæc dua
voces. Ciuitas item est nonnunquam Respub. ut Gra-
cis πόλις pro πολιτεία. Oppidum Varro lib. 8. censet
ab ope dictum: quod munitur opis causa, ubi sint: &
quod opus est ad vitam gerendam, ubi habitent tu-
to: vel oppida, quod opere munibant mœnia, quo
munitius essent. Festus. Oppidum dictum est, quod
opem præbeat, & quod ibi homines opes suas confe-
runt. Hinc oppidò pro valde, multum, ortum ex ser-
mone inter se confabulantium, quantum quisq; fru-
gum faceret: utque multitudo significaretur, sæpe re-
spondebatur: quantum vel oppido satis esset. Ex qua
in consuetudinem venit, ut diceretur oppidò pro val-
de, multum. Quod autem negat idem Festus, latine
dici, oppidò didici, spectari, ambulaui, quia nulli ho-
rum subiici potest, VEL QVOD SATIS EST, ipse
errat: eius errorem testimonia Ciceronis, Plauti, Te-
rentij demonstrant. Quod nonnulli tantum de par-
uis urbibus oppidi nomen usurpari à latinis credunt,

aperte falluntur. AGENT ENIM TECVM LEGE) Agere lege dicebantur, qui aliquid ex iis quæ legibus aut edictis instituta erant, in iure persequerentur: quæ potestas actio legis vocabatur. VINDICABYNTQVE) Hoc est, iudicio eripient tibi iniustam possessionem: vel vindiciarum tibi legem intendent, & ab iniusto possessore, in suam potestatem iusq; reducent. SIC PHILONEM ARCHITECTVM) Hæc à Crasso 1. de Orat. Additur cum M. Antonio Hermodorus. Nec si huic M. Antonio pro Hermodoro, &c. Similia differuntur ab Antonio lib. 2. non longe à principio. Inter illa hæc. Sed ut orator de iis rebus, quæ ceterarum artium sunt, si modo eas cognouerit (ut heri Crassus dicebat) optimè potest dicere: sic ceterarum artium homines ornatius illa suadiciunt, si quid ab hac arte didicerunt. INTRA PELLICVLAM SVAM) Monemur hoc adagio, ne fortis nostra immemores, maiora quàm pro facultate audeamus. Petatum ab asino Cumano, qui leonis indutus exuias, aliquandiu se pro leone gerebat. Agnitus deinde, magnòq; omnium risu alieno indumento spoliatus, & fustibus ad necem multatus est. Seneca in epist. Sapientem undique submouent, & intracutem suam cogunt. CITRA METVM RHAMNVSIAE VIRGINIS) Nemesis Adrastia ab Adraсто rege, qui primus ei templum posuit: Rhamnusia à Rhamnunte Attica vico, ubi eidem statua è solido lapide, Phidia opus statuta est. Hæc dea fustum,

*Insolentiam, spesq; immodicus, & temerarias punire
credebatur. Catull. ad Licinium.*

Nunc, audax caue sis, precesq; nostras

Oramus caue despuas ocelle,

Nepenas Nemesis reposcat à te

Est Vchemens Dea, ledere hanc cauero.

SACRAMENTO CONTENDENDVM) Contendere seu litigare sacramento, est magna pecunia periculo contendere: qua pecunia apud Pontificem deponebatur. Vide Turneb. lib. 29. cap. 36. & Bud. in Pand. PROMITTENDVM VADIMONIVM)

De vi verbi huius, de loquendi rationibus ex eo prognatis, egisse me recordor annotat. in dial. 33. vol. 2:

SPLENDIDIS. ET NOBILIS. AEDIF.) Septem putà orbis miracula. Theba Egyptia, ἐκ τὸ μύρουλα, centum portis admirabili artificio distinctis. Muri Babylonis cocto latere & bitumine conditi. Sepulchrum Mausoli Regis Caria, de quo Martialis.

Aere nec vacuo pendentia Mausolae

Laudibus immodicis Cares in astra ferant.

Propert. lib. 3.

Mausolae dines fortuna sepulchri

Plinius lib. 3 ubi extrema conditione vacat.

cadicis. Herodot. lib. 2. Strabo lib. 14. Pausan. in Ar-

cap. 18. Pyramides. Cicero Tuscul. 3. Gell. lib. 10.

Rhodium. Capitoliū & Egypti. Colossus Apollinis apud

in Cyzico. Alij aliter renum. Sepulchrū Hadriani

Ephesia, turrim Pharia, & in iis templū Diana

reū Iouis Olympici

nume-

numerant. De quibus cum passim multa legere possis, non est cur ego plura attexam. IN BOEOTIA) Pars secunda Iliados, in qua Homerus Græcorum copias, & naues cum locis et urbibus unde venerint, versibus plurimis commemorat. dicitur Catalogus & Boeotia. Cur catalogus, in promptu est: cur Boeotia, causam afferunt, quod à Boeotis sumat exordiū. Quare autē hoc ipsum poëta faciat, videndus Scholiastes, & Macrobius. Lactius in Solone ex opinione quorundam refert, ipsum scripsisse hunc catalogum, ab eo loco, ubi Aiace[m] è Salamina duodecim navibus instructum, venisse canit. CARTHAGO ITALIAM CONTRA) Cōmendat Virgilius hanc ciuitatem à rebus septem, quod obseruandum, & ad communem fructum studiosorum Humanitatis proponendum putauit: ut scilicet laudaturi vrbes, habeant quod imitentur. Ab antiquitate, à conditoribus, à situ, ab opulencia seu diuitiis, à studiis honestis, à pietate in Deum & cœlites, illorūque in eam beneuolentia & fauore, à sacris monumentis. Condita autem est ante Romam annis 65. HAS ARCES Iste Tertium bellum Punicum, quod anno aragine detectum est, deliberationem quoque à ac Nasica narlenda, & contrariis sententiis. Eam (scribit Velle- rat Iulius Florus lib. 2) 1. cy, quā ullius eius tem- ius lib. 1. magis inuicia lno nomini, funditus sustu- poris noxia inuisaminor) fecitq; sua virtutis mo- lit (Scipio Af- numen-

numentum, quod fuerat aui eius clementia. Diruta est, cum stetisset annis 667. AB INTERITV PALLAS) Cecrops Ægyptius Athenas condidit ante vastationem Troia annis trecentis septuaginta quinque, cum Moses annum ageret quadragesimum. Homerus eas in Catalogo, quo omnes Græcia regiones atque oras expinxit, honorifice nominavit. A conditore suo primum dicta est Cecropia: non multò post à Minerva, cui Cecrops oppidum agrumq; consecrauerat, Athenarum nomen inuenit: Minerva enim Græcè Ἀθηνᾶ. Hodie à Turcis corrupta uoce Sethine vocantur. De tam spatiosa ac nobili urbe, in quam Thesci iussu duodecim Attica populi commigrauerunt, nihil reliquum est, præter arcem in rupe, & oppidum siue pagum. Incola rerum necessariarum egèni, latrociniis, piratica, & piscatu vitam tolerant: appellatio illa omnium urbium communis ἄστυ, quæ huic κατ' ἐξ ὅλου tribuebatur, pridem exoleuit. Admetior lectori epigramma non illepidum in Athenas, & Argos: quandoquidem de hoc quoq; deletio sermo est in progymnasmate.

Quisquis Cecropias hospes cognoscis Athenas,

Quæ Veteris fama vix tibi signa dabunt.

Hæcne dei dices calo petiere relicto?

Regia partitæ hac fuit vna Deis?

Idem, Agamemnonias dices cum videris arces:

Heu vixtrix vixta vastior urbe iaces.

Hæ sunt, quas merito quondam est mirata vetustas.

Magnarum rerum magna sepulcra vides.

DE HIEROSOLYMA VRBE) De excidio huius Iosephus & Egesippus. De origine & laudibus eiusdem multa Bened. Pererius in Daniel. lib. 3. FRVSTRA DICTA EST AETERNA) Urbem vocat' ἐξολω' Romam, ut olim Athenas αἶψα, Alexandriam αἰών vocarunt. Sed additum ei praterea, aeterna: semper enim Romam, & Romanum imperiū duraturum credebāt. Testantur constitutiones Principū, inscriptiones antiquae, numismata deniq; vetustiora. Possamus & poetas in hanc rē testes laudare.

Tibull. lib. 2. eleg. 5.

Romulus aeternae nondum fundauerat Urbis
Mensa, consortis non habitaanda Remo.

Ouid. 3. Fast.

Iam modo qua fuerant syluae, pecorūq; recessus
Urbs erat, aeterna cum pater Urbis ait.

Anson. in epig.

Ignota aeterna ne sint tibi tempora Roma.

Et sequenti.

Hac erit aeterna series ab origine Roma.

Adde Marcellini verba ex lib. 14. Inter hac Orphitius Praefecti potestate regebat urbem aeternam. Sic appellat lib. 15. 16. 19. Legatur epigramma Crinagora lib. 1. Anthologia; vñ αἰώνιος, &c. Constantius Constantini Magni filius triumphali pompa Romam ingressus, interrogatusque, quid de urbe sentiret: id tantum sibi displicuisse dixit, quod ibi quoq; homines mori didicisset: multisque cum stupore visis, de fama conquestus est, quod ornans omnia semper in maius,

in iis qua Roma viserentur explicandis obsoletior est
 set. Sigon. de Imp. occident. lib. 6. Conditam tradunt
 scriptores post captam Troiam annis 437. TOTAC
 TANTARVM VRBIVM) Calamitates, euerfiones, exci-
 diâq, clarissimarũ ciuitatum enarrat Pausanias lib.
 8. PROPTER ABITIONEM FILLÆ) In mortis mentio-
 ne veteres doctores vehementer vitabant. Itaq, de
 mortuis dicebant, vixit, abiit, pro periit. Tertul. Si de
 aliquo iam pridẽ defuncto tanquam viuo quis requi-
 rat, præ manu occurrit dicere: abiit iam: & reuer-
 ti debet. Pro eodem dicebant, fuit. Festus. Abitionẽ an-
 tiqui dicebant mortẽ. SINISTRA CORINTHVS) Car-
 thaginis ruinã statim Corinthus excepit, Achaia ca-
 put, Gracia decus, inter duo maria Ioniũ & Egæũ
 quasi spectaculo exposita. Critolaus causa belli, qui
 libertate à Romanis data, aduersus ipsos usus est,
 legatõsq, Romanos, dubium an manu, certè oratione
 violauit. Ulionẽ & bellũ Metellus cœpit, Mũmius
 absoluit. Hic geminos portus postquã sanguine infe-
 cit, tandẽ ab incolis deserta ciuitas, direpta primum,
 deinde tuba pracinẽte deleta est. Florus lib. 2. cap. 16.
 Cic. pro lege Manil. Legati quod erant appellati su-
 perbius, Corinthũ patres vestri, totius Gracia lumen
 extinctum esse voluerunt, &c. L. Mummius, inquit
 Velleius lib. 1. eodem anno quo Carthago concidit,
 post annos 952. quam condita, funditus eruit, & ap-
 pellatus est Achaicus. Ibidem hunc Mummius
 cum Scipione Emiliano contendit. Iam præterea
 radim

rudem fuisse Mummiū confirmat, ut quū Corintho capta maximorum artificum perfectōrū manibus tabulas ac statuas in Italiam portandas locaret, iuberet prædici conducentibus, si eas perdidissent, novas eas reddituros. EX IMPORTVNISSIMIS LIBIDINIBVS) Ex intemperantia Veneris sæpenumero atrocissima bella, miserabilēsque Principum ac populorum clades extiterunt: cuius rei exempla complura, & notissima apud Græcos in Helena, apud Romanos in Lucretia & Virginea, apud Egyptios in Cleopatra, apud Hebræos in Dina filia Iacob, in tribu Beniamina propter sceleratē oppressam Leuita coniugem, in adulterio Bethsabæ, & in incestu Thamar sororis Absolonis. Sed ante Helenam alias fuisse mulieres pronunciat Horat. sat. 3. lib. 1. quæ bellicæ causas prebuerunt. Plures ergo ante Paridem adulteri. Herodotus lib. 1. prima inter Græcos, & barbaros bella, ex raptu fœminarum exorta scribit. Leges Athenarum lib. 13. cap. 4. QUÆ MERIDIEM INTVENTVR) super locorum salubritate præclare admodum & quorū differit toto cap. 4. lib. 1. Vitruuius. PLVRIMÆ CORPORIBVS AGRITVDINES) In eo etiam poni vocem agritudinis, cum corpus malè affectū est, vincit auctoritas Terentij Phorm. Matrem ipsam ex agritudine mors consecuta est. Ubi exponit Dqnatus, ex infirmitate ac morbo. Et Plinij lib. 8. cap. 1. Visi sunt (elephanti) festi agritudine (quando & illas moles infestant morbi)

bi) herbas supini in calumniacientes. Rursum lib. 28. cap. 6. Augurium ex homine ipso est non timendi mortem in aegritudine, quandiu oculorum pupilla imaginem reddant. DINO CRATES E MACEDONIA) Copiosè & festinè rem totam exponit pro-æmio lib. 2. Vitruuius. Plutarchus in Alexandro, & libro de fortuna eiusdem, Stasiratem nominat. Sed rationem repudiati consilij liber ex eodem scriptore, Vitruuius, inquam, adiungere. Vt enim natus infans sine nutricis lacte non potest ali, neq; ad vitæ crescentis gradus perducitur: sic ciuitas sine agris, & eorum fructibus in mœnibus affluentibus non potest crescere, nec sine abundantia cibi frequentiam habere, populûmq; sine copia tueri. PHRENETICI SEP-
TENTRIONVM FILII) Sic Varro Marci pore. Eodem lepore Horatius de pinu: sylua filia nobilis. Ode 14. lib. 1. Et de nauibus Paridis in Graciam nauigantis. Lycophron in Alexandra à φαλακράαι κόραι, Phalacrae filiae, quod essent ex arboribus Phalacrae, vnius de quatuor Ida promontoriis. CAPITE QVODAM MODO ARCHITECTONICA) Caput saepe pro existimatione, statu, conditione poni certum est. Cic. pro Quint. Quid hoc iniquius C. Aquili, quam me, qui caput alterius, famam, fortunâsq; defendam, priore loco causam dicere? In Verr. Diligenter caueret, ne quid esset in literis sociorum, quod contra suum caput atq; existimationem valere posset. In quam significationem dicitur capitis diminu-

tio. Sunt autem capitis diminutionis tria genera, ut docuit Paulus Iureconf. in Pand. maxima, media, minima: tria enim sunt quae habemus, libertatem, ciuitatem, & familiam: Igitur cum omnia haec amittimus, constat maximam esse capitis diminutionem. Cum verò amittimus ciuitatem, & libertatem retinemus, mediam esse. Cum & libertas, & ciuitas retinetur, familia tamen mutatur, minimam esse constat. RISVM ET LVDIBRIVM DEBERE) Horat. Ode 14. lib. 1. tu nisi ventis Debes ludibrium, caue. Forma loquendi à Gracis sumpta ὀφλισκάνειν γέλωτα, δίκην, μωρίαν ἐιργύνω, ἀνανδρίαν, &c. RECTE ATQVE ORDINE) Verba sunt certa cuiusdam significationis, quibus senatus uti solebat interdum, cum absolute commendare res alicuius gestas volebat. Vide Bud. in Pand. PLATEAE ET ANGIPORTVS) Platea perpetua ac latiores ciuitatum viae sunt: iuxta proprietatem linguae Graecae à latitudine nuncupata: πλάτος enim latum. Angiportum & angiportus est iter compendiarium in oppido: eò quòd sit angustus portus, id est, aditus in portum, via arcta, iter angustius. AD ANGVLOS INSVLARVM) Festus. Insula dicta proprie, quae non iunguntur communibus parietibus cum vicinis: circuituque publico, aut priuato cinguntur, à similitudine videlicet earum terrarum, quae fluminibus ac mari eminent, suntque in saelo posita. In urbibus autem metandis insulas accipimus, quidquid quatuor plateis, aut angipor-

giportis, aut alteris cum alteris mixtis cinctum est.
 THEATRO QVOQUE LOCVS) Non in scite animaduersum est à Donato, Carthaginenses 1. *Æneid.* primum leges, honores, salutem curasse in adificatione urbis noua: postea qua ad voluptates, & delicias conducerent. *Antecedit enim: Iura magistratúsque legunt, sanctúmque senatum. Sequitur.* Hic portus alij effodiunt: hic alta theatris, Fundamenta locant. VALETVDINI DEMVS OPERAM) *Crassus in extremo 1. de Orat. cum disputatio esset habita ante meridiem: nunc & Scauola, inquit, quoniam in Tusculanum ire constituit, paulum requiescet, dum se calor frangat: & nos ipsi, quoniam id temporis est, valetudini demus operam. Idem concludens secundum. Agite verò, ut vultis: sed nunc quidem, quoniam id temporis est, surgendum censeo, & requiescendum: post meridiem, si ita vobis est commodum, loquemur aliquid: qui locus priorem interpretatur. Dant etiam valetudini operam, qui nostro more pransum se conferunt.*



PROGYMNASMA

SEPTIMUM.

Arx, templum, monasterium, curia, ædes magistratuum, ærarium, forum.

*HERCVLANVS, NVMERIVS,
SEXTILIVS.*

HERCVLANVS. Non potest nō præcipuam habere dignitatem, publicorum ædificiorum & molitio, & pertractatio, ob hoc ipsum quia publica sunt, & priuata non solum amplitudine, verum etiam impendio, specie, firmitudine, diuturnitate, commoditate vincunt. Eorum autem (quantum è scriptis architectonicis animaduerti) hæc fere sunt genera, præter urbem (in qua explicanda plurimum operæ paginarumque ab illis magistris consumitur) arx, templum, monasterium, curia, ædes magistratuum, ærariū, forum, Academia, theatrum, balneæ, nosocomiū, carcer, cloaca, viæ, castra, naualia, portus, pontes, sepulcra. De quibus singulis, si à me scholas petitis, videte ne iniquiores sitis, cum iniquum adeo humeris meis onus imponatis. Si ad arbitrium meum rem totam reiicitis, dicam consilium meum. N. Nos verò reiicimus, consilióque tuo parebimus. S. Parebo dic, non parebimus: nec enim scis

scis quid ipse sit dicturus: & qua ego sim voluntate, quia deus non es, necdum nosti. Enuntia consilium Herculane. H. Vos quoque in talibus monumentis, vnde ædificandi rationes discuntur, non parum estis volutati: satis namque didici, quàm consueueritis in libris helluari, & sæpe ista legentibus interueni: nec ab elocutione tam inueniemini imparati, vt etiamnum in ludum oratorium commeari debeatis. S. Vt ista demus, quid ergo? H. Quid ergo? In partem laboris venire vos cupio: ita vt ego non quidem peritior, sed annis grauior initium faciam dissertationis huius: non eo prorsus modo, nec ea diligentia, & longitudine, nec eo fine quo architectus aliquis: sed magis oratoriè (oratoribus enim quæcunque in quacunque re concessa est explanatio) cursim, non omnia complectendo: & ad liberalem animi delectationem potius: primaque septem capita expediam: proxima sex Numerius sibi sumat: quæ relinquuntur sex, ea Sextilius tractet omnia: ne aut Quintilius, aut Quartilius audiat. S. Si essent septem aut octo, tu mihi hodie nomen commutares, & Septimium, aut Octauium vocares, vt video. N. Quid abnutas? promitte. S. Vellem hoc diceres ea mente, qua in Mostellaria seruus seni ad cœnam inuitato, & condicere nolenti. Promitte, inquit, ego ibo pro te, si tibi non libet. Promittam igitur tua fide: si vis. N. Et tua, & mea. Quid moramur? sed heus, ita spondemus rem, vt cuilibet nostrum interloqui in alterius disputatione sit integrum. H. Superbi esset id nolle. S. Volumus etiam, vt nostri conatus tibi ne displiceant:

ceant: tu enim eris Plato noster. H. Audite quid Plinius cuidam cunctatori, & tamen homini docto scribat. Tu modo enitere, ut tibi ipsi sistanti, quanti videberis aliis, si tibi fueris. Idem vobis in re minore dixerim. Aggredior cum diuis beneuolis ad propositum.

ARX.

Arx, inquit Varro, ab arcendo, quod is locus munitissimus urbis: à quo facillimè possit hostis prohiberi. Ad vrbes itaque, & in urbibus arces à veteribus constituebantur: ad quas in aduersa rerum tempestate ciuibus receptus erat. Quare Æneas in Panthum sacerdotem ab arce cum sacris fugientem incidens, rectè quærit: Quo res summa loco Panthu? quam prendimus arcem? Ut si dicat, in quam nos arcem præsidij & salutis causâ conferemus, cum tu eam, utpote iam captam, & occupatam ab hostibus deferas? In iisdem, periculosis temporibus virginum, matronarumque pudicitiam, & deorum simulacra, ut in custodia tutiøre seruabant: nec apud antiquos arcem sine templo inuenisses. Sed hæc à principio: tyranni deinde huiusmodi munitiones sedesque pietatis, immanitatis scelerumque suorum propugnacula fecerunt, & miserorum perfugia, in crudelitatum diuersoria conuerterunt. Veruntamen ut à milite non patientia solum, & fortitudo in impetu insultuque hostis sustinendo, sed etiam audacia in laceffendo inuadendoque expetitur: sic arx cum salua perferre oppugnantem, tum repellere atque ultro eum lædere posse

posse debet: ad quorum vtrunque & locus ipse, & murorum ratio proficiet. M. Tū quidem arces nondum distribuisti, quod potes, in collinas, seu montanas scilicet, & campestres, seu in planicie positas, quæ antiquiores videntur. Quærimus igitur abs te, hīc ne, an illic firmiores ac tutiores excitatum iri putes. H. Altiores habent difficiliōres accessus, defendunt se commodiūs: ædificari tamen tantis molibus & spatiis vix possunt, & egent rebus multis, quæ sunt illis in plano cum ciuitatibus communes, quæ etiam securitati comparandæ valent. Aditus exitusq; per commodos habebit, terra, fluminibus, lacubus, mari, per quos perturbatis rebus & aliena auxilia introducat, & sua educat. Muri vrbanī eam vt O literam bina cornua C literæ comprehendant, nec includant, ad hunc modum CO, vt neq; intra urbem sit, neq; extra: sed velut postica pars eius, munitissima, operū vertex, nodus vrbis, minax & inuicta fabricatio. Podiū requirūt maximè solidū, è lapidibus grandioribus. Linea obliqua ducendi muri extrinsecus, quò scalæ applicatæ dum curuantur debilitentur: & hostis dū ad murū hæret, supra incidētia saxa ægri⁹ euitet: emissæq; tormentis tela propter obliquitatē dissiliant. Aream iubēt latissimis, crassis lapidibus, duplici aut triplici folio dimissis cōsterni: ne actis cuniculis qui obsident irrepant. Murum fieri altissimum, & ad loricas vsq; , seu supremas coronas bene crassum, qui machinarū ictus & telorū verbera cōtemnat, scalisq; aut aggere æquari non possit. Reliqua eadem sunt muris vrbiū: qui erunt tuti, si hostis ne-

quibit impune accedere: ducta nimirum fossa lata, & profunda, & furtiuus per ipsum podium fenestellis, per quas hostis dū se supernè scuto protegit, à latere tergoque vulneretur. Si maritima fuerit arx, palis adactis in vada, & saxis vastioribus aduolutis nauium appulsus arcebitur. Locatas in plano, aquaria fossa muniet. Montanas præcipitia tuebuntur. Atque optandum est, vt his omnibus vti simul possimus. Vnde missilibus, & tormentorum globis petitiones commodæ, ibi muros habere angulos acutos veluti proras conuenit. Ad arcem vna primaria turris construenda, multa sui parte solida, toto opere robusta, vndique munita, reliquis celsior, accessu ardua, & per pontem mobilem. Omnino vt parua quædam arx, cui nihil eorum desit, quæ in arcibus desiderantur. Excubitorum & defensorum alij infimas arcis partes, alij supremas, alij alias cum distinctis muneribus tenebunt. Tecta ne ponderibus missilium obruantur, ad acutum angulum finientur: aut opere valido trabibusq; admodum spissis obfirmabuntur. Denique non aliter fere arx, quàm pusilla quædam vrbs ædificanda, munienda, & locis ad vsum aptis distinguenda est. Hæc de arce. S. Quam bene se tibi principia dederunt? Nunc qui tam egregij operis arces nosti extruere, templum nobis ædificato.

T E M P L V M.

H. Inesse templis ac facellis religionem scitis, & aliis de causis, & quod in his deo cælitibusq; generis nostri procuracionem habentibus, meritâque

que multa & varia in mortales assiduò collocantibus debiti honores per sacrificiorum ritus, cōprecationes, conciones, & cantus persoluuntur. Et si quod est in vniuersitate ædificiorum, in quod tum extruendo, tum honestando magna artificum ingenia, singularis industria, summa cura & diligētia se possint ostendere, templum est: quod sua præditum pulchritudine potissimum & maximum vrbi decus, atq; ornamentum parit: & videtur cælestium quasi inter homines habitantium domicilium. Sensit ita Ammonius ille monachus, qui cum Romæ vnà cum Athanasio diuersaretur, ex infinitis, & admirabilibus eius vrbs monumentis, nullum sibi, præter Vaticanum templum visendum existimauit. Quocirca si sumptuosa palatia Principibus & Regibus solemus condere: si diuersoria illustribus hospitibus, & viris nobilissimis quam cultissima quærere, & in quibus commorantur ædes, quātum finit facultas, exornare, quid tandem immortalibus in isto genere officij non præstabimus? Ac tum demum pietatem maximè coli existimemus licet, cum templorum limina in dies egregiè tepebunt, ea frequentantium pedibus attrita: quod vt fiat, talia sint oportet, quæ specie sua, admiratione & gratia intuentes detineant: & in quibus dubites, plūne artificum manus, operumq; laborem, ac ciuium studia, liberalitatemq; commēdes: & magisne ad decorem & elegantiam, an ad perpetuitatem quæsitæ & comparata videantur. Nec minorem templa ex vetustate auctoritatem, quam ex ornamentis dignitatem assequuntur. Templum

dei saxo venerabar structa vetusto, ait *Æneas*. N. Quoniam te longiorem in hoc capite, quam in antegresso futurum apparet, & res ita postulat, rogatum te volumus, ut memoriae nostrae apta partium distributione consulas. H. Consulam verò, & primum de nominibus templi disputabo, quae apud sacros, siue Ecclesiasticos scriptores septem inueni. S. Hem, septem? H. Sic res est. Ecclesiam vocant ipsum quoque locum in quem populus ad diuina mysteria celebranda congregatur. Certè & Latinis concio interdum locum significat. Alterum nomen est *κυριακόν* Græcis, Latinis Dominicum. Quid ni locus domino consecratus Dominicum? Ita etiam ex diebus hebdomadis primus & princeps colendo domino attributus, Dominicus merito nuncupetur. Agere, celebrare Dominicum August. & Cyprian. dixerunt de nostro sacrificio peragendo & obeundo. Tertium, Basilica, quod ibidem omnium regi Deo cultus & sacrificia offeruntur, ut Isidorus vult. Inde Basilicani, Basilicarum custodes. Quartum, Domus Dei. Quintum. Martyrium. Propriè tamen illa templa, in quibus sanctorum martyrum reliquiae seruarentur. Sextum, Oratorium, *εὐκτήριον*. Ea erant initio Christianismi adiculæ ad precandum. Postremum, Tabernaculum, quo nomine à Dauide sæpius templum vides appellatum. Nunc de loco deligendo. Antiqui ex disciplina Hetruscorum non quibusuis diis quocunque loco templa constituebant. Pudicitiae & bonarum artium praesidiis intra moenia: Veneri, Vulcano, Marti extra: ut ne per lubricum incedens adolescentia, matresque fami-

miliās

miliās libidinibus se interdictis contaminarent:
 & vti ab incendiōrum formidine liberata viderentur ædificia: vti demum iurgia & armatæ ciuiliū factionum discordiæ ne exorientur: nam Venus obscenæ voluptatis arbitra est: Vulcanus ignibus moderatur: Mars pugnas & tumultus regit. Præterea Cererem frumentariæ sationis magistrā extra mœnia colebant, vti deam rustrem videlicet ruri: loco autem, quò nisi sacrorum illorum causā homines adire non cogerentur. Vestæ, Ioui, Iunoni, Mineræ tanquam custodibus & tutelaribus ad medium oppidum, atque ad ipsam arcem. Palladi item vt opificum deæ, Mercurio, Isidi, Serapi vt mercatorum, ad forum. Apollini & Libero secundum theatrum, vt spectare possent ludos, quibus sunt amici. Immo vt venationes, & quæ vocantur Munera, Saturno attributa sunt: ita ludi scenici Libero, Circenses Neptuno. Herculi quibus in ciuitatibus gymnasia & amphiteatra nulla essent, ad circum. N. Augurer? H. Augurare. N. Propter certaminum eius luctarūque memoriam fortasse. H. Fortasse. Sed Neptuno ad littus maris, Iano in mōtibus excelsis, Æsculapio in insula Tiberina, & alibi etiam extra vrbeū: quòd ægrotis aqua imprimis opus esse arbitrarentur: & quòd foris, quàm in vrbe cælū putarēt salubrius. Venerati sunt ergo intra muros eiusmodi deos, vnde ad iuuentutē, & matronalem castitatē nihil labis ac turpitudinis deriuatū iri: atq; adeo illos, à quibus adiumenta, nō detrimenta accepturos se se confidebāt. Et si in isto more tam religiosè non perman-

permanferunt. Hos enim ipsos, ne iis vterentur
offensis, parùmque propitiis, vrbe dignati sunt:
insuper Febrim, Malam fortunam, Socordiam,
Pallorem, & Pauorem: quos quidem deos nullis
exorati precibus, nullis adducti conditionibus
intromittere debuerunt. Peracutus disputator, &
inuestigator veri solertissimus Aristoteles in 7. de
Repub. vno in loco, eoq; valde apto, & commo-
do ædificari vult deorum omnium domicilia, si-
ue templa. Idoneum decernit, si tantum inerit in
eo splendoris ac dignitatis, vt virtutis ibi sedes
(pietatis nimirum, quæ non modò vna de sum-
mis virtutibus, verumetiam cæterarum omnium
domina & regina est) iustè collocetur. Deinde si
erit editior & munitior, vt non facilè turbulenti,
& nouarum rerum studiosi ciues, qui in viciniis
degunt, expilationem sacris illis ædibus inferre
queant. S. Spargi ergo templa per vrbis vicos,
quod è re ciuium magis foret, non finit. H. Aper-
tum hoc quidem est. Nostratium templorum
maxima medias vrbes commodius, loca silentia,
& à concursibus ac multitudine hominum vacua
honestius, sublimia dignius, plana stabilius, &
contra concussum terræ tutius occupabunt. De-
niq; eo loco molienda sunt, vnde illis maior ve-
neratio & maiestas. Quidquid sordidum, inde-
cens, impurum, ludicrum, & precatum venienti-
bus aut ad aspectum ingratum, aut ad cogitatio-
num sanctimoniam inutile, seu noxium potius,
circumcirca remouendum longius. Area hone-
stissima iis attribuenda est quæq; à foro non lon-
gè distet, aut à vicinitatib⁹: vt oppidani citra mo-
lestiam

lestiam in dies singulos, pueri item fœminæq; sacrorum obeundarum caussa eò concurrant. Quæ tutelari diuo excitatur, & est plerumq; primaria ædes reliquarumq; princeps, præ quibus Basilica iure dicitur, locum vrbis sublimiorem, vnde oculi in omnem propemodum eius partem prospectum ferunt, meritò poscit. Nunc de positu siue situ. N. Rectè, sed antequam eò pergas, liceat pauca. Legistine historiam Ioannis Chrysostomi? H. Nunquam ego quidem. S. Nec ego. N. Ex ea cum alia permulta, tum hoc memini, quod ad tuam Herculane sententiam de strepitu, rebusq; profanis à templo secludendis corroborandam videbis non parum conducere. H. Iuua me argumentis, age. N. Constantinopoli, quam & nouam Romam, propter imperij sedem à Constantino Magno eò translatam indigitauerunt, prope clarissimum & religiosissimum Sophiæ templū, quod Constantius Constantini Magni filius Dei filio, qui est sapientia Patris exædificauit, Eudociæ Imperatricis statuam argenteā columna sustinebat. Ad eam cum sæpe ludi fierent, ludentium, spectantiumq; cachinni, vociferationes, & clamores insolentiores viro sancto cum sacerdotibus hymnos quotidie concinenti, perturbationem non modicam, & indignationem summam afferebant: vt qui rem ad Dei quoq; ipsius contemtionem spectare arbitraretur. Cum itaq; priuatis cohortationibus ad illas turbas semouendas apud magistratum nihil profecisset, pro concione auctores magna contentione accusauit. Eudocia, nō magis auara, quàm ambitiosa mulier in se omnia

omnia illa tela contorta dictitans, Episcopum de-
nuo deportandum nefario facinore curauit. Ha-
ctenus ego : iam tu quod texis , Herculane, perte-
xere perge. H. Veteres nisi impedirentur, sic tem-
pla sua ponebant, vt eorum frontes ad cælum ve-
spertinum vergerét, quò qui susceptum vota, im-
molatum, sacrificatumq; accederét ad simulacrū,
orientem spectarent : ipsaq; idola velut cum sole
surgentia, supplicantes, & sacra deferentés cõtue-
ri viderentur. Si natura loci hanc constituendæ
ædi libertatem negaret, sic condebant, vt ex ea
plerumq; vrbis aspectu vsurparetur. Si secundùm
flumina, secundùm mare, secundùm vias publi-
cas, tum frontes ripis, littoribus, viis obicieban-
tur: vt qui aduenirent, quiq; prætergrederentur,
aras conspicerè, statuasq; salutare quirent. Aras
quoad eius fieri posset, ad orientem volebant spe-
ctare, ob caussam paulò ante allatā. Id si non da-
retur, efficiebant vt maiorem templi partem re-
spicerent. Inferiores autē semper ipsis simulacris:
vt qui vota sacrificiaq; peragerent, diuinitatē sus-
picientes, disparibus altitudinibus ad sui cuiusq;
dei decorem componerentur. Pro natura autē &
auctoritate numinum, altarium altitudines ex-
plicabant : vt Ioui omnibusq; cælestibus quàm
celiūssimas educerent: Vestræ, Terræ, Mari humi-
les. Romanorum templa ab vrbe condita ad an-
num centesimū, & septuagesimū statuīs &
imaginibus deorum penitus vacarunt: quia scili-
cet Numa, teste Plutarcho, eos docuerat, Deum
nihil esse aliud, quàm mentem increatam, quæ as-
pectum effugeret. Apostoli, quiq; ab iis profecti, &
eorum

eorum institutionib⁹ eruditi, Christianę Reipub. temperandę potestatem acceperunt, scitum fecerunt, vt quamquam Hebręi, diuinitus ita moniti, ad occidentę conuerso corpore deum precibus, & hostiis venerarētur (quò scilicet nihil sibi cum ritu ethnicorum, soli emergenti supplicantium, & dum sacra illa sua procurarent ad orientem sese cōuertentium cōmune vnquam futurum declararent) nos tamē Christiani morem istum dimitteremus, seu potius nō assumeremus: immo verò, vt circumcisionem cum baptismo, sabbathū cum dominico: sic ad occidentem adorandi modum cum adoratione ad orientem mutaremus: cum timor abesset omnis, ne gentiles, dæmonas suos hoc modo adorantes imitari videremur. S. Quę ratio Patriarchas nostros ad hoc decretū adduxit? H. Hęc vtiq;. Id quod sumus, Dei sumus: ipse enim fecit nos: quē tum hoc, tum aliis nominibus adoratione prosequi debemus. Et quia ex sensili, sensumq; omnem fugiente natura coharemus, ex animo inquam & corpore, dupliciter quoq; cōditorem, vt adoremus equissimum est: gestu corporis, genuflexi nimirū, sublati ad sidera manibus, obuersi ad plagam orientalem vultibus, modisq; aliis ad intimam religionem prodendam accommodatis. Deinde animo solo, quiescente corpore: quod fit, quando eundem in ipsum deum religiosē affecti transferimus, etūque tacita cogitatione & mentibus intimis veneramur. Sic cum psallamus mente, psallimus nihilominus etiam labiis, & vocibus, quę ad aures accidunt. Baptismo cum lauamur, & aqua elemento aspe-

ctabili,

stabili, & spiritu sancto, qui corporatus non est, abluimur: illa foris, isto intus: illa à sordibus, isto à piaculis. Dupliciter item, vñ nempè sacramentorum, quæ sub oculos veniunt, & grãtia sancti Spiritus Deo copulamur. Cur ergo non etiam gemina ratione Deum adoremus? Iam verò in corporeis, & omnino in iis quæ sensus feriunt, e potissimum Deo tribuere decet, quæ illis similiora sunt, à quibus ei mystica nomina imponuntur. Deus autem lux, quæ scilicet intelligentia comprehenditur, sol iustitiæ & oriens vocatur in sanctis literis: quibus tribus mysticè intellectis, æquè in natura respondet, vt pars mundi qua aurora diem ducit, qua sol nascitur, qua sidera ascendunt. Ad hæc quidquid præstantius est, ei consecrandum & attribuendum est, à quo bona omnia, vti flumina à capitibus suis erumpunt. Et si namq; Deus partibus infinitis, & immensis interuallis rerum vniuersarum nobilitatem excellentiamq; supergreditur, verissimū tamen ac certissimum est, quæ in rebus conditis meliora, & magis eximia sunt, quoniam ad eundem dignitate propius accedūt, immo quoniam ab eius dignitate minus recedunt, melius eius præstantiam omnia superantem exprimere & referre: pulchriora videlicet illam diuinam pulchritudinem, perfectiora perfectionem, beatiora beatitudinem. Proinde cñm substantia præstet iis, quæ in illa innituntur, functio potestati, ignis reliquis elementis, aurum metallis, sol fideribus, lux aliis qualitatibus ad sensum aspiciendi, pertinentibus, vox cæteris sonis, aromata cæteris odora-

mentis,

mentis, dulcedo saporibus, hæc potius, quam eorum cognata, aut contraria in deo dicuntur. Est autem oriens meridie, occidente, septentrione multimodis nobilior. Iustum ergo, ut is potius, quam alia mundi pars deo dicetur: & is à nobis non aliò magis, quam ad eum vultu obuerso adoretur. Et quoniã neque à pluribus, neque sæpius colitur deus, quam in templis, quam sit piè institutum à maioribus, uti ea ad orientem aras constitutas habeant, ipsi cernitis. S. Magnum, & indubitatum pietatis argumentum, itare in templum assiduò, ibique precibus deum, cum sibimet, tum toti mundo placare. Quomodo portus in mari, sic templa in urbibus deus locari voluit: ut velut ab undis & fluctibus negotiorum eo perfugientes, tranquillissimis mentibus diuina solatia caperemus. Ibi per sacrarum scripturarum concionumque auditionem tanquam per cælestia quædam cantamina in animum per aures illabètia affectus turbidiores, & propensiones vitiosæ tanquam venenosæ bestię consopiantur. O rex, ô vates Dauid, quam te & in templo versari, & de templo loqui delectabat? Tux enim sunt illæ voces. *Introibo in domum tuam: adorabo ad templum sanctum tuum. Adorate Dominum in aula sancta eius. Introite portas eius in confessione. Quàm dilecta tabernacula tua Domine virtutibus concupiscit & deficit anima mea in atria Domini.* N. Apertam fecisti originem causamque huius consuetudinis. Num quid restat de aris? H. Hoc tantum: in intimo templi capite ad orientem, ut dictum est, cellam excitandam, cui princeps ara inædificetur, in qua sanctissima Eucharistia includatur. Al-

tare mensa domini, mensa mystica, & regalis diuina prorsus, ac cælestis mensa est, terrenâ accipiens, atque in cælum transmittens: cælestia rursum suscipiens, ac terræ subministrans: in terra fixum: at cælesti throno hærens. Altare, τῷ Διῷ Διονυσίῳ Dionysio, ipsis quoque mentibus ætheriis est venerabile. N. Quia supra aras statux diuorum locantur, pictæq; tabulæ, quarum artificium ac pretium tum ipsa altaria, tum vniuersam ædem mirificè excolit, antequam aliò discedas, de his nobis memorâ, si placet. H. Statuis & imaginibus ita tanguntur afficiunturque rudiores inprimis ac simpliciore animi, vt ad viuentes diuos diuâsque precaturi accedere, & eos quodammodo secum loquentes audire videantur: nec falsò dictum, imagines templorum esse libros rusticorum. Est & tertia vtilitas: vt intuendis huiuscemodi sanctorum simulâcris, eorum veniamus in memoriâ, qui partim laboribus durissimis, partim suppliciis immanissimis sublime & aureum illud templum petiuerunt: atque ita de imitatione cogitemus. Summum igitur studium pictores, statuarij, sculptoresq; adhibebunt, vt mores eorum & virtutes in subiecta materia quàm maximè connixi artificio exprimant: id quod in tabulis consequi procliuus est. Sentiebant sibi aspectu imaginû, quas in bibliothecis reponebant, animos ad virtutem accendi Romani veteres: sensit hoc ipsum vehemèter Iulius Cæsar intuenda Alexandri effigie in delubro Haditano: vt illacrymaret etiâ, ac sibi eius viri comparatione mirum in modum displiceret.

Quis

Quis autem nostrum ita ferreo pectore, ut si super aram, ante quam procumbit, luctuosissimè vel pictum vel sculptum Salvatorem in cruce morientem videat, ipse queat ficcis oculis, & inaudita charitatis eius, & suorum scelerum, quibus expiandis dei filius se ultro dilaniandum obtulit, recordari? Quoties dum Laurentij picturam intuerer, fieri me optavi Laurètium? quoties Franciscum? Etiam virginum mulierumq; sacrarum cōtemplandis statuis, imāginibus & sigillis intellexi quid possim ab illis sumere ad imitandum, quæ exempla, quæ facinora. Quid enim in Iesu diligendo ferventius Magdalena? cuius amor nullum sibi modum præscribere nouerat. Quid intactius Catharina? quid constantius Cæcilia? Ipsam verò Domini matrem, florem virginum, & spem alteram orbis terrarum quotiescunque intueor, ad omne genus sanctitatis suavisimo quodam incendio exardesco. Quod quidam monent, in cellis per latera non plures tribus aut statuis, aut iconibus immortalium super altaribus collocādas, nec seueriores marium cum mollioribus fæminarum permiscendas, non absurdè monent: ut illud quoq; prudenter & Christianè, ne sit vlla ædes, in qua non statim ingredientibus Christi patibulo suffixi imitamen in oculos incurrat: nihil quippe religiosius hoc signo, nihil salutarius aspicitur. S. Num tibi parum prudentes sunt, qui in materia signorum istorum eminentiæ personarum, prærogatiæ, præcellentiæ rationem ducendam suadent? H. Prudētes verò; tametsi id parum hodie seruatur.

Non seruetur: & in disputationibus semper quid fieri seu oporteret, seu addeceret, & quid perfectum esset, non quid fiat cōsiderandum. Ex margaritis, lapillis, auro Christum, Mariam, Apostolos fabricemus: alios ex argento, quosdam ex e-bore, è cristallo, è ligno, è marmore, ex orichalco. Veruntamen quemcunque Deus cælo dignatus est, is meo iudicio apud homines auro gemmisq; dignandus est. Structura & ædificatio templi veteribus erat triplex, Dorica, Corinthia, Ionica. Primi generis seuerior, sine deliciis: quo exemplo fiebant Mineræ, Marti, Herculi: quòd putarent virtutum numina plurimùm sola gravitate & securitate capi. Secundi elegantius & ornamentis affluebat, eratq; delicatior: quomodo Veneri, Floræ, Proserpinæ, fontium nymphis fama condebantur. Postremi mediocrem & ornatum & simplicitatem habebat. Sic Iunoni, Libero, Dianæ vt mediocritatis amantibus ædificabant. Ego de nostris templis ita sentio. Si Imperatores & Reges antiqui diis inanibus, iisdemq; furibus, adulteris, scortis tantarum molitionum ædes impensa & ornatu incredibili condiderunt, & ea re pietatis laudem etiam apud postera sæcula promeruerunt, nonne Christiani principes Deo viuo & vnico, tum deinde amicis eius, æternum cum eo regnaturis, si quàm sumptuosissimè, & decentissimè sacraria constituent, commendationem haud vulgarem apud omne nomen Christianum merebuntur? Sed de magnificentia certum nihil assero, nec decerno, præter hoc vnū, vt huiusmodi ædificiorum perfectionibus interiori-

rioribus magnificis respondentia sint vestibula. Si namq; interiora speciem eximiam & elegantē habuerint, aditus autem humiles & abiectos, decorū extare quī poterit? Habeant item partes præcipuas duas, quarū prima dicitur *βῆμα*, quod gradibus ad eam scāditur: & *ιεράριον* sacrarium, quia ibidem conficitur sacrum, vbi scilicet est ipsa ara. Vocatur etiam *διακονικόν*, quoniam non nisi Diacono in sacrarium fas erat ingredi. Altera dicitur *ναὸς*, quæ populum continet. Testudinatū tutius ab incendio, cōtignatum à terræ motu: & illud ad vetustatem durabilibus: hoc ad gratiā venustius erit. Omne templum ad amplitudinē vrbis proportionem comparationemq; habebit: & minora pro dignitate loci, & vsu, ædis primæ rationes imitabuntur. Disputant multis scriptores architectonici de templorū ornamentis, quā parietum, quā fenestrarū, quā tectorij, pavimenti, columnarum, tecti, fastigij, ianuārū, valuarum, ararum, candelabrorum, statuarum: quæ nos cuncta præteruehamur, & quod huic parti sermonis mei cōiunctum est, ad monasteria conuertamur: ad monasteria abeamus. N. Etiam, censeo, ad monasteria, non in monasteria: necdum enim cucullum induere statui. H. Quid si statuas aliquando, quamuis senex? N. Coruos reperiri albos legi, perraros tamen: alioqui mentiatur contritum vetustate prouerbium: sed ex nigris albos effici nōdum legi, quod sciam. S. Ha, ha. H. Ad rem.

MONASTERIVM.

Monasteriorum alia verè claustra dici possunt: sunt enim cōclusa, & seris obfirmata, nec inde in

publicum domesticis exitus, nec extraneis ingressus: alia seras adamantinas non habent, unde, inquam, prodire habitantibus, & quò intrare aduenientibus (viris tamen) licitum: ut ob id minimè in diri carminis deuotionem incurrant. Illa superiora fæminarum sunt: puellarum nempe, aut viduarum, quæ se perpetuæ religioni & castitati consecrarunt. Hæc marium, quos græca voce monachos, quasi solitarios appellamus. Virginum monasteria inter mœnia si condantur, video non vituperari: si penitus & longius extra urbem, video non omnino laudari. Quod etiam de altero genere monasteriorum, virilium puta, affirmauerim. Quamquam enim in solis ac silentibus locis minus est saluatorum, nulli celebrantur cœtus, nulla negotia geruntur, nulli per circuitum strepitus, ut proinde nihil pæne sit, quod vel hos, vel illas in religiosissimis animorum exercitationibus, in concentu diuinorum hymnorum obturbet, atque impediat: solitudo tamen ipsa, ubi nulli arbitri, stimulatix quædam est ad peccandi audaciam: in urbibus, & propè vrbes multi spectatores ac testes, dehortatores etiam à flagitiis. Quamobrem in utroq; genere faciundum, non modo ut si possint non velint, sed etiam si velint non possint ruere in libidinè. Neq; tam castra militum vallo fossaq; , quàm parthenones illi muris præaltis, citra apertiones obualandi sunt: dandaq; non indiligens opera: tum ut ne tamquam fures thesaurarij clam irrepant, qui pudicitiam illis eripiant: tum ne aut verbis, aut aspectu alieno graui cura faucientur, & cæcis ma-

ceren-

serentur ignibus. Oculi enim sunt in amore duces. Lumina introrsus per aream subdiualem excipient, circum aream porticus, ambulatio, cellæ, cœnaculum, conclauia, singula aptis ad vsum locis disponentur. Ad animum leuandum reficiendumq; hortulorum gratia ne desit. Si extra urbem ædificabuntur, seu huic, seu illi sexui, saluberrima optabuntur loca: aliter enim si fiat, corpora iam ante crebris & voluntariis afflictata suppliciis, & nocturnis ægra peruigilationibus, facile morbis iactabuntur, è quibus nunquam conualescant. Bene munita sunt, muris, fossa, yallo, vt ne grassatores, aut hostes ad quiduis audendum incitentur. In oppidis commoda erunt pomœria, aut loca minus celebria, vbi ædificiorum raritas, nullus plaustrorum stridor, inconditi clamores nulli, quies à pulsibus, sonitibus, fragoribus quâtum licebit maxima. Transeo ad curiam.

C V R I A.

Principiò senatū in templis habere mos fuit, post extra urbem: tandem, quod ad maiestatem aptius, & ad vsum commodius visum, in medijs vrbibus consilio publico peculiare conditum est ædificium: cui idcirco templum adiungebant, vt Patres non nisi diis prius salutatis ad consultationes de repub. accedendum sibi intelligerent; & vt aliarum rerum magnarū, sic huius primordium à diis immortalibus caperent. Ac fuit olim etiam Christianis in consuetudine, vt senatores ante rei diuinæ interessent, quàm in senatū irent.

Esse item locum, vbi legati Principū, ipsiq; Principes exciperentur, existimatum est futurum & dignitate ciuitatis. Romanam quidem curiam pro Milone Cicero vocat templum sanctitatis, amplitudinis, mentis, consilij publici, caput vr-
bis, aram sociorum, portum omnium gentium. Quamquam in ædificanda curia inprimis municipij ipsius, seu vr-
bis nobilitas consideranda erit, & ad eam eius informanda descriptio haud secus, quàm aliorum publicorum operum. Si quadrata erit, quantum spatium tenuerit latitudo, tantum, & semis altitudo complectatur. Sin oblonga, longitudo & latitudo componantur, summâque composita, eius dimidia pars sub lacunaribus altitudini detur. Ad hæc parietes medij præcingendi sunt coronis, ex intestino opere, aut albario ad dimidium altitudinis, vt ab illis præcinctionibus, seu transuersis cingulis interceptæ, & veluti repulsæ voces contentæ, & antequam altius elatæ dissipentur, coactæ percipiantur. Sic suggestus concionatorum in templis opere intestino obtegimus: eodem hemicyclas sedes per odeas, quas choros vocitant, ne scilicet vox elabatur. Curandum præterea, vt itinerum, luminum, spatiorum & reliquorum, quæ vsus poscet, nihil desit. Aditum quoq; non minus munitum quàm honestum esse volunt: ne infima plebs turbulenti alicuius hortatibus concita irrumpat, & consilium publicū violet. Ob eam causam præsertim porticus, ambulationes & eiusmodi adicienda præcipiunt, vbi seruitia, clientesq; obuersantes, ac præstolantes, suis contra vim præsidio esse

esse queant. Non curiæ modò, sed locis omnibus, quibus aut recitantium, aut cantantium, aut disputantium voces audiendæ sunt, magis contiginata, quàm testudinata conueniunt: quibus cum vox non retundatur, eam haud perfectè intrare in aures necesse est.

ÆDES MAGISTRATVVM.

De magistratuum ac Principum in Repub. domibus ista reperi in architectonicis. Cuique ad propositam vitæ similitudinem, seu tyrannicæ, seu regiæ, seu priuatæ habendam esse: nec vituperari, si secessus quærant: tum amœnitatis gratia, qualis fuit illa Anchisæ, de qua Virgil.

secreta parentis

Anchisæ domus, arboribusq; oblecta recessis:

tum ne crebritas saluatorum molestiam exhibeat. Qualescunque autem, & ubicunque sint, saluatorum capacia receptacula, egressusque haud angustos habere oportere. Sed quoniam ego Plinij consilium non aspernatus, Ciceronis Officiorum libros propemodùm edidici, quos, ut illos de Repub. præ aliis latinis legere solitum Alexandrū Seuerum, memoriæ mandauit Lampridius. locum vobis ex libro primo de hominis honorati ac principis domo ad verbum dabo. *Eius finis est & sus: ad quem accommodanda est adificandi descriptio: & tamen adhibenda dignitatis commoditatisque diligentia.* Cn. Octauio qui primus ex illa familia consul factus est, honori fuisse accepimus, quod præclaram adificasset in palatio & plenam dignitatis domum: qua cum vulgò viseretur, suffragata domino, nouo homini, ad consulatum putabatur. Hanc Scaurus demolitus, accessionem adiunxit ad-

buc. Itaq; ille in suam domum consulatum primus intulit, hic summi & clarissimi Viri filius, in domum multiplicatam non repulsam solum, sed ignominiam & calamitatem. Ornanda est enim dignitas domo, non ex domo tota querenda: nec domo dominus, sed domino domus honestanda est. Et Viri ceteris habenda ratio non sui solum, sed etiam aliorum: sic in domo clari hominis, in qua & hospites multi excipiendi, & admittenda hominum cuiusq; generis multitudo, adhibenda est cura laxitatis. Aliiter ampla domus, de decori saepe domino fit, si est in ea solitudo: & maxime, si aliquando alio domino solita est frequentari. Odiosum est enim, cum a pratercuntibus dicitur: O domus antiqua! heu, quam dispari dominare domino? quod quidem his temporibus in multis licet dicere. Cauendum est etiam, praesertim si ipse adifices, ne extra modum sumptu & magnificentia prodeas: quo in genere multum mali etiam in exemplo est. Studiosè enim plerique praesertim in hanc partem facta Principum imitantur: Ut L. Luculli summi Viri, Virtutem quisi? at quam multi Villarum magnificentiam imitati sunt? quarum quidem certe adhibendus est modus, ad mediocritatemq; reuocandus: eademq; mediocritas ad communem & sum cultumq; Vita referenda est. Restat ut de ærario, & foro pauca dicamus.

ÆRARIUM, FORUM.

Quò tutius & promptius sit ærarium, in media & celeberrima vrbis parte ponendum opinantur, coniungendum, inquam, foro. Quod diligenter à Romanis seruatum. Constat enim ærarium fuisse in æde Saturni, quæ foro imminebat: & testatur id Macrobius Saturnal. lib. 1. cuius rei hanc rationem adducit. Aedem verò Saturni, inquit, Romani ærarium esse voluerunt, quòd tempore quo incoluit Italiam, fertur in eius finibus nullum

lum furtum esse commissum: aut quia sub illo nihil erat cuiusquam priuatum. Præfecti ærarij & Quæstores dicuntur, qui barbarè Generales finantiarum. Coactores, qui nunc receptores particulares, Græcis ἀποδένται: & coactio argentaria pro ipso munere cogendi pecunias. Romanum ærarium tributis constabat & vectigalibus. Vectigalia, vt ex Cicerone liquet pro lege Manilia, trium erant generum: ex agricolatione: mercibus exportatis vel importatis, vnde exagoga dicebantur, & isagogica: denique ex agris pascuis. Primum decimas complectitur, sequens portorium, postremo scriptura nomen est.

Fora apud Romanos alia dicuntur fuisse in quibus ciuiliū negotiorum, aut delectationis causa conuentus agebatur: alia in quibus res ad communes populi vsus paratæ venderentur. Prioris generis inprimis nobilia fuisse scribuntur tria, Romanum, Cæsaris, Augusti, de quibus Seneca, & de quibus intelligendi poetæ, cum de triplici foro loquuntur, aut tria fora nominant. Ac primum quidem simpliciter forum sæpe appellatur. Idem forum magnum & Latium in Fastis, & vetus Herodiano in Antonino. Patuit in longitudinem à Capitolini radicibus ad Titi arcum. Secundū fuit post templum Pacis, & Faustinae. Tertium post ædem D. Martinæ, superiori vicinum. Eiusdem generis fuerunt Neruæ, quod transitorium dictum, quia inde ad tria illa fora transitus esset. Traiani inter Capitolinum & Quirinalē. Sallustij in Quirinali post ædem D. Susannæ. Posterioris generis

generis recensentur boarium, piscarium, cupedinarium, suarium, olitorium, suburratum, & alia nonnulla. Græci in quadrato, amplissimis & duplicibus porticibus fora constituebant, crebrisque columnis, & lapideis, aut marmoreis epistylis adornabant, & supra ambulationes in contignationibus faciebant. Italix vrbes fora obliqua edificabant, in quibus more antiquo gladiatoria dabantur munera. De constructione multa Vitruvius, ad quem itote sultis: neque enim architectum profiteor. S. Antiquum obtines, cum mannis videri nescire, quod Socraticum: quam nihil ignorare, quod Sophisticum est. N. Stetit talo recto tua fabula. S. Mox videbimus et quid etiam tua statura sit. Quin ordiris?

ANNOTATIONES.

QUID TANDEM IMMORTALIBVS) *Magnificentissima templa per orbem Christianum condita recenset Ioannes Stephanus Durantus de ritibus Ecclesie Cathol. lib. 1. cap. 2. PRÆ QVIBVS BASILICA) Basilica principio locus fuit, quo sub iectum ad ius dicendum principes convenirent, cui loco dignitatis gratia additum erat tribunal. Post id, quod esset ea quidem laxior, primariis tectis non sufficientibus, circum addidere porticus patulas intrinsecus hinc atque hinc, primum simplices, mox etiam duplices, &c. Erat porro persimilis templo basilica, proinde compari fere modo exornabatur. Basilicas*
vias

vias nostri pratorias interpretantur, & consulares. Nam quod magnum est, basilicū dicitur. Hac pluribus Rhodigin. lib. 28. cap. 11. In basilicis iudicia peragi consueſſe indicat. Quintil. lib. ult. Plin. epist. Scriptores sacri pro sacris adibus basilicas dicere gaudent. Et olim templa deo dicata dominica, sanctis, martyria nominabant. QVAE IN ILLA INNITUNTUR) Quae accidentia & quidem separabilia nostris dialectis appellantur, & à Porphyrio sic in isagoge definiuntur, συμβεβηκότα ἐστὶν, ἃ μὴ ἐταυ χεὶ ἀπορὶ vetu χεὶς τῆς τῆ ὑποκειμένης φθορῆς quae assunt & absunt, sine eius quod eis subest interitu, haec, inquam, Lucretius euenta dicit lib. 1. ubi docet prater corpora & inane non relinqui tertiam aliquam naturam in rerum numero: sed omnia esse horum duorum aut coniuncta, id est, accidentia inseparabilia, aut euenta, quae etiam græcis illis Porphyrianis convenientissimè definit.

Coniunctum est id, quod nunquam sine pernicioso

Disſidio potius est ſeiuungi, ſeq̃, gregari:

Pondus & ſaxiſ, calor ignibus, liquor aquai

Tactus corporibus cunctis, in tactus inani.

Seruitium contra, libertas diſſidiaq̃,

Paupertas, bellum, concordia, cætera quorum

Aduentu manet incolumis natura abiriq̃ue,

Hæc ſoliti ſumus, & par eſt, euenta vocare.

EX INTESTINO OPERE, AUT ALBARIO)

Opus inteſtinum architectis, quidquid ligno conſtat.

Albarium opus, quod ſit pura calce: idem opus alburnum

bum Vitruuio. Tectoria, quæ sunt illinimenta quædam parietum, & quasi pauimenta, atque incrustatio, aut calce pura fiunt, & albarium opus: aut gypso, & fortasse gypsatum: aut calce & arena, & arenatum: aut marmore & calce, & marmoratum nominatur. Qui tectoriis parietes induunt, Græcis *κοιῶται*: albinī, siue albarij Iureconsultis. **AERARIVM**) Differt fiscus ab erario. *Erarium* dixerunt pecuniam publicam, & imperij: *fiscum* pecuniam Imperatoris: quod verbum à *fiscis* ductum, id est, sportulis. *Asconius*, sporta, sportula, sportella, nummum sunt receptacula: & sacci, sacculi, sacelli, crumena ex vellere, & scortea, & mantica, & marsupia. *Fisci*, *fiscina*, *fiscella*, *spartea* sunt utensilia, ad maioris summa pecunias capiendas. Vnde quia maior est summa pecunia publica quam priuata, factum est ut *fiscus* pro pecunia publica, & inde confiscati dicantur. **CONSTAT AERARIUM FUISSE IN AEDIBUS SATVRNI**) Et alioqui veteres cum Græcū Romanī pecuniam publicā in sacris adibus deponebant, quasi deos deasq; illarum habituri fidelissimos custodes. Idem diuites solebant. Cic. 2. de leg. Sacrum, sacroque commendatum qui clepsit, rapsitue, parricida esto. Alexander in Sicilia deposuisse apud Solos in delubro pecuniam dicitur: & Atheniensis Clisthenes Iunoni Samiæ, cuius egregius, cum rebus timeret suis, filiarum dotes credidit. Et epist. 20. lib. 5. Nam

de Luceio est ita actum, ut auctore Cn. Pompeio illa pecunia in fano poneretur. Id ego agnoui meo iussu esse factum. Qua pecunia Pompeius est usus, ut tua, quam tu deposueras, Sextius. De pecunia ex Pompeianorum bonis redacta, & ad Opis deposita, crebro in Philippicis. Caesar 3. de bello civili. Præterea Ephesi à fano Diana depositas antiquius pecunias Scipio tolli inebat. FORA APUD ROMANOS) Trinium & forum sola videntur amplitudine differre: est siquidem trinium pusillum velut forum. Platonis in hoc extat decretum, ut in trinio spatia fiant, quo nutrices conveniant cum pueris, sintque unà. Credo, quia pueri validiores redderentur usu aura liberioris: & nutrices laudis studio essent lautiores, & minus inter tot eius ipsius rei observatrices errarent negligentia. Rhodigin. lib. 28. cap. 11. Forum venalium Græcis ἀγορῆς, λίθος, πωλητήριον, apud Herodot. etiam ἀγορήριον. Foro cedere dicebantur argentarij, cum tabernis, id est mensis suis cedentes, quæ in foro Romano erant, aliò habitatum migrabant. Argentarij enim Roma tabernas in foro publico conductas habebant, ut multis Plauti & Terentij locis patet. Etiam decoctores foro cedere dicebantur. Turneb. lib. 16. cap. 5. sic explicat. Foro cedere, est aris alieni causa in forum non ventitare, & creditoribus non solvere, quod genus cessionis erat.

erat. Itaq; inter creditores bona diuidebantur. Seneca lib. 4. de benef. cap. 39. & appellare debitorem ad diem possum, & si foro cesserit, portionem feram. Id tamen de argentariis praeipue dici solebat, qui mensam in foro habebant. BOARIVM, PISCARIVM) Forum suarium, inquit Varro lib. 1. de lingua latina, in quo sues venduntur, ut boarium in quo boves: & piscarium, olitoriumq; in quo pisces, oleraq; sicut forum cupidinis, in quo cupidinarij negotiantur. Quae omnia in vnum locum contracta, postquam aedificatus est locus, appellantur macellum. Caterum in foro cupidinario lepusculi, cuniculi, perdices, phasiani, & alia id genus ventris deliciae veniebant.

PROGYMNASMA

OCTAVVM.

*Academia, theatrum, balnea,
nosocomium, carcer, cloaca.*

I I D E M.

NVMERIVS. Quia mihi fors tam beneuolos, dociles, attentosq; auditores dedit, non vtar procemio: siquidem nihil eorum desidero, quorum causa potissimum negotia sedu solempne antiquum est. Quod si hoc Oratoribus in ciuilibus controuersis saepe contingat, nae illi
non

non paruo se labore leuatos fateantur. H. Tuo in arbitrio rem totam ponimus: proæmij gratiam tibi facimus: sumus tui percupidus: qua de re audituri sumus, non nescimus: nec peregrinabuntur aures nostræ: sed ad tuam disputationem comedendam ac bibendam se totas dabunt. S. Quò non progreditur in sermone libertas, & à quacunque propemodum re, ad quamcunque aliam transferendarum vocum licentia? En à cibo & potione, & ab officio gustatus ad auditatem audiendi, & ad munus aurium hic vocabula duo, neq; id non illustrium scriptorum exemplo accommodauit. Verùm iam tu, Numeri, ad pensum accedito, nihil præfatus omnino, vt voluisti: tamen ipsa procemij recusatio quoddam procemiolum fuerit. N. Ab Academiis, qui primus est de senario meo locus, disputationem inchoabo.

ACADEMIAE.

Musarum illa templa, optimarum artium officina, emporia, mercatus, sapientiæ diuersoria, domicilia, palæstræ literarum, scholæ scholarum, sedes doctrinarum, nobilium ingeniorum cultrices & altrices, quas Academias, Gymnasiaq; nominibus vsitatissimis nominamus, in quæ frequens auditorum numerus quotidie cõfluit, suo quiq; magistro, suæq; disciplinæ operam daturi, videndum est vti & in amplissimis atq; ornatissimis vrbibus, & in loco quàm opportunissimo construuntur. Talis erit, vbi nulli fabrorum cuiuscunque generis pulsus, nulli plaustrorum stridores, canum latratus, animalium quadrupedum

K voces,

voces, hominum clamores ac strepitus alij. Nec absint modo quæ aures offendunt, & animos cum docentium, tum discientium velut ab instituto itinere perturbatis cogitationibus toties deducunt: verum etiam quæ molesta naribus & odiosa accidunt, vt nidores ac fœtores. Sit locus solitudini similis, & res omni æstimatu superiores tractatibus omnino dignus, imprimisq; à puritate ac salubritate cœli commendatus. Non enim sine caussa Poëtæ Musis Heliconem & Parnassum montes, vbi & cælum tenuius, & amœnitas maior, ad habitandum dederunt. Nam Platonem magis admirer, quàm imiter. H. Quorsum ista Platonis mentio? N. Academia Athenis quâuis amœno, tamen propter paludis vicinitatem paulo incommodiore, minusq; salubri loco extra urbem, vt alia omnia Atheniensium gymnasia, ædificata cum esset, ille ob hoc ipsum eam ad docendum incolendumq; delegit, vt cum nimium bellè valeret, haberetq; corpus melius, quàm vellet, aut necessarium putaret constitutū, quasi vitis luxuriam ea in salubritate amputaret: discipuliq; non tanti referre arbitrarentur, quàm bene sibi esset, dum bene discerent, animiq; sanitatem quererent, quam in se cōhibet vna sapientia. Nos sapientiam ita diligimus, vt tamē opportunitatem valetudinis non oderimus, propter ipsam sapientiam: quàm cum certum sit nulli perfectam, quantumvis longæuo contingere, quotam eius particulam adipiscetur, qui negligenda valetudine suimet proditor factus, poëtarum Lachesin anteuertit, & fatale filum ante diem sibi abrum-
pit?

pit? M. Me tecum habes: Plato si bene valere non vult, valeat malè. N. Quod ad ædificium at-
tinet, nihil inuenio præceptum, nisi hoc, vt in
eo auctoritas superet venustatem. Tamen non
accussem Principes, si testandi amoris sui in li-
teras ac literatos quam splendidissimè ædificent.
Pro diuersitate item liberalium scientiarum lin-
guarumq; in Academia tradendarum, partienda
est ea in complurà gymnasia, siue scholas, & cu-
randum, ne quid discipuli, aut doctores inuicem
perturbare possint, atque obstrepere. Sed Athe-
nis, vt dicere cœperam, omnia gymnasia extra
mœnia fuerunt, quò facilius ea quiete silentioq;
de quo loquebamur potita sunt. Tria autem cæ-
teris nobiliora, Academia, Lyceum, Stoa. Illam
Ecademus seu Academus heros in suo nemore
suburbano statuit, à quo deinde nomen inuenit,
quod posteritas omnibus gymnasiis publicis im-
posuit. Seruius Sulpitius ad Ciceronem scribens,
hoc nobilissimum orbis terrarum gymnasium
appellat: quam ei nobilitatem Platonis imprimis
existimatio peperit. Lyceum siue à Pisistrato, si-
ue à Pèricle constructum, schola fuit Aristotelis,
quæ ob magistri excellentiam proximam ab Ac-
cademia dignitatem obtinuit. Stoa est latine
porticus. Hanc egregiis picturis locupletauit.
Polygnotus: à quarum varietate ποικίλη cogno-
mentum tulit. In hac porticu Zeno suas explica-
tiones habuit: cuius auditores primùm Zenonij,
post Stoici à loco dicti. Atq; hæc tria gymnasia di-
scipulorum multitudine ante alia fuerunt. In 5. de
finibus Cicero Ptolemeiū gymnasium nominat.

Fuit item Cynosarges ab albo cane vocatum: historia est apud Suidam. In eo Antisthenes pater Cynicorum versabatur. Obscuriora fuerunt Canopum, Prytanium, Tempe, Lacydium. A scholis recedamus, & spectemus ludos. H. Video quid agas: de theatro; quod proximum est, differere paras. N. Etiam de amphitheatro, quod ex duobus theatris intelligitur fieri, & est illo posterius.

THEATRVM AMPHI-

THEATRVM.

Ergo quemadmodum philosophi, & artium doctores solent, de simplici prius, tum de composito agamus: quo etiam modo simul à prioribus ad posteriora, à minoribus ad maiora naturam æmulati gradiemur. Dicemus autem de fine seu usu theatri, de origine, loco, fundamentis, materia, forma, partibus. Quæ ad gradus & præcinctiones pertinent, in amphitheatrum differemus. S. Propositionem istam tenemus. N. Ad populum diebus festis ludorum scenicorum celebratione exhilarandum structa sunt theatra, atque in his propriè huiusmodi ludi committebantur. Theatrum græca voce appellatum, quod latinè visorium, à videndo, ut illud à *θεῶν* spectare, contemplari. Finis etiam ludorum fuit religio: nam se illa re gratum diis facere, & eos sibi placatos efficere credebant. Hinc Arnobius lib. 7. vos æris tinnitibus, & tibiæ sonis, vos equorum curriculis, & theatralibus ludis persuasum habetis deos delectari, & affici, irasque aliquando conceptas
eorum

eorum satisfactione molliri. Sed cur studeretur populo ludis huiusmodi delectando, etiam illa causa fuit, ut ita facilius suum officium faceret, deditus vicissim Reipub. aut Principibus suis, & præstaret ultro, quod extorquendum fuisset ab invito. In sede eligenda salubritatem querere fas: ne aurarum corruptarum afflatus immotis & quiescentibus in illa spectaculorum voluptate corporibus incommodent. Prouidendum adhuc, ne locus soli meridiano sit oppositus: qui cum theatri rotunditatem impleuerit, aer conclusus & coercitus curuatura conferuescat, & humores corporum excoquat atque imminuat. Ne sit præterea surdus: verum ita comparatus, ut per eum diffundi & vagari vox cum sonore, & claritate maxima queat. Si in loco plano, aut palustri condere theatrum oportebit, substructionis foundationes fodientur ab solido, & insolidum, quantum ex operis amplitudine pro ratione videbitur, extruentur; quæ structura per totum solum quam comparatissima fiat. Athenis initio cum theatro ligneo vterentur, postea è lapidibus ædificarunt: cumque perinde ut antea pro locis contenderetur, ad verberationes quoque & vulnerationes procederetur, lata lex est, uti viritim binos ex ærario obulos acciperent, eosque spectandi causa pederent. Romæ etiam primitus lignea, & temporaria theatra extruebantur. Excitata sunt deinceps è lateribus, lapide cæso, marmore: quale Pompei, Marcelli, & alia. Habebat theatrum, quod ad formam attinet, partem circuli dimidiatam, & quartam partem diametri: si modo hemicycli cornua

rectis & æqualibus lineis producerentur: ex integro inquam circuli ambitu quartam partem tol-
lentes, reliquam theatro dabant. De partibus hoc
dictum sit. Principiò descripta cauea designati
sunt circum confessus per gradus simplices. Inde
à poëtis data occasio, vt deliciarum caussa separa-
tarum partium, proiettorum, recessuum, vmbra-
culorum, ambulacrorum species fabricarentur.
Scena definitur frons theatri. Versatiles scenæ e-
rant, quæ subito machinis quibusdam totæ ver-
fabantur, & quæ extra urbem, aut in vrbe erant
ostendebant. Earum tria genera, Tragicum, Co-
micum, Satyricum. Tragicæ deformabantur co-
lumnis, fastigiis, signis reliquisq; regalibus rebus.
Comicæ ædificiorum priuatorum, & mœniano-
rum specimen præferebant. Satyricæ ornabantur
arboribus, speluncis, montibus, reliquisq; agresti-
bus rebus in topiarij similitudinem deformatis.
Proscenium locus est ante scenam ad agendum,
omnium spectatorū oculis obiectus. Poscenium
locus post scenam subductus aspectui spectatorū.
In proscenio pulpitu, in quo actores fabularum
prodirent. Scena erat altior pulpito, pulpitu al-
tius orchestra quæ chori propria, vbi scena acto-
rum: ibi cantabat, & saltabat. Erat item orchestra
senatorum, & honoratissimorum ad spectandum
locus in theatro. Histriones qui exciderant, aut
ineptè gestum agebant, aut perperam syllabas
pronunciabant, non expectata iudicum senten-
tia à populo exhibebantur. De theatro hæcenus:
sequens tractatio erit aliquanto illustrior. S. Pro-
inde attentione nostra dignior: quanquam at-
tentis-

tentissimi qui sunt, fieri attentiores qui possunt?
N. Tu videris.

Amphitheatrum vocant Græci, quod gradus circum undiq, & sedilia continenter disposita in orbem ambibant. Latini caueam ab interiori parte, quæ concava, & capaci quodam profundo. Quod nomen apud antiquos, libera scilicet adhuc Repub. in theatris ferè hæsit: sed sub Principibus, cum gratia & usus amphitheatrorum increbuisse, hono iure ad ista migravit. *Ammianus* lib. 29. Alter in amphitheatrali cauea, cum affuturus spectaculis introiret. *Tertull.* contra *Marcionem*. Quid? non in omnem libidinem ebullis? non frequentas sollemnes voluptates *Circi* furentis, & cauea sauentis, & scena lasciuientis? Ubi cum sauitiam cauea attribuat, clarum est intelligi de amphitheatro. Etiam arenam dixere vulgò, quia is locus arena sterni solet in usum pugna. Nam si lapide aut ruderato, in tam crebra effusione sanguinis, lubrico statim panimeto, quæ ratio standi, aut certandi? Arenam in iecore bibulam, quæ ipsam per pueros quosdam renouabant, & velut inarabāt, rastris scilicet. *Martial.* de boue subito efferato.

Nam duo de tenera iuuenilia corpora turba
Sanguineam rastris quæ renouabat humum,
Sauus & infelix furiali dente peremit.
Marta non vidit maius arena nefas.

Principes interdum arena loco minium, aut chrysocolam instruere, ut etiam hoc modo suas opes ostentarent. *Vulgus* Editorum arena contentum fuit.

Inde arena vocabulum passim pro certamine amphitheatrali, proq³ ipso loco usurpatum. Circus & stadium quamuis arena sternerentur, non tamen sic appellata sunt. Itaq³ cum audis, aut legis in Iureconsultis, damnare in arenam, arena mitti de gladiatoribus, aut venatione, & magis quidem de hac intellige. Quorum utrunque fieri in amphitheatro solitum. Valuit autem in hoc usus potius quam ratio. Arenarum qui in arena depugnant. H. Haud impedite expediisti amphitheatri nomina prætermisissisque auctorum locis, quæ adducere potuisses, non multis multa comprehendisti. N. Iam de consecratione, ortu & materia perpaucis. Dedicabant in primis locum & ludum hunc Diane, etiam Ioui siue Latiari, siue Stygio. Aram ponebant præterea eidem, siue Diti: super quâ velut ad committendos ludos homo, bestiarius nempe sacrificabatur. Præter hos Saturnus etiam in partem huius tutela veniebat. Nata amphitheatra haud diu ante tempora Reipub. desidentis: & quidem temporanea primum, & è ligno. Vt omittam illud Curionis, Iulius ipse iam Dictator ligneum extruxit in campo Martis. Sub Augusto & venatio valde iam increbuit, & increvit eius dignitas: siue cum opibus augefcente luxu: siue quia ipse Princeps in hunc ludum pronus. Itaq³ statim venationi tunc reperta propria, & mansura domus: amphitheatrum extructum è lapide, anno DCCXXV. Augusti suasu Statilij Tauri opibus & sumptu
in

in campo Martio. Hoc solum & primum lapideum
fuit ad Vespasiani tempora, qui struxit in urbe me-
dia, quod hodie Coliseum vocāt, quia Neronis cum
capite Colossus in vicinia, biennio ferme ante obitum.
Cœpit, non absolvit: Titus filius summam manum
imposuit, idemq; dedicavit. Casu aliquo aut igne la-
sum, reliqui Principes refecerunt. Sequitur de ma-
gnitudine, forma, area, loco & emissione ferarum.
Theatrum hoc Vespasianum, aut Titianum, de quo
Martial. lib. 1.

Omnis Casareo cedat labor amphitheatro,

Vnum pro cunctis fama loquatur opus,

quamq; idem poëta venerabilem molem appellat, nō
rectē Domitiano tribuitur: nec illud, Casareo, in epi-
grammate ad illum, sed ad Titum pertinet, ut totus
liber primus epigrammatum ad eum, & ludos, quos
in dedicatione huius amphitheatri per dies pane cen-
tum exhibuit. Nunc quoq; miranda est altitudine:
exsi multum à vertice eius corruit, multum à pedi-
bus subsedit. Ammianus. Amphitheatri moles soli-
data lapidis Tiburtini compage, ad cuius summita-
tem agrè visio humanā conscendit. De capacitatem
P. Victor. Amphitheatrū quod capit loca LXXXVII.
millia. Et de gradibus tantum intelligit: in quorum
puluillis sedisse commodè vult octoginta septem mil-
lia hominum. At in ambitu superiore, & circum te-
ctis porticuū aulis, non minus item spectarunt, quā
dena, aut duodena millia: siue stantes, siue in allatis

cathedris sedentes. Forma amphitheatri non rotunda et orbicularis prorsum est: sed porrecta magis paulum, & oblonga, quoniam amphitheatrum iunctum & factum ex duobus theatris reiecta scena. At theatrum non iusti hemicycli forma, sed amplius diametri quarta parte fuit. Ex integro namque circuli ambitu quartam partem si abscindis, quod maius eius reliquum est, scito theatrum id fuisse. Atqui ex iis, duo si iungis (ita tamen ut flexas lineas circa abscisionem dirigas, vel potius extra leniter flectas) amphitheatrum habebis. Ono aptissime comparavit Cassiodorus: ut nimirum concurrentibus aptum daretur spatium: & spectantes omnia viderent facilius. Area pura sine substructionibus aut adificiis, libera tota ad cursum ferarum, & ad pugnam: nisi quod ara in ea, ut dixi. Sed cum ferina magna vis quotidie in amphitheatrum induceretur, queratur quo loco habitasint, aut servata. Partim erant subterranei cani in quibus recondenterentur sub ipsos ludos: partim deponebantur in cavernis sub interiore porticu, è qua portula & aditus plures pertinebant in arenam. In circo olim ante amphitheatra exhibebatur venatio, cui fini cauea extruebantur ferreae, per quas bestia in arenam cum impetu intromitterentur. Earum portas ostia videtur appellasse Varro de re rust. Vopiscus aditus. Iterum in eas caueas immittebantur post pugnam. Arenam saepius quidam comptus nominatus.

nitius, & colorum fuci addebantur ab ambitiosis E-
ditoribus: ut spectatorum studia nouitatis lenoci-
nio allicerentur. Alij arboribus conserebant, ut a-
renam totam verterent in syluam: ut nempe vinam
imaginem exhiberent, vera germanaq; venatio-
nis. Hoc clarissimè docent Uopisci verba in Probo.
Venationem amplissimam dedit, ita ut populus cun-
cta diriperet. Genus autem spectaculi fuit tale. Ar-
bores valida per milites radicitus vulsa, connexis
longè latèque trābibus affixa sunt, terra deinde su-
periecta: totusque circus ad sylua constitus speciem,
gratiam noui viroris obtinuit. Nauem grandem æ-
dificabant in ipsa arena, qua solutilis esset, & subito
luxata emitteret omne genus ferarum pro arbitrio
magistri temperātis. Quodammodo mare ipsum in-
duxere. Reperti enim, qui hoc omne rotundum, per
occultos quosdam ductus & meatus subito aqua re-
plerent: & pro terrestribus feris monstramaris osten-
derent, & classes, & nauale pugnam. Murus cingens
arenam, et ambiēs in sinū solum sustinebat Podium.
Est autem Podium proiectura in summo muro, qua
paululum prouehitur, & propendet instar pedis, un-
de & nomen. Mœnianorum ea quadam species
est: facta in theatris, templis, adibus, ad circumeun-
dum, innitendum, spectandum. Non aliud omnino
amphitheatri Podium, quam muri pars proiectior,
& prominentior ante imum spectaculorum gradum,
cui columna imposita ad ornatum, siue (cum liberet)

ad ni-

ad nixum. Ad hoc spectare soliti primi è senatu. Nam cum orchestra plurium graduum esset, dignissimus habitus ille imus, qui Podio proximus, & Arena: quippe ex quo facillima spectatio. Inter ipsum Podium & gradus aliquid spatij latioris vacuum fuit, in quo plano in sellis curulibus Consules, Praetores & alij quibus idius, cum liëtoribus, viatoribus, & magistratus sui pompa spectabant, idq; propriè ad Podium spectabat. Ad Podium Principis eminentior quidam suggestus, & velut sua domus extructa erat. Suggestus ille tectus, & inædificatus ad modici cubiculi formam: cui proprium etiam suum Podium, quod ostiis quibusdam siue fenestris Arenam versus aperiretur. Ad Podium etiam tribunal Editoris. Cum enim aliis honoribus, ut liëtoribus, & veste prætexta insignes voluerint eos esse, qui ludos exhiberent: tum etiam altiore hac sede, in qua praesiderent. Ex aduersum collocabantur Vestales, ad Podium similiter. Spectatores ad Podium tuti erant à feris: quòd murus claudens arenam erat altius duodenos aut quindenos pedes, ut nulla fera posset transilire. Contra inopinatos autem casus etiam prouisum. Nam primum retia valida, nodosa, quorum raritas non impediēbat aspectum, in orbem undique Podium cingebant. Item versatiles quidam trunci apponebantur muro & Podio contra scansionem omnem ferarum, & insultum. Contra grandiores belluas, ut elephantes, clathris ferreis arenam

totam

rotam circumdabant, aut Euripis: valde enim aquam metunt. Gradus vult esse altus Vitruvius palmopede, id est, palmis quinque: palmus enim quatuor digitos continet: pes quatuor palmos, & digitos sex, latos non plus pedes duos & semis, nec minus pedes duos. Hanc latitudinem exigit in contextu illo graduum ratio sedendi. Pedes enim eorum qui in superiore gradu spectant, innixi inferiori gradui proximo. Qui neladerent sedentes alios, ne ipsi laderentur, opus habuere aliqua laxitate. Fortasse etiam ad ponere transeundum, si qui surgerent, aut sedentibus iam aliis intrarent. Gradus isti è lapide, saepe è ligno. Serò repertum, ut puluilli intersternerentur senatui, idque primus Caligula instituit. Dio Cassius. Puluilli tunc primum senatoribus, ne nudis asseribus insiderent subiecti, & pileos Thessalicos in theatra iis inferre concessum, ne insolatione torquerentur. Postea id etiam Equiti concessum. Præcinctiones non aliud quam graduum intervalla, & diuisiones quadam in orbem, baltheus aliàs à pari causa, quia velut cingulum quoddam latum, eaque re Zodiaci zona, etiam baltheus à Manilio vocatur, sic quoque Vitruvio. Aditus erat in ipsa gradatione porta quadam, siue ostia, per qua ab exterioribus porticibus veniretur, & in ipsas sedes descenderetur. Vomitoria appellat Macrobius, voce vulgi, unde scilicet homines glomeratim ingredienti in sedilia se fundunt. Via duplices, alia quæ ad cardines, siue limites baltheorum

theorum in circuitu, quas itinera praeinfectionum Vitruvius, trium aut quatuor pedum: alia quae à Vomitoriis illis in descensu, Vitruvius modo itinera, modo scalaria appellat, gradus semipedem & unicam alti, lati pedes duos, humiliores aliis sedentariis gradibus parte dimidia. In his utrisque viis qui locum non habebant, quiq; excuneati erant, spectabant stantes. Ad oram extremam graduum, quae scalaria incipiebant, erant canaliculae & derivationes aquarum non tam caelestium (nam propter eam penduli leniter, & proclives erant gradus omnes) quam humanarum. Inter has vias scalares medij cunei. Quidquid enim sedilium dividitur praeinfectionum itineribus, & secatur lateralibus viis, in hoc nomen venit. Nomen datum à forma, quia re ipsa scararum directio talis, ut ab imo ordiens magis diffunderetur in altum: redderetq; cunei formam. Via ipse scalares non ab imo ad summum recta, & sine intercissione ibant. Dirigebantur ab ima orchestra ad primam praeinfectionem. Ibi desinebant, & alternis alia incipiebant, cum cuneorum nova variatione. Ita si triplex praeinfectio, triplex etiam ordo & discrimen cuneorum. Certi autem certis assignabantur. Etiam equitum & Senatorum fuisse cuneos docet Suetonius in Domitiano cap. 4. In porticibus superioribus tenuiores spectabant, quae, ut videtur, fuerint arcuato opere tecta, certe tecta. In amphitheatris sua sedes fuit senatui, sua Equiti, sua

plebi.

plebi. Illam Orchestram dixere: alteram Eque-
 stria: tertiam popularia. De Orchestra ubique ob-
 uium: quæ vox nata in scena et pulpito, transiit com-
 muni abusu quodam ad alios etiam ludos. Sedes
 illi, ut Vitruuius ait, inter gradus imos. Is enim lo-
 cus quia scena & arena proximus, ideo oculis au-
 ribusque expositus: optimus habitus spectationi, sine
 auditioni. Magnitudo eius in gradibus quatuor
 aut quinque, aut fortasse pluribus, ut etiam Sacer-
 dotibus ibi locum demus, & sociarum gentium le-
 gatis. Equestria lege veteri quatuordecim gradus
 tenuere. Itaque passim legas, sedere in quatuorde-
 cim. Popularibus attributi reliqui omnes gradus,
 id est, cauea media & summa: nam ima senatui &
 Equiti vacabat. Itaque propter granditatem dis-
 crimen aliquod in ipsis popularibus: et pro varia con-
 ditione plebis varij assessus. In summa cauea femi-
 na quoque spectabant. Sed hos limites, & hunc or-
 dinem miscebat sæpe Quiritum turbida plebs. A-
 uidi enim multi ludorum, & exclusionis metuentes,
 loca de multa nocte occupabant, & inharebant ut
 suis, quæ etiam pretio distribuebantur, quæ Græcis
 ἐμμένα. Quibus pendebatur, locarij dicebantur. Sic
 appellat Martialis, qui loca designabant. Horū mu-
 nus, designatorū, inquam, ordinibus sua loca adno-
 tare, pellere occupatores ab alienis. In imo et summo
 theatro tubi siue fistula erant disposita ea arte & fi-
 ne, ut odoratum quendam humorem eiacularentur
 leni-

leniter, & inspergerent sedentes. Is humor è crocoplerung, & vino, nonnunquam è balsamo, & hanc sparsionem vocabant. Nec è fistulis solum hic imber, sed scito magis inuento è statuis expressus, velut humanus quidam sudor. Solebat praterea superduci tegmen amphitheatro, arcendo aestui ac soli: id è velis constabat variè coloratis ad ornatum, interdum carbasis, sericis. Nero purpurea etiam vela suspendit, stellis aureis variè interstincta. Nihil amplius. H. Fuiſti vtilis tibi istis legendis ac retinendis: fuiſti etiam nobis iisdem recitandis. S. Ego tamen arbitror hæc sine schemate & pictura non satis intelligēter posse percipi. N. Nec ego cum legerem non sæpius inspecta pictura legi. Duas partes de numero meo absolutas dedi, quàmuis non absolute: sed vt patitur & tempus & institutum, & vt me iuuat memoria. Nunc tertiam dare ingredior: & cum ab Academia vos in theatrum duxerim, modo in balneas ducam. H. Prius balneator conueniendus fuit, vt esset parata calida. N. Quasi non semper sit, cum assiduò homines lauent. S. Cupio videre balneas istas: non enim istarum nostrarum fore similes autumo. N. Haud similes profectò.

B A L N E A E.

Veteres crura & brachia in dies singulos, nundinis omne corpus: ego manus & faciem aqua pura lauo puriter, corpus in mense non amplius semel: quod quidam illorum tertium, quartum soliti. Non pauci etiam quotidie: quos scilicet bene la-

laudos, hoc est, mundissimos accumbere vehementius delectabat. S. Et quis fuit Imperator ille, qui vno die lauabat octies? N. Gordianus, si memini, aut certè Commodus, qui etiam edebat in ipsis balneis. Et Rhemnius Grammaticus septies. H. Quid domini facient, audent cum talia fures? quid Oratores, quid Philosophi, si hoc Grammatici? O luxum. N. At ille luxuriosior luxus: qui etiam parietes & sola balneorum vnguentis acerrimis, summaq; suauitate conditis obleuit, quiq; balneas pensiles inuenit. Videtisne mollissimis cogitationib⁹ effæminatos animos? Istius enim crebritatis lauandi aliã causam indagare nequeo. S. Ergo voluptas delicatè sensum mouens vel assidue, vel certè frequētioris balneationis causa est primaria. N. Nimirum. Quia enim tunicarum linearum aut nullus olim, aut insolentior erat vsus, quarum ad corpus adhæsu affricuq; sordes ac sudores abstergeretur: & quia non perinde, vt in moribus nostris est, contactis velatisq; membris neq; viri, neq; mulieres incedebant, puluerum illuue cutem necesse erat inquinari: cui purgandæ, & omnino immunditiis ac sorditudini destringendis, nō in frequenti balneo indigebant. En aliam balneandi causam, necessitatem videlicet. Quo lauantium in ordine ponendi sunt, qui ad cōcoctionem ventriculi adiuuandam sæpius lauabant? Literis proditum est, quosdam nisi ante lauissent, cibum cōtinere nullo modo potuisse: vt mihi videatur vna vitiosa consuetudo aliam, sed miseram molestamq; genuisse. Quare vt cōplectar breui, voluptas, munditia-

ditiarum & valetudinis studium balineà indu-
 xerunt. Vellem cætera de genere hoc, de balneis,
 inquam, antiquis tam perspicua essent: sed ne-
 que illa, neque de palæstra, xysto, portu, nauali-
 bus & similibus, quæ per libros architecturæ de-
 scribuntur. Accedit & alia tenebrarum istarum
 ratio: quod & harum, & omnium propemodum
 vetustarum ædificationum vix quantascunque
 reliquias, &, si forte, parietinas aliquas noster
 mundus alicubi terrarum intuetur: magisq; ista
 mentium oculis (quomodocunque ex chartis si-
 lentibus se spectanda præbuerint) aspectare &
 perlustrare cogimur. Balneas architectus in cali-
 dissimo loco à Septentrione, & Aquilone auerso
 constituit. Ipsa caldaria, & tepidaria, cellas nimi-
 rum & ædificia lumen capere vult ab occidente
 hyberno. Si natura loci obstiterit, vtique à me-
 ridie: quoniam tempus à meridie ad vesperam
 lauatiōi maximè destinatum sit. Mulierum vi-
 rorumq; caldaria propter comoditatem con-
 iungit, & iisdem in regionibus collocat: quod va-
 let similiter in tepidariis: pudor enim simul in iis-
 dem lauari non patitur. Magnitudines pro copia
 hominum balneantium requirit. Quanta longi-
 tudo fuerit, tantam, tertia parte dempta, latitu-
 dinem postulat, præter scholam labri seu aluei.
 Labrum sub lumine ponit, ne, qui circumstant,
 vmbris corporum iaciendis lucem obscurent.
 Scholas labrorum tam spatiofas faciendas, vt cæ-
 teri astare commodè possint. Alueo in latum in-
 ter parietem, & pluteum dat pedes non minus se-
 nos, vt gradus inferior inde & puluinus duos pe-
 des

des auferat. Addit de Laconico & sudationibus, coniungendas tepidario: earum altitudinem proportionem latitudinis exigit, ad imam curuaturam hemisphærij: per eius medium admittit lumen, ita, vt ex eo clypeum æneum cathenis suspensum libretur, cuius adductione, & demissione sudationis moderatio ac temperamētum perficiatur. Clypeum ad circinum fieri iubet, vt flammæ vaporisq; potestas per curuaturæ rotundationes æqualiter à medio peruagetur. Camerata hæc loca balnearia fuisse, & è mediâ camera lumen duxisse, è patenti scilicet, eoq; amplo foramine, sub quo labrum esset subiectum: ipsum labrum, seu alueum, lapideam, aut struētilem balnearum fossam: scholas margines latiores, seu porticus circumiectas, in quibus consisterent, qui interea spectabant, & lauantibus succedere parati erant, interpretor. De locis balneariis quæ & qualia fuerint exponam. Principiò fuit quæ dicta est Frigida lauatio, græcè λυτρεν. Deinde Frigidarium, postea Tepidarium. Sequebatur sudatio seu Laconicum, & postremo calida lauatio. His quinque balneum constituebatur. Extra id àlia fuere loca tria, Hypocaustum, Aquarium, Vāsarium ad vsum balneantium instituta: & vt priora, camerata. In frigida lauatione erat piscina, cui nomen in epistolis Plinij Baptistarium. Vsus eius vel ad natandum: vel ad leuandum æstum, qui molestior in æstate, atque id eo tum membris ardentibus optatissima refrigeratio: vel ob mollitiem aut sanitatem: quarum rerum gratia quouis tempore vsurpabatur.

Frigidarium alia cella, iis comparata, qui statim post exitum è tepidario, aut caldario aërem frigidum quærebant. In eam propter capacitatem plures congregari poterant: nulla ibi aqua, nulla vasa. Ac fortasse in hoc loco vestes ponebantur: quod apodyterium longius abesset, & sudores detergebantur. H. Quia vestium mentionem audio, regredior in memoriam leporis Catulliani, qui cum Vibennium furem balnearium callidissimum, & in furando exercitatisimum significare vellet, scripsit. O furum optime balneariorum: quasi etiam in scelere possit inesse aliqua bonitas. Non te moror pluribus: tuum iter carpe. N. Excipiebat frigidarium cella tepidaria, seu tepidarium: eò intrabant, qui aut aëre, aut aqua, aut vtrisque tepidis deliciarum, aut valetudinis ergò vti cupiebant. Illi quoque, quibus aut calida lauare decretum erat, aut frigida. Nam ne ab apodyterio seu frigidario, seu etiam à frigida luatione ad calidam, & ab ea rursus ad frigidarium, seu piscinam frigidam, vti ab extremo ad extremum accedentes læderentur, ad tepidarium, tanquam ad temperamentum, & medium confugiebant: in quo tamdiu hærebant, quoad se vel à calore ad frigus, vel à frigore ad calorem sine incommodo recipiendum affectos experirentur. In priuatis quidem balneis non sit absurdum opinari, vnum eundemque locum fuisse apodyterium ac tepidarium, siue ob commoditatem siue ob spatiorū angustias. Caldarium seu Laconicum, *πνευματικὸν λακωνικὸν* Dioni, dictum, quod inuentores eius Lacedæmonij, huiusmodi suda-

sudationibus vteretur. Nam Vitruuius etiam sudationes, Seneca sudatoria, Cicero calidam sudationem, idem & Celsus assa nominat ab assando. In his sine aqua calor siccus, seu vapor feruens inclusus sudorem eliciebat. Forma rotunda struebantur in modum turriculæ, & in hemisphærium fiebat cameratio. Infra pavementum Laconici locus erat fornicatus, in quo ardebat ignis: quaquaversum in parietibus usque ad imam hemisphærij curuaturam inserti erant tubuli, siue canaliculi, per quos vapor æstuans ascendebat. Qui ubi curuaturam cōtigerat, operculo illo aereo, & rotundo, quod clypeum dixit Vitruuius, impeditus sese diffundebat. Qui sudabant, nunc altius clypeum submouentes, nunc inferius demittentes caloris vel remissionem intendebant, vel intentionem remittebant. Laconico vicina erat calida lautio, balnei pars præcipua, in qua labra cum aquis calentibus. Hypocaustum intelligo structuram caminatam, seu fornaculam, in qua ignis ad aquam calefaciendam, & ad Laconicum feruefaciendum succendebatur locis distinctis: vaporarium videtur Cicero nominasse ad Q. F. Vitruuio dicitur etiam hypocaustis. Fornacator feruus, cuius partes ignem succendere, & pilis, aut glomis pice illitis per interualla iniiciendis eundem nutrire. Ante hypocaustum propingium, quasi dicas præfurnium, ad verbum, suffocatorium, os hypocausti seu fornacis, per quod ligna immittebantur. Cato eadem voce usus est. Aquarium cella calidæ lauationi, & Laconico adiuncta, in qua vastus alueus, aquam dulcem, aut plu-

uia collectam, aut aquæductionibus à fluminibus seu fontibus eò deriuatam continens. Nero dulcibus & communibus aquis non contentus, marinas & Albulas in suas thermas deduxit. Medicatis ægroti & valetudinarij in priuatis utebantur. Ex alueo illo fistulis, & tubulis in frigidam, & calidam lauaciones mittebatur aquæ copia necessaria. Non longè aberat Vasarium, vbi vasa seruabantur, vsibus lauantium comparata. Vasorum alia sunt immobilia, & constant è lateribus, è marmore, vt aluei seu labra in lauacione calida: piscinæ, seu baptisteria in frigida: adeo magna, vt in ipsis natare liceat. Alia moueri possunt, & ea figuris discrepantia: siquidem alia quadrata, quædam oblonga & quadrata, quædam rotundiuscula, quædam oualia. Horum quoque materia lapis, marmor, æs. Nomina Iulius Pollux persequitur. S. De pretio quo lauarent, legi fuisse quadrantem: non plus soluebatur balneatori. Hinc Seneca balneum rem quadrantariam vocauit. N. Ita est: sed ante annum quartumdecimum nihil pendebatur. Factum credo vilitate mercedis, vt nullum genus hominum, nulla ætas arceretur. Præcipuè porrò phonnasci, citharœdi, præcones, histriones balneas obibant: quòd vocem exasperatam & oblatam aquarum dulcium humectatione reparare studebant. Tempus lauandi inuenio horam dièi octauam, non multò ante cœnam, quod plurimi seruabant. Maior autem pars liberorum hominum prius aliquam exercitationem corporis, lusum pilæ, aut alium non illiberalem suscipiebat.

piebat. Dum hora balnearum imminebat, tinnabulo admonebantur, qui in gymnasio pilam aut alium ludum luderent. Hæc de balneis antiquis, pro eo studio, pro ea intelligentia qua ego sum in istiusmodi antiquitatibus. S. Heu metuo malè. H. Quid metuis? S. Ad ægrotos eundemerit, & fœtores hauriendi. H. Quî dum? S. An oblitus es post balneas audiendum nobis de nosocomio? N. Sanè quidem: sed ita, ut ægrotorum neminem quocunque morbo laborantem aspicias. S. Duc igitur nos tecum: sed egrediamur inde citius. N. Quàm licebit citissimè.

N O S O C O M I U M.

Æsculapio, Apollini, & reliquis bonæ valetudinis præsidibus diis, quorum scilicet gratia & numine sanitatem conseruare, & amissam recipere credebant, prisca ædes loco saluberrimo ædificabant: nempe ubi & cælum purissimum, & aqua sincerissima: ut eo delati ægrotantes, non diuina tantum ope, sed locorum quoque beneficio fierent meliusculi. Horum facient magis loca sicca, saxosa, ventis assiduè abstergi solita, nec obnoxia solibus, sed tepida tamen: humida minimè: quoniam humor putredinis & pater, & fomes est. Sunt autem ægrotorum duo genera. Alij lepra, peste, & huiusmodi contagiis affecti, quæ vulgantur, & rectè valentibus interitum pariunt: hi non vrbi modo, verumetiam via publica remouebuntur. Alij non æquè exitiabilibus tenentur morbis, qui etiam in vrbe seruari

possunt. Hi distincta habebunt loca, & alia fœminæ, alia viri: nec ægroti solum, verumetiam ministri: vt nempe non habitent mulieres inter viros. Lymphathi & furiosi cum cæteris nequamquam coniungentur. Et alias aliorum ægrotorum secretiores, alias communiores diuersorij partes esse conuenit: vt famulorum etiam. Ad carcerem me sequamini. S. Sequimur: sed cum hoc, vt nec ibi diu hæreamus. N. Paulò tamen quàm hîc diutius.

C A R C E R.

De carceris etymo scriptum est à Seruio in 1. Æneid. sic. Carcer est vndecunque prohibemur exire: dictus quasi arcer, ab arcendo. Locus autem in quo seruantur noxij carcerem dicimus, numero tantum singulari: vnde verò erumpunt quadrigæ, carceres, numero tantum plurali. Licet singularem plerunque vsurpet poëta, vt est, ruuntque effusi carcere currus. A Varrone in hunc modum, Carcer ab coërcendo, quòd exire prohibentur. In hoc pars quæ sub terra, Tullianum: ideo additum à Tullio rege: quod Syraculis, vbi simili de causâ custodiuntur, vocantur latomiæ, & de latomia translatum, quod hîc quoq; lapidicinæ fuerunt. Athenienses qui mollioribus vocabulis rerum mitigare tristitiam cōsueuerunt, carcerem domum vocabant: sicuti tributum coordinationem ciuitatis *σύνταξιν*. Et traditum est Labyrinthum quoq; nihil fuisse aliud quàm carcerem, in quo nō foret incōmodi quippiam, nisi quòd qui asservabantur effugere non possent.

poterant vnde & dictum putant, quia *λα* sit particula vocum intendens notiones, & *βύειν* obsecrare & claudere. Ex quo & *λαβεινδωδες* pro flexuoso positum. De eius apud Romanos origine in Anco & Martio Liuius his verbis. Ingenti incremento rebus auctis, cum in tanta multitudine hominū discrimine rectē an perperam facti confuso facinora clandestina fierent, carcer ad terrorem increscentis audaciæ media vrbe imminente foro ædificatur. Carceris genera apud veteres tria fuerunt. Vnum in quod immodesti & parum exculi includerētur, vt noctu à doctis & artium bonarum magistris condocerent, quo pacto vitam degerent cum honestate. Alterum in quod obæratī, quiq; alās à vitæ petulantia deduci non possent coniicerentur. Tertium in quod flagitiis nobiles, ipsoq; cælo & hominum conspectu indigni, & eis paucos dies plestendi contrudebantur: de quo videtur locutus Cicero, cum in 2. Catilinaria dixit: carcerem maiores voluisse nefariorum ac manifestorum scelerum vindicem esse. In hoc fuit formidoloso & diro aspectu locus, cui Roburedidere nomen, quo maleficum genus hominum præcipitabatur: sic nuncupatum, quod ante arcis robusteis includerentur. Hinc facinora magnitudine rara, nouitate dira, & inauspicatissima, robore digna magnis auctoribus appellantur. De vltimi generis ædificatione ita legi. Subterraneum, atrum, & horrendo sepulcro similem faciundum, pro meritis quidem fontium. At pro humanitate Principis aut Reip. sat fore, firmasse opus pariete, & apertionibus, & testudine,

ne fuga inclusis pateat. Eò crassitudo, profunditas, celstitas operis, præduri lapides ferro & ære iuncti plurimum conferent. Præclare porrò admonent, qui dicunt, adamantinum esse carcerem custodis aduigilantis oculum, quo conniunte, aut in somnum soluto, turres etiam aheneæ sunt effractæ. Generatim carcer quisq; locum habeat, vbi venter deiiciatur, vbi focus struatur citra summi foetorisq; iniuriam. Sequitur de cloaca vt agendum sit. H. Hic foetorem velitis nolitis sentietis, quo tu tamen eos liberabas, qui in carcerem compingerentur: vt nos deteriori loco futuri videamur. N. Me inconsideratum, cur non odores attuli mecum, quibus nares vestras inter ea oblectarem? S. Ego quidem, vt cernitis, pastillum meum habeo. N. Mittamus iocum.

CLOACA.

Afferunt plures commoditates vrbibus cloacæ. Valent enim ad eius lautitiam, ad publicarum, priuatarumq; domorum munditiam, ad seruandam salubritatem aeris. Smyrna vrbiû Asiæ clarissima aduenis hac vna in re displicebat, quòd cloacis carebat, quibus sordes exceptas emitteret. Harum vsum veteres tanti fecere, vt non in aliud opus tantū impensarum ac diligentiae contulisse videantur: & in Romanis operibus primariis etiam cloacæ fuerunt. Structuram cloacarum ad opus viarum ideo pertinere iudicant, quod subter, medias per vias ducendæ sunt, & ad instruendas, coæquandas, purgandasque vias haud parum

parum conducūt: nec ferè sunt aliud quàm pontes, siue arcus longè latissimi: vt quæ de struendo ponte dicuntur, omnia pæne in eas quadrent. Distinguntur item suis generibus. Nam diffusoriæ appellantur, quæ immixtas aquas in fluentum, in lacum, aut in mare deuehant. Subdiuæ, quibus conceptæ aquarum sordes non aliò euomantur: sed quasi terræ alueo inhaustæ sidendo conficiantur. Priores substratas esse oportet stratura decliui, prona, solida: qua liberrimè sordes defluant, & quæ illic structa sunt, ne assidua humectatione macerentur. Quæ sint item sublata à fluuio, ne alluuiionibus compleantur, aut limo obstruantur. Cloacæ urinarie à parietibus procul ablint: ardoribus quippè solis acres inde & salas animas euocantis maximè inficiuntur, & vitiantur. En habetis quod debui, etsi minus disertum, quàm debui. H. Atqui nos in disputationibus ad tempus plura & maiora haud expetiuerimus. S. Quò audacius ego indisertus ero. N. Tamen ita, vt ne tenebras nobis offundas. S. Curabitur. H. Quàm vellem adessent reliqui sodales nostri, vt ipsi quoque ex hac tam liberali schola eruditionem sibi suam quasi grandescere confiterentur.

ANNOTATIONES.

A QUACVNQUE PROPEMODVM RE) De
metaphora Cicero cū plura disseruisset in 3. de
Orat. addis hac. Nihil est enim in rerū natura, cuius

nos non in aliis rebus possumus uti vocabulo & nomine. Vnde enim simile duci potest, (potest autem ex omnibus) indidem verbum unum, quod similitudinem continet, translatum, lumen affert orationi.

HISTORIA EST APVD SVIDAM) Sic ille. Cynosarges gymnasium quoddam Athenis, & sanum Herculis, hac de causa conditum. Cum Didymus Atheniensis in vestibulo sacrificaret, canis albus victimam raptam in quendam locum detulit, cui sollicito respondit Apollo. Quem in locum canis illam detulisset, eo in loco aram Herculi esse dedicandam. Vnde dictum Cynosarges ab albo cane.

THEATRUM, AMPHITHEATRUM) De theatro scripserunt Vitruvius lib. 5. cap. 3. 4. 5. 6. 8. 9. Scalig. poet. lib. 1. cap. 21. Isid. lib. 18. cap. 42. & sequentibus. De amphitheatro Iustus Lipsius, e cuius monumento perpusillam epitomen collegimus.

AD POPVLVM DIEBVS FESTIS) Propter fines complures ludorum hic commemoratos, eorum Editoribus tantus honos tributus referente Plinio lib. 16. cap. 4. ut iis dum inirent asurgeretur etiam a senatoribus, haberentque ius sedendi prope senatum: haberent etiam vacationem munerum, ipsi, patres, paterni aui.

PER EVM DIFVNDI ET VAGARI VOX) De voce, quid sit, quomodo moneatur ex orbibus & circulis, quales aquae stagnantes & immota, misso in eas lapillo reddunt, Vitruvius lib. 5. cap. 3. Quae de aquis, eadem Seneca Quaest. natural. lib. 1. cap. 2. Cum in piscinā,

inquirit,

inquit, lapis missus est, videmus in multos orbes a-
 quam discedere, & fieri primum angustissimum or-
 bem, deinde laxiores, ac deinde maiores, donec eua-
 nescat impetus, & in planitiem immotarum aqua-
 rum solvatur. Et aliquanto post. Lapillus in piscinā,
 aut lacum, aut aliquam alligatam aquam missus,
 circulos facit innumerabiles. At hoc quidem non
 facit in flumine. Quare? quia omnem figuram fugi-
 ens aqua disturbat. CVM THEATRO LIGNEO
 VTERENTVR) Consulas lector argumentum Li-
 bani in primam Demosthenis Olynthiacam. RO-
 MÆ ETIAM PRIMITVS LIGNEA) Videbis
 Plinium lib. 36. cap. 15. BALNEA) Balneum à græ-
 co τὸ βαλανεῖον, παρὰ τὸ ἀποβάλλειν τὰς ἀνίας, à pel-
 lenda ex animis tristitia. Sed orthographia repug-
 nat: scribendum enim cum i. Aliter ἐτυμολογούμενον
 inuenias apud Erymologum. Qui catalogum balne-
 arum, seu thermarum Romanarum desiderat, à
 Philandro petat in cap. 10. lib. 5. Vitruuij BENE-
 LAVTOS, HOC EST MVNDISSIMOS) Qui
 dignitate antestarent infimis, vix vnquam illori cæ-
 nam imibant, præsertim cum hospites acciperent: quò
 nimirum conuiuij delicias augerent. Cic. 1. de Orat.
 ut cum lauti accubuissent, tolleretur omnis illa supe-
 rioris tristitia sermonis. Horat. Ode 19. lib. 3. quis a-
 quam temperet ignibus, Quo prabente domum, &
 quota Pelignis caream frigoribus taces. Plant. Sti-
 cho. Quàm mox cocta est cæna? impransus ego sum.
 E. Abi

E. Abi intrò ad me, & lana. In Amphit. Lauisti.
 A. Quid postquam laui? AL. Accubuiſti. Cic.
 ad Att. lib. 2. ſic loquitur, Atticum inuitans. Tu pri-
 dem compitalia memento: balneum calſieri iubebo:
 & Pomponiam Terentia rogat: matrem adiunge-
 mus. BALNEAS PENSILES) Verba Macroby
 apponemus ex cap. 15. lib. 3. Saturnal. quibus & ha-
 rum auctor, & aliquid praterea non inutile cogno-
 ſcetur. Sed de ſaltatione veterum ad prædam marina
 tranſire luxum, Liciniorum me nomen admonuit:
 quos Murenas cognominatos, quòd hoc piſce effu-
 ſſimè delectati ſunt, ſatis conſtat. Huic opinioni M.
 Varro conſentit: aſſerens eodem modo Licinios ap-
 pellatos Murenas, quo Sergius Orata cognomina-
 tus eſt: quòd ei piſces qui aurata vocantur chariſſimi
 fuerint. Hic eſt Sergius Orata, qui primus balneas
 penſiles habuit, primus oſtrearia in Baiano locauit,
 primus optimum ſaporem oſtreis lucrinis adiudica-
 nit. AD CONCOCTIONEM VENTRICULI)
 Illa (inquit Plinius, hunc morem vituperans lib. 29.
 cap. 1.) perdidere imperij mores, illa qua ſani pati-
 mur, luctatus, ceromata ceu valetudinis cauſſa inſti-
 tuta, balnea ardentes, quibus perſuaſere in corpori-
 bus cibos coqui, ut nemo non minus validus exiret,
 obedientiſſimis verò efferrentur. NEQUE DE PA-
 LÆSTRA, XYSTO) Vitruuius palaſtra nomine
 gymnaſium deſcribit, cum palaſtra una duntaxat
 & certa pars eius fuerit, in qua non erant exedra.

non ephæbæum, elæthesium, conisterium, coriceum, apodyteriū, quas voces infra explanābimus. Quamquam fatendum est, hoc nomine, Græcis ac Latinis interdum gymnasium totum significari: ut nonnunquam locus quicūq; corporibus exercendis idoneus, & ipsa exercitatio palastrica. Est cum in venustate, & decentia quadam ponitur, qua in motu, gestu, flexu corporis cernitur: quam qui non didicerunt, eos antiqui apalestros dixerunt. Palestricorum officium erat gestus, & motus, status, & flexus formare, ut recta essent brachia, ne indocta rusticae manus, ne status indecorus, ne qua in proferendis pedibus incisura, ne caput oculiq; ab alia corporis parte dissiderent. Atq; hæc omnia veteres ingenuis & liberaliter educatis pueris cognitu necessaria existimauerunt. Terent. leonis domum palastram vocauit in Phormione. Ecce à sua palastra exit foras. Vigebant in palastra hæc exercitationes, cursus, luctus, hasta, discus, pugilatus, pila, saltus, appensio manibus ad funes, stare pedibus & manibus in pugnum vinctis, easq; alteri aperiendas porrigere, pondera manibus attollere, & ita persistere, quod genus halteres vocatum, sciamachia & armorum pugna. Palastra humus insternebatur puluere modico, non alto: tum ut certantes firmitus consisterent: tum ut qui prosternebantur, ne casu laderentur. Xysta fuerunt subdiales ambulationes, ubi hyeme miti calo produnt: res è porticibus, æstate autem pæne quotidie
spatia

spatia faciebant, & περιδῶνιδας nominabant: quarum alie nude, alie platanis, aut aliis arboribus ad amœnitatem, & umbram prabendam confita. Xystus genere virili, porticus erat tecta, in qua athleta per hyberna tempora exerceretur. Nunc ad promissam quarundam vocum explicationem venio. De exedris sic ait Vitruvius lib. 5. cap. 11. Constituntur in tribus porticibus exedra spatiosa, habentes sedes in quibus philosophi & rhetores reliquique, qui studiis delectantur, sedentes disputare possint. Possunt hodie dici loca qua in peristyllis sodalium Canonicorum, aut monachorum, id est claustris, vulgò capitula dicuntur. Exedra enim græcè à sedium frequentia, & seditandi commoditate nomen accepit. In 3. de Orat. pro cellula studiaria accipi videtur, in qua grabbatus ad meridiandum accommodatus esse solet. Hac & alia super hoc vocabulo Bud. Ephæbæum locus ubi plures exercebantur. Eleothesium Polluci ἀλειψήλειον, Plinio in epist. vinctuarium. In eo luctaturi, aliasque exercitationes, aut balneas initari ungebantur & redungebantur ceromate, id est oleo cerato. Conisterium, in quo positus pulvis conseruabatur: ut possent vincti statim illo inspergi, ne oleo manus prebendentium laberentur, dicebaturque hac de causa ἀσπὴ. Coriceum volunt locum fuisse, ubi puella exercebantur, aut tonstrinam. Quidam interpretantur locum pro denudandis hominibus, qui vel exerceri, vel lauari, vel utrunque agere volebant, quod alias ἀγρῆς

græcis ἀποδυθῆναι. ET, SI FORTE, PARIETI-
 NAS) Elegās huius, si forte, usus apud Cic. epist. ad Q.
 F. 2. lib. 1. Intelliges nihil esse à me nisi orationis acer-
 bitatem, & iracundiam, & si forte, rarò literarum
 missarum indigentiam reprehensam. Et 3. de Orat.
 ex quo vercor ne nihil sim tui, nisi suppletionem pedis
 imitatus, & pauca quadam verba, & aliquem, si for-
 te, motum. Sic usurpatur, si quando. PVDOR E-
 NIM SIMVL LAVARI) Antiquitus discreta fue-
 runt balnea muliebres à virilibus, & Hesiodus virū
 lavare inter mulieres vetat. Apud Romanos, item o-
 lim non eodem lauacro usus esse fœminas cum viris,
 ex Varrone liquet. Saculis posterioribus profligato
 pudore promiscuè lauerunt. Potest id ostendi præter
 ceteros ex Clemente Alexand. Pedagog. lib. 3. cap. 5.
 Cypriano de habitu virginum. Cum postea Adriano,
 M. Aurelio, Alexandro Seuero Imperatoribus ne-
 gotium improbaretur, iterū fœminis separatim bal-
 nea edificata sunt. IN EPISTOLIS PLINII)
 Lib. 2. epist. 17. & lib. 5. epist. 6. in quarum illa Lau-
 rentinum: in hac Tusculanum villas suas luculentis-
 sima oratione, apparatusq; verborum admirabili de-
 scripsit, seu depinxit potius. VEL OB MOLLI-
 TIEM) Heliogabulus nunquam lauabat in piscinis,
 nisi ille croco, aliisue pretiosis vnguentis & odoribus
 infecta fuissent. Lamprid. Alexander Seuerus raris-
 simè in caldariis, semper fere in piscinis lauabat. Idè.
 FVREM BALNEARIYM) Vestimenta eorum qui

M

laua-

lauatum ierant surripientes, fures balnearios nominabant. Atque hi capitalem pœnam luebant: cum ceteris dupli tantum esset propofita. Cuius moris cauffas aliquot ex problematis Aristotelis accerfit in Catullum Muretus: quas ego eiusdem viri eloquentissimi verbis adscribam. Primum, quod facillimum est in balneis furari. Quare, ne magna illa efficiendi facultas cuiquam peccandi occasionem daret, voluit legislator quasi ex aduerso opponere maioris pœnæ metum. Deinde, si quis tuum aliquid è domo tua surripuerit, iam tua ex parte aliqua culpa est: qui non vel fores occluseris, vel quoquo modo parum tibi spectatæ fidei hominem ædium tuarum aditu prohibueris. At balneator velit nolit, omnes sine discrimine in balneas recipere cogitur. Merito igitur ei lex plus opis afferre debuit. Adde quod qui conuicti sunt furti alicuius alio in loco non ita celebri admissi, postea tamen interdum sese ad bonam frugem recipiunt, omniq̃ studio moliuntur efficere, vt maculam illam insequentis vitæ continentia deleant: at hi, qui prauitatem suam toti populo patefactam vident, abiecta omni spe, fore, vt illud famæ dispendium vlla vnquam ratione sarcire possint, ne conantur quidem animum ad bonas partes adducere. Itaque merito, tanquam depositi penitus, desperatiq̃, à corpore Reipub. excinduntur. Præterea vt qui publicè egregium aliquod facinus obeunt, plus præstant Reipub. quam qui priuatum: ita qui publicè scelus aliquod designant, insignis lædunt ciuitatem, quàm qui eodem se aliquibus in latebris contaminarent: neque facti tantum, verumetiam exemplo nocent: quare & gra-

uioribus

uoribus eos suppliciis affici par est. CALDARIUM;
 SEV LACONICVM) Quis cibo immodicè
 complerunt, ad eos concoquendos, depellendam-
 que cruditatem hoc sudationum Laconicarum re-
 medium adhibebant. Columella Romanorum lu-
 xuriam detestans in præfat. Mox deinde ut
 apti veniamus ad ganeas, quotidianam crudita-
 tem Laconicis excoquimus, & aucto sudore
 sitim querimus, noctesque libidinibus & ebie-
 tatibus, dies ludo vel somno consumimus. AS-
 SA NOMINANT AB ASSANDO) Cic. ad
 Q. Fratrem lib. 3. epist. 1. In balneariis as-
 sa in alterum apodyterij angulum promoueri. Has
 autem cellas, de quibus sermo nobis, Epictet-
 us philosophus cum gradibus etatis humane pru-
 denter apteque contulit: cuius hæc recitantur
 verba è dialogo, quem cum Adriano Imp. in-
 stituit. Prima cella tepidaria vinctuaria, infans
 natus perungitur. Secunda cella sudatoria, pue-
 ritia est. Tertia cella assa, perferentaria iuuen-
 tus. Quarta cella frigidaria, senectus. Sudato-
 riam vocauit, quam nos calidam lauationem. ET
 IN HEMISPHERIVM FIEBAT) Testudo
 ex duobus arcibus in crucem se in centro secanti-
 bus videtur constare: hemisphærium planè spha-
 ricum atque orbiculatum est. Italici & Germani cup-
 pola. CATO EADEM VOCE VSVS EST) Sic

enim habet cap. 38. Fornacem calcariam pedes latam decem facito, altam pedes viginti, usq₃ ad pedes tres summam latam redigito, si vno praefurnio coques, lacunam intus magnam facito, uti satis fiet, ubi cinerem concipiat, ne foras sit educendus. Si duobus praefurniis coques, lacuna nihil opus erit. LEGI FV-
ISSE QUADRANTEM) Horat. sat. 3. lib. 1. dum tu quadrante lauatum Rex ibis. Martialistamen lib. 10. de magnitudine pretij conqueritur. Balnea post decimam lasso, centumq₃ petuntur Quadrantes. Hoc forsitam ob moram diuturniorem, aut alia ob causam ipsi aliisq₃ contigerit, ut plus solueret: commune quidem pretium quadrantem non excessit. Clodia P. Clodij soror, deplorata pudicitia femina, cognominata est Quadrantaria: Causam in Cicerone Plutarchus memorat, quod adolescens quidam in eius loculos pro nummis argenteis quadrantes aereos immiserit. Id insinuans, & simul, alium acerbiozem iocum coniungens Cicero, inquit pro Calio. Sin se in intimu conicere vellent, nec satis commodè calceati & vestiti id facere possent, & fortasse non reciperentur: nisi forte mulier potens, quadrantaria illa permutatione familiaris facta est balneatori. Vide explicationem Planti Manutij. TINTINABVLO ADMONEBANTVR) Alioqui in gelidissima Virgine lauabant, thermis occlusis. Martil. lib. 14.

Redde pilam, sonas as thermarum, ludere pergis?
Virgine sis sola lotus abire domum.

Scribit

Scribit Capitolinus, ante Alexandri Seneri tempora nunquam thermas ante auroram apertas fuisse, semperq; ante solem occasum claudi consueuisse: & ipsum Imperatorem publicarum thermarum luminibus oleum addidisse, quò & noctu paterent. L Y M P H A T I E T F V R I O S I) Furiosus est, à quo furor nunquam recedit: furiaus qui furit ex causa. Seruius, S V B T E R R A T V L L I A N V M) Describit Tullianum in Catilinario Sallust.

PROGYMNASMA

N O N V M.

*Vie, castra, nauale, portus,
pontes, sepulcra.*

I I D E M.

SEXTILIUS. Ecquid audire vultis, quas cogitationes in pectore instituerim? N. Latas & auspicatas? volumus: tristes & inauspicatas? nolumus. H. Pedetentim Numeri. Non tu scis, in hunc virum nec guttam cadere mæstitiæ? quippe quem lepos ipse genuit, lætitia ipsa peperit. Ego tamen pro exorsu sermonis eius aliquid nobis inopinatum esse dicturum auguror. S. Hem, quos tu mihi parentes? quam παλιγγενεσίαν? Patrem horum si me dixisses, plus dixisses. Nam cui dubium est, laudari cumulatius Ciceronem & Ho-

merum, si ille eloquentiæ, hic poeseos pater, non autem filius nominetur? eodemque modo de Socrate, Platone, Aristotele iudico, quos & venustius, & ad consuetudinem vsitatus philosophiæ parentes, aut principes, quam filios appellem. H. Tu quidem parua magnis inceptas componere, vterisque dissimulatione illa tua ad refellendum mirifica. Tenes quo respexerim. N. Nutricem cur non addidisti? H. Sane addam: & ne in contemptum tibi veniat, matronam reuerendam & decoram, quam Pædiam nuncupare mos est. S. Auro contrà carum est hoc verbum. H. Sed cur nos differs? ede sodes illa cogitata tua. S. Nostis paucis diebus agenda liberalia. Sed quid ego hæc autem nequicquam ingrata reuoluo? N. Ingrata? ne tu istuc dicas. Perge quæso. S. Sermone hoc finito, & partibus meis absolutis dicam: quas si mihi tam facillimum esset transfigere, quam facillimè vulpes pyrum comest, (quod tamen vobis fuit, hominibus eruditis ac disertis) non cederem utique. Nunc me aliquanto breuiorem mea faciet tarditas, & inopia. H. Quod vereris, nos præstabimus. Caue tamen, ne, non dico ex natura tua alios, sed ex aliorum natura temet fingas: quem enim te esse dictitas, nos sumus. S. Scilicet.

VI AE.

Viarum aliæ sunt militares, aliæ non militares. Militares vocantur, quibus in prouinciam cum exercitu absque impedimentis proficiscimur, quæ & regiæ, consulares, prætorix, publicæ. Non militares quæ etiam priuatæ, & agrariæ, quibus à mi-

licari

litari in agrum egredimur, aut in villam. Viæ vicinales, quæ vel in vicis sunt, vel in vicos ducunt: quæ si non ex collatione priuatorum sunt, publicarum loco habentur. Inter has & cæteras, militares seu publicas hoc interest, quod illæ exitum habent aut ad mare, aut in vrbes, aut in flumina publica, aut ad aliam viam militarem. Iterum, militarium seu publicarum aliæ extra urbem, aliæ intra urbem, quæ diuisio etiam in priuatas conuenit. Militaris non militari multò debet esse latior. Veteres ita eas faciebant, vt cubitos in latum paterent non minus octo: leges XII. pedes octo præscribebant. Sit patula & aperta, vt circumquaq; prospectus capi queat, nullis aquis, aut riuis impedita: nulli sunt secessus, nullæ latebræ, vbi se grassatores teneant. Directa sit etiam, breuis & tuta. Tutissima erit, si per coæquatum colliculorum dorsum agetur: si veteri more extructo aggere per medios campos ducetur. Sic viatoribus percellam exaggerationem gradientibus, prospectus iucunditas, tardium ac laborem itineris minuet, hostis aduentans prospicietur, instans modica manu repelletur, aut distinebitur. Quæ ad loca ingens ex omnibus prouinciis multitudo mercimoniorum causa confluit, eorum militaribus præscribunt stratum duplex, vt in medio lapidum ordo pedem emineat, velut limes: vt altera parte prodeatur, altera redeatur: ne festinatio in occursum offensiones creet. In vrbe verò magnifica & patenti, viæ publicæ erunt directæ, & amplissimæ, pro eo nempe ac dignitas eius requirit. In coloniis &

oppidis molli flexu sinuosę conueniunt. Non militares si ad lineam dirigentur, cum angulis parietum & partibus ædificiorum magis conuenient. Probarunt antiqui intra vrbes vias quasdam labyrintheis flexibus, inextricabiles, & nullius exitus: vt si forte hostis se intulisset, anceps hæsitaret, opprimereturq; facilius. Proderit item esse vias complures minutiores, non in longum productas, sed in primam transversam viam terminatas: inde domibus lumina paratiora, & hostiles direptiones impeditiores. De viis diximus: deinceps de castris dicamus.

C A S T R A.

Tria sunt castrorum genera, temporaneum, statarium, sustentorium. Prima pro occasione nata mutantur. Secundis munito se aliquo loco hostis continens premitur. Tertiis vrgens & laceffens sustinetur. Positio castrorum interdum quadrata, interdum trigona, interdum rotunda, interdum semirotunda pro natura loci, aut conditione temporum. Porta prætoria spectabit orientem, aut hostem, aut quod profecturus est exercitus. Locus tutus, bonus atq; opportunus est eligendus, & id nondum sufficit, nisi talis sit, vt alter non possit melior reperiri: ne vtior prætermisus à nobis, & ab aduersariis occupatus apportet incommodum. Tutissimus est locus qui altissimus. Opportunus vbi suppeditat lignorum, pabuli, aquæ copia, & commodè excipiuntur subsidia. Vbi non deest commeatus, vbi tuorum receptus liber, in hostē egressus expeditus. Percōmode ibi locabuntur, vnde omnem regionē hostiū circūspectes nequid

quid ille machinari aut conari queat, quod tibi non sit ante exploratum & cognitum. Vbi non sit mons vicinior aut altior, qui ab aduersariis captus possit officere. Ad munitionem castrorum naturalem pertinent loca deuexa, ardua, depressa, abrupta in circuitu. Stataria munitiora erunt temporaneis: & in planitie maiore opere artificioque indigent, quam in collibus. Obvallandorum castrorum varia est ratio. Britanni sudibus decempedalibus praestis, & praecutis utebantur. Galli carros obiciebant. Neruij teneris incisis arboribus, atque mutuo inflexis, crebrisque inter se ramis reuinctis sepem obducebant. Romani militem non minus castris muniendis, quam omni reliqua militia exercebant: neque tanti hostium perniciem faciebant, quam curabant, ut suos tuerentur, possetque hostem sustinere, & sustinendo frustrari magnam victoriae partem arbitrabantur. Nihil tam necessarium, nec salutare in bello, quam castrorum munitio: quae si recte se habuerit, miles securus dies & noctes in iis peragit: & si in acie cedere coeperit, habet quod se tutum recipiat. Sed quo genere munienda castra, & quomodo munienda cum hostis imminet, Veget. lib. 1. cap. 24. & 25. Castra non erunt laxiora, quam ut distributis excubiarum tesseriis custodiri, & intermistis propugnandi vicissitudinibus defendi per milites citra lassitudinem possint. Nec ita tamen contracta, & arcta, ut ad negotium spatia militi non suppeditent. De fossis, aggeribus, turribus, portis, praetermitto dicere, ne sum longus, & ad naualia despecto. H. Quoniam te videmus

cursuram arripuisse, nolumus te morari, & tua breuitate contenti erimus. S. Hoc vt faciatis vehementer rogo: præsertim cum minimè ignoretis, vnde ego ista hauserim, & vnde vberius hauriantur.

NAUALE, PORTVS.

Naualia sunt loca vbi naues construuntur: aut subductæ quassatæue instaurantur & asseruantur. Ea potissimum Septentrionem spectabunt: quando meridionales feruores bruchos, tineas, teredines & similia bestiolarum genera progignunt, quæ materiam exedunt & vitiant. Et cum ararium atq; armamentarium in parte vrbis frequentiore, vel in media potius, securitatis & vsus scilicet constituantur: nauale propter incendiorum metum à ciuium ædibus separatim ædificandum est. Interstruentur parietes, qui, si fortè exortum fuerit incendium, flammam interceptiant. Magnitudo non definitur: facienda sunt enim naualia ad maximum nauium modum, vt & si maiores naues subductæ fuerint, cum laxamento ibi collocationem habeant.

Portus est locus conclusus, quo portantur merces, & inde exportantur velut in stadio carceres vnde cursus initur, & vbi peracto cursu quiescitur, nauigij velut stabulum. Portuum alij naturales sunt, de quibus hæc Vitruuius. Hi autem naturaliter si sunt positi, habeantque acroteria siue promontoria procurentia, ex quibus introrsus curuaturæ siue versuræ ex locis natura fuerint confirmatæ, maximas utilitates videntur habere:

habere : circum enim porticus, siue naualia sunt facienda, siue ex porticibus aditus ad emporia, turresq; ex utraque parte collocandæ, ex quibus cathenæ traduci per machinas possint. Alij arte & manu facti, non naturales, quos cothones genere masculino, & cothona neutro dici ait Seruius. Sin autem non naturalem locum neque idoneum ad tuendas ab tempestatibus naues habuerimus, ita videtur esse faciendum, vti si nullum flumen in his locis impediuerit : sed erit ex vna parte statio, tum ex altera parte struendis, siue aggeribus expediantur progressus, & ita conformandæ partium conclusiones. Progressus appellant aggerum illam continuatam seriem obiectam ad arcendos fluctus, excludendamq; aquam, Græci *χώματα*. Latera porticus valida & alta sint : aptatum habeat spatium, vt illic nauigia & grandia, & onusta commodè excipi, & tutò quiescere possint. Ille præferendus, qui ventis mitioribus est subiectus. Optatur & profunditas cum faucibus, tum sinu, tum ripis : quæ nauim onerariam grauem conuectis rebus non refutet : & fundo esse purgato non herboso conuenit. Et si nonnunquam herbarum densa completæq; radices ad anchoras obfirmandas plurimum commoditatis afferant. Habebit etiâ portus circumambulatione, & porticum, & templum. Non deerunt columnæ, anse, annuli ferrei, quibus nauis illigetur. Crebri statuentur fornice, quibus importata condantur. Excitabuntur & turres pro faucibus altæ & munitæ : vt ea ex specula velorum aduentus præuideantur : & nocturnis ignibus certi

nautis

nautis ingressus monstrentur, & propugnacula ad nauigia sociorum tuenda, & transuersas catenas, quibus hostis excludatur.

PONTES, SEPULCHRA.

Ponti extruendo non quiuus locus erit idoneus. Ut enim in angulo, aut secluso aliquo loco ad paucorum adiuuandas opportunitates nō struatur, sed in apertas ac medias regiones ad communem vsum pateat, locandus erit vbi & facile positum, & impensa non maxima perfectum, & æternum futurum sperare liceat. Captanda igitur vada non profundiora, non abrupta, non incerta, non mobilia: sed cœquata, & mansura. Vitandi vortices, gurgites, voragines, & eiusmodi fluentorum mala. Vitandi in primis amfractibus riparum cubiti: tum quod illic ripæ ruinis sunt obnoxia: tum quod per eos ipsos cubitos alluuiorum tempestatibus rapta ex agris materia, & trunci & sylvæ non recto expeditoq; lapsu deuoluuntur, sed obuersantur: aliaq; alias retardando glomerantibus congruunt: vastumq; coactæ in cumulum hærescunt pilis: vnde fauces arcuum obstipatæ succumbunt: inde mole pressantium aquarum deturbatur opus atque diruitur. Alij pontes lignei sunt, alij lapidei. Ligneorum admirandus est, quem Cæsar fecit.

Opera publica etiam sepulchra censeantur: quandoquidem religioni commendantur: & lex antiqua est: *Ubi corpus demortui hominis condas, locus sacer esto.* Nec fuit vlla propemodum adeo barbara & efferata gens, quæ sepulchrorum curam abiecerit.

Et

Et superstitum, & parandi nominis apud posteros, ratio sepulturæ ducenda est. Romani veteres, vt bene de repub. meritis referrent gratiam, aliosq; ad similem virtutem excitaret, & statuas, & monumenta seu sepulchra publica excitabant: quæ vt cætera extinguuntur, sic ipsa sanctiora fiunt vetustate. Graui pæna accipiebantur, qui bustum violassent, aut à sepulchro columnâ deiecissent. Apud Athenienses si quis dux bello peremptos afficere sepulchris neglexisset, capite pledebatur. Hebræine hostem quidem insepultum relinquebant. Quicumq; autem rempub. bene ordinatam voluerunt, illud imprimis curarunt, vt ne sumptuosiora sepulcra fierent. Ex lege Pittaci super terræ tumulum aliud non licebat præter columellas tres, non plus cubitum altas ponere. Conuenire etiam arbitrabantur, vt in qua re cõmunis omnium natura esset, in ea nullum fortunæ discrimen haberetur: sed essent omnia plebi, atque locupletioribus communia. Ita ex veteri more gleba pura operiebantur: quandoquidem corpus quod ex terra esset, quasi in matris gremio conderent. Indixere etiam, ne quis sepulcrum faceret operosius, quàm quod decem homines triduo efficerent. Curiosissimè omnium Ægyptij sepulchra fecere: cum errare dicerent homines, qui domos breuissimi temporis diuersoria ornatissimè construerent, sepulcra vbi essent diutissimè requieturi negligenter. Patrum auorumq; nostrorum memoria sacella sepulcrorum causâ extrui cœpta sunt. Hæc hætenus: nam vltra progredi si velim, fortasse nequeam, vacil-

vacillante memoria: & videar malè præstare, quod initio sponendi, breuiorem me futurum. N. Nos tibi peccati huius facile gratiam faceremus: & aliàs speramus occasionem datum iri, qua hæc tractemus diffusius. S. Fortasse.

ANNOTATIONES.

ILL ELOQVENTIÆ, HIC POESEOS PATER) Doctis Cicero dicitur latina, Romana lingua, Romana facundia, eloquentia pater: Poëtis Romani pater eloquij. Homerus poëseos pater simpliciter, sine adiuncto. Virgil. Latina poëseos pater. Socrates philosophia parens Ciceroni. Catulliana sunt, leporum ac facetiarum pater, esuritionum pater. Sic quispiam laudaturus D. Thomam Aquinatem, Theologia parentem eleganter nuncupet. Non tamen rectè hoc substantiuum cum inferiorum artium nominibus copulaueris, ut dicas, Priscianus Grammatica parens, & similia. Decorè nihilominus & appositè, Euripides tragædia, Plautus latina comædia pater. Priscianus Grammaticorum pater, non displicet: qua formula etiam in superioribus citra reprehensionem seruabitur. **AVRO CONTRA CHARVM EST**) Vanire contra aurum, qui est veterum dicendi modus frequens, est magno vanire, metaphora à lance momentanea, in qua appendebatur es. Nam quod æquè ponderat, seu æquale pondus & momentum habet, id contra esse, hoc est,

Avlippis

Ἀντίπποτον dicebant. Inde as cōtrarium vocabant as
 graue, auctore Festo: scilicet ἀντίπποτον. Plaut. Cur-
 cul. Auro contra cedò modestum amatorem: à me
 aurum accipe. Id est, profer, aut exhibe mihi mode-
 stum aliquem amatorem: & ego, si id facias, tantum-
 dem tibi auri dabo. Vel sic. Certemus inter nos his
 legibus, ut tu ostendas, seu exhibeas mihi ex infinita
 hominum multitudine modestum aliquem amato-
 rem, ego tibi aurum aequo, pariq; pondere in manus
 dare paratus sum. Epid. Non carus est auro contra,
 Id est, si auro sit emptus, non est carus. Milite, cedò
 mihi tres homines orichalco cōtra cum istis moribus.
 Id est, exhibe mihi tres homines ita moratos, & ego
 paratus sum tibi orichalcum magni ponderis repen-
 dere. Sic Lamb. QVAM FACILLIME VVLPE)
 Plaut. Mostell. Tam facile vinces, quam vulpes py-
 rum comest, id est, minimo aut leuissimo negotio.
 Quid enim dentatissima bestia pyrum exhibeat ne-
 gotij? Proverbium ad rei facilitatem indicandam.
 (VIÆ) Quid sit via, iter, semita, callis, trames, dinor-
 tium seu diuerticulum, binium compitum, ambi-
 tus, actus Isid. cap. 16. lib. 15. Via inepta, via corru-
 pta, deterrima, barbaris mala, valde mala, pessima
 via. Munire viam, est repugnare, rescicere, ac sub-
 struere. Dare se in viam, committere se via, idem
 sunt. Via per translationem est ratio & institutum,
 à Græcis methodus. Militaris via extra urbem ornabi-
 tur, si ager ipse per quem dirigitur erit cultus, confitus,
 refer-

refertus villis, diuerforiis, rerum amœnitate & copia: si modò mare, modò montes, modò lacum, modò profluentem, modò fôtes, modò aridam, modò planitiem, rupem, nemus, vallem exhibebit. Si non præceps, non ardua, non sordida: si æquabilis & omnino patula. Si frequenter occasionem offenderint viatores, quibus adducantur in sermones rerum dignarum præsertim. Nam facundus comes in via pro vehiculo est, &c. Leo Baptista lib. 8. *NAVALE, PORTVS*) *Navalia sunt loca, ubi naues fabricantur. Hoc & textrinum vocatur. Portus autem locus est ab accessu ventorum remotus, ubi hyberna opponere solent. Et portus dictus à deportandis commerciis. Hunc veteres à baiulandis mercibus baias vocabant. Isid. lib. 14. cap. 8. Vide descriptionem portus Carthaginensis primo Æneid. sumptam ex Odyss. 13. pane ad verbum, de qua Turneb. lib. 18. cap. 32. STATVASET MONUMENTA*) *Legenda Philipp. 9. & 14. quibus Servij Sulpitij, & Martia legionis pro Repub. interitus celebratur. Quàm venusta & familiaris fuerit statuaria Italia, demonstrat Plin. lib. 34. cap. 7. Statuarum quadam signa & sigilla vocantur, cubitales nempe, aut palmares, & minores etiam. Quadam pariles, quæ staturam eius qui exprimitur representant, danturq; benemeritis ac sapientibus. Quadam magne, quæ infra sesquialteram statura continentur, aut staturam bis continent, dicanturq; regibus Imperatoribus, heroibus. Quadam maxima, quæ staturam humani corporis ter aut sæpius comprehendunt,*

hendant, qui dicuntur colloſi, quos Plinius ait eſſe moles ſtatuarum turribus pares. Ponebantur Barbaris regibus & diis. Diſta putantur vel ab ipſo auctore, vel à κολάειν, quod eſt modum tranſgredi. Statua decorum proprie ἡδωλα, heroum ἔθαρα, regum ἀνδρείαις, ſapientum ἀκείλα, benemeritorum βεβήτα.

PROGYMNASMA

DECIMUM.

Privata ædificia.

CANVSINVS, TATIANVS.

CANVSINVS. In Architecto, Tatiane, qui quidem ſit probabilis, & iſto tam graui impertiendus nomine, hæc omnia inſint oportet. ſolertiſſimum ingenium, officium omnibus eruditionibus exercitatū, peracre iudicium, quæ in priuatis quoque, nedum in publicis molitionibus, & architectationibus neceſſarias habent explicationes. T. Niſi pridem ita mihi eſſet viſum, nunc videretur certè, quoniam tibi videtur. Nimirum, vt mittamus dicere de publicis, priuata, quorum alia urbana, alia ruſtica, ubi congruentibus, & conſpirantibus proportionum rationibus designata deſcriptaꝫ fuerint, quod ſymmetrix effectus non quibuſcunqꝫ locis vel commoditatem ad uſum, vel decorem ad effectum

N

præ-

præstant, animaduertendum hisce magistris est, quonam pacto detractionibus, adiectionibusq; aut vtrisque commensus apparationem pro natura loci temperent, vt ad vsum, ad speciem, ad ipsam operis perfectionem nihil desideretur. Hoc artis & ingenij est. C. Sed caussa, quamobrem istiusmodi nonnunquam symmetriæ est ineunda commutatio, num alia proferri potest, quàm visionum ludibria, & falsitates? cum quæ vera sunt, oculis nostris tanquam non vera, & alia appareant: rursus quæ non vera sunt, ea videnti sensum tanquam vera, & minimè fallacia mouent. T. Arbitror non posse. Hoc autem vis, si bene coniicio mentem tuam, rerum multarum quasi vultum alium videri è propinquo, si, inquam, stemius propius: aliam, si abstinus longius: aliam loco humili: aliam edito: aliam concluso: aliam libero & aperto: siue nos simulacrorum incursione, siue radiorum ex oculis effusione cernimus: de quo inter cathedras physicorum litigatur. Ita cum fallitur aspectus, falli ab eodem animum quoque: cui errori mathematice occurrit. C. Doctrina igitur artificem hunc non finit decipi: vt obseruet autem, & facile cognoscat in opere vnoquoque, vsus est. Quid faciendum, & omnino explicatum parandi ædificij secundum longitudinem ac latitudinem spatium quæ nam sequatur proportio ad eurythmiam, hoc est, ad elegantem speciem, commodumque in membrorum compositione aspectum, qui ex symmetriarum ratiocinationibus existit, aut ex ipsa prudentia architecti, quæ præ-

præscripto itinere alicuius commoditatis ergò
interdum defleſcit, & quandam diligentem ne-
gligentiam aſſumit, hoc, inquam, magni eſt iu-
dicij. Id ſe non parum in hoc etiam prodiſt, quòd
alia ædificia ad alias, & eiufdem generis quæ ſunt,
non omni tempore anni ad eaſdem regiones cæli
conuerſa volunt, quo uſui & ſalubritati conſula-
tur. Hyberna triclinia & balnearia verſus occi-
dentem hybernũ collocant. T. Quamobrem?
C. Quod vespertino lumine opus eſt vti. præterea
quod etiam ſol occidens aduerſum habens ſplen-
dorem, caloremq; remittens, aduentante vespere
regionem tepidiorem efficit. Cubicula & biblio-
thecæ ad orientẽ ideo ſpectabunt, quòd uſus ma-
tutinum lumen poſtulat, & libri non putreſcunt.
T. Quomodo tandem? C. Quæ ad meridiem &
occidentem pertinent, in iis ſpiritus humidiores:
ex quo etiã tineæ librorum vaſtatrices. T. Quam-
quam noſtris bibliothecis nullum puto inde pe-
riculũ fore: nihilominus haud ſine ratione archi-
tectos iſtuc ſentire exiſtimo. C. Triclinia verna,
& autumnalia reſpicient orientem: æſtiua ad Se-
ptentrionem locabant, vti pinacothecas, & tex-
trinas plumariorum, & pictorum officinas, quòd
colores eorum in opere, propter conſtantiam lu-
minis, immutata qualitate permaneant. In pina-
cothecis pictas tabulas ſtatuaſq; in tablino codi-
ces, & monumẽta rerum in magiſtratu geſtarum
aſſeruabant. Plumariorum nomine intelligũtur,
qui tomento quodcunq; genus veſtis aut ſtraguli
conſarctũ, inculcatũmve acu pingunt, vnde opus
plumarium. Ab his polymitarij differunt: tametiſi

ambo diuerficoloribus filis & liciis vtantur. T. Ad iudicium & prudentiam architectonicam istuc quoque sine dubio refertur, vt in priuatis ædificiis certo modo patrifamiliâs sua extruatur habitatio, & in quæ introeundi non est potestas omnibus, nisi inuitatis: certo item modo alia loca, cum extraneis communia, vestibula, caua ædium, peristylia, quæq; eundem habere possunt vsus. Hæc omnia magnificentiora ædificabuntur iis, in quorum fidem, & clientelam tenuiores, & qui sunt è multis sese committunt. Qui fructibus rusticis seruiunt, in eorum vestibulis stabula, tabernæ, in ædibus cryptæ, horrea, apothecæ, cæteraq; quæ ad fructus seruandos magis, quàm ad elegantia decorem possunt esse, sunt facienda. Fœneratoribus & publicanis commodiora & speciosiora, & ab insidiis tuta. Forensibus autem & disertis elegantiora, & spatiosiora ad conuentus excipiendos. Nobilibus, qui muneribus funguntur publicis, & tuentur commoda ciuium, facienda sunt vestibula regalia, lata atria, & peristylia amplissima, syluæ, ambulationesq; laxiores ad decorem maiestatis perfectæ. Præterea bibliothecæ, pinacothecæ, basilicæ non dissimili modo, quàm publicorum operum magnificentia comparatæ: quod in domibus eorum sæpius, & publica consilia, & priuata iudicia arbitriæque conficiuntur.



ANNOTATIONES.

IN ARCHITECTO) De architectis eruditissima præfatio est lib. 6. Vitruvii. **Q**UIBVS QUÆ **L**EX) quam dura conditione apud Ephesios constituta fuerit, idem præfat. lib. 10. **V**ISIONVM LVDBRIA) Duobus exemplis Vitruvius ad illustrandū hunc locum utitur, quorum alterum de scenis pictis, ubi videtur columnarum proiec-tura, et mutulorum ecphora, lignorum figura prominentes, cum sit tabula sine dubio ad regulā plana. Alterū de remis, qui cum sint sub aqua directi, tamen oculis in fracti videntur. **I**N ÆDIBVS CRYPTÆ) Crypta fissa testudinata, subterranea, aut concaualoca, & scrobes, ubi triticum conditur. **A**POTHECÆ) Cella vinaria, quas græci οἶνωρις, Eupolis τῆς οἴνας. Testis Pollux lib. 6. cap. 2. De his à nobis hoc progymnasmate allatis copiosius Vitruvius lib. 6. cap. 2. 7. 8. Porro in extremo cap. 2. lib. 1. cum de distributione loquitur, hac habet, qua instituto nostro quadrant. Alter gradus erit distributionis, cum ad usum patrum familiarum, ad pecunie copiam aut ad elegantie dignitatem ædificia aliter disponentur. Namq; aliter urbanas domos oportere constitui videtur: aliter quibus ex possessionibus rusticis influunt fructus, nō idem fœneratoribus: aliter beatis & delicatis: potentibus verò, quorum cogitationibus Respub. gubernatur, ad usum collocantur: & omnino facienda sunt apta omnibus

*personis adificiorum distributiones. Relinquebatur
ut de rusticis adificiorum rationibus diceremus, sed
de iis in dialogis rusticis, quantum est visum sa-
tis, egimus.*

PROGYMNASMA

VNDECIMUM.

Examen architectonicum, seu analysis architecturæ.

VETERANVS, TYRO.

VETERANVS. Aliquoties ex te audisse me
adhuc memor sum, cum diceres, non te
fore imparatum ad respondendum de re
architectonica, si cuiquam magistro, vel mihi eti-
am quodocunque scitari collibuisse. Ergo quia
ego vacuus sum modo, nec tu, ut video, impen-
sè occupatus, demus ludicrum animis nostris,
& quomodo in scholis adolescentes doctoribus
de re Grammatica: sic tu de nostra facultate à me
interrogatus respondeas: nec metuas ne, si quid
nescieris, id tibi apud me dedecori sit: speres au-
tem, si promptè, nec vsquam hæsitans rogata per-
solueris, me tibi bis tãto amicum futurum, quàm
prius: teq; magistro cui traditus es apprimè lau-
daturum. T. Memini me ita dicere ut narras: nec
aliter

aliter locutus sum, quàm sentiebam, & tuam erga me voluntatem amplector. Proinde ne cunctere, & ordine interroga quæ voles. V. Id quidem meditor: tamen etiam, quò magis explorem scientiam tuam, multa posteriore loco, sine ordine percontari decretum habeo. T. Age, fiat: modo ne mihi fraudi sit aliqua necesse. V. Amoue timorem, nihil incommodi cadet tibi. Quid ergo architecturam esse dicis? quot ei partes concedis? quam rem, in qua versetur, subiicis? & quæ in ea consideras? T. Dico esse artem construendi ædificij: constare ratiocinatione & fabrica: quarum illa res fabricandas, aut fabricatas sollertia rationeque proportionis demonstrat & explicat: hæc continuata est, & trita vsus meditatio, quæ manibus perficitur. Subiici ædificium, in quo perpenduntur causæ, & species. V. De causis lubet audire. T. Efficies est ipse architectus, cui pro instrumento est fabri manus. Materia potissimum est in lapidibus & lignis. Ad coniugia lapidum & coagmentationes calce & arena opus est, cæmentis etiam, id est, lapidibus rudioribus vulgaribus, quibus fractis medij parietes farciuntur: seu quibus parietum infarcitiones fiunt, vnde pulsæmentitia, infarcitura, & infarcimenta. Locum lapidum sæpe tenent lateres. Tectorium seu lorica (quod & corium & crusta) est tanquam vestis parietum. Forma ædificij idea & perfectione continetur. Illam modulum appello, per-
 scriptionem, deformationem, delineationem scilicet futuri operis: & quandam facio scenographiam quæ est vniuersi testi imago, frontis,

inquam, & laterum: aliam partium tantum, vt
 areæ, vel frontis (harum prior ichnographia,
 quasi vestigium operis in plano: posterior ortho-
 graphia, quasi erecta imago) sic idearum alia vni-
 uersa, alia particularis inuenitur. Perfectio in
 proportionem & œconomia sita est. In illa *εὐρυδ-
 αία & συμμετρία* spectatur. Hæc est venusta par-
 tium omnium inter se conuenientia: illa venu-
 sta species, commodusque singularum partium
 aspectus. Oeconomia est locorum comoda di-
 spensatio, partim naturæ, partim personis ac-
 commodata. Finis ædificiorum antiquissimus
 & præcipuus defensio ab iniuriis cæli. V. Paucis
 singula, & perspicuè. Accèpi de causis: de spe-
 cie ædificij quæro. T. Duæ sunt species: quædam
 publica sunt, quædam priuata: & illa partim sa-
 cra, vt templa, partim profana: horum nonnul-
 la ad defensionem, vt turre, mœnia, aggeres, &c.
 nonnulla ad opportunitatem comparantur, vt
 forum, ærarium, carcer, curia, balneæ, palæ-
 stra, portus, theatrum, &c. In omnibus firmita-
 tis, vtilitatis, venustatis habenda ratio. V. Sa-
 tis de publicis. Nunc de priuatis. T. Horum
 partes aliæ infra terram, aliæ supra terram sunt.
 Infra vt fundamentum, & cella. Porro cella a-
 lia est vinaria, alia penuaria, seu promptua-
 ria. Illius fenestræ in aquilonem obuerti de-
 bent, abesse ab ea sterquilinia, & quidquid est
 odoris tetri. Supra terram sunt parietes, & te-
 ctum. Qui ædes intus distinguunt, mediani vo-
 cantur. Domus autem, cuius structuram par-
 tes & interfecant & ambiunt, partes aliæ sunt
 exte-

exteriore, alia interiore. Exteriores sunt podia pensilia seu pergula, & exedra. Podium pensile definitur locus ad spectandum extra parietem instar suggesti, vel pulpiti proiectus, & mutulis suspensus. Mcenianum aliàs. Pergula à pergendo. Solent autem cancellis cingi, ut incedentes à casu defendant. Exedra locus extra parietem proiectus, partim intra ædificium consistens, forma hemicycli. *Ein Erker.* Partium interiorum hæ comparatæ sunt ad lumen immittendum, ut fenestræ, quibus etiam obiciuntur cancelli seu clathri ad muniendum, è ferro, vel ligno. Item transfennæ ad tegendos & celandos prospicientes: hæ ad actiones domesticas. Et quidem harum alia feruiunt actionibus sordidioribus, ut sellæ familiaricæ: alia honestis, quæ vel eundi gratia fiunt, ut ostia, vel habitandi. V. Nihil adhuc non suo loco dixisti: & quasi dato signo singula tibi prodeunt. Quomodo habitationem distinguis? T. In inferiorem, & superiorem. Inferioris partes sunt in ingressu vestibulum, in medio atrium. Vestibulum locus est ante ianuam græcis *πρυτανειον*. Ianua primus ædium ingressus, à Iano, cui consecratum omne principium: reliqua inter ianuam ostia generaliter. Partes ostij postes, limina, fores. Postes sunt latera ostiorum, seu arrectaria, vnde pendent. Etiam dicuntur antæ, & ante pagmenta, græce *παγσαδες*, quo nomine accipiuntur & lapides utrumque ostij latus munientes. Lumen aliud superum, hyperthyrum, aliud inferum, quod hypothyrum græcè: qua voce item *διὰ τὸ χαμαὶ τῆς θύρας*, ipsum vacuum seu hians inanitas,

siue lumen ostij aliâs indicatur. Forès ligna ipsa, quod foris aperiuntur. Valux quæ reuoluuntur, & se velant *aiθvέδες*. Fores cardinibus voluuntur: sera, pessulo, obicibus, repagulis clauduntur, claue referantur. Pseudothyrum est posticum, in parte videlicet ædium posteriore, falsum ostium ad verbum. Atrium primus aditus intra ædes, vbi i culinam antiqui struere solebant: hinc atria quasi atra, propter fumi fuliginem: & quia ibi imagines maiorū collocabant, eas eadem de causa fumosas vocatas legimus. Partes atrij sunt porticus & cauædiū. Porticus locus in atrij aditu, vbi seruorum & concurrentium turba diuertit. Sistentur columnis rotūdis, aut pilis quadratis. Cauædium locus sub dio vacuus, cinctus vndiq; porticibus, ad communem omnium vsum, quasi cauum ædium. Dicitur & impluuium, quod eò impluere imber in domum possit. Circa cauædium loca varia ædificabuntur, pro rebus tum animatis, tum inanimis. Animatæ sunt homines, aut bestię. Homines aut sani, aut ægroti. Ægrotorum est valetudinarium. Sanis loca curanda vbi habitent, vbi coquant, vbi se exerceant, vbi lauent. Et ideo opus est cubiculis, cænationibus, gynæceis, culina, sub qua comprehendo focum, caminum, infumibulum seu fumarium, furnum: gymnasio, quò pertinet sphæristerium, Xystus. Item thermis seu balneis. Loca bestiarum sunt stabula & viuaria. In illis greges & armenta clauduntur, quæ singula sua habet nomina, ouile, caprile, hara, &c. Tutissimum est aduersus ignem stabula per testudinem cōcamerari, propter scœnum & paleas,

quæ

quæ in illis habentur parte superiore, quæ fœnile dicitur. Viuario feræ concluduntur, vt sunt lep-
 raria, cortes, piscinæ. V. Iam de inanimorum lo-
 cis. T. Sunt armamentaria & tablinæ: ibi arma &
 tela, hic tabulæ & monumenta reponuntur. *τα-
 ναοθήκη*. V. Satis de inferiori habitatione, de su-
 periore dicito. T. Contignatio, ad eam scalis a-
 scenditur, quarum gradus lignei aut lapidei. Sca-
 læ quibus per gyrum ascendimus, à similitudine
 cochlidēs. Partes contignationis sunt pauimen-
 tum coassatio, lacunar seu laquearium. Coassatio
 seu coaxatio ab axibus, id est tabulis scetilibus
 ligneis. Inde axiculus Columellæ. Dicuntur &
 alles. Asseres sunt crassiores & angustiores in mo-
 dum parvæ trabis, dicti ab assidendo parietibus
 atque tignis. Coaxatio igitur est laterum seu pa-
 rietum contabulatio. Prima contignatio est vbi
 habitat dominus ædium cum familia, id est vx-
 ore & liberis, vbi triclinium cubicula, conclauiæ.
 Secunda bibliothecam complectitur, & cœnacu-
 lum. qui est locus recipiendis hospitibus, propriè
 in superiore ædium parte. Cœnaculariam facere
 est cœnacula inquilinis locare. Cœnaculum me-
 ritorium, mercede conductum. Testum aliud est
 pectinatum seu displuviatum, aliud testudina-
 tum. Illud fit trabium iunctis capitibus mutuo
 innixu, paribusq; contra se ponderibus imis par-
 tibus contra se diuarcatis. Testudinatū est in
 quatuor partes deuexum. Partes testī fastigium,
 & culmen. Fastigium editissima pars domus seu
 testī, quæ in speciem trianguli attollitur, vt hinc
 atque hinc aqua pluvia defluat. Culmen pars
 testī

tecti ex lignis & tegulis constās. Ligna tecti tran-
 stra, capreoli, regulæ, scandulæ. Transtra ligna
 transuersa à pariete in parietem proiecta. Capre-
 oli ligna à transuersis trabibus ad culmen vsq; e-
 recta, quæ totum culmen sustinendo colligunt :
 dicuntur & canterij. Quæ ligna si longius proue-
 huntur, suggrundam faciunt. Regulæ siue trans-
 uersi àsseres capreolis impositi & infixi ad tegu-
 las sustinendas. Scandulæ tabellæ lignæ, quæ te-
 gulis subiiciuntur. Tegulæ incuruatæ dicuntur
 inbrices : vnde tectum inbricatum. Ad quorum
 imum est stillicidium, quod vel in impluium
 decidit, vel in tubulos teretes canalésue semiro-
 tundos colligitur, vt extra impluium decingat,
 ne stillæ cadentes lateritium marmoreúmue ca-
 uadij pauimentum corrumpant. V. Nunc quod
 me præterea facturum tui tentandi causâ promi-
 seram, id exsequar. Pulchrè adhuc stetisti. Quid
 est fundamentum? T. Non structuræ pars, sed lo-
 cus ac sedes, in qua structura ipsa tollenda ac sta-
 tuenda sit. Quocirca fundatione, hoc est, itione in
 fundum, & fossione opus erit, vt firmum stabi-
 léq; solum inueniatur. V. Et quodnam solum
 commodum? T. In quo nullæ herbæ, quæ hume-
 ctis in locis solent: quod nullam fert arborem, aut
 eam tantum, quæ in præduro ac densissimo oriri
 consuevit. Si longè circum omnia siccissima pe-
 nitusq; arentia. Alia prætereo. V. Dic plura de
 fundamento. T. Cum toto ædificio, tum ipsis
 fundamentis nihil negligendum : quando in cæ-
 teris, si quid erratum est, lædit leuius, & emenda-
 datur facilius, & perfertur commodius, quam in
 funda-

fundamento, in quo nulla admittitur errati excusatio. Veteres, fodito, inquebant, usque dum solidum inuenias. Habet enim tellus subduplices, & multiplices cutes. V. Quæ sunt primariæ partes parietis? T. Ima, quæ illico supra fundamenti infarcturam surgit: quam appellamus podium, seu suggestum. Media quæ parietem circumambit atque amplectitur: hanc procinctum dicimus. Suprema, hoc est ea pars, quæ ultimum parietis illaqueamentum habet, quam coronam nuncupamus. Inter partes parietum primarias sunt etiam anguli, & insertæ conceptæque seu pilæ, seu columnæ, seu quiduis eiusmodi, quæ quidem sustinentis trabeationibus, arcubusque tectorum columnarum sunt loco, quæ appellantur ossa. Sunt & apertionum stantia hinc atque hinc labra, quæ angulorum & columnarum naturam sapiunt. Apertionum testum etiam inter ossa numerabitur. Quæ inter has primarias partes intercurrent, atque extenduntur, complementa nominantur. Vniuersis partibus commune est, media muri infarcinatio, & gemini hinc atque hinc cortices, quorum alter extrinsecus ventos solemque excipit: alter intestinam aream umbram fouet. V. Quomodo marmor viatiatur? T. Contactu calcis non modo candorem amittit, verum etiam obscænis maculis cruoris dehonestatur. Tantæque in eo inest candoris superbia, ut vix alium possit perferre, quam ipsum se. Fumos dedignatur, oleo delibutum pallefcit, aqua ex materia castaneæ perfusum infuscat, intimum atque inficitur, ut ne abradendo quidem deleantur notæ. Hinc veteres nuda in opus mar-

marmora, nullo calcis illinimento obducto, quoad poterant adigebant. V. Quid sunt coronæ in muro? I. In muro sunt protecta siue projecta, seu prominentiæ, & tanquam supercilia illorum, & suggrundulæ arcendis stillicidiis: quæ nonnunquam lorica testacea. V. Genera testudinū quot sunt? T. tria, fornix, camera, tecta spherica. Ex his postrema, sui natura non nisi parietibus à circulari area surgentibus imponitur. Camera quadratis debetur areis. Fornicibus areæ angulorum quatuor, seu breuiores illæ quidem, seu oblongæ sint, quales videmus cryptoporticus operiuntur. V. Quoniam te adeo scientem inuenio, & in respondendo expeditum, hîc sistam: & deinceps spem maiorem ingrediar, te magnum aliquando in architectis nomen esse laturum. Ita deus faciat. T. Ita vt precaris eueniat.

ANNOTATIONES.

CEMENTIS ETIAM) *Cementa lapides non magni modi, quibus edificia consurgunt. Sisenna. Formidine oppressus, quod humilem cementis instructum oppidi murum sciebat. Varro. Non te pudet Mani, cum domi tua vides commilitonum tuorum cohortes seruis tuis ministrare camenta? TECTORIVM SEV LORICA) Inde loricare parietes Plinius de ichneumone lib. 8. cap. 24. dicit eum limo se mergere, siccaréque sole, & huiusmodi coriis seloricare. Apud Vegetium lib. 4. loracula id munimen-*

mentum est, quod urbium obsessores ultra iactum
 reli edificant, fossa, vallo, sudibus & turriculis in-
 structa, ut erumpentibus è cinitate obsistere possint.
 Loricula item dicitur ille murus, qui in circuitu te-
 ctorum fit, ne quis in praeceps labatur, *gracè τειχόφυλ-
 λος*. *MÆNIANVM ALIAS*) *Maniana*
 aedificia à Manio sunt appellata, qui domum ad fo-
 rum spectantem vendens, columnam exceperit, super
 qua proiectis tignis tabulatum construxit, unde ipse
 posteriq; eius gladiatores spectarent. De Meniano
 (nam secunda cum vocali etiam scribitur) & ex-
 dra lege Alexand. ab Alex. lib. 5. cap. 11. *SELLÆ*
FAMILIARICÆ) Latrine à latendo dicuntur:
graci ἀφροδῖται vocant, *latini* fellas simpliciter, &
 fellas familia ac familiaricas. Est & ad sellare pro
 ἀφροδῖται apud Vegetium commentar. de re vete-
 rinaria. Vide Scalig. in Varronem. *GENERALI-*
TER OSTIA) Thyromata etiam Vitruvius lib. 4.
 cap. 6. quæ prisci perpetuò quadrangula voluerunt,
 uti fenestras quoque. Posteritas arcuata maluit.
 In monumentis antiquis porta urbium arcuata vi-
 suntur, aedium privatarum, aut sacrarum nun-
 quam. *PSEVDOTHYRVM EST POSTI-*
CVM) Cic. post red. in Sen. de Pisone. Idem
 domi quàm libidinosus? quàm impurus? quàm
 intemperans, non ianua receptis, seu pseudo-
 thyro intromissis voluptatibus? Vitur eadem
 voce in Verrem. lib. 4. Eadem pecuniâ
 quem-

quemadmodum ad istum per pseudothyrum reuer-
tantur, tabulis vobis, & testibus planum faciam.
Potest dici pseudothyron, seu pseudothyron latens ia-
nua, & quæ à prateruentibus non animaduertitur,
de qua accipiendi sunt versus illi Maroniani 2. E-
neid.

*Limen erat, cacaq; fores, & peruius & sus
Tectorum inter se Priami, postesq; relictæ
A tergo: infelix quæ se, dum regna manebant,
Sapius Andromache ferre incommitata solebat
Ad soceros, & auo puerum Astyanacta trahebat.*

DE RE POLITICA, SIVE POTESTATES.

PROGYMNASMA DVODECIMVM.

*Demagistratū ὡς ἐν ἀπολεγομένοις
disputatum, & de regali
dignitate.*

QVINTIANVS, ONESIPHORVS.

QVINTIANVS. Rempub. summam, inco-
lunitatem omnium nostrum, coniuges,
liberos, parentésq; nostros, potētissimam
hanc,

hanc, ornatissimamq; urbem, aras, focos, diuina humanaq; omnia procurationi tuæ ab Rege omnium qui hodie viuunt regū sapientissimo commissa, concredita ac madata esse tam exaltabundus didici, vt gaudio pæne desiperem. Tu nunc operis in rebus humanis multò maximi, longeq; omnium præclarissimi dux, auctor & effector institutus es: quando quidem vt gubernatori cursus secundus, medico salus, imperatori victoria: ita Reipub. moderatori beata est ciuium vita propofita: vt eius nimirum paterno inprimis amore, tum consiliis, laboribus, periculisq; opibus firma, copiis locuples, gloria ampla, virtute honesta fit. Hoc autem quid maius possit, præstantiusq; cogitari, in meam quidem intelligentiam non cadere, libens meritoq; confiteor. Quare quò maior est istius tibi delati honoris amplitudo, regiaq; potestati similior, hoc eam tibi familiares tuos, adeoq; nos, qui te sanguinis propinquitate attingimus, vehementius gratulari æquissimum videtur. Denuo natus tibi videre, censeo. O. Peruellem, Quintiane mi, quomodo Magistri vocem ab eo natam literatores tradiderunt, quòd magis cæteris possit, eamq; non in solis artium liberalium præceptoribus: sed in præfectis quoque pagorum, vicorum, collegiorum posuerunt, qui omnes magis cæteris possunt: & vt inde conformarunt, magistrare, interpretâtes, regere ac temperare: quod sine dubio est plus posse: simulq; vocabulum, magistratus, quod cum ad ipsam personam, tum ad rem seu honorem referunt: sic ego non sola præcipiendi vetandiq; auctoritate amplius,

plius, seu plus possem : verum subiectos, & quot-
 quot minore cum imperio sunt, siue minutos
 magistratus prudentia, iustitia, clementia, con-
 stantiâque superarem. Has aliâsque virtutes bene
 multas & magnas, administratoribus prouincia-
 rum, & rectoribus ciuitatum ad illa, quæ dixisti,
 præclara & magnifica obtinenda necessarias esse
 etiam atq; etiam perspicio. Q. Clamabunt hæc
 omnia in te reperiri, qui iudicium dignitatis tuæ
 apud regem iurati fecerunt : viri in grauissimis
 causis cognita, & spectata fide. Clamabit vni-
 uersa ciuitas, quæ te tanquam fælicitatis suæ Pal-
 ladium intuetur & colit. Iam illud tibi valde af-
 sentior, duplici potestate notatum verbum hoc,
 magistratus : nam & magistratum istuc, aut illud
 statuisse dicimus : hoc est, eum, qui in alios ade-
 ptus est imperandi ius, seu qui propter ius impe-
 randi priuatis est superior atque potentior in iis,
 quæ Reipub. intersunt : & Titio cunctis suffragiis
 delatum magistratum : id est, munus honorémue
 in ciuitate, quo priuati excluduntur, vel qui pri-
 uatos non attingit. Varro quanquam magistrum
 à Magistris Equitum & populi, tamen à magistro
 magistratus nomen fluxisse autumat : cuius ista
 memini è lib. 4. de ling. lat. Magister Equitum,
 quod summa potestas huius in Equites, & accen-
 sos : vt est summa populi Romani Dictator : à quo
 is quoque Magister populi appellatus. Reliqui
 quod minores quàm hi magistri, dicti magistra-
 tus : vt ab albo albus. Græci, quorum lingua,
 contra licet clamante M. Tullio, non pauld est
 quàm latinorum diuitior, duas voces ambabus
 notio.

notionibus magistratus exprimendis habent, *ἄρχων* & *ἀρχή*, immo & *ἀρχαία*, qua vitur in Politicis Aristoteles. Tamen Athenienses certum quoddam genus *ἄρχοντας* appellarunt. Deinde uti nos magistratum potestatem, honorem: sic Græci *δυναμιν, πλὴν* vocitant: atque ut nos magistrare à magistro: ita illi è contrario *ἀπὸ τοῦ ἀρχεῖν τὸ ἀρχαίν*. Sed est, Onesiphore, quod tibi hoc onus aliqua ex parte alleuauerit: quod etiam si perferre non posses, ab administris & adiumentis rerum gerendarum desertus, tamen animo non deficere, & eo te opprimi malle deberes, quàm id aut perfidiosè abiicere, aut propter infractionem spiritus deponere. Sed feres & perferes usque animo forti & obfirmato. Ita par videtur bonum ciuem sese instituere. O. Equidem adhuc in meditatione muneris huius obeundi versor: nihilominus quasi iam humeris sublatum gestarem, pondus eius pergrauè sentio: ut verear non parum, ne cum omnia suppeditarint quæ requiruntur, ipsa me magnitudo molis ad terram affligat. Utinam à fabis abstinere licuisset. Illa verò de qua loqueris alleuatio, quæ tandem, aut qualis est? Q. Si cogites ortum magistratus à natura manare: naturam quippe alij præfunt, alij subsunt: & qui regia gubernatione deuinciri noluerunt, non hi nemini, sed non semper vni obtemperare voluerunt. Hoc ex primis & vetustissimis societatibus, nuptiali, paterna, herili animaduertamus licet. Vxor siquidem marito, filius patri, seruus do-

mino, familia deniq; rectori domus, seu patrifamilias impulsione cæca & naturali est obsequēs. Ex familiis compluribus vicus, vicinitasue componitur: & rursum ex pluribus viciniis ciuitas. Quia ergo conueniebant, domiciliaq; coniungebant, qui ex vna domo velut colonia exierant (propterea quod ea amplius nō caperentur) quique regio imperio assueuerant (*πᾶσα γὰρ οἰκία βασιλεύεται ὑπὸ τῷ πρεσβυτάτῳ* ait Aristoteles, omnis enim domus eius qui ætate antecedit regno subiecta est) inde profectum, vt similiter vicinitas, quæ ab vna domo esset propagata, propter cognitionem vnus sese arbitratui permetteret, ob eandemq; causam vicinix plures, quæ est ciuitas. Nec alia ratio proferatur, quam obrem antiquitus etiam singulæ ciuitates adeo promptè singulorum imperia regum factitarint, quæ illis pro legibus erant. Fuisse autem sub regibus gentes omnes, pro argumento est communis illa consensio, quod deos ipsos sub imperio Iouis ætatem exigere finxerunt: quam rem nisi ipsæ vsurparent, nunquam de diis comminiscerētur. Sic item formam eis humanam tribuerunt, sibiq; vt in altero, ita in hoc similes & socios putauerunt. O. At ego te aliò ducam: verius enim dici opinor, reges, & quamcunq; potestatem à deo ad homines venire: & quisquis potestatibus obedit, hunc diuinæ voluntati obsequentem videri: quisquis resistit, hunc cælesti constitutioni resistere. Deus profectò virtutem imperandi primus cum hominibus communicat, idemq; naturas ad imperia exhaurienda sollicitat. En quid Saluator Præori.

tori. Non haberes aduersum me potestatem ullam, nisi tibi datum esset desuper. In libro qui inscribitur, Prouerbiorum, ista legimus. Meum est consilium & æquitas: per me reges regnant, & potestates decernunt iustitiam. Quod cum ita sit prorsus ut audisti, dubitare nefas, quin, cum alij magistratus, tum reges potissimum votis & sacrificiis à deo petendi sint, absque cuius nutu, esset, nihil foret, cur se & scienter, & diu gubernacula tractaturos confiderent. Ille in mundo hoc non secus quàm in magno exercitu Imperator aliquis nonnullos Tribunos, Chiliarchas, Centuriones, Manipularios creat: totum corpus ipse moderandum sumit: atq; ut homines regibus, sic ipsi reges deo subiiciuntur: estq; non ignota, & vera vox Horatij.

Regum timendum in proprios greges

Reges in ipsos imperium est Iouis.

A deo sceptrata legesque accipiunt, quod & Horatius cecinit. Demum ab illo pendere magistratus, satis probant pudor & reuerentia, quam erga eos natura nobis ingenerauit. Quia enim omnibus maiores, & quasi è cælo legatos, diuinitatisque ministros scimus, idcirco eos obseruantia & ueneratione summa afficimus. Quid tyranni? ecquid inuito numine imperitant? ecquid deo nolente iactat sese crudelis, superba, flagitiosa dominatio? Nequaquam. Huiusmodi quippe rectores ille tanquam tortores & carnifices adhibet, ad comprimendam sceleratorum audaciam, improbosq; vlciscendos: quorum sauitia & immanitas non tam eorum peruerfitati, quàm corru-

ptissimis ac perditissimis populi moribus adscribenda est. Non igitur falsò Attila Hunnus flagellum, Tamberlanes Scythairam dei se nuncupabat. Quòd nisi diuina auctoritate distribuerentur confirmarenturque imperia, non esset edictum Christianis, vt dominis facinorosis quoque, & τῷ πορνείῳ cultoribus morigerarentur. Q. Haud pugnat iudicium tuum cum meo: ego enim hoc ipsum quod à natura geridico, à deo eius conditore fieri libenter concesserim. Nec tu nescis, naturæ nomen haud insolenter in eius auctore dici. O. Vnum me beat, vnum est solatio sub istoc onere. Q. Quidnam obsecro? optarem ne vnum, sed multa. O. Quod magnopere futurum spero, vt cum Regi visum fuerit, serius aut citius successorem nanciscar, & rude donatus abeam: quomodo alij nonnulli memoria mea hac eadem præfectura abierunt. Q. Perpetuitatem ergo magistratus in te quidem certò non probas. O. Probem ego in me? nec in me, nec in alio. Q. Disputatione tecum contendere, nisi de regali imperio, vt capisti, differentem audire malletm. O. Huius imperij nomen in terris primum fuit: prima est, inquam, hæc & Vetustissima potestas: siquidem & antiquissimorum populorum, vt Babyloniorum, Sicyoniorum, Argiuorum, Medorum, Persarum reges legimus. Hebræi item, postquam eos Iudicum satietas occupauit, à Samuele precibus petiuerunt, vti regem sibi proderet, cuius in posterum voluntatem intuerentur: creatus prin-

ceps Saulus ē Beniamina tribu. At enim in sanctis paginis plurimi ante hæc tempora profanarum gentium reges nominantur, ut prope cum ipso mundo regia dignitas exorta videatur. Progressu sæculorum alij atque alij magistratus emerferunt, partim diuini siue sacri, partim humani siue ciuiles. Illorum munus est & fuit religiones interpretari: ad sincerum numinis cultum populum erudire: caerimonias sancire: ad preces & sacrificia piacularia incumbere, citra quas res politia firmata consistere haud potest. Humani personam publicam ciuitatis sustinent, & iuri dicundo vacant: eorum nomina alia apud Græcos, alia apud Latinos: atque adeo inter ipsos Græcos alia Athenis, alia Lacedæmone, alia Thebis. Alia item apud Barbaros. Quod si quem delectaret de magistratibus commentarium conficere, ei ego Romanos proponerem. Q. Cur istuc? O. Etiam tu quaeris? Propter illius populi auctoritatem maximam, qui totum orbem sub leges misit. Propter eiusdem summam grauitatem, dignitatem, & perfectam in omni genere disciplinam: quibus, quemadmodum maiestate & amplitudine imperij, nationes omnes longo interuallo præcessit. Et scribuntur dicunturque ista versantibus in latinis litteris, quas citra cognitionem Romanæ Reipub. adhuc nemo comprehendit. Ipsius verò Reipub. moderatio omnis descriptione magistratuum continetur, ut nihil pœne disferat, utrum de his, an de illa tractationem su-

scipias: verèque Aristoteles rempub. esse institutionem circa magistratus honorèsq; publicos. *Q.* Nihil mihi aduersus hæc in mētem venit. *O.* Horum ista forsitan commodissima instituatur diuifio. Alij sunt vrbani, alij extra urbem, seu prouinciales. Vrbanoꝝ alij maiores, alij minores. Cæterũ vtriq; partim ordinarij, partim extraordinarij. *Q.* Intellico. Verũ quantopere sit necessarius hominum catibus iure sociatis magistratus, ex eo planum fit, quod tute supra dixisti, eius descriptione Rempub. contineri: quod à Cicerone scriptum recordor, cuius etiam illa sunt. Sine imperio nec domus vlla, nec ciuitas, nec gens, nec hominum vniuersum genus stare, nec rerum natura omnis, nec ipse mundus potest. Magistratibus opus est: sine quorum prudentia ac diligentia ciuitas esse non potest. Ex eorum etiam compositione, quod cuiq; Reipub. genus sit intelligitur. Cuius ea vis, vt præsit præscribátque recta & vtilia, & coniuncta legibus. Vt enim magistratibus leges: ita populo præfunt magistratus: verèque dici potest, magistratum esse legem loquentem, legem autem mutum magistratum. *O.* Scitissimè Cicero. Tam enim legi necessarius est magistratus, quàm lex ipsa ciuitati: videturque optabilius, vt iniquæ legi præsit optimus magistratus, quàm vt improbus vel æquissimæ. Etenim honestus vir, & virtutis sectator in iure dando, vnam habebit, ad quam velut ad scõpum intentus erit iustitiam: si quid in lege vitiosum deprehendet, pro sapientia sua emendabit: si quid ambiguum, in eam partem inter-

interpretabitur, quam cum religione, cum communi ciuium fructu, cum salute Reipub. coniunctiorem existimabit: homo nequam legis vocem non exaudiet, arbitriumq; suum, vel potius libidinem animi sui pro lege sequetur. Magis vitam rationis expertem, quàm ipsæ animantes viuemus sublatis magistratibus: pauperiorem locupletior, mäsuetiorem audacior, obscuriorem nobilior vexaret, opprimeret, deuoraret. Optimo cuiq; dominatum ab ipsa natura cum summa utilitate infimorum datum scripsit, quem paulò ante nominaui M. Tullius in 3. de Repub. in quo etiam monuit, imperádi seruiendiq; cognoscendas esse dissimilitudines. Nam vt animus corpori dicitur imperare, dicitur item libidini: sed corpori vt rex ciuibus suis, aut parens liberis: libidini autem, vt seruis dominus, quò eam coërceat & frangat: sic regum, sic imperatorum, sic magistratuum, sic patrum, sic populorum imperia ciuibus sociisq; præsumt, vt corporibus animus. Domini autem seruos ita fatigant, vt optima pars animi, id est, sapientia eiusdem animi vitiosas imbecillesq; partes, vt libidines, vt iracundias, vt perturbationes cæteras. Sine magistratu, vt absoluiam, non magis in portum ventura est Respub. quàm gubernatore destitutum, & turbulenta in tempestate relictum nauigium. A magistratu ciuitas quasi spiritus ac vitæ suæ custodiam petit, qui est velut mens in animo, anima in corpore, sol in cælo: siquidem ab eo populis intelligentia, vita, lux. Q. Ergo absq; illo populis hebetudo, tenebræ, mors. O. Rectè ratiocinaris. Sit

ista verò brevis quædam, & circumscripta magistratus explicatio. Publica persona, successione, sorte, aut suffragio electa, quæ ius ac potestatem consultandi, iudicandi, & imperandi habeat. Num aptè satis? Q. Aptissimè. Primum enim priuata persona non potest ferre nomen magistratus: ergo necessario publicam appellasti. Porro successioni monarchia seruatur. In statu populi fors: in primorum seu optimatum, suffragatio valet. Quod ais, electa, sic explano: consensu ciuitatis approbata. Quæ sequuntur, hoc modo. Quæ ius ex lege, & potestatem ex officio habet consultandi de rebus futuris, iudicandi de præteritis, imperandi suis. Nihil est autem adeo proprium magistratui, vt imperare: reliqua duo cum aliis, nonnunquam communia: quippe ciues omnes consultandi ac iudicandi participes definiuntur: imperandi ius ad solum magistratum pertinet. Atq; vt magistratus sunt personæ augustissimæ, & tanquam lumina atq; ornamenta ciuitatis: sic omnium quæ in ciuitate geruntur, amplissimū quiddam & nobilissimum est imperare.

O. Quoniam regium principatum cæteris antiquiorem videmus, inquiramus si placet, quibus de causis reges constituerentur. Q. Non latent in abdito hæ causæ, & sunt duæ. Vna, vt essent communis iustitiæ & æquitatis præfides atque custodes: quo vinculo hominum inter ipsos coniunctio societasq; continetur. Quocirca ad iustissimos & moderatissimos hoc genus imperij deferre batur. Altera, vt ciues suos calamitate prohiberent, eorumq; salutem & fortunas contra hostium

stium machinationes ac tela defenderent. Hanc enim legem gentes è natura ipsa arripuerunt & expresserunt, vt ad opes auxiliumq; alterius confugerent, quæ se ipsæ aduersus vim externam tueri non possent. O. Ac vicissim afflictæ regum fortunæ faciliè multorum opes, eorum inprimis, qui aut reges sunt, aut in regno viuunt, ad misericordiam alliciunt: quod regale iis nomen magnum & sanctum esse videatur. Ita sanè Cicero. Q. Quid ni magnum & sanctum nomen, cum regum præcipua sit in terris & suprema dignitas? qui moderandis ac tuendis hominum societatibus diuinam providentiam æmulantur, quæ cōseruatricæ & gubernatrix est huius vniuersi. O. Nihil sanè tam prope ad dei naturam accedit: quare etiā dii in sanctis literis nominantur, & à deo ipso honorem cōsecuti, atq; in eius tutela viuere dicuntur. Itaq; Homerus persapienter,

Σκηπτῶχ' βασιλεὺς ὅτε ζεὺς κῆδ' ἔδωκε.

Rursus.

Τιμὴ δ' ἐν δὶος ἐστὶ. φιλεῖ δὲ ἰμνήσας ζεὺς.

Et de semes e Agamemno.

Παρ' ἔμοι δὲ καὶ ἄλλοι

Οἷκε με πῆσυσσι, μάλιστα δὲ μνήσας ζεὺς.

Rex omnium magistratuum instar est, omnes comprehendit, quod est esse animam ciuitatis. Vt enim vna mens singulis partibus corporis suæ functionem officiumq; tradit, ac præcipit, ipsa proprium habet ac retinet: ita rex magistratibus aliis quæ sint agēda præscribit, illisq; præest: & separata ab illis auctoritatē maiestatemq; obtinet: quæ

quæ omnem omnino auctoritatem, maiestatemque complexa est. Nam quod quis Imperatores obiiciat, nihil obiicit. Quid enim est aliud Imperator, quam belli moderator cum summo imperio in exercitum? At postquam Iulius Cæsar propter eum quem sibi opinionis errore finxerat principatum, omni scelere instituit vexare rempub. & ut solus regnaret, fas omne deleuit, omnia diuina & humana iura impiè violauit, qui in eius dominatum successerunt, repudiato regis nomine, quod Romani iam inde usque à Tarquinio Superbo detestabantur, Imperatores, grata omnibus, & militum auribus accepta usitataque appellatione audire maluerunt. Hinc adeo in magna veneratione Imperatoris nomen versatum est: quoniam qui Imperatores, iidem rerum domini erant. Socrates apud Platonem in 3. de Repub. homines à deo ita procreatos affirmat, ut qui essent ad gerenda imperia futuri idonei, iis aurum admisceret: qui eorum curæ participes futuri, iis argentum. Agricolis autem & opificibus futuris æs ac ferrum. Quæ similitudo cum ad ingenium virtutemque naturalem imprimis referenda sit, quiuis perspicit, quantum inter regem aliosque homines discrimen reperiatur. Ad huius ordinis splendorem atque decus facit, quod fulminare dicuntur, veluti Ioues quidam cum quempiam acerbiorē pœna persequuntur. Sic Cæsar apud Maronem ad altum fulminat Euphratem: & Ouidius in Scythiam ab Augusto relegatus, toties eius se fulmine percussum lamentatur. Ac poëta quidem non alio quam
regis

regis nomine crebrius Iouem celebrarunt: quòd eo inter mortales immortalesq; præstantius nihil inueniri posse arbitrarentur. Adde quod item sacris & carimoniis præficiébantur: cum ob amplitudinem dignitatis, quam etiam consecratam esse voluerunt: tum vt essent, qui à diis precarentur, quæ ex ciuitatum vsu fore non ignorarent. Etenim communitatum commoda & incommoda ij demum clarissimè nouerunt, qui rem communem administrant. Quamuis longus siam, si docere coner, quanti hõnores apud varias nationes in reges collati fuerint. Multa in deorum numero eos coluerunt. Romani quibusdam templa & sacra instituerunt. Indi beatos se ducebant, & fælix omen capiebant, si quando regem videre contigisset. Persæ suos adorabant: quò necessitatis etiam peregrini, & exterarum gentium legati adigebantur. Quin immo, quem flagris multari rex iussisset, gratias eidem agebat: perinde vt si fælicissimè secum esset actum, quòd eius memòr fuisset, &c. Hoc persimile illi. Referuntur quidam gloriati, Principes magnos, secum locutos. Interrogati porrò quid dixissent, responderunt: se ab illis facessere iussos, appellatosq; nebulones. En, in quibus tandem rebus honos ponatur. O. Sinamus istos ad hunc modum honorari, flagellis & conuiitiis lacerari, & præterea fustibus vsque ad saturitatem coronari. Q. Sciscitabor vnum hoc abs te prius, quàm sermonem concludamus. O. Quid illud vnum? Q. Vtrum in rege seu Principe referre censeas, pulcher sit, an deformis. O. Ego verò censeo, & asseueranter

ranter pronuntio, compositionem membrorum, conformationem linéamentorum, figuram speciemq; decoram eximium eius esse ornamen-
tum, & ad gratiam amoremq; inter subiectos conciliandum per opportunum instrumentum. Mouet oculos pulchritudo corporum, & delectat animos hoc ipso, quod inter se partes omnes cum quodam lepore consentiunt: nec potest quidquam minus latere, quam excellens forma. Cæterum non hic admirandam vultus, & stupendam speciem postulamus, quæ in Demetrio Poliorceta Antigoni filio laudatur: quem neq; pingendo quisquam, neque fingendo imitari potuit. Nec illam Alcibiadis, qui omnium suæ ætatis hominum formosissimus prædicabatur. Talem concipimus, qualis memoratur Africani maioris: qui inter quoscunq; versaretur, propter egregium decus oris atq; vultus solus ad imperandum natus videbatur. Qualis item Xerxis, cuius copiarum cum constarent bis & quinquagies centum, octoginta millibus, in tam inaudito numero ipso rege pulchrior, & statura procerior nemo inueniebatur. Qualis Augusti, qui cum esset vndecunq; elegantissimo corpore, tum ei oculos natura dederat, velut duo sidera fulgentissimos. Prodidit Lampridius, Alexandri quoque Seueri nimium fuisse ardorem oculorum, & diutius intuentibus grauem. Faciem præterea regis ita effictam conformatamque volumus, vt simul & ex grauitate terrorem aspicientibus incutiat: & ex mansuetudine ad beneuolentiam inuitet. Hoc est, vt emineat ex ea temperata seueritate humanitas,

nitas, & cum humanitate permixta feueritas. Decernimus in super, ad pulchritudinem Principum pertinere corporis magnitudinem: nam in pusillis & homuncionibus inesse quî potest, de qua locuti sumus maiestas & auctoritas? Samuel Propheta dum ad populum concionatur, de Saule, quem regem Israël diuino iussu declarauerat, quicquid humeris supra innumeram eodem in loco congregatam multitudinem extabat: certè videtis, ait, quem elegerit dominus: quia non sit similis illi in omni populo. Commendantur Lacedæmonij, qui Agésilao regi suo pecuniariam multam irrogarunt, quod is paruam vxorem duxisset: querebantur enim sibi βασιλίδια, ἢ βασιλείας regulos seu regunculos, nō reges procreatum iri. A mente nostra sunt duo poetarum soles Homerus & Virgilius: qui quorum formam laudant, iisdem aliquando staturam sublimiorem attribuunt. De Turno quidem noster.

*Ipse inter primos præstantis corpore Turnus
Vertitur, arma tenens, & toto vertice supra est.*

De Aenea autem (quoniam omnes propemodum duces ac principes singulari oris dignitate præditos inducunt poetæ) quam est illustris illa comparatio?

*Os humerosque deo similis: namque ipsa decoram
Cesaricæ nato genitrix, lumenque iuuentæ
Purpureum, & lasos oculos afflarat honores.
Quale manus addunt ebori decus, aut ubi flauo
Argentum Parisiæque lapis circumdatur auro.*

Homerus Agamemnonem, Achillem Menelaum, Hectorem & alios diis similes persæpe facit: quod de for-

de forma potissimùm intelligendū est. Non fugit hoc etiā Xenophontē : nam in Symposio scripsit: formæ elegantia naturā quiddam regium esse. Ex quo forma regia pro eximia, & minimè vulgari. Stobæus ex Euripide hanc adducit sententiam: *πεῖρ ὅτι οὐ μὲν ἦν αἰὶς τυραννίδος*. Optat is qui hæc apud illum Tragicum depromit, videre è filiis maribus procreatos mares, qui primùm eo essent habitu vultus, ex qua dignitas quædam regalis eluceret: deinde aliis etiam bonis abundarent. Quapropter priscis temporibus ij regium conscendere fastigium iuebantur, qui eximia specie corporis alios anteirent: cum præsertim ad res magnas apti nulli viderentur, nisi quibus hunc membrorum honorem, ornatumq; naturæ parens addidisset, in quo virtutis significatio, & interioris illius pulchritudinis quam animo & cogitatione cernimus, quoddam est indicium. Macrobij (ea gens Meroën Nili insulam habitabat) deformi nullo modo obtemperassent: & Aristoteles in 4. de Repub. narrat Indos & Æthiopas ad pulcherrimum, regni clauum deferre consueuisse. In primo autem libro, cum docere vellet, illos qui cæteris mortalibus longo interuallo animi virtutibus præstarent, dignos esse, qui rerum potirentur, ostendit hoc etiam verum reperiri in bonis corporis, atque adeo in ipsa forma. Etenim si existerent aliqui ea elegantia, quam in deorum statuis contemplamur (has quippe quam poterant decentissimas fabricabantur, & cum figuram humanam diis affingerent, eam tamen humana longè perfectiorem augustioremq; imaginaban-

ginabantur) neminem dubitaturum, quin illos imperare, reliquos parere conueniret. Apparet autem naturæ sollertia instinctu; id agi: siquidē & in brutis animalibus, si quæ in monarchia uiuunt, semper regis corpus & maximum & nitidissimum, præq; omnibus est conspicuum. Vt itaque hanc scholam terminemus, & ad finem decurrat colloquium, prudentia, iustitia, fortitudo, clementia, regnis administrandis necessariae uirtutes sunt: pulchritudo ad commendationem & gratiam (quæ regni stabilimentum est) colligendam prodest plurimum. Quare non dixerim Principem turpem statim odiosum esse suis, sed minus amabilem: quoniam caret eo, quo in rebus quæcunque oculorum sensu percipiuntur, ad animos uoluntaria deditio occupandos nihil est potentius.

 ANNOTATIONES.

REMPVB. SVMMAM) Sic persæpe veteres loquebantur, ut summam rem, aut summam Rempub. dicerent: cuius loco vulgus nostras, summa Reipub. Plaut. Mercat. ubi loci res summa nostra est publica? Milite. Is publicè legatus Naupactum hinc fuit, magnæ Reipub. gratia. Cic. 2. Philip. de re summa dissentientes. Vbi liber antiquus teste Mureto, habet: de repub. summa Virgil. 2. Æneid. Quo res summa loco Panthi? ITERVM NATVS TIBI) Veteres cum magnos in Repub. honores adipiscerentur, cum ab exilio redibant, iterum sibi nasci videbantur,

bantur, & illum diem natalem reditus sui nominabant. Vide Turneb. lib. 23. cap. 4. sic in latitia ingenti ob nuntium de reditu filij Seneca in Capt. Di immortales, iterum natus sum, si vera autumas. IVDICIUM DIGNITATIS TVAE) Dignitas Cic. 2. de Inuent. est alicuius honesta, & cultu, & honore, & verecundia digna auctoritas. Idem in Bruto cum dixisset, se ab Hortensio in Augurum collegium cooptatum: in quo (subiicit) iuratus iudicium dignitatis mea fecerat. Id est, tanquam testis (testes enim iurati dicebant, ut indices iurati indicabant) dignum me illo sacerdotio indicauerat. FAELICITATIS SVAE PALLADIVM) Palladium Minervæ seu Palladis simulacrum calo delapsum Troiani diligenter custodiebant: quòd responsum esset, tamdiu ab hoste servatum iri urbem, quamdiu ipsi id monumentum servauissent. Sed enim Diomedes & Ulysses per fraudem et insidias abstulerunt, de quo Virgil. 2. Æneid. in hunc modum.

Omnis spes Danaum, & capti fiducia belli
Palladis auxiliis semper stetit: impius ex quo
Tydides sed enim, scelerumq; inuentor Ulysses
Fatale aggressi sacrato auellere templo
Palladium, cæsis summa custodibus arcis
Corripuere sacram effigiem: manibusq; cruentis
Virgineas ausi diua contingere vitæ.

Meminit Cicer. pro Milone. Exhibe, quæso, Sex. Clodi. exhibe libellarium illud legum vestrarum, quod te aiunt eripuisse è domo, & ex mediis armis, turbaq;

tarbag, nocturna, tanquam Palladium sustulisse.
 Ouid. 6. Fast. & 13. Metamorph. Pherecydes om-
 nia ἀχρεοποίητα, id est, non manufacta, & omne ca-
 litus in terram deiectum Palladium dixit. Rhodi-
 gin. lib. 28. cap. 9. DELATVM MAGISTRA-
 TVM) huius classis sunt, magistratum creare, man-
 dare, aliquem Consulem, Prasorem facere, legere,
 renuntiare. His respondent, magistratum adipisci,
 assequi, accipere, gerere, peragere, inire, ingredi ma-
 gistratum, consulatum, tribunatum, in magistratum
 venire, esse in magistratu. Item hac, magistratum
 abrogare, deponere, magistratum & magistratu se
 abdicare, abire magistratu. Magistratum immi-
 nuere, quod aliàs dicimus derogare iuribus & prae-
 rogatiuis officij. Cic. in Verr. Cur imminuistis ius le-
 gationis? QVOD DAM GENVS ἀρεχοντα) Le-
 gendus Sigonius libr. 1. de Repub. Atheniensium.
 VTINAM A FABIS ABSTINERE) Pythagori-
 cum Symbolum est, καὶ μὴν ἀπέχεσθαι, à fabis absti-
 nendum. Quod Plutarchus de educand. lib. censet
 eò pertinere, ut ab administratione Reipub. absti-
 neamus, tanquam à molesto, difficili periculofoq, ne-
 gotio: quoniam olim suffragia fabis ferebātur. FOR-
 MAM EIS HUMANAM) Contra Velleium Epi-
 cureum ita scriptum est in 1. de nat. deor. Non de-
 est hoc loco copia rationum, quibus docere velitis,
 humanas esse formas deorum. Primum quòd ita sit
 informatum anticipatumq, mentibus nostris, ut ho-

mini cum de deo cogitet, forma occurrat humana: deinde, ut quoniam rebus omnibus excellat natura divina, forma quoque esse pulcherrima debeat: nec esse humana ulla pulchriorem. Credebant præterea antiqui deos habitu corporis maiores esse, quàm homines. Sueton. in Claud. cap. 1. Non prius destitit insequi, quam species barbara mulieris humana amplior victorem tendere ultra, sermone latino prohibuisset. Tacitus. Oblata ei species muliebris ultra modum humanum, & audita est vox. Virgil. 2. Æneid. de Venere: qualisq; videri Caliculis, & quanta solet. Eosdem opinabantur suavisimum spirare odorem. Virgil. Æneid. Ambrosiaq; coma diuinum vertice odorem spirauere. Ouid. Fast. 5. Mansit odor, posses scire fuisse deam. Turneb. libr. 30. cap. 39. ATTILA HVNNVS FLAGELLVM) In hoc mortali immanis quadam supra omnem memoriam ingenij atque natura ferocia fuit, qui se flagellum dei, & terrorem hominum appellabat, & ad id in mundum à deo missum iactabat, ut tanquam iuste illius vindex ira terras omni malorum genere permisceret: & crudelitatem ac libidinem suam non nisi sanguine & incendio terminabat. Sigon. de occident. imp. lib. 13. De Tamberlane vide Egnatium lib. 3. De eiusdem triplici centorio Crinit. lib. 1. cap. 1. ET Τὸ πονηρὸν (VLTORIEVS) Diabolus redditur latine calumniator, quæ voce Christianis καὶ ἀντιπρόμαχον

μαρίαν qui aliàs cacodamon & Satanas intelligitur. Nos, inquit Lactantius, criminatorem vocamus, quod crimina in qua ipse illicit, ad deum deferat. De quo item Apocalyp. 12. quia proiectus est accusator fratrum nostrorum, qui accusabat illos ante conspectum dei nostri die ac nocte. Præterea idem Diabolus in sanctis literis ἀπονομαστικὸς vocatur ὁ πονηρὸς, Malus. Est enim malorum quæ geruntur auctor & machinator, perennis & implacabilis humani generis inimicus. Itaque in Dominica precatione cum dicimus ἀλλὰ πῶς ἡμᾶς ἀπὸ τοῦ πονηροῦ, non tam à malo, id est, rebus infelicibus & aduersis, quam à malo, hoc est, diabolo, & eius insidiis & molitionibus perniciosissimis liberari rogamus. Sic Matth. 13. ἐρχεται ὁ πονηρὸς, venit malus, & rapit quod seminatum est in corde eius. Ioan. 1. cap. 2. καὶ ὁ ὁμῶν νεανίσκοι, ὅτι γενήσεται τὸν πονηρὸν. Vbi vulgatus interpres: quoniam vicissim malignum. Sic Paulus ad Ephes. ultimo, ἐν ᾧ διησέδωκε πάντα τὰ βέλγη τοῦ πονηροῦ τὰ πεπυρωμένα σέβου. Vbi latinus: Omnia tela nequissimi. ALIA APUD GRAECOS) Consule cap. 3. lib. 3. Alexand. Neapolit. INSTITVATUR DIVISIO) Lact. in Platone adducit quinque magistratuum genera, legitimum, naturale, æquum ac rectum, per successionem generis, violentum seu tyrannicum. Per primum imperant, quos cives initis suffragiis creant. Per alterum mares faminis in omnibus animanti-

bus. Per tertium *padagogi pueris, & magistri discipulis*. Per quartum *Lacedaemoniorum reges, & Macedonum, & quotquot hereditaria successione ad principatum ascendunt*. Per postremum qui *inuitis coactisq; ciuibus imperant*. *M. TVLLIUS IN III. DE REPVE.*) *Quaratione Cicero de Repub. scripserit, & quid spectarit, Franciscus Patricius de Institut. Reipub. libr. 1. tit. 2. UT ESSENT COMMVNIS IVSTITIAE*) *Huic loco quasi illuminando faciunt, qua scribuntur à M. Tullio 1. de Offic. Mihi quidem, inquit, non apud Medos solum, ut ait Herodotus, sed etiam apud maiores nostros seruanda iustitia causa videntur olim bene morati reges constituti. Nam cum premeretur initio multitudo ab iis, qui maiores opes habebant, ad unum aliquem confugiebant, virtute praestantem: qui cum prohiberet iniuria tenuiores, aequitate constituenda, summos cum infimis pari iure retinebat. Eademque constituendarum legum fuit causa quae regum. Παρ' ἐμοὶ δὲ*) *Respondet Agamemno Achilli discessum e castris minitanti. I. Iliad. Cicer. epist. 7. lib. 3. Tu autem si quid agis, ut minus mea causa, dum ego absum, debere videaris, quam ego tua laborarim, libero te ista cura. Παρ' ἐμοὶ δὲ καὶ ἄλλοι, οἱ καὶ με, &c. EIVS SE FVLGINE PERCVSSVM*) *Quippe quem etiam Deum facit. Duo loci occurrunt in praesentia. Eleg. 1. libr. 1. Trist.*


*Forſitan expectes an in alta palatia miſſum.
Scandere te iubeam, Caſareamq; domum.
Ignofcant auguſta mihi loca, diſq; locorum:
Venit in hoc illa fulmen ab arce caput.*

Elegia verò octava eiusdem libri, qua ſe ab amicis alieniſſimo tempore deſtitutum conqueritur, ſic ait.

*Dum ſtetimus, turba quantum ſatis eſſet habebat,
Nota quidem, ſed non ambitioſa domus.
At ſimul impulſa eſt, omnes timuere ruinam,
Cautaq; communi terga dedere fuga.
Sana nec admiror meruunt ſi fulmina, quorum
Ignibus aſſari proxima quaq; ſolent.*

IN DEMETRIO POLIORCETA) De hoc nomine aſſumpto Demetrium Plutarchus reprehendit. Magis enim ſervator & cuſtos, quam expugnator urbium rex vocari debet. De forma regis conſules Patricium de regno & regis inſtituit. libr. 3. titulo 3. DVO SIDERA FVLGENTIſſIMOS)
Sic Suetonius Auguſto, cap. 79. Oculos habuit claros ac nitidos, quibus etiam exiſtimari volebat in-eſſe quiddam diuini vigoris: gaudebatq; ſi quis ſibi acrius contuenti, quaſi ad fulgorem ſolis vultum ſubmitteret. Idem Sex. Aurelius, & Sernius in 1. Aeneid. Πρωτον μὲν) Senarium hunc expla-nat, & emendat in Porphyriana Iſagoge Muretus libr. 3.

cap. 2.



PROGYMNASMA

TERTIVM DECIMVM.

Consultatio Persica.

De optimo genere imperij.

CAmbyſes Cyri Perſarum Regis filius, cum ſecundum quicquam Mergin, an Smerdin? (Verumq; enim inuenimus) fratrem ſuum in folio confidentem vidiffet, & exinde regno ſe doturbandum ab illo metueret, adornata in Aegyptum expeditione, cum cuidam Mago Cometi, ſeu Patiricha diſto, quem domeſtica rei dominum procuratoremq; reliquerat, nefando ſcelere iugulandum mandauit: ipſe, & ſacrilegiorum commiſſorum, & parricidij huius panis caeſti repoſcente iuſtitia, gladio è vagina dum inequum inſilit, ſponte clapſo, grauiter ſemur ſauciatuſ, animam contaminatam perdidit. Nuntio regia mortis accepto, Magus, antequam ea rumore percrebreſcente diuulgaretur, Smerdin clam obruncat: fratrem ſuum Smerdi cognominem, lineamentiſq; & decore vultuſ quàm ſimillimum, mirabili aſtu dolum contegens, Regem ſufficit: id quod eo procliuſ fuit, quoniam apud Perſas Regis perſona ſub maiſtatis ſpecie occultatur. Erat Oranes genere iuxta atq; opib; præcellens, idemq; ſagaciſſimus: ad quem primum huius callidiſſima fraudis odor cum perueniſſet, mouit omnem lapidem, vt è filia, quam in pellicanuſ Rex ſuppoſitiuius habebat, ecquid verè Cyri Smerdis, an Magus eſſet cognosceret: caput ei altius ſopito pertractari iuſſit: quippe cui malefici; comperto & trama, aurem Cambyſes præciderat. Rem omnem diſcit: Perſarum optimates aliquot ad conſurationem cum ſacramenti religione faciendam, tollendumq; è medio emetiſſum illum Regem, &

cum

*enim adhuc Medum hominem (Medos autem Persæ ode-
rant plus quam civili odio) impellit. Septem de eade Magis
ambobus molenda fidem inter se & iusiurandum dede-
runt, utrumq; mactauerunt. Post diem quintum ad consi-
lium de statu & forma reipub. capiendum, inter eos est
introducitur deliberatio. Pronuntiata sententia tres. Prima
ab Otane pro democratia: altera à Megabyzo pro aristo-
cratia: postrema à Dario pro monarchia. In hac, quia me-
lior, quatuor reliqui Satrapæ transierunt: quibus mox alij
duo iam à me nominari assenserunt. Historiam ediderunt
Herodot. lib. 3. Justin. lib. 1. Ex ea consultatione ut hunc di-
alogum procerderemus, ipsa nos res grauias elegantissima
permouit, atq; incitauit. Veruntamen quasi latius ample-
xi spatium, & more nostro arbitrioq; omnia: quò possemus,
lectiorem & erudire cumulatius, & delectare plenius. Quæ
Darius super regno differit, è fontibus Isocrateis pleraque
deducta sunt: Herodoto sua sibi reliquimus.*

SEPTEM PERSÆ

PRINCIPES.

OTANES, GOBRTAS, DARIUS, ASPA-
THINES, INTAPHERNES, ME-
GABYZVS, HYDARNES.

OTANES. Fortissima, fidissimaq; pectora,
nunquid non ante hos dies per paucos fa-
cinus diis immortalibus pergratum, Per-
sarum communi salutiferum, nobis perfectiori-
bus ad sempiternæ gloriæ fructum quàm maxi-
mè opportunum facere occupauimus? Auriculis
carebat Magorū ille sceleratissimus, quas ei malè
merenti Cambyfes amputandas locauerat: at
nunc etiam toto capite multatus est: quod nos eo
iure, quo qui optimo desecimus. Sic tyrannis

blandiendum : sic illis colludendum est, qui per fraudes inexpliabilis, & nouas insidiarum rationes in suam nassam regna trahunt. Persarum ceruicibus superbus Medorum dominatus, iugumq; durissimum an imminebat, an incumbibat? Vos illud, vos, inquam, magnanimi viri virtute freti & viribus cum ad spem libertatis vel conseruandæ, vel recuperandæ exarsissetis, me principe & auctore aut auertistis, aut reiecistis. Rectissimè tu statuebas Gobrya, honestissimum fore nobis, imperium ad nos recipere. Si propositum tenere non potuissemus : hoc est, si à consiliis euentus dissensisset, moriendum videri potius, quàm homini Medo seruièdū. G. Cum te suspicio Otanes, & intimè probo, qui te huius tã insignis facti ducem hortatoremq; præbueris, tum Darium hunc nostrum miro modo complector, cuius ardētior ad istam magophoniã animus; qui nulla vtēdum procrastinatione, sed primo quoq; tempore alienæ rei incubantes depellendos, & reges adulterinos morti offerendos instabat. D. At enim uero qualibus quantisque laudibus ego te Gobrya ferre debeo, qui tam libenter eras largiturus Reipub. tuum sanguinem: nec recusabas, vel amicissimi, hoc est, mea dextera cadere, dum vnà caderet quem medium complexus tenebas? Hac enim voce, plena generosissimi animi cunctantem me, & summopere metuentem, ne in loco præsertim subobscurò amicum cum hoste implicitum pro hoste confoderem, me confirmabas. Quid moraris? per corpus meum hunc latronem interfice. sed diuina prouidentia telum in Magi corpus direxit,

rexit, in cuius viscera hoc ferrum adegi. Lancea duos læsit, te Aspatines in femore: te Intaphernes in oculo: reliquis nobis quinque nihil vulneris obtigit. Quid dicam? dii nos tutati sunt: diis nostra pietas cordi fuit. A. Fecit hoc quidem alter lancea, ut refert: sed si is, qui in cubiculum sese conclauit continuum proripiebat, arcumque corripuerat eo cominus uti potuisset, certam vobis pestem Gobrya & Dari profecto attulisset: nec ad socios cum vita rediissetis. I. Cœpi auguriū prosperrimi successus, erectusque in spem magnam sum, diuinitus fortunatum iri quod inceptaue-ramus, cum de inexpectata & improvisa omni- bus concione Prexaspis è turri, eiusque ex ea præcipiti, sed voluntario lapsu audirem. Quàm condigno modo ibi Magos ludificatus est? M. A se- met sibi pœnas exegit parricida impius: passus est populo scelus suum: nullius coactus se luce priuauit. Quanquam eius reliquæ actiones quibus floruit, & existimatio qua claruit, hoc tam fœdo tristisque exitu indignissima fuerunt. H. Etiamnum ob oculos mihi versantur, & cum læta præflagitione intueri videor illa septem paria accipitrum, quaternos vultures aperto cælo tur- bantium, rostrisque appetentium. Quod qui- dem ostentum se nobis obiciebat, dum acceptis quæ Prexaspes necopinatus designasset, eundem quo intenderamus, an restandum esset nuta- remus. Monebant illæ persecutrices aues, ut Dario festinatori, tibi, Otanes, cunctatori fiden- tius aduersanti obsequendum putaremus. Ta- met si te huius nostri gloriosissimi pulcherrimique
ausus

ausus primum inuentorem, suasorem, hortatorem, impulsorem & confitemur & cōfitebimur, quoad animis spirauerimus: qui consilio callido per Phedymam tuam personatum illum regem indagasti, veluti per fidelem & sagacem catulum in ipsis cubilibus delitescentem bestiam. O. Hoc etiam cælesti monitu actum reor, vt te potissime, Intaphernes, socium mihi asciscerem. Emicuit tua virtus, sibiq; constitit inter pericula fortitudo. G. Haud minus Magabyzi mei. A. Peræquæ Hydarnis mei. O. Quid adhæc Darius? cur tacet? D. Expecto dum vos simul de cooptatione mea iactetis: simul quippe, vnoq; consensu me allegistis. Num id autem sim promeritus, Gobryas melius nouit. G. Promeritus? ô Dari, plus tibi debet nomen omne Persicum, quàm homini ab hominibus deberi fas est. Sanè diem cædis huius tam salutaris in annos singulos festum agi tota Perside conuenit: & in eo Magorum in publico apparere neminem; nisi si quis satis se diu vixisse arbitrabitur. Recordamini cum quinque de nobis, consauciatis duobus, & in arce tum eius tuendæ, tum vulnerum alligandorum causâ relictis, capita interfectorum pilis præfixa portantes incederemus, elatis vocibus Persas compellantes, tyrannorumq; mactationem, & restitutam illis libertatem gratulantes, obuios etiam Magos inferis sacrificantes, quàm illi gaudio exiluerint: & in quocunque tum Magos inciderent, eos vt imbellia pecora ferro conciderint. Ac nisi nox captis interuenisset, vnus dies Magos omnes funditus sustulisset. D. Quid igitur? quoniam hæc lux

lux à die trucidationis sexta numeratur, an tempus venisse necdum arbitramini ordinandæ constituendæq; Reipub.? quæ vt pupilla iam est in nostris manibus. Se nobis ipsa velut orba parentibus commisit. H. Tempus vtique maturum. A. Quin imus in consilium? I. Sic, opinor: eamus, nèue comperendinemus, aut amplius pronuntiemus. Ardua tamen hæc, si non fallor, est futura consultatio. O. Quippe de re ardua. G. Dissensionem nostram cogitatione præcipio. Hic istud sentiet, ille alia omnia. A. Nec aliter plerumq; solet in deliberationibus. Attamen redigitur postea ad concordiam illa discordia, & plures sententiæ in vnam constantur, mi Gobrya. G. Scio. Quò itaq; res agatur facilius & tranquillius, censeo faciundum, vt tres nostrum sententias edicant suas. Primo loco Otanes (siquidem ætate præit, & conspirationi nostræ fundamenta præstruxit) exponat quam imperij formam rebus Persicis inducendam maximè putet. Secundo Megabyzum audiemus. Postremo Darium. Tres quod è Reipub. fore iudicabunt edisserant: nos alij suffragia sine tabula feremus. Qui plura tulerit, is cæterorum quoq; duorum, qui sententias dixerint suffragationem auferet. Quid? probaturne ista ratio? O. Conditionem ego accipio. A. Eandem ego non repudio. I. Ego non aspernor. D. Ego amplector. M. Ego laudo. H. A te sto Gobrya. G. Ergo accingere Otanes: dic quid sentias.
O. dico.

Pro Democratia, seu statu populi contra Monarchiam.

OTANES.

*Imperij summam penes unum consistere in post-
rum, & ab eius auctoritate nutuque pendere omnia
non placet. Terrent me cum vetera regum, tum
recentia exempla longè plurima, & in his duore-
centissima, Cambyſis Cyro geniti, & Magi. Ne-
ceſſe non eſt à me commemorari; cum ipſi vobiſcum
recordemini, quò ſublatis ſpiritibus audacia amen-
tiâq; in illa poteſtatis amplitudine proceſſerint. E-
tenim ubi uni rerum habena committuntur, in
monarchia, inquam, virtus probro habetur, in-
nocentia leue praſidium eſt, iuſtitia pro malevolen-
tia ducitur, fas & nefas exiguo ſine diſcernuntur.
Pro lege eſt quidquid libido aut intermittendum
ſuaſerit, aut perpetrandum ſuggeſſerit: nec ullis a-
nimaduerſionum pœnis monarcharum ſcelera vin-
dicari poſſunt. Etiam proba & omnis aliena vitij,
omnèmque exoſa turpitudinem natura, ſi ad iſtuc
imperâdi genus aut ſua ſponte acceſſerit, aut ab aliis
admota fuerit, breui tempore ex bonorum volupta-
tùmque affluentia inſolens, immoderata, impo-
tens, & communibus rebus pernicioſa euadit. Ni-
hil auarè, crudeliter, intemperanter, luxurio-
ſè, iniuſtè, nefarie fieri poteſt, à quo Principes*

mentem, oculos manus abstineant. Qui cum honoribus coluntur mediocribus, tantum non diuinos concupiscunt, & se contemni arbitrantur. Sin autem studiis exquisitioribus, reuerentia & obseruatione quadam maiore tractantur, se assentatoribus ludibrio esse clamitant. Ut quemque inter ceteros gratia, aut opibus aut prudentia eminentem vident, ita eum è medio primum tollunt: iura enim negant sibi nata: nihil non armis arrogant. Et quoniam in subiectorum charitate spei nihil reponunt, metu eos in officio continent: qui non est diuturnus magister officij. Bonis exsunt non superbos modo aut inuisos, sed unde præter prædam nihil expectant. Alios solum vertere compellunt: alios vinculis æternis mandant: alios quoties visum est, per ludum iocumque interimunt. Haud illi ad senatum referunt: domesticorum, sæpe unius scorti adulatorisue consilio regna gubernant. Bellum, pacem, fœdera, societates cum quibus volunt, & quando volunt, aut faciunt, aut dirimunt. Non provincia, non nationes, non ipse mundus capere aut sustinere eorum effrenatissimas cupiditates, ac libidines insanissimas potest. Contra, ubi multitudo ipsa est domina, viget iuris æquabilitas quæ iocunda dicitur: quo nomine mortalium generi nihil neque gratius est, neque iucundius. Plurimorum voluntate nutuque administrantur & fini omnia, condun-

conduntur leges, creantur magistratus ductis fortibus, qui rationem gesti muneris poscuntur, ubi honoribus perfuncti sunt, in medium consulitur: atq; ut incommodorum, sic vicissim commodorum omnes sunt participes, securissimèque possidetur, qua huius status finis est libertas. Cum ergo imperium singulorum intolerabile & exitiabile probauerim, multitudinis autem, optabile & perutile, meo quidem indicio non *μοναρχίαν*, sed *πολιτείαν* debemus instituire.

G. Tu quidem Otanes non paulò fuisti in regali statu vituperando, quàm in populari prædicando effusior: ex quo coniiici licet, non tam huic amicum te, quàm illi inimicum esse. O. Apud prudentes imprudenter agat, si quis omnia dicat, quæ dici verè possunt: multa enim illi per se, admoniti tantum, cogitatione consequuntur. A. Quàm propensa sit ad veritatem tua oratio, postea considerabimus. Opimor nec Megabyzo argumenta ad sententiæ suæ confirmationē defutura: quem, ut propositum est, secundum te pari expectatione silentioq; audiemus. I. Collecto quidem est animo, & multa secum perattentè cogitat Darius, quod vultus indicat: pondus habebit eius disputatio, nisi malè auguror. M. Ohe tam citò spem de me? I. immo adhuc teneo: quam magnam, noli quærere. M. O. Intaphernes, nosco tuum. H. Quid, quæso, verba funditatis? Differat Megabyzus.

Pro Aristocratia seu optimatum imperio, contra Democratiam.

MEGABYZVS.

Quæ Otanes grauitèr ornatèq; differuit, ea non magis aduersus regiam gubernationem, quam tyrannicam dominationem valere apertum est: in quam perfacilem esse prolapsionem regibus, quem vestrum fugit? videmus enim reges plerosq; omnes in tyrannorum mores atq; ingenia immigrare. Quare de hac imperandi forma omnino silendum iudico. Tua igitur dicta laudo Otanes, quatenus non constituendam de cætero, sed constitutam antè potius delendam tyrannidem, & à genere humano penitus profligandam suadere institisti. Quatenus autem de alia quadam specie Reipub. verba fecisti, ut nimirum absolutam atq; integram potestatem ad populum deferendam contenderes, ei rei, quoniam vehementer iniqua est, vnumquemque horum qui adsunt reclamaturum autumo. Nam per immortales deos, quid est multitudine inconstantius, insipientius, turbulentius? Quod fretum, quem Euripum tot motus, tantas tamq; varias fluctuum agitationes habere censebimus? Absèst consilium à vulgo, absèst ratio, discrimen, diligentia. Mala bonis, non malis, aut non aequè malis, nedum maioribus malis emendanda sunt. Ergone tu, ut tyranni superbiam, importunitatemq; effugias, in stolidæ plebis lenitatem, furorem, temeritatem te conicias?

cies? Quod agunt tyranni, tamen si prauè atque improbè agunt, tamen quid agant sciunt & intelligunt: populo haud plus intelligentiæ, quàm multis concessum est: quippe qui ne domi quidem sua prospicit: quò virtus, quò error ferat: quid utile aut non utile: quid honestum aut turpe sit: tantum abest, ut id per uniuersam Rempub. nosse queat. Nec verò ille ad requarendas consilij prudentiam, sed impetum & festinationem, qua nihil est magis consilio inimicum, affert: & perturbationibus suis tanquam vento iactatur, aut velut torrente rapitur. Quid multorum capitum belluæ sceptrum tradimus? quid impotentia, seditioni, audacia, temeritati arma damus? quos reget, qui seipsum nescit regere? Eos potius imperio præficiamus, quos vita & moribus probatissimos reperiemus, delectos è corpore ipso populi: in quibus etiam ipsi locum tenere poterimus. Illi velut plures oculi plus videbunt: eritq; eorum in omni re & propter conquisitionem prudentior, & propter consensum firmitior atque constantior sententia. Comprehendam paucis: unum imperare nolo, quia nemo solus sapit: & Homericus Agamemno decem Nestoras optat. Plurimos pati non possum imperantes. Sequitur ergo, ut pauci, iiq; optimi ad imperandum legantur, ut oligarchia, seu aristocratia constituatur: quem statum esse optimum, ipsum eius nomen declarat: est enim optimatum status. In hac opinione
tamdiu

etamdiu permanebo, quoad tu, Dari, meliorem ostenderis: de quo Intaphernes paulò ante non dubitabat.

D. Nihil dum audiui vel abs tè, vel ab Otane, quod magnopere me deterreret, ab eò sentiendo quod sentio. Et mihi spes affulget, cum aperuero mentem meam, fore, vt primum quatuor isti, Hydarnes, Intaphernes, Gobryas, Aspathines: tum vos etiam, Otanes & Megabyre, qui iudicium vestrum iam patefecistis, ad partes meas aggregemini. O. A democratia difficilè me depelles. D. Non ego, sed veritas ipsa depellet te, & de utroque vestrum triumphabit. M. Quàm basilicè? A. Desiderium incendis ad te audiendum. G. Si regnum moliris, dolebis affatim, cum alium regnantem videbis, te præterito. D. Ego verò nihil, nisi salutem Reipub. molior, quam in monarchia sitam duco: & hanc imperij rationem multum præstare cæteris, non possum quin testificer. O. Papæ, occidisti nos. Sed oratione perpetua tuam opinionem explicantem te attendemus. D. Ea si longiuscula fuerit, iam nunc à vobis peto, vt æqui boni faciatis.

M. Mitte curam, faciemus:
mea istuc fide promissum esto.



Pro monarchia contra Democrati- tiam & Aristocratiam.

DARIVS.

*Ut proborum improborumque una sit ratio, & qui a-
quales non sunt, aqualia tamen adipiscantur, inimi-
cum est aequitati: amicum autem, ut quantum quisq;
meretur, tantum illi tribuatur: ut cuiusq; meritis, in-
quam, remuneratio respondeat. Iam in aliis duobus
imperandi generibus aequalitatem inter ciues seruari
certum est: & rectum haberi, si omnis absit preroga-
tiva: si nulla appareat excellentia: nihil uspiam emi-
neat, id quod ad malorum fortunas constabiliendas
quàm sit aptum, disputatione non eget. Gradus qui-
dam in monarchia sunt, quorum primum sortitur,
qui prestare omnibus existimatur: ab eo qui minus
distat, secundum: & sic deinceps similiter. Nec ego
quenquam sanum esse arbitror, qui non multò malit
in eà Repub. degere, in qua sciat, si quid cum virtute
egerit, honore & premio minimè cariturum. Quid
quod unius voluntati & ingenio, quàm plurimum plu-
rimorumue morem gerere placereque longè est faci-
lius? Quò aquior, lenior, incundior monarchia cen-
senda est. Quà rerum, quà negotiorum præferendum
est unius imperium, qui, quoniam sibi omnia iu-
benda, vetanda, sancienda, abolenda, emendanda,
ordinanda, procuranda novit, singulorum diligen-
tem rationem ducit: cum ubi plures imperitant, alius
soleat*

soleat ad alium respicere, cunctationes ut spes mutuas suscipere, multasq; per negligentiam occasiones amittere. Illi iidem nonnunquam irritante superbia & ambitione similitates inter se magno Reipub. damno gerunt: à quibus pestibus nullum est monarchis periculum: cum neminem habeant, cui inuideant. In actionibus æconomicis quantum temporis necesse est istos à eis ponere? quoties cum in consilium ventum est, altercationibus & rixis diem eximunt? Monarchis ad agendum nulla sunt tempora definita: in omnem occasionem intenti, maturè unum quodq; faciunt. Illi Rempub. ut alienam: isti ut propriam curant. Præterea delectus habere quàm acerrimos, & alios hortando, alios cogendo, alios pecunia & meritis sibi adiungere, procline est monarchis. Quin & illa ciuitates, quæ domi paucorum moderamine gubernantur, in bello regium sequuntur imperiū: & res sæpe docuit, ubi multi mittuntur duces, militares rationes parum feliciter procedere. Diu ipsi unum Iouem pro rege venerantur, eiusque iussa implent: ex quo liquet, eos hunc statum reliquis anteferre. Quod si hoc ipsum à poetis excogitatum, & ab hominibus falsò creditum dicamus, tamen argumento est hac fabula, nos monarchia inter Reipub. genera principatum dare. Οὐκ ἀγαθὸν πολυκοιρανίη, εἰς κοίρανός ἐστιν, εἰς βασιλεύς. Haud multos laudem dominos, herus unicus esto, Unicus & Princeps. Idem vates διοτρεφέας βασιλῆας

Pro monarchia contra Democra-
tiam & Aristocratiam.

DARIVS.

*Ut proborum improborumque una sit ratio, & qui a-
quales non sunt, equalia tamen adipiscantur, inimi-
cum est aequitati: amicum autem, ut quantum quisq;
meretur, tantum illi tribuatur: ut cuiusq; meritis, in-
quam, remuneratio respondeat. Iam in aliis duobus
imperandi generibus aequalitatem inter ciues seruari
certum est: & rectum haberi, si omnis absit preroga-
tina: si nulla appareat excellentia: nihil vspiam emi-
neat, id quod ad malorum fortunas constabiliendas
quàm sit aptum, disputatione non eget. Gradus qui-
dam in monarchia sunt, quorum primum sortitur,
qui prestare omnibus existimatur: ab eo qui minus
distat, secundum: & sic deinceps similiter. Nec ego
quenquam sanum esse arbitror, qui non multò malit
in eà Repub. degere, in qua sciat, si quid cum virtute
egerit, honore & pramio minimè cariturum. Quid
quod unius voluntati & ingenio, quàm plurimum plu-
rimorumue morem gerere placereque longè est faci-
lius? Quò aequior, leuior, iucundior monarchia cen-
senda est. Quà rerum, quà negotiorum praferendum
est unius imperium, qui, quoniam sibi omnia iu-
benda, vetanda, sancienda, abolenda, emendanda,
ordinanda, procuranda nouit, singulorum diligen-
tem rationem ducit: cum ubi plures imperitant, alius
soleas*

soleat ad alium respicere, cunctationes ut spes mutuas suscipere, multasq; per negligentiam occasiones amittere. Illi iidem nonnunquam irritante superbia & ambitione similitates inter se magno Reipub. damno gerunt: à quibus pestibus nullum est monarchis periculum: cum neminem habeant, cui inuideant. In actionibus œconomicis quantum temporis necesse est istos à eis ponere? quoties cum in consilium ventum est, altercationibus & rixis diem eximunt? Monarchis ad agendum nulla sunt tempora definita: in omnem occasionem intenti, maturè unum quodq; conficiunt. Illi Rempub. ut alienam: isti ut propriā curant. Præterea delectus habere quàm acerrimos, & alios hortando, alios cogendo, alios pecunia & meritis sibi adiungere, procline est monarchis. Quin & illa ciuitates, quæ domi paucorum moderamine gubernantur, in bello regium sequuntur imperiū: & res sæpe docuit, ubi multi mittuntur duces, militares rationes parum feliciter procedere. Dij ipsi unum Iouem pro rege venerantur, eiusque iussa implent: ex quo liquet, eos hunc statum reliquis anteferre. Quod si hoc ipsum à poetis excogitatum, & ab hominibus falsò creditum dicamus, tamen argumento est hac fabula, nos monarchiæ inter Reipub. genera principatum dare. Οὐκ ἀγαθὸν πολυκοιρανίη, εἰς κοίρανός ἐστι, εἰς βασιλείς. Hand multos laudem dominos, herus unicus esto, Vnicus & Princeps. Idem vates διοτρεφέας βασιλῆας

vocat, à Ioue educatos reges. *Natura tacita vox est, præferendam monarchiam. Unus rex apibus, unus elephantis, unus rector in armento, unam ducem grues sectantur. Diei præsidet unicus sol, nocti unica luna, quæ velut regina est sidereorum luminum. In navi unus est gubernator, in domo unus paterfamilias, in exercitu unius signum. In membris cor mouet omnia: in partibus animi ratio præsidet: in vniuersitate deus unus omnium est fabricator & rector. Harum rerum considerationem putemus licet principio ferarum more dispersos homines coegisse, induxisseque, ut caput aliquod sibi præficerent, cuius arbitria seu leges obseruarent. Antiquissimus omnium hic status: nec discordiarum ullus sepe finis reperiri potuit in ciuitatibus, nisi postquam ad unum summa imperij delata est. Denique cum per unum, Cyrum nempe, libertatem simul consecuti, per unum censeo nos eandem retinere & posse & debere. Nunc quid porro agendum sit, decernite.*

G. Plus probabilitatis mihi videtur habere tua sententia, quam nobis comprobendam statuo. A. Tua est palma. I. Tecum sentio. H. Eia, rex unicus esto, quod Homero sapientissimo visum est. Vos duo, Otanes & Magebyze, ad nos ex pacto transite. M. Transeo, quanquam nolens. O. Repugnare huic concordie nolo. Hac autem lege ius meum vobis cedo, ut neque ego, neque meorum quisquam ulli vestrum regi creato parere unquam astringamur.

astringatur. A. Æquum & bonum, ut Otanes, qui huius boni princeps auctor fuit, cum tota posteritate sua nullis teneatur legibus, & quàm magnificentissimè Persarum more habeatur. G. M. I. H. D. Ratum esto.

ANNOTATIONES.

PLUSQUAM CIVILI ODIO) Odium civile est remissum odium, quali sunt, & esse inter se decet ciues. Plus quàm civile, est grauius & acerbius. Cic. pro Milone. Quid enim odisset Clodium Milo, segetem ac materiam suæ gloriæ, præter hoc civile odium, quo omnes improbos odimus? Et fallitur Victorius, qui eo loco legendum putat, commune odium, & in eo multis disputat Ouid. Exercet patrias plus quàm ciuilitas iras. Lucanus. Bella per Amachios plus quam ciuilia campos. Tacit. lib. 1. Iam pridem innisus, quod plusquam ciuilia agitare. **NEC OPINATO)** Vna vox est: ut antemalorum apud Virgil. Æneid. lib. 1. & subterlabentia apud Lucret. libr. 1. Figura iō iv. **IN IPSIS CUBILIBVS)** Sic appellat Cic. ferarum lustra, seu latibula 2. de nat. Deor. Bestia in cubilibus delitescunt. Translate in Pison. Scelera tua non vestigiis odorantes ingressus tuos, sed totis volutationibus corporis, & cubilibus persecuti sumus. In Verrem. Ut omnes mortales non

iam vestigia, sed ipsa cubilia videre possint. Lucretius eadem intectas fronde quietes. Quo loco à venatione sumpta comparatione docet quibusdam iudiciis atque vestigiis, seu principiis cognitionum sagacem animum ad uberiores notitiam rerum peruenire posse. Versus patent lib. 1. quos elegantia causa adicio.

Mulâq, præterea tibi possum commemorando
Argumenta, fidem dictis conradere nostris.
Verum animo satis hac vestigia parva sagaci
Sunt, per qua possis cognoscere cætera tute.
Namq, canes et montiuaga persæpe fera
Naribus inueniunt intectas fronde quietes,
Cum semel institerunt vestigia certa viai.
Sic alid ex alio per te tute ipse videre
Talibus in rebus poteris, cacaq, latebras
Insinuare omnes, & Verum protrahere inde

Plaut. Truculent. ad murium cauernulas vocem cubile, ut Virgil. ad talparum accommodauit.

Cogitato, mus pusillus, quàm sit sapiens bestia,
Ætatem qui vni cubili nunquam committit suam.
Qui si vnum hostium obsideatur, aliud perfugium erit.

Proverb. Mus non vni fidit antro: cuius usus, si quem admonebimus, ut sibi plures amicos paret, aut una cum opibus studeat literis: ut si à fortuna malè multetur, habeat quò confugiat. QVIN IMVS IN CONSILIVM) Ire in consilium dicuntur Iudices, cum aut capita conferunt, aut in interiore consilio instrumenta litis percensere aggrediuntur, cum litis

pro-

processus in medium positus est. Mittere in consilium, est dimittere Iudices ad sententiam dicendam, ubi orator dixerat, Dixi. Hac latius Bud. in Pand. NEVE COMPERENDINEMVS) Quid sit comperendinare, quid comperendinatio, quid amplius pronuntiare, consulendus est Budæus. PRO DEMOCRATIA) Tres sunt species probata seu laudabilis Reipub. totidem improbata & vitiosa, quæ ex prioribus nascuntur. Tyrannis ex monarchia, dynastia ex aristocratia (quæ sæpe etiam oligarchia vocatur, & extra reprehensionem est) ochlocratia ex democratia (quæ etiam politia, ut proprio nomine) quando scilicet populus libertate abutitur, & neque bene sentientibus paret, nec leges observat. Nam ut in musicis formulis, ait Plutarchus lib. de tribus imperij generibus, cum modi primi vel nimium remittuntur, vel intenduntur, subinde absurdas & discrepantes voces (quod modum vel non assequantur, vel transeant) accidere contingit: ita quoque in his fieri credendum est. Deinde subiungit, Persas excelluisse regno, Lacedæmonios paucorum seu optimatum potestate, populari Athenienses. NOSCO TVVM) Subaudi ingenium, morem, aut tale quid. In Trinum. Plauti cum allegatu filij Lysitelis Philto senex ad Lesbonicum decoctorem adiisset, sororem eius peti- tum in matrimonium, protulissetq; hac,

*Meus natus me ad te misit, inter se atque vos
Affinitatem & conciliarem & gratiam.*

*Tuam vult sororem ducere uxorem, & mihi
Sententia eadem est, & Volo,
respondet illico Lesbionicus
hau, nosciturum.*

Bonis tuis rebus meas res irrides malas.

*QVAM MVLTIS CONCESSVM EST) Homi-
nem nullo intellectu, nihil videntem appellavit mu-
lum Catullus:*

*Lesbia mi praesente viro mala plurima dicit,
Hoc illi fauor maxima laticia est:
Mule nihil sentis. si nostri oblita taceres
Sana esset, &c.*

*Quo loco qui Mulum ut nomen proprium viri acce-
perunt, eos ipsos fuisse mulos arbitratur Muretus.
Et quia mulus animal est ex duobus generibus, ut
sit neutrum, possunt etiam dici muli, qui professione
quidem sunt Christiani, vita & affectibus Ethnici,
atq; interim nec toti Christiani, nec toti Ethnici, seu
Epicurei. MAGIS CONSILIO INIMICVM)
Duo maxime contraria consilio dicebat esse Bias:
iram & festinationem. Virgil. 2. Aeneid. furor iraq;
mentem Præcipitant.*

PROGYMNASMA

QVARTVM DECIMVM.

*Sacræ Romanorum potestates, si=
ue sacerdotia.*

QVINTIVS, REGILLVS.

QVINTIVS. In septem Regibus, quos illud templum mundi, omniumq; dignitatum mater Roma subinde annis quatuor & quadraginta supra ducentos per infantiam suam habuit, ingenio ac studiis, (quemadmodum scilicet utilitatum eius ratio tum requirebat) dissentientibus, ut aliarum rerum penes alios, sic pacis ac religionis summa laus penes Numam Pompilium fuit. Hic militia efferatum populum desuetudine bellorum mitigavit, Ianum clausit, cum finitimis societatem ac fœdus iunxit. Idem sacris instituendis ac sacerdotibus suis cuiq; deorum præficiendis, rudem atq; imperitam multitudinem esse vim aliquam cælestem, eamq; metuendam, ab eadem fælicitatem expectandam docuit: plurima per semet sacra obiit: Flamines Ioui, Marti, Quirino instituit: Vestæ virgines, Marti Gradiuo salios legit: Pontificem induxit, qui post dictus est Maximus, quod rerum ad sacra religionemque pertinentium maximus iudex esset, vindæque contumaciæ priuatorum, magistratuumq;. Multa demum sacrificia, locaque sacris perpetrandis dedicavit. R. Tutelam pacis & religionis perinde magnam, ut ipsius regni, idq; per omne regni tempus, ego maxima sanè operum regionum pronuntiarim. Nam & armorum concertatione nihil aliud quærendum est, quam ut sine iniuria in pace viuatur: & rerum diuinarum neglectio, est malorum extremorum conciliatio, imperiorumque dissipatio. Deus enim est, cuius munificentia donantur hominibus regna: eiusdem

dem prouidentia gubernantur, ope fulciuntur, voluntate retinentur, offensione collabuntur ac pereunt. Quare is purè sancteq; regibus colendus est: & intelligendum eius placatione omnem beatissimi eorum status rationem contineri. In quo cum semper diligentissimus fuerit pop. Rom. licuit gloriari M. Tullio, palamq; dicere: Nec numero Hispanos, nec robore Gallos, nec calliditate Pœnos, nec artibus Græcos: sed pietate ac religione omnes gentes nationesq; superauimus. Q. Quoniam de huius populi aduersus deos pietate aliquid verborum factum est, & exordium sermonis nostri à Numa manauit, qui pietatis istius inuentor, inceptor, & perfector fuit (siquidem sacra illa introduxit, quæ postmodum eousq; valuerunt, donec discussis nefandorum superstitionum tenebris clarissimum se lumen veritatis ingessit, & nouo superueniente imperio, vetus omne deletum est) inter sacros autem siue sacerdotes prima est Pontificis Max. Pontificumq; dignitas: qui quidem non è vulgaribus & obscuris, sed è nobilibus, illustribus, gratia & diuitiis aliis antestantibus initio legebantur, age si placet, hunc ordinem introspiciamus, ante alios: nam de nominis origine haud laborandum puto.

Pont. Max. & Pontifices.

R. Marcium Marci filium ex patribus ante omnes à Numa lectum testatur Liuius, cui sacra omnia exscripta exsignataq; attribuit: quibus hostiis, quibus diebus, ad quæ templa sacra fierent: atque vnde in eos sumptus pecunia erogaretur. Cætera
quoq;

quoque omnia publica priuataque sacra Pontificis scitis subiecit: ut esset, quod consultum plebs veniret: ne quid diuini iuris negligendo patrios ritus, peregrinosque asciscendo turbaretur. Nec cælestes modo carimonias, sed iusta quoque funebria, placandosque manes ut idem Pontifex edoceret: quaque prodigia fulminibus, alioue, quo visu missa susci- perentur, atque curarentur. Lapsis deinde tem- poribus collegium Pontificum extitit: quorum fuerunt principio quatuor: non multo post tri- bunitia rogatione octo numerati sunt: longo tan- dem interuallo Sylla fecit ut essent quindecim. Quorum munia eadem pæne omnia, quæ Pontif- Max. qui præter supra recensita deorum supplica- tiones pontificali carmine præibat, comitia coge- bat, ferias conceptiuas indicebat, quid quaque die operis fieri, aut non fieri publicis feriis conueni- ret docebat. Res omnes singulorum annorum litteris mandabat, efferebatque in album, & propo- nebat tabulam domi, potestas ut esset populo co- gnoscendi. Ne idem prauis religionibus deuinci- retur dabat operam, sacra è profanis secernebat, facientes obseruabat, de Vestalibus reis senten- tiam ferebat. Die ominosa & infausa collegium nunquam cõsulebat. Pontem sublicium fatiscen- tem, aut collabentem reficiebat. Vota item so- lemnia verbis conceptis præire Pontifices sole- bant: quorum etiam verbis non ritè emissa de in- tegro concipiebantur: & eorum arbitratu pecu- niis exsoluebantur. In arrogatione item Pontifi- cum valuit auctoritas. Licuit præterea quod in- terdictum erat sacerdoti. Q. Quid illud, si vnum potius

potius fuit, quàm plura, quod suspicari libet? R:
Immo plura. Nec magistratum capeffere, nec e-
quo vehi, nec trinoctio ab vrbe abesse. Pontifi-
cem aliquando consulatum quoque: aliquando
simul & consulatum & censuram gessisse: ali-
quando Magistrum Equitum: aliquando Præ-
torem in Hispania fuisse legimus. Tanto in hono-
re Pontificatus fuit: vt Cn. Tremellio Trib. pleb.
multa dicta sit, quod is cum M. Æmylio Lepido
Pont. Max. iniuriosè contendisset. Ad regiam di-
gnitatem proximè accedebat: lictorem, sellam cu-
rulem, lecticam habebat: ad fores ædium laurus
astabat, de qua re Plinius. Muneris administrati ra-
tionem reddere non cogeatur. Et quomodo dia-
dema proprium insigne regū, paludamentum Im-
peratorum, lituus augurum: sic Pōtificum galerus:
quibus, & sacerdotibus solis carpento Tarpeium
fas erat ascēdere. Si quis noxius ad Pontificem cō-
fugisset, eo die pœnarū liber viuebat. Cauebatur
ne quis Pontifex caperetur, qui cuiquam de colle-
gio esset inimicus. Quando quippiam ad religio-
nem pertinens inter Pontifices cōtrouersum erat,
variatis sententiis id decernebatur, quod tres eo-
rum communi sententiā statuissent. In generibus
matrimonij confarreatio erat Pontificum: quo-
rum vxores singularis exempli esse postulabatur.
Pontifici Maximo nefas cadauer aspicere: maius
nefas visum insēpultum relinquare. Ei rex sacro-
rum, augures, flamines omnes, Vestales parebant:
quibus indicere multam, & irrogare pœnam po-
terat. Vestales idem legebat. Participem aut con-
scium necis alicuius creari Pontificem nō licebat.

Scribæ

Scribæ Pontificum, qui omnis xui gesta manda-
bant literis, minores Pōtiffices dicti: & qui horum
primus in collegiū venisset, maximus, qui nouissi-
mus, minimus dicebatur. Horū item partes, quot-
quot Kalend. Iunoni sacrificare: nouam lunam
obseruare: quot dies à Calend. ad nonas superes-
sent populo referre: ius interpretari. Hucusque de
Pontificibus. Q. Prope omnia te velut vno fasce
cōprehendisse opinor, quæ à scriptoribus rerū Ro-
manarū de Pontificibus memoriæ tradita. R. Stu-
dium quidem id efficere. Q. Volo ego quoq; depōsi-
tum quoddam à memet, meaq; memoriola exige-
re, & tibi velut munus rependere pro munere, seu
ἀντιδορὸν δίδωμι. R. Et hac & aliis antiquitatum ex-
plicationunculis mihi memoriam meam reficari
non solum patiar, verum etiam rogo. Q. De au-
guribus audi paulisper.

Augures.

A Romulo primi Augures creati, & quidem tres
pro numero trium tribuū. Additus deinde quar-
tus, deinde quintus: aliquando nouem fuerunt,
donec senatusconsulto cautum est, ne vltra no-
uenarium cresceret eorum collegium. Sylla ta-
men ita numerum ampliauit, vt essent omnino
quindecim. Qui inter eos ætate præcurrebat, &
præerat aliis, Magister Collegij nominabatur.
Magnus horum sacerdotum honos: siquidem ve-
lut interpretes, & internuntij deorum habeban-
tur, erantq; iidem reges & augures: Romulus qui-
dem certè, qui & auspicatō urbem cōdere voluit.
Ad viros nobilitate & sapientia eximia auguratus
deferrebat: decreuitq; senatus, vt de principum
filiis

filiis sex singulis Etruriæ populis erudiendi ea disciplina committerentur: ne videlicet ars tanta ab auctoritate religionis ad quæstum propter hominum tenuitatem conuerteretur. Domicilium Augurum Fæsulis, quo loco ea ars inprimis celebrabatur. Solus auguratus nemini viuo adimebatur, quamuis maximorum criminum conuictus esset: cuius rei causæ plures à Plutarcho in problemat. Rom. ponuntur. Cum aliquis vitam finisset, à duobus in eius locū vnus nominabatur, & à collegio cooptabatur. Qui vlcere affectus esset, augurium facere vetabatur: rationes etiam Plutarchus recensuit. Nec ex auibus vlceratis auguria captabantur. Ex auibus igitur (vt ad eorum officia veniamus) vaticinabātur, resq; futuras, & deorum voluntatem indicabant, obnūntiabantq;. De prodigiis, somniis, oraculis, portentis, extis ab iisdem responsa petebantur, quo exitu, fælici an infælici euentura essent. Alia etiam peragebant, quæ lege augurali apud Ciceronem in 3. de leg. explicata inuenimus hunc in modum. Interpretes autem Iouis opt. max. publici augures signis, & auspiciis postera vidento, disciplinam tenento. Sacerdotes vineta, virgetaq;, & salutem populi augurāto. Quiq; agent rem duelli, quiq; popularem, auspiciū præmonento: ollicq; obtemperanto: diuorumq; iras prouidento, iisq; apparento: cælicq; fulgura regionibus ratis temperanto: vrbemq; & agros, & templa liberata, & effata habento: quæq; augur iniusta, nefasta, vitiosa, dira defixerit, irrita infectaq; sunt: quiq; non paruerit capitale esto. Hæc Cicero. Si quid enucleatius & accuratione quadam

quadam interpretandum incidisset, aut si qui durior casus ambiguum interpretationem habere videretur, censio & sententiæ dictio penes totum collegium erat. Si qui magistratus vitio creati essent, eorum responso vel inibant, vel abdicabant: comitia autem magistratibus creādis ipsi vel impediabant, vel vitiabant: per obnuntiationem scilicet, quæ duarum obseruatione rerum fiebat: aut cum de cælo fulsisset siue tonasset (Ioue enim fulgente tonantēue comitia ex augurum disciplina dirimebantur) aut cum aues infausta portendissent. Auium porro tria genera fuerunt: alites quæ volatu, oscines quæ cantu, pulli quæ tripudio futurorum signa edebant. Nec omnium erat eadem significatio, cum quædam à dextra, quædam à sinistra volantes, aut canentes, prosperos euentus ostenderent. Hinc lib. i. de Diuinat. Iupiter ne cornicem à læua, coruum à dextra canere iussisset. Plaut. Asin. Picus & cornix est ab læua, coruus porro ab dextra. Lituus augurum baculus, quo cæli regiones, intra quas obseruarent, definiebant. Auspicia captare oportebat cælo non turbido, procelloso, aut pluuio: sed placido, silentibus auris. Minora auspicia, quamuis priora, semper maioribus cedebant. Cornicis aut columbarum auspicia aquila superueniente, quæ maius utiq; auspiciū habebat, irrita fiebāt: aquilarum augurium contra, adueniente fulmine pro nihilo erat. R. Quod attulisti de cælo tranquillo, ac sereno, memorem me fecit cuiusdam loci in Epid. Plauti. ubi seruus domo egrediēs, & seni exenteraturus mar-supium ita loquitur.

*St. tacete, habetè animum bonum, liquido ex eo form
Auspicio, aui sinistra, acutum cultrum habeo, senis quò
exenterem
Marsupium.*

Liquidum vocat auspiciu, quod celo sereno oblatum est. Sic in Persa. Vide, vt ingrediare auspicatione. D. Liquidum est auspiciu. Numquid nam superest quod dicas de auguribus? Q. Nihil prorsus: sed de Rege sacrorum, quid est quod planum, & ex annalibus veteribus erutum dici possit, si scire à nobis velit honestè curiosus quispiam?

Rex sacrorum, seu Rex sacrificulus.

R. De hoc sacerdotio memini hæc verba scribere T. Liuium lib. 2. ad initium. Rerum deinde diuinarum habita cura. Et quia quædam publica sacra per ipsos reges factitata erant, nec vbi regum desiderium esset, Regem sacrificulum creant. Id sacerdotium Pontifici subiecere: vt additus nomini honos, aliquid libertati, cuius tunc (exactis nempe Regibus) prima cura erat, officeret. Addo & Dionysium ita scribentem lib. 5. Sed quoniam multa magnaque beneficia collata videbantur in Rempub. à Regibus, volentes hoc nomen in vrbe seruari perpetuò, iusserunt vt Pontifices & Augures designarent vnum aliquem è senioribus, ad hoc idoneum, qui sacris tantum præesset, immunis à militia, vocareturq; Rex sacrificulus: primisque hunc honorem adeptus est Manius Papyrius, vir patricius, quietis amantissimus. Hæc ille Græcus. Sacerdotium gerebat perpetuum, & vt dictum est modò, militare, & in castris

Arīs versari, atque ordines dūctare, magistratum aliquem capeſſere, cum populo agere, propter ſuſpectum regis nomen haud poterat. Nam ei penitus perſuaſum volebant, non eſſe ad aliud quippiam ſibi hoc nominis conceſſum, quam ad deorum honorem. Vnde etiam inde à maioribus morem ſeruatum narrat Plutarchus, vt Rex ſacrorum ante comitium, poſtquam rem diuinam feciſſet, fuga ſeſe è foro proriperet. Quare ſola religione poteſtas eius circumscribēbatur. In ſacris epulis poſt Pontif. Max. ſupra Flaminem Dialem, Martialem, Quirinalem accumbebāt. Non licebat ei feriis opus videre, quemadmodum nec Flaminibus: ideo per præconem denuntiabant, ne quid tale ageretur, & præcepti negligens multabatur. Ac tametiſi principiò crearetur comitiis centuriatis ex patriciis, qui honores geſſiſſent, nihilominus poſt ætates aliquot ex plebe creari cæptus eſt. Vxor eius Regina ſacrorum appellabatur, quæ omnibus calendis Iunoni ſacrificare porcum aut agnum in regia dēbebat. Rex ſacrorum, religione impediēte occidi non poterat. Hæc haſtenus. Q. Vnum quod mihi occurrit, omittendum non fuit. R. Et meam tetigit illud vnum memoriam. Veſtales die præſtituta ad eum ſingulis annis ventitabant, & ne ſacra, quæ eius fidei credita eſſent negligenterentur, præmonebant cum his verbis. Vigilaſne Rex? Vigila. Quod Virgilius ad Æneam tranſtulit libro 10. quaſi ad regem, quem vbique etiam ſacrorum peritum fingit. Q. De Flaminibus ingrediare dicere. R. Quin tu ingrederis? Q. De

Feciali, & Patrepatrato fabulabor. R. Quæso; an tu illud pastoris arbitri probas: Alterni dicetis, amant alterna camcænæ? Q. Delectat me in huiusmodi rebus alterna dissertatio. Veruntamen si tu reliquas potestates sacras Romanorum edisserere vis, cedo meas partes tibi, libenter auscultabo. R. Iniqua postulatio. Q. Immo verò æquissima. Sed te in os laudare fugio. Age dic, quod instat.

Flamines.

R. Nuncupati Flamines à licio, seu filo quo caput velatum ac cinctum semper habebant. Sic Varro lib. 4. de lingua lat. Servius autem ita. Flamines in capite habebant pileum, quod cum per æstus ferre non possent, filo tantum religare capita cæperunt. Nam nudis penitus capitibus incedere nefas erat: unde à filo quo utebantur, Flamines dicti, quasi Filamines. Plutarchus à pileo Pilamines primò, post Flamines dictos opinatur. Non nemo à sacris infulis nomen iis inditum putat, quas in capite gestarent, quæq; ab antiquis flammæ vocabantur: siue à flammeo, quod tegumentum capitis est: sed muliebris potius quam virilis. Solius Flaminis Dialis pileum Albogalerus dicebatur: fiebátque ex tergore ovīs albæ, quæ idulis nominabatur. In eo pileo, Flaminum, inquam, brevis virga oleagina, in summo modicum lanæ habens, instar fungi. Et festo die, item cum sacra facerent, quamvis in æstu, pileum sumebant: quoniam tum sine pileo esse indecorum videbatur. Dialis assiduò erat cum pileo. De nomine

nōmine hactenus. Pilei descriptionem afferre superuacaneum est ad grauiora properantibus. De prima creatione Flaminum producam Liuium ita dicentem lib.1. Numa Pompilius, quia in ciuitate bellicosa plures Romuli, quam Numæ similes Reges putabat fore, iturósque ipsos ad bella: ne sacra regiæ vicis defererentur, Flaminem Ioui assiduum sacerdotem creauit, insigniq; eum veste, & curuli regia sella adornauit. Huic duos Flamines adiecit, Marti vnum, alterum Quirino. Tres igitur primus Flamines, Numa instituit, Dialem, Martialem, Quirinalem. Etenim singuli Flamines cognomina habent, ab eo Deo, cui sacra faciunt: sed ea partim aperta sunt, partim obscura, inquit Varro. Aperta, vt Martialis, Volcanalis: obscura, Dialis & Furinalis: cum Dialis à Ioue sit, qui est Dyouis. Furinalis à Furina, cuius etiam in Fastis Furinales feriæ sunt. Sic Flamen Falacer, à diuo patre Falacre. Aliquot elapsis tempestatibus adiuncti his tribus duodecim, euaseruntq; XV. Quin & Augustis inter Diuos relatis Flamines instituti, & ab iis appellati, Spartianus in Antonino Caracalla. Hic tamen omnium durissimus, & vt vno complectamur verbo, parricida & incestus, patris, & matris, & fratris inimicus, à Macrino qui eum occiderat, timore militum, ac maximè prætorianorum, inter deos relatus est. Habet templum, habet Salios, habet sodales Antoninianos. Cæterum quorum auctor Numa, ex patriciis legebantur, & dignitate præstabant, ac Flamines maiores: reliqui ex plebeiis, & minores vocabantur. Nemo quinquagenario minor creabatur.

Nonnunquam à Pontifice, sæpe à Dictatore, plerunq; à populo comitiis curiatis renuntiabantur. Renuntiati à Pontif. inaugurabantur: quo die Auguribus, Pontificibus, Regisacrorum, & Vestalib⁹, cœna instructissima dabatur, adiicialis, seu adipalis dicta. Quanquam autem nomine conuenirent, collegium tamen non habebant. Sua quisq; sacra procurabat, quæ ad alios nihil attinebât. Flamines autem (maiores potissimum) etsi nō essent Pontifices: sic tamen erāt adscripti in collegium Pontificum, vt si quādo apud Pontifices ageretur de re aliqua, ipsi vnà iudicarent: quod ex oratione Ciceronis pro domo sua perspicitur. Enuntiabant Flamines quæ sacra diis fierēt, quæ victimæ caderentur, & an perfectō sacrificio litatum foret. Ob certas causas sacerdotio priuabantur, dicebanturq; Flaminio abire. Q. Commemini me legere apud Valerium, Sulpitium Flaminem, quod ei inter sacrificandum apex prolapsus esset, sacerdotio pulsum. De P. Cælio, M. Cornelio, M. Cethego, & C. Claudio propter exta parum curiosè aris admota idem narrat. R. Fuerunt hæ causæ amittendi Flaminij: sed alię quoq; fuerunt, quas recensere nō est necessarium. Ad sacra procedenti præibat præco, populum monens, vt dum res diuina fieret, opus intermitteret. Quoties frequens senatus haberetur, Flaminij vt senatori in curiam veniendi, sententięq; dicendæ potestas erat. Tam Flamines quàm reliqui sacerdotes vacationem habebant à militia, nisi bellum Gallicum vrgeret. Leges Flaminis Dialis permultas commemorat Gellius, ex quibus nonnullas referam. *Equo illum portari reli-*

gio est, Iurare fas nunquam. Annulo & si nisi per uia castra-
que fas non est. Ignem è flaminia, id est, Flaminis Dialio
domo, nisi sacrum efferris ius non est. Vinctum, si ades eius
introieris, solui necessum est. Nulla in parte ullum nodum
habet. Si quis ad verberandum ducatur, si ad pedes eius
supplex procubueris, eo die verberari piaculum est. Capram
& carnem incoctam, hederam, fabam, neque tangere illi
licitum, neque nominare. Farinam fermento imbutam
non tangit. Tunicam intimam nisi in locis testis non exuit:
ne sub calo, tanquam sub oculis Iouis nudus sit. Vxorem si
amisit, Flaminio decedit. Locum in quo bustum est, nun-
quam ingreditur. Mortuum non attingit. Hæc ex Gel-
lio. Non poterat etiam antiquitus aut magistra-
tum petere, aut capere, ne à sacris auocaretur.
Q. Miras oportuit causas harum legum fuisse:
arbitror etiam illarum, quas prætermisisti. R.
Miras. Plutarchus in quaestionib. Romanis non-
nullas expedit, quem leges. Q. Legam sanè. A-
liquid de Flaminica. R. Cum ad Argeos iret,
nec caput comebat, nec capillum pectebat. Quo-
ties tonitrua audisset, nihil faciebat operis, do-
nec deos placasset. Ei mense Iunio nisi post I-
dus, nec ungues præsecare, nec capillum come-
re, nec virum tangere permillum. Nec fas ve-
sci fabis, aut gradus supra tres ascendere. Ami-
ctus eius purpureus quadratus fimbriatus, cui
nomen rica, quo pro palliolo utebatur. Satis de
Flaminibus: tu narra mihi de Fecialibus. Q.
Tu mihi prius de Argeis: non enim intelligo.
R. Sacrificia, & loca sacris faciendis Argeos di-
cta à Pontificibus Liuius affirmat. Apud Varro-
nem libro 4. de ling. lat. nunc quintum, nunc
sextum Argeorum sacrarium citatur. Fabius Pi-

etor vniuersum campum septem collibus subdens, vsque ad Tiberim duplici nomine, Lybissum & Argetum vocat.

Fecialis, & Paterpatratus.

Q. Feciales *εἰσνοσῖται* Dionysio, ab initio 20. fuerunt, qui amictu lineo, nunquam utebantur. Fœderibus ferendis, rebus repetendis, bellis in dicendis præerant. Si legati pop. Rom. violati essent, per Feciales postulabatur, vt dederentur violatores: quemadmodum contra, si qui de Romanis exterarum gentium legatis iniuriosi fuissent, per Feciales in potestatem legatorum tradebantur. Si qui aduersus fœdera illatam sibi iniuriam loquerentur, eorum causam cognoscebant, compertoq; crimine, fontes comprehensos, læsis addicebant: dabantq; non indiligentem operam, vt in fœdere vtrique maneretur. Pacem componebant: aut si parum legitimè composita esset, irritam pronuntiabant. Si quid Imp. contrà quàm iurassent forte fecissent, cognoscebant & expiabant. Nec sine senatusconsulto, aut iniussu populi quidquam agebant: iisq; prohibentibus, aut non probantibus, neque consuli, neque senatui, aut populo arma in hostes sumere licebat. De Fecialibus ita sancitum est apud Cic. 3. de leg. Fœderum pacis, belli, induciarum oratores, Feciales iudices duo sunt, bellaq; disceptant. Paterpatratus Fecialium princeps, patrem & filios habere debebat, eiq; soli belli indicendi facultas. Idem cum pax aut fœdus faciendum, verba faciebat. De Vestalibus, quorum rediero in memoriam, subiunguntur. R. Patior, fero, sino.

Vesta-

Vestales.

Q. Vestaliū sacerdotium ab Albanis per Numam traductum reperi apud Liuium, quas virginitate & cæteris cærimoniis venerabiles ac sanctas fecit. Earum partes, æternum, siue assiduum & inextinctum ignem custodire, ob quod ab erudito scriptore, perpetui conseruatrices & nutrices ignis dictæ, Vestæq; sacra facere. Ignis in vasis fictilibus seruabatur, & ideo perpetuus, vt ad simulacrum cælestium siderum, custos imperij flamma vigilaret. R. Sed cur potissimū virgines esse voluerunt, quæ hunc tuerentur? Q. Puram & incorruptam substantiam inuiolatis item integrisq; corporibus commendare pulchrum est visum: siue etiam ideo, quoniam quod sterile & infæcundum esset, virginitati non malè committi videbatur. Profert vtramque causam Fastor. lib. 6. Ouid. his versibus.

*Ex Ope Iunonem memorant, Cereremq; creatas
Semine Saturni: tertia Vesta fuit.*

*Vtraq; nupserunt: amba peperisse feruntur,
De tribus impatiens restitit vna viri.*

*Quid mirum, Virgo si Virgine lata ministra
Admittit castas in sua sacra manus?*

*Nec tu aliud Vestam, quam Vinam intellige flammam,
Nataq; de flamma corpora nulla vides.*

*Iure igitur Virgo est, qua semina nulla remittit,
Nec capit, & Comites Virginitatis amat.*

Cum in templo ipsæ mansitarent, & ab eo interdiu nullus arceretur, pernoctare tamen intus, viro nemini concedebatur. In eo nulla effigies, quia Vestam nihil aliud, quàm purum ignem putarent

Stipendium illis de publico decretum. Cum primum quatuor fuissent, postmodum Romanacivitate in 6. partes distributa, ne cui parti sacerdos sua deesset, duæ additæ. Annorum triginta castitas eis indicebatur. Primo decennio discebant, quæ ad carimonias ritusque spectarent, vetustissimis quibusdam carminibus prodita. Secundo quæ didicissent exercebant. Tertio alias instituebant. Post id tempus positis insignibus sacerdotij, eodem abire, atq; etiam nubere liberum erat. Quod fecerunt paucæ admodum, & exitu valde infelici, atq; ominoso. Quocirca territæ sequentes, libenter ævum suum in ministerio Vestali consumpserunt. Si quâdo ignis extinctus foret (quæ res maximum Romanis terrorem afferebat, & calamitatem ingentem minabatur) negotiis grauib; supersedebatur. Vestalis ob negligentiâ in loco abdito flagris iussu Pontificis cedebar. Ignis autem non ab alio igne, sed à radiis solis appposito æreo vase accendebatur denuo. Cum sacra conficerent, in capite habebant suffibulû, quod festus explicat, vestimentum album, prætextum, quadrangulum, oblongum. Sacrificabant casta mola, & sale tuso, calicibus fictilibus. Si quæ incesti conviicta esset, viua, funebri pompa, amicis & cognatis lectulum prosequentibus & collacrymantibus efferebatur, & viua iuxta portam Collinam defodiebatur, quæ via scelerata est dicta. Eo die iustitium erat, neque ullus eo tristior: ut nec spectaculum tristius, tota vrbe consternata, veluti si extremû aliquod malum impederet Reipub. Stuprator in comitio vsq; ad necem virgis lacerabatur. R. Cum de origine,

numero,

numero, officiis Vestalium disputaueris, vt ordine procedat sermo, iam videtur de ratione legendi dicendū, ac postremo de earum honoribus: quos certū est fuisse singulares. Q. Ita facere meditabar, etsi nullus monuisses. Prima Amata nomine fuit: vnde postmodum omnes, dum caperentur sic appellabantur. Capi aut idcirco dicebantur, quod à Pontifice Max. cuius id solius munus erat, manu prehēsa, à parente in cuius potestate erat, velut bello capta abducebatur. Quibus verbis id perageretur, à Fabio Pictore mandatum est litteris. R. Audire iuuabit, si tenes. Q. Immo etiam. SACERDOTE M VESTALEM, QVÆ SACRA FACIAT, QVÆ IVS SIET SACERDOTE M VESTALEM FACERE PRO POPVLO ROMANO QVIRITIBVSQVE, VTI QVÆ OPTIMA LEGE FIAT, ITA TE AMATA CAPIO. Nomina primarum quatuor fuerunt, Gegania, Beremia, Camilia, Tarpeia. Quæ præsidebat, maxima vocabatur. Oportebat eas esse ingenuas, summo pudore & integritate laudabiles: & capiebantur etiam inuitæ: Flaminis, Pontificis, Auguris, Quindecimviri sacris faciundis, tubicinis sacrorum, Septemviri epulorum, Salij filia non coge batur. Exclue batur porro, seu excipiebatur, cuius pater in Italia domicilium non haberet: & cui non saltem tres liberi: quicq; sordida negotia obiret: cuius item alter parens amboue seruiissent: cuius soror Vestalis fuisset: cuius mater cum viro diuortium fecisset: quæ patrima & matrima non esset: quæ corporis aliquo vitio laboraret. Non minor sex, nec maior decem annis legi poterat. Si
qua

qua decessisset, in eius locū alia capiebatur. Quod ultimum est, nunc de auctoritate & velut maiestate harum virginum exponam. R. Miranda legi, quæ hodie ex ore tuo velut amissa recipiam: quem enim ista mala obliuio non malè habet? Q. Vix cerno vnde ordiar: tanta est ad narrandum benignitas. In maxima veneratione apud omnes admiratio tam diuturnæ pudicitix ac sanctimonix corporis eas collocabat.

Cum primū ad sacerdotium asciscerentur, & patria potestate exhibant, curatore nullo. Testandi etiam viuo patre, manumittendi ius habebant liberum. Ipsæ intestati hæredes fieri, ipsisq; intestatis alij hæredes esse nequibant. Aduersus eas, aut decreta earum nulli magistratui licebat intercedere. Dissidia, simultates, assensiones, seditiones intestinas componebant. Testamenta, quæq; secretioris consilij erant, & quæ quis occultata, quoad suo tempore in lucem promerentur, cupiebat, apud illas ceu in fidelissima tutissimâq; custodia deponebantur. Defectum capillum velut sacrosanctum atteri vulgò non sinebant: sed in loto arbore suspendebant, quæ in Lucinæ ara colebatur, quæq; ob id capillaris, seu capillata nomen accepit. Non nisi per Vestam suam volentes iurabant, & recitat Gellius verba Prætoris ex edicto perpetuo de Flamine Diali, & sacerdote Vestæ istæc. SACERDOTE VESTALEM, ET FLAMINEM DIALEM IN OMNI MEA IURISDICTIONE IVRARE NON COGAM. Si morbo aut necessitaliqua coactæ fano, aut atrio Vestæ exirent aliò, cum lictore & fascibus prælatis exhibant: venerationis

tionis gratia matronæ, & grandes natu fæminæ, probitate conspicuæ eas & comitabantur & custodiebant. Magistratus eis assurgebant. Si quis obuius fieret, qui ad supplicium capitale ageretur, confestim dimittebatur. Iurare tamen Virginem oportebat, se non de industria, sed fortè occurrisse reo. Ad se confugientes à pœna tueri, & ab iniuria poterant. Quocirca in periculis & delictis deprecatrices adhibebantur. Hinc Cic. in disuasiōe legis Agrariæ. Si quid deliquero, nullæ sunt virgines, quæ me à vobis deprecentur. Sueton. in Iul. cap. 1. donec per virgines Vestales, perq; Mamer- cum Æmilium, & Aurelium Cottam propinquos & affines suos veniam (à Sylla) impetrauit. Et Messalina cum audisset Claudium maritum festinatò redire ab Ostia ad ipsam vlciscendam, Vibidiam Vestalem antiquissimam orauit, vt sibi eius clementiam exoraret. Et cum magistratus cuiuslibet imperio intercedere possent, ab iis nulla dabatur prouocatio. Iis præsentibus, tanquam numinibus, non factis modò, verum etiam dictis inhonestis abstinēbatur. Stato die in annos singulos ad Regem sacrorū adibant, & ne diuinas res somniculosius tractaret monebant. Num hæc tandem aut pauca, aut parua sunt? R. Multa utiq; & maxima: nec video qui Virginibus istis maiora senatus populūsq; Romanus tribuere potuerit. Ac propter hæc certè meritò nec nuptiarum, nec liberorum cupidine tangi potuerunt. Nec iniuste virgis affectæ, & humo obrutæ: tanquam quæ præter castitatem proditam ingrata etiam viderentur. Q. Ita meum quoq; iudicium est.

Dunt

Duumviri sacrorum.

R. A Tarquinio Superbo duos inuenio institutos, qui sacris faciundis, supplicationibus, lectisterniis præessent, placamenta deum & expiationes edicerent, caerimoniarum officia exsequerentur, libros Sibyllinos custodirent. Post pro duobus creati decem, quinque ex Patribus, ex plebe totidem. Aliquando etiam quindecim. Fertur horum numerus vel ad sexagesimum adhuc ascendisse: tamen si nomen Quindecimuirum semper mansit. Creabantur porro à senatu, nonnunquam à Consule, interdum à populo. Ab urbanis muneribus curisque bellicis vacatio eis dabatur. Sacras ædes dedicabant: si quæ votæ, eas faciebant, faciendæue, aut reficiendas locabant: deorum iræ placandæ expiationes indicebant. Cum portenta nuntiarentur, consultis libris Sibyllinis populi fata ex iis interpretabatur: nec aliter eorum decretis, quam oraculis obtemperabatur. Ad hæc ludos celebrabant, vota concipiebant, fastos corrigebant. Q. Quod Sibyllinorum mentionem fecisti, sanè nihil his libris apud scriptores nominatius, ut nec ipsis Sibyllis. Emit hos magno Tarquinius. Siti erant in Capitolini Iouis templo, loco subterraneo, magnæque cura seruabantur. Ad Augusti tempora superfuisse, & sub Palatini Apollinis basi conditos stetisse Tranquillus narrat. Verum cuius nam Sibyllæ carmina ista fuerint, in incerto est. R. Nec nos litem diiudicabimus. Ad Epulones veniamus. Q. Mallem quidem ad epulas veniremus. nam ego quoque, ut ille apud Plautum, inanimentis meis explemen-

plementum quarito : & demensum suum venter
à me exigit quamuis acriter. R. O importunum
exactorem, & qui nullas condiciones accipit. Q.
Nimirum quia aures non habet. R. Ego pergo ad
institutum.

Septemviri Epulorum.

Veteres Pontifices, ait M. Tullius 3. de Orat. tres
Epulones esse voluerunt, vt ludorum epulare sa-
crificium facerent. Auctus deinde numerus, addi-
tiq; duo, ac postea theatralium Circensiumq; lu-
dorum ambitione septem facti. His vt Pontifici-
bus lege datum togæ prætextæ ius. Et quoniam sa-
cris epulis præerant, Pontificæ conuiuiorum
coenarumq;, quæ adiiciales dictæ, cærimonias cu-
rabant, ipsiq; Ioui & diis cæteris epulas indicendi
potestatem habebant. Idem si qua iusta & sollem-
nia sacris deessent, ad Pontifices referebant : deq;
illorum sententia sacra & omittas cærimonias de-
cernebant. De eorum munere Cic. Orat. de A-
rusp. resp. hunc in modum. *Ludos minus diligenter
factos, pollutosq;. Quos ludos? Te appello Lentule, tui sacer-
dotij sunt thesauri, curricula, præsentio, ludi, libationes, epu-
laeq; ludorum publicorum: Vosq; Pontifices, ad quos Epulones
Iouis Opt. Max. Si quod est prætermisum, aut commissum
afferunt: quorum de sententia eadem renouata celebran-
tur. Ludi sunt minus diligenter facti? quanto aut quo sce-
lere polluti? respondebis Et pro te, Et pro collegis tuis,*

*Et pro collegio Pontificum, nihil cuiusquam
aut negligentia contempnum;
aut scelere esse pol-
lutum.*

Salij.

Salij.

Annum octauum imperante Numa, morbus pestifer in corpora ciuium grassari cepit. Ibi cunctis in mæstitudinem datis, è cælo in manus regis ancile delapsum est: scutum breue, quod ideo ancile appellatum, quia ex utroq; latere erat recisum: ut summum infimūque eius latius medio pateret, vnāq; edita vox, omnium potentissimam fore ciuitatem, quamdiu in ea mālisset. Affirmauit item Rex, ad salutem & fælicitatem vr̄bis missum Egeriam sibi dixisse: proinde id asseruari, & vñdecim alia ad illius formam fabricari oportere, quibus illud cæleste misceretur, ne internosci posset. Id Mamurius Veturius faber scientissimus adeo belè imitatus est: ut neque Numa ipse id iam ab aliis posset secernere. Petiuit autem Mamurius præmij loco ad sempiternam sui memoriam, ut nomen suum inter carmina Salij canerent. Nam Rex deinde Salios duodecim Marti Gradiuo legit, tunicæq; pictæ insigne dedit, & super tunicam æneum pectori tegumen, cælestiaq; arma, quæ Ancilia appellabantur, ferre, ac per vr̄bem ore canentes carmina, & pugionibus seu gladiolis scuta illa pulsantes, cum tripudiis solemnīq; saltatu iussit: à qua saltatione, seu tripudio saltatorio dicti sunt Salij. Ouid. 3. Fast. rem omnem breuiter perspicuèque prodidit.

*Ter tonuit sine nube deus: tria fulgura misit:
Credite dicenti, mira, sed acta, loquor.
A media calum regione dehiscere capit:
Summisere oculos cum duce turba suo.*

Ecce

Ecce leni scutum Versatum leniter aura
Decidit, à populo clamor in astra venit.
Tollit humo munus casaprius ille iuuenca,
Qua dederat nullis colla premenda iugo.
Idq; ancile vocat, quod ab omni parte recisum est:
Quemq; notes oculis: angulus omnis abest.
Tunc, memor imperij sortem consistere in illo,
Consilium multa calliditatis inuit.
Plura iubet fieri simili calata figura,
Error ut ante oculos insidiantis eat.
Mamurius, morum fabranè exactior artis
Difficile est illi dicere, clausit opus.
Cui Numa munificus, facti pete pramia, dixit:
Si mea nota fides, irrita nulla petes.
Iam dederat Salis à saltu nomina ducta,
Armaq;, & ad certos Verba canenda modos.
Tum sic Mamurius: merces mihi gloria detur,
Nominaq;, extremo carmine nostra sonent.
Inde sacerdotes operi promissa vetusto
Pramia persolunt, Mamuriumq;, vocant.

Ad hoc sacerdotium soli Patricij admittebantur,
 liberiq; & ciues tantum, quiq; patrimi & matrimi
 essent. Quanquam verò Martio mense ancilia è sa-
 crario Martis promerentur, si quando tamen na-
 tionibus iustum piumq; bellum per Feciales indi-
 ceretur, ancilia in eodem sacrario, aut in curia sa-
 liorū commouere mos erat: quasi eo motu Mar-
 tem è sede sua excitum, eoq; propitio & volente
 arma expediri, legiones conscribi, atq; omnia ho-
 stilia esse designarent: qui dies religiosi & infames
 sunt habiti: & antequam conderentur, mali auspi-
 cij erat inire sponsalia, peregre proficisci, aut pacis
 tractare fœdera, aut aliquid publicæ priuatæ rei
 incæptare. Q. Poetices initium apud Romanos

fuisse carmē Saliorum obscurissimū testatur Varro, quod primum Numa composuit. Et alia quidem in deos facta erant, dicebanturque versus illi ab eorum nominibus Ianualij, Iunonij, Mineruij: alia in vniuersos homines, & appellabantur axamenta, ab axare, quod est nominare: seu quod in axibus, seu tabulis describebantur, quemadmodū apud Græcōs leges. Atque istos quidem Salios Numa instituit: qui quod Marti in palatio sacra celebrarent, Palatini cognominati sunt. Alij Tullium Hostilium auctorē numerant, de quibus hæc Dionysius lib. 3. Pugnatum est ad Hercetum CVII. ab vbe stadio, multis vtrinque cadentibus. Cūque tum quoque diu æquo Marte certaretur, Tullus protensis ad cælum manibus votum diis vouit, si eo die Sabinos vinceret, Saturnio & Opi instituturum ferias, quas Romani post comportatas terræ fruges celebrare solent publicè: duplicaturumque Saliorū numerum. Hi sunt genere nobiles, certis temporibus armati saltantes ad tibie modulos, & patrios quosdam hymnos concinētes. Hi, vt indicat Varro lib. 5. de ling. lat. Agonenses dicti. Item Collini à monte in quo sacrarium habuerunt. De quibus tamen vtrisque ita Seruius, citante Scaligero. Duo sunt genera Saliorum, vt in Saliaribus carminibus inuenitur, Collini & Quirinales, à Numa instituti: ab Hostilio vero Pauorij, & Pallorij. Addit Scaliger: quos Quirinales hic vocat, sunt, qui aliter Agonenses. Nam & Mons Quirinalis dicebatur Agonalis. Et hætenus de Saliis. Q. Ego in gratiam P. Clodij paulum differam de sacerdotibus Bonæ Deæ, deinde de Curionibus, & Curione Maximo,

Poli-

Politiis item & Pinariis: tibi modicum quod restabit differendum relinquam. R. Clarissimus vir P. Clodius, si vera sunt, quæ de eo oratione pro Milone leguntur. Q. Quàm diis hominibûsq; iniustum caput?

Sacerdotes Bonæ Deæ, Curiones,

Potitij, Pinarij.

Sacrificabāt igitur Bonæ Deæ noctu mulieres tantum, huius ea pudicitia fuisse ferebatur, ut nulli viro, præter maritum, se in conspectum unquam dederit. Dicta prius Fauna, seu Fatua, postmodum, à morte credo, Bonæ deæ. Domi suæ sacellum matronæ omni florum & germinum genere ornabant, Myrtum ideo non inferebant, quod ea sacra Veneri, ipsæ autem cum ab aliis rebus puræ, tum præcipue à Venere, sacra isthæc peragebāt, & omnino quidquid esset virilis sexus excludebant, & ideo damium appellabatur sacrificium, quasi minimè *ἀνυόστον*. Etiam picturæ masculæ si quæ essent in ædibus, tangebantur. Cic. de Arusp. resp. sacra Bonæ deæ, quæ viri oculis ne imprudentis quidem aspici fas est. In ead. sacrificium Bonæ Deæ fit per virgines Vestales, fit populo Rom. fit in ea domo, quæ est in imperio, fit incredibili cærimonia. Quæ tamen Clodius muliebri habitu sexum mentitus, cum Pompeiam C. Cæsaris Pôt. Max. uxorem adamasset, polluit, & ab Aurelia Cæsaris matre cognitus, ac mox inde fugatus est. De hoc Cic. pro Milone. Cuius nefarium adulterium in pulvinaribus sanctissimis nobilissimæ fœminæ comprehenderunt.

*quæ fuit
erat in im-
perio.*

Ad Att. lib. 1. epist. 10. Credo te audisse cum veste mulieris deprehensum domi C. Cæsaris, cum sacrificium pro populo fieret, eumq; per manus seruulæ seruatum & eductum: rem esse insigni infamia. Veruntamē commiserit nec ne, incertum est: vxorem quidem Cæsar dimisit, cum domum suā diceret non solum crimine, sed etiam suspicione criminis carere oportere. De sacris deæ huius ac ritibus multa Alex. Neopolit. lib. 6. cap. 8.

CVRIONES A CVRIIS nominati sunt, quos singulos singulis curiis, vt pro sua curia sacra faceret Romulus præposuit, postquam populum omnem in tres tribus, & triginta curias diuisit. Erant autem curiæ non solum illæ triginta partes populi, sed eodem etiam nomine singularum illarum partium ædes dicebantur, in quibus quæque curia sua publica sacra obiret. Singuli porrò à singulis curiis eligebantur. Qui omnibus præsidebat, cuiusq; auctoritate cæteri regebantur, Curio maximus dicebatur, & is omnium curiarum suffragiis comitiis curiatis creabatur. Sacra quæ in curiis fiebant, curionia appellabantur, & curionium æs, quod dabatur Curioni ob sacerdotium curionatus.

• **POTITI ET PINARII** sacerdotes Herculis fuerunt, quæ sacra vna ex omnibus peregrina suscepit Romulus. Postquam enim Euander eum vt deum designatum, matris oraculo fidem habens salutauit, & illi aram eo in loco dicatum iri prædixit, quam opulentissima in terris gens olim maximam vocaret, eiusq; ritu coleret, dextera Hercules data, accipere se omen, impleturumque fata respon-

respondit. Ibi tum primùm boue eximia capta de grege, sacrum factum, adhibitis ad ministeriũ dapemq; Potitiis ac Pinariis, quæ tum familiæ maximè inclytæ ea tenebant loca, quosq; Hercules sacrorum suorum disciplinam edocuerat. Sed perfecto sacrificio matutino, cum ad solis occasum essent sacra repetenda, & Potitij ad tempus præstò essent, iisq; exta apponerentur, Pinarij extis adesset ad cæteram venerunt dapem: inde institutum mansit, donec Pinariũ genus fuit, ne extis solemnibus vescerentur. Addit Liuius, Potitij ab Euanthro edocti antistites eius sacri per multas ætates fuerunt, donec tradito seruis publicis solemnibus familiæ ministerio, genus omne Potitiorum interiit: quod factum anno CDXLI. in censura Appij Claudij cui postea Cæci cognomen fuit: sic enim rursum Liuius lib. 9. Eodem Appio auctore Potitia gens, cuius ad aram Maximam, Herculis familiare sacerdotium fuerat, seruos publicos ministerij delegandi causa solemnibus eius sacri docuerat. Traditur inde dictum mirabile, & quod dimouendis statu suo sacris religionem facere posset. Cum duodecim familiæ ea tempestate Potitiorũ essent, puberes ad triginta, omnes intra annũ cum stirpe extinctos: nec nomen tantum Potitiorum interiisse, sed Censorem etiam Appium memori Deo ita post aliquot annos luminibus captum. Ita Hercules detractæ religionis suæ grauem & manifestam pœnam exegisse visus est, vt scribit etiam Valer. lib. 1. cap. 1. Proficiscendi autem gratia istuc sacrũ perpetrabatur, & dicebatur, Propter viam, & propter viam facere. In eo mos erat, vt si quid

superfuisse ex epulis, igne consumeretur. Hostia erat bos eximia quinquennis. Qui rem diuinam peragebant, lauro coronabantur: solemne quippe fuit in sacris omnibus, sese coronare eius numinis frondibus, cui fieret: quanquam non laurus, sed populus Herculi dicata fuit. Quare etiam Virgilius 8. Æneid. de sacris Herculis loquens,

*Hercule a bicolor cum populus & umbra
Velauitq; comas, foliisq; innexa pependit.*

Et rursum

Populeis adsunt euincti tempora ramis.

Mulieri huic sacrificio adesse, vel exta tangere, aut vesci, aræue manus admouere, aut solemnia videre nefas. Caput nemo velabat. In templo Herculis nec lectisternium, nec puluinar erat: sedentes epulabantur: alius quam Hercules deus aduocari non poterat: nec alterius cuiuspiam dei ara, aut effigies in eius æde apparebat, ut in cæterorum fanis. Manè & vesperi sacrum fiebat: nec serui modò & liberti, verum & canes inde arcebantur. Atq; hæc talia fuerunt: tu colophonem adde.

Luperci, Galli, Fratres aruales.

R. Euander Pani Lycæo, Syluano, seu Fauno, quæ idem sunt, pastorum deo pro lupis à pecore arcendis sacrum instituit, id Lupercal dictum, sacerdotes Luperci. Aut etiam à monte Arcadiæ Lycæo, à quo ipse Faunus Lycæus, & Lycæa quæ latinè lupercalia. Capra & canis immolabantur: cursitabant pastores per luxum atq; lasciuiam, pelle caprina amicti, seu, ut Ouidius & alij tradiderunt, nudi, seu, ut Plutarchus, præcincti tantum subligaculis.

gaculis. Et in 2. Fast. morem sacrorum describens, huius rei causas quinque adducit, ab eo loco, Ipse deus velox decurrere gaudet in altis, &c. Iustinus lib. 43. ita narrat. Post hunc (Saturnum) tertio loco regnasse Faunum ferunt, sub quo Euander ab Arcadiæ vrbe Pallanteo, in Italiam cum mediocri turba popularium venit: cui Faunus & agros, & montem, quem ille postea palatium appellauit, benignè assignauit. In huius radicibus templum Lyncæ, quem Græci Pana, Romani Luperum appellant, constituit: ipsum dei simulacrum nudum caprina pelle amictum est, quo habitu nunc Romæ Lupercahibus decurritur. Iuuenes itaq; Romani in memoriam Romuli & Remi, qui cum à pastore Faustulo educarentur, cum sociis pastoribus huic ludicro se dediderunt, similiter, & personati currebant, obuios cædebant scutica è caprino tergo: quibus occurrere mulieres, & palmas seu dorsa ferienda dare solebant, inde fecunditatem & facilitatem partus sperantes.

GALLI CYBELES seu Berecynthiæ matris deum, seu magnæ matris, seu Ideæ matris sacrificuli: eorum præses Archigallus. Dicti à flumine Phrygiæ Gallo, seu à Gallo quodam, qui primus huius deæ sacerdos fuit. Virilitatem sibi Samia testâ demetebant, seu corpus euirabant. Licebat his sacerdotibus stipem colligere. Sic enim Cic. 2. de leg. Præter Ideæ matris famulos, eosq; iustis diebus, stipem nemo cogito. Porca ei sacrificabatur. Sunt autem hæc sacra è Phrygia Romam translata, de qua re legite Ouidium 4. Fastor. cum huiusmodi carmen in libris Sibyllinis repertum esset.

Mater abest, matrem iubeo Romane requiras.

Cum veniet, casta est accipienda manu.

Plura apud Floccum, Pomponium Latum & alios, qui de magistratibus Romanis scripserunt. Venimus ad finem.

FRATRES ARVALES dicti, qui sacra publica facerent propterea, ut fruges ferrent arua, a ferendo & aruis. Eorum institutio & origo hæc fuit. Acca Laurentia Romuli nutrix duodecim liberos mares genuerat, ex quibus cum decessisset vnus, Romulus in locum demortui ei se tradidit. Et cum illa consueffet semel in anno pro agris sacrificare, duodecim filiis suis sacrificium præcedentibus, Romulus vrbe condita ab hoc duodenario numero sacerdotes totidem aruorum esse voluit. Insigne erat alba infula, qua colligabatur corona spicea, quam dum operarentur sacris, singuli gestabant, eoq; insigni ab Acca primum exornati dicuntur. Hic honor illis perennis fuit: nec vlllo casu auferri potuit, quamuis aut ab hostibus caperentur, aut in exilio versarentur: cum vita tantum finiebatur. De finibus & terminis motis cognoscebant: termini enim sancti & inuiolati habebantur. Iuuenal.

Improbis aut campum mihi si vicinus ademit,

Aut sacrum effodit medio de limite saxum.

Turneb. lib. 21. cap. 1. non sacerdotes illos de agris & eorum terminis iudicasse, sed iudices qui de agrorum finibus cognoscerent, mutuatitio nomine, de Fratrum arualiū vocabulo, Aruales sodales appellatos affirmat. Hæc de Romanorum diuinis potestatibus. Q. Volupe est rem fusam admodum in istas sermonis angustias constringere potuisse.

ANNO-

ANNOTATIONES.

IN SEPTEM REGIBVS) Hi fuerunt Romulus, Numa, Pompilius, Tullus Hostilius, Ancus Martius, Tarquinius Priscus, Servius Tullius, Tarquinius Superbus, cui id cognominis facta indiderunt. Primus regnavit annos septem & triginta: alter tres & quadraginta: tertius duos & triginta: quartus quatuor & viginti: quintus octo & triginta: sextus quatuor & quadraginta: septimus quinque & viginti. Cum consummaueris, inuenies regnatum Roma ab V. C. ad libertatem annos circiter CCXLIV. IN GENIO AC STUDIIS) Florus lib. 1. cap. 8. Nam quid Romulo ardentius? tali opus fuit, ut inuaderet regnum. Quid Numa religiosius? tamen res poposcit, ut ferox populus deorum metu mitigaretur. Quid ille militiae artifex Tullus, bellatoribus viris quam necessarius? ut acueret ratione virtutem. Quid adificator Ancus? ut urbem colonia extenderet, ponte iungeret, muro tueretur. Iam verò Tarquinij ornamenta & insignia, quantam principi populo addiderunt ex ipso habitus dignitatem? Actus à Servio census quid effecit, nisi ut ipsa se nosceret Respub? Postremo superbi illius importuna dominatio nonnihil, immo vel plurimum profuit. Sic enim effectum est, ut agitated in iuriis populus, cupiditate libertatis incenderetur. IANVM CLAUSIT) De origine huius templi, eiusque cum claudendi, tum aperiendi causa Livius lib. 1. Regno ita potitus (Numa) urbem no-

nam conditam vi et armis, iure eam, legibusq; ac moribus de integro condere parat. Quibus cum inter bella videret asuescere non posse: quippe efferatis militiis animis: mitigandum ferocem populum armorum desuetudine ratus, Ianū ad infimum Argiletum indicem pacis belliq; fecit: apertus ut in armis esse civitatē, clausus pacatos circa omnes populos significaret. Bis deinde post Numa regnum clausus fuit: semel T. Manlio consule, post Punicum primum perfectum bellum: iterum, quod nostri atati dii dederunt ut videremus, post bellum Actiacum ab Imp. Cesare Augusto pace terra mariq; parta. Onid. quoque 1. Fast. causas utriusque moris probabiles ponit, respondentem sibi Ianum faciens.

At cur pace lates, morisq; recluderis armis?
 Nec mora, quasiti reddita causa mihi est.
 Ut populo reditus pateant ad bella profecto,
 Tota patet dempta ianua nostra sera,
 Pace fores obdo, ne quā discedere possit,
 Cesareoq; diu numine clausus ero

Huc respexisse credimus Virgilium 1. Aeneid. Claudentur belli porta. Huc item referendus versiculus Ennianus apud Horat. sat. 4. lib. 1.

postquam discordia tetra
 Belli ferratos postes, portaq; refregit.
 Quom imitatus Maro in 7. dixit
 Et cardine verso
 Belli ferratos rupit saturnia postes.

Ceterum quod Liuius tantum ter Ianum fuisse clausum scribit, id ipsum indicat quā populus Romanus à re belli.

re bellica parum semper otij feriarumq; habuerit. Ex quo, cum militaretur assiduo, strenuos etiam milites euadere oportuit. Notatum est nihilominus ab eruditis, Augustum ipsum clausisse Ianum tertium. Primo post victoriam Actiacam. Tum post Cantabricam. Tandem cum orbem totum summa in pace regere ac describere cepisset: quo tempore Saluator est natus. Post illum Nero, & Titus Casar Hierosolyma vastata, confectisq; bellis eundem clausurunt. Quarat quispiam, cur Ianum belli pacisq; indicem fecerint. Ei probe respondebit Alexand. ab Alex. lib. 1. cap. 14.

QVIRINO) Id est Romulo. Hominihus enim post mortem consecratis, seu in deorum concilio collocatis nomina mutabantur. Lactant. lib. 1. cap. 21. Solent enim mortuis consecratis nomina immutari: credo, ne quis putet eos homines fuisse. Nam & Romulus post mortem Quirinus dictus est, & Leda Nemesis, & Circe Marica: et Ino postquam se precipitauit in mare Leucothea, materq; Matuta, & Melicertes filius eius Palemon atq; Portumnus. Cic. 1. de leg. Certe non longe à tuis adibus inambulans post excessum suum Romulus Iulio dixerit, se deum esse, & Quirinum vocari, templumq; sibi dedicari in eo loco iussurit. Ouid. 2. Fast. rationes nominis huius, Quirinus, varias enumerat.

Sine quod hasta quiris priscis est dicta sabinis.

Bellicus à telo venit in astra deus.

Sine suo Regi nomen posuere Quirites,

Seu quia Romani iunxerat ille Cures.

Ibidem

Ibidem de eius apotheosi, de qua etiam Metamorph. lib. 14. VINDEXQUE CONTVMACIÆ) Vide Scalig. in Fest. verbo. Max. Pont. IN QVO CVM SEMPER DILIGENTISSIMVS) Nulla gens tam fera, immansueta, atq; immanis est, quam non imbuerit deorum opinio: quæ non, quamuis ignoret qualis sit deus, tamen deum habendum sciat, qui regat, qui gubernet, qui cursum astrorum, qui mutationes temporum, rerum vicissitudines ordinesq; conseruet, terras & maria contemplans, hominum commoda vitasq; tueatur, ut scripsit M. Tull. 1. de leg. & 2. de nat. Deor. Elegerunt igitur alie sibi alios, quibus cultum impenderent, aras, templa conderent, sacrificia instituerent, sacerdotes crearent. Quæ omnia superstitionis Romani præstiterunt, cum nulla pæne res tam parua & abiecta fuerit, cui non suum deum illi præfecerint. NAM DE NOMINIS ORIGINE) A ponte sublicio reficiendo ductum nomen Pontificis, qui pons nullo are ferrone compactus, sacer habebatur, & cum aliqua in parte solueretur aut colaberetur, nisi victima ante casa, perfectisq; sacris non poterat instaurari. FERIAS CONCEPTIVAS) De his acturi sumus progymnasmate miscellaneo de temporibus. RES OMNES SINGVLORVM ANNORVM) Cic. 2. de nat. & 1. de leg. IN ARROGATIONE ITEM) Lege quæ scripsit Gellius lib. 5. cap. 19. DE QVA RE PLINIUS) Laurus triumphis propriè dicatur, vel gratissima domibus ianitrix
Casa-

Casarum, Pontificumq̃, quæ sola & domos exornat, & ante limina excubat. PALUDAMENTVM IMPERATORVM) Nonius. Paludamentum est vestis, quæ nunc chlamys dicitur. Varro lib. 6. melius ac plenius. Paluda à paludamentis. Sunt hæc insignia & ornamenta militaria. Ideo ad bellum cum exit Imperator, ac lictores mutant vestem, & signa incinuerunt, paludatus dicitur proficisci: quæ propterea quod conspiciuntur qui ea habent, ac fiunt palam, paludamenta dicta. Linius Paludamentum pro veste militari eius qui non esset Imperator usurpauit lib. 1. Cum de Curatio agit, quem postremum de tribus fratribus interfecit Horatius. LITVVS AVGV-
 RVM) Cicer. 2. de Divinat. Quid lituus iste vester, quod clarissimum est insigne auguratus, unde vobis est traditus? nempe eo Romulus regiones dixerit tum, cum urbem condidit. Qui quidem Romuli lituus, id est, incuruum et leuiter à summo inflexum bacillum, quod ab eius litui quo canitur similitudine nomen inuenit, & quæ sequuntur. Vbi illa verba, id est, incuruum, &c. nonnulli glossæ suspectantur. Festus. Lituus appellatus est, quod litis sit testis. Est enim genus buccina incurua, quo qui cecinerit, dicitur Liticen. Ennius. Inde loci lituus sonitus effudit acutos. Consule Macrobi. lib. 6. cap. 8. Gell. lib. 5. cap. 8. CONFARREATIO ERAT PONTIFICVM) Tribus modis uxor habebatur, usu, farre, coëmptione. Sed confarreatio solis Pontificibus conueniebat. Quæ au-
 tem

tem in manum per coemptionem conuenerāt, ha-
 tres familiās vocabantur. Qua verò vsu vel farre,
 minime. Coemptio verò certis sōlemnitatibus pera-
 gebatur, & sese in coëmendo inuicem interrogabant.
Vir ita. An sibi mulier materfamiliās esse vellet? *Ille*
respondebat, velle. Mulier. An sibi paterfamiliās
 esse vellet? *Ille, velle respondebat.* Itaque mulier viri
 conueniebat in manum, & erat materfamiliās vi-
 ro loco filia. *Hac Boëtius in Top. Ciceronis. Adeun-*
duſ etiam Alex. ab Alex. libr. 2. cap. 5. QVOT
CALENDIS IUNONI) *Ut omnes Idus Ioui, ita*
omnes Calendas Iunoni tributas & Varronis & Pon-
tificalis confirmat auctoritas. Quod etiam Lau-
rentes patriis religionibus seruant, qui & cognomen
Dea ex carimoniis addiderunt, Calendarum Iuno-
nem vocantes. sed & omnibus Calēdis à mense Mar-
tio ad Decembrem huic dea Calendarum die suppli-
cant, &c. Macrobi. lib. 1. Saturnal. cap. 16. Oui-
dus. Vendicat Ausonias Iunonis cura Calendas.
Quod porro diximus: quot Calendis pro singulis Ca-
lendis, scias licet probum & frequentatum genus esse
loquēdi veteribus, Varroni, Catoni, Plauto, Vitruvio,
Iureconsultis, apud quos sunt, quot calēdis, quot men-
sibus, quot diebus. Sic dicitur quotannis. AVGVRES)
Augur, docente Festo, ab auibus gerendoq; dictus:
quia per eum auium gestus edicitur: siue ab auium
garritu: unde & augurium. Auguraculum antiqui
appellabant, quam nos arcem dicimus: quod ibi an-
gures

gures publicè auspicarentur. Ab una igitur artis sue specie dicti sunt Romanis, Gracis διωνοπόλοι. ALITES QUÆ VOLATV) Oscines aves, quæ ore canentes faciunt auspicium, ut corvus, cornix, noctua. Alites quæ alis, aut volatu, ut buteo, sanqualis, aquila, immissulus, miluus, vulturius. Picus autem Martius Feroniusq̃, & parra & in oscinibus, & in alitibus habetur. De tripudio solistimo, quod genus auspicij veteres maxima cura observabant, multa Alex. ab Alex. lib. 1. cap. 29. (VM POPVLO AGERE) Id est populum ad consilium, seu comitia vocare, ut ait Festus: vel, ut Gellius, rogare populum, quod suffragiis suis aut iubeat, aut vetet: quod idem est. Lege agere, est ius lege aliqua proditū constitutumve persequi, ius experiri, in iudicio contendere. Agentes in rebus erant in militia palatina, & velut armata, qui per provincias speciebus annonariis, quæ fisco aut urbibus prestabantur ex canone, aut indictione, cōuehendis importandisq̃, præerāt. D. Hieronymus οὐεσφους frumentarios, et veredarios interpretatur. PER PRECONEM DENVNTIABANT) Præcias dicebant, qui à Flaminiibus pramittebantur, ut denunciarēt opificibus, manus abstinere ab opere: ne si sacerdos vidisset facientem opus, sacra polluerentur. AVGVSTIS INTER DIVOS RELATIS) De Iulio Casare Sueton. Ampliora humano fastigio sibi decerni passus est, ferculum, Circensi pompa, templa, aras, simulacra iuxta deos, pulvinar, Flaminem, Lupercos. Cic. 2. Philipp.

Quem

*Quem maiorem honorem consecutus erat (à senatu
Iulius) quam ut haberet pulvinar, simulacrum, fasti-
gium, Flaminem? est ergo Flamen, ut Ioui, ut Marti,
ut Quirino, sic D. Iulio M. Antonius? DICAM
ALIQUID DE FLAMINICA) Flaminica dice-
batur sacerdotula, quæ Flaminica Diali præministra-
bat, eaq³ patrima & matrима erat, id est, patrem ma-
tremq³ adhuc vivos habebat. Flaminicus Camillus,
puer ingenuus patrimus & matrimus, qui Flaminii
Diali ad sacrificia præministrabat: antiqui enim mi-
nistros camillos dicebant. Alij dicunt omnes pueros
ab antiquis camillos vocatos: Flaminia ades Flami-
nis Dialis. Ouid. in Fast.*

*Ipsè ego Flaminia poscentem Februa vidi
Februa poscenti, pinea virga data est.*

*Flaminia, id est, ex adibus Flaminis, pro quo hodie
legitur mendosè, Flaminiam. VESTÆ QUÆ SACRA
FACERE) Vesta Saturni & Opis filia, virginitatis
præses, cuius sacra Aeneas primus in Italiam intulit,
sibi ab Hectore commendata. 2. Aeneid. Eidem con-
dito Lavinio adem dedicavit. Post Ascanius Alba
condita in montis Albani vertice, templum eidem
statuit. De qua re Plin. lib. 16. cap. 2. lib. 28. cap. 2. lib.
34. cap. 5. Cic. lib. 2. de nat. deor. Gellius lib. 1. cap. 12.
STIPENDIUM ILLIS DE PVBLICO) Sti-
pendium à stipe, quod as quoq³ stipem dicebant. Nam
quod asses libra pondo erant, qui acceperant maiorem
numerus, non in arca ponebant, sed in aliqua cella
stipa-*

stipabant, id est, componebant, quò minus loci occuparet: a stipando stipem dicere caperunt. Nuncupati autem stipendiarii qui stipendium, hoc est, tributum penderent, qui alio nomine vectigales. In quo peccat vulgus, appellans stipendiarios qui stipendium accipiunt. Est cum voce stipendij anni quibus quis militat intelliguntur: qua notione utitur locis compluribus Vegetius, & ita interpretatur Servius principio 8. *Aeneid.* Stipendiarios, inquam, milites nominat Vegetius, qui aliquot iam stipendia habent, & eos tyronibus opponit. Non tantum, inquit lib. 1. cap. 18. à tyronibus: sed à stipendiariis militibus salitio equorum districte est semper exacta. Vtuntur item Linus, Tacitus, Plaut. *Iureconss.* *QVÆ VIA SCELERATA*) Sic sceleratus vicus qua Tullia Servij Tullij filia per patris corpus carpentum egerat, ob scelestissimi facinoris memoriam. Dicta etiam scelerata porta (*Armentalis*, quod per eam 300. Fabij cum quinq; clientum millibus egressi contra Etruscos, ad Cremeram, amnem deleti sint. *LECTISTERNIIS PRÆSENT*) Cum legimus apud Linium supplicatum ad omnia lectisternia, ad omnia templa debemus intelligere: propterea quòd in templis dij in lectulis & pulvinaribus cum suis deabus collocati ferè erant maiorem anni partem. Iupiter cum Iunone, Latia cum Saturno, Hora cum Quirino, Maia cum Vulcano, Salacia qua Thetis est cum Neptuno, Nerio cum Marte. Turneb. lib. 30. cap. 32. *LIBROS SIBYLLINOS*)

LINOS) Ex Varrone de Sibyllis earumq; scriptis hæc Laëtant. lib. 1. cap. 6. Libros non fuisse Sibylla: sed appellari uno nomine Sibyllinos, quod omnes famina vates Sibylla sint à veteribus nuncupata, vel ab unius Delphidis nomine, vel à consiliis deorum enuntian-
dis: οὐδὲν enim deos, non θεῶν: & consilium non βουλῶ, sed βουλῶ appellabant Æolico genere sermonis. Itaq; Sibyllam esse dictam quasi θεοβούλω. Fuisse autem decem constat, de quibus singuli auctores scriptita-
uerint, Persicam, Libyssam, Delphicā, Cumaam, Ery-
thream, Samiam, Cumanam, nomine Amaltheam, quæ ab aliis Demophile, vel Herophile nominatur, Helespōtiam, Phrygiam, Tyburtē nomine Albuneam. Cumanam libros nouem attulisse ad regem Tarqui-
nium Priscum, ac pro eis trecentos Philippeos postu-
lasse, regemq; aspernatum pretij magnitudinem, deri-
sisse mulieris insaniam: illam in conspectu regis res cū-
buisse, ac pro reliquis idem pretium poposcisse. Tar-
quinium multo magis mulierem insanire putauisse. Quæ denuo tribus aliis exustis, cum in eodem pretio perscueraret, motum esse regem, ac residuos trecentis aureis emisse: quorum postea numerus sit auctus. Fuerunt autem confusi, nec discerni poterant, qui cuius esset, præterquam Erythrea, quæ nomen suum car-
mini inferuit. Historiam de libris combustis prodide-
runt Halicarnas. lib. 4. Gell. lib. 1. cap. 19. Plin. lib. 13. cap. 14. Servius in 6. Æneid. & pro Tarquinio Pri-
sco Tarquinium Superbum nomināt. DEMENSV

S V V M V E N T E R) Olim quaternos frumenti modios quolibet mense à dominis serui accipiebant, idq₃ demensum appellabatur, à mense, an à demetiēdo? Hinc illud Terentij Phormione.

Quod ille vnciatim dix de demenso suo
Suum defraudans genium comparsit miser,
Id illa vniuersum abripier: haud existimans
Quanto labore partum.

Plant. Sticho.

Vos meministis quos Calendis petere demensum cibum:
Qui minus meministis, quod opus sit facto facere in edibus.
Agracis σίλωέτερον, quasi frumenti mensura. De cuius interpretatione vocis apud D. Lucam consulatur Budaeus in Pand. PONTIFICALIVM CONVI-
VIORVM) Vide prouerb. Pōtificalis cana, ad quā allusit Horat. Ode 14. lib. 2. QVÆ ADIICIALES DI-
CTÆ) Cana adiicialis erat, quoties aut inaugurandi alicuius gratia, aut propter aliud quid, puta publicā latitiam indicebatur epulum, idq₃ dicebatur epulum, aut canam adiicere. Tacitus Annal. 2. Rescuporis sanciendo, ut dictitabant, fœderi conuiuium adiicit, tractaq₃ in multam noctem latitia, per epulas ac vinolentiam, &c. Varro de re rust. lib. 3. cap. 6. Primus hos (pauones) Q. Hortensius augurali adiiciali cana posuisse dicitur. Quod protinus factum tam luxuriosum quam fœneri boni viri laudabant. Meminit Plin. lib. 10. cap. 20. THENSÆ) Vehicula sacra quibus deorum simulacra portantur. ἱερὸν τῷ θεῷ, id est, à re diuina. Seruius in 1. Æneid. MARTI

GRADIVO) Constat è veteribus monumentis, ait Turneb. lib. 13. cap. 8. Saliorum auctorem fuisse Salium Arcadem, qui in Italiam cum Euandro venerat. Igitur cum ante Romam conditam ad aram maximam instituta fuissent ab Euandro Herculis sacra, verisimile est Salium tum ei choros instituisse: urbe autem condita ad Gradium Martem eos postea choros Numa, ut opinor, trāstulit, Romana gentis auctorem. Fuerunt porro Saliorum duo chori, unus senum, alter iuuenum. Maro 8. Aeneid. Hic iuuenum chorus, ille senum. Videbis insuper Macrob: lib. 1. saturnal. cap. 12. DE HOC CIC. PRO MILONE) Et Sueton. Iulio cap. 7. In Cornelia autem locum Pompeiam duxit Q. Pompey filiam Syllae neptem, cum qua deinde dinortium fecit, adulteratam opinatus à P. Clodio, quem inter publicas caerimonias penetrasse ad eam muliebri veste tam constans fama erat, ut senatus quaestionem de pollutis sacris decreuerit. Et rursus cap. 74. In P. Clodium Pompeia uxoris suae adulterum, atque eadem de causa pollutarum caerimoniarum reum testis citatus, negavit se quidquam comperisse: quamvis & mater Aurelia, & soror Iulia apud eosd. iudices omnia ex fide retulissent. Interrogatusque, cur igitur repudiasset uxorem. Quoniam inquit meos tam suspitione quam crimine carere iudico oportere. POTITII ET PINARII) De originatione horum vocabulorum per lege qua tradit Nannius Miscellan. lib. 5. SACERDOTES LUPERCI) Alupa nutrice Romuli

Romuli & Romi dictum fuisse Lupercal, inde Lupercos scribit Ouid. 2. Fast. manult tamen à monte Arcadia Lycao: ut Luperci sint quasi Lycai, λύκῶ autem lupus.

Ille loco nomen fecit, locus ipse Lupercis,

Magna dati nutrix premia lactis habet.

Quid verat Arcadio dictos à monte Lupercos?

Fannus in Arcadia templa Lycæus habet.

PROGYMNASMA

QVINTVM DECIMVM.

*Senatus Romanus, et Senatus=
consultum.*

ANTIQUARIUS, SCISCITANTES.

ANTIQUARIUS. Qui rerum Romanarum prodidere memoriam, quorum & latino-
rum & Græcorum copia non modica fuit, perillustrem profectò, & quamvis excellenti facundia, ingeniisq; præclarissimis dignam in qua versarentur materiam delegerunt: siquidem nullam est reperire vllius populi historiam, nullam omnino Rempub. aut imperium, quod à Romano imperio amplitudine, maiestate, virtutum præstantissimarum exemplis, factorum, dictorum insignibus, cuiusq; modi disciplina, & institutis non longè multumq; superetur. Nulla, nulla ex omnium memoria sæculorum ciuitas perinde ad omnem laudē virtute duce, & fortuna comite grassata est.

Nihil ad Romanos populum victorem & pacatorem gētium Afsyrij, nihil Perfæ, nihil Græci: quorum res gestas & annales fi cum Romanorum rebus gestis annalibusq; cōtenderimus, illos mulierum hos virorum: illos anilium fabularū similes, hos cum veritate congruentissimos iudicabimus. Adeo latè arma circumtulērunt, tot gentes sibi parere compulerunt, tantum telluris occuparunt, vt nullis propemodum metis potentiam terminarent: meritoq; terrarum ac rerum domini potentesq; appellati sint.

*Iupiter arce sua totum cum spectet in orbem,
Nil nisi Romanam quod taceatur habet,*

ait in Fastis Ouidius. Potentissimis igitur Regibus nō aliud Romanis opibus formidabilius, nec amicitia quidquam desiderabilius. Quintilianus tantum valuisse Romam exemplis asserit, quantum omnis Græcia præceptis. Et in præfat. operis sui Liuius. Cæterum aut me amor suscepti negotij fallit: aut nulla vnquā Respub. nec maior, nec sanctior, nec bonis exemplis ditior fuit, nec in quā tam serò avaritia luxuriaq; inmigrauerint, nec vbi tantus ac tamdiu paupertati ac parsimonie honos fuerit. Adde prudentiam, sobrietatem, continentiam, mansuetudinem, religionem, iustitiam: adde virtutes omnes: nullam enim populus ille prætermisit, quā non diligētissimè coleret. Quid deorum reuerentius Numa Pompilio & Metello? Quid frugalius Curiis, Fabriciis? Quid iustius Brutis, Torquatis? Quid fortius Scæuulis, Coclitibus, Curtiis, Deciis? Prudentius Catonibus, Læliis? Castius Lucretiis, Vestalibus? Plenæ omnes quodammodo omnium
libro.

librorum paginæ Romanorum prædicationibus, per omne genus excellentiæ. Rectè idcirco M. Tull. 1. Tuscul. Cum à virtute, tum à re militari, & scientia moderandæ Reipub. ita commendauit Romanos, vt eos non Græcis tantum, sed vniuersis præterea nationibus anteponeret. Operæpretium est verba considerare: sunt enim illustria sanè. *Meum iudicium semper fuit, omnia nostros aut inuenisse per se sapientius quàm Græcos: aut accepta ab illis fecisse meliora, quæ quidē digna statuissem, in quibus elaborarēt. Nam mores & instituta vitæ, resq; domesticas ac familiares nos profectò & melius tuemur, & lautius: Rempub. Verò nostri maiores certè melioribus temperauerunt & institutis & legibus. Quid loquar de re militari? in qua cū virtute nostri multū valuerunt, tum etiam disciplina. Iam illa quæ natura, non litteris affectus sunt, neq; cum Græcis, neq; illa cum gente sunt conferenda. Quæ enim tanta grauitas, quæ tanta cōstantia, magnitudo animi, probitas, fides? quæ tam excellens in omni genere virtus in illis fuit, ut sit cum maioribus nostris comparanda? S. Si ita est, quemadmodum tu differuisti, & nos aliter credere non possumus, qui nonnihil litterarum gustauimus, et si nos in eas haud ingurgitauimus: & , si nobilem materiam assumpserunt, qui seu Græcis, seu Latinis litteris diuinam hanc & maximam in terris Rempublicam illustrarunt, nonne item eorum studium commendatione afficiendum, qui eius instituta cognoscere nituntur: neque aliud iucundius, quam Romanas antiquitates peruolutant? A. Quamobrem dubitatis adolescentes optimi? Tam certum & indubitatum fieri nihil potest. S. Haud dubitamus nos quidem: sed hoc exordium capere cuiusdam rei volumus. A. Cuiusnam tandem, quæso? S. Oneris tibi im-*

ponendi, quamuis non ita magni. A. Eia oneris? S. Vt diximus. Tametsi enim nesciremus te in pernoscendis rebus Romanis multum laborem, vigiliamq; consumpsisse, & in iis contritum esse, nihilominus ista quam attulisti in medium laudatiuncula opinionem nobis daret, te nosse quæ laudares. Multi quidem vituperant quæ ignorant, quod more vitiosissimo fit: pauci laudant, quod minus intelligunt. Quam ob causam, quæ tua facilitas & humanitas est, da te ad respondendum nobis de duobus capitibus, de senatu videlicet ac magistratibus Romanis: cætera intacta prætergrediemur: nisi fortè tu ipse de ministris magistratum adiungere voles, maiorem gratiam ab utroque nostrum initurus. A. Non esse me omnino rudem & ἀμύητον in huius populi moribus, legibus, institutis fateor: cõtuli enim ad ea percipienda plus operæ aliquanto à primo tempore ætatis, quàm nonnulli necessarium putabant, qui pueritiæ suæ, hoc est, puerilis inscitæ me socium retinere cupiebant. Semper enim in pueris sunt, qui quid acciderit antequam ipsi nascerentur nesciunt. Veruntamen non respondebo, nisi mecum iam nunc pepigeritis, vos de iis rebus commentarios per otium esse lecturos, & quæ dixero, tanquam synopsis seu breuiaria accepturos. S. Paciscimur, & faciemus quod suades: & inspeximus istos commentarios: quanquã nondum perspeximus. Interea occasionem tui percunctandi non dimitemus, modò tu nos non dimittas. Arbitramur etiam, idem si pulchrum sit, vel tertium audire, aut legere, pulchrum & utile futurum. A.

Edite

Edite interrogationem. S. De appellatione senatus, númeroque senatorum, quia id primo loco quærendum videtur, primùm audire concupiscimus.

Appellatio, & numerus senatorum.

A. Nihil protritius illo Ouidiano. A senibus nomen mite senatus habet. Illud augustum & summum orbis terræ consilium è senioribus constabat, in quibus maturitas consilij, bene adulta ratio, prudens & cauta sententiæ dictio. Apud Lacedæmonios similiter qui in amplissimo magistratu erant, sicut erant, ita etiam appellabantur *ἡγεῖντες* senes, & magistratus ipse seu ordo *ἡγεσία*, id est, senatus: nec aliis ad eum gradum patebat ascensus, quàm quibus id ob coniunctam cum veneranda senectute integritatem vitæ in præmij loco dandum censeretur. Senatum parens vrbis Romulus cum iam virium haud pœniteret instituit, cætum lectis senatoribus: siue quod is numerus nouæ & parvæ adhuc ciuitati sufficere putabatur: siue quia qui præterea legerentur in nouo populo non reperiiebantur. Patres ab honore, patriciique eorum progenies appellati. Isto modo Liuius. Sallustius ita. Delecti quibus copus annis infirmum, ingeniũ sapientia validum erat, reipub. consultabant. Hi vel ætate, vel curæ similitudine Patres appellabantur. Plutarch. in Romulo, quòd liberorum ingenuorum parentes essent: vel quòd suos patres laudare possent: quod in illa conuenarum colluuiæ, vnde prima ciuitas coalescebat, paucis licuit. Senatores igitur ab ætate sola dicuntur. Patres ii-

dem pluribus de causis, ut vidistis. Bello Sabino confecto, Romulo eiusque consorti Tatio placuit altero tanto augere Senatorum numerum. Allecti centum, ut ducenti euaserint. Postmodum à Tarquinio Prisco ex plebe, ad eius aucupandam gratiam denuo centum additi, fuitque numerus trecentorum. L. Iunius Brutus, & P. Valerius Poplicola primi coss. non illi quidem priorem numerum adauxerunt, tamen à Tarquinio Superbo cadibus & exiliis diminutum instaurarunt ac suppleuerunt. Multum intercessit temporis, cum à C. Graccho Trib. pl. cooptatis ex equestri ordine trecentis, summa ad sexcentissimum peruenit. Verum id diuturnum non fuit. De aliis lectionibus non est cur dicam. Cæsar Dictator, quod prætereundum non puto, numerum ad 900. amplificauit: quo interempto à Triumuiris Reipub. constituendæ senatores facti homines vilissimi, & ea dignitate indignissimi. De quo Suetonius in Aug. cap. 35. hunc in modum. Senatorum affluentem numerum deformi & incondita turba (erant enim supra mille, & quidam indignissimi, & post necem Cæsaris per gratiam & præmium allecti, quos abortiuos vulgus vocabat) ad modum pristinum, & splendorem redegit duabus lectionibus: prima ipsorum arbitratu, quo vir virum legit: secunda suo & Agrippæ: quo tempore æstimatur lorica sub veste munitus, ferroq; cinctus præsedisse, decem valentissimis Senatorij ordinis amicis sellam suam circumstantibus. Cordus Cremutius scribit, ne admissum quidem tunc quenquam senatorem, nisi solum, & prætentato sinu.

Quos

Quosdam ad excusandi se verecundiam compulit: seruauitq; etiam excusantibus insigne vestis, & spectandi in orchestra epulandiq; publicè ius. Porro creati à Romulo maiorum gentium, à Tarquinio Prisco minorum gentium, à Bruto & Poplicola, Conscripti sunt nominati: quod nominis deinde ad omnes pertinuit, totusq; senatus Patres Cōscripti vocatus est. Plutarchi verba in Romulo adducuntur. Ipsi autem Romani, Patres Conscriptos id Collegium appellant. Quod nomen & dignitatis plurimum, & inuidiæ minimum præ se fert. Allecti item dicebantur, qui propter inopiam ex equestri ordine, in senatum essent cooptati. Auctor Festus. A Græcis *παρεγγεταμῖνοι*. S. Quod quaesiuimus, perspicuè nobis explicatum tradidisti: iam de ratione lectionis audire auemus: nisi tu alio capite huic anteuertendum putas. A. Nihil est cur putem, ordine enim quaeritis.

Lectionis ratio & modus.

Senatus legēdi officiū ferme penes Censores erat, à quibus etiā senatores nonnunquā senatu mouebantur. Fuit cū ad illā lectionē Dictator crearetur. In legendo gentis, ordinis, census, ætatis, magistratus habitam rationē cōperio. GENERIS, vt ex iis legerentur familiis, quibus senatus pateret. Patuit aut patriciis primū, tum equitibus, post plebeis: qui quo primū tēpore in curiam venerint scriptores diuersum faciūt. ORDINIS, vt ex equestri potissimū ordine, qui secundū dignatis locū tenebat. CENSUS, nam ab eo legi consueſſe Senatorem Seneca his verbis testatur. Senatorū gradum cēsus ascen-

ascendere facit. Qui ideo in Senatore quærebatur & laudabatur, vt apparet, ne splendor amplissimi ordinis, tenuitate rei familiaris obsolesceret. Atq; etiam postquam lectus esset, si censum labefactasset, ordine excidebat: vsq; adeo legi non poterat, cui census Senatorius non esset. *ÆTATIS*, quam spectari solitam indicio est locus Gellij lib. 14. cap. 8. Præfectum vrbi Latinarum caussa relictum, senatum habere posse Mutius negat: quoniam ne senator quidem sit, neq; ius habeat sententiæ dicendæ, cum ex ea ætate Præfectus fiat, quæ non sit senatoria. Et ille in Maniliana. Quid tam præter consuetudinem, quàm homini peradolescens, cuius à senatorio gradu ætas longè abesset, imperium atq; exercitum dari? Illa ætas eadem prope modum cum Quæstoria fuit, id est, anni quatuor & viginti. *MAGISTRATVS*, quoniam non legabantur, nisi qui honore aliquo perfuncti essent. Testimonio est lex illa apud Cic. in 3. de leg. Omnes magistratus auspicium iudiciumq; habento: eiq; his senatus esto. Non tamen si cui hæc adessent, is statim in senatum ascisceretur necessario: cum & asciscendi, & prætereundi, & admonendi arbitrium ac ius omne Censor haberet: vt quem recitandis nominibus appellasset, is lectus in senatū: quem præterisset, is motus senatu duceretur. Porro qui in lectione senatus primus nominabatur, is princeps senatus dicebatur: vt inter equites princeps Equestris ordinis. Atq; is honor ferè iis tantum tribui solitus, qui summam essent in Repub. auctoritatem, & gloriam consecuti. S. Qui nam fuerunt senatores Pedarij? aut quid nobis de istis sentiendum præscribis?

Peda-

Pedarij senatores.

A. Diuersas nuncupationis huius causas legi. Tradiderunt quidam ita dictos, qui in senatu sententiam non verbis dicerent, sed in alienam sententiam pedibus irent. Sed enim cum in senatusconsulto per discessionem id ab vniuersis senatoribus fieret, neminem non ita vocatum oportuit. Alij sic: senatores qui curulem magistratum gessissent, curru solitos in curiam vehi honoris gratia: quem magistratum qui non cepissent, pedibus itauisse in curiam. Quare nondum maioribus perfunctos honoribus Pedarios nominatos. Quam ego sententiam nō eiicio, immo approbo. Quam tertiam ex Varronis satyra Menippea affert Gellius de equitibus pedariis, qui in senatum venerint, & sententiæ ius habuerint, relinquo. S. Etiam nobis media illa placet. Antequam autem reliqua interrogemus, de dignitate, ac potestate senatus breuiter differe.

Senatus dignitas, ac potestas.

A. Hic ordo amplissimus vocabatur. Cic. pro domo sua. Quid cum Senatum pro me non modò propugnare, amplissimum ordinem, sed etiam plorare, & supplicare mutata veste prohiberent, ne tum quidem vis erat? De prouinciis consular. Reduxit me cum illo in gratiam ordo amplissimus, & ordo is, qui est publici consilij, & meorum omnium consiliorum auctor & princeps. Præterea multum ad declarandum huius ordinis splendorem faciunt, quæ scribit Lilius, de Alexandro Magno

gno loquēs. Victusne esset consiliis iuuenis vnus, ne singulos nominem, senatus ille, quem qui ex Regibus constare dixit, vnus veram speciem Romani senatus capit? Auctoritas autem senatus, maiestas populi dicebatur. Philipp. 3. Tātus autem consensus est municipiorum coloniarumq; provinciae Galliae, vt omnes ad auctoritatem huius ordinis, maiestatemq; pop. Rom. defendendam conspirasse videantur. Inde laesa maiestatis, & auctoritatis crimina. Docet item Cic. 3. de Leg. auctoritatem in senatu, potestatem in populo fuisse. Vnde ille censere, hic iubere dicebatur. Liuius lib. 7. de bello Maced. Senatus eam pacem seruandam censuit, & populus iussit. Atque etiam Senatui de ciue Romano iniussu populi statuere non licebat. Attilius Regulus apud Liuium lib. 26. Per senatum egi de Campanis, qui ciues Romani sunt, iniussu populi video non posse: idq; & apud maiores nostros in Sutrianis factum est, cum defecissent, vt M. Antistius Trib. pl. rogationem ferret, sciretque plebs, vti Senatui de Sutrianis sententiae dicendae ius esset, &c. Verum enimvero à Caesare Dictatore seu tyranno deformata & oppressa Repub. languescere capit senatus auctoritas: ac deinde post eius successorem Augustum, cum vnus imperio omnia subiicerentur, penitus collabascere atq; emori. Quo demum tempore mutata sunt munera senatoria. Nihil enim de cetero negotij habuit, quemadmodum ante, in mandandis provinciis, exercitibus decernendis, legationibus mittendis & accipiendis, in Repub. demum ordinanda & firmanda. Contra, munera eius haec fuerunt

(videte

(videte quam aliena à pristina grauitate & sancti-
monia) Principibus adulari : ad eorum libidinem
fontes infontesq; nullo discrimine condemnare :
flagitiosissimos in eorū gratiam ex reis eximere :
eorum factis impotentissimis subscribere : & in le-
gibus iniquissimis auctorem fieri. Hæc omnia mi-
sera seruitus semel eius ceruicibus imposita ex-
torquebat. S. O confessus nobilissime & sanctissi-
me, quomodo maximis tuis ornamentis tam in-
dignè spoliatus es? Quantum lumen totius orbis
cum Senatu Romano extinctum est? Bonos qui-
dem Principes nihil fere, nisi ex auctoritate sena-
tus statuisse lego : sed illi tot fuerunt, vt in vnus
annuli gemma omniū facies cælari queant. Con-
sequēs videtur, vt nos de tribus erudias. Per quos
conuocari & consuli Senatus potuerit, quo loco,
quo tempore. A. Eodem seruato ordine reddam
responsum ad singula breuiter, ac simpliciter.

*Qui haberent Senatum, item de
loco ac tempore.*

Recensentur à Gellio lib. 14. cap. 8. ex Varrone ma-
gistratus, per quos olim more maiorum senatus
haberi soleret, Dictator, Consul, Prætor, Trib. pl.
Interrex, Præfectus vrbi. Quotiescunq; autem ac-
cidisset, vt omnes illi magistratus Romæ essent,
qui eorum aliis prior esset, ei potissimum senatū
consulendi ius fuisse : quod idem ius extra ordi-
nem fuerit Tribunis militaribus cōsulari potesta-
te, Decemuiris, quibus imperiū consulare tū esset;
item Triumuiris Reipub. constituēdæ, & Præfecto
latinarū causâ creato. Addā hoc vt corollariū. Qui
sena-

senatum habiturus erat, immolare prius hostiam, & auspicari debebat, quò à religione inchoata res, maiorem boni euentus spem iniiceret.

Nefas autem erat senatum consuli, seu senatus consultum fieri, nisi in loco per Augures constituto & cōsecrato, quod templum appellabatur: nec si quod alibi factum esset, iustum legitimūque censebatur. Quamobrem cum profana essent curia Hostilia, Pompeia, Iulia, templa fecerunt Augures. Locus ipse ubi senatus confidebat, senaculum dictus.

Ad tempus quod attinet, senatus aut legitimus erat, aut indictus, seu edictus. Prior statis diebus habebatur, utpote Calēdis, Nonis, Idibus. Alter ob negotia quæ incidissent repente cogebatur. Comitialibus diebus senatum indicare nō solebant: ne videlicet senatores à suffragiis auocarentur, idque lege Pupia. Testis Cic. lib. 2. ad Q. F. Per obrectatores Lentuli res calumnia extracta est. Consecuti sunt dies comitiales, per quos senatus haberi non poterat. Sic apud Athenienses νόμιμος ἐκκλησία dicebatur ἢ κινεία, καὶ ὡρισμένη τρεῖς τῷ μηνὸς, συγκλητὸς δὲ ἢ ἐξαίφνης γινόμενη διὰ τὴν κατεπεῖρον. Legitima concio, fixa statāque concio, quæ ter in mense habebatur: conuocata autem & indicta, quæ repente, noua quadam de causa fiebat. Senatus consultum, ut Varro prodidit, ante ortum, aut secundum occasum solis factum, non erat ratum: existimabanturque opus fecisse censorium, per quos tum senatusconsultum esset factum. Mensis Februarius totus legationibus audiēdis dabatur. Cic ad Lentulum

tulum epist. 4. Senatus haberi ante Kalend. Februarias per legem Pupiam, id quod scis, non potest: neq; mense Februario toto, nisi perfectis (id est auditis & dato responso dimissis) aut reiectis legationibus. Hæcne satis, an aliquid requiritis? S. Nihil certe. Quod ordo postulat, nunc de relatione ad senatum, & de more rogandarum sententiæ expone.

*Relatio ad senatum, & rogatio
sententiæ.*

A. De rebus diuinis prius, quàm de humanis referebatur. Et oportebat referre aut infinitè de Re-
pub. aut de singulis rebus finitè. Quoniam vero dupliciter senatusconsultum fiebat: aut per discessionem si consentiretur: aut si res dubia esset, per singulorum sententias exquisitas, tenendum est, ordinem rogandi varium fuisse. Aliàs primus rogabatur, quem Censores principem in senatum legissent. Aliàs qui designati Coss. essent, post comitia nempe consularia: & inter eos prior, qui priore loco designatus. Sallust. in Catil. Tum Decius Iunius Sillanus primus sententiam rogatus, quòd eo tempore Consul designatus erat, de iis qui in custodiis tenebantur. Quidam Coss. studio, aut necessitudine aliqua adducti, quem iis visum erat, honoris gratia extra ordinem sententiam primum rogabant. Obseruatum tamen, cum id fieret, nequis quenquam ex alio, quàm consulari loco ante omnes rogaret. Et quemadmodum in prima sententia roganda, Prætorium Consulari non præferebant: sic deinde in aliis Prætorios ante

Ædilitios, & hos ante Tribunitios rogabant. Manifestum hoc ex Philipp. 5. vbi ista leguntur. Hoc dies duodecim perfecerunt, vt quem nemo præter Corylam tum inuentus sit, qui defenderet, is habeat iam patronos etiam consulares? Qui vtinam omnes ante me sententiam rogarentur: quam suspicor quid dicturi sunt quidam eorum, qui post me rogabuntur. Hinc suspicari fas est, cōsulares rogatos fuisse ante alios. S. Num toto anno Coss. eundem tenebant ordinem in rogando, quem Kalend. Ianuariis tenuissent? A. Eundem toto anno. S. Quid præterea in sententiis vel rogandis, vel dicendis seruabatur? A. Licebat Senatores censentes sententiæ rationem poscere. Præterea arbitrium erat senatori, vt sententiam rogatus diceret ante quidquid vellet aliûs rei, & quamdiu vellet. De scripto etiam dicere non vetabatur. Quod si quis in senatu loqui vellet, sententiam nondum rogatus, venia à Coss. petita id faciebat. Cum venia item postulata, introductos in senatum interrogare permittebantur. Liuius lib. 20. de Carthaginiensium Legatis in senatum admissis. Cum more tradito à patribus, potestatem interrogandi si quis quid vellet Legatos, Prætor fecisset: seniorésq; qui foederibus interfuerant, alij alia interrogarent: nec meminisse se per ætatem (etenim omnes ferme iuuenes erant) dicerent Legati: conclamatum ex omni parte curiæ est, Punica fraude lectós, qui veterem pacem repeterent, cuius ipsi non meminissent. In senatusconsulto per discessionem, is magistratus qui retulerat, ad senatum dicebat. QVI HOC CENSETIS IL-

LVC TRANSITE: QVI ALIA OMNIA, IN HANC PARTEM. Quibus verbis præibat ominis caussa, ne diceret, qui non censetis. S. Quid? omnesne, an certum senatorum numerum ad senatusconsultum faciendum adesse oportebat?

*Numerus senatorum ad senatus
consultum.*

A. Si quæ res magni momenti viderentur, aut ad exemplum pertinerent, non minus cætum requirebantur, ut ex Livio colligitur lib. 9. de bello Maced. sic ille, de Bacchanalibus agens. Si quis tale sacrum sollempne, & necessarium duceret, nec sine religione ac piaculo se id omittere posse apud Prætorem urbanum profiteretur, Prætor senatum consuleret. Si ei permissum esset, cum in senatu centum non minus essent, ita id sacrum faceret. Tandem 400. adesse necesse fuit. Dio. enim lib. 54. de Augusto inquit, cum videret senatum non semper frequentem convenire, decrevit, ut eius consulta etiam à paucioribus quam à quadringentis fierent: prius enim non aliter, quam eo numero constante rata esse poterant. Quod si legitimus senatorum numerus non adesset, cuius senatori licebat dicere Consuli: numera senatum. Duo senatusconsulta vno die non fiebant. Num est aliquid quod queratis? S. Est vnum & alterum, ad quæ pari benevolentia qua ad cætera, respondebis. Libertumne erat venire, an non venire in senatum? an cogebantur? quo modo? aut qua tandem pœna?

*Quomodo in senatum cog-
rentur.*

A. Qui aberat, aut absentiæ suæ legitimam purgationem afferebat, aut in culpa erat. Si in culpa, tum ei mulcta dicebatur, quæ quoad solueretur, pignus ab eo, aliquid nimirum de suppellectili domestica auferebatur. Id si non redimeret, à Quæstore ærarij vendebatur, pecunia in ærarium inferbatur. Philipp. 2. Quis autem vnquam tanto damno senatorem coegit? aut quid est vltra pignus aut mulctam? Conqueritur ibi Cic. iniuriam Antonij Consulis, qui pignoribus captis, aut mulcta indicta non contentus, cogere eum in senatum, minatus est insuper, cum fabris se ad domum eius disturbendam venturum esse. Liuius lib. 3. Postquam citati non conueniebant, dimissi circa domos apparitores, simul ad pignora capienda, sciscitandumq; an consultò detrectarent. Et Cic. 3. de Orat. Hic cum homini & vehementi, & disertò, & in primis forti ad resistendum Philippo, quasi quasdam verborum faces Crassus admouisset, non tulit ille, & grauitè exarsit, pignoribusq; ablatis Crassum instituit coercere. Ex quo loco discimus etiam pignora capi solita ab insolenti senatore. S. Postremo nos doce, quid in senatusconsulto perscribendo obseruari solitum: deinde ad magistratus accedemus. In quo capite rursum te nobis operam daturum ecquid promittis? A. Promitto verò.

Accipite igitur, quod
scire expetitis.

Formula senatusconsulti, & perscriptio.

Facta discessione, aut exquisitis sententiis senatusconsultum perscribebatur, eratq; mos, ut quæ de re sententiæ rogatæ fuissent, summatim prius exponeretur, hoc aut simili modo. Quod M. Marcellus consul verba fecit de provinciis, de ea re ita censuerunt. Quod siquid Coss. senatus mandaret, adiciebatur: **SI EIS VIDEATUR.** Exemplum in Philipp. 9. Vtique C. Pansa, A. Hirtius Coss. alter ambobus, si eis videatur, Quæstoribus urbanis imperent. Formulam vnam attingam senatusconsulti in sententiam Ciceronis facti. Hoc autem tempore ita cenſeo decernendum. *Quod C. Caesar. C. F. Pont. Proprat. summo Reipub. tempore milites Veteranos ad libertatem pop. Rom. cohortatus sit, eosq; conscripserit, &c.* Tum enumeratis eius in Rēpub. meritis adiungit. *Ob eas causas senatus placere C. Casarem C. F. Pont. Proprat. senatorem esse, sententiæque loco Prætorio dicere: eiusque rationem quacunque appetet, ita haberi, pro ut haberi lege liceret, si anno superiore Quæstor fuisset.* Tribuni senatusconsulto intercedere poterant. Gellius ex Varrone dicit intercedendi ius fuisse iis solis, qui eadem potestate, quæ iis qui senatusconsultum facere vellent (qui nempe senatum cogere poterant) maiorē sue essent. Intercessionem barbari oppositionem vocāt. Cæterum cum senatus legitimus, id est, quo loco, quo die, quo numero, à quo magistratu oporteret habitus, aliquid vel de publica, vel de priuata re decreuerat, tum si ex collegio tribunorum plebis nemo intercedebat, rata senatus voluntas erat, & SC. dicebatur: eoque nomine inscriptum publicis tabulis con-

signabatur. Sin autem vel senatus non legitimus aliquid decreuerat, vel tribunus pl. intercesserat, infirmum ac prorsus irritum decretum illud erat, nec S. C. sed senatus auctoritas vocabatur: propterea quod auctoritatem quandam publicis tabulis testata senatus voluntas habere videbatur. Plura Manut. in epist. 2. lib. 1. ad familiares. Notabatur quoque is nominatim, in cuius sententiam S. C. factum esset, & omnium nomina qui scribendo affuissent apponebantur. Statim ut perscripta erant, ad ærarium deferrebantur, nec ultra in potestate Senatus erant. S. Ergo, si rectè meminimus, hæc impedimenta fuerunt senatusconsulto. Si legitimus abfuisset numerus senatorum: si tempus, dies, locus non fuissent seruata: si quis intercessisset. A. Demum peracta quasi fabula Senatus à Coss. dimittebatur his verbis. NIHIL IAM VOS MORAMVR P. C. Nec ego vos amplius moror. S. At nos te morabimur: de magistratu enim altera tibi restat explicatio. A. Ad longum sermonem me vocatis.

ANNOTATIONES.

ANTIQUARIUS) *Antiquariorum nomen cedit primum in eos, qui nimium prisca, reconditas, & à consuetudine sermonis remotas voces curiosè ac putidè consectantur, Græcis φιλαρχαῖοι: quales hodie quidam scriptitant, quos nominare nihil est necesse. Loquuntur scilicet cum Esandri matre, & quæ dicunt, neminem volunt, nisi sui similes intelligere.*

Quod

*Quod in Tiberio Augustus vitio dedit, ut retulis Tranquillus cap. 86. Sed nec Tiberio parcit, & exole-
tas interdum, & reconditas voces aucupanti. Etiam
apud Gellium vetustè nimis ac prisce loquēs quidam
adolescens reprehenditur à Phauorino philosopho lib.
1. cap. 10. Curius, inquit & Fabricius, & Coruncanius
antiquissimi viri nostri, & his antiquiores Horatij il-
litrigemini, planè ac dilucidè cum suis fabulati sunt:
neque Auruncorum, aut Sicanorum, aut Pelasgo-
rum, qui primi Italiam incoluisse dicuntur, sed etatis
sua verbis locuti sunt. Tu autem perinde, quasi cum
matre Euandri nunc loquare, sermone ab hinc mul-
tis annis iam desito uteris: quòd scire atque intelligere
neminem vis, quæ dicas. Nonne homo inepte, ut quod
vis abunde consequaris, taceres? Cadit deinde in eos,
qui sunt antiquitatis rerumque veterum studiosi, &
qui ad manum, & quodammodo in numero ha-
bent, quiquid vestitis temporibus gestum est. Præte-
rea antiquarij vocabantur, qui bibliotheca codices
describebant, qui ideo ἀρχαιογράφοι & χαλιγράφοι di-
cebantur, ad discrimen aliorum, eis τάχος scribētium.
Qua potestate nos hoc vocabulum usurpemus, planū
est. ET LATINORVM ET GRÆCORVM) La-
tinos enumerat complures. Cic. 1. de leg. Recentiores
tam Græcos quam Latinos, recenset in Indice suo Io-
an. Bodinus. PERILLVSTREM PROPECTO,
ET QVAMVIS) Hoc deinceps satis, ut puto, demon-
stratur laudibus Romanorum commemorandis: cui*

commemorationi adde ex Plinio istuc elogium. Gentium in toto orbe praestantissima, una omni virtute haud dubie Romana extitit. Et illud lib. 3. cap. 15. Hic est ille domitor orbis populus, qui gentes & regna diribet. Florus prologo. Pop. Rom. à Rege Romulo in Caesarem Augustum septingentos per annos tantum operum pace belloq; gessit, ita late per orbem terrarum arma circumtulit, ut qui res eius legunt, non unius populi, sed generis humani facta discant. Nam tot laboribus periculisq; tactatus est, ut ad constituendum eius imperium contendisse virtus & fortuna viderentur. Multa de eius laudibus sparsim Dionysius. Item nec pauca, & praeclara Machab. lib. 7. cap. 8. sed potestas ad testimonium accersimus.

Ouid. 1. Fast.

At postquam fortuna loci caput extulit huius
Et tetigit summos vertice Roma deos.

Idem 2. Fast.

Gentibus est aliis tellus data limite certo,
Romana spacium est Orbis & orbis idem.

Martial. lib. 12.

Terrarum dea, gentiumq; Roma
Cui par est nihil, & nihil secundum.

Claud in 3. de Stilicone.

Proxime diis Consul tanta qui prospicit Urbi,
Qua nihil in terris complectitur altius aether,
Cuius nec spatium visus, nec corda decorem,
Nec laudem vox ulla capit, qua luce metalli
Aemula vicinis fastigia conferit astris,
Qua septem scopulis Zonas imitatur olympi,
Armorum legumq; parens, qua fundit in omnes

Impe-

*Imperium, primiꝫ, dedit cunatula iuris.
 Hac est in gremium Vultus qua sola recepit,
 Humanumꝫ, genus communi nomine fouit.
 Matris, non dominatrix: ciuesꝫ, vocauit
 Quos domuit.*

Magnitudo autem imperij Romani è tribus præsertim æstimari potest, ex amplitudine ditionis, potentia bellica, tam terrestri, quàm nauali, ex ingenti pecunia copia. De amplitudine Strabo in fine sexti, & lib. 17. Ioseph. lib. 2. de bello Iud. cap. 3. Appianus præmio historia Libyca, qui non dubitat affirmare, omnes priores monarchias, Assyriorum, Medorum, Persarum, Græcorum, vix dimidiatam imperij Romani partem confecisse. Quod idem sentit Polybius. Potentia militaris & terrestris non eadem semper fuit. Imperante Adriano, quo tempore scribebat Appianus, erant ducenta millia peditum, quadraginta millia equitum, trecenti elephanti, tria millia currum: armorum verò in supplementum trecenta millia. Habebant porro nauium duo millia, mille & quingentas triremes, magnas verò naues, proris puppibusꝫ, aureis, ad ostentationem scilicet Romana maiestatis, & usus Imperatorum, octoginta. Adhæc parata erant instrumenta naualia eo numero, ut armandæ duplo maiori, quàm quæ dicta est, classi sufficerent. Pecunia in diuersis arariis ad belli usum fuit septuaginta quinqꝫ, millia talentorum Egyptiorum. Talentum Egyptium pendebat pondo, seu libras octoginta: quocirca singulis libris aureos centum assi-

gnando, unum talentum valebat octo millia aureorum nostrorum. Ergo tota summa sexcenties dena centena millia aureorum, siue sexcentos milliones. Ad tantum imperium concupiscendum quarendumque Romanos incitarunt amor libertatis, ne cuiquam subessent, cupido dominandi, laudis aniditas immensa. Sed ad consequendum valuit amor patria & boni publici, pro quo omnia, etiam vitam contemnebant. Valuit summum civilis iustitia studium, & fides domi, foris erga ciues, erga hostes. Valuit magnitudo & constantia animi. Etiam victi semper inuicti, & in maximis cladibus erecti & interiti. Valuit seueritas contra repugnantes: clementia & humanitas singularis erga subiectos & sibi deditos. Valuit eximia prudentia, & grauitas in regendis populis, & disciplina militaris summa perfectio. Hac strictim ex-Bened. Pererio (Comment. in Daniele libro 8. PATRES AB HONORE) Qui Romanis Patres, & Patricij, Atheniensibus πατέρες, γέναιοι, γρόεμοι. Caterum pro duabus illis vocibus, latinis licet ac tritis, Cicero etiam dixit, Nobiles, aliquando Principes, Optimates. Pro patricijs Linius saepe nobilitatem ponit. Alter ordo aliàs plebs, aliàs multitudo, aliàs populus à Cicerone. Populus tamen nonnunquam ciues omnes continet, etiam Patricios scilicet & Equites. Graci tantum δῆμος dicunt: nos & populus, & plebs. πλῆθος illis multitudo est. SABINO BELLO CONFECTO) Hoc extremum fuit ob captas

virgi-

virgines. Nam ea iniuria Crustumios, et Antiales quoque, non solum Sabinos tangebatur. Vno tamen nomine Sabina dicuntur, & raptus Sabinarum. Inde institutum à Romulo, ut postea non verò, sed simulato raptu omnis legitimi connubij ritus perageretur. Festus. Rapi simulatur virgo ex gremio matris, aut si ea non est, ex proxima necessitudine, cum ad virum traditur, quod videlicet ea res feliciter Romulo cecidit. Catull. in nuptias Manlij & Iulia.

Collis ô Heliconij

Cultor, Vrania genus

Qui rapis teneram ad virum

Virginem, ô Hymenae Hymen,

O Hymen, Hymenae.

EIVSQUE CONSORTI TATIO) Inde (audita videlicet Sabinarum lamentatione, sese in media tela inferentium, & dirimere infestas patrum virorumque acies conantium) ad fœdus faciendum, duces prodeunt, inquit Linius lib. 1. nec pacem modo, sed civitatem unam ex duabus faciunt, regnum consociant, imperium omne conferunt Romam, &c. P. VALERIUS POPLICOLA) Scripturam hanc non damnat quidem Turneb. lib. 30. cap. 38. tum propter originem, tum propter significationem: latinus tamen, elegantius, & suavius indicat Publicola. DIMINUTVM INSTAVRAVIT) Linius libro 2. Deinde quò plus virium in senatu frequentia etiam ordinis faceret, cadibus Regis diminutum Patrum numerum primoribus equestris gradus

lectis.

lectis, ad trecentorum summam expleuit: traditumq₃ inde fertur, ut in senatum vocarentur, qui Patres quiq₃ Conscripti essent. Conscriptos videlicet in novum senatum appellabant lectos. QVOS ABORTIVOS VVLGVS) Legitur etiam orcinos, & orcinos: quorum postremum eruditis hominibus magis blanditur, ut obscuros, velut orco & terranatos intelligamus: praesertim cum Plutarchus χαρωνίτας vulgò nominatos fuisse narrat. CREATI A ROMVLO MAIORVM GENTIVM) De Tarquinio Prisco Livius. Ergo virum cetera egregium, secuta quam inpetendo habuerat etiam regnantem ambitio est. Nec minus regni sui firmandi, quam augenda Reipub. memor, centum in Patres legit, qui deinde minorum gentium sunt appellati: factio haud dubia Regis, cuius beneficio in curiam venerant. Tacitus lib. 11. Iisdem diebus in numerum Patriciorum ascivit Caesar vetustissimum quemq₃ è senatu, aut quibus clari parentes fuerant: paucis iam reliquis familiarum, quas Romulus maiorum, & L. Brutus minorum gentium appellauerant. Quomodo porro hac appellatio maiorum minorumq₃ gentium ad deos migraverit, ostendit ex 1. Tuscul. Bud. in Pand. In Academicis maiorum gentium Stoici nuncupantur, qui veri legitimiq₃ Stoici sunt, quiq₃ fundamenta Stoicæ sectæ iecerunt. NAM AB EO LEGI CONSVESSE) Censui senatorius erat triginta millia coronatorum: equestris duodecim millium Francicorum Bud. in Pand.

AFFERT

*AFFERT GELLIVS) lib. 3. cap. 18. HIC ORDO
 AMPLISSIMVS) Tres ordines civium Romanorum
 fuerunt, senatorius, equestris, plebeius, Aristoteli
 τῶν τριῶν. Plin. lib. 33. cap. 1. Sed annuli planè medium
 ordinem, tertiumq; plebi & patribus inferuere: ac
 quod ante militares equi nomen dederant, hoc nunc
 pecunia iudices tribuunt. Nec pridem id factum: di-
 uo Augusto decurias ordinante maior pars iudi-
 cum in ferreo annulo fuit, iiq; non Equites sed indices
 vocabantur, quia iudicum decuria ex equestri ordi-
 ne deligebantur. Hunc eundem ordinem, senatorium
 inquam, in ea pro domo sua, summum populi Roma-
 ni consilium: de Arusp. resp. principem salutis men-
 tisq; publica, in Sextiana Reipub. custodem, presidẽ,
 propugnatorem, 3. de leg. publici consilij dominum,
 vocat. QVEM QVI EX REGIBVS) Cyneas cum
 turbatam cum Romanis pacem ab Appio Claudio re-
 nuntiasset, interrogatus à Pyrrho, qualis Roma esset,
 respondit, Regum urbem sibi visam. Sed Plutarch. re-
 spondisse ait de senatu, visum sibi βασιλέων πολλῶν
 συνέδριον, Regum multorum cōfessum. AVCTORES
 FIERI) Auctoritas est interdum consensus maioris
 vel prudentioris alicuius, sine quo res acta nihil va-
 lent, seu rata non sunt. Sic antiqui vocabant aucto-
 res mulierum, sine quorum approbatione rata non e-
 rant acta mulierum. Et Patres olim id iuris habe-
 bant, ut tum demum rata essent, qua populus iusse-
 rat, si ipsi auctores fuissent, id est, rem sibi probari ostẽ-
 dissent.*

dissent. *Linus lib. 1. Quod bonū, faustum, felixq; sit, Quirites, regem create, ita Patribus visum est. Patres deinde si dignum qui secundus ab Romulo numeretur crearitis, auctores fient. Idem li. 6. Et ne is quidem finis certaminum fuit, quia Patricij se auctores fore negabant. OPORTEBAT REFERRE) Referre aliqua de re ad Senatum Coss. & ij quibus senatum cogere licebat, dicebantur, cum rem in senatu agendam decernendamq; proponebant, rogātes senatorum sententias: Graci ἡγεμῶνας πρὸς τὸν δῆμον. Vulgus ponere rem in deliberationem curiae, eratq; sollemnis in relationibus faciendis praefatio. QVOD BONVM FAVSTVMQVE SIT) Patet ex Sueton. Aug. cap. 58. Calig. cap. 15. Nerone cap. 37. Claud. cap. 7. Domit. 15. AUT PER DISCESSIONEM) Hinc illa loquendi genera, in sententiam alicuius ire, pedibus in sententiā ire, idoneis scriptoribus tritissima. DICERET ANTE QVID QVID VELLE) C. Caesar consul M. Catonem sententiā rogavit. Cato rem quam consulebatur, quoniam non e Re- pub. videbatur, perfici volebat. Eius rei gratia ducenda, longa oratione utebatur, eximebatq; dicendo diē. Caesar Consul viatorē vocavit, eumq; cum finē non faceret prehendi loquentem, & in carcerem duci iussit: Senatus consurrexit, & prosequeretur Catonē in carcerem. Hac invidia facta Caesar destitit, & mitti Cato- nem iussit. Gell. lib. 4. cap. 10. DESCRIPTO ETIAM DICERE) Philip. 10. Hoc verò Q. Fusi sine offensione nostra amicitia, sicut tecum, aut à re dissentiens sena-*

Por quæro: ita enim dixisti, et quidem de scripto. Ep. 13.
 lib. 10. Id ex ipso senatusconsulto cognoscere poteris: ita
 enim per scriptum, ut à me de scripto sententia dicta est,
 quam senatus frequens secutus est summo studio. Di-
 citur item recitare: sic enim Sueton. de Aug. cap. 84.
 Nam deinceps neq; in senatu, neque apud populum,
 neque apud milites locutus est unquam, nisi medita-
 ta & composita oratione, quamvis non deficeretur ad
 subita ex temporali facultate: ac ne periculum me-
 moria adiret, aut ediscendi tempus absumeret, insti-
 tuit recitare omnino. Plin. ep. penult. lib. 2. Hortaris
 ut Orationem amicis pluribus recitem. Faciam quod
 hortaris, quamvis vehementer dubitem. Neq; enim
 me praterit, actiones quæ recitantur impetum omnē,
 caloremq; ac prope nomen suum perdere. Idem. Reci-
 tantium vero precipua pronuntiationis adiumenta,
 oculi, manus, præpediuntur. Hac animadversa protu-
 li ex illo thesauro eruditionis liberalissima, annotatio-
 nibus Bud. in Pand. quem millies iam testem produ-
 xi, millies producā. NUMERA SENATVM) Festus.
 Numerata senatum ait quivis senator Consuli, cum
 impedimento vult esse, quo minus faciat senatus-
 consultum, postulatq; ut aut res quæ referuntur di-
 vidantur: aut singuli consulantur: aut si tot non
 sint senatores, quo numero liceat perscribi senatus-
 consultum. De senatu muliebri, & senatusconsul-
 tis muliebris ab Heliogabalo institutis, lege Lam-
 pridium, & Uopiscum in Aureliano. PIGNVS

AVFEREBATUR) *Capere vel auferre pignora est quod nunc dicimus captionem bonorum. Coercere igitur pignoribus captis in 3. de Orat. Cic. dixit, quod nos cogere per captionē bonorum dicimus. Demosth. ἀφαιδαι τῶν κλημάτων, quasi manum facultatibus iniicere, quod etiam Græci dicunt ἐνεχέσθων λαμβάνειναι, hoc est, pignora capere, Gell. lib. 7. cap. 10. Pignoris captionem hinc esse dictam à veteribus, ut usucapionem affirmat. Quod verò barbari arrestare, latini iniicere manus in aliquem, vel in eius bona, vel merces: quando nimirum ille abire, vel res inde moveri aliqua auctoritate vetantur. Hinc manus iniectio. Bud.*

PROGYMNASMA

SEXTVM DECIMVM.

Ciuiles Romanorum potestates libera Repub.

I I D E M.

Rex.

ANTIQUARIUS. Magistratus regius omnibus reliquis magistratibus est antiquior, etiam apud Romanos. Primus Rex Romulus, quoniam necdum senatus ullus extabat, suorum

rum suffragio creatus, nisi prius de cælo seruasset, occipere potestatem noluit. Quod deinde in morem versum est, ut neue regnum, neue magistratum quispiam nisi auspicato iniret. S. Laudabile istuc, sed quæ nam munera colebat Rex, aut quid efficiebat potissimum? A. Hæc erant eius officia. Sacrificiis, sacris ritibus, legibus, moribus præesse, de rebus grauioribus cognoscere, minorum cognitionem senatui permittere, eum conuocare, populum ad concionem cogere, primo loco sententiam dicere, quod esset à pluribus probatum, id ratum habere, belli auctoritatem summam tenere. Quo autem huic honori maior veneratio tribueretur, placitum est Romulo regem indui veste purpurea, sella uti eburnea cum iura daret, duodecim circum se ministros habere, à numero auium videlicet, quæ sibi regnum portendissent: aut certè à duodecim Etruriæ populis, apud quos singuli singulos regi lictores dabant: lictores enim dicti sunt, quorum munus, succinctos & expeditos esse ad pœnas fontibus pro regis imperio infligendas. Ad eum finem duodecim virgarum fasces præferebant, intra quos totidem obligatæ secures, per summum acie prominente. Id erat indicium, vel iram magistratus dissolutam esse non debere, hoc est, nimis facilem & promptam: vel quòd solutio fascium ad securim liberandam (quod puncto temporis fieri nequit) illa morula iram mitigare aut frangere, & sententiam supplicij commutare posset. Virgæ illæ, ut scribit Plin. lib. 16. ex betulla Gallica fiebant, quæ est candore, & tenuitate mirabili. S. Quid est quod virgæ, &

X securis

securis vnà præportabantur, & coniunctim? A. Quid sit? Significabatur tacitè, illis sanabilia, hæc insanabilia delicta punitum iri. Dicam apertius: amputari penitusq; præcidi oportere, quod medicina maius esset. Tarquinius Priscus etiam coronam auream, sceptrumq; eburneum cum aquila in eius apice gestasse memoratur, quod reges posteriores imitari voluerunt. S. Nunquid non etiam leges aliquas tulerunt Reges? A. Immo verò tulerunt, sed paucas. S. Quare paucas? A. Quòdeorum voluntas pro lege esset. S. Ideo solum? A. Minimè, sed quia ciuitas, neq; dum populo satis frequens, neque opibus locuples, legum multitudinem non desiderabat. Inter paucos & assiduus bellis exercitos, nondum planè vis emerferat: non luxuries, non illa quæ ferè opes consequitur, malarum artium lues in urbem inuaserat. Regibus exactis, simul cum publicis opibus & noua nata vitia sunt, & ea quæ fuerant aucta. Proinde quemadmodum hominum diligentia morbis diuersis varia medicamenta inuenit: sic ad curanda ea mala, quæ latius per ciuitatem, & veluti contagia quædam serpebant, multas variasq; leges necessitas extudit. S. Prudenter hæc abs te & verè. Num sine custodibus regem fuisse putandum est? alios nullos præter duodecim illos stipatores, seu potius anteambulones habuit, de quibus paulò ante? A. Corporis sui custodes ille trecentos iuuenes habuit, qui Celeres dicti. S. Quàobrem Celeres? A. Iam causam faxo perspicia-
tis, cum de eorum Præfecto explanauero. S. De hoc igitur audiamus.

Præfe-

Præfectus seu Tribunus Celerum.

A. Quomodo postea à Dictatore Magister Equitum, sic à principio Tribunus Celerum proximum à Rege locum auctoritate sortitus est. Tercentum fuerunt, robore & familia nobiles, qui regis latera assiduò stiparent, eumq; custodirent, & eius iussa perficerent. Pugnam primi capessiebant, pugnavltimi excedebant. Equo etiam militabant locis campestribus. Signati hoc nomine, vel à primo duce suo qui Fabius Celer audiebat: vel à Celerè quodam Romuli comite Remiq; percussore: què etiam nonnulli principem huic ordini præfuisse tradiderunt, Celeremq; cognominatum, quod occiso Remo celeriter in Etruriam profugerit, ne à Remi familiaribus vicissim necaretur: vel certè, quod ego malo, à celeritate officij exequendi: quia nimirum quotiescunq; opus esset, & id rex imperaret, perceleri opera ad Reipub. ferendam opem accurrerent. Hos Flexumines postea, inde Trossulos, tum equites dictos ex Festo & Plinio apparet. Festi verba hæc sunt. Celeres antiqui dixerunt, quos nunc equites dicimus. Idem. Trossuli equites dicti, quod oppidum Thuscorum Trossulum sine opera peditum caperint. Plin. libr. 33. Equitum nom. n saepe variatum est, in iis quoque qui ad equitatum trahebantur. Celeres sub Romulo regibusq; appellati sunt, deinde Flexumines, postea Trossuli, cum oppidum in Thuscis citrà Volsinios passuum novem millia sine vlllo peditum adiumento capissent eius vocabuli, idq; duravit ultra C. Gracchum. Iunius certè qui ab amicitia eius Gracchanus appellatus est, scriptum reliquit his

verbis: quod ad equestrem ordinem attinet, antea Troffulos vocabant, nunc equites vocant, ideo quia nō intelligunt, Troffulos nomē quid valeat, multos pudet eo nomine appellari, & causam quę supra indicata est exponit, inuitosq; etiamnum tamen Troffulos vocari. Tribus classibus seu centuriis distincti cum essent, singulę suos Præfectos habebant, qui Centuriones appellati. Qui præfuit simul omnibus, ipsis quoq; Centurionibus, dictus est Præfectus, seu Tribunus Celerum. Et vt hi germanicē Hetschierer / sic ille, Der Hetschierer oberster Hauptman vocari aptē possit. S. Placet sanē, vt hi latino vocabulo Celeres appellētur. Verū quoniam de Rege exposuisti, par existimamus, vt antequam ad cæteros magistratus procedas, de Interrege propter nominis similitudinem differas. A. Obsequar voluntati vestrę, & agam haud ita multis. S. Nobis tua pauca non pauca videntur.

Interrex.

A. Totum illud interuallum temporis, quod à rege mortuo ad creationem successoris intercedit, interregnum vocatur, quiq; interim cum potestate regia insignibusq; præerat, Rex dicebatur. Id ex Liuiο clarissimē intelligetis, cuius locū recitabo. *Timor deinde Patres incesit, ne ciuitatem sine imperio, exercitum sine duce, multarum circa ciuitatum irritatis animis vis aliqua externa adoriretur: & esse igitur aliquod caput placebat, & nemo alteri cedere in animum inducebat. Itaque rem inter se centum Patres, decem decuriis factis, singulisq; in singulas decurias creatis, qui summa rerum præessent, consociant: decem imperitabant, & unus cum insignibus imperij & licitoribus erat: quinque dierum spatio finieba-*

finiebatur imperium, ac per omnes in orbem ibat: annuumque intervallum regni fuit. Id ab re, quod nunc quoque tenet nomen, interregnum appellatum. Iam verò sublata veteris Reipub. forma, & ad vnum redacto imperio, Interreges creari desierunt: qui non regum modò, verum etiam Coss. temporibus creabàtur. Nam si qua fortuna aut casu Consules creari nequissent, si vitio creati essent, si reipub. caussa abessent, & comitia habere non possent, si contentio inter magistratus & plebem de creandis magistratibus incidisset, si qua turbulenta confusio & necessitas premeret, si Dictatorem dici comitiorum caussa non placuisset, res ad interregnum redibat, ac per interregem comitia habebantur. Atq; hæc isto modo. S. Interregnum fortasse appellare nos quoque haud inscitè poterimus illud tempus, quod in maioribus potestatibus Christianorum, siue sacris, siue civilibus inter defunctos, & subrogatos magistratus labitur. A. Quid ni? maxime immo. S. Licebit ad reliqua progrediare.

Præfectus urbi absente magistratu.

A. Quem Augustus Præfectum vrbis ordinarium instituit, de eo postea dicemus, cum de magistratibus mutata Repub. differemus: nunc de illo, qui extraordinarius fuit, cuius prima mentio apud Liuium, qui ait, Lucretium à Tarquinio Superbo rege contra Ardeates profecto, hunc Præfectum institutum, ac imperium in vrbe rege absente habuisse. Porro sub regibus semper vñtatum fuisse, auctoremque eius Romulum, in 6. Annalium Tacitus prodidit, istis verbis. Antea

profectis domo regibus, ac mox magistratibus, ne vrbs sine imperio foret, ad tempus deligebatur, qui ius redderet, ac subitis mederetur, feruntque à Romulo Dentrem Romulium, post ab Tullo Hostilio Numam Martium, & à Tarquinio Superbo Sp. Lucretium impositos, dein Coss. mandabant: duratq; simulacrum, quoties ob ferias Latinas præficitur, qui consulare munus vsurpet. Ergo profectis in bellum regibus, hi eorum locum & munus obtinebant, urbanasque res administrabant. Exactis autem regibus, ante Præturam institutam Præfecti vrbis etiam à Coss. legebantur, qui pro Coss. præessent, quotiescunque illis cum exercitu exeundum foret. Prætoribus creatis, hoc genus Præfectorum desiit. Veruntamen Latinarum caussa vrbe profectis magistratibus, ne vrbs interea ab iis nuda omnino esset, domi Præfectus declarabatur, cui nullum ius, nisi illo tempore, cum populo agendi: tametsi vt Gellius docet, senatum etiam cogere poterat. Reuersis in urbem magistratibus, ipse potestate decedebat. Vultis de candidatis? S. Volumus certè. A. Ergo de his prius, tum de Coss.

Candidati.

Cum magistratum peterent, petitionem suam apud populum in toga candida profitebantur, ex quo nomen illis inditum Candidatis: & permittebatur cuius esse candidato: hoc est, petere honorem, qui, quod vellet, se obtenturum consideret. Euigilabat tamen in eo cura magistratus ac senatus, ne potestates aut indignis, aut cōtra leges mādarent.

darentur. Quare cum ante comitiorum diem profiteri nomina oporteret apud magistratum, qui comitia esset habiturus, si haud indigni viderentur, cum quibus Respub. communicaretur, nomina recipiebantur: sin autem, reiiciebantur, etiam si populus eorum causa omnia cuperet. Professio aliquando integro anno ante comitia inchoabatur. Quia verò populi amicorumque beneuola ac propensa voluntas magnopere petitione adiuuare poterat, multam sibi candidati in ea concilianda & adiungenda diligentiam ponendam statuebant. Amicos hoc loco non tantum propinquos ac necessarios, sed eos omnes intelligim⁹, qui ad gratificandum petitoribus sese paratos ostenderent: ij ferme aut salutatores, aut deductores, aut sectatores erant. Salutatores die surgente domos petitorum veniebant, salutemque precati recedebant: illi siquidem inambulantes, saluatoribus copiam sui mane faciebant. Deductores tandiu in aribus morabantur, quoad prodeuntes in forum deducerent: qui etiam obseruare eos dicebantur. Sectatores nunquam pæne ab eorum lateribus discedebant. Illa autem popularis conciliatio voluntatis quatuor rebus continebatur, nomenclatione, blanditiis, assiduitate, benignitate. Nomenclatio in eo erat sita, ut petitor quemque ciuem suo vocabulo appellatum saluaret. Quare operam dabat, ut nosset singulos, eorumque nomina ne ignoraret: quod quoniam in tam frequenti populo fieri non poterat, Nomenclator est institutus, qui occurrentium nomina petitori subiiceret, quem pro Murræna Cic. monitorem vocat: Festus fartorem, qui

clam veluti infarciret salutandorum nomina in aurem Candidati. Blanditiam adhibebant, cum obuios honestiore & gratiore aliquo nomine salutarent, vt si patrem, patronum, fratrem nominarent. Afsiduitatis munera erant ambire, prehensare, rogare. Non autem Romæ duntaxat, & in foro, sed per Italiam quoque (quibus nempe in locis multi ciues Romani negotiandi caussa versarentur) ambibant. Prensabant, cum rogantes simul dexteram singulorum prehendebant. Rogabant demum, cum precibus suffragium petebant, beneficiumq; reposcebant: quod munus supplicationis admonitionisue aut ipsi exercebant, aut eius caussa claros viros allegabant, qui suffragatores dicti. Hi cum virtutes petitorum populo commemorabant, tum collata in eum beneficia percenebant. Benignitas postulabat congiarium, prandia, gladiatores, distributionem pecuniarum: quibus in rebus multi patrimonia sua consumpserunt. Extremis temporibus consuetudo tenuit, vt suffragia præsentì pecunia emerentur. Quam ad rem ministri adhibiti interpretes, sequestres, diuifores. Per interpretes pactio inducebatur: apud sequestres pecunia deponebatur: diuifores nummos singulis distribuebant. Hæc de Candidatis. S. Bella & periucunda hæc disputatiuncula. Nunc igitur, vt recepisti, de Coss. qui pullis regibus supremum dignitatis gradū, summumq; imperium atque ius habuerunt, adeo, vt tantum nomen commutatum, & duo reges pro vno facti viderentur. Certum siquidem est, quæ reges potuerunt, ea Coss. omnia potuisse.

Consu-

Consules.

A. Tribus nominibus dicti sunt, Prætores, Iudices, Consules: quarum appellationum rationes ex illis M. Tullij de Leg. manifestæ fient. Regio imperio duo sunt, iijq; præeundo, iudicando, consulendo, Prætores, Iudices, Consules appellantur. Nominati itaq; Consules ab eo, quod plurimum Reipub. consulerent. Hinc illud in Pisoniana. Si Consul est, qui consulit patriæ, non igitur Consul Piso, qui eam euertit. Varro, Consul nominatus, inquit, quod consulere populum & senatum debet: nisi illinc potius, unde Accius in Bruto, qui rectè consulat, Consul fiat. Græcis *ὑπάτος* à præcellentia potestatis. S. Quid causæ, cur duo crearentur? A. Iustissima causæ: ut si alter superbius ageret, à collega cuius par potestas, cohiberetur. S. Quare hic magistratus annum tantum durabat? A. Ut modestius se gererent, qui se anno euoluto priuatos iterum futuros scirent. S. Sine nos hoc etiam percunctari: quotus annus erat Consularis? A. Tertius & quadragesimus: quanquam honoris & præmij causâ ante legitimum tempus nonnullis consulatus est mandatus, ad quem gradatim, per quæsturam scilicet, ædilitatem, præturam, ascendebatur. S. Licebâtne continenter hosce magistratus gerere: an tempus aliquod intercedere oportebat? A. Sanè inter cōsulatum & præturam minimum biennium: tantundem inter ædilitatem & præturam. Nec fas absentem, aut denuo in annum sequentem renuntiari Consulem: annos decem necesse erat interuenire. Quosdam quar-

tum, quintum, Marium septimum Consulem fuisse legimus. Atque initio Patriciis tantum, post etiam plebeis hic honor patuit. Insignia Coss. lictores duodecim cum fascibus: sed penes alterum tantum erant alternis mensibus, ne si ambobus praeferrentur, duplicatus terror videretur: & is maior Consul appellabatur. Prior sumebat maior natus: aut, ut quidam alij, qui plures haberet liberos. Praeterea eorum erant sella curulis, trabea purpurea, praetexta. Per consules annorum numerus notabatur. S. De causa nominis, numeri, temporis, anno consulari, annis mediis inter magistratus, insignibus cognouimus. Quid restat, nisi de muneribus consularibus ut audiamus? A. Coss. omnes magistratus, praeter Tribunos plebis, subiciebantur. Senatum populumque per accensos & pracones cogeant: exercitus ducbant: iis provinciae describebantur, seu eas inter se comparabant. Atque ut ne prorsus & per omnia regiam sibi potestatem vendicarent, latum est, ut ab eis esset prouocatio, & ne iniussu populi in ciuis Romani caput animaduernerent. In atroci tamen discrimine eis a senatu praecipiebatur, viderent, ne quid Respub. detrimenti caperet. Tantum coercere poterant, & iungere in vincula duci. Principio tamen capitalem animaduersionem habebant: siquidem L. Iunius Brutus filios suos, aliosque adolescentes nobiles morte multauit, quod aduersus patriam cum Tarquiniis conspirassent. Legem de prouocatione ad populum Publicola tulit, idemque secures in vrbe Consulibus ademit, extra urbem reliquit. Dictatori quidem semper praeferebantur. In
senat.

Senatum legatos introducebant: de Repub. referebant, quidquid per plebem perficiendum esset, ad publica negotia spectans, ipsi exsequebantur: edicta & senatus Consulta promulgabant: militiæ ius summum habebant: salus populi iis suprema lex erat: sumptus ex arario, Quæstore obediente, quantos videretur faciebant. Nihilominus senatus auctoritatem reuereri necesse erat. Qui consulatu perfuncti essent, consulares nominabantur, ut qui Prætura Prætorij, censura Censorij, & reliqui ad eundem modum. E consularibus porro Dictatores, Magistri Equitum, Censores fiebāt, omnes magistratus extra ordinarij. S. Quia magna est venustas ordinis in rebus omnibus, etiam si sæpe non requiritur, ne ante quæsumus ad alios magistratus delabare, quàm de Proconsulibus egeris. Quanquam quid te monemus, sua sponte id facturum? A. Et vestrum & meum in hoc iudiciū sequar, similiterq; in aliis faciam, ut quæ nomine coniuncta sunt, tractatione ipsa coniungantur.

Proconsules.

A. Posthumio Albo & sp. Fusio Coss. bello contra Æquos euentu infelici gesto, in magna ciuitatis trepidatione Proconsul creatus est, qui subsidium alteri Consulum ferret. T. Quintius, & is primus hunc magistratum cepit. Dicti proconsules, quod procos. mitterentur in prouinciam, eorumq; vice functuri, seu cum imperio Consulari præfuturi. Fuerunt iis cetera insignia cōmunia cum Coss. excepto quòd sex tātum lictores præibant. Potestatis Procos. nisi in ea prouincia quam sortitus erat, exercere

ercere non poterat. Apud eum seruorum manu-
missio & adoptio fieri poterat. Euoluto anno suc-
cessorem in prouincia expectabat, eiq; aduentanti
obuiam prodibat, præsentiq; præsens prouinciam
& exercitum tradebat. Deinde intra dies 30. dece-
debat: quo tempore omni administratione super-
fedebat. Si ante successoris aduentum fortè deces-
sisset, aliquem in prouincia cum imperio, vt Qua-
storem aut Legatum relinquebat. Successore aut
Vicario declarato decedebat, si prius pecuniæ ra-
tiones confectas apud duas prouinciæ ciuitates
reliquisset. Romam veniens, nisi triumphum pe-
tere cogitaret, liCTORIBUS dimissis, & deposito pa-
ludamento, urbem priuatus inibat. Si peteret, ali-
quandiu ad urbem manebat, fascibus & liCTORI-
BUS donec triumpharet retentis: senatq; in ædem
Bellonæ euocato, res à se gestas exponebat, ac tri-
umphum deniq; agebat. Vbi seu triumphans, seu
priuatus urbem introisset, postridie rationes re-
ferre ad ærarium cogeatur: nec multo post Cen-
turiones, reliquosque prouincialis curæ socios ad
ærarium in beneficiis, si liberet, deferebat. Porro
quemadmodum si præclare se gessisset, exquisiti
cum in ipsa prouincia, tum in vrbe honores ei ha-
bebantur: sic contra, si quid deliquisset iudicio-
rum laqueis irretitus manebat. Inprimis autem
tribus quæstionibus fiebat obnoxius, peculatus,
maiestatis, repetundarum. Peculatus, si quædam,
aut pecuniam publicam auertisset. Maiestatis, si
aut exercitum, aut prouinciam hosti prodidisset:
aut aliò exercitum è prouincia eduxisset: aut bel-
lum sine S. C. intulisset. Repetundarum, si se in so-
cios

cios aut auarè, aut superbè, aut libidinosè, aut crudeliter, aut iniustè gessisset. Fuisse autem maximū proconsulare imperium inde liquet, quod Romani Principes in auspicando imperio proconsulare ius & imperium cum tribunitia potestate assumere solebant, vt se augustiores sanctioresq; facerent. Capitolin. in Marco philosopho. Post hæc Faustina duxit vxorem : & suscepta filia, tribunitia potestate donatus est, ac imperio extra urbem proconsulari. Lamprid. in Alexand. Accepit imperium Alexander, cum ante Cæsar esset à senatu appellatus, mortuo scilicet Macrino, Augustūque nomen idem recepit, addito, vt & patris patriæ nomen, & ius proconsulare, & tribunitiam potestatem, & ius quintæ relationis deferente senatu vno die assumeret, Vopiscus in Probo. Derno igitur Patres conscripti, votis omniū concinentibus, nomen Cæsareum, nomen Augustum: addo proconsulare imperium, Patris patriæ reuerentiam, Pontificatum maximum, ius tertie relationis, tribunitiam potestatem. Nunc de Dictatore.

Dictator.

S. Vnde nam hoc illi nomen? A. Vel quòd à Consule diceretur: vel quòd eius dicto omnes audientes essent: vel ab auctoritate dictandi, id est, iubendi quæ vellet. Cauendum siquidem putauit Senatus, ne inuidiosum ei molestumq; nomen imponeret, qui esset in ciuitate libera potestatem supremam ac planè regiam, extra ordinem tamen, habiturus. Dictus item Magister populi. Prodebatur ab altero Consulū, auspiciatò, sub noctem, silen-

tione :

tiò : tametsi interdum & populus eum, & Senatus creabant. S. Quantum nos assequi possumus, necesse fuit magnis de causis hunc magistratum induci. A. Magnis utique. Cum populo aucto crebra bella existerent, & quædam acriora à finitimis inferrentur. Cum seditio maior esset sedanda. Cum in pestilentia aut seditione clauus esset figendus. Cum habenda comitia, maiori magistratu absente. Item feriarum Latinarum, ludorum Romanorum causa, quòd signum daret mittendis quadrigis: ad senatum denique legendum, quod bello Punico secundo propter solitudinem curiæ institutum est. S. Quid est, obsecramus, quod de clauo figendo dixisti? A. De ea re verba Liuij è lib. 7. proferam. C. Genutio, L. Æmilio Mamerco II. Coss. cum piaculorum magis cõquisitio animos, quam corpora morbi afficerent, repetitum ex seniorum memoria dicitur, pestilentiam quondam clauo à Dictatore fixo, sedatam. Ea religione adductus senatus. Dictatorem clauo figendi causa dici iussit, &c. Simulatq; porro id, cuius causa creati erant, impleuerat, abdicabant: nec ultra mensem sextum durabat potestas: nisi q; in magnis periculis, nonnullis ad annum Dictatura continuata fuit. Hinc illa lex apud Cic. Ast quando duellum grauius, discordiæ ue ciuium escunt, cenus, ne amplius sex menses, si senatus creuerit, idem iuris quod duo Coss. teneto: isq; aue sinistra dict⁹, populi Magister esto. Primus Sylla Dictator perpetuus: alter Cæsar, cuius Dictatura Reipub. exitium fuit, cum qua etiam ipse magistratus interiit. S. Hic vexauit omni scelere Rempub. ô male præcinctum puerum, in quo multi Marij. Iam
eius

eius magnitudinem potestatis declara. A. Creato Dictatore omnium aliorum magistratuum iurisdic-tio, præterquam Tribunalium cessabat. Non illi duodecim, sed quatuor & viginti lictores cum fascibus & securibus præibant. Pactiones & fœdera eius iniussu inita nulla erant, & abrogari poterât. Sine senatus aut populi consilio ciues Romanos in vincula coniiciebat, & indicta causa morte afficiebat. Honores aliis mādare, aliis auferre, Consulatu deicere poterat. Salus ciuium vniuersorū, ius de tergo vitaq; iudicis libertas, aræ, foci & Diipenates, insuper bona coniugis, & liberorum pudor, pudicitia eius tutelæ, potestati fideiq; credebantur: cognationes quoq; capita rerum habere, in exilium agere, bonis interdiceret, bellū, pacem, fœdera societatisq; etiam iniussu populi facere, & dirimere eius arbitrij & iuris erat. Siue delectum habere vellet, siue ad hostes ducere, aut aliquos auxilio iuuare, eius dicto parere oportebat: cuius arbitriū erat pro numine. Omniū deniq; negotiorū plena penes illū ac sine prouocatione potestas. Si quando in Consulis prouinciā iret, sine lictoribus, aut aliquo insigni honorū, Cōsul veritus maiestatem viri, solus procedebat, priuatusq; vbi Dictator erat, & sine magistratu censebatur. Verū quāuis tanta esset eius maiestas, tamen vt sine aliquo circūscriberetur, equo vehi nisi permissu populi non poterat. Quoties se abdicaret, prius abire magistratu Magistrum equitū oportebat, ne cum proximā Dictaturæ dignitatē obtineret Dictatore desito aliquid moliretur. Neq; ante deponebat Dictaturam, quam iussu Patrū prius Coss. creatis, qui

qui Reipub. præfessent. Tum pauca & modicè locutus, à populo & primoribus Patrum frequenti amicorū officio stipatus, cum gratulatione & gaudio domum deducebatur, quod ferè omnibus magistratibus commune fuit.

Magister Equitum.

Mox ut dictus erat Dictator, ipse sibi Magistrum Equitum dicebat, ut plurimum hominem consularem, aut alioqui industrium: qui sic appellabatur, quod ei summa potestas esset in Equites, ut Magistro populi summa in populum. Erat velut imperij socius, consiliorumq; eius moderator. Et omnino quale officium, seu dignitas fuit postea apud Imperatores Præfecti prætorio, aut Regum temporibus Tribuni Celerum, talis apud Dictatorem Magistri Equitum: cui subiectus erat, ac contra eius voluntatem nihil audebat. Absente Dictatore, eius munus ipse sustinebat. De hoc lex est apud Cic. quam docti hoc modo legunt, est enim corrupta in codicibus peruulgatis. Equitatū quicumque regat, habeto pari iure, vel par ius cum eo, quicumque erit iuris disceptator: voluntque Ciceronem parem Magistri Equitum potestatem facere imperio prætorio. Aliquando, sed rarò, Dictatores sine Magistris Equitum constituti sunt. Sequitur ut de Censoribus differendum sit. S. Non tu illorum times supercilium? non animaduersiones, subscriptiones, notas, styllum? A. Nihil horum.

Censores.

Censoribus qui & Magistri morum, nomen Varro
inditum

inditum ait, quòd ad eorum censuram, id est, arbitrium populus censeretur. Festo Censores dicti, quòd rem suam quisq; tanti æstimare solitus sit, quãti illi censuissent. Liuius lib. 9. appellatos narrat, quòd censui præessent. Perutilis Reipub. census, à Seruio Tullio primùm institutus: liquidem publicè interest sciri, quæ sint priuatorũ facultates, vt cū tempora postulauerint, omnes prò portione in commune conferre cogantur: & ob id sanè inuentus census, quem principiò reges ipsi, deinde Coss. agebant. Postremò Censores creati anno CCCX. ex viris auctoritate virtuteq; claris, & vt plurimum Consularibus. Quinquennalis erat potestas: nam quinto quoq; anno noui creabantur: tametsi nonnunquam annua, immo etiam semestris facta est: nec post Martium Censorem vlli fas fuit iterum censuram capeßere. Mors Censoris omen infaustissimum habebat ea de causa, quòd eodem anno Censor diem summum expleuerat, quo Roma à Gallis fuisset occupata: vt eius obitus tam diram calamitatem prænuntiasse videretur. Collegam quoq; confestim deponere magistratum oportebat: nec ante creationis tempus quisquam in demortui locum succedebat. Iam verò census hac ratione fiebat. Edebat quisq; nomen & tribum suam, numerum familiæ, liberos, seruosq; prædia ac possessiones suas, & quantum ex eis caperet. Quæ omnia in libros censuales referebantur. Lustrabant urbem quinto quoq; anno, quod spatium dicebatur lustrũ, & suoue taurilia faciebant. Legebant senatum: locabant publica: singulorum mores obseruabant, & de iis iudica-

dicabant, & ignominia quos videretur notabant: senatorem loco mouebant: equiti equum & anulum adimebant: & quidquid probitatem impediret, tollendum curabant: ex quo Magistri morum dicti. Si quis agrum suum passus fuerat fordescere, eumque indiligenter curabat, ac neque arauerat, neque purgauerat: siue quis arborem suam vineamque habuerat derelictui, opus censorium fecisse iudicabatur, & fiebat à Censoribus ærarius. Præterea si quis Eques Romanus equum haberet gracilentum, aut parum nitidum, impolitæ notabatur, id est, incuriæ. Scipio & Popilius omnes statuas circa forum, quæ non essent populi aut senatus sententiæ positæ sustulerunt. Fullonibus modum in pingendis vestibus fuisse ab eis præfinitum auctor Plinius. Censu peracto Senatorum & Equitum nomina recitabantur: qui erant præteriti, dignitate sua spoliati intelligebantur. Notati à Censoribus, non ideo per omnem vitam ut infames honoribus excludebantur. Et enim cum illi plerumque fama solum laborarent, etiam indicta causa notarent, à successoribus, aut à iudicibus, aut à populo re cognita pristino loco restituebantur, vel etiam nouus illis honos decernebatur. Denique Censoria officia, quæ epist. 10. lib. 3. dicit esse maximi animi, summique consilij, paucis complectitur in 3. de leg. Cicero his verbis. Censores, populi æuitates, soboles, familias, pecuniasque censento: vrbes templa, vias, aquas, ærarium, vectigalia tuentor: populique partes in tribus describunto: cælibes esse prohibento: maiores populi regunto: probrum in senatu ne relinquunto: bini sunt: magistratum

in

in quinquennium habento: reliqui magistratus annui sunt. Item Trebellius Pollio in Valeriano etiam paucis hunc in modum. *Suscipe censuram, quã tibi detulit Romana Respub. quam solus mereris, iudicaturus de moribus nostris. Tu astimabis qui manere in curia debeant: tu equestrem ordinem in antiquum statum rediges: tu censibus modum pones: tu vectigalia firmabis: diuides statum: res publicas recensabis. Tibi legum scribendarum auctoritas dabitur, Tibi de ordinibus militum iudicandum est. Tu arma respicies: tu de nostro palatio, tu de iudiciis, tu de præfectis eminētissimis iudicabis: exceptò deniq³ Præfecto Urbis Roma, exceptis Coss. ordinariis & sacrorum Rege, ac maxima Virgine Vestalium (sit amē incorrupta permanebit) de omnibus sententias feres.* Exempla censoriæ seueritatis complura extant apud Valer. Max. lib. 2. cap. 9. Censuram idem scriptor insignitè commendat, pacis magistratam custodemq; vocat. Nam vt opes pop. Rom. in tantam amplitudinem Imperatorum virtutibus exceßerunt: ita probitas & continentia censorio supercilio examinata est. Opus effectū par bellicis laudibus. Quid enim prodest, foris esse strenuum, si domi male viuitur? Expugnentur licet vrbes, corripiantur gentes, regnis iniiciantur manus: nisi foro & curiæ officium ac verecundia sua constiterit, partarum rerum æquatus calo cumulus sedem stabilem non habebit. S. De seueritate quidem illud legisse meminimus, eos ciuem Romanum paulò altius in publico oscitantem ignominia affecisse. A. Tamen illud quoque legistis, cum hoc legeretis, vbi rescissent id non incontinentia, sed valetudine factum, hominem illico restituisse. S. Ita est. Ab initio non magno orta quàm magnis

aucta est incrementis? Nunc quam potissimum disputatioe huic subtexere est animus? A. Quam? de Prætoribus. S. Et nobis etiam huius magistratus cognitio adscripta veterum intelligenda, vti aliorum quoque, non leue præsidium afferet. A. Hæc pœne sola causa est, cur vestræ voluntati morem gerendum putauerim.

Prætores.

Consules olim ius dicebant: qui cum & bello foris gerendo, & iure domi dicundo nimium onerarentur, nec possent labori sufficere, Prætor creatus est, qui quod in vrbe ius redderet, vrbanum cognomen accepit. De hoc ita edictum apud Cic. 3. de leg. Iuris disceptator, qui priuata iudicet, iudicariue iubeat, Prætor esto: is iuris ciuilis custos esto: huic potestati parento. Quotcunque senatus creuerit, populusue iusserit, tot sunt. Siquidem post annos aliquot cum Prætor vnus non sufficeret, quod multa peregrinorum turba in ciuitatem conflueret, alius Prætor creatus est, quem, quod plerumque inter peregrinos, ius dicebat, Peregrinum cognominarunt. Idem & Prætor inter peregrinos, & Prætor inter vrbanos, & peregrinos nominabatur. Quod autem plerumque dixi, ideo dixi, quia etiam ciuibus ius dicebat, & sæpiuscule idem Prætor vtramque iurisdictionem exercebat. Et quidem ambo iurisdictionem habebant tantum, id est, merum imperium: gladij enim potestate carebant, quam in vrbe solus populus habebat, aut is, cui eam populus, aut in magno aliquo Reipub. discrimine senatus ad certum tempus dedisset. Quare nec secures magistrati-

stratibus in vrbe præferebantur. Atq; vt ne lateret ciues, quod ius de quaq; re dicturus esset, seip præmunirent, edicta proponebant, quæ edicta Prætorum, ius honorarium effecerunt. De hoc Cic. in Verr. lib. 1. Qui plurimum tribuunt edicto, Prætoris edictum legem annuam esse dicunt. Tu edicto plus complecteris, quàm lege. Si finem edicto Prætoris afferunt Kalend. Ianuarij, cur non initium quoq; nascetur à Kalend. Ianuarij? Iuris dicundi munus his verbis tribus comprehendebatur: do, dico, addico: Prætoris siquidem iurisdictio & potestas, tribus rebus circumscribebatur, & concedenda agendi potestate ei qui petiuiisset: & iure inter litigantes dicundo: & re de qua agebatur adiudicanda. Primum illud dicebatur dare agendi potestatem. Secundum ius dicere, ac reddere. Tertium addicere, id est, adiudicare. Insignia prætoria, prætexta, sella curulis, equi albi, hasta, gladius. Illa ad iurisdictionem: hic ad quæstionem significandam. Urbanus insuper lictores duos, siue vt placet alijs, 6. habebat, qui turbam coercerant, aut summovebant. Scribis utebatur, qui actiones in tabulis perscribebant. Item Accensis, qui citarent, & horam esse tertiam, aut meridiem admonerent. Par erat vtriusq; potestas, alterq; alterius decreto poterat intercedere. Dignitate urbanus anteibat: ideo maior, & Peregrinus contra minor appellabatur. Apud Urbanū soli ciues agebant. Apud eundem lege agebatur. Idem edictum in albo proponebat. Creati tandem Prætores sex, quorum qui dicti sunt duo, ius dixerunt tantūm, non de vllò crimine quæsiuerunt: nisi si quando id eis for-

te extra ordinem mandatum esset. Alij quæstionum publicarum, id est, publicorum criminum de repetundis, maiestate, ambitu, peculatu, parricidio, de falso, &c. quæ quæstiones non semper eadem fuerunt, neq; vllæ erant ordinariæ: Sulla Dictator eas constituit, id est, certas quasdam & ordinarias esse voluit, de parricidio, de sicariis, &c. quas quotannis Prætores sortirentur, & exercerent. Ideo dictæ quæstiones perpetuæ: tum q̃ lege erat præscripta quædã forma perpetua iudicij de his rebus exercendi, ne noua semper lege opus esset: tum q̃ annuam prouinciam in his quæstionibus exercendis illi Prætores peragerent: non quæ admodum antea fieri solebat, vt cum ita casus tulisset, vt quærendum videretur, tum primum crearentur qui quærerent, statimq; hoc absoluto iudicio potestatem quærendi de eadem re non haberent. Sulla denuo quatuor adiecit, vt essent decem. Alij deinde alios, vt aliquando octodecim ius dixerint. Addam quæ restant de Prætoribus.

Prætores prouinciales, Proprætores.

Prouinciis principiò præfecti sunt Prætores, qui & ius prouincialibus dicerent, & si res postulare bellum administrarēt. Auctior deinde factus Prætorum numerus, quoniam & prouinciarum. Sed quia sæpe tumultus ac bella grauiora existebant (quæ initiò per Coss. tantùm gerebantur) hinc etiam Coss. commissæ prouinciæ, vt duo potissimum ordinarij prouinciarum rectores fuerint, Prætores qui in prætura, & Coss. qui periculosiore yrgente bello in consulatu prouincias administrarunt.

Prætorum. Creabantur comitiis centuriatis. Insignia eorum eadem quæ Prætorum Urbanorum: tempus annus integer.

Proprætore appellati, qui prorogato imperio in prouinciis ultra legitimum tempus manserunt. Quo etiam nomine vocati, qui ex priuatis ad bellum gerendum, non ad gubernandam prouinciam missi. Item qui prætura in vrbe gesta, sub finem anni in prouincias profecti, eis præfuerunt, quorum imperium & potestas eadem quæ Proconsul. nisi quod 6. tantum lictores, & prouincias minores obtinuerunt. Pertinent porro etiam ad Proprætore, quæ de Proconsulum profectio in prouincias, & comitatu, de imperio, iurisdictione, curatione, decessione dicuntur. Admonet me locus, ut de legatis Propræt. atq; adeo Proconsul. subiungam.

Legati Proconsul. & Propræt.

Legatos Varro definit lib. 4. qui lecti publicè, quorum opera consilioq; vteretur peregre magistratus, quibus nuntij senatus aut populi esset. Animaduertitis igitur duo fuisse Legatorum genera: alios qui voluntatem Senatus ad alios nuntiarent: alios qui Præsidibus prouinciarum attributi, auxilio eis adessent, & in partem curarum laborumq; venirent, ut Proconsul. & Propræt. Comites igitur, & adiutores hi à Senatu dabantur: aut eius permissu ab ipsis Præsidibus asciscerentur: aut lege aliqua extra ordinem deligerentur. Numerus erat minimum trium. Nec dubitandum, habitam in eo rationem gradus prætorij & consularis, ipsius prouinciæ, belli, hominis. Quamobrem nonnullis Legatorum numerum

auctum fuisse legimus. Qui rem militarem coluissent, cupidius legebantur: item qui aliis ipsi prouinciis præfuisent. Quin & frater fratrem, & filius patrem Legatos sibi adiungebant. Quo de munere, etsi satis dictum videtur, tamen dicamus iterum. Vicarij quidam erant, & cum Præsidibus, molem rerum sustinebant, ac nihilominus lictoribus, fascibusq; utebantur. Priuatam tantū causarum cognitionem habebant, in quibus non sua, sed mandata auctoritate utebantur: & siquid occurreret, quod esset maioris diligentiae opus, ad Procoff. remittebant. Ius in cuiusquam caput animaduertendi nullum illis erat, nec atrociter verberandi. Si tamen abesset Procoff. à prouincia, tum Legatis committebantur, quæ animaduersionem postularent. Iudices litigantibus, tutores etiam pupillis dare Legatus poterat, & custodiarum quæ per prouinciam in stationibus essent dispositæ, cognitionem habebat. Si Procoff. aut Propræt. ante successoris aduentum de prouincia decederet, Legatos interim, vel Quæstores præficiebāt, qui & ipsi Procoff. aut Proprætores appellabantur. S. Faciendum videtur, vt quoniam de Legatis quædam attulisti, de Consulum Legatis adiicias: quod fortasse voluisti, sed oblitus es. A. Conuenientius quidem de iis egissem, postquam egi de Coss. Veruntamen nunc quidem omnino locus alienus est. S. Ita iudicamus etiam nos.

Legati Consulum.

A. Consulibus sortitis prouincias, Senatus plerunque ex plebe aut Patribus, nonnunquam ex Prætoribus

toris aut Consularibus Legatos vel præsentes legebat, vel absentes nominabat, viros prudentia nobiles, quibus secundum Coss. totius prouinciæ legionumq; atque exercitus cura mandabatur: quiq; illis essent omnium negotiorum adiutores, & consiliorum administri: quibus suadentibus aut dissuadentibus arma vel sumebant, vel deponebant: quiq; eorum decreta cum fide & cura exsequerentur, & prouincias sæpe ab hostili incursum defendebant, atque in officio retinebant, & absentibus vel impeditis Coss. summam rerum ipsi administrabant. Consiliorum & fortium factorum, ac virtutis, & ignauix cuiusq;, qua cura, fide, diligentia, quaq; disciplina militari duces exercitui & castris præfuisent, si quid fictum vanumq;, aut parum integra veritate afferrent, locupletissimi testes erant: soli deniq; gesta Consulium diligenti æstimatione perpendere debebant. Veruntamen Coss. liberum tenebant imperium: Legati ad imperium & præscriptum Consulis agebant omnia. Si quid per legatos in prouincia absentibus Coss. & dum eorum vicem gerunt, fortiter ac dignum laude & triumpho gestum foret, poterant sine Coss. suo iure ac merito triumphare. Et quoties Consuli imperium prorogabatur, etiam ea prorogatio ad Legati munus pertinebat. Etiam listores cum fascibus habuerunt. S. De Ædilibus, Tribuniis, Quæstoribus, & aliis fortasse superest vt disputes: tu eum tenebis ordinem, qui tibi placuerit magis: nostra quidem haud multum interest, dummodo plenam operam naues cōmodis nostris. A. De tribus Ædiliū generibus prius.

Ædiles plebis, Curules, Cereales.

Ædiles plebis ex plebe creabantur, non dissimiles Græcorum Agoranomis: sacras & priuatas ædes curabant: Tribunorum permisso causas leues iudicabant: iis qui plus quam lege definitum esset agri possiderent, diem dicebant: matronas proprii accusabant: fœneratores coercebant: popinas & ganeata obsonia inhihebant. in facta, dicta iniuria & improba animaduertebant, multamq; indicebant. Decretorum, plebiscitorum, senatusconsultorum custodia ad eos pertinebat; frangere poterant, quæ in via publica iter impedirent; mensuras item iniquas & pondera iniusta corrigebant: de alex lusibus cognoscebant: cloacæ publicæ, aqueductus & cætera ædificia vt lauta, munda, integra & expedita seruari curabant.

Curules à sella curuli qua vehabantur dicti sunt, Plutarcho maiores Ædiles. Creabantur ex Patriciis, de qua iniuria Tribunis conquerentibus, conuenit inter eos & senatum, vt alternis annis ex plebe crearentur: postea promiscuum fuit. Munus horum Cic. Verr. satis expressit in hæc verba. *Nunc designatus sum Aedilis, habeo rationem quid à populo Rom. acceperim: mihi ludos sanctissimos maxima cum carimonia Cereri, Libero Liberaq; faciendos: mihi Floram matrem populo plebiq; Romana ludorum celebritate placandam: mihi ludos antiquissimos, qui primum Romani sunt nominati, maxima cum dignitate ac religione, Ioui, Iunoni, Minervaq; esse faciendos: mihi sacrarum ædium procurationem: mihi totam urbem tuendam esse commissam, ob earum rerum laborem & sollicitudinem fructus illos datos, antiquiorem in senatu sensen-*

tia dicenda locum, rogam prætexam, sellam curulem, ius, imagines ad memoriam posteritatemque prodendam.
 Hæc Cicero. Ad eos, absentibus vel impeditis Coss. summa rerum & maiestas imperij consularis sæpe delata est. Curabant etiam vt templa, theatra, stadia, fora, porticus, basilicæ, atque mœnia magnificis operibus ornarentur, & instaurarentur. Lege cautum erat, ne quis Romanorum quid scriberet, nisi ante ad Ædiles curules accessisset, atque ab iis potestatem impetrasset. Eorum munus etiam fuit, cuilibet ordini suum locum assignare. Ad eosdem maximè pertinebant caussæ & lites rehdhibitionum, id est, quibus agebatur de rei vitio, quam quis vendidisset, aut commutasset. Cum Kalend. Ianuariis inissent, non aliter quam Prætores edictum proponebant: in quo quemadmodum de singulis controuersis ius essent dicturi, populum præmonebant. Annus quo petere Ædilitatem licebat, erat septimus & tricesimus.

Cereales vocati, quòd Cereri, hoc est frumento seu annonæ præessent, à C. Iulio ex Patriciis instituti. Dabant operam hi præparando, conuehendoq; frumento & oleo, ne vrbs penuria rerum ad victum necessariorum conflictaretur: & quæ bello vsui essent, commeatus nempe, in castra deferrentur. Ideo Manius Martius & Trebius quòd in summa caritate frumētum populo in modios assibus dedere, commeatusq; inuexere, statuas in capitolio & palatio cum titulis honorū meruere. Videtur huic Ædili subseruiisse, quem **PRAEFECTVM ANNONAE** vocabant. Eius partes, videre, ne plebs

plebs inopia & caritate annonæ grauaretur : sed panis copia redundaret, & vt is pondere iusto, ac mūditiā debita veniret. Si quid ad annonam pertinens commissum esset, ipse cognoscebat.

Tribuni plebis, Tribuni militum, seu milites consulari potestate.

De duobus Tribunorum generibus accipite. Regibus exactis, cum multis annis nulla concederetur pop. Rom. à bellis cessatio, plurimi quibus esset res tenuior, tum propter frequentes expeditiones, tum propter tributa aliāq; opera cogebantur nomina facere. Postea cum soluendo non essent, à creditoribus in seruitutē vincti rapiebantur, misereq; habebantur. Et quia nec debitorum remissio, nec subleuatio impetrabatur, populus auctore Sicinio à Patribus in montem Auētinum (qui postmodum sacer dictus est, quod illic plebs arma non sumpsisset) secessit : nec ante in urbem reuocari potuit, quam Patres per legatos, quorum princeps Menenius Agrippa, nexorum solutionem, & tribunatum plebis obtulissent. Rediit, creati Tribuni duo. Inde additi tres, postremo facti decem. Tribunos vult appellatos Varro, quod ex Tribunis militum primū facti. Militum autem Tribunos, quod terni ē tribus tribubus Ramensium, Lucerum, Tatiensium olim ad exercitum mitterentur. Creati porrò his conditionibus: vt essent patroni ac defensores plebis, contra vim ac potestatem Senatus: præsides & custodes libertatis: vt essent sacrosancti: nec vnquam per Dictaturam tollebatur potestas tribunitia. Quem-

uis

uis contra vim à superiore intentatam tueri poterant. Quibusvis decretis licitum erat iis intercedere. Curiam quidem intrare fas non erat: ad limen eius sedebant, actaꝫ Senatus examinantes accuratissimè, modo probabant, modo damna-
bant. Si probassent, T. literam suppingebant: qua nota significabant, se eadem censuisse. Quemcunque vellent, arreptum in concionem perduce-
bant: quibus de rebus interrogaretur respondere coge-
bant. Veruntamen homines turbulenti ac se-
ditiosi, multò plus iuris, quam concessum esset si-
bi sumpserunt: Consulumꝫ & Senatus auctori-
tatem vehementer labefactarunt, & sese maxima-
rum turbarum auctores atq; duces sapissimè præ-
buerunt. Extra urbem pernoctare non erat eis
integrum: nec abesse totum diem, nisi feriis Lati-
nis. Prehensionem habebant, vocationem non.
Domus eorum interdium noctuꝫ, tanquam por-
tūs & commune perfugium patebat. Si ceteri om-
nes Tribuni statuissent aliquid, vnicus autem re-
fragaretur, ad irritum res cadebat. Post magistra-
tum Dictatori & Consuli capitis diem dicere po-
terat. Porro Tribuni cum Patribus & Patriciis
multa extorsissent, tandem etiam hoc ad popu-
lum tulerunt, vt tribuni militum, qui pro Coss. es-
sent, tam ex plebe quàm ex Patribus promiscuè
liceret fieri, de Coss. nihil immutaretur. Creati A.
Sempronius Atratinus, L. Attilius, T. Clælius pa-
tricij omnes: siquidem plebs eo duntaxat cõtenta
fuit, quòd eius habita ratio videretur. Penes hos
itaq; Tribunos eadè potestas fuit, quæ penes Con-
sules, cum iisdem insignibus: nomine tantùm dif-
ferebant.

Quæstio-

*Quæstores Urbani, seu ærarij, prouinciales,
parricidij, Proquæst.*

Quæstorum vocabulum, vt placet Varroni, à quærendo ducitur, & dicti Quæstores, qui conquirent pecunias publicas, & maleficia, quæ triumui-ri capitales nunc conquirunt. Ab his postea qui quæstionum iudicia exercent, quæstores dicti, nimirum, quasi quæsitores. Ex hisce verbis duo fuisse Quæstorum genera perspicimus, ærarij, & parricidij, seu rerum capitalium. Fuit & tertium, prouincialium, de quo postea. Nunc de primo. S. Cum sint etiam qui Proquæstores dicuntur, magistratus utique prouincialis: si eum non omit-
tis, de quatuor Quæstorum generibus dicturus videris. A. Non omittam. Primus ergo magistratus urbanus Quæstura, annis petitionis eius septimus supra vicesimum. Ex variis Quæstorum officiis præcipua hæc fuerunt. Curam gerere ærarij, & vectigalium populi Romani. Pecuniam publicè vel priuatim erogare, vel in ærarium condere, atque in tabulas accepti atque expensi referre. Cum exercitus scribi, & in campum legiones duci oporteret, signa militaria ex ærario depromere, atque ad Coss. in expeditionem profecturos mittere. Reges Romam venientes, pro dignitate pop. Rom. excipere: illis obuiam venire: curare hospitium: muneribus illos colere: ne quæ res desit prospicere: si ægrotent, curam eorum suscipere: si moriantur, è publico eis funus facere: Apud Quæstores è bello redeuntes ac triumphum petentes, Imperatores iurare cgebantur,
nihil

nihil falsi scriptum ad Senatū de hostium occisorum, amissorumq; ciuium numero: alioqui triumpho excidebant. Prædam ex hostibus captam vendere: pecuniam inde redactam in ærario reponere: senatusconsulta asseruare. Imperium nullum habebant: non sellam curulem, non lictores, non viatorem, nec vocationem, nec prehensionem. Apud Prætorem à priuato in ius vocari poterant. Posterioribus temporibus Quæstores etiam orationes & epistolas Principum in senatu recitabant. Tranquillus in Nerone cap. 15. Orationes ad senatum missas præterito Quæstoris officio, per Consulem plerunque recitabat. Idem in Tiberio cap. 6. Vt orationes etiam recitaret Quæstoris vice. Tacitus lib. 16. Oratio Principis in Senatu per Quæstorem eius audita est. Dicuntur hodie Quæstores Magistri computorum, possuntq; præfecti ratiociniorum appellari. S. Quam ingens sylua vocabulorum non latinorum in linguam latinam irrepsit? Et quidem per solam inscitiam: nam qui vel modicè literas Ciceronis, Liuij & aliorum scriptorum veterum attigerunt, infinita suis nominibus efferunt, quæ isti barbari vel impropriis, vel Gallicis aut Italicis, vel ineptis demum circuituionibus exprimunt. A. Vera dicitis, & Budæus in suis libris admodum multa emendat, quem vobis commendo. Ad reliqua decurram.

Quæstores cum Coss. Prætoribus in prouinciā mittebantur, quanquam sæpe aut multò ante, aut multò post eos proficiscerentur. Rem pecuniariam curabant, ita vt stipèdium exercitui persolue-

soluerent, viaticum Legatis, cohorti prætorie sup-
peditarent, atq; in alios demum vsus impende-
rent, vectigalia exigerent, Romamq; ad ærarium
transmitterent. Hodie thesaurarij bellici. Quam
autem pecuniam ex ærario Romæ accipiebant, at-
tributa dicebatur. Cic. Verr. 3. Ne diutius teneam,
pecunia attributa numerata est: profectus est
Quæstor in prouinciam, venit in Galliam expe-
ctatus ad exercitum consularem cum pecunia.
Potestatem ac nomē Imperatorum, seu Præsidum
ipsorum obtinebant, si illi non expectato succes-
sore de prouincia decessissent. Lictores, & togam
prætextam habebāt: iure dicundo conuentus cir-
cumibant: iudices & recuperatores dabant. Quan-
ta autem necessitudo Quæstori cum suo Præsidē
intercesserit, declarant loci aliquot, M. Tullij in
Diuinat. Sic enim à maioribus nostris accepimus,
Prætorem Quæstori suo parentis loco esse opor-
tere: nullam neq; grauiorem, neq; iustiore caus-
sam necessitudinis posse reperiri, quàm coniu-
ctionem sortis, quàm prouinciæ, quàm officij,
quàm publici muneris societatem. Quamobrem
si iure possis eum accusare, tamen cum is tibi pa-
rentis numero fuisset, id piè facere non posses.
Philipp. 2. ait hanc Quæsturæ coniunctionem ma-
iores liberorum necessitudini proximam esse vo-
luisse. Videndus idem 2. de Orat. & Plin. ep. 15. lib.
4. Vt autem in castris Prætorium dicebatur Præ-
toris tabernaculum: sic etiā Quæstorium Quæsto-
ris. Liuius lib. 10. Itaq; captum Quæstorium, Quæ-
storq; ibi Pansa occisus. Cic. pro Plancio, Thessa-
lonicum me in Quæstorium perduxit.

De Quæstoribus parricidij ista legi. Cum Coss. iniussu populi de capite ciuis Romani non possent iudicare, Quæstores à populo constituebantur, qui capit alibus rebus præessent, & hi Quæstores parricidij nominabantur, quorum etiam lex XII. tabularum meminit. Festus. Parricidij Quæstores appellabantur, qui solebant creari caussa rerum capitalium quærendarum. Nam parricida non utique is, qui parentem occidisset, dicebatur, sed qualemcumq; hominem. Ideo forsitan, quia parem occidisset: quippe cum omnes homines naturà inter se pares sint. Deinde ad probandum legem Numæ Pompilij recitat. SI QVIS HOMINEM LIBERVMDOLOSCIENS MORTIDVIT, PARRICIDA ESTO. Quæ clausula, PARRICIDA ESTO, in omni re capitali ponebatur. Cic. 2. de leg. sacrum sacræ commendatum, qui clepserit rapsitue, parricida esto. Id est, Capital esto. Quòd porrò hoc sæculo quidam patricidam, non parricidam scribi volunt, cum rationi, tum librorum veterum consensio & auctoritati repugnant. Huius magistratus in scriptis antiquorum tenuis est relicta memoria, ut de eo vix aliquid certum affirmare possimus. Non videntur certè sumendi de ciuibus supplicij potestatem habuisse, contra, quàm nonnulli credunt. Etenim cum id ne Coss. quidem permetteretur, quorum tamen inter ordinarios magistratus præcipuum scimus fuisse imperium, quì poterimus in animum inducere, aliis licuisse? Fortè hoc tantum eorum munus fuit, ut quærent, & recognita, aut

absoluerent aut pronuntiarent videri fecisse: tum referri solitum ad populum.

Proquæstor qui mortuo Quæstore Præsidi erat Quæstoris loco. Item qui Quæstore non expectato successore decedente, prouinciæ interea præerat, quam ab ipso Prætore, aut Consule accipiebat. Ad Decemuiros nos transferamus. S. Vehementer super his erudiri cupimus: & erit, vt putamus, non minus huius, quàm aliorum magistratuum nobis vel necessaria, vel iucunda scientia. A. Rectè putatis.

*Decemviri legibus scribendis, & stlitibus
iudicandis.*

Cum tulissent leges quasdam Reges Romani, pauciores tamen, quàm quæ ciuilibus controuersis disceptandis ac diiudicandis satis essent, quas quidem sine ordine latas Papyrius Pontifex Max. in vnum corpus collegit, de suo nihil apposuit, quod ius ciuile Papyrianum vocatum est, vixit populus sine lege certa, sine certo iure. Pulsis Regibus, omnes illæ leges rogatione L. Iunij Bruti, qui tum Tribunus Celerum erat, & in eo honore vltimus, exoleuerunt. Hinc iterum iure magis incerto populus viuere cepit, annis prope LX. quod ne diutius fieret, visum publica auctoritate constituendos decem viros, per quos leges à Græcis ciuitatibus Romæ fundandæ peterentur. Ergo anno CCLXXXIX Sp. Tarpeio. A. Aterio Coss. Legati tres in Græciam missi, qui ieges & instituta Græcorum cognoscerent, Sp. Postumius Albus, A. Manlius, Seruius Sulpitius Camerius.

merinus. Tertiò pòst anno cum legibus reuerſi ſunt, T. Menenio, P. Seſtio Coſſ. Designati iam erāt in annum ſequentem Coſſ. Ap. Claudius, T. Genu- tius, qui cum ex S. C. abdicaffent, creati ſunt Decē- uiri, cum imperio conſulari ac regio, ſine prouoca- tione, legum ferendarum ſcilicet. Eorum nomina hæc feruntur. P. Seſtius Coſ. prioris anni, Coſſ. ipſi qui abdicarant, Ap. Claudius, T. Genuſius, tres Le- gati, Sp. ſcilicet Poſtumiſ Albus, A. Manlius, Ser. Sulpitiſ Camerinus, præterea T. Romilius, C. Ju- lius, P. Curatiſ, Sp. Veturiſ. Has leges perſcriptas in tabulis æreis decem propoſuerunt, vt poſſent a- pertius percipi, datumq; iis ius ſummum eo anno, vt leges & corrigerent, ſi opus eſſet, & interpreta- rentur. Cæterum cum animaduerneretur aliquid deeſſe iſtis primis, ſequenti anno per alios decem duæ tabulæ prioribus adiectæ ſunt, atq; ita velut corpus omnis Romani iuris abſolutum eſt. Hæc origo XII. tabularum, quarum ferendarum au- ctorem decemuiris fuiſſe Hermodorum quēdam Ephēſium exulem in Italia ſcribit Cic. 5. Tuſcul. Laërt. in Heraclito. Strabo li. 14. Creati igitur rur- ſus in annum ſequētem noui Decemuiri, manen- te ex prioribus tantum Ap. Claudio, vt id quod deeſſet ſupplerent, & legum iam latarum obſer- uationem à volentibus nolentibus exigerēt. Cum verò hi ſtatim initiò adminiſtrationis ſuæ conſpi- raſſent, ne quis ex collegio vlla in re alteri aduer- ſaretur, ſed quod vni eorū placuiſſet, id ceteri om- nes approbarent: nèue comitia haberent, perpe- tuoq; imperium retinerent: nèue quēquam alium ad id admitterēt, ipſiq; pari honore, pari poteſtate eſſent,

essent, senatusconsultis, plebiscitis nonnisi raro, idq; necessario vterentur, cum multa tyrannice agerent, singuli cum singulis insignibus regiis prodirent, accedente etiam cæde Sicciij, & iudicio Virginie, Decemviri damnati, & sublata potestas tertio anno post, quam in Rempub. introducta fuisset.

Porro etiam creati qui hastæ præessent Decemviri, & dicti Decemviri litibus, aut ut veteres loquebantur, stlitibus iudicandis, hoc est rebus. Nam lites iudicare, & res iudicare idem. Nam & res & lis idem. Vnde illud in veteri formula. QUAM REM SIVE LITEM DICERE OPORRET. Indidem res proferri, & ad res rediri. Meminit horum Cic. in Orat. perf. Planè duumvirorum iudicium, aut triumvirorum capitalium, aut decemvirorum litibus iudicandis dico nunquam. Hastæ subiiciebantur ea quæ publicè vendebant. Quæ venditiones in foro fiebant, ad ædem Saturni, in qua erat ærarium, & eis antiquitus Quæstores præerant, ad quos cura pecuniæ publicæ pertinebat. Colligitur ex Capteius Plauti. Sed cum distraherentur aliis occupationibus, prætereaq; soli huic muneri non sufficerent, creati sunt centum viri, qui & hastæ præessent, & res iudicarent. Festus. Centumviralia iudicia à Centumviris sunt dicta. Nam cum essent Romæ triginta & quinque tribus, terni ex singulis tribubus sunt electi ad iudicandum, qui Centumviri appellati sunt. Et licet quinque amplius quam centum fuerint, tamen quò facilius nominarentur, Centumviri sunt dicti. Veruntamen è Centum-

tumuiris decem tantum erant magistratus, qui dicebantur Decemuiri litibus iudicandis. Hi co-gebant iudicia centumuiralia. Lucanus carmine ad Pisonem.

*Seu trepidos ad iura decem vocat hasta virorum,
Et firmare iubet centeno iudice causas.*

S. Iam descendere necesse erit à decem ad octo, septem, quinque, tres, duos etiam: minores enim numeri, quod nos non fugit, cum voce vir coniunguntur in magistratibus quibusdam, quorum explicationem quoque, ut perfectum quiddam fiat, exspectamus. A. Non antequiescam, quam ad huius curriculi metam pedes me pertulerint: Quærendi defatigatio turpis est, ait M. Tullius, cum id quod quæritur sit pulcherrimum. Quod ille dixit de quærendo, vos de audiendo, ego de disputando intelligam æquè dici potuisse, Quin si vultis, continenti sermone quæ restant absolvam. S. Ita facias licet: amplius verborum nihil interponemus.

*Quinqueuiri mensarii, turribus murisq; res-
ciendis, cis & vls Tiberim.*

A. Improbis sceleratorum, & magnitudo æris alieni qua plebs opprimebatur, Quinqueuiros mensarios creavit, quod factum anno CD I. inclinatis semel in concordiam animis. Leuarunt rem scænebrem noui Coss. P. Valerius Publicola, C. Martius Rufus, & solutionem æris alieni in publicam curam verterunt, creati Quinqueuiri, & mensarii à dispensatione pecuniæ appellati, meritiq; propter diligentiam & æquitatem æter-

nam sui per omnium annalium monumenta memoriam. Fuere C. Duellius, P. Decius Mus, M. Papyrus, Q. Publius, T. Æmilius, qui rem difficillimam tractatu, & plerunque vtrique parti, semper certè alteri grauem, cum alia moderatione, tum impendio magis publico quàm iactura sustinuerunt. Tarda enim nomina, & impeditiora inertia debitorum, quàm facultatibus, mensis cum ære in foro positis dissoluerunt, vt populo prius caueretur: aut æstimatio æquis rerum pretiis liberauit: vt nō modo sine iniuria, sed etiam sine querimoniis partis vtriusq; exhausta vis ingens æris alieni sit. Hac Liuius lib. 23.

De aliis Quinqueuiris idem. Comititia deinde à Prætore vrmano de senatus sententia plebisq; scito sunt habita, quibus creati Quinqueuiri turribus, murisq; reficiendis. Comititiis tributis intelligite. Et quia magistratus vespertinis temporibus in publico versari nec decorum, nec tutum censebatur, propter inimicitias quas illi sibi conciliant: & multos necesse est timeat, quem timent multi, constituti sunt Quinqueuiri cis & vls Tiberim, qui possent pro magistratibus fungi. Vls veteres pro vltra dixerunt. Non igitur tam magistratus erant, quàm magistratuum vicarij.

Quatuorviri curandarum viarum.

Fuit etiam vetustis temporibus permagna senatus in reficiendis, muniendis, faciendisq; viis tam intra, quam extra urbem diligentia. Quod munus cum fuisset primùm Censoribus commissum, cum illi demum alijs multis officijs distineren-

nerentur, & operam huic necessariam suppeditare nequirent, separatim ei rei curatores sunt instituti. Propriè tamen Duumviri vias extra urbem, Quatuorviri intra urbem curabant. De Triumviris paulò longior erit sermo, quia eorum plura genera.

Triumviri capitales, nocturni, valetudinis, monetales, Reipub. constituenda, coloniae deducenda, iuvenes idoneas ad arma conquirendi, curatores Tribuum.

Triumviris capitalibus (qui & tresviri & treviri) custodia carceris tradebatur: & cum in quempia plagis animaduertendum esset, id iis presentibus fiebat, quibus octo fectores subseruiebant. Hoc totum ex Plautina Amphit. Afin. Aulul. Persa colligitur. Horat. sectus flagellis hic triumvirali-
bus. Sallust. Catil. Triumviros quæ supplicium postulabant parare iubet. Latomiis etiam prærant. Ad columnam Mæniam in foro quæstionem in eos exercebant, qui cum ciues non essent, nihilominus in urbe habitabant. De facinorosis, furibus, servis improbis, & infimis hominibus tantum cognoscebant: quanquam nondum constitutis publicis quæstionibus etià de aliis maleficiis, quod ex Afinaria discimus. Sacramenta item exigebant, quam pecunià in res diuinas cõferebant. Sacramenti nomine id æs dici cæptum, ait Festus, quod & propter ærarij inopiã, & sacrorum publicorum multitudinẽ consumebatur in rebus diuinis. Obseruandum eos sua ipsorum manu in damnatos

non animaduertisse: sed eorum iussu lictores & carnifices, quales fuerunt Athenis Vndecimuiri, vt ex Phædone Platonis constat.

Datum nomen Tribanis nocturnis, quòd excubarent, & incendiis restinguendis præessent, familia circa portas murosque disposita, vnde etiam, si vsus postularet vocabatur. Meminit horum Cornelius Tacitus. Triumuiri nocturni, inquit, quòd ad incendium in sacra via ortum, tardè venerant, à Trib. pl. die dicto damnati. Hoc postea Præfectos vigilum dictos ostendit Pomponius Iurecos. his verbis. Præfectus vigilum cognoscit de incendiariis, & effractoribus, furibus, raptoribus, & receptatoribus, & vt inquit Paulus de officio Præfecti vigilum, apud vetustiores incendia arcendis Triumuiri præerant, qui ex eo quod excubias agerent, nocturni sunt dicti.

Tribunorum valetudinis, nisi in vetustis numismatis, nulla reperitur apud antiquos scriptores mentio. Quales sunt nostra ætate, qui alicubi pestis causa creantur, & domini sanitatis appellantur: quibus suspectis de contagione temporibus non parua potestas conceditur.

Monetales Triumuiri cudendæ monete præfuerunt, nominati etiam A. A. A. F. F. id est, auro, argento, ære, flando, feriundo. De his accipiendus locus Cicer. ad Trebatium. Treuiros vires censeo: audio capitales esse, mallet auro, argento, ære essent.

Iam verò cū Iulius Cæsar in senatu esset interfectus, Octavianus ab eo adoptatus, anno 15CCX. Consul cum Q. Pedio, Hirtio & Pansa ad Mutinam

nam occisis, nihil moliebatur aliud, quàm vt interfectores patris sui vlcisceretur. D. Bruto ad Aquileiam interempto, M. Brutus Macedoniam, Cassius Syriam ex S. C. obtinebant. Octavius cum Antonio & Lepido de ordinanda, & corrigenda Repub. consultauit. Conuenit, vt in quinquenniũ omnia pro arbitrato, neque senatu, neque populo consulto agerent: suas quisque prouincias sortiti sunt, Romãq; ingressi, suos singuli inimicos proscripserunt, in quibus plurimi equites, CXXX. senatores, & in hoc numero etiam M. Tullius. Inierunt triumviratum V. Kalend. Decemb. ab V. C. 710. Cum per quinquennium gessissent, se in alterum quinquennium renuntiarunt. Non multo post nato dissidio inter Octaviũ & Lepidũ, Octavius eum persecutus, Triumviratũ ademit, supplicem vita donauit. Post in Antonium mouit, quo victo, ipse etiam Triumviratu abiit. Non vltra decenniũ hic magistratus in Repub. fuit. Quãquam dubitari potest, ecquid hic triumviratus potestatibus annumerandus sit. Quæ enim præter iussum, & auctoritatem senatus per libidinem dominandi arripiuntur, tyrannides potius dicendæ, quàm magistratus.

Et quia mos Romanis nunc hos, nunc illos Italix populos subiugatos parte agri multare, & in eam colonias deducere, aut in iam ante condita oppida novos colonos sui generis adscribere, quæ colonix tanquam præsidia in bello partis imponebantur, cum aut plebiscitum, aut S. C. factum, vt colonia deduceretur; & numerus colonorum scriptus, creabantur comitiis tributis curatores

qui deducerent, interdum tres, interdum quinque, septem, decem, viginti. Qui inde Triumui-
 ri, Quinqueniri, Septemuiri, Decemuiri, Vigintiuiri
 coloniæ deducendæ. Item Quinqueniri, Septem-
 uiri, &c. agris dandis, attribuendis. Agros enim
 nouis colonis diuidebant, vrbes designabant: ædi-
 ficare volentibus, areas partiebantur: com-
 modis regionibus urbem distinguebant: legibus & ma-
 gistratibus formabant: & ad speciem optimæ gu-
 bernationis Rempub. effingebant.

Secundo autem bello Punico Coss. cum ægre
 delectum conficerent, quòd inopia iuniorum non
 facile in vtrumq; , vt & nouæ urbanæ legiones, &
 supplementum veteribus scriberetur, sufficiebat,
 senatus abistere eos incepto vetuit, & Triumui-
 ros binos creari iussit: alteros qui citra, alteros qui
 ultra quinquagesimum lapidem in plateis forisq; ,
 & in conciliabulis omnium copiam ingenuorum
 inspicerent, & si qui roboris satis ad arma portan-
 da habere viderentur, ad populum ferrent, vt qui
 minores septem & decem annis sacramenta dixis-
 sent, iis perinde stipendia procederent, ac si septem
 & viginti annorum, aut maiores milites facti es-
 sent.

Duumui-ri nauales, perduellionis.

Duumui-ri nauales creati anno CDXLII. quo tem-
 pore acerrimum pop. Rom. bellum cum Samniti-
 bus. Tum populus rogante M. Decio Trib. pl. du-
 umuiros nauales classis ornandæ reficiendæq; ius-
 sit. Eorum igitur munus fuit, reficere & ornare clas-

classẽm, curareq; vt naualibus sociis impleretur & instrueretur commeatu. Creatus idẽ magistratus postea bello contra Ligures & Illyricos, vt patet ex Liuiõ lib. 40. & 41.

Duumuiri perduellionis à Tullo Hostilio tertio Romanorum Rege instituti, de quo Liuius lib. 1. legendus. Exactis regibus mos aliquandiu retentus, postea intermissus, quem tamen à Labieno Trib. pl. postremis temporibus in rempub. relatũ grauissime Cicero conqueritur.

Curatores tribuum qui commoda tribuũ procurarent, vt in vicis vicorum Magistri. Immẽsum spatiis confecimus æquor: itaq; interquiescamus aliquandiu censeo, antequam alia persequi instamus. S. Nos sanẽ libentissimẽ, vel huius quantum est reliquum diei te quiescere patimur, & si iubes, in crastinum redibimus. A. Nolo vel vnam noctem debere. Interea dum ego paululum inambululo, vos, si nostis, arreptis quæ illic pendent testudinibus canite. S. Optimẽ, hoc placet.

ANNOTATIONES.

DE COELO SERVASSET) *Interuenit deinde his cogitationibus animum malum, regni cupido, atq; inde fœdum certamen, coortum à satis miti principio, & cæt. Liuius lib. 1. Augurum erat de celo seruare, & obnuntiare, id est, per auguria aliquid publicẽ agi non licere significare. Nisi igitur antea de celo seruatum esset, nihil ritẽ ac legitimẽ, præsertim publi-*

publicis in rebus, actū putabatur. COGNITIONEM SENATVI PERMITTERE) Cognoscere & cognitio idem sunt vulgata notione & tritissima, quod intelligere, percipere, intelligentia, perceptio. Est tamen cupidus elegantia observandum, quibus verbis à Cicerone vocabulum abstractum, cognitio, copuletur. Apud eum igitur ita est, s. de finib. Quae corporis sunt, ea nec auctoritatem cum animi partibus comparandam, & cognitionem habent faciliorem. In Top. Caussarum cognitio cognitionem euentorum facit. Ad Att. epist. 18. lib. 16. Quae lex earum rerum quas Caesar gessit, magnam Coss. cognitionem dedit. Et 1. de Orat. Nam ipsa quidem res in perfacili cognitione versantur 1. de nat. deor. Ad hanc providentiam natura tam diligentem, tamq³ sollertem adiungi multa possunt, è quibus intelligitur, quanta res hominibus à deo, quam eximia tributa sint; qui primum eos humo excitatos, celsos & erectos constituit, ut deorum cognitionem calum intuentes capere possent. Ibid. Quae contuens animus, accipit ab iis cognitionem deorum. Aliquando cognoscunt rem quampiam, vel de re aliqua, quibus commissum est, de illa re negotium, & velut onus cognoscendi impositum. Cic. ad Att. lib. 16. Interfuisi cum Coss. oporteret ex S. C. de actis Caesaris cognoscere. In Bruto. Decrevit senatus, ut ea de re cognoscerent, & statuerent Coss. Nonnunquam iudiciale verbum est, & eo modo nos adhibemus, quando dicimus causam, vel de causa

cogno-

cognoscere, id est, causam examinare, discutere, ut diiudicetur. Cic. Verr. 4. Verres calumniatores apponebat: Verres causam cognoscebat: Verres causam iudicabat. REGEM INDUI VESTE) Ab induo, amicio, pracingo veteres dicebant indutus indutui, amictui, pracinctui, quarti ordinis. Induit autem, quod corpus ita integit, ut ei adhareat, et comprehendat, capitium, tunica, subucula: amicit, quod corpori circumiicitur, ut ricinium, pallium. Pracingunt, quae ad medium corpus aut pectus haerent, nectuntur, ligantur, comprehendunt, ut strophium, zona, castula. Est autem Nonio castula palliolum, quo nuda infra papillas pracingebantur. Turneb. lib. 23. cap. 1. ILLA MORULA) Utile praeceptum Ouidij. Differ, habent parua commoda magna mora. Docet hoc praclare Naeuium M. Tullius in Quintiana. Tu non modo aut C. Aquillium, aut L. Lucullum: sed ne ipse quidem te consulisti: sed ne ipse quidem ad te retulisti: ne hac quidem tecum locutus es. Hora dua fuerunt. Quintius ad vadimonium non venit. Quid ago? Si me hercule hac tecum duo verba fecisses. Quid ago? respirasset cupiditas atq; auaritia paululum: aliquid loci rationi, & consilio dedisses: tu te collegisses, &c. PRÆFECTVS VRBI) Tria genera Praefectorum urbis inuenimus. Vnum eorum, qui sub Regibus, & primis Coss. temporibus extraordinarium hunc magistratum gesserunt: alterum eorum, qui secutis temporibus, veruntamen adhuc libera cinitate, & Praef-

Et vr-

Et iurbis Latinarum caussa dicti sunt: postremum eorum, qui sub Imperatoribus ordinarij magistratus fuerunt. Erant autem extraordinarij magistratus, qui non singulis annis creabantur, nec annuam habebant potestatem: sed tum demum, cum necessitas flagitaret: qui simul ut munere, cui deligebantur persuneti essent, magistratu se abdicabant. Tamen Latina-
 RVM CAUSSA) Ferie Latina agebantur ad renouandam recordationem fœderis antiquissimi, olim inter Romanos & Latinos iēti. Populi omnes Latini in montem Albanum conueniebant cum hostiis, veniebant eodem omnes Romani magistratus, etiam Tribuni, quibus alioqui extra urbē pernoctare haud licebat. Ibi triduum aut quatrimum Ioui Latiori sacrificabant. Atq; ut ne interim urbs sine magistratibus esset, Praefectus urbi creabatur. (CANDIDATI) Fuerunt etiam qui candidati Principis aut Caesaris dicerentur. Tranquill. in Aug. Quoties magistratuū comitiis interesset, tribus cum cādidatis suis circumibat, supplicabatq; more sollemni. Ferebat & ipse suffragium in tribu, ut vnus ē populo. Candidatos Augusti nominat eos petitores, quos ipse populo commendabat, & quibuscum singulos ex more ambientium prehensabat, ciuilem personam ad tempus assumens, Principis deposita. Inde iocus apud Fabium lib. 6. cap. de risu. Iungitur, inquit, amphibolia similitudo: ut Lucius Galba, qui pilam negligenter petenti: sic, inquit, petis tanquam Caesaris candidatus. Nam il-
 lud,

Iud. petis, ambiguum est, securitas similis. *Cæsaris autem* candidati propterea negligenter petebant, ambabantq̃, quod Principis commendationem non frustra futuram confidebant. *Bud. in Pand. QVIA VERO POPULI AMICORVMQVE) Q.* Cicero *M.* frater libellum ornatissimum confecit de petitione Consulatus, in quo quæ in re dispersa, atque infinita videbantur, ratione ac distributione sub vno aspectu posuit. In eo (quod quidem ad hunc locum illustrandum pertinet) sic ait. Et petitio magistratuum diuisa est in duarum rationum diligentiam: quarum altera in amicorum studiis, altera in populari voluntate ponenda est. Amicorum studia beneficiis, & officiis, & vetustate, & felicitate ac incunditate natura paria esse oportet. Sed hoc nomen amicorum in petitione latius patet, quàm in cætera vita. Quisquis est enim, qui ostendat aliquid in te, voluntatis, qui colat, qui domum ventitet, is in amicorum numero est habendus. Sed tamen qui sunt amici ex caussa honestiore, cognationis aut affinitatis, aut sodalitatis, aut alicuius necessitudinis, his charum & incundum esse maxime prodest. *PRENSABANT EVM) Prensare* Græcis est φιλοπνεῖναι, φιλοφρονεῖναι, πρὸς αὐτὸν εἶναι, ἀρχαῖς ἐσιάζειν, δεξιῶναι. *MARIUM SEPTIMUM CONSVLEM) Ita dicendū eum, quoties aliquis consulatū caperit indicare volumus, tertium, quartum, quintum, &c. non tertio, quarto, quinto, &c.* Gellius lib.

lib.10. cap.1. (V M. FASCIBVS) Hinc manauit illa locutio, sūmittere fasces. Plin. lib.7. cap.30. Cn. Pompeius confecto Mithridatico bello, intraturus Posidonij professione sapientia clari domum, fores percuti de more à lictore vetuit, & fasces lictoris ianua submisit, is cui se Oriens Occidensq; submiserat. Cic. in Bruto. Nam mihi, Brute, in te intuenti, crebrò in mentem venit vereri, ecquodnam curriculum aliquando sit habitura tua & natura admirabilis, & exquisita doctrina, & singularis industria. Cum enim in maximis causis versatus esses, & cum tibi etas nostra iam cederet, fascesq; submitteret, subito in ciuitate cum alia ceciderunt, tum etiam ea ipsa, de qua disputare ordimur, eloquentia obmutuit. Est porro fasces submittere insignia vimq; imperij maiestati vel reuerentia cuius submittere, ut Publicola, qui primus hoc instituit. Linius lib.2. ANNORVM NUMERVS NOTABATUR) Sic atatem vini declarare voluit. Horat. Ode 8. lib.3.

*Hic dies anno redeunte festus,
Corticem adstrictum pice dimouebit
Amphora fumum bibere instituta
Consule Tullo.*

Christiani annos ab ortu Saluatoris numeramus. EAS INTER SE COMPARABANT) Linius lib.20. Cn. Seruilius Cæpio, & Cn. Seruilius Geminus Coss. cū de Repub. belloq; & prouinciis ad Senatum retulissent, censuerunt Patres, ut Cos. inter se compararent sortiren-

tirenturque, uter Brutios aduersus Hannibalem ac Ligures haberet provinciam. Obseruatu dignum genus loquendi elegans. IN CIVIS ROM. CAPVT) Cum octo pœnarum genera apud Romanos fuerint, damnum, vincula, verbera, talio, ignominia, exiliũ, seruitus, mors, sciendum postremam raro infligi solitam: quando populus ille à sanguine suorum, quamuis meritorum, fundendo vehementer abhorruit. NE QUID RESPVB. DETRIMENTI) Cic. in 1. Catil. Decreuit quondam senatus, ut L. Opimius Consul videret, ne quid Respub. detrimenti caperet. Nox nulla intercessit: interfectus est propter quasdam seditionum suspiciones C. Gracchus clarissimo patre natus, auis, maioribus. Occisus est cum liberis M. Fuluius consularis. Simili SC. C. Mario, L. Valerio Coss. permissa est Respub. &c. Pro Milone. Quamquam quis hoc credat, Cn. Pompeium iuris publici, moris maiorum, rei deniq; publicæ peritissimum, cum senatus ei commiserit, ut videret, ne quid Respub. detrimenti caperet (quo uno versiculo satis armati semper Coss. fuerunt, etiam nullis armis datis) hunc exercitu, hunc delectu dato, iudicium expectaturum fuisse in eius consiliis vindicandis, qui vel iudicia ipsa tolleret? Vm quoq; decreti huius sat plenè demonstrat Sallustius in Coniurat. his verbis. Cicero rem ad senatum refert. Itaq; quod plerunq; atroci in negotio solet, senatus decreuit, ut darent operam Coss. ne quid Respub. detrimenti caperet. Ea potestas per senatum more Ro-

mano magistratui maxima permittitur, exercitum parare, bellum gerere, coercere omnibus modis socios, atq; ciues, domi militiaq; imperium, atque iudicium summum habere. Aliter sine populi iussu nulli earum rerum Consuli ius est. Tunc autem committi, & permitti Respub. Coss. dicebatur Philipp. 5. Quapropter ne multa nobis quotidie decernenda sint, Coss. totam Rempub. committendam censeo, iisq; permittendum, ut Rempub. defendant, provideantq; ne quid Respub. detrimenti capiat. Catil. 2. C. Mario, L. Valerio Coss. permissa est Respub. IN VINCVLA DVCI) In vincula publica: nã & ergastula priuata erant. SVO-VETAVRILIA) Solitaurilia, seu suouetaurilia genus sacrificij immolatione trium hostiarum constans, tauri, arietis, verris: quòd omnes integri solidiq; corporis sunt: solum quippe lingua Oscoreum significat totum & solidum. Sic Festus. Meminit Linius in Servio Tullio. Censu perfecto quem maturauerat metu legis de incensis lata, cum vinculorum minis mortisq; edixit, ut omnes ciues Romani, equites peditesq; in suis quisque centuriis in campo Martio prima luce adessent. Ibi instructum exercitum omnem sue, oue, taurilibus lustrauit. Idq; conditum lustrum appellatum, quia in censendo finis factus est. SI QVIS AGRVM SVVM) De notis & animaduersionibus censoriis Gell. lib. 4. cap. 12. EQVVM HABERET GRACILENTVM) Equiti Romano nimium compto splendidoq; equum strigosum & vix osibus harentem habenti,

cum obequitantes urbem Censores venissent obviam,
 percunctantibus: ut quid ipse tam ruber, & comptus,
 equus tam macilentus & squalore oblitus esset. Hic e-
 ques Rom. quoniam, inquit, ipse me curo, equum ve-
 ro Staius meus servus. Visum est id parum reuerens
 responsum, atq; ob id ignominia à Censoribus notatus
 est. PRÆTORES) Prætores Varro lib. 4. appella-
 tum affirmat, quod præiret iure & exercitu: quo loco
 positus est casus sextus, pro tertio, quod veteres non
 raro fecerunt, quod & Nonius observavit. Sic Virgil.
 Æneid. 6. Teq; aspectu ne subtrahere nostro. Idem lib.
 12. curruq; abscissa suspendit capita. Vegetius, ut est
 in manuscriptis, lib. 1. cap. 9. sed & cursu præcipue a-
 snesfaciendi. Adhibebant etiam nonnunquam datiu-
 um pro ablativo teste Nonio, cuius insuper hæc sunt.
 Consulum & Prætorum proprietates, quod consulant &
 præcant populis, auctoritate Varronis ostenditur de
 vita pop. Rom. lib. 2. Quod idem dicebantur Consules
 & Prætores, quod præirent populo Prætores: quod con-
 sulerant senatui Consules. GRÆCORVM AGO-
 RANOMIS) Plant. Capt.

Euge editiones adilitias hic habet quidem.

Mirumq; adeo est, in hunc fecere sibi Aetoli Agoranomū.

Ædiles minores, seu plebis ita à Græcis vocantur.

PRÆDAM EX HOSTIBVS CAPTAM) Huc re-
 feras illud Plantini Hegionis, Capt. ad Lorarium.

Aduerte animum sis tu, istos capte cinos duos,

Here quos emi de prada, de Quæstoribus,

His indito catenas singulas.

A PRIVATO IN IVS VOCARI) Gell. lib. 13. cap. 13. (CONVENTVS CIRCVMIBANT) Conuentus erant loca, in qua populi ad ius accipiendum à magistratibus iuridicis congregabantur. Sic intelligendum illud Caesaris lib. 5. Comment. His confectis rebus, conuentibusq₃ peractis in citeriorem Galliam reuertitur. Tranquill. in Iulio cap. 7. Quastori vltior Hispania obuenit: ubi cum mandato Pratoris conuentus circumiret. Auctor est Plinius lib. 3. in Bethica fuisse iuridicos conuentus 4. Gaditanum, Cordubensem, Astysitanum, Hispalensem. M. TVLL. IN DIVINAT.) Cur hac oratio, qua aliàs 1. Verrina, Diuinitio nomen habeat, causam differit Gell. lib. 2. cap. 4. (VM TVLISSENT LEGES QVADAM) Romane leges aut à Regibus latae sunt, aut ab iis magistratibus, quos regno sublato, alios aliis temporibus creatos ciuitas habuit. Ipsas leges magna ex parte aliunde sumptas facile crediderim. Non enim dubitandum est, quin, cum ea tempestate in Italia & Albani, & Sabini, & prater ceteros Etrusci floruerint, cumq₃ Alba Romulus, in Sabinis Numa, Priscus etiam matre Etrusca, patre in Gracia nato, in Etruria educato, genitus esset, ad suam quisq₃ patriam respexerit, & ea qua in iis populis probabiliora videbantur instituta delegerit, Romaq₃ legibus sanxerit. Lege qua sequuntur in Pauli Manut. Comment. de Leg. Rom. nam ad caput istuc plurimum faciunt. EXACTIS REGIBVS) Sic loquebantur veteres, quamuis tan-

tum unus ciectus seu exactus esset, idq₃ propter insu-
 randum quo populum adegit Brutus, neminem un-
 quam passuros Romæ regnare. Diem quo pulsus vrbe
 Tarquinius est, regisugium in posterum dixerunt.
 PERSCRIPTAS IN TABVLIS ÆREIS) Ad-
 ducam Liniij verba de lib. 3. quoniam nō mediocrem
 hisce nostris perspicuitatem datura sunt. Decemviri
 ingenti hominum expectatione propositis duodecim
 tabulis populum ad concionem aduocauerūt, & quod
 bonum, faustum, felixq₃ reipub. ipsis liberisq₃ eorum
 esset, ire & legere leges propositas iussere: se, quantum
 decem hominum ingeniis prouideri potuerit, omnibus
 summis, infimisq₃ iura aquasse. Plus pollere multorū
 ingenia, consiliaq₃. Versarent in animis secum vnā-
 quamq₃ rem, agitent deinde sermonibus, atque in
 medium quod in quaq₃ re plus minū sue esset, conser-
 rent. Eas leges habiturum pop. Rom. quas consensus
 omnium non iussisse latas magis, quam tulisse videri
 posset. Cum ad rumores hominum de unoquoq₃ legum
 capite edito satis correctæ viderentur, centuriatis co-
 mitiis decem tabularum leges perlatae sunt, qua nunc
 quoq₃ in hoc immenso aliarum super alias acervata-
 rum legum cumulo fons omnis publici priuatiq₃ est
 iuris. Vulgatur deinde rumor, duas deesse tabulas.
 Postero anno & hæ comitiis centuriatis sunt perla-
 ta. HOC TOTVM EX PLAVTINA AMPHIT.)
 Apud Plantum hæc est Sosia serui oratio.

*Qui me alter est audacior homo? aut qui me confidentior?
 Inuenturis mores qui sciam: qui hoc noctis solus ambulem?
 Quid faciam nunc, si tres viri me in carcerem compegerint?
 Inde quasi è promptuaria cella depromar ad flagrum.
 Nec causam liceat dicere mihi: neq; in hero quidquam au-
 xilij fiet?*

*Nec quisquam sit, quin me omnes esse dignum deputent? ita
 Quasi incudem me miserum homines octo & validi cadant? ita
 Peregre adueniens hospitio publicitus accipiar.*

Asinaria.

*At malo cum tuo, Nam iam ex hoc loco
 Ibo ego a. l. tres viros, & strag; ibi nomina
 Faxo erunt, capitis te perdam ego & filiam.
 Ex reliquis comœdiis adscribere testimonia superua-
 caneum ducimus.*

PROGYMNASMA
 SEPTIMUMDECIMUM.

*Ciues Romanorum potesta-
 tes mutata Repub.*

IIDEM.

SCISCITANTES. Lulimus satis: si tu etiam
 Sambulasti satis, nihil est causæ quin regredia-
 mur ex isto velut diuerticulo in viam: & tu
 quidem reliquū sermonem pertexas, nos autem
 tibi sedulam, vt hætenus, operam demus auribus
 & mentibus. A. Inambulauī quidem satis: at non-
 dum satis mecum miseratus sum calamitatem il-
 lius omnium florentissimæ & augustissimæ Rei-
 pub.

pub. quam velut adultam & pudicam virginem à se raptam Imperatores, Iuliū Cæsarem secuti, impotenti exardescentes libidine construprarunt, & è libera atq; ingenua seruam reddiderunt: dum leges tantum dare, non item accipere, & omnia superbiæ, immanitatis, auaritiæ, luxuriæ impietatis exempla edere voluerunt: quasi ij demum Imperatorum digni nomine, censerentur, qui scelerosis facinoribus modum omnem, ac terminos omnes excessissēt. S. Tiberios videlicet, Domitianos, Neronos, Caligulas, Claudios, & alia huius ordinis portenta dicis, quorum res monumētis mandauit ita Suetonius, vt à doctis non perinde prudentia, quàm eruditio sermoq; laudetur: quāquam sunt, qui harum quoq; laudum neutram illi magnopere concedant. A. O deum immortalem, à quibus monstis aliquando an gubernatus, an vexatus, ac deformatus est orbis? Verū in hoc argumento longiores nos esse & tempus, & propositum vetat. Initium monarchiæ Romanæ explicare occipio. S. Ei caput vtiq; Iulius, successor Augustus, & huic Tiberius, & alij deinceps aliis: donec ad hæc tempora ventum est, quibus perdito penitus imperio, nomen tamen remanet. Sed nos taceamus, ne tuas tibi partes imprudenter & impudenter videamur quodammodo præripere. En fauemus linguis. A. O lepidos homines.

*Imperatores, Augusti, donati Tribunitia
potestate, pontificatu, consulatu.*

Cæsar debellatis in Hispania Cn. Pompeij filiis, belloque ciuili ad exitum perducto, postquam in

Vrbem rediit, Senatus, qui frequens à Pompeio steterat, cum magno in timore esset, ne ille victoria, quæ naturà insolens ac superba est, elatus, sese atrociter vlcisceretur, exquisitos ei honores decernendos putauit, in quibus hi vel præcipui: vt pater patriæ appellaretur: vt consulatum gereret in decennium: dictaturam in perpetuum retineret: sacrosanctus haberetur: Quintilis mensis ab eo Iulius nominaretur: comitia tributa in eius potestate essent: in eiusdem acta magistratus ineuntes iurarent: atq; etiam vt Imperator appellaretur. Hæc omnia velut hæreditas Octauio venerunt, cum aliis insuper honoribus: & Imperatoris vocabulum ad alios deinde profluxit. Voluerunt autem hac voce eum intelligi, nō qui propter rem bello præclare administratam auctoritate Senatus sic fuisset appellatus, sed qui summam in Re-pub. potestatem, summumq; ius obtineret. Quamquam iidem monarchæ, & Principes pro numero victoriarum etiam II. III. IV. V. Imperatores dicti sunt. Nominati sunt præterea Augusti, quo nomine primus affectus est Octauius. Cum enim Senatus populusq; singulari eum aliquo nomine illustrare cuperet, & nonnulli vocandum arbitrentur Romulum, quia & ipse conditor vrbis esset (quo nomine valde recreatum fuisse Octaviū scribitur) tamen ne hoc modo in suspicione regni affectati seu tyrannidis poneretur, placuit Munatij Planci sententia, vt Augustus non tantum nouo, sed etiam ampliore cognomine diceretur: quod loca quæq; religiosa, & in quibus auguratō quid consecraretur, & omnia quæ maximo honore digna

gna iudicantur, augusta solent appellari. Adhæc tribunitia potestate donabantur, Pontifices Maximi creabantur: quod omnia quæ in veteri statu formæque Reipub. multum valuissent, quo in maiore veneratione se collocarent, ac sese plenissimam potestatem adeptos ostenderent, assumenda putarent. Gratianus Valentiniani filius, edicto proposito primus se Pontificem appellari vetuit. S. Non igitur hi functiones ipsas, sed potestatem auctoritatemque his nominibus quesiverunt, ut apparet. A. Certè nihil aliud.

*Principes iuuentutis, Cæsares, nobilissimi
Cæsares.*

Qui autem dicebantur Principes iuuentutis, Cæsares, nobilissimi Cæsares, non illi quidem propriè magistratus erant: capiendis tamen magistratibus destinabantur. Nam Impp. de filiis, aut nepotibus, aut consanguineis, quorum præstantem cognouissent indolem, quosque ad imperandum fore idoneos iudicassent, sibi in imperio successores legebant, quos principio Principes iuuentutis nominabant: post dicti sunt Cæsares, tametsi Cæsarum gentiles non essent, tota nimirum deleta familia: cœpit enim esse dignitatis nomen tantum, quod retinere visum est, etiam cum ad culmen imperatoris maiestatis ascendissent: nempe ut Cæsares Imperatores dicerentur. Tandem Principes illi iuuentutis nobilissimi Cæsares appellari consueverunt. S. Iucunda quædam, quæ nos ferme latebant aperuisti. Varios Præfectos fuisse regnanti-

bus Imperatoribus certum est. Ergo de his sequatur explicatio: nisi tu aliud subiicere meditaris.

A. Accipite iam de Præfectis.

P R Æ F E C T I.

Vrbis, ararij, pratori, frumenti populo diuidenti, vigilum, Aegypti, Præfecturarum, Consulares quatuor per Italiam.

PRÆFECTVS VRBIS. Suasit Augusto Mæcenæ, uti hunc Præfectum institueret, cuius exemplum posteriores Imperatores tenuerunt. Præcipua porro huius Præfecti officia illa comperi. Seruorum in dominos, & contra horum in seruos querelas atque criminationes audire. Patronis de libertis ingratis querentibus ius dicere. De Tutorum Curatorumque criminibus cognoscere: nummulariorum, argentariorumque fraudes coercere: carniæ curam gerere: quietem populi procurare: illicita collegia coercere: spectaculorum disciplinæ præesse. Denique quidquid non intra urbem modò, sed etiam intra centesimum ab urbe lapidem commissum esset, animaduertere: sic, ut & urbe, & Italia interdicens potestatem haberet, itemque in insulam deportandi. Primus Præfectus proditur C. Cilnius Mæcenæ, homo decantatissimus. Satisne planè hoc præfecturæ genus intelligitis? S. Satis planè. A.

PRÆFECTVS ÆRARII. Ad urbem tutandam, custodiendosque imperij fines, quia legiones plurimæ, & præsidia alenda, cum in eam rem sumptus

ptus parum suppeditaret, retulit ad Patres Augustus, ut quo sine cuiusquam iniuria detrimentoque militibus stipendia persoluerentur, præmiâque distribuerebantur, census aliquis perpetuus constitueretur. Cum nihil conveniret, senatoresque graviter ferrent huiusmodi rationem quaeri, Augustus ipse proprium ærarium militare constituit, atque in id pecuniam pro se & Tiberio intulit, & se id in annos singulos facturum promisit. Eum secuti reges aliquot, & populi, idem promiserunt. Veruntamen cum ne sic quidem satis locupletaretur ærarium, & alius inveniri modus non posset, decrevit, ut hæreditatum, legatorumque pars vicesima eò referretur, iis exceptis, quæ proximis cognatis aut pauperibus relinquebantur. Huius igitur ærarij administrationem tribus Prætoriis sorte lectis ad triennium mandavit, qui binis lictoribus, aliisque ministris idoneis utebantur: quanquam postremis temporibus lictores eis dati non sunt.

PRAEFECTVS PRAETORIO. Iam nosse vos oportet, veteres magistratum omnem cui paret exercitus, Prætorem appellasse: eius tabernaculum prætorium, & in castris porta quædam prætorica. Præfectus itaque prætorio qui militibus iis præesset, quos ad custodiam corporis sui Impæ, allegerant. Inuentorem habuit hoc institutum Augustum, confirmatorem Tiberium. Ex Equitibus tantum Romanis initio legebatur: postmodum cum ex Præfectis Impæ. crearentur, & Senatoribus & Consularibus ad hanc dignitatē aditus apertus est, duravitque ad Constantini tempora, qui

qui orbe Romano in quatuor præcipuas partes seu diœceses diuiso, quatuor item Præfectos prætorio creauit, vnum Præfectum prætorio Galliarum, alterum Italiæ, tertium Illyrici, quartum Orientis. Qui in vrbe cohortibus prætoriis præficiébatur, eius maior fuit amplitudo: qualis Magistri Equitum sub Regibus. Plena ei publicæ disciplinæ corrigendæ potestas: nulla ab ea appellatio. Vt primùm erat lectus, tradebatur ei ab Imp. cingulum cum gladio. Traianus quidem ita dixisse fertur cum Suram Præfectum legit: Græca verba cultius & grauius rem exprimentia apud Suidam hæc sunt. *δέξαι τὸ ξίφος Ἰστο, καὶ εἰ μὲν καλὸς ὑπάρχω ὑπὲρ ἐμῶν, εἰ δὲ μὴ, κατ' ἐμῶν χρεῖσαι.* Accipe hunc ensẽ, & si quidem rectè atque è repub. impera- uero, pro me, sin secus, in me vttere. S. O vocem æquitatis & iustitiæ indicem. Nulla re tam facilè in officio retinentur ciues, quam cum violati iuris pœnam etiam ipsi Principes expendunt: & quibus tanto sunt superiores, iis fiunt colenda ad vnguẽ iustitia pares. Quod genus Præfecti sequitur? A.

PRAEFECTVS FRUMENTI populo diuidendi. Gracchi lege senis trientibus in singulos modios constitutis frumentum populo dabatur. Sed rogatione P. Clodij effectum est, vt gratis daretur: quod vt seruaretur, Augustus ad imperium euectus lege sanxit. Et quò plus gratiæ apud populum colligeret, eò frequentius distribuendum curauit. Distributioni huic præpositus, Præfectus frumenti populo diuidendi audiuit. Frumentum uoq; in annonæ difficultatibus sæpe leuissimo, inter-

interdum nullo pretio viritim admensus est, tesserasq; nummarias duplicauit, ait Suetonius. S. Quid sunt tesserae nummariae? A. Quibus allatis promissi pro congiario nummi praeberentur: Sic legimus tesseras frumentarias, olearias, cœnarias: quas reddentibus frumentum, oleum, aut cœna daretur.

PRAEFECTVS VIGILVM. Idem Imperator cum opportunis locis cohortes septem constituisset, & vnaquæq; binas vrbis regiones tueretur, Tribunos eis praefecit, & his omnibus virum spectata fide, qui Praefectus vigilum diceretur. Hic cognoscebat de incendiariis, effractoribus, furibus, raptoribus, receptatoribus. Et quoniam incendia ferme habitatorum culpa proueniunt, aut fustuarium iniungebat illis, qui ignem negligenter habuissent: aut seuera increpatione multa comminatus eos castigabat. Noctem totam vigilabat: cum hamis & dolabris obambulabat: omnes de cauendo incendio, de aqua in promptu ad flammam si orta fuisset restinguendam admonendos curabat.

PRAEFECTVS ÆGYPTI. Cæterum omnes Augustus, quos extra Italiam prouinciis praeponit, Praefectos appellauit, fuitq; eadem propemodum eorum ratio, quæ olim Proprætorum & Proconsulum. Ægypti Praefectus, quem victis Antonio & Cleopatra, & Ægypto in prouinciæ formam redacta imposuit, qui etiam Augustalis, fiebat ex Equestri ordine: nam quò minus hanc praefecturam senatoribus crederet, caussa fuit, quòd verebatur, ne nouis rebus studerent, si qui
inge-

ingenio turbulentiore fuissent. ~~Id~~ mo etiam potestatem in Aegyptum proficiscendi, nisi id ipse alicui nominatim permisisset, omnibus ademit. Primus Præfectus nominatur Cornelius Gallus, amicus P. Virgilij.

PRÆFECTI PRÆFECTVRARVM qui Præfecturis præerant, & in iis ius dicebant: propriè prouinciales magistratus non erant. Appellabantur enim in Italia præfecturæ illæ vrbes, in quibus & ius dicebatur, & nundinæ agebantur, & earum erat quædam Respub. neq; tamè suos magistratus habebant, in quas quotannis mittebantur qui ius dicerent. Earum genera duo. Alterū in quas solebant ire Præfecti populi suffragio creati: alterū in quas Prætor vrbano quotannis Præfectos mittebat.

CONSULARES QVATVOR qui per Italiam ius diceret, ab Hadriano sunt instituti. Is cum Italiam in quatuor regiones diuississet, in singulas Præfectos misit, potestate ferè proconsulari, qui, quòd prius Romæ consulatum gessissent, Consulares dicti. In disceptandis Italorum controuersis tantum erant occupati: rem militarem non attingebant.

Aduocati fisci.

De Aduocatis fisci paucis expediam. Fisci, fiscinæ, fiscellæ sparteæ vtenfilia ad maioris summæ pecunias capiendas. Vnde quia maior summa pecuniæ publicæ quàm priuatæ, vt pro censu priuato loculos, & arcam, & saccellos, sic pro publico thesauro ærarij fiscum dicebant. Propriè fiscus Principis erat, vt ærarium populi. Qui huic fisco patrocinebatur, fisci Patronus, vel Aduocatus dicebatur,

isq; à M. Antonino Philosopho primus est institutus.

Varij magistratus ab Augusto.

Denique quò plures partem administrandæ Reipub. caperent, ait Sueton. in Augusto noua officia excogitauit: curam operum publicorum, viarum, aquarum, aluei Tiberis, frumenti populo diuidenti, præfecturam vrbs, triumuiratum legendi senatus, & alterum recognoscendi turmas equitum, quotiescunq; opus esset. Censores creari desitos longo interuallo creauit: numerum Prætorum auxit. Idem cum urbem in quatuordecim regiones diuississet, per singulas duos curatores, & duos denuntiatores creauit. Curatorum munus erat procurare apud Principem commoda regionum, decorem & elegantiam viarum, & vicorum vrbs: ne à priuatis nouis ædificiis interromperentur prouidere, & alia eiusmodi. Denuntiatorum, quidquid regioni tam publicè quam priuatim accideret denuntiare. Magistri vicorum, qui & Vicomagistri, quatuor per singulos vicos creabantur, vt illos tuerentur. de his crebra mentio apud Sex. Rufum, & P. Victorem libris de regionibus vrbs, Sueton. cap. 30. Hæc quàm breuissimè vt & ego potui, & vos fortasse voluistis. S. Nos quidem plura cupiebamus: sed molesti esse nolumus benemerenti nostro. De ministris tamen magistratuum velut auctarium expectamus. A. Et hoc dabo vobis.

ANNOTATIONES.

SUNT QUI HARVM QVOQVE LAVDVM)
Suetonium cum Tacito componens oratione 12. volum. 2. Muretus, hunc illi longè anteponit: in quo nihil sit, ex quo eius aut prudentiam, aut eloquentiam, aut eruditionem ullam eximiam agnoscas. A veterum nemine inter eruditos aut disertos nominatum: nimis subtiliter ac particulatim spurcissima flagitia Imperatorum persecutum ut docere voluisse videatur. Lege cetera. SACROSANCTVS HABERETVR) Sacrosanctum dicitur, ait Festus, quod iurando interposito est institutum, si quis id violasset, ut morte pœnas penderet. Cuius generis sunt Tribuni plebis, Aedilesq, eiusdem ordinis. Quid differant inter se sacrum, sacrosanctum, sanctum, religiosum, Aldus de quasit. per epistolam libr. 2. cap. 10. HÆC OMNIA VELVT HÆREDITAS) Patrem patria dictum testatur Ovid. 2. Fast.

*Sancte pater patria tibi plebs, tibi curia nomen
 Hoc dedit, hoc dedimus nos tibi nomen eques.
 Res tamen ante dedit: sed nunc quoq, vera tulisti
 Nomina, iam pridem tu pater orbis eras.*

PROPTER REM BELLO PRAECLARE) Honoris amplissimi, nomen Consulis esse dicit M. Tull. Philipp. 14. sed virtutis & victoria Imperatoris. Ibi-
 dem Pansam, Hirtium, Casarem Octavianum repub.
 bene aduersus M. Antonium gesta Imperatores cen-
 set appellandos, Duobus enim modis vsi sunt vocabulo
 Impera-

Imperatoris. Vno pro quocunq; exercitus dux, qui ius belli gerendi haberet: altero qui hostibus magno numero casis profligatisq;, aut rebus magnis gestis eo nomine primum acclamatione militum, post senatus decreto esset affectus. Cic. Magnum numerum hostium cecidimus, castella munitissima capimus, incendimus, Imperatores appellati sumus. Etiam Legati & Quæstores secundis praliis si absente ducerem, bene gessissent, idem nomen consequerentur. NON TANTVM NOVO, SED) Ouid. ad Germanicum Casarem 1. Fast. Et tuus Augusto nomine dictus avus. Postea per collationem multorum quibus incluta nomina obtigerunt, ostendit nullum esse tam gloriosum. Tandem hæc addit.

Sed tamen humanis celebrantur honoribus omnes:

Hic socium summo cum Ioue nomen habet.

Sancta vocant angusta patres: angusta vocantur

Templa, sacerdotum rite dicata manu.


Huius & augurium dependet origine verbi,

Et quodcunq; sua Iupiter auget ope.

PRINCIPES IUVENTUTIS) Hic titulus aliquando honorificentissimus fuit in equestri ordine. Patet clarissime ex Linio lib. 42. ubi se de victoria effrens Perseus Macedonum Rex, victos esse dicit Romanos equites illos principes iuventutis, equites seminarium senatus: unde legerentur Patres, unde Coss. & Imp. crearentur. Cic. L. Domitium Ahenobarbum iuventutis principem vocat, tanquam summæ expectationis iuvenem. Sic pro Sulla L. Torqua-

tum principem, & signiferum iuuentutis: quoniam in tumultu Catilinario inter equites studium suum aduersus rempub. eximie ostenderat. Imperatores postea Romani exemplo Augusti suos ita nepotes & consanguineos appellarunt, velut apices nobilium iuuentutis. Augustus igitur nepotes ex Iulia duos cum adoptasset, & L. atq; C. Caesares appellasset, tenera aetate in equestrem ordinem retulit, qui mox ab eodem ordine clypeis aureis, hastisq; puris donati, & principes iuuentutis nuncupati sunt. IN PROVINCIAE FORMAM REDACTA) Nihil erat aliud olim in provincia formam redigere, quam leges domesticas adimere, Romanas dare, ac Praetorem, qui quotannis provinciam ex legibus datis administraret, instituere. Prouinciales autem sunt, non ij solum, qui ex provincia oriundi sunt, sed etiam ij, qui in provincia domicilium habent. CORNELIVS GALLVS AMICVS P. VIRGILII) De hoc in vita Virgilij Donatus. In eius gratiam, scripta ecloga decima. ADVOCATVS FISCO) A fisco deflexum est verbum Confiscare, pro, deferre ad fiscum Principis.

Et apud Sueton. in Aug. Confiscata bona, quae fisco sunt adiudicata.



PROGYMNASMA

OCTAVVM DECIMVM.

Ministri magistratuum.

I I D E M.

ANTIQVARIVS. Ministri de quibus quæritis hî fuerunt. Scribæ, apparitores accensî, interpretes, præcones, lictores, viatores, serui publici, carnifices. De singulis quo ordine enumerati sunt dicamus. S. Quod tua & nostra ex sententia eueniat.

SCRIBÆ proprio nomine antiquis dicti sunt, auctore Festo, & librarij, & poëtæ. At nunc dicuntur, inquit, scribæ quidē librarij, qui rationes publicas scribūt in tabulis. Apparuerunt singulis magistratibus, ipsiq; eos sibi legebant ea de causâ, vt publicas rationes in tabulas referrent, legesq; & acta omnia perscriberent. Eorum erant decuriæ, in quarum aliqua locū sibi emebant, qui scribæ fieri volebant: sed pro dignitate magistratuum, quibus scriptum faciebant, etiam ipsi honorabātur. Ergo Quæstorius scriba inferiore loco, quam Ædilitius aut Prætorius ducebatur: solebātq; pro elogiis sibi adscribere, quibus magistratibus scribendo seruiissent, quod ex vetustis monumētis patet. Veruntamen vniuersè neq; grauem, admodum, neq; honestū valde scribarum ordinem fuisse duo quædā fidē faciunt. Vnū quod Probus in Eumene multo honorificentius apud Græcos ait, quàm Romanos

b 2 id offi-

id officij genus fuisse. Apud hos enim mercenarios, ut erant, habitos: cum apud illos nemo nisi honesto loco, fide & industria cognita admitteretur, quia necesse esset eum omnium consiliorum esse participem. Alterum, quod Gellius lib. 6. cap. 9. ex 3. Annali Pisonis. Cn. Flavius patre libertino natus scriptum faciebat. Isque in eo tempore Aedili Curuli apparebat, quo tempore Aediles subrogantur. Eumque primæ tribus Aedilem Curulem renuntiauerunt. At Aedilis qui comitia habebat, negat accipere. Neque sibi placere, qui scriptum faceret, eum Aedilem fieri, Cn. Flavius Annij filius dicitur tabulas posuisse, scriptu se abdicasse. Isque Aedilis & curulis factus est. Idem dicitur ad collegam venisse visere ægrotum. Et in conclaue postquam introiuit, adolescentes ibi complures nobiles sedebant. Ij contemnentes eum, assurgere ei nemo voluit. Id ille arrisit. Sellam curulem iussit sibi afferri. Eam in limine apposuit, ne quis illorum exire posset: utique ij omnes inuiti viderent sese in sella curuli sedentem. Manifestè igitur cernitis adeo vile & inglorium fuisse scribarum munus, ut qui eo fungerentur, non satis digni magistratu censerentur.

APPARITORES οἱ παριστάμενοι τοῖς ἐν ἀξιώσεως
qui magistratibus apparebant, atque ad eorum iussa efficienda paratos se promptosque offerebant. Nomen est generis, de ministris nimirum magistratuum, præsertimque de viatore, qui alias stator, usurpari solitum. Actus ipse ministeriumque, seu officium apparendi, apparitura dicitur. Hinc apud Sueton. de claris Grammat. alicui apparitura-
ram

ram facere. Vocatur item apparitio. Et apparere, quod ex dictis colligitis, est exhibēdi officij, & obsequij gratia præstō esse: quod ad illum Virgilij versum 12. *Æneid.* Seruius docuit.

*Hæc Ionis ad solium, sanig, in limine regis
Apparent, ac uuntq, metum mortalibus agris.*

ACCENSI, qui decurionibus accensebantur, hoc est, attribuebantur in militia: qui etiam ferentarij, quod scilicet his armis depugnarent, quæ ferrentur, non quæ tenerentur, pugnis & lapidibus. Ita Nonius. Item qui in locum mortuorum militum surrogabantur, & ad supplementum legionum adscripti essent. Præterea ministri magistratuum, qui accirent, id est, vocarent, quicq, molestis interpellatoribus silentium imperarent. Accensus siquidem instar præconis, iubente Consule Quirites ad concionem cogebat. Singulis prouinciarum præsidibus accensi dabantur: nec nisi libertorum id munus erat, ut Cic. ad Q. F. epistola quadam testatus est.

INTERPRETES ij vocati, quos inter gentes externas ad earum orationem interpretandam adhibebant. Alioqui interpret etiam is est, ut scitis, qui inter aliquos vel conditionis, vel amicitiae, vel alterius commodi proxeneta & conciliator est: cuius præmium græcè ἐρμηνεύων quasi æs interpretitium, & pararium dicas.

PROECONES varium multiplicemq, vsum habuerunt. Ad hastā stabant, seu in auctione rei pretium indicebant. In concionibus audientiam faciebant. In comitiis magistratuum tribus ad inuenda suffragia citabant, & eos qui designati erant,

renuntiabant. In ferendis legibus, subiiciente scriba leges populo pronuntiabant. In iudiciis & questionibus, iudices, reos, accusatores, & testes citabant, oratores dixisse proclamabant. Inde præconium facere.

LICTORES Etruscorum exemplo Romulus instituit. Valgius Rufus & Nonius à ligando dici lictorem putant. Nam antiquis erat ligo ligere, ligui lictum: ut frico fricui frictum; plico plicui plictum. Tiro apud Gell. lib. 12. cap. 3. à licio, vel à limo nomen istuc inclinat. Licio enim transversò, ait, quod limum appellatur, qui magistratibus præministrat cincti erant. Verius est, à ligando. S. Quid ligabāt? A. Manus reorum. Etenim antiquitus carnificis officiumungebantur. Vnde illud, I. lictor, colliga manus, verbera vel intra pomerium, vel extra pomerium. S. Servine erant, an liberi? A. Liberi, è libertis aut libertinis: habebant ius toga, & omnino ciues erant. S. Quæ, aut quot nam præcipua eorum munera? A. Tria, præire magistratui cum fascibus, summonere, animaduertere. S. Percupide arripiemus, quæ abs te sparsim lecta, & in unum velut corpus collecta nobiscum communicare volueris. Et quoniam ita proposuisti, de præitione primum audire lubet: post de submòtione: tandem de animaduersione. A. Sic agemus.

Ante magistratum lictores incedebant non gregatim aut confusè, non bini, terniue, sed singuli, & in lineam: et primus dicebatur qui anteibat, & tanquam agmen

agmen ducebat: proximus qui clauderat, proximeq;
 à magistratu aberat. Valerius lib. 1. Maxima dili-
 gentia maiores hunc morem retinuerunt, ne quis se in-
 ter Consulem & proximum lictorem, quamvis officij
 causa una progredieretur, interponeret. Non igitur
 proximus lictor idem qui primus: nam primus ab or-
 dine euntium, cuius proprium munus submouere, quod
 primus in turbam incurrebat. Proximus inter XII.
 postremus, qui mandata à magistratu, aut literas ac-
 cipiebat, & operam familiariorem præstabat. Aliàs
 etiam summus lictor, & lictorum caput, Græce
 ἀρχελοχός.

Submotio cum strepitu et imperio quodam fiebat:
 voce, manu, virga locum sequenti magistratui facie-
 bant. Festus. Matrona, inquit, à magistratibus
 non submouebantur, ne pulsari contrectariue vide-
 rentur, nèue grauida concuterentur. Habetis in his
 verbis testimonium duplex, de manu & virga: pulsa-
 ri ait, & contrectari: nam virgam ad pulsandi usum
 gestabant. De voce quanquam nullum videtur du-
 bium, tamen declarat expressè illud Liniy libr. 8. de
 subito aduentu Papirij in curiam. Repente strepi-
 tus ante curiam lictorum submouentium auditur:
 & ipse infensus aderat. Diligentissimè porro obser-
 uabant lictores, ut submouerent personas infames, pu-
 ta lenones, meretrices, & id genus: ne occursum homi-
 num istorum quasi obscæno & mali ominis, maiestas
 magistratus contaminaretur. Seneca in Controuers.

Maieſtatem laſam dixiſſem, ſi tibi exeunti liſtor e conſpectu non ſummoniſſet meretricem. S. Quid ſibi voluit Plin. lib. 9. cap. 35. cum ſcripſit: cupiuntq; iam & pauperes, liſtorem famina in publico vniones eſſe diſtitantes? Quis eſt iſte liſtor famina? A. Pauperes faminas vnionibus gaudere ſignificat, quòd in publico cum ſint, iſtis de via decedatur, videanturq; diuites: ut margarita ſit pro liſtore faminis, turbamq; ſubmoueat. S. Iſti tam feſtina explicationi qui non aſſentiatur, putamus futurum neminem. A. Animaduexio, liſtoris ſolebat, verbis et clamore fieri: animaduerti iubebat, & animaduertere à magiſtratu iubebatur: eſtq; proprium hoc in re liſtoria verbum, quo comprehendebant, quidquid honoris venienti magiſtratus exhiberi ſollemne eſſet, ut aſſurgere, caput aperire, equo aut curru deſcendere, ferrum ponere, & ſi quid eiſmodi. Nec ſolum priuati aſſurgebant, verum etiam minor magiſtratus maiori. Viri ſedentes cum vxoribus in vehiculo deſcendere non cogeantur. De muneribus nihil præter hac. Sunt tamen quedam coniuncta cum inſignibus, de quibus utriſq; aliquid. S. Valde id te oramus.

A. Inſignia liſtorum faſces & virga. Faſces bacilli aliquot teretes ex ulmo, aut betulla arbore, loro colligati in modum faſcis, illigatis ſecuribus, quas inuidia Conſulum minuenda primus dempſit Publicola. Manſerunt igitur in bello tantum, & extra urbem. Ferebant in humeris, aut fortasſe etiam ſurrectos: non enim

enim quidquam certum. Quod si per viam magistratui alicui maiori occurrerent, statim submittebant, & honoris causa inclinabant. Auctor moris Valerius, qui primus summissis populo fascibus, id est, in terram depressis & ante pedes quodammodo deiectis, in concionem ascendit. Gratum id multitudini spectaculum summissa sibi esse imperii insignia, confessionemque factam, populi, quam Consulis maiestatem, vimque maiorem esse. Imo vero ad huiusmodi occursum, si extra urbem fieret, minor magistratus etiam secures deponebat. Præter fasces manu virgam gestabant tum ad summuendum, ut dictum est, tum ad ianiam tangendam. De hoc more Martialis.

Bis senos iubet enredire fasces.

Nato Consule: nobilisque virga

Vatis castali domum sonare.

Quoties enim magistratus suam aut alienam domum intraturus erat, lictor præcedens, virgâ fores percutiebat, ad significandum eius aduentum. Plinius lib. 7. Cn. Pompeius confecto Mithridatico bello, intraturus Posidonij sapientie professione clari domum, fores percuti de more à lictore vetuit. Hucusque de lictoribus dictum esto.

VIATORES ex eo inducti, quod cum agri essent in propinquo urbis, & initio omnium tribuû assiduò rusticarentur Romani, crebrius homines seu senatores à magistratibus, seu à senatu in curiam per ministros vocari oportebat: quorum opera cum tam esset crebra, seu crebrior in via, quam

in vrbe, & ab agris in urbem, ab vrbe in agros toties commearent, appellati sunt Viatores. Postmodum consuetudine loquendi ad eos translatum est hoc nomen, qui iussu magistratus reos, in ius vocarent: qui tum Apparitores, tum Executores litium plerumque dicuntur. Plin. lib. 18. cap. 3. Aranti quatuor sua iugera Cincinnato, Viator attulit Dictaturam, & quidem nudo, plenoque pulueris etiamnum ore. Cui Viator, vela corpus inquit, ut proferam senatus populique mandata.

SERVI PVBLICI, quorum ministerio magistratus ferme omnes utebantur. Romani quippe morem hunc retinebant, ut Respub. ex gente captiva plerumque servos quosdam seligeret atque poneret ad varios usus. Itaque scriptum est apud Livium lib. 26. Scipionem victa Carthagine opifices ad duo millia hominum publicos fore edixisse, cum spe propinqua libertatis, si ad ministeria belli enixe operam navassent. Qui mos fuit etiam in Græcia. Plaut. in Captivis.

Sed is privatam illic servitutem servit, an publicam?

Hæc. Privatam, medici Menarchi

Huiusmodi servos ut distinguerent, à provinciis unde adducti, aut à personis eorum qui vicerant quique adduxerant appellabant. Prioris generis fuerunt Brutiani, Cyprij, Picentes, Lucani. Posterioris Corneliani, Clodiani, &c. Atque hi plerumque in libertatem afferi solebant: ut tamen nihilo fecius officia quædam Reipub. deberent, quasi liberti. Quibus & annua quædam Respub. ad victum & vestem largiebatur.

CARNIFICES non solum in numero civium
non

non erant, sed ne domicilium quidem in vrbe habebant. Per eos fontes in crucem agebantur, vt per lictores securi feriebantur. Sallust. in Catilin. vindices rerum capitalium. In eum locum postquam demissus est Lentulus: vindices rerum capitalium, quibus præceptum erat, laqueo gulam fregere. Exposui vobis quæ sciebam pœne omnia, & vt arbitror magis famem vestram irritaui, quàm expleui. S. In præsens quid respondeamus nihil est, nisi hoc vnum, te de vtroque nostrum tam bene meritum esse, quàm qui optimè. A. Iam istuc gaudeo, quia vos gaudetis.

ANNOTATIONES.

QUIBUS SCRIPTVM FACIEBANT) Scriptum facere (quod barbarè dicas notarium esse) scribendi artem exercere ac profiteri, scribam esse. Abdicare se scriptu, est eo officio renuntiare. Notare Quintiliano in præfat. est compendioso scribendi genere excipere: quod etiam dici potest, notis scribere & excipere. Scriptura item compendia dicere licebit, quas barbari abbreviationes. LICTORES) Delictoribus qua afferuntur, ex collectaneis Lipsy decerpta sunt, Elect. lib. 1. cap. 23. ut qua de seruis ex eiusdem Elect. lib. 1. cap. 22. SVB MOTIO CVM STREPITU) nec tamè vt multitudinem submonere poterant, ita etià arcere ac depellere curas animi, & molestias. Quò respexit Horatius Ode 16. lib. 2. cum scripsit,

neq; consularis
Summonet lictor miseros tumultus
Mentis.

Signi-

*Significat honoribus homines non esse beatiore, cum
 foelicitas, animi tranquillitate censeatur, quam pra-
 stare non potest licitor. Nam ut summonere possit tur-
 bam, non tamen poterit vitiorum, & perturbationum
 tumultum arcere. Turneb. lib. 15. cap. 10. De licitore
 Curiato vide eundem lib. 11. cap. 10. (CARNIFICES)
 Quamobrem carnifices in odium hominū incurrant,
 docet Magius Miscell. li. 4. cap. 16. Censoriae leges eos
 foro & domicilio urbis priuarunt. Testatur idipsum
 Cic. pro Rabirio sed moreretur prius acerbissima mor-
 te millies Gracchus, quam in eius concione Carnifex
 consisteret; quem non modo foro, sed etiam calo hoc ac
 spiritu Censoriae leges, ac urbis domicilio carere volue-
 runt. Rhodiorum lege etiam urbem ingredi vetaba-
 tur. Apud Terentium magni probri loco Carnificis
 nomen tribuitur.*

PROGYMNASMA NONVMDECIMUM.

*Num sint è Repub. perpe-
 tui magistratus.*

CREMVTIVS, LINVS.

CREMVTIVS. Non multum effluxit tem-
 poris Line, cum tale quiddam mihi conti-
 git, quale Melibœo in ecloga contigisse Ma-
 ro no-

ro noster festiuè comminiscitur. L. Quomodo?
 C. Audies. Confederant forte in solo loco Sabinus
 & Fundanius, vterq; vtriq; nostrum veteri neces-
 situdine cōiunctissimus, & inter se, quod animad-
 uertebam, acriter disputabant. Aderat tanquam
 Daphnis & arbiter certaminis Constantius. Is vbi
 me prope ambulantiem, & præterire volentē con-
 spexit, ocyus inquit, Cremuti, huc ades. Et si quid
 cessare potes, sub ista ilice mecū in vmbra requie-
 sce, atq; vtrius horum sententia veritati videatur
 magis consentanea, iuxta mecum considera. Qua
 de re inquam contendunt? De perpétuitate magi-
 stratus, ait. Partem affirmantem tuetur Sabinus:
 inficiantem Fundanius. Nondum cæperat conti-
 nenter dicere posterior: tantū interpellabat ad-
 uersarium, & argumenta eius eleuabat: & ille iam
 parabat desinere, paratus audire, quid contra se
 afferretur. Datum est mihi hoc à Sabino, vt breui-
 ter, à se dicta, & à capite repeterē. Quæ cum haud
 absurda apparerent, nec penitus incredibilia, fa-
 ctum est tamen, vt Fundanij oratio ad assentien-
 dum me vehementius impulerit. Quare vbi as-
 surrexi vt abirem, duos de septima ecloga extre-
 mos versiculos *παρρησιος* usurpauī in hunc mo-
 dum.

Hac memini, & frustra dictum pugnare Sabinum.

Ex hoc Fundani nobis Fundanius esto.

L. Sunt & mihi carmina, & gliscit animus similem
 disputationem capeßere, & cum Fundanio qua-
 stionis huius partem negantem, vt veriore de-
 fenditare. Quod vt me facere sinas, ita te oro, si
 personam Sabini simulare velis, tuisq; verbis fir-
 mamen-

mamēta iterare, & de tuo addere, si quid addendū putabis. C. Concedam petitioni tuæ, & in speciem te laceſſam. Tu ſi feruentius contra diſſerere uolueris, Sabinum tibi aduocabo, qui pertinaciter placitum ſuum defendit. L. Mihi curæ erit, ne nihil lædentem vlcifcar. C. En tibi ratiocinationes.

Pars aiens.

Si vno & altero anno tantum gerendus eſt magiſtratus, prius honore ſuo perſungentur, & ad priuatum vitæ ſtatum reuertentur, quibus ſe regendam reſpub. commiſerit, quam illi cauſſarum, negotiorumq; ciuiliū notitiā acquiſierint. Temperari autē ciuitatem ab inexpertis, inexercitatis, nullo, aut mediocri uſu præditis, non poteſt in fructuoſis numerari. Qui diutiſſimè, aut ſemper gubernacula tenent, vt aliis aliquando perſpicacitate ingeniorum cedant, exercitatione quidem & experientia, quæ magiſtros vincit omnes, longè antecellunt. Quis porrò nescit, magiſtratum in tempus breue mandatum nulla eſſe auctoritate? Et proſectò, qui ſe haud multo poſt loco motum iri non ignorat, aut amiſſionem poteſtatis metuit, is neutiquam iniuſtæ Principum voluntati libidinèq; aduerſabitur: tenuiores aduerſus opulentos minimè tuebitur: populi commodorum paruam rationem ducet: ne cum prouinciam alteri traderit, ſibi à potentibus multa accidant contra æquitatem, iniuriæq; graues inferantur. Nec verò ita promptè ac nauiter eorum imperia exſequimur, qui cum paulò ante eodem quo nos ordine cenſerentur, rurſum paulò poſt in eundem ordinem

nem redigendi sunt. Adde quod ad compescendam Principis tyrannidem nihil est præsentius, continuata per omnem vitam potestate: siquidem frequens honorum mutatio eius potentiam auget ac stabilit: quæ deinde aucta & stabilita, dominatum inuadit, & omnia iura pessundat. Quo autem amplius de imperio Principis detractum fuerit: seu quò magis imminuetur, eò tolerabilius euadet. Atqui perpetuitate honorum diminuitur: dubitare ergo non conuenit, quin Reipub. commodet successionem carès magistratus. Natura quoque dux optima in omnibus, immutabilis est, quæ continuatio potestatum pulchre imitatur. Metuendum præterea, ne noui magistratus pauperioribus incommodent: quippe adhuc vacui, & proinde compendiorum suorum sitientes: cum veterani quæstus ac diuitiarum pleni iam sint. Antoninus Pius viuenti bono magistratui successorem non dedit, præterquam Orphito Præfecto urbi, sed roganti. Tiberius item prouinciarum Prætoribus nisi fato functis successores nullos mittebat, ob eandem scilicet aliasq; causas. Hoc item Claudianus in Honorio laudat.

crebris nec succedentibus Orget

Indicibus.

Nunc tu quandiu voles contra differe: libenter intelligam, tu ne an Fundanius hanc partem eruditius, acutiusq; tractauerit. L. Futurum spero planè, vt si non maiorem, at similem certe voluptatem rationes meæ tibi pariant, Eas explico in hæc verba.

Par

Pars negans.

Certum est, si Rectores administrationum suarum rationes edere non cogentur, ad tyrannidem aspiraturos. Quî autem cogentur, si eorum potestas nullo termino ac fine temporis circumscribitur? Si imperandi parendiq; commutatio tollitur? quę superba ingenia in gyrum quodammodo ducit, nec animos licentia ebrios fieri permittit. Quòd si paucorum mensium honor spiritus arrogantes saepe facit, quid tandem complures anni? quid vniuersa vita? Si libertatem, quò omnes omnium cogitationes semper referuntur, retinere cupimus in ciuitate, parendi imperandiq; vicissitudo retinenda est: aliter illa conseruari nequit: cum nimium imperio ad vnum aut paucos in perpetuum delato, sperare cæteri non poterût, se eundem honorem aliquando adepturos. Sunt autem honoris perstudiosi omnes: quem vbi præreptum sibi in omne tempus cognouerint, quo nam modo id sedatis animis perferent? non res novas molientur? non inuiti ac repugnantes parebunt? non cætus celebrabunt? non seditiones, non simultates nascentur? non odia offensionesq; magnopere statû Reipub. labefactantes concitabûtur? Intolerabile apparet in libera ciuitate vnum continenter præesse. Confirmat id luculentissimis verbis Æmylius Mamercus apud Liuium, cum dictaturam vnius diei spatium gestam se deposuisse dicit: quò planum faceret, quàm sibi diuturna imperia non placerent. Optimus ciuis tum maxime imperare condiscit, cum paret: & dum in magistratu est, perutile videtur eum certò scire, futurum breui vt pareat.

reat. Sic lenius ac leuius eius reddetur imperium : utpote qui se non regem , sed publica potestate ad mediocre tempus fungentem intelliget. Sic plures ciuium eodem honore ornabuntur, & arctioribus cum repub. vinculis adstringentur. Quocirca prudenter suatum Augusto à Mæcenate , ut vrbibus atq; prouinciis Præfecti , neq; minus triennio (nisi deliquissent) neq; plus quinquennio magistratum obirent. Nam & annui illi , & semestribus aut minoribus spatiis inclusi magistratus hoc habent , ut cum quis aliquid in his addiderit , prius decedat , quam dare eius specimē possit : & diuturnitas imperandi multos ad fastum , & res nouandas sollicitat. Extant item leges in iure ciuili de honoribus & muneribus non continuandis. Et in XII. tabulis scriptum erat. Eundem magistratum ni interfuerint decem anni , ne quis capito : ciuitatem annali lege seruant. Laudandi Romani , laudandi Athenienses , apud quos nulla fuit magistratuum perpetuitas. Præclara sunt verba Sallustij. Post ubi regium imperium , quod initio conseruandæ libertatis, atq; augendæ Reipub. fuerat , in superbiam dominationemq; conuertit , immutato more, annua imperia, binos imperatores fecere. Eo modo minimè posse putabant per licentiam inolescere animum humanum. Negare nolim, vsum tempore comparari , & infelicitate eos gubernare , qui gubernandi rationem negotiorumq; naturas nondum calluerint. Attamen utilior Reipub. mihi videtur , imperitia quædam cum modestia , quam peritia cum arrogantia : quæ plerumq; diuturnitatem imperij comitatur , in breuitate locum non

c habet.

habet. Quid verò? nonne istam rationē exempla refutant? Vno tantum anno Coss. Romani peritè satis & doctè Rempub. gubernabant. Si præterea adfuit ingenium & prudentia, res maximæ, & multis implicatæ difficultatibus citò discuntur. Atque hæc res, prudentia, inquam, auctoritatem conciliat. Qui porrò non seipsum, sed Rempub. amat, non spectabit, quamdiu magistratum gesturus sit: sed quid se deceat diligentissimè considerabit, & communis commodi salutisq; causâ nullius periculi casum extimescet. Nec diuturnitas honoris Principem tyrannum fieri vetat: immo ea ipsa tyrannos facit. Hæc imparatus, & ex tempore. Qualia sint, tute iudicato: mihi, nisi forte mihi met blâdior, non infra omne pretium videtur. C. Eadem, & equè disertè à Fundanio dicta recordor: quam obrem & vitula tu dignus & ille. L. De testimonio grates tibi magnas. Sû aliquid, si tu me nō spernis.

ANNOTATIONES.

CONSERVANDÆ LIBERTATIS) *Frequens locutionis genus Sallustio, quod in Scholiis observavit Aldus Manutius, & nos de eo alibi admonuimus.*
DOMINATIONEMQUE CONVERTIT) *Vocula, se, tollenda est, cum alibi quoq; ita loqui consueverit Sallustius. Ne ista nobis mansuetudo & misericordia, si illi arma caperint, in miseriam vertet. Benefacere iam ex consuetudine in naturam vertit. Cic. Sed hoc vitiū in bonum ei vertebat. Livius. Auspicia in bonū vertūt. Virgil. Et tota solidam in glaciē vertere lacuna. Plura testimonia producit idē Manutius in scholiis Coniurat.*

curat. SI TU ME NON SPERNIS) id est, si me amas, magni facis: per figurā, qua λιτότης gracè. Tale illud Virgilij eclog. 3. Quid prodest, quod me ipse animo non spernis Amynta? Et in 7. Aeneid. Munera nec sperno. Quod autem Grammatici plerique hanc figurā Liptoten appellāt, Græco item, ut putant, vocabulo, fædo errore labuntur. Explicat vim λιτότης Serrinus in 1. Aeneid. super isto versu. Mihi iussa capeffere fas est, his verbis. Figura est Liptotes: qua fit, quotiescunque minus dicimus, & plus significamus, per contrarium intelligentes, ut hoc loco: non ait, licet mihi implere qua præcipis: sed, nefas est, non implere qua iusseris. Ad libellū Hen. Steph. de abusu lingua Græcæ cap. 7.

PROGYMNASMA

VICESIMUM.

Meliora esse legum imperia: tū de legib. vniuersè, mox de Romanis.

PRISCVS, ANTONIANVS, CARPVs.

PRISCVS. Quæstionem nec inelegantem, & grauem, eamq; politicam ponere vobis constitui, sodales, de qua pro arbitrato differatis prius, quàm, id quod à me ambo contendistis, de legibus, præsertimq; Romanis disputationem ingrediar. A. Quin tu vtrumq; facis, munusq; tuum alio munere cumulas, atq; ita duplici nos benefi-

cio astringis, qui nec simplum reddere possumus? P. De reddendo nolim vos cogitare: redditis, si libenter debetis: & ego non tentandi causa, verum vtriusque vestrum audiendi in re pulcherrima, quæ disputationi meæ præmuniatur, istuc à vobis præstari peruelim. C. Si tu istuc, Prisce, ex animo, non simulatè dicis, id est, si verè de ingeniis doctrinæq; nostra paulò præclarius existimas, non videbimur profectò magistros audiuisse, qui nos magna mercede nihil docerent sapere: nec tanquam forum rerum venalium otiosi spectatores, obuiisse tot annis gymnasium. E quo tamen longè tu quàm nos instructior coemptis mercibus rediisti. P. Excusare ignorantiam nihil attinet: fateor ego, me, qualis sum, si modo aliquis sum, non ex vna, sed pluribus Academiis extitisse: nec mihi vnquam velitationes vestræ litterariæ, quibus crebrò interfui, non valde vehementerq; placuerunt. Quæro igitur, meliùsne ac salutaris censeatis, Rectorum arbitrio, an scripto iure, seu legibus ciuitatem gubernari. A. Super hoc nimirum Scholam haberi vis, vtrum animatâ iustitiam inanimæ anteferre oporteat. P. Eum sensum continet quæsitum meum. Vtram partem tibi sumis Antoniane? A. Sanè posteriorem, siue illam de legibus, quia probabilior. C. Itâne? O hominem elegantem: nihil ago. Tamen experiar, quod est improbabile, argumentis efficere verisimile. P. Age, mi Carpe, quodq; semper potes, fac vt possis hodie.

C. Animata iustitia maximam rationem ducit æquitatis, ac summum ius, summam interpretatur

tur iniuriam: temporum, morum, negotiorum, personarum, locorum vicissitudinem ac differentiam sedulo perpendit, & ea varietate imperia voluntatemq; suam dirigit: ipsaq; nihil aliud, quàm lex loquens est: sicut vicissim legem mutum magistratum vocare consueuimus. Hoc autem leges præstare qui possunt? ut semel latae sunt, ita manent. Quid quod ibi feliciter imperatur, ubi studiosius, & alacrius obeditur? Atqui quoniam leges non solum multæ, verum etiam difficiles, rigida, & inexorabiles videntur, vocem Principis & magistratuum in loco legis complecti omnes maluit. Temporibus regum Romanorum paucae leges in vrbe fuerunt, propterea quod eorum iussa, vim auctoritatemq; legum obtinebant: ad quos deferbatur, si quid controuersum, aut maioris momenti incidisset: ad eorum se arbitrium nutumq; omnes, nec inuiti conuertebant. Et omnino, præter Superbum, ea cum moderatione & sapientia summæ rei præfuerunt, ut L. Iunius Brutus qui illum exegit, pessimo publico id facturum fuerit, si libertatis immaturæ cupidine alicui priorum regum extorquere regnū studuisset. Refero pedem, dictum à me satis. A. Audaciorem si essem nactus aduersarium, sic contra eum ingrederer.

Tamen si lex nihil videtur aliud, quàm recta ratio, nihilominus neminem fugit, eandem rationem nostrā turbulentis motibus, consiliariis profecto amentissimis subiectam esse. Plura iudicant homines, inquit M. Tullius, aut amore, aut cupiditate, aut iracundia, aut dolore, aut lætitia, aut spe, aut timore, aut errore, aut aliqua permotione mē-

quàm veritate, aut præscripto, aut iuris norma aliqua, aut iudicii formula, aut legibus. Quamobrem quî tandem cōducibilius putetur, ex arbitratu & sententia gubernatorum, quam ex legibus administrari Rempub. ? Quid est aliud, obtemperare legibus, quàm sanctissimis philosophiæ præceptis obsequi, & secūdum naturam viuere ? Quo vno si salutarius fieri nihil potest, desinamus querere, num voluntas iudiciumq; Rectorum legibus meritò anteponatur. Vereor magnopere, ne ius scriptum tollendi, & ex opinione omnia statuendi, alia caussa nulla reperiatur, quàm fastidium, insolentia, & rerum ignoratio : quòd potentiores scilicet legum vinculis alligari atq; constringi libidines suas nolunt : magistratus verò, velut seruitiū quoddam ægrè patiuntur, cogi se, non quid sibi, sed quid iureconsultis visum sit decernere : quasi muti, & adhuc in tutela essent : cum se quoq; à stolidis longè abesse, & sapere opinentur. Proinde Caligulæ Imperatori tærrimo similes fiunt, qui, si vitam prius ipse nō perdidisset, omnia iureconsultorum scripta (sic enim cogitauerat) perdidisset. Nec animaduertērūt isti tot exempla Rempub. sapiētissimorumq; hominum, qui leges condiderunt, ac re ipsa compererunt, absq; iure scripto nullam in pace ac tranquillitate futuram civitatem : omnia sursum ac deorsum permittū, confusum, ac perturbatum iri. Haud ineptè forsitan leges scriptas cum doctrina medica comparauerimus. Prorsus reprehensionem stultitiæ haud effugeret, qui repudiatis litteris, quibus medendi ratio modusq; comprehenditur, ægrotos secundum

com-

communem sensum prudentiamq; vulgarem habendos decerneret. Sæpius mandata insipientiæ, inscitæ, iracundiæ & aliarum motionum rationi inimicarum edentur. Bene igitur Aristoteles, Qui legem ciuitati præesse volunt, ij videntur deum & leges præesse velle: qui verò hominem præficiunt, ij addunt ei belluâ, cupiditatem scilicet, & excandescentiam, quæ belluarû sunt, & quæ viros quantumuis bonos à recta mente detorquent. Lex autem mens est, cupiditate penitus vacans. Huc accedit, quòd leges longo tempore, & accuratissimè prius considerantur, quàm ferâtur: iudicia pleraq; repentina sunt. Largiamur autem hoc aduersariis, fore semper animis sedatis, compressis omnino turbidis motibus, & sapientes magistratus: an non multæ inter eos opinionum dissensiones oriètur? Aliud huic, aliud illi videbitur. Atque vt consentiant, non ideo populus facilè sibi persuadebit, rectum, iustum, æquum esse, quod illi decreuerunt, si de iure scripto taceatur. Etiam aduersus improbos & contumaces litigatores iudicibus auctoritatem conciliant, & importunis eorum vociferationibus silentium imponunt. Athenis confusio ad ordinem, perturbatio ad quietem ante leges constitutas redigi non potuit. Populus Romanus certos homines in Græciam leges descriptum misit. Deus ipse ius scriptum approbavit, qui in Repub. Iudæorum ordinanda leges tulit, & scripsit digito suo. Et quia omnis potestas est à deo, sentiamus licet, etiam aliarum Rerumpub. leges diuinitus latas. Nec qui cóntra pugnant, plus vident, quàm Solon, quàm Lycurgus, quàm Moy-

ses, quàm prudentissimæ ciuitates, quàm deus ipse. Æquitas autem, & moderatio nequaquam excludentur, quas adhibere in consilium etiam ipsæ leges iubent, iubet ratio, iubent exempla. Hinc leges velut plumbeas regulas ad negotia accommodare præcepit Aristoteles. Quia enim leges de vniuerso genere sunt, ac definito numero, actiones autem hominum singulares, ac prope infinitæ, fieri nequit, vt leges omnia complectantur. Proinde sapienter idem admonuit, conandum, vt si leges amplecti nō possint omnia, saltem minimam partem iudicibus relinquant. Hæc ego ad tuendam sententiam meam sufficere iudico. P. Prò quam illustris, & copiosa legum defensio? narro tibi, doctior multò factus sum. C. Hoc futurum sciebam. Attamen præmium victoriæ tuæ, quia nullum positum est, nullum tollis. A. Aliud quiddam tollo. C. Intelligo: at illud aliud maius esset, si plures auditores affuissent. Num quid igitur impedit, Prisce, quin tu iam in mediū partes tuas acturus prodeas? P. Incipio. Quin dicis, Quod dii bene verant? C. Quod bonum, faustum, felix. Insuper omnes deos deas, si vis, tibi inuocabo. P. Mitte nugari.

De natura & notatione legis Cic. 1. de leg. in hæc verba. *Lex est ratio summa insita in natura, qua iubet ea qua facienda sunt, prohibetq; contraria. Eadem ratio cum est in hominis mente confirmata & consuetudine, lex est. Itaque arbitrantur prudentiam esse legem, cuius ea & vis sit, & recte facere iubeat, & recte delinquere: eamq; vbi illi putant græco nomine à suum cuiq; tribuendo appellatam: ego nostro à legendo. Nam & illi aequitatis, sic nos delectus & vim in lege po-*

nimus: & proprium tamen & trumque legis est. Lib. autem 2. ita definit. Lex est iustorum iniustorumq; distinctio, ad illam antiquissimam, & rerum omnium principem expressa naturam, ad quam leges hominum diriguntur: quæ supplicio improbos afficiunt, & defendunt ac tuentur bonos. Legum illustris commendatio extat apud Demost. orat. priore aduersus Aristogit. Lex est, inquit, cui omnes homines obtemperare conuenit, cum ob alia multa, tum vel eò maximè, quod lex omnis inuētum quoddam ac munus deorum est, decretum verò hominum prudentium: adhuc flagitiorum consultorum incōsultorumq; emendatio, conspirantis deniq; ciuitatis conuentum, ad cuius præscriptum omnes in ciuitate agentes, vitam instituere par est. Legis porrò virtus est imperare, vetare, permittere, punire. Imperantur bona: vetantur & pœnis coërcentur mala: permittuntur μείζω siue ἀδιάφορα. Quæ imperat lex, facere omnes debent: quæ vetat, nemo: quæ permittit, ea vel facere liberum est, vel omittere. Punitur autem, si quis, quod lex imperat non fecerit: si, quod vetat fecerit: si, quod permittit, id facere, alium iniuriosè prohibuerit. Neq; verò hæc duntaxat lex facit, quæ dicta sunt, verum etiam præmium interdum quippiam facientibus proponit.

Iam si circumspiciamus omnium gentium leges, ut Lacedæmoniorum, Atheniensium, Locrensiū, Cretensium, & aliarum, inueniemus eas, quanquam bonas, iustas & utiles, & à sapientissimis viris conditas, nullo modo cum Romanorum legibus comparandas.

A. Quî hoc intelligamus? Tu illas aliorum populorum leges commendas, quas cum Romanis dissimiles

fuisse negare non possis, quarimus quo pacto tum ille, tum he laudabiles videri queant. *P.* Nihil facilius dissolvitur. Ad unam eandemq, metam, at non simili, & eadem via tendebant. Siquidem primi legum inuentores ius natura, in quo nihil est inaquabile, sibi proposuerunt, cuius imaginem, quantū imitatione licuit, in suas quisq, leges transtulit. Ideo autē in tradendo iure, quò pariter intendebant, dissimilem rationē observarunt, quia nec eiusdem loci, nec cali, nec ingenij hominibus legem prescribebāt. *C.* Quomodo igitur evenit, cum tam bonis uterentur legibus, ut Atheniensium gloria ante Lacedemoniorum, horum ante Romanorum occiderit? *P.* Non istuc legum vitio factū est. *A.* Ergo unde? *P.* Inde nimirum, quod Athena citius quàm Sparta, & hac citius quàm Roma à maiorum cōsuetudine recessit, & legum precepta contempsit.

Quia verò publica res ita cum priuata coheret, ut altera alterius cōmodo nitatur, neo ferè nisi utriq, rectè sit, diu vigere & stare ciuitas vlla potest, idcirco qua utriq, consulerent leges diuersis temporibus lata: fuitq, ius aliud publicum, aliud priuatum. Publici iuris pars altera ad religionem, altera ad res humanas pertinebat. Priuatum alias leges de iure civili, alias de criminibus continebat.

A. A quibus, & quibus comitiis leges ferri mos erat?

P. Non ferebantur, nisi à magistratibus, Pratorem, Consule, Dictatore, Interrege, Trib. pl. Comitiis autem tributis, aut centuriatis, aut etiam (ut in imperio mandando,

dando, & in adoptionibus) curiatis. Si tributis, aut cum S. C. aut sine. Si centuriatis, è S. C. semper. Plus dignitatis atq; auctoritatis erat in centuriatis: sed potestatis non minus in tributis. Equè enim populus uniuersus tenebatur iis legibus, qua tributis comitiis ferebantur à plebe, atq; iis, qua centuriatis. C. Rectè à plebe rogata quod sanctum esset, ad uniuersum populum pertinere dixisti: nō enim idem plebs quod populus, sed plebs pars populi.

A. Quid agebat magistratus legem laturus? P. Domi eam scribebat, & cum peritis consultabat, ne quid contra rem aut voluntatē populi sanciret: ne forte pugnātia capita simul ferret: nēne quid, quod vetus aliqua lex, si ferretur, inane, infirmumq; iuberet esse (et si qua postea ferretur lex, superiores oēs prater sacras abrogabat) ne curationē, potestatem, cōmodūne ali-quod ipse sua sibi lege, aut collegis, cognatis, affinibus mandaret: quod legibus Licinia & Ebutia vetabatur. Item ne pluribus de rebus, qua non eiusdē generis viderentur, una rogatione ferretur. Ita faciendum iudicat Cic. 3. de leg. Qui agent, non plus quā de singulis rebus consulunt. Addebatur illa exceptio, ut si quid ius non esset rogari, ne esset rogatum. Item si quid contra alias leges eius legis ergō latum esset, ut ei qui eam legem rogasset impunè esset. Hac omnia canebantur in ferenda lege à bonis viris: donec tempore procedente nihil prater potentiam et utilitatem suam spectare cœperunt, qui leges ferebant.

C. Quid?

C. *Quid? statimne atq; scripserat, ferebat?* P. *Minime. Antequam eam promulgares, ad senatum referebat, ut, quò plus ponderis, & maiorem vim haberet, de senatus eam sententia ferret. Si magistratus esset seditiosus aut popularis, auctoritatem senatus nihil curabat.* A. *Quid est promulgare legem?* P. *Est quasi prouulgare, id est, in publico ponere. Ided fiebat, ut inspiceret qui vellet, inspectam consideraret: non solum ut intercedi posset, antequam ferretur: verum etiam ut aliquanto ante statuere cuius liceret, utrum cum ferretur, antiquanda suffragiis, an accipienda lex esset, & ut quis monere legislatorem posset, vel de corrigenda, vel omnino de non ferenda lege. Spatium promulgationis, quacumq; de re lex ferretur, erat trinundinum, id est, per trinas nundinas, ut cum nundinarum caussa, nono scilicet die ex agris in urbem ciues conuenirent, per trinundinum à rustica plebe ter legi cognosciq; possent. Inter diem igitur illum, quo lex promulgata erat, & cum quo deinde ferretur, trina nundina intercedebant, id est, dies ter nouem, seu septem & viginti. Post tertias nundinas magistratus in eum locum ubi legem laturus erat, siue in forum, siue in campum Martium populum conuocabat. Ibi cum legem praco, subiiciente scriba, recitasset: tum, primum quidem is qui legem promulgârat populo suadebat, ut rogationem acciperet: sed post eum alij, non priuati modo, quibus ab aliquo magistratu concio daretur (nam alioqui concionandi*
pote-

potestas priuatis non erat) verum etiam quandoque magistratus, pro suo quisq; sensu vel suadebat, vel dissuadebat. Cic. 3. de Leg. populum docēto, doceri à magistratibus priuatisq; patiuntor. In quo significatur, ut & ipsi magistratus qui legem ferent doceant, hoc est de ipsa lege dicant, & dicere alios quoq; tum magistratus, tum priuatos patiantur. Immo etiam interdum eius rogationis quam ferebat, ipsemet qui ferebat dissuasor erat. Hoc tum fiebat, cum magistratus non è sua, sed è senatus, sententia rogationem ferebat. Neq; enim prohibebatur dissuadere ad populū, quod non probauerat in senatu. Qui suadebant aut dissuadebāt legem Cic. pro Flacco legis auctores vocat, legis, inquam, accipiendæ, aut antiquandæ.

Nunc de loco vnde suadebant, aut dissuadebant. Nemo ad populum nisi de superiore loco concionabatur, quò longius à stantibus in concione tum exaudiri vox, tum intelligi verba possent. Concionabatur igitur, si in foro, de Rostris: si in campo Martio vel alibi, de suggestu, aut editiore loco. Et sæpius de Rostris, quàm in campo conciones habebantur, quia sæpius in foro, quàm in campo leges ferebantur. Sed cum priuatis nisi potestate à magistratu accepta concionari non liceret, magistratus omnis suo iure id posset, tamen Tribuni si vellent, non priuatos modo, verum etiam magistratus ipsos, atq; etiam Consulem prohibere concione poterant. C. Mira & magna potestas Tribunorum. Nam hos Coss. quoquo vellent etiam, &

vel

vel ad supplicium deducere, & de curru triumphan-
tem detrahere potuisse legi. P. Si hac qua hactenus
explicata sunt, & probè percepistis, et approbatis, per-
gam ad reliqua. Sin aliquid requiritis, id explicemus
prius. A. Nos verò haud quidquam, perge modo
quoad libuerit.

P. Cum suaferant, disuaferantue legē primo loco pri-
uati, secundo magistratus qui legem ferebāt. A. Igno-
sce mihi, quod te interpello: paulum dubitationis hoc
loco existit. Cur tu priuatos ante magistratus nomi-
nas? P. Quia idem Cic. fecit 3. de Legib. De promul-
gatione, de singulis rebus, de priuatis, de magistrati-
bus audiendis. C. Cur aut fecit? secus enim fieri debuit.

P. Non debuit: prior enim priuatis locus in suadenda,
disuadendaue lege ideo datus est, ne si eos, q. magistra-
tum gerebant ante audissent, ab iis dissentire nō aude-
rent. A. Responsum placet: iam ad alia. P. Cum ergo
factū esset quod dicebā, tum praesentibus sacerdotibus,
& diuina exponētibus, sitella vel urna deferrebat, in
quam siue tribuim, si tributis comitiis lex ferretur, si-
ue centuriarū, si centuriatis, nomina coniciebantur.

Deinde sortibus equatis, hoc est, ita agitata sitella, ne
qua sors subsultaret, atq. existeret, sed pariter omnes
equata iacerent, sortitio fiebat: quaq. prima vel tri-
bus, vel centuria, qua secūda, qua tertia de sitella exi-
isset, eundem quem sors dederat, in suffragio ferēdo lo-
cum atq. ordinem obtinebat. Hac dum agerentur, si
quis Tribunus vellet intercedere, locus erat. C. Ergo

inter-

intercessio tribunitia impedimento erat legi perferenda, quanquā promulgata iam ē suasa? P. Sanē. Et eorum erat proprium intercedendi ius, cum ederent vocē illam, Veto. A. Num alia prater ea impedimenta? P. Immo alia tria. Cum is qui promulgārat, vel amicorum precibus adductus, vel senatus auctoritate cōmotus, vel ipse sua sponte consilium mutabat. Cum neq; intercedente Tribuno, neq; eo qui promulgauerat consiliū mutante, comitiales dies, id est, eos quibus agi cum populo licebat, consul eximebat, vel supplicationibus decernendis, vel feriis indicendis, latinis & imperatiis. Auspicia itē impediēbāt comitia, quacūq; de causa haberētur. Eorum fuerunt duo genera. Vnū spectio dicebatur, vel de calo seruare, de quo Philip. 2. & Varro apud Nonium. Hoc magistratus tantum utebatur: alterum genus ad augures pertinebat, cum ex auium signis, id est, volatu, cantu, tripudio solistimo auspiciū faciebant. Nam si quid aduersi viderant, aut audierant, id nuntiantes comitia impediēbant. Illo priori genere vel si aduersi nihil esset, ipsa tamen per se spectiōnem impediēbat.

Sortitione tribuum aut centuriarum facta, dicebat is qui legem ferebat. Si vobis videtur, discedite Quirites. quod verbum non hoc significat, quod in communi consuetudine est, de eo loco, ubi lex fertur, sed in suam quisque tribum discedit, in qua est suffragium laturus. Populus enim confusus, ut semper aliās, ita & in concione.

Cum

Cum igitur de concione iussi discedere, in suam quisq₃ tribum aut centuriam abiisset, priuatos homines inuenio, qui de lege laborarēt, ipsos, ne quid fallacia cōmitteretur, aut tabellas distribuisse, aut distribuentibus praeuisse, idq₃ diribere proprio vocabulo dicebatur: quod muneris quia ferē vocari, obiriq₃ sole-ret ab iis, qui neq₃ atate graues, neq₃ gestis honoribus insignes admodum essent, id sibi & a senibus, & a dignitate praestantibus praecipue contigisse gloriosē memorat Cic. in Pisonem. Tabella quibus lex sciscie-batur, duabus erant literis signata, U. R. id est, uti ro-gas: ea quibus lex reiiciebatur, una litera erant in-scripta, A. qua valebat, Antiquo, hoc est, nihil no-nari volo, antiqua probo, & in morem pristinum reduco.

Cistis suffragiorum custodiendis certi homines in comitiis praerant, Nongenti appellati. Cista cum suf-fragiorum tabellis quō tutius custodirentur, pontibus quibusdam imponebantur, ex quibus tabella populo ministrabantur in capite pontium: nam in extremis pontibus alia cista, in quibus tabellas suas quisq₃ depo-neret, quod erat suffragium ferre. Transibant igitur per eos pontes ad lationem suffragij, tabellis acceptis in prima pontis parte, quas in extrema redderent. Erant autem quot tribus, quot centuria, tot pontes, tribuum 35. centuriarum 193. ut per suum singula pontem suffragium ferrent: alioqui negotium longi temporis, nec sine aliqua perturbatione fuisset, si ponte

unico

unico tribus omnes, aut centuria transire cogerentur. C. Plures fuisse ex eo etiam liquet, quod mihi nunc in mentem venit. Opera Clodiana, inquit Cic. potes occupant: & pontes lex Maria fecit angustos. Et Cornificius ad Herennium, pontes disturbat, cistas deiicit. P. De ordine in suffragiis ferendis audite. Primo loco ea tribus, eaque centuria, qua omnium tribuum aut centuriarum nominibus in sortem coniectis, prima de sitella sorte exierat, suffragium ferebat: eaque prerogativa dicebatur, quia prima rogaretur a magistratu, qui comitia habebat. Sed in ipsa tribu aut centuria primus, quem magistratus legem ferens deligebat, quem & dignitate prestare, & rogationi sue prater ceteros favere iudicabat. Post, suffragiis centurie aut tribus in utramque sententiam dinumeratis, & eorum numero punctis notato, eius tribus aut centurie voluntas cognoscebatur, eaque a pracone renuntiabatur, & eadem in reliquis tribubus aut centuriis ratione servata, ex maiore tribuum centuriarumve numero vel antiquabatur, vel scribebatur lex. Hoc autem dirimere suffragia, & diremptio suffragiorum dicebatur.

Scita atque accepta lex omnium civium iureiurando confirmabatur, post iusiurandum in as incidebatur, aliquando non in tabulis modo, verum etiam in columnis aeneis. Scripta iam lege, promulgata, perlata, in as incisa, non eadem fuit omnium ratio. Aliquot, maximeque aeneis columnis incisa, in publico

proponerentur, ut oculis civium paterent: quæ aeneis tabulis essent incisa, ad ararium defererentur, uti etiam senatusconsulta. Ibi cum publicis pecuniis, omniumque publicarum rationum libris condita asservabantur.

De legum tempore hoc dicendum. Neque omnibus diebus licuisse legem ferri, neque quibus liceret, per omnes horas. Licebat fastis tantum diebus, nefastis non licebat. Nec verò fastis omnibus, sed comitialibus duntaxat. Comitialibus autem ita licebat, si nemo de calo servaret Clod. Trib. pl. ut armaret immodica licentia tribunitiam potestatem, dierum discrimen, & impedimenta auspiorum sustulit. Nec diebus religiosis, in quibus Atri, legem ferre licebat, Hora omnes idonea erant intra ortum solis & occasum: reliquis non licebat.

FRACTA erat vis legum, non modo cum alia lege nominatim abrogaretur, sed etiam cum non omnino tota, sed eius pars lege posterius lata tolleretur: quod derogare dicebatur: aut cum nulla superioris legis facta mentione, aliquid ei contrarium posteriore lege rogeretur, quod erat abrogare. Abrogare omnes licuit, præter sacratas, quæ violatæ sunt sæpe, abrogatæ nunquam. Quæ ad legum Romanarum rationem attinent, & ponderis alicuius fuerunt, & ad cognoscendum in promptu posita, ferre omnia quam brevissimè sum persecutus. C. Prorsus res ad cognoscendum multis de causis utilissimas pertractasti.

ANNO-

ANNOTATIONES.

Qua hoc progymnasmate differuntur de Romanis legibus, & dissimilibus literis excusa cernuntur, ex libro Pauli Manutij de legibus delibata, et à me in dialogum coniecta sunt, breuitate quanta citra obscuritatem fas fuit. Seneca ep. 94. non probat, Platonis legibus adiecta esse principia: legem enim breuem esse oportet, quò facilius ab imperitis teneatur, velut emissa diuinitus vox sit. Iubeat, nò disputer. Nihil mihi videtur frigidius nihil ineptius, quàm lex cū prologo. Mone, dic qd me velis fecisse. Non discō, sed parco. In suppliciis usurpabāt Romani agere, aut lege agere. Non enim dicebant, occide, sed lege age, cum in damnatos animaduertere iubebant: ut lenitas verbi scilicet tristitiam rei mitigaret. **UT FORVM RERVM VENALIVM**) Mercatum appellat Cic. 3. Offic. Atheniense Gymnasium, Cratippum cum mercatore comparans, artes honestas cum mercibus. Verba sequuntur. Suscepisti onus praterea graue Athenarum & Cratippi, ad quos, cum tanquā ad mercatum bonarum artium sis profectus, inanem redire turpissimum est, dedecorantem & urbis auctoritatē, & magistri. Pythagoras dixit similem sibi videri vitam hominum, & mercatum eum, qui haberetur maximo ludorum apparatus totius Gracie, &c. 5. Tusculan. **PESSIMO PVBLICO**) Linius lib. 2. Nam priores ita regnarunt, ut haud immeritò omnes deinceps


conditores partium *Capta urbis, quas novas ipsi sedes ab se aucta multitudini addiderunt, numerentur. Neque ambigitur, quin Brutus idem, qui tantum gloria Superbo exactore rege meruit, pessimo publico id facturus fuerit, si libertatis immatura cupidine priorum regum alicui regnum extorsisset. Quid enim futurum fuit, si illa pastorum convenarumque plebs transfuga ex suis populis, sub tutela inuiolati templi aut libertatem aut certe impunitatem adempta, soluta regio metu agitari capta esset tribunitiis procellis? Pessimum publicum Livio est calamitas publica. Poterimus item sic nominare, quod barbari scandalum publicum. ACCURATISSIME CONSIDERANTVR) Aristoteles lib. 1. Rhetor. tribus nominibus leges commendat, quod lata sint à viris prudentibus: quod illi, antequam quidquam constituerent, diu ac multum cogitarent: quod neque gratia, neque odio, nec denique vlla eiusmodi re deflecti à vero potuerint, cum de futuris statuerent, & in commune, non de hoc aut illo, in quem bene aut malè affecti essent. Ideo lib. 3. de Repub vocat legem *ἡν ἄνευ ὀρέξεως*. LEGES DE VNIVERSO GENERE SVNT) Iura, inquit Ulpianus, non in singulas personas, sed generaliter constituuntur. Non enim vetat lex, ne hic adulterium cum hac muliere faciat: sed omnino, ne quis adulteretur. Et ita in reliquis. Sic est in preceptis artiū. Non enim docet Hippocrates, aut Galenus quid huic, aut illi egrotanti dandum sit: sed quid*

quid omnibus hoc aut illo morbo laborantibus. Nam
 que precipiuntur, finita esse oportet: singularia au-
 tem sunt infinita. Idem Vlpianus. Neq; leges, neque
 senatus consulta ita scribi possunt, ut omnes casus qui
 quandoque inciderint comprehendantur. INVEN-
 TVM QVOQVE AC MVNVS DEORVM) Opi-
 nabantur constanter antiqui, bona omnia cœlitus ad-
 uenire mortalibus. Leges referebantur ad Themis,
 aut etiam ad Cererem, quam ob id Virgilius legisferam
 vocat, & cuius sacra dicebantur Thesmophoria. O-
 uidius. Prima dedit leges, Cereris sunt omnia munus.
 LACEDAEMONIORVM, ATHENIENSIVM) Legislator Lacedæmoniorum Lycurgus fuit, Athe-
 niensium Solon, Locrensiū Zaleucus, Cretensium
 Minos, Getarum Zamolxis. Lycurgus latis legibus
 iureiurando adegit Athenienses, seruaturus quoad
 peregrè rediret: nunquam autem rediit. Iam quo plus
 haberent auctoritatis leges apud populum, plerique
 eas à diis accipere sinxerunt. Minyas, qui Egyptiis
 leges dedit, à Mercurio, Minos à Ioue, Lycurgus
 ab Apolline, Solon à Minerua, Zamolxis à Vesta.
 Apud Romanos Numa Pompilius cum dea Egeria
 nocturnos sibi congressus esse simulabat: eius monitus
 qua acceptissima diis essent, sacra instituere: sacerdo-
 tes suos cuiq; deorum praficere. Callidè hac Numa:
 non minus Lycurgus, qui quoties legem aliquam ex-
 cogitasset, Delphos ibat consultum, ecquid ea utilis

esset. Sacerdos autem corrupta, semper respondebat, esse utilem. Ita Lacedemonij eius legibus cum diuino quodam metu tanquam oraculis parebant. Retulit in stratagematis Polyanus li. i. DE SINGVLIS REBUS CONSVLVNTO) Consulunt, est populum rogant. Consulitur enim populus cum lex rogatur. Sic in Miloniana. Nihil de eius morte populus consultus: nulla questio decreta à senatu est. Pro domo sua. Si populus de ista re consultus esset. Et Festus. Rogatio est, cum populus consulitur. Etiam in senatu consulere, est rogare sententias. Ad Attic. lib. 12. Hic me laudat, inquit, quod retulerim, non quod patefecerim, quod cohortatus sim, quod denique, antequam consulerem, ipse indicauerim. ANTIQVANDA SVFFRAGIIS) Non sunt idem antiquare, & abrogare, in quo tamen multi falluntur. Antiquat populus latam rogationem, cum perferri non sinit: abrogat autem iam per latam. ERAT TRINVNDINVM) Trinundinum non solum in lege ferenda, sed & in magistratu aliquando seruabatur, ob eam scilicet causam, ut consuleretur candidatis pariter & populo: illis ad magis conciliandos sibi animos: huic ne imprudenter repente aliquem crearet, quem creatum postea nolle. Manut. TRIPVDIVM SOLISTIMVM) Cum pascerentur aues, necesse erat aliquid ex ore decidere, & terram panire, et hoc terripanium primo, post terripudium, deinde


tripu-

tripudium est dictum. Cum igitur offa iam ex ore pulli deciderat, tum auspicienti tripudium solistimum nuntiabatur. DIRIBERE PROPRIO VOCABULO) Inde diribitores pro pecuniarum diuisoribus, & diribitorium domus publica, ubi stipendia militibus persoluantur. Suetō. in Claud. Quum Æmiliana pertinacius arderent in diribitorio, duabus noctibus mansit. PRÆROGATIVA DICEBATUR) Prærogatiua, ut scribit Asconius, etiam significat aliquod dictum aut factum liberaliter ab eo, qui nobis benefacturus est, ante ipsum beneficium nobis præstitum Cic. lib. ep. 10. Si triumphiprærogatiuam putas esse supplicationem. Idem in Verr. dedit prærogatiuam sua voluntatis eiusmodi. ABROGARE OMNES) Abrogare est publico consensu aliquid abolere, tollere, obliterare, ut legem, imperium, magistratum. Abrogamus alicui fidem, quando efficiamus, ut nulla ei fides habeatur. PRÆTER SACRATAS) Sacrate leges sunt, ait Festus, quibus sanctum est, qui quid aduersus eas fecerit, sacer alicui deorum sit, cum familia pecuniag³. Sunt qui esse dicant sacratas, quas plebs iurata in monte sacro sciuerit: Sacratissima leges apud Iureconsultos, quæ sunt ab Imperatoribus lata, quomodo sacra largitiones, epistolæ & alia.



DE RE MILI-

TARI.



PROGYMNASMA

PRIMUM ET VIGESIMUM.

Togæ militiæq̃ comparatio.

IRENE, ENYO.

IRENE. Eminus ego te contra ambulanti ad-
 uertens, ipsam procul dubio Palladem è magni
 Iouis vertice procreatam existimabam: nunc
 quando facta es proprior, clarissimè video, nihil te
 aliud esse quàm Enyo, hoc est, castrensem quan-
 dam furiam: quam iuuat clamor virùm, clangor
 tubarum, fragores & strepitus tormentorum, in-
 ternecina odia, alterna vulnera, enses imbuti san-
 guine, acerui contrucidatorum corporum, vasta-
 tiones & cadauera florétissimarum urbium. Quin
 tu ipsa recens, vt aliàs, in medias phalangas irrui-
 sti, editisq̃ stragibus atrocissimis in miserorum
 cæde perbacchata es: nam id cruentata quæ por-
 tas arma loquuntur: polluta cruore lorica: pollu-
 ta galea, sarissa, clypeus. O vesanam, ô truculen-
 tam, ô furoris ebriam. E. Haud te à contumeliis,
 & maledictis auspicari sermonem oportuit. Hæc-
 cine tua salutatio? Pacem pacificam esse conuenit.
 Audi.

Audi. Suum officium exequi vnumquemque æquū & bonum est. Mihi hæc, aliæ tibi partes mandatæ sunt. Mihi bellum curæ est: tu quietem curato. Quod si tibi istam oleaginam coronam, ramūmq; viridissimū, & reliquū adeo decorum insignemq; cultum, & concinnam faciem minimè inuideo: si tuum munus non reprehendo, quid est quod tu habitum istum meum actionesque criminère? I. Depone paulisper arma, & pacato vultu me intueri, si potes. Inermis sum, nihil tibi à me orietur mali. E. Depono, & scire opto, cur me tibi inimicam arbitreris: verbis enim sat truculentis, & impotentius in me inuasisti. I. Quoniam sicut tenebræ luci, amarum dulci, incommodum vtili, tempestas tranquillitati, calamitas beatitudini, ita mihi tu iracundia implacabili perpetuò repugnas, & aduersaris. Atq; ubi tu pedem ponis, inde me confestim necesse est aufugere. Prius inter calorem & frigus, inter aquam & ignem, inter noctem & diem, inter vitam & mortem, quàm inter nos familiaritas conciliabitur. E. Tam tu mihi infensa es, quàm ego tibi: tam tu me expellis, quàm ego te. Quamquā ego te minus odi re ipsa, quàm tu somnias. Potius te amo, cum insectari, & persequi videor. At enim vtra iustius alteram exterminet atque profliget: & vtram regnare sit æquius, id peruidendum duco. Neutri nostrū optandum autem regnum potestatemq; perpetuam. Est nimirum quando te, est quando me mortales indigent. Si nulla imponatur iniuria, non ego quemquam ad arma expedienda, hostemq; vlciscendum cohortabor: sin secus, quis, quæso, vir prudens nu-

merari poterit, qui pacem bello mutare recusaue-
 rit? In quo si ei fortuna arriserit, stultus postea sit,
 nisi ad pacis sese portum quietissimum rursus re-
 cipiat. Quomodo autem prospero belli euentu
 eum superbire fas non est: sic neq; pacis dulcedine
 captū iniurias suas negligere honestum est. Quid
 nunc bona Irene? quid respondes? nondum intel-
 ligis me seruire tibi? Vt enim in pace sine offen-
 sione, ac detrimento viuatur, ideo ad tela ferrū-
 que aliquando descendere oportet. Et cum duo
 sint genera decertādi: vnum per disceptationem,
 alterum per vim, confugiendum est ad posterius,
 quoties superiore vti non licet. Fateor nihilomi-
 nus, illud proprium esse hominis, quem natura
 nudum, inermem atq; imbecillum produxit: hoc
 belluarum, quibus eadem natura ab initio arma
 sua attribuit, & ab illis bello nomen impositum,
 vt quorundam est sententia. I. Aptē ac verē à bel-
 luis. Longissimē ab est ab omni humanitate tā ca-
 pitalis & exitiosa dissensio. Si namq; corpus, & fi-
 guram hominis contemplemur, nunquam eum
 ad conflictus, & dissidia, sed ad omnem placabili-
 tatem: nunquam ad interitionem cuiusquam, sed
 ad communem salutem: nunquam ad læden-
 dum, sed ad benefaciendum esse natum confite-
 bimur. Leones tenent ungues suos, tauri cornua,
 apri dentes quibus se tueantur. Aliæ animantium
 testis, aliæ corio muniuntur. Nonnullis pernici-
 tas, quibusdam venenum ad defensionem à natu-
 ra inditum est. Pleraq; ad aspectum sunt horribi-
 les, ipsisq; vocibus terrorem iniiciunt. Vnus homo
 nudus, nullis communitus armis, carne mollissi-
 ma,

ma, cute leui intra oras huius luminis productus est. In cuius corpore toto, membris omnibus, voce, vultu nihil prorsus cernitur, quod ad violentiam datum iurè arbitremur. Ad amorem illi beneuolentiámque conciliandam valent omnia: ad timorem cæteris incutiendum nihil. E. Tūne ergo hinc efficere niteris, contra naturam esse bellum gerere, & hostilem elicere sanguinem? I. Hoc molior. E. Dicitō mihi: num est secundū naturam ita māsuetam ac placidam, vti descripsisti, sibi mutuò instruere inlidias, cognationum & affinitatum omnia vincula disrumpere, aliena rapere, cædes meditari, diuinas humanasque leges peruertere? I. Non est. E. Patiundāne hæc, an vindicanda? I. Præcipio quo intendas, & fructus meos, meaque delectamenta non esse chariora hominibus doleo. Ergo eo iure, quod gentibus natura præscripsit, iusta de causa, & legibus approbata, Principis aut Reipub. auctoritate intercedente bellum gerere licet: eo animo, vt sine iniuria, & in pace viuere liceat. I. Tua verò incommoda & plurima, & extrema, vtinam homines aut nossent, aut detestarentur magis. E. Quasi tu dicas, nihil mihi adesse boni: immo adsunt bona ingentia. I. Ingentia? Nimirum cuius non modo præsentia, sed ipse metus quoque calamitosus est. E. Quare? I. Cum hostium copix supra caput sunt, quamuis irruptiones, populationes, & alia militaris impietatis exempla edita nondum sint, tamen pecora relinquuntur, agricultura deferitur, mercatorum nauigatio conquiescit, emporia claudun-

tur,

tur, omnia infida suspectaꝫ fiunt. At pacis ipsum nomē dulce, res iucunda & salutaris, qua inanima quoque, quibus nullus est sensus, lætari recreariꝫ videntur: nec posset à Deo aliud quidquam optabilius donari hominum generi: sine qua mūdum collabi atꝫ interire necesse est.

pax optima rerum

Quas homini nouisse datum: pax & na triumphis

Innumeris potior.

E. Si tu meam causam velles agere, per facile responsum ad ea inuenires, quæ mihi obiecisti. Veruntamen plura ad me vituperandum effunde, vñ vno labore paucisꝫ simul euertam omnia. I. Tu euertas? non euertes: non enim tam sunt leuia. Nam si quid est in vita, quod aut neruis omnibus fugere, aut longa cum deliberatione aggredi oportet, bellū est: siquidem impium, ærumnosum, tetrum, funestum, & humana natura indignum est: seminarium quoddam flagitij, turpitudinis, calamitatis, iniuriæ, exitij. In quo religiones pefundantur (quando milites sceleratissimi etiam templa ipsa diruunt, & incendunt: ornamenta sacrilegè diripiunt: sacra pedibus proterunt: in homines sacratos carnificum more defæuiunt) pulcherrimæ vrbes incendio, excidio, ac ruinis dantur: viri fortes, & præclari iugulantur: matres ingenuæ adulteriis, virgines stupris contaminantur: liberi seruitute afficiuntur: regnorum deniqꝫ status fortunæꝫ perturbantur, & corrumpuntur. Cum defendere ciues debeant, sæpe violant & expilant isti milites, & canes officio luporum funguntur. Reddunt alios miseros, & ipsi tamen ma-

nent

nent infelices. Tanquam victimæ pascuntur: vt vbi tempus affuerit, hostili ferro immolentur. Quin, vt vitam seruent, ad mortem accedunt. Cui militi ad vltimum ætatis omnia processerunt ex arbitrio? semper inquietus est miles: semper contemptui periculôq; obnoxius. Ad opes & honores quosdam militia prouexit: at infinitos ad egestatem, ad carceres, ad seruitutem, ad orcum, etiam victores: non enim omnium præliorum idem est, ac prosper exitus: & qui pro iustitia pugnavit, non rarò cecidit. Sperant victoriam, libertatem, diuitias. At ego vt multa multis secundum spem, & præter spem euenisse bona scio: sic etiam qui sperauerint spem decepisse multos non nescio. Sanè qui sectatur castra, qui rem militarem colit, is videtur sentire, non adeo esse malis insignem vitam humanam, cum ea sit plenissima incommodorû miseriarumq; omnium.

Quis fuit horrendos primùm qui protulit enses?

Quàm ferus, & verè ferreus ille fuit?

Tunc cades hominum generi, tunc pralia nata,

Tunc breuior dira mortis aperta via est.

At nihil ille miser meruit: nos ad mala nostra

Vertimus, in sauas quod dedit ille feras.

E. Ad egregias vtilitates vix vnquam peruenitur sine doloribus, sine damnis seu tuis, seu alienis: totaq; cuiuscunq; rei laus, & reprehensio à fine pendet, quem sibi quisq; proponit. Debent autem qui bellomanus committūt, id vnum spectare, vt pace perfui liceat. Si quid præterea audax perfidusq; miles, æquumq; & iustum flocci pendens aut contra disciplinam bellicam, aut contra ducum Imperato-

peratorumq; volūtatē auarē, libidinosē, crudeliter, impiē designat, non hoc bello, sed ipsius sceleris attribuendum. Sunt nihilominus quæ humanitas atq; diuinitus, tametsi lacrymosa, acerba, & horribilia, iusto victori permittuntur. Nunc tu vicissim mea decora ausculta. I. Auscultabo: longū quippe, si maximē velis, non potes facere. E. In profusione verborum non consistit laus. I. Hem oraculum. E. Vis necessitatem belli gerendi ostendam? I. Ostende. E. Homo naturā imbecillum, ac sibi met haud sufficiens animal, societate opus habet, qua mutuatione operarum acquirant singuli quo egent. Hæc societas, seu hic conuētus atq; cœtus est ciuitas: quam sapientes nōnulli tres in partes descripserunt. Vt prima sit eorum qui consilio rempub. gubernent, quod sit tanquam animus in corpore. Altera eorū qui eandem armis & obiectu corporum defendant. Tertia ex iis qui artes necessarias exercent: in quam postremam & opifices, & agricolas, & mercatores incluserūt. Harum verò secunda est eiusmodi, vt sine eius ope atque præsidio munera sua obire duæ reliquæ tutò nequeant: ipsa enim Reipub. salutem & incolumitatem quærit, & ab hostiū incursionibus domi eam forisq; defendit. Alia istuc ipsum ratione demonstrabo. Manus ad seruiendū corpori fabricata est: vt nempe noxia futura repellat, lædētia retundat, necessaria admoueat, reliquas partes conseruet, & augeat. Quæ nisi similem in modum ciuitatibus, regnisq; præstat militia, tu me prorsus amentem ac stolidam dicas. Belli tempore quantæ utilitates publicè comparantur? Nam ad castra se conferre
cogun-

coguntur multi, qui domi cum otio inertissimo, in vita molli & eneruata consenescebant. Nomina dant qui vias infestas habebant, prædones, fures, latrones, fœneratores, aliiq; ciuitatibus, & toti mortalium generi perniciosissimi mortales. Rusticorum insolentia comprimitur, mercatorum arrogantia corrigitur, potentium spiritus coercetur. Bello non modo res quærantur, sed augentur etiam & conseruantur. Non potest nisi cum grauissimo reipub. detrimento amitti scientia belli gerendi, quæ subiectos ne quid machinentur absterret: hostes arcet, & ab alienis inuadendis abstinere docet. Nec aliud æquè Romanæ ciuitati nocuit, quàm post deletam Carthaginem militare otium. Metus quippe hostilis iuuentuti acuedæ pro cote erat: quo sublato, pro bonis artibus malæ artes, pro eximiis virtutibus ingentiâ rempub. vitia occupauerunt. Armis Asiam subegerunt Macedones: armis Roma totū orbem perdomuit, & victorem terris pedem imposuit. Iam quid tam gloriosum ad famā, quàm bello occumbere? in acie, non in lecto, & in pluma animā exspirare laudabile est. Quapropter celebrantur trecēti Lacedæmonij, qui apud Thermopylas vitā patriæ largiti sunt. Quale nomē consecuti sunt trecenti Fabij Apud Romanos, qui aduersus Veietes vna in pugna omnes oppetierūt? Porro ob res bello gestas, & ob militarem sciētiā, aliasq; virtutes imperatorias, quantis feruntur laudib⁹ Cyrus Persarū Rex, Alexāder Magnus, Themistocles, Epaminōdas, Pompeius, Cæsar, Scipiones, Annibal, & alij? Quis hāc immortalitatē illis præter me solā peperit? Prima nobilitatis initia,
Ducum,

Ducum, Comitum, Marchionum, Baronum nomina, familiarum insignia, multaque commoda, statuae, trophaea, triumphum à re militari originem sumpserunt. Profer tu quos beaueris. Nō me praeterit pacis tempore in Repub. gubernanda excellentes viros extitisse, qui ad posteritatem litteris commendarentur: verum tamen eorum prudentia, & ingenium hoc praestitit, non tu. At ego praecipis meis & auxiliis creauī Fabios Maximos, Scipiones, Paulos Aemilios, Lucullos, Belisarios. Quid amplius, ō ventosa & verbosa, ad te commendandam eloqui potes? I. Nimis multa, & quae audire digna non es. E. Forte illa, te inimicam esse litibus, seditionibus, tumultibus: quas res ne ego quidem propter seipsas amauerim. Te regnante omni adempta formidine in vtramvis aurem otiosè homines dormire, frequentari conuiuia, colit literas, florere vrbes omnibus copiis, domos liberis, enses conuari in falces, galeas in vomeres: & illa insuper, quae poeta Elegiacus laudator tuus canit. Nam vt tu versiculos ex eo mihi occinuisti, quibus accusarer: sic ego vicissim alios, quibus tu laudare, bona, vt opinor, tua venia occinam.

Interea pax arua colat, pax candida primum

Duxit araturos sub iuga curua boues

Pax aluit vites, & succos condidit vna

Funderet & gnato testa paterna merum.

Pace bidens & omesq; &igent, ac tristitia durs

Militis in tenebris occupat arma situs.

Rusticus è lucoq; &ehit male sobrius ipso

Vxorem plaustro, progeniemq; domum.

Hæc ego singula cum veritate consentire concedo, nec ea contemno. Hoc tantum aio: sapenumero

mero ipsa hæc sine armis & conflictibus non contingere, nec sine iis retineri. I. Tua laudatio mihi est nausea, & nautea. Habeo alia quæ de laudibus meis cantare possim. E. Quæ? I. Vt Pindarus tranquillitatem dixit iuris filiam, ita pax iuris mater appellari queat. Pace viget ius, vigent roganturq; leges: præmia virtutibus, supplicia peccatis constituuntur: boni spe, mali timore, ut æquum est, afficiuntur. Quibus ampla res, tuto possident: quibus mediocris, eam rectis rationibus amplificant: ex pauperibus multi euadunt opulenti. Sanè sapientes quidã ex altè reconditis opibus Pacem verè βαθύπλετον nominarunt. Nihil datum hominibus, ut sim brevis; Pace optatius, melius, iucundius. Tu porro seu fictè, seu ex animo me laudaueris, & qualiscunq; sis, fieri profectò non potest, quin te auerfer, fugiamq; medullitus.

ANNOTATIONES.

E MAGNI IOVIS VERTICE) Videbis dialogũ Luciani, in quo, ni fallor, Mercurius narrat, quo pacto Vulcanus accersitus Iouis caput inflicta securi acutissima diffiderit, indeq; mox virgũcula armata prosiluerit. NIHIL ALIUD, QUAM ENYO) Quæ latinis est Bellona, & antiquis Duellona, sicut bellum duellum; Græcis est Enyo. Huius sacerdotes suo sanguine, non victimis casis illi sacrificabant, furentesq; vaticinabantur. Gyrald. syntagm. 10. POLLUTA CRVORE) Inquinata, sædata, impura: cruor siquidem contaminat, impurumq; reddit. Inde

Inde cruentum calum Lucretio, pro impuro. Qui igitur manus cruentas habent, quiq; hominem occiderunt, impuras: contra qui cadis infantes sunt, puras manus habere dicuntur. SI NULLA IMPONATUR INIURIA) Thucydides lib. 1. in Orat. Corinthiorum ad Lacedam. Ut enim modestia est quiescere, si non afficiaris iniuria: ita iustitia est, cum iniuria afficimur, bellum paci anteferri, & repressa iniuria, post bellum rursus pacem facere, nec aut successu in bellis elatos plura appetere, nec pati iniurias mollitie, & amore otij. ET AB ILLIS BELLO NOMEN) Quidam etiam per contrarium, quia non bellum sit: sed verior ambabus sententia est, à duello antiqua voce natum vocabulum bellum. Itaq; proferemus locum Cic. ex Orat. perf. Antiqui duellum ante dicebant, quod postea bellum vocarunt. Quid vero licentius, quàm quod hominum etiam nomina contraherent, quo essent aptiora? Nam ut duellum bellum, & duis bis, sic Duellum eum qui Pœnos classe denicit, Bellum nominarunt: cum superiores appellati essent semper Duellij. Ex his etiam cognoscis duellum & bellum idem valere: nisi quod unum vetus, alterum recentius est. Sic Horat. Gracia Barbaria lento collisa duello. OMNIUM PRÆLIORUM) Bellum etiam sine pralio est, cum indicitur: pralium ipsa pugna. Fronto. ET IUSTUM FLOCCIPENDENS) Idem est floccipendere, flocco habere, flocci aestimare, nihili pendere, ludificari, risui ludibrioq; habere: quoniam

floccus

floccus res despicabilis, & nihili est. Cum autem additur negatio, non, ut, non floccificare, maior utiq; contemptus significatur. Nam floccus etsi res parvi momenti, & contemnenda, tamen non omnino nulla est.
TRECENTI FABII) *Fabia gens senatum adiit, sibi bellum contra Veientes solis velut familiare, privato sumptu gerendum depoposcit. Perierunt omnes, praterimum prope puberem aetatem domi relictum, stirpem genti Fabia, dubiisq; rebus populi Rom. saepe domi belliq; vel maximum futurum auxilium. Livius lib. 2. Ovid. 2. Fast.*

*Vna dies Fabios ad bellum miserat omnes,
 Ad bellum missos perdidit Vna dies.
 Ut tamen Herculeae superessent semina gentis,
 Credibile est ipsos consuluisse deos.
 Nam puer impubes, & adhuc non utilis armis,
 Vnus de Fabia gente relictus erat.
 Scilicet ut posses olim tu Maxime, nasci:
 Cui res cunctando restituenda foret.*

ADEMPTA FORMIDINE) *Metus motus est animi: timor quasi tumor: formido fert interdum rationem: paucior puerilis est. Fronto. QVAM SAPIENTES NON NVLLI)* *Ut Hippodamus Milesius, in cuius sententia referenda refellendaq; Aristotelem secundo πολιτικῶν parum bona si de versatum docuit Muretus*
lib. 1. cap. 14.



PROGYMNASMA

ALTERVM ET VICESIMVM.

*Armamentarium, seu instru-
mentum militare.*

COELIVS, MORELLVS, PRIMITIVVS.

COEIVS. Arma tradit Festus propriè dici ab armis, id est, humeris dependentia: ut scutū, gladius, pugio, fica, & ea quibus prope præliatur: sicut tela, quibus procul. Terrentius Varro lib. 4. ab arcendo nomen sortita vult, quòd his arcemus hostem. Vtrum tandem veriloquium censetis probandum magis? M. Vtrum? Illud sanè, quod ab effectu, non à voce ductum est: quod tamen non eiicimus. Varronem quàm Festum audire malumus, cuius Varronis, inquam, notatio patet latius. Erunt enim in armis lapides, quia hostes arcent, dum eos vel inuadimus, vel propulsamus, & ab humeris minimè pendent: verèq; in armatis sunt, qui gerūt aliquid, quo nocere possint: ut glebas, saxa, fustes, & similia. Quapropter rectè Poeta: furor anima ministrat. Qualia? gladios, credo, hastas, ferrum deniq;. Iamq; faces & saxa volant inquit. En faces, & saxa non veretur arma dicere. Facibus igitur & lapidibus ad lædendum instructi, habendi sunt pro armatis. Armamenta cū aliarum rerum, tum maximè nauium instrumenta ponuntur, ut vela, rudentes, antennæ, &c. Quare quod

quod scribitur epistola quadam ad Atticum, venire sublatis armamentis, est nauigare sublatis velis, ad celeriores cursum: nam quò magis elata sunt, eò velociore cursu naues procedunt: quia scilicet ventos, quibus impellantur benignius accipiunt. P. Tam clara hæc, vt te, Cœli, dubitare nihil posse ego nihil dubitem. Armaturam, cuius vocis me superiores duæ, arma videlicet, & armamentariũ admonuerunt, esse quoddam genus exercitij militaris, & à campi ductoribus tradi solere, eoq; imbuendum tyronem docet Vegetius. Eidem armaturæ sunt milites certi generis, iiq; iuniores, qui sub campi ductore meditabantur, & armaturam docebantur: quibus locus inter leuis armaturæ milites. Tribuni & Rectores Armaturarũ ab Ammiano memorantur. Scholæ item Armaturarum, iuniorum nempe ac seniorum leguntur. C. Quandoquidem tu opte nutu, Primitiæ, ista in medium attulisti, licebit etiam de vocabulo armamentarium, his de quibus hætenus ab utroque vestrum profecta est explicatio, prorsus affini differas. P. Quoniam id tibi complacitũ video, fungar Grammatici munere aliquantulum. Fuerũt armamentaria, vbi arma asseruabantur, & inde militibus distribuebantur. Cic. pro Rab. Ex ædificiis armamentariisq; publicis arma pop. Rom. C. Mario Cos. distribuente dantur. Et 1. de Orat. Philo Architectus, qui Atheniensibus armamentarium fecit. Armarium, ait Isid. est locus vbi quarumcunq; artium instrumenta reponuntur. Armamentariũ verò, vbi tantũ tela armorum. Vnde Iuuenal. Quidquid habent telorum armamentaria cœli.

Hæc non in vrbe duntaxat, & prouinciis, verum etiam in ipsis castris exercitūq; cum appositis armorum custodibus fuisse putandum est, & ibi reponi atque custodiri solita arma grauiora maioraque, vt lanceas, hastas, clypeos, scuta, loricas, &c. M. Quod de armamentariis in ipso exercitu castrisq; affirmasti, huic fidem valde facit, quod scriptum reperimus apud Vegetium, legionem non habuisse solum fabros tignarios, instructores, carpentarios, ferrarios, pictores, aliósque artifices hybernis ædificiis, machinis, turribus ligneis ad expugnandas aut propugnandas vrbes, item ad arma, vehicula, & cœtera iumenta bellica, seu noua fabricanda, seu quassata, & vitiosa reficienda: sed fabricas quoque scutarias, loricarias, arcuarias: in quibus sagittæ, missilia, cassides, & quoduis demum genus armorum fieret: siquidem nihil exercitui necessarium deesse volebant. Præterea hoc quoque pròditum est literis, arma in exercitationibus prælusionib;que illis polemiciis tyronum, grauiora quàm in veris ac publicis præliis vsurpata. C. Quam ob causam? M. Vt tyro, cum vera aliquando leuioraque arma induisset sumpsissetque, tanquam iniquiore pondere liberatus, securior & alacrior pugnam capesseret. Quamobrem cratis ei, & claua dupli pondere dabatur. C. Laudabilis ergo Lycurgus, qui durius habuit iuuentutem domi quàm foris: & tum crebriora, tum maiora militibus exercitia intra muros, quàm intra castra imperauit. Inde adeo factum, vt ingruente bello Lacedæmonij nullo timore, sed lætitia complerentur: vt qui

virtutis

virtutis ostentandæ materiam essent adepturi. P. Et hoc planè militare, quod Romani gladios ac pugiones etiam fodientes nunquam deponebant. Sine gladio extra vallum progressum militem capite pœnas dedisse retulit in historiam Tacitus. Si miles arma aut vendidisset, aut in prælio amisisset, haud secus quàm desertor capitale supplicium luebat. Qui aliena surripuisset, exauctorabatur. Quòd si quispiam situ squalentia, & rubigine deformia gestaret, verbis asperioribus castigabatur. M. Hac fortassis occasione Iulius milites suos armis auro argentoque politis exornauit: partim ad speciem, partim quò in conflictu eorum tenaciores essent. C. At Græcis non qui hastam gladiumue, sed qui clypeum amisisset puniebatur: censebant enim providere militem diligentius oportere, vt ne acciperet ipse, quàm vt daret alteri malum. Ita Epaminondas apud Mantineam occumbens, tum denique sibi spiculum auelli iussit, cum percontatus audisset, clypeum esse saluum. Et celebratum est illud Laconicæ mulieris, scutum filio in militiam abituro tradentis: ἡ τὰν, ἡ ἐπὶ τᾷς. Aut cum hoc (subaudi, saluus fac redeas) aut super hoc (subaudi, gloriòse interfectus ex acie efferare.) Imitati Lacedæmonas sunt Germani, apud quos, vt narrat Tacitus, scutum reliquisse præcipuum ducebatur flagitium. Præterea armatum se dedere, aut proiectis armis fugam inire, magnæ turpitudini dabantur. Addo insuper ad illa, quæ de Iulij Cæsaris instituto prædicasti, Tribunorum solitam commendari industriam, si miles veste nitidus,

armis pulchre munitus atq; fulgens incederet. Auidius quidem Cassius legionibus Syriacis præfectus, singulorum armaturam septimo quoque die lustrabat, cum vestimentis, & calceamentis etiam. Similiter fecit Maximinus tyronum legioni ab Alexandro Seuero præpositus. M. Mores hi & crimine & criminatione vacant: vt ille quoq; quod in funere militum arma inuersa portabant. Tâgit consuetudinem hanc Virg. 11. Æneid. vbi de Palanteis exequiis,

tum mastaphalanx, Teucrig; sequuntur.

Thirreniq; duces, & versis Arcades armis.

Vehementer porro, vt salutaris, ita laudibus ferenda Martiani Aug. constitutio, qua edixit, ne cui cuiusmodi arma ad hostes, aut ferrum per mercaturam transferrentur. *Nemo alienigenis barbaris cuiuscunq; gentis, ad hanc verbem sacratissimam, sub legationis specie, vel sub quocunque alio colore venientibus, aut in diuersis aliis ciuitatibus, vel locis, loricas, scuta, & arcus, sagittas, & spathas, & gladios, vel alterius cuiuscunque generis arma audeat venundare, nulla prorsus iisdem relictâ, nihil penitus ferri vel facti, vel adhuc infecti ab aliquo distrahatur. Perniciosum namq; Romano imperio, & proditioni proximum est, barbaros, quos indigere conuenit, telis eos, & validiores reddantur, instruere. Si quis autem aliquod armorum genus quarumcunque nationum barbaris alienigenis, contra pietatis nostra interdicta & ubicunq; vendiderit bona eius & inuersa protinus fisco addici, ipsum quoque capitalcm penam subire decernimus.* Certè nisi transfugæ nostri Turcas armorum vsum fabricationemque docuissent: nisi auaritia mercatorum tantam ferri copiam iis apportasset, non tam miserabiliter orbem Christianum ab illis immanissimis bel-

luis

luis vastatum laceratumq; videremus. C. Quàm non ingrata cognitu, quàm etiam multa nos hactenus, & quidem generatim de armis? Iam si quis, Morelle, diuisionem armorum abs te postularet, quo tandem modo eà diuideres? M. Dicerem ex tempore, alia ad tegendum muniendumq; corpus valere: alia ad inuadendum, seu laceſſendum, aut defendendum: & hanc partitionem ex M. Tullio confirmarem, qui 1. de Orat. in laudàda eloquentia, quam cum armis comparat: triplicem eorum vsum videtur statuiffe: ex quo manat omnis illa, quæ inter ea siue in materia, siue in forma, siue in magnitudine apparet differentia. Quid autem, inquit, tam necessarium, quàm tenere semper arma, quibus vel ipse testus esse possis, vel prouocare improbos, vel te vlcisci laceſſitus? P. Quoniam eadem ferè sunt, quibus cum ad oppugnandum, tum ad defendendum vtimur, sit hoc secundum genus: illud autem quo nos tegimus primum. C. An tu machinas bellicas in armis non habes? P. Immo verò, & in posteriore genere eas colloco. M. Ad ordinem igitur primum, tegentium, inquam, armorum, imprimis pertinet scutum, quod cum ipsum genus sit, nihilominus etiam pars generi subiecta numeratur. C. Quænam ergo sunt partes? M. Scutum propriè dictum, clypeus, parma, pelta, ancile, cetra, quæ omnia communiter scuta appellantur. P. Optimè. M. SCVTVM est, quod nobiles scriptores græci *Συγέδον* nominant, oblonga forma, quadrata, ad ianux similitudinem, vnde illi appellatio: curuata tamen superficie. Quare non vna perpetua tabula, sed dissectis plu-

ribus fieri oportuit. Inde Varronis notatio. Scutum à sectura, vt secutum: quòd à minutis confectum sit tabellis. Latitudinem dicit Polybius fuisse pedum duorum, & semis: longitudinem quatuor. Tegebatur corio: quocirca placet nonnullis, dictum à *κύτος*, quod corium significat. siue etiam quòd ex pellibus totum conficeretur, qualia fuisse antiquorum scuta, quæ postmodum firmitatis gratia è ligno fabrefacta fuerint, demonstrat Polybius. Non autem è cuiusuis, sed aquaticarum præsertim arborum ligno scuta faciebant: ficeus & salix propter leuitatem maximè probabntur. Equestria scuta breuiora fuerunt, quòd leuitate adiuuante, promptius mouerentur: maior enim ab equite, quàm à pedite cursus requiritur. **Clypeus** nuncupatus, quòd clepit, id est, quasi furatur & celat, periculoq; subducit corpus, *ὑπὸ τῷ κλέπῃν* furtum facio: siue à *γλύπῃν* scalpere. Plin. lib. 35. cap. 3. Scutis, qualibus ad Troiam pugnatum est, continebantur imagines: vnde & nomen habuere clypeorum, non vt peruersa Grammaticorum subtilitas voluit, à cluendo. Clypeus cauus fuit & rotundus. Vetusissimus enim poëta Attius cælo clypeum comparauit, cum dicit Agamem. In altissimo cæli clypeo: adiicit Varro, cauum enim clypeum. Virgil. item 3. Aeneid. Aëre cauo clypeum magni gestamen Abantis. Deinde Ouid. vnicum Polyphemi oculum clypeo similem cecinit Metamorph. 13. Vnum est in media lumen mihi fronte, sed instar Ingentis clypei. Virgil. 3. Aeneid. de eodem.

*Ex celo lumen cerebri acuto
Ingens, quod torua solum sub fronte latebat
Argolici clypei, aut Phæbæ lampadis instar.*

Oculi ingentis, Argolici clypei, & solis eandem formam facit, rotundam videlicet. In Festi fragmentis est, clypeum antiqui ob rotunditatem etiam corium bouis appellarunt, in quo fœdus Gabinorum cum Romanis fuerat descriptum. Verum posterioribus temporibus ad ouatâ speciem redacti sunt clypei. Est itaq; scutum quadratum, clypeus rotundus. Præterea integumentum pelliceum, ac duplex tabulatum ligneum, quod scuto Polybius tribuit, clypeo non conueniunt: qui pelliculis carens totus erat æreus. Ex quo Virgil. 2. *Æneid.* Ardentem clypeos. Ostendunt item discrimen verba Liuij lib. 8. Clypeis antea Romanis vsi sunt (de Latinis armatura Romana instructis loquitur) deinceps postquam stipendiarij facti sunt, scuta pro clypeis fecere. Adhæc cum de Romana armatura agunt Liuius, Polybius, Dionysius, dissimilibus vtuntur nominibus. Nam quod latinus scutum dicit lib. 1. Græci *θυρεον* & Polybius lib. 6. *ἐμφαλδον* vocat: quod ille clypeum, hi *ἀσπίδα*. V M B O clypei pars media eminētior, quasi vmbilicus. Virgil. 2. *Æneid.* Et summo clypei nequidquam vmbone pependit. Varro ait à græco duci vocabulum: Græci namq; *ἀμβωνας* vocant extumida & prominentia, vt ventrem ampullarum. Plutarch. Lycurgo. In montibus quoque *ὕψιλος τόπος* ita vocant. In quam significationem & latini vmbonem vsurparunt. Statius Achilleide, vndisonæ
quos

quos circuit umbo Maleæ. Id est, quod poetis Græcis *πρόν*. Idem Thebaide.

*Stant iuga, & obiectus geminis umbonibus agger
Campum exire vetat.*

Et aliis præterea locis. PARMÆ ex eo dicta, ut placet Varroni, quod à medio in omnes partes par. Rotunda figura fuit, diametrum habens tripedale. Idem Varro apud Nonium. Quem sequuntur cum rotundis velites parmis. Quod autem Nonius affirmat, breue scutum parmam, sciendum eius æquo minorem fuisse parmarum magnitudinem. Fuit levis armaturæ parma, & velitum. Liuius lib. 31. Veliti Romano parmam gladiumque habenti. Virgil. 9. Æneid. Ense levis nudo, parmaque inglorius alba. Equestres quoque parmae à Liuiio nominantur lib. 2. Desiliunt ex equis, prouolant in prælium, & pro antesignanis parmas obiciunt. lib. 8. Equus ad vulneris sensum, prioribus erectis pedibus, magna vi, cum caput quateret, excussit equitem: quem cuspide parmaque innixum, attollentem se graui casu, Manlius ab iugulo, ita ut per costas ferrum emineret, terræ affixit. Equestres tamen parmae à velitaribus differebant magnitudine, cum dicat Liuius de velitibus lib. 26. his parmae breuiores, quam equestres. P. Subit mentem Horatianæ parmulae memoria, quam ille se celeriter in campis Philippeis fugientem non bene reliquisse confitetur: additque, Mercurij opera nube sibi circumfusa seruatum euasisse. C. Ut Venus scilicet Paridem nube tectum certamini subduxit apud Homerum. Sed Horatius animosior profecto τῷ Βάκχῳ, ἢ τῷ Ἀρηΐῳ Διότῳ, & ad
rem

rem poculis quàm gladiis gerendam aptior fuit, quem mittamus. M. PELTA latinum non est: Græcum si est, ex eorum ordine est, quæ Varroni primigenia, quòd aliunde non gignuntur, sed suas radices habent, cetræ similis. Liuius lib. 28. Menippum quendam ex regiis ducibus cum mille peltatis (pelta cetræ haud dissimilis est) Chalcidem mittit. Et lib. 31. Nocte cetratos, quos peltastas vocant, loco opportuno, inter bina castra in insidiis abdiderat. Scuti genus breuissimum, in modum lunæ mediæ, seu semiplenæ. Virgil. 1. Æneid. Ducit Amazonidum lunatis agmina peltis. Et Suidas, πέλτον ἀπὸς ἵππου μὴ ἔχουσα, clypeus rotunditatem nō habens. Vtebantur pelta Amazones, quæ ob id peltiferæ Ouidio, Macedones, Afri, Hispani, Cretenses. Seruius ait loreum scutum fuisse. ANCILE. ab ancisu, ab am veteri præpositione & cædo, quasi circum cædo: ut ambio est circum eo, & amburo circumuro. Scutum fuit ab vtraque parte incisum, vel ab omni parte ancisum, & rotundum. Ouid.

Idq̃, ancile vocant, quòd ab omni parte recisum,

Quemq̃, notes oculis angulus omnis abest.

Festi verba sic habent. Ancile scutum breue, sic appellatum, quia ex vtroque latere erat recisum, ut summum infimumq̃ eius, latus medio pateret, *+ latius* Materiam si quæritis, ære constabat. Salij sacerdotes Martis ea gestare soliti. Varro armilustrium scribit esse dictum à luendo, aut lustrō, id est, quòd circumibant ludentes ancilibus armati. In veteri lexico ὀπλοκαθάριστον, & ὀπλοκάδαρμ. vocatur. Festus hoc modo. Armilustrium festum erat apud

apud Romanos, quo rem diuinam armati faciē-
bant: ac dum sacrificarent, tubis canebant. Hæc
de scutorum generibus. C. Cæpisti tu quidē tege-
re seu munire militem tuum, nondum penitus
texisti ac muniuisti. Quod igitur reliquum est
huius laboris, mihi autem deposcere. P. Dum
nos in pace simus, etiam vrbes te oppugnare per-
facile sinemus. C. De eo tu videris: machinas
certē oppugnatorias tutē fabricabis: sed lingua,
non manu. P. En Morelle, quā iustis partibus
operum laborem æquat noster Cœlius. Bellica-
rum machinarū descriptio perobscura est: quam
obscuritatem auget librorum vnde eam petere
debemus deprauatio. Quæ ipse dicturus est, expe-
ditioem habent explicatum. Veruntamen quia
de armis differere cæpimus, & satis longē progres-
si sumus, quid est, cur citra finē velimus resistere?
Sumam ego mihi partem de machinis, & machi-
nabor aliquid pro viribus. Tu Cœli tuū decurre
spatium. C. Ergo de capite primum videamus,
cui impono galeā. GALEA à γάλη fele dicta, quod
felina pelle constaret. Malē enim Varro, qui à ga-
lero deducit. Sic κυνέη quod canina, λυκέη quod lu-
pina. Eminens in summa galea, quo crista figitur,
Græci appellant κῶνον. Hinc illis galea non solum
πρικεφαλαία, sed etiam quia sæpe cristata est,
λόφος. Cassis idem galeæ. M. Duas ob causas me-
mini legere, galeas seu tegi, seu confici olim con-
fuisse non eorum modo animalium, quæ nomi-
nasti, sed caprarum quoque, arietum, elephantor-
um pellibus. Ad terrorem hostibus incutiēdum:

& vt

& vt essent insignia per quæ quisq; aut strenuè, aut ignauiter se in prælio gerens à Præfecto suo agnosceretur. Alij rebus aliis in galea vel ad horrorem faciendum, vel ad ornamentum vsi sunt, vt hiantium animalium formis. Exempli loco proferam versus Maronis de lib. 7.

*Ipse inter primos præstanti corpore Turnus
Vertitur, arma tenens, & toto vertice supra est.
Cui triplici crinita iuba galea alta Chimaram
Sustinet, Aetnaos efflantem faucibus ignes.*

C. Quasi non eadem ego legissem, aut de re tam bella, tam opportuno loco taciturus fuissem. M. Posthac te non inturbabo: da veniam imprudentiæ, & si vis, etiâ impudentiæ. C. Ornatus galeæ, & id quod superponitur in picturis, sculpturis cælaturis, hodie quoq; familiarû signa distinguit. Et id à militia ortum, non est in dubitatione ponendum. Insident, quod sæpe obseruastis, galeis leones, lupi, cerui, canes, aquilæ, vultures, dracones, aliarumq; bestiarum siue capitâ, siue cornua, siue pedes. Primi auctores feruntur Ægyptij, quorum Reges leonis, tauri, aut draconis caput insigne principatus gestabant. Ab his mos ad Græcos manauit: inde, vt alia militaria & ciuilia permulta, ad Romanos. Cæterum apud Homerû Iliad. 3. ducibus fortituris de monomachia, seu singulari certamine cum Hectore, sortes in galeam deiiciuntur. Quare Homerica imitatione, vt aliâs millies, scripsit in quinto Virgil. Extremus, galeâque ima subsedit Acestes. Sic Æschyl. in septem ad Thebas.

Τείτω γὰρ ἐπέκλω λείτῳ πάλῳ
 ἐξ ὑπὸς πῆδυσεν ἐϋχάλκῳ κράνῃ.

Erat igitur hominibus illis militaribus galea pro
 forēfi aut vrbana sitella, siue vrna. LORICA Var-
 roni dicitur à loris, quod de corio crudo pectora-
 lia faciebant: postea succuderunt Galli è ferro sub
 id vocabulum ex annulis ferream tunicam, χαλ-
 κοχίτωνα scilicet, vt Homerus frequenter vocat.
 Nec ferreæ duntaxat, verùm lineæ, aut æneæ quo-
 que loricæ quondam vsitatae fuerunt. Heroes Gre-
 ci apud Homerum sunt λινοδάρηκες. Narrat de eo-
 dem more Herodot. Polymnia. Idem Liuius de
 Hispaniis lib. 31. qui & Samnites totam legionem
 linteatam habuisse scribit lib. 9. Iphicrates quoq;
 teste Æmilio Probo, militibus Atheniensibus pro
 æneâ lineam dedit, qualem auctore Plutarcho e-
 tiam Magnus Alexander induit. Squamam legi
 esse lorica ferream ex lamellis ferreis, aut æreis
 concatenatam, in modum squamarum piscis, &
 ex ipso splendore squamarū ac similitudine nun-
 cupatam. Thorax est pars trunci à collo ad stoma-
 chum. Hinc tegumentum eius ferreum ita dictū:
 solūm etenim pectus muniebant, quod tergo non
 esset metus. Hinc vt loricati, sic etiam thoracati.
 OC REAE ferrea crurum munimenta. Dictas cen-
 set Varro, quod opponebantur ob crus. Ocrem,
 ait Festus, antiqui vocabant asperum montem &
 confragosum: vnde fortasse etiam ocreæ sint di-
 ctæ, inæqualiter tuberatae. Græcis περικνημίδες.
 Ab ocreis Homerus frequentissimè addit epithe-
 ton militibus, ἐϋκνημίδας appellitās, quod ex Plauti
 Amphit.

Amphit. possis vertere, nimis pulchris armis præditos: hoc enim vult poëta græcus κατὰ συνεκδοχὴν. Satis iam tectus est miles noster. Sequitur vt ei demus in manus, qui se defendat, alitumue laceſſat. Primas teneat GLADIVS, quem affirmat à clade nominatum Varro, c. in g. mutato: quòd nempe fiat ad hostium cladem gladius, ſimiliter ab omine. Clades etiam dicebatur furculorum detritio, κλάδοι ramus. Sic calamitas calamorum: ſtrages ſtratarum arborum: deinde hæc tria ad homines migrarunt. Enſem arbitrati ſunt quidam ſignificare ferrum tantum, gladium totum telum, cuius pars capulus, vel quia caput eſt gladij, vel quia ibi capitur vt teneatur. Verutum nominant, quòd enſem à quibuſdam appellari dicebamus, die *Ῥίγγε*/in quo acies, ab acumine. Mucro extrema pars gladij, qua in cuspideſ definit. Iam gladius quidam eſt ab vna parte acutus, quidam anceps, ſeu bis acutus, græcè δίσομον, ἀμφίσομον ἔϊφ. Memoratu dignum, Repub. adhuc beata & florente Romanis fuiſſe gladios minores, & ad femur dextrum geſtari ſolitos. Deinde deſidente & in præceps abeunte imperio, & maiores factos, & à ſiniſtro latere depēdiſſe, qui mos nunc eſt. Sunt complura gladij genera, quæ paucis perſequar. Spata, ſeu ſpatha cum nota aspirationis, genus eſt gladij maioris, ſemiſpatha minoris. Meminerunt huius formæ Veget. lib. 2. cap. 15. & Tacitus in Annal. Iſid. lib. 18. cap. 6. Spatha, inquit, à paſſione dicitur, græco verbo παθεῖν, ſeu à latino, quòd ſpatioſa ſit, id eſt, lata & ampla. Vnde & ſpatula in pecoribus.

bus. Semispathium à media longitudine spathæ. Framea gladius vtrinque acutus, dicta quod ferrea: quocirca omnis gladius framea dici possit. Hastam Germanorum vult esse Tacitus, angusto breuiq; ferro, sed acri & habili ad vtramque pugnam, siue cominus, siue eminus pugnare libeat. Rhomphæa idem cum framea. Sica à secando, gladius brevis latronum, occultus pugiunculus. Hinc ficarij. Cic. 2. Catil. de pueris quibusdam è familiaribus Catilinæ, qui sicas vibrare, & venena spargere didicerint. Ex quo colligitur, non ita longam fuisse. Harpe falcatus ensis, acinaces gladius Persicus, seu Turcicus. Vino & lucernis Medus acinaces Immane quantum discrepat, inquit Horat. vbi idcirco Medum appellat, quia Medorum imperium ad Persas translatum fuit, Medi q; & Persæ vni Cyro paruerunt, vt aliàs Medos pro Persis cum ipse, tum Catullus posuit. Harpen poëtæ Mercurio & Perseo tribuunt. Dolones sunt vaginæ ligneæ, intra quas latet pugio: à dolo, quoniam fallunt, & intra se ferro abscondito decipiunt, ligni enim speciem præferunt. Pugio à pungendo, & transfigendo, pusillus gladius & bis acutus, lateri adhærens. Clunabulum etiam, seu clunaculum, quod ad clunem religetur. Parazonium pugionis genus, de zona dependens. *Wadner.* P. Multos bellicatori tuo præbuiſti gladios: etiãne varias illi hastas porriges? C. Videbitis. *HASTA* nomen accepit, quod astans solet ferri: antiquitus enim asta scribebant, citra halitum, & astare pro adstare, assum pro adsum. Hastile diminuendi formam ab asta. Hasta pura, ferro non munita. Præpilata, fer-

ferream habens cuspidem. Amentata, quæ amento excussa vibratur. Velitarius, levis, quæ vice iaculi emittitur. Contus ferrum non habet, tantum cuspidem acuta est. Virgil. Ferratasq; sudes, & acuta cuspidem contos. Trudes, ab eo quod trudent & detrudent. Virgil. Ferratasq; trudes. Venabula, quod venationi habilia. Virgil. 4. Æneid.

*It portis iubare exorto delecta iuuenens,
Retiararâ plagalato Venabula ferro.*

Verutum genus hastæ breue & angustum, ferro, instar veru angusto præpilatum. Lancea hasta amentata: dicta, quia æqua lance, id est, æquali amento ponderata vibratur. Amentum vinculum iaculorum, hastilium, quod mediis aptatur. Spiculum lancea brevis, à spicarum similitudine. **TELUM** propriè omne genus armorum, quod in longum mittitur, à *τῆλῦ* longè. Telorum, iaculorum, gladiatorum vocabula è veteribus historicis enumerat Gellius lib. 10. cap. 25. nempe hæc. Hasta, pilum, phalarica, semiphalarica, soliferræ, gessa, lancea, spari, rumigestri, faces, tragulæ, fræmæ, mesanculæ, cateiæ, romphææ, scorpius, scibones, sicilices, veruta, enses, sicæ, macheræ, spatæ, lingulæ, pugiones, climaculæ. Lingulam dixerunt gladiolum oblongum, in speciem linguæ factum. Aclides genus teli, quod amento longè iacitur, peractotq; vulnere reuocatur. Pyroboli missilia ignita. **ARCUS** dictus quod ardet aduersariû: item ob speciem, quod est curuatus arctius. Hinc curuare, lentare cornu: lunare, sinuare arcum. Habet cornua sua, quorum crenis vtrinq; nervus immittitur. **SAGITTAE** (pro quo poetæ sæpius arundo,

calamus) à sagaci iactu, hoc est, veloci ictu : pennis enim fertur tanquam auis. Crena est incisura in sagitta, quæ neruum admittit. Sagittarij nonnunquam Iureconsultis, qui sagittas edolant. Iam quod pluribus in vrbibus loca quædam sagittariis exercèdis destinata cernimus, sciamus licet id à maioribus ad vtilitatem Reipub. fuisse institutum, vt esset progymnasma bellicum. Sed hodie illorum nemo, qui se ad scopum sagittis mittendis exercent, quidquam aliud, præter inanem delectationem sibi ea exercitatione petit. Scorpio sagitta venenata, arcu aut tormento excussa, quæ dum ad hominem venerit, virus quod gerit, more scorpionis infundit in vulnus. PHARETRA est theca sagittarum, à ferendo: vt feretrum in quo fertur funus. CORYTI propriè arcuum thecæ, seu repositoria. FVNDÆ quod ex ea funduntur lapides. Scutale corium fundæ, cui lapis excutendus imponitur. Semper asuescendum, ait Veget. vt semel tantum funda circa caput rotetur, cum ex ea emittitur saxum. Aliud tamen seruatum videas apud Virgilium, propter vim vtique maiorem lib.9. Æneid.

*Stridentem fundam, positis Mezentius armis,
Ipse ter adducta circum caput egit habena,
Et media aduersi liquefacto tempora plumbo
Diffudit, ac multa porrectum extendit arena.*

Absoluimus ego & Marcellus fere omnia, quæ militi adesse debent ad pugnam. Restat tractatio machinarum, quarum aliæ sunt oppugnatoriæ, quibus hostes impetimus: aliæ repugnatoriæ, quæ etiam à defensione propugnatoriæ dici possunt.

Sed

Sed hoc tuum negotium est Primitiue, quod ut agas, quemadmodum promissisti, te oratum volumus.

Machina bellica.

P. In explicatione ista tormentorum militarium hunc tenebo ordinem, ut primum omnia ea recenseam: deinde quæ, quantumq; iudicauero declararem. Nam velle in his certum sequi ordinem, est puerile, ut opinor. M. Valeat arbitratus tuus. P.

Πολιορκητικὰ igitur sunt Testudines, Arietes, Fundibalæ, Asseres, Ballistæ, Arcuballistæ, Carroballistæ, Harpagones, Epostræ, Falces, Musculi, Trifalces, quæ ex Ballistis emittuntur, Fustibali, Cataphractæ, Plumbatæ, quas vocant Martiobarbulos, Onagri, Heliopoles, Plutei, Sambucæ, Præla, Scorpiones, quos Manuballistas appellant, Ambulatoriæ turres, Tribuli, Sarissæ, Poliorces, Vineæ, Tollenones, Phalæ, ex quibus intorquentur Phalaricæ, Bipennes, Crates metallæ. **ARIES** Carthaginensium inuentum est. De eius inuentione, & constructione referam vobis quæ scripsit Vitruuius lib. 10. cap. 19. *Carthaginenses ad Gades oppugnandas castra posuerunt. Cum autem castellum ante capissent: id demoliri sunt conati. Posteaquam non habuerunt ad demolitionem ferramenta, sumpserunt lignum, idq; manibus sustinentes, capiteq; eius summum murum continenter pulsantes, summos lapidum ordines deiecebant, & ita gradatim ex ordine totam communionem dissipauerunt. Postea quidam Faber Tyrius, nomine Pephasthenos, hac ratione & inuentione inductus, malo staturo, ex eo alserum transversum, & si trutinam suspendit, & reducen-*

do, & impellendo vehementius plagis deiecit Gaditanorum murum. Ceteris autem Calcedonius de materia primum basim subiectis rotis fecit, supraq; compegit arretariis, & iugis caras, & in his suspendit arietem, corisq; bubulis texit, & ita tutiores essent, qui in ea machinatione ad pulsandum murum essent collocati. Id autem quod tardos conatus haberet, testudinem arietariam appellare capit. Porro ad figuram & impetum huius tormēti planius cognoscendum, proderit nosse, quæ affert Ioseph. de bello Iudaico lib. 3. cap. 9. Sic aut loquitur. Immensa est materia, malo navis adsimilis, cuius summum graui ferro solidatum est, arietis effigie fabricatum, unde nomen accepit. Depēdet autem funibus medius ex alia, velut ex trutina, palis vndiq; fulta. Retrorsum autem magna virorum multitudine repulsus, in fronte prominente ferro, maniā percutit. Remedia porro aduersum arietes, culcitas, centones, & alia tradit Veget. lib. 4. cap. 23. Centonibus etiam, qui obsidebant urbem, vineas aduersus incendium integebant. Qui eos conficiebant centonarij, sicuti qui materiā ad madripas cōficiendas ē syluis aduectabāt, dendrophori nominabantur. Ibid. lib. 18. Contra impulsū, inquit, arietis remedium est, saccus paleis plenus, & in eum locum demissus, quo aries percutit. Laxo enim saccorum sinu ictus arietis illisus mollitur. Duriora enim mollioribus facilius cedunt. Quo artificio Iudæi aduersus Vespasianum se tutabantur. Verūm Romani animaduertentes saccorum mollitię machinæ vim eludi, perticis falcatiss lora vnde sacci dependebant tandem inciderunt. Dissoluebantur autem arietes, & ita in expeditionibus circumferebantur. Festiuissimus iocorum promus Plautus ad impetū arietis muros

ver-

verberantis respiciens, in Truculento dixit. Quis est qui tam proteruè nostras ædes arietat? hoc est, tanq̃ ariete quatit, seu verberat. Vfus est hoc verbo etiam Virg. 12. *Æneid.* immisissis pars cæca & cõcita frænis Arietat in portas. HELEPOLIS ab vrbibus euertendis nomen acquisiuit, cuius opera Demetrius Antigoni Rhodo & aliis vrbibus expugnatis, Poliorcetes cognomentum inuenit. Condita est pro ariete, qui ob crebritatem vilescbat. Descriptionem vnã vobis ex Amuniani libro 23. recitabo: altera ex Plutarchi Demetrio petat, cui visum fuerit. *Testudo compaginatur immanis, axibus roborata longissimis, ferreisq; clauis aptata, & contegitur coriis bubulis, virgarumq; recenti textura, atque limo asperguntur eius suprema, vt flammeos detractet, & missiles casus. Conseruntur autem eius frontalibus trifurca cuspides, præacuta, ponderibus ferreis graues, qualia nobis pictores ostendunt fulmina, vel flictores, vt quidquid petierit, aculeis exerts abrumpat. Hanc ita validam molem palis & funibus regens numerosis intrinsecus miles, languidiori murorum parti viribus admolet concutit, & nisi desuper propugnantium valuerint vires, collisis parietibus aditus patefacit ingentes.* Meminit huius machinæ Vitruuius libro decimo cap. 22. TESTUDO à similitudine quam gerit veræ testudinis, vocabulum sumpsit: quoniam sicut illa modò reducit, modò profert caput: sic machinamenti istud genus trabem nunc reuocat, nunc exerit, vt validius feriat. In ipsis enim testudinibus quoque arietes edificabantur. Varias testudines Vitruuius descripsit libro decimo capite vicesimo & vicesimo primo, easq; vsui fuisse docuit, vel ad congestionem fossarum tantùm, vel etiam ad

muros vt accederent, & inhærente ariete impetum facerent. Fuit præterea testudo scutorum connexio, curuata in morem testudinis, *συνασπίς* *μὲν*. Eam exercitus faciebat, se tegumentis scutorum vndique operiens, quemadmodum testudo suo putamine obducta est, eaq; specie tectum ædificiorum referebat. Ita cooperti sagittas & missilia supernè incidentia nulla sentiebant. Talem Maro videtur intellexisse 2. Æneid. obsessumq; aucta testudine limen. Troiano bello excogitatam Diodorus putat. TOLLENON dicitur, si audiamus Vegetium, *Quoties una trabes in terram præaltè defigitur, cui in summo vertice alia transversa trabes longior dimensa medietate connectitur, ac libramento, ut si unum caput deprefferis, aliud erigatur. In uno ergo capite cratibus, siue tabulatis contextitur machina, in qua pauci collocantur armati. Tunc per funes uno attracto depressoque alio capite eleuati imponuntur in murum.* FALX vocatur ab eo quod incurua est, vt de muro extrahat lapides. Hasce falces murales laqueis iniectis deflectebant obsessi. Testes Appianus de bellis Punicis, & Cæsar lib. 7. de bello Gall. Falcis naualis meminit Veget. lib. 2. cap. vlt. eam explicat lib. 4. cap. 46. *Falx dicitur acutissimum ferrum, curuatum ad similitudinem falcis, quod contis longioribus inditum, colatorios funes, quibus antenna suspenditur repente pracidit, collapsisq; velis liburnam pigriorem, & inutilem reddit.* In eodem capite Asseres & Bipennes describit. *Asser dicitur, cum trabes subtilis & longa ad similitudinem antenna pendet in malo, viroque capite ferrato. Hunc siue à dextra, siue à sinistra parte aduersariorum se sunxerint naues, pro vice arietis vi impellunt, qui bellatores hostium siue nantas siue dubio prosterunt & perimunt.*

perimit, ipsamq; nauem sapius perforat. BIPENNIS est securis habens ex utraq; parte latissimum & acutissimum ferrum. Per hanc in medio ardore pugnâdi perisissimâ nauis & vel milites secretò incidunt funes, quibus aduersariorū ligata sunt gubernacula, quo factò statim capitur, tãquam inermis ac debilis nauis. PLUTEI è vimine contexebantur, erantq; similes iis appendicibus, quas ædificiis adiungimus: tectum in vnâ partem deuexum habebant, haud secus quàm plutei, super quibus scribimus. Festus, Plutei, inquit, erant crates corio crudo intentæ, quæ solebant opponi militibus opus facientib⁹, & appellabantur militares. Nunc etiam tabulæ, quibus quid præsepitur, eodem nomine dicuntur. Ternis nitebantur rotulis, quarum vna in medio, duæ in capitibus, velut carpentum circum agebantur, ad muros applicabantur, & per eos tuti qui oppugnarent, sagittis, fundis, missilibus defensores de propugnaculis deturbabant. AGGER ex terra lignisq; extollitur contra mœnia seu muros, vnde tela proiiciuntur. VINEIS ad subruenda murorum fundamenta penetrabant. Quò postquam penetrassent, dolabras ad muros subruendos adhibebât. Liuius lib. 30. Cum muros defensoribus nudasset, tum Annibal occasionem ratus, quingétos ferme Afros cum dolabris ad subruendum ab imo murum mittit. Nec erat difficile opus, quod cæmenta non calcædurata erant, sed inter lita luto, structuræ antiquæ genere. Itaque antequam caderetur, ruebat, perq; patentia ruinis agmina armatorum in urbem vadebant. Accipite porrò descriptam vineam à Vegetio in hæc verba. *Et lignis leuioribus machina colligatur, alia pedibus octo, lata pedibus septem, longa pedibus*

sexdecim. Huius tectum munitione duplici, tabulis cratibusq³ contextitur. Latera quoq³ vimine sepiuntur, ne saxorum telorumq³ impetu penetrentur. Extrinsecus autem, ne immisso concremetur incendio, crudis ac recentibus coriis vel centonibus operitur. Sub iis obsidentes tui ad subruenda murorum penetrant fundamenta. Magnus sanè vsus tabularum, & corij crudi, & quò minus cederet flammis, etiam humectati, in communièdis contegendisq³ machinis militaribus. Quin & argillam cum capillo subactam ad eam crassitudinem solebant inducere, vt ignis nocere nihil posset. Ad madefacienda autem illa machinarum tegumenta acetò potius, quàm aqua utebantur. Præterea materies alumine perungebāt, ne quid obesset ignis. M v s c v l v s sola paruitate à testudine differt, vt quidam volunt. Aliter tamen à Vegetio exprimitur lib. 4. c. 16. Caussam nominis hanc affert. Vocatur, ait, à marinis belluis Musculi. Nam quemadmodum illi, cum minores sint, tamen balænis auxilium, adminiculumq³ iugiter exhibent: ita istæ machinæ breuiores, deputatæ turribus magnis, aduentui illarum parant viam, itineraq³ præmuniunt. Contigit autem hoc aliis quoque machinis, vt animalium nominibus vocitentur. Vt Aries, de quo diximus, Ericius, Scorpio, Cuniculus, Testudo. C. Scire peruelim, quo pacto musculus ille marinus balenæ auxilium exhibeat. P. Moderamine caudæ suæ iter balenæ regit, necubi impingat. Et quoniā hæc lusciola est, præuio illo pisciculo deducitur, ac reducitur. Plin. lib. 9. c. 52. Balenæ musculus quādoq³ prægravi superciliorū pondere obrutis eius oculis, infestantia magnitudinē vnda prænatans demonstrat, oculorūq³ vice fungitur. Per-

ele

elegātibus versiculis docuit hoc ipsū Claudianus.

Sic ruit in rupes amissō pisce sodali

Bellua, sulcandas qui prauus edocet undas,

Immensūq; pecus parua moderamine cauda

Temperat, & tanto coniungit fœdera monstro.

M. Quām ingenua cognitio in re p̄r̄ua latebat? Prosequere machinas tuas, quas tibi adhuc multas superesse iudico. P. Supersunt quidem multæ, verūm mihi non omnes libet explicare, ne iusto longior fiam. Legantur Vitruuius, Vegetius, Athenæus, Isidorus & alij, ex quibus ipsis nostra fluūt. TURRES ex trabibus & tabulatis compactæ extructiones, formam ædificiorum referūt, atq; aduersus incendia crudis coriis centonib; sue perteguntur. Earum altitudini latitudo respondet. Ambulatoriæ ideo dicūtur, quod rotis subiectis promouentur reducunturq;. Persæpe ad ingentem hostibus terrorem ac metum iniiciendum valuerunt. Scriptum est lib. 2. de bello Gall. Gallos vt in castris Cæsaris turrim procul constitui primūm viderint, irrisisse de muro, & increpitasse vocibus. Quā vbi moueri & appropinquare mœnibus conspexerunt, noua atq; inusitata consternati specie, legatos de compositione pacis miserunt. Præter armatorum numerum, quos ex turribus pugnasse constat, machinæ item bellicæ in iisdem per tabulata disponebantur, vt catapultæ, balistæ. &c. Frontes ferratas accipiebant interdum vt à flamma ne læderētur. Habebant in inferioribus arietē, cuius impetu murū lacerabant, circa mediū, pontē, factū de duabus trabibus, septumq; de vimine, quē subitō prolatum inter turrim murumq; constituunt, & per eum egredientes de machina bellatores in ciuitatem transcūt, & occupant muros.

In

In superiore autem parte contati, & sagittarj collocantur, qui defensores Urbis contis, missilibus, saxiq; prosternant. Ita Vegetius. Pons qui de turri in murum repente proiicitur, exostra vocatur. Quomodo autem per tollenonem, & exostram, sic per scalas & sambucam in muros euadunt obseffores. Sclarum opugnatio inuenta fertur à Capaneo: & magnum adeunt periculum, qui scalis ascendunt mœnia. BALISTA funibus neruinis tenditur, qua quanto prolixiora brachiola habuerit, hoc est quanto maior fuerit, tanto spicula longius emittit: qua si iuxta artem mechanicam temperetur, & ab exercitatis hominibus, qui mensurâ eius ante collegerint dirigatur, penetrat quodcunq; percusserit. Fuerunt diuersæ balistæ, tametsi ad vnum finem effectumq; comparatæ. Aliæ enim vectibus & sulculis, nonnullæ polyspastis, alię ergatis, quędam etiam tympanorum rationibus torquebantur. Sed quia maior est huius tormēti obscuritas, aliò cursum flectamus. De scorpione, quem cum Onagro confundit, legendus Ammianus lib. 19. 23. 24. Scorpiones distinguit ab Onagris Vegetius, & sic appellatos confirmat, quòd paruis subtilibusq; spiculis inferant mortem. PHALARICA Isidoro telū ingens, torno factum, habens ferrum cubitale, & rotunditatem de plumbo in modum sphaera in ipsa summitate. Dicitur etiam & ignem habere affixū. Hoc telo pugnatur è turribus, quos phalas dici manifestum est. Sed perfectior est Liuiana descriptio. Phalarica erat Saguntinis missile telum, hastili oblongo, & cetera tereti, praterquam ad extremum; Unde ferrum extabat, id sicut in pilo quadratum, stupra circumligabāt, linebantq; pice. Ferrum autem tres in longum pedes habebat, Et cum armis transfigere corpus posset. Sed id maximè etiamsi hasisset in scuto, & non penetrasset, pauiorem faciebat: quod cum medium accensum mitteretur,

conceptumq; ab ipso motu multò maiorem ignem ferret, arma omitti cogebat, nudumq; militem ad insequentes istius præbebat. MALLEOLI manipuli spartei, pice con-
 texti, qui incensi, aut in muros, aut in testudines
 iaciuntur. Sic Nonius. Festus verò. Malleoli vo-
 cantur, non solùm parui mallei, sed etiam ij, qui
 ad incendium faciendum aptantur, videlicet ad
 similitudinem priorum dicti. Melior descriptio
 reperitur apud Ammianũ. CVRRVS FALCATI
 à Parthis frequentati, contra quos Romani tribu-
 los spargebāt. Tribulus est ex quatuor palis confi-
 xum propugnaculum, quod quomocunq; abie-
 ceris, tribus radiis stat, & erecto quarto infestum
 est. Vocantur item murices. Coruum pleriq; cum
 manu ferrea confundunt, Harpagones vocāt qui-
 dam lupos. Mortaria, Colubrinæ, Falcones, Mo-
 scheti, Bombardæ nostrorum temporum machi-
 næ tormentaq; sunt. Sclopus Feistling. Ignarius
 fomes, aut ignariũ Zindstrick. Effudi omnia quæ
 extempore in mentem mihi venerunt. Alterum
 de vobis capiosius & planius hæc disputaturum
 fuisse opinor. M. Vberius forsitan, planius qui-
 dem nescio an de his rebus explicari queat: qua-
 rum plerasq; multi, nec pictas vnquam viderunt,
 nec scriptas aliquando vel molli brachio legerūt.
 Ego quoq; si vobis videtur, ex quodam nostræ æ-
 tatis historico perelegantem tormenti nostri cu-
 rulis declarationem recitabo. P. Age, recita. M.
 Nondum apparuerant gentibus illis (Indicis) no-
 uæ subtilitatis, & operis admirandi ballistæ, ob-
 longum in tubum, & æqualiter teretem ex ære fu-
 sili figuratæ: quæ non funibus aut nervis intentæ
 singula

singula mittunt spicula: sed incogitata priscis ratione, ad applicitos tenui ab tergo foramine igniculos cum incremento multiplici rapiendos, certo primum nitrati ac sulphurei pulveris modulo temperata, insertos dein ore patente ferreos ex arte globos, catenasq; & alia obturamenta, fulminis instar flammis eluctantibus cum horrendo fragore contorquentur.

ANNOTATIONES.

CAMPIDUCTORIBVS) *Campidoctores, Armidoctores sunt ὁπλοδιδασκταί, & ὁπλοδιδύσκαλοι. Campiductores iidem. Ductores autem à ducendo, unde & ductare, & ductus. INTER LEVIS ARMATURÆ MILITES) Adducamus ex Varrone militis etymon. Miles, inquit, quòd trium millium primò legio fiebat, ac singula tribus, Tatiensium, Ramnium, Lucerum millia singula militum mittebant. Caterum levis armatura fuerunt ferentarij, armatura, sagittarij, funditores, tragularij. Hi ante aciem procedentes prouocabant hostem, si fugare poterant, insequabantur. Si eius virtute reprimerentur, recipiebant se ad suos. Iam quòs Vegetius ferentarios, & funditores, alij Rorarios appellant, de quo Varro lib 6. Rorarij dicti à rore, qui bellum committebant ante, ideo quod ante rorat, quàm pluit. Festus. Rorarios milites vocabant, qui leui armatura primi praelium committebant, quòd ut ante imbrem fere rorare solet, sic illi ante gravem armaturam quòd prodibant,*
rorarij

rovari dicti. *Gravis armatura qua fuerit, discas licet ex Vegetij lib. 2. cap. 15. Idem armaturam gestum, numeros vocat: qua qualia fuerint, cognoscetur ex eiusdem lib. 2. cap. 23. & lib. 3. cap. 4. & lib. 1. cap. 11. In qua capita videndus etiam Stenechius de Vegetio tam bene meritis, atque etiam de vniuersa disciplina militari, quam qui optime. ARMARIUM EST LOCUS*) Interdum significat locum in quo nummi reconduntur. Cic. pro Calio. *Tunc aurum ex armario tuo promere ausa es? pro Cluent. Cum esset in adibus armarium, in quo sciret esse nummorum aliquantum, & auri, noctu duos conseruos dormientes occidit. Plant. Epid. Quin ex occluso, atque obsignato armario Decutio argenti tantum, quantum mihi libet. Hoc idem valere in Capt. vult Lamb. quo loco puer Hegionis de parasito. Cellas refregit omnes intus, reclusitque armarium: de quo iudices lector. DVRIUS HABUIT INVENTVTEM*) Nec mares tantum, sed feminas quoque. Cic. Tuscul. 2. *Itaque illi qui Gracie formam rerum pub. dederunt, corpora iuuenum firmari labore voluerunt. Quod Spartiata etiam in foeminas transtulerunt, quæ ceteris in urbibus mollißimo cultu parietum umbris occaluntur. Illi autem voluerunt nihil horum simile esse apud Lacanas virgines: quibus magis palestra, Eurotas, sol, pulvis, labor, militia in studio est, quam fertilitas barbara. ARMIS AVRO ARGENTOQUE*) Sueton. in Iulio cap. 67. *Alexander ite Magnus, quem fortassis imitatus est Caesar, aduersus Indos*

Indos moturus, phaleras equorum, & militum arma argento ornauit: ex quo à clypeis inargentatis argyraspides appellati sunt. Idem traditum est de Alexandro Romanorum Imp. qui auctore Lampridio, etiam chrysoaspidas fecit, id est, aureis seu inauratis clypeis pradtos milites. Veruntamen satis argenteus & aureus est miles fortis, & in omnes casus paratissimus: alioqui nihil nisi prada est: Quod insinuare Annibal voluit. Nam dum profugus apud Antiochum regem ageret, & is ei exercitum magnificè, & sumptuosè ornatum ostenderet, quareretq, num hac satis essent futura Romanis. Respondit ille extemplo: planè satis, etiamsi auarissimi sint futuri. Præter expectationem responsum. Rex de pralio interrogabat: respondit Pœnus de prada. Vide insuper apud Curtium lib. 3. quid Eudemus Dario de multitudine copiarũ gloriante persapienter responderit. EPAMINONDAS APVD MANTINEAM) Scribit hunc in modum de exitu Epaminonda Æmilius. At Epaminõdas cum animaduerneret, mortiferum se vulnus accepisse, simulq, si ferrum, quod ex hastili in corpore remanserat, extraxisset, animam statim amissurum, usque cò retinuit, quoad renunciatum est vicisse Bœotios. Id postquam audiuit: satis, inquit, vixi, inuictus enim morior. Tum ferro extracto confestim exanimatus est. Clypei nullam mentionem facit. At faciunt Diodorus, Cicero epist. 12. lib. 5. & rursum 2. de finib. his verbis. Non ego iam Epaminorda, non Leonida mor-

tem huius morti antepono, quorum alter cum vicisset Lacedamonios apud Mantineam, simulque ipse gravi vulnere exanimari se videret, ut primum despexit, quesivit, saluusne esset clypeus. Cum saluum esse flentes sui respondissent: rogauit, essentne fusi hostes: cumq; id quoq;, ut cupiebat, audiuisset, euelli iussit eam, qua transfixus erat hastam. Ita multo sanguine profuso, in letitia & victoria est mortuus. Facie praterea Iustinus lib. 7. & Valerius lib. 3. cap. 2. ILLUD LACONICÆ MULIERIS) Auson. in epigram.

*Mater Lacena clypeo obarmans filium,
Cum hoc, inquit, aut in hoc redi.*

SCVTVM EST, QVOD NOBILES) De discrimine scuti & clypei Turneb. lib. 11. cap. 27. (CLYPEVS NVNCVPATVS) Toga brachium clypeare (quomodo vetus quidam poeta locutus est) est togam circum brachium contorquere, ut clypei vicem impleat. (V-MBO CLYPEI PARVS) Et saepe totus clypeus, aut scutum, figura usitata. Candidus umbo apud Persum sat. 5. est clypeus candidus, carens insigni, & argumento, qualem primis stipendiis gerebant: Quod voluit etiam Virgil. in parma alba 9. Aeneid. Turneb. lib. 20. cap. 1. BREVE SCVTVM PARMAM) Et quia breue, ideo eo armati in arena, quoniam non satis erant tecti, saepius vincebantur. Martial. lib. 14.

*Hac qua saepe solet Vinci, qua Vincere raro,
Parma tibi scutum pumilionis erit.*

timidissimum & ignauissimum potest fortissimū
 efficere; & in cohortationibus bellicis mirū quan-
 tum valet eius nomen, & commemoratio: nec
 vulnereū atque mortis adeo acerbis, vt gloriæ &
 immortalitatis iucundus est sensus. N. Si secus ef-
 set, non vtiq; tam multi bella quāssissent. Quasiue-
 rūt autem propter gloriæ cupiditatem: quod qui-
 dem in magnis animis, & ingeniis plerūq; contin-
 git, & eò propensius, si sunt ad rem militarem ap-
 ti, bellorūque gerendorum cupidi. A. Charitas
 patriæ, æternūq; cuiusdam honoris desiderium
 trecentos Fabios contra Veientes eduxit, nec re-
 duxit. Ob easdem res legio Martia ad Mutinam
 occubuit. Occubuerunt etiam trecenti Lacedæ-
 monij duce Leonida ad Thermopylas, & rursū
 aliās totidem pro agro Thyrea aduersum Argiuos
 duce Othryade fortissimè decertantes. In campis
 Marathoniis quā exiguæ copiæ Atheniensium,
 quanto cum exercitu Persarum, certissimo inter-
 necionis periculo ob amorem patrię libertatis cō-
 fluxerunt? Legiones scripsit Cato sæpe alacres in
 eum locum profectas, vnde se nunquam redituras
 arbitrarentur. Cuius alacritatis causam quam tā-
 dem inueniemus, præter eas, quæ paulo ante à me
 posite sunt? Nec vniuersis modò, verum etiam sin-
 gulis ostendere licet bellum dulce fuisse. Horatius
 Cocles pro ponte stans, quem ingenti gradu obti-
 nebat, ausus est ipse vnus Hetruscorum multitu-
 dinem prouocare, & vndiq; in se tela hostium ex-
 cipere. Qui cum se in Tiberim armatus misisset,
 tutum natandi euētum habuit, diis quodammo-
 do eius fortitudinem admirantibus, vt ait Vale-
 rius:

rius: & vnus tot ciuium, tot hostium in se oculos conuertit, stupentes illos admiratione, hos inter lætitiā & metum hēsitantes: vnusq; duos acerrima pugna confertos exercitus, alterum repellendo, alterum propugnando distraxit. Et vnus Romæ tantum scuto suo, quātum Tiberis alueo munimenti attulit. Quid? parūne dulce bellum fuit M. Cæcio Scæuæ Centurioni, qui cum à Cæsare castellum defendēdum accepisset, Pompeiamq; magno numero ad id capiendum missi essent, omnes qui propius accessissent neci dedit, ac sine vllō regressu pedes pugnans, super ingentem aceruum à se factum corruit. Cuius capite, humero, femore faucij, & oculo eruto cæci scutum centū & viginti ictibus perfossū apparuit. De L. Siccio siue Sicinio Dentato vix credibilia referuntur. Centies & vices in acie descendisse, sex & triginta spolia ex hoste retulisse, ciues quatuordecim seruasse, quinque & quadraginta vulnera aduersā excepisse, auersum nullum, nouem triumphales Imperatorū currus secutum, totius ciuitatis oculos numerosa donorum pompa in se conuertisse, cum ei præferrentur aureæ coronæ octo, ciuicæ quatuordecim, murales tres, obsidionalis vna, torques tres & octoginta supra centum, armillæ centum quadraginta, hastæ octodecim, phaleræ quinque & viginti, ornamenta etiam legioni, nedum militi satis multa. Præteribo C. Atilium, Scæuam, Cynegirum, & alios aliquam multos, quibus hoc corpus magnum decus petentibus vile fuit, quiq; non adeo miserum esse docuerunt, mori: sed pulchrum potius in armis mori, & mortem non in pluma domi, sed in

acie foris per vulnera oppetere. Quorum laudibus haud scio, an possit esse par vllius eloquentia. Nul- lum mihi videtur tam diuinum, & incredibile ge- nus orationis posse reperiri, quod tam fortium inuictorūque militum excellentia non superet. N. Attamen cum facundē, tum magnificē laudata est legio Martia à principe Oratorum libro Phi- lippicarum vltimo. Quam ego laudationem quo- niam ad verbum edidici, ad vtrunq; nostrum ob- lectandum pronuntiare non recusabo, si id à tua voluntate non est abhorrens. A. Nequaquam. Quid enim aut vnquam malui, aut quid tandem malle possum audire, quàm M. Tullium, cuius o- ratio ipsius eloquētiæ vox est? N. *O fortunata mors, qua natura debita, pro patria est potissimum reddita. Vos verè patria natos iudico: quorum etiam nomen à Marte est: Et idem deus Urbem hanc gentibus, Vos huic Urbi genu- isse videatur. In fuga fæda mors est: in victoria gloriosa. E- tenim Mars ipse ex acie fortissimum quemq; pignerari so- let. Illi igitur impij, quos cecidistis, etiam apud inferos pœ- nas parricidij luunt: Vos vero, qui extremum spiritum in vi- ctoria effudistis, piorum estis sedem & locū consecuti. Bre- uis à natura vobis vita data est: at memoria bene reddita vita sempiterna. Quæ si nō esset longior quam hac vita: quis esset tam amens, qui maximis laboribus, & periculis, ad summam laudem gloriāq; contēderet? Attum igitur pre- clare vobiscum fortissimi dum vixistis, nūc verò etiam san- ctissimi milites, quod vestra virtus nec obliuione eorum qui nunc sunt, nec resicentia posterorum insepulta esse poterit, cum vobis immortale monumentum suis pane manibus se- natus populusq; Romanus extruxerit. Multi sæpe exercitus Punicis, Gallicis, Italicis bellis clari & magni fuerunt: nec tamen vllis tale genus honoris tributum est. Atque vtinam maiora possemus, quandoquidem à vobis maxima accepi-*

mu. Vos ab Urbe furem Antonium auertistis: Vos redire molientem repulistis. Erit igitur extructa moles opere magnifico, incisaque litera, diuina virtutis testes sempiterna. Nunquam de vobis eorum, qui aut videbunt vestrum monumentum, aut audient gratissimus sermo conticescet. Ita pro mortali cōditione vite, immortalitatem estis consecuti. Haftenus Cicero. Per simili encomio, & iisdem prope verbis uti posset quispiam in Christianos, prælio contra Turcas, aut hæreticos occumbentes. Nam illorum animos cœlum petere, piorumque sedem & locum consequi: horum autem ad inferos deuolui extra dubitationem est. Qui enim cum pietate dormitionem accipiunt, ut de militibus Machabæis legimus, optimam habent repositam gratiam. A. Non est etiam oratio defutura Spartanos volenti cohonestare: quorum tam inopinatum, & omnibus sæculis inauditum facinus ingentem trepidationem atque formidinem Persarum mentibus attulit, cum nunquam vel leuissimè essent suspicati, in trecentis, aut quingentis hominibus (de numero enim non conuenit inter scriptores) tantum fore animorum, ut decies centena millia inuaderent, & omnem posteris tantæ gloriæ adipiscendæ spem auferrent. Qui in mediis castris hostium cum ceu turbines validi obuia quæquæ ruerent, & ferro sibi quacunque viam aperirent, defectione sola virium, non virtute aduersariorum superati ceciderunt, victores etiâ victi. Hæc in eos dici possent, & aliâ multa, quæ à Diodoro scripta nuper legi. Laudauit & Pericles apud Thucydidem ciues suos in pugna pro patria interfectos. Et in Menexeno Platonis dialogo p̄fertur

oratio, quæ solenni Atheniensium more quotannis recitabatur in publico eorum funere, qui pro Repub. oppetiissent. Ideo autem profertur, ut illorum exemplo ad amandam colendamq; patriam omnes excitentur, eiusq; salutem, & felicem statum rebus suis omnibus, adeoq; vitæ suæ anteponendum existiment, & beatos ducant, qui in tali causa sanguinem libentes atque alacres profuderint, quos proinde æternum famæ præconium secuturum sit. N. Cum omnes isti, quos commemorauimus, perfectissimi, & quamuis egregia commendatione dignissimi milites fuerint, nonne putas disquisitione haud indignū, quibus rebus potissimum fiat, ut quis talis euadat? Nō enim quempiam continuò vocauerim probatum, ac præstantem bellatorem, si libenter & cum voluptate militet, & in acie mori paratus sit, cum possit bello parum idoneus videri, idq; duabus de causis: vel quia principio secundum eas res delectus non est, secundum quas maximè debuit: vel quia militariibus exercitiis non est prætentatus, ut inde perspiceretur, num ad fungendam militiam aptus esset: quod ideo magni momenti est, quoniā magis ars, & exercitatio, quā virtus indocta triumphos conciliat: & in hostem pugnandi audacia periculosa est, nisi bellandi scientiam pro nutrice habuerit: faciliusq; victoria ad exercitatum paucitatē, quam ad rudem imperitamq; multitudinē aduolat. Nihil ea Repub. aut firmitus, aut felicitus, aut præstabilius, in qua eruditorum militum magnus numerus: quando nec vestium nitor, nec gemmarum auriue copia tantum hostes mouet, quantum
solus

Solus armorum terror. Et possunt aliarum rerum delicta emendari: præliorum peccata, correctionem nullam recipiunt, cum pœna statim sequatur erratum. Aut enim confestim pereunt, qui ignavi, imperiteq; pugnârunt: aut in fugam effusi, victoribus vltra esse pares non audent. Miles indoctus prælium formidât, exercitatus desiderat: & quod in campo sæpius fecit, per ludû in acie nulla trepidatione facit. En Ciceronem ista pulchrè confirmantem Tuscul. 1. Quid exercitatio legionum? quid ille cursus, clamor quanti laboris est? Ex hoc ille animus in præliis paratus ad vulnera. Adduc pari animo inexercitatum militem, mulier videbitur. Cur? tantum interest inter nouum & veterem exercitum, quantum experti sumus. Ætas istorum plerunq; melior: sed ferre laborem, contemnere vulnus cōsuetudo docet. A. Res ita prorsus est vt autumas. Ecquid ergo rectè faceret, si, qui delectus habet, nationem cæliq; plagam intueretur ante omnia? N. Rectè verò. Temperatior enim aut nimium calenti, aut nimium frigenti oræ præferenda est. Nam temperatis regionibus nati, & abundant sanguine, vnde vulnere mortisq; contemptio: & valent prudentia, ex qua existit & in castris modestia, & non mediocris inter ipsa certamina utilitas: modestiam certè continentiamq; perinde vt virtutem, & magnanimitatem desiderare se in milite Cæsar testatus est in septimo de bello Gall. Erit igitur hoc modo corpore atq; animo ad opus Martium comparatus miles. Nationes etenim, quæ vicinitate solis amplius torrentur, plus etiam sapiunt: sanguine deficiunt:

tur: quocirca ad cominus pugnandum segnes reperiuntur: ne id ipsum scilicet, quo non abundant, totum perdant. Quæ à feruoribus solis absunt longius, consilio parum sunt vtilis: sed ad arma propter sanguinis copiam paratissimæ. A. Præcipua vis solis in corpora, & inde omnis pæne in coloribus, saporibus, odoribus, formis varietas. Atque ut semina in aliud solum iacta, sic homines aliis locis habitantes naturam exuunt. Plura porro in corpore, seu ad corpus militare pertinentia considerata sunt. Rustica enim vrbani præstant: educata videlicet nudo sub ætheris axe: in laboribus, non in otio: in sole, non in vmbra. Balneas, & cuiusmodi delicias ignorant: Paruo victu contenta, gestare ferrum, ducere fossam, ingentia portare onera, & quiduis durum pati queunt. Quæ consuetudine facit plebs rustica, ad ea diu præparanda est vrbana. Ex quo delectum militem nunc sub diuo, nunc sub papilionibus habitare opus est, & remoueri ab oppidanis illecebris. Itaque castra dicta quasi casta, eò quod ibi castraretur libido. Et antiquitus militibus matrimonia non concedebantur. Illud quoque non stultè præcipiunt, ut quod ad ætatem attinet, adolēcentes deligantur: quandoquidem quæ discenda sunt, multa autem sunt, citius arripit, & altius imbibit minor ætas: & corpore iam in senectutem inclinante, spatium multis rebus discendis non relinquitur. Quare hoc etiam meritò in laudibus Romanorum posuit Sallustius. Iam primùm, inquit, iuuentus simul belli patiens erat, in castris per labo-

rema

rem usu militiam discebat. Ferè autem non adscribatur quisquam ad militiam infra annum XVII. aut supra XLVI. Fuit tamen lex annuallis, quæ anno demum quinquagesimo missionem vacationemque concederet. Etiam si verò magis referat militem esse fortem quàm grandem, tamen non negligebatur statura. Eam volebant esse mediam, quæ militaris, iusta, commoda dicebatur. Qui hanc excederent, statura proceri, ipsa statura eminens, prolixa, procera vocabatur. Iusto minores, exiles, breues, breui statura dicti sunt. Et quomodo in reliquis animalibus, ut in equis, in canibus, sic in humanis item corporibus virtus ex ipso vultu, ex oculis, ex habitudine, & conformatione totius corporis quodammodo subluet. Quærebant igitur in tyrone oculos acres, erectam ceruicem, latum pectus, humeros musculosos, brachia valentia, digitos longiores, ventrem modicum, clunes exiliores, furas pedesque neruosos magis quàm carnosos. N. Haud immerito venter modicus quærebatur, cum legamus, milites interea dum stipendia facerent abdomen adeptos, ab Imperatoribus multatos. Obesum militem ut reipub. parum utile Cato incessiuit. Et habet hoc ipsemet in oratione quadã. Nimis pingui, & corpulento censores equum adimere soliti: scilicet minus idoneum rati, cum tanti ponderis corpore, ad faciendum equitis munus: quæ res cum ignominia facta est. Galli solebãt exercere se, ut ne ventre prominente, & pingui essent. Et si quis iuuenis præscriptum zonæ modum excederet, multabatur. A. Gallos iuxta

iuxta ac Romanos laudo. Spectabant præterea quod artificium quisque nosset, excludebantque piscatores, aucupes, dulciarios, & quibus vterentur ad ornatum luxumque suum mulieres. N. Intelligo, nempe omnes illos, quos in Aulularia matronas dotatas exagitant Megadorus percenset: quæ obiectant viris: quæ sibi dari poscunt aurum & purpuram, ancillas, mulos, precio qui equos superent, muliones, pedisequas, salutigerulos pueros, & vehicula. Sed ausculta dum opifices illos muliebres adductis in medium versibus enumero. A. Age, numera, ausculto. N.

*Nunc quoquò venias, plus plaustrorum in adibus
Videas, quam ruri, quando ad Villam veneris.*

Sed hoc etiam pulchrum est, præ quàm tibi sumptus possunt.

Stat fullo, phrygio, aurifex, lanarius,

Caupones paragiarij, indufarij,

Flamearij, violarij, caruarij,

Aut manularij, aut murebathrarij,

Propole, linteones, calceolarij,

Sedentarij, sutores, diabathrarij,

Solearij astant, astant molochinarij,

Petunt fullones, sarcinatores petunt.

Stropharij astant, astant semizonarij.

Iam hosce absolutos censeas, cedunt, petunt.

Trecenti cum stant phylacista in atrijs,

Textores, limbolarij, arcularij, ducuntur, datur

Aes, iamque hosce absolutos censeas,

Cum inceadunt infectores crocotarij,

Aut aliqua mala crux semper est, qua aliquid petat.

Viden' turbam? A. Immo. N. Fabros ferrarios, credo, carpentarios, macellarios, venatores haud reiicie-

reiciebant. A. Minimè. Verùm iam de exercitationibus seu prælusionibus agamus, quibus campiductores & armorum magistri præerant, & duplam annonam accipiebant : milites autem qui parum profecissent in disciplina exercitiorum, pro frumento hordeum, idq; tamdiu, donec inspectante aut Præfecto legionis, aut Tribuno, quæ sibi deessent, exercendo se adiungerent. Ad exercitationes porro, uti ad omnem militiam, imprimis conducunt robur, velocitas, confidentia. Primum erudiebantur quemadmodum gradu militari procederent, ut horis quinque æstivis vicena passuum millia ambulant. Pleno autem gradu, cum videlicet progredierentur celerius, totidem horis quatuor millia supra viginti conficiebant. Necessarium igitur erat, ut modum incedendi æqualiterq; ambulandi condiscerent, cum inæqualitas & confusio exercitus nunquam non hosti ad nocendum opportuna videatur. Iam, firmo progressu, & maximo progressu etiam loquendi genera militaria sunt, valentq; idem quod magnis & maximis itineribus. Ad cursum iuniores potissimum ideo exercebantur, quo concitatus, & impetu maiore in hostem sese inferrent, loca idonea, si ita res tulisset, maturius caperent, & in eo aduersarium anteuertent, fugientes facilius assequerentur. Quin & armati, & cum sarcinis currebant. Quid de saltu dicam? Eius meditationis patebat utilitas, cum aut transilienda fossa, aut impendens aliqua altitudo superanda foret. Porro in ipso congressu cum cursu saltuq; inuadens in hostem miles, eius oculos perstringebat, mentem perter-

perterrebat, plagam ante imponebat, quàm ille quo pacto vel ictum euitaret, vel resisteret, cogitare secum potuisset. N. Frequentes illæ de quibus differuisti exercitationes tres; gradus militaris, cursus, saltus: frequens nihilominus natatus. Vtilis siquidem natandi peritia cum in pugnis naualibus, tum in fluminibus, torrentibusque vel niuibus liquatis, vel immodicis pluuiis exundantibus transmittendis, cum vel cedendum est, vel fugientes insequendi. Quapropter delectus est campus Martius Tiberi vicinus, in quo iuuentus de lassata militari gymnastica, sudorem pulueremque ablueret, & usum natandi ad reliqua bellicarum artium tyrocinia adiiiceret. Nec in Tiberi duntaxat, sed domi etiam, aliquando in ipsis gymnasiis, & à priuatis balneis natatum discebant. Quem si didicisset Cyri exercitus, tam insignem calamitatem, de qua Xenophon, non accepisset; & si ignorasset Iulius Cæsar, magnis commodis sæpe, & aliquando vita ipsa caruisset. De quo sic Suetonius capite 57. longissimas vias incredibili celeritate confecit, expeditus meritoria rheda cetera passuum milia in singulos dies, si flumina morarentur, nando traiciens, vel innixus inflatis vtribus, ut sæpe nuntios de se præuenerit. Rursum cap. 64. Alexandria circa oppugnationem pontis, eruptione hostium subita compulsus in scapham, pluribus eodem præcipitibus, cum desilisset in mare, nando per C C. passus euasit ad proximam nauem, elata leua, ne libelli, quos tenebat, madeficerent: paludamentum mordicus trahens, ne spolio

poti-

potiretur hostis. Sed quàm iucunda lectu, & commemoratu palaria exercitio? A. Quid istuc verbi, exercitio? N. Non est cur aures offendat tuas. Vt enim ab exercito exercitatu venit exercitatio: sic ab exerceo exercitu aliud verbale, [simili] significatu cadere potest, exercitio: qua voce, si alios vsos nondum videas, at Iureconsultos videas, & Papinianum imprimis. Deinde cum Cicerò dixerit institutiones, Varro partiones, cur analogia quadam exercitationes dicere vetemur? A. Liceat tibi nouare verba: perge de palariis tyronibus. N. Viminea scuta, rotunda, & in modum cratis, publicis scutis altero tanto grauiora contexebant: id, vnâque fudes seu clauas ligneas admodum ponderosas pro gladiis tyroni dabant: qui palum sibi humi depangebant adeo validè, vt mutare non posset, sex pedes, id est, virilis stature altitudinem supra terram eminentem. Aduersus huiuscemodi palum tanquam contra verum, aduersarium, scuto illo, & claua armati ferebantur, magnâque contentione dimicabant: & modò velut caput eius aut faciem petebant, modò lateri imminebant. Nunc poplitibus, nunc cruribus, quasi ea succisuri, gladio minabantur. Accedebant, recedebant, assiliebant, insiliebant, resiliebant, nihilque bellici artificij omittebant, & omnem, vt in pugna seria, impetum conatumque vsurpabant. Quæ omnia dum facerent, diligentissimè cauebant, ne qua parte ipsi ad ictum paterent. Ad palum simili modo etiàm gladiatores exercebantur: nec vel in arena, vel in campo laudem meruit, qui se studiosè ad palum

palum non exercuisset. Hastilia item grauiora veris iaculis, magnis adnixa viribus, & missilia procul in palum dirigebant: quò & dexterarum virtus atque robur, & scientia iaculandi sagittandique cresceret. Hæc igitur alia palaria, seu aliud genus prælusionis ad palum fuit, cui prope tertia, aut quarta pars iuniorum destinabatur: quæ nimirum arcubus & sagittis lusoriis aptior iudicaretur, adiungebaturque doctores, & adhibebatur solertia, ut scienter teneretur arcus: ut sinistra fixa, dextra cum ratione duceretur: ut ad illud quod feriendum esset oculus animusque consentirent. Inuenio etiam sagittarios, ac funditores scopas, seu fruticum stramentorumque fasciculos pro scopis solitos sibi ad spatium pedum sexagenorum constituere, quem sagittis aut lapidibus è fustiballo peterent. Exercebantur præterea rudibus, seu virgis, cum duo pluresue milites, aliquando exercitus totus committebatur. Exemplum extat apud Lium lib. 26. Tertio, inquit, die rudibus inter se, in modum iustæ pugnæ concurrunt. De eodem genere scriptum à Xenophonte in 2. de vita Cyri. Cæsim pugnantēs deridere soliti sunt Romani: quare suos punctim ferire docebāt. Quamuis enim magno impetu veniat cæsa, non tamen frequenter interimit, nudaturque latus dum cæsa infertur. At puncta vel tecto corpori inferri potest, qua læditur hostis, ut grauissimè ita celerissime. Fundam Baleares creduntur inuenisse, qua se à paruisercebant: traditumque est memoriæ, matres filios pusillos nullum fuisse cibum contingere, nisi quem sibi ab ipsis monstratum lapide ex
funda

funda percussissent. Et quoniam euenit nonnunquam, vt in locis lapidosis pugnandum, aut mons, aut collis defendendus, aut ab obsidione, oppugnationeue vrbis aut castelli hostis lapidibus, ac fundis repellendus sit, idcirco in omnibus veterum præliis funditores militabant, & Romani hanc quoque *περὶ πυρρὰς* non prætermittebant: cum, quod est expediti⁹, sola etiam manu libralia saxa iacerent meditationis causa. Verùm cum Vegetius etiam plumbatarum, id est, glandium plumbearum exercitationem iunioribus tradendam moneat, quid est quod easdem plumbatas Martiobarbulos vocari dicit? Ego quidem istuc nominis haud intelligo. A. At ego pulchre. Milites ipsi, qui plumbatas tenebant, hoc est, Martiobarbulos, dicti sunt lasciuiæ militari Martiobarbuli. Plumbatæ autem ioculariter appellatæ hac voce, quod cum barbi & barbuli pisces in deliciis essent, ~~ipsæ~~ non conuiuij, sed Martis barbi, & cibi essent. Placet expositio? N. Si minus vera est, quod nescio, ab ingenio tamen acuto est. Fuit & equorum salitio, siue celer in equum ascensus in exercitationibus. Nam equi lignei hybernis mensibus sub tecto, æstiuus in campo locabantur: quos iuniores primò inermes, postea vt facilitatem eis consuetudo peperisset, induti armis debebāt conscendere, idq; cum à dexteris, tum à sinistris, insilire etiam, & ad pedes desilire. Dicuntur autem (vt hoc *παρέρχων* adiciam) Liuius, & aliis desultores, qui alterum equum attrahunt, in quem celeriter possint transilire, vbi res postulauerit. Festus.

tem felicius, si paulò editiorem locum occupare quiverint. Et pedites, & equites ter in mense ambulatum mittebantur. Pedites decem milia passuum, armati instructique telis omnibus, sic, ut cum gradu militari ambularent, aliquam partem itineris nihilominus cursu peragerent. Equites similiter in turmas diuisi, & armati tantum viæ conficiebant: atque, ut etiam pedites, per cliuosa, & ardua loca ascendebant, & descendebant. Cæterum qui cogitauerit exercitum ab exercitio nomen habere (exercitus inquit Varro quod exercitando fit melior) non mirabitur tot modis ad militiam præparari solitam iuuentutem. Nec eximebantur antiquiores, qui semel per diem exercebantur, cum id iunioribus manere, & secundum meridiem fieret. Veterani, inquam, milites nihilominus necesse habebant exerceri: cum vel post multa stipendia inexercitatus miles pro tyrone duceretur, ut is qui diu à pugna abstinuisset. Quamobrem tempore hyemis tegulis, aut scindulis, aut cannis, vluva, culmo & porticus tegebantur ad equites, & quædam velut basilicæ ad pedites: in quibus tempestate vel ventis aëre turbato, sub tecto armis erudiebatur exercitus. Cæteris autem etiam hybernis diebus, si niues tantum pluuiæque cessarent, exerceri cogeantur in campo: ne intermissa consuetudo, & animos militum debilitaret, & corpora. Milites quoque perinde exercendos hyeme, ut æstate, Claudianus docet his versibus.

*si bella tonant prius agmina duris
Exerce studiis, & sano praeſtrua Marti.
Non bruma requies, non hybernacula ſegnes
Eneruent torpore manus.*

Imperator Probus aiebat, annonam gratuitam militem comedere non debere. Placet ſubrexere penultimum caput de 2. libro Vegetij, quo per exempla ab aliis artibus ad militaris exercitij amorem ſtudiũque hortatur omnes, qui in præſtantibus militibus numerari concupiſcunt.

Athleta, Senator, auriga propter exiguam mercedem, ſel certè plebis fauorem, quotidiana meditatione artis ſuae, aut certare, aut agere conſuevit. Militem (cuius eſt manibus ſeruanda reſpub.) ſtudioſius oportet ſcientiam dimicandi, & ſumque rei bellica iugibus exercitiis cuſtodire: cui contingit non tantum glorioſa Victoria, ſed etiam amplior prada: quẽque ad opes, & dignitates ordo militie, & Imperatoris iudicium conſuevit enechere. Artiſtes ſcenici ab artiſciis non recedunt pro laude vulgi. Miles ſacramento lectus ab exercitiis armorum, ſel nouellus, ſel etiam vetuſtus ceſſare non debet: præſertim cum antiqua ſit prudẽſque ſententia. Omnes artes in meditatione conſiſtere. Atque ita huius colloquij noſtri finis eſto, quò ſatis arbitror nos probati militis laudes expreſſiſſe. Nullo diſcrimine lectus non videtur euadere poſſe exercitatus: in exercitatus, id eſt, armorum doctrina non imbutus, à pagano haud quidquam differt.



ANNOTATIONES.

QUOD TE CLAM NON EST) *Præpositio clam, tertio quarto & sexto casui iungitur. Exemplar prima syntaxeos. Plant. Milite. Serua istas fores, Ne tibi clam se subterducat istinc, atq; huc transeat. Ibid. meretricem commoueri; quam sanè magni referat, mihi clam est. Secunda. Terent. He-cyr. Non me clā haberet, qua celasse intelligo. Plant. Mercat. Musca est meus pater: nihil potest clam illum haberi. Tertia. Terent. Heaut. Hac clam me omnia. Plant. Rud. Clam me, clam te est. Priscia-nus lib. 14. clam magis aduerbium esse, quàm præpo-sitionem, aliquot rationibus docet. DULCE BEL-LVM INEXPERTIS) Pindarus γλυκὺ δὲ πόλεμῳ ἀπειροῖσιν, ἐμπείρων δὲ πρὸς τὰς ἐν πολεμίοις τινι καρδίᾳ πειρώσας. Dulce bellum inexpertis: aſt expertus quiſpiam horret corde, ſi acceſſerit, ſupra modum. Li-cebit uti hoc adagio in iis rebus, quarum mala & pe-ricula non niſi experientia ipſa cognoscuntur. Sic Horat.*

*Dulcis inexpertis cultura potentis amici:
Expertus metuit.*

Sic vita aulica non experto videtur felix & splendi-da. Item amores meretricij videntur dulces, quibus tamen nihil reperitur amarior, quod docent Plau-tus, Propertius, Horatius. Plantus quidem omnium copioſiſſimè, ut ſapiſſime. NEQVE ATTINGERE

EXTREMIS) *Quomodo Plato in 3. de repub. separatim usus est verbis ἀκρότατον, & γένεσθαι translatione quadam, ita quoque M. Tull. Sed copulatè. Pro Calio, equidem multos vidi in hac ciuitate, & audiui, non modo qui primoribus labris gustassent genus hoc vita, & extremis, ut dicitur digitis attigissent. Pro Archia. Quod si ipsi hac neque attingere, neque sensu nostro gustare possemus. Ad eundem Victor. libro nono, capite decimo nono. LEGIO MARTIA AD MUTINAM) Legiones Martia & Quarta ab Antonio ad Octanium defecerunt: id est, ut scribitur 3. Philipp. ad senatus auctoritatem, populi que Rom. libertatem se contulerunt. Philipp. 4. Quid Legio Martia? qua mihi videtur diuinitus ab eo ipso deo traxisse nomen, à quo populum Rom. generatum accepimus, nonne ipsa suis decretis hostem indicauit Antoninum? Et Philipp. 5. Quid? Legio Martia: quid? Quarta, cur laudantur? si enim Consulem suum reliquerunt, vituperanda sunt: si inimicum popul. Rom. iurè laudantur. TRECENTI LACEDAEMONII) Dissentiunt de numero scriptores. Iustinus habet sexcentos. Diodorus quingentos. Cicer. 2. de finibus, Seneca in suasoriis, Alianus in var. hist. Valerius lib. 3. trecentos. PRO AGRO THYREA) Rem narrat Herodot. lib. 1. Et Valerius lib. 3. cap. 2. Othryada quoque pugna pariter ac morte speciosa Thyreatium laude, quam spatio latius solum cernitur, *Qui*
*san-**

sanguine suo scriptis literis, direptam hostibus victo-
riam, tantū non post fata sua in sinum patria, cruen-
ta trophæi titulo retulit. Ouid. 2. Fast. ad Terminū.

Tu populos urbesq; & regna ingentia finis,
Omnis eris siue te lusingiosus ager.
Nulla tibi ambitio est, nullo corrumpere auro,
Legitima seruas credit a rura fide.
Si tu signasses olim Thyreatida terram,
Corpora non letho missa trecenta forent.
Nec foret Othryades congestis tectus in armis.
O quantum patria sanguinis ille dedit.

IN CAMPIS MARATHONIIS) Adeundus
Æmilius Probus in Miltiade. Iustinus lib. 2. Cicer.

1. Offic. Contraque in laudibus, quæ magno animo,
& fortiter excellenterq; gesta sunt, ea nescio quomo-
do, quasi pleniore ore laudamus. Hinc Rhetorum
campus de Marathone, Salamine, Platais, Thermo-
pylis, Leuctris, &c. HORATIVS (OCLES PRO
PONTE) Eximia & admirabilis viri huius fortitudo
à Linio descripta est lib. 2. Valerium vide in super lib.

3. cap. 2. M. COESIO SCEVÆ) Cæsar de bello ci-
vili lib. 3. cap. 2. Lucan. lib. 6. De Cynegyro Hero-
dot. libro 6. Cynegyrius Euphorionis filius, dum
summam puppim apprehendit, abscissa bipenni ma-
nu cecidit. Latius Iustinus libro secundo. Cynegyri
quoque militis Atheniensis gloria magnis scri-
ptorum laudibus celebrata est: qui post prælii innu-
meras cades, cum fugientes hostes ad naues egisset, o-
nustam nauem dextra manu tenuit, nec prius dimi-
sit, quàm manum amitteret: tum quoque amputata

dextra, nauem sinistra comprehendit: quam & ipsam cum amisset, ad postremum morsu nauem detinuit. Tantam in eo virtutem fuisse, ut non tot cadibus fatigatus, non duabus manibus amissis victus, truncus ad postremum, & veluti rabida fera dentibus dimicauerit. **DE SICCIO DENTATO**) Hunc inter maxime fortes primum nominat Plinius lib. 7. cap. 28. plusquam credi potest strenuum fuisse bellatorem, & ob ingentem fortitudinem nomen ei factum Achilles Romanus tradit Gellius lib. 2. cap. 11. De eodem Valer. lib. 3. cap. 2. **QVÆ A DIODORO SCRIPTA**) lib. nempe 11. à Valerio lib. 3. cap. 2. à Iustino lib. 2. **PERICLES APVD THVCYDIDEM**) De Pericle Cic. in Bruto, qui cum floreret omni genere virtutis, hac tamen fuit laude (eloquentia) clarissimus. Plura in eodem lib. Solebat optare, ne quod sibi verbum, in mentem veniret, quo populus offenderetur. **Quintil. lib. 12. cap. 9. SOLENNI ATHE- NIENSIVM MORE**) Proditum hoc quoque à Cic. in Orat. perfecto. Vocum concursionem ait Platonem haud fugere: nec solum in his sermonibus qui dialogi dicuntur: sed in populari oratione, qua mos est Athenis laudari in concione eos, qui sunt in praliis interfecti: quæ sic probata est, ut eam quotannis, ut scis, illo die recitari necesse sit. **VICTORIA ADVOLAT**) Olimungebatur & pingebatur Fortuna cum alis. Vnde ab Ausonio dicta prapes, id est, aligera, pennata: quod hominum cum fortuna euntium non cursus

cursus esset, sed volatus. Turneb. lib. 27. cap. 2. & 5.

ET IN CASTRIS MODESTIA) *Ad modestiam quoque pertinet, quod dicit Sallustius in Catilinario. In bello sapius vindicatum esse in eos, qui contra imperium in hostes pugnaverant, quique tardius renocati pralio excefferant, quam qui signa relinquere, aut pulsilo loco cedere ausierant.* PARVO VICTY CONTENTA)

Crediderim Vegetium vocasse paruum victum, quem alij vilem, parvi pretij, parabilem. Non enim paruum, hoc est, modicum victum, patitur agricolarum labor. SUB PAPILIONIBVS HABITARE)

Isid. lib. 15. cap. 10. Papiliones vocantur à similitudine parvuli animalis volantis, quod maxime abundat florentibus maluis. He sunt auicula, quae lumine accenso conveniunt, & circumvolantes ab igne proximo interire coguntur. Papiliones, quae alias tentoria fiebant, proprie è velis tensis. Fuerunt item tentoria è tabulis consertis mutabilia, quae Caesari & alijs tabernacula, à similitudine tabernarum, quae ipse à tabulis unde fiebant, nomen tulerunt. Fuerunt item tentoria scorteae, quae Cic. Tacitus & alij pelles vocant. Ex quo apud Historicos, sub pellibus esse, sub pellibus hybernare. FUIT TAMEN LEX ANNALIS)

Lege annali seu annaria cauebatur de aetate, & de annis: hoc est, quae aetate, quibusque temporibus capiendi magistratus forent. Qualis illa de senatoribus, ut ab omni senatus munere vacarent, qui annum vitae sexagesimum absolvisset. Item de militibus, ne supra

quingagesimum annum militia sacramento tene-
rentur. *Auitas*, exponendum est senium, cum iam
prouectiores homines sunt, & quasi capulares. *Crinis*.
lib. 8. cap. 13. MISSIONEM VACATIONEM-
QUE) Quinque inueniuntur missionum genera. Ho-
nesta, que dabatur emeritis stipendiis. Qui sic mitte-
bantur, testimoniales accipiebant, ne obnoxij essent a-
liorū calumniis. *Causaria*, ob legitimam causam, ut
senectam, morbū, &c. Ignominiosa, ob aliquod admis-
sum facinus. Item si quis euitandorum munerū caus-
sa subiisset militiam, talis mittebatur, ut domi potius
quàm foris Reipub. in seruiret. Postrema fuit missio
gratiosa, quoniam per gratiam ab Imp. impetraba-
tur. Et quomodo qui militarent vocabantur cincti:
sic qui missi erant, discincti, militia exuti, cingulo pri-
uati. Erat porro magno honori cingulo & baltheo do-
nari, ac proinde magna ignominia eo priuari. Et erat
singulum istuc è corio, bullis exornatum, pro digni-
tate eius qui gestaret. Virg. 12. *Aneid.*

Et iam iamque magis cunctantem flectere sermo
Ceperat, infelix humero cum apparuit ingens
Balthens, & noris fulserunt cingula bullis

Quin & caliga militum exornata & distincta fuerūt.
VENATORES HAUD REICIEBANT) Ad bel-
licam fortitudinem, & astum militarem prodesse ve-
nationum exercitamenta docet Xenophon in vita Cy-
ri lib. 1. Proditum est à Capitolina, ab Imp. Maxi-
mino Romanas legiones solis venatibus frequenter ex-
ercita-

exercitatus fuisse. FUGIENTES FACILIVS ASSE-
QVERENTVR) Lacedamoni insequébātur quidem
hostem à se victum, & in fugam versum, non ut eum
asscuti caderent, sed ut victoriam ita confirmarent.
Alienum quippe credebant à magnitudine animi, il-
los morti dare, qui cederent, & aufugerent. Ex ea re
tamen honorem & utilitatem consequébantur. Nam
si quando acrius aduersarios inuasissent, malebant illi
in fugam se iradere, quam resistere: quod scirent pu-
gnantibus sibi interitum, fugientibus salutem esse pro-
positam. Imo vero ut auctor est Polyen. Strateg. lib. 1.
Lycurgus legem tulit τὸς πολεμῖους φεύγοντας μὴ φονεύ-
ετε, ἵνα μὴ τῷ φεύγειν ἡρῶντο τὸ μένειν λυσιτελέσειεν. Fu-
gientes hostes ne cecideritis: ne conducibilius ducant
manere, quam fugere. Quoniam videlicet salutis ali-
qua spes manenti & pugnantī relinquitur in virtute:
nulla fugienti, nisi in sorte, quam prestare nullus potest.
DELECTVS EST CAMPVS MARTIVS) De campo istoc,
& ludis in eo exercere solitis, item de natatione Tibe-
rina Horat. Ode 8. lib. 1. qua iuuenem quendam, ut
obscænis amoribus emollitum ac perditum carpit. De
ornamētis huius campi Martianiū Topographia vr-
bis lib. 6. cap. 19. (CAPVT EIVS, AVT FACIEM PETE-
BANT.) Petere nonnunquam est aggredi, aut inua-
dere quempiam ferendi causa. Virgil. 9. Æneid.

At Nisus ruit in medios, solumq; per omnes
Volscentem petit, in solo Volscentē moratur.

Servius ait, petitiones propriè dici impetus gladiato-

rum. Cic. 1. Catil. Ego huius petitiones ita coniectas, ut vitari non posse viderentur, parua quadam declinatione effugi. In Orat. perf. Sed nec oratio facit plagam grauem, nisi petitio fuerit apta. In Verrem. Non omnes hominis petitiones. E FUSTIBALO PETERENT) Fustibalus fustis est longus pedibus quatuor, cui per medium ligatur funda de corio: & utraq₃ manu impulsus, prope ad instar Onagri dirigit saxa. Veget. lib. 3. cap. 14. TRIBVS QVISQVE PVGNABAT) De hac re apponam verba Diodori è lib. 6. Arma eis sunt funda tres. Vna caput cingunt, altera ventrè, tertia in manibus gestatur. In prelio lapides multò maiores, quàm reliqui iactant robustè, ut aliquo tormento lapis missus videatur. In pugna verò scuta, galeas, omneq₃ armorum genus confringunt. Ita autem rectè lapides propellunt, ut rarò effugiat ictum appetitus locus. EQUI AVTEM DESULTORII) Talibus utebantur Numida & Massesyly. Item Indi, ut refert Herodot. lib. 7. Sueton. in Iulio, cap. 39. Circensibus, spatio Circi ab utraq₃ parte productò, & in gyrum Euripo addito, quadrigas, bigasq₃ & equos desultorios agitanerunt nobilissimi iuvenes. Quem in locum Torrentius. Desultores vocabant, non eos solum, quos Græci ἀμφίπτερος, quod binos ducētes equos, ab altero in alterum subinde saltabant: sed eos quoq₃, de quibus Dionysius extremo lib. 7. antiq. Rom. quos πᾶσιβάτας, ut inquit ipse, poeta: Athenienses verò, ἀποβάτας appellabant. Vnde ἀποβάτων ἀγωνίζεσθαι.

Plus-

*Plutarch. Phocione, & Cic. pro Muræna. nescio quo pacto mihi videtur Prætorius Candidatus in consularem, quasi desultorius in quadrigarum curriculum incurrere. Linius quoq; lib. 44. hunc morem significat his verbis. Semel quadrigis, semel desultore misso. Suetonii locus de utroque desultorum genere intelligi poterit. PONDVS 60. LIBRARVM BAIVLANT) Qui vecturas operum corpore suo, victus aut mercedis causa faciunt, eos græcè *ἑσάρχοι*, latine baiulos nominari affirmat Gell. lib. 5. cap. 3. Plaut. *Pœnulo*. Collo rem solvam iam omnibus quasi baiulus. Iam, quid sit baiulare apparet. Plaut. *Mercat*. ait Pasi-
compfa impudicata fœmina.*

*Namq; adepol equidem, mi senex, non didici baiulare,
Nec pecua ruri pascere, neq; pueros nutrire.*

Baiulos dicebant antiqui, inquit Festus, quos nunc dicimus operarios. Vnde adhuc baiulari dicitur. PRÆTER ARMA ETIAM ANNONAM) Et quidem annonam dierum XVIII. teste Ammiano lib. 17. Cic. *Tuscul*. 2. Nostri exercitus unde nomen habeant, vides. Deinde qui labor, quantus agminis, ferre plus dimidiati mensis cibaria, ferre si quid ad usum velint, ferre vallum. Nam scutum, gladium, galeam in onere nostri milites non plus numerant, quàm humeros, lacertos, manus: arma etiam membra militis esse dicunt, quæ quidem ita gerunt aptè, ut si usus foret, abiectis oneribus, expeditis armis, ut membris pugnare possint. DE ORDINE ET INTERVAL-

LIS IN ACIE SERVANDIS) *Ordinum non servatorum pœna fuit capitalis. Scipio ad Numantiam, quem militem extra ordinem deprehendisset, si Romanus erat vitibus: si extraneus, fustibus cadebat. Non minus capitale erat signa deferere. Lex Charonda apud Athenienses sanxit, ut qui in pralio signa ordinis sue destituisent, aut arma pro patria capere penitus refusissent, muliebri cultu induti, medio foro, idque tertium diebus singulis sisterentur. Maluit probri metu corrigere, quod leges priores mortis supplicio coercerant, & à fœminea timiditate hoc potissimum modo suos auocare. ET PEDITES ET EQUITES) Cum res militaris constet armis & viris, hanc partem Veget. lib. 2. cap. 1. dividit in equites, pedites, classes. Equitum dicuntur ala, quod aciem velut ala utrinque protegant. Equitibus campi, classibus maria & flumina, peditibus colles, vrbes, plana & abrupta servantur. Hi Reipub. magis sunt necessarij, cum possint ubiq; prodesse, & minore impensa maior peditum numerus alitur. EXERCITVM AB EXERCITIO) Exercitus ex re ipsa atq; opere exercitij nomen habet, ut ei nunquã liceret obliuisci, quod vocabatur. Varro & Priscianus. Exercitus quod exercitando fit melior. ATHLETA, VENATOR, AVRIGA) Deludis populo exhiberi solitis hæc accipienda sunt. A PAGANO HAVD QVIDQVAM) Paganos vocant, Iureconsulti, qui non militat, sed in pagis & vicis suis munera subeunt. Crebrò militibus opponuntur, ut to-*
gati

*gatifagatis, & cinctis. Proprie Rustici, quod domi
relinquebantur ad ruris culturam.*

PROGYMNASMA

QUARTVM ET VICESIMVM.

*Romanorum virtus, & disci-
plina militaris.*

MANILIUS, HERENNIUS.

MANILIUS. Martem summi Iouis filium, bellorumq; moderatorem ac præsidem generasse Romulum, populi Romani conditorem pro vanissimo habendum nemo nescit. Finxerunt hoc illi, ut originis suæ primordia augustiora facerent. Sed ut hoc vanum prorsus & incredibile: ita certum omnino, nullaq; cum dubitatione coniunctum, veteres illos Romanos in re militari & virtute multum, & disciplina plurimum excelluisse: atq; ideo posteris suis cum magnam in rebus omnibus, tum in re bellica maximam gloriam tradidisse. H. Certissimum sanè istuc: & ab utroque, à fortitudine, inquam, & scientia militandi gentem hanc commendasse video subtilissimum breuitatis artificem, historicumq; à nervis & gravitate laudatum Sallustium. Domi militiæq; intenti festinare, parare: alius alium hortari, hostibus obuiam ire, libertatem, patriam, parentesque armis tegere. Hæcine tan-

tantum? non tantum: nam ubi pericula virtute propulerant, & securum sibi otium pepererant, focis atque amicis auxilia portabant. Post pauca rursus, incredibile memoratu esse ait, quam, adepta libertate, breui creuerit ciuitas: quia nimirum cupido ingens gloriæ inceserat. Iuuentus simul ac laboribus bellicis ferundis erat, militiam vsu in castris discebat: nec tantam est scortorum conuiuiorumque deliciis, quantam ex decorè fabrefactis armis, & militaribus equis voluptatem percipiebat. Qua ratione id consequebantur, ut viris iam factis non ullus labor insolitus, non locus asper, non armatus hostis formidulosus esset. Virtus domabat omnia. Ad mutuam æmulationem etiam atque etiam gloria eorum animos accendebat: cum quisque ante alios hostem ferire, murum ascendere, & in talibus facinoribus obèundis conspici contenderet. In hoc opes, in hoc claritudinem nominis, in hoc nobilitatem esse sitam iudicabant. Quot locis illi parua manu non paruas hostium copias protriuerunt? Quot vrbes naturà, & opere munitissimas expugnarunt? Sic tamen erant in bello audaces, ut sæpius in eos animaduerneret, qui vel contra imperium in hostem pugnauissent, vel tardius signo dato pugna excessissent, quam qui vel signa, vel loca sua deseruissent. M. Haud aliter illi, nisi tales fuissent, toti Africæ, Asiæ, Europæ iugum imponere potuissent. Armorum exercitatio, & disciplina castrensis eorum, orbem subegit. *Quid enim, inquit Vegetius, aduersus Gallorum multitudinem paucitas Romana valuisset? Quid aduersus Germanorum proceritatem breuitas potuisset audere? Hispanos qui-*
dem

dem non tantum numero, sed etiam viribus corporum nostris præstitisse manifestum est. Aphrorum dolis atque diutius semper impares fuimus. Græcorum artibus prudentiaq; nos vinci, nemo dubitavit. Sed aduersus hæc omnia profuit tyronem sollerter eligere, ius (ut ita dixerim) armorum docere, quotidiano exercitio roborare, quacunque euenire in acie atque præliis possint, omnia in campestri meditatione prænoscere, seuerè in desides vindicare. His affinia scribit Valerius lib. 2. cap. 8. Disciplina militaris acriter retenta principatum Italiæ Romano imperio peperit, & multarum urbium, magnorum regum, validissimarum gentium regimè largita est: fauces Pontici sinus patefecit: Alpium Tauriq; môtis conuulsa claustra tradidit, ortumque è paruula Romuli casa totius terrarum orbis fecit columen. Omnes gentes perdomuere Romani, ipsi nunquam subacti sunt. Harum aliarum robore & viribus præferoces, ut Germani, Galli, Hispani: aliarum imperio potentes, ut Carthag. aliarum maiorum gloria, & sapientia præstantes, ut Græci: aliarum omni genere copiarum abundantes, ut Asiatici: aliarum terrarum longinquitate remotæ, ut Capadoces, Pontici, Armenij, Iberi, Albani, Scythæ: vel interfuso Oceano à nostro orbe seiunctæ, ut Britannii: vel patrum sanctitate & religione sua confixæ, ut Iudæi. H. Quamquam ista Vegetio, Valerio, tibiq; assentiar, & quas recensuisti gentes, virtute & arte militari Romanorum deuictas credam, nihilominus suboritur mihi quiddam scrupuli, cum recordor quid in oratione quadam de victoriis Romanis Cic. prædicârit. Eas ille pietati & religioni illius Reipub. erga deos, non armorum eius vel virtuti, vel felicitati, vel scientiæ in accep-

tis ferendas planè vult. Hæc enim sunt verba. Quã volumus, P. C. ipsi nos amemus: tamen nec numero Hispanos, nec robore Gallos, nec calliditate Pœnos, nec artibus Græcos, nec denique hoc ipso huius gentis, ac terræ domestico, natiuóque sensu Italos ipsos, ac Latinos, sed pietate ac religione, atque hac vna sapientia, quòd deorum immortalium numine omnia regi gubernarique perspeximus, omnes gentes nationesq; superauimus. Quo tu pacto nodum solues? M. Hoc pacto. Primùm dicam, Ciceronem cum detrahat Romanis numerum, robur, calliditatem, artes, cum Italis parem cum illis sensum tribuit, non detrahare scientiam rei bellicæ: qua vincere tot gentes potuerint, & subigere, etiam si easdem rebus iam dictis non vicerint: nihil est enim unde tantopere pèdeat summa victoriæ, vt certaminum peritia. Deinde affirmabo, inuitis diuis nihil quemquam posse fidere, vt est apud Virgil. nec humanam diligentiam ad res magnas moliēdas sine cœlesti auxilio sufficere, quod religione & precibus impetrandum est. Quare quod potius est in aliquo negotio, & quod magis quippiam efficit, id sæpius solum esse dicimus, & ei soli efficientiam adscribimus. H. Non in scitè mihi videris dissoluisse, quod obiciebatur. Commendauit etiam præclare Romanæ instituta militiæ antiquitatum Iudaicarum scriptor notissimus, idemq; prudentissimus, & eloquentissimus, & vt quidam appellauerunt, Hebræorum Liuius, Iosephus lib. 3. de bello Iudaico. Ex ea commendatione facere non possum, quin aliquot illustriores sententias, quarum videlicet memini, adducam. Verùm
non

non ut eius tibi verba appendam: sed ut mentem paulò liberius atque copiosius declarem: nec tamen ab ea quidquam discrepans, & alienum adducam. Ex sententiis igitur illa vel prima esto, qua caput ipsum claudit, est autem tertium. Dixisse se scribit, quæ dixerit, non magis ut laudationem Romanis, quam ut victis, id est, Iudæis suis, solatium impertiretur. Est enim consolationi à magnis, illustribus, & potentibus tantum: aut etiam à probis, & peritis fuisse superatum. Præterea ut cupidos bellorum, & Romanum imperium ægrius perferentes deterreret. Denique ut liberalis scientiæ studiosis, & adhuc militiæ Romanæ rationem ignorantibus aliquid ad discendum præfidij afferret. M. Has ille causas? H. Has ipsas Manili. Verùm audi Iosephum amplius, quæso. M. Non est cur roges, ultro audiam. H. Non tum demum manus & arma mouent, cū in foribus bellū est, aut necessitas ad dimicationem vocat, non: sed in ipso etiam pacis otio, perinde ut si cum armis, & in armis nati essent. Nullam sibi ab exercitiis militaribus requiem indulgent, nec tempora iis definiunt. Adeo autem strenuè, impigrè, diligenter, seriò sese exercent, ut non simulatè, sed verè rem geri existimare possis: & quotidie ita semet quisque in omni armorum genere experitur, ut si hostis contra pugnaret. Inde ad vera prælia minimè segnes, aut timidi reperiuntur. Nemo quippe facere metuit, quod se bene didicisse cōfidit. Non eos ordinum seruandorum negligentia disiungit: non pavor ullus exanimat: nō lassitudo debilitat. Quare consentaneum est, ut iis semper superiores

discedant, qui similibus præculi meditationibus ad certamen nō venerunt. Ac poterit quis eorum exercitationes haud falsò nominare conflictus sine sanguine: contraq; veros conflictus, exercitationes cum sanguine: adeo paruum est inter vtrūque discrimen. Nihil quidquam subito & inconsultò in præliis aggrediuntur: sed consultant antea: vbi consultauerint, decreta maturè exsequuntur. Ita fit, vt aut nulla sequatur belli offensio: aut certè qualem cunq; offensionem non difficilis sanet correctio. Consiliorum euentus, quamuis secus euenerint, fortunæ prosperis successibus anteponunt: propterea quod fortuitum ac improvisum bonum ad audentiam, & agēdi temeritatem hortatur: at verò ante consulta, etiam si in peius ceciderint, tamen cautos reddunt in posterum, ne ad eundem lapidem denuo cogamur offendere. Et cum fortuitarum commodorū ij auctores non sint, quibus contingunt, nec proinde tantum capere gaudium possint, habent in sinistris, ac tristibus euentis magnū solatium, quos inductæ prius deliberationis accuratæ conscientia sustētat. Non modò fuga, sed parux etiam culpæ negligētiarum capite expiantur: nec tam ipsæ leges, quam duces timori habentur. Illud quoque prudenter faciunt, quod bonis, ac non ignavis militibus ad præmia honorēsque vocandis, opinionem crudelitatis in puniendis fontibus redimunt. Præfectis ac ducibus suis tam studiosè, & alacriter parent, vt & pacis tempore magno illis ornamento sint, & in bello, atq; in acie vnum esse corpus videantur: ita ordo cohæret ordini: ita facilè quoquo versum ducuntur,

cuntur, & aures propensissimè ad imperia, oculos ad signa, manus ad opera accommodant. Nec unquam hostium contra eos aut multitudo, aut excogitati astus, aut fortuna valuit, cuius illi beneficio sæpissime vincunt. Nec aliquando incommoditate locorum victi sunt. Quorum igitur actiones omnes à consilio manant, & qui decreta adeo intrepidè in opus deducunt, tamq̃ obedientem habent, promptumq̃ ad omnia militem, non est mirandum si tam latè eorum siue in orientem, siue in occidentem, siue in meridiem, siue in septentrionem pateat imperium. Nec iniurià dixerimus, ampliore adhuc dignos esse imperio. Habes encomium Romanæ militiæ, ab homine non Romano: qui, quæ prima lex est historiæ, eam probè seruauit. M. Quam legem? H. Vt ne quid falsi audeat: netie quid veri non audeat. M. Possis tu præstare, Iosephum esse per cuncta veracem? H. Id in præsens non agitur: mihi satis est, in hac laudatione nihil esse mentitum. Quod quò euidentius appareat, pergamus per partes, non generatim, vt hactenus, differere de disciplina, & prudentia militari huius populi. M. Iuuat de hoc argumento voces accipere, & reddere, id est, nec iniucundum, nec ineruditum instituere colloquium. H. Quem non delectet singularis populi huius in bello suscipiendo, indicendo, gerendo æquitas? Cum ex officio sit, nullum suscipere bellum aliam ob causam, quam vt sine iniuria in pace viuatur, pax enim est belli finis: quis hoc Romanis diligentius præstitit? qui etiam parta victoria inimicos suos, qui non crudeles in bello, nec immanes fuis-

i 3 sent

sent conseruarunt, & in ciuitatem quoq; acceperunt, vt Tusculanos, Æquos, Volscos, Sabinos, Hernicos. Neq; solùm iis, quos vi deuicissent consuluerunt: sed eos etiam libenter receperunt, qui ad eorum fidem vel tum confugerent, cum iam aries murum percussisset. M. Sentio è cuius cella promptuaria hic cibus. H. Quin eiusdem scriptoris verba tibi, vt posita sunt lib. 1. Off. recitabo.

In quo tantopere apud nostros iustitia culta est, ut ij, qui ciuitates aut nationes deuictas bello in fidem recepissent, earum patroni essent, more maiorum. Ac belli quidem equitas sanctissimè feciali pop. Rom. iure perscripta est. Ex quo intelligi potest, nullũ bellum esse iustũ, nisi quod aut rebus repetitis geratur, aut denuntiatum ante sit, & indictum.

Pia igitur & iusta bella Romani gerebant, & ea indicabant. Sed priusquam indicerent, legatos res repetitum mittebant, qui, si postulata impetrassent, fœdus sanciebatur. Sin autem, re in senatu deliberata, bellum iis verbis, & eo ritu indicabatur, quem in historias suas Dionysius, Liuius, Plutarchus inseruerunt. Cæterum postquam longius prolatis imperij finibus, remotissimis nationibus bellum indicendum fuit, ne eo Feciales mitti necesse foret, habuerunt columnã ante portam Carmentalem, quam vocarunt bellicam, quia belli index esset, ab ea hastam sanguinolentam è templo Martis sumptam versus eam partem coniiciebant, in quam exercitus erat profecturus.

M. Bello denuntiato proximũ erat, vt imperator crearetur, & delectus haberetur. Ad cognitionem porrò delectus pernecessariũ videtur tria militiæ genera exponere, quibus Romani vterentur. H. Memini de eo agere Seruium ad 8. Æneid. Sed ea

tu, quoniam videris velle, in medium producas licet. M. Aut legitima erat militia, aut cōiuratio, aut euocatio. Legitima etiam sacramentum dicta, eorum erat, qui singuli iurabant, se pro Repub. facturos: nec discedebant, nisi stipēdiis completis. Coniuratio, si esset tumultus, id est bellum Italicum, vel Gallicum: in quibus, quoniam vicinitas ipsa timorem multum afferebat, vocabantur illa bella tumultus: quæ vox hanc habet notionem, & ipso Tullio, & Grammaticis auctoribus. Tūc quia singulos interrogare non vacabat, ductor futurus exercitus ibat in Capitoliū, & exinde duo vexilla proferens, vnum roseum, quo pedites euocabat: alterum cæruleum, quod erat equitum, dicebat. *Qui vult Remp. saluam esse, me sequatur.* Qui conueniebant, simul iurabāt, dicebaturq; illa militia coniuratio. Euocatio, cum in diuersa loca diuersi ad cogendum mittebantur exercitum, qui L. Iulio Conquistores dicuntur. Sed cum Cæsar lib. 3. de bello ciuili euocatos distinguat à militibus, & centurionibus, quærendum quæ vis & potestas subiecta sit sub hoc verbū: non enim nota est omnibus. Euocati erant, qui essent militia perfuncti, emeritisq; stipendiis: sed tamen rursus militatū euocabantur. Id etiam Dio testatur, & ait græce ἀνακλήτης, id est reuocatos dici posse. Erat horum ordo honestissimus in re militari, quod prodūt etiam monumenta lapidea, in quibus incidendum curarunt, se euocatos Cæs. aut Aug. fuisse. Quanti porro fieret sacramentum militāre, & quemadmodum sine eo pugnare in hostem nefas fuerit, bella historiola docuit nos Cic. 1. Off. H. De Popili

lio scilicet, & Catonis filio. M. Etiam, sed audi, Popillius Imp. tenebat provinciam: in cuius exercitu, Catonis filius tyro militabat. Cum autem Popillio videretur & nam dimittere legionem, Catonis quoque filium, qui in eadem legione militabat, dimisit. Sed cum amore pugnandi in exercitu remansisset, Cato ad Popillium scripsit, & si eum pateretur in exercitu remanere, secundo eum obligaret militia sacramento: quia priore amisso, iure cum hostibus pugnare non poterat. Adeo summa erat observatio in bello mouendo. Marci quidem Catonis senis epistola est ad M. filium, in qua scripsit se audisse, eum missum fac, eum esse à Consule, cum in Macedonia Persico bello miles esset. Monet igitur & caueat, ne praelium incat. Negat enim ius esse, qui miles non sit, pugnare cum hoste. Narrat idem de epistola Catonis Plutarchus Romanis Quæstionibus, & causam quærens, cur soluti sacramento militari, quamuis in castris versentur, ius interficiendi, aut vulnerandi hostis nullum habeant, affert duplicem: quarum priorem tantum, vt meliorem, proferam. An quod solam necessitatem oportet homini hominis necem permittere: qui nulla lege, nullòue mandato hominem occidit, is homicida est? ideoq; Chrysantam laudauit Cyrus, quod sublato iam gladio hostem interfecturus, vt receptui cani audiuit, cæde sibi interdictum putans, hominem intactum dimisit. M. Huic ego causæ vehementer suffragor. Verum ad delectum redeamus, in quo qui non responderent, vt proditores libertatis in seruitutem redigebantur. Dabantur autem lectis militibus dies triginta, quibus se ad expeditionem compararent. Post eos si citati Consuli non responderent, aliqua harum excusatione utebantur, aut dabantur infrequentes, id est,

est, desertores numerabantur. Nam infrequens appellabatur miles, qui abesset à signis, & is pro hoste puniebatur. Funus familiare: feriæ vindemiales, Kalendæq; quæ non eius rei causâ in eum diem collatæ sint, quò is eo die minus ibi esset: morbus fonticus, auspiciumue, quod sine piaculo præterire non liceat: sacrificiumue anniuersarium, quod rectè fieri non posset, nisi ipse eo die ibi sit: ius hostisue, status conductusue dies cum hoste. Ex Liniij diuersis libris constat satis, necessitatem publicam fecisse, vt & illi nomina cogerentur dare, qui vacationem militiæ habebant: item opifices, & sellularij, senes etiam. Posterioribus sæculis delecti milites punctis seu stigmatis in manibus signabantur: qua de re Veget. libr. 2. cap. 5. H. Hoc loco sollicitat me quiddam, quod ante mihi declarabis, quàm quæ ordine sequuntur. M. Dic ergo. H. Vir virum legit, ad delectum pertinet: id velim clarius intelligere, & si quid aliud mysterij his verbis inuoluitur. M. Antiqui cum decertare toto animo, & viribus omnibus instituerent, in acie ordinanda hoc faciebant nonnunquam, vt vir virum legeret: nempe, vt in quo quisq; plurimum inesse virtutis statueret, eum sibi in acie proximum haberet. Quod etiam in delectu exercitus factum ab Hetruscis & Samnitibus, auctor Linius lib. 9. & 10. Quo respexit Cic. cum pro Milone scripsit. Ille qui semper secum scorta, semper exoletos, semper lupas ducebat, tum neminem, nisi vt virum à viro lectum esse diceres. Iam habes quod volebas?

H. Etiam. Iam commisso sibi bello Imperatores

quid agebant, antequam ex vrbe exirent? M. Martis sacrarium ingressi, primo ancilia, tum hastam ipsius simulacri commoueabant, dicentes, MARS VIGILA. Liberi, & vxores, & propinqui militatum abeuntium vota nūcupare: eademq; ante vrbis portas suspendere, & suis saluis domum redeuntibus persolvere solebant. Quem ritum tetigit Propertius lib. 4. éleg. 3. Sic enim Arethusa ad Lycotam maritum scribens. Omnibus heu portis pendent mea noxia vota. De Mario refert Plutarchus, eum vota nuncupasse lotis manibus. Quimos Imperatorum cōmunis fortasse fuerit. Certè Virgil. lib. 9. Æneid. eum in Ænea videtur notasse.

*Processit, summoq; hausit de gurgite lymphas,
Multa deos orans, onerauitq; aethera votis.*

Post paludamento, lictoribus, insignibusq; cæteris imperij assumptis, rectà ad portam vrbis procedebant: ibi amicos salutabant, & de eorum numero nonnullis aliquandiu comitantibus, beneq; omnantibus pergebant. Principibus Romanis mos deinde fuit, diem expeditionis publico edicto indicare. Expeditio, vt ait Cassiodorus, appellata est, quia mens deuota præliis, non debet aliis cogitationibus occupari. H. Per commodè opinor, de legionibus deinceps disputabimus. M. De auxiliis prius: cum sciamus exercitum partim è legionibus, partim auxiliis conflare solitum.

Auxilia igitur Varroni ab auctu, cum accesserant qui adiumento essent alienigenæ, altera pars peditum videlicet: nam eos Vegetius in auxilia, & legiones diuidit: vt equites quidā sunt alares, quidam legionarij, propterea appellati, quod connexi
sunt

sunt legioni, ob id illis peculiare hoc nomē. Auxilia à focis, vel fœderatis gentibus mittebantur, quæ nec disciplina armorum, nec notitia, nec affectione vel cum Romanis, vel inter se cōsentirent, quod è diuersis locis venirent: nec (quia pariter antea non fuissent, perinde vt illi) ad præcipientium sese nutum conuerterent, necesse apparet fuisse frequentibus ea exercitiis præcolere ac præparare: ne victoriam discrepantia sua morarentur. Etiam pecunia conducebantur, & tanquam leuis armatura legionibus in acie iungebantur. Veruntamen ante annum ab V. C. quingentesimum quadragesimum neminem mercenarium militem in castris Romani habuerunt. In fronte locatos auxiliares Gallos, Germanosq; prodidit 2. Annal. Tacitus. Crassus apud Cæsarem, quod iis minus fideret, mediam in aciem accepit. Milites legionarij graues labores tolerabant lignis aggerendis, vallo ferendo, & reliquis operibus ad munienda castra pertinentibus, quæ auxiliares plerunque spernebant. Testis Ammianus lib. 18. Sed auxiliarij milites semper spernentes munia huiusmodi, ad obsequendi sedulitatem Iuliani blanditiis deflexi, quinquagenarias, longioresq; materias vexere ceruicib; ingrauatè. Magnus in illis (legionibus) labor est militandi, ait Vegetius, grauiora arma, plura munera, seuerior disciplina. Quod vitantes plerique, in auxiliis festinant militiæ sacramenta percipere, vbi & minor sudor, & maturiora sunt præmia. H. De maturioribus istis præmiis, quamobrem maturiora dicantur, cognoscere velim. M. Quoniam legionarij præmia & agros
non

non nisi stipendiis iustis confectis consequerentur: illi ut mercede conducti stipendia sua maturius emebant: atque ob id præmia longè citius accipiebant. Plinij ætate auxiliares donabantur torquibus aureis, ciues argenteis: quamquam armillas soli ciues, non etiam exteri acciperent, ut item ex auro coronas. Et quoniam stipendiorum meminimus, sciendum ab initio Urbis priuatis militatum sumptibus usque ad annum 347. Capto Auxure Volscorum oppido equitibus de publico datum anno 350. bello Veienti. Tum igitur diurnum stipendium fuit trium assium, Iulio rerum potiente sex aut septem, Augusto decem: & eo tempore menstruum vnus aureus Romanus, post duo, deinde tres, demum quatuor, quorum vnus valet nostros duos. Signa quoque alia auxiliariorum, alia legionariorum fuerunt. Abeamus ad legiones. Legionem Varro nominatam dicit à legendo, quia leguntur milites in delectu: seu à deligendo, ut placet Plutarcho in Romulo, quod ex omnibus pugnaces in illa delecti forent. Vegetius ab elegendo, quod vocabulum eorum desideret fidem atque diligentiam qui milites probant. Non fuit autem constans semper ac certus militum in legione numerus, sed modo maior, modo minor, ut Reipublice tempora postulabant, & Senatui placebat. Romuli legio tria millia peditum, equites trecentos complexa est. Scribit item Liuius lib. 6. quatuor legiones quaternum millium scriptas. Et lib. 38. Propter quod facinus, inquit, tota legio, millia hominum quatuor in foro Romæ securi percussi sunt. Traditum est ab eodem lib. 17. conscriptas legiones

nes quaternum millium, & ducetorum peditum, equitumq; trecentorum. Aliis libris maiorem profert numerum. Fuisse vsitatum quaternarium in legionibus, elucet etiam ex illis M. Tullij, quæ sunt paradoxo 6. Multi, inquit, ex te audierunt cum diceres, neminem esse diuitem nisi qui exercitum alere posset suis fructibus: quod pop. Romano extantis vectigalibus iam pridem vix potest contingere. Hoc igitur proposito nunquam eris diues, antequam è tuis possessionibus tantum reficiatur, vt eo tueri quatuor legiones, & magna equitum ac peditum auxilia possis. Sex millia, & ducentorum primus C. Marius conscripsit, cum ante quatuor millium fuisset. Vnde etiam appellabatur quadrata, ait Festus. Vegetij ætate senis millibus, & interdum pluribus constabat. Nam è cap. 7. lib. 2. colligitur numerus sex millium, centum: equitum præterea septingentorum. Idem memorat phalangem, qua vsi sint Macedones, Græci, Dardani, censam octo millibus. Barbaras nationes complures habuisse cateruas, in quibus essent sena millia. Certum est, in legionibus ampliolem conscribi solitum numerum, quàm in auxiliis. In legione nemini licitum militare, nisi ciuibz Romanis, ingenuis, & qui in quinque classibus censi, artiumq; ludicrarum expertes essent. Quare nisi necessitas coëgisset, serui, libertini, senes, histriones, capite censi non legebantur. Qui in legione militarent, iis & cohors prætorial, & aditus ad militaria munera patebat, stipendium numerabatur, præda concedebatur, dona ab Imperatore veniebant. H. Quemadmodum militum nume-

numerum in legione haud semper eundum fuisse
 docuisti: sic ego obseruaui ipsarū legionum diuer-
 sum fuisse. Nam principiò quotannis quatuor cō-
 scribebantur, quæ Coss. ad bella prope quotidiana
 proficiscētibus traderentur, vtriq; binæ videlicet,
 præter auxilia sociorum. Tanta, inquit Vegetius,
 in illis erat exercitatio, tanta fiducia, vt cuius bel-
 lo duæ legiones crederētur sufficere. Sed cum lon-
 gius propagatis imperij finibus plures etiā existe-
 rent hostes, & plurib⁹ esset opus exercitibus, opus
 similiter visum est pluribus legionibus. Fuerunt
 igitur aliquādo X. aliquādo XVI. Altero bello Pu-
 nico duodeuiginti: è quibus tamē Coss. binas dun-
 taxat sibi sumpserunt singuli: cæterę sub Prætoribus,
 Proprætoribus, Proconsulibus, & Præsidibus per
 prouincias meruerūt. Anno 541. viginti tres fuisse
 legiones auctor Liuius lib. 34. Fuit cum triginta
 legiones Romanis militarent, & sub imperio O-
 ctauiani Lepido subiugato quatuor & quadragin-
 ta. Porro & milites, & legiones suis distingueban-
 tur nominibus. Dicti enim pilati à pilis, cetrati,
 peltati, scutati, funditores à fundis, tragularij à
 tragulis, sagittarij, cataphracti à cataphractis, &c.
 Verum hæc illis nomina ab armis, & telis. Tule-
 runt alia à legionibus, quæ ipsæmet ea adipisce-
 bantur ab ordine, quo vnaquæque in aliquo lo-
 co primo esset constituta. Appellabatur quippe
 prima, secunda, tertia, decima, vicesima: sic mi-
 lites Primani, Secundani, Quintani, Decimani,
 Vigestimani, &c. Præterea habitus, euentus, in-
 signior virtus nomina legionibus pariebat. A-
 lauda, aliàs galerita à pluma in capite instar ga-
 leæ

lex eminente. Ab ea auicula nominatam Cæsar legionem quandam instituit in Gallia. Euentus est, quod alia dicta est Fulminatrix, M. Aurelio rerum potiente. Virtutis, Rapax, Fidelis, Pia, Adiutrix. I. Flauia pacis. II. Flauia virtutis. III. Flauia salutis. A diis insuper vocatæ sunt, vt Martia in Philipp. apud Ciceronem. Legionis primæ Mineruæ Spartianus in Hadriano meminit. Nominatur etiam à scriptoribus legio Apollinaris. Ab eorum quoque nominibus, à quibus essent institutæ, Augusta, Claudiana, Galbiana, Flauia, Traiana. Item à deuictis prouinciis, Parthica, Scythica, Gallica, Arabica, Macedonica. A locis, in quibus primo institutæ manserunt, Italica, Cretensis, Cyrenaica. Sequitur vt de partibus legionis lecta celebremus inter nos. M. Quia ex pedestribus equestribusq; copiis conflatur legio, illæ in cohortes, centurias seu manipulos: hæ in turmas, & decurias diuidebantur. Cohors, inquit Varro, quod vt in villa ex pluribus testis coniungitur, & quiddam sit vnum: sic hæc ex manipulis copulatur cohors. Centuriæ quæ sub vno Centurione sunt, quorum centenarius iustus numerus. Manipulus Vegetio centum milites continet. Ante eius æuum videtur fuisse amplior, & ducentos continuisse. Dictus quod manipulum fœni perticæ præfixum pro signo sequebatur: minimas exercitus manus vocat Varro. Idem manipulum eundem facit cum contubernio, in extremo cap. 13. libro 2. De vocabulo turma Varronis hæc sunt. Turma terma est, e, in u, abiit, quod ter deni equites ex tribus tribubus, Tatiensium, Ram-

Ramnium, & Lucerum fiebant. Itaque primi singularum decuriarum, Decuriones dicti, qui ab eo in singulis turmis sunt etiam nunc terni. Festus hoc modo. Turmam equitum dictam esse ait Curiatius, quasi terimam: tum Varronis verba subiungit: Habet una turma Vegetio equites 32. Huic qui præest Decurio nominatur: cuius officium describitur ab eodem cap. 14. lib. 2. Cohortes in una legione decem: quarum prima reliquas cum militum numero, tum etiam dignitate vincebat, penes quam erat aquila, præcipuum signum totius exercitus. Docti existimant priscis temporibus nullas fuisse cohortes, sed à Mario primum inductas. Eas pro magnitudine legionis plurium pauciorumve militum fuisse oportuit.

H. Aquilam præcipuum fuisse in exercitu signum affirmabas: & ita omnino est ut affirmasti: quod dum Aquilifer in hostes ferret, aut Imp. id in confertos hostes, aut castra hostium proiiceret, non raro accensis maiorem in modum ad pugnam animis victoria relata est. M. Dedecoris maximi timor stimulabat animos. Quid enim turpius, quam signa vel amittere, vel deferere? Verum in quaque legione cum una solum esset aquila, signa erant tot, quot cohortes. Aquila aurea collocata in sacello perexiguo, & longissimæ hastæ affixa, cuius hastæ pars inferior acuta, ut potest in terram defigi. Cum autem dicat Cicero in 1. Catil. in Catilinæ ædibus sacrarium aquilæ argenteæ fuisse constitutum, spectasse eum censet vir quidam doctus, quod signa militaria consecrarentur, & haberent in castris sacrarium quoddam suum signaque

que ipsa, & imagines adorari solitas. Præterea festis diebus vngi consueſſe religionis cauſſa. Teſtes producit Herodian. lib. 4. Plin. libr. 13. cap. 3. Inter ſigna militaria porci effigies fuit: quia conſecto bello, inter quos pax fieret, caſa porca fœdus firmari ſolebat. Lupi item, minotauri, equi, apri, dracones inter ſigna erant militaria. Et omnino, vt clarius hæc pars diſputationis tractetur: ſignorum de quibus loquimur alia vocalia, alia ſemiuocalia, alia muta fuerunt. Vocalia, quæ vox humana pronuntiat, vt in vigiliis, & in teſſera. Semiuocalia, quæ per cornua, tubam, aut buccinam edebantur. Tuba directæ, buccina quæ in ſemetipſam æreo circulo ſeſtitur. Ouid. Non tuba directi, non æris cornua flexi. Cornu quod ex vris agreſtibus, argento nexum, temperatum, arte & ſpiritu canentis flatum remittit, hinc tubicines buccinatores, cornicines. Buccinatores Suetonius & alij Æneatores, à materia nimirum inſtrumenti quo canunt: illis tubam & clāſſicum tribuit in Iulio cap. 32. His ſignis citra dubitationem agnoſcit exercitus, ſtare, an progredi, an regredi, an longè perſequi fugientes, an receptui canere oporteat. Muta erant de quibus paulò ante. Factum poſtea vt ſola aquila in acie portaretur, reliqua ſigna in caſtris relinquerentur: donec Marius penitus præter aquilā omnia ſuſtulit. Vexilla item in ſingulis centuriis erant conſtituta. Nam antiqui quia ſciebant, in acie, commiſſo bello, celeriter ordines aciesq; turbari, atq; confundi: ne hoc poſſet accidere, cohortes in centurias diuiſerunt, ſingulisq; ſingula vexilla conſtituerunt, ita,

vt ex qua cohorte, vel quota esset centuria in illo vexillo literis esset adscriptum: quod intuentes, vel legentes milites, in quouis tumultu à contubernalibus suis aberrare non poterant. Muta etiam sunt, proficiscente exercitu pulvis ad nubium similitudinem surgens, flamma, fumus, quibus per noctem aut diem sociis significatur, quod aliter indicari nequit. Item quæ in vestibus, & armis ad cognoscendum, aut fallendum hostem obseruantur. Quò pertinet triplex tentorium Tamburlani.

Addendum aliquid de ordinibus militum. Hastati, inquit Varro, dicti, qui primi hastis pugnant. Pilani qui pilis, principes, qui à principio gladiis, & post commutata re militari minus illustres sumuntur. Pilani triarij quoque dicti, quod in acie tertio ordine extremis subsidio deponebantur. Hastati & principes vocati etiam antepilani, quod essent ante triarios, qui pilani dicebantur. Quòd hi subsidebant, ab eo subsidium dictum, de quo Plautus. Agite nunc, subsidite omnes, quasi solent triarij. Vltimus locus in acie dabatur triariis, qui nisi desperatis iam rebus, non pugnant. Ex quo prouerbiū: res ad triarios rediit, cum desperauimus. Principes dicit Vegetius, qui ante signa, & circa signa, nec non etiam in prima acie dimicant. Hastatos autem contra veterum scriptorum auctoritatem in secunda acie collocat. Habes quatuor militum genera breuiter declarata. H. Habeo Pilanos, Principes, Hastatos, Triarios: expecto reliquos. M. Velites sic describit Iliodorus. Genus militiæ, à volitando vocati.

Lecti

Lecti enim agilitate iuuenes cum armis suis post
 terga equitum confedebant, & mox cum ad hos-
 tes ventum esset, equis desiliebant, & continuo
 pedites ipsi ex alia parte, equitibus per quos ad-
 uecti fuerant dimicantibus, hostem perturbabāt.
 Idem alibi. Velitum pugna erat, ut ultro citroque
 tela obiectarent. Erat autem eorum varia pugna,
 & spectantibus gratior quam reliquæ. Hæc illu-
 strabuntur magis à Valerio, qui, quo tempore, &
 qua occasione Velitum usus repertus sit ostendit
 in hunc modum. Velitum usus eo bello primum
 repertus est, quo Capuam Fabius Flaccus Imper.
 obsedit. Nam cum equitatu Campanorum cre-
 bris excursionibus equites nostri, quia numero
 pauciores erant, resistere non possent, Q. Nævius
 Centurio à peditibus lectos expediti corporis, bre-
 uibus & incuruis septenis armatos hastis, paruo
 tegmine munitos, veloci saltu iungere se equiti-
 bus, & rursus celeri motu delabi instituit: quo fa-
 cilius equestri prælio subiecti pedites, viros pari-
 ter atque equos hostium telis incescerent. Quare
 si Vegetius eos ut equites describit, nemo Vale-
 rio lecto miretur. Parmas gerebant tripedales,
 gladiis Hispaniensibus cincti, iacula illa erant qua-
 ternos pedes longa. Adscriptitios, Accensos, Fe-
 rentarios, Rorarios putant quidam nominibus
 magis, quam re diuersos fuisse. Dictos adscripti-
 tios, quod inermes adscriberentur, qui armatis
 demortuis succederent. Accensos cum Decurio-
 nibus & Centurionibus attribuerentur: seu quod
 ad censum legionum adderentur. Ferentarios,
 quod fundis & lapidibus pugnarent, quæ tela fer-
 rentur,

rentur, & sola ab eis ferrētur. Rorarios quōd ante iustum praelium velut rorantes dimicarent. Duplicarij, quibus ob virtutem duplicia dabantur cibaria, qui binas conſequebantur annonas. Dicuntur & duplarij, & duplares. Voſones, qui poſt Cānenſem cladem uſq; ad octo millia, cum eſſent ſerui, ad militiam ſe ſponte obtulerunt. De primanis, ſecundanis, tertianis, &c. ante dictum eſt. Erant & ſigniferi, & horū aliqui Aquiliſeri, alij Draconarij: Teſſerarij teſſeram per contubernia militum denuntiabant. Sed Repub. adhuc ſtante taleola, ſeu tabella lata inſcripta uſi ſunt loco teſſeræ, quā Polybius *παραίσιον*, & *ξηλήριον* vocat. Metatores, q̄ precedentes locū caſtris eligunt: quos alij antecelliores. Menſores poſtea vocatos dicit Vegetius, qui in caſtris ad podiſmum dimetiuntur loca, in quibus milites tentoria figunt. Serui militum erant Calones, dicti quod ligneas clauas geſtarent, quæ græcè *κάλα*, ſiue quod ligna militibus ſubminiſtrarent. A Plauto in Trinummo caculæ, quod in græco gloſſario redditur *δύλος γραπών*. Lixæ ſunt, qui exercitum ſequuntur lauandi, & coquendi gratia. Nonius. Elixum quidquid ex aqua mollitur, vel decoquitur: nam lixam aquam veteres eſſe dixerūt. Vnde lixæ dicti, qui militibus aquam ad caſtra, vel ad tentoria ſolent ferre. H. Grammatica quidem hæc, ſed tamen cognitionem habent liberalem, & liberalibus hæud indignam ingeniis. Et ſcimus magnos etiam ſcriptores in ſeriis diſputationibus, & grauiffimis ſcholis ad hæc, quæ nonnullis videri poſſunt puerilia, ſe demittere. Verunta-

runtamen nihil cōtemnendum putauerim, quod adrem percipiēdam, aut opportunum est, aut necessarium. M. Claret hoc, & nihil tam verum dici potest. Consideremus iam magistratus militares. H. Age consideremus.

M. Exercitus ductabant primū Reges, deinde Coss. Dictatores, Tribuni militum consulari potestate, Decemviri legibus scribendis, Prætores, Proconsules, Proprætores. Atque hi suis auspiciis gerere bellum dicebantur. Tribuni militares, Magistri equitum, Legati, non suis, sed alienis. Institutum quippe ab initio fuit, vt neque domi, neque militiæ quidquā nisi auspicatō fieret. Quamobrem nec nomen Imperatoris, nec supplicatio, aut triumphus decernebatur siue Legato, siue alij exercitus Præfecto, tametsi eorum opera virtuteq; Imper. absens, aut ægrotus victoriam esset consecutus: quod non eorum, sed Imperatoris auspiciis bellum esset gestum. Ducis porrò, siue Imper. comites, & tanquam socij fuerunt Legati, Tribuni militum, Centuriones, Decuriones. Penes legatum absente Imp. summa erat potestas, tenebat enim eius locum. Tribuni vocati, quod ab initio terni essent, tum, cum legio ex tribus millibus conficiebatur, nempe ex ternis, quæ tum erant, tribubus, Ramnensium, Lucerum, Tatiensium. Præerant tantū peditibus, quorum numerus auctus, etiam Tribunorum auxit numerum, vt pro tribus quatuor, ac deinde sex haberentur. Oportebat hos esse armorum scientia, virtute corporis, & honestate morum egregios, & cum milites exercere quotidie, tum etiam præire

exemplo. Centurionem Vegetius hoc modo describit. Qui sit magnis viribus, & procera statura: qui hastas vel missilia peritè iaculetur, & fortiter: qui dimicare gladio, & scutum rotare doctissimè nouerit: qui omnem artem didicerit armaturæ, vigilans, sobrius, agilis, magis ad facienda quæ ei imperantur, quàm ad loquendum paratus: contubernales suos ad disciplinam retineat: ad armorum exercitium cogat, vt bene vestiti, & calceati sint, vt arma omnium defricentur & splendeant. H. Quid est quod Vegetius tam sollicitus est de splendore ac nitore armorum? nam & aliàs hac de re loquitur. Num arma minus sunt, si non niteant? M. Causa non leuis huius præcepti. Quoniam, vt ipse ait, plurimum terroris hostibus armorum splendor importat. Quis credat militem bellicosum, cuius dissimulatione, situ, ac rubigine arma fœdantur? Insigne accipiebat Centurio vitæ, qua milites, ob leuiora videlicet delicta cædebat, si in opere faciendo negligentes fuissent, &c. quæ etiam opera illis distribuebat. Signum certum in galea habebat. Vegetius in vna legione Centuriones ait fuisse quinque & quinquaginta. Quidam alij scriptores sexaginta posuerunt. Creati Centuriones, singuli adiutorem asciscabant, accensos seu optiones appellatos. Festus, Optio qui nunc dicitur, antea appellabatur Accensus, is adiutor dabatur Centurioni, à Tribuno militum, vt quem vellet eligeret, vnde nomen sortitus est. Fuerunt tamen etiam Tribunis & Decurionibus Optiones. Item Optiones, qui supplendis legionibus scribebantur. Apud com-
plurce

plures probatosq; scriptores Optio est, qui alteri vicariam præstat operam, non in castris solum. Decurio respondet Centurioni, quemadmodum Præfectus equitum Tribuno. Præfecti ducunt alas equitum, Decuriones turmas: turma completitur Vegetio equites duos & triginta, à quo & officium Decurionum in hæc verba descriptum est. Eligendus est Decurio, qui turmæ equitum præponatur, imprimis habili corpore, ut lorica- tus & armis circumdatus omnibus, cum summa admiratione equum possit ascendere, equitare fortissimè, conto scienter uti, sagittas doctissi- mè mittere, turmales suos, id est, sub cura sua e- quites positos erudire ad omnia, quæ equestria pugna deposcit: eosdem cogere loricas vel cata- phractas, contos & cassides frequenter tergere & curare. Ab eodem pétenda Præfecti legionum, castrorum, fabrorum descriptio. Liceret etiam differere de ministris Imperatorum, ac Tribu- norum militarium, Corniculariis, Commenta- riensibus, præconibus, verùm ista curiosioribus mittamus.

Quo die pugna erat committenda, signum in castris proponebatur tunica coccinea supra Præ- torium expansa. Post ubi exeundum, signa mili- taria in castris fixa captatis auguriis euelleban- tur. Si auellentem faciliè sequerentur, bonum augurium. Tum educto milite acies instrueba- tur. Instructio ista cum suis generibus è Liuvio, Cæsare, Aeliano discatur. Vocabula tamen cer- to modo instructæ aciei sunt frons, subsidia, cu- neus, orbis, globus, forfices, serra, alæ, turres,

Quæ tralata sunt ab ipsis rebus, quæ ita propriè nominantur, earumq; rerum in acie instruenda, sui cuiusq; vocabuli imagines ostenduntur.

Si periculum videbatur imminere, & Aruspices nuntiarent, deos non placatos esse, tum vnus aliquis ex Romanis sese pro exercitu suo, & simul exercitum hostium deuouebat. Alacres, fiducia pleni, ardenti cum clamore pugnam inibant.

Vrbem oppugnantes, deos eius tutelares prius euocabant, ne viderentur eos quoque velle habere captiuos. Regna subacta in prouinciæ formam redigebantur, & à pop. Rom. missis in eas Præsidibus gubernabantur.

Si ipsi hostes traditis armis deditiōem fecissent, sub iugum mittebantur. Fiebat iugum hoc modo. Fixis duabus hastis super eas ligabatur tertia, sub iis victos discinctos transire cogebant. Quam ignominiam tulerunt Romani à Samnitibus ad furcas Caudinas. Qui caperentur, plerumque sub corona veniebant. Corona enim qua induebantur, signum erat captiuorum venalium. Animaduersiones militum duplices. Leniores, grauiōres. Illæ ignominiam tantum afferebant, vt ignominiosè dimitti, stipendio legitimo spoliari, hastam dare, tendendi locum mutare, extra oppidum hibernare, cibum stantem capere, fossam fodere, discinctum destitui, hordeum pro frumento accipere, sanguinem mitti. Hæ detrimentum inferebant, virgis cædi, venire, fuste, securi percuti, decimari, in crucem tolli. Dicebantur decimari legiones, cum sorte decimus quisq; ad supplicium rapiebatur. Liuius lib. 2. Cætera multitudine for-

do sorte decimus quisq; ad suppliciū lecti. Græcis *δικτέειν*. Polyb. *ἐν δικάσει ἀγόμεναι ἐπὶ δανάτῳ*. Hinc decimatio. Significat hūc morem decimandarū legionum Cicero pro Cluentio his verbis: Statuerunt enim ita maiores nostri, vt si à multis esset flagitium rei militaris admissum, fortitione in quosdam animaduerneretur: vt metus videlicet ad omnes, pœna ad paucos perueniret. Quibus porro militibus ignominia causa stipendium nō dabatur, dicebantur ære diruti, quod æs diruebatur in fiscum, non in militis sacculum. Ita Festus. Sicut præterea auctorati milites dicebantur sacramento astricti, & quasi obæratī, hoc est, ære stipendiario obstricti, ac iam non sui arbitrij, vnde auctorare & auctoramentum in re militari: sic exauctorare erat insignia militaria detrahere, atque infamem efficere, auctoratum & adstrictū dimittere, & suo arbitrio reddere. Græcis *ἀφαιρέτοι, καὶ ἀζωσμένοι*, id est, dimissi & discincti. Quod tamen etiam citra ignominiam fieri potest. Fustuarij animaduersio ita fiebat. Tribunus militem fuste cædebat, mox reliqui milites fustibus, & lapidibus noxium petebant.

Verū vt contumacibus, & in officio segnibus pœnæ, sic strenuis ac diligentibus præmia erant proposita, munera militaria, cohortis prætoriae communio, pecunia, præda, armilla, hastæ puræ, phaleræ, corniculi, torques, coronæ militares, quarum ista fuerunt genera, Obsidionalis, Ciuica, Muralis, Castrensis, Naualis aureæ, de quibus Gellius lib. 5. cap. 6. Nam qui ciuem in acie, aut alio in periculo seruasset, cum summam laudem assequer-

batur, tum querna corona donabatur, quæ plus honoris, quam aureæ, & argentæ conciliabat. Ea dicebatur ciuica, de qua admetiar tibi locum Plinij è libro 16. cap. 4. Hinc ciuicæ coronæ militum virtutis insigne clarissimum : iam pridem verò & clementiæ imperatorum, postquam ciuiliū bel-
lorum profano meritum cœpit videri ciuem non occidere. Cedunt his murales, vallaresque, & aureæ, quamquam pretio antecedentes. Cedunt & rostratæ, &c. Obsidionalis, quam qui liberati sunt obsidione, dant liberatori. Fiebat è gramine, quod eo loco creuisset, intra quem clausi erant qui obsidebantur. Muralem capiebat, qui primus murum subiens in oppidum hostium ascendisset. Castrensem qui primus hostium castra pugnans introisset. Naualem qui primus in hostium nauem armatus vi transiluisset. Conscenso item suggestu, aut tribunali Imperatores collaudabant milites, iisq; gratias agebant. Imperatorum præmia supplicatio, ouatio, triumphus. De quibus seorsim alio loco & tempore, si videbitur. H. Sed vt videatur rogo.

ANNOTATIONES.

MARTEM GENERASSE ROMVLVM)
Quid hac fabula vulgatiꝛ? Qua occasione autem, & vbi illa Regina sacerdos Ilia, seu Rhea, seu demum Syluia (nam omnibus his nominibus vocatam inuenies) virginitttis suæ florem amiserit, Ouid. 3. Fast. Liui, vs lib. 1. vi compressa Vestalis, cum geminum partum cecidisset, seu ita rata, seu quia Deus an-

Et or

etor culpa honestior, Martem incerta stirpis patrem
nuncupat. Apud Ennium, testante Lactantio lib. 1.
cap. 15. pop. Rom. amissum regem suum dolens hac lo-
quitur.

ô Romule Romule dic, ô

Qualem te patria custodem dî genuerunt ?

Tu produxisti nos intra luminis oras.

O pater, ô genitor, ô sanguinem diis oriundum.

QVI VEL CONTRA IMPERIVM) T. Manlius
Torquatus filium victorem, quod aduersus imperium
suum cum hoste manum conseruerat, securi percussit.
Linus lib. 8. Valer. lib. 2. cap. 7. ubi non dissimile e-
tiam exemplum de A. Postumio Tuderto, qui aquê
filium cum vîetoria redeuntem securi ferendum tra-
didit, quia sponte sua, iniussu patris, prasidio progres-
sus hostem fudit. Vide paræmiam, Manliana im-
peria. A MAGNIS, ILLVSTRIBVS) Æneas qui-
dem Lausum adolescentem interficiens lib. 10. Æneid.

Hoc tamen infelix miseram solabere mortem,

Ænea magni dextra cadis.

Idem optat 1. Æneid. à fortissimo gentis Danaum,
Diomede videlicet se interfectum esse: & gloria ducit
Hectori, qui Æacida, hoc est, Achillis telo occubue-
rit. EORVM EXERCITATIONES HAVD

FALSO) Verba Iosephi sic habent græcè. καὶ ὅτι ἂν ἁ-
μάργοι τις εἰπὼν, τὰς μὲν μελέτης αὐτῶν χρεῖς αἵματος
παρρητίξεις. Τὰς παρρητίξεις δὲ, μεθ' αἵματος μελέτας.

IIS VERBIS INDICEBATVR) Formula
indictionis extat apud Linium lib. 1. Gell. lib. 6.

cap. 4. Videndi præterea Nonius, & Festus in *Feciales*. *QVI SINGVLI IVRABANT*) Insurandum militare si cui libet, legat apud Gell. lib. 16. c. 4. *EVOCATOS DISTINGVAT A MILITIBVS*) Sic *Cæsar*. Cum horum omnium ratio haberetur, ad duorum millium numerum ex Pompeianis concidisse reperiebamus, euocatosq; & centuriones complures. Et lib. 1. *Militibus in concione agros ex suis possessionibus pollicetur, quadraginta in singulos ingera, & pro rata parte centurionibus euocatisq;*. *TANQVAM LEVIS ARMATVRA*) Legionibus semper auxilia, tanquam lenis armatura in acie iungebantur, inquit *Veget.* lib. 2. cap. 2. ut in his præliandi magis adminiculum esset, quam principale subsidium. Legio autem propriis cohortibus plena, cum gravem armaturam, hoc est, principes, hastarios, triarios, antesignanos: item leuem armaturam, hoc est, ferentarios, sagittarios, funditores, balistarios: cum proprios & sibi insitos equites legionarios, iisdem matriculis teneat, &c. Ex quibus verbis, quod multi ignorant, quid lenis, quid gravis armatura sit, satis perspicue cognoscitur. *VIR VIRVM LEGIT*) De hoc toto cap. 7. lib. 25. *Turneb. LVPI, MINOTAVRI*) Effigiem Minotauri ideo fuisse inter signa militaria Romanis ait *Festus*, quod non minus occulta esse debent consilia Ducum & Principum, quam fuerit olim domicilium Minotauri Labyrinthus. Nam ut plurimum ad victoriam valet tacsiturnitas: sic frequenter magno fuit in bellis detrimē-

to lin-

to lingua in temperantia. Vnde Metellus Macedonicus prudenter. Si ipsam vestem nouissem esse consiliorum meorum consciam, eam confestim abiicerem. De signis porro militaribus Veget. lib. 2. cap. 5. PVLVIS AD NVBIVM SIMILITVDINEM) Virg. 9. *Æneid.*

*Hic subitam nigro glomerari puluere nubem
Prospiciunt Tencri, ac tenebras insurgere campū.
Primus ab aduersa conclamat mole Caicus,
Quis globus o ciues caligine voluitur atra?*

Liuius lib. 30. Densior deinde incessu tot hominum, equorumq; oriens puluis, signum propinquantium hostium fuit. QVO PERTINET TRIPLEX TENTORIUM) Videbis Crinitum lib. 1. cap. 1. Lege etiā Frontini caput 13. lib. 3. de stretegematibus in emittēdo, & remittendo nūtio. TESSERARII TESSERAM) Pro tessera saepe fuerunt nomina, & verba singula: ut Septimij Seueri, Laboremus. Pertinacis, Militemus. Aliquando plura verba coniuncta: ut in castris Cæsarianis, Venus genetrix. In Pompeianis, Hercules inuictus. In Antonianis, Lar deus. Porro huius vocabuli, tessera, varias notiones perspicue traditas inuenies apud Q. Corradum de copia serm. lat. lib. 3. DISCINCTVM DESTITVI) Stare totum diem discinctum, nō leuis fuit una de pœnis militaribus. Nam cum præcincti, Græcis ἐνξωοι, dicerentur strenui, cōtraignari & militia parum habiles, discincti. Et est alioqui discinctus luxuriosus, negligens, dissolutus, in-
tempe-

temperans. Interdum discinctus qui remissione, & liberiore quodam victu ac ludo, vite quotidiana senectutatem lenat, ac temperat, citra flagitium ac turpitudinem. Horat. sat. 1. lib. 1.

Nugari cum illo, & discincti ludere, donec Decoqueretur olus.

HORDEVM PRO FRUMENTO) Linus lib. 37.
Cohortibus, qua signum amiserant, hordeum dari iussit. Testatur & Vegetius, qui vel in proelusionibus parum profecissent, pro frumento hordeum coactos accipere: nec eis ante in tritico redditam annonam, quam sub presentia Praefecti legionis, tribunorum, vel principum experimentis datis, ostendissent se omnia, qua erant in militari arte, complexisse. SANGVINEM MITTI) De hac animaduersione militaris Rhodig. lib. 6. cap. 1. irrogatam primò militibus animi stupentis, atque à naturali habitu declinantis, ut non tam panna videretur quam medicina.



PROGYMNASMA

QVINTVM ET VICESIMVM.

Artes Imperatoriæ, seu officium Imperatoris.

Pvbly Cornelij Scipiones *Africani* duo numerantur, maior & minor: ambobus id cognomen ex virtute fuit: priori nempe à deuicta, posteriori etiam ab excisa Carthagine, Vrbe totius *Africa* regina, & imperij *Romani* amula. Huic eisdem aliud postea cognomen, *Numantino* videlicet, à subacta in *Hispaniis* *Numantia* contigit. Dicitur est præterea *Æmilianus*, quoniam *L. Pauli Æmilij Macedonici* naturæ filius, adoptionis iure in familiam gentemq; *Scipionum* transiit. Adoptatus est autem à *Scipione*, superioris *Africani* filio, de quo scriptum est in *Bruto* his verbis. Ipsum *Scipionem* accepimus non infantem fuisse. Filius quidem eius, is qui hunc minorem *Scipionem* à *Paulo* adoptauit, si corpore & aluisset, imprimis habitus esset disertus. Indicant cum oratiuncula, tum historia quadam græca scripta dulcissime. Et à *Velleio* lib. 1. *Lucio* autem *Paulo* magna victoria compoti, quatuor filij fuere: ex iis duos natu maiores, & unum *P. Scipioni*, *P. Africani* filio nihil ex paterna maiestate præter speciem nominis, vigoremq; eloquentia retinens in adoptionem dederat: alterum *Fabio Maximo*. Idem historicus, quo loco eum cum *L. Mummi* qui à *Corinthe* euersa *Achaici* cognomento honoratus est, comparat, sic pereleganter prædicat. Tam elegans liberalium studiorum vniisque doctrina & auctor, & admirator fuit, ut *Polybium*, *Panætiumq;* præcellentes ingenio viros domi militiaq; secum habuerit. Neque enim quisquam hoc *Scipione* elegantius interualla negotiorum otio diffunxit, semperque aut belli,

belli, aut pacis servit artibus, semper inter arma, ac studia
 versatus, aut corpus periculis, aut animum disciplinis ex-
 ercuit. Cum constet igitur hunc perinde ut eius aium, ma-
 gnum quendam, & eximium Imperatorem fuisse: manife-
 stum quoque sit ex epistola I. M. Tullij ad Q. Fratrem lib. I.
 eundem libros Xenophontis de Vita & disciplina Cyri, in
 quibus ille philosophus nullum diligentis, & moderati im-
 perij officium pratermisit, (quandoquidem non ad historia
 fidem, sed ad effigiem boni Principis tota scriptio cōfertur)
 tam frequenter cupideq; legisse, ut de manibus ponere non
 soleret: quos (ut hoc etiam addatur, quia proposito alienum
 non est) similiter Cicero gloriatur se legendo contrivisse,
 & in imperio suo, cum Ciciliam Proconsul administraret,
 totos explicasse, nobis videtur inde potissimum tantus exti-
 tisse, atq; adeo unus esse appositissimus, qui de munere Im-
 peratoris, quod à Xenophonte sub persona Cambysis, filium
 Cyrum cum auxiliariis copiis in Medos proficiscērem de-
 ducentis, libro primo, non minimam partem, & diuinitus
 expressum est, in dialogo verba faciat. Ergo in hunc belli
 ducem praeclarissimum non imprudēter, ut puto, sermonem
 istum militarem contulimus: nec ei non recte tanquam au-
 ditorem, & discipulum Iugurtham attribuimus: quem cū
 è Sallustio contractius descripserimus, efficiemus, ut tota
 consilij nostri ratio planius, & maiore cum assensione per-
 cipiatur. Masinissa Rex Numidia, pop. Rom. iam inde à se-
 cūdo bello Punico amicissimus, tres filios genuit, Micipsam,
 Manastabalem, & Gulussam. Absumptis morbo fratribus,
 Micipsa regnum paternum solus obtinuit, Iugurthamq; à
 Manastabale è concubina procreatum, iuxta cum literis
 suis Acherbale, & Hiempsale educavit. Is ubi adolevit, vi-
 rium, forma, ingenij, militarium exercitationum, & mo-
 destia gloria antecire omnibus, diligi pradicariq; ab omni-
 bus. Quas ob res Micipsa multa cum animo suo voluens, su-
 spectum eum habere capit. Quem cum propter accensa in il-
 lum Numidarum studia dolo interficere non auderet, ne

qua

quæ seditio aut bellum oriretur: nec magis per vim, quod Iugurtha ipse, & popularibus acceptus, & manu promptus, bellicusq; laudis percupidus erat, periculis hominem obestare decreuit, & cum bello Numantino auxilia Romanis mitteret, is eundem præfecit. Iugurtha labore, cura, parendo, periculis sæpe obuiam eundo non mediocrem sibi claritatem tam apud Numantinos, quam Romanos breui comparauit. Ac proinde Numantia deleta, magnificè cum Scipio pro concione laudatum donatumq; cum literis perhonorificè scriptis ad Micipsam remisit. Placet igitur nobis hoc cōmentum, ut Scipio hunc fortissimum militem, & ad Imperatorias partes imprimis idoneū, sub ipsum tempus discessus in prætorium adducat, ibi remotis arbitris huiusmodi cum eo colloquiū miscat, à tali quodam principio exorsus.

SCIPIO, IUGURTHA.

SCIPIO. Te maectum ingenio, mi Iugurtha, id est, impigro, acri, sollerti atq; munifico, manu strenuum, consilio egregium (quorum illud ex prouidentia timidos, hoc ex audacia temerarios plerunq; facit) in intimis meis semper habui: & quo magis virtutem tuam, qua me, qua populum Romanum, qua maiores tuos honorauisti, tot præclaris facinoribus cognoui, magis amplexus sum. Scis quemadmodum vni tibi sensus arcanos meos credere, omnes fere res arduas atque asperas per te agere, ad exemplum tuum alios formare, tuæ gloriæ plurimum, & ex animo fauere consueuerim: quam quidem tantam breui es adeptus, ut ea, quod per paucis mortalibus concessum audiuius, inuidiam superâris. Aduocata concione militum diebus nuperrimis te laudaui,

& in conspectu omniū donis donauī. Quod potuī, quod in me fuit, id tibi latus ego ac lubens persolui. Sed profectò nullum est genus amplissimæ laudis, nulla dona vel maxima, quæ aliquam partem tuorum erga nos meritorum assequantur. I. Qualia sint, Scipio, quæ à me præstita dicas, quæq; nonnullam mihi claritudinem ad Numantiam pepererint, nunquam adhuc mecum reputauī. quippe qui res meas iam inde ab adolescentulo in minimis ducere soleam. Illud mihi sempiterno gaudio, & solido honori futurum auguror, cum P. Scipione, hætenus Africano, nunc etiam, diuis beneuolentibus, Numantino, cum tali inquam Imperatore, cuius memoriam nulla vnquam vetustas obruet, in iisdem castris fuisse: multa ab eo militariter, & sapienter prolata excepisse: multa ab eodem nauiter, prudenter, animosè, feliciter, & è dignitate Reipub. fieri vidisse: quorum recordationem ne extrema quidem senectus mihi eripiet. Quàm eximium, & ad commendationem illustre, quod antecessorum ducum negligentia labefactatam, & collapsam, imò prorsus neglectam militiæ disciplinam in integrum reuocasti? quæ quidem res insolentibus Numantinorum spiritibus tanquam nutrix quædam fuit. Quæcunq; voluptatis causa comparata in castris inuenisti, edicto auferri ac submoueri penitus iussisti. Abierunt institores, diuinatores, lixæ, calones multi, & scortorum duo millia. Ita castra à castranda libidine dicta esse salutari exemplo docuisti. Delicatiores usus, expeditioniq; minimè necessaria vasa confracta: &

alia

alia non requisita, ne in castra inferrentur seuerè
cauisti. Sacrificia quibus per exta inquisitum de
futuris sustulisti: iumenta clitellaria, paucis neces-
sariis exceptis, tuo iussu vendita: militibus ablatis
coqui, ablata instrumenta culinaria, præter veru,
ahenum, & vas potorium. Culcita fœnea tu ipse
usus es, quò liberius aliis prohiberes. Miles quo-
tidianis attritus exercitationibus, coactusque fri-
gora & imbres perferre, vada fluminum pedibus
transire, gradu militari incedere, ferre vallum, &
dierum complurium cibaria, inquinari demum
luto, qui sanguine nollet. Annis pæne viginti hoc
bellum durauerat: vrbs quamquam in colle posi-
ta, sine muris, sine turribus, & exigua magnitudi-
ne animos Carthaginis gerebat. Quatuor Celtibe-
rorum millibus exercitus plurium millium annis
tot sustinuit: præter contumeliam, & calamitatem
duces superiores nihil retulerunt: quandoquidem
& de exercitibus suis multos amiserunt, & ad pu-
denda fœdera quamquam inuiti descenderunt.
Quid multis? inuicta visa est Numantia, quoad
pop. Rom. te Imperatore Carthaginis incendiis
ad excidia vrbiũ imbuto in ultionem excan-
duit. Te penes vnum huius belli confecti laus. Tu-
um decus sex mensibus debellata, & euersa Car-
thago: tua gloria anno & tribus mensibus excisa,
& solo æquata Numantia. Sic fortunæ tuæ, exper-
tæq; virtuti in Africa, præclare utiq; respondisti in
Hispania: & ab alterius quidem metu, ab huius
autem contumeliis tuos felicissime liberaisti. Nec
reperitum adhuc arbitror, qui clariori vrbiũ ex-

cidio nomen suum sempiternæ memoriæ commendauerit. S. Plus mihi negotij cum semiruta, quam auo meo cum integra Carthagine. I. Nempe quemadmodum morientium bestiarum morsus solent esse maximè mortiferi. S. Tamen Carthagini XL. millia sese citra vllam conditionem dederunt: at Numantini tum demum deditio- nem mihi facere parati erant, si tolerabilia impe- rarentur. Ego verò, id quod scis, veram, & nulla cum exceptione victoriam malui. I. Rectè Sci- pio. Quare huc adacti necessitatis, cum epulis be- ne saturi per desperationem vellent armis expe- riri, tu pugnae copiam certis moriendi non fecisti. S. Quia non me fallebat, ex desperatione auda- ciam posse crescere: & necessitatem interdum fi- eri cōtem ignauia. I. Ergo fossa, lorica, & qua- tuor castris circumdatos fame tandem subegisti. S. Si non ipsimet se subegerunt, qui mihi salutem suam inuiderunt, cum ducibus interemptis, se, patriamque ferro, veneno, & igne vndique inie- cto peremerunt. Præda nulla, arma nulla, qui in triumphum ducantur nulli: de nomine trium- phus agendus. Quod porro disciplinam, mox ut veni ad exercitum, instaurandam putavi, id im- primis ex officio Imperatoris à me factum esse duco, cum non aliunde, quam à disciplina vires maiores, roburque grandius militi paretur. Et cum artes omnes quotidiano vsu indigeant, si ve- lis proficere, idque etiam in paruis verissimum reperiatur, haud dubium est, quin id in maximis seruandum sit. An verò vlla maior est arte belli-
ca?

ca? cuius vi libertas, & vita retinetur, dignitas amplificatur, imperium conseruatur. Disciplinæ quo minor cura duci fuerit, eo vehementius aduersario commodatur. Sed ea vt non remissum, & nimis clementem, sic neque acerbum, & nimis rigidum patitur. Non sunt nimium multa imperanda: non acrius rationes reposcendæ: non excludenda affabilitas: non deferenda in suppliciis moderatio, & alia sexcenta, de quibus per occasionem de me audiuiſti. I. Negare haud queo, vt se dedit opportunitas, me præcepta quadam imperatoria ab te accepisse. Sed quoniam dimittis auxilia, & ego quoque domum reuerti decreui: nec spes est me in posterum te viſurum, quamquam imago tua ex animo meo quoad vixero non delebitur, da ſignum amoris tui vltimum atque certiffimum, & de artibus imperatoriis plenius diſtinctiſque me erudito. Quid enim ſi Micipſa occidente fortuna me benignior reſpiciat, & ſolus Numidia potiar, & mihi magna cum finitimis, aut exteris bella gerenda ſint? Certe nulla ſcientia aut tam decora, aut tam neceſſaria videtur regibus. S. Non ſcientiam duntaxat, mi Iugurtha, eximiam, ſed virtutem præterea ſingularem, auctoritatem clariffimam, felicitatem ſummam in eſſe in excellenti perfectio-
que imperatore oportet. De virtute, ſi vis, primum differam. I. Ego verò maximè. S. Pietas ante omnes alias virtutes requiritur. Deum qui largitur victoriam, & ſine quo conatus & ſtudia hominum parum efficacia ſunt, colere precibus

& sacrificiis æquissimum, vel potius omnino necessarium est.

*Facilis si quis pius est, à diis supplicans,
Quàm qui scelestus est, inueniet viam sibi.*

Ob religionem in despectis habitam, multi se cum exercitibus suis pessum dederunt. I. Equidem idem sentio: sed tamen multa est caligo in deorum consiliis: ut neque in causa iusta pugnantibus omnia sint semper secunda: neque iniustam bello tuentibus omnia semper infelicia. S. Hoc in aliis quamplurimis negotiis experimur: multa contra eueniunt, quàm putabatur. Verùm Deus summa libertate agit, quod agit: & quomodo honoribus humanis non indiget: sic etiam se honorantes remunerare non cogitur, ut iustus aut gratus videatur. Nam ut nulum in nos aliud beneficium conferret, satis magnum contulit, cum vitam dedit, quamquam non rogatus. Dij ô fili, ait Cambyfes Cyro apud Xenophontem, quem scriptorem legendi assiduitate contriui: cuius sermo, cum sit à forensi strepitu remotissimus, est mihi omnimelle dulcior: dij, inquam, immortales atque æterni omnia sciunt, & præterita, & futura: atque hominibus sibi charis, & amicis, cum ipsos consulunt, quid facere oporteat, quidue non oporteat, præsignificant. Quod si non omnibus consilium dant, minimè mirum apparere debet: neque enim necesse est ipsis, quorum noluerint, curam suscipere. I. Probè istam rationem capio. Sed opinor, cum à Deo orsus sis, non esse dein-

deparcendum labori & industriæ. S. Industria & labor in agendo, celeritas in conficiendo, consilium in prouidendo adhibeatur necesse est. Nam ut abis in rebus, quæ diuinitus petuntur, & supeditantur, fortunatiores iudicantur, qui ipsi etiam in iis didicerunt aliquid, quiq; curam, & operam ad id quod impetrare volunt consequendum adhibent, nec tanquam claudi sutores domi diem totum desident: sic in re militari prudentius & felicius petit, qui sibi met quacunque ratione succurrit. Stultè in equestri decurſione palmam optat, qui equitare nescit: & fecundam segetem, qui sementem non facit: & in acie salutem, qui sibi non cauet. Atque ut ab eo postulatur labor in negotio, sic in periculis fortitudo: quæ est bellantium imprimis propria virtus. Cuius ipsius administræ, & tanquam comites sunt innocentia, temperantia, fides, facilitas, ingenium, humanitas, dicendi quoque grauitas & copia, quæ magnum decus affert imperatoriæ dignitati, & habet instante conflictu, antequam signa canant, commoditatis longè plurimum. Nec enim solum milites blandè appellando sermone deliniendi sunt, cum hostis abest, verum etiam cum in ceruicibus est, & iam sagittas expedit, gladium distingit, ad prælium cum mortis, ac vulnerum contemptione capeſſendum tanquam quibusdam verborum tædis, ac facibus inflammandi. Ad iustitiæ porrò munus magnopere pertinet vitatio & fuga auaritiæ: nec dignus est Imperatoris nomine, qui pecunia

cuius magistratum militarem addicit : quise
quam ex arario accepit, ut bellum administret,
eam vel propter cupiditatem provincie magistra-
tibus diuidit (ut iis aut concedentibus, aut ad-
iuuantibus, diutius eam prorogato imperio re-
tineat) vel in quaestu relinquit. Ob quorundam
ducum auaritiam exercitus nostri calamitates
magnas per agros & oppida cum ciuium Roma-
norum, tum exterarum nationum saepe dede-
runt: ac plures propemodum ciuitates sociorum
aliquot hybernis, quam hostium vrbes militum
nostrorum armis deletæ sunt. Se ipsum conti-
neat, qui alios continere vult. Quare cum lau-
dauerim, cuius exercitus ita facit itinera, ita
hybernat, ut eius ne vestigium quidem cuiquam
pacato noceat: qui etiam cupientes sumptum in
militem facere non sinit: tantum abest, ut eius
caussa cuius vim afferat. Quod si quem Impe-
ratorem non potuerit auaritia alienarumque re-
rum cupido ab instituto cursu deducere, videat
nihilominus, ne aut voluptas libidinis, aut dele-
ctatio amœnitatis, aut cognitio nobilissimarum
urbium, aut tranquillitas quietis transuersum ra-
piat. Signa, tabulas, & alia, Græcorum præsertim
oppidorum ornamenta bonus ac temperans Im-
perator ne visenda quidem sibi, nedum auferen-
da arbitrabitur. Et quomodo Princeps non eo di-
stare debet à populo, quia cesset; & in otio viuat:
sed quia prospiciat, & plurimis quotidie consu-
lat: sic Imperator non plus dormiendo, aut sump-
tuosius cœnando, aut nihil actitando militibus e-

rit superior. Fidem eius non tantum socij, sed ipsi quoque hostes experiri sanctissimam debent: nec tam virtutem illius timere, qui contrapugnant, quam diligere mansuetudinem, & humanitatem quos vicerit. Et cum iis quos vi subegeris consulendum est, tum ii, qui armis positis ad tuam fidem confugiunt, quamvis murum aries percusserit recipiendi sunt. Facilitatis laus est, si faciles sint ad eum aditus priuatorum, si liberæ quarimonix, si se cum infimis quodammodo exæquet, qui dignitate principibus antecellit. De virtute satis dictum est. I. Nihil igitur huic loco addendum putas? S. Nihil, nisi vt ita maxime quemq; in hisce rebus imitemur, vt eum iis plurimum excelluisse didicerimus. I. Sapienter; & e vestra ciuitate scio belli duces præstantissimos pane innumerabiles proferri posse, quorum exemplis nos condoceri ac perfici possimus. S. Transibo ad scientiam. Nunquam bono duci nox tota somno transmittenda est, quod in Agamemnone Homerus sugillat: sed nocte plurima voluenda, circumspiciendum, præcogitandumq; quid per diem militi faciendum sit: die rursus confiderandum, & decernendum, quid horis nocturnis fiat: quod quidem malè præstabit, nisi admodum multa nouerit, partim vsu, partim à mutis magistris, qui sunt libri, eruditus. Quam scientiam si credis quibusdam rationibus instruendorum ordinum, ducendi exercitus noctu & interdum, castrorum metandorum, custodiarum disponendarum, accessus & recessus ab hoste, copiarum ad urbem hostilem admoüendarum, aut remo-

uendarum, traiciendorum fluminum, in aliam atque aliam formam ad tempus commutandæ aciei, cognoscendi res aduersariorum, celandi tuas, si, inquam, horum similiumque rationibus scientiam Imperatoriam metiris, longè aberras à veritate. I. Vsq̃ adeo in re militari rudis & inexpertus non sum : quin quamuis ista maxima videantur, maiora tamen opinor sunt ea, quæ tibi dicenda restant. S. Certè maiora. Scire enim conuenit, quo pacto sibi quam beneuolentissimum reddat exercitum. Nam nisi amet ducem suum miles, nihil rectè facit. Beneuolentiam porro eorum ita facillimè inibit, si manifestum erit, eum de omnibus bene mereri cupere, & ad cuiuslibet incommoda subleuanda paratum, eos commilitonum amicorumque loco numerare. Si in euentis eorum prosperis gaudium, in contrariis dolorem præ se tulerit. Si non solum timuerit, verum etiam conatum & laborem ipse omnem adhibuerit, ne quid damni accipiant. Cum æstas fuerit, appareat ipsum plus caloris : cum hyems, plus frigoris : cum laborandum, plus laboris subire ac perpeti. Quanquam similes labores, vt dixisse recorder Xenophontem meum, non perinde graues sunt similibus corporibus, imperatoris, videlicet, & gregarij militis. I. Quomodo non perinde graues ? S. Honor Imperatori laborem reddit leuiorem : quod videt, quidquid ipse agat, eius sese testes permultos laudatoresque habiturum. Hoc utique ἀγαθόν seu speciosum est, vt alia vel sexcenta. I. Ergo qui alit cæ-

teras

teras artes, etiam hanc, siue hasce artes, quas in belli duce ponimus, præclare alit. S. Hoc tam apertum est, vt nihil aliud magis. Sciat etiam, necesse est, quemadmodum sibi obtemperantes, & ad iusta exequenda quàm impigerrimos atque promptissimos reddat. Quod quidem tum assequetur, si obedientes laude, ac præmio conhoneſtabit: ad obsequendum duriores supplicio vindicabit. Tametsi aliam huic rei viam possum ostendere: malim enim quod faciunt, eos idipsum libenti animo, ac volentes facere. I. Non iniuria: semper etenim in negotiis plus adiuuat propensa voluntas, quàm ex detrimentorum pernarumque metu veniens necessitudo. Quæ igitur illa via altera? S. Quæ? Si secum statuere potuerint, Imperatorem suum seipsis prudentiorem esse. Hæc eadem caussa est, cur non inuiti obediunt, & egroti medicis, & vectores gubernatoribus, & viatores ducibus, & ciues demum magistratibus. Quod autem vniuersè dixi de scientia, idem dixerim de prudentia Imperatoris, eam lectione, & vsu amplificari. I. Quod ista duo coniungis, & neutrum abesse vis ab eo de quo præcipis, mirificè tibi assentior: & vt te propter vtrunque suspicio: si cælios, si qui sunt, qui hæc naturâ coniuncta diuulserunt, contemnendos arbitror. Neque tu Imperator tantum & ante in Africa, & nunc in citeriore Hispania, verum etiam aliquando in Macedonia, & alibi miles fuisti, Persenque victum tam acriter es persecutus, vt ante noctem mediam in castra non redjeris. Apud Interætiam Hispaniæ oppidum, cum esses

Lucullo

Lucullo Legatus, protocatore[m] singulari certamine occidisti. Tribunus in Africa, T. Manilio Imp. octo cohortes obsidione vallatas consilio virtuteq[ue] cum seruasses, obsidionalem coronam retulisti. S. Me, si quid bello expertus sum, si quid audiui, si quid legi, nunquam pœnituit, nunquam pœnitebit. Res item corporibus necessariae, & cœmeatus sciendum est, quemadmodum à finitimis seu volentibus, seu nolentibus, hoc est, siue gratia adductis, siue timore compulsis cœmparentur: nec eousq[ue] procrastinandum, quoad penuriâ edendi alimonie curationem prouocauerit: sed in ipsâ abundantia de viis & modis cogitandum, quibus inopia propulsetur. Quid ego dicam de curando robore, ac sanitate militum? Eam si non aliter curare habemus, quàm vt ne desint medici, & medicinæ quibus leuentur recreenturq[ue], si qui morbum nacti fuerint, persimiles sumus eorum, qui discissas ac laceras vestes reficiendas locant. Atqui longè sapientius factum, prouidere omni studio, ne morbo vexetur miles. Quare si diutius allicubi commorandum erit, grauitatem loci castris faciendis etiam atq[ue] etiam fugiat, salubritatem summè quærat: quam cum alia, tum accolarum corpora coloresq[ue] indicabunt. Eodem pertinet, ne se cibo ac potione distendant, & moderatis vtantur exercitationibus, quibus & cibus consumitur, & valetudo bona retinetur, & robur auget. Item ne vnquam otio & vacationi, & desidie se dedere sinantur. Desidiosa enim quies non secus corporibus, quàm aquis vitium conciliat. Et cum difficile sit vel vnum alere otiosum, quan-

quantò difficilius tot millia? Quare semper dabit operam Imperator, vt militem aut in damno aliquo hostibus inferendo, aut in aliqua vtilitate propria comparanda occupatum habeat. Quoties à bello esset feriandum, Iphicrates quippiam negotij suis dabat: aut curriculos agere, aut fossas ducere, aut arbores secare, aut castra transferre, aut vasa transmutare: quòd in otio nouas res eos molituros suspicaretur. Philippus quoq; Macedonas suos non aliter, quàm si periculum adesset exercebat. Ita vt armati trecenta sæpe stadia ambularent, cum armis etiam commeatum, & ad vsum quotidianum vasa necessaria portantes. Rationes etiam non ignorabit, quibus ei alacritatem, & libentiam iniiciat, & quò maximè vult, nulla cum difficultate adducat, & in quocunq; belli munere quam præstantissimum efficiat. Certamina item propolitis præmiis indicet, & cuiusq; virtutis testis atq; spectator ipsemet aderit. Quod si omni ex parte paratum se viderit, non ideo manum cum hoste statim conferendam putet, nisi etiam conditione superiorem se futurum intelligat. Alioqui quo instructiorem se, & ab exercitato milite feliciorem animaduernerit, eo cautius se geret: quomodo & alias res, quas propter præstantiam magnopere diligimus, quàm tutissimè seruamus. I. Quo autem pacto quis meliorem conditionem adipiscatur? S. Idem tu quæris à me, quod apud Xenophontem meum de patre, sibi eadem quæ nunc ego tibi, tradente quærit adolescens filius. I. Bene est. Ergo eadem tu quoque mihi, tanquam Cambyfes Cyro respondebis. S. Eadem verò. Sic habet-

habeto, oportere te huius rei causa insidiator
 rem, dissimulatorem, fraudulentum, veterato-
 rem, furem, rapacem fieri, & in omni re plus
 quam hostes, habendi appetentem. Iphicrates
 magnus Atheniensium dux milites suos fictis ex-
 cursionibus, falsis insidiis, simulatis proditioni-
 bus, ac transitionibus, fictis aggressionibus, & pa-
 nificis terroribus preparabat, ut si quando tale
 quippiam evenisset, ne turbarentur. I. O Dij,
 qualem tu me esse postulas? Contraria & filios
 parentes, & discipulos magistri docent. S. Et e-
 go docebo contraria, non modò pueros, ve-
 rum etiam adultos: sed aduersus amicos, & ci-
 ues. Aduersus autem hostes dolus æquè ut vir-
 tus laudatur, quibus licitum est incommoda-
 re quacunque ratione possis. Quomodo enim
 ei nocere non liceat, cui vitam ipsam eripere li-
 cet? Omnia artificia, omnes machinationes, qua-
 rum usus est contra feras in venationibus, in ho-
 stem transferre possumus: qui locus tam latè pa-
 tet, ut pæne nihil non eorum, quæ ad bellum ge-
 rendum pertinent complectatur. Cauendum, in-
 super, ne disposita acie, instructisque tuis in ho-
 stes dissipatos, ac palabundos inuadas: arma-
 tis autem inermes, vigilantibus dormientes in-
 uadere quàm profit quis nesciat? Stude, si pote-
 ris, tutiora semper loca ad pugnam capessere, &
 simula fugam: atque tum demum conuersus fac
 impetum, cum in difficilia loca hostem inse-
 quentem pertraxeris. Nec utere iis tantum quæ
 didiceris, sed imitare mulicos, qui ut nouas sem-
 per cantilenas, sic tu noua semper consilia, con-
 tra

tra inimicos excogita. Placent in musicis recentia, & magis profunt ad aures oblectandas: at in re militari recentia inuenta ideo laudabiliora sunt, quoniam cum hostem magis fallant, ad victoriam amplius proficiunt. Sed cum in bellis administrandis multum valeat virtus, multum scientia, non parum præterea valet auctoritas. Interest quid de Imperatore & hostes, & socij existiment: scimus quippe homines in tantis rebus, vt aut contemnant, aut metuant, aut ode- rint, aut ament, opinione non minus famæ, quàm aliqua certa ratione commoueri. Cyri quidem nomen quàm clarum in orbe terrarum extite- rit, & quomodo is admiratione, & beneuolen- tia nationum pæne omnium in cælo fuerit, Cy- rus, inquam, à quo omnium rerum egregiarum exempla petere soleo, satis ostendit initio hi- storix suæ Xenophon. Et quia non ob virtutem duntaxat, sed fortunam etiam imperium mi- litare mandari solet, sciamus eam quoque ad lau- dem Imperatoriam pertinere. Etiam à fælici- tate magni sunt Imperatores. Fuit nimirum qui- busdam summis viris quædam ad amplitudinem & gloriam, & ad res magnas bene gerendas di- uinitus adiuncta fortuna, quorum voluntati- bus ciues assenserunt, socij obtemperarunt, ho- stes obedierunt, venti demum ac tempestates ob- secundarunt. Hactenus de bono Imperatore, in quo vt sit eximia belli peritia, nisi etiam sit vir- tus non erit auctoritas, non erit fælicitas. Virtus omnium maximè auctoritatem facit: nec est vllus locus tam longinquus ac diuersus, nulla ora tam deserta,

deserta, quò eius splendor non perueniat. Felicitatem præstare de se nemo potest: in deorum manu sita est, qui vt bonis fauent, ita malis aduersantur. Quales sunt, quorum in prouinciam aduentus nõ multum ab hostili expugnatione differt: quorum iniurias, libidinesq; nulla ciuitas capere potest: quibus nullum fanum religiosum, nulla domus satis clausa ac munita: qui nec manibus à rapiendo, nec oculis ab impudicè aspiciendo, nec animo ab immensè concupiscendo temperare possunt. Verùm ista mittamus. Disserni breuiter de officio Imperatoris, quia te audiēdi videbam auidum, & ad istuc excelsi muneris natura, & ingenio aptum iudicabam, & iudicabo semper. Nisi tibi abire decretum esset, forsitan sæpius istiusmodi in sermones veniremus. Quod reliquum est, vnum te moneo, mi lugurtha, vt publicè potius quam priuatim pop. Rom. amicitiam tibi colendam ducas. Ne à paucis per largitionem velis impetrare, quod est commune omnium: non enim id sine periculo facturus es. Si cursum istum tenueris, & hac qua cæpisti via ad gloriam tetēderis, etiam sine pretio regnum tibi veniet: sin properantiùs perrexeris, & pecuniam, & te perdideris. I. Ob tam fidelia monita tibi quas mens capit ago gratias: & enitar, vt cum in re militari talem me ducem præbeam, qualem tu descripsisti: tum iis rebus seruiam, quibus tu me magnum euasurum auguraris.



ANNOTATIONES.

Qua hoc progymnasmate in medium allata legisti, bonam partem è Xenophonte sumpsimus, idq³ ipsum in præfatione nos facturos insinuauimus: & à M. Tullio, qui in Maniliana dum Pompeium landat, eumq³ unum esse docere contendit, qui bello Mithridatico præponendus sit, Imperatorem scienter, ac peritè omnino videtur expressisse. Sed opinor faciendum, ut antequàm annotationes more ac instituto meo subtexam huic dialogo, questionem siue scholam scitu incundam ac liberalem explanem: Vtrum in deligendo Imperatore nobilitatis & opum, ducenda sit ratio. Hoc est, clarumne obscuro, diuitem ac beatum tenui ac pauperi in mandandis imperij castrensibus honoribus præferri æquum sit. Qui affirmabit, hunc in modum opinionem suam tuebitur.

Nemo libenter eum sequitur ducem, quem sibi genere & fortunæ parem intuetur: nemo libenter ignobili, & plebeio Imperatori subest. Quod si consuetudo vim legis obtinet, claros utique præ non claris, atque etiam, si modo poterit, locupletes præ inopibus, ad imperium militare extollere honestum erit. Item, si in cæteris magistratibus deligere præstat, qui magistratum ipsum antiquitate generis, & opum magnitudine condecorare possint: & si vetant eruditi pauperes deligere, qui lucella sua perpetuò meditantes, de illustribus facinoribus cogitare nunquam possunt, cur id minus in hoc nobili, & ciuitatibus atque provinciis salutari magistratu valeat?

Qui negabit sententiam suam pluribus argumentis constabilet, & in hæc verba disseret.

In Imperatore, quod omnes fatentur, quatuor consideranda sunt, scientia, virtus, auctoritas, felicitas: & is meritò eximius videatur, in quo ista quatuor inerunt. Inesse autem possunt æquè in obscuro, vt in nobili, æquè in paupere, vt in diuite. Duo igitur illa ornamenta, opes scilicet, & sanguinis claritudo spectari minimè oportebit. Consuetudo obiicitur: ego quoque obtendere possum consuetudinem, & peruincere, multos sæpenumero ignobiles, sed tamen strenuos ad imperium euectos. Præterea in sacerdotibus olim creandis generis & familiæ decus, in Aedilibus & Præfectis ludorum diuitiæ quærebantur. Cur his Imperatores faciamus similes? quæ causâ tandem? Nobilitatē cernimus honorari ab omnibus: ergo eam si Imperator attulerit, non aspernabimur: si non attulerit, haud requiremus: nec diem ob id illi dicemus: nec ideo imperio excludemus. Nam vt equū, vt leonem, vt aquilam ex se ipsis, non ex aliis quibusdam rebus, seiunctis ab eorum corporibus probamus: ita hominem ex ipso homine probare debemus. Stultum foret, qui qualē sue sint quibus Respub. tota contraditur, non quærete: cuiusmodi autem aui & atavi eorum fuerint, quid gesserint indagare: quasi nos illi defendere, ac seruare queant, qui iam pridem terris excesserunt. Adde quod iniquum apparet, eos milites, quorum fuerit singularis in aliquo facinore perspecta virtus, ob id ipsum præmiis cohonestari, non ob aliud: Imperatorem autem eum creandum arbitrari, qui clavis duntaxat maioribus oriundum sese commemorauerit, non eum potius, quem sua ipsius virtus nobilitat, quamuis à genere non illustretur: quod quidem si ad fortitudinem aliaque Imperatoria

ratoria honestamenta accefferit, fortunatior erit huiusmodi Imperator, non melior. Sperari denique potest, excellentiores euasuros Imperatores, magisque Reipub. profuturos, quorum vulgares sunt origines, quorumque maiores nulla in laude vixerunt. Nam qui patrita claritate confisi, & parentum fama, nominisue immortalitate insolentes, hoc se modo errata sua posse obtegere existimant, facile officium deserunt, suam provinciam somniculose administrant, de communi salute haud ita vehementer solliciti. Contra, quibus maiores non præluxerunt, quibus nullam quasi famæ & gloriæ hæreditatem reliquerunt, dum suapte industria, labore ac studio ex illis tenebris nituntur emergere, suorumque factorum lumine generis sui caliginem dispellere, fide, sollicitudine, vigilantia maiore munus imperatorium funguntur, nec vlla pericula reformidant. Qui non ita amplum patrimonium adierunt, in re familiari tuenda augendaque longè diligentiores sunt, quam qui ingentes habent diuitias. Sic prorsus qui parentum laudibus ad sese cohonestandos exornandosque vti non possunt, à semetipsis coguntur suam sibi claritatem petere, & omnem nobilitatem suam in suis ipsorum virtutibus positam arbitrari. Si per veterum rerum auctores eamus, Romanorum Imperatores complures non à nobilitate & opibus, sed à virtutis excellentia ad altissimum istum gradum sublatos reperiemus. Diocletianum, Vespasianum, Theodosium, Martianum, Phocam, & alios plures.

ADOPTIONIS IVRE IN FAMILIAM) (ur qui propriis carent filiis, adoptent alienos, causam docet in Solone Plutarchus. MASANISSA REX NUMIDIÆ) De hoc multa Livius bello 2. Punico.

anno ætatis 88. Filium genuit Diodorus lib. 32. Leon-
 icus Var. hist. lib. 2. cap. 1. Idem nonagesimum an-
 num agens, meridiæ ante tabernaculum stans, vel
 ambulans cibum capiebat. Front. lib. 4. cap. 3. (CVM
 LITERIS PERHONORIFICE) In hanc nimi-
 rum sententiam, ut retulit Sallust. Iugurthæ tuî bello
 Numantino longè maxima virtus fuit, quam rem tibi
 certò scio gaudio esse. Nobis ob merita sua charus est: ut
 idem S. P. Q. R. sit, summa ope nitentur. Tibi quidem
 pro nostra amicitia gratulor. En habes virum dignum te,
 atque auctore suo Masinissa. NULLA VNQVAM VE-
 TVSTAS) Vocabulum vetustas, interdum etiã diu-
 turnitatem futuri temporis indicat. Cic. pro Deiot.
 Hac nulla unquam vetustas obruet, nulla unquam
 delebit obliuio. Ad Att. ep. 9. lib. 14. Nam mori mil-
 lies prestitit, quam hac pati: quæ mihi videntur habi-
 tura etiam vetustatem. NE EXTREMA QUIDEM
 SENECTVS) Oblivionis vitio plerunq; senes laborant.
 Scripserat Ciceroni Atticus, ignem matutinum $\pi\epsilon\upsilon\pi\lambda\acute{o}\nu$
 esse: quare se illo, ut qui iam senectute gravis es-
 set, multum delectari: frigida enim senectus. Respon-
 det Cicero ep. 1. lib. 12. $\pi\epsilon\upsilon\pi\lambda\acute{o}\nu\tau\epsilon\upsilon\upsilon$ est memoriola
 vacillare. ANTECESSORVM DVCVM NEGLI-
 GENTIA) Hac de re præter auctorem de viris illu-
 stribus cap. 58. Florum lib. 2. cap. 18. Vegetius lib. 3.
 cap. 10. Scipio Africanus sub aliis Imperatoribus Hi-
 spanienses exercitus frequenter victos accepit: hos di-
 scipline regula custodita omni opere fossisq; faciendis

ita diligenter exercuit, ut diceret fodientes luto inquinari debere, qui madere hostium sanguine nolissent. Metellus in Africa, Albino imperante, subiugatum accepit exercitum, quem ita emendauit veteribus institutis, ut postea eos, ab quibus sub iugum missi fuerant, superarent. Cimbri quoque, Cypionis & Manlij legiones inter Gallias debellarunt: quarum reliquias cum C. Marius suscepisset, ita erudiuit scientia & arte pugnandi, ut innumerabilem multitudinem, non solum Cimbrorum, sed etiam Teutonum & Ambrorum publico Marte deleret. Facilius est autem ad virtutem novos instruere, quam renovare perterritos. ET AD PVDENDA FOEDERA) Q. Pompeius castris extrema hyeme ad Numantiam positus, eorumque improvisa eruptione, & frequenti clade fatigatus, item morbo per exercitum sauiente fractus, & frumentatione interclusa soluit obsidionem, pactus cum Numantinis, ut darent obfides, traderent perfugas XV. talenta penderent. Quam pacem senatus non probauit. Victus etiam C. Hostilius Mancinus, & cum exercitu XXX. millium fugatus à Numantinorum quatuor millibus, & in castris obsessus, pacem facere turpissimam compulsus est. Quam eiusdem Mancini deditiōem senatus populusque infirmavit. Nudus igitur à P. Furio Philo Consule, post tergum reninētis manibus ante portas Numantiae expositus, ibique sub noctem à suis desertus, ab hostibus non receptus, tristi spectaculo miserationem

monit. Iuvat & Vellei locum adscribere, è principio libri 2. Numantia nunquam X. millibus plura propria iuuentutis armauit: sed vel ferocia ingenij, vel inscitia nostrorum ducum: vel fortuna indulgentia, cum alios duces, tum Pompei magni nominis virum ad turpissima deduxit fœdera: nec minus turpia, ac detestabilia Mancinium Hostilium Coss. Sed Pompeium gratia impunitum habuit, Mancinum verecundia: quippe non recusando perduxit huc, ut per Feciales nudus, ac post tergum religatis manibus dederetur hostibus, quem illi se recipere negauerunt: sicut quondam Caudini fecerunt, dicentes publicam violationem fidei non debere unius sanguine lui. Cic. pro Cœcina. Ut religione ciuitas soluatur, cinis Romanus traditur: qui cum est acceptus, est eorum, quibus est deditus. Si non accipiunt, ut Mancinum Numantini, retinet integram causam, & ius ciuitatis. Eiusdem Mancini, & causa eius meminit 1. de Orat. 3. Offic. & in Top. *M. VLT* EST CALIGO IN DEORVM) Celestes causas humana conditio ad plenum nosse prohibetur. Veget. lib. 4. cap. 40. Cum Pompei res infeliciter irent, & ad Cæsarem inclinaret victoria, Cato dixit, in rebus diuinis multum esse caliginis, quod præter ius agendi fuissent omnia prospera: at causam reipub. tuenti nihil succederet. *LEGENDI ASSIDVITATE CONTRIVI*) De se M. Tullius ex epistola quadam: *χρὴς παυδείας*, quam contriueram legendo, totam in hoc imperio explicavi.

De Scipione verò epist. ad Q. F. illa inquam nobili epistola didascalica. Quos quidem libros non sine causa noster ille Africanus de manibus ponere non solebat, &c. NE TANQVAM CLAVDI SVTORES) Plaut. Aulul.

Nescio pol qua illunc hominem intemperia tenent:

Pervigilat noctes totas, tum autem interdum

Quasi claudus sutor domi sedet totos dies.

Sutores quippe operis faciundi causa domi se continere coguntur, & cum rarò admodum in publicum exeant, multo id rarius faciunt, ac difficilius si claudi sunt. QVAMVIS MVRVM ARIES) Ex militari lege dictum est, qua ubi mœnia quati ariete cœperāt, oppidani in deditionem fidemq; non recipiebantur. Sic Caesar lib. 2. de bello Gall. Ad hac Caesar respondit, se magis consuetudine sua, quàm eorum merito civitatem conservaturum, si prius quam aries murum attigisset se dedidissent. Apud nos quoq; quorum mœnia tormentis quassata sunt, sine direptione fortunarum, & captivitate in deditionem non recipiuntur. Turneb. lib. 26. cap. 32. TRANSIBO AD SCIENTIAM) A scientia imperatoria partibus ipsum Imperatorem definiuit Cic. 1. de Orat. Locum adscribo. Nam si forte quæreretur, qua esset ars Imperatoris, constituendum putarem principio, quis esset Imperator. Qui cum esset constitutus administrator quidam belligerendi, tum adiungeremus de exercitu, de castris, de agminibus, de signorum collationibus, de op-

pidorum oppugnationibus, de commeatu, de insidiis faciendis, atque vitandis, de reliquis rebus, quæ essent propriè belli administrandi: quarum qui essent animo, & scientia compotes, eos esse imperatores dicerem: uterergo, exemplis Africanorum, & Maximorum: Epaminondam, & Annibalem, atque eius generis homines nominarem. QVANOQVAM SIMILES LABORES) Cic. 2. Tusc. Itaque semper Africanus Socraticum Xenophontem in manibus habebat: cuius in primis laudabat illud, quod diceret, eosd. in labores non esse aequè graves imperatori et militi, quod ipse honos laborem leniorem faceret imperatorum. HOC UTIQVE ὡσαύτως, SEV SPECIOSVM) Inter legendum si quis locus insignior, & notatu dignior se obtulisset, Græci eum in margine ω littera, supposito ε notabant, hoc modo εῖ id est, speciosum, elegans, pulcrum. Latini L. apponebant, id est, laudabile, seu laudabiliter. Græci præterea χ, id est χεῖνός, seu χείρονος. Atque ut selecta dicta litteris ω & χ, sic quæ improbarent littera Θ designabant, & dicebantur deculpata: culpa siquidem dicebantur annotamenta vitiorum in alienis scriptis, καὶ ἀδελφότης. Hac latius multò differuntur à Scalig. in 1. Varronis de rer. rust. ET PANICIS TERRORIBVS) Quinam sint isti terrores, & unde, Leonicius Var. hist. lib. 1. cap. 29. UT PAENE NIHIL NON EORVM) Nempe durissima hyeme surgens

furgens de nocte aucupatum proficiscebare: & antequam aves mouerentur, plagæ illis à te fixæ erant, & motus locus non moto assimilatus, &c. lege Xenophorem.

PROGYMNASMA

SEXTVM ET VICESIMVM.

Strategemata, & apophthegmata militaria.

PASICRATES, CLEONYMVS
Archistrategi.

PASICRATES. Asseueranter tu in hac nostra congressione, quod tibi quamquam nec iurandum concipienti, nec vlllos in eam rem testes producenti facillimè assentiantur ij quoque qui vel nullam militiæ partem aliquando gustauerunt: nos autem ambo ductandis toties agminibus, & tot præliis, per hanc iniquitatem duritiæmq; temporum conferendis, persæpe quàm esset verum didicimus: longè maximum videlicet locatum rei militaris subsidium in iis quæ vocantur strategemata: cuius verbi propriam vim ac potestatem ita variè possumus declarare, vt nihilominus omnium declarationum definitionûve sententia eodem pertineat, & sub vnum tanquam iugum significationis deuincta appareat. C. Istuc mihi ostendas velim. P. Etiam. Perparum inter-

m 5. esse

esse dico, vtrum ea interpretemur sollertia imperatorum facta: an facinora, quibus artis imperatoriae documentum, siue specimen præbetur: an res à duce exercitus non incallidè perpetratas: an consilium catum seu versutam, & callidam machinationem *στρατηγικὸν σόφισμα*, quo se hostes circumueniunt, & in fraudem agunt: an ingeniosius quoddam bello inuentum, quod inuentori proficit, hosti noceat: hæc, inquam, omnia eodem recurrunt. C. Quid? illud non item crebrò experti sumus, prodesse ductoribus vehementer, in subitis præsertim, atq; improuisis casibus cum discrimina propiora consultandi moras præcidunt, meminisse multa à viris militaribus breuiter ac scitè, & tamen militariter, seu generosè, fortitèrque ac bellicè omnino dicta, quæ nominantur apophthegmata? Nam quomodo in reliquis artibus, sic in nostra valde docent, quid agas, quæ à peritis, & exercitatis per occasionem prolata, eorum studio, ac labore ad nos manauerunt, qui memoriam antiquam scribendo prodiderunt. P. E libris, quos multi de disciplina bellandi conscripserunt, licet imperatorem, licet bello clarum fieri: sed historia dictu mirum quàm sit vitæ castrensi, & utilis, & necessaria: ynde & illa ipsa duo quæ hætenus tetigimus, strategemata nimirū, & apophthegmata cuiuscunque generis petuntur: & ipsi libri de re militari non minimam partem confecti sunt. E strategematis res iam olim magnis plerunquæ vtiliter excogitatae, perniciosè inimicis atque hostibus factitatae pernoscentur: & similium machinandorum gerendorumque facultas datur, vt de euentu

euētu minore tentetur formidine, qui ad hostem decipiendum probatorum experimentorum afinia cum animo suo repperit. Quoquomodo hostis vincendus est, quoniam & ipse quoquomodo laborat vincere. Quis igitur tam cæco iudicio, ut non videat à cauda vulpina impetrandum, quod vis leonis præstare nequiuert? nec fortitudini tantum, virtutique bellicæ, ac virium robori, sed sollertibus etiam ducum fallaciis atque machinis locum relinqui, quibus aut grauissima viretur offensio: aut sine damno paretur victoria. Hoc eximium illud ingeniorum lumen, & elegantiarum fons, hoc, inquam, insignis Homerus, qui mares animos versibus suis in Martia bella exauit, suadere mihi videtur, cum tam sæpe dicat, ἢ δόλω, ἢ ἐκίπτει, seu dolo, seu vi. An non manifestè strategemata nobis commēdat? C. Profectò commendat, & est ipse visus Alexandro præclarū bellicæ rei viaticum. Mihi porrò lubet quodcunque strategema ad aliquod horum trium temporum redigere: vnum, quod prælium antecedit: alterum quo prælium committitur, quò obsidionem refero, & ea omnino, quæ tum ab obsessoribus, tum verò ab obsessis in mutuam cladem perniciemque astutè cuduntur: postremum quod prælium insequitur. P. Distributio ista placet. Nam ut exemplis hoc illustremus, nemo ad primum tempus pertinere negauerit rationes, quibus duces per dolum, quem ingenio adiuti commoliuntur, hostem sua consilia celant: quod Metellus Pius in Hispania seruabat constantissimè. C. At M. Licinius Crassus etiam videtur sibi

sibi soli consiliorum suorum conscius esse voluisse. Nam quærenti, quando castra moturus esset, respondit: an tu metuis, ne tubam non exaudias? P. Huius temporis sunt, quibus contra indagantur, & præcipiuntur consulta hostium: quibus per loca hostibus infesta ducuntur copiae: quibus cauentur dispositæ per itinera insidiæ: quibus è locis impeditis ac difficilibus euaditur: quibus præstatur, vt aut adsint quibus deficimur: aut quæ desunt, deesse tamen non existimentur: quibus ab incepto auertuntur, in alia re occupantur ac distinguuntur hostes: quibus militibus timor ex aduerso quopiam omine per pectus insinuans eripitur: quibus ad certamen eorundem animi incenduntur: quibus à voluntate petitioneque intempestiui conflictus desistunt: quibus seditio inter eos conflata sedatur. Ad genus secundum reiciimus, quibus tempus aptum prælio nanciscimur: quibus opportunitatem loci. Est etiam strategicum opus, ad tempus disponere aciem: perterrere & in fugam conicere hostes: pertrahere in insidias: dimittere, ne coacti desperatione cum pugnaverint, superiores euadant. C. Id fortassis in fuga quoque, dum scilicet fugientes insequimur seruandum sit. Monet enim, & mouet me Iphicrates, qui fugientes non nimium celeriter insequabatur: præcipiebátque insequentibus cauendas insidias, & cædendos fugientes vsque ad fluuiorū transitus, locorum angustias atque fossas. Ultra si vgebuntur, fore vt vitam desperantes audacissimè resisterent. Vna salus victis, nostri reliqua. Memini etiam dictum à Scipione Africano: hosti non solum dandam

dandam esse viam fugiendi, sed etiam munien-
dam. P. Si quando infelici euentu pugnatum fue-
rit, erit etiã ducis callidi tegere ac dissimulare in-
fortunium: vt trepidantem reuocare militem, &
confusam ac perturbatam restituere aciem. T.
Quintius Cos. cum Antio admouere oppugnatio-
nem statuisset, coacta concione militum, docuit
eos, quam facile expugnari posset oppidum, si id
sine mora fieret. Mox eo ipso impetu, quem in a-
nimis concitârat, urbem læto successu est adortus.
Tantùm valet impetus repentinus. Valent etiam
fallaciæ. In quo genere aliquot strategematum re-
cordor. Cum Arcades Messeniorum castellum ob-
siderent, iisq; supplementum venturum exploras-
sent, arma sibi ad similitudinem hostilium fabri-
canda curarunt, quibus instructi pro sociis intro-
missi cum essent, omnes præsidiarios occiderunt.
Domitius Caluinus cum Lucam oppidum ob-
deret, situ, opere, & propugnatorũ virtute muni-
tissimum, circumducere frequenter copias, & in
castra reducere instituit. Id cum tandem crede-
rent Lucani exercitationis causâ factitari, metum
& cautionem omnem deposuerunt. Tum ille sub-
itò ex ambulatione illa urbem aggressus, ciues ad
deditionem coegit. In Arcadia die festo cum fœ-
minæ extra mœnia effusæ, & magno numero va-
garentur, Epaminondas plerosq; de militibus suis
muliebri cultu iis immiscuit, cum quibus recepti,
sub noctem portas suis aperuerunt. Fabius, Anti-
gonus, Dionysius, Alexander quos oppugnabant,
artificio quodam ad inopiam redegerunt. Tiberius
Gracchus Lusitanis affirmantibus, in decennium
se

se instructos comœatu, ideoq; obsidionem nihil timere, iniecit opinionem diutinæ obsidionis, hoc dicto: vndecimo anno vos capiam. Quare mox sese eius potestati permiserunt. Omitto alios quosdam dolos, quibus obsessi ad deditiōem compulsi sunt. Prætereo quid ad salutem suam obsessi sæpè per calliditatem fecerint. Post prælium, quod erat tempus ordine tertiū, inuenio quædam strategemata vsurpata, notatu non indigna, partim cum prosperè, partim cum inprosperè pugnatum esset. Ad fugam quoque tutiorem obseruauit quædam fraudes adhibitas. Verūm ad initium regrediamur. Nonne astutia plenum fuit illud Tarquinij Superbi facinus? C. Quodnam? non recordor in præsens. P. De interficiendis Gabiorum Principibus. Cum namq; Sextus filius eius exposito Gabios trās fugisset, & ab iis esset benignè exceptus (quippe qui talem, id est tam scæuum fuisse patrem in filiū, vt iuuenis ipse nimis magno mendacio retulerat, crediderant) ac postremo non solum ad consilia publica aduocatus, verumetiam tanquam dono deū missus, belli dux aduersum Romanos lectus esset, vbi satis virium collectum ad omnes conatus vidit, sciscitatū misit ad patrem Romam, quid nam se facere vellet. Nuntio pater nihil voce respondit: sed velut deliberabundus eo sequente in hortū ædium transiit, vbi inambulans tacitus summa papauerū capita baculo decussit: nuntius sine responso quæ viderit narrauit: Sexto tacitis ambagibus quid parens vellet patuit. At P. Claudius Cos. primo bello Punico, quam pulchre Pœnos ludificatus est? C. Recordor. Cum illi fretū tenerent,

tenerent, nec copia esset à Rhegio Messanam traii-
ciendi, rumore diffeminandū curauit quasi bel-
lum populo nō mandante inchoatum ipse gerere
ictus religione, phiberetur, & classē se versus Ita-
liam agere simulauit. Pœni habētes fidem digressi
sunt. Ille nauibus circūactis, quò volebat appulsus
est. P. Nō igitur soli omnes fraudes Pœni possidēt.
O si aliquando plus sparti possedissent: non enim
ad funes tormentorū detondere mulieres, & earū
vti crinibus debuissent. C. Libenter eò crines suos
matronæ contulerūt, suamq; vicem rei necessariæ
defectionem expleuerunt. P. Sicut & illi, qui in v-
sum nouę classis tecta domosq; resciderūt, & aurū
argentumq; suū pro ære, & ferro in vsum armorū
conflarunt. Annibalis autē singulare genus fraudis
admirare. Quia Fabio Maximo neq; virtute, neq;
arte parē se videbat, infamia eū suis exosum red-
dere tentauit. Siquidē reliquorū agros populatus,
eius abstinuit. At Fabius nolens de mala fide ciui-
bus in suspiciōē venire, possessiones suas vendi-
dit. C. Hem animi magnitudinē. At hic Annibalē
sedendo vicit, cūctandoq; rē restituit. Sed adimere
metū exercitui, à sinistro iniectū omine, & exple-
re animos bona spe, & fiducia, nōne putas celeris,
& acuti esse ingenij? P. Ego nō putē? Maximē verò.
Et in eo admirat⁹ sum Epaminondā, cui cū sub ip-
sam pugnā aduers⁹ Lacedæmonios, in qua sedebat
fella confracta succūberet, & milites id, vt in par-
tem deteriorē ominosum acciperēt: immo, inquit,
vetamur sedere. Sic Pericles, cū in castra fulmē de-
cidēs omnes terrefecisset, coacta cōcione, omnib⁹
inspectantib⁹ concussu lapidū ignis scintillas eli-
cuit,

cuit, significauitq; similiter concursu attrituq; nubium ignes emicare. Chabrias Atheniensis nauali praelio decertaturus, cum ante eius nauem de cœlo fulmen decidisset, & eo portento militibus pauior ossa concuteret: nunc potissimum, exclamauit, capeffendum est certamen, cum deus deorum Iupiter præsentiā numinis sui tam claro signo nobis ostenderit. Scipio in Africam portarat exercitum: is in egressu ē naui prolapsus, & militem consternari ad prodigium animaduertens: ludite, inquit, milites, Africam oppressi. C. Vt ista tu admiraris, quæ à me nequaquam contemnuntur: sic ego mirificè illis delector, quibus aut desperabundis, aut alioqui languentibus, parumq; egregie animatis ad congressum addita est alacritas, & ferocia. Semper enim in praelio iis est maximum periculum, qui maximè timent: audacia pro muro habetur, ait Sallustius. Brasidas cum musculum in caricisprehendisset, morsus ab eo, statim caput dimisit, & ad præsentes: vt nullum animal est tam minutum, quod seruari non possit, modo ausit vlisci inuadentem: quo dicto suis contra hostes virtutem auxit. P. Et nihil esse tam exiguum ait Seneca, quod non in perniciem generis humani satis valeat. Ciuitates porro & gentes à minutis animatibus deletas alicubi narrat Plinius. Sed hæc *παλῆγος*. Cæsar praelium cum Germanis & Ariouisto initurus, quia suorum trepidantes cernebat animos, pro concione denuntiavit, nullius se illo die, præterquam decimæ legionis opera vsurum. Ita decimam impertito tam præclaro fortitudinis testimonio ad audendum coegit quodammodo,

& cæteris metu ignominie periculi metum excussit. Agefilaus præcepit captiuos vendi nudos. Qui venditioni præerant imperata fecerunt. Et quoniam vestes, vt barbarorum, splendidæ erant, ac pretiosæ, multos habuerunt emptores. Corpora ipsa candida, delicata, mollia, in vmbra scilicet, ac deliciis educata non solum nemo emit, sed etiam omnes, vt inutile genus mercium, deriserunt. Ea re Agefilaus ad milites animandos prudenter vsus est. Hæc, inquit, sunt, pro quibus pugnatis (captiuorum ornamenta demonstrans) hi quibus cum pugnatis (nuda captiuorum corpora ostendens.) Et spe præmiorum, & contemptu hostium suos confirmauit. P. Redigit mihi in memoriam hoc exemplum, quod animosè dixit Chabrias Atheniensis. Si pugnam inibimus, milites, ne arbitremur nos cum hostibus conflagere: sed cum hominibus carne & sanguine præditis, eandemq; naturam sortitis, qua nos sumus. Cæterum perillustre factum atque dictum est Iphicratis. C. Quò illustrius, eo id exspecto auidius. P. Cum in hostem duceret, & quosdam præ timore pallidos ac tremulos in extremo agmine conspiceret, paulò ante, quam manus essent dato signo conferendæ, præconem edicere iussit: si quis reliquisset quippiam, reuenteretur, meliusque instructus rediret. Hanc potestatem lætabundi amplectentes meticulosi, abierunt. Tum Iphicrates: nunc demum viri nos sine istis imbellibus mâcipiis pedem cum hoste conferemus, atque etiam soli fortitudinis & gloriæ fructum consequemur. Incredibiliter inflammati sunt milites, & remotis timoribus ita

pugnarunt, vt victores euaserint. C. Strategema pulchrum, magni animi plenum. Etiam plenum humanitatis: non enim ceruis illis ac leporibus (sic enim eos ob timorem decet appellare) vitium exprobrauit: sed obtentu alijs rei, eos citra noxam dimisit. Lepidè Africanus examinatum huiusmodi, vt apparet, bellatorem tetigit, cum eius scutum curiosius, & delicatius ornatum aspexisset: non se mirari, quòd tanta cura ornasset, in quo plus praefidij, quàm in gladio haberet. Sed Iphicratis illius dictum aliud cum facto laudabili occurrit. Etiam in ditione amicorum vallo castra muniebat: aiebatq; non esse boni ducis dicere: non putabam. P. Ecce vt aliud ex alio. Idem dispositione exercitus cum humano corpore conferebat. Pectus phalangem appellans, manus leuis armaturæ milites, pedes equitatum, caput ducē. Si quid aliorum deficeret, claudum, & mancum fore exercitū: si dux, totum fore inutile. C. Epaminondas autem suorum fiduciā religionē confirmandam, atq; augendam censuit. Arma quippe ad templorū ornamenta pendentia noctu subduxit, persuasitq; suis, deos sequi, vt praeriantibus opem ferrent. Veruntamen vt territis & ignavis iniiciendum pugnandi concurrēdiq; studium: sic interdū temerariis, & inconsultò in arma se effudentibus faciendus est timor: quia hostes longe plures sunt: quia loca iniquiora sunt: quia quæ adesse debent, nondum adsunt. Seditionem aut militum scis quo pacto L. Sylla compresserit? P. Nescio. C. improvisò per castra nuntiari iussit, hostē adesse, clamores ad arma vocantium tolli, signa canere. Ita mox vniuersi omisis discor-

discordiis ad resistendum hosti consenserunt. Verum ut iam ad tempus, ad locum, & ad alia denique progrediamur, mihi Iugurtha haud stultè visus est, quia Romanorum virtutè metuebat, semper die iam præcipiti pugnae copiâ facere: nimirum, ut si fugarentur sui, tenebris nocturnis tutius latitaret. Cæsar cognoscens Ariouistum hanc sibi legem religione quadam indixisse, ne luna decrescente pugnaret, tū potissimum eum inuasit, ac stultè religiosos deuicxit. C. Certè etiâ Antiochus hac ratione Iudæos die Sabbathi, quæ illi diè adeo laboris expertè traducendum putabant, ut vitæ tuendæ arma capere non auderent. Postea tamē sapienter errorem correxerunt. P. Cl. Tiberius Nero motu exercitu cōtra Pannonios, cum præferoces illi barbari cum die oriente in acie processissent, & instructis consisterent ordinibus, suos continuit, hostemque nebula, & imbribus crebris affligi passus est. Tandē ut stando lassatum, & pluuiis immodicis ac frigore animo quoque deficientem animaduertit, signo dato suos immisit, & tãquã imbelles oues trucidauit. C. Hoc est idoneum tēpus expectare. Tutiora aut loca superiora, & colles sine dubio, unde emissata tela haud frustra accidunt, subeuntesque facile auertunt. In acie nostra ordinanda, & hostium disturbada scimus multa etiam callidissimè facta à Romanis, Græcis, Barbaris: sed ad alia festinemus. Narrabo tibi, si forte nondum legisti, aut lecta oblitus es, de insidiis quædam. Maharbalem Carthaginenses contra Afros rebellantes miserat. Sciebat ille gentem esse vini auidam: quare magnum eius numerum mandragora, cuius admodū somnifica

vis est temperavit, & leui commisso certamine ex composito retrocessit, nocteq; iam multa sarcinulis intra castra, cum vino illo medicato relictis, fugam mētitus est. Barbari castris occupatis, in gaudium simul & merum effusi, instar mortuorū senibus oppressis passim iacuerunt. Maharbal rediit, miseros partim caput, partim iugulauit. P. Quam simile Cyri strategema? Castra metatus in Scythia, die postero metum simulans castra deseruit, & in iis vini epularumq; satis. Tamiris regina adolescentem filium cum tertia parte copiarum ad insequendum misit. Adolescēs rerum militarium malè gnarus cum in castra venisset, cogitationem hostes prosequēdi abiecit, militem se vino & epulis obruere sustinuit. Quo per exploratores cognito, Cyrus superuenit, potantes, epulantesque cum reginæ filio interfecit. Sed illa victorem pari insidiarū fraude vltra est. Nam propter acceptam cladem timorem præ se ferens atque fugiens, Cyrum ad angustias vsq; pertraxit. Ibi locatis in montibus insidiis, ducenta Persarū millia, vnaq; regem cruentissima strage perdidit: vt ne nuntium quidem calamitatis relinqueret. C. Simillimum. Inclinata acies signo in hostes misso optimè restituitur: q; etiam faciendum, cum segnus pugnatur à milite. Præeunt exemplis Seruius Tullius, Furius, Agrippa, T. Quintius Capitolinus. M. Furius Camillus, Soluius Pelignus. Cæsar ad Mundum suis pedem referentibus, in primam aciem pedes profiliit: milites erubescences Imperatorem deferere, prælium redintegrarunt. P. Nullum genus exhortationis potentius, quam facere ipsum ducem, quod à milite

lite optat fieri. Quod Agefilao sollemne erat cum aliquid celeriter vellet fieri. C. M. Attili⁹ Cos. bello Samnitico ex acie in castra cum se trepidi reciperent milites, suorum iis aciem opposuit, testatus, eos secum, & cum suis pugnatuuros, nisi cum hostibus pugnare persisterent. Sic in aciem redierunt. Iam quomodo ingeniosè aduersà dissimulata, quomodo animos nutantium in fide retentos, quomodo artificiosè captam fugam legerim, mitto dicere, quoniam tu ipse plurima eorum nouisti. Redeo ad illud, quod quasi in vestibulo colloctionis nostræ prolatum est: strategematum, & à militaribus viris militariter dictorum vtilitates in bello esse permagnas. Archidamus filium cum Atheniensibus iuueniliter ac temere congregientem cernens: aut viribus, inquit, adde, aut animo adime. Hoc me docet periculosam esse sine viriū responso audaciam. Alter Archidamus post conflictum apud Cheroneam à Philippo accepit epistolam scriptam acerbius. Cui rescripsit: si metieris vmbram tuam, haud reperies illam factā maiorem, quàm erat ante victoriam. P. Hoc ad arrogantiam vitandam. C. Et illud ad animum, vt sic dixerim, animosum. Cum quidam militum dixisset Leonidæ de hostibus: sunt prope nos: & nos, inquit prope illos. Et hoc quoq;. Pelopidam in bellum abeuntem muliebriter rogabat vxor, vt seruaret seipsum: alij, inquit, vt istuc faciant, monendi sunt. Nam princeps ac dux hortandus est potius, vt seruet ciues. P. Et istuc. Pædaretus cuidam dicenti, magnum esse hostium numerum: tanto, inquit, plus gloriæ referemus, quanto plures inter-

ficiemus. C. Ad officij nauitatem hoc. Scipio Africanus quibusdam calumniantibus, quod parum strenuus bellator: Imperatorem, inquit, me mater, non bellatorem genuit. P. Sed Imperatorem Cato maior aiebat, si minus aetate, certè moribus senem esse oportere. Quod proderit ad vitandam temeritatem in consiliis. Huiuscemodi mille proferri possunt: sed ex paucis res tota intelligitur, Quamobrem hic finem faciamus.

ANNOTATIONES.

QUAE VOCANTUR STRATEGEMATA) *ῥατογέμας*, seu *mēdōsē* ac *vitiosē* scribitur pronuntiaturque vox hac in secunda syllaba, cum vocali prima, *stratagema*, cum sit *gracē* *σπατήνμα* à *σπατήλω*, non *σπατάνμα*. De eo sic Valerius libro sexto, capite quarto. Illa verò pars calliditatis egregia, & ab omni reprehensione procul remota, cuius opera, quia appellatione nostra vix aptè exprimi possunt, *graca* pronuntiatione *strategemata* dicuntur. Cadit ergo etiam in hanc vocem, quod in mille alias de *Gracis* *mutuò* sumptas, querela *Lucretij*.

*Quam Graci memorant: nec nostra dicere lingua
Concedit nobis patrū sermonis egestas.*

QUOS MULTI DE RE BELLICA) *Vegetius* libro primo capite octauo. Nihil, ait, mihi auctoritatis

ritatis assumo, sed horum quos supra retuli, quæ dispersa sunt velut epitomata conscribo. Nominat autem, qui de armorum disciplina scripserint, primum Catonem, cuius librorum fragmenta quadam reperiuntur apud Festum, Nonium, & Grammaticos veteres. Eiusdem liber extitit de tribunis militum, & oratio de prada militibus diuidenda, ex qua hæc verba retulit Gellius libro undecimo, capite decimo octauo. Fures priuatorum furtorum in neruo, atque in compedibus atatem agunt: fures publici, in auro, atque in purpura. Alia eiusdem oratio de prada in publicum referenda. NE COACTI DESPERATIONE CVM PVGNAVERINT. Docuit multos Imperatores experientia, studium nimium vite in pralio seruanda obfuisse militi: contra abiectam viuendi sollicitudinem, & desperationem rerum extremam eidem ad vitam & incolumitatem retinendam profuisse. Quare quod Aeneas dixit apud Virgilium, Vna salus victis, nullam sperare salutem, persapienter dixit: & erat tunc eiusmodi tempus, ut spei nihil videretur relictum: ferus Iupiter quippe omnia Argos transtulerat, & in vrbe iam conflagrante Danaï dominabantur. Laudauit & Thucydides libro septimo Syracusanos, qui idipsum metuentes, cum Atheniensibus profligatis cominus pugnare noluerint: videbant nimirum rem fore ingentis peri-

culi configere cum desperantibus. Sylla quoque apud Sallustium pane oppressus insidiis, paucos milites suos ad viriliter dimicandum cohortatus ait: quanto sibi minus pepercissent, tanto fore tutiores. Et scripserunt Spartiata Leonida exiguis copiis aduersus innumerabilem Xerxis exercitum profecto, μαχισθωris πειθαρχούμενοι, καὶ ὁ πειθαρχέοντα. Pugnent tanquam morituri, & non morientur. Seruius quoque in illud Virgilij, Una salus victis, &c. Plerumq, desperatione robur augetur: ut Statius. Est ubi dat vires nimius timor. Item scimus captiuitatem mortis esse remediū. Hoc ergo suadet, ut aut desperatione vincant, aut vitetur morte captiuitas. Volo sanè his exemplum Q. Macedonici appingere, cuius seuerum in Hispania fuit imperium. Is narrante Velleio lib. 2. cum urbem Contrebiā oppugnaret, pulsoq, precipiti loco quinque cohortes legionarias eundem protinus subire iuberet, facientibus omnibus in procinctu testamenta, velut ad certam mortem eundum foret, non deterrius proposito, perseverantia ducis, quem moriturum militem miserat, militem victorem recepit. Tantum effecit mixtus timori pudor, spesq, desperatione quaesita. Vide praterea quid scribat Iustinus lib. 20. de Locrensibus contra Crotonienses. DE INTERFICIENDIS GABIORVM PRINCIPIBUS) Historiam exsequuntur Linus lib. 1. Ouid. 2. Fast. Dionys. lib. 4. Valer. lib. 7. Simile quiddam Sexto Tarquinio Zopyrus amore Darij, quo Babylonem

lonem regia iurisdictionis fecit. *Iustin. lib. 1. Herod. lib. 3. QUID AD SALVTEM SVAM OBSESSI*) *Frontinus lib. 3. cap. 12. 13. 14. 15. 16. 17. 18. ANNI-BALEM SEDENDO VICIT*) *Prouerbiū, Romanus sedendo vincit, ex historia Fabij Cunctatoris natum est, qui Annibalem iuueniliter exsultantem patientia sua mollebat. Hic Salinatori, qui amisso oppido fugerat in arcem, glorianti, & dicenti, mea opera Q. Fabi Tarentum recepisti: certè, inquit, ridens: nam nisi tu amisisses, ego nunquam recepissem, Cic. in Catone. Vsurpatur in eos, qui quod volūt, etiam otiosi efficiunt, quine non viribus magis, quàm arte rem feliciter gerunt. NON PUTABAM*) *Certissima nota imperitiæ ducis ac tarditatis, dicere, non putavi. Quàm hoc prudenter ab Iphicrate dictum sit, patebit ex iis, quæ disputantur à Victorio lib. 5. cap. 19. NE NUNTIVM QVIDEM CALAMITATIS*) *De praliis aduersissimis, & calamitosissimis, cum altera pars prope tota, & ad unū occubuit, dici solet, ne nuntium quidē tanta cladis relictum. Et quamquam hoc optatur de hostibus, quippe in quos summū, & internecinū solet esse odium, & videtur ad plenam et integram pertinere victoriam, tamen nonnunquā contemnitur. Sic cum M. Liuius, qui unā cum collega Claudio Asdrubalis exercitū conciderat, nuntiatum esset, quasdam reliquias palabūdas abire, quæ citra negotium deleri possent: supersint, inquit, aliqui nuntij, et hostium cladis, & nostra virtutis. Victor. lib. 28. cap. 20.*

PROGYMNASMA

SEPTIMVM ET VICESIMVM.

Milites gloriosi.

ACILIVS, POTITVS, GLAVCIVS.

ACILIVS. Gloriæ nimio opere cupidi milites, deditiq; ei vicio, quod Græci ἀλαζονείαν vocant, nos superbiam, fastum, tumorem, arrogantiam interpretamur. Itaq; res suas supra verum efferunt, & cum ipsi de se crepent magnifica, aliorum quoq; applausibûs, & acclamationibus mirè capiuntur, inflati opinionib; & popularis auræ mancipia. Notauit hoc peccatum in Offic. M. Tull. quo loco de sermone disputat. Deforme etiam esse inquit, de seipso prædicare, & cum irrisione audientium imitari militē gloriosum. Quare eruditi illi imitatores, qui exemplaria vitæ morūque respiciunt, vt inde veras voces ducant, Poëtæ inquam Comici Terentius & Plautus, huiusmodi etiam homines nobis expinxerūt, & tanquam in speculo considerandos exhibuerunt. P. Intelligo te dicere Eunuchum, Militem gloriosum, Truculentum tres fabulas: in quarum prima Terentius Thraſonem inducit: in altera Plautus Pyrgopolinice, in tertia Stratophanem. Præquam faceret, lepidè, lautè? nihil supra. G. Veruntamen iisdem Comici, vt militum suorum stultitiam melius ponant ante oculos, parasitos eis adiungunt.

*fungunt, quorum assentatiunculis, & palpationibus, & nonnunquam etiam iocationibus, irrisionibusq; tanquam pueri huc illuc aguntur. Nunc arrident, nunc admirantur: aliàs collaudant, aliàs quod vituperant, ipsi quoq; reprehendunt. Iam afirmando, iam negando dictis eorum suffragantur: sed simulatè omnia: quæ quidem fiunt cum legentium voluptate non modica. De hac re Cic, in Lælio. Nec parasitorum, inquit, in comædiis assentatio nobis faceta videretur, nisi essent milites gloriosi. Magnas verò agere gratias Thais mihi? Satis erat respondere, Magnas: Ingentes, inquit. Semper auget assentatio id, quod is, ad cuius voluntatem dicitur, vult esse magnum. A. Parasitus igitur est in Eunuchò Gnatho, in Milite Plautina Artotrogus: vterque cum nomine officio suo conueniente: quasi mures semper edunt alienum cibum parasiti. G. Non tamen vt mures etiam paruo victitant. Nam vel vnus octo hominum munus facile fungatur: adeo sunt edaces. A. Est, inquam, in Milite Artotrogus: at in Truculentò eius partes satis ridiculè, & falsè, vt mihi visum est, expleuit Astaphium ancilla. P. Cur igitur querit ex Gnathone Thraso, ecquid donum suum Thaidi placuerit, & num magnas sibi gratias egerit? A. Cur querat? occasionem suimet laudandi inde cogitat arripere. Quam autem parasiticè statim, velut in numerato adulationes habens Gnatho? *Ingentes.* Adhuc maius quippiam subiungit. Interroganti enim: *ain: tu, lata est? Non tam ipso quidem dono, subiicit, quam ab te datum esse, id verò serò triumphat.* Pergit Thraso, & cum factum suum felicissi-*

licissimum, tum præclara facinora sua edictat. *Est istuc datum profecto, & gratum mihi sine qua facio, omnia:* hoc est, ut apud alios me in gratia ponant. Summum se & auctoritatis, & amicitiae locum tenuisse apud Regem, qui sibi omnem exercitum confiliaque crediderit: nec habuisse alium perinde appositum, ubi cum a negotiis vellet requiescere, miseriam illam iucundius ex animo expueret, & in cuius sermonibus curas omnes sollicitudinesque tam hilariter deponeret. Quin & voluptatis eisdem se fuisse socium, exclusis cæteris omnibus. *Tum me conuiuium solum abducebat sibi.* P. *Huius regem elegantem narras.* A. *Immo sic homo est. Per paucorum hominum.* P. *Immo nullorum arbitror, si tecum uiuit.* G. Ha ha, ut bellè vestrum alter factus est Thraso, alter Gnatho? A. Neque verò inuisum ei fuisset, nisi fælix esset. Quamobrem adiungit.

inuidere omnes mihi,

Mordere clanculum: ego non flocci pendere.

Illi inuidere misere.

Ne autem putaremus, non esse acutum, & ingeniosum, duo insuper dicta recitat: unum quo Strattonem magistrum elephantorum, alterum quo Rhodium in conuiuium tetigit, & ut parasitus subiicit, iugulauit, certè mutum reddidit. Sed de posteriore audite ut sibi fatuus iste Thraso placeat. Nam cum risisset parasitus, & in cælum illud extulisset, quærit callidè, quo stultitiam hominis demonstraret apertius,

Tuum obsecratione hoc dictum erat? & vetus credidi.

A. *Audieras?* G. *sæpe, & fertur imprimis.* T. *meum est.*

Addit deinde, adolescentem dicto prope exanimatum,

matum, & omnes qui aderant risu propemodum emortuos. Denique, *Metuebant omnes iam me.* Hoc illi magnum est metui ab omnibus. P. At pistor Plautus suos milites magis militariter gloriantes facit: nil nisi bellum, & arma loquitantur: sed ita, vt nihil possit fingi æquè facetum, & ridiculum. En quid seruis mandet Pyrgopolinices, turrium scilicet, vrbiūque expugnator: id enim eius nomen sonat.

*Curate, Et splendor meo clypeo sit clarior,
Quàm solis radij esse, olim cum sudum est, solent.
Vt, Vbi & sicut veniat, contra conserta manu
Oculorum præstinguat aciem in acie hostibus.
Nam ego hanc macharam mihi consolari volo,
Ne lamentetur, nèue animum despondeat,
Quia se iam pridem feriatam gessitam,
Qua misera gessit fartum facere ex hostibus.*

G. Principium grandiloquum, gloriarum plenum. Sed vt similes haberent labra lactucas, induxit hinc ostentatori longè alium laudatorem, quàm Thrasoni Terentius. Nec mirum: Studet enim elicere risum Plautus, in quo natura planè deseruit illum alterum. Significat interim Artotrogus, quo potissimum sine cantilenam istam canat: *offa, inquit, me mouet:* & supra: ventrem sibi creare has ærumnas, auribus sibi peraudienda, ne dentes dentiant. Et assentiendum quidquid sit mentiturus miles, in cuius gratiam ipse quoque dicturus sit, quæ ille nunquam fecerit. Vide, ait Terentius, quid faciat ossum, & cibus alienus. P. Quin versus facetissimos, tametsi non omnes, recitamus? Faciam ego me Pyrgopolinicem: alter vestrum

strum migret in parasitum. Vter vult parasitari?
 A. Vellem ego, si esset spes cœnatica: verum magis
 hic futurum sperare licet, quod in velicam, quam
 quod in ventrem eat. Nunc istum honorem man-
 des licet Glaucio. P. Hem Glauci,

*Vbi tu nunc es? G. Hic est, stat propter virum
 Fortem atque fortunatum, & forma regia,
 Tum bellatorem. Mars haud ausit dicere,
 Neque equiparare suas virtutes ad tuas.*

P. *Quemne ego servavi in campis Gurgustidoniis?
 Vbi Bombomachides Cluninstaridyfarchides
 Erat imperator summus, Neptuni nepos.*

G. *Memini, nempe illum dicis cum armis aureis,
 Cuius tu legiones disflavisti spiritu,
 Quasi ventus folia, aut paniculam rectoriam.*

P. *Vbi tu es? G. eccum adepol: vel elephanto in India
 Quo pacto pugno perfregisti brachium.*

P. *Quid? brachium? G. Illud dicere volui, femur.
 At indiligenter hic eram. G. Pol si quidem
 Connixus esses, per corium, per viscera,
 Perq; os elephanto brachium transmitteres.*

P. *Ecquid meministi? G. memini. Centum in Cilicia
 Et quinquaginta, centum Sycolatronida,
 Triginta Sardi, sexaginta Macedones
 Sunt homines, tu quos occidisti uno die.*

P. *Quanta isthac hominum summa est? G. Septem mil-
 lia.*

P. *Tantum esse oportet, recte rationem tenes.*

G. *Quid in Cappadocia? Vbi tu quingentos simul
 Ni hebes machara foret, uno ictu occideres?
 Quid ego tibi dicam, quod omnes mortales sciunt?
 Vnum te nempe, atque unicum hodie vivere
 Virtute, & forma, & factis inuisitissimis?*

P. *Videtur tempus esse, et eamus ad forum,*

*Vt, in tabellis quos consignavi hic heri
Latrones, ibus dinumerem stipendium.
Nam rex Seleucus me opere orauit maximo
Vt sibi latrones cogerem, & conscriberem.
Regi hunc in diem mihi operam decretum est dare.*

Hæc à principio Comœdiæ, quæ nos, vt voluimus, nostrum hoc colloquium inseruimus. Dicit postea idem miles, misisse se ad Seleucum regem parasitum suum, vt latrones quos conduxisset ad Seleucum duceret, qui interea eius regnum tuta-
rentur, dum sibi otium fieret. Ecce vel regno in-
tegro tutando se parem profitetur. Deridet eun-
dem Palæstrio audientem, apud Milphidippam:
meros dicens bellatores edere, quas ille prægnan-
tes faceret, & pueros viuere annos octingentos.
Sed versus consequentes adducamus in me-
dium.

P Y. *Quin mille annorum perpetuò viuunt, ab sæculo ad
sæculum.*

P A. *Eo minus dixi, ne hæc censeret me aduersum se
mentiri.*

M I. *Perij, quot hic annos viuet, cuius filij tam diu vi-
uunt?*

P Y. *Post triduo natus sum, mulier, quam Iupiter ex Opo
natus est.*

P A. *Si hic pridie natus foret, quam ille est, hic haberet
regnum in calo.*

Ancillæ eiusdem hæc sunt ex eadem comœdia,
quam assentatoria?

*Age mi Achilles, fiat quod te oro, serua illam pulchram
pulchre.*

*Exprobre benignum ex te ingenium, Urbicape, occisor
regum.*

Quid

Quid Præterea Pyrgopolinices?

Non mihi auaritia unquam innata est: satis est diuitiarum,

Plus mihi auri est modiorum Philippi.

A. Dum nos è comœdiis milites gloriosos inspiciamus, eorumq; voces insolentis fastidij, & arrogantissimi spiritus plenas proferimus, subit è tragœdia alius quidam Pyrgopolinices, longè quàm hic superbior, ac proinde, vt videtur immissa cælitus infania exagitatus, & ad mortem miserabilem datus. G. Quisnam hic obsecro? aut à quo tandem descriptus Tragico? A. Ajax Telamonijs, de quo Sophocles, eum è patria proficiscentem in militiam, bene prudenterq; monenti patri stultè nimis, & arroganter respondisse. P. Quid ergo pater monuit, & quid contra filius respondit? A. Dicam latinis versibus, vt potero: inconditè fortasse, sed tamen vt res possit intelligi.

*Ajax lares sed cum relinqueret suos,
Dementis in morem benemonenti patri
Responderat. Sic ille: Fili bellica
Virtute fac Vincas, deo sed auspice.
At arroganter hac parenti retulit,
Atque stolidè: adiunante, mi pater, deo
Victoria potitur ignauissimus:
At destitutus, etiam ope decorum, scio,
Bellig, me confido adepturum decus.*

G. Nihil potuit vel dici, vel cogitari magis superbum, atque impium. Etiam sine deo sibi spondet victoriam. Quantum hic abest ab ea religione, quæ nisi propitio deo, nihil se posse confitetur? quo non temeritatis & audaciæ tandem processerit humana-

humanum ingenium? A. Ut ne parum esset gloriosus, atq; sacrilegus, etiam Mineruam contempnit. Nam cum ea illum ad pugnam cohortaretur, & ad hostes inuadendos incitaret, sic eam est assarus. Regina,

Fer ceteris Graiis opem, non hostium

Hac quispiam perrumpet in tentoria.

Huiusmodi verbis, ait Sophocles, implacabilem deæ aduersus se iram commouit, quoniam supra mortalium sortem, conditionemq; se extulit: proinde ea Vlysses, cui euocatum est tentorio furentem, & aliena loquentem Aiace ostenderat, sapienter his verbis erudit.

Hac intuetor, nec ferocibus

Vnquam lacesse calites dictis deos,

Nec insolenter te geras, si plusculum

Quam ceteri dextra, & auro polleas.

Mortalium res auget, & premit dies,

Amant modestos, execrantur dymalos.

P. Terruisti nos narratione ista inexpectata prorsus & admirabili. Mihi tamen non dissimilis, & confidentiæ, & ultionis ex Euripide refricata est recordatio. Aiace in gladium incubuisse omnes nouimus. At Capaneus vnus est septem ducibus Argiuorum, cum se etiam diis inuitis mœnia Thebarum occupaturum insolentissimè iactaret, fulmine ictus de scalis decidit, animamq; miser illico exspirauit. G. Talis erat Philistæus ille spurcius, nomine Goliath, sex cubitos altus, & palmarum, indutus cassidem æream, & loricam hamaram, & ocreas æreas, & clypeum tenens cum hasta trabali, qui exprobrabat agminibus dei Israel quadraginta diebus. Et hic ab adolescente inermi,

vnus

vnus inflictu è funda filicis ad terram prostratus,
& suo sibi gladio mactatus est. At, quoniam è Plau-
to alius miles superest, eum quoq; consideremus,
si placet. A. Non minus Stratophanis quàm Pyra-
gopolinèis confidens, & turgida oratio.

*Ne expectetis spectatores, meas pugnas, dum pradicem,
Manibus, ducllis predicare soleo, haud in sermonibus.
Scio ego multos memorauisse milites mendacium.*

*Et Homeroidam, & post illa milie memorari potest,
Qui & conuicti, & condemnati falsis de pugnis sient.
Non laudandus cui plus credit qui audit, quàm qui
videt.*

*Non placet cum illi plus laudant qui audiunt, quàm qui
vident.*

*Pluris est oculus testis vnus, quàm auriti decem.
Qui audiunt, audita dicunt: qui vident plane sciunt.
Non placet quem scurra laudant, manipulares mussit at:
Neque illi quorum lingua gladiatorum aciem prastinguunt
domi.*

*Strenui nimio plus profunt populo, quam arguti & cati.
Facile sibi facunditatem virtus arguta inuenit.*

*Sine virtute argutum ciuem mihi habeam pro praefica,
Qua alios collaudare absentes, sese verò non potest.*

Hæc miles, cuius morbum cum nosset Astaphium;
perbelle se ad eum accommodauit. Nam cum sci-
ficaretur de puerperio dominæ, & eum partum
putaret suum: peperit, inquit, puerum nimium le-
pidum. Insistit vltra quarere.

ecquid mihi similis est? A. Rogas?

*Quin ubi natus est, iam macharam & clypeum posce-
bat sibi.*

S. Meus est. Scio iam de argumentis: nimium quidem simi-
lis est, papa (lit?

Iam magnus est: iamne electat legiones, quas spoliare ve-
A. Hero

H. Hec nudius quintus natus quidem ille est. S. quid tum postea?

Inter tot dies quidem hercle iam actum aliquid oportuit.

Quid illi ex Siero exitio est, priusquam poterat ire in praelium?

Quid reliqua vobis afferam? Martem se appellat, filium sibi peperisse ait mulierem, qui ædes spoliis oppleturus sit. Donans eam duabus ancillis, & Siria se adduxisse iactat, quæ ambæ domi reginæ fuerint, quarum patriam ipse manu sua exciderit. Relictus ab introgrediente, vult suffringere talos totis ædibus. P. Reperiuntur tamen etiam aliis in artibus, & vitæ generibus, qui horum quos contemplati sumus militum amentiam egregie imitantur, & de suis rebus admodum Thraſonice loquuntur. G. Valeant illi, valeant hi: plurimum facere, ac minimum de se loqui, ea demum magna virtus est. A. Ergo, quod quibusdā vſitatum ſcio, minimum facere, ac plurimum de se loqui, id demum magnum vitium est.

ANNOTATIONES.

NOS SUPERBIAM, FASTVM) *Poteſt item dici latine ostentatio, gloriatio, venditatio, iactantia iactatio. Ulpianus in Demosthenem ἀλαζονείαν ait esse hominem plura quàm præſtare poſſint pollicentium: contrarium eſſe εἰρωνείαν, qua diſſimulat ea ſe præſtare poſſe, qua poteſt. PARASITOS ADIVNGIT.)* *Vocat etiam ridiculos hoc genus hominum.*

Plant. Capt. Neque ridiculos iam teruncij faciunt. Sticho. Vides ridiculos nihili fieri. Proinde in eadem comœdia parasito nomen indidit Gelasimo, à risu videlicet, quem excutere student suis parasitationibus.

*Gelasimo nomen mihi indidit paruo pater,
Propter paupertatem hoc adeo nomen repperi.*

Quia inde iam à pauxillo puero ridiculus fui:

Eo quia paupertas fecit, ridiculus forem.

Saturio, Gnatho, Artotrogus ab alio eorum munere, nempe à pascendis ventribus sunt imposita. PALPATIONIBVS) Palpationes sunt blanditia, et assentationes. Plaut. Menoch. Ausfer hinc palpationes. Et palpatores, adulatores, blandidici. Ibid.

Voluptarij atque potatores maximi:

Tum hycophanta, & palpatores plurimi

In Urbe hac habitant.

QVASI MVRES SEMPER) Querela Ergasili in Capteinis. Similibus, immo iisdem verbis in Persa Saturio.

Nam nunquam quidquam meorum maiorum fuit,

Quin parasitando pauperint Ventres suos:

Pater, auos, proauos, abauos, at auos, tris auos

Quasi mures semper edere alienum cibum.

Est autem admiratione dignum, quàm copiose, quàm festinè pluribus locis Plautus parasitorum, mensas alienas confectantium studia, & de fame quarimonias exsequatur. In Persa idem, quem nominari, Saturio fatetur se parasiticam facere propter alimoniam: esse veterem atq; antiquum questum suum, quem seruet atq; obtineat, & cum magna cura colat.

In

In Sicho Gelasimus suspicatur famem sibi matrem fuisse: quoniam postquam natus sit, nunquam satur fuerit. Se autem matri suae, quamquam inuitum, talem referre gratiam, qualem nemo adhuc mortalium vel referat, vel relaturus sit.

*Nam me illa in aluo menses gestauit decem,
At ego illam in aluo gesto plus annos decem.
Atque illa puerum me gestauit pariundum,
Quo minus laboris capisse illam existimo
At ego non pauxillulam in utero gesto famem:
Verum hercle multò maximam, & grauissimam.
Vteri dolores mihi oboriuntur quotidie.
Sed matrem parere nequeo, nescio quomodo.
Audiui saepe hoc vulgo dictum dicier,
Solere elephantum grauidum perpetuos decem
Esse annos, eius ex semine hac certò est fames.
Nam iam complures annos utero haret meo.*

*Omitto versus reliquos, quibus ait, se natum per an-
nonam caram, propterea nunc acrius esurire: & gene-
ri suo hanc redditam benignitatem, ut nulli negare so-
leant, si quis eos esum vocet. Omitto & de reliquis co-
mædiis exempla promere, ne fiam longior. OCTO
HOMINVM MVNVS) Menachnis cū inisset Cyl-
nidrum coquum sportulam capere domina, dedissetq;
tres nummos ad obsonium emendum, quod tribus esset
satis: nominasset autem se, Menachnum, & parasiti-
um, respondet Cylnidrus, iam isti sunt decem: Nam
parasitus octo hominum munus facile fungitur. Sic in
Persa de suis maioribus, quos omnes fuisse parasitos
dixerat. Neq; edacitate eos quisquā poterat vincere.*

UT GRATA MIHI SINT) *Gratum aliquando est, non quod libentibus nobis accidit, sed quod nobis apud alios gratiam parit, seu in gratia nos apud quempiam ponit, quam vim, & hoc loco habet, & Heaut. Cum gratum mihi esse potuit, nolui. Id est, quando ea res mihi patris gratiam conciliare potuit. Eandem notionem dedit eius contrariò Catullus, epigrammate, quo de perfidia eorum qui se amicos simularent conqueritur.*

Desine de quoquam quidquam bene velle mereri,

Aut aliquem fieri posse putare tuum.

Omnia sunt ingrata: nihil fecisse benigne est, &c.

PER PAUCORVM HOMINVM) *Homo per paucorum hominũ, aut qui paucis utitur, aut de paucis est, aut qui paucis placet, hoc est bonis & sapientibus, qui ferè pauci sunt. Sic Donat. in Terent. Illi etiam per paucorum hominum dicentur, qui suis quibusdam sunt moribus, neq; faciles ad cuiusvis convictum. NE LAMENTETVR, NEVE ANIMVM)* *Sic Cicero quoq; more poetico rei inanima, atq; adeo armis, ut hic Plautus, sensum amplificationis ergò tribuit, orat. pro Ligario. Quid enim, Tubero, tuus ille districtus in acie Pharsalica gladius agebat? cuius latus ille mucro petebat? quis sensus erat armorum tuorum? proso-*
popœia dicitur schema. FARTVM FACERE EX HOSTIBVS) *Fartores carnes, unde farcimina, isicia, & similia confecturi sunt concidunt, & comminuunt in partes minutissimas, atque iis intestinum aliquod*
far-

faciant: quam materiam fartum vocant. Sic se quodammodo ex hostibus fartum facturū gloriatur miles, id est, eos sua machera in particulas minutas dissecturum. QVEMNE EGO SERVAVI) Id est, is ne quē ego servavi? Plurima huius formæ exempla videas in scriptoribus primi nominis. Plant. Mostell. Quo pessime modo? quanē iam subducta erat Tuiò in terram? Epid. Quāmnē hodie per urbē nos uterq₃ sumus defessi querere? Terēt. And. Quēmnē ego hēri vidi ad vos afferri vesperi? & Phorm. Quōdne ego perscripsi porro illis quibus debui? Catull. de nūpt. Pelei & Thetid. An patris auxilium sperem? quēmnē ipsa reliqui? Idem Quine fugit lentos incuruās gurgite remos? IN CAMPIS GVRGVSTIDONIIS) Finxit hoc nomen Plautus, ut & nomen Imperatoris, quod mox sequitur. PANICVLAM TECTORIAM) Panicula in arundine, est caput arundinis, floris, aut tenuis membrana simile, qua integri domus villatica solent. Plin. lib. 16. cap. 36. Tegula earum (arundinum) domus suas Septentrionales populi operiunt. Et non longē infra. Ceterū gracilitas nodis distincta laui fastigio tenuatur in cacumina, crassiore panicula coma, neq₃ hac supervacua, etc. VNVM TE NEMPE ATQVE VNICVM) Has duas voces vnus & unicus coniungit etiā alibi: ut in Truculent. Ain' tu illā me amare? A s. Immo unice vnum. Bacchid. ecquidnam meminit Mnesilochi? Pl. Rogas? Immo unice vnum plurimi pendit. Sticho. Sed hoc crucior, soror,

*Patrem tuum meumq̃, adeo vnus qui vnice
Ex omnibus perhibetur ciuis probus:
Eum nunc improbi officio fungi Viri.*

*In Capt. dixit magna emphasi vnico magis vnicus.
Sic enim Ergasilus ad senem dicentem,*

*Alienus cum eius incommodum tam agre feras,
Quid me patrem par facere est, cui ille est vnicus?*

*E. Alienus ego? alienus ille? ah Hegio,
Nunquam istuc dixis, neque animum induxis tuum.
Tibi ille vnicus est, mihi est vnico magis vnicus.*

Catullus.

*Va mihi, quem nemo grauius, nec acerbius orget,
Quam modo qui me vnum, atque vnicum amicum
habuit.*

UT SIBI LATRONES COGEREM) Non solum inesseores viarum, quod à latere adoriuntur, vel quod latenter insidiantur, sed etiam custodes corporis, ut milites mercede conducti olim latrones appellabantur. Varro. Latrones dicti à latere, qui circum latera erant regi, atque ad latera habebant ferrum, quos postea à stipatione stipatores appellarunt. Huc pertinet quod ex Plautina fabula Cornicula profert testimonium. Qui regi latrocinatus decem annos Demetrio. Item qui conducebantur; ea enim merces græcè dicitur λάτερον. Vberius de ista voce Victor lib. 16. cap. 17. **TALIS ERAT PHILISTÆVS)** Historia est Regum lib. 1. cap. 17. **PRO PRAEFICA)** Praefica mulieres ad lamentandum mortuum, conductæ, quæ dant cateris modum plangendi, quasi in hoc ipsum projectæ. Ita Festus. Nonius, Praeficæ dicebant.

dicebantur apud veteres, quæ adhiberi solent funeri, mercede conductæ, ut & flerent & fortia facta laudarent. PLVRIMVM FACERE, AC MINIMVM) Tribuit hanc laudem Iugurtha adolescenti inter cæteras Sallustius in Iugurthino.

PROGYMNASMA

OCTAVVM ET VICESIMVM.

Vrbis Troiæ excidium.

EVMENIVS, PIONIVS, LVCETIVS.

EV MENIVS. In mœstissima illa, vereq; tragica querimonia de mutabilitate, & instabili conditione rerum prospere fluētium, & fortunæ blandientis inconstantia, quam dedit Hecubæ iam captivæ Seneca exorsu eius tragædiæ, quam Troadem inscripsit, dolenter admodum, ac propter rei totius animo euidētius informatam imaginem, præsentemq; velut aspectum, cum aliquo fletu legi, quæ super eversione, & incensione nobilissimæ amplissimæq; vrbis, quam Poetæ sæpius Pergama, nos aliquando Ilium, creberrimè, & vfitatissimè Troiam nominamus, adeo miserabiliter proferuntur. Et procul dubio tanta gaza, tantus ædium magnificarum splendor, tot propugnacula, tot puberum impuberumq; myriades vnius spatii noctis perdita commiserationem excitare non vulgarem debent. Cicero quoties de

morte Socratis apud Platonem legebat, ei illacrymare solitus est: tantus fuit in eo humanitatis sensus. Nos occasui, & tanquam funeri tam inclytæ ciuitatis non illacrymemus? Atqui nec durimiles Vlyssis tam lamentabiles casus, tristisque ruinas audiendo temperet à lacrymis: & captis Syraculis, Marcellus obsessor atque hostis eas cohibere non potuit. Verùm longius diuagor ab incæpto: hem versus de quibus dicebam.

*columen euersum decidit
 Pollentis Asia, calitum egregius labor.
 Excisa est ferro Pergamos, incubuit sibi,
 Et alta muri decora congesti iacent,
 Testis adustis regiam flamma ambiunt,
 Omnisq; latè fumat Assaraci domus.
 Non prohibet auidas flamma Victoris manus,
 Diripitur ardens Troia, nec calumpatet
 Vndante fumo, nube cen densa obsitus
 Ater fauilla squallet Iliaca dies.
 Stat auidus ira Victor, & lentum Ilium
 Metitur oculis, ac decem tandem ferus
 Ignoscit annis. Horret afflictam quoque,
 Victamq; quamuis videat, haud credit sibi
 Potuisse Vinci: spolia populator rapit
 Dardania, predam mille non capiunt rates.*

P. Narro tibi, commouent eadem carmina me vehementer, dum lego: id quod sapius facio, quam nonnulli, qui vatem hunc non perinde admirantur. Ego verò, qui vndequaue summus non sit, non ideo infimum numerari: nec superiorum excellentiam inferiorum restinguere studia, & infringere audentiam oportere existimo:

istimo: & quâ sermonis, quâ sententiarum, quâ affectuum, quâ grâditatis suam illi palmam haud denegandam libere pronuntio. In huiusmodi igitur lectiunculis, quibus subsecivas dare horulas consueui, etiam illa menti meæ incidunt è Tusculanis, quæ à Cicerone ex antiqua tragœdia Enniane an Attij? adducuntur, his abs te modò recitatis perfamilia.

*O pater, ô patria, ô Priami domus
 Scriptum altisono cardine templum.
 Vidi ego te, adstante ope barbarica,
 Tellis calatis, laqueatis,
 Auro, ebore, instructam regificè:
 Hac omnia vidi inflammari,
 Priamo & citam cuitari,
 Iouis aram sanguine turpari.*

E. Quid ait Lucetius? L. Suspirare, indolescere malis alienis, grauitèrque angî, quamuis inimicorum infortuniis, ex media laude humanitatis est. Nescio autem quomodo illustrium hominum, magnarumque urbium clades & ærumnæ facilius allestant animos ad misericordiam. Itaque iuxta vobiscum miseror Troianos, illòq; interfectorum numero non temere maiorem in vllius obsidione vastationeque urbis reperiri posse arbitror. P. Dic nobis de isto numero explicatius. L. Scriptum video, toto decennio, menibus sex, & diebus omnino duodecim, quanto tempore circumfessum est Iliû, & pugnæ tam multæ pugnatae, de Græcis operentes humû momordisse octoginta sex millia supra octingenta: de Troianis & auxiliariis sexcenta septuaginta sex: id est, si subducamus rationem,

nem, vtrique quindecies centena sexaginta duo millia: quò verius Troiam Catullus commune sepulchrum Asiæ, & Europæ vocavit: & Æneas meritò apud Maronem affirmat.

Vbi tot Simois correpta sub undis

Scuta virum, galeasq., & fortia corpora voluit.

E. Infælicissimi ciues, quare tantam vim malorū Cassandra vobis vaticinanti non credidistis? P. Helenum quoque, & Euforbium patrem Panthu sacerdotis prædixisse illis exitium testatur Dares Phrygius: & Cassandram tum demum ora soluisse in vaticinium, tam græci quidam poetæ, quam Virgilius canunt, cum videlicet equum illum durateum intra moenia inductum aspexisset.

Et monstrum infelix sacrata sistimus arce.

Tunc etiam fati aperit Cassandra futuris

Ora, dei iussu non inquam credita Teucris.

L. Immo illæ voces (Tunc etiam) hoc volunt: aliàs quoq; prædixisse venturam calamitatem, cum primùm scilicet Helenam monstrum longe infelicius, pestemque fatalem esset intuita. P. Prædixerit. Et nos Romanorum honori atq; famæ consulentes, qui ab Ænea sese propagatos, & nepotes Veneris gloriabantur, non ipsum & Antenorem, sed equum illum instar montis, ligneum, ab Epeo fabricatum, armatis refertum, ac per credulitatem nimiam in arce Sinonis fraudulentia, & impostura collocatum, tam fortunatam urbem prodidisse, ac perdidisse asseramus. Recepta verò illa facerrima mole intra muros, quæ gaudia eo die non agitata? quod lætitiæ genus prætermissum? Ridebatur per compita & circulos Græci, & contume-

tumeliosissimè lacerabantur, qui re infecta post
 tot annos domum abire cum dedecore coacti fu-
 issent. Indictæ feriæ, clausis officinis itum ad niti-
 diorem vestitum, templa inumbrata fertis ac frō-
 dibus, viæ constratæ gramine & floribus, instituta
 conuiuia & symposia. Aderant vnguenta passim,
 neſtebantur coronæ, odores incendebantur, can-
 tabatur, saltabatur, edebatur, ludebatur, vome-
 batur, donec & plurima nox, & multa bacchatio-
 num lassitudo somnum an suaderet an impera-
 ret? Iacent securi malorum omnium, sopore de-
 merſi altissimo: cum interea Græci tempus naſti
 opportunissimum, mediæ, inquam, seu concubix
 noctis silentium, accensâ lampade in prætoria na-
 ui, quo indicio Sinon quoque aduentum eorum
 cognosceret, classêque ordinata à Tenedo, vbi la-
 tuerant versus Ilium μέγα πρὸ νεώτερος procedunt: e-
 quis consultò relictis, ne hinnitibus eorum ex-
 pergefacti Troiani ad arma contra expedienda
 tempus inuenirent. Triueneficus, Acherontis pa-
 bulum, & periuriosissimus ille Sinon inclusos v-
 tero equi milites cum ducibus emittit: qui con-
 festim vigiles male vigiles contrucidant, portas
 recludunt, sociorum complura millia intromit-
 tunt, instructisque agminibus, incitatissimo im-
 petu, & furore insanissimo ciues ad resistendum
 longè imparatissimos, somno videlicet, ac vino
 sepultos adoriuntur. Volant vbique ad tecta fa-
 ces, & crebrescunt incendia, quibus etiam mare
 vicinum propter spatiosam vrbs conflagrantis
 amplitudinem relucebat, & infinita vis lumi-
 num

num à Græcis comparata gestatâque manibus lucem diurnæ similem fundebat. Confusi virorum, mulierum, oppidanorum, atque hostium clamores exoriuntur, tubarum armorumque sonitus magis atque magis clarescunt, & procul domorum procumbentium fragores exaudiuntur. Ferro & ignibus miscebantur omnia: nec aut sexus, aut ætas verecundiam impio militi faciebat: nec ipse locus quantumvis sacer crudelissimos animos deterrebat, quo minus ibidem supplices in deorum conspectu mactarent. Quàm multi in ipsis lectulis obtruncati, qui vel serius urbis captæ clamorem acceperant: vel morbo aliquo grauiore constricti, inde se corripere non poterant? Plurimi præterea nudi dum fugam agitant, in manus & gladios inimicorum inciderunt: qui in obuios haud secus, quàm leones irritati in imbelle pecus sæuiebant: nec erat cuius non imbutum aliquorum cruoribus ferrum vidisses. Etiam ignauus ac timidus Græcus ibi animosus, & interritus euadebat: & qui semper ouis, tum se pro lupo gerebat, & laniatibus exultabat. Vidisses opertas cadaueribus plateas, & quoquo versum sanguinis riuulos procurrentes.

Luctus ubique, paucor, & plurima mortis imago.

Mulieres altissimis ploratibus sidera pulsare, commasque vellicantes, & plangentes pectora non modo sine peplis, sine mitris, sine flameis, absque vlllo mundo, verum etiam seminudæ per publicum (formidò quippe & pudorem & mentem

(sufferat) discursare. Aliæ cum animo es-
 generosissimæ, cernerentque id postulare
 (cuius summum est imperium in rebus omnibus)
 necessitatem, quicquid telorum fortuna porri-
 geret arripiebant, ut viros tuerentur. Sed eas va-
 gitus vociferationesque infantium, & pusillorum
 liberum ad se aduertebant, & ab incerto auer-
 tebant. Quædam maritos rogabant, uti in ip-
 sas ipsi mucronem conuerterent, & ceruices am-
 putandas ingerebant: ne vel in seruitutem rap-
 tarentur: vel importunam victoris libidinem
 exatiare corporibus suis fœdissime patientes co-
 gerentur. Ob easdem causas nonnullæ ad sui
 eadem milites, verborum in eos iactata contu-
 melia impellebant. Tam audaces, vitæque con-
 temptrices amor libertatis, & pudiciæ facie-
 bant. Erant qui teneros natos occultabant, si
 forte illos siue deus, siue casus aliquis seruaret in-
 columes. Nouæ nuptæ, cum viros inter lethalia
 vulnera cum morte luctantes intuerentur, sibi
 met mortiferas manus inferre, ne iis manerent
 superstites, in quorum membris viuebant. Credi-
 bile duco, fuisse non paucas, quæ cum vterum fer-
 rent, & à partitudine proximè abessent, repenti-
 nis exanimatæ terroribus, partum abiecerint, vi-
 tamque simul amiserint. Quamcumque ad portam
 urbis effugij gratia properaret aliquis, eam obsef-
 sam, & custoditam reperiebat, & mox lethali plaga
 percussus concidebat. Aliqui cum per tenebras,
 aut lucem malignā haud satis hominem ab homi-
 ne possent internoscere, hostem pro amico salutā-
 bant: sed non pari modo resalutabantur: & subito

pro-

præmium salutationis minimè expectatum, di-
ram videlicet mortem recipiebant. Inuenti qui
fastigia culminum conscenderent: sed eos aut per
incendiorum, aut per lunæ lucem conspēctos
Græci sagittarum iactibus & tactibus deiiciebant.
Bona pars malè concocta crapula, & adhuc ebria
multo Baccho trahens vestigia, strepitu excita,
dum per scalas quærit descensum, fallente gradu
præcipiti lapsu corruere, fractoque collo expira-
re. Oberrare hi per ædes, manibus intestina per
vulnus effusa complectentes. Illi præfectis cruri-
bus cum comploratione per cadauera reptare. Fu-
gientibus in tergis hærebant hastæ. Si qui vnus
ensem euasissent, illico in alterius mucronem se
induebant. Quod si quibusdam rediret virtus in
præcordia, seseque glomerantes audacter in ho-
stem ruerent, tamen numero obruebantur. Oc-
cubuerunt nihilominus de Græcis non pauci, nec
nullo sanguine stetit illa victoria. Cerneret hunc
Troianum craterem impingentem in huius ca-
put: illum titione acriter pugnātem, & fugan-
tem aduersarium: alium in ventrem contra se
irruentis adigentem veru, de quo nondum detra-
ctus esset assus porculus. Lapidibus, securibus,
fustibus rem gerebant, & se quamdiu per fata li-
cebat, constanter defensabant. Prætereo illos,
qui de turribus præcipites se dederunt, aut in me-
dios ignes desiluerunt, ne maiorem hostibus ex-
ultandi matériam offerrent. Nulla clementia, nul-
lus trucidandi finis, nisi quem defatigatio affere-
bat. Nec canities senum ad genua suppliciter ab-
iectorum, nec pusiones ad materna pendentes
vbera

vbera quemquam vel paulum retardabant. Nul-
lus cuiusquam dei timor, nulla reuerentia: quan-
do eorum quoque aras miserorum sanguine re-
spargere non dubitabant. Pauci omnino diuini-
tus euasere, patriam velut nauim magnam in tur-
bulentissima tempestate relinquentes, ipsi arrepta
tabula seruandæ vitæ, omni conatu in litus, quod
fors daret enatantes.

*Quis cladem illius noctis, quis funera fando
Explicet, aut possit lachrymis equare labores?
Vrbs antiqua ruit, multos dominata per annos.*

L. Generatim, & συγγενέσιν, Pioni, vltimum
nobis diem Troiæ qualis fuisset, exposuisti, & in
commemoratione dolorum alienorum non me-
diocrem ipse animi dolorem adhibuisti. At mihi
quorundam principum virorum fæminarumque
casus in illo communis patriæ interitu digni e-
tiam memoria, & separata quadam narratione
videntur. Ah, quam atrox malum inuenit Ca-
sandræ, Deiphobum, Regem ipsum? Vidit
item miserrima, & pars eorum magna fuit Æ-
neas, non per se modo, verum etiam propter
patrem senem, Creusam vxorem, & Ascanium
filium. Quam immaniter vita extorta Astyana-
cti puero Hectoris filio? quæ fors, quam infæ-
lix regiarum mulierum? Cassandræ Minervæ
sacerdotem, Priamique filiam virginem in ipso
Deæ delubro Ajax Oilei filius per sacrilegissimam
audaciam stupro violenter maculare non hor-
ruit. Quo scelere tantopere indignata Pallas scri-
bitur à Poetis, vt fauorem suum in Græcos odio
commutauerit. E. Nec istuc tantum, sed & com-
p
pres-

pressorem ipsum ea pœna vindicauit, quam ludento carmine persecutus est Virgilius.

Pallásne exurere classem

*Argiûm atque ipsos potuit submergere ponto
Vnius ob noxam, & furias Aiæcis Oilei?
Ipsa Iouis rapidum iaculata è nubibus ignem
Disiecitque rates, eueritque aquora & ventis.
Illum expirantem transfixo pectore flammæ
Turbine corripuit, scopuloque infixit acuto.*

L. Hoc quidem Ajax designauit in Cassandram, & tali affectus est pretio, quale retulisti. At Græci, quam in eandem exercuerunt immanitatem, nullo supplicio expiarunt: miror ibi dormitasse, & conuiuisse Palladem. P. Quam immanitatem dicis? L. Qua indignior excogitari nulla queat fortasse.

*Ecce trahebatur passis Priamæa Virgô
Crinibus à templo Cassandra adytisque Minerva,
Ad cælum tendens ardentia lumina frustra,
Lumina, nam teneras arcebant & vincula palmas.*

Deiphobus post Paridis germani obitum Helenam pro vxore habuit, à qua proditus, & ab Vlyse ac Menelao non solum interfectus, sed etiam naso, auribus, & manibus prætruncatis, inhonestissimè per impotentem iracundiam deformatus est. Caterùm ipsa regia, quoniam spem prædæ & gloriæ maiorem concitabat, adeo ardentibus animis, adeoque ingenti mole, & magnis operibus, atque viribus oppugnata est, ac si aliis vrbis regionibus esset otium, nec cuiusquam caput in discrimen veniret. Acta testudine, scalisque admo-

vis ascendebant, scuta finistris contra tela superincidentia obieciabant, dextris ipsa fastigia prensabant. Troiani contra turrium cacumina, tectorum culmina, trabes, & saxa deuolvebant, vt & scutorum testudinem perumperent, & ascendentes deturbarent. Alij interius fores strictis ensibus obsidebant, vt si hostes penetrassent, in ipso statim limine eorum maetatu conciderent. At Pyrrhus Achillis filius cum cohorte sua crebro ariete, & securium pulsu prostratis foribus irrupit. Intus concursationes nobilium mulierum, gemitus, plangores, eiulationes, cum & postes tanquam de cætero eos non visuræ oscularentur, & aræ quæ sub dio mediis in ædibus Ioui Hercæ sacra stabat circumfusæ, deorum simulacra amplecterentur. Intelligens urbem iam occupatam, permissamque direptioni & incendio, Priamus, & in ipsa regia hostem conspicatus, haud se deseruit: verum antiquæ virtutis memor, quamquam senio fessus, arma induit; ac telum sumplit: vtsi nihil opis afferre occidenti iam patriæ posset, saltem sese defenderet, & quod regi pulchrum esset, in armis moreretur. Sed eius vicem sollicita coniux, eum in sede prope aram collocauit, & quiescere iussit, alia auxilia, alios defensores tempus requirere. Resedit, donec filium Polyten Pyrrhus fugientem ante ipsam sedem conspectumque patris assecutus confodit. Tum vero irarum æstus senem corripere. Confurgit, iaculum in iuuenem frementem ac furentem cum verborum castigatione contorquens, ab eodem ad altare crinibus pertractus,

miserè iugulatus, & defecto capite, truncus canibus, & volucris proiectus est. Quid Æneas? Ei se per quietem miseranda figura Hector offert, fugam præcipit, volitare hostem intra mœnia, euerti Troiam, nullam superesse spem salutis, nullam virtutem aduersus tantam vim satis valituram. Propripit se cubili, domus fastigium petit, inde ignibus, & ruinis ita misceri urbem totam conspicit, ut si maturam segetem flamma popularetur: ut si montanus torrens cœlestium aquarum auctibus rapidior, fata sylvasque erueret. Oblitus imperatæ fugæ, cum sociis aliquot armatus per urbem grassatur, multos Græcorum orco demittit: tandem omnibus illis peremptis, solus relinquitur, & exitu Priami senis, æquæui patris sui Anchisæ, vxoris, & filij admonetur, quos in medio periculorum domi deseruerat. Redit, nullis precibus adducere longæum potest, uti se asportari patiat, quoad prodigium flammæ coinam sine noxa in puero Ascanio lambentis, eum ad consilij mutationem compulit. Itaque patrem humeris suis imponit Æneas, filium paruum manu trahit, pone Creusa sequitur: quam dum nescio quo strepitu armatorum contra venientium territus de via deflectit, amisit. Astyanax, quem Andromacha mater, Priami dum regna manebant, sæpius dum se ad soceros incommitata ferret, secum solatium illis, & dulce oblectamentum ducebat, ab Vlyssæ de turri præceptus datus, saxa cerebro consperxit. Timebant videlicet Græci, ne Troia resurgeret, si quenkam de stirpe regia superstitem

tem reliquissent. Nec eos iste puer magis ob id sollicitos habebat, quod regibus, quam quod Hectore natus erat: sciebant quippe fortes nasci fortibus. Hector belli fulmen, & horror Danaum: qui sæpe Argolicas debelitaui opes, ut in eius epitaphio scriptum recordamini. Antequam porro discederent, dies plures in demolitionibus, inflammationibus, vastationibus, quod reliquum erat urbis, & congerenda præda consumpserunt: quæ quanta, & quam pretiosa fuerit, dici non potest. Captiuos innumeros fecerunt: quamuis enim essent ad ultimam crudelitatem effusi, & usque ad genua propemodum ambularent in sanguine, tamen hebetato ferro, exhaustisque rapiendo, diruendo, occidendo viribus, non omne caput neci dare potuerunt: tametsi pœne nullus cerneretur, cui non esset vnum saltem vulnus impositum. Polyxena quam de tanto filiorum filiarumque numero vnicam sobolem retinebat anus Hecuba, ad tumulum Achilli obtigit, Cassandra Agamemnoni, Andromacha Neoptolemo, aliæ aliis. Helena Menelao sine sorte reddita. Ita superbum Ilium cecidit, & facta est ciuibus suis sepulcrum Troia. E. Permite mihi ad augendam miserationem recitare ὡς ἐν παρεφρέσει lamentationem Neptuni περιλογίζοντος in Troadibus apud Euripidem: etenim est sanè flebilis. P. Quid nobis tam iucundum, quàm audire, quamuis aliena ipsi lingua poetæ ἐλεηνολογώταται sententias? L. Non poetæ tantum, verùm & Oratoris, & quidem

dem eiusmodi, qui sit testimonio Quintiliani cuius eorum qui in foro claruerunt comparandus. E. *Ego sum Neptunus, qui ab Aëgeo mari, & bi formosarum Cetus Nereidum choris agitandis voluptatem capere consuevit, hunc in locum me apporto. Nam ex quo primum tempore Apolline adiuuante istanc urbem muro ac turribus circundedi, nunquam studium amorque meus in eam singularis atque eximius refrigerare, ne dicam deleri ex animo potuit. Quæ nunc, pro dolor, Græcorum armis lacerata, & exusta flammis ante oculos iacet, ac fumat. Epeus ille Phocensis monitu instructique Palladis edoctus, causam huic supremo & miserando exitio propinquam attulit, cum equum ligneum, immensa magnitudinis portentum fabricatus est: cuius utrum delectis militibus Græci compleuerunt, versutissimoque commento, & nouo fraudis genere Troianis, ab nimium credulis, imposuerunt, ut suam sibi perniciem inducta in urbem fatali machina struerent. Atque hic quidem equus à posteris δόρειος appellabitur: siquidem τὸν δόρειον, id est, armorum, seu armatorum refertus, & quasi pragnans fuit. Nunc, quæ tandem oratione tuas, ô Troia, calamitates consequar? & bi potissimum incipiam? & bi desinam? Religiosissimi luci penitus deserti & suntu: quando qui sacris ibi fungantur, quique vota ibi concipiant, nulli supersunt. Templorum pauimenta & deas natæ interfectorum ciuium sanguine. Ad ipsam Iouis aram in regia, Pyrrhi manu in viscera sua ad altum capulo tenuis ensẽ excepit Priamus regnator Asia. Hostium naues ingenti rerum sumptuosarum præda, & acerrimi auri argentique constipantur, & in litore &entos secundos expectant: auenti quippe Græci post annum*

annum decimum reuerti in patriam ad dulcissimas uxores, charissimos liberos, parentes exoptatissimos. Ac me quoque (ô indignitatem) Iunonis Palladisque potentia superatum in relictis iam ponere Ilium, meisque sacris spoliatum manere oportet. Sic enim affolet cum urbes aut bello, aut contagione pestifera vastata, atque in solitudinem redacta sunt: numinum cultus intercidit, religionum sanctitates abolentur. Quid quod captinarum Trojanarum solutibus campus hic longè lateque personat? haec suis quoque dominis tanquam pecudes sortito distributa cesserunt: & alia quidem Arcadibus, alia Thessalis, alia Atheniensibus. Nobilissimas autem, ac principes ducibus praeceps honoris ergo donauerunt: Helenam marito veteri, quam ille penas thori violati exigens, Argis morti daturus perhibetur. Andromacham Pyrrho, Hecubam infelicissimam Ulyssi, ante cuius tentorium en en se humi proiecta iacet in puluere, perdita luctu atque lacrymis plurimis, & quidem etiam propter plurima. Nam & libertate exuta est, iamque in seruitutem hinc abducitur id atatis, & tam sublimi in fastigio dignitatis paulo ante constituta famina: & hostili gladio tot liberos (infandum) amisit: & maritum senem oculis suis obruncari conspexit. Polyxenam insuper unicam de tanto numero sibi relictam sobolem, solamen quaecunque dolorum suorum, ac seruitutis suae Achilles ei deuorauit: nam eam ad eius tumulum pro inferis mactandam coacta est dimittere. Ad quem malorum cumulum accedit hoc etiam, quod nepos eius Aethanax ex alta turri deiectus interiit, & Cassandram filiam ac uatem, cuius corpus contingere, quo eam mulierem faceret Apollo ipse pepercit, Agamœna cum contemptu eiusdem dei. non legitima uxoris, sed concubina loco

habet. O quondam florentissima, ô beatissima ciuitas, salue æternum, æternumque vale. Valete artes Iliacæ, præclara valete mania. Pallas, ô Troia, Pallas te euerit. Pallas nisi inimica, & infensa tibi extitisset, tu adhuc inuicta, & incolumis regnares, caputque inter omnes non Phrygia duntaxat, sed orbis terrarum vrbes, singulare illarum ornamentum.

ANNOTATIONES.

VRbis capta, direpta, & euersa faciẽm ostendere molitus sum: id quod ad propositum meum in hisce progymnasmatibus militaribus multum adeo facturum censui. At enim non inueni urbem aliam, in qua istuc viderer copiosius posse præstare, atque facilius, nisi Troiam: cuius quamuis diruta tanta est gloria, ut stantes etiam, & beata ciuitates iure eidem inuideant. Id fecerunt scriptores tam multi, & illustres, qui Troica, seu res Troianas literis diuulgarunt, quos nominare haud attinet. E paucis deprompsimus, quæ ad lectorem pariter delectandum, ac mouendum aptiora fore confidebamus, & breuitatem quatenus licuit conseruauimus. Nec paraphrasin secundi *Æneidos* damus, ut aliquis lecta inscriptione, & toto dialogo non perlecto falsò forsitan iudicauerit. Et tamen si id voluissimus, poteramus de Virgilio, & Virgilij studiosis videri non male mereri.

Qui

Qui personas insigniores huius belli cognoscere querit, Daretē Phrygiū adeat, ut qui epitaphia heroum Troianorum, Ausonium. Exstant etiam ab Aristotele conscripta. Nunc antequam ad annotationes accedamus, decreuimus de huius ciuitatis origine, causis belli, numero nauium, ac postremo de factis eius qua legendo cōperimus, propter fructum communem Humanitatis alumnorum exponere.

E Creta profectus in Asiam Teucer Scamandri filius, Sminthium oppidum ædificauit, regioni Teucræ nomen imposuit, gentem ab se Teucros nominauit. Dardanus deinde Ioue & Electra procreatus in Teucriam è Samothracia cum venisset, cum Teucris filia matrimonio sese deuinxit, ac primū Dardaniā paruā urbem excitauit. Postea sublato è uiuis socero, ipse quoque de suo nomine regiunculā Dardaniā appellari iussit. Huius Dardani filius Erichonius Troem genuit, à quo tellus tota nouum adepta uocabulum, Troia dici cœpta est. Cæterū Ilus Trois filius, oraculo monitus, ut vaccam errantem sequens, ibi urbem conderet, ubi ea procubisset, Ilium construxit. Dardania igitur, Teucris, & quod reliquis obsolescentibus in usu mansit apud posteros, Troia regionis nomina sunt: ciuitatis autem, totius prouinciæ omni genere copiarum abundantissimæ, & nobilissimæ Ilium. Poetæ tamen qui uerborum licentia liberiores sunt, quā Oratores, has quatuor uoces confundunt, & urbem unā illam nunc Dardaniā, nunc Teucriā, nunc Troiā, nunc Ilium uocant. De origine hætenus. Iam quo pacto bis expugnata, & euersa sit cognoscamus.

Iason Aesonis filius, maximi spiritus, & inuicti animi
 adolescens, secum ducens Argiæ robora pubis, ut Ca-
 tullus ait, à patruo Pelia inductus, Colchos ad aureum
 vellus rapiendum, vela fecit. Hic exscensione facta in
 Troianum littus, propter vires scilicet reficiendas, nun-
 tium à Laomedonte Troianorum Rege infestum acci-
 pit, iubeturque extemplò abire de finibus. Si moretur,
 futurum, ut regis vim & arma suò graui detrimento ex-
 periat. Græci quòd ad conflictum haud satis sese para-
 tos cernerent, & magnopere timerent, ne barbarorum
 multitudine & audacia perderentur, tantam inhumani-
 tatem detestantes, classi porrò habenas immiserunt. A
 Colchis reduces, Hercules ad persequendam ab Laome-
 donte iniuriam, atque ad Troiam secum debellandam
 hortatu suo perpulit. Hesionam Laomedontis filiam Te-
 lamoni, cuius in ea expugnatione maxima virtus fuerat,
 seu uxorem, seu concubinam donauit, Regem ipsum &
 filios obtruncavit. Sed Priamus, qui erat natu minimus,
 & per id tempus in Phrygia commorabatur, ciuitatem
 postmodum in integrum restitutam, mœnibus spatio-
 sioribus, propugnaculis, præsidiis, magnificentissima re-
 gia exornauit, & contra hostium minas, impetusque sa-
 tis communiuit, atque in locum demortui parentis de-
 inceps successit. De altera euerfione, cuius explicatio
 longè miserabilior, sequitur ut narremus. Hecuba Pri-
 ami coniunx, cum aliquando vterum ferret, iamque ad
 pariendum vicina esset, secundum quietem faculam pa-
 rere sibi visa est, adeo luculentis flammis, ut iis tota vrbs
 conflagraret. Rex consultis ariolis, cum diri ominis, &
 portentosum somnium esse didicisset, puerum deinde
 natum exponi, & necari præcipit. Miserati scitissimum
 infantem ministri, & quod ab Hecuba Regina id in-
 man-

mandatis habebant (maternus siquidem, quam paternus animus semper mollior, & ad misericordiam clementiamque propensior esse solet) parcunt interimere: veruntamen exsectam canis linguam pro indicio pueri iugulati ad Regem afferunt. Fortè fortuna pastor quidam in ripa fluminis iacentem infantem conspiciens, eum tollit, & cum liberis suis educare pergit. Qui cum ætate iam procederet, seque pastore illo genitum constanter crederet, cum sodalibus ad Idam montem pecus alacriter pascebat, & ab iis propter corporis egregiam speciem, & minimè vulgarem, aut pastoritiam indolem litium causarumque iudex, & arbiter deligebatur, cuius sententiis sine ulla recusatione parebant. Post longum interuallum cognitus, ac receptus à patre Priamo Paris, honorificè, ut decuit, est habitus. Affecit eum Græciæ visendæ, & varios hominum diuersorum mores cognoscendi mira cupiditas. Ergo XX. nauium classem à patre obtinet, Spartam nauigat. Erat Priamo cum Menelao Spartanorum rege vetus hospitium, qui proinde Paridem amanter, ac regiè tractauit. Sed cum in Cretam ad cernendam hæreditatem sibi necessariò discedendum esset, Helenæ vxori Trolanum commendauit. Ille mulieris venustate captus, precum blanditiis mollem alioqui, & flexibilem animum ad suam voluntatem traduxit, illum auexit, vxoris loco adulteram adulter habuit, & hanc gratiam benemerenti hospiti Menelao retulit. Passus est hoc, & conuiuit ad turpitudinem Priamus: propterea quod cum per legatos sæpius rogasset, ut Hesiona soror in prima expugnatione Troiana abducta, aut sibi redderetur, aut saltem legitimum in matrimonium duceretur, impetrare nunquam potuisset. Menelaus facinoris indignitate stimulatus, mittit qui Helenam repossent.

scant. Vbi vidit se actum agere, cum fratre Agamemnone Mycenarum Rege de bello Troianis inferendo consultat: breui tempore vniuersæ Græciæ Principes cum eo conspirant: copiæ vndique ingentes contrahuntur: magno nauium numero ad Ilium contenditur: in Aulide Bæotix fœdus percutitur, non soluturos obsidionem, quoad ciuitatem funditus deletam conspiciant. Quod etiam re præstiterunt. Itaque tantarum cladum, quæ postea vtrinque sunt acceptæ, vna mulier causâ, & caput extitit, totisque annis X. pro vna adultera concursum, & dimicatum, est. Euripides in extrema Oreste inopinatam huius belli, & tam numerosæ cædis causam adducit: placuisse videlicet diis immortalibus propter formam Helenæ committere duas gentes, & mundum non nihil leuare inutilibus perditisque hominibus. Ecce tibi locum ipsum.

ἐπεὶ θεοὶ περὶ τῆσδε χηλιδεύματι
Ἕλληνας εἰς ἐν καὶ φεύγας σὺνήγαγον,
θανάτους τ' ἔθηκεν, ὡς ἀπαντλοῖεν χθονὸς
ὑβρισμα θνητῶν, ἀφθόνου πλερώματα.

Superfunt pauca de nauium numero. Virgilius in 2^o ait fuisse mille.

Non anni domuere decem, non mille carina.

Sed mos poëtis est, mille, pro ingenti, & maiore etiam numero quam sit millenarius vsurpare. Fuêrunt enim M. C. LV. Apud Euripidem namque in Oreste chorus Menelaum sic affatur.

ὦ χλιδόναυν σεαυτὸν ὀρμίσας
εἰς τὴν ἀσίαν, χαῖρ'

Quem in locum Scholiastes hæc. ἀπρησμένῳ χηλοῖο
ἀειθμῷ, ἰοσαῦται γὰρ ἦσαν αἱ νῆες τῶν ἑλλήνων, χίλιναι περὶ

9, 7, 1. In Iliad. Homerus, nempe in catalogo 1186. numerat. Dictiis 1289. Dares 1140. Alij 1170. Verum ne in rem non necessariam studiosius operam cōtulisse videamur, quid maximè hoc loco veritati sit consentaneum inquirere supersedebimus.

De fatiis Troianis, id est, de rebus quæ essent Troiæ fatales, & à quibus eius penderet salus, ita Plautus Bacchid.

Illo tria fuisse audiri fata, qua illi forent exitio:

Signum ex arce si perisset: alterū etiam est Troili mors.

Tertium cum porta Scea limen superum scinderetur.

Adducit hæc Seruius in 2. Acneid. super illo versu. Fracti bello fatisque repulsi, & addit secundum alios: vt de Aeaci gente aliquis interesset, vnde Pyrrhus admodum puer euocatus, ad bellum est, inde dictus. Neoptolemus videt eis πόλεμον: vt Rhæsi equi tollerentur: vt Herculis interessent sagittæ, quas misit Philoctetes, cum ipse non potuisset afferre, morte præuentus. Cæterum in eadem comœdia Plautus per quam festiuè comparat excidium Troiæ cum technis, quibus circumducitur, & argento emungitur senex à seruo Chryfalo.

Atrida duo fratres cluent fecisse facinus maximum

Cum Priami patriam Pergamum, diuina manitum manu,

Armis, equis, exercitu, atque eximiiis bellatoribus,

Millenū numero nauium, decimo anno post subegerunt.

Non Pelides tormento fuit, prout ego herum expugno meum,

Sine classe, sinēque exercitu; Et tanto numero militum,

Cæpi, expugnauit herili filio aurum ab suo patre.

Nunc

Nunc priusquam huc senex venit, libet lamētari dum extat.

*O Troia, ô patria, ô Pergamum, ô Priame, peristi senex,
Qui misere malè multabere quadringentis Philippiis
aureis.*

*Nam ego has tabellas obsignatas, consignatas, quas fero;
Non sunt tabella, sed equus quem misere Achivi li-
gneum, &c.*

URBIS TROIÆ) Talia sunt apud Virgil. urbs Pa-
taui, fons Timani in 1. Æneid. urbs Buthroti in 3.
Quin hoc ipsum in 1. Quis genus Æneadum, quis
Troia nesciat urbem. QVAM TROADEM IN-
SCRIPSIT) Rectius inscripsisset hanc Tragœdiam
Troades more Euripidis Seneca. De quo disputatiun-
culam videbis M. Antony Delrij qui in Senecam
Aduersaria scripsit. CAPTIS SYRACVSIS MAR-
CELLVS) Et Titus Vespasiani filius, ut traditum est
ab Egesippo lib. 5. cap. 21. Hierosolymitanorum ma-
lis ingemuit, sublatiſq; calo manibus se in fontem testa-
tus est. Dauidem Saulis mortem acerbè tulisse Re-
gum historia docet. POLLENTIS ASIAE) Phry-
gia enim utraque in Asia, & Troia in Phrygia ma-
iore, & Priamus rex Phrygia, & bona partis Asiae.
Hinc & Virgilius, Postquam res Asia, &c. Item
in 1. Ultra Asiam magno Pelopeia ad mœnia bello
venturam. CAELITVM EGREGIVS LABOR)
Neptuni & Apollinis, qui à Laomedonte mercede
conducti, mœnia Troiana construxerunt. Homerus
Iliad. n. & p. Virgil. 2. & 3. Æneid. ubi Troia idcirco
Neptu-

Neptunia dicitur. Euripides prologo Troadum. Præmia autem illa promissa non soluit Laomedon. Inde dictum 1. Georg. Laomedontea luimus periuria Troia. Et lib. 4. Æneid.

nescis heu perditæ, nec dum
Laomedontea sentis periuria gentis.

Et à Celano Harpya in 3.

Bellum etiam pro cade boum, stratisq; iuuentis
Laomedontiada, bellumne inferre paratis?

Vbi Seruius, Laomedontiada, id est, perfidi: à rege natum opprobriū, qui deos sefellit. Ouid. 11. Metam. cum rem exponit, addit etiam de ultione qua Neptunus iniuriam persecutus est. ASSARACI DOMVS) Assaracus frater Ili, & Ganymedis, Troem habuit patrem. Capyn genuit, Capys Anchisen, Anchises Æneam auctorem Romani generis. Ex quo Mummius qui Achaiam vicit. Vnde Assarici domus 1. Æneid. non ut hic pro Troianis, sed pro Romanis, à Troianis tamen oriundis.

Veniet lustris labentibus ætas,
Cum domus Asarici Phthiam, clarasq; Mycenæ
Seruitio premet.

Assarici tellus apud Horat. Ode 13. Epod. est Troia.

Te manet Assarici tellus: quam frigida parui
Fidunt Scamandri flumina,
Lubricus & Simois. ☉

OPPETENTES HVMVM MOMORDISSE)
Virgil. 11. Æneid. ubi Turnus Mezentij mortem
laudibus prosequitur.

*Ille mihi ante alios fortunatusq; laborum
Egregiusq; animi, qui ne quid tale videret
Procubuit moriens, & humum semel ore momordit.*

*Ab Homero acceptum demonstrat, & cur dicantur
in pralio cadentes humum mordere declarat Victo-
rius lib. 29. cap. 17. CASSANDRÆ VOBIS VA-
TICINANTI) Horatius inducit Nereum pranun-
tiantem Paridi cum adultera Troiam petenti exci-
dium patriæ Ode 15. lib. 1. imitatus Bacchylidem,
qui id Cassandra tribuit, quod fecit etiam Lycophron,
Tryphiodorus. Apud Cic. 1. de Divinat. sunt versi-
culi, quos credibile est eius vaticiniy reliquias esse.*

*Eheu videre indicavit indicium inelutum
Inter deas tres aliquis, quo iudicio
Mulier, furiarum Æna adveniret.*

*Veruntamen fidem eius prædictiones nullam inue-
nerunt, quod & Virgil. non tacuit, & Seneca indi-
cat his verbis.*

*Quæcumq; Phœbas ore lymphata furens
Credi deo vetante, prædixit mala,
Prior Hecuba vidi gravidæ, nec tacui metus.*

*Fuit ergo ipsum quoq; somnium Hecubæ quoddam
vaticinium, & arioli seu coniectores id ad calamita-
tem pestemq; publicam attinere consulti responde-
runt. De hoc positi sunt versiculi 1. de Divinat. nem-
pe isti.*

*Quia mater gravis parere se ardentem facem
Visa est in somnis Hecuba: quo facto pater
Rex ipse Priamus, somnio mentis metu
Percussus, caris sumptis suspirantibus,
Exsacrificabat hostiis balantibus:*

Tum

*Tum coniectorem postulat, pacem petens,
Ut se edoceret obsecrans Apollinem,
Quò se vortant tanta sortes somnium.
Ibi ex oraculo voce diuina edidit
Apollo, puerum, primus qui Priamo foret
Post illa natus tempora, hunc, ni tolleretur,
Eum esse exitium Troia, pestem Pergamo.*

Refert item somnium, & interpretationem Patris in
epist. ad Helenam apud Ouid. *EQVVM ILLVM DV-
RATEVM*) Dictis Cretenfis lib. 5. scripsit hunc equum
consilio Heleni Priami F. adificatum. Trās fugisse au-
tem hunc ad Gracos scelera Troianorum perusum.
Hunc ab Ulysse captum, & in castra Gracorum per-
ductum, alia quedam fata illis aperuisse scribit Leo-
nicus lib. 3. cap. 45. sine quibus vrbe non essent poti-
turi: ut de offe Pelopis, Neoptolemo, & Philoctete.
QVÆ GAUDIA) Babylonem quoq; die festo, dum
ciues ludo & choris agitandis intenti essent, à Cyro ca-
ptam auctor est Herodotus lib. 1. & Xenophon in Pa-
dia. De Syracusis legi simile quippiam. *TRIVENE-
FICVS, ACHERONTIS PABVLVM*) Plauti
sunt, quibus admoncor, ut ex eodem Comico, conge-
stam à me syluulam vocū huiusmodi ad insectatio-
nem accommod. itarum subiiciam. Quando iis uten-
dum sit, id erit indicij. Verbero, audacie columē, lar-
ua umbratilis, thesaurus stupri, prestigiatrix mulier
multò maxima, mastigia. Perlecebra, pernices, ado-
lescentum exitium de meretrice. Virgarum lascinia,
flagitiū hominis, cinædus calamistratus, ante omnes

mortales minimi pretij, capuli decus, stimulorum seges, claudus sutor. Ego istos noni Polypos, qui ubi quid tetigerint tenent. Prostibulum populi. Rumex non a-
 que est aridus, atq; hic est senex. Trium literarum
 homo, trifurcifer, fur thesaurarius, fur manifestarius, nō
 fur, sed trifur, scelerum cumulatissimus, statua verbe-
 rea. Age tu illuc procede bonevir, lepidum mancu-
 pium meum. Anus vinosissima, scelerum caput. Vno-
 cule salve. Item genus est lenonum inter homines
 meo quidem animo. Ut muscaq; culicesq; pedesq;
 pulicesq; odio, & malo, & molestia: bono vsui estis
 nulli. Esterquilinio effossus, stabulum nequitia. E-
 ho tu nihili, cana culex, ad senem. Hircus impro-
 bus, edentulus, vir minimi pretij, vetuli vernecces,
 murcidus homo, defloccatus senex, omnium homi-
 num minimi pretij, barathrum, fungus, sublesta fide,
 lingua factiosus, inertes opera, tanti est, quanti est fun-
 gus putridus, homo nihili, probri perlecebra & per-
 suastrices. Herilis perniciēs de malo seruo. Frutex,
 urbanus scurra, stimulatix, peculij sui prodigus, pla-
 gigerulus, senex cerebrosus. Illecebra argentaria de
 meretricibus. Plenus periurij, atque adulterij, ob-
 latratix, populi odium, mœchus vngentatus, senex
 hircosus, thesaurus mali. Ad mandata claudus, cecus,
 mutus, mancus, perfossor parietum, legirupa.

Quoniam qua ad vituperandum conuitiandumq;
 possent loco et tempore adhiberi non sum grauatus ad-
 ducere, adducam & illa ex eodem fonte, quibus ad
 blan-

blandiendum, et laudandum uti licebit. Decus populi, thesaurus copiarum, salus interioris corporis. O mi lepos.

Tu mihi herus nunc es, tu patronus, tu pater,

Tibi commendo spes opesq, meas.

Salve oculissime homo, anime mi, oculo mi. Phadromus genius meus. O mea opportunitas, thesaurus meus. Vinum profusum vetula sic alloquitur:

Nam omnium Unguentorum odor pra tuo nautea est.

Tu mihi statte, tu cinnamomum, tu rosa, tu crocum & cassia es, tu bdellium.

Melliculum, amœnitas, vita, lux, rosa, voluptas, festiuitas, salus, commoditas. Verum in his dedita opera sum parcior. ACCENSA LAMPADE IN PRÆTORIA) Potuit etiam Sinon illis signum dedisse iactu ignis in calum, aut face prolata de mœnibus, quod scribunt Tryphiodorus, & Cointus Smyrnaeus. Immo & Helena dedit. Testis Virgil. in 6.

Ille chorum simulans euantes orgia circum

Ducebat Phrygiæ: flammam media ipsa tenebat

Ingentem, & summa Danaos ex arce vocabat.

VLTIMVM NOBIS DIEM) Diem naturalem intellige, constantē horis quatuor et viginti quantum temporis una solis lustratio cōficit. Sic Virgil. Arma, viri ferte arma, vocat lux ultima victos: lux, inquit, cum tamen esset nox. Ibid. nunquā omnes hodie moriemur inulti. Est enim hodie quasi hoc die. Sic Dido, cū iam nox esset, ait nihilominus: hunc latum Tyriisq, diem. Troiaq, profectis Esse velis. FURIAS AIACIS OILI)

Furia amor est: ut in Bucolicis. Seu quicunq, furor: & Oilei non vacat: nam & duo Aiaces fuerūt, & ambo furuerunt: sed ira Telamonius, hic amore. Et est græca figura τῆς ἠρώεως, ut si dicamus, Aeneas Anchise, & subandiamus, filius, &c. Seruius. ILLVM EXSPIRANTEM) Magnum intellectum ex nominibus nasci, suppressis nominibus, docet hoc etiam exemplo Donatus. Hoc enim intelligit poëta per vocē (illum) isto loco, illum tēserarium, illū inconsideratum, illum sacrilegum, illum profanum, illum qui in templo deæ, in templo virginis, ante ipsas aras, in conspectu numinis regiam sacerdotem intactam stupro violauit. ECCE TRAHEBATVR) multa in his quoq, versibus acuta mens Donati peruidet, quæ ad amplificandum scelus Græcorum sunt aptissima. ET AB VLYSSE, AC MENELAO) Apud inferos rem enarrat Aeneas Deiphobus 6. Aeneid. Diritatem autem mortis & fœditatem supplicij, quo est ab his duobus affectus miser, his carminibus comprehendit Virgil.

*Atque hîc Priamidem laniatum corpore toto
Deiphobum vidit, lacerum crudeliter ora:
Ora manusq, ambas, populataq, tempora raptis
Auribus, & truncas inhonesto vulnere nares.*

POSTES OSCVLARENTVR) Romani, quorum mores & ritus persæpe aliis gentibus poëta tribuit, ali- quid religionis liminibus, atq, postibus tribuebant. Apud Plantum limen superum atq, inferum quædam cum pietate salutatnr: & apud Tibullum oscula figur-

figuntur liminibus, & morem hunc edidit etiam Ar-
nob. lib. 1. Cum deorum ante ora prostrati limina ipsa
conuerterent osculis. Plaut. Rud. hic in fano Veneris
signum flentes amplexæ tenent.

Quod eo magis Troianæ mulieres faciebant, quod
se id ultimum facere, quippe in seruitutem auchenda,
& patrium solum in perpetuum desertura, constitue-
bant. Reduces etiam amplecti, & exosculari limina
solebant, cum scilicet domo diu abfussent. DEORVM
SIMVLACRA SUPPLICES) Id in more habebant,
cum magno urgerentur discrimine, & in metu exitij,
ac desperatione salutis versarentur. ASTYANAX
QVEM ANDROMACHA) De hoc puero, & eius
violenta crudeliq; morte Seneca in Troade, & Eu-
ripid. Ouid. item 13. Metam.

Mittitur Astyanax illis de turribus, Unde

Pugnantem pro se, proauitaq; regna tuentem

Sape videre patrem monstratum à matre solebat.

De mactata autem Polyxena Euripides in Hecuba,
pro qua imitator Græcorum Seneca in illa sua tragœ-
dia modo à me nominata Andromacham, ut pro
puella Astynactem substituit. Materni affectus ma-
gnitudinem uterque poëta mirificum in modum ex-
pressit: nec potest ultimis illis verbis, quibus ad ma-
trem cum amantissimo complexu abitura ad ne-
cem filia generosa utitur, quidquam
fingi tristius.

PROGYMNASMA

NONVM ET VICESIMVM.

Triumphus Romanus, & ouatio.

FIDVS, SVCCESSVS, ROGATIANS.

FIDVS. Si quid est in me iudicij, neutiquam imprudēter ac falsō M. Tullius in ea oratione, quam pro Archia poēta nobili de ciuitate habuit, ad istum modū locutus est. Nullam virtus aliam mercedem laborum periculorumq; desiderat, præter hanc laudis & gloriæ: qua quidem detracta, quid est quod in hoc tam exiguo vitæ curriculo, & tam breui, tantis nos laboribus exerceamus? Ac si vlli sunt, quorū censetur cum per se eximia & admiranda, tum hoc pulcherrimo præmio ex omnibus remuneranda virtus, belli duces sunt, qui suis auspiciis, terra marique res magnas, vtilis, ac salutare pro communi gesserunt. Talibus Senatus populusq; Romanus & absentibus Imperatoris nomē, supplicationesq; & præsentibus aut triumphum, aut ouationē quidem certē decernebant: qui honores, quāti fuerint, Romanæ memoriæ consecratoribus non est incognitū. Nihil quidem apud Romanos triumpho illustrius ac magnificentius: siquidem tantum illis erat triumphare, quantum toti Græciæ olympia vicisse. S. Certē. Cur nō honorarentur boni duces, si, quod constat, tam liberalem gloriæ quoq; mercedem referebāt boni milites? Quin, vt in Pisoniana affirmā-

tam videmus eundem Tullium, non potest quifquam exercitum cupere, aperteq; petere, vt non prætexat cupiditatem triumphi: quem cõtemnere angusti, & demissi est animi. R. Quam verò ille huius rei causam adducit? S. Aduortæ animum sis. Propterea quòd quemadmodum leuitatis est inanem aucupari rumorem, & omnes vmbras, etiam falsæ gloriæ consecrari: sic, leuis est animi, lucem splendoremq; fugientis, istam gloriam, qui est fructus veræ virtutis honestissimus, repudiare. R. Spreuit nihilominus, & repudiauit tam expetendum aliis, sibiq; ob res præclarè gestas à senatu decretum honorem Cn. Fuluius Flaccus. Nimjrum non plura decerpens, quàm acciderunt. Nam vt urbem intrauit, continuo ipse quaestione publica afflictus, exilio multatus est: vt si quid religionis insolentia cõmisisset, pœna expiaret. Ita Valerius. Recusarunt etiam M. Fabius propter obitum fratris: & Tiberius in victoria Illyrica, mœstitudine tum afflicta ciuitate, propter cladem Varianam: & Septimius Seuerus, quia ex pedibus laboraret. Quid est autem Fide, quod dicas de hoc vocabulo triumphus? vnde illi origo? Si græca est, scire non potui ego, qui nō plus græcè doctus sum, quàm alter vestrum Syriacè. F. Et dedisti, & dabis insuper huius pœnas inscitia. R. Modò vt ne dem capite: cætera paruipendo. Sed tu respõsum da. F. Dici potest, quod in 5. de ling. lat. Varro scripsit. R. Varro? Hem. quid ergo ille scripsit? Etenim cum de rustica libros eius peruolitârim (peruolutârim volebam dicere) illos alios de lingua nondum attingi. S. Caue attingas: sunt malæ bestia, lædunt

morfibus. R. Immo tu es mala valde bestia, quæ
 sic mordeas. F. Pax sit rebus: audite cætera. Tri-
 umphare, inquit, appellatum, quod cum Impera-
 tore milites redeuntes clamitant per urbem, in
 Capitolium eunti Iô triumphæ, id est: à *Δεῖαυλο*
 græco Liberi Patris cognomento, quoniam pri-
 mus ipse triumphum ex Indis ab se deuictis post
 triennium in Bœotiam reuersus, elephanto ve-
 ctus deportauerit, vt refert Diodorus: & quia tri-
 umphi, vt obseruauit Plinius, repertor ipse fue-
 rit. S. Triumphare igitur à triumpho, & istuc à
Δεῖαυλο, cui voci ante manebat sua subiecta vis,
 quàm Libero cognomenti loco imponderetur: qui
 & aliam ob causam *Δεῖαυλο* est nuncupatus. Nos
 porro etymon τῷ *Δεῖαυλο* pro triumpho inuesti-
 gamus. F. Spinofius, & implicatius aliquantò à
 litteratoribus super eo differitur: quare tenere eius
 significatum modo satis fuerit, cætera curiosi vi-
 derint. Quomodo natus, & à quo primum aucto-
 re inductus sit triumphus, agite dispiciamus. R.
 Ego quidem non alias causas, & tanquam paren-
 tes eius queo dispicere, quam dulcedinem victo-
 riæ, & gaudium de liberatione, depulsioneq; ma-
 lorum, quorum partim accipiebantur, partim ac-
 cipienda metuebantur ab hostibus, & gratum a-
 nimum erga liberatorem, deosq; ipsos huius feli-
 citatis largitores: quarum rerum omnium testi-
 monium maximum, & luculentissimum esse vo-
 luerunt triumphum, seu pompam illam sollem-
 nem atq; apparatusissimam. Nullum sanè spectacu-
 lum iucundius, quàm intueri vinctum per ora
 omnium

omnium circumduci, & in carcerem ad mortem detrudi, quem ut communem pestem formidâ-
 nis. Eiuscemodi pompæ velut fundamenta præ-
 struxisse, & exemplum posteris transmisisse Ro-
 mulus traditur: qui Acrone rege Ceninensium sua
 manu interfecto, spolia eius suspenso, fabricato ad
 id aptè ferrulo gerens in Capitolium ascendit: ibi-
 que ea ad quercum pastoribus sacram deposuit,
 & *triviale* seu victorale carmen sequenti in armis
 exercitui voce præiens, ciuibus gratulabūdis eum
 acclamationibus excipientibus. Multum inter-
 cessit temporis, cum Tarquinius Priscus currum,
 aliaq; ad speciem insignia, & visenda fertur adie-
 cisse: donec ij splendores, & apparatus sumptuo-
 sissimi accesserunt, quos in triumphis posteriori-
 bus iure admiramur: atq; ut nō immeritō vir qui-
 dam sanctus, quod vulgō circumfertur, Romam
 vidisse triumphantem optârît. F. Non olent ista
 triuiale quippiam. Iam, si vobis non displicet, leges
 triumphales inter nos celebremus. S. Quid verò
 placeat magis? F. Legibus istis etiam causæ tri-
 umphi continentur. Non enim inconsultō ac te-
 mere, tam singulare genus ornamenti concedeba-
 tur. A principio quidem cum res, id quod necesse
 erat, viribus non magnis contra hostes admini-
 straretur, paruarum causarum momenta trium-
 phum pariebant. Quocirca cum Veientes, & Tar-
 quinienfes bellum Romanis pro Tarquiniorū re-
 stitutione fecissent, vnoq; plus Etruscorum occu-
 buisset, nec die postera quisquam de hostibus cō-
 spiceretur, res digna triumpho iudicata est. Quin
 etiam ex deditis, non vi captis vrbibus, & de hoste

non caſo, ſed fugato tantum & auerſo triumphū
 agi ſolitur inuenimus. Prolatis deinde longius
 imperij terminis, cum etiam præliis maioribus in
 hoſtes potentiores deſungerentur, ſanxerunt, vt
 ne quis triumpharet, qui minus quinq; hoſtium
 millia vno congreſſu ſuდიſſet. Hinc apud Quæſto-
 res Vrbanos edito ſacramento teſtificari Impera-
 tores cogebantur, nihil ſe niſi ex vero è prouincia
 ad ſenatum ſcripſiſſe, & de hoſtium occiſorum, &
 de ciuium amiſſorum numero. Nam ſi cum ſcuis
 cladibus, & cruentæ admodum victoriæ contigiſ-
 ſent, vt quæ lugendæ magis quam lætandæ eſſent,
 multiſq; potius funeribus quam cōmodis Rem-
 pub. cumulaffent, triumphi petitionem non ha-
 bebant. Quod ſi peieraffent Imperatores, ex lege
 in eos animaduertebatur. Et quia de literis Impe-
 ratorum mentio ſe obtulit, ſcire licet, eos deletis
 hoſtibus, aut expugnata vrbe aliqua, tanquam vi-
 ctoriæ indicio, literas lauro inuolutas ad ſenatum
 mittere conſueſſe, quæ dicebantur literæ laurea-
 tæ. Liuius. Literæ à Poſthumio laureatæ ſequun-
 tur, victoriam pop. Rom. eſſe. Cic. in Piſon. Ne tum
 quidem Paule noſter tabulas Romam cum laurea
 mittere audebas. Ad Atticum literas victrices no-
 minat. Et Ouid. ſimiliter. Non ego victrices lauro
 redimire tabellas. Nec triumphabant, niſi ductu,
 auſpicioq; ſuo, atq; etiam in ſua, non in aliena pro-
 uincia hoſtes cecidiſſent, bellumque omne proſti-
 gaſſent. Ex quo fracto ad Metaurum Haſdrubale
 Liuius Conſul, qui in ſua prouincia rem geſſerat
 triumphum, Nero collega qui eidem auxilium
 apportarat, victorięq; maior pars fuerat, quoniam
 id in

Id in alterius prouincia fecerat, ouationem duntaxat obtinuit. Præterea, si magistratum legitimū non gererent, neq; præessent exercitui, vt Dictatores, Consules, Prætores, non triumphabant. Ob id L. Cornelius Lentulus tametsi magnis rebus perpetratis, triumpho excidit, quod Hispaniam cum imperio proconsulari tenuisset. Triumphos tamē deportarunt Proconsules Scipio de Annibale & Pœnis, Cn. Manlius de Gallo græcis, Paulus Æmilius de Ingaunis, & Liguribus, Pompeius de Sertorio. Idem eques tantū, & in ordinem senatorum necdum relatus, deuicto in Africa Dōmitio triumphalibus ornamentis honoratus est. Nec semel, sed sæpius in eodem magistratu, & aduersus eosdem hostes bello prospere gesto hoc decus permissum legimus. Qui magistratu superiore præditus esset, solus triumphū habebat. Non ergo Consul cum Dictatore, aut Prætore triumphabat, ne minor potestas maiorem æquare videretur: neue auspicia, quæ maioris magistratus sunt, cum minoribus confunderetur: quamquam Dictatorem cum Magistro equitum triumphali pompa inuentum licet cognoscere. Adhæc, illis tantū triumphus dabatur, qui rem Romanam militiæ auxissent: non qui vel collapsam instaurassent, vel amissam recepissent. Igitur Q. Fuluius Capua recuperata, & L. Opimius Fregellanis ad deditiōnem compulsis, Scipio item de reductis in fidem Hispaniis, Marcellus de occupatis Syraculis triumpho caruerunt. S. Ita est, nam meminī eadem mihi lecta. Nec solebant triumphare de hostibus eiusmodi, vt bellum contra eos susceptum in

erubescendis poneretur, quales serui, piratæ, fugitiui, & similes. Veruntamē M. Crasso Diuiti, quod duodena gladiatorum millia fugasset permissa ouatio. R. Quinam gladiatores isti, & quodnam huius belli initium? S. Pro me Velleius respondebit, cuius hæc sunt verba lib. 2. Dum Sertorianum bellum geritur in Hispania 64. fugitiui è ludo gladiatorio Capua profugientes, duce Spartaco, raptis ex ea vrbe gladiis, primò Vesuuium montem petiere; mox crescente indies multitudine, grauius variisq; casibus affecere Italiam: quorum numerus intantum adoleuit, vt qua vitimo dimicauere acie 40. millia hominum se Romano exercitui opposuerint. Huius patrati gloria penes M. Crassum fuit. Ac ciuili bello quantumuis nobili confecta victoria, rebusq; gestis ad vtilitatem Reipub. permagnis, nihilominus nec Imperatoris nomen, nec supplicationem, nec triumphum, nec ouationem victor adipiscebatur. Nec aras item, nec signa diis statuebant, nisi ob externas victorias. Tacitus de Tiberio lib. 3. Idem cum Valerius Messalinus signum aureum in æde Martis Vltoris, Cecina Seuerus aram Vltioni statuēdam censuissent, prohibuit; ob externas victorias sacrari dictitans: domestica mala tristitia operienda. Illud quoque non tacendum, Romanum ciuem licet perniciosum ciuitati, victum non licuisse per triumphum ducere. R. Rationem negatorum honorum peruidere non est difficile: & sine dubio prudenter ac piè factum. Quamquam enim huiusmodi victoriæ interdum necessariae sunt, certè semper luctuose sunt: nec potest domesticus cruor nisi tristem

com-

comparare lætitiā. F. Nihil ergo de triumpho cogitandum fuit Nasicæ, Tiberij Gracchi sociorumque perditissimos conatus vindicanti. Nihil Metello C. Opimium interimenti. Nihil C. Antonio Catilinam cum perduellibus prælij congregatione superanti. In odium pop. Rom. Cæsar cecidit, qui & de filiis Pompeij triumphare ausus est, & in pompa præferre Massiliam. De quo scriptum est à Cicerone in 2. de Officiis cum querela in hunc modum. Itaque vexatis, & perditis exteris nationibus, ad exemplum amissi imperij portari in triumpho Massiliam vidimus, & ex ea vrbe triumphari, sine qua nunquam nostri Imperatores ex transalpinis bellis triumpharunt. Tangit item Philipp. 8. & ingemuisset dicit pop. Rom. nec fuisse quenquam, qui huius fidelissimæ ciuitatis miseria à se alienas arbitraretur. Laus contra Sullæ impertienda, qui cum plurimas Asiæ Græciæque vrbes in triumpho deferret, ne vnum quidem oppidulum Romanorum detulit. Institutum præterea, vt qui triumphum peteret, prius Romam victorem exercitum, cuiusque virtutis ignauiaque testem reportaret, & prouinciam successoribus quam maxime aptam, expeditam, ac perdomitam traderet. In ædem Bellonæ extra urbem senatus vniuersus cogebatur (nam triumphus candidato seu petitori urbem inire, dum peteret, non licebat) ibi patres de rebus à se gestis victor docebat. Velleius de Paulo Emilio. Is cum in concione extra urbem more maiorum ante triumphus diem ordinem actorum suorum commemoraret. Aderant Legati, Tribuni militum, Centuriones, milites tamquam testes omnium:

nium : quamquam frequenter absentibus, rebus eorum cognitis triumphum decretum esse non nescimus. Facto senatus consulto ad populum referrebat, ille iubebat, Patres auctores fiebant, & solo populi iussu aliquando, Patribus inuitis triumphatum est. Quæ autem triumphum impedirent, hæc fuerunt. Si Tribuni plebis Imperatori triumphum postulanti parum essent amici, atque ideo rogationem recusarent. Si rogationem quidem ferrent, at eam populus suffragiis non probaret. Si ferente rogationem Tribuno vnus aut plures de collegio intercederent. Si Tribunus Imperatori ob rem bello secus gestam diem diceret. R. Bene tu ista de impedimētis. Sed ne tanquam inane, & leue illud taceamus, q̃ Romam proficiscētes ad triūphalia duces, Itali, quacūq; pergerent suis & ipsi quibusdam honoribus exciperent. F. Proximū arbitror, ipsam pompam, apparatusq; triumphi, seu modū, & rationem ipsam triumphandi ad mutuum delectamentum perpendere. S. Hic tu, Fide, *πρωταγωνιστῆς*, seu primarū partium actor eris quodammodo : quem quidem honorem & Rogatianus, & ego tibi non solū quia annis, verum etiam quia scientia vetustatis nobis prior es, perlybentes habebimus. F. Nihil me iste honor mouet: & tamen grates vtriq; vestrū. Fuit eritq; mihi semper iucundum de antiquitatis memoria colloqui, si quem aut nactus sum, aut nanciscar in posterum erectum ad audiendum : & quicum in isto genere sermonis bonas horas nō pessimē collocem. S. Quid autem duobus hisce sodalibus tuis erectius, quid cupidius, aut sitientius? F. Quod est pro-

propositū, videtur mihi generatim explicari posse taliter modo: nam de singularibus horum illorumue triumphis singularia etiam quædam dici posse non ignoratis, & ego quædam huiuscemodi afferam rei illustrandæ. R. Et verum est, quod ais, & placet quod promittis. F. Donatis ob virtutem militibus, Tribunis, Præfectis, Centurionibus, factoque sacrificio Imperator in currum ascendebat, in hæc verba precatus. DII, NVTV ET IMPERIO QVORVM NATA, ET AVCTA EST RES ROMANA, EANDEM PLACATI, PROPITIATIQUE SERVATE. Sed de curru, & ornatu Imperatoris suo loco. Cum eo deductum negotium, ut impetratus per urbem triumphus duceretur, qui erant cum potestate tam sacra quam civili, senatus populusque, omnis ordo, ætas, sexus in veste candida, in gratulationes, & gaudia effusi ad triumphatorem, velut numen aliquod videndum excipiendumque se foras dabant. In prima pompa, & veluti in fronte agminis longissimi ordine longo præportabantur simulacra montium, fluminum, oppidorum atque urbium belli iure acquisitarum. Scipioni quidem Asiatico vno triumpho triginta supra ceterum prælata memorantur: Iulio Cæsari Massilia, Nilus, Rhenus, Rhodanus, ex auro & ebore omnia. Nulla quamquam exterarum, nullius tamen Romanarum urbium effigiem, ut nec ullius civis Romani imaginem sibi præferri passus est. Quod contra Cæsar voluit in imaginibus Scipionis, Petrei, Catonis, at non Pompeij. Multitudo quandoque in causa erat, ut turres tantum, quasi urbium vicariæ gesta-

gestarentur. Gestabantur item tabulæ, in quibus elementis vncialibus perscriptus nauium captarū numerus, vrbiū expugnatarum, in fidem receptarum, tributo affectarum, gentium debellatarū, regum deuictorum nomina, qui tituli dicebantur. Succedebant hostilibus spoliis, & armis onerata plaustra cum signis militaribus non erectis, sed iacentibus. Deinde varia tormenta bellica, & muralia, cum rostris nauium, falcati currus, insignes clypei, lecticæ aureæ, signa, vasa aurea, argentea, ænea. Omne aurum, argentumq; factum non factum, rude signatum ex vrbiū præda in triumpho deferrebat, ac perscriptum in tabulis ad ærarium dabatur. Paulus Æmilius Macedonia subiugata tantum intulit spoliū huius generis, vt ex illo pop. Rom. tributum pendere desierit. Tenebāt item locum suū in pompa res raræ, ignotæ, peregrinæ, è domitis & longinquis regionibus, visu admirandæ. Vespasianus balsamum arborem Romæ nunquā conspectam è Iudæa detulit. Pompeius Mithridate oppresso ebenum arborem Indicam, & triumpho tertio alueum cum tesseriis, confectum è duabus gemmis stupendæ magnitudinis. Cn. Manlius Asia deuictā monopodia, abacos, vestem stragulam, ærata triclinia. Scipio Asiaticus de Antiocho triumphans dentes eburneos supra mille ducentos. Aurelianus Augustus inter alia miranda tigrides, alces, camelopardales. Erat insuper videre elephantos, equos captos, obsides. Sequebantur tubicines, modos triumphales facientes. Secundū eos boues albi, cornibus inauratis, vittis ac fertis euincti, ad sacrificiū Ioui, dextra

traleuāq; popæ succincti, aureas argenteasq; pateras præferentes. Gradiebantur mox Tribuni militum, Centuriones, Præfecti, equites ac pedites insigniores de victore exercitu, qui nimirum donis militaribus ob egregia facinora cohonestati fuerant: quæ dona palam quoque conspicienda ferebantur, & erant varia coronarū genera, torques, phaleræ, armillæ. Hi, inquam, omnes spoliis armisque conspicui, & lauro tempora vincti incedebāt, clamantes Iō triumphe, Imperatoremq; magnis vocibus collaudantes. Liuius lib. 10. Triumphauit in magistratu (Papyrius) insigni, vt illorum temporum habitus erat, triumpho. Pedites equitesq; insignes transiere, ac transuecti, multæ ciuicæ coronæ vallaresq; ac murales conspectæ. Reliqui omnes lauro ibāt coronati, boni ominis causa nimirum, vt quemadmodum illa semper viret: sic res pub. æternum floreat. Locus ab his proximus describebatur regibus, nobilibus, & bello clarioribus, atq; etiam hostium ducibus, qui quidem fere aut curculis vehebantur, aut ferculis gestabantur, constrictis à tergo manibus. Pompeio regum filios, & obliides quatuor & triginta supra trecentos obtigisse proditum reperi. Quod si eos mors ante occupasset, eorum simulacra portabantur, quemadmodum Alexandrino triumpho Cleopatrx Augustus fecit. Ducta est alia quoque non humilis mulier viua ab Aureliano, Zenobia neptæ Palmyreorum regina. Simul autem de foro versus capitolium currus triumphalis fledebāt, duces in carcerem abduci præcipiebat Imperator, vbi vel æternis in vinculis retinebantur, vel securi

statim feriebantur. Coronæ aureæ, quibus vrbes sociæ, populiq; fœderati Imperatorem ob virtutem, & honoris ergò munerauerant, à ministris ferta oleagina gerētibus etiam præferebantur. Cæsar, teste Appiano, duo millia octingentas & duas supra viginti habuit. L. Manlius mille quingentas. C. Calpurnius Piso quatuor & octoginta. Q. Fulvius Flaccus quatuor & viginti supra centum. Herculis quoq; signum ante triumphantem vehi solitum narrauit Asconius. Præterea currum præcedebant cum coronis citharædi, & tibicines eximij, in quorum medio quispiam talari vestimento opertus, qui gesticulationibus, & diæteriis risum concitaret. Currum stipabāt senatores, albatī omnes. Tantus deniq; apparatus erat triumphī plerūque, & tanta rerum visendarum copia, vt aliquando noctes & dies, totūque triduum eo ducendo consumeretur. Ipse Imperator præeuntibus lictoribus, veste purpurea, auro intertexta fulgebat, quali extra hanc pompam nemini fas vti, caput reuinctus corona laurea, tenēs vna manu ramum laureum, altera sceptrum eburneum: & quo fieret conspectior, faciem minio illinebatur, Assyriorū Medorumq; regum exemplo, apud quos iste mos (cuius auctor Cyrus) fucandi faciem. De curru hæc produntur. Fuisse inauratum, gemmisq; distinctū nec bellicarū ludicrarūmve quadrigarū, sed turris rotundæ similem, duabus rotis sustinentibus, deorum imaginibus mirè decoratum. Sub eo, qua parte sedebat triūphator, suspensum idolum Fascini, de quo Plinius lib. 28. cap. 4. Deus Fascinus Imperatorum quoq; non solum infantum custos, currus

currus triumphantium, sub his pendens, defendit, medicus inuidiæ, iubetq; eosdem respicere, id est, vt ego interpretor, hominem se esse recordari. Traditum & hoc, in ipso curru ministrum publicum vna vehi consueſſe, qui pone auream coronam lapillis corruſcantem ſuſtinēs, Imperatorem admoneret, vti reſpiceret, id eſt, reliquum vitæ ſpatium prouideret, ne ſuperbia tumeſceret. Hanc coronam triumpho perfectō in gremio Iouis Capitolini reponere, aut templis dicare mos iubebat, argumēto confeſſionis, deorum, Iouis ac deārum beneficio donatam populo Romano eam victoriam. Præterea hæc appendi ſolita, tintinnabulum & flagellum, quibus ſymbolis intelligeret, ſe in eam deuolui calamitatem poſſe, vt flagris multatus capite damnaretur: ſiquidem qui comperti capitalium facinorum ſupplicium vltimum expendebant, tintinnabula geſtabant, ne quis obuius eorum contactu pollueretur. Conſueuerant item triumphantes in curru accipere paruos liberos, pueros ac puellas. Si deeſſent proprij, nepotulos. Si grandiores eſſent, equis curru ſubiunctis impoſiti, à cognatis, & aſfinibus ſuſtentabantur ne decidērent. Si plures ſingulis equis inſidentes, currum proſequebantur. Cic. pro Muræna. An cum ſedere in equis triumphantium prætextati poſiſſimū filij ſoleant, huic donis militaribus patris triumphū decorare fugiendū fuit, vt rebus communiter geſtis pœne ſimul cū patre triumpharet? Currū trahebāt equi candidi quatuor. Pompeius triumpho Africo iunxit elephantos, quē ſuperauit Cæſar, qui, auctore Suetonio, Gallici triūphi die in

Capitolium ascendit ad lumina, elephantis quadraginta dextrâ leuâque lychunchos gestantibus. Nero hermaphroditas equas, Heliogabalus quaternos canes, mox tygres. Aurelianus vestus est quatuor ceruis, quos de rege Gothorum cum eodem curriculo caperat, Iouiꝫ in sacrificiũ vouerat. Sic ergo ornatus, vt dictum, taliꝫ in curru sedens Imperator, per triumphalem portam ad Capitolium ascendebat: sed lentissimè, propter impedimenta videlicet, machinas, præcedentem, sequentem, comitantem multitudinem. Post eum captiui, seruitute exempti, libertate donati, omnes capitibus rasis, & pileati. Tum victrices legiones, idꝫ per turmas cum fertis laureis, Imperatorem prædicantes, nec minus cum iocorũ lasciuia versus inconditos, & malè natos in eum iactantes. Quod & Martialis tetigit lib. 1.

*Consuevere iocos & festi quoque ferre triumphi,
Materiam dictis nec pudet esse ducem.*

Camillum dixerunt (vt genus ipsum perspiciatur) Romulum, parentem patriæ, instauratorem vr-bis. Marium tertium vr-bis conditorem. M. Manlium vt indulgentem, & ambitiosum carpsērunt. Cæsari adulteria sua, spurcissimasꝫ libidines obiecerunt.

*Vrbani seruati & uxores, mæchum caluum adducimus.
Auro in Gallia stuprum emisti, hic sumpsisti mutuum.*

Et, Gallias Cæsar subegit, & c. Ventidio autem Baso Parthici triumphi die occinuerunt.

*Currite omnes augures, aruspices:
Portentum inusitatum conflatum est recens.
Nam, mulos qui fricabas, Consul factus est.*

R. Facile ex his coniciat militarem licetiam quiu-
uissetiam. F. Qui ex ædibus diuersisq; Italix locis
spectatum ruebant, nitebant vestibus, vultu ipso
ingentem lætitiã animorum testabantur. Totã
via qua triumphus ducebatur, aulaeis ad parietes
suspensis ornabatur: spargebantur flores & odo-
res vndiq; vtrinq; sedilia, & tabulata seu ponticu-
li pro spectaculis disponebantur: & quo esset ap-
tior, expeditiorq; via, ministri baculos inauratos
ferentes turbam e medio summoueabant. Delubra
via imminencia patebant, intenta fertis, & suaue-
olentibus repleta suffitionibus. Ibi vota & preces
concipebantur, ibi hostiæ immolabantur, & diis
gratiæ agebantur. Postquam aduectus esset in Ca-
pitolum, gratiarum actionem his verbis effari so-
litus est. GRATIAS TIBI IVPITER OPT. MAX.
TIBIQVE IYNONI REGINAE, ET CAETE-
RIS HVIVS CVSTODIBVS HABITATORI-
BVSQVE ARCIS DIIS, LVBENS LÆTVS-
QVE AGO, RE ROMANA IN HANC DIEM,
ET HORAM PER MANVS QVOD VOLVISTIS
MEAS SERVATA, BENE GESTAQVE: EAN-
DEM ET SERVATE, VT FACITIS, FOVETE,
PROTEGITE PROPITIATI, SVPPLEX ORO.
Tum magna cæremonia victima cædebantur, &
corona aurea, cuius ante meminimus, cum pre-
tiosis manubiis, & spoliis opimis Ioui dicabatur.
Post, epulum conquistissimum publicè dabatur.
Cæsar dedit duobus & viginti millibus triclinio-
rum instructis. Tiberius quoque mille mensis, &
cõgiarium viritum tricenos nummos. In ipso item
Capitolio impensa publica, ad quod Consules in-

uitati, statim rogabantur, ne venirent: nempe, ne quis eo die honoratior triūphante appareret inter illas epulas. Interdū epulæ ante domos victoribus militibus propositæ. Animaduertenda porro illius sanctissimæ Reipub. prouidentia ad insolentiam fastumque retundendum, cuius exemplum antea quoque memoratum est. Etenim ne triumphator nimium sibi in tantis honoribus placeret, seruulus iuxta assidebat, qui subinde hæc fabularetur: magis seruo tuo pareo, quam tibi. Quo conuitio monitus, se metiri disceret. Atq; vt huiusmodi triumphorum memoria permaneret, non in publicis tantum confessibus honestissimus locus datus viris triumphantibus, concessumq; vt in spectaculis lauro redimiti, & sella curuli sedentes adessent: sed etiam erectæ illis columnæ, statuæ, arcus, trophæa, aliq; monumenta. Quin & aditus adium spoliis hostilibus exornabantur (non tamen bello ciuili adeptis.) Hæ erant, vt Plinius dicit, animorum ingentium imagines, quæ emptori refigere non liceret, triumphantq; etiam dominis mutatis ipsæ domus: & erat hæc ingens stimulatio, exprobrantibus testis quotidie inbellem dominum intrare in alienum triumphum. Corollarium esto quod dicturus sum. Apud Liuium præferre triumphum diem est, triumphum diem anteferre, præcipere, maturare, ante diem constitutum, & destinatum triumpho. Sic enim habet lib. 39. Ne plus in triumpho certaminum, quàm in bello haberet, prætulit triumphum diem. De triumpho hucusq; S. Auditum quidem egregia fuerunt: visu quam speciosa, magna, delectabilia fuerint, tantum licet conici.

R. Vt

R. Vt alia scilicet plurima de vetustate: atque adeo Romam ipsam veterem, cuius imago in libris, & tabulis imperfectissima. F. Et homines, & adificia eodem fato sunt: neq; illi, neq; hæc æterna sunt: tempus est edax rerum. De ouatione ordiamur.

Genus fuit minoris triumphi, nec tamen non etiam magnifici & gloriosi, vt apparebit. De eius originatione rectius Plutarchus quàm Festus. Nō enim à geminata, o, litera, quod faciunt ē pugna milites victores reuertentes, dum clamoribus lætis indulgent: sed ab oue ouatio, quam sacrificabant, qui isto modo triumpharent, vt taurum, qui illo altero, de quo disseruimus. R. Quæso simul expōne causas hoc loco, ob quas daretur ouatio. F. Faciam. Si bella non rite fuissent indicta, neque cum iusto hoste gesta: aut si hostes despicabiles. Item si ob deditionem incruenta, &, vt dici solet, impuluere victoria vicisset. Cum verbis, & comitate res cum hostibus transacta, & bene gesta esset. Cum non penitus debellati hostes, sed depulsa solum pericula, & illi fugati, perculsi, consternati, aut à populationibus coerciti, nec magnis cladibus affecti. Cum non in propria, sed aliena prouincia res confecta esset. Cum reliquæ belli superessent, nec adhuc pacata prouincia. Si ex prouincia exercitus non deportatus, nec successori traditus. Has ferme causas Gellius & Plutarchus adducunt. Primus ouans urbem est ingressus. P. Posthumius Tubertus Consul anno ab vrbe condita CCL. fuitq; quantium corona myrtea: q; non Martius, sed quasi Veneris quidam triumphus foret.

Plin. lib. 15. cap. 29. Bellicis quoq; se rebus inferuic (myrtus) triumphansque de Sabinis Post humius Tubertus (qui primus omnium ouans ingressus est urbem, quoniam rem leuiter, sine cruore gesserat) myrto Veneris victricis coronatus incescit, optabilemq; arborem etiã hostibus fecit. M. Crassus lauro vsus est. Quod ad reliquam pompam attinet, Senatus ei vniuersus, atque omnes ordines obuiam prodibant: oppida bello capta, signa militaria, spolia, arma, munera quæ acceperat, vt in triumpho, præferebantur. Item præibant duces hostium capti & vincti, cum obsidibus, aurea & argentea vasa, & huiusmodi portabantur. Milites etiam donati, sua dona præcedentes ostentabant. Dux ipse myrtea seu laurea corona insignis, & vt quidam tradiderunt, sceptrum ferens manu, equo infidebat, purpura vestitus. Senatus subsequeretur, plebs & equites antecederant. Principiò sine exercitu, pedibus urbem ouantes inibant: & ex duobus Imperatoribus re bene gesta alteri triumphus, alteri ouatio dabatur aliquando, vt bello Punico secundo Liuius, & Claudio Neroni contigit. Agebantur autem non tauri, sed oues coronatæ ante ducem, quæ exacta pompa immolabantur. Non erat tubarum, sed tibiarum vsus in ouatione, de qua plus verborum facere me ne postuletis. R. Pro tempore multa de utroque triumpho satis. S. Percuperem vt istis Phœbi soni pedibus quispiam frenis arreptis moram iniiceret, ne tam celeri cursu ad occasum festinarent, lucemq; componerent. Inumbrare polum vespera incœptat, discedendum est. F. Discedamus.

ANNOTATIONES.

ET ABSENTIBVS IMPERATORIS) *Quibus, & quare à senatu hoc nomen tribueretur, diximus progymnasmate politico 17. & in eius annotationibus. SUPPLICATIONESQVE) Senatus populo deum templa aperiri, gratias illis Imperatoris nomine obrem feliciter, & auspiciatissime gestam agi iubebat: idq; aliàs plures, aliàs pauciores per dies fiebat. Demum eò res progressa, ut etiam in quinquaginta dies decerneretur. Hoc genere honoris cultus est M. Tullius togatus, oppressa cõiuratione Catilinaria, ob quam item civicam coronam ei deberi L. Gellius testatus est. De utroq; in Pisoniana ipse hunc in modum. Me Q. Catulus princeps huius ordinis, & auctor publici consilij, frequentissimo senatu patrem patriæ nominavit. Mihi hic vir clarissimus, qui propter se sedet, L. Gellius, his audientibus, civicam coronam deberi à Repub. dixit. Mihi togato senatus, non, ut multis, bene gesta, sed, ut nemini, conservata Reipub. singulari genere supplicationis deorum immortalium templa patefecit. POMPEIVS DE SERTORIO) Laudes Pompeij ovomixōs leges cum volueris, apud Plinium lib. 7. cap. 26. Easdem suavi eloquentia sua persequitur Velleius lib. 2. principio, dicens, huius viri magnitudinem multorum voluminum instar exigere. Plena etiam manu eundem commendavit Cic. pro lege Manilia ad Quirites, cum diceret*

ceret de Imperatore deligendo: quam orationem nonnulli pro Pompeio inscribendam censuerunt. De Iulio Cesare eundem Plinium eod. lib. cap. 25. Velleium lib. 2. MARCELLVS DE OCCVPATIS SYRACVSIS) Valerius quidem negat lib. 2. cap. 3. quia sine ullo magistratu eo missus fuisset. Plutarchus triumphasse affirmat in Albano, in vrbe ouasse. Similiter Linius lib. 6. belli Punici, & pratulisse in triumpho simulacrum Syracusarum. IN CVRRVM ASCENDEBAT) Qui triumpharent vrbe adhuc recenti, & nec dum rerum domina, non curru, non equo, sed pedibus suis portabantur. Camillum Dictatorem primum curru triumphali, seu potius equis albis ad currum adiunctis inuectum, sunt qui tradiderunt. Romulum quoq; Acrone Ceninensium Rege deuicto, quadriungo curru urbem iniuisse narrat Dionysius. De curru & aliis quae infra sequuntur in explicatione pompa triumphalis Cic. in Pison. Quid tandem habet iste currus? quid victi ante currum duces? quid simulacra oppidorum? quid aurum, quid argentum? quid legati in equis & Tribuni? quid clamor militum? quid tota illa pompa? QVI TITVLI DICEBANTVR) Multiplex huius vocis significatio proponenda est. Titulum dicebant, qui in operibus auctorem seu artificem demonstrabat. Titulum gestabant fontes. Eriam titulus illa indicatio in ludis, cui deo, deae, cuius Imperatoris saluti, indulgentiae, victoriae fierent. Titulus praeterea adibus

vendundis affigebatur. Titulus affixus alicuius facultates omnes in fiscum redactus monebat. Titulum amphora vinaria, & victima quoque in Capitolium ducende habuerunt. PAVLVS AMILIVS MACEDONIA) Ciceronem testem aduocabimus, qui sic scribit 2. Offic. in extremo. *Omnis Macedonum gaza, quae fuit maxima, potitus est Paulus: tantum in ararium pecunia inuexit, ut unius Imperatoris praeda finem attulerit tributorum. Pecunia autem illa, ut ex Velleio patet, fuit sexagesies ter centena millia coronatorum, seu trecenta millia supra sex milliones, quod vulgi verbum est. De hoc Velleius libro 1. virum in tantum laudandum, in quantum intelligi virtus potest. De victoria autem & triumpho eiusdem hunc in modum. Is Perseum ingenti prelio apud urbem nomine Pydnam in Macedonia fuscum superatumque castris exiit, delevitq; eius copias, destitutum omni spe, coegit e Macedonia profugere: quam ille liquens, in insulam Samothraciam profugit, templiq; se religioni supplicem credidit. Ad eum Cn. Octavius P. R. qui classi praeerat, pervenit, & ratione magis quam vi persuasit, ut se Romanorum fidei committeret. Ita Paulus maximum nobilissimumque regem in triumpho duxit, qui tantum priores excessit, vel magnitudine regis Persae, vel specie simulacrorum, vel modo pecuniae, ut bis milles centies HS. arario contulerit, & omnium antea factorum comparationem ampli-*

amplitude vicerit. IO TRIUMPHE. Horat. Od.
2. lib. 4. morem cum hisce vocibus retulit.

Tuq; cum procedis, Io triumphe
Non semel dicemus, Io triumphe
Ciuitas omnis: dabimusq; diuis
Thura benignis.

Et Ode 9. Epod.

Io triumphe tu moraris aureos
Currus, & intactas boues.

Linii lib. 45. militum quidem propria est caussa,
qui & ipsi laureati, & quisq; donis quibus donati
sunt insignes, triumphum nomine cient. CLEOPA-
TRÆ AVGVSTVS FECIT) De voluntaria huius
morte Horatius Ode 31. lib. 1. Velleius lib. 2. At Cleo-
patra frustratis custodibus illata aspide, morsu sanè
eius, expers muliebris metus, spiritum reddidit. Vi-
nam capere Augustus magnopere cupiebat, quod
eam ad triumphigloriam magnum momentum alla-
turam sciret. Altera caussa cur id tam vehementer
optaret fuit, ut in Antonio auctor est Plutarchus,
quod metuebat, ne illa pecuniam, quam penes se ha-
bebat, corrumperet, ac dissiparet. ZENOBIA NEM-
PE PALMYREORVM) Amplissimas laudes regi-
na huius persequuntur Trebellius, & Vopiscus. Mili-
tari prorsus animo, & factis mulier. Si se gravidam
factam sentiret, usq; ad partum aspernabatur, quod
coniugibus mariti solent. Ita non dulcem Venerem,
sed dulces natos tantum quarebat, memorabili exem-
plo castitatis etiam in libera, nec turpi voluptate.


Cum

Cum in triumpho duceretur, sapius necesse habuit
 consistere propter onus ornamentorum gemmarumq;
 sub quo laborabat. Vinciti etiam pedes auro, manus
 catenis aureis, nec collo aureum vinculum deerat.
 Mirifice eam scribens ad senatum laudavit Aure-
 lianus, cum incusaretur à quibusdam, quòd mulie-
 rem veluti ducem aliquem vir fortissimus triumphas-
 set. ET SPOLIIS OPIMIS) *Qua dux hostium*,
duci ab se interfecto detraxit. Varro ait etiam opima
spolia esse, si manipularis miles detraxerit, dūmodo id
duci hostium. ADITVS ADIVM SPOLIIS
HOSTILIBVS) Linius. Spolia eius urbis ante cur-
rum laturus, & fixurus in postibus suis. Attingit con-
suetudinem istam & Virgilius lib. 2. Æneid.
Barbarico postes auro spoliūq; superbi.

Et in. 7.

Multaq; præterea sacris in postibus arma,
 Captius pendent currus, curuaq; secures,
 Et crista caputum, & portarum ingentia claustra,
 Spiculaq; clypeiūq; crebraq; rostra carinis.
 Adiciatur pro coronide. Ab urbe condita ad Ve-
 spasianum & Titum, Romani triumphos egerunt vi-
 cenos supra trecentos: de Samnitibus solum quatuor
 supra triginta. Pluries de Gallis, quam de re-
 liquo terrarum orbe trium-
 pharunt.





DE RE NAVALI.

PROGYMNASMA TRICESIMUM.

Vita nautica.

VRBICVS, MERCATOR.

VRBICVS. Edicito bona fide, mi vetule, & quibus terrarum oris, aut qua demum ex insula in hunc orbem nostrum hasce merces? M. Partim ē Cyp̄o, partim ē Lusitania: vbi in præsens ampla negotia & expedita habeo. Aliquando alia mercimoniorum genera Constantinopoli & Alexandria Venetias apportauī, benē refertis onustisq; nauibus. Constitui autem, si Deus annuerit, propediem nauigare Calecutum in Indiam, ex illoq; mercatu celeberrimo res nouas, visendas, pretio dignas Europ̄is vrbib⁹ inferre. V. Etiāmnē tu igitur ad extremos Indos? M. Per saxa per ignes cucurrerim, dum ita paupertatem effugiam, cuius onus mihi semper visum est & miserum, & graue. V. Paupertatem? M. Duram, s̄uam, audacem, importunam paupertatem. V. At iam benignitate diuūm, & virtute maiorum, & industria tua diues es satis. M. Opinione quidem mea nec fui, nec ero: & hæredes relinq̄am permultos: alios quasi in prima
cera,

cers, alios in secunda, alios in ima. Forſitan tibi quoq; vt olim familiari meo, ſextulam aſpergam. V. Hæcine cauſſa tibi huius vel audaciæ, vel infamiae? M. Quam tu audaciam? quam, vrbane tu, tam inurbanè mihi infaniam? V. Quia faciunt quibus vitæ in marinis fluctibus agitandæ ratio complacita eſt, vt nec in viuſ ducèdi ſint, nec in mortuis. M. Quoid tandem modo? V. Ob certiffimum, & ante oculos poſitum diſcrimen: ſiquidem à morte non plus diſtât digitis tribus: quam crassiæ ſunt videlicet tabulæ, vnde nauigia compinguntur: illa q̃ ſola ſecura nauis eſt, quæ portum tenet, alia nulla. M. Vt periculofum & lubricum ſit tranſmittere maria, cedò, minùsne periculi eſt in prælio, cum miles hoſtilem impetū defendere, interq; micantes gladios ac tela volantia incolumem ſe præſtare cogitur? Eſt cum victus occumbit: ſæpe tamen acie victor exceſſit: quanquam haud ſine luculentis vulneribus, quæ cum iam conſanuerint, ipſæ ei cicatrices pro ornamento ſunt. Quoniam ergo militare præſentiffimo cum periculo vitæ coniunctum eſt, ne proſiteamur militiam. Poſſit ne fieri quidquam ſtultius? Quid verba incaſſum fundimus? ſua quemq; ars, ſuum ſtudium maximè retinet: hos caſtra, illos honores, iſtos agricultura, alios voluptates, quofdam literæ, me nauigatio. V. Tandem vi tempeſtatis conſracta nauis eſca piſcium fiet: aut alicubi in litus ſolum eiectus, & exanimis, qui ter puluerem tibi iniiciat inuenies neminem. Poteritq; illud Maronianum in te non ſecus atque in Palinurum iactari.

*O nimium calo, & pelago confise sceno,
Nudus, & ignota Palinure iacebis arena.*

M. Vtrum corpus hoc meum sepulchro committatur, an verò inhumatum relinquatur, non laboro. Hæc eadem membra, hanc pellem ille rerum naturæ opifex, & omnium deus nouissimo die mihi restituet, quamuis mortuum balæna, vt Ionam viuum deglutiuerit, nec vnquam reuomuerit. I. Ideo ne tantum, quia indocilis es pauperiem pati: quia cupidus opulentia, toties te credis pelago? toties huic confidis monstro? M. Amo fortunas amplissimas, & mihi videtur bonus odor lucri vndecunque. Nihilominus alia sunt causæ, cur tot lustrem æquora. V. Quænam illæ? M. Quòd hominum vitæ commodare annitor, quæ sese tueri profectò non queat, si omnis nauigatio conquiescat. Nulla regio, nulla prouincia, pars mundi nulla est, nedum ciuitas, quæ aliarum opibus & subsidiis non summopère vehemèterq; indigeat. Non quæuis fert omnia tellus. Hæc segetibus luxuriat, illa auro, argento, gemmis abundat, ista metallis cæteris, alia aromatis, nonnullæ iis præterea rebus, à quibus alia inopes sunt ac defertæ. Hæ res mercatorum laboribus tum vectura tum nauibus exportantur & importantur. Num mentior? quid habes quod opponas? V. Nihil falsi prolocutus es: neque vllum vitæ genus facillè reperias, in quo bona malis, recta vitiosis admista non cernantur: quò fit, vt nemo sua sorte perpetuò contentus viuat, laudet diuersa sequentes. Nam & miles ad extremum ætate & opera militari fessus, mercatores præ se beatos exclamat: mercator

etator contra nauim iactantibus Austris, aut militiam & graue Martis opus, aut vrbantum orium, aut rusticanam vitam suspirat: quod nescio an tibi quandoque vsu venerit. M. Venit. V. Quin ergo è tanta miseria exemptus, & ab ipsis tartari faucibus vindicatus, aliud viuendi institutum, quietum atque in tuto collocatum amplecteris? M. In alio non inuenio tanta compendia: & humano generi mercatura facienda, iterandisq; cursibus æquoreis plus vtilitatis, quam seu honoribus gerendis, seu aliqua fabrica exercenda concilio. V. Cum publicorum emolumentorum percupidus ac studiosus es, probatur id mihi maiorem in modum. M. Si historicorum monumenta reuoluas, quæ ego duntaxat primoribus, vt auiunt, digitis attingi, clarissimè perspicies, eas vrbes, quæ ad propulsandas iniurias, ad imperium tuendum propagandumq; classem semper instructam & paratam habuerunt, principatum inter reliquas tenuisse. V. Scio Athénis, Carthagini, Byzantio potissimum gloriari ob hoc licere: nec me clam est, quatum diuitiarum nostro æuo Genua & Venetia duo sidera Italiae sibi hac opportunitate pepererint. M. Quod tu porro de morte præsentis, & ipsis sese oculis ingerente occinebas, sic habeas velim, nõ me huc vsq; vita processurum fuisse, si nauigationibus temperassem. V. Ludis me. M. Neutiquam. Vt enim cæteros morbos prætermittam, quibus depellendis facit nauigare, phthisi tabescens, & hæmorrhæam patiētib; salutiferum est: quorum malorum hoc iam laborabam, illud me tuebã, vtroq; liber sum & immunis. Nec parum ad

integritatem valitudinis conducunt vomitiones, quibus ingredientiæ primùm mare, & aliàs iidem quoq; nauibus sursum deorsum, dextrorsum, sinistrorsum iactatis, perpurgatur. V. Vt hic in cælum fert, quod diligit? M. Nondum audisti præcipua. V. Sûntne maiora his? M. Ac multo quidem. V. Auscultare perlubet. M. Qui plurimum vitæ in mari traducunt, nulli propemodum eorum scelearum reperiuntur affines, quibus cooperiuntur, qui in mediis urbibus ætatem agunt. A cupiditatibus & libidinibus, quarum illic summa licentia, & copia maxima est, remoti alieniq; sunt. Diuersorum locorum, variarum insularum, plurimarum gentium, legum, morum, rituum, cæterarumq; rerum pæne infinitarum cognitionem adipiscuntur, sermone hominum celebratur, & tanquam miracula suspiciuntur. Tu quidem nō pauca, uti arbitror, in libris lestitasti, quæ ego vectus equo ligneo per cæruleas vias coram sum intuitus: quod longè iucundissimum esse, tu ipse fatearis oportet. Si vidisses, statim nuntium huic urbanæ vitæ remitteres, ad nauticam conuolares. V. Non non, quamuis sciam adepturum me Persarū montes aureos. Mene adeo à consilio & ratione discessisse? me hanc vitam colere? vitam laboriosam, sollicitam, ærumnosam, agrestem, inhumanam, barbaram? in qua toleranda frigora plus quam Caucasæ, perferenda caumata grauissima, versandum in squalore, in fame, in siti, in horrore, in pauore assiduo. M. Molestiæ nauigantium potius ad corpus pertinent: quas autem vos urbani perferitis, & quibus tanquam molibus oppressi tene-

mini.

mini, & sunt animi totius. Proinde vt maior est
 vis animi quam corporis : ita grauiora sunt ea,
 quæ concipiuntur sentiunturq; animis, quam quæ
 corporibus. Insuper illas res asperas & imma-
 nes quas memorabas, toleratu faciliores exerci-
 tatio & diuturnitas reddunt: nec illæ mentem per-
 inde vt oppidanæ sollicitudines, atque cruciatibus
 macerare & exedere solent. V. Sine me perue-
 nire quo volo, & largam auribus da operam. Nam
 vt ad vnum atque alterum obiectorum respon-
 deas aliquid, ipso incommodorum aceruo te ob-
 ruam. M. Nihil tamen noui, nihil à me intentat-
 um inexpertumque dices. Quid enim ego, De-
 um immortalem, per tot annorum curricula ter-
 ris iactatus & alto expertus non sum? vt me sæ-
 pius ingenio egregiè ad infelicitatem nato iudi-
 cauerim. V. Tantalum prædicant aquas in aquis
 captare. Mutato nomine de vobis narratur fabu-
 la, vos Tantali estis. M. Fac nos etiam Tityros, &
 Ixionas si lubet. V. In illis immentis vndarum
 campis, per quos vela datis, quoties aquæ nihil ha-
 betis, fitiq; exarescitis? ex aquis aquationis caus-
 sa in terram descendere cogimini. O conditio-
 nem ter miserabilem. M. Quin & panem muc-
 dum, instar lapidis durissimum, scatentem vermi-
 bus esitavi cum fæcimentis putridis. V. Hem deli-
 cias. Quibus quantisq; turpatus & oppletus sordi-
 bus quam frequenter incessisti? quam nunc item
 velut Maurus adustus es solibus, quæ ego candida
 cute ante annos duodetriginta noui: tot siquidem
 abierunt, ex quo ad mercaturam adiunxisti ani-
 mum. Quid loquar de Scylla, de Charybdi, de
 breui-

breuibus, de syrtibus, de vadis, de portetosis piscibus, de tonitruis, fulguribus, fulminibus, luctantibus ventis, imbribus, grādinibus, tempestatibus sauiissimis? hisce malis, quæ nos in oppidis securè ac iucundo in otio viuentes sine horrore nunquā legimus, vos subiecti estis, nec illis potestis ire obuiā quidquid moliamini. Cur isthæc paræmia in ore vulgi versatur: mare malorum? nisi quod infinitis ærumnis premuntur, qui in eo victitant. Hinc de immensis omnigenisq; calamitatib⁹ ita loquimur. Equidem vix audeo etiā hoc dicere: veruntamen audeo. Qui istuc quasi iter vitæ sibi delegerūt, mores placidos & humanos abiiciunt, & in medio sale insulsi, atq; inter scopulos quodammodo scopuli efficiuntur. Nec te prætereunt illa vulgata. Neptūni filij, è mari natus. M. His ingenia duriora, moresq; inamabiles, & insuauēs notantur, quod pueri in ludo discebamus. Atqui in mediis vrbib⁹ agrestis illepidatq; natura ciues vidi innumeros, & hæc vituperatio non sanè in omnes nauigantes cadit. V. In illos quidem profectò, qui consuetudine, & societate hominum diu caruerint. M. Num ego ferus? num immitis? num barbarus? V. De te non queror. M. Non igitur omnes. V. at pæne omnes. M. Nec istuc tibi concesserim. V. Hoc verò nō poteris, quin concedas. M. Quidnam? V. An non in perpetuum quendam carcerem contrusi videmini, vbi rerum necessariarum egestas suprema, suppellex nulla, lectulus vilis, durus, immundus, noctes irrequietæ, piratarum, tempestatum perennis metus, non dulcis patriæ aspectus, non congressiones amicorum, non blandimenta coniugum, non comple-

complexus liberorum. Quo quid tandem tristius?
quid acerbius? Quoties è decē nauibus difficulter
in portum vnica redit? quoties procella ingraue-
scēte, mercibus quantumuis magna æstimatione
dignis foras ante proiectis, hausta est in profundū
navis cum vectōribus? aut si vñ sunt clemētia nu-
minis, arrepta è naufragio tabula nudi euaserunt,
posteaq; stipem cōgerunt, & precariò victitantur?
Quocirca verē Plautus. Qui sese miserum & men-
dicum volet, Neptuno credat se atq; ætatem suam.
Nec non benē Propertius.

Ab pereat quicumque rates & vela parauit

Primus, & inuito gurgite fecit iter.

Noli insuper inficias ire, genus nauticum diuinæ
sapientiæ voluntatiq; aduersari. M. Eia, aduersari?
V. Quæro, num deus cuiilibet animantiū ordini suā
sedē, suūq; solum à principio attribuerit. M. Ille
verò attribuit. V. Nonne aërem volucris, ter-
ram hominibus, quadrupedibus, reptilibus, quæ
in syluis, ac desertis locis manent, flumina & mare
piscibus? M. Scopū ipsum. V. Quid ergo est, quod
homines de sanitate mentis deturbati, & quali in
piscēs commutati aquas incolunt? In quo à viro
sapientissimo reprehenduntur. *Ponentēs, inquit, ra-
tem in mari, se & vitam suam cōmittunt paruo ligno, cum
mare piscibus, terram autem dederit filiis hominum.*
M. Valeant tua sophismata: ferrum natāre docēs;
nihil agis. V. Estnē vlla pietas, estnē vlla salutis cu-
ra in nautis? M. Quid ad me nautæ? est in nauigan-
tibus. V. Haud nihil ambigam: sed cum sese vo-
luntario multant exilio nauigantes isti, patriam,
parentes, cōsanguineos deserunt, estnē hæc dicen-

da pietas? nullo pacto. At illa erit fortasse diuina pietas, cum piraticam faciunt, & naues alienas dispoliant, cum peierant, cum alijs sese sceleribus contaminant quotidie. M. Nec in mari, nec in terra, nec in cælo, nec apud inferos quisquam adigitur vt sit improbus. Omnes qui à semita recti declinant, sua sponte declinant. V. Prodest tamen vitare locum, in quo homines consueuerunt esse non boni. M. In quo autem loco consueuerunt esse boni? Nusquam tantum boni, nisi in cælo. Nusquam tantum mali, nisi apud inferos. In terris & boni & mali. Et tamen in his nemo vique adeo bonus, quin aliquando malus. Nam & iusti peccant: sed eorum peccata pauciores quasi numeros officij prætereunt. Idcirco per extensum funem ambulat, qui tantum bonos inter homines queritat. V. Certè robur & æs triplex vobis circumpectus est, qui tantis periculis nihil commouemini. Præstat utiq; in terra pauperem, quam in mari diuitem esse. M. Tu vbi volueris degas licet: ego à tam veteri instituto nō recedo. Si ventus secundus surrexerit, soluemus oram post triduum, proficiscemurq; cum Lusitanis in Indiam. V. Saluta, si placet verbis meis Oceanum senem cum vxore Theti: item Nereum eorum generum, ac Dori- dem cum Nereidibus, Tritones, Glaucum, Portu- num, Matutā, & reliqua maris numina. M. Nempe Neptunum patrem, quem te obliuisci potuisse miror, Panopæam, & Amphitriten. V. Nempe. M. Iocularia ista suscipere deique fero.

Vale in annum ab hinc
tertium.

ANNO-

ANNOTATIONES.

VRBICVS) Ab urbe defleuntur urbanus et urbicus, quorum eadem est vis: & contraria rusticanus, rusticus. Sunt ergo res & homines quidam urbani & urbici: sunt vicissim rustici et rustici. Quodammodo etiam duobus istis generibus aduersa sunt res & homines nautici, qui scilicet vitam nec in urbibus, nec ruri, sed in salo et fluminibus ut plurimum viuunt. Apud Iuuenal. sat. 6. illo versu: Urbicus exodiorisum mones Atellana, & Martialem, illo: Quod non optimus urbicus poeta: actoris quoddam, & certum poetarum genus significat. Nam ut satyra grecis tragediis iinterponebantur, ita tragediis latinis ad exhilarandum spectatorem Atellanarum exodia interferebantur: nec histrionibus earum alius committebantur, sed honestis iuuenibus (quantum fortasse tandem aliquando à mimis aliis, & histrionibus fabula illa acta sunt) erantq; ha fabule urbanissima, & urbis iocos elegantiamque imitabantur, & ab urbe Atella nomen erant adeptæ. Itaque earum actores & auctores urbici vocabantur. Turneb. libro tertio capite 17. **EDICITO**) Edicere non solum valet editto proposito iubere, verumetiam dicere, enuntiare, indicare: Cicero in Lelio. Si prius quid maxime reprehendere Scipio solitus sit, edixero. Et prima Philipp. cumque de via languerem, & mihi met displicerem, nisi,

pro amicitia, qui ediceret. Sallust. in Coniurat. Is cum se diceret indicaturum de coniuratione, si fides publica data esset, iussus à Coss. qua sentiret edicere. Plauto tandem vim habet, edictare. Amphit. Tute edictas facta tua, ex me quæris quid deliqueris, Epid.

Rem tibi sum elocutus omnem Cheribule, atq. admodum Meorum marorum atque amorum summam edictavi tibi.

Menach. omnia ego hercle edictavi. IN HUNC ORBEM) Orbis interdum, quod græcè ὁ πῦρ, terra continens: seu terra pars, qua ab alia parte mari non separatur. Hinc Virgil. eclog. 1. Et penitus toto divisos orbe Britannos. Sic dictum est à poetis aliis peregrinus orbis, Asia videlicet, aut Africa, aut remota aliqua regio. ALIOS QUASI IN PRIMA CERA) A veteribus cera nomen pro epistolis, tabellis & pugillaribus ponebatur sapius. Ex quo nata illa formula in re testamentaria: scribere seu instituere quempiam heredem in prima, secunda, in ima cera: hoc est, in extrema parte testamenti, Suetonius in Iulio cap. 83. Sed novissimo testamento tres instituit heredes sororum nepotes, C. Octavius ex dodrante, & L. Pinarium, et Q. Padium ex quadrante: reliquos in ima cera. Quem locum declarat doctissimus Alexand. Neopolitanus lib. 1. cap. 1. Imam ceram Cic. 3. Verri-
rina extremam, Martialis lib. 4. ultimam vocavit. Plura de ceris Tiraquellus in Alexand. SEXTV-

IAM ASPERGAM) Sextula est sexta pars un-
 cia: uncia duodecima pars asis: as totam heredita-
 tem ostendit. Cic. pro Caccina. Testamento facto mu-
 lier moritur, facit heredem ex deinceps, & semuncia
 Caccinam, ex duabus sextulis M. Fulcinium, liber-
 tum superioris viri, Ebutio sextulam aspergit. Le-
 pide dixit (aspergit) quasi de aqua sermo esset: nam &
 mensura vocabulum est sextula, inquit in eum locum
 Manut. Vide præterea Budæum de asse lib. 1. NEC
 IN VIVIS DVCENDI) Anacharsis interrogan-
 ti, pluresne essent vini, an mortui, respondit: nauigan-
 tes utra in parte constituis? Laert. Idem eos tantum
 3. digitos à morte abesse dixit. (VM IAM CONSA-
 NVERINT) à consanescō. Cic. epist. 6. lib. 4. Nunc
 autem, hoc tam graui vulnere, etiam illa quæ consa-
 nuisse videbantur, recrudescunt, Sic enim docti qui-
 dā, pro, consenuisse, legere malunt. HOS CASTRA,
 ILLOS HONORES) Ad hunc locum illustran-
 dum pertinet Ode 1. lib. 1. apud Horatium. AN VE-
 RO IN HVMATVM) De humatione & sepultura
 differit sub extremum 1. Tuscul. M. Tullius. In qua
 dissertatione & illud: Totāque de ratione humationis
 unum tenendum est: ad corpus illam pertinere, siue
 occiderit animus, siue vigeat. In corpore autem per-
 spicuum est, vel extincto animo, vel elapso nullum re-
 sidere sensum. Caterum nos in dialogis funebribus se-
 pulturam legitimam non esse Christianis contemnens-

dam docebimus. HVIC CONFIDIS MONSTRO)
In fine 5. Aeneid. Palinurus respondens somno.

Méne salis placidis cultum fluctibus quieros

Ignorare iubes? méne huic confidere monstro?

Aeneam credam, quid enim fallacibus Austris,

Et calis toties deceptus fraude sereni?

HOMINVM VITÆ COMMODARE ANNI-
TOR) Qui hoc faciunt, i se aliis quoq, natos praecla-
re intelligunt. Sunt enim, ut non modo Plato, verum
etiam Stoici sentiunt, homines hominum causa gene-
rati, ut ipsi inter se, alius alij prodesse possent: sequeren-
turq, in hoc naturam ducem, ut quemadmodum illa
qua in terris gignuntur ad usum hominū omnia creat:
sic ipsi communes utilitates in medium afferrent, mu-
tatione officiorum, dando, accipiendo: tum artibus,
tum opera, tum facultatibus demincirent hominum
inter homines societatem. Cic. in Off. NON QUÆ-
VIS FERT OMNIA) Virg. 1. Georg.

Continuò has leges, aeternaq, fœdera certis

Imposuit natura locis: quo tempore primum

Dencalion vacuum lapides iactauit in orbem,

nempe ut quæq, regio aliud ferret, aliud recusaret, id
quod antecedentibus exemplis demonstratur. NAM
ET MILES) Lege principium satyræ 1. lib. 1. Qui sit
Mecenas, &c. (VRSIBVS ÆQVOREIS) Cursus,
currere, & cursum tenere quam frequentissimè à scri-
ptoribus probatissimis in navigatione ponuntur. Ho-
rat. Ode 6. lib. 1. Nec cursus duplicis per mare Ulys-
sei, Idem Ode 28. lib. 1.

Quan-

*Quaquam fessinas, non est mora longa, licebis
Inicito ter pulvere curras.*

*Catull. de nupt. Pelei & Thetidis. Illarudem cursu primam
imbuit Amphitriten. Virgil. 3. Æneid. Excuti-
mur cursu. & cæcis erramus in undis. Idem aliàs quo-
que. Cic. 3. Offic. Si idem sciat complures mercatores
ab Alexandria soluisse, nauesq; in cursu frumenta o-
nustas petentes Rhodum viderit. Cursum autem te-
nent naues, quæ de navigatione tempestatis vi non ex-
cussa, ad portum aut stationem quam petebant rectâ
perueniunt. Cic. 3. de nat. deorum. Dionysius cum se-
cundissimo vento cursu teneret. Translatè dixit idem
1. de Orat. Perbeati fuisse Q. F. illi videri solent, qui
cum & honoribus, & rerum gestarum gloria floreres,
cum vita cursum tenere potuerunt, ut vel in negotio
sine periculo, vel in otio cum dignitate esse possent.
VOMITIONES, QUIBVS INGREDIENTES)
Cur nausea correpti vomant potius qui mare, etiam
nullis tempestatibus, quam qui flumina navigant, ra-
tionem, adducit Plutarchus de causis natural. cap. 11.
VECTVS EQUO LIGNEO) De nauibus per
murum ligneum significatis oraculo, vide Plutarch. in
Themistocle. Plaut. Rud. Nempe equo ligneo per vias
caruleas estis vecta. AQUAS IN AQUIS) Poeta nec
in culpa Tantali consensit, nec in supplicio. Scribunt
quidam, cum Deorum consiliator esses, illorum consilia ser-
monesq; per linguam intemperantiâ enūtiasse mortalibus.*

Alij nectar & ambrosiam furatum, aequalibus & amicis impertinisse. Alij peierasse. Iam Homerus Odyssæa 11. Ovidius, Tibullus, Horatius & alij quidam mento tenuis in aquis demersum iacere, sitiq̃, et fame, pomis supra caput impendentibus cruciari pronunciant.

*Quarit aquas in aquis, & poma fugacia captas
Tantalus: hoc illi garvula lingua dedit.*

Tibullus lib. 1. eleg. 3.

*Tantalus est illic & circumstagna, sed acrem
Iamiam poturi deserit &ندا sitim.*

Horatius autem satyra 1. lib. 1. Tantalus à labris sitiens fugientia captat Flumina. Idem Gallus epigrammate, lib. 3. Authol. cuius initium &τος ο &ειν παραγοσι. Verum Euripides principio Orestis, Pindarus primo Olymp. hymno, Lucretius lib. 3. volunt saxum ei impendere, cuius casum perpetuo continenterq̃, extimescat, & ita in continuo metu versetur. Nam fabulam de fame sitiq̃, Tantalea Horatius ad avarum accomodat eadem satyra his verbis.

quid rides? mutato nomine de te

Fabula narratur. Congestis &ndiq̃, saccis

Indormis inhians, & tanquam parere sacris

Cogeris, aut pictis tanquam gaudere tabellis.

TITYOS ET IXIONAS) De pœna utriusque Tibull. lib. 1. eleg. 3.

Illic Iunonem tentare Ixionis ausi

Versantur celeri noxia membra rota,

Porrectusq̃, nohem Tityus per ingera terra.

Astiduas atro viscere pascit aues.

Ouid.

Onid. 4. Metamorph. Virgil. 3. Georg. & 6. Aneid.
 Crimen Ixionis ex Tibullo patet. Simile in Latonam
 perpetravit Tityus. MARE MALORVM) Mare
 bonorum, mare malorum proverbia, pro maximis &
 plurimis seu bonis seu malis. Vide Chiliadas. Egypti
 maritima omnia usque adeo detestabantur, ut ne
 nautas quidem alloquerentur: rati, se ex eorum ser-
 mone contaminatum iri. Neg, in sacrificiis salem ma-
 rinum ullo modo adhibebant: nec sibi quidquam cum
 eo volebant esse, quod vel in mari gigneretur alere-
 turve, vel id inhabitaret. Plutarch. Sym. lib. 8. quest.
 8. super illud: maritimi mores, lege Rhodigin. lib. 1. 6.
 cap. 23. Maria pro ingentibus & infinitis possessio-
 nibus dictum à Catullo. Solent autem pro rebus ma-
 ximis maria ponere latini: indicio est illud Sallustij
 in Coniurat. maria & montes polliceri. Etiam θαλασ-
 σα ἀγαθὴν Græcis in proverbio est, pro magna bono-
 rum copia. Turneb. lib. 26. cap. 9. SVAM SEDEM)
 Lege Oden 3. lib. 1. apud Horatium, qua & vota pro
 Virgilio Athenas navigaturo facit, & navigationem
 navigantesq; acerrime insectatur, quasi divino consi-
 lio contumaciter aduersantes. ESTNE VLLA PIE-
 TAS) Navigabat cum impiis aliquando Bias, & cū
 navis valida tempestate concuteretur, vectoresq; deos
 invocarent: silete, inquit, ne vos hic illi navigare sen-
 tiant. Laert. lib. 1. SOLVEMVS ORAM) Ora est e-
 tiam finis nauticus, quo navis ad terram religatur.
 Livijs lib. 12. Vixdum omnes conscenderant, cum

alii resoluunt oras, aut anchoram vellunt. Idem alibi. In ipsis quoq³ navibus trepidatum, dum, ne hostes cū suis erumperent, trahunt scālas, orasq³ & anchoras praecidunt. Quintil. Permittamus vela ventis, & oram soluentibus bene precemur. Aliter explicat hanc ipsam locutionem Turneb. lib. 3. cap. 1. cui haud assentior. SVS QVE DE QVE) Susq³ deq³ ferre, seu habere, hoc sibi vult, a quo animo esse, & quod accidit non magni pendere, atque interdum negligere & contemnere: & propemodum id valet, quod dicitur ἀδιαφοῦν. Plura Gellius lib. 16. cap. 9.

PROGYMNASMA

PRIMUM ET TRICESIMUM.

Inuentio, notatio, multiplex
usus, materia, genera
navis.

CO SMVS, FLORVS, HECTOR,
PVER anagnostei.

CO SMVS. Amabo vos, quænam erat paulo ante vestra tam litigiosa; victoriæq³ cupiditate feruentissima disputatio? F. De inuentione navis controuersabamur, quàm à piscibus exemplo petito homines architectatos Hector cōtende-

tendebat: ego priscos, cum per cælum aues volitantes intuerentur, inde condocefactos affirmabam, qua ratione nauem componerent, ac per vndas volitarent. C. Cum sit vtraq; verisimilis opinio, & auctores vtroq; trahant, in Flori sententiam magis vt eam inclinât animus. F. Ita te facturum rebar. Aiebat à dorso piscis carinam, à cauda puppim, à capite proram, à branchiis remos didicisse fabricari: cum ipsum vocabulum, nauis, apertissimè declararet, ad auis similitudinem ædificari ceptam. Quantum enim inter has duas voces discrimen, auis, nauis? Id ipsum probant tralationes mutux, seu reciprocx: vt enim de nauibus solemus ita loqui, vt dicamus, velorum alas, volare, quæ volucrum propria sunt: sic vicissim de aui-
bus, remigium alarum, & tranare dicimus: quibus verbis in re nauali proprium est domicilium. Nōnulli nauis vocabulum græcum rati, à *ναῦς*, & hoc, *ναεγὲ τὸ ναῦον*, nato, suo factum opinantur. Contra, ex latino quidam, *no*, *nas*, deducunt. Perseuero in sententia, tametsi repugnet syllabæ dimensio: nam, auis, prima correpta pronuntiatur. C. Non indoctè tu quidem, nec indisertè. Quomodo autem partes nauigij partibus auis ex altera parte respondent? F. Hoc docere nihil est negotij. Temo & puppis caudæ, capiti prora (cuius est & rostrum, ab auis rostro, quo pisces carent) remi postremò alis. Miluos artè gubernandi nos docuisse, in cælo mōstrante natura, quid opus esset in profundo, ait Plinius. C. Vicisti vt alter Achilles istum Hectorem. H. Vicerit, non sunt in hoc positæ fortunæ

tunæ Germaniæ. Dic tu nobis, Cosme, à quo putes
 primum fabricatam nauim. C. Quæ longa nauis
 dicitur, ea est omnium prima & antiquissima, ad
 montem Pelium in Theſſalia (vbi caſſa cecidit ad
 terram abiegnæ trabes) à Iaſone curata: quo du-
 ce & auctore amplius quinquaginta nobiliſſimi
 Græciæ iuuenes Colchos ad aureum vellus rapi-
 endum ſoluerunt. Præſuit eidem contexendæ Mi-
 nerua, vt quidem Catullus ſcribit, more poetico,
 in ornatiffimo pulcherrimoq; poematio de nup-
 tiis Pelei & Thetidis, cuius principium ad institu-
 tum noſtrum perquam appoſitum recitabo, ſi au-
 dire eſt animus. F. Et maxime quidem. C.

*Peliaco quondam prognata vertice pinus
 Dicuntur liquidas Neptuni naſſe per undas,
 Phaſidos ad ſuſtus, & ſines AEætos:
 Cum lecti iuuenes Argiua robora pubis,
 Auratam optantes Colchis auertere pellem,
 Auſi ſunt cada ſalfa cita decurrere puppi,
 Carula verrentes abiegnis aquora palmis:
 Diua quibus retinens in ſummis orbibus arces.
 Ipſa leni fecit ſolitantem flamine currum,
 Pineæ coniungens inſlexa texta carina.
 Illa rudem curſu prima imbuir Amphitriten.*

F. Hanc ipſam cenſeo nauim eſſe, quæ Argò no-
 minatur. C. Ipſa eſt. H. Vnde hoc illi nomen? C.
 Putant nonnulli ab architecto & fabricatore Argo.
 Alij à celeritate: ſiquidem ἀργός Græcis eſt celer.
 Cicerō Ennij ſententiam approbat, ab Argiuis ve-
 ſtoribus ſic appellatam: hos enim ex illius poetæ
 Medea verſiculos adducit i. Tuſcul. Eas anguſtias,
 inquit, per quas penetrauit ea, quæ eſt nominata.

Argo.

*Argo, quia Argini in ea delecti viri
Vesti perebant pellem inauratam arietis.*

Libera sunt vobis in his rebus iudicia. Ad propo-
sitam pergamus. Nonnulli repertorem nauium affir-
mant Danaum, Ægyptum fratrem fugientem, &
primam illam Danaum vocatam tradunt. Plinius
quoque alios longæ nauis inuentores statuit: nos
cum poetis, atq; inprimis cum Ennio, & Catullo
sentiemus. Est autem longarum nauium apud Ci-
ceronem, auctoresque principes non infrequens
mentio. H. Antequam esset inuenta nauis, legi ra-
tes in vsu fuisse. C. Fuerunt. Illud hodie oculis ip-
sis videtis, cum ad res suas transportandas homi-
nes primum naues adhibuerint, nunc variis in re-
bus earum esse vsum. H. Videmus certè alios vt
ad necessitatem, vehendorum, inquam, onerum,
alios ad voluptatem animi, alios ad piscationem,
alios ad diuersa mundi loca perlustranda, alios ad
ludum, vt in naumachiis, alios ad prælium. C. Sic
in aliis quoq; rebus ad vnum aliquid excogitatis,
ingenij humani sollertia paulatim vsum multipli-
cauit. F. Cur Assyrij è cupressò naues fabricarunt?
nam hoc me legere memini. C. Hæc arbor benè
fert ætatem. Nos tamen è ligno illo suaueolentis-
simo scriniola, cistellulas, arculas, mensulas, & si-
mulacra facere malumus: naues è pinu, abiete,
item è picea, quod tamen arboris genus citius pu-
trefcit. E robore lacustres & fluuiatiles melius fie-
ri aiunt. Phœnices & Syri è cedro, quod pinu care-
rent, naues condebant. Vniuersè, ea materia lau-
datur, quæ nec fissilis, nec fragilis, nec putredini
subiecta est, quæque minus fudit. H. An possint in

certa genera distribui naues? C. Vix est ut possint, quanquam id non nemo tentauit: in longas videlicet, onerarias, piscatorias, actuarias. Atque primo generi subiiciunt biremes, triremes, quadriremes, & quotquot ab ordinibus remorum cognominatae sunt: liburnicas, constratas, siue tectas, turritas, pratorias, prædatorias siue piraticas, phaselum, hippagines, quæ & hippagogæ, pistres, pontones. Alteri frumentarias, corbitas, cybæas, iunarias, aquarias, lignarias, arenarias, lutarias, farinarias, carbonarias, & gaulum. Tertio cymbam, lenunculum, scapham. Quarto lembum, exploratoriam seu speculatoriam, cercurū, celetem. Addūt quintum genus, fluuiatilium, cui species dant lintres, vitiles, monoxyla, schedias. H. Omnesne formas complexi sunt? equidem non asseuerem. C. Bene dubitas. Longissimi catalogi à quibusdam texuntur, nauigiorūq; genera plurima explicantur, quorum in istis ordinibus non omnia inuenias. F. Si velles, posses, credo, præcipua genera, quorūq; scriptores crebrius meminerunt exponere. C. Possẽm Flore, non tamen ex memoria, quam senectus labefactat, & mihi iam canis aspergitur ætas. F. Forsitan collectanea quædam habes hac de re. C. Et de hac & de aliis ad rem nauticam pertinētibus ad vsum meum confeci commentariolum, è quo recitabuntur quæ requiritis, si attendatis. H. Tota mente. C. Accipe libellum puer, & lege cap. quintum. P. ACATVS, & diminutū ACATIVM, est nauis ad amnes traiciendos idonea, quæ & epactis, & carabum, vnde *καράβιον*: ex quo videtur factum illud vulgicarabella, seu carauela. Quidam interpretantur

turcatiū genus piscatoriæ nauis. Isidorus & Pol-
 lux hoc nomine maximum velum nauis aliquan-
 do indicari scripserunt. ACTVARIA & ACTVA-
 RIVM, quod citò, remis videlicet agitur, celere ge-
 nus nauis. Sunt qui remis & velis actuaris agi do-
 ceant. Cic ad Att. actuariolas habet. ALVEVS pro-
 rudi & monoxylò nauigiolo dictum à Liuiò lib. 1.
 cū de Romulo & Remo infantibus expositis nar-
 rat. Pro carina Sallustius in Iugurthino. Hicque al-
 ueos nauium vniuersos protiguriis habuere. BA-
 REA nauicula, seu scapha, quæ merces è magna
 nauì ad littus portantur, quæ onerariæ subseruit,
 ἡρέλκιον Græcis, quod nauis maior eam post se tan-
 quam ministram trahat. CATAPHRACTÆ La-
 tinis constratæ & testæ, quæ in naualibus pugnis
 obteguntur, & obarmantur, ne faciliè ab hostibus
 lædi queant. Contrarium, aperta, ἀφρακται. CA-
 TAPLVS mercatorij nauigij species apud Martia-
 lem & Ausonium: aliàs ipsa nauigatio. CELOX
 breue paruumq; nauigium, à celeritate, Rhodio-
 rum inuentum: Græci celetem & celecium vocat:
 Pro prædatoriis & piraticis sæpe vsurpatur. CER-
 CVRVS nauis Asiatica prægrandis, à quibusdam
 cercyra, Corcyraeorum inuentū. CERATÆ quæ
 fuerint Brodæus libro quarto, capite decimo ter-
 tio. Plinius Cyprios auctores facit libro septimo,
 capite quinquagesimo sexto. A cauda nomen sor-
 titur, quasi dicas caudata. CATASCOPIVM spe-
 culatoria seu exploratoria nauis. CAVDICÆ na-
 ues ex tabulis crassioribus. CORBITA genus na-
 uigij tardum & ingens, à corbe, quod in summo e-
 ius malo veluti corbis pro ligno suspèditur. Plaut.

Pœnulo. Tardiōres quam corbitæ sunt in trāquillo mari. CYMBA nauigiolum, in medio latius, unde vas cymbium ab eius similitudine. Cic. 3. Off. inter piscatorias numerat. Isidorus pro eodem capit lembum & cymbum. CYBAEA apud vnum Ciceronem in Verrinis legitur. Nauem verò, inquit, cybæam maximam, triremis instar, pulcherrimam atq; ornatissimam palam ædificatam sumptu publico. DICROTÆ, & DICROTA genere neutro, biremes sunt, à duplici remorum ordine appellatæ. Eruditi quidam sic dictas censent, quod duobus gubernaculis, à prora pariter & puppi regantur. GERARIA à Plauto, quæ aliàs oneraria, vel mercatoria. Mercat. ædificat nauim gerariam, & merces emit. A gerendis mercibus. Dicitur & gestoria, & vectoria. GAVLVs genus nauis pæne rotundum, quod nonnulli minoribus, alij maioribus nauigiis annumerant: & hi onerariæ, illi triremis speciem esse affirmant. Significat etiam vas, quo pastores ad recipiendum lac vtuntur. HIPAGO, & HIPAGOGA nauis, vt vox declarat, ad equos transuehendos comparata, cuius mentio apud Demosthenem in Olynthiacis. HORIA piscatoria nauicula, Plautus Trinum. horiolam dixit. Alij faciunt eandem cum oraria: orariam autem explicant, qua lictus seu oram legimus. LEMBVs nauicula brevis, velox & piscationi apta. Plaut. Mercat. dum aguntur hæc, lembo aduehitur tuus pater pauxillulo. Apud Liuium, Polybium, Diodorum eius vsus etiam in bello inuenitur. Diminuta sunt lemunculus, & lenunculus. Fuit & lebes nauigij genus (vnde forsitan per paro-

paronomasiam lembus) de quo Iunius lib.2. cap.3. LIBURNICAE sunt citæ velocēsque naues, à Liburnis Illyrici populis inuentoribus, quibus illi piraticam faciebant. Utuntur eo negotiatores, & Augustus liburnis victoriam de Antonio & Cleopatra reportauit. De his in Epodo Horatius.

Ibis liburnis inter alta nauium

Amice propugnacula.

Dicimus item liburnum, ni, & liburna, næ. LINTRES sunt fluuiatiles, à Germanis Danubij accolis excogitatae, cauatis tantum integris arboribus. Virg. cauat arbore lintres. Lintricus, Cic. ad Att. lib. 10. LVSORIAE naues erant, quas in Danubio aduersus Barbaros Romani in excubiis habebant, quæ huc & illuc discursare solebant. Nam ludere naus dicitur, quæ huc & illuc velut lasciuia quadam currit. Seneca lib.7. de benef. cap. 20. Vbi naues luserunt, hauriuntur. Sic autem potius vocatae sunt, quod ludicrae triremibus & aratis comparatae viderentur, & tanquam ad lusum haberentur. Seneca. Cui triremes & aratas non mitterem, lusorias, & cubiculatas, & alia ludibria regum in mari lasciuientium mittam. Hæc Turneb. lib.14. cap. 25. MYOPARO, seu PARO piratarum nauigium, à Myunte, & Paro locis appellatum. ONERARIA ad portandum onus idonea, & ideo tarda, sine remis, ut volunt quidam: quod nescio an de eius formis etiam dici possit, quas remis nunc agi certum est. Vide Magium lib.1. cap. 6. Græcis φορτηγὸς & ὀλκός. Capiunt autem vocabula à rebus quas ferunt, ut dicantur aliæ frumentariæ, aliæ militares, qua vehuntur milites, &c. ORARIAE

sunt actuariæ & parvæ, quibus secundum oram nauigatur: nam maioribus pelagus tentatur, & quæ sequuntur apud Turneb. lib. 1. cap. 16. PHASELVs, aut FASELVs à leguminis specie, ad cuius imitationem fit hoc genus navis. Sunt qui à Phaselide loco nomen accepisse coniiciant. Extat per-elegans Catulli epigramma, quo phaselum suum iam senescentem Castori & Polluci dedicat. H. Mirum quantopere doctis ad parodiam visum sit accommodatum illud epigramma. Multi profectò, & quidem venustè satis in eo & luserunt & aluserunt. F. Quin ego nuper in libellum incidi, quo & Catullianus phaselus cum explicationibus Mureti, & quotquot ad hanc diem exierunt, eiusdem parodiæ continentur. C. Hunc libellum pridem vidi, nec sine risu legi: ita facetè quorundam vitiosi mores ibi lacerantur. Idem porrò in aliis eiusdem poetæ epigrammatis, & in Horatio quoq; præstitum eodem libello patet. Verùm ad naues reuertamur. Lege quæ sequuntur. P. PIRATICAE, seu PRAEDATORIAE quæ sint, notum est. Ex interdum liburnicæ, celoces, parones, myoparones, & aliis nominibus efferuntur. PISTRIS, seu PRISTIS à genere piscis, aut à secandis fluctibus, *ἀπὸ τῶ περιζεῖν τὰ κύματα*, longioris & angusti corporis, quo facilius vndas secet, quod & piscis ille facit ob eandem causam: vt vtrumq; etymon verum esse videatur. P. ONTO genus nauigij Gallis olim frequēs, quòd in amnibus traiciendis vsum pontis præstet. Inuentum eorum, qui circum Pontinam paludem habitarent, vnde quidam sic dictū opinan-

epinantur. PROSVMIAGENUS nauigij seuis, speculatorij. RATES proprie connexæ, & rectè compactæ inuicem trabes, quæ per aquam trahuntur. A poetis, & interdum ab Oratoribus hæc vox nauim sonat. ROSTRATAENAUES, quod ferreo rostro armantur: aut propter scopulos, in quos si impactæ fuerint non frangantur: aut propter bella naualia. Virgilius æratas puppes dixit, propterea scilicet, quod rostra ex ære fiebant. SCAPHAE, maiorum nauigiorum velut ancillæ, ea sequentes: hinc scaphidion. SCHEDIA nauis genus temerè factum & inconditum, trabibus tantum inter se connexis, & sine fabrica coagmētatis, vnde & poemata parum compositè facta, schedia dicuntur, si Festo credimus, & tumultuariæ ac subitæ imperfectæq; descriptiones schedæ, & σχηδιάζων, item αὐτοσχηδιάζων. Idem putant schediam quod ratem. TABELLARIAENAUES, quæ classis aduentum prænunciant. THALAMEGAE non tam ad bellum, quam ad pompam & ostentationem pertinent, proras, & puppes auro exornatas habent, & sunt admodum sumptuosæ, quibus reges & imperatores vehi consueuerunt. Talis sit fortasse, quæ Venetiis Bucentaurus. VITILES sunt corio circumfuta: vitilia enim dicuntur ita tenta, vt commodè flecti in inuolucrum queant, à vinciendo. Plinius videtur plicatiles vocasse. De futile cymba est apud Virgilium in 6. C. Fac pausam puer. Hæc sunt notiora, & ad intelligendum faciliora nauium genera: quas scitote nominari alias ab officiis, seu ministerio quod præstant, vt speculatorias, exploratorias, præfidiarias. Alias à locis vbi vel factæ, vel

inuentæ, vel frequentius vsurpatæ, vt Liburnicas, Ægyptias, Asiaticas, Syriacas, Rhodias, Smyrnæas, Romanas, &c. Alias ab artificibus, vt Pherecleam, & Argo, quod volunt quidam. Alias à magistratibus, & iis qui præsunt, vt prætorias. Alias à remorum ordinibus, vt biremes, triremes. Alias à cursu & velocitate, vt celetes, & dromades. Alias à rebus quas subuehunt, vt annotinas seu frumentarias, olearias, vinarias. Alias à vasis vt corbitam. Alias à forma & specie, vt thalamegum, cameram. Alias à pictura, vel insigni, vt centaurum. Epitheto item illustrantur: vel ab eo quod habent illustrius, atq; eminentius: vel quo armantur, atq; ad belli vsum comparantur, vt rostratæ, turritæ: ad libram enim turres nauibus imponebantur, idq; non solum ad proram, sed etiam ad puppim. De appellationibus vt de generibus plura disputari possent, sed nihil est necesse. H. Quoniam id diei tempus est, eamus pransum. Deinde vbi meridiati fuerimus, adhuc nonnulla nobis legenda curabis ex hoc tuo commentario, quæ nos potissimum scire voles. C. Si vobis ita placet, non deero vtilitati vestræ, nec in hoc, nec in alio vlllo negotio. Nam nec beneuolentia erga me vestra ignoranda mihi, nec auctoritas aspernanda, nec voluntas negligenda est. F. Referentur gratiæ quando poterunt. Nos quidem te magistro augeri scientia quibuscunq; in rebus etiam atq; etiam maioremque in modum concupiscimus.



ANNOTATIONES.

AMABO VOS) orationes & voces multe sunt, quæ vim naturamq; adverbiorum, ac propemodum interiectionum habent. Siquidem præter affectum quendam nihil animis subiiciunt: hoc tantum ab interiectionibus diuersa, quod voces sunt artis, non naturales & incondita, ut illæ. Eiusmodi igitur sunt, sodes, quod est blandientis, macte, approbantis, apagesis auersantis. Quid malum? detestantis. Amabo, amabo te, amabimus te, blandientis. Iô Bacche afflati. Iô triumphæ exultantis. VELORVM ALAS) Virgil. 3. *Æneid.* Tentamusq; viam, & velorum pandimus alas. In eodem. *Linguis* Ortygiæ portus, pelagoq; volamus. Et in 1. de Mercurio. Volat ille per aëra magnum Remigio alarum. In 6. de *Dadalo*. Redditus his primùm terris, tibi Phœbe sacrauit Remigium alarum. *Lucretius* lib. 6. vtrumq; coniunxit eodem versu, ad aues, inquam, & remigium & vela transtulit.

E regione ea quod loca cum aduenere volantes,
Remigij oblata pennarum vela remittunt.

Lucianus in *Timone de Mercurio*, qui in calum renouarat. ὁ μὲν ἀπὸ κήλυδεν, ὡς δοκεῖ. τεκμαίρομαι γὰρ τῇ εἰρησὶ τῶν περὶ αὐτόν. Ille quidem abiit, ut videtur: cōiicio enim ex remigio alarum. *ACHILLES* ISTVM *HECTOREM*) Duo hi, ut omnium fortissimi, et bellicis facinoribus maximè nobiles à patre ipso poeta-

rum, deinde à posteris eius eximie multumq³ celebra-
ti sunt. Sed Achilles gloriam Hector ab eo casus ve-
hementer auxit: quamobrem Pentadius in illo ve-
nustissimo epitaphio, ita gloriantem fecit, totum re-
citabo.

*Pelides ego sum, Thetidis notissima proles,
Cui Virtus clarum nomen habere dedist.*

Qui stravi toties armis Sicilicibus hostes,

Inq³ fugam solus missa multa dedi.

Hectore sub magno summa est mihi gloria casu,

Qui saepe Argolicas debilitavit opes.

Ille Menetiada subiit me vindice penas,

Pergama tunc ferro procubuerunt meo.

Laudibus immensis Victor supra astra ferbar,

Hostilem pressi fraude peremptus humum.

IN HOC POSITÆ FORTVNÆ GERMANIÆ)
Cic. in Orat. perf. Itaq³ se purgans iocatur Demosthe-
nes, negat in eo positas esse fortunas Gracia, hoc an illo
verbo usus sit, huc an illuc manum porrexerit. De cu-
ius loci emendata lectione ex græcis Demosthenis cō-
stitnenda videndus in annotationibus Lamb. (CAESA
CECIDIT AD TERRAM) Otto versus ex Ennij
Medea, ab eodem de Euripidis Medea principio ex-
pressi, sunt in 2. Cornificij ad Herennium. Vtinam ne
in nemore Pelio securibus, &c. Queritur nutrix de
navi ista: quæ si fabricata nunquam fuisset, non ipsa
heram & alumnam suam amisisset. De expeditione
Colchica legendi Apollonius & Valerius Flaccus. De
ariete aurei velleris, quid nam fuerit, variant aucto-
res. Certè ab eo vellere Equitum societas sue ordo
mana-

manavit, cuius institutor Philippus cognomento Bonus, Dux Burgundia. Vide Annales Flandria Jacobi Meyeri lib. 16. VOLITANTEM FLAMINE CVRRVM) Catullum exemplo Aeschyli & Euripidis dixisse currum pro navi, docet Muret. lib. 1. cap. 11. Ibidem observat Homerum dixisse primum, aurigam navis pro gubernatore. QVAE ARGO NOMINATUR) Officia nautica huius navis ex Hygino recenset & explanat Turneb. lib. 28. cap. 43.

PROGYMNASMA

ALTERVM ET TRICESIMVM.

*Navium partes, & arma-
menta.*

I I D E M.

HECTOR. Adsumus Cosine, quemadmodum dixeramus, & ab te promissa exigimus. Depende hoc quidquid est æris alieni. C. Ingentia verò promissa, & æs alienū nimis magnū. F. Attamen eiusmodi, ut ea te perficere vtriusq; nostrum nō planē nihil interesse videatur. Quamquam enim hæc minuta, & propemodum puerilia sunt, à nobis tamen ignoranda minimè sunt. Porro ut tu ea quam brevissimè cum summa perspicuitate in adversaria tua collegisti, ita audire malumus, q̃ quomodo à nomenclatoribus: aliisue harum

harum rerum explicatoribus traduntur. C. Potuiffem sanè ego quoq; diuerfas cuiusque istarum vocum rationes adiungere: potuiffem, vt quidam, in latina oratione græca vocabula incùlcare: potuiffem historiolas, prouerbia, loquendi formas sæpius adducere quam feci, quibus hâc tractationem per se alioqui ieiunam & aridam condirem atque exornarem. Sed mihi visum est optimum, hunc laborem aliis, & quidem me doctioribus relinquare, & isto potissimum modo, breuiter, inquam, ac dilucidè rem complecti, eaq; vti, si quando vñs venisset, siue vt loquerer, siue vt scriberem aliquid, siue vt docerem alios. H. Probamus susceptum abste consilium. Nunc, quid moramur? abit dies. Cur non iubes recitare quæ sequuntur? C. Heus puer, vbi es? te volo, num audis? P. Præsto sum, iube. C. Eundem libellum quem ante paucas horas, in manus sume. P. Ecce. C. Quære caput 6. P. Caput sextum. C. Lege lemma capituli. P. NAVIVM PARTES ET ARMAMENTA. C. Placètne propositio? F. Etiam. Et rectè, postquam de generibus nauium egisti, nunc de membris & partibus instrumentisq; earundem differis. C. Lege caput ipsum, voce clara & articulata. P. PRORA anterior pars nauis est, *πρόρα* τὸ *πρωτόν*, quod nimirum reliquam partem nauis præcedat. Etymon à *πρωτόν* omitto. P. VPPIS posterior pars, *πίπυς*. Est autem honestior in nauibus locus, vbi gubernator sedere consuevit, clauum tenens. Nocturno tempore mos fuit in puppi nauis prætorix lampadem lucernamue suspendere,

dere, ad cuius lumen reliquæ cursum dirigerent.
Virgil. in 2. hoc videtur voluisse.

Et iam Arginæ phalanx instructæ; navibus ibat

A Tenedo, raris per amica silentia luna,

Littora nota petenti: flammæ cum regia puppis

Extulerat.

ROSTRUM cunei in modum acuta, & extrema
proræ pars, ab avium rostris, per similitudinem.
CARINA pars infima nauigij, totiusq; structuræ
fundamentum. A facili cursu, quasi currina. Acci-
pitur item hoc nomine ima trabs, qua navis fun-
datur: pro naui sæpe apud poëtas. STAMINA, STA-
TVMINA, COSTAE, sunt ligna illa arrecta inter-
ius, quæ navis latera suppingunt. SVBVERRA ad
nauem pertinet, quamvis non ut pars eius. Ea est
crassior ac vilior arena, qua ad certam mensuram
implentur naues, quo stabiliore cursu procedant.
Dicitur eadem voce quidquid nauem onerat ob
hanc causam. ALVVS quid sit in naui, patet.
FORI exteriora spatia seu tabulata navium, per
quæ nautæ feruntur & incedunt, à ferendo. STE-
GA proscenium navis, tabulatum quoddam, su-
per quod ambulatur. Quidam locum contestum,
& velut tugurium interpretantur. TRANSTRA
sedilia remigum, quod transversim strata ac di-
sposita sint. Poëtæ etiam iuga vocant: Græci enim
ζυγὰ pro transtris. MODICVS, locus in quem
malus immittitur. OCVLVS locus, cui navis no-
men inscribitur. COLUMBARIA. F. Quid? eti-
amne columbæ in mari? C. Mox intelliges. P. Lo-
ca concaua in summis navium lateribus, nidis &
latibulis columbarum haud dissimilia: foramina,
inquam,

inquam, per quæ remi promicant. F. Iam scio quæ sint ista columbaria. P. SENTINA pars navis inferior, quo sordes defluunt: sic dicta, quod ibi teterimus odor sentiat. Sordes illas nautea vocant: hinc verbum, sentinare. Consortiū & cœtum improborum, seu locum in quo sceleratis sit receptaculū, tralatione quadā significat. SCALMVS lignum teres, cui pensiles femi loro alligantur: seu labrum navis, vbi remi adnexi sunt. Cic. 3. Off. pro cymba capit hoc verbum. Venit ipse maturē: scalmū nulum videt. INTERSCALMIYM vt intercolumnium, interuallū scalmorum, spatia inter remiges. CASSERIA locus vbi remi asseruantur, remorum receptaculum. C. Plura præteruehor, quia græca, nobisq, qui ei sermoni nondum satis asuefacti sumus, intellectu difficiliora. Quod etiam in his quæ sequuntur obseruo: in quibus, vt in his quæ iam lecta sunt, si nimium brevis fuero, ab iis licet reliqua perfectius discatis, qui nauiculariā faciunt. H. Tua ista breuitate contenti sumus, & quod græcis vocibus aures nostras onerare parcis, id prudentiæ tuæ adscribimus. C. Perge ad instrumenta. P. CLAVVS & GVBERNACVLVM idem sunt, cuius summa pars ansa. Quis porro nescit quam sæpe istę voces, cum de Rep. sermo est, ad gubernationem transferantur? MALVS siue arbor navis, sustinet vela cum antennis: dictus, quod quasi quibusdam malis ligneis cingitur, quorum volubili agitatione vela minore negotio vel panduntur, vel demittuntur. Pars infima pterna, media trachelus, summa carthesium. ANTENNA lignum seu pertica transuersa, quasi ante amnem porrecta, cui vela alligan-

alligantur: partes eius extremæ cornua. ANCHORA dens, seu vncus ferreus ad sustinendas naues per funem in altum demissus. Sacra anchora, quam nautæ non nisi magna necessitate coacti, salutis causa expediunt. Vnde adagium, sacra anchora, de vltimo præsidio. Anchoralia, funes, quibus anchora religatur. TONSILLA palus dolatus, præcuta cuspidē naui alligandæ causâ in littore defixus. PVLVINI machinæ, quibus in portum deducuntur, vel subducuntur naues. PHALANGES, seu PHALANGAE (alij palangas vocant) fustes, per quos nauibus subditos illæ in aquâ vel impelluntur, vel subtrahuntur. HERMATA ligna, seu trabes, quæ substernuntur nauibus, ne subductæ humi putrescant. PONS NAVIS sunt scalæ nauales, quibus in nauim ascenditur, & descenditur. Virg. 10. Æneid.

*Interea Aeneas socios de puppibus altis
Pontibus exponit.*

ANTLIA instrumentum seu haustrum ad sentinam exhauriendam. BOLIS seu CATAPRORATES (quoniam à prora demittitur) plumbū ad explorandā aquarum altitudinem atq; fundum. APLVSTRE seu APLVSTRVM ornamentū naui, quod in summo malo ponitur. Vexillū, verbi causâ. PYXIDICULA NAVTICA qua poli situs cognoscitur. HARPA GONES manus ferreæ, falces quas in præliis naualibus adhibere mos est. Iam satis intelligitur, quid sit exarmare nauim, armamentis videlicet spoliare: ad quæ referuntur adhuc quæ sequuntur deinceps. REMI conti, quorum extrema & latior pars palma & palmula, à manu hominis. Quibus vocibus sæpius pro remis ipsi vtuntur Poëtæ.

A remo-

Aremouendis autem & decutiendis fluctibus remi. Quin insuper tonsæ à tondendis quasi fluctibus, seu quod ferro tondeantur. TRVDES robusta pertica, qua vado aut saxi inhærens naui destruitur. CONTVS oblonga pertica, seu hasta ferrato capite, quo nautæ vtuntur. VELA quæ & lintea, quibus tanquam alis volat naui: remis autem videtur ambulare. Alia triangula sunt, alia quadrata. Conficiuntur è lino, cannabe, sparto, corio. Cæsar de bello Gallico. Venetos gentem Gallicam ex pellibus alutis conficere solitam scribit. ACATIVM velum maximum. DOLON minimum, ad proram. EPIDROMVS velum ad puppim. ARTEMON minus velum, quod celeritatis causa maioribus appèdi solet, vnde nomen. Quidam maius accipiunt. SVPPARVM seu SIPARIVM genus veli, quo vento languescente nauigia adiuuantur in cursu. CARBASVS & CARBASVM à genere lini vnde sunt. RVDENTES funes nautici, à nimio stridore: cum enim ventis agitantur, rudere videntur. PES funis naualis, quo velum tenditur seu transfertur. Virgil. vnâ omnes fecere pedem. Seu in velo ea pars, quæ acutior & inferior ad naui latus religatur, modoq; contrahitur, modo relaxatur. PRO PES funis quo pes veli alligatur. CAMELVS funis crassus, quo nautæ alligant anchoras. De quo locutû esse Christum volunt quidam apud Matthæum, cum dixit: facilius camelum per foramen acus transiturum, quam diuitem in regnum cælorum. PROTONI funes, qui ex vtraq; parte mali, à prora & à puppi extenduntur. SPIRA funis nauticus in orbem conuolu-

uolutus. REMVLCVS quo maior nauis minori
 alligata in litus trahitur. PRYMNESIVM funis,
 quo in littore nauigium palo alligatur: à quibus-
 dam ora etiam dicuntur eiusmodi retinacula.
 CHAMVLCVS, machina tractoria, qua in ter-
 ram nauis attrahitur. C. Iamne tot vocabulis de-
 glutientiis facti estis saturi, an fame dominante
 plura appetitis? F. Plura Cosme: esurimus & si-
 timus, ac suspicamur in hisce tuis aduersariis re-
 condita multa haberi, quæ, vt es natura libera-
 lis & munificus, aliquando facies, vt sint nobis te-
 cum communia. C. Talia quidem certè, vt puta-
 retis, si ea vobis impertirem, causam cur deside-
 raretis non fuisse. H. Nouimus vrbanitatem tu-
 am. Quin præcipis legi cætera? C. Lege puer cap-
 septimum.

 ANNOTATIONES.

IN LATINA ORATIONE GRÆCA VER-
 BA) Præcipit M. Tullius 1. Offic. eo sermone nobis
 utendum, qui notus sit: ne vt quidam, græca verba in-
 culcantes, iure optimo irrideamur. In 1. Tusculana
 ait se non plus solere in latino sermone loqui græcè,
 quam in græco latinè. Sunt etiam reprehensi poëta ab
 Horatio sat. ult. lib. 1. & à Persio sat. 1. qui græca la-
 tinis miscnt. Veruntamen intelligendum est, fre-
 quentiam, ac non ita, vel vilem, vel necessariam græ-
 corum verborum sententiarumq; inculationem dis-
 splicere Ciceroni: nec poëtas defendimus, quos parum
 concin-

concinne, parumq³, eleganter, aut certe parum vstritè id facere consistemur. Quod si omnino fugienda nobis est græcorum verborum in latina lingua vsurpatio, damnetur, & seipsum ante omnes accuset Cicero, qui in epistolis integras immiscet sententias græcè, & ad Atticum nullam panè scribit sine græcis vocibus, suisq³ libris græca non raro inspergit. Commentarium verò de suo consulatu totum græcè composuit. Quoniam ergo fieri potest, age doceamus quando faciendum sit. Primum si vel in sententia, vel in verbo græco inest aut græue, aut argutum, aut suauè, aut iocosum, aut demum eiusmodi aliquid, quod latine elatum, festinitatem vimq³, suam amitteret. Norunt autem docti, quam diues gratiarum ac leporum sit græca lingua. Tum si quid exprimi nisi barbarè non posset. Ita apud familiares eosdemq³, eruditos, quibus multa paucis per allusiones ad historias, fabulas, per dicta sapientum, versiculosq³, poetarum, proverbia & insinuationes significare velimus. Ne mysteria nostra enuntientur, si, ut sit, litera intercipientur. Sic Cæsar olim ad Q. Ciceronem obfessum in Gallia græcis conscriptam literis epistolam misit. Pauci tum græcè sciebant, & hodie multò pauciores. Quin ob easdè causas non græcè modo, verum etiam germanicè, gallicè, hispanicè, &c. in latino sermone loquemur. Quando huiusmodi causa non incidunt, non admiscebimus græca, ut neque Cicero. Qui in orationibus quidem

prorsus

prorsus abstines; & cum in ea pro Deiotaro græcum
versum referre oporteret, latinè loqui maluit. Quem
morem non seruant, qui suas orationes aut episto-
las ita replent verbis græcis, ut Chimæra videan-
tur. UBI GVBERNATOR SEDERE) Virgil.
Æneid. 5.

*Ipse gubernator puppi Palinurus ab alta,
Hec quænam tanti cinxerunt æthera nimbis?*

In eodem.

*segnemq; Menætem
Oblitus decorisq; sui, sociamq; salutis,
In mare præcipitem puppi decubat ab altâ.*

NAVTEAM VOCANT) Herba est, inquit Festus,
granis nigris, qua coriarij utuntur, à nauſca ductum
nomen, quia nauſcam facit, permutatione t. & f.
Nonius ait esse aquam de coriis, vel, quod est verius,
aquam de sentina, dictam à nautis. Plant. Curcul.
Nam omnium unguentum odor præ tuo nantea est.
Asin. Nanteam bibere malim, si necessum est, quam
illanc oscularier. PYXIDICULA NAVTICA)
Quarit Brodeus libr. 3. cap. 29. quam obrem huius
pyxidicula extremum perpendiculum temperati ma-
gnete ferri ad polum semper sese connertat: nec tamen
causam, in re scilicet obscurissima, expeditè potest.
PALMA ET PALMVLA) Etiam parmas appellari
in remis maioribus docet ex Vitruvio Turneb. lib. 3.
cap. 7. CAMELVN PER FORAMEN ACVS)
Theophylactus notat à quibusdam ibi. Matthai
cap. 19. intelligi funem crassum, quo nauta utitur ad

*iaciendas anchoras. Et id videtur magis convenire cum foramine acus, satisq; magna remanet hyperbole. Veruntamen tum solet scribi non cum n, sed i. xάμι-
λ@, non xάμιλλ@.*

PROGYMNASMA

TERTIVM ET TRICESIMVM.

*Magisteria, ministeria nautica,
& tutela nauium.*

I I D E M.

PVER. NAVTAE dicuntur, qui functionibus
naualibus occupati sunt, quo nomine ni-
hilominus illi etiam interdum afficiuntur,
qui navigationis ergo mari se commiserunt. **RE-**
MIGES Liuius aliquoties socios nauales dixit.
Plautus videtur nauales pedes appellasse illo ver-
su: Afferuate hoc nauales pedes: nam illi in naui lo-
co pedum sunt. Alij tamen remos intelligunt, qui-
bus tanquam pedibus naues ambulant. Alij nau-
tas ipsos. Alij pueros, qui vsque in nauim herum
secuti sunt. Remigatio est incitatio nauis a remi-
ge propulsæ: vel est remigis contentio atque im-
petus in nauim propellendam. Remigium ipsa re-
morum agitatio, seu remorum ordo, remigumue
multitudo. **GVERNATOR** qui clauum mode-
ratur, qui temone nauim regit, inter naucleros
præcipuus, qui & **NAVICVLARI**, **NAVICVLATORES**:
quan-

quanquam & illi sic vocentur, qui nauculas meritorias agunt, quique nauium domini sunt, quos vulgus patronos. NAVARCHVS præfectus, princeps nauis, qui nautis imperat. TRIERARCHVS in cuius potestate est triremis, seu qui præest triremi. Sic PENTECONTARCHVS qui pentecontero. TOECHARCHVS qui lateribus nauis imperat, datque operam, ut remiges pariter remis aquam pellant. LEGATVS CLASSIS præfecti vicarius; sicut in bello qui munia obit pro Imperatore. NAVSTOLOGI, NAVSTODICAE qui rationibus & iudiciis in naui præsunt. THALASSOMETRA mensor maris, quales qui hodie pyxidi nauticæ assident. CELEUSTES hortator remigum, qui voce aut alio signo claro vocalique remiges incitat ad remigandum, quasi nauigationis moderator. Vnde celeuma & celeusma. Quo vocabulo item declaratur clamor nauticus, cum sese mutuo cohortantur, portumque vicinum inter se gratulantur. Verbum græcum est *καλέειν* iubere. PAVSARIVS Senecæ, qui modos dat remigibus, & voce pausam fieri imperat, è remigandi labore iubet desistere. PRORETA proræ præfectus, qui proræ insistit & curat. Qui in prora ventos captat & aucupatur, eorumque conuersiones dicit in flectendis promontorii gubernatori, quique tenias & breuia, ne nauis eis impingatur prospicit & explorat. NAVPHYLACES custodes nauium. HELCYARIi qui aduersis fluminibus, aut vento cōtrario naues fune trahunt, qui helcyon vocatur. EPIBATÆ & CLASSIARIi nauales milites. PORTITOR qui homines per flumen traiecit: pretium portorium,

etiam naulum. MESONAVTAE qui partim ut
 nautæ regendæ naui operam suam impartiunt:
 partim etiam ut vectores, nonnihil nauculatori-
 bus, aut nauarchis præcedunt. VRINATOR qui
 sub aquam se demergit, & merces è fundo extra-
 hit: verbum est vrinari. PRYNNETES respōdet pro-
 retæ, qui curat in puppi. NAVPEGVS fabricator
 naui. RATIARI qui rates moderantur. NA-
 VALE seu ARMAMENTARIUM locus ubi con-
 feruantur naues, & fiunt. C. Audite iam de na-
 uigiorum & nauigantium diuis tutelaribus. H.
 Perlibenter, ut omnia quæ hæcenus recitata. P.
 Ut præteream quod nauigaturi diis vota faciebāt,
 multaq; promittebant, si sospites redirent, sole-
 bant veteres alicui numini dicare nauim, eiusq;
 fidei & patrocinio tum ipsam nauim, tum sese
 commendare, cuius effigies etiam in prora, non-
 nunquam in puppi edito & eminenti loco pingebatur,
 aut sculpta apponebatur, & id quidem
πρόγονος, latinè Tutela. Seneca ep. 77. Nauis bona
 dicitur, non quæ pretiosis coloribus picta est, nec
 cui argenteum rostrum est, nec cuius tutela ebore
 cælata est. Silius, Tutelæq; desim fluitant. Sic apud
 Ouidium: & aurato fulgebat Apolline puppis. Idē,
 pictos verberat vnda deos. Nauis illa in Actis Apo-
 stolorum, qua Lucas & Paulus vehébatur, inigne
 Castorum gerebat, quod sidus horum nauigan-
 tibus felix faustumq; credatur. Et fuisse nautarum
 numina indicat Horat. lib. 1.

*Sic te Dina potens Cypræ,
 Sic fratres Helena lucida sidera,
 Ventorumq; regat pater.*

Ab eo

Abeo signo seu numine, à *παρασήμῳ* nempe, interdum nauim accepisse nomen, ex Luciani dialogo *πλοῖον ἢ κύμα*, & Plutarcho in septem sapientum conuiuio apparet. Et quia etiam animalium formas habebant, tanquam *παρασημων*, hinc factum, vt quædam centaurus, alia pistris, alia *κετοῖ*, id est, arietes, alia *τεταρσι*, id est, hirci cognominarentur. Christiani cum nauigant, D. Nicolaum iustius venerantur, cuius multi præsentē opem in maximis sæpe tempestatibus senserunt. Præterea naues suas rectius beatis cælitibus dedicant, quorum etiam nominibus easdem condecorant, vt hæc sit S. Barbaræ, alia Bartholomæi, &c. F. Aliquoties audiui hanc erga Diuos pietatem irrideri à perditis hominibus. C. Sed deus vicissim irridebit illos postremo sæculorum die. H. Si quid adhuc superest de re nautica, impertiare nobis, vt beneficium tanto sit cumulatius. C. Est omnino, nec parum vtile valdeq; iucundum. Lege cap. 8.

 ANNOTATIONES.

CLEVSTES) De huius officio quadam Rhodigin. lib. 16. cap. 23. **C**LEVMA ET **C**LEVSMMA) Hortamenta ipsa, quibus celestia vtuntur, qua interdum voce, interdum tibia canebantur, ita vt remiges pro modulorum, atque harmonia ratione vel concitarent, vel inhiberent remos. **P**ORTITOR QVI HOMINES PER FLVMEN) Dicitur is portitor, qui nauigio homines traducit, ac transuehit vel

de navi ad littus, vel ad ulteriorem fluminis, lacus, stagnine seu ripam, seu littus, qualem describit in 6. *Aeneid.* Charontem Virgilius, de quo multa in dialogis mortuorum Lucianus. Ovidius autem ad *Li-niam*.

*Fata manent omnes, omnes expectat avarus
Portitor, & turba Sæx satis & naratis.*

Est etiam portitor qui portorium conduxit: id est, qui fructus pecuniarios ex portu conduxit, & à venientibus illos exigit. Cic. 1. Off. Turpes sunt questus, qui in odia hominum incurrunt, ut portitorum, & fœneratorum. Plaut. *Asin.* Portitorum simillime sunt ianua lenonia: si affers, tunc patent: si nō est quod des, ades non patent. *DIVIS TVTELARIBVS*) De his lege qua scribit Muretus lib. 10. cap. 19. Et Lambert. in Horat. ode 14. lib. 1. ad illum versum: Non dii quos iterum pressa voces malo. *VT HÆC SIT S. BARBARÆ*) Etiam in sulis, regionibus & locis in utraq, India, Orientali inquam & Occidentali, à calitibus, quos simul patronos ac defensores instituerunt, nomina Lusitani & Hispani, cum in terras illas primum vento delati venirent indiderunt.



PROGYMNASMA

QUARTVM ET TRI-

CESTVM.

*Loquendi formæ, & prouer=
bia à rebus nau=
ticis.*

I I D E M.

PVER. Rem totam in duo capita distribuemus,
& cum primo loco modos loquendi, non
omnes quidem illos, sed præcipuos attuleri-
mus, parcemias ex verbo natas continuo subiicio-
mus.

Vela.

Dicimus contrahere vela. Virgilius legere. Item
dare, facere, pandere, ducere vela. Cic. velis passis.
Ducere, subducere, deducere vela, obliquare sinus
velorum, velificari. Remis velisq; aut velis equisq;
aliquid agere, est summum extremumq; conatum
adhibere. Eadem est vis illius, omnem rudentem
mouere. Velificare aut velificari, est vela facere.
Cic. contra Rullum translatus dixit, velificari ho-
nori suo, pro, auram popularem captare, seu alicui
operam nauare. Verbale, velificatio.

Remus.

Remis incumbere, remum agere, impellere, insur-
gere

gere remis. Quid sit remos inhibere, vide XIII. ad Atticum. Ad remum dare, remo affigere, est ad triremes relegare, ergastulo nautico mancipare. Detergere porro remos, tertia syllaba extensa, seu penultima producta, est transuersa naus hostilis cum impetu, & transcursu remos perfringere, auferre, & velut puram ab iis reddere. Qua forma detergere palmites scriptum Columellæ. Detergere pinnos muri, Liuij. Cæsar de Massiliensibus. Pluribus nauibus adoriri singulas, aut remos transcurrentes detergere, si possent, contendebant. Liuius. Duæ regiæ vnâ circumstant, & ab utroque latere remos detergent. Hæc Lipsius lib. 2. Elect. A remo ad tribunal de iis, qui ex abiecta & humili conditione ad aliquod dignitatis culmen ascenderunt: siquidem inter nautica ministeria contemptissimum est remigantium. Rudentes & remos armis commutare. Torquebitur in eos, qui gloriæ desiderio commoti, artem solitam, quantumque vstitutum abiiciunt. Vt qui de nautis milites, de studiosis aulici, de opificibus sacerdotes fiunt. Oportet remum ducere qui didicit: quod Propertius sic. Qua pote quisque in ea conterat arte diem: & Cic. in Tuscul. Bene illo Græcorum prouerbio præcipitur: Quam quisque nōrit artem, in ea se exerceat.

Clauus & gubernaculum.

Pro administratione quam sæpissimè capitur hæc vox, & ἀντιπεποιώς clauum tenent in Repub. qui eidem regendæ sunt præpositi. Similiter, sedere ad clauum,

clauum, ad gubernacula, tractare item gubernacula Reip. Gubernaculo purior seu castior, quoniam cum semper in aqua sit, nihil est eo minus sortidum: græcè *πνδάλις ἀγρότερος*. Dum clauum rectum teneam: significatur his verbis *παρρησιακῶς* artificii euentum infelicem non esse tribuendum, si is officium suum præstiterit.

Puppis.

Mouere puppim, in eos valet, qui institutum deserunt, & quasi iter actionum suarum iam captum retractant: nauigantes quippe ad aliud sese iter conuertentes puppim agitant. Ventum à puppi vocamus, cum res ad voluptatem fluunt. Ab animalium porro cauda *ῥέξ*, etiam puppis aliquando *ῥέξ* dicitur, & vêtus qui à puppi seu tergo nauim impellit *ῥέξ*, id est, secundus. Prosequitur surgens à puppi ventus euntes. Puppis & prora de summa negotij aut consilij nostri: ab his enim tanquam à capite & calce pendet tota nauis.

Ventus.

Vento se dare, venti campus, in hominem leuem & inconstantem: in planitie siquidem liberius vagantur venti. Iam illa, tradere, loqui ventis, venti abstulerunt, pro obliuisci, & nihil proficere, nota sunt. Ventos colere, est à laboribus suis nullum fructum percipere. Vêtorum stationes, de rebus longo vsu obseruatis. Sunt enim plerisque regionibus sui quidam venti, quorum naturam bene norunt incolæ.

Nauis

Navis & portus.

Ædificare, conscendere, instruere, frangere, evertere, deprimere, deducere, subducere naues, quæ duo postrema sunt contraria. Illud est *ἁγέλλειν*, è littore in mare ad nauigandum detrahere: hoc, quod Græci *ἀνέλλειν*, è mari in littus protrahere. Veteres dicebant texere naues: Locus ipse ubi fabricarentur, textrinum appellabatur. Ouidius. Textitur & costis panda carina suis. Silius. Flumineam textit qua transfuehat agmina classem. Catull. pinea coniungens inflexæ texta carinæ. Tene-re, petere, subire portum, in portum inuehi. In eadem naui esse, in communi periculo. Nauigare in portu, naus est in vado, tutum esse. In portu impingere, statim in principio peccare. Rimosa & vetusta naus, cum ij obeunt munus aliquod, qui sunt inepti. Naus ficulnea, in contemptu: ficus enim est arbor ad naues conficiendas inepta, & ficulnea sunt vilia, fragilia inutilia. Naus annosa haud quaquâ nauigabit per mare: in eos qui iam ob senectutem nimiam ad res arduas obeundas, sustinendaq; pericula parum censentur apti. Nauigare Anticyras iubetur, qui mente lapsi sunt, propter ellebori copiam scilicet in illa insula, quo cerebrum purgatur. Quâ de causâ iidem etiam elleborum bibere, vorareq; iubentur. Naues onustæ conuitiis, vt plaustra conuitorum, pro multitudine maledictorum, quâdo nullis verborum contumeliis parcitur. Nauibus & quadrigis pro studio & festinatione. Salaminia naus, in eos qui summa celeritate aliquid conficiunt.

C. Hęc sunt, amici, quę collegi & disposui ad vsum meum. Si vobis quoq; non inutilia erunt, gaudebo. Cętera ad rem naualem spectantia, quę non pauca supersunt, vt de fluminibus, de mari, quid sit, quibus nominibus appelletur, & quę sint eius genera: aliud enim est Euxinum, aliud Caspium, aliud rubrum, &c. Si vobis cognoscere, demonstrabo, & intendam digitum ad fontem. Nunc ex isto quem diduxi riuulo bibisse sit satis. H. Delectauit nos aquula tua: fuit enim vitro splendidior & gustu sanę dulcis. F. A nobis vicissim omne officium expecta, mi Cosine. Bene vale. C. Et vos valete, vt qui bellissimę.

ANNOTATIONES.

CONTRAHERE VELA) Translate vsus est hac norma loquendi Horat. Ode 10. lib. 2. quę Licinium hortatur, vt neq; aduersis, asperis, ac difficilibus rebus sese mœrori dedat, neque secundis nimia letitia efferri animum sinat, sed cum contrahat, ac summittat..

*Rebus angustis animosus atq;
Fortis appare, sapienter idem
Contrahes Vento nimum secundo
Turgida Vela.*

REMOS INHIBERE) Lib. 13. ad Att. epist. 21. Inhibere illud tuum quod mihi valde arriferat, vehementer

menter displicet: est enim verbum totum nauticum. Quamquam id quidem sciebam, sed arbitrabar sustineri remos, cum inhibere essent remiges iussi. Id non esse eiusmodi didici heri, cum ad villam nostram navis appelleretur: non enim sustinent, sed alio modo remigant, & quæ sequuntur. Inhibere igitur remos, non est remos sustinere, sed navim retrorsum in puppi remis agere. (CLAVVM TENENT IN REPVB.) Non poeta modo (quamquam hi liberius hoc faciunt,) sed oratores quoque persape, & alij scriptores cum de Repub. eiusq; gubernatione loquuntur, à re navali verba, & loquendi genera, ab officiis in quâ nautarum ad munera Rempub. regentiû festinè traducunt. Lege Victor. cap. 11. lib. 7. SEDERE AD GVBERNACVLA) Hac translatione usus est frequenter M. Tullius, ut item superiore, clauum tenere. Pro Roscio Amer. Sed ut illud intelligatur, cum apud maiores nostros summi viri, clarissimiq; homines, qui omni tempore ad gubernacula Reipub. sedere debebant. Ad Patum. Catulum mihi narras, & illa tempora. Quid simile? ne mihi quidem ipsi tunc placebat abesse diutius à Reipub. custodia: sedebamus enim in puppi; clauumq; tenebamus: nunc vix est insentina locus. Pro Sextio. Clauum tanti imperij tenere, & gubernacula reipub. tractare. SVBDVCERE NAVES) Idem huic esse illud apud Hirtium lib. 4. de bello Alexandrino: detrabere naues, nempe

eu è mari in litus trahere, quod mare altius sit, quam breue littoris vadum, deorsumq, ex alto & pelago in vado salitiora deduci videantur, quod Græci ῥαγίειν dicunt, ossèdit Turneb. libro decimo quarto, capite decimo sexto. NAVIGARE ANTICYRAS) Duae sunt insula huius nominis, in quarum utraque provenit elleborum copiosè, sed in altera optimè temperatum. Quare plurimi sanitatis gratia in eam navigabant. Horatius autem epistola ad Pisones, ut insaniam prorsus immedicabilem & deploratam significaret, dixit: tribus Anticyris caput insanabile. Hoc est, quod uniuersitas ellebori sanare non possit. Addamus his ut coronidem, qua de prima & secunda navigatione Turneb. libro vigesimo quarto, capite trigesimo quarto. Prima navigatio dicebatur, cum post æuitiam hyemis, qua mare clausum erat, nauigantibus vere primum aperiebatur. Esse & prima navigatio potest, cum dicimus nos quamprimum nauigaturos, & primam quamque nauigandi occasionem arrepturos: ut videlicet secunda comparetur. Et illa temeraria magis plerunque & improuida est: secunda autem non raro eius peccatum corrigit & emendat: unde & pro uerbio græco celebratur, δυνεῖς ἄλῆς. Sunt tamen qui primam navigationem uelificationem, secundam remigationem interpretentur, ut Suidas est auctor. ALIUD RVBRVM) Græci Erythraum ab Erythra

*Erythra rege, qui ibi regnavit. Sed quia is videri est
rubrum quoque, idè latini errantes rubrum dixe-
runt hoc mare, & disputatum est inutiliter de causis
ruboris huius. Negant certè qui viderunt,
eiusmodi huius maris colorem esse.*

Uberius Brodani lib. 3.

таp. 9.



PRO-

PROGYMNASMA

QVINTVM ET TRICESIMVM.

*Tempestas siue naufragium.*ARISTIPPVS, COMITES,
RHODII.

ARISTIPPVS. Hoc demum fuit Corinthū,
quo intenderamus appellī: conquassato,
inquam, nauigio, penitusq; dissoluto, tabu-
lis agrē adeptis, per immensum iactari & circum-
ferri gurgitem, atq; in hac tandem littora nudos,
salisq; fluctibus membra omnia tabefactos eiici.
Veruntamen diis agenda sunt gratia, cum nos sal-
uos & seruatos voluerunt. C. Tam valde sumus
continua natatione fatigati, totisq; corporibus sic
affecti, vt gressus figere difficilē possimus. Quod
autem sub cælū violentia tempestatis acti sumus?
quibus in oris mundi oberramus? hominē sine, an
bestiæ hæc loca tenent? A. Breui cognoscemus qui
mortales. Nam vt credam nostri similes animan-
tes inuenturos, faciunt hæc, quæ in arenis asperi-
tis exarata schemata quædam geometrica. Proin-
de metum soluite: tanget illorum mentes propter
naturę cognationem atq; consensum ærumna no-
stra. C. Non leue argumentum eius quod promit-
tis, hæc figura & linæ mathematicæ: speramusq;
tua spe duce & magistra, nos ab iis hospitem in
modum acceptum iri. Quis enim adeo inhumā-
nus & ferus reperiatur, quem naufragorum non
x capiat

capiat misericordia? Ignorant, & feliciter ignorat quantum malorum pelagus ab se prohibuerint, qui se pelago nunquam crediderunt. A. At nos iam res ipsa perbene didicimus, quale sit iratum procellosumque mare, quid sit atrocissima tempestas, quid naufragium. Tantopere formidolosum ac horribile animo informare nihil potuissem. Est oppidum miserandum leti genus in profundum absorberi, & cibum esse squamosarum pecudum. Præstat longè aut in pugna consauciatum oppetere, aut in lectulo suis extrema dantem madata, & ultimum dicentem vale, sepulcrumque sperantem extingui. Illa mors in aquis nec humana, & in gloria, fortique ac sapienti viro nequaquam digna est. At iam horsum se capeffunt quidam, ut diuinat animus, istorum locorum accolæ. Este apud vos cum percunctabuntur, & illorum fidem mecum concorditer implorate. Si vestibus nos amiciuerint, aliquid cibi & potionis prouiderint, aliquantulum etiam viatici in manus dederint, affatim benigni liberalesque fuerint. C. Te quidem cum philosophum esse audierint, & Aristippum illum Cyrenaicum, dabunt plausum, nec tuis te, quas consecraris voluptatibus carere sinent. A. Nemo quisquam est ingenio tam rigido & immani, quin occasionem nactus sibi & faciat ipse, & ab alio fieri patiat paulo melius atque splendidius. C. Bene, quod exemplo confirmas, quæ verbis doces. Sunt enim quorum cum vita mirabiliter pugnet oratio. A. Ita verò oportet: & ille doctor censendus est probatissimus, qui, quæ aliis præcipit & commendat, ipse prius factopræstat. C. Si tu velles oluscula comedere ut Diogenes,

genes, nihil foret opus in aulis regum molliter delicatèque viuere. A. Exprobrauit & Plato mihi vitam non insuauem neque rusticam. Scitis quo pacto hominem contrà tetigerim? C. Si dixeris sciemus. A. Quasiui, essetne bonus vir Dionysius. Eo affirmante: at ille, inquam ego, multò me cœnat apparatus. Nihil ergo vetat quempiam viuere hilarius, bonumq; virum numerari. C. Tu videris, nam nostrum non est disputare tecum, ne cancri conemur capere leporem. A. Volup' est, & laudo: ego met pectori meo promus fuero. Salueto ò viri. R. Salutem vobis vicissim. Qui estis? quibus è locis aduenistis? quo cogitatis? tu inprimis, quem promissa in pectus barba venerabilem reddit. A. Sum Aristippus ille, Cyrenis natus in Africa, è Socratis disciplina profectus: hi sunt ciues mei: è Libya nobis cursus fuit Corinthum, lumen illud Græciæ. R. Optatissime hospes Aristippe, iterum salue. Cedò manum. A. tenete. R. Quid passus es cum sociis? et si res ipsa vobis tacentibus clamat. A. Crebrescētibus ventis coorta tempestate nauis qua portabamur dissipata interiit, ac de vektoribus alij fluctibus oppressi sunt, alij tabularum beneficio salutem retinuerunt, in quibus nos ignoti & rerum omnium egentes huc ad nauimus. Quod vos per superos oramus, miserati fortunam hanc nostram, humanitatis aliquod in nos meritum collocetis. C. Frigore, fame, siti, iactationibus, horrore, nuditate, salis acrimonia pænè contabuimus. R. Mittite preces, vnàquæq; harum causarum satis est ad impetrandam misericordiâ. Non tam obtusa gestamus pectora,

vt humanis casibus non moueamur: & memini-
 mus cuius posse accidere, quod cuiquam potest.
 Agite, in urbem nos sequimini, ibi è laboribus lar-
 gissimè recreatos donis necessariis, atq; etiam ho-
 norificis donabimus. C. Quod nobis benè fecerit-
 is, fixum perpetuò manebit animis nostris. R. Su-
 mus Rhodij, & hæc insulà est Rhodus, à qua vsque
 adeo nō auersos iungit equos Phœbus, vt dies nul-
 la sit, qua serenum vultum charissimæ terrarum
 non ostendat. A. Iam huc eiectos gaudeo. Etenim
 apud Rhodios est honor litteris, quæ, vbi domici-
 lium habent, ibi habitant profectò humanitates
 omnes. C. Non arbitramur nos odio esse celesti-
 bus, quando ad vestrum littus deuoluti sumus. R.
 Tūne ergo Aristippus ille, cuius tam gloriosum
 nomen inter philosophos? cuius tam acutè & sa-
 pienter dicta adeò multa & inprimis feruntur? A.
 Aristippū ipsum videtis sine controuersia. R. Bea-
 sti nos tuo aduentu improuiso. Sed quandoqui-
 dem longiuscula est via, quæ à primo littore in vr-
 bem ducit, quo minus cum molestia reliquū iam
 lasi, & agrius incedentes conficiatis, exponite no-
 bis vestrum naufragium, studiosè audiemus. A.
 Nunc maximè intelligo, quam verum sit, quod sæ-
 pe in ore est mortalibus. iucunda malorum præte-
 ritorum recordatio. Inuiti casus acerbos perpe-
 timur, attamen perpeffionis cum voluptate me-
 minimus. Dij magni, quam exarserat in nos iracū-
 dia Æolus, quem fortasse precario alastor aliquis
 seu Ate rogauerat, vt quos altissimis speluncis &
 montibus abditos imperio coercet ventos, eos ag-
 mine vniuersos, dato ligno, emitteret, Eurum, Ze-
 phyrum,

phyrum, Austrum, Aquilonem, Cæciam, Caurum, Africum. Cum iam in altum prouecta esset navis, nec vllæ terræ apparerent, sed vndique pontus, & cælum vndiq; , repentinò auditi flatus horrisoni, nigrescere, & condensari nubes, solis aspectus adimi, tenebris conduplicatis inhorrere omnia, & cæca quadam nocte obsessi oppressiq; videremur. Cælum tonitribus dat mugitus ingentes, concursu conflictuq; nubium fulgura & fulgetræ ingeminant, atq; in illa caligine opaca lucem nobis præbent. Quid plura? imbres densissimæ, & grandinem horridâ deorsum venti glomerabant, qui ad concitandum æquor sic incubuerant, vt illud ab imis sedibus euersuros putares. Totum cælum in mare descendere, omniaq; inter se elementa permisceri atq; confundi cerneret. Neptunû ipsum vndis vsq; ad fundum æstuantibus sensisse hâc tempestatem arbitror. Nam quasi prædam, in medio nacti certabant luctabanturq; inter se venti, fluctus ad sydera tollebant, & cum iisdem nauim, quæ statim dehiscente vnda ad manes vsq; deprimebatur. Itaq; nunc tanquam è sublimi monte valles depressas, & Plutonia regna despicere: nunc velut ex inferis cælum suspicere nos existimabamus. Nec profuit quidquâ proiectis in fluctus oneribus leuasse nauigium. Ibi mercatores ditissimi ducetorum millium gazam compulsi sunt perdere. C. Clamare lamentari ac plorare vectores, & stupore opprimi. Hic diiscentum tauros in sacrificium pollicetur, si saluus euadat: ille sublati manibus Castorem & Pollucem omnibus precibus pacem orat: hic beatos exclamat, quibus spiritum in terra edere, &

humo operiri concessum sit. Alius desertos parentes: alius destitutam vxorem, & paruos liberos miseratur. R. Quid tu, Aristippe, tantis in periculis? C. Non minus timuit ac tremuit, quam nostrum aliquis. Nullam propemodum mentem animi habebat præ formidinis magnitudine. A. Non pudet timuisse, & dicam paulo post quid homini curioso petulantiq; de pauore meo responderim. Quid amplius? aquarum montes voluebantur quocunque aspiceres, crescebátque magis semper ac magis tempestas, nec secus quam arietibus & balistis oppidorum muri, decumanis fluctibus, terribili cum sonitu naus latera feriebantur. Inde subscudibus reuulsis, & laxatis compagibus per rimas via vndis in nauim præbebatur, quas egerere haustris & situlis frustra nitebamur. Si qd Rector præciperet nautis, quamuis clamore acutissimo, propter procellæ fremitum crepitumque vox nulla ad aures perueniebat. Quod auté quisq; factu necessarium iudicabat, id properabat vt poterat: vt munire nauim, commissurasq; ferru minare, & stipare musci coma, rudentes colligere, vela cum antennis demittere. Attamen erat omni ipsorum conatu potentior calamitatis moles. Vnde fracto iam malo, fracto gubernaculo, costis & statuminibus diuulsis, remis abruptis, nauis in aliquot partes dilacerata, pars vna cum viris ante oculos nostros submersa, pars altera per fretum distiecta, & nescio quas in oras delata est: nos Desum adiuti clementia, tabulis arreptis simul ad vos devenimus. Fateor me vehementer expalluisse tum, præsentemq; mortem reformidasse. Quod futurum

rum non putabant aliqui, illi scilicet, qui philosophos & quercubus generatos somniant. Non tamen ejulabam, nec voces querulas emittebam. Accedit ad me homo quidam ad audendum projectus ac temerarius, ne dicam fatuus, quem sub fluctibus iam animam expirasse, & ad Acherontem abiisse credo. Is iactare suam constantiam, & intrepidum prorsus inconcussūq; in tanto licet discrimine animū: mirari autem, & causam querere, cur ego philosophus timerem, cum ipse nihil omnino extimesceret. Non eadem, inquam, mihi homo, tibi & mihi causa est. Tu enim pro anima vnus cuiusdam impurissimi nebulonis sollicitus non es, at ego pro anima Aristippi sum sollicitus. R. Pulchrè dictum & sapienter, iugulasti furciferum. A. Certè nullum potuit ultra verbum proloqui: malè habuit virum. Videtis nunc, Rhodij, vt ex isto naufragio nisi corpora nihil seruauerimus. Mihi verò quam mecum semper porto sapientiam, auferre vis tempestatis nequiuit. Quare vos moneo comites, cum domum ad cognatos meos reueneritis, ex me salutem ipsis nunciatis, iubeatisq; tales comparare filiis suis diuitias, quam cum illis facto naufragio enatare in littus possint. C. mandatum hoc tuum exsequemur. Nihil potuit mandari philosophia dignius.

ANNOTATIONES.

A D explicandam vim tempestatis, & calamitatem naufragij, placuit nobis Aristippi philosophi naufragium deligere, de quo lib. 2. in Aristippo La-

ert. Vitruvius præfat. lib. 6. Alian. Fulgus lib. 7. cap. 2. Eadem sit fertasse illa eiusdem navigatio, cuius meminit Gellius lib. 19. cap. 1. IN ARENIS SCHEMATA GEOMETRICA) Geometria olim plurimū opera impendebant adoleſcētes. Itaq; in gymnaſio præſtò ſemper erat abacus pulvere conſperſus, in quo lineas virgula conſcriberent, ac figuras ducerent: quas commodè, ſi quid diſpliceret, aut immutarent, aut dele-
lerent, aliq; ratione deformarent. Hinc pulvis eru-
ditus pro mathematicis diſciplinis à Cicerone 2. de
nat. deor. Sed ſi hoc non videris, quia nunquam eru-
ditum illum pulverem attigisti. Tuſcul. 5. Ex eadem
vrbe humilem homunculum à pulvere & radio ex-
citabo. Huc referendum eſt, quod hic Ariſtippus ait.
Brodæus lib. 1. cap. 1. MISERANDVM LETI GE-
NVS) Ouid. 1. Triſt. elegia 2.

Non letum timeo, genus eſt miſerabile leti,
Demite naufragium, mors mihi munus eris.
Eſt aliquid fatoq; ſuo, ferroq; cadentem,
In ſolita moriens ponere corpus humo,
Et mandare ſuis aliqua, & ſperare ſepulcrum:
Et non aquoreis piſcibus eſſe cibum.

SQUAMMOSARVM PECVDVM) Piſces Lucre-
tius ſquammigerum genus, ſquammigeros ſine ſub-
ſtantiuo, ſquammigerū pecudes, mutas natantes
vocat non ſemel. Plautus etiam ſquamosum pecus
Rud. IN GLORIA, FORTIQUE AC SAPIENTI
VIRO INDIGNA) Aeneas apud Maronem 1.
Æneid. in ſaniſſima illa tempeſtate exclamans: O
terq;

terq; quaterq; beati, *Quis ante ora patrum, &c.* non
 timet mortem, immo ut vir fortis ac strenuus, gloriaq;
 cupidus, ante ora patrum, *Iliacis campis dum ma-*
num cum hoste pro patria conferit, occubuisse optat.
Hoc profecto non est timere. Sed genus mortis omni
honore & gloria vacuum timet, quale est in undis
extingui, non in acie. Atq; ita nō sola phantasia com-
mouetur, ut Stoicus ille sapiens, apud Gellium, sed re
ipsa, cui curatio datur. Locus est illustris apud Iouianū
Pontanum, libr. 1. de fortitud. quem rei illustranda
caussa proferam. Quorsum hæc finguntur à poëta in vi-
ri, ducisq; fortissimi persona, ut quem hostiles tot con-
gressus nunquam fregissent, præruptus ille aquæ mons
tam humiliter atque infractè de sua suorumq; coëge-
rit salute desperare: an quod illud moriendi genus nul-
lum esset decus allaturum? nec virtuti suæ vllum senti-
ret locum inter transtra remosq; relictum? Itaque non
fert grauato animo mori, sed quod sic moriendum esset.
Idem dico de Hippomedonte. Is enim diu inter aquas
colluctatus, cum tandem è torrente raperetur, exclam-
at, queritur, deos inculat, quod tam indignè secum
ageretur.

*Humōne (pudet) Mars inclyte merges
 Hanc animam? sequeisq; lacus & stagna subibo,
 Cui pecoris custos subito torrentis iniquis
 Interceptus aquis. Adeone occumbere ferro
 Non merui?*

SI TV VELL ES OLVS CVLA) Prætereunti ali-
 quando Aristippo lauans olera Diogenes: si tu ista pa-
 rare tibi didicisses, tyrannorum aulas non ambires.

Respondit Aristippus. Tu verò si quidem versari cum hominibus scires, olera non lauares. Laërte. & hoc, & quod mox in dialogo sequitur de Platone. PROMISSA IN PECTUS BARBA) Mirè sibi pallio, & barba promissa placebant illi veteres philosophi, à qua ne minimam quidem refecari patiebantur, quasi de sapientia sua simul aliquid amissuri. Sed reuera multi erant barba & pallio tenuis philosophi. Vnde Herodes Atticus in quendam huiusmodi palliatum & crinitum, barbaq; prope ad pubem usq; porrecta, qui interrogatus quisnam esset, vultu sonituq; vocis obiurgatcrio, se philosophum esse respondebat: barbā et pallium video, philosophum non video. Gellius lib. 8. cap. 1. Extat etiā lepidum epigramma in huiusmodi barbatos magistros, ut quidem ipsi se existimari volunt.

*εἰ τὸ ἰρῆφεν πῶγων ἄδοκ' ἐσφίαν πεποισῖν,
καὶ τ' ἐξ ὧ ἐὺ πῶγων εὐσελός ἐστι πλατὼν.
Si praelonga facit sapientem barba, quid obstat,
Barbatus possit quin caper esse Plato?*

Plutarchus optimè. ὅτι γὰρ φιλοσόφος πῶγων ἐσφίαι, καὶ σεβανοφείαι ποιεῖσι, ὅτι ἰστανὸς αἰ λινοςολίαι. Non facit philosophum promissior barba, nec detritum pallium: non item Isiacos amictus linei. VT DIÈS NVLLA SIT QVA) De laudibus Rhodi copiosè Corradus commentar. in Brutum ad prima illa verba libri: Cum è Cilicia decedens Rhodum venissem. Pindarus τείπολιν nominat, quia sunt in ea tres urbes, Lindus, Ialysus, Camirus. IVCVNDÀ MALORVM

PRÆTERITORVM) Cic. 2. de finib. Quid, si etiam incunda memoria est præteritorum malorum? ut pro-
uerbia nonnulla veriora sint, quam vestra dogmata.
Vulgo enim dicitur, incundi acti labores. Nec malè
Euripides: concludam, si potero latine, græcum enim
hunc versum nostis omnes.

Suavis est laborum præteritorum memoria.

Græcus est hic.

ἀνδ' ἢ δὴ σὸς τέρτα μεμνῆδαι πόνων.

Epist. 12. lib. 5. Habet enim præteriti doloris securare-
cordatio delectationem. Virgil. 1. Æneid. forsitan &
hæc olim meminisse iuvabit. EVRVM, ZEPHY-
RVM, AVSTRVM, AQUILONEM) De 4. ventis
cardinalibus, ut vocantur, eorumq; locis hæm versi-
culos Ovidij Trist. lib. 1. eleg. 2.

*Nam modo purpureo Sires capis Eurvm ab ortu,
Nunc Zephyrvs sero & vespere missus adest:
Nunc gelidus sicca Boreas bacchatvr ab Arcto:
Nunc Notus aduersa prælia fronte gerit.*

REPENTINO AUDITI FLATVS) Lege tempe-
statem Maroniam 1. Æneid. qua descriptione ni-
hil potest fingi præclarivs. Describit etiam tempesta-
tem suam Ovid. 11. Metamorph. sed luxuriat suo
more. Cum mare sub noctem tumidis albescere ca-
pit fluctibus, & qua sequuntur. Est & alia tempe-
stas ab eadem descripta eleg. 2. libro primo Trist.
Et ex Pacuvio adducit illam Cic. 2. de Orat.

inhorro-

inhorrescit mare:

*Tenebra conduplicantur, noctisq; & nimbū occaecat
nigror:*

*Flamma inter nubes coruscat: calum tonitru contrem-
mit:*


*Grando mista imbri largifluo subita precipitans cadit:
Undiq; omnes venti erumpunt: saui existunt turbines:
Feruet astu pelagus.*

CENTVM TAVROS) Insinuamus Aesopi fabel-
lam. Agrotus tenui re familiari, à medicis despera-
tus vouebat diis tauros centum, si conualuisset. Tum
uxor hac audiens: Et vndenam hac tibi? ô miser. Il-
le, an putas, inquit, fore, ut dij requirant? Ita & nauta
improbi, & alij homines non boni pollicentur etiam
deo & sanctis magna & multa, periculis circumuen-
ti: qua deinde non praestant, quia deus, & beati, quo-
niam tacent, non videtur requirere. DECVMANIS
FLUCTIBVS) Decimi, seu decumani fluctus, qui
maximus fieri dicitur complures poetae meminerunt,
quorum versus adducit Politianus Miscell. cap.
86. Nos tantum Ouidij locum ex elegia paulò ante
nominata.

*Qui venit hinc fluctus, fluctus supereminet omnes,
Posterior nono est, undecimoq; prior.*

ACCEDIT AD ME HOMO) Stoicus philosophus
cum expalluisset in tempestate, ubi calum enituit, &
mare deferbuit, causam à quodam Asiatico interro-
gatus, hoc idem quod Aristippus respondit, & quam-
ob causam sapiens inter procellas trepidaret, prolato
Epicteti libello docuit. Lege totū caput Gellij 1. lib. 19.

DE RE



DE RE CVLI- NARIA.

PROGYMNASMA SEXTVM ET TRICESIMVM.

Oeconomus.

EXOECONOMVS, OECONOMVS.

EXOECONOMVS. Gratulor, & gaudeo te mihi ante alios in hac functione mea successorem esse datum, speroq; & opto dominis nostris ingenti commodo, tibi sempiternæ laudi hûc honorem fore. OE. Iucunda est mihi ex optima mente profecta gratulatio, accepta amicissimi desiderij plena voluntas tua. Tibi verò præfecturam hanc abrogatam dolenter fero: siquidem qui eam æquè vt tu providenter modesteq; gerat, nunquā reperimus. Nec velim existimes, me assentatiuncula aucupari beneuolentiam tuam: quod res est, sincerè proloquor. EX. Atqui soluendus est aliquando equus senescens, ne peccet ad extremum ridendus, & ilia ducat. Etatem præcipitaram vides: quot annis quantas curarum moles voluerim, quales quantosq; labores exantlârim, nescire non potes. In tuos humeros tandem isthæc onera inclinâda, tibi hæc rei familiaris procuratio committenda

mittenda fuit. Ad quam tu sustinendam, parem (quod præsentio) animi magnitudinem, constantiam, prudentiam es allaturus. OE. Vt potero, ita impositum hoc munus administrabo: quandoquidem Domino sic stat sententia: quæq; te agentem crebrò obseruauì, ea pro infirma parte mea æstare studebo. Eorum illud vel primum, summiq; momēti iudico: ne quoscunq; vndecunq; venientes in domesticos adfiscam, nisi ante quinam sint, quibus parentibus exorti, qua patria, quibus ex locis veniant explorauero. Ex. Si agas secus, non mediocria nascentur incommoda, quibus quam maturrimè est occurrendum. Ipsos quoque imperio tuo subiectos non fastidiosè ac superbè: humaniter autem sedateq; tractabis: quò fiet, vt te sibi præesse vehementer læti sint, tèque diligant ac reuereantur. Alioqui leui apud eos momento pendebit auctoritas tua, in contemptionem temet adduces: quod in rem Domini haud censendum est. Interim, vt quisque seruorum ministro- rumq; diligenter ac fideliter suas partes tueatur curandum sedulò. OE. Benè mones. Quando enim illi suo muneri non desunt, rectèque curant omnia quæ debent, præterquam quod Oeconomum suum propter expertum eius erga se amorem, & declaratam sæpius humanitatem mirabiliter diligunt, eiusdemq; præceptis propensissima voluntate obsequuntur, etiam exquisitæ cuiusdam prudentiæ opinionem ei apud plerosq; conciliant. Ex. Quoniam te sponte tua præcurrētem video, non hortabor vt fidelitatem atque studium famulorum agnoscas, & animum ipsis gratificandi

tificandi benefaciendiq; cupidum ostendas, eorum, ubi usus venerit, causam agas, diligentiam commendes, in summa demum gratia eos apud dominum ponas. OE. Scio isthac mihi præstanda, præstaboque pro viribus: nec plus ad meam, quam ad eius cui seruo vtilitatem attentus ero. Ex. Hac mente non fuerunt, qui per œconomiam suam diuitias cumulârunt: qui, vt se ex officio gererent, ac dominis quam clarissimi essent, & ab iisdem beneficiis ornarentur amplissimis, nihil pensi habuerunt. O pecunia pecunia, vt multos mortales improbos fieri subegisti? OE. Hac via non incessisti tu, non incedam ego. Ex. In primis maximèque obsonatore non stulto, & præstanti fidelique coco tibi opus esse intelligas. Vt autem inter vos conueniat, nec vllum existat dissidium, facito mandata tua ne verbis constent arrogantibus, inflatis, parum prudentibus, importunis atque contumeliosis. Quin potius omni cum lenitate, ac mansuetudine imperato: vt tua iussa magis summissæ preces, quam violenta ac rigida & acerba imperia videantur. Obdurant aliàs & calcitrant, inertesque ac languidi redduntur ministri. OE. Tam in isto quam in aliis tua per vestigia ambulabo. Ex. In curando victu dominorum, fas est adhibere sollicitudinē. Discendum quid illi maximè bibere, quid edere velint: eatq; ipsa vt sint parata quam citissimè. prouidendum. Illud puerile est, monere, vt cum cibum illis coquendum tractas, manibus sis mundis, & alioqui etiam cultu nitido. Comprehendant breui, culina, cella vinaria, & penuaria ciebrius ingre-

ingrediendæ, lustrandæq; & ad esculenta poculentaq; ne quid per luxum absumatur, aut per ministrorum negligentiam corrumpatur attendendum est. OE. Ingentes agò gratias, cum me consilio bonisq; legibus informasti. EX. Tua te prudentia paulatim plura docebit. OE. Est tamen è media laude prudentiæ, si quid ego perspicio, audire illos, qui suo munere cum gloria perfuncti sunt. Nec tam facile à mortuis, quam à viuis magistris discitur. Experientia porro longa est, ætas nostra brevis.

ANNOTATIONES.

EXOECONOMVS) Proconsul, Proprator, Proquaestor cōiunctè, variatisq; casibus, proconsulis proconsuli, propratoris propratori, &c. ut pronepos pronepotis, proavus proavi, &c. an pro consule, pro pratore disiunctè, sine varietate vlla per omnes casus dicendū scribendumq; sit, quarit diligenter doctissimus noster Manutius. Ipse priorem sententiam tuetur, & exemplis idoneis confirmat, in ep. 1. li. 1. Parratio istorū est, Exquaestores, Exconsules, Expatricij, Expraefecti, Expratores & similia: quibus nempe designantur, qui dignitate consularis, quaestura, praefectura perfuncti, vacāt à munere. Non ergo probemus illa, ex praefectis ex consulibus: quæ ad similitudinem superiorum illorum, pro consule, pro pratore, &c. sed minus, antiquè, atq; ideo minus rectè dicuntur. Lege Crinit. libr. 10. cap. 12. Sigonius tamen homo in scribendo limatus & exquis-

exquisitus, in historiis quas reliquit, hoc dicendi modo sapissimè utitur, Palladius ex magistro officiorum, Saturninus ex curatore palatii, Anitianus ex Vi-
cario, &c. SOLVENDVS EST ALIQVANDO
EQVVS) Horat. epist. 1. lib. 1. ubi se depositis studiis
lenioribus atq; ludicris animum ad virtutem exqui-
rendam appulsurum profitetur, sic ait.

Est mihi purgatum crebrò qui perfonet aurem:

Solve senescentem maturè sanus equum, ne

Peccet ad extremum videndus, & illa ducat.

Eodem spectant illi versus Ennii, quibus prope altam
iam, decursamq; aetatem suam equo forti & victori
comparat, quorum in Catone mentionem facit M.
Tullius.

Sicut fortis equus spatio qui saepe supremo

Vicit olympia, nunc senio confectus quiescit.

LABORES EXANTLARIM) Murel. libr. 13.
cap. 17. exantlandi verbum esse peregrinum existi-
mat, & graccè quidem rectè dici ἐξαντλῆν, sed latine
loquenti exanclare, non exantlare dicendum. Dein-
de reprehendit nescio quem, qui hanc vocem neq; ab
ulla latina, neq; ab ulla graca voce originem habere
posse, & ex totius lingua latina finibus ablegandam
esse audacter pronunciauit. SVO MVNERE CVM
GLORIA) In omni vita bene instituenda, & in omni
officio rectè & cum laude exercendo prodest aliquem
sibi proponere, quem communi approbatione lauda-
tum nouerimus, quem sequamur, & cuius nos similes
efficere studeamus. Eodem modo perutile censent.

*prudentes, deligere sibi quosdam, quos constet in sua
functione nullam laudem, immo magnam reprehensionem
& dedecus adeptos, ut ab eorum moribus peccatisq;
recedamus quam longissime. Nam ut ad do-
ctrinam plus viua vox, ita ad bonos mores vini alicuius
mores & exempla plus valent.*

PROGYMNASMA

SEPTIMUM ET TRICESIMUM.

Obsonator.

OECONOMVS, OBSONATOR.

OECONOMVS. An non carnes istas fumo
quamuis duratas, & has salitas diutius æ-
quo asseruari censes? iamq; inibi rem esse,
vt putere propemodum incipiant, penitusq; cor-
rumpi, ac scatere vermiculis? O B. Mihi sanè non
aliter visum: ac proinde coco tradendas autumo,
vt quamprimum coquat in prandium, atq; adeo
in cœnam seruis ancillisq; familiaribus. Qui si eas
fastidierint, egentibus distribuuntur. Reconditum
habere semper aliquid, quo necessitati subuenia-
tur, equidem laudo: at tam multum, vt sit quod
perdi possit, nūquam laudauerim. OE. Tū in cul-
pa sis forsitan, qui tantum coëmeris, quantum ne-
cessè non fuit. O B. Emere soleo quantum iubeor:
proinde apud te cogita & reminiscere te impe-
rassè mihi, vt tot libras carniū mercarer: alio-
qui

qui officium meum non ignoro. OZ. A laniis, piscatoribus, propolis, salgamariis, salsamentariis, ouorum, caseorum venditoribus: item ab olitoribus, a quibus lactucā, cicorea, rapa, capas, aliasq; hortenses & agrestes herbas emptitare consuesti, non aliquando te in fraudem impelli sponcione cum quoquam haudcertauerim. OB. Illi ut me circumueniant? quonam modo? OE. Cum te iuuenem comptum atque cultum, affabilem, & humanum aspiciunt, verbis blandis meditatissq; te ad merces quisque suas inuitant & pelliciunt. In quo inuidentia quadam concitante alius alium anteuertere contendit ac vincere. Norunt enim quantos quæstus, quantaq; commoda per te adipisci queant, cum his obsonator ditissimi & opulentissimi hominis, qui profusis viuat sumptibus, qui conuiuia instruat quam frequentissima. Tu propter lenocinia verborum libentius semper absidem emptitas, & eorum erga te animi affectum quasi remunerans, das pretium quod poscunt: poscunt autem quantum illis suadet amor nummi. OB. Non capior talibus laqueis: nec ad istam prouidentiam capitis albitudinem exspecto. Cum primum hoc muneris exercere inciperem, essetq; adhuc non ita peritus, eram aliquanto in sumptu faciendo liberior: nec tamen prorsus inconsultò eram ac temerè. OE. Qua de caussa igitur? OB. Ut res suas præ aliis, mihi libentius, cupidiusq; venderent. Idcirco etiam humanissimè eos compellabam, nec de pretio contentiosius, aduersabar. Ad senem me, exercitatumq; obsonatorem adiungebam, quicum ad forum itabam, & in

eo dexteritatem emendi obseruabam. Nunc rationem perdidici, euasî doctior. Et quamuis multo argento sacculus mihi tumeat quotidie, non tamen inde vel teruntium suffuror, nedum aureos totos. O E. Sentio quorsum hoc. De pecunia dominorum sublegunt semper aliquid obsonatorum plerique, & thesauros conficiunt, quos se ex parsimonia, & diuturnitate laborum collegisse simulant. O B. Mos pessimus, & cruce dignus. Nosse legere, literarum ductus formare, nosse arithmeticam, esse alacrem, impigrum, bene moratum, scire quæ ad rem culinariam emenda, illaq; expedite nō perturbatè, tolerabili impensa conquirere, in emendo tempora & ordinem conseruare, domino nihil vel per negligentiam, vel per infidelitatem incommodare, quæ domum à foro allata sunt, ea tutò ac bene custodire, cum munditia, hæ sunt obsonatoris partes: non autem habere viscosas manus, quibus crebro aliquid de pecunia domini adhæreat. O E. Oraculorum responsa edidisti.

ANNOTATIONES.

OBSONATOR) *Qui mundis comparandisq; obsoniis præst, Græcis ἀγορεύς. Quanquam & obsonator, seu, ut quidam malunt, opsonator græca vox censeri potest, quasi ὀψώνιος, qui & ὀψώνος.*
SALGAMARIIS) *Salgama sunt fructus seu obsonia, seu penora conditanea, quæ nimirum in vasis ferreæ fistilibus, & sæpius cum liquamine seu iure, aceto, inquam,*

inquam, sale, muria, melle, aqua multa & similibus
 seruantur, ut quoties opus fuerit, ad usum edendi pro-
 mantur. Exempli gratia, caules & olera, poma, pyra,
 fici, una, & similia. Salgamarinus qui bene concinnat
 & conficere nouit, quiq; vendit salgama. SPON-
 SIONE CVM QVOQVAM CERTAVERIM)
 Sponsio generatim est promissio. Apud veteres ge-
 nerum erat actionis, quæ fiebat interposita stipulatione
 certa pecunia, quam perderet is, qui sponsione vin-
 ceretur: ferret autem, qui sponsione, seu sponsionem
 vinceret, & coram iudice aut recuperatoribus disce-
 piabatur. Pronocans sponsione ita dicebat. Spon-
 deo me tantam pecuniam daturum, nisi, &c. Prono-
 catus autem contrà restipulabatur. Uterque sponsio-
 nem facere dicebatur. (CAPITIS ALBITVDI-
 NEM) Pro albore positum à Plauto. Trinum cum ca-
 nitiem indicaret.

Leibonicum hic adolescentem quaro in his regionibus,
 Vbi habitat, & isem alterum ad istanc capitis albitu-
 dinem:

Calliclem aiebat vocari, qui has mihi dedit epistolas.

HÆ SVNT OBSONATORIS PARTES) Sunt
 quidem hæ, sed etiam illa, de quibus Seneca epist. 44.
 his verbis. Adice obsonatores, quibus dominici pa-
 lati notitia subtilis est: qui sciunt, cuius rei sapor il-
 lum excites, cuius deleat aspectus, cuius nonitat e-
 nauscabundus erigi possit, quid iam ipsa satietate fa-
 stidiat, quid illo die esuriant. VISCOSAS MANVS)

*Depallio, & sudario sibi à Thallo surreptis conque-
rens Catullus, eaque repetens, ait. Qua nunc tuis ab
unguibus reglutina, & remitte. Germani suracea
homines aiunt digitos habere longos. Munera vi-
scata, seu hamata, quibus plura aut maiora attrahuntur, quam dantur.*

PROGYMNASMA

OCTAVVM ET TRICESIMVM.

Cocus.

OBSONATOR, COCVS.

OBSONATOR. Quod discipulos tuos tan-
parū nitidos, tam inquinatos incedere si-
nis, haud equidē miror, quoniā tu ipsemet
ineleganter ac spurcē, quod ad vestitum curamq;
corporis attinet, te tractas. Non semel exprobra-
ui hoc vitium tibi, nec tamen consecuta est vlla
emendatio. C. In quo vsque adeo tibi displiceo?
O. quam horrida barba? quam promissus ac sordi-
dus capillus? quando illam, quando hunc toton-
disti? an vis ex vtrisque funes nectamus? Astare &
inspicere ollas apud focum, effundere in catinos
cibum, tractare deniq; rem escariam cum istis tur-
pissimorum crinium nemorib⁹ decorum esse pu-
tas? C. Ibo igitur ad aliquem fanifecum cras, qui
demetat hac gramina: aut ad lignatores potius,
qui istam adeo nemorosam tibiq; formidabilem
sylvam

syllam securibus excindant. Videbis formosum
porcus ac virentem, quem nunc ut hispidum &
pilosum auerfaris. O. De indusio quid dicam?
quam niueum? quam purum? Vestes adipatae. Ad-
huc non strictae caligae, non thorax, ut cocis pul-
crum est: sed pendulae & follicantes, ut quam plu-
rimum venti colligant. An tu etiam vento coquis?
C. An tu etiam hoc me rogas? Vtique, alioqui fol-
libus non indigerem. O. Iam intelligo causam
laxitatis huius. Quid respondes de linteo terfo-
rio, quod à collo utrinque dependet? de praecin-
cto, de pannis & mantilibus culinariis? certe haud
nimis te munditiae studiosum indicant. C. Co-
gitare te oportet, me iam hominem natu gran-
diorem esse. O. Audio. C. Et omnibus nego-
tiis laboribusque non sufficere posse amplius. O.
Tithoni senectus. Quadraginta sex annos ge-
stas: quale pondus? hem. C. Qui tu istuc no-
sti? an fuisti matri mea obstetrix? O. Sic conii-
cio. Et tamen ut esses multo senior, habes im-
pigrum adiutorem, qui ad manum sit cum vo-
lueris: cui mandare possis liberè, quaecunque cu-
rata rectè velis. C. At nimium multa incidunt
assiduò quae mandem, singulorum haud recor-
dor. O. At illud te meritò industrium reddere
deberet, quod non nescis, haud esse vllum ser-
uum, vllumue ministrum, quantocunque apud
dominum in honore, quacunque dignitate sit,
in quo tantum videatur positum, quantum in
coco: cui etiam reges, principes, ac dynastae po-
tentissimi vitam suam credere coguntur. C.
Non me fugit, & arbitror dedisse me operam ad-

huc, ne officium meum à quoquam vel moro-
fissimo iurè desideraretur. O. Describam tibi pau-
cis cocum omni laude dignum. C. describas, licet.
O. Vir honestus, integer, fidelis, occultis latentibusq;
morbis omnino liber, munditiæ percupi-
dus, diligens, affabilis, coquere gnarus, exploratè-
que cognoscens, quinam cibi domino suo placeāt
præter cæteros. Multūmne an remissè conditis,
piperatis an salis, dulcibus an amaris atque acidis
magis delectetur. C. Tu mihi aliquando cocum
videris professus. Progredere. O. Tenendum est
illi qua hora prandere, qua cœnare soleat herus.
Quod si illi appetitus non semper ad tempus ad-
sit, tamen cocus egregius semper est paratus, cum
domino cibum capere libuerit. C. Vnum præ-
termittis. O. quidnam? C. assæ in veru sunt re-
linquendæ, donec eas struendi ad mensam tem-
pus fuerit: curandumq; vt alia omnia quam ma-
ximè sapida & succo plena anteponantur come-
dentibus. Plura ego te possum docere quam tu
me. O. Non tu modo, sed cocus quilibet: nec ego
ista docendi potius, quam monendi gratia disse-
ro. Addam hoc tantum. Quo maioris momenti
munus administrat cocus, hoc se humaniorem,
promptiorem, atque etiam religiosiorem præbeat.
Quod si fecerit, animum domini sui mirificè sibi
vehementerq; deuinciet, ac planè securum, & de
suo coco quam optimè sperantem efficiet. Hæc,
inquam, sunt, quæ in cocis commendantur. C. &
præstiti hæc, & præstabo assatim. Quis autem est,
qui in officio suo numquam claudicet? qui inter-
dum de via non paululum declinet? nec sapiens
omni-

omnibus horis sibi similis est. Vobis contra faciendum enitendumque, vt cocum hilarem & alacrem retineatis: verbis dico mansuetis, iussis molibus, ac plenis aliquando pateris. O. Nec nos in hoc negligentes sumus, aut erimus: dummodo ille vicissim promptus & obediens, nec humanitatis inops esse voluerit. C. Tu quod te decet: ego quod mihi conuenit: vnusquisq; partes suas accurate & fideliter.

ANNOTATIONES.

EX VTRISQUE FVNES) Edidit librum Iulianus Imp. quem inscripsit *μικτωρῶν, ἢ ἀνποχρῶς*. Os barba, siue Antiochēsis. In eo perpetua quadam, & Socratica dissimulatione cum seipsum videatur reprehendere, Antiochenſes tamen reprehendit. Accusat se, quod eorum moras imitari nequeat, quod à theatris, ludis ac deliciis abhorreat, quod vitam ab omni voluptate alienam degat, aliaq; in semetipsum iacit, vt satis quam mollis & eneruata illa ciuitas fuerit, intelligi possit. Sed quomodo in exorsu orationis ludat, in personam suam (in qua sunt barba promissa nimis & sordida, capillorum squalor, unguium, digitorum, totiusq; corporis immunditia) incundum est cognoscere. Recitabo locum latinis verbis. Et primum, inquit, à persona ordiar. Huic enim, quod (vt arbitror) natura non multum pulchritudinis ac venustatis dedisset, ipse morositate quadam, & acerbitate animi longam illam barbā addidi, quasi pœnas ab ea exigens, nulla quidem

dem alia de causa, nisi quod natura elegantior non fuisset. Ideo discurrentes in ea pediculos perfero, tanquam feras aliquas in sylva, neque largè edendi aut bibendi mihi potestas est: cauendum enim esse arbitror, ne imprudens pilos vna cum pane deuorem. At vos etiam funes ex ea necti oportere dicitis. Equidem id vobis perlibenti animo concedam, modo pilos possitis extrahere, neque eorum asperitas vestras molles & delicatas manus offendat.

TITHONI SENECTVS) Horat. Ode 16. lib. 2. Longa Tithonum minuit senectus. Impetravit quidem ab Aurora immortalitatē quam petierat Thitonius, non etiam perpetuam inuentam, quam peiere oblitus erat. Quamobrem in cicadam nimia tandem senectute, qua omnia imminuit & carpit, conuersus fingitur: in bestiolam aridissimam, canoram tamen & garrulam, qua virtus senum est: nam ut ait in Catione Cicero: senectus est natura loquacior. Solere nomen Thitoni de senibus infelicibus & laboriosis usurpari Eustathius ad primum Homeri versum lib. 11. notauit.

AN FVISTI MATRI MEAE) In Capt. cum Tyndarum, qui se Philocratem simulabat, pro seruo dominum, interrogaret Hegio praesente Aristophonte, qui hominē in Aulide seruuisse Philocrati sciebat, an liber fuisset, & ille responderet: fui, excipit Aristophontes: enim uero non fuit, nugas agit. Mox Tyndarus. Quī tu scis? an tu fortasse fuisti matri mea obstetrix, qui id tam audacter dicere audes? QVINAM CIBI DOMINO SVO) Martialis ille homo ingeniosus, acutus, acer, & qui plurimum in scribendo & sa-

et salis habet, & fellis, iudice Plinio, epist. 21. lib. 3. sic
aut lib. 14.

Non satis est ars sô'a coco, seruire palato:

Namq; cocus domini debet habere gulam

Non tãtu, inquit, coci ars in eo posita est, ut palato &
gustui seruiat: ut cibos coquat, quibus comesis pellatur
fames: sed nosse insi: p debet, quib⁹ delectetur gula domi-
ni, quibus se libetier expleat et exsaturare consueuerit.

PROGYMNASMA

NONVM ET TRICESIMVM.

Coquinarie partes.

SPINTHER, CHYTRAEVS.

SPINTHER. Ecquid aures tuas fama tetigit de
apparatissimo illo sumptuosissimoque epulo,
quod principibus viris feminisque nō vltimus
huius regni Heros nuperrimè dedit? C. Auditione
accepi, & me nō mediocris occupauit admiratio.
Intellexi enim, cū ibi adessent coci complures ex-
ercitatissimi, vnumquemq; conatum anteire cæ-
teros, ac primam laudis & gloriæ palmam auferre.
S. Quo in genere, quæso, certauerunt? C. in omni-
bus, quæ nostræ arti subiiciuntur. S. Scio septem
in partes potissimum distributam esse omnem ra-
tionem coquendi: siquidē docemur coquere iura,
quorū aliqua seorsim in patinis pro vno quodam
missu, seu cibarij genere apponūtur: ut quæ de vi-
no, lacte & seminibus conficiūtur: aliæ cibos ipsos
con-

condiunt sapidioresq; reddunt, & cum cibis simul
absumuntur. Deinde carnes, quarum hæ sunt fe-
rarum, illæ cicurum domesticarumq; animantium.
Vriusque speciei multæ iterum, vt tute nosti, sunt
species. C. mille. S. Præterea pisces. Adhæc, oua,
quorum coquendorum est etiam diuersa & mul-
tiplex scientia. Adde fructus & herbas: adde quæ
confecta dicuntur: adde postremo loco pemmata,
siue crustula, siue placentulas. Nunquid omitto?
C. nihil sanè. S. Quomodo in varietate iuris pri-
mi illius generis certare potuerunt? C. Adeo, Spin-
ther, & ausi sunt & potuerunt, vt apud te id effari
ego vix audeam. S. Quid refert? dic modo quid-
quid est, credam si videbitur. C. centum offas seu
iura diuersa fuisse apposita narrabant, idq; delectu
habito. S. centum? volebant conuiuas submer-
gere iuribus suis. Non abest ab hac narratione va-
nitatis suspicio. C. nec ego illi fidem accommodo.
S. Quot autem fercula illata cognouisti? C. infinita
prope, & exquisitissima: Antonij & Cleopatrx
conuiuium fuisse diceres. S. non in cæteris dunta-
xat, liberalibus inquam illis, verum etiam in hac
nostra facultate homines longè doctiores arbitror
inueniri hoc sæculo, quam vetustis inuenirentur.
C. nihil te fallit iudiciu. Veteribus in omni re sim-
plicitas amica fuit. Illorum primas menfas absol-
uebant carnes, secundas caseus, & bellaria. Nec ta-
men in carnibus tantopere, vt nunc, dissimilitu-
dini studebatur. S. iam colligo quippiam. C. quid
colligis? S. nihil, aut perparum nostra apud eos
scientia valuisset: mendicabula hominum fuisse-
mus. C. erras, bonus enim cocus non tam ex eo
com-

commendatur quod variè, quam quod bene com-
quit: sic nimirum, vt etiam fastidiosissimæ & in-
geniosissimæ gulæ eius opera non reprehendant.
S. Rectè hoc abs te dictum, & assentior. C. cur-
nam caneros nobiliorésque piscium ad conuiuio-
rum luxuriam adhibere mos obtinuit, diebus iis
enimpe, quibus carnijum esus permittitur? S. cum
recogito qui hoc faciant, rationem & causam vi-
deor obseruare. Diuites faciunt, tenuiores omit-
tunt: & illi magnificentix cuiusdã ac liberalitatis
gloriam aucupantur. Atque in ipsis piscibus doctè
coquendis condiendisq; maior propemodum dif-
ficultas sentitur, quam in carnibus, quas ego qui-
dem à toto genere facillimè piscibus antetulerim.
C. quod mihi vsu venit, tibi venire existimo: ma-
uis edere gallinam Indicam, quam piscem quem-
uis. Malles tamen contra rhombum, quam vacci-
nas, aut hircinas. S. nec latum pedem aberrasti, ip-
sum ostij limen tetigisti. Sed quod offæ genus ante
alia probas? C. quod? de generosissimo vino, de
flore, inquam, Liberi, cum aromatis, & vittellis o-
uorum & melle insuper. Nihil vino conferèdum.
S. qui toties vinum crepat, vinosus arguitur. C.
mitte malè loqui. S. oua miror tam valde à medi-
cis suaderi, & ægrotis tanquam salubre edulij ge-
nus dilaudari. C. plurimum alere aiunt oua, pisces
non item, qui magis ad excrementa, humorésque
vitiosos sint idonei. S. hoc loco quiddam in men-
tem venit. C. quid illud? fac me participem. S. Tu-
um de re cibaria institutum commentarium, &
iam affectum quando extrudes? an aliorum volu-
minibus culinariis es deterritus? C. minimè: nam
sicut

sicut apud philosophos, oratores; poetas, historicos qui posterius scribunt, semper sperant se aliquid noui, aut melius allaturos: ita cur nobis in arte nostra idem sperare nefas sit, ego causam nullam reperio. S. Si nos coci tot libros euulgemus, non erunt postea discipuli. C. Hoccine times? de architectura, de re militari, de metallica, de medica, de rustica, de mille aliis extant codices, & tamē eos peritolutare non est fatis: magistros etiam harum rerum intueri facientes oportet. Tradūt quidem praecepta libri, vsus aliunde pender. S. disputarem tecum super quibusdam, quæ in tuis scriptis, cum ea mihi superioribus diebus commodasses, offendi, nisi cælum iam vesperasceret. C. non deerit tempus: & ego scrupulos omnes, dubitationes omnes me tibi perfectē exempturū polliceor.

ANNOTATIONES.

VTRIVSQUE SPECIEI MVLTÆ ITERVM)
Ferarum quidem animantium alia sunt quadrupes, alia volucres: quæ diuisio etiam cicurum est, & prima haberi potest, maximeq; ampli. Enumerarem iam quæ solerent ex hisce quatuor generibus coco subiici, sed duabus de causis omittam. Nam & non parca in hoc capite, quod est de re culinaria sparsim ponuntur, & nimium longus catalogus texeretur. Quapropter doctoribus culinariis, & otiosis ventribus ista relinquemus: INFINITA PROPE) Ferculum sit à ferendo: qua voce Linus quid significarit,

erant, ex eius verbis sit perspicuum, quæ sunt lib. 1. Spolia ducis hostium casi suspensa, fabricato ad id apertiferculo, gerens in Capitolium ascendit. In re mensaria, fercula sunt propriè vasa inferendis obsoniis ac pulmentis apta. Fercula vocantur missus quoque. Nominantur item missus in spectaculis, & conficiebatur missus unus, ubi à calce ad calcem procurrentes equi, rursum à meta circumflexa calcem repetebant. Reliqua Rhodigin. lib. 8. cap. 7. Idem lib. 15. cap. 27. saporum inquit genera 13. reperiuntur. Dulcis, suavis, pinguis, amarus, austerus, acer, acutus, acerbus, acidus, salisus. Præter hæc, tria sunt genera mirabilis maxime natura. Vnum, in quo plures pariter sentiuntur sapores, ut vitis. Namq; in his & austerus, & acutus, & dulcis, & suavis, omnes alieni. Alterum est genus in quo sit & alienus quidem, sed & suus quidam ac peculiaris, ut in lacte, &c.

Libet hoc loco ritus quosdam conuiuiorum exponere. Conuiuia discumbentes iam, quoad fercula proponerentur, vasa, & alia quæ in aula erant laudabant, ipsam etiam domum. Interpres Aristoph. in Vespiis, & Athenæus libro quarto. Mos item fuit conuiuatori schedulam quandam exhibere, quæ continebat eorū quæ apparatus erant enumerationem, ut scirent cōuiuia quodnam obsonium cocus esset allaturus. Athenæus lib. 2. cap. 7. Onum erat cōnarum iniuium, mala finis. Horat. sat. 3. lib. 1. si collibuisse, ab onibus usq;

vsq; ad mala citaret. *Assō autem claudēbant astinam cœnam. Cic. epist. 20. lib. 9. Integram famem ad ouī affero: itaque ad assum vitulinum opera perducitur. Claudebāt etiam lactucis, propter somnum inducendum: ut postea iisdem cœnas propter appetitum excitandum inchoabant. Martial. lib. 13.*

Clandere quæ cœnas lactuca solebat auorum,

Dic mihi, cur nostras inchoat illa dapes?

Si quid de mensa cecidisset, non tollebant, maximē Pythagorici. Ideo, ut nonnulli tradiderunt, quō mōdestē in symposiis, minimēque petulanter conuiua discumbere condiscerent. Alia ratio, quoniam ea quæ de mensa cadebant, heroibus, seu manibus sacra esse credebant. Viebātur coronis in symposio ex omni herbarum florumq; genere, præterquam ex apio, quoniā luctibus magis conueniret apium. Quare tumulorum thecas antequam in illis corpora mortuorum ponerēt, apij foliis sternere cōsueuerunt. Leonicius lib. 1. cap. 24. Tempestinum cōuiuium, quod non sit de die (nam id turpe & nequam, & intempestinum habebatur, de die conuiuia agitare) neq; in multam noctem producit: sed quod tempori sit. Ad tempestinum quoque conuiuium fortasse pertinuerit, diebus potius certis, quam aliis conuiuias vocare, ut diebus festis, quam profestis, & quibusdam profestis potius, quam aliis, ut nefastis. Vide Turneb. lib. 6. cap. 16. ANTONII ET CLEOPATRÆ CONVIVIUM) In eo conuiuium pocula & vasa omnia viscebantur aurea, insertis margaritis,

ritu, & lapillis. Stravit triclinia duodecim, quorum
 parietes omnes auleis purpura & auro distinctis con-
 nectiti. Sumptuosissimum apparatus admiranti An-
 tonio, subridens Cleopatra ei donare se dixit omnia:
 rursumq; in diem sequentem inuitavit, atque iterum
 apparatus omnem, magnificentiores etiam dona-
 vit. Legatis eius & sociis pretiosa pocula ad mensas vo-
 bi discubuerant distributa sibi habere iussit. In disces-
 su gratia, auctoritate, dignitate excellentibus lecticam
 cum deferentibus servis singulatim, ceteris argento &
 purpura magnifice instratos equos largita est. Ex-
 pensum retulit in rosas talentum, cum per omnia dis-
 cumbentium triclinia foliorum passim acerui, cubiti
 mensura pavimentis undequaque omnibus extarent.
 Aliquot exempla conuiuiorum luxuriosissimorum col-
 legit Pererius in Danieli. lib. 6. NOBILIORES-
 QUE PISCIVM) Rhodij laudabant admiratores &
 amatores piscium, vituperabant carniū, agrestesq;
 & ventres nominabant: illos autem iudeiū inge-
 nuos ac liberales. Elian. lib. 1. cap. 28. VINOSVS
 ARGVITVR) Argumentum Horat. epist. 19. lib. 1.
 Laudibus arguitur vini vinosus Homerus. Quo qui-
 dem in ipsum Horatium uti licebit. Nam quis toties
 vinum in ore habes? ET IAM AFFECTVM) Lati-
 ne admodum dicemus, aliquem affectum molestia,
 dolore, contumelia, iniuria, morbo, pœna, pramio, ho-
 nore, lucro, damno. Item affecta ætas, valetudo, fides.

Sed est huius adiectivi reconditior quadam vis, dicunturq; affecta etiam, quae non ad finem, sed proxime ad finem perducta, aut progressa, quae nondum absoluta sunt. Cic. de provinciis consular. Bellum affectum videmus, & verè ut dicam, pæne confectum. Item infra. Nam ipse Caesar, quid est quod in provincia commorari velit, nisi ut ea quae per eum affecta sunt, perfecta Reipub. tradat? In OEconomico. Cum verò affecta iam prope estate, vvas à sole mitescere tempus est. Gell. lib. 3. cap. 16. & lib. 15. cap. 5. VSVS ALIVNDE PENDET) Cic. Academ. lib. 2. loquens de Lucullo qui laudem imperatoriam sine usu militari consecutus esset. Sed incredibilis quadam ingenij magnitudo non desideravit indocilem vsus disciplinam. Quae nimirum doceri non potest, quaq; nullis praeceptionibus traditur. Et videtur dixisse, disciplinam vsus, pro usu: vel potius, pro longa exercitatione, & consuetudine artis alicuius: ex qua quis fit vsu peritus.

PROGYMNASMA

QVADRAGESIMVM.

Coquinariae amplitudo, & epulum, seu lauticia rusticana.

LITERATVS. In arte vestra tantam operis
varietatem, tot differentias inesse, maiorem
in modum admiror. Quando deditus eram
poeticæ, putabam ingentem me videre acervum
diuersitatemq; metrorum: quando oratorix, sche-
matum & troporum: quando geometrix, figura-
rum: quando arithmeticæ, numerorum: quando
astrologix, stellarum. At iam in re culinaria longè
magis multiplicem distinctionem animaduerto.
C. quomodo? L. de solo boue certū scio vos octo-
ginta fercula posse conficere: hoc est bubulā mo-
dis & rationib⁹ octoginta reddere gustatu idoneā,
C. possumus verò. Quod quamuis tibi est admira-
bile, ne tamen sit incredibile. L. Nescio an non li-
ceat etiam plura: quāuis hæc ipsa nimium multa mi-
hi videantur. C. Fortasse: nam & ille modus quidā
nouus fuit ad esum parandi bouis, Francoforti ad
Mœnū. L. quid tu his verbis? C. Cū in ea ciuitate
conuentus Principū ageretur ad Maximilianū II.
Romanorū regem appellandū, pro antiqua imper-
rij Germanici consuetudine bos integer, detracta
tantū pelle, & exēteratus, pullisq; gallinaceis, lep-
oribus, anserib⁹, auibus, agnis bene fartus atq; distē-
tus, in veru ligneo & crasso machinis rotarum cir-
cūactus & assus⁹ perhibetur. L. iam memini. Diruta
culina in medio foro cōstructa ē tabulis, factaq; e-
gentibus diripiendi potestate, magno Principū ex
edito loco spectātium risu & voluptate sic illū bo-
uem breuissimo spatio discerptum direptūq; aie-
bant, vt ne veru quidē amplius superesset: putariq;
ipsum quoq; ab aliquo deuoratum: qui tamē cre-
debatur

debatur admodum malè cibum valentissimum
 concocturus. C. non cognouisti item, quam varia
 de vitulo, de veruece? L. de illo quinquaginta no-
 uem, de hoc quadraginta quinque. C. & de agno? L.
 duodetriginta. C. de hædo? L. triginta quatuor.
 C. de procello? L. duo supra triginta. C. haud er-
 ras in numero. De ceruo autem? L. triginta septè.
 C. de lepore? L. viginti. C. de apro? L. quadragin-
 ta tria. C. Prætereamus capreolos, damas, vrsos,
 bubalos, oues Turcicas, suem, equum Indicum, e-
 quum syluestrem, erinacium, sciurum, cuniculum
 & alias quadrupedes, de quarum carnibus nos va-
 rias epulas apparare nouimus: ad aues trāseamus.
 An nō stupefcis de aquila nouem posse fercula in-
 stitui? L. accepi istuc, & miror reginæ auium ac Io-
 uis aliti non plus concessum à cocis, quam caponi:
 immò quam anseri. C. cur hoc? L. Quia de illo
 traditis quadraginta quatuor cibi discrimina: de
 hoc vndetriginta. Gallinam quoque, columbam,
 coturnicem maiore gloria afficitis: siquidem de
 illa viginti duo, de hac viginti, de ista vnde viginti
 modos coquendi affertis. C. Aquila aliunde habet
 suam dignitatem atque præstantiam: quod te rerum
 naturalium explicatores docere poterunt. Paruus
 hic auium honor est, occisas, & ignibus domitas tam
 diuersis rationibus palato blandiri posse, & se hic
 ingenia eocorum ostentant. Quod ad me attinet,
 de phasiano, qui plus quam viginti formis tractari
 queat, aut de grue tātum asso malim edere, quam
 de columbis quocunque tandem illorum modorū
 ad esum concinnatis. L. in tuam discedo senten-
 tiam. Verum enim uerò, cum innumera pæne, &
 tanta

tam nobilia volucrum genera tam variè excellen-
terq; sciatis coquere, cur nihil de phœnice præci-
pitis? sitne parandus vt aquila, an vt cygnus, an vt
pauo, an vt phasianus. Quomodo pectus, quomo-
do alx, quomodo pedes ad epulationem iucundam
aptandi. Quotuplex iusculum, quæ species farti
adhibendi: etiãne apium, allium, mala Medica &
capz. C. In Assyria tantum, & vnicam huius no-
minis volucrem viuere dicunt. Ne igitur nature
sat iniuria, ei parcitur, in epulas non venit. Quò
fit, vt eius coquendi ratio sub præcepta non cadat.
L. Quinam hæc causa tam diu me latuit? en quam
prudenter responsum? Porro artificium vestrum
eximie se quoq; in piscibus ostendit. C. verū nar-
ras. Nam si detur nobis silurus, struemus fercula
duo & viginti. Si salmo, septendecim. De lampetra
quatuor, de truttis octodecim, de lucio quadra-
ginta, de carpione quinque & viginti. L. & de mul-
lo? C. sex. L. de anguilla? C. vndecim. L. de tin-
ca? C. septem. L. de cancris? C. tria & viginti. De
ἰνιοφθαλμῶ octo, de perca tredecim. L. Nolo audi-
dire de reliquis: sat multi pisces, sat multi modi
ferculorum. C. Possem dicere de aranea, erinaceo,
porco, cane, vitulo marinis, & de cochleis ac testu-
dinibus. L. quæso, quotnam facies de testudine?
C. nouem. L. animi gratia vnum genus me doce.
C. Libenter. Admoue illum ad ignem in olla, cum
aqua, sale insperso. Vbi elixaris, sine frige fiat. Tum
de testa exime, diuide in partes, condi pipere & sa-
le. Mox in farina perbene volutas frige in buty-
ro. Post, calidas adhuc & siccas labruscarū liquore
perfusas, aut succo è recentibus malis citreis super

eas expresse apponi iube. L. Expertus doces. C. quid non sum expertus, qui in tot Principum culinis tot annis milito? Didici eandem rem, seu piscis, seu caro fuerit, germanicè, italicè, gallicè, hispanicè, hungaricè, polonicè, boëmicè coquere. L. quam vellem tu mihi etiam gulam hispanicam, italicam aut gallicam posses dare. Ego enim in his rebus idiota, pro germanicè cocto lucio comederem, quem tu polonicè aut hungaricè coctum affirmares. C. quamquam lingua & palatum hoc mysterium non intelligit: fatendum est tamen, aliter idem sapere, & aliter palatū affici, si hoc modo: aliter si illo modo idem coxeris. L. non refragor. C. quod si in omni ista varietate iucundè afficitur, cur diligentia & industria nostra in reprehensionem veniat? L. ego quidem non vituperor, laudo potius. Vnum rogare te volo. C. age, roga. L. quin possis recensere quid in prandio, quid in cœna apponendum sit tam diebus carniū quā pisciū, in epulo Imperatorio, Regum, Principū, nobiliū atq; ciuiū non dubito. De epulo rusticorum velim audire quid sentias: quo pacto eos pro dignitate quam lautissimè acciperes. C. obsequar petitioni tuæ.

Primus missus esto ius simplex bubulæ coctæ. Deinde bubula, addito capone, & vitulina, supersuso nasturtio: atq; hæc omnia in eadem patina. L. non quarunt multitudinem patinarum agricolæ. Quis secundus? C. anser, sentur veruecinum tractum saluæ foliis, porculus, gallinæ, vitulina, omnia hæc assa, & lucanica tostæ: rursus omnia in eadem paropside. Addi possunt rapa rubra, aceto, nastur-

naturtio minutè secto, & cumino insperso, mace-
rata, seorsim in catillis. L. Tertius missus? C. Sal-
gama è concisis caulium capitibus cocta, coronata
frusto lardi fumati ac circum circa farciminibus
tanquam præfidiariis locatis. L. quartus verò?
C. gallinæ vetulæ iure flauo, conditæ amygdalis, &
vua passâ. L. addēsne quintum? C. sanè. L. dic.
C. porcina iure gelato. Sextus habebit poma, pira,
nuces, caseum, omnia in eadem patina. Pemmata
multimoda in vno catino. Vesperi (vt sim brevis)
primus missus lactuca cum ovis duris, lucanicis,
petasone in frusta conciso, carne in fumibulo ex-
siccata, in eadem patina, circum & super lactucam
dispositis. L. bonas & firmas sepes nosti condere.
C. etiam bonum tectum. Sic postulat personarum
istarum amplitudo. Secundus, ius gallinarum de-
coctarum, bubulæ portione imposita. Tertius, pa-
tina referta omni genere asini vilioris seu ignobili-
oris. Quartus, herbæ virides concisæ, cum porculo
fumato. Quintus anserculi iure piperato conditi.
Postremus placentulæ, & potissimum quas *Ser-
fuplin* siue *Baurnfuplin* nominant. L. quam o-
piparè & pransi & cœnati sunt apud te agrestes?
Multi nobiliū rarò vident mēsas huiusmodi con-
structas dapibus. C. acciperem te vt Imperatorem
aliquem: tu tamen cum tot missibus nihilominus
esuriens domum redires. L. ergo tibi delicias illas
ciborū retine. C. nondum audisti de reliquis ob-
soniis quid possim. L. de pisces quot cibos parares?
C. ad quatuordecim. L. de piris? C. ad duodecim.
L. de pomis, hordeo, ovis, auena molita, caulibus,
cucurbitis, prunis, lacte vario, oriza, fungis, pane,

amygdalis, cerasis si vellem quærere, totum diem mihi narrares speciatim quid scires conficere magister magnus es. C. studui quidem certè ne potestremus essem. L. Lactucarum genera quot appones? C. ad quinquaginta. Embammata ad assas quinq; & viginti. Offas ad tres & sexaginta. Genera crustulorum, & scriblitarum sex & septuaginta. Artocrearum sex supra quadraginta. Depiscibus autem factas (quibus proprium nomen necdum est datum) ad viginti. De certo genere placentarū (quas germani *è orten*) amplius quadraginta. Cōfecta quæ vocantur, vndetriginta. Scio item condire nuces, mala cydonia, persica, citria, & è cerasis, pyris, rebusq; aliis præstantes succos componere. Quin & aceti conficiendi ratio optima mihi est nota. Hæc omnia cocū excellentem ignorare nefas. L. Platonem cocorum te iudico. Bene vale, & quod facis, bene coque.

ANNOTATIONES.

REGINÆ AVIVM, AC IOVIS ALITI) *Aquilam ita volucrum Reginam à Ioue declaratam ait Pindarus, veluti delphinum piscium, utriusq; pernitate genus omne suum exuperatè. Apud Thebanos certè non aliter inter numina colebantur aquila, quam cynocephali, crocodili, & alia quadam bruta apud Ægyptios. Imperatoria & regia maiestatis hieroglyphicum est. Vide Pierium lib. 19. in Aquila. Plin. lib. 10. cap. 3. sex genera aquilarum naturasque earundem describit. Sed quoniam aquilam Iouis sacram*

feram esse plerique norunt, dicamus quæ aues in
 quorum deorum dearumque tutela sint, seu quibus
 consecrata putarentur. Phœnix Soli seu Phœbo, picus
 Marti, cornus & cygnus Apollini, pavo Iunoni, no-
 lina Minervæ, columba, cygnus, passer Veneri, hal-
 cyones Thetidi. DE PHASIANO QVI) Phasia-
 nos solis vaporibus à culinarum magistris ob maio-
 rem gulæ iucunditatem coqui solitos, ex D. Hierony-
 mo ostendit Mercurialis var. lect. lib. 2. cap. 3. NI-
 HIL DE PHOENICE) Nobilissima inter aues Phœ-
 nix. Aquilæ magnitudine, auri fulgore circa colla, cæte-
 ra purpureus, ceruleam roseis caudam pennis distingu-
 entibus, cristis faciem caputque plumeo apice cohone-
 stante. Nemo vespertem vidit, sacer est soli, vivit annis
 DCLX. senescens casia thurisque surculis construit ni-
 dum, replet odoribus, & supermoritur. Ex ossibus deinde
 è medullis eius nascitur primò ceu vermiculus, inde fit
 pullus, principioque iusta funera priori reddit, & totum
 desert nidum prope Panchaiam in Solis urbem, & in ara
 ibi deponit. Hac Plinius lib. 10. cap. 2. Exponit præte-
 rea naturam huius avis in 15. Metamorph. Ovidius.

Vna est quæ reparet, quæ se ipsa refecinet ales,

Assyrii phœnica vocant, nec fruge, nec herbis.

Sed thuris lacrymis, & succo vivit amomi,

& quæ deinceps. D. Ambros. Phœnix coitus corporis
 ignorat, libidinis nescit illecebras, sed & de suo surgit
 rogo, sibi avis superstes ipsa, & sui hæres corporis, & ci-
 neris sui fœtus. Ab ea natum est proverbiū, Ra-
 ra avis, pro re singulari, eximia, inuentus rarissima ac
 2 5 diffi-

difficillima. *Quomodo apud Plutarchum duo eruditissimi homines solviſſe, quod palmam quoq; ſignificat, turpiſſimo errore phœnicem interpretati ſint, lege incundam narrationem apud Muretum lib. 13. cap. 12. GERMANICE, ITALICE, GALLICE) Coquorum rationem Comici veteres iactabundam & glorioſam inducunt. Nec mirum ſi illi placeant ſibi, ſuumq; ingenium oſtentent, quando artem ſuam magnopere expeti vident. Philemon in Milite fecit quendam ſupra modum extollentem ſtudium ſuum, & ad extremum affirmantem: ſe rationem inueniſſe, qua homines nunquã extinguerentur, cum mortuos iam, odore epularum à ſe conditarũ ad vitam renocaret. Coccius Plautinus Pſeud. & ipſe magnificè ſe iactans, cum alios antea præ ſe ſpreuiſſet, inquit.*

*Nam ſe l duceſnos annos poterunt ſuivere,
Meas qui eſtrabunt eſcas, quas ego condiero.*

Hac uberius Viſtor. lib. 20. cap. 23. IVRE GELATIO) Sic reor appellandum ius illud ſlauum nigrũ, ne, quod Germani Suls: habet enim ſpeciem iurũ gelũ & frigore concreti. Non præteribo quod in illa verba Horatii: corycioq; croco ſparſum ſtetit, Turneb. affert lib. 1. cap. 24. Quæ liquidiora erant, & humidiora; ut aliquando adepta ſunt coquendi concretionem, ſtare dicuntur. Verũ id ius de quo ante dicebamus, tamenſi non ſtetit dum coqueretur, ſtetit tamen & concreuit, & veluti congelauit in patina.

PRO-

 PROGYMNASMA

PRIMUM ET QUADRAGESIMUM.

fussa, & vituperatio culinaria.

ARCHIMAGIRVS, COCVS, LECANIVS Coculus.

A RCHIMAGIRVS. Fac ita vt iussi, & rem cum cura gerito: maturius vna hora probè coctum esto prandium: herus & hera maiores mandauerunt. C. non potest. A. Ain' tu nō posse? quid impedit? C. Deglabrare gallinas, desquamare, & exdorsuare pisces, exenterare lepores, tot genera carniū assare, elixare, tot iura, tot fercula demū comparare, tot formarū pemmatā frigere, non trium aut quatuor, sed decem horarum est opus. Crede id mihi, quod tu ipse vsu sensisti, etiam hīc illud protritum valere: festina lente? A. habes adiutorem impigrum, huic quē res poscit impera, pro rota vtē. C. pro plumbea sanē quidem: vsq; eo celer est in agendo atq; versatilis: nullus est. A. at ego istis manib⁹ te adiuuero. C. Si quidem Geryon esses. Quamuis tu simul des operam nobiscum, adhuc plus satis laborum restabit. Lecani, curre, vola, affer cremia, segmenta, sarmenta, assulas, & Vulcanum construe. Scis vbi sit ignitabulum, vbi fomes, vbi sulphurata ad ignem rapiendum. Vide vt stat lapis. Expectas dum

dum tibi caput diminuatur fustibus? L. En ut curro, velocius Euro. C. cochlea tardior es. A. quas præceperam artocreas fecisti? C. feci. A. Et ius gelatum cum porcinis pedibus, piperis pulvere, amygdalis & vua passa iniectis? C. etiam. A. intestina hæc, trunculos cum pulticula, asso vitulino, & pisce prunario seruitia ligurient: minus his coquendis requiritur operæ, nec exquisitè conduntur. C. quid vult obsecro hæc insolita festinatio? A. me clam est. C. suggere ligna: cerne ut ignis prope extinctus est. Follem arripe, & vento facto, flammis penates adole. L. nec bene fissa, nec sicca penitus sunt ligna, eo ardent lentius, & fumât copiosius. A. dum nos pisces depurgamus, tu ahenum suspendito, & aquam calefacito. Prius affer tabellam piscariam. L. ecce vobis tabellam. C. Hui piscem. Quanto stetisse putas? A. facile dale-ro. C. aspice ut in aqua ludunt lupuli. Iam dabo finem vestris lusibus. Hem, quid hoc monstri? A. quid tu exclamas? quid est? C. Lucius iste continet in visceribus paruum luciolum. A. solent deuorare pisces, etiam sui generis, vnde illis luporum nomen: C. tu cætera quæso in piscibus: ego gallinas hæc cum capone opimo ad mortem dabo. Laua puer carnes interim, L. vbi istæ carnes? C. in carnario frustatim sectæ iacent, in vase coquinario illo amplo, quod nosti. A. Excoria sis leporem: pellem tibi dono. C. lepidum verò donum leporina pellis. Amittit pilos, nihil quod sciam, commodat. A. assa deinde caput cum armis. C. quid? ego nunquam assaui leporem? A. ioculò dicebā: scio enim te cocum esse quam eruditissimum.

sum. C. si non sum, tu à culpa haud alienus,
 qui me semidoctum dimiseris. A. ha ha. Iam in
 reliquis parū est laboris, cum tuo discipulo transi-
 ges omnia. C. contendemus nervos. A. post ho-
 ram & semis rursus adero. C. vā hodie piperi, vā
 saccharo, vā cinnamomo, vā croco, vā aromatis,
 vā butyro. Condimentis omnibus cōditissimum
 prandebunt prandium domini mei cum hospiti-
 bus, quotquot inuitarunt. Quasi Pontificum cœ-
 na erit, adipales epulæ, fercula duodeuiginti. Que-
 relardarium. L. hic est. C. fuliginosæ sunt ollæ fi-
 stiles? vt cupreæ & æneæ instar solis nitent? Scili-
 cet. Nisi tu istas ante noctem in splendorem de-
 deris, & illas abstergeris, tergum tuum fustuario
 honorabitur. L. non suppeditat tantum otij. C.
 Ain? verbero? noui tuam pigritiam. Et verua vt
 coruscāt? subltō arenis perfrica, fac nitescant. L.
 non vsque adeo est opus. C. homo trioboli, vter
 scit melius quid sit opus, tūne an ego? L. non erit
 finis iubendi hoc quidem die, vt apparet. C. quid
 gero tam maculosum præcinctium? mundius &
 ornatus sumam, tanquam si dies festus agatur. L.
 ille hinc abiit, solus sum in coquina, dicam mihi-
 met, quod animo collibitum est meo. Miseriæ ple-
 num est cocorum vitæ genus, quibus propter car-
 nium, fructuum, pisciumq; reiectamenta & for-
 des, propter fuliginem & adipem nunquam licet
 esse mūdis. Fœdius etiam olent quam hirci. Con-
 tinenter astare ad ignem, eumq; contemplari co-
 guntur: sudare proinde plurimū, quantum nec
 balneatores in balneis, & oculorum aciem flam-
 mis perpetuò inspectandis, & assultu scintillarum
 corrum-

corrumpere. Quid quod etiam cineris multum glutunt, & fauillis aduruntur? quantus deinde in vultibus eorum pallor? cum vestes nouas & pulchras induerunt, absterfionibus, aspersionibus, ractionibus eas paucis diebus inquinant. Ad dominorum nutum oportet esse paratissimos, quibus satisfacere difficillimum est. Hoc parum, illud nimium salitum est. Istuc vix, illud plus iusto est cōditum. In alio nimium inest piperis, in alio nihil zingiberis. Hic cibus est immodicè calidus, ille frigidus. Huic butyrum deest, huic nimium est. Istud malè elixum, istud malè assum. Aliud combustum, aliud nimis aridum, aliud immoderatè virulentum. Quod si vel optimè coxerint, tamen ingens eorum horarumque multarum labor momento deuoratus perit. Nec profectò vitare omnem culpam, & semper possunt: vitiant interdum cibos. Vnum audiui, qui affirmaret se annis sex factitasse coquinariam, nec tamen ferculum vllum vnquam corrupisse. Admirantibus & caussam quærentibus sic respondit. Tribus annis coxi suis, tribus deinceps canib⁹: nec de me vel semel conquesti sunt comedones mei, quasi perperam coxerim: C. quid tute fabulare tecum? L. laudabam artem cocorum. C. prehende scopas, euegre culinam, dum verubus carnes, & auiculas istas veruculis figo. Tenes hoc? L. teneo. C. Prius titiones & carbones viuos ita dispone, vt apponere affatorium commodè liceat. Hic lebes non capit omnem materiam, affer grandiozem. Affer etiam illam quam ostendo ollulam. L. istane est? C. ipsa est. Perge verrere vt occæperas. Deinde elues

elues lances istas escarias. Postea accepta radula friabis hunc panem similaceum. L. quia recentior, non est friabilis. C. En duriorem. L. quid amplius? C. multa quæ sigillatim imperabo, vbi hæc absolueris. Non te sinam hodie operis expertem esse vel ad punctum temporis. Ac nisi te insuper aliquoties tetigero, tu te Gygis annulum reperisse prædica.

ANNOTATIONES.

SI QUIDEM GERYON ESSES) *Geryon sine Geryones Chrysaoris & Callirrhoeis filius, Hispania Rex triplex corpus, ac proinde etiam sex manus habuisse ideo fingitur, quoniam tres fratres fuerunt viribus corporis admodum prestantes & mirè concordæ. A poetis ter amplius, trigeminus, tri-corpor, triceps nominatur. Eius boves, qui vorabant hospites, ipso interfecto abegit Hercules. VULCANVM CONSTRVE) Ignem excita, figura vel pueris nota, ut Minerua pro lanificio, Diana pro venatione. Plant. Amphit. Quò ambulas tu, qui Vulcanum in cornu conclusum geris? Alloquitur Mercurius Sossiam ferentem laternam, & in calumen. In Aulul. Quaquam Vulcanostudes, eadem figura. SOLENT DEVORARE PISCES) Non lucij modo minores pisces comedunt, sed alij quoq; grandiores minutos deuorant. Ac proinde pronerby speciem habebit, cum nimirum*

peten-

potentiores atq; opulentiores spoliant tenuiores. Vide
Victor. lib. 6. cap. 8. PONTIFICVM COENA)
 Sollemnes et sacra cæna exquisitissimis epulis instrue-
 bantur: unde cænas magnificentiss. & lautissimas ap-
 pellabant pontificiales. Horat. Ode 14. lib. 2.

*Absumet hares cæcuba dignior
 Sernata centum clauibus: & mero
 Tinguet pauimentum superbum
 Pontificum p̄tiore cænis.*

GYGIS ANNVLVM REPERISSE) In homines
 fortunatos, quibus ad arbitrium voluntatis fluunt
 omnia, qui, quæ bona concupiscunt, facile consequun-
 tur. Per annulum Gyges Rex Lydia enasis. Cic. 3. Off.
 Qui ergo vult ditescere, gratus & amabilis fieri aliis,
 adipisci repente doctrinam, & similia, plures Gy-
 gis annulos optare sibi dicetur, aut habere,
 si illa quæ dicta sunt ha-
 buerit.



PROGYMNASMA

ALTERVM ET QVADRA-

GESIMVM.

Quæsitæ.

ÆTHALIVS, CAPNÆVS

ÆTHALIVS. Aue Capnæ. C. Aue Æthali.
 AÆ. quid agitur? C. Viuitur & coquitur. AÆ.
 sunt quæ abs te vtenda poscam. C. posce, da-
 buntur mutua. AÆ. prænoscere velim quanto stete-
 rit hæc authepsa. C. quid tu id quæris? AÆ. quia si-
 milem emere constitui. C. caruisti' hucusque?
 AÆ. qua sum vsus, iam consumpta: siquidem haud
 quidquam est, quod non ad interitum suum ali-
 quando ab omnium rerum confectrice vetustate
 redigatur. C. florenis tribus. AÆ. pretium pre-
 tiosum. C. me nihilominus emptionis huius haud
 pœnitet: vt nec istius climacteris. Aspice, vt egre-
 gius est? AÆ. omnia huius officinæ tuæ instrumen-
 ta, & utenfilia coquinaria præ meis placent. Oh,
 accurre ad cacabum, aufer operculum, en vt su-
 pra labrum assurgat ebullitio? C. coërcui malum.
 AÆ. hi pisces, quot sæculis pependerunt in fuma-
 rio? aut quando erunt satis infumati? C. tot me-
 curæ assiduò distinent, vt eorum non subeat re-
 cordatio. Heus puer, amoue pisces, eorumq; loco
 suillam à me hesterno die salitam cum larido sus-
 pende. AÆ. Istius generis craticulam, & verulum

A a

elegan-

elegantiusculum vbinam inuenerim? C. Ducam te vbi venduntur, si vis. AE. de prandio ob eam causam reuertar. Sanè cupio augere & instaurare supellectilem meam. Emam non sine tuo iudicio creagras, radulas, cultros incisorios, crateuterium, sartagine, vasa quædam incoctilia. C. & muscipulam utique, si fortè habes non bonam & probam. AE. optimam verò habeo. Tamen quia furum numerus augefcit, plures ad eos intercipientes morteque multandos mihi comparandæ sunt. C. de ista natione heri quendam in olla pedata prehendi: statim à me feli obiectus, pœnas luit cum sanguine. AE. quid coquis in prandium? C. caules, veruccinam, dimidiatum cuniculum, & scriblitam. Hoc dominorum erit prandium. AE. frugale sine dubio. C. in cœnam habeo paratam ferinam, paratam saginatam anaticulam, paratas coturnices, & alias quasdam gulæ ventrisque delicias, quæ partim elixabuntur, partim assabuntur, partim torrebuntur super cratem ferream. AE. quid familiares? quid prandebunt? quid illis coquitur? C. ius caseatum, bubula (hoc enim eorum ventribus magnum stabilimentum est) pulles & fabæ. Apud vos fitne sumptus in cibum maior? AE. ha, ne tantus quidem: amplissimam possidenti pecuniam, avarissimo seruo domino, qui viuit incultè atque horridè, ac de se ipso quotidie meretur malè: tantum abest, ut ornet magnificè, splendidèque conuiuium. Quod si faceret, daretur facultas experiundi quantum profecissem. Experirer autem, si decem, quindecim, triginta fercula construerem. C. huius triginta?

ginta? tam doctus es? nesciebam. AE. atqui ex præstantia magistri debebas æstimare discipulum. C. nunc in memoriam redeo: cocus epulonis illius apud D. Lucam fuit magister tuus. AE. homo salus es. C. quia in dies salem tracto, nihil nouum. AE. non sic abibit, verberabo te vicissim pro re nata aliquo conuitio. C. tam leui negotio commoueris? sed tu ab initio nescio quid mutuum dicebas à me petiturum: num excessit è memoria? AE. artoptam illam, cum minuto incerniculo commodes quæso. C. accipito, & quamprimum poteris restituito. AE. restituetur. Interea bene sit tibi. C. Nec tibi malè.

ANNOTATIONES.

HÆC *ANTHEPSA*) Vas culinarium, in cuius fundo inferiore (duos enim fortasse habuit) semel positis carbonibus candentibus, ibique post sufflationem unà cum spiritu inclusis, materia coquebatur. Cicer. pro Rosc. Am. Domus referta vasīs Corinthiis & Deliacis, in quibus est anthepsa illa, quam tanto pretio nuper mercatus est, ut qui prætereuntes pretium enumerari audiebant, fundum venire arbitrantur. Aula extaris in Rud. est olla, in qua coquuntur exta. VERBERABO TE CONVITIO &c.) Cicero epist. 26. lib. 16. Verberauit te cogitationis tacito duntaxat conuitio. Cicer. similiter in Pisonem. Os tuum ferreum Senatus conuitio

verberari noluiſti. Sic translate ponitur, verberatio. *Q. Cicero ad Tironem epiſt. 27. lib. 16. Mirificam mihi verberationem ceſſationis epiſtola dediſti. ARTOPTAM*) *Plant. Aulul. Ego hinc artoptam ex proximo utendam peto. Vas erat in quo panis torrebatur. Tria enim erant panis genera ex coquendi ratione: furnaceus qui in furno coquebatur: clibanites vel teſtuaceus, qui in teſta aut clibano: artoptitius qui in artopta aſſabatur, ſeu torrebatur, toſtus panis. Plinius autem lib. 18. cap. 11. artoptam intellexiſſe videtur mulierem panificam, in Planti Aulul. Lege Turneb. lib. 14. cap. 5. Vaſa culinaria non paucenumerat Bayſius lib. de vaſculis, & de cacabo verſiculos Athenai producit.*

PROGYMNASMA

TERTIVM ET QVADRA-
GESIMVM.

Coculus ebrius.

XYLOCAVSTES, PLACENTIVS.

XYLOCAVSTES. Veſtram fidem, ô diui. Curtume immerito meo verberas? P. immo meritiffimo tuo. X. vnde ergo ſum meritus? P. Vnde? cum ſobrius exieris, probè apotus rediſ. Vbi te vino deuinxiſti ſcelus? potin' es mihi

es mihi verum dicere? X. nusquam potavi, quod sciam. P. in super tam apertè mentiris? Non ego id signis manifestis cognosco? X. quibus tandem? P. pedes vacillant, facies nitet, loqueris aliena, halitus vinolentus, crebri ructus. X. vbinam potui bibisse? P. vbi vinum de cuppa venditur, in cenopolio. X. atqui reuertor citius quam putâras. Quomodo ergo in cauponula delitescerem? P. Tu citò reuerteris? quatuor horæ propemodum lapsæ sunt, ex quo reditionem expectavi tuam. X. nimis properat horologium profectò. P. mittène? X. nescio. P. an ipse veniet? X. tantundem. P. fuit ne domi? X. ne id quidem. P. vt me sceleris iste pro ridiculo ac delectamento sibi putauit? quid nunc incipies? quid tibi mandem? Si iubeam adhærere foco, fouere ignem, prouidere ne flammulæ assum lambant & perurant: ne, quod in ollis est, nimium coquatur: ne quid ad interiorum superficiem adhærescat: ne fumus se infinuet: ne carbunculi infiliant: hæc, inquam, si tibi agenda præcipiam, non plus agam, quam si a fello dem flabellum, ac heræ nostræ minori ventulum facere, aut muscas abigere iubeam. Fortassis etiam obdormisces planè. Iam enim oculi somnum minitantur, vt canis dicet ius crudis carnibus, quæ illic iacent super mensam longam. X. impera aliquid. P. hoc impero, vt quam citissimè è conspectu meo te amoliaris, nisi rursus aut pugnis peñti, aut hoc scipione mulceri cupis. X. alium mulce in locum meum. Prò quam biliosus & furens homo es? P. etiàmne inclementer in me dicis? ô gurges. X. parce, parce. P. pulsabo igitur largius. X.

au, au. Non hoc peto: vt parcas rogo. P. Quare tu
 mihi non pepercisti? cur tibi non parfisti, tuisq;
 nummulis, quos in helluatione intemperantissi-
 me profudisti? X. quis potest semper esse aridus
 & siccus? An tu me pumicem arbitrare? P. aquam
 bibe: præstat enim aqua madere quam vino. X.
 per hebdomadem puteis soleo interbibere ani-
 mam: festis diebus nonne æquum est me gustare
 vini aliquantulum? P. Si modo inebriari est gu-
 stare. In malam pestem cum huiuscemodi gustati-
 bus. X. sed tu diem sacrum profanas. P. quo pa-
 cto? X. quia me importunè verberas. P. Carni-
 fex argutari incipit. Postquam edormiueris cra-
 pulam disputa: nunc abi portentum, lecto te actu-
 tum commenda: cras te in neruum raptari iube-
 bo. X. volo dare operam tibi. P. hodie non e-
 geo tua opera, apage. X. certè illic sunt rapa, sunt
 capæ, sunt pomæ: sine me in illis laborare. P. aut
 discede, aut ollam istam in caput tuum illidam.
 X. asper & durus es. P. sic decet blandiri catel-
 lis istis. X. quid si te macheridio meo ad orcum
 mitterem? P. Tu nisi te in fugam penetras, cum
 macheridio tuo ad terram afflictus iacebis, pla-
 gis irrigatus & coopertus. X. malè viue, & be-
 ne vale magister Placenti, eo cubitum. P. En vt
 gressu titubat? vt offendit in ostium frutex? pau-
 ló post frustis esculentis mero commistis totum
 cubiculum vomens implebit. Vt tetrum specta-
 culum est homo ebrius, quòdque, si nihil aliud,
 vnumquemq; honestum ab hoc flagitio dehorta-
 ri iure possit. Cœnabitur serius hoc die: quia bo-
 nus iste administer meus pro eo vt me adiuuaret
 in ope-

inopere, sese curauit molliter, & mandata mea suo ventri posthabuit.

ANNOTATIONES.

COCVLVS EBRIVS.) Ebrietas aufert memoriam, dissipat sensum, confundit intellectum, incitat libidinem, omnia membra debilitat, vitamq; ex-terminat. Hac D. Augustinus. Lucretius lib. 3. eius effecta persequitur in hunc modum.

*Denique cur hominem cum vini vis penetravit
Acriusq; in Venas discessit diditus ardor,
Consequitur grauitas membrorum? præpediuntur
Crura vacillanti? ardescit lingua? mader mens?
Nant oculi? clamor, singultus, surgæ gliscunt?*

Lege detestationem ebrietatis apud Senecam epistola LXXXIV. Lege etiam Plinium de vitanda ebrietate cap. 22. lib. 14. **TE VINO DEVINXISTI**) Plaut. Pseud. Sed scio, tu oleum haud magni pendis, vino te deuincis. Sic Propert. *Me iuuat & multo mentem vincere Lyæo: quamuis contra rationem etymi eius nominis, ἀπὸ τῷ λυέειν deducti.* Vnde & Latinis *luere est soluere, item reluere, resoluere.* Vide Festum. **MITTET. NE**) Fingere oportet coculum a magistro missum quopiam petitum aliquid, aut accersitum quempiam: qua mandata ille effecta non dederit. **ASELLO DEM. FLABELLVM**) In Eunuchō, cum dixisset Cherea Pseudeunnuchus, *insum se capere flabellum, & ventulum facere virgini,* respondet Antipho.

*Tum equidem istuc os tuum impudens videre nimium
 Gellem,
 Status quis esset, flabellum tenere, te, asinum tan-
 tum.*

PARCE PARCE) Discipulus tanquam verbum
 imperandi modo pronunciat: magister ut adverbium
 se accipere fingit: quasi ille dicat, se non satis largè va-
 pulare, & velle magis ac liberalius contundi. P V-
 TEIS SOLEO INTERBIBERE ANIMAM)
 Plaut. Amphit.

*si situlam capero,
 Nunquam adepol tu mihi diuini quidquam credis
 post hunc diem,
 Ni ego illi puteo, si accepero, animam omnem intertra-
 xero.*

*Id est aquam omnem exhausero. Nam aqua puteo
 instar animæ est. Dicuntur enim vini lacus, vini
 fontes, vina flumina: vinunt autem animantes bene-
 ficio & opera animæ: idcirco aqua putei à Plauto ve-
 recunda translatione, anima putei dicta est. Sofia
 igitur his verbis velut mortem puteo minatur. Plu-
 ra Lamb. (VBICVLVM VOMENS IMPLI-
 BIT) Cicer. 2. Philipp. In cœtu verò pop. Rom. nego-
 tium publicum gerens, magister equitum, cui rutta-
 re turpe esset, is vomens, frustis esculentis, vinum red-
 dentibus, gremium suum, & totum tribunal imple-
 uit. QVODQVE SI NIHIL ALIVD) Lacedæmo-
 nî quidem introductis servis ebriis, spectaculo, ut ipsi
 videbatur, tam fædo absterrebant ab ebrietate filios
 suos.*

PROGYMNASMA

QUARTVM ET QVA.

DRAGESIMVM.

*Syluula culinæ vocum.*MISTYLLVS, TARATALLA,
MAGIRISCVS.

MISTYLLVS. Vter vestrum huius præclaræ friaturæ est auctor? T. Magiriscus. M. alsum dicit, ipsemet friauit hunc caseum. Siccine hoc te mihi facere? M. quasi pistillo in pila seu mortariolo contusus esset, ita farinæ, (si credimus) quam simillimus est. Hominibûsne, an equis putabatis instruendum prandium? tibi dico Magirisce, de integro tyrocnestin cape, friatum facito vt sit aliud, sume caseolos è penu duos. Si fuerit tam molitum vt hoc, isto bacillo latera contūdā tua, aut istoc te stimulo fodiam & cōfodiam. M. profectò Taratalla friauit: qui insuper aquarium tam pulchrè colluit, & nudi⁹ tertius fuscinulam istanc confregit. M. i. audin' tuas laudes? T. si pergit dicere quæ vult, necesse erit audire vicissim quæ minimè vult. M. i. Esto modus irarum, & cauillorum: amborum dorfa, vbi otium fuerit, nobis mortuis percurram. Da tudiculam. T. ecce. M. tudiculam volo porrigas, non rudiculam. T. at ego sic intellexeram. M. i. extingue aqua superfusa hunc torrem fumificū à me reiectum, & prunas coacerua. M. i. setaceum cribrum cum pultario,

rio, item labrum, & minuta peluis quæ foras commodasti heri vicinis, nondû sunt relata. M I. commodavi in hoc triduum: cras nobis reddentur, ne angaris frustra. M A. si frixoria hæc duo reficienda curares, faceres bene. M I. hodie ad fabrum bractearium portato: dic vt reficiat quamprimû: ipse referat, & mercedem petat. M A. portabo. Nunquid etiâ aliud præterea? M I. aliud? nihil, omnia sunt integra. Cochlearia ferrea & lignea volo sint nitidiora: alvei suo loco pendeant è paxillis: tripedes & chytropi hîc malè collocantur, alium locum commodiorè quærite. T. curabitur. Cum in forum abieris, eme aliud igniarium: hoc iam, vt ipse vides, nimis antiquum est, & exesum rubigine. Aliam quoq; forcipem paulo minorem, & testum alium. M I. videbitur. Testulas ocyus ex illo angulo cum sordibus in sterquilinum exportato. M A. fac Tazatalla. T. fac tu. M A. tibi dicit. T. immo tibi dicit. M I. Magirisce, tibi imperabam. T. iste adolescens est piger. M A. nosce te ipsum. M I. absis ab igne, ne scintillæ exilientes te lædant. Nodosa sunt ligna huius quem attulisti fasciculi, crepitant horrendum, furnum aut clibanum melius illis calefaceremus. Affer panniculum, lubet extergere hanc situlam. Phuy quam sordidatus. Da lauandum: & tu crastino die lauabis vrceos & hydrias. Quin adiunge tibi socium Taratallam, paratoq; lixiuio laua quadras stanneas. Automatum veru etiâ curate vt careat rubigine. Ligna insuper cædite: araneorum telas de foribus deiicite. T. sit ille labor Magirisci, & Cylindri vbi redierit: redibit enim ante noctem. M I. Tu otiosus interim

interim saltabis fortasse. T. lauabo colum, parabo
fuscitabulum, reficiam furcillas & qualos. Nun-
quid non satis hoc laborum erit? M. i. satis erit.

ANNOTATIONES.

MISTYLLVS, TARATALLA) *Ex versus cu-
iusdam Homeri initio. Iliad. μισυλλων ἄρα
τάλλα καὶ ἀμφοῖς ὀλέλοισιν ἔθηναν*, minutas in partes con-
ciderunt alia (de bobus sacrificatis sermo est) & ve-
rubus confixerunt, fecit *Emilianus* coco suo nomen
Mistyllum. *Martialis* ait pari licentia se posse cocum
suum *Taratallam* vocare: capta scilicet occasione vo-
cabuli ex quatuor sequentibus particulis, e quibus
enclitica τε per apostrophum bis sumenda est, ut *Ta-
ratalla* componatur. Epigramma est lib. i.

*Si tibi Mistyllum cocus AEmiliane vocatur,
Dicetur quare non Taratalla mihi?*

BOVVS MORTVVS) *Id est toris bubulis, flagellis
de corio bubulo factis. Plant. Asin.*

*Apud fustitudinas, ferri crepinas insulas,
Vbi viros homines mortui incurvant boues.*

LIGNA INSVPER CÆDITE) *Ligna minuta,
quibus facile decoquuntur obsonia, dicuntur
cocula: sic etiam vasa area co-
ctionibus apta. Fe-*

stus.
✠
✠
✠

PROGYMNASMA

QVINTVM ET QVADRA- GESIMVM.

Esculenta, seu res cibaria.

*ASPASIVS, CRESCONIVS, FIRMI-
NVS discipuli, MAGISTER.*

ASPASIVS. Quia nos tres ardentior quædam incescit in lingua latina proficiendi cupiditas, meo istorumque nomine à tua humanitate maiorem in modum peto, vt voces ad rem escariam facientes, cum explicatiunculis necessariis, tuo planè arbitrato iudicioq; nobis exponas. Sæpenumero quippe in istis, vt in aliis quoq; rebus propriè ac latinè appellandis heremus, & ob ignorantiam ad impropria, barbara, communia confugere cogimur. M. Habet salem hac vestra petitio. Et si enim nomenclatores non desint, nec vos ipsi eiusmodi libris careatis (nam vt emerent, iam pridem discipulis omnibus auctor fui) tamen illa perpetuata infinitorum vocabulorum enumeratio, tantæque linguarum varietas, quæ ibi admiscetur, Anglicæ, Flandricæ, Hispanicæ, Italicæ, Germanicæ, nec adeo accuratè composita & digesta in ordinem illa series, ieiunum quiddam & aridum, atq; ad intelligentiam quandoque haud facile, ad memoriam autem perdifficile videtur. C. Atqui hæ ipsæ sunt causæ iustissimæ, vti remur, quamobrem ad te veniamus. Ex ore tuo quæ promanant, nescio

nescio quomodo ad alenda ingenia nostra plus succi, plus vbertatis & efficientiæ continent. F. Dum tu ea, quo voles ordine recensēbis, nos quæ minus plana & obuia fuerint, de iis te interroga-
bimus, dicemúsque & tu, & nos aliquid præterea, quod à literis non sit alienum. Hoc, cum libellos illos soli legimus, non conceditur. M. Ergo primo loco eas voces constituamus, quibus res cibaria confusè generatimq; circumscribitur ac declaratur: tum de pane disseramus: posthæc de carnibus, piscibus, ouis, sale & aliis ad esum aptis: tandem de prandio & cœna. His omnibus paruum quoddam auctarium corollariumue annectamus. Hos mihi cancellos ipse circumdo, extra quos, ne egrediar cauebo. A. Commodissimo ordine hæc tibi digesta ac distributa sunt. M. Penu, penu, & penus penoris, quidquid ad victum, cibum inquam, potumq; idoneū est. Hinc cella penaria seu promptuaria, siue promptuarium, vbi videlicet conduntur, & vnde promuntur cibi. Cibaria, edulia, alimentum, alimonia, esca, epulæ, dapes quid aliud valent quam cibum? nolo enim nunc subtilius ista distinguere, sed agam pingui Minerua: & scimus vsum multa confundere, vnumq; pro altero tum in his, tum in aliis innumerabilibus apud probatos auctores adhiberi. Ancipitem cibum, cum aliquando apud Plinium legetis, eum intelligite, qui huic salubris, illi noxius atq; inimicus est. C. non arbitror talem esse auiculas pingues, quas heri bene assas in cœna comedebamus: sunt salubres etiam ægrotis. F. Credo profectò: & te superiori mense idcirco morbum puto simulasse, vt auiculas

las tibi coqueremus. M. Isti adolescentes habent gulas plus æquo intelligentes & eruditas. Et possunt hæc, auculæ inquā, numerari in cupediis, quæ sunt ciborum delicia, gularumq; irritamenta. Eadem à scito sapore scitamenta dicuntur. Cupedia-rius, qui delicatiora huiusmodi esculenta apparat. A. Quid propriè obsonium vocas? M. Quidquid est cibi, præter panem. Vnde obsonator qui cibos coemit: barbari emptorem, nomine nimis generali. Sagina cibus quo pinguescim⁹ & saginamur. Commeatus alimonia publica, vox historicis admodum vsitata cū de exercitibus bellisq; loquuntur. De annonā dicam, quæ vox etiam ad victum publicū annumq; refertur. Alia est militaris, eadem præne notione, qua commeatus: alia salaria: quid enim tam necessarium, quam sal? & satis aptè ad illud tritum: nec aqua nec igni pluribus locis vitimur, addi potuit: nec sale. *Quin & pecudes, ait Plinius, armenta q; & iumenta sale maxime sollicitantur ad pastum, multo largiore lacte, multoq; gratiore etiam in caseo dore. Ergo hercle Vita humanior sine sale nequit degere: adeoq; necessarium elementum est, & transierit intellectus ad voluptates animi quoq;. Nam ita sales appellantur: omnisq; Vita lepos, & summa hilaritas, laborumque requies non alio magis vocabulo constar. Honoribus etiam militiæq; interponitur, salariis indo dictū, magna apud antiquos auctoritate, sicut apparet ex nomine salaria Vita, quoniam illa sal in Sabinos portari consueuerat. Reliqua breuitati studens prætereo. A. Noui, qui laudationem salis conscripserit. M. Iustius, & fortasse etiā copiosius, quam ille, qui luti encomium contexuit, quæ oratio extat. C. Cum ingens est fructuum frumentī-*

quo

que prouentus, quo pacto loquemur? M. dicemus laxitatem uilitatemque, uertatem annonæ magnam esse. A. si inopia fuerit? M. magnam, ingentem caritatem, difficultatem, grauitatem. F. Quinam dicuntur frumentum comprimere? M. Qui id vendere nolunt, exspectantes cupidissimè, dum magis magisque augeatur pretium, ut ita quantum faciant immensum. Et mortales isti plerumque annonæ incendia excitant, illi annonam flagellant, vexant, incendunt, quam leuare & laxare possent, si apertis horreis paruo venderent. F. O pietas, ô prisca fides. M. Confero me ad alia. C. Euge. M. Epulum vocauerim, quod Germani *ein Pancket* / item *ein Kostfrey Mal*. Epulum autem funebre, parentale, quod datur, cum anniuersaria iusta soluuntur. A. Quid hic mos sibi uult, & unde natus? M. puto equidem consuetudinem hanc ab antiquis ductam esse temporibus, ut rerum Romanarum periti facile mihi assentientur. Ratio præterea hæc occurrit: quod sperant Christiani, mortuorum animas piacularibus illis sacris iam tandem liberatas, cælestium auxisse numerum: quocirca ad testificationem lætitiæ epulis indulgent. Scribunt quidam, ideo eiusmodi conuiuia exequiarum diebus instituta, ut mutuo amicorum colloquio, & benigno assatu mærenti familiæ aliquid solatiij afferatur, & adhuc recēs dolor mitigetur, ac liberaliore uini haustu tristitiæ nebulæ discutiantur. A. Fateor mihi responsum istuc probari. C. Existimo adhuc quædam superesse communia. M. Rectè existimas. Conuiuium, quam uocem

erudi-

eruditus quidam non simpliciter à viuere, sed ab illo poetarum viuere, quod est genialem & voluptariam vitam ducere, factam credit. Sic igitur poeta Lucillius. Viuite lurcones, comedones, viuite ventres. Cæcilius, Hymnide. Sex menses mihi satis sunt vitæ, septimum orco spondeo. Martialis. Sera nimis vita est crastina, viue hodie. Et alius.

Pone merum & talos, pereat qui crastina curas,

Mors autem & cellens, viuise, ait, venio.

Catullus etiam: viuamus atq; amemus. Reprehendit autem Ciceronem, is, de quo dixi, vir doctus, qui hoc nō viderit in libello de Senectute, ac proinde Græcos falsò accusarit, quasi melius Latini quam illi, qui συνέσιπνον, & συμπόσιον, id est, concœnationem & comotationem vocauerūt. F. Quid verò tu statuis? M. ego periculosa plenum alexæ puto aduersus M. Tullium ferre sententiam, alij viderint. A. Non ignoramus Græcam nationem ventri deditam, Romanos autem longè temperantiores fuisse. M. Symbola symbolæ (non symbolum genere neutro, nam aliud plane notat, vt idem in libello de abusu linguæ Græcæ demonstrat) est pecuniaria collatio in cœnæ seu conuiuij apparatus à conuiujs, latine collecta: quod scilicet à conuiuatore colligatur: quomodo etiam epulæ appellantur, & alia quæ communiter ad cœnam conferuntur. Conferentes autem, siue illo priore, siue isto modo, dare symbolam, non symbolum dicuntur. Itaque in Andria Terentiana legendum est de Pamphilo, symbolam dedit, cœnauit, non, symbolum. C. Auges nos doctrina multum, nec pœnitet Aspasium, te ad istam vocum e-
nume-

numerationem explicationemque induxisse. M.
 Nec me laboris pœnitet, si vobis prosum. Quid se-
 cundo loco proposueram? A. De pane. M. Panis
 inter alimenta primas tenet, & quo pastôr ille co-
 quatur, tum ad vitam, tum ad valetudinem haud
 modicum pertinet. Est autem quidam è flore fa-
 rinæ confectus, seu polline, qui primariûs dici po-
 test. Alius est similagineus siue simulaceus, quem
 Semilem vocatis, eumq; libenter esicatis. Sum ve-
 rus? F. maximè. M. alius cibarius & secundarius,
 siue secundus, qui farina non ita purgata & deli-
 cata constat, *Haupbror*. Est item fursureus, & fur-
 furatus, qui equis & porcis coquitur. Sunt adhuc
 hordeacei, & auenacei panes, qui tempore famis
 locum habent: atq; hi ferè sunt atri. Est etiam qui
 dicitur spongiosus à similitudine, & nauticus, seu
 bis coctus, alij buccellatum & clibaniten dixerûnt.
 Est dulciarius panis, est saccharites & butyratus,
 gratissima res pueris: est deniq; fermentatus, est a-
 zymus (de quo in sacris literis multa) & mucidus.
 C. Hæc omnia clara sunt. Quid est medulla panis?
 Ligni & ossium medulla quid sit, non me latet, in
 pane nullam video. M. Totum id, Cresconi, quod
 est inter cortices, medulla est. F. postula illa, quæ
 in superficie seu crusta panis exoriuntur, qui vo-
 cantur? M. hecæ, vel hettæ. In pane item crusta
 dicitur: crustum est aliud. Crustula dicetis *Kûch-
 lin*. Mensas in 6. *Æneid*. Virgilius dixit panis qua-
 dras, quæ eduliis supponuntur, mensas paniceas.
 Placentæ, scriblitæ, spiræ, artocrex, liba vobis co-
 gnita reor. A. vtcunque. M. De carnibus sequitur.
 C. etiam. M. Caro alia est aprugna ab apris, alia
 B b hubula,

bubula, ouilla, veruecina, vitulina, ferina, porcina, siue fuilla, gallinacea. Alia conditanea quæ reconditur ad tempus, siue salita, siue muriatica. A. Quid est muria? M. Illa salsugo seu liquamen salsum; quod carnes piscesque conseruat ne putrescant. Alia fumo durata, alia iurulenta seu iussulenta, assa, elixa, tosta. C. Qui vocarentur carnes animantium non iugularum, sed per se mortuarum? M. Morticina, vel morticina. C. quidnam est pulpa & pulpamentum? M. frustum seu portio carnis sine vllis ossibus. F. Antequam te ad pisces dimittamus, de farciminibus, lardo, porco dic aliquid. M. Videris delectari illis rebus. F. & valde quidem. M. Farcimen genus est, species lucanica, ein Bratwurst/ tomaculum Leberwurst / apexabo Blutwurst. Sumen est venter suillus cum ipsius vberibus, Romanorum quondam summæ delicie: præsertim si ex primipara sue excisum esset, vnoque die post fetum editum. Plaut. Capt. Quanta sumini absumedo veniet, quanta labe larido? Rancidum lardum, fœdum ac putridum. Succidia tergum porci, quod aut in muria asseruatur, aut conditur sale in carnario ad vsum necessarium suspenditur: vti pernæ quoque, armi veruecini, pisces, & alia esculenta. Iam hortum ipsi agricolæ, ait in Cat. Tullius, succidiam alteram appellant. Porcellus Troianus est, qui assandus, auiculis & aliis rebus delicatis impletur: quemadmodum ille instar montis equus apud Troiam armato milite completus fuit. C. Huius equuli milites Thebas, aut Corinthum, aut Troiam nunquam capient, nec portarum vigiles, vt illi, occident. M. Tu vel
mille

mille huiusmodi milites non timeres. C. nec decem millia, propter edendi exercitum quem mecum duco noctes atq; dies. M. Transeamus ad pisces, atq; pisciculos. Horum alius est fluuiialis, seu fluuiatilis, alius lacustris, alius marinus. De marinis pauca, quia ignoti nobis, qui tam longè à mari absumus. Salsamenta sunt pisces muria siue sale conditi ac durati. Salsamenta macerare, est dulci aqua tollere eorum salfuginem. Sunt quidam testacei, alij cartilaginei, quæ cartilagine ipsius loco ossiculorum insunt: alij molles, alij turbinati, alij cetacei, grandes videlicet. Iam piscium quoque sunt branchiæ, secundum cervicem folium more hiantes partes. Pinna; quibus in natando tanquam remis in utroque latere utuntur. Hinc pinnulla. Spina os illud magnum, & per medium piscis tergum extensum. Ossicula etiam spinas nominare solemus. Lactes dicuntur / vt ova, de Rogen. Habent nonnulli quædam velut capillamenta, quæ cirri dicuntur, flagella, cetabula, barbas. Cancrorum brachia chelæ, à denticulatis forficulis, quas Græci *χελæ*. Nunc aliquot genera piscium vulgatiore recensere. Anguilla decumana, id est magna: nam decumanam à decimo fluctu, qui solet esse maximus, veteres magnum dixerunt. Cancer, fiber, halec, siue halex: quod genus infumatur & salitur, vt duret. Lucius, seu lupus, credo, quia partuos pisces deuorat. Carpio, mullus, trutta, muranula, pestunculi, perca, rana. F. heu, exhorresco. M. quare? nō consuesti ranas edere? F. etiam si fame moriendum, non commederem. Phuy, nec aspicere, nec nomen audire possum, quin vomituriam.

turiam. Monstrum foedissimum. M. atqui caruncula sapidissima, & deliciolæ meræ: nunquam aliâs satrapæ eo se cibo oblectarent. F. Non mihi isthæc posco, nec mihi ranas dederitis. Quo non progredietur adhuc hominum luxuria, si ranæ iam sunt deliciæ? mihi dederitis bene coctum & buryratum *Strocksisch* / vobis servate virides, & cantantes istos pisciculos. M. Vt vis. Cresconius & Aspasius non abhorrent. C. & A. qui secus existimat, experiatur, steriles patinas exportabit foras, quas grauidas intro attulerit. M. Dicam de ovibus, quæ mallet quam ranas Firminus. F. centies. M. Ouorum aliud est recens, aliud putidum, aliud tremulum, molle sorbile, lind gesotten: aliud durum, aliud frixum. Restant pauca ad rem escariam pertinentia. Puls, pulmentum, pulmentarius cibus, piperatum, seu atrum ius, liquamen oxyporum, ius, iusculum, ius coactum *Sulg.* A. quid oxyporum? M. acetatum condimentum, seu ius. Offa minuta, edulium concisis minutatim carnibus constas. Alliatum, ein Brühlin von Knobloch. Moretum farti genus è lacte, caseo & herbis. Intrita, intritum cibus in mortario contusus & subactus, oder gerühne Speiß. Visceratio crudæ carnis distributio. Segmentum, Abschnitzel/mica. C. De sale prius quippiam, quam de prandio & cœna. M. Hoc tantum. Salis florem intelligi candidum, seu primæ notæ salem, ac purissimum. Mica salis & grumus pro eodem vsurpari. Prandium antecedit ientaculum. Vos ientare iam desistis. A. pridem. M. Quæ ante alia bibebant, ut mane, aut ante prandium, aut eius initio, ut conditum absinthiatam,

thiatam, rosatum violatum, dicebantur propinqua. Apparet etiam promulsidem fuisse cibum, qui initio aut prandij, aut cœnæ sumeretur, loco mulsi, quid fuisse olim cœnæ aut prandij principium colligitur ex Horatij sat. 4. lib. 1. Et animaduertit Turneb. lib. 28. cap. 23. Prandium statarium explicant, quod raptim sumitur, & quasi à stantibus, & aliò properantibus, *auss der Post essen*. Abstemiũ, seu, vt Plautus, caninum, in quo vini nihil adhibetur: passerium, exiguum, vbi paruis bolis res agitur, & venter non satis placatur. Merenda cibus post meridiem, *das Abentbrot*. C. cum de cœna dixeris, totum persolueris. M. Cœna ambulans, cum appositæ epulæ ad proximè accumbentem ordine transmittuntur. Terrestris & cynica, in qua nihil præter legumina, & oluscula ex terra nata. Dubia, in qua dubites quid potissimũ sumas. Terent. Phorm. Prior bibas, prior decumbas, cœna dubia apponitur. Aduentitia, quæ aduenienti amico instruitur. Viatica, qua peregrè redeuntis amicos excipiebant. Collatitia, cum accubantes suas quicquid epulas in commune conferunt. Recta, in qua nihil ad necessarium mensę apparatus consideratur. Genialis, dapalis, saliaris, adipalis, Pontificum, splendida & instructissima. Paupertina quid sit, satis patet. Pocœnium appellant, quasi post cœnam, ein *Schlafftrunk*. Charistia conuiuia, ad quæ non inuitantur nisi cognati & affines. Repotia quæ postridie nuptiarum apud nouum maritum fiebant, quasi liberalioris potationis reparationes. A. Cumulatissimè præstitisti quod nos rogaueramus, & tu receperas. Cæterum quoniam

niam tibi negotium facillimum, nobis etiam utilissimum est, obsecro de secundis etiam mēis breviter.

ANNOTATIONES.

PENUS, PENV) Quid sit penus, & quanam isto nomine contineantur, lege disputationem apud Gellium lib. 4. cap. 1. Cic. 2. de nat. Deorum. Est enim omne quo vescuntur homines, penus. **Q**U I LAUDATIONE M SALIS) De mira & multiplici visalis lege Plin. lib. 31. cap. 7. & 9. & initium cap. 1. lib. 6. apud Rhodigin. Turneb. libro decimo, capite vigesimo secundo. Quod autem dicit in Rudente Gripius piscator, postquam de se ut rege fabulatus est. Sed hic rex cum aceto pransurus est, & sale, sine bono pulmento, hunc sensum habet. Ego qui me regem facio & somnio, pransurus sum sine pulmento, cum sale & aceto, quomodo pauperes solent, qui cum obsonio careant, sale & acetum ad panem adhibent obsonio loco. Ita Lamb. Germani hoc genus prandiū aut cœna volentes declarare, aiunt. *Käse und Brot.* **A**NNONAM FLAGELLANT) Flagellatur, quando in horreis & granariis veluti mancipatur, & verubus quasi verberibus coercetur, ne exire aut egredi possit: qua phrasi utitur Plin. lib. 33. cap. 13. metaphora forsitan ab obratis & nexis, qui addicti creditoribus, ab iisdem in ergastulis flagellabantur. Sic Martial. arcam flagellare opes in ea reconditas dixit.

dixit. Lamprid. in Commodō & Seuero Impp. Vassare & grauare annonam, quibus leuare contrarium est Ciceroni. GRÆCAM NATIONEM VENTRI DEDITAM.) Male scriptores dictitant Græcis, quasi voluptariis, & luxui nimium deditis. Hinc pergracari, quod est, genialem agere vitam. Plaut. Mostell.

Dies noctesq; bibite, pergracamini,

Amici emite, liberate, pascite

Parasitos, obsonate pollucibiliter.

EST AUTEM QUIDAM) Genera panis & instrumenta exsequitur Rhodigin lib. 9. cap. 16. ALIUS CIBARIUS) Cibarius panis sordidus dicitur, à quo fursures excreti non sunt: Græci αὐτοπυρον nominant. Cibarium etiam vinum pro ignobili, & cibarium oleum apud Plinium lib. 12. est vile, paruiq; pretij. Brodæus lib. 4. cap. 10. Eadem notione homo cibarius appellabatur: tanquam omne quod sordidum atq; abietum esset, rectè hoc pacto vocari posset. Varro apud Nonium. Tuus autem iste frater cibarius fuit Aristoxenus. Victor. lib. 1. cap. 22. BUCCELLATUM ET CLIBANITEN) Vide Mercurial. Var. lect. lib. 1. cap. 12. & Brodæum lib. 4. cap. 11. Viebantur eo quoq; in militia. Vulcatius in Anidiso Cassio. Et præter larium & buccellatam atq; acetum militem in expeditione quidquam portare prohibuit. Videtur sic appellatus, quod buccella, id est, paruus panis esset. FARCIMEN GENVS EST) Hinc fartores qui intestina suilla carne minutissimè concisa lardog, admixto implent.

plent. *Isicium*, inquit *Murex*. in *Terent.* est farci-
 minis genus, quod vulgus *salstitiam* vocat. Hanc vo-
 cem sunt qui latinam putent, dicantque dici *isitium*
 quasi *insitium*, quod fiat *insitis* in intestinum minu-
 tis *suilla* *frustulis*. Quod mihi eo minus probabile vi-
 detur, quod hac voce etiam *Graci* scriptores utuntur,
Alexander in *problem.* *Athenaeus* lib. 9. quorum
 ille *ισιτιον*, hic *ισιτιον* nominat, ut vel *isicum*, vel *isi-*
cium scribi oporteat, si emendata scriptura est. Quod
 si à *suilla* nomen ductum esset, tunc *hysicium* scribe-
 retur. PRANDIVM CANINVM) Cur *Varro* in
satyra caninum prandium vocaverit vinum, quod
 nec novum esset nec vetus, declarat *Gellius* lib. 14.
 cap. 29. TERRESTRIS ET CYNICA) Versus
 est in primis elegans *Petronij Arbitri*: Ipsi qui *Cynica*
 traducunt tempora cœna. Quo quidem eos significari
 puto, qui miserè vivunt, ut *siliquis*, & *leguminibus*,
 quicquid vilissimis cibariis se tolerant atque sustentant:
 nam talis erat *Cynicorum philosophorum* victus, quod
 ex *Luciano* intelligi potest. Latius hac *Turneb.* lib. 1.
 cap. 15. DVBIA IN QVA) Cœnam dubiam (ait
Paræmigraphus) opiparam, variisque instructam
 ferculis appellabant, idque proverbiū à *parasiti-*
is repertum apparet. *Phormio* apud *Terent.* Cœna
 dubia apponitur. Quid istuc verbi est? Ubi tu dubi-
 tes quid sumas potissimum. Exponit *parasitus* ver-
 bum suum alioqui anceps. Nam *dubium* etiam *pe-*
riculosum significat: & *dubia* cœna possit intelligi,
 qua

que non careat suspitione veneni. Horat. vides ut pallidus omnis Cœna desurgat dubia. Et res parum tritas appellamus dubias. ADVENTITIA) Solabant veteres tum Graci tum Romani aduenientes peregrè amicos lantiore conuiuio excipere. Athenaus ὀδοιπείων, Plutarch. sympos. ὑποδεκτικὸν δεῖπνον vocant, Suetonius cœnam aduentitiam, Plant. Bacchid. viaticam. Martialis præfat. lib. 12. aduentoriam epistolam, qua aduenienti amico obuiam mittitur. Graci ὀδοιπείων, quod aduenienti datur, siue cœna sit, siue aliud. Hæc & plura Torrentius in Vitellium Sueton, cap. 13. Quadam & Turneb. lib. 2. cap. 30. De cœna pura disputat multis Cæsar Baronius pag. 187. editionis Romana. Cœna caput est præcipuus missus, præcipuumq; ferculum. Vide Turneb. lib. 2. cap. 17. DE SECUNDIS ETIAM MENSIS) De mensis erudita quadam differuntur à Bayfio, lib. de vasculis pag. 146.

PROGYMNASMA
SEXTVM ET QVADRA-
GESIMVM.

Secundæ mensæ, & pocu-
lenta.

MISTYLLVS. Et in hoc respondebo studio vestro atq; diligētī. Quæ sub finem mensæ, escariæ illecebræ, & gulæ delectamenta apponuntur, bellaria, tragemata, pemmata, secundæ mensæ dicuntur: & consistunt fermē in fructibus, vt pomis, pyris, nucib⁹, cerasis, prunis, ficubus, viuis pensilibus, & saccharatis cupediis. A. Cur omittis caseū? audiamus aliquid de caseis: quæso ne omiseris nostrū caseum. M. pruriunt tibi dentes, credo. F. sordida res, & inuenusta caseus. R. Regū & Imperatorum cibū hic inuenustum vocat. Quæ te mala crux agitat? F. Quid si rapa comederēt Reges? A. Quid si allium & capas? C. Caseus multas utilitates parit. F. Et in his calculum. M. Mittite hæc. Caseus quidam est oculatus, pumicosus, fistulosus, spongiosus, hæc quatuor pro eodem ponimus: alius recens: alius vetus: alius Parmensis, C. Hic optimus est. A. Helueticus non cedit. C. Parmensem forte nondum vidisti. A. Et vidi, & comedi sæpius, quam tu fabas. F. Vt isti de luto litigant? qui scatet vermiculis, eum quidam prædicant esse optimum. C. Abi in malum cruciatum cum tuis vermibus. M. Si me vultis pergere, aures date. Casei scobina, seu caseus descobinatus, gerübner Käß. Sunt alia genera, quæ melius norunt, qui esitant caseum: ego à puero nunquam tetigi. C. De pomis affer aliquid in medium. M. Pomum decumanum est prægrande: pomum nanum seu paruulum illi ex altera parte respondet. Contraria item sunt, pomum præcox, serotinum. Fugax, quod vigorem non diu con-

conferuat: vietum, quod nimis citò maturuit, & facile fit putridum, caducum, vermiculosum, seu vermiculàs: calculosum seu lapidosum: maturum mite, immaturum, immite, & acerbum atq; crudū. F. Mea causa etiam tria verba de pyris. Nam Aspasio dedisti vt de caseolis differeres. M. pyrum volemum, quod volam manus implet, acidulum, cucurbitinum, ab oblonga cucurbitæ figura, Persicum. F. Quare Persicum? M. Quia hoc genus arboris è Perside in nostras regiones allatum est. A. Quia hoc quoque non negasti nobis, largire iam, quod restat tertium. M. Quid illud? A. Scis nullam cœnam, nullum prandium sine potu constare. Oramus igitur te, pauca vt adiungas de potus generibus. M. Ex vno negotio aliud mihi reperio: & quo plus ego præsto, hoc plus petitis. C. Tibi multum non est dare, quo abundas: nobis, qui pauperes sumus harum rerum & egêtes, multum est accipere. M. age age: verū istoc præstito, hodie nihil amplius. F. Nihil funditis. M. Amystis genus est potationis, cum plenissimo haustu affatim bibitur, seu, vt Plautus Curculum cum quis ingurgitat in se merum auariter, plenis faucibus: vnde amysti seu amystide bibere saussen vrie em Rhu. Vinum genus potionis præstantissimum, quod tamen ex abiecto ligno nascitur: dicitur temetum, quod mentē teneat. Nuper quidam annis oblitus, nec illepidus vir, lac senum appellabat. Et quoniam adhuc immites vvas à matribus pēdere sciebat, propter cæli tot iam hebdomadibus turbulentissimam faciem continentescq; pluuias, valde se metuere ostendebat, ne suo sibi lacte

lacte in annum proximum carendū esset. A. ha ha hæ. Quod dixisti de temero, quia mentem teneat, tenet etiam corpus: quando scilicet nec pes nec manus suum officium facit. Et tentat gressus debilitatq; pedes. M. Verum hoc, & alia omnia quæ in eodem epigrammate leguntur. Aliud autem est vinum merum, meratum, purum: aliud dilutum, lymphatum, quod potiores valde oderunt, quorum est illud dicere,

At vos qualiter hinc abite lymphæ

Vini perniciēs.

Villum est vinum non adeo potens. Aliud generosum, nobile, consistens, seu ferens ætatem: aliud acefcēs, vappa, marcidum, hornum, hornotinum, annosum, atrū, rubeum, heluolum. F. Quale hoc? M. medium inter album & ruffum. Schiller Wein. Vinum consubre vocabant optimum ac vetustissimum. Est item fragrās, odoratum, saccharatum, vinum igni eliquatum, Brantwein: quod genus pater tuus, Cresconi, cupidè bibebat. C. puto ego inde sibi mortem bibisse. M. Honorarium, secundarium, Creticum, Chium, barbaris maluatium. Est vinum molle, id est suaue, cui opponitur durum. Est lene, asperum, mucidum, mustum, defrutum: est sicera, mulsum, lac: nam hæc omnia bibuntur. Flos lactis, cremor, pingue lactis idem valent. Est & serum lactis. C. Hoc scabiosis relinquemus. M. Est cereuisia, & aqua. C. Nec aquam volumus. M. Multi volunt, quos paupertas eo compellit. Sed iamne quod petebatis absolui? A. Absoluisti, chare Præceptor. C. Dic amabo, quid sint epistomia. M. quibus canalium nares obturan-

turantur, versatisq; recluduntur. F. quid excipulus? M. vasculum qualecunq; quod excipiendi liquori subiicitur. C. Quid siphon & siphunculus? M. Siphon instrumentum, quo vinum è doliis transfusatur, seu è doliis hauritur sugendo. Siphunculus fistula, quæ dolio immissa liquorem reddit. A. De vasis vnde potus petitur, non alienum videretur nos interrogare: sed defessum nolumus enecare, & seruandum quod promissimus. M. ita profectò: nam hac vos conditione adstringi. F. Tamen de parasitis pauca, mi Præceptor. M. Fiat. Duplex olim parasitorum genus. Vnum quod ridiculis disteriis cibum alienum captabat, qui à Plauto in Capt. derisores. Alterum quod verbera aliasq; indignitates vltro patièdo victum quæritabat. Qualis apud Homerum Irus, cuius antagonistam se Vlysses simulat. Isti à flagris, quibus olim cadebantur flagriones nominati, à Plauto plagipatidæ. Nomina autem parasitorum plerumq; etymo suo ad mores illorum parasiticos alludunt. Sic Gnatho à maxillis dictus ob auiditatem edendi. Sic Gelasimus, quia ridiculus est. Sic Saturio in Persa per antiphrasin à saturitate, quasi qui nunquam expleri possit. In Milite Artotrogus à deuorandis panibus. Sic Peniculus in Menæchmis, quod tanquam sponsia mensam, ita ipse reliquias ciborum omnes detergat. Sic Colax

ἀπὸ τοῦ κολακεύειν ab adulando. Diffusus

istam rem Nannius

lib. 2.

ANNOTATIONES.

CVR OMITTIS (CASEVM?) *Pressi copiam la-*
etis, periphrasi quadam cascum vocauit Maro,
eclog. 1. qui & interdum manu premitur, formatur,
atq; figuratur. Vnde manu pressus. Premitur autem,
ne sit fistulosus, quod ei accidit, qui laxius, remissiusq;
in formis suis habetur, nec satis cogitur. Turneb. lib. 3.
cap. 12. Caseale apud Columell. est locus ubi & confi-
ciuntur, et reponuntur casei, qui ob serum et eluuiem
sape mundandi sunt. De diuersitate caseorum Plin.
lib. 11. cap. 41. AMYSTIS GENVS EST) Genus poculi
amystis, unde τὸ ἀμυστήριον, ab eo, quod est, haustum &
labris non clausis bibere. μύζω enim est mussare, sugere,
os & labra claudere. Reliqua Lamb. in illud Ho-
rat. Ode 36. lib. 1. Bassum Threicia vincat amystide.

QVÆ IN EODEM EPIGRAMMATE) Quia perquam
cultū est, & adolescentes non ab ebrietate modo, verū
etiam à fada libidine deborsatur, totum adducam.

Nec Veneris nec tu vini capiaris amore,

Vno namq; modo Vina Venuq; nocent.

Vi Venu enervat vires: sic copia Bacchi

Et tentat gressus, debilitatq; pedes.

Multos cecus amor cogit secreta fateri.

Arcanum demens detegit ebrietas.

Bellum saepe ciet ferus exitiale Cupido,

Sape manus iridem Bacchus ad arma vocat.

Perdidit horrendo Troiam Venu improba bello:

Et Lapithas bello perdit Tacche graui.

Deniq; cum mentes hominum furiarit & terque:

Et pudor, & probitas, & metus omnis abest.

Compe-

*Compeditibus Venerem, Vinculis constringe Lyäum,
Nec re muneribus ladat Siterque suis.
Vina sitim sedent, natus Venus alma creandus
Seruiat, hos fines transsiluisse nocet.*

DE RE MEDICA, ET MORBIS.

PROGYMNASMA SEPTIMUM. ET QUADRAGESIMUM.

Morborum agmina, & laus Medicorum.

DOMITIUS, ABUNDIUS.

DOMITIUS. Ego, Abundi, quoties Cicero-
nis nostri, Senecæ, Plinij, Plutarchi sapien-
tia clarissimorum hominum, aliorumque
præterea philosophorum, oratorum, poetarum
sententias & locos lego, lego autem sapissime; quibus
vitam humanam ludent atque deplorant, eiusque cala-
mitates & ærumnas infinitas propemodum enume-
rant, toties intima eorum miseratione commo-
ueor. A. Me quoque cæcitatibus & erroris tantorum
virorum nec semel, & iam olim misertum est.
Certam quippe veramque ac solam horum omnium
incom-

incommodorum causam originemque funditus
ignorantes, totum nostræ naturæ conditioni tan-
tummodo, & fortunæ in nos dominationi ad-
scribunt: nec propter aliud nos tot malis exposi-
tos arbitrantur, nisi quod homines nati sumus.
Qua in re Theologi Christiani cælestibus eruditi
litteris longè melius philosophati sunt. D. Si fa-
bulas etiam audire placet, Horatius & Hesiodus
ante furtum Promethei homines serius vita ca-
ruisse, eiusque scelere demum febres ac morbos al-
lios in orbem importatos, & de concessio viuendi
spatio annos resectos nugantur. A. Ut aliàs sape,
sic isto quod profers poetico figmento veritas in-
uoluitur, & res gesta velut integumento quodam
velatur. Furto quidem Adami & Eux principum
parentum nostrorum, sed alio quodam, & rei di-
uiniore, seu potius ipsius diuinitatis furto factum
est, ut omnis in hoc rerum aduersarum pelagus
contrusa posteritas, graues pœnas iustasque persol-
ueret, perditaque immortalitate æuo breuissimo
perfuncta occideret. D. Nusquam porro diuinæ
animaduersionis seueritatem ita, ut in ægrotatio-
nibus, corporumque vitiis cognoscere licet. Quot
hic, quamque dispares sunt facies? Quanta fœuit a-
trocitas? Diuersis morbis iidem diuersis tempo-
ribus, multi vno aliquo per omnem pœne vitam
excarnificantur. Nec vllus fortasse inuenietur,
qui ante summum diem valetudine quapiam non
fuerit aliquando vel tentatus, vel confictatus. A.
Nulla pars corporis est, quæ non aut communes
cum aliis partibus, aut proprios sibi dolores per-
petiatur. Quæ mialorum vis regnat in capite? He-
micra-

micrania, cephalalgia, vertigo, grauedo, catharrhus siue destillatio: vnde tot sternutamenta, tot exspuitiones, scretus, emunctiones. Qualia verò capitis decora sunt caluitium, porrigo, alopecia seu capillorum defluuium? Laborant oculi ophthalmia sua atq; lippitudine, glaucomate vitiantur, hebetantur, excæcantur. Perpetuus tinnitus, grauitas, surditas, vermiū scaturigo (vnde aures verminosa, & verminantes) auditioni obfistunt. Nasus, præterquam quod tanquam cloaca cerebri est, suum habet polypum, sanguinisq; stillicidiis ac profluuiio deseruit. Gustatus sape corrumpitur, dentes putrescunt, stupent, vsq; ad rabiem dolent. Est quando os miserum rebus sordidis è corpore egerendis porta sit, oscedinitq; dare operam cogitur. Quid autem homine oscitante ad aspectum iniucundius? Fauces tonsillis, labra aphthis siue vlculis occupantur. Faciem lentigo, collum strumæ fædant. Ibi raucitas, ibi angina. In ceruice nascuntur glandulæ. D. Difficultatem spiritus, asthma, orthopnæam, tusses, vomitiones, singultus, sanguinis reiectionem, ructus ad pectus allegemus. Quid manus sibi de morborum thesauro vendicant? A. Chiragram. D. Quid pedes? A. Podagram. D. Quid coxendices? A. Ischiadem. Scis etiam quarum partium sint tot genera hermiæ seu ramicis: lues venerea, siue morbus Gallicus vbi exoritur, vbi hæmorrois, sanguinis nimirum per quædam velut ora venarum profusio, fistula, hircus sentiatyr: vbi demum calculus, dysuria, & stranguria. D. Laboramus fastidio & horrore ciborum, cuius contraria *Scisq; ingens fa-*

mes, & castinus appetitus, siue appetentia. Vexat & mulieres ad pariendum vicinas sua pica, siue malacia. Alium peripneumonia, alium pleuritis laterumq; dolor exagitat. Hic phthisi seu lenta tabe, ille atrophia extinguitur. Sunt item affectionum appellationes, nephritis, lienteria, dysenteria, colicus dolor, voluolus, tormina. Magnum quoque cruciamentum lumbricos alere, & compluribus diebus diarrhoeam aluiq; proluuiem sustinere. A. Volo quædam leuiora pathemata recensere, tibi grauiora relinquam: nam adhuc restant sanè multa. D. Pro tuo arbitratu. A. Inflammationes, apostemata (quanquam intra cutem quæ nascuntur periculosiora sunt) liuores, tumores, spasmi, torpores, siue sensuum hebetudo, dentitio, tetani seu rigores, virium imbecillitas, animi defectio, seu, cum animo malè est, cum quis animo linquitur, (quod à nonnullis deliquium) nausea, cruditas, prurigo, tremor, scabies, tubera, papulæ, vari, reduuia. D. Mentis alienatio, seu diminutio, miserabilis est morbus. Eiusdem impotentia quoque, vt est insania, phrenesis, rabies, mania. Verè magnus ac noxius paralytis, apoplexia, epilepsia, seu comitialis, herculeus, caducus, sacer morbus (omnibus enim his nominibus exprimitur) hydros, icterus, siue morbus regius, arthritis siue articularis, cancer siue carcinoma, phthirialis siue pedicularis, quo antiquis illis temporibus Pherecydem, & nostris Caluinum extremæ impietatis & sceleris architectum interiisse traditur, etsi aliter de Pherecyde Plinius, pestilentia, quo nullus formidabilior, contagiosior, crudelior: quippe qui

qui paucorum mensium interuallo ciuibus vrbis viduare solet, ingentésque solitudines inducere. A. Graues profectò quos enumerasti. At communissimus omnium febris: ea est multiplex. Ephemeris seu diaria, quotidiana, tertiana, hemitritæa, quartana, continua, hectica, pestifera. Quadraginta febrium genera, nescio de quo audiui, à medicis proferri: vt Horatius non malè dixerit, febrium cohortem terris incubuisse. D. Plurima nos quidem morborum genera in medium attulimus. Quod si huic congressui nostro interesset egregius quispiam medicus, rideret nos: & cum formas longè plures, tum nouas, nobis inognitas longo ordine memoraret. Quare exclamemus illud Maronis.

*Non, mihi si lingua centum sint, oraq; centum,
Ferreæ vox.*

Quin plurimi vagantur morbi, quos veteres medici non cognouerunt, nec eorum curandorum rationem tradiderunt. Et adhuc nouæ species gignuntur, quarum aliæ citius, aliæ serius exploratæ & intellectæ, à corporibus efficacitate medicaminum depelluntur. Sed tam horum quam aliorum pæne omnium morborum causa est vnica prope modum luxuria. Peroportunè in manibus mihi est Seneca, cuius super hac re illustrissimum locum audiex epist. 95. *Medicina quondam paucarum fuit scientia herbarum, quibus sifteretur fluens sanguis, vulnera coirent paulatim. Deinde in hanc peruenit tam multiplicem varietatem. Nec est mirum, cum illam minus negotij habuisse firmis adhuc solidisq; corporibus, & facili cibo, nec per artem: Voluptatèque corrupto. Quæ postquam capis non ad tollendam, sed ad irritandam famem querit,*

Et inuenta sunt mille conditura, quibus aviditas excita-
 retur: qua desiderantibus alimenta erant, onera sunt ple-
 nis. Inde pallor, & nervorum vino madentium tremor, &
 miserabilior ex cruditatibus quam ex fame macies. Inde
 incerti labantium pedes, & semper qualis in ipsa ebrietate
 titubatio. Inde in totam cutem humor admissus disten-
 tusq; Venter, dum male assuescit plus capere quam poterat.
 Inde suffuso lurida bilis, & decolor Vultus, tabesq; in se
 putrescentium, & retorti digiti articulis obrigescentibus,
 nervorum sine sensu saccantium torpor, aut palpitatio sine
 intermissione vibrantium. Quid capitis vertigines dicam?
 Quid oculorum auriumq; tormenta, & cerebri affuantis
 Verminationes, & omnia per qua exoneramur, internis Ul-
 ceribus affecta? Innumerabilia praterca febrium genera,
 aliarum impetu subeuntium, aliarum tenui peste repen-
 tium, aliarum cum horrore & multa membrorum quassa-
 tione venientium? Quid alios referam innumerabiles mor-
 bos, supplicia luxuria? Immunes erant ab istis malis, qui
 nondum se deliciis soluerant, qui sibi imperabant, sibi mi-
 nistrabant. Corpora opere ac vero labore durabant, aut
 cursu defatigata, aut venatu, aut tellure versata. Excipie-
 bat eos cibus, qui nisi esurientibus placere non poterat. Ita-
 que nihil opus erat tam magna medicorum suppellectile, nec
 tot ferramentis atq; pyxidibus. Simplex erat ex simplici
 causa valetudo: multos morbos multa fercula fecerunt.
 Vide quantum rerum per unam gulam transiturum per-
 misceat luxuria, terrarum mariq; vastatrix. Necessè est
 itaq; inter se tam diversa dissideant, & hausta male dige-
 rantur, aliis aliò nitentibus. Nec mirum, quòd inconstans
 variusq; ex discordi cibo morbus est. Et illa ex contrariis
 natura partibus in eundem compulsa redundant. Inde
 tam nullo agrotamus genere, quàm vivimus. A. At enim
 quo infinitior est numerus, quotq; saeviores & mag-
 is letales sunt morbi, eo vehementius Dei boni-
 tatem admiremur. Nam cum propter vnum pro-
 toplasti

toplasti facinus corpora humana tot morborum incommodis obiectauerit, nihilominus remedia medicamentatq; innumerabilia prouidit, quibus in sanitatem vindicari possemus opera medici: quem nobis (quod te clam non est) disertè & grauius commendauit. Plagas igitur fontibus imponit, quia iustus: eosdem verò sanat, quia misericors. D. Semper illud Homeri pro verissimo habui,

ἰατρὲς γὰρ ἀνὴρ πολλῶν ἀντάξειτο ἄλλον.

Nec minus illud, quod quidam sapientes philosophiam & medicinam sorores esse dixerunt: alteram animi, alteram corporis conseruatricem. Et est reuera philosophia medicina animi, medicina autem philosophia corporis, cuius inuentio à veteribus ad deos auctores relata est, & medici diuinis honoribus ancti: quasi non humanam, sed cælestem scientiam colerēt. Ex diuersis floribus mel apes colligunt: medicinā ex variis herbis succos elicit, quibus ægris opem salutarem ferat. Certat cum violentia morborum medicus, fugientique iam vitæ quodammodo manum iniicit, ac mortem differt. Nec in vllum aptius cadit: homo homini deus, quam in medicum. Si parentibus habemus gratiam, quod vitam semel dederunt, cur non medicis, qui dant sapius? Quid vnoquoq; nostrum dignius est, quid cuiq; honestius, laudabilius, præclarius, quam prodesse alteri, si possit? Quis autem magis aut profuit vnquam, aut prodesse potuit, quam qui vitam salutemq; seruauit? Hoc medicorum est. Suppeditent alicui voluptates omnes, diuitiæ amplissimæ, bona vniuersa. Si

morbo ad mortem vrgeatur, quid illi iucundum, quid suaue, quid optatum esse, aut quid animum eius recreare tandem poterit? Veniat medicus, morbum curet, ab aditu mortis hominem reuocet, nonne è cælo illi missus? nonne confirmato iam omnium deinceps bonorum consequentium causa & auctor esse videbitur? Per medicinam & medicos longè adhuc absentia vitamus, impendentia auertimus, opprimentia repellimus, inhærentia eiicimus. idq; domi, foris, in itineribus etiam, à natis & nondum natis, à pueris, adultis, iuuenibus, senibus. Imperator sine milite cessat. Iureconsultus inter arma silet. Orator non omnibus, nec omnia persuadet. Medicus quod agat semper habet, nullius gratia, auxilio, approbatione indiget, omnes eo indigent, à quo nulla est prouocatio. A. Fateor omnia, fatebórque plura, si in medicina laudanda orationem sumere longiorem volueris. Hoc tamen addiderim.

Non est in medico semper releuetur & ager:

Interdum dalsa plus valet arte malum.

D. Idem Cicero. Non omnes ægroti cōualescunt; num ideo ars medicinæ nulla est?

ANNOTATIONES.

QUIBUS VITAM HUMANAM LVGENT)
M. Tullij sunt illæ voces 1. Tuscul. Nam hæc quidem vita mors est, quam lamentari possem, si liberet. Respondet Auditor. Satis in quidem in Consolatio-

ne ei lamentatus : quam cum lego, nihil malo quam
 has res relinquere. Et infra rursus. Illud angit, vel
 potius excruciat, discessus ab omnibus iis, quæ sunt
 bona in vita. Vide ne à malis dici verius possit. Quid
 ego nunc lugeam vitam hominum? verè & inrè pos-
 sim: sed quid necesse est, cum id agam, ne post mor-
 tem miseros nos putemus fore, vitam etiam efficere
 deplorando miseriorem? fecimus hoc in eo libro, in
 quo nosmetipsos quantum potuimus consolati sumus.
 Enumerant & lamentantur miseriae vitæ humanæ
 Plinius proæmio lib. 7. & eiusdem lib. cap. 50. Seneca
 epist. XCI. & XCIX. & locis aliis. Plutarchus in
 Consolat. ad Apollonium. Augustinus de ciuit. lib.
 21. cap. 14. & lib. 22. cap. 22. & 23. Idem libr. 13. cap.
 10. querit, an vita mortalium mors potius, quam vi-
 ta dicenda sit. Stobæus serm. CCXLVII. Epi-
 grammata græca lib. 1. titulo 13. ET FORTUNÆ
 DOMINATIONI) Quantam fortuna potentiam,
 tribuerent antiqui, quomodo eam rerum omnium mo-
 deratricem ac dominam constituerent, cuiusq; numini
 omnia subiecta agnoscerent, satis profectò indicant illa
 Plin. lib. 2. cap. 7. Toto quippe mundo, & locis om-
 nibus, omnibusq; horis, omnium vocibus fortuna so-
 la innocatur, una nominatur, una accusatur, una a-
 gitur rea, una cogitatur, sola laudatur, sola arguitur,
 et cū conuiciis colitur, etc. Laudauit et Theophrastus
 in libro què de Callisthenis sodalis et familiaris sui in-
 teritu fecit, illam sententiā: Vitam regit fortuna, non

sapientia. *Qua de caussa ut refert Cic. 5. Tuscul. vexatus est libris et scholis omnium philosophorum, negantium ab ullo philosopho dictum quidquam esse languidius. Idem laudat Epicurum 1. de finib. qui dixerit, exiguam fortunam interuenire sapienti: maximasq; ab eo & granissimas res consilio ipsius, & ratione administrari.* AVO BREVISSIMO PERFUNCTA) Ante eluionem illam terrarum, qua describitur à Moysè Genesios cap. 7. constat homines admodum longauos fuisse. Postea mortalibus scelera sceleribus cumulare non desinentibus, magis magisq; contratum est: adeo ut psalmo 89. legamus: Anni nostri sicut aranea meditabuntur. Dies annorum nostrorum in ipsis septuaginta anni. Si autem in potentatibus, octoginta anni, & amplius eorum labor & dolor. At nunc ista aetate, qua mundi extrema creditur, quam pauci ex immensitate uiuentium ad annum sexagesimum perueniunt? Profert exempla Plin. lib. 7. cap. 48. & Lucianus libro qui *μακροβίος* appellatur, longissimorum spatiorum humanae uitae. Sed ea tam multa non sunt, quin semper valeant & ualitura sint, qua dixit Iob, breues dies hominis sunt: & sicut umbra dies nostri. NULLA PARS CORPORIS EST) Mos erat Aegyptiis singulorum morborum habere medicos: alios oculorum, alios capitis, alios dentium, alios alui, alios vicinarum partium, morborumq; occultorum. Itaq; referta erant omnia medicis. Herodot. lib. 2. LABORANT OCULI OPHTHALMIA)

Quibus

Quibus vitis oculi eorumq; partes infestentur. Rhodigin. lib. 6. cap. 20. FAVCES TONSILLIS) Quid morbi sit tonsilla, in qua parte corporis, & unde vocabulum, exponit Crinit. lib. 17. cap. 16. REDUVIA) Reduviā quidam, alij reluvium appellant, cum circa ungues cutis se resoluit, quia luere est solvere. Hae Festus. At mihi ut à luendo reluvium, ita ab iduando reduvia, aut etiam riduvia dici posse videntur. Iduare enim dividere est, unde & viduam dictam Grammatici tradiderunt. Duere autem antiquo verbo dare potius, quam solvere significat. Græcis τὰ γυνή. Pithæus lib. 1. cap. 19. SEV COMITALIS) Apud Romanos nefas fuit eo tempore cum populo agere, quo morbo istoc quispiam in senatu innaderetur: inde nomen ei Comitialis, quod nempe comitia habere non liceret. Indicia illius notiora sunt, caput grauedine oppressum, cervix obtorpens, tempora ipsa velut ictu quodam pulsata, aures tinnitum emittentes, in labris spuma, oculi subinde circumducti. Corripuntur eo potissimum melancholici, & qui ingeniis, doctrina atq; animi magnitudine præstant. Exemplā aliquot collegit, & super hoc morbo plura differuit. Crinit. lib. 25. cap. 1. Ex omni animantium genere præter hominem cornices comitiales sunt. CIVIBVS VRBES VIDVARE) Pestem animalium describit Maro 3. Georg. Hominum autem illam, quæ Athenis temporibus belli Peloponnesiaci æcerrimè grassata est.

Lucretius in 6. Cornatissime & uberrime ex 2. Thucydidis. Principum hoc est.

*Hac ratio quondam morborum & mortifer astus,
Finibus Cecropis funestos reddidit agros,
Vastavitq; Sivas, exhaustis ciuibus urbem.
Nam penitus Genens Aegypti e finibus oritur,
Aëra permensus multum, camposq; natantes,
Incubuit tandem populo Pandionis omnes
Inde cateruatim populo, mori q; dabatur.*

Huius porro longe omnium atrocissima pestilentia causas 3. memorat Diodorus lib. 12. calum corruptum, viciositatem frugum, Etesiarum per astatem cessationem. FORMAS LONGE PLURES) Morborum verò tam infinita est multitudo, ut Pherecydes Syrus copia serpentium ex corpore eius erumpente expiraverit. Plin. lib. 7. cap. 51. AD DEOS AVCTORES) Cic. 3. Tuscul. corporis curandi tuendiq; causa quaesita esse artem, eiusq; utilitatem deorum immortalium inuentioni consecratam ait. Vetusissimum medicina auctorem celebrari Esculapium scribit Celsus lib. 1. prafat. Qui quoniam adhuc rudem & vulgarem hanc scientiam paulò subtilius excoluit, in deorum numerum receptus est.



PROGYMNASMA

OCTAVVM ET QVA-

DRAGESIMVM.

*Præcepta tuendæ sanitatis, &
conseruativæ partes.*

STVDIOSVS, MEDICVS.

STVDIOSVS. Quid de somno meridiano, siue de meridiatione sentis? M. Quid sentiam? Aut nullam, aut breuem esse oportere. S. quamobrem nullam? M. Pigritiam torporémque corporis, dolorem capitis, & rheumata generat: vt alia non pauca incommoda silentio prætermittam. S. causam nosse percipio. M. Spiritus atq; sumi, materia nõdum confecta, exhalantes, qui vigilantibus per cutis poros dissolui ac dissipari solent, somno illo diurno conciti in caput sese tollunt, cerebrum plus æquo humectant, vnde illæ destillationes ad pectus, fauces, & nares. Hinc item capitis perturbatio. Ad hæc cum cerebrum nimio humore oppletum est, nerui qui inde per totum corpus pertinent, ipsi quoque immoderato humore compleantur necesse est. Quorum redundantia, quoniam ad musculos, tendines, articulos confluere consuevit, isto sopore non solum nõ dissipatur atq; discutitur, verũetiam tenacius adhærescēs augetur. Vnde lentitudo & tarditas, & quasi quædam corporis totius dissolutio. S. si pro more habeat aliquis somno se dedere ad meridiem, vt ego,

ego, qui id factito annum iam vicesimum, scēq; torpidum, os catarrhi plenū, caput plumbeum, corpus languidum fieri experiatur, si intermittat? M. Consuetudo id efficit interdū, vt mala quæ sunt, minus lædant. Aliqua tamen præcepta tibi dederim in hoc genere. S. Euge. M. Primum, ne mox secundum prandium. S. Hoc perpetuò seruauī: vnā quippe horā colloquiis, & moderatæ inambulationi tribuere soleo. M. Placet hoc mihi. Alterum, ne deposito ac demisso, sed erecto capite. S. Hoc neglexi quodam tempore, indeq; caput tam grauatū, faucesq; destillationū plenas sentiebam. M. Ergo posthac caue negligas. Noli etiam valde diu. S. Horam pæne in dies singulos impendo. M. Nimum est, media sufficeret. S. Minuam igitur spatium, & imperabo istuc mihi. M. Expergescitio modesta sit, non repentina ac tumultuosa. S. Ita fiet. Quoniam verò docuisti, quo pacto me in somno meridiano, sine aliquo sanitatis detrimento gererem, plura bonæ valetudinis conseruandæ præcepta prome. Hoc enim vestræ munus est nationis non solum curare morbosos, verumetiam conseruare sanos. Nec minus præclarum & artificiosum, bene valentes tutos præstare à morbis, quam iis implicitos liberare. Quin etiam maiorem gratiam medicis deberi affirmabat Demades, qui ingruentem morbum arcerent, quam scæuentem iam depellerent. Siquidem magis optandum sit, non experiri malum, quam eo liberari. M. Imperfecta esset ars nostra, si sola *θεραπευτική*, non etiam *ὕγινη*, constaret, quæ in *προφυλακτικήν, συντηρητικήν,*

σηπκὴν, & ἀναληπκὴν distribuitur. Prima morbos imminentes auertit, altera præsentem sanitatem tuetur, à tertia valetudinarij reficiuntur. S. si quã adhuc habes partitionem, adiunge. M. Quæ ad partem secundam constituendam à medicis excogitata atq; præscripta sunt, quatuor nominibus indicantur, quorum singula varias ac multiplices res complectuntur: tot namque præfidiis bonam valetudinem conseruari à Galeno aliisq; medicinæ professoribus concorditer decretum est. S. Quæ sunt igitur? M. τὰ προσφερόμενα, τὰ κενούμενα, τὰ ἐξωθεν προσπίπτοντα, καὶ τὰ ποιούμενα. Quæ enim exhibentur, poculentis atque esculentis finiuntur, siue ciborum siue remediorum vsum habeant. Quæ sub exinanitionem subiiciuntur, sudoribus, excrementis, sputis, vrinis, & similibus continentur. Extrinsecus accidentia; aqua, aëre, sanguine, mari, oleo & huiusmodi constituuntur. Agenda verò exercitationibus, studiis, vigiliis, somno, ira, cura, lotionibus, cæterisque eiusdem generis. Nulla igitur res, nullumue auxilium est, quod quidem ad sanitatem defendendam conducatur, quin aliquo prædictorum quatuor generum, quæ totam conseruatoriam artem perficiunt, concludatur. Quod ad præceptiones conseruandæ valetudinis attinet, plurima possem afferre, ferunturque hac de re multorum commentarij: verum pauculas degustes licet. S. Cum voluptate audiam. M. Cibis vtare bonis, mediæ materiæ: nihil enim ad *κακοχρμίαν* morbosque generandos tantum facit, quantum alimenta vitiosi

vitiosi succi, & ad coquendum minimè facilis. S. Vellem mihi nominari cibos istos. M. Hoc aliàs opportunius. Vniuersè, cibus leuis, ac facile descēdens salubris est: Vtilissimus verò simplex. Multi enim & varij sapes, cum vino diuersi generis, multa etiam condimenta, hæc omnia in vinū tantum chaos commissa, vbi frigida calidis, humētia siccis pugnant, cruditatem progenerant, parentem morborum secundissimam. Fugiendus igitur conuiuiorum luxus, in quibus venter quantum hominum exercet? Quorum voluptates quamuis in præsens non furunt, tamen occultè aliquid operis intus, & quidem pessimi facient, & venena fuisse quamuis serò cognoscētur. Vbiq; etiam, seu domi seu foris colenda in cibo potuq; simplicitas & temperantia. Nunquam est utilis nimia satietas. Ebrietatem autem scire vis quæ mala consequantur? Etiam. M. Vitæ breuitas: hoc maximum est incommodum. S. Siquidem vita nihil carius. M. Pallor vultus, tremor membrorum, suffusiones fædæ oculorum, animæ graueolentia, obliuio seu mors memoriæ, somni turbulenti, & inquieta noctibus quies, apoplexia, paralytis, & quædam sanè in proles impietas. S. Quomodo? M. Necessè est non tantum vinosos, vt docet Plutarchus de educand. lib. sed morbosos & amentes quoq; nasci ab ebriosis. Hinc Diog. videns adolescentem labantem animo: Adolescens, inquit, ebrius te pater genuit. Edacitatem autem comitantur æquæ noctes irrequietæ, cum se corpus in lecto huc illuc iactat, & ciborum tantam molem non potest stomachus conficere; ex quo in vultu pustulæ, grauedo, dolo-

res colici, calculus, podagra. Quæ si satis multa tibi non videntur, adde cruditates, adde obstructi-
 ones, putredines, febres, apostemata, lepram deniq.
 S. Præclaræ ingurgitationis & intemperatiæ mer-
 cedes. Hinc nempe natum illud vulgare: plures
 gula occidit, quam gladius. M. *Olum apud medicos nō
 erat necesse circumspicere multa auxiliorum genera, cum
 essent periculorum paucissima. Nunc ideo innumerabiles
 pane morbi, quia innumerabiles coci. Nesciebant illi cibum
 dare sapius, & vino fulcire venas cadentes: nesciebant fa-
 niem emittere, & diutinam agrotationem balneo sudori-
 busq. laxare: nesciebant crurum Vinculo, brachiorumq. la-
 tentē vim, & in medio sedentem ad extrema renocare. Nūc
 Verò quam longè processerunt mala valerudinis? Hæc & seras
 pendimus voluptatum & iura modum fasque concupiscimus.*
 S. In clara lectiōe, cursu, ambulatione, pila, simi-
 libusq. exercitationibus corporis non parvū mo-
 mentū ad sanitatem conseruandam inesse credo:
 docuit enim me hoc ipsum vsus. M. Nihil explo-
 ratius. Cū enim sine intermissione minutula qua-
 dam corpulcula ē corporibus nostris effluere so-
 leant, quæ ad vitam retinendam repensare ac resi-
 cere oportet, ob id quamdiu huius lucis compotes
 sumus, cibo indigemus, per quē quod amittimus
 recipiamus. Cibus autem quātumvis commodus,
 & sine vitio eligatur, nunquam ita in membrorū
 natura se induit, quin reliquæ inutiles remaneāt:
 quæ nisi continuo foras truderētur, intervallo tē-
 poris adeo accumulari possent, vt calorē natura-
 lem opprimerent. Cui vt obuiā iret naturæ sagaci-
 tas, meat² ac vias multas illi eiiciēdis aperuit: quæ
 quia nō sufficiunt omnib⁹, assumēda est exercita-
 tio: vt huiuscemodi motionib⁹ attrita, aliās sudo-
 ribus

ribus, aliâs sensilibus & insensilibus expirationibus secludantur. Quod si in otio & torpore huiusmodi excrementa retineantur, periculum est, ne innumeræ morborum exitialium species existât. S. Ratio longè optima. M. Exercitatio corpus firmat, ut nimia quies & otium hebetant. Et hinc quidem præ matura senectus, inde longa adolescentia. S. Salubriusne ante exercemur, quam cibum capimus, an postea? M. Salubrius ante. Docet nos hoc vel auicula, quæ Porphyrio nominatur, quæ non prius attingit escam, quam locum nactam idoneum, ibi aliquantum inambulauerit, seque exercuerit: deinde etiam pulvere iam conspersa sese lauat, atque ita demum sese pascit. A cibo exerceri insalubre est, iis præcipuè, quibus crudior ventriculus. Debet autem remissior esse in eo, qui minus bene concoxit. Et ambulatio sit eiusmodi potius, quæ varietate corpus moueat, ut ea, quæ in ascensu & descensu est: nisi corpus sit perimbecillum. S. Estne in exercitatione habenda loci ratio? M. Immo. S. Quo pacto? M. Melior sub diuo, quam in porticu: &, si caput patitur, in sole quam in umbra. Et rursus in umbra, quam parietes & viridaria efficiunt, quam quæ testis subest: salubriorque recta, quam flexuosa exercitatio. S. Quousque iubes nos exerceri? M. Usque dum sudor euocetur, seu ad lassitudinem, citra fatigationem nimiam. S. Aliud præceptum da, si placet. M. Anxiæ item curæ, & mordaces sollicitudines, dolor, mœstitiæque fugienda sunt, & quantum potest, auocanda semper à tristiculis rebus cogitatio. Intenta siquidè & molesta cura maximè cor urit,

corpus

corpus exsiccat & extenuat, somnum impedit: ex quo vigiliarum perpetuitas innatum calorem imminuit, & extinguit, vires debilitat, grauissimis corporum difficultatibus velut ostium aperit. Atque hæc omnia tanto magis, quanto fuerit diuturnior. Iam tristitia ipsa quoque corpus arefacit & tabefacit, cor immodicè constringit, spiritum viciat ingenium obtundit, rationi & iudicio nebulas offundit, memoriam carpit. S. Meritò igitur Ecclesiasticus: *Spiritus tristis exsiccat ossa, & quod & vermis ligno, hoc tristitia cordi.* Multo quoque adhuc clarius. *Tristitiam, inquit, longè remoue abs te: multos enim occidit tristitia, & non est utilitas in ea.* Si vnquam nunc maximè fugiam hanc pestem, meque ad hilaritatem & lætitiā dabo. M. Sapiēs: illa siquidem cor dilatat, sanguinē in omnes corporis partes æquabiliter deriuat ac dispertit. Copia porrò & vis sanguinis, qui vehiculum animæ dicitur, omne corpus vegetat, animat, viuificat, sensum & agilitatem cōfirmat, colorem floridum, caloremque natium excitat. Vnde per omne corpus iucundus quidam sensus exoritur. Spiritus puriores fiunt, ingenium acuitur, & ad obscunda negotia aptiores euadimus. S. Magna merces hilaritatis & lætitiæ, quæ me quidem latuit hætenus. M. Sed eius immoderatio, offendit valetudinem. S. Hoc velim me doceas qua ratione. M. Calor à natura inditus ad superficiem dispergitur & membris excedit: sicuti per immodicam tristitiā ad interiora colligitur, vnde humor natuius exsiccat. Ne sit ergo nec subita, nec nimia, nec diuturna lætitia, sed tempestiua & mediocris. S. Superfluitne alia,

D d

quæ

quæ hoc tempore mihi præcipiēda putes? M. Hodie nihil præterea. Cum rursus cōuenerimus, plura audies. S.

*Luciferum hunc Vinam nobis aurora nitentem
Quam primum roseis candida poriet equis.*

ANNOTATIONES.

Si corpus hoc nostrum non ita natum haberemus, ut inualetudini & mutationi obnoxium esset, verum bene semper constitutum integrum, & in optima habitudine permaneret, nulla prorsus arte ad id vel incolume conseruandum, vel è morbo recreandum restaurandumq; indigeremus. Quia verò continenter mutatur & patitur, & ad interitum tendit, nec constitutionem illam cum qua extitit, minime vitiosam, retinere potest, omni opera & procuratione à morborum lue prohibendum, & in ea qua licet sospitate retinendum est. Ad hoc ipsum sanitatis præstantia nos excitare debet. Etenim si omnes se fortuna, omnes diuitia, & huius vite bona uniuersa in manus nostras tradere possent, quid illa nos morbosos, & in lecto miserè cum doloribus perpetuò decertantes solarentur? Pythagoras τὸ ὕγιαιεν nihil putabat præstabilius, quā salutationem in epistolis adhibebat, ut Plato τὸ ὡσεὶ τεν, Epicurus εὖ διαίειν, Cleon χάριεν. E symbolis autem, quibus Pythagoræ inter se utebantur, fuit ὕγιαια sanitas. Pyrrhum Epirotarum Regem narrant, cum immolaret, non regnum latius, non illustrem de hoste trium-

triumphum, non gloriam, non divitias, & similia, sed bonam duntaxat valetudinem à diis precari solitum. Omnia sibi affore putabat, si illa affores. Proinde baud falsò græcus ille versiculus in monostichis.

ἰγνεία καὶ νῦν ἐσθλὰ τῶν βίῳ δόο.

Incolumitas & mens, duplex vita bonum.

Quid igitur factò opus est? Id M. Tullius 2. de Officiis docet in hunc modum. Valetudo sustentatur notitia sui corporis, & observatione earum rerum, quæ res aut prodesse solent, aut obesse: & continentia in victu omni atque cultu, corporis tuendi causa, & prætermittendis voluptatibus. Postremò arte eorum, quorum ad scientiam hæc pertinent. Est & magnificiendum Plutarchi consilium eodem spectans, libro de tuenda valetudine. Si amicos laborantes obseruemus, sciscitemurq; causam morborum, non ut medicinz peritos nos ostendamus, atque ita recondita medicorum ibi vocabula depromamus: sed, ut cum leuia vulgariæque nō oscitanter audierimus, puta de repletione, insolatione, lassitudine & vigiliis, præcipuè verò quo victu tū vteretur quum in febrim inciderit: deinde sicut in alienis erratis Plato solitus est discedens secū dicere: nū & ego sum istiusmodi? ita & ex amicorū malis sibi quemq; cōsulere & cauere conueniet, ac meminisse ne in eadē incidat, neque ipse similiter lecto affixus laudet ac desideret pretiosissimā illam sanitatē. In præceptis porro sanitatis tuenda, quæ à medicis dari solent, duo videnda sunt. Vnū, cum quid insalubre atque noxium esse pronuntiant.

uti ab eo penitus abstinemus. Quamquam enim non-
 nulla obesse ad tempus non apparet, tamen ubi humor
 ex illis vitiosus diu in venis latitans, tandem in pu-
 tredinem conuersus fuerit, malignaſq; & curatu dif-
 ficiles febres generauerit, hominemq; necauerit, tum
 demum heu nimis obſuiſſe apparebit. Alterum, ſi præ-
 termittere ea non poſſimus, quæ illi prætermittenda
 ſuadent, utemur quam rariſſimè: ſi frequentius uti
 oportebit, quam parciſſimè: nam iſto modo propter
 exiguitatem materia peſtifera qualitas nihil oberit.
 DE SOMNO MERIDIANO) Somnum inſtitium
 vocauit Varro lib. 1. de re Ruſt. Ego hic, ubi nox &
 dies modicè redit & abit, tamen æſtium diem, ſi non
 diſſinderem meo inſtitio ſomno meridie, viuere non
 poſſem. Poſeſt etiam legi: tamẽ aſtate diem ſi non, &c.
 cum lib. 3. cap. 2. dicat. Quid ni nouerim, ubi aſtate
 diem meridiæ diuidere ſoleam? MEDIAE MATE-
 RIAE) Facile concoquuntur panis triticeus farina op-
 timè purgata, & ſincera, mediocriter ſalitus & fer-
 mentatus. Vinum mèlioris notæ, qua recentia & ſor-
 bilia, pullaſtri, & gallina non vetula, hædina, vituli-
 na (ſed de vitulis lactentibus) agnina, pulli columbi-
 ni, perdices, phaſiani, mala cydonia, vua paſſæ, cico-
 rea. Maligna concoctionis ſunt panis ſecundarius, è
 cuius farina non probè excreti ſunt furfures. Panis ad-
 modum recens, & iam iam è furno extractus, aut e-
 tiàm immodicè durus. Carnes frixæ, aut roſtæ, & qua
 denti-

dentibus commoli facile nequeunt, quarumcunque animantium. Anserum & anium aquatilium, caesus nimium durus & vetus, pisces lacustres, cancri, caules & radices fere omnes, allium, Raphanus, legumina, praesertim faba, cucumeres, cucurbita, pepones, auellana, carica, vinum acidum, crassum, rubens. Eademum quae stomacho nocent. AD XXXIIII MORBOSQUE) Humores noxios generant haec potissimum. Omnia salsa, insipida, ad concoquendum difficilia, acria, morticina, carnes fatida, animantium vetularum, praesertim sale durata, ut bubula, vaccina, &c. Partes item animalium duriores, aut valde pingues, omnis adeps, ova anserum, pavonum, lac ouillum, fungi, phaseoli, pisa, fructus immaturi, aut à vermibus vitiiati, oleum, vinum turbidum, acidum, mustum. UTILISSIMVS VERO SIMPLEX) Faciliusne digeratur cibus multiplex, an verò simplex, querit Plutarchus Symposiacion lib. 4. quaest. 1. Macrobius quoque Saturnal. lib. 7. cap. 4. simplicem preferre multiplici non dubitat. MULTI ENIM ET VARIi SAPORES) Genus quoddam luxuriae, in eadem patina diversorum saporum cibos confunden- tis ac permiscen- tis, graui oratione vituperat Seneca, demonstrans, quam ea res officiat bona valetudini. Locus est epist. 95. Pro Corollario addamus, Celsum lib. 2. cap. 18. cibos ac potiones in 3. genera scernere, in valentes, medios, infirmos: seu, in valentis, medie,

imbecilla materia. Valētes vocas, in quibus multū est
alimenti, valētissimum in quo plurimū. Ex quo reli-
quorū generū natura cognoscitur. Materia genere pro
viribus utendum precipit. Imbecillis hominibus rebus
infirmis opus est. Mediocriter firmos media ma-
teria optime sustinet: & robustis apta validissima est.

PROGYMNASMA
NONVM ET QVADRA-
GESIMVM.

Medicamenta simplicia.

CVRIOSVS, PHARMACOPOLA.

CVRIOSVS. Quid tu nunc rerum actitas? P.
Medicamenta disparia conficio. C. Qualia?
P. Exterforia, sanguinem sistentia, suppurato-
ria, soporifera, laxantia, mollientia, purgantia,
sternutatoria, & alia sexcenta millia, quibus solent
repleri tabernæ medicamentariæ, vti etiam hæc
mea, in quam pedem intulisti. C. Cui sunt paratæ
hæc pilulæ? P. Nobili viro, qui eis ad alui ductiōnē
est vsurus. Sūntne alij præterea vsus pilularum?
P. Et varij quidem. C. Quam varij? P. Quoddam
genus caput purgandi, & oculorum aciem exacu-
endi vim habet. Quædam vētriculi intestinorū-
que flatus dissolunt, iecur obstructum aperiunt,
dolores mitigāt, crassos, pituitosos, putridos, acres,
falsos, biliosos humores detrahūt. C. Mirifica vir-
tus, si ita est vt narras. Expertus nunquā sum: ma-
lui

lui enim iis vii, quas de carnibus minutè concisissimas parat cocus meus, easq; stomachicas, & confortativas dici posse arbitror. Sunt autè prægrandes, ut minimè vestris pyxidiculis, sed rotundis & profundis paropsidibus capiantur. P. Nondum tamè extra telorum iactum es. Veniet tempus, cum variis medicamentis indigebis, medicorumq; & pharmacopolarum fidem gemebundus implorabis. C. Si multiplicibus morbis vexabor, indigebo medicina multiplici: non nego. P. Quàuis vno tantum: nã ad vnicum fugandũ centum pharmacis aliquãdo est opus, nec fugatur tamen: nõ enim semper comprehendunt. C. Idcirco sanè hæc officina tua nartheciis, pyxidibus, cucullis, myrotheciis, herbis & radicibus tam referta est, q̃ mirabar metum adueniēs modo. P. Te verò nulla incesset admiratio, si, quàm latè patētib⁹ terminis circūscribatur medicina didicisses. C. Id ipsũ, amabo, me doceas. P. Quod tua nil refert, nosse vis? Nisi fortè medicamentarius fieri cogitasti. C. Nõ hoc quidè cogitavi. Verũ nihil dubito, quin mihi ista cognitio voluptati sit futura. P. Mera est hæc curiositas tua. C. Immò certè honestissima cupiditas. Eia Magister Paule, quę sunt auxiliorũ prima & summa genera? Hinc ego nõ exhibo, nisi ad quæsitũ responderis: & aliõqui circūforanei te alicuius pharmacopæi similem, id est, æquè imperitũ opinabor. P. Odiosus flagitator es. C. Quid? odiosus flagitator? Potius discendi avidus petitor. P. Scito alia vocari simplicia, id est, cum aliis non confusa, seu ab alterius admistione libera. Alia composita siue mista. Materiam simplicium esse plantas, earumq; & arborũ

fructus, animantes, terram & aquas, seu quæ in hisce duobus elementis generantur. C. Teneo ista quatuor. Quid ex primo ordine ad medicandum sumitur? P. Plantæ ipsæ, folia, flores, semina, fructus, radices, succi, liquores, gummi, cortices, ligna etiam ipsa. C. Magnopere vellem singula in partes diuidi, mihi que numerari. P. Plurimas voces non intelligeres, ipsaque te multitudo obrueret. C. Concede ergo mihi hoc, ut in singulis aliquas, & paulo notiores enumeres exempli causa. P. Hoc faciam. Accipe. Abrotonum, amaranthus, asparagus, betonica, bræssica tam marina, quam hortensis, chamæmelum, melilotum, pimpinella, plantago, scolopendrum, spica nardi. C. Quos laudas flores? P. Buglòssi, lilia, violas, & reginam florum omnium, rosam. C. Nihil antiquis rosa gratius, nihil maiore in pretio. Quin existimo inde ortum prouerbum, rosas loqui, id est, multo gratissima, & instar rosarum amabilia. P. Cum nihil gratius hoc flore, tum nihil fuit etiam vniquam, neque est salubrius. C. Video ad multa adhiberi. Nunc audiam aliquid de seminibus. P. Vtimur semine anisi, caparum, cannabis, coriandri, cucumeris, papaueris, rutæ, & granis paradisi. C. Granis paradisi? Atqui ego plus millies audiui, paradysum nesciri quo loco terrarum sit. Quomodo igitur vos inde grana adipiscimini? homine an angelus quispiam ad vos apportat? Quæ tandem sunt ista paradisi grana? Si de pomis vetitæ arboris sunt, quomodo afferent salutem, quæ Adamo & Eux, nostroque generi vniuerso mala innumera, pestem, interitum & exitium attu-

attulerunt? Venena sunt, non remedia. Quin ea in ventum spargis? P. Quali tu ignores, & in remedia, & in aliis quædam ob excellenciam suam excellentibus affici vocabulis. Sic appellamus aquam vitæ, lignum sanctum, manum Christi, agnum castum, &c. C. Assentior, & accepi in Sicilia quoddam genus vini optimi appellatum lachrymas Christi. Id cum germanus primum bibisset, eoq; haustu mirifice delinitus, nomen vini interrogans accepisset, suspirans: O bone Christe, inquit, cur non etiam in patria mea lachrymatus es? P. Ha, ha, ô sanctissimum votum. C. Adhuc exempla aliquot de fructibus. P. Amygdala. C. Semper ego hunc fructum magnifeci, saluberrimumq; iudicavi. Quod si tu, Paule, pilulas inde conficeres instar pugni magnas, adderes de vuis passulis, de cinnamomi puluere, de vino Cretico aliquid, stomachis parum valentibus, me iudice, rem gratam præstares. P. Cocum & culinam tibi charam esse oportet. C. Quod secundæ valetudini meæ præfidio est, id charum & iucundum est, quidquid est. Esca & potio duos morbos exitiales auertunt, famem & sitim. P. Mitte nugari. Vis audire cætera? C. Volo equidem. P. De fructibus ad medendum prosunt præter alios pænæ infinitos etiam baccæ iuniperi, & lauri, mala cotonea, punica, nux pinea, melones, glandes. C. Ad porcos cum tuis glandibus. P. Hiccine tibi fructus tam vilis videtur? C. Vilissimus. P. Scias velim in pharmacis quædam usurpari, quæ tu sine horrore non posses aspicere: nedum manibus atrectare, aut in os sumere. Quid autem refert vnde medicina comparetur, si modo

respondeat? Plúne quemquam vita conseruata,
 quám eius conseruata ratio delectat? Ista verò cu-
 randa non est, cui cuiusmodi est. C. Dic deinceps de
 radicibus. P. Est angelica, est ebuli, inulæ, pen-
 taphyllis, zingiber. C. Nobilissima radix quam
 nominasti postremam, præsertim si condidatur. P.
 Et alia non pauca, si condiantur. C. Quid succo-
 rum liquorumue nomine intelligis? P. Humo-
 rem, qui vel è tota materia, vel ex eius aliqua par-
 te concisa, aut contusa, aut compressa manibus,
 torculari, igne, elicitur. Qui humores per ætatem
 ex herbis viridibus & recentibus stillicidio expri-
 muntur, & aquæ distillatæ seu eliquatæ vocantur,
 eorum vt vsus est per frequens, sic infinita sunt ge-
 nera. C. Interfui sæpe, & cōsideraui instrumenta,
 cepiq; magnam voluptatem. In ædibus suis idem
 facitiant amplissimo genere mulieres pleræq; &
 aquas illas egrotis pauperibus sine vlllo pretio non
 solum rogantibus donant: sed etiam in eorū casas
 ædiculasq; vtro mittunt. P. Laudabile piūq; fa-
 ctum. C. Estne alia species liquorum? P. Sunt cō-
 creti, qui vel per se à planta defluunt, vel è secto te-
 rebratōue caudice, ramo aut ligno erumpunt. Vt
 mel ærium, manna, saccharum, ladanum, aloë.
 Gummi quoddam arabicum nominamus, quod-
 dam bdellium, aliud euphorbium, aliud stacten, a-
 liud mastichen. Resinā & cerasorum gummi tibi
 sunt, notissima. Vtimur insuper corticibus calicæ,
 radicum capparidis, mali citrei, mandragoræ. E li-
 gnis xylobalsamo, tamarice & guaiaco. C. Hoc il-
 lud est lignum sanctum scilicet, quod India mit-
 tit. P. Idipsum est. C. Et decoctum huius bi-
 bunt.

bunt, quos gallica lues depascitur. P. Et illi & alij, qui humoribus superuacuis carere cupiunt: oppidò enim exsiccat. C. Oculis vidi vnam harum arborum in horto viri illustris. Erat sanè humilis, & ad speciem còtempra. Folia acuta, lata atque longa, rami breues, & gradatim in orbem enascentes: stipes non crassior meo crure. Nunc sequitur vt exponas, quænam ab animantibus ad simplicia medicamenta petatis. P. Pinguedines seu adipēs: vtar enim pro eodem. Nam propriè adeps aut sebum magis terrestrium, pinguedo humidiorum animalium est. Durior item est adeps, nec ita facillè liquatur, celeritèrque liquefactus cogitur. C. Quorum adipem probatis ergo? P. Anatum, caponum, canum, ceruorum, caprarum, felium, gallinarum, hircorum, hominum, suum, taurorum, vitulorum, vrsorum, taxorum, vulturum. Medullas autem bouis, canis, cerui, vituli, hirci. C. Nihilne de medulla hominis? P. Illa est tam casti quàm turpis & vetiti amoris pabulum. C. Est mollis flamma medullas Interea: & tacitum viuit sub pectore vulnus. P. Quod attinet ad ossa, valent cornua ceruina, caprina, item humana. Quod ad testas, sepiarum, concharum. Adde huc vngues caprarum, asinorum vngulas, monocerotis ebur. C. Quæ animantes, quarumue animantium partes sunt salutiferæ? P. Cantharides, cochleæ, ranæ, hirundines, cancri, lumbrici, pili & cerebrum leporis, pulmo vulpis, iecur lupi, & caprinum & caninum, canis, inquit, rabiosi, castorium, caro viperæ. C. Quos, vt ita dicam, sanguines probatis? P. Columbarum, hircorum,

vesperæ

vespertilionum, ac suum. Lac autem omnis generis, & serum lactis, butyrum quoque & caseum. Fimum hircinum, accipitrinum, leporinum, bubulum, gallinaceum, columbinum, ouillum, & quod album græcum pharmacopola, item moscum & bombycem: hæc enim quoque confectorum ciborum reliquiæ sunt. C. De hirco mirabile dictu, illum tam male olentem, plurimarum vxorū maritum, tot de se bona ad sanitatem largiri hominibus à quibus tamen tantopere despicitur. P. Quæ proxima Principum comitia celebrantur, in iis suadeo, vt tanquam fidelis ac disertus patronus hirci causam agas: siquidem non in vna regione Germaniæ, sed in tota passim contemnitur. C. Quin etiam ad Hispaniæ, & Franciæ Reges, ad Italiæ Principes eius causâ scribendum. Siquidem non multo excellentior honos illis in prouinciis misero deferatur. Verum age, quæ sunt metalla? P. Aurum, argentum, argentum viuum, gypsum, crugo, vitrum, minium, plumbum, sal, squama æris & ferri. C. Qui lapides? P. Hæmathites, ætites, seu lapis aquilæ, crySTALLUS, iaspis, sapphirus, smaragdus. C. Quam magno vendis pugillū pulueris smaragdini? P. Non metimur hunc puluerem pugillis, vt auellanas, aut nuces castaneas. C. Fidem commodo, sine argumentis. Quas terras porro? P. Lemniam, seu terram sigillatam, bolum armeniacum, cretam. C. Quid ab aquis? P. Asphaltum seu bitumen, spongiam, garum, muriam, spumam salis. C. Etsi perspicio plura te enumerare potuisse, nolo tamen in percontando nimium esse onerosus. P. De ista humanitate amo te.

ANNOTATIONES.

REGINAM FLORVM OMNIVM ROSAM)
*Græci ῥόδον vocant, ἐπὶ πᾶσι τοῖς ὀσμοῖς ἀ-
 ρίσι, διὸ καὶ τὰ ῥοδα παραύεται. Quod odoris suum e-
 mittat plurimum, quo nomine primo quoquo tempo-
 re etiam flarescat. MANNA) Manna vsum an-
 tiquum esse, & quibus nominibus à Romanis aucto-
 ribus, à Papinio & Orpheo poetis appellaretur, à Pli-
 nio insuper in thure concussis elisas micæ manna no-
 minatas docet Crinit. lib. 25. cap. 2.*

 PROGYMNASMA
 QVINQVAGESIMVM.
Medicamenta composita.

PHARMACOPOLA, CVRIOSVS.

PHARMACOPOLA. Venturum ad me hodie
 istum quæsitorem non putassem. Num au-
 diendo non es defessus? C. Ego defessus?
 Non sum adeo tener & imbellis, qui tam parua
 mora, tam paruo labore defatiger. Te potius oro
 quæsoq; vt quod restat, sine cunctatione persol-
 uas. P. De compositis medicaminibus dicendum
 est. Eorum duo sunt genera. Quædam enim in-
 tra corpus recipiuntur, quædam corpori foris ad-
 mouentur. C. Percepi hanc distributionem. Quæ
 sunt

sunt species primi generis? P. Antidota, purgantia, vomitum clementia, condita, ecligmata, succi medicati, serapia, decocta, pulueres seu tritura, pastilli, catapotia, glandes, clysteres, collyria, gargarismus, dentifricia, errhina, apophlegmatismi, odoramenta, suffimēta seu suffitiones. C. Non prius quæram de externis, quam horum primorum rationē didicero. Quapropter si vis deuincire me tibi, singula quam breuissimè declara. P. Quod ipse non rogatus eram factururus, id tanto faciam libentius, quia rogas. Ergo antidota sunt, quæ propter venena aut è corpore eiicienda, aut ab eo prohibenda sumi mos est: quæ item amuleta, & alexipharmaca dicuntur. Illa quæ malis reliquis depellēdis comparantur, non propriè hoc nomen gerunt. In antidotis verò ob variam singularemq; vtilitatē principem tenet locum theriaca. C. Audiamus aliquid de hoc misto. P. Non solum præsentissima venena discutit: sed etiam dolores capitis, vertigines, aurium grauitatem. Epilepticis, attonitis, asthmaticis, sanguinem reiectantibus, arcuato morbo correptis, ileosis & cœliosus prodest. Ventriculi imbecillitatibus ac inflationibus, cruciatibus maioris intestini occurrit. Induratum lienem emollit, calculos in renibus comminuit, vrinæ difficultati, & vesicæ exulcerationibus medetur, fatum mortuū excutit. In lue pestifera nō inuenies salutaris auxilium. C. Quā resisteret veneno, ipsemet oculatus sum testis, cum circumforaneum myropolā puer viuos araneos theriaca inuolutos deuorantē admirabundus aspexi. Reliqua sic esse vt dicis, nō auisim negare. Iam labere ad alia, si videtur. P. Purgantium,

tiam, siue catharticonum partim liquida sunt, partim solida. In his posterioribus numerantur bolus purgatorius, frustulum nimirum esui aptum, quantum bucca potest capere. Item quod dicitur dilutum purgatorium. C. Quid hoc est? P. Liquor est, in quo ad certum tempus medicamenta purgantia concisa, trita siue in puluerem redacta, vel solida etiam integraque macerantur. Hæc Principibus, dynastis, tenerioribusque exhibetur. C. Qua de causa? P. Quod minor in iis, quam in ceteris purgantibus vis est, & eorum usus putetur minus habere periculi. C. De vomitum elicientibus quid ais? P. Quædam hoc possunt leuiter: quemadmodum inter simplicia quoque hanc vim habent nonnulla: ut calida, decoctum hordei, oleum digitis aut pinnis illitum, & in guttur demissum. Eodem valet, esus sicum recetum liberalior. Inter composita serapii acidum, oxymel, & hydromel. C. Quænam igitur mediocriter hoc ipsum poterunt? P. Anethi flos & semen, radix betonicæ, & cucumeris sativi. Vehementer uterque elleborus, radix cucumeris sylvestris, sparti flores, nux quæ vomica dicitur. C. Vnum omisisti. P. Vel plura etiam, studeo enim breuitati. C. Ebrietas & crapula mirè efficacia sunt in hoc genere. P. Quæ turpiter ingeruntur, meritò turpiter egeruntur. C. De saccharis & conditis, opinor, iam dicendum est. P. Iosaccharum è violis, rosaceum è rolis fit. Aliud è chireo, aliud è buglossis, è salvia, è lauedula, betonica, pæonia. Condiuntur cotonea, zingiber, acarus, citria, pimpinella. Edigmata, seu eligmata vocamus, quæ linguntur & lambuntur verius (quod

vox ipsa significat, & ideo latinè etiam illinctus dicuntur) quàm deuorantur, & ore retenta, aut linguæ subdita paulatim liquefunt ac resoluuntur. C. Puto *Larwergen* à Germanis dici, & ipsam hanc vocem indicare quod affirmas. Corruptum enim esse ex *Leckwergen* / quod de cibis *Schleckwerck* dicimus. P. Quod res ipsa est loqueris. C. Quid succus medicatus? P. Qui primum defæcatur: subinde verò solis aut ignis calore sic densatur, vt diutius citra interitum asseruari queat. C. Quid serapium? P. Quod hodie syrampus: cum videlicet medicamenta adhibito melle aut saccharo coquuntur, donec concretionem adipiscantur. Iam, decocta sunt è radicibus, foliis, seminibus & floribus plantarum. Pulueres seu trituræ, ex rebus odoratis, & medicamentis simplicibus in puluerem redactis, adiecto saccharo componuntur: quæ item in secundis mensis apponere licet. Germani *Trizenet*. Pastilli Græcis *τετραγωνοι* rotulæ à figurâ. C. Quid vult catapotium? P. Medicamentum vsitatissimum, quod deglutiendo sumitur, & à parvæ pilæ similitudine pilula nomen habet. Excogitauerunt medici hoc genus, ad dissimulandam medicamenti insuauitatem. Simul ne ventriculus adscititiis humoribus grauaretur, propriis ac domesticis interdum satis oneratus. C. Quid glandes? P. Quod barbari à supponendo seu subiiciendo suppositorium. C. Scio, cum nimirum ægri ob imbecillitatem nimiam enemata perpeti nequeunt. P. Etiam alias ob causas adhibetur. Collyria oculis allinuntur, quæ liquida sunt: nam quædam sunt arida. De gargarismo

rismo quid opus est me loqui, nisi audire vis quam
 variis modis componatur. C. Nolo, de dentifricio
 velim vnum verbum. P. Vfus eius potissimum est
 in expoliendis, extergendis, stabiliendisq; denti-
 bus. C. Errhina quid? P. Quæ in oblongam ac py-
 ramidulæ formam coacta naribus immittuntur,
 quæq; liquida infunduntur, aut illinuntur. Etiam
 quæ sicca ipsis induntur, aut per calamum inspi-
 rantur ad sternutamenta mouenda, pituitamq; &
 mucum è cerebro elicienda. Quod sequitur, apo-
 phlegmatismi sunt, quæ intra os retenta & com-
 mansa, per emissaria palati pituitam, natosq; in ca-
 pite humores noxios educunt. Barbaris mastica-
 toria. Odoramentorum voce intellige omnia tam
 simplicia quam composita, quæ nõ admoto igne,
 suo odore cerebrum afficere, aut grauem odorẽ,
 aut pestilentem aërem depellere possint. Suffi-
 tum nomine, quæ incenduntur, aut viuis carbo-
 nibus committuntur, ad suaueolentiam conci-
 liandum, ad destillationes ex capite in subiectas
 partes, grauedines, obstructions, alios frigidos
 cerebri affectus, & pestilentia contagia arcenda.
 Conueniunt etiam asthmaticis, & quibus frigido-
 rum crassorumq; humorum copia thorax refer-
 tus est, suppurationib⁹, tussi, laterumq; doloribus.
 C. Quoniam differuisti de compositis, quæ intra
 corpus recipi solent: adde nonnihil de illis, quæ
 extra corpus. Quæ sunt illa? P. Inprimis varia ge-
 nera olei, & vnguentorum, quorum nomina istæ
 quas cernis pyxides ostentant. Linimenta iisdem
 ferè ex rebus, quibus vnguenta componuntur: ni-
 si quod carent cera. Emplastra ex herbis, floribus,

radicibus, generibus olei pluribus, aut liquori-
bus commixtis vnâque coctis. Cataplasma pro-
priè est, quod è plantis viridibus contusis, vel iis-
dem penitus in aqua decoctis fit, sine oleo. Cera-
tum ex speciebus paulò crassioribus constat, &
oleo vario, addita cera, resina, terebinthina, quo
fiat solidius. Epithemata propriè dicimus ma-
lagmata, quæ mediis corporis partibus, ventri-
culo, iecinori, lieni admouentur: generatim,
quæ ceteris etiam partibus. Fomenta à fouen-
do, quod suo calore partes corporis quibus ap-
plicantur, foueant. Quorum alia humida sunt,
alia arida. Hæc hodie medicamenta sacculi no-
minantur. Componuntur ex radicibus, herbis,
seminibus & id genus aliis. Infusiones seu in-
fessa *ἐν ὕδατι*, decocta ex herbis, radicibus, si-
milibusque medicaminibus, quibus æger insidet.
Vfus horum est potissimùm in renum, vesicæ, co-
li, ani, & vteri malis. C. Nihil puto restare. Quod
si quid etiam restaret, diutius ab opere tuo cui
dabas operam impedire te nollem. P. Feci quod
amicum decuit, tuis precibus morem gessi. C.
Vicissim geram tuis, cum vsus postulauerit.

ANNOTATIONES.

DE VOMITVM ELICIENTIBVS) *Du-
plicem purgandi rationem, per vomitionem,
nempe, & alui deiectionem in duabus animantibus
obseruauerunt medici, eaque ad homines transfulerunt.*

Nam

Nam canes quidem, ut etiam nobis est notum, vomitione: alio autem ibes Egyptia se curant. Cicer. 2. de nat. deorum. Sed locus est corruptus. ENEMATA PERPETI) Ab iuinis immisto fit enema, à κλύζω quod est irrigo, fit clyster. Instrumentum ipsum, quod cremor in aluum iniicitur, clysterium & clyster: id autem quod iniicitur, quoque aluus euocatur enema dicitur. Ab ibi, quæ est avis Egyptia, didicimus hoc valetudinis causa facere: illa siquidem rostri aduncitate aquam sibi per eam partem infundit ad purgandum, quæ reddi ciborum onera maxime salubre est. Eadem ratione hippopotamus in quadam medendi parte etiam magister nobis extitit. Assidua namque satietate obesus exit in litus, recentes arundinum casuras speculatus: atque ubi acutissimum videt stirpem, imprimens corpus, venam quandam crure vulnerat: atque ita profusio sanguinis morbidum aliàs corpus exonerat, & plagam rursus limo obducit. Sunt item compluria animalia, quæ herbas nobis ad medelam utiles ostenderunt. Plin. lib. 8.

cap. 26. & 27.



PROGYMNASMA

PRIMUM ET QVINQVA-

GESIMUM.

Morbidi duo, & laus Podagrae.

PODAGRICVS, CALCULOSVS.

PODAGRICVS. Heu heu heu, ô podagra. Apud inferos te natam, tibiq; matrem Megæram, nutricem Aleæto fuisse autumo. Quorsum Tantalus siti, Ixion rota, Sisyphus voluendo saxo, aliis alij modis illic cruciantur? Tu omnibus excarnificandis sola sufficeres. Nunquàmne discedes? Quandiu miserum me torquebis? Si epilepticus essem, si paralyticus, si lethargicus, spleneticus, si disruptus, si morbo alicui fontico obnoxius, si peste demum affectus, ad salutem peruenire liceret. Hos dolores nullâ tam singularis ac præsentanea medicina excogitari potest, quæ excludat. Quidquid medicamentorum edas, bibas, pedibus illinas, nihil agis, vincuntur. Non mentitur Pelignus vates.

Tollere nodosam nescit medicîna podagram,

Nec formidatis auxiliatur aquis.

C. Satiùs est me queri isto modo. Quod vtinam cibi ac potionis minus assumere consueuissem: vtinam corpus non ita immoderatè exercuissem: vtinam alia omissem, quibus concoquendi & expel-

expellendi facultas mea debilitata est: id quod ad generandos calculos multum valet. Nunquam fuisset caseus, lac, raphani. O si abstinnissem alimentis pinguibus, viscosis, pituitosis, immodicè salitis carnis ac piscibus, iis etiam malè coctis, lentibus, pis, pirs, ouis duris, rapis, fabis, iuglandibus, auellanis, fungis, vino acido, cèruisia turbida, & iis demum omnibus, quibus cruditates mouentur: præsertim verò pultibus & placentis istis farinaceis, quarum esus prope assiduus vehementer obfuit mihi, quod nunc demum experior & credo. P. Quis hoc ait? C. Medicus. P. Quid dicit? C. Valentis esse materiæ has placentas, si egregiè valentem robustumq; stomachum nactæ sint: succum autem crassum progignere, humorum crudiorum certum seminarium: siquidem crassitiem illam calor naturalis infirmior percoquere nequit: ita humores illos crudiores sæpenumero omnes corporis partes replere, & potissimum vias naturæ angustiores infarcire: ac modo grauare iecur, modo lienem turgidum reddere, renibusq; calculi principia suppeditare. Quod si illa crassities viscosum quippiam admistum habuerit, duplicatum fore malum. Non enim solum, inquit, quod crassum est, meatus vacuos implebit: sed viscosum illud in angustis illis tenacissimè inhærebit, alimentiq; distributionem, vniuersamq; nutritionis œconomiam impediet: nec naturam suis fungi muneribus permittet, pessimorumq; affectuum, & in primis lapillorum istorum causa erit, quos in pulmonibus, & in hepate, & in cerebro, & in folliculo sellis, & in splene quorundam

ab anatomicis inuentos audio. Hinc in renibus hæc mea calamitas, quæ me dies atque noctes intolerabili cruciamento fatigat. P. Nihilne remedium medicus? C. Præscripsit, non adiuuerunt tamen, nec adiuuat vllum, nisi cum immittor in balneum vmbilico tenus: tum enim mitigatur aliquantum dolor. Podagram tuam esse tormentum hoc nostro maius & acerbius non fit mihi probabile: & testes inuoco illos, qui vtrumque perpessi sunt, quique comparatione calculi podagram vocat auream. P. Habeant illi hoc suum aurum sibi. Ah, vt æstuat, vt furit pestis? Vt per membra intima perque ossa penetrans omnia depascitur? Ades mi fodalis, mi scipio: sis mihi quod soles, pes tertius, & tremulum rege gressum: vt olim ille patris sui, qui abs te nomen hoc primus inuenit. Ecce ambulonem. Hem quot dies in lectulo continenter iacui? & summis oppressus cruciatibus iacui. Magis in mortuis profecto, quam in viuīs numerandus sum. C. Et ego cultellis me discindi arbitror, quoties per meatūs astrictissimos lapilli se penetrant. P. Nihilne eiicis cum vesciam soluis? C. Aliquando frustilla instar pisorum. Interdum oblonga & acuminata aut hispida cum sanguine. Quod si particulæ istæ in vesica cōcreuerint (& timeo ne contingat) interitum mihi afferent. P. Licetbit tum lithotomum adhibere & secari, vt multorum ego lapides prægrandes vidi. Ego verò nō aliter secari possum aut debeo, nisi si mihi ambo crura bipenni amputentur. C. Tu de sectione caue vnū mihi verbum: horrescit animus, & assurgunt comæ, quoties clamoris recordor duorum quos

quos aspexi cum secarentur. Eorum alter præ doloris acerbitate vitam deposuit. Seruásne illa quæ solét podagrios edicere medici: vt ne saltét, vt ne trochum agitent, vt remissè admodù & lentè ambulent? P. Nimis seruo, atq; etiam libenter, quod illi prodesse nobis affirmât, lectica gestandum me curarem vel à lecticariis, vel, vt hodie fieri solet, à duabus mulis, si valerem opibus. Et tamen (ô stultitiam hominum otio & litteris abutentium) incidi nuper in librum, quo podagra laudabatur. C. Nec falsò. P. Atego dico falsò. C. Multis priuaremini commodis, quæ vobis conciliat benigna podagra. P. Commodis? Quæ sunt ista commoda? C. Honor quo afficimini, quando vobis assurgitur, de via deceditur, potior locus datur: quando cæteris stantibus vos allatis cum puluino fellis sedere iubemini: quando curribus vehimini, equis portamini, cum alioqui pedibus ingredi oportuisset. In conuiujs primi discumbitis: quod melius & delicatius est in cibo, in potu, id vobis proponitur: & beneficium se accipere hospes arbitratur, cum liberè eloquimini quid velitis. P. Malè rem intelligis. Hæc calamitatis sunt argumenta: nec verus honor iste honor. C. Tamen constat vobis bene fieri præ aliis, quacunque de causa id tandem fiat: mallèntque multi vestram miseriam cum vestris voluptatibus, diuitiis, omniumq; rerum copiis & commoditatibus, quàm onus paupertatis suæ intolerabile cum sanitate corporis. P. Stultorum vota nihil moror. C. A quàm multis periculis seruamini, dum domi, & in lectis vestris detinemini?

Quam multi ad vos rumores afferuntur? Quam varia de toto orbe apud vos narratur? Quid quod ab administratione Reipub. vos Podagra plerumq; liberat: hoc est, à curis molestissimis, & grauissimis? Quid quod interim in isto otio animum literis & sapientia excolitis? Quid quod nullus vates aut altrologus temporum mutationem tam certo vt vos, prænuntiauerit? vt non humanas tantum, verum etiam cælestes res illa vos docere videatur. P. Nondum intelligis, hæc non indicare quàm beati, sed quàm miseri simus? Lues & perniciës humani generis est, quæ exsorbet nostrum sanguinem, immutat præclaram corporis speciem, colorem infuscat, vires attenuat, corpus incuruat, oculos hebetat, somnum adimit, hilaritates omnes fugat, manus, digitos, articulos, humeros, membra omnia debilitat atq; frangit. C. Hoc est laudare magis, quam vituperare. Nam cum sciamus corpus continuum quasi bellum gerere aduersus animum, tum demum potest hic valere bene, si illud valeat malè. Quandiu vegetum ac sospes est, multorû malorum seminarium est: quandoquidem tum maximè cupiditates sese efferunt, quibus agrè resistitur. Equus indomitus est sanum corpus, sessorum animum facillimè excutit. Et nulli melius affectiones vitiosas comprimunt, quàm quibus caput esse malè. Quin etiam corpori commodat podagra, dum superuacaneum adipem exsiccat, humoresq; nimium redundantes & inutiles consumit. Vitam deniq; longiorem efficit. Nam nisi materiam illam furentem atque noxiam in membra, articulosq; deriuaret, in stomachum

dum vitæ, in cerebrum, in hepar euaderet, spiri-
 tumq; vitalem extingueret. Non igitur apud
 podagros multum loci est ambitioni, superbiam, in-
 uidiæ, inimicitiiis, fraudibus: secum ipsi satis habent
 quod agant, & domi plus negotiorum quam vel-
 lent. Nec est tam inhumana & agrestis Podagra, ut
 cibum vobis vinumque prorsus neget. Quin eius
 concessu delicatius interdum cibo & potionibus
 reficimini. Quod si vos ingurgitaueritis, aut in Ve-
 nerem effuderitis, tum iustitiæ munus exercens,
 poenas sumit de fontibus iustas atque meritas. Ob
 hoc sanè laudanda est. Illa ex inhumanis huma-
 nos, ex iracundis mites, ex intemperantibus tem-
 perantes, ex libidinosis castos, ex impiis religiosos,
 ex avaris liberales efficit. P. Hæc eadē cæteri mor-
 bi. C. Immo non. Quoniam aut citò homines tol-
 lunt è medio: aut ita sine intermissione vellicant
 & affligunt, ut nisi de doloribus cogitare nihil pos-
 sint. Hæc verò suas vires & intendere nouit, & re-
 mittere, longaque interualla concedit. Qua etiam
 conflictati sunt philosophi, & Principes, & Reges,
 & Imperatores: cum quibus, qui est ingenuus, malle
 debet aspera quæq; perpeti, quam cum plebeis &
 sordidis mortalibus voluptatum illecebris ener-
 uari atq; effeminari: ac dum mens modo statum
 suum valetudinemq; rectam conseruet, de corpo-
 re, quo tanquam mancipio utimur, non adeo la-
 borare. P. Quis hanc pestem laudauit è veteribus,
 quam tu ita prædicare instituisti? C. Quamuis nul-
 lus præconio exornata esset, non ideo tamen lau-
 dem non mereretur. Quot enim illustribus rebus,
 quot illustribus viris contigit, ut præconem nul-

lum assequeretur? Et tamen nihilominus illarum præstantia, & horum virtus laudibus digna est. Nec quia cuiquam facta est iniuria, ideo eam augere oportet. Cæterum, ne omnino laudatore putes caruisse Podagram, scito Lucianum disertissimum scriptorem eam celebrasse. Mihi verò de ea cogitanti tam multa egregia occurrunt, ut si velim proferre omnia, citius diei quam orationis finis sit futurus. Etenim quod primo loco dictum conveniebat, non quæsiuit nomen splendidum. Neque enim se Cephaleam, aut Cardialgiam, aut Ophthalmiâ à præstantioribus partibus, sed à contemptissimis & infimis, à pedibus, inquam, se nominavit. Tam antiqua porro est, ut etiam bello Troiano interfuerit. Quæ cum doloribus, quod negari non potest, homines premat, nullum interficit, aperteque inuadit, sine ullis insidiis, quos inuadit. Soli Deo subiecta, medicos irridet. Generosa est: siquidem imbellem ætatem contemnit: pueros, senes decrepitos, mulieres, spadones nihili facit: quod floret, quod robustum, quod nobile atque inclytū aggregitur. Pauperes & rusticos relinquit. Nullæ illam minæ terrent, nullæ blanditiæ deliniunt, nullæ machinæ expugnant. P. Occidis me loquacitate tua. Lauda calculum tuum: & cum tibi persuaseris habere te in corpore tuo excellens bonum, tū mihi quoque persuadebis. Posset eodem modo laudari pestilentia, posset bellum, sicut ebrietas, sicut moria, sicut mors, sicut musca, sicut caluitium à quibusdam laudata sunt, qui sua ingenia suamque eloquentiam in rebus vel absurdis & incredibilibus, vel abiectis & humilibus ostentare venditareque volue-

voluerunt. **N**on mihi foret difficile commendare
panaria, mendicitatem, & similia. C. Quod ergo
remedium est morbis nostris congruentissimum?
P. Aequus animus, id est ærumne condimentum
optimum. C. Sic existimo, & occurrit illud Sene-
cæ. Nihil tam acerbum est, in quo non æquus ani-
mus solatium inueniat.

A N N O T A T I O N E S.

MORBO ALICVI SONTICO) *Sex. Cæcilius*
Iurecos. qui leges duodecim tabularum inter-
pretatus est, morbum sonticum esse intelligendum di-
xit morbum vehementiorem, vim grauior nocendi
habentem. Gell. lib. 20. cap. 1. Alij iustum & perpetuū
exponunt, quicq; alicui rei gerenda impedimento est:
ac proinde in militaribus decretis non tenebatur is in-
reiuuando esse astrictus, qui sontico morbo esset affectus.
Apud Næuium sontica causa est legitima & iusta.
Elius Stolo sonticum existimauit pro noxio dictum:
unde sontes homines pro obnoxiiis & deperditis: et son-
tire verbū pro eo quod est, in aliquare obesse, & gra-
niter nocere. Sons igitur nocēs, ut ex contrario in sons
innocens. Ausonius. Si bonus est in sons, contrarius &
malus est sons. P O T E S T H I C V A L E R E B E N E,
S I I L L V D) Quum vos agrotantes nihil nisi cū pro-
bitate coniunctum delectet, quum nulla illecebra ad
peccandum sollicitent, docet Plin. epistolio quodam
lib. 7. cuius in extremo consiliū est, ut sani explicemus,
& ad rem conferamus, quod agri statuimus. Sed mala
ipsius

ipſius verba, atque adeo epistolam illam 26. integram ponere, quia me recreauit, nec lectoribus meis ingratam futuram ſpero.

*C*PLINIVS MAXIMO SVO.

Nuper me cuiusdam amici languor admonuit, optimos eſſe nos, dum infirmi ſumus. Quem enim infirmum aut auaritia, aut libido ſollicitat? non amoribus ſeruit, non appetit honores, opes negligit, & quantulumcunque, vt relicturus, ſatis habet: tunc deos, tunc hominem eſſe ſe meminit: inuidet nemini, neminem miratur, neminem deſpicit, ac ne ſermonibus quidem malignis aut attēdit, aut alitur, balinea imaginatur & fontes. Hæc ſumma curarum, ſumma votorum, mollemq; in poſterum, & pinguem ſi contingat euadere, hoc eſt innoxiam, beatamq; deſtinat vitam. Poſſum ergo quod pluribus verbis, pluribus etiam voluminibus philoſophi docere conantur, ipſe breuiter tibi mihiq; præcipere, vt tales eſſe ſani perſeueremus, quales nos futuros proſitemur infirmi. Vale.

*M*VLIERES) Romanis tamen mulieribus accidere quoq; podagram, & quam ob cauſſam, indicat Seneca, epistoła 95. Maximus, inquit, ille medicorum, & huius ſcientia conditor, feminis nec capillos deſluere dixit, nec pedes laborare. Atqui hæc iam & capillis deſtituuntur, & pedibus agra ſunt. Non mutata feminarum natura, ſed vita eſt. Nam cum virorum licentiam æquauerint, corporum quoque virilium vitia æquauerunt. Non minus peruigilant, non minus potant, & oleo & mero viros pronocant. Æque inuitis ingeſta viſceribus per os reddunt, & vinum omne vo-

mitte

mitu remetiuntur: aque niuem rodunt, solatium stomachi estuantis.

PROGYMNASMA
ALTERVM ET QVINQVA-
GESIMVM.

*Phlebotomia, seu missio
sanguinis.*

MEDICVS, PHLEBOTOMVME-
NVS, PHLEBOTOMVS.

MEDICVS. Si effectũ dedisti quod heri præceperam tibi, vt ante horam nonam, quo tempore missurus esses, inambulares per hortum, moderateq; corpus agitares ad humores commouendos extenuandósque, fecisti bene. P. Obsecutus sum tuo iussui. M. Præterita iam nona ad rem aggrediendum puto: secabimus venam. P. Paratus sum, secetur. M. Paretur subito outi sorbibile, apporteturq; vini caliculus. P. Mihine? M. Maxime. P. Mos est cibo vacuis planè sanguinem mittere. M. Hunc esse morè scio: tamen istuc quod iubeo etiam est in more, & Medicis nonnullis probatur. P. Quanam de causa? M. Exinanito ventriculo sanguinem natura pertinaciter cohibet, ne prorsus alimento spoliatur: eum faciliè dimittit, si vel aliquantillũ antea nutrimenti acceperit. Quod si te humoribus spissescentibus plenũ iudicassẽ,

ante

ante biduum etiam imperassem balneum : quãdã
per id rareſcunt, ac diſſipantur. P. Tuum iudiciũ
& in hoc, & in aliis promptus ſequar. PHLEBO-
TOMVS. Afferte peluim capaciorem, in qua collo-
cem hæc duo minuta excipula ad perſpiciendam
commodius in iis emiſſi varietatem cõditionẽ-
que ſanguinis. Poſt, eam reponite loco non ſordi-
do, quò nec puluis, nec ventus, nec ſolis radij aſpi-
rent. Statuite hic ſellam cum ſcabello. M. Exſorbe
hoc ouum. Hauri etiam iſtuc villum. Tu interea
ſcalpellũ, ſaſciam lineam & laneam expedito. Præ-
ſtõne eſt mitella ſerica, cui de collo pendenti bra-
chium affectum inferas? P. Iſta eſt. PHLEBOTOM-
VS. Iam brachium paululum oleo inunctum fri-
cabo, vt eo tepefacto ſanguis veniat expeditus. A-
liquid inſuper olei ſcalpello illinam, quo ſectiũ-
culæ dolor temperetur. P. Quod tuæ conſuetudi-
nis & artiſcij eſt, liberè facito. PHLEBOTOMVS.
Quam venam incidam? M. Mediam, & commu-
nem ſeu matrem : tu medianam appellas. Si *λεπο-*
θυμία times, iacenti mittemus. P. Nihil timeo.
PHLEBOTOMVS. Manum extremam pedi meo
ſiniſtro ſuperpone. Turgent venæ. Num arctius a-
ſtringo ſaſciam? P. Remitte nonnihil. PHLEBO-
TOMVS. Quoties ante hac miſſus eſt tibi ſanguis?
P. Quinquies. PHLEBOTOMVS. Sempërne ex
hac vena? P. Non : è cephalica, è baſilica quoque.
PHLEBOTOMVS. Quo anni tempore? P. Menſe
Maio, vt nunc. PHLEBOTOMVS. Menſis oppor-
tuniſſimus. M. Et in anno ſemel tantum, nonne?
P. Semel. M. Crebrior incifio facit, vt quemad-
modum

modum multum sanguinis, sic multū vitalis spiritus simul exeat. Quo exhausto, vniuersum corpus frigescit, actiones naturales præpediuntur, & infirmantur, intempestiua senectus difficilēsq; morbi consequuntur. Quippe vbi calor naturalis supra modum est refrigeratus, & humidum primigenium immoderatus imminutum, languent viscera, regnat malorum multorum genitrix cruditas. PHLEBOTOMVS. Tu famule, ambabus manibus peluim tene. M. Absiste longius à brachio, ne cruore aspergaris: saliet enim prima eruptione longius. PHLEBOTOMVS. Quod feliciter cadat. En, reclusi venam. M. Heus ancilla, acetum in patella, vti res postulet, tempora, frontem & nares illinamus. P. Balneator quidam ab hinc trienniū, cum, non vti tu modo, secuisset, sed pupugisset, & quidem tertium, dicebatq; habere me cutem præduram: scilicet in elephantis corium se putabat incidisse. PHLEBOTOMVS. Nihil tua cute mollius. Ac periculum magnum fuit, ne tertia percussione venam penetraret, aut neruum attingeret, vnde neruorum distentio fuisset consecuta, quæ hominem crudeliter consumit: aut arteriam incideret, quæ neque coit, neq; sanescit. Iuncta est siquidem vena arteriis, his aut nerui. M. Bellè, & cum impetu sanguis profluit. PHLEBOTOMVS. Quot vncias? M. Sex. Agita pollicem. P. Spero hanc sectionē mihi salutarem fore. PHLEBOTOMVS. Diui diu, q; omnes te adiuuent. M. Num te sentis debiliore? P. Aliquanto. M. Perunge illi aceto utrūq; tēpus. Mutatur sanguis, & ppe impleta est mēsurā. Supprime, priusquam omnia deficiat. Vulnuscūlo iā penicillum

lum ex aqua frigida expressum impone, & deliga brachium. PHLEBOTOMVS. Factum est. Sede adhuc paulisper in ista sella, brachiumq; super caput re-
pone. M. Initio crassus & niger fluxit, post rubere & pellucere capit. Satis detractum. Quod restat, id sincerum, integrum, & purum crede. PHLEBOTOMVS. Togam rursus tibi induam. Intorque brachiū sensim, caue extendas. Iam in modum torquis mittellam tibi ē tela serica circūdabo. Nodum in ceruice faciam. Siccine satis longa, an contrahenda? P. Conuenit. M. Recuba aliquantisper in hoc lectulo, dum exagitati humores cōquiescant. Somnum si accesserit, faceffere vsq; in noctem iubeto. P. Quamobrem à phlebotomia noxius est somnus? M. Ante sextam horam minimū neutiquā somnus admittendus. Causæ complures cū adducantur, duas adduxero. P. Quæ sunt? M. Ideo prohibemus istuc, ne inter dormiendum humores in partem scalpello affectam ac dolentem cum transfluxerint, abscessus ibi, seu apostema existat. Natura quippe comparatum est, vt dolētes partes affluxibus huiusmodi cumulentur, in somno præsertim. Præterea spiritus, sanguis, & calor vena laxata ad exteriora prolecati, sopore ad centrū retrahuntur: atq; ita per sæpe, tum ob vena patefacta excitatam commotionem, tum per somnū retractionem, humores bullire incipiunt, indeq; febris tandem accenditur. Vitandi item cibus potusque frigidus, & omnino frigus. Corpus etenim calore innato nō parum per sanguinis detractionem imminuto, immodicē frigescit. Hoc præceptum tam necessarium non est Maio mense: aliās obseruabis,
cum

cum cælum est frigidius: item quando nebulosum ac turbidum est, tum intra tectum mane. Motionem in super vitabis, ne commoti humores magis commoueantur. Abduces te quātum potes à molestiis & angoribus, dabisq; te ad risum cum amiculis & lætitiā, onerabis te hilaritudine. Cibus esto levis, sed materiæ valentis, quòdquē Plautus ait, optimi succi. P. Qualis? verbi gratia. M. Hodie pullus, aut auiculæ aliquot assæ, ius amygdalinum, & huiusmodi. Alimonia primo atque altero die vtendum est moderata: facultas namq; confectrix, sanguinis imminutione reddita imbecillior multum escarum concoquere haud potis est. P. Quantum intellexi, & vti recordor me aliàs acceptum, parcè pransurus sum. M. Sed salubre prandium. P. Hęc vobis medicis quasi quædam tessera castrensis est: omnes idem mandatis. M. Sub noctem te interuisam. P. Quæso, quod sine molestia tua poteris.

ANNOTATIONES.

ARTERIAM INCIDERET) *Celsus, cum docuisset lib. 2. cap. 9. omne auxilium corporis aut demere aliquam materiam, aut adiicere, aut euocare, aut reprimere, aut refrigerare, aut calefacere, simulq; aut durare, aut mollire. Demi verò materiem, demi sanguinis detractiōe, cucurbitula, deiectione, vomitu, frictione, gestatione, omnique exercitatione corporis, abstinentia, sudore: primum agit per cap. decimum de sanguinis detractiōe per venas. Ex eo ca-*

Ff

pite

pite non alienum est visum nonnulla transferre aut
 ornamenti, aut supplementi nomine. Mittere autem
 sanguinem cum sit expeditissimum usum habenti, ta-
 men ignaro difficillimum est. Iuncta enim est vena
 arteriis, his nervi. Ita si nervum scalpellus attingit, se-
 quitur nervorum distentio, eaq; hominem crudeliter
 consumit. At arteria incisa neq; coit, neq; sanescit, in-
 terdum etiam ut sanguis vehementer erumpat efficit.
 Ipsius quoque vena, si forte praecisa est, capita compri-
 muntur, neq; sanguinem emittunt. At si timidè scal-
 pellus demittitur, summā cutem lacerat, neq; venam
 incidit. Nonnunquā etiam ea latet, neq; facile reperi-
 tur. Incidēda ad medium vena est, ex qua cū sanguis
 erumpit, colorē eius, habitūq; oportet attendere. Nam
 si is crassus & niger est, vitiosus est. Ideoque utiliter
 effunditur. Si rubet & pellucet, integer est: eaq; mis-
 sio sanguinis adeo non prodest, ut etiam noceat, proti-
 nusq; is suppressendus est. Hac Celsus. Differentiam
 inter venas & arterias hanc affert Gellius lib. 18. cap.
 10. Vena suapte vi immobiles sunt, & sanguinis tan-
 tum demittendi gratia explorantur: arterie autem
 motu atq; pulsu suo habitum & modum febrium de-
 monstrant. Quamobrem reprehendit ibi Taurus phi-
 losophus medicum qui sibi dixerat, *ἐὰν ἄλῃ ἀντὶ τῆς
 φλεβὸς*, si tetigeris eius venam, Gellij scilicet, qui alio
 cita, & accendente febre rapida decubuerat: venam
 quippe pro arteria dicere non debuisse. Sed tamē eum
 vernulgatē magis quam inscitē locutum esse: nō enim
 igno-

ignorare illū medicū quid vena appellaretur, & quid arteria. In extremo autem capite fusius hac duo Gellius ita distinguit. Vena est conceptaculum sanguinis, quod ἄρτηρ medici vocant, misti confusiq; cū spiritu naturali, in quo plus sanguinis est, minus spiritus: arteria est cōceptaculū spiritus naturalis, misti confusiq; cū sanguine, in quo plus spiritus est, minus sanguinis. Veruntamen pulsū esse venarū quod aduersus Gellij sententiā ostendit ex auctoribus magnis Rhodig. lib. 3. c. 14. ubi itē ex Auicenna tradit, arterias esse corpora sinuosa, in longū porrecta, nervosa, ex corde ppagata, quibus insit motionis virtus p diastolen, & systolen, id est per disparationē & contractionem, ut inde cordis euentatio cōparetur, & ab eo fumidus segregetur vapor, & mēbris corporis distributim infundatur spiritus. Vena autē arteriis persimiles quidē sunt, sed ab hepate manāt & quiescunt. Earū munia sunt, membris sanguinem insinuare. Quod si ego aut frequētor, aut vberior paulō cuipiā in quibusdā declarationibus asseritionibusq; ad rē medicā, siue ad corporis nostri bonā habitudinē spectātibus videbor, ei responsū esto: mihi per absurdū videri, hominē liberatē, ac praesertim literarū cultorē, ea prorsus nescire, quae nō occulta quadā ratione continentur, sed in prōptu sunt, & efficiunt, ut cū neq; corporis humani, atq; adeo nostri etiā partes, earūq; vim et nomina, neq; medicaminū potestātē atq; genera penitus ignoremus, & ipsi medico affectiones, dolores, morbos nostros planius exponere, & quae ab

illo dicuntur, suadentur, precipiuntur rectius intelligere possimus.

PROGYMNASMA

TERTIVM ET QVINQVAGESIMVM.

Morositas ægrotantium.

ÆGROTVS, CVSTOS.

ÆGROTVS. O dulce mœrorum dolorumque lenimentum. O voluptatem somni suauissimam. Optime somnie, quamprimum fac me reuifas: nam certè nihil te vno mihi vtilius, quidquid isti medici garriant. C. Quid ego noui percipio? Tu me absente somno victus es? Incautū me, cur tam diu absui? non fuisset te in somnum labi. Æ. Quare? C. Quia medicus ita imperauit. Æ. Diuinitus ergo factū, vt abesses. Vides me insomnia morientem, & potes æquo animo sustinere? Tūne hunc ægrum amas? ô alienum ab humanitate, magisque ferum, quam verum hominem. C. Quod salutare tibi est, & medicus censuit, hoc exsequar: aliter si faciam, quouis malo dignum me deputem. Ista autem scuitia quam tu obiectas mihi, est legitima pietas & humanitas. Æ. Carnificina est. Negat omnia mihi. Sitio, vetat bibere: nisi interdum guttas aliquot, quantum daretur passeri. Es furio, intritum ex aqua calida, sine butyro, sine sale comedendum dat: panatellam, tilletellam.

cellam. Quas, quæso, vires præstare hoc insulsum tibi genus potest? Nescio præterea, sitne aqua an vinum quod sorbeo. Moriar, nisi ego pullos duos aut tres vno prandiculo conficerem, & sextantem vnum alterumq; ebiberem. C. Quid faciemus tibi, quid non faciemus? Paulo ante nihil loquebaris aliud, nisi vt nihil tibi prouideretur: nunc pullos optas. Nihil perpetuò placet tibi. Ne velis tute tibi dare consilium: in ea præsertim re, in qua nihil didicisti. Imitare potius viros sapientes, qui cum in morbum inciderunt, obliti sapientiæ suæ, doctis ac diligentibus medicis sincerè obtemperant. Æ. Non intelligo tamen, cum se profiteatur me sanaturum, cur occidat. C. Hem, mitte contumelias: morbi vis mentem tibi videtur imminuere. Æ. Quando tandè conualescam? C. Quando placuerit Deo? Æ. Hoc fiet etiam sine medico. C. Sed non placet Deo, nos medicum contemnere cum in promptu est: & eiusdem opera nobis vult sanitatem restituere. Æ. Vrinam inspexit centies. Nunc alba, nunc flaua, nunc rufa illi est. Iam probat, iam non probat. Venę pulsus explorauit milles. Miror autem qui sint formicantes, vermiculantes, caprizantes pulsus, de quibus ille nuper. C. Depone istam curam. Æ. Quando erit finis huius curationis? Qui semel in medicorum manus incidit, tanquam præda à canibus ægrè se potest liberare. C. Dicitò mihi. Si tu ageres medicum, ego essem in morbo, velleſne tibi me, an te mihi obedire? Æ. Te mihi utiq;. C. Cur ergo non facis modo idem? Cur secundam te valetudinem diuino beneficio recuperaturum non speras? Æ. Equidem

& facio, & spero. Sed puto hominē à me grandem
 expectare pecuniam in mercedis loco. C. Omitte
 hos sermones. Æ. Absterge sudorem mihi. C. Ab-
 sterfi. Æ. Leua corpus meum. C. Leuo. Æ. Porrige
 manum: finē descendere de lectulo, & illum sternere.
 Vt soluta sunt mihi compages? Vtinam quis mihi
 afferat ē puteo frigidam. Vtinam alicubi in herbo-
 so prato sub arboris vmbra recubarem. C. Coo-
 peria te palla ista pellibus vulpinis subsuta: cauē-
 dum est enim frigus. Æ. Sine me sic. C. Non sino:
 sede interim in hoc hemicyclo. Æ. Inambulabo.
 Porrige scipionem. C. Desunt vires, vix consistis
 pedibus. Æ. Tamen ambulabo: iucundū est videri
 saniorē quā sis, etiam si non sis. C. Nempe sicut
 videri ditiorē, cum sis inops. Æ. Oclufior fac sit
 valua; nimium luminis se ingerit. C. Siccine? Æ.
 Etiam. Age, subito me in lecto reponē. Fessus sum:
 nec sedere libet, nec ambulare. Aperi valuam: ni-
 mium tenebrarum est. C. Sciebam te hoc diu non
 facturum, nō passurum: semper enim quod abest,
 placet: quod adest, citō displicet, & iā tibi, & aliis
 tui similibus. Æ. Sparge suffitum ē iuniperi grānis,
 aut thurē, si habes. Pectet valetudinarium. C. Pau-
 lō ante id feci. Æ. Fac iterum. C. Sua hora fiet de-
 nuo. Æ. Age fac. C. Prō, facilius reor ægrotare, quā
 ægroto dare operam. Æ. Quo pacto? C. Ægrotus
 simplex habet malum: qui curat, duplex. Æ. Quo-
 modo duplex? C. Laborē corporis, & animi mo-
 lestiam. Æ. Quis tibi molestiam exhibet? C. Tua
 morolitas, & impatientia. Æ. Immo tua impatien-
 tia. Nondum sentio suffimentum. C. Mittē curam.
 Æ. Quot pyxidula? quot condita, ecligmata, tro-
 chisci?

chisci? quot aquarum, vnguentorū species? pharmacopolæ totam officinā puto euacuatam, & me solū ægrotare in hoc oppido. C. Quot sollicitudines inutiles te sollicitant? Æ. Etiā tu me reprehendis? C. Quia dignus es. Moderatione & robore animi si villo esses, morbū ferres lenius. Æ. Consolari me debes, non obiurgare. C. Consolatus sum, & consolabor. At tu nimis indulges impatientiæ, & dolori non resistis, quantū posses. Æ. Omnes cum valemus, recta consilia ægrotis dare consueuimus. Da aquam ad gargarismū. C. Gargariza. Ego subiiciam hoc vasculū. Æ. In terram exspuā. C. Medicus volet videre quid reieceris. Æ. Hui, margaritas videbit. C. Cōtege te stragula veste. Æ. Nimis caleo. C. Ipse iussit. En adest præ foribus loquentē audio. Æ. Væ mihi, nouū tormentum imperabit.

ANNOTATIONES.

MOROSITAS ÆGROTANTIVM) *Quid esset morositas, satis, opinor, ostendimus annotationibus in 17. dialogum 2. voluminis. De ægrotorum verò morositate pulchre in lib. de tranquillitate animi Plutarchus. Morosissima res est ægrotantes, præ consilij inopiz, ut inquit Ion: nā vxor fastidio est, medicū incusant, lectulo succensēt, deniq; amicus inuisēs molestus est, abiēsq; rursus offendit. Postmodū verò remittēte morbo temperamētoq; reddito sensim venit sanitas, iucunda iā omnia faciens & placida: adeo, qui oua pridie, amyli & primariū panem fastidiosè expuerat, cibarium postdic auidissimè cum oliuis aut nasturtio comest. Tantū est in firma rationatione momentum, ad vnum quodq; vitæ institutū immutandū: ea vis ad vitam feliciter traducendam. *Expressit**

eleganter morositatem istam de qua loquimur Euripides in Oreste, & Hippolyto. Nam ibi matricida ille miserrimus, animi inops, & tamen per intervalla ad se rediens, toto corpore languente, cum haberet ministram sororem, eamq; in curando fratre maxime sedulam, nunc vult sustolli e lectulo: nunc sibi ab ore spumas, ab oculis e lacrymis sorditiem abstergi: nunc illius se lateribus fulciri, nunc comam in oculos propendens removeri: nunc rursus in lectum reclinari: paulo post denuo levari, & ambulare etiā. *Que omnia videns & audiens Chorus, ait, ἀκούωντες ὁμοῦ καὶ ὁμοῦ. Morosi agrotantes, ob mentis impotentiam. Hic autem Phædra Nutrix, cum ante ades eductam sub diō collocasset: πῶς ἐγὼ δεῖξω: τί δὲ καὶ δεῖξω; & qua sequuntur. Quid faciam tibi, quid non faciam? En cælum liberum. Iam enim nihil cupiebas, nihil loquebaris aliud, quā ut a lecto foras te Antærem: mox ad lectum deduci rursus voles. Facile enim offenderis, & nihil diu placet tibi. Fastidis præsentia, futura concupiscis, eaq; semper meliora tibi videntur. Ipsa autem Phædra deinde sedentem se levare, reticulum demi à capite, solui comas postulare, e limpidofonte haustum frigida, & in viridi prato sub umbra arborum recubare desiderat. IVCVNDVM EST VIDERI SANIOREM) Interrogat mirum in modum sollicita illa, & Orestem laborantem non ut fratrem charissimum benevolentissima soror, sed ut filium vnicum, eumq; tenerum pia mater omni studio & industria*

*industria fouens, num aliquantum, & propter virium
imbecillitatem lento passu ambulare velis, quia grata
sit in rebus vicissitudo. Respondet ille.*

μάλιστ', ὅθεν γὰρ τόδ' ὑγείας ἔχει.

κρείσσον δὲ τὸ δοκᾶν, ἢ ἂν ἀληθείας ἀπῆ.

*Quid ni ambulem? videtur enim quodammodo sibi
& aliis sanus qui ambulat. Et iucunda est etiam sine
veritate opinio. Ita dulce est putari sanum cum non
sis, diuitem cum non sis, probum cum non sis, doctum
cum non sis, formosum cum non sis, nobilem cum non
sis.*

PROGYMNASMA

QUARTVM ET QVINQVA-

GESIMVM.

Chirurgicæ querimonia.

CHIRVRGICA, PHARMACEVTICA,

DIAETETICA.

CHIRVRGICA. Olim auia nostra latrice, seu
empiricam, seu methodicam, seu logicam
medicinam cum filiabus suis, cum matre,
inquam, nostra Therapeutica, & matertera Hy-
giena facitaret, vnum perpetuo eundemq. finem
atque scopum sibi proponebat: vt homines numi-
rum commoda valetudine vterentur. Eadem nos-
tres neptes suas medicis omnibus maiore in mo-

dum commendauit : qui nos æqualiter dilexerunt, honoribusq; amplissimis efferre semper cōtenderunt. P. Hippocratem, Galenum principes illos, & alios ex antiquitate multos insinuas. C. Sic est, soror mea. Quī porrō factum dicam, vt tam infæliciter disiungeremur distraheremurq; à posterioribus medicorum filiis : & ego quidem plebisq; in locis ad tonsores relegarer : tu Pharmaceutica ad pharmacopolas : tu Diæteteca, ad cocos, & ægrotantiū ministros atq; custodes detrudereris? D. Hei, factum est, & id mecum sæpius lamentata sum. Iam non simul in ædibus medicorum : in culinis, tonstrinis, & pharmacopoliis potius tanquam in diuersis exiliis diuersè habitamus. P. Me quidem sermonesq; meos isti pharmacopæi haud nimis intelligunt. C. Nec nimis bene meos, qui hodie chirurgi vocantur. D. Hoc sibi boni isti medici seruauerunt, vt de victus ratione constituerent aliquid, plus etiā de medicaminibus, idq; in reconditis affectibus : manus facultatis medicæ nobilissimum primumq; instrumentum in curatione adhibere nequaquam volunt : plebeis istuc, & in medica facultate parum exercitatis quibusdam pane totum relinquunt. C. Et tamen nusquam non vsui sunt manus in curando : nec est, quod claris ostendat, medicinam esse adiectionem & subtractionem, quomodo noster Hippocrates definiunt. Adiectionem quidem deficientium, subtractionem verò redundantium. P. Hoc barbaris gentibus debemus, qui postquam nobilissimæ prouinciarum Italia cladem & vastitatem intulerunt, simul etiā disciplinis liberalibus

intule-

intulerunt : quæ post id tempus labi ac in præcep-
 abire cæperunt. Tum primùm consuetudo inter
 medicos nata est, quæ apud ægrotos curandos ma-
 nuum officia postularêt, ea seruis mandare, illisq;
 vt architecti solent suis operis, astare. Paulatim
 consequentium ætatum medici, cum quæstus ho-
 noresq; sup̄s nihil imminui pateretur, incommo-
 da autem, & molestias deuītarent, ipsos illos imi-
 tati, præparationem ciborum atq; potus, medica-
 mentorum compositionem, & quæ manu confici
 debebant, ad alios transmiserunt. D. Inde secu-
 tum, vt tabernæ pharmacopolarum tam vitiosis
 remediis, & ars tota nostra tā peregrinis, quæ neq;
 græcus, neque latinus intelligat nominibus re-
 pleretur. Tecum verò, Chirurgica, peius actum
 videtur quàm nobiscum: ac proinde vehemen-
 tius me tui, quàm nostrum ambarum miseret. C.
 Quanquam huius tuæ miserationis causam ger-
 manam suspicor, nihilominus aperito mihi. D.
 Haud me fugit, nec tu nescis, quàm illi veteres cu-
 rationem quæ manibus perficitur, diligenter a-
 curatęque tradiderint, & quantam ipsimet in-
 dustriam in ea collocarint: vtique tantam omni-
 no, quantam in aliis partibus duabus, quarum
 nos dominæ & reginæ sumus. Quoties autem li-
 bros Hippocratis quidem de medici munere, de
 vlceribus, fistulis, vlceribus capitis, de ossium
 fracturis, de articulorum luxationibus, officina
 medici Galeni de fasciis. Oribasij de laqueis, de
 machinamentis intueor, toties tua causa inge-
 misco. P. Et ego similiter, cum mihi subit recor-
 datio Galeni, qui Pergamenis, gladiatorum
 cura

curationem sibi commissam aliquoties gloriatur: quicq; cum affecta iam ætate secturus esset simias, noluit famulorum opera eas pellibus exui. Nec semel prædicat, quantopere manus artificio delectatus sit. quamq; libenter in id cum reliquis Asiæ medicis incubuerit. C. Tanto igitur iustiores videtis esse dolorem meum. Et quoniam nunc Chirurgi famulorum loco habentur, nonne manifestum est, me à medicis in famulæ loco duci? Quasi natura penitus mihi incognita esset: quasi molitoris alicuius, aut opilionis, essem filia. P. Ex hac eorum erga nos inhumanitate apparet, cur se phycos dicant: quo vocabulo nullus antiquorum se postulavit nominari, cum constet tamen eos *quæritates* fuisse. D. ô rem indignam. Quando vel vnus occurrit morbus, qui non subito omnium nostrum opem requirat? Mox de victus ratione cogitandum: mox medicamenta comparanda: mox aliquid demum manu peragendum est. Inde propter istam nostram disunctionem tribus aut pluribus artificibus est opus. Quos omnes vt ego medicos nominem, absit. Quàm pulchrum foret, si tum manibus inter nos complexæ vnâ cum medico ad ægrum intraremus? Sanè singula tanto felicius, quanto coniunctius operam nauaremus. D. Optare licet istuc: nunquam fiet: quoniam à recto tramite discessum est quàm longissime. P. Nec iudicem habemus ad quem pro-uocemus. Nisi Æsculapius (vt quôdam Virbium) Hippocratem & Galenum in vitam reuocet, apud quos accusemus istos, qui Therapeutice matri nostræ nobisq; tam insignem imponere non verentur

tur tot annis iniuriam. C. Decantant illi versiculum Homeri, quo medicum vnum multis alijs hominibus anteposit. Perinde quasi poëta sapientissimus, cum toto poëtarum choro Podalirium & Machaonem ideo dilaudet, quia febriculam morbumue alium, quem sola natura, & leuius etiam aliquando pellit, fugassent: ac non potius, quia luxationibus, fracturis, contusionibus, vulneribus, sanguinis fluxionibus curandis præessent, spicula, tela è corporibus militum educerent, reliqua administrarent, quæ læsi in bello milites desiderant. Non ergo magis ad Physicos, quam ad Chirurgos carmen illustrissimum pertinet. D. Aptè concludis soror. Contemptus, in quem se venturos timent isti, in causa est, cur se nec esse, nec dici Pharmacopolas & Chirurgos velint. C. Atqui ne imperfecti medici habeantur, cur non timent? P. Hortandi sunt tyrones, vt manus quoque ad medendum ægris admoueant. C. Actum est. D. Nōne aliquando hoc malum sperare potuissimus? C. Ego potissimum, quæ in tantam ignominiam & paupertatem è tanta gloria tantusq; diuitiis protracta sum. Vultis meam suppellectilem audire? P. Narrato. C. Pelues aliquot, scalptra, phlebotoma, specilla diuersi generis, dentifrangibula seu odontagreg, nouacula, cultriue tonsorij, forpicula, myrothecia, spongia, instrumenta ad sagittas extrahendas, vt forceps deceptoria, terebrum terculatum, solidum, concavum, tenacula camulata, denticulata. Item ad extrahendos è corpore globulos plumbeos, partes lorice, partes catenæ, ferramenta quadricula, resq; alias specilla

cilla conuexa, annularia, hami simplices, duplicati, alphonfinum apertum, clausum, anserinum magnum, mediocre, paruum, gruinum, ciconium, camulæ. Insuper ad alios vsus varia terebra, modioli, ferrulæ, phacoti, meningophylaces, verribula, scolopomachæria, syringotoma. Denique machinamenta aliquot, laquei, fasciæ. Pudet memorare reliqua. D. Desinamus conqueri, & quod mutari non potest, placatioribus animis, quoad Deo visum fuerit, toleremus.

ANNOTATIONES.

QVarimonia huius occasione nobis Andreas Vesalius, ille clarissimus archiater obtulit, qui præfatione in libros suos de fabrica humani corporis distractionem partium *δεσπρευπηκνῆς* eruditissime reprehendit. *DISIVNGEREMVR*) Peropportuna censeo fore, cum huic loco, tum toti dialogo illustrando, quæ in 2. de Orat. à Crasso prolata leguntur. Non in hac una, Catule, re, sed in aliis etiam compluribus, distributione partiũ ac separatione magnitudines sunt artium diminuta. An tu existimas, Cum esset Hippocrates ille Cons. fuisse tum alios medicos qui morbis, alios qui vulneribus, alios qui oculis mederentur? Hoc loco subit animum, quoniam Hippocratis allata mentio est, quod scriptum reliquit Celsus lib. 1. præfat. repetam altius: siquidem ad dignitatem scientiæ medendi faciunt. Primo medendi scientiæ sapientiæ pars habebatur,

tur, ut & morborum curatio, & rerum natura contemplatio sub iisdem auctoribus nata sit. Scilicet his hanc maxime requirentibus, qui corporum sanorum roborum inquieta cogitatione, nocturnaq; vigilia minuerant. Ideoq; multos ex sapientia professoribus peritos eius fuisse accepimus. Clarissimos vero ex his Pythagoram & Empedoclem, & Democritum. Huius autem (ut quidam crediderunt) discipulus Hippocrates Cous, primus quidem ex omnibus memoria dignis ab studio sapientia disciplinam hanc separavit, vir & arte, & facundia insignis, &c. DE OSSIVM FRACTVRIS) De arte parandorum obsoniorum, quam ignorare medicus non debet, nonnulli antiquorum medicorum etiam libros reliquerunt ut scribit Athenaeus, & ipse Galenus videtur egregie calluisse. PODALIRIVM ET MACHAONEM IDEO) Hos non in pestilentia, nec in variis morborum generibus aliquid attulisse auxilij, sed vulneribus tantummodo, ferro & medicamentis mederi solitos notavit etiam Cornelius Celsus libr. 1. prafat. Tota res planissime ex Homero cognoscitur. Et tamen hi principes medici, & huius nationis quasi progenitores, & antiquissimi parentes numerantur.



PROGYMNASMA

QVINTVM ET QVINQVA-

GESIMVM.

Apologismus pro medicis.

SAMPSON, EMMERANVS.

SAMPSON. Quousq; tandem te sicca tussis vexabit? Quousque mihiq; tibiq; creabit molestias? E. Quando tu liberaberis istis tuberculis? S. Agnatum est hoc mihi, nunquam non aliquid habere mali in corpore. Quamdiu ætatem viuo (viuo autem annum sextum supra vigesimum) vix triennium vacauit: semper vnus fui de numero patientium: nec tamen patienter fui patiens. Quin etiam depositus planè ac desperatus fui aliquando. Cum etiamnum in cunis vagirem, ægrotare cæpi morbis infantia, vt mihi nutrix iam anicula narrauit. E. Timeo ne parens istanc parum certè optabilem & gloriosam tibi hæreditatem reliquerit: ne, inquam, morbi tui sint patrij, quod assolvere scimus. Pleriq; morbi per successiones, vt alia quædam traduntur, ait Plinius in epist. S. Haud puto. Non enim fuit tam cachecticus qui me progeniuit, vt ego: mater quoq; robusto, & salubri corpore cum me peperit, multoque etiam post. Quanquam ille in extrema ætate pulmonicus factus est: hæc ischiadico dolore aliquandiu cruciata, proximè cum corrupto cæli tractu

tractu letifer annus multis millibus extorqueret
dulces animas, ipsa quoque fato suo perfuncta est.
E. Vnde autem tua tam crebra sternutatio? S. Ex
humoribus cerebri. Hunc ex causa non bona bo-
num effectum prædicant medici. Oscitatio au-
tem & pandiculatio tua frequens, stomachi to-
tiusque corporis languorem indicant. Sine me
quoque ex parte aliqua videri medicum. E. Per
me tibi Hippocratem esse licet. S. Cras vtar sca-
rificatione. Quin te adiungis socium? E. Hac ego
medicina haud indigeo: mallémque induci mi-
hi, quam educi sanguinem: adeo exsuccus & ex-
sanguis sum. Qui verò sunt alij morbi, quibus te
implicitum esse meministi? S. Anhelus, seu sus-
piriosus aliquandiu fui. Papulis seu pustulis, pso-
ra, imperigine, vieiligine, verrucis, palpitationi-
bus cordis, stomachi fastidio, exspuitione sangui-
nis, pruritibus laboravi: cephalicus, nephriticus
fui. E. Metuebam ne diceres, lunaticum, ceri-
tum & insanum te fuisse. S. Saniosus quidem cer-
tè, & purulentus quibusdam in partibus corpo-
ris. Non occurrunt omnia genera pathematum,
quæ me afflixerunt. E. Nec ego non sæpe in-
ter ægrotos merui. Veruntamen perito ac fide-
li medico salutem meam credidi, quod tibi simi-
liter faciendum suaserim. S. Non omisi hoc qui-
dem. Fit tamen nescio quo modo, ut à medicis
consulendis, & à pharmacis capiendis abhor-
ream. E. Quamobrem? S. Rarò sanant, & mer-
cedem magnam exigunt. E. Si præstant officium
suum, quamuis non sanent, sua mercede digni
sunt; nam finis, quæ est curatio, in dei, non in illo-

rum manu ac potestate est. Symptōmata interdū pertinaciora, maioraq; sunt, quam vt vlla medicorum scientia, sedulitate, cura, & industria expugnentur. Sunt quandoq; occulta nimis, & quæ nec à doctissimis cognosci possunt, impedimenta. Est insuper nouitas morbi in caussa: est ipse ægrotus, qui obedire in omnibus medico detrectat. Loquor autem de medico, de cuius diligentia, vsu, doctrina consentiens fama est: non de tyrone aliquo, qui heri de pharmacopolio exiuerit. S. Vidi ego frequentem curationem passos interire: & quidem citius illis, quī se rarō medicorum arbitrio subiecissent. E. Ad eleuandam medicinæ necessitatem, præstantiāque hoc nihil valet. Coniecturalis ars est: coniecturæ autem ratio est eiusmodi, vt cum sæpius responderit, interdum fallat. Si quid itaque vix in millesimo corpore aliquando decipit, id notam non habet, cum per innumerabiles homines respondeat. S. Non sperno istos Æsculapios: crebrō non sum vsus adhuc, nec vtar. E. Non miror si toties malè tibi sit: & dubito num tu ipse charus tibi met sis. At tuum exemplum nihil me mouet. Imitor autem Aristotelem. S. Quid is fecit? E. Cum in morbo esset, & medicus illi quiddam præciperet: ne me curaueris, inquit, vel vt bubulcum, vel vt fossorem: prius causam edissere, cur quidq; iubeas, aut præbeas: sic enim facili persuasione me morigerum reddideris. Hæc res medicum meum minimè offendit: gaudet potius scientiæ suæ declarandæ, & me ansam sibi porrigi, & me causis rerum explicandis oblectat. S. Si tu ipse legeres volumina de
ratione

ratione medicandi, aut de sanitate conseruanda, num non idem assequeris? E. Non plus, quàm si tu de philosophia, iurisprudentia, mathesi libros conscriptos euolueres. S. Haud existimo tam obscura, tantisq; tenebris inuoluta esse omnia. E. Pauca sunt obuia & plana. Quod si vllius disciplinæ vocabula ad intelligendum difficilia sunt, huius sunt: omnia ferme Græca, aut Arabica. Pauci præterierunt dies, cum voces partium humani corporis legi. Deus bone, quàm recondita, quàm etiam multa, nec viscerum tantummodo, sed ossium quoq; neruorum, venarum, arteriarum, cartilaginum, humorum, pellicularum. Ac me desiderium incessit videndæ anatomes: arbitror siquidem illa fabrica humani corporis, quæ ibi perspicitur, in tota rerum natura nihil esse mirabilius. Oculis ad eam rem opus est: sola lectio parum prodest ad cognoscendum. S. Mihi videris homo aut curiosus nimis, aut sciendi cupidissimus. E. Hanc posteriorem partem ad me appone: priorem tute serua tibi. Quò plura cognosco, eò euado doctior. S. Utinam quoq; probior atque sanctior. E. Saltem nihilo improbior. Non est homini Christiano penitus aspernanda, & reiicienda medicina: nec tota spes in eadem collocanda. Quid ergo? quemadmodum agriculturam adhibemus, & à Deo nihilomin⁹ fruges alimoniamq; petimus: & gubernatori clauum tradimus, cū interim ventos secundos, & portum ab eodem rogitemus: sic opera medicorum vtentes, bonam spem cælestis auxiliij deponere non debemus. Est ergo perfectus medicus, vt perfectus orator, vt

perfectus gubernator : non qui finem suum semper adipiscitur : sed qui eorum , quæ ad adipiscendum valent , nihil omittit.

ANNOTATIONES.


PRO MEDICIS) Commune nomen est medicus, græcè ιατὴρ. Quid autem sit ἀρχίατρος, & quodnam eius munus, perquam erudite monstravit Mercurialis. var. lect. lib. 4. cap. 1. **DEPOSITVS PLANE AC DESPERATVS**) Qui morbo ancipiti & periculoso vexarentur, & de quibus desperabatur, deferiebantur, deponerenturq; ante ianuas adium suarum : vel ut supremum spiritum terra redderent : vel ut à transcurrentibus curandi sese rationem acciperent, si qui forte simili malo aliquando iactati fuissent. Testis etiam Plutarchus, lib. Num. rectè dictum, ἀάδῃ βιώσας. Virgil. 12. *Æneid.*

*Ille & depositi proferret fata parentis,
Scire potestates herbarum, & sumq; medendi
Maluit, & mutas agitare inglorius artes.*

Quem in locum illa Servius qua attulimus. Atque hi depositi dicebantur. Qua voce translātè usus est quam venustissime Cicero in Verrem. Itaque mihi videor magnam, & maximè egram, & prope depositam Reipub. partem suscepisse. Dignum porro notatu, quamobrem poëta medicorum artem vocet mutatam. Nempe quod eius vis tota in auxiliis & actione potius, quam in sermonibus & facundia quadam posita

posita sit, quod ut Celsus & Galenus passim testantur. Hinc in medicos loquaces, ἰατρὲς ἀδύλεχ & νοσοῦντι πάλιν νόσος. INTER ÆGROTOS MERVI) Maximum conciliare orationi splendorem translationes aptas, neque ullum alium fere ornatum tantopere eam expedire atque illustrare, ac propterea in antiquis scriptoribus, atq; in omni denique sermone diligenter attendendas monet. Victor. lib. 19. cap. 11. Deinde ex Lucretio, Varrone, Plauto metaphoricum usum verbi huius, agroto, demonstrat. Quibus testimoniis adde hac. Plaut. Trinum. Nam si in te agrotant artes antiqua tua. Horat. sat. 3. libr. 2. tantum hoc ediffere quo me Ægrotare putes animi vitio. Sic agrotatio cum propriè in corpore nomen habeat, non sciundum à dolore, agritudo autem in animo, ut est in Tuscul. 3. tamen ad animum transferri solet. Cicer. Tuscul. 4. Quibus cognitis quis est, qui dubitet, quin hic quoque motus animi sit totus opinabilis, ac voluntarius? Quis enim dubitarit, quin agrotationes animi, qualis est auaritia, gloria cupiditas, ex eo, quod magni aestimetur ea res, ex qua animus agrotat oriantur? Verum qua inter agrotationem & agritudinem differentia est, ea inter agrotus & ager non seruat. Nam ad animum & corpus pertinet utrumque vocabulum. A PHARMACIS CAPIENDIS) Pharmaca vomitus, & alui subducenda causa sumi vetat Plutarch. de tuend. valetud. Appellatione autem pharmacorum non venena

modo ac veneno proxima, sed ex cantamina quoque,
 & imprecationes diræ, ac philtrea, & quibus plerum-
 que contabescunt homines significantur: unde sunt
 alexipharmaca. Rhodigin. lib. 6. cap. 12. Est ergo
 vox media, ut fortuna, pretium, ars, & similes.
 QVOD SIVIX IN MILLESIMO CORPORE.
 Vide Celsum lib. 2. cap. 6.



A P P E N D I X
 E L E G A N T I A R V M,
 P R A E C I P V E C O R N E L I I C E L S I
 S P I C I L E G I V M, P E R L O -
 C O S C O M M U N E S.

AFFECTVS, AFFICI.

AFFECTVS vocat, quæ
 Græcis *συνήματα*,
 & quas alibi valetudines,
 difficultates corporis, Cice-
 ro in valetudines. Eadem
 notione usurpat, affici, ut
 cum dicit mente affectus.
 Sic Cic. ad Att. ep. 19. lib. 14.
 Cæsarem Neapoli affectū
 grauitè viderā. Philipp. 9.
 qui cum ita affectus esset,
 ut si ad grauem valetudinē

labor viæ accessisset, sibi ip-
 se diffideret, non recusauit,
 &c. Adiectiue item, affectū
 brachium, caput, corpus,
 affectus puer, affecta muli-
 er, affectæ partes.

ANATOMIA.

Incidere corpora mortuo-
 rum, eorumque viscera, at-
 que intestina scrutari. Hæc
 definitio est anatomix, &
 pro eo quod definitur, po-
 ni rectè potest.

ANIMA.

ANIMA.

Animæ defectio. Barbari, deliquium. Anima deficit in curatione.

APHTHÆ.

Græcum est. Celsus, serpentina ulcera oris.

APOSTEMAT.

Abcessus. corporis maiores, minores. In magno abcessu multum puris coit. Malagma ad supprimendum omne quod abscedit. Sub lingua interdum aliquid abscedit.

ASSUMERE.

De cibo, & porione frequentissime utitur hoc verbo. Modo plus iusto, modo non amplius assumere. Primo cibo fassamenta, olera, &c. assumere, pro primo ferculo, ut nostri loquuntur, hoc aut illud comedere. Cibum modicum, potiones meracas assumere. Paululum aliquid assumere.

AVDITVS.

Grauis auditus. Grauius audire.

AVRES.

Cui sonant aures.

AVXILIA.

Sic vocat quam creberrime, quibus corpus ad sani-

tatem proficit, quæ profunt bonæ valetudini aut conseruandæ, aut recuperandæ. Auxilia vulnere, & morborum. Valida auxilia, imbecilla. Vitia per totum corpus orientia medicamento- rum auxilia desiderant.

CACHEXIA.

Malus corporis habitus.

CAPILLI.

Fluunt.

CAPVT.

Ætate nudatur.

CARO.

Coercere carnem crescentem. Caro sinus ulceris implens, hebes nec firma. Producere carnem. Carunculam citare.

CATARRHVS.

Destillationes. Destillat humor, inquit lib. 4. cap. 2. ex capite interdum in nares, quod leue est: interdum in fauces, quod peius est: interdum etiam in pulmonem, quod pessimum est. Si in nares destillat, tenuis per has pituita profluit, caput leuiter dolet, grauitas eius sentitur, frequentia sternutamenta sunt. Si in fauces, has exasperat, tussiculam mouet.

mouet. Si in pulmonem, præter sternutamenta, & tussim est etiam capitis grauitas, lassitudo, sitis, ætus, biliosa vrina. Ibidē de grauedine hoc modo scriptum est. Aliud autem, quamuis nō multū distans malum grauedo est. Hęc nares claudit, vocem obtundit, tussim siccam mouet, sub eadem falsa est saliuā, sonant aures, uenæ mouentur in capite, turbida vrina est.

CAUTERIVM.

Ferro candente in occipitio quoque & infra, quā summa vertebra cum capite committitur, adurere duobus locis, vt per ea perniciosus humor euadat.

CIBVS.

Cibi qui celeriter descendunt. Qui sunt facili digestionis vt noster sermo est. Ponitur verbum descendere in eodem, in quo deiicere. Cibi qui ventrem molliūt. Intellige ventrem, vt sæpe alium. Cibi plenioribus vti, ex media materia. Sæpe in eo magis necessaria cibi festinatio est, q̄ minus inediā tolerat. Quā hoc Celsi venustum? Sæpe debet

citius comedere, qui nō ita potest ieiunare. Abstinentus æger a cibo. Cibus qui neque incitat febrem, & tamen longum eius spatium sustinet. Cibi potionē sue aut valentis, aut mediæ, aut imbecillæ materiæ. Item valentissimi, infirmissimi, id est, in quibus plurimum, aut minimum alimenti. Ex feris quo maius animal, eo robustior ex eo cibus est. Ratione item alimenti, dicitur aliquid ad cibum aptum, leue, graue. Leuior piscis inter saxa editus, quā in arena: leuior in arena quā in limo. Quo fit vt ex stagno, vel lacu, vel flumine eadem grauiora sint, leuiorq̄ue qui in alto, quā qui in vado vixit. Grauiorē aues quæ magis currūt, quā volant. Omne etiam ferum animal domestico leuius, & quodcunque humido cælo, quā quod sicco natum est. Item piscium ebrum, qui ex media materia sunt, quibusq̄ue maxime vtimur, tamen grauissimi sunt, ex quibus salsamēta quoque fieri possunt. Inter domesticas quadrupedes

des leuissima suilla est, grauissima bubula. Ergo cibus leuis, grauis, plus, minus alens. Ad potiones quoque transferuntur valens, infirmum, media materia, leue, graue. Nam quæcunque ex frumento facta est, itemque lac, mulsum, de frutum, passum, vinum aut dulce, aut vehemens, aut mustum, aut magnæ vetustatis, valentissimi generis est. At acidum, & id vinum, quod paucorum annorum, vel austerum, vel lene est, in media materia est. Aqua omnium imbecillissima est. Cibus quantus plenissimus potest concoqui. Cibi corpus implentes. Cibus parum obsequens stomacho. Cibi minimi erat, & vulgaris fere. Sueton. de Octauio. Cibi plurimi erat. Nostri, ipse valde multum comedebat.

CICATRIX.

Inducitur.

CLYSTERIVM.

In aluum cremorem ex inferioribus partibus indere. Ab inferiore parte aluum euocare.

COLICA.

Morbus maioris, laxioris

intestini, quod Græcè κωλον.

CORPVS.

Corpus strictum, astrictum, fluens, profluens, mixtum, quadratum. Quid compressum corpus resoluat, quid solutum teneat. Repletum, inane. Ante omnia, inquit lib. i. cap. 3. nōrit quisque naturam sui corporis: quoniā alij graciles, alij obesi sunt, alij calidi, alij frigidiores, alij humidi, alij sicci, alios astricta, alios resoluta aluus exercet. Rarū quisquam nō aliquā partem corporis imbecillam habet. Tenuis vero homo implere se debet: plenus extenuare: calidus refrigerare: frigidus calefacere: madens siccare: siccus madefacere, &c. Corpus morbis opportunum. Corpus integrū, quod εἰλικρινές Græcis. Aquilo sanum corpus spissat, & mobilius atque expeditius reddit. Corpus mali habitus. Corpus autem habilissimū quadratum est, neque gracile, neque obesum. Gracile, infirmū, obesum, hebes est. En habes quid sit corpus quadratum.

Gg s

CRV-

CRUDITAS.

Discussa: Hic cibus mouet cruditatem. Hæc res discutit.

CUCURBITULÆ.

Corpori aptantur, admoventur, imponuntur, inhaerent. Cucurbitulas corpori defigere, accommodare.

CURATIO.

Procedit curatio ad scalpellum, &c. Morbus, vulnus curationem recipit. Difficilis, prompta curatio. Curatio expleta est.

CUTIS.

Resoluitur, labat, est astriktor, relaxatur & procidit.

DENTES.

Dens dolores mouet. Euelcere, eximere, excipere dentes Instrumenta vocat forfices. Dentes labant, bene herent.

DIAPHRAGMA.

Transuersum septum, quod membrana quadam superiores partes ab inferioribus diducit. Lib. 4. cap. 1. rursum sic describitur. Sub corde atq; pulmone transuersum

exvalida membrana septum est, quod à præcordiis vterum diducit atque neruolum, multis etiam venis per id discurrentibus, a superiore parte non solum intestina, sed iecur quoq; lienemque discernit.

DIGESTIO, DIGERERE.

Concoctio, cōcoquere crebra sunt Celsō. Concoctio nem medicamentis moliri. Est autem concoctio plus, quàm digestio. Bene, recte concoquere. Aliter autem ac vulgus solet vsum videas verbo digerere, ex hisce testimoniis. Id autem nihil aliud est, quam nimia imbecillitas corporis, quod stomacho languente digeritur. Quoties humor intrus nocet, isq; digerendus est. Genera autem gestationis plura sunt adhibenda: quæ sint & pro viribus cuiusque, & pro opibus: ne aut imbecillum hominem nimis digerant, aut humili obsint.

DOLOR.

Interdum id malum intra dolorem est, isq; modo tardè, modo celeriter soluitur. Neruo-

Nervorū oculorumq; dolore vrgeri.

EMPLASTRA.

Ex emplastris, scribit lib. 5. cap. 19. nulla maiorem vsum præstant, quam quæ cruentis protinus vulneribus indiciuntur, *ἐναιμα*, Græci vocant. Hæc enim reprimunt inflammationem (nisi magna vis eam cogit) atque illius quoque impetum minuunt, tum glutinant vulnera, quæ id patiuntur, cicatricem iisdem inducunt. Dicit etiam accommodare emplastrum corpori.

FEBRIS.

Qui lentis febriculis diu detinentur, cum aut ex toto recessit accessio, aut, si id non solet, certe lenita est. Pessimum est si ne leuatur quidem febris, sed æquè concitata continuat. Expectanda remissio est, si non decrescit, sed crescere desiit. Si circuitū habere ea febris solita est, sic, ut tertio, quarto die reuertatur. Febris discutitur, soluitur. Tertianæ quæ ex toto intermittit. Tenuata, leuata febris, In-

stat, incipit, conquiescit, augetur, constitit, decedit, decessio. Porrigitur febris, Febris quæ tertio die reuertitur, ex octo autem, & quadraginta horis, fere sex & triginta per accessionem occupat hemitritæos dicitur. Neque ex toto in remissione desistit. Tertianarum, quartanarumq; & certus circuitus est, & finis integer, & quia perliberaliter quieta tempora sunt, expeditior curatio etiam Febris quotidie vrget. Febricula incurfat. Febris extorret. Inclinata, sed adhuc tamen hærente febre. Ex toto recessit, ex toto quieuit. Febris eodem die finita est. Febricula vacare.

INFLAMMATIO.

Inflammationē in eas partes euocat. Quod inflammationes reprimat, prohibet. Leuata. Os fractum nisi succursum est, grauib. inflammationibus afficiat.

INTESTINA.

Ventre perforato intestina euoluuntur, refunduntur, pro-

prolapſa conduntur, reponuntur.

HAEMORRHOIDES.

Sanguinis per quædam velut ora venarū profuſio. Ora venarum tanquam ex capitulis quibuſdam ſurgentia, quæ ſæpe ſanguinē fundunt: atq; in quibuſdam parum tūc ſupprimitur: habet enim purgationem, nō morbum.

HVMOR.

Euocatur.

HYDROPS.

Cum aqua cutem ſubiit. Aqua inter cutem.

INFIRMARIA.

Valetudinariū, qualia ſunt in monaſteriis, loca ſcilicet, vbi ægrotantes, & conualeſcentes monachi detinētur. Apud Senecam & Columellam locus vbi tantum ſerui ægroti habebantur, in vnaquaque domo.

LETHARGVS.

In phrenetico difficilis ſomnus. Prompta ad omnē audaciā mens: animi hīc marcor, & inexpugnabilis pæne dormiendi neceſſitas.

LINAMENTA.

Vocat illa, quæ vulncri ſup-

primendi ſanguinis cauſſa induntur, & quæ aliās lineæ materiæ vulneribus imponuntur in curationibus. Ex melle linamentū ſuperdandum, ſupraq; linteolū, &c. In vltiores lunataſq; plagas linamentum dandū eſt.

MALAGMA.

Trium rerum differentiam, malagmatis, emplaſtri, paſtilli his verbis declarat lib. 5. cap. 17. Malagmata maxime ex floribus, eorumque etiam ſurculis: emplaſtra, paſtilliq; magis ex quibuſdam metallicis ſunt. Deinde malagmata contuſa abunde molleſcunt: nam ſuper integram cutem iniiciuntur. Laborioſè vero conteruntur ea, de quibus emplaſtra paſtilliſque ſunt, ne lædant vulnera, cum impoſita ſunt. Inter emplaſtrum autem, & paſtillum hoc intereſt, quod emplaſtrum vtiq; liquati aliquid accipit, in paſtillo tātū arida medicamenta aliquo humore iunguntur, &c.

MEDICAMENTA.

Medicamenta comprehendunt, reſpondent, non reſpon-

spondent. Nos, operantur, non operantur. Bene, malè respōdent, maximi effectus sunt. Ad sanitatem medicamenta proficiunt. Medicamenta quę omnem noxiam materiam in inferiora depellunt. Quotidie palpebra vertatur, vt medicamentum inducatur. Hoc vitiū si medicamenti cedit. Si vincitur. Medicamenta vincuntur. Medicamenta infricare. Medicamēta nihil adiuuāt.

MORBVS.

Morbum medicina soluit. Morbus cedit remediis, incessit, increfcit, subsistit, minuitur, inclinatur, in somno incremento est, in incremento consistit, penitus insedit si compresserit aliquem mōrbus, aut fuderit. Compressorum, & fluentium morborum genera. Morbi quidam breues acutique sunt, qui citò vel tollunt hominem, vel ipsi citò finiuntur. Quidam longi, sub quibus neque sanitas in propinquo, neque exitium est. Morbus est solutus, est in abscessu & inclinatione. Morbi senescentis remissio.

Morbus amplior factus est, aggrauescit.

NIMIUM COMEDERE.

Se implere, nimium se replere.

NOXAE CORPORIS.

Quinq; sunt genera noxarum corporis. Cū quid extrinsecus læsit, vt in vulneribus. Cum quid intra seipsum corruptū est, vt in cancro. Cum quid innatum est, vt in vesica calculus. Cum quid increuit, vt venā, quę intumescens in varicē conuertitur. Cum quid deest, vt cum curta pars aliqua est. lib. 5. cap. 26.

OSSA.

Promouentur. Mouētur sedibus suis, reponūtur. Quę iūcta sunt inter se dehiscunt.

PALPEBRA.

Si parum palpebra descendit, laxāda utique: si nimiū, aut astringenda, aut etiam rursus tenuis habenula ab vltēiore ora excidēda. Cōcidit, neque attolli pōtest.

PARALYSIS.

Neruorum resolutio.

PAROXYSMI.

Accessiones. Interdum ægri

in accessione desipiunt, & loquuntur aliena. Sed plerumq; breue esse consuevit, leuatoque accessionis impetu mens redit. Tempus accessionis præterit. Vnam accessionem secuta integritas est. Accessiones continuantur. Grauior leuior, longior, breuior, magis minus affligens vi, tempore accessio. Febres pares accessiones habentes. Febris vno die non accessit.

PITUITA.

Vitanda, quæ pituitam contrahunt. Descendit, medicamentis suspenditur.

PRÆCORDIA.

Dolor infestat præcordia.

PULSUS, PULSUM TANGERE.

Tangere venam.

PUS.

Pus maturat. Membrum, digitus suppurat. Orta est suppuratio. Medicamenta quæ pus mouere consueverunt. Quæ concoquunt pus. Pus excedit. Ore vel alio redditur. Fieri desit. Si pus se ostendit. Supprimatur. Coitus puris sit.

SANGVIS.

Sanguinis ex naribus cursus. E naribus fluit, prorumpit. Sanguinis detractio per venas. Sanguinem incisa vena mittere. Sanguinem fundere è naribus. Sanguis supprimendus est. Aliquando frequens tussis sanguinem quoque extrudit. Interdum ex pulmone fertur. Impetus ruentis sanguinis conquiescit. Malus est sanguis, nimium aut tenuis, aut crassus, colore vel liuidus, vel niger, aut pituita mistus, aut varius. Optimus calidus, rubens, modicè crassus, non glutinatus. Hoc sanguinem citat.

SANARI.

Ad salutem perducere. Ad sanitatem peruenire. Qui meliusculus esse cepit. Ex toto sanitas restituta. Refici, resectus. Catullus.

SANIES.

Vulnus exsaniat. E vulneribus & vlceribus exiit sanguis, sanies, pus. Sanguis notus est. Sanies est tenuior hoc, varia, crassa & glutinosa, & colorata. Pus crassissimum albidissimūq; glutinosius

fius & sanguine, & sanie. Sanguis exit è vulnere recenti, aut iam senescente. Sanies est inter vtrumque tempus. Pus ex vulnere iam ad sanitatem spectante. lib. 5. cap. 16.

SOMNVS.

Somnum hac aut illa re moliri. Tussis somnum prohibet. Catapotium ad somnum accersendum, inducendum. Facit somnum. Somnus accedit. Somni breuissimi erat. Quod nos, est quam multis, & quam inepte. Ipse non solebat valde diu dormire.

SPASMVS.

Frigus modo neruorum distentionem, modo rigorem infert. Illud *σπασμὸς*, hoc *τέτανος* græcè nominatur.

SPIRITVS.

Quid grauem tardumque spiritum expeditat. Spiritus difficulter, difficiliter redditur. Spiritus est grauis. Spiritus ex naribus cum feruore prorumpit, contrahitur.

**STERNVTATORIA,
STERNVTAMEN-
TVM.**

Admouere ea per quæ ster-

nutamenta euocantur. Excitare, mouere sternutamēta.

STOMACHVS.

Parū valere stomacho. Imbecilli esse stomacho. Calor nimius stomachum soluit. Stomachum quæ infestant. Marcescere adhuc stomacho pridiani cibi onere.

SVDOR.

Exerect, mouetur, elicitur. Sudores tenues oriūtur. Ingens sudor effunditur. Exercitationibus sudorem euocare.

SVTVRA.

Sutura oras vulneris iungit, coniungit, comprehendit, quæ ne ipsæ quidem inter se contingere ex toto debent, vt si quid humoris intus concreuerit, sit quæ emanet. Oras vulneris inter se sutura committere. Sutura eximitur. Suturam iniicere.

VALETUDO.

Inclinata in melius valetudo est. Secunda præsidia valetudinis. Cauendum est ne in secundam valetudinem aduersæ præsidia consumantur. Valetudo à primo impetu inclinata. Longè vale-

valetudinis metus est. Hoc facit secundam, hoc aduersam valetudinē, creat, praestat. Subita valetudine corripit. Sueton. Eidem vltima valetudo est, sub mortem. Vix firmus adhuc à graui valetudine.

VENAE.

Ore alicuius venae patefacto sanguis exit. Venis maximè credimus fallacissimae rei, quia saepe lentiores celerioresque sunt, & aetate, & sexu, & corporum natura. Venae subeunt, quiescunt, modò se submitunt, modò atrollunt. Venam incidere. Vehementer agitantur. Venas concitatas habet. Saepe eas concitat, & resoluit sol, & balneum, & exercitatio, & metus, & ira, & quilibet alius animi affectus. adeo, ut eum primum medicus venit, sollicitudo aegri dubitantis quomodo illi se habere videatur, eas moueat. Ob quam causam periti medici est, non protinus ut venit apprehendere manu brachium, sed primum residere hilari vultu, percontarique quemadmodum se habeat, & si quis eius metus est, eum proba-

bili sermone leuare, tunc deinde eius corpori manum ad-mouere. Venarum motus e-languescunt. Si timidè scalpellus demittitur, cutem lacerat, neque venam incidit. Incidenda ad medium vena est, ex qua cum sanguis erumpit, colorem eius, habitumque oportet attendere. Venarum exigui, & imbecilli pulsus. Brachium deligandum, habendumque ita est, donec valens cicatrix sit, quae celerrimè in vena confirmitur. Coitus venae post sectionem. Venas violare, pro-ladere.

VINVM.

Nullarum virium, ingentium.

VLCUS.

Vlcus ad sanitatem perducere. Ad maturitatem peruenit. Cicatricem recipit. Vlcera mitiora efficiunt. Crustas vlcerebus inducunt, resoluunt. Sanescencia vlcera exasperare. Vlcus resilit, impletur.

VOMICA.

Rumpitur.

VOMITVS.

Eiicere, eiectio. Vomitu stomachum sollicitare. Vom-
tum

tum eluere. Stomachus reddit.

VRINA.

Vrinæ difficultas, *σπασμ-
εία*. Vrinam hoc supprimit,
tardat, mouet, citat. Vrina
prorumpit. Calculosi his
indiciis cognoscuntur. Dif-
ficulter vrina redditur, pau-
latimque, interdum etiam
sine voluntate destillat. Ea-
dem arenosa est, nonnun-
quam aut sanguis, aut cru-
entum, aut purulentum ali-
quid cum ea excernitur. lib.
2. cap. 7. Si plus humoris ex-
cernitur, quam assumitur.
Emollire manu vrinam, cū
illa non redditur, aut quia
senectute iter eius collap-
sum est, aut quia calculus,
vel concretū aliquid ex san-
guine intus se opposuit. Ca-
to. Quibus lotium ægre it,
quibus substillum est. Quod
in fundum vasis descendit,
vocat medici vrinæ sedi-
mentum, à subsidendo. Pre-
fandi humoris è corpore ef-
fluuium. Vesicam leuare.

VVLNVS.

Ad glutināda vulnera. Vul-
nus glutinat, glutinosum.
Vulneris oræ in vnum at-

trahuntur. Oræ vulneris se
glutinarunt. Emplastrum,
quod celeriter vulnera ad
cicatricem perducit. Vulne-
rū aliqua insanabilia sunt,
aliqua difficilem habent cu-
rationem. Non possunt ser-
uari, quibus basis cerebri,
cor, stomachus, iocinoris
portæ, in spina medulla per-
cussa est, quibusque aut pul-
mo medius, aut ieiunum,
aut tenuius intestinum, aut
ventriculus, aut renes vul-
nerati sunt, aut circa fauces
grandes venæ vel arteriæ
præcisæ sunt. lib. 5. cap. 26.
Quæ vulneris oras contra-
hunt. Linamentis complere
vulnus. Quod per morsus,
per tela infertur. Peius vul-
nus est, quod etiam colli-
sum, quam quod tantum
discissum est: adeo vt acuto
quoque, quam retuso telo
vulnerari commodius sit.
Peius item, ex quo aliquid
abscissum est, ex quoque caro
alia parte abscissa, alia de-
pendet. Pessima quæq; pla-
ga in orbem est: tutissi-
ma, quæ lineæ
modo recta
est.


MIXTA.

Os aqua frigida fouere. Pre-
cordiorum totiusq; pecto-
ris grauitas. Gangræna te-
nondum planè tenet, sed
adhuc incipit. Cancrum in-
telligit hoc nomine Celsus,
quomodo antiqui omne p-
pemodum mali genus quod
vt cancer serperet, gangræ-
num vocarūt, q̄ ex Lucilio,
& Varrone docet Nonius.
De simplicibus facultatibus
rerum. Nihil per alimenta
corpori accedit Medicus di-
citur medicinam exercere,
non praxim: nisi etiam di-
cas, exercitationem exerce-

re. Diocles Carystius, &c.
Sic artem hanc medendi
exercuerunt, vt etiam in di-
uersas curandi vias proces-
serint. Laterū dolores quem
celeriter rapiunt. Subeunt
lippitudo, tormina, febres.
Soli aperto se committere.
Sonus ventris ad inferiores
partes euolutus excessit.
Mortem maturat. Genua,
articuli, tali excidunt, pro-
labuntur. Fluente per in-
suetudinem cibi aluo. Vrina
genitalis. Motiunculis leui-
bus tentari. Aluo vsque
ad defectionem
soluta.



DE



D E R E F V =

N E B R I.

PROGYMNASMA

SEXTVM ET QVINQVA-

GESIMVM.

*Æquo libentiq; animo è corporum
vinculis euolandum, & de-
functos vita moderatè
lugendos.*

PRESBYTER, PATERFAMILIAS diem supre-
mum agens, CONIUX, FILII pusilli,

PROPINQVI.

PRESBYTER. Quandoquidem, Antoni cha-
rissime, tuorum commissorum maculis &
antea per sacrosanctum exomologeseos my-
sterium, & iam nunc per hanc salutarem vnctio-
nem es vindicatus teque cælesti pane reficiendum
curauisti, testamentum legitimum condidisti, ni-
hil demum eorum, quæ germanum sincerumque
Catholicum, quæ pium patrem, quæ fidelem ma-
ritum sub amissionem huius lucis præstare piû est,
non præstitisti vel cumulatissimè, reliquum videretur,
vt quoniam de isto diuersorio mortalitatis

demigrare ad immortalitatem iuberis, forti erectoq; sis animo, & conditori tuo sanctè atque cupidè parèndum existimes: atq; ab istis locis ærumnarum plenis in illam innumerabilibus fælicitatibus redundantem affluentemq; regionem toto pectore festines. Hic finis noster, hic terminus hæret: ob istuc nati sumus: in hoc nobis sunt omnia, vt aliquando cum hinc abluerimus, diuinæ maiestatis aspectu in omnium sæculorum perpetuitatem insatiabiliter perfruamur. P. Id equidem voluto mecum R. P. nec reluctabor eius imperio, in cuius potestate & arbitrato versantur omnes & omnia. Nec irascor Deo, cum repetit à me quod suum est, quòdque ipse mihi donauit vsurpandum, quoad ipsi placuisset. Ille me procreauit: ille me non corruptibilibus auro & argento, sed pretioso sanguine agni immaculati, vnigeniti sui Domini nostri Iesu Christi recuperauit. Quod viuimus, ab illo accepimus: & cum morimur, illi morimur: nec Prophetis, nec Apostolis, nec Christo ipso meliorem me reputo. P. R. E. Optimè, & gaudeo, mi Antoni, te sic esse animatum: te, inquam, vt probum seruum vigilare: vt cum venerit Dominus tuus, ostiolumque pulsauerit, confestim aperias ei. Ille sapienter constituit & gubernat omnia: cùmque sit, & velit à nobis haberi parens noster: sciâtque vnus exploratissimè, quid conducat filiis suis, paterno stimulatus amore ad se nos euocat: ne amplius in terris peregrini, sed in cælo eius domestici facti, cum eo vitam beatissimam æuo infinito viuamus. Nam profectò graue supplicium foret, si ea conditione venissemus
in

in hæc oras, vt in eisdem immortaliter maneremus. Quid enim hîc est, quod quenquam ad diutius viuendum inuitare possit? an labores assidui? an diurnæ nocturnæque sollicitudines? an quotidiani angores? an fortunæ ludibria? an morborum varietas? an mille casus, mille incommoda? Verè melior est dies mortis, quam natalis. Ille siquidem quietis & beatitatis: hic autem miseriorum dolorumque initium est: vt iure S. Iob statuerit, optimum esse non nasci, aut quamprimum emori, & de vtero transferri ad tumulum. P. Me quidem cæpit viuendi satietas, & mori iam in lucris deputo: nec inuitus hoc mutuum reddo. Te porrò tam suauis, & christiano sermone me confirmantem perlibenter ausculto. P. R. Expende igitur tecum, & grata animi voluntate prosequere singulare dei munus, cum sub excessum tuum tam liquidas intelligentias, tamque perfectum rationis vsum, & tam morigerum animum tibi largitur: vt & agnoscere illum, & eius implorare misericordiam possis: & mandanti citra moram obtemperare velis. Heu quot nec opinantes de vita exire iussit? Age gratias, atque vt peccatis tuis magno piandis veniam dignetur tribuere, dolenti ac summissa mente obsecra. Curas rerum fluxarum, quid vxore, liberis, agris & possessionibus fiat, penitus eiice ex animo: in vnica salutis cogitatione defixus esto, cætera deo permitte, cuius bonitas vult, & sapientia potest conseruare tuerique tuos, ac tua vniuersa. Ergo ad eius benignitatem perfuge. In Iesu Christi meritis, atque vulneribus spem colloca firmissimam: vsque ad finem certa certa-

men tuum, & certa viriliter aduersus machinationes Sathanæ teterrimi. Quin etiam sanctissimæ genitrici spes tuas commenda, eamque suppliciter venerare, multumque roga, vt vnâ cum celestibus aliis apud filium causam tuam agere, & peccatorum condonationem tibi impetrare ne grauetur. Denique in mentem reuoca exemplum Simeonis illius grandæui. Quàm incenso is desiderio moriendi afficiebatur, post quam semel Saluatorem vidit & complexus est? Nunc dimittis, inquit, seruum tuum Domine, secundum verbum tuum in pace. Pollicitus mihi es, ante me visum salutare tuum, quam ex hac caligine abirem. Vidi, & lætatus sum. Nunc igitur sine me exire: sine è seruitute in libertatem euolare. Soluar tandem ab hac vita breui, quæ mihi tamen nimis longa fuit. Non me delectat istud lumen: aliud lumen sum intuitus. Viuere iam supplicium est: mors erit mihi præmium. Quid est quod me in his tenebris retineat? quid habet iucundum hæc vita misera, immò hæc miseria miserrima? Satis vixi, gilsit in horas decedendi cupiditas. Exspectaui & aspectaui, omnipotens genitor, filium tuum: hoc sufficit animæ meæ: maius gaudium euenire mihi sub sole nullum poterit. Nolo audire concionantem: non gestio aspicere mira opera perpetrantem: non aueo contemplari morientem. Diuturna me dilatione fatigasti: diem obitus mei nimium extraxisti: dimitte iam seruum: satur sum annorum: abeam aliquando ex isto infælici coniugio ad eum quem vidi, quem inter vlnas fo-

ui, quem exosculatus, quem deum meum, Saluatorémque gentium confessus sum. Clamabat etiam Apostolus: cupio dissolui, & esse cum Christo. Dauid autem ad deum, tanquam ad fontem viuũ peruenire medullitus concupiscebat. Quando veniam, inquit, & apparebo ante faciem dei? O quando tandem illucescet illa dies, quando adueniet illa hora, quæ dirumpet catenas meas, quibus circumdatus, & constrictus abesse tamdiu cogor ab eo, qui est firmamentum meum, & refugium meum, & liberator meus; qui est deus cordis mei, & pars mea in æternum: præ quo omnes terrenæ opes, & omnia regna terrarum mihi sordent: & sine quo cælum ipsum mihi exilium est. Heu quousque peregrinabor à patria? quousque carebo bonis Domini mei mihi ad fruendum paratis, mihi repositis? quousque dicetur mihi: vbi est Deus tuus? festinemus, Antoni, nos quoque ad istum fontem, & ad istam domum, cuius vbertate inebriabimur. P. Intellico intelligo. Domine Iesu te obtestor per immensitatem dolorum tuorum, miserere animæ meæ in articulo discessus eius ex hoc luteo tabernaculo. Te oro, quæsoque Pater, ne à lectulo meo latum vnguem: quin tuis me cohortationibus ad religiosè moriendum, atque ad cacodæmonum conatibus fortiter obnitendum magis magisque inflammes. Vbi autem summum efflauero

halitum, precationibus & sacrificiis propitium mihi Deum reddere ne omittas. Hæc spes ne me fallat; vehementer te rogo. P R E. Necesſitudinis noſtræ iura ſuadent, officiũ poſtulat, charitas iubet, benefacta cogunt, quorum memoriam nulla vnquam delebit obliuio. P. Vos item, dilecta vxor, propinqui ac neceſſarij, in egentes ſtipem benignius conferite: ac pro me peccatore ſedulò precamini, quo citius debito uſq; ad nouiſſimum quadrantem perſoluto educarẽ carcere, in quem me iuſtiſſimi iudicis ſententia traditura eſt: quod etiam atq; etiam metuo. C. Ah ah, mi dulcis coniux, ſiccine me viduam, & hoſce pupillos? quis noſtri curam? P R E. Quis? Oh, quaſi te iſtuc interrogare oporteat. Ille ſine dubio, qui pupillum & viduam ſuſcipere conſueuit: ad eum confuge, ille vos tuebitur. Nec cognatorum piorũq; hominum tibi auxilia & conſilia de futura ſunt: parce lacrymis, habe bonum animum. Maritus tuus deterioribus relictis, ad meliora tranſibit: quæ deſiderauit tenebit: quæ credidit, videbit: quæ meruit poſſidebit: ipſam te luge potius, quam adhuc labores & dolores multi manent, quamdiu uiuis. Pete à Domino, vt te cum illo hinc euocet, & in cælis coniungat. F. Heu heu, ô pater, quò abiſ? P R O. O cognate ſuauiſſime, quàm ingrata, quàm intolerabilis hæc nobis diſtractio atque diuulſio? Tu familiæ noſtræ lumen: tu decus omne tuis. P R E. Matrona noli te maccrare: precibus meis locum relinque. C. En ſuaſorem. Ego non fleam, ego non defleam talem maritum? ſi quidem cornea mihi eſſet fibra: ſi eſt mari,

mari, aut è filice nata prodiissem. Mulier sum, & quod mearum partium est, hoc ago. O me miseram, ô calamitosissimam. Quid incæptem, aut quò me vertam? Cur tibi superstes relinquo, mi vir? Heu heu, non queo plura, tanta est vis lacrymarum. P. R. O. Nec nos prorumpentem reprimere fletum possumus, quibus tantum eripitur solatium, rerum nostrarum columen atq; præsidium vnicum. Optime Deus, vt grauem nobis plagam imponis? F. Morieris ne pater? â, â, â, pater moritur, noster pater, â, â, â. P. Heus tu famula, quam ôcysimè pueros hinc in conclaue superius abducito: ploratorum satis hic remanebit. P. R. E. Esto fidelis vsq; ad mortem, Antoni. Non longè abest, qui te victorem coronet. P. Misericordiarum pater, ostende mihi lucem miserationum tuarum. O creator mi, ne deseras me, ne abiicias me, quoniam in te confidit anima mea Deus meus. Operi manuum tuarum porrige dextrâ. Esto mihi propitius, nèue intres in iudicium cum seruo tuo. Clementissimè Domine Iesu Christe, per ærerbissima tormenta tua, perq; indignissimam necem tuam, quam salutis nostræ causâ pertulisti, te quesosuccurre mihi in hoc agone meo, & sacratissimæ passionis tuæ fructum mihi quoque impertire, ac propter bonitatem tuam ad numerum electorum tuorum me adiunge. Tibi me dedo Saluator mi, noli me aspernari: ad te confugio, noli me repellere. Tu enim dixisti: qui venit ad me, eum non eiiciam foras: quia nimirum tibi est proprium misereri & parcere. Sancta Maria misericordiæ parens, & patrona humani generis, tuum

mihi ne deneges auxilium. Etiam nunc filio ostende quæ infans fuxit vbera, & ille patri obiciat quæ propter me accepit vulnera. PRO. Exaggeras dolorem nostrum, cum mente tam æqua sub imperium mortis succedis, nosque deferis. PRE. Atqui exaggerat hoc ipso etiam sibi suum præmium, cum diuinæ voluntati tam promptum se offert: id quod vnumquemque Christianum decet, cui carissima semper, & in omnibus antiquissima esse debet voluntas sanctissimi numinis. P. Non vos defero amici, nisi ut qui peregrè proficiscitur: nec tamen ad vos rediero: vos potius ad me venturi estis. Videbimus, complectemurque inter nos (ita Christo placeat) apud superos. PRO. Ita ut precaris eueniat. At hoc longum erit. PRE. Longum? quasi non omnis vita hominum, etiam longissima cum est, breuissima & momenti instar sit, ad æternitatem futurorum sæculorum comparata. Vmbræ somnium, fumi umbram dicetis longum esse? Vitæ hominum bullæ: quarum aliæ simul ut extiterunt, statim euanescent: aliæ paulò diutius manent: omnes breuissimis interuallis alix aliis succedunt. Quod si noctes demas, dimidio tantum vitæ suæ spatio quisque viuit: pars enim æqua morti similis exigitur. Quid est hoc ipsum diu, in quo est aliquid extremum? Homo breui viuens tempore, quasi flos egreditur & conteritur. Hæc est nostri generis diuturnitas, hæc fælicitas. Punctum est quod viuimus, & puncto minus. PRO. Dictum sapienter. Interim ista seiunctione cruciamur, & cruciamur

mur diutissimè. C. Eheu, mi coniux, mi vir. te sic à me discindi? Non iam vita vitalis, non: lenta quædam mors mihi erit. P. Inhumanus sim nimis & saxeus, si vos luctu & lacrymis prohibere insistam: nec modo naturæ, verùm etiam sacris literis, & fama celebratorum hominum exemplis contumaciter repugnem. Cæterùm mediocritatem si requisiero, nihil his omnibus alienum egero. PRE. Et rectè. Nam qui ἀνὰ θεῶν introducunt, & nos ἀσέβητες esse volunt, omnemque affectionem è mentibus humanis radicitus euellunt, bestiarum ac lapidum naturam nos induere postulant. Sapientis vox est: Fili in mortuum producito lacrymas, & quasi dira passus incipe plorare? quid? an non Christus Lazarum, quid? an non Abrahamus Saram, Iacob suum Iosephum, David Saulum & Ionatham, Patriarchas Israëlitarum olim fleuerunt? In actis Apostolicis: Sepelierunt Stephanum viri timorati, & fecerunt planctum magnum super eum. Nec diuus Paulus fletum omnem reprehendit: sed eum duntaxat, qui immodicus, & pæne insanus, ethnicæ cuiusdam diffidentiarum ac desperationis imaginem gerit. Putabant enim stulti, animum cum corpore occidere, ac morte omnem sensum deleri: similem esse interitionem hominum ac iumentorum. Moderationis huius causa in promptu est, & ignota nemini. PRO. Et si ea nos haud lætet, veruntamen libenter te audimus, atq; vt pergas oramus. PRE. Pergam, nec ita multis, & ea quæ dixero, vos penitus animis vestris mētibusq; manda-

mandabit. In vno atq; eodem itinere versamur, idem pelagus nauigamus omnes. Mortui qui sunt, iter confecerunt, portumq; tenuerunt: in quem, quotquot viuimus, necessario volentes nolentesq; perueniemus. Cur ergo inuideamus fratribus, sororibus, parentibus, filiis si pelagi periculis defuncti, littus attigerint? Quæ porro in hac lamentandi, plorandiq; assiduitate utilitas? num facta recludere, extinctosq; in vitam reuocare possumus? num valetudinis nostræ rationem ducimus? num plerumque mors cari alicuius capitis non ad alios æquè pertinet? qui tamen adeo sese non excruciant. Num videmur aut credere diuina prouidentia fieri omnia: aut ei nos piè subiicere? Quid aliud fortissimum athletham illum Iob consolabatur, quàm resurrectio? Et Paulus, configurabit, inquit, corpus humilitatis nostræ configuratum corpori claritatis suæ. Quis ad Christi speciem reformari non gaudeat? Quis repugnanter exuerit tunicam veterem ac laceram, vt nouam regiamq; recipiat? Atque hoc est, quod Ecclesiæ magistri in concionibus suis sæpe accusarunt: luctus videlicet extra modum: cum more ethnicorum, Christo initiati, velut amentes atq; lymphati vlulant, capillos vellicant, capita & barbam radunt, genas dilacerant, nudata pectora pugnis verberant, quæ mulierum præsertim consuetudines sunt. P. Ab huiuscemodi absurdis & ineptis te abstinebis vxor, ne tanquam vna Mænadum Bacchico furore percussa videare. Cauebis item, ne exemplo quarundam viduarum cum filiabus & pedisequa multas hebdomadas domi te clausa contineas:

nun-

nunquam omnino pedem publicum efferas: ne festis quidem diebus ad templum sacrorum causa concedas. C. Atqui mos inueterauit: quæ secus facit, sui honoris & existimationis negligens iudicatur. PRE. Mos vituperatione dignus, Ecclesiæ præcepto contrarius: nec vlllo egregio auctore, aut præceptore natus. P. Quin & hoc volo, ut funus meum cum ducetur, tu & filia sequamini: quod multis locis visitatum est: & cum sacerdotibus preces mihi salutare religiose coniungatis. Præterea cum septimo & tricesimo, ab excessu die piacularia pro me sacra conficiuntur, tu cum liberis pullata intersis. Sine alios garrere pro libidine: tu, quantum me viuum dilexeris, nihilominus etiam his modis declara. C. Parebo mandatis tuis, quacunque me fama sequatur. P. Mœror tuus intra anni spatium finiatur. Hoc non ideo dixerim, ut tam diu in squafore sis, verum ne diutius. Post id tempus esto cum altero, si voles. Nam quæ vix diem à maritorum obitu vicesimum expectant, parum se castimoniam cupidas, parumque præteritorum coniugum amantes fuisse ostendunt. C. In harum numero non reponar. Tu, cui primis ominibus iugata fui, meos amores tecum in sepulchrum auferes. P. Recedite paulisper, ut solus cum solo sacerdote colloquar. Irruunt in me hostes: Domine in auxilium meum respice. PRE. Cum agere animam cæperit confestim vos arcessam. PRO. Faciamus quod iubet. C. Itane fieri oportet: tamen exibo: sed extremum spiritum excipiam, & oculos ei claudam utique. PRE. Excipies, & claudes.

ANNO-

ANNOTATIONES.

Quam sit brevis atq; adeo fugacis ævi, et interitui
 semper vicinum genus nostrum, Homerus
Iliad. 6. & 21. itemq; alij poëta Graci luculenta folio-
 rum comparatione declaraverunt: quæ uti pronos
 mutantur in annos, primaq; cadunt, & cadentibus
 nova succedunt, quibus paulò post vicissim arescen-
 tibus ac decidentibus, alia in eorum locum quasi subro-
 gantur: sic hominum alij fatis urgentibus occidunt,
 alij exoriuntur: & his quoq; ad præfinitum sibi diem
 lucis usuram reddentibus, ac velut in terram colla-
 bentibus putrescētibusq; denuo subnascuntur, à qui-
 bus hic mundus ad exigui momentum temporis, &
 tanquam ab inquilinis habitetur. Nullus tamen in
 hæc luminis oras, nisi ab iisdem recessurus ingre-
 ditur: moriendi siquidem necessitas proposita est om-
 nibus. Ac proinde graviter Seneca epistola 99.
 Omnes eadem conditio deuinxit. Cui nasci contingit;
 mori restat. Interuallis distinguimur, exitu æquamur.
 Hoc quod inter primum diem & vltimum iacet, varium
 & incertum est. Si molestias æstimas, etiam puero lon-
 gum: si velocitatem, etiã seni angustū. Sed quando quis-
 que ab hac rerum colluie & inanitate profecturus sit, in
 pueritia ne, an in adolescentia, an in confirmata ætate,
 noctu, an interdiu, hoc vnumquēque latet. Nec minus
 quo loco, qua leti forma periturus. Alios siquidem ferro,
 alios igne, alios aquis, nonnullos belluarum moribus,
 quosdam venenis, alios terroribus repētinis, alios fame,
 alios siti, alios præcipiti lapsu, alios laqueo, alios morbo-
 rum

tum scruitia de medio inuisa mors rapit, post quam nihil restat. *Quando ergo illa rerum extremum est, haud in consulto à nobis factum, cum funereis ultimum in hoc volumine locum destinauimus. Scribimus autem ea, qua partim à Christianis (quanquam nō una aliqua in regione, nec vno saculo) partim à diuersis gentibus atque populis in cadauerum procuratione seruata comperimus: & scribimus eo animo, ut quomodo in reliquis, sic in isto rerum ordine, & sermonis scientia, & materia ipsius liberali quadam cognitione iuuentutem excolamus. Nec aliter, quod ad scopum hunc nostrum posteriorem attinet, hi dialogi accipiendi erunt, quam eorum libri, qui vel de re funebri, vel conuiuiali, vel nummaria, similibusue argumentis quippiam ediderunt: in quibus precipiendi causa nihil dicitur. TESTAMENTVM LEGITIMVM CONDIDISTI) Testamentum Iurecos. est voluntatis nostrae iusta sententia, de eo quod quis post mortem suam fieri velit. Tabulas autem testamenti testator tenens, ita dicebat. HÆC VTI IN HIS TABVLIS CERISVE SCRIPTA SVNT, ITA DO, ITA LEGO, ITA TESTOR, ITA QVE VOS QVIRITES TESTIMONIVM PRÆBETOTE. DE ISTO DIVERSORIO) Cato apud Ciceronem. Ex vita ista discedo tanquam ex hospitio, non tanquam ex domo. Commorandi enim natura diversorium nobis, non habitandi locum dedit. Vidit hoc Rex & vates David, & se tandem in isto*

in isto diuersorio, atque carcere detineri ingemuit.
 NEC PROPHETIS APOSTOLIS) Ad mor-
 tem citra recusationem excipiendam valet magnò-
 pere, sapius recordari, non meliori conditione usos vi-
 ros illustres, potentes, religiosos, & Deo imprimis ca-
 ros. Hoc lib. 3. nos docet Lucretius, prolatis Regibus,
 Imperatoribus, artium inuentoribus, poëtis, philoso-
 phis eximiis. Sed carmina ipsa propter summam ve-
 nustatem, quin subiungam, mihi imperare ne-
 queo.

Hoc etiam tibi tute interdum dicere possis:
 Lumina sis oculis etiam bonus Ancu reliquit,
 Qui melior multis, quàm tu, fuit, improbe, rebus.
 Inde alij multi reges, rerumq; potentes
 Occiderunt, magnis qui gentibus imperitarunt.
 Ille quoque ipse, etiam qui quondam per mare magnum
 Straxit, iterq; dedit legionibus ire per altum,
 Ac pedibus salsas docuit superare lacunas,
 Et contempsit, aquis insultans, murmura ponti,
 Lumine adempto animam moribundo corpore fudit.
 Scipiades belli fulmen, Carthaginis horror,
 Ossa dedit terra, proinde ac famul infimus esset.
 Adde repertoires doctrinarum, atque leporum:
 Adde Heliconiadum comites: quorum vnus Homerus
 Sceptra potitus, eadem alijs sopitu' quictè st.
 Denique Democritum postquam matura vetustas
 Admonuit memorem motus languescere mentis,
 Sponte sua lero caput obtutus obtulit ipse.
 Ipse Epicurus obiit decurso lumine vita
 Qui genus humanum ingenio superauit, & omnes
 Praestinxit stellas, exortusq; etherius sol.
 Tu verò dubitabis, & indignabere obire,
 Mortua quoui vita est prope iam viuo, atque videntis

Quis

*Qui somno partem maiorem conteris aus,
Et vigilans stertis, nec somnia cernere cessas,
Sollicitamq; geris cassa formidine mentem?
Nec reperire potes, quid sit tibi sape mali, cum
Ebrins urgeris multis miser undique curis,
Atque animi incerto fluitans errore vagaris?*

EX ISTO INFELICI CONVIVIO) *Qui libentes extrema senectute confecti, aut alioqui annis quibus vixerunt, contenti moriuntur, tanquam è conuiuio saturi videntur discedere. Horat. lib. 1. sat. 1.*

*Inde fit ut raro qui se dixisse beatum
Dicat, & exalto contentus tempore vita
Cedar vii conuiuia satur reperire queamus.*

Lucret. lib. 3.

*Cur non ut plenus vita conuiuia recedis,
Aequo animoq; capis securam stulte quietem?*

Dio Chrysostomus oratione qua Charidemus inscribitur, hanc vitam cum conuiuio variis epulis referto, homines cum conuiuiis pereleganter cõponit. Qui exitus quoniam facilis & sine cruciatu est, qualem sibi Augustus optabat, ευδαιμονία dici potest: quo verbo idem Imp. utebatur. Suet. Aug. cap. 99. IDEM PELAGVS NAVIGAMVS OMNES) *In hanc sententiam Palladas Anthol. lib. 1. Tit. εις ανθρωπινον βιον.*

Πλὺς κεφαλεὺς τὸ ζῆν χειμαζόμενοι γὰρ ἐν αὐτῷ,

Πόλλακι ναυηγῶν πλαιόμεν οἰκίστατες.

τὴν δὲ τύχην βιότοιο κυβερνήτησαν ἔχοντες,

ὥς ἐπὶ τῷ πελάγῳ ἀμφίβολοι πλέομεν.

*Οἱ μὲν ἐπ' εὐπλοίην, οἱ δ' ἔμπαλιν, ἀλλ' ἅμα πάντες
εἰς ἓνα τὸν κατὰ γῆς ὄρμον ἀπερχόμεθα.*

*Quorum quidem versuum paraphrasis hac esse que-
at. Vita nostra qua dicitur, nihil profectò est aliud,
quam incerta periculosaq; nauigatio, in qua tempe-
state quassati, sapius multò grauius ladimur, quam
qui in naufragium inciderunt. Quod si etiam fortun-
nam gubernatricem adepti simus, nihilominus ad-
huc futurorum ignari, velut ancipiti spe per mare ve-
la damus: & alij quidem prosperum cursum tenent:
alij cursu excutiuntur. Veruntamen omnes tan-
dem, nemine excepto, eodem cogimur, & ad unum
quoddam littus peruehimur, quando singuli morte
obita sub terram descendimus. MEDIOCRITA-
TEM SI REQUISIERO) Non esse dolendos (hoc
est, non immodicè dolendos) defunctos hac vita, &
quo pacto quis sese consoletur eximie docet Tertulia-
nus lib. de patientia, non longè à principio. SIMI-
LEM ESSE INTERITIONEM) Hac voce u-
sus est Cicero, Verr. 5. quam quidam inscitè emen-
darunt, ut alias item alibi. Vide Victor. libr. 3. ca-
pite 2. UNA MAENADVM) à μαίνομαι fu-
ro, insano dicta sunt Menades Bacchi sacerdotes.
Ratio appellationis patebit ex verbis Alex. ab A-
lex lib. 6. cap. 19. Qua sacra (Bacchica) præterquam
quod per anum deliram & temulentam indiceren-
tur, eo insolentia processere, ut mulieres virig; hede-
ra ornati, crine fluxo, lymphatis animis debaccha-
re, cum thyrsis velut insanientes, & furore afflata ob-
vios ferirent: ministri quoque fanatici non minore
vesa-*

vesanla ferulas gestarent, tanta temulentia, & verborum licentia, ut *M. Varro* nisi ab amentibus fieri potuisse negares: quare ministra *Manades* dictæ. De his *Ouid. lib. 4. Fast.*

*Mentis inops rapitur, & quas audire solemus
Threicias fufis Manadas ire comis.*

Iuvenal. sat. 6.

*& cornu pariter & unoq; feruntur
Attonita, crinemq; rotant & iuvante Priapo
Manades.*

ET PEDISEQVA) *Matrona*, & matres familiaris Romana ordinis honestioris, sine ancillis nunquam prodibant in publicum, ne si in proximas quidem ades, aut in vicini domum vellent ingredi. Coniectura fieri potest ex *Casina Plautina*, ubi *Murrhina* uxor *Alcesimi* in ades vicinas itura, his verbis ancillas secundum se ire iubet. Sequimini comites in proximum hinc me. TV ET FILIAE SEQVAMINI) *Athenis* mortuorum filia, innupta etiam, aliaq; cognata mulieres in funus prodibant, ac mortuum usque ad rogam sequebantur, quod ex *And. Terentij*, & *Lysia* probat *Victorius lib. 3. cap. 12.* quem moriem hodie quoque gentes quaedam tenent. Quæ autem virgines, & mulieres raro in publicum exire patiuntur, id ipsarum pudicitia diligentius custodiendæ causâ faciunt: sepius enim videre viderique ab aliis, non modo puras mentes, sed etiam pura corpora commaculant. UT EXTREMVM SPIRITVM EXCIPIAM)

Proximi sanguine, morientis corpus, dum traheret animam, amplexi, exhalantis spiritum osculo excipiebant, flatumq; ultimum hauriebant: mox decedentis oculos, & ora claudabant: nefas enim existimabant, à viuentibus decedentium oculos spectari. Prioris illius consuetudinis meminit in 7. Verrina. Cicer. Matresq; misera pernoctabant ad ostium carceris, ab extremo complexu liberum exclusæ, quæ nihil orabant, nisi ut filiorum extremum spiritum excipere sibiliceret. Virgil. quoq; Æneid. 4.

*Et extremus si quis super halitus errat
Ore legam.*

De more claudendorum oculorum hunc in modum. Plinius lib. 11. cap. 37. Morientibus oculos operire, rursusq; in rogo patefacere, Quiritium magno ritu sacratum est, ita more condito, ut neq; ab homine supremum eos spectari fas sit, & calo non ostendi nefas. Virgil. 9. Æneid.

*nec te tua funera mater
Produxi pressine oculos, aut vulnere laui.*

Optat etiam Penelope ad Ulysssem scribens, ut Telemachus communis filius amborum oculos claudat: id est, ambobus superstes viuat. In consolat. ad Liuiam uterq; mos uno disticho tangitur.

*Sospite resaltem morior Nero, tu mea conde
Lumina, Et excipias hanc animam ore pio.*

PROGYMNASMA
SEPTIMUM ET QVINQVA-
GESIMUM.

*Curatio corporis exanimi, prius-
quam efferretur.*

GRANIVS, MELANTHVS.

GRANIVS. Antequam pro eo ac te facturum
spondidisti, enarres mihi rerum veterum
percupido, quæ priscis sæculis ante huma-
tionem, vel potius ante vstionem domi cadaueri-
bus adhiberentur, velim exponas, pollinctorum,
libitinariorum, vespillonum quæ functiones fue-
rint: sic enim eorum discrimen intelligam. M. Pol-
linctores erant, qui corpora mortuorum lauabant
& vngabant, à pelle vnguenda conformata voce,
quasi pellis vnctores dicas. Plaut. Pseud.

Eorum alter viuit, alter est emortuus,

Propterea apud vos dico confidentius,

Quia mihi pollinctor dixit, qui cum pollinxerat.

Libitina dea funerum erat, in cuius æde prosta-
bant, quæ humandis, siue efferendis corporibus
essent vsui. quas res *μελορυμνίως* Libitinā vocauit
Liuius lib. 41. cum dixit: ne liberorum quidem fu-
neri Libitina sufficiebat: ob magnam scilicet mo-
rientium vim. Vitare Libitinam apud Horatium
est mortem effugere, & immortalitatem adipisci.
Ab ea nominati sunt Libitinarij, quorum cura &

occupatio in procurandis funeribus versatur. Eorum vota Seneca lib. 6. de benef. ait esse, ut cōplures moriantur cuius modi illorum quoq; , qui captandorum testamentorum artem professi sunt. Vespillones sunt baiuli, qui cadauera ad sepulturā exportāt. G. Teneo ista. Quid ergo, & quo ordine fiebat, cum quis naturæ debitum reddidisset? M. Statim efflata anima, antequam calor omnis dissipatus corpora defereret, membra dirigebant, & ad pristinam, ac naturalem corporis formam perducebant: si forte (quod usu venire nosti) morientes extremo illo tempore partem aliquam contraxissent: deformitatem quippe illam nō ferebant. Deinde lauabantur, non aqua tantum viua & pura: sed admixtis liquoribus odoratissimis, & rosīs, amarantho & similibus herbis, aut florib' eliquatis, ut teter halitus pelleretur, qui plerunq; exanimis statim comitatur. Post ungebantur. Unguentum erat non vulgare: tam odorum sape, ut quis nasutissimum se, seu etiam nasum fieri optaret, quo delicatæ illius voluptatis quam plurimum attraheret, Nec semper pollinctores, aliquando etiā mulieres hanc lotionem vnctiōemq; peragebant, & lauabant calida. Precipue faminarum hoc munus fuisse conuincimus ex illo Ennij.

Tarquiniū corpus bona femina lauit, & unxit.

Socrates quoq; in Phædone cicutam bibiturus, ita loquitur. Ac fortasse iam tempus est eundi in lapacrum. Nam mihi quidem cōsultius videtur, me prius lauari, quam bibam venenum: nec mulieribus negotium faceßere, ut mortuum lauet. Naribus & auribus stuppam indēbant, ne quid fœdi odoris

odoris emanaret: manus item & pedes institis colligabant. Myrrha præterea, aloë, & varij generis odoramentis cadauer condiebant, & capite tenus mundissima sindone inuoluebant. G. Omnibusne ista cōtingebant? M. Haud omnibus, sed nummatis & copiosis. G. Interea tamen æqua tellus recluditur summis atq; infimis: nec ego multum referre duco, quid me extincto fiat: quis mihi oculos claudat: quis me lauget, vngat, condiat: atque ut nemo alius, odor me sepeliet. M. Suaueolentibus flosculis cadauer humi super tapetum depositum aspergebāt, & de viridissima nescio qua herba sertum contextū capiti imponebant, & in Italia quidem toga, magistratus prætexta, Censores purpurea tota, in Græcia pallio amiciebāt. Demum corpus exanimatum in ædium vestibulo, ad ianuam collocabant, quod verbo proprio collocatio dicebatur. Ita porro collocabant, ut corpus foras spectaret, facie ac pedibus in publicum versis: ad significandum, non esse reuersurum. Sæpius tandem conclamabant corpora: hoc est, mortui nomen vocibus claris ore plurium iterabant. G. Cur hoc? M. Quòd, ut Plinius ait libro septimo, capite quinquagesimo secundo, solet plerumque vitalis spiritus exitusque putari, & homines fallere. Ibidem narrat, quendam pyræ impostum, adhibitis ignibus arrestum esse, nec liberare potuisse. De conclamatione Lucan. libro quinto,

sic funere primo

*Attonita tacere domus, cum corpora nondum
Conclamata iacent.*

Inde natum illud Terentij in Eunucho. Desine, iam conclamatum, hoc est, transactum, finitum est, spei nihil superest. Euerriator dicebatur, qui domum vnde mortuus efferendus esset, certo genere scoparum adhibito purgabat. Cupressinus ramus (quæ arbor excisa nō renascitur, & ex mortuo nihil est sperandum: quam ob causam Diti sacra habebatur) in vestibulo mortui, seu super limen superum ianuæ ponebatur: tum propter significationem quam dixi: tum propter carimonias sacrorum, quibus pop. Rom. obstrictus erat: ne quis scilicet imprudens funestam domum rem diuinam facturus introiret, & velut attaminatus suscepta peragere non posset. Diuitum autem duntaxat, non omnium ædibus præponi solitum auctor Lucanus.

Et non plebeios luctus testata cupressus.

Per præconem porrò funus ita indicebatur. OLIVS LETHO DATVS EST. Græcis quibusdam septendecim diebus corpora domi seruare, antequam cremarentur, sollemne fuit. Itaq; & Homerus Odys. lib. 24. Achillis corpus totidem diebus & noctibus defletum, & octauo decimo crematum tradit. Hæc hætenus, pauca de multis. G. At mihi multorum instar.

ANNOTATIONES.

Inter ceteras orationes, quas summa gravitate, doctрина, eloquentia cumulatæ emisit in publicum Franciscus Bencius, qui cum mihi multa iam pridem necessitudo intercederet, lege quæso diligenter illam, qua

quarationem funerū apud Romanos explicauit. Omnimodis praeclare in eo argumento versatus est. Quae autem carimonia in Christianorum funeribus olim adhiberentur, eruditè admodum differit Ioan. Steph. Durantus de carimon. Ecclesia, lib. 1. cap. 23. POL-LINCTORES ERANT) Vide praterea Turneb. lib. 28. cap. 31. DICTI SVNT LIBITINARIJ) Possumus hoc nomine eum afficere, qui humo defunctos operit, in scrobe scilicet: aut etiam, qui eos in hypogaeo, seu crypta subterranea deponit, qui Germanis *ἑοδῆς* grāber / Graecis *ταφῆς*. VESPILLONES SVNT) Festus. Vespæ & vespillones dicuntur, qui funerandis corporibus officium gerunt, nō à minutis illis volucribus: sed quia vespertino tempore eos efferunt, qui funebri pompa duci propter inopiam nequeunt. NATVRÆ DEBITVM REDDIDERVNT) Cic. 1. Tuscul. Pellantur ergo ista ineptia pane aniles, ante tempus mori miserum esse. Quod tandem tempus? naturane? At ea quidem dedit vsuram vitæ, tanquam pecunia, nulla praestituta die. Quid est igitur quod querare, si reperit cum vult? ea enim conditione acciperas. POST VNGEBATUR) Cur ungerentur, donatus in Virgil. causam hanc ponit, ut celerius arderent. Immo ut minus faterent dum cremarētur. Quidam aliam, ut diutius integra conseruarentur. Viriusq; moris, lauandi, inquam, & ungendi testis Homerus Illiad. 18. de funere Patrocli, & Odyss. lib. 24. de Achille mortuo. Sic Vigil. lib. 6. de Miseno.

*Pars calidos latices, & abena undantia flammâ
Expediunt, corpusq; lauant frigentis, & ſungunt.*

ODOR ME SEPELIET) Diogenis eſt, qui aliâs
item rogatus, num ſeruulum, aut ancillam haberet,
negauit. Dicenti, ſi ergo mortem obieris, qui nam te
ad ſepulcrum efferet? Qui domo, inquit, indigebit.
DIVITVM AVTEM DVNTAXAT) Cuius rei cauſa
videtur raritas arboris, quod initio pauci in agris,
aut intra urbanas villas eam inſtituebant. Intelligitur
hinc, quam obrem cupreſſos Horatius ſerales, inuiſas,
funebres, Virgilius atras dixerit. Principio idcirco
adhibitam funeribus quidam putant, ut corpus hu-
manum ab anima iam relictum diutius ſeruaretur,
maneretq; incorruptum. Sed cur prope rogam eadem
arbor depangeretur, docebit Iunius lib. 1. cap. 20. OL-
LVS LETHO DATVS) Varronis locus eſt lib. 6. de
ling. lat. e Apud Ennium. Olli reſpondet ſuauiſ ſonns
Egeriai. Olli valet dictum illi, ab olla, & ollus. Quod
alterum comitiis cum recitatur, à pracone dicitur ol-
la centuria: non illa: alterum apparet in funeribus in-
dictiuiſ quom dicitur, OLLVS LETHO DATVS
EST, quod Græcus dicit λήθη, id eſt obliuioni. Vult i-
gitur Varro lethum dici quaſi λήθη: eo enim reſpicit,
quod veteres mortis mentione abſtinebant, ne ſoge-
rentur δουλοειν. Quare etiam obitionem pro
morte dicebant. Conſule coniectanea
Scalig. in Varron.

PRO-

PROGYMNASMA
OCTAVVM ET QVIN-
QUAGESIMVM.

*Funerea vestimenta, & tempus
luctui præfinitum.*

NICOMEDES, APPIANVS.

NICOMEDES. Magnopere miror, Appiane, quæ tam grauis te causa impulerit, ut reiecto pristino amictu, eleganti illo atq; mundo, atratus, sorditatusque, nec caput, nec barbam tonsori committens, dies iam bene multos, quod obseruavi, incederes. Num in iudicium pertractus, aut auitis fortunis cedere, aut solum vertere, aut restim capere, aut obstricto collo facere literam longam iussus es? A. Num hic vigilans somniat? nihil horum. N. Quid vult ergo sibi hæc mutatio? A. Quid velit? audies. Meus auunculus maior curriculum viuendi à natura datum confecit: quem, uti more communi Christianoq; receptum est, lugeo: quod officium tu præstares similiter, si de cognatis tuis quispiam anima superare desisset. N. Egone ut pullatus ingrediar? nunquam me hic color delectauit: mœstitudinis quippe index est, quæ cordi meo non placet. A. Nemo tamen vllò in sæculo repertus est, quem non aliquis aliquando attigerit in vita dolor, cui non aduersum

uersum quippiam & acerbum euenerit: vt proinde malum mœrorem mistum bibere interdum vnumquemq; hominem natum, volentem nolentem oporteat. N. Philosophari hoc quidem est. Quin tu ab isto luctu molestiaq; te abducis, & hûc eius nuntium valere iubes? A. Non sum eo vsque piarum consuetudinum inimicus, vt hoc leuitatis suscipere in animum inducam. N. Stultitia est venatû ducere inuitas canes: nihil promoueo. Quâdiu igitur gestabis hunc tristissimum pileum, hanc togam funebrem, hoc lugubre pallium? A. Annû integrum. N. Annum integrum? certûmne? A. Certum. N. Cuius præcepto? Quo exemplo? mulieribus quidem seu Romulus, seu Numa decem mensium luctum præscripsit, non viris. A. Neceffe haud est, nos omnia, quæq; agimus, quæq; dicimus vel exempli vetustate stabilire, vel literarum auctoritate corroborare posse. N. Verum. A. Veruntamē, quoniam discendi cupidum auditorem me nactum suspicor, de tempore luctibus præstituto nonnulla promam. N. Tam gratum id mihi futurum puta, quam quod gratissimum. A. Docet Plutarchus, Numam Pompilium, quem tu paulo ante nominabas, puerum trimo minorem lugeri plangiq; vetuisse: filiiis tamen ad parentum, & vxoribus ad maritorum obitum mœrendum decem menses constituisse, annum videlicet integrum, vt eû Romulus decessor digesserat. Qua de re principio i. Fastor. Ouidius. Tantundem spatij parentibus ad filiorû, & sororibus ac fratribus ad mutua funera lugenda impertiuit. Quidam filios non luxerunt omnino, quod ad magnitudinem animi

nimi referendū sentio. N. Nomina istos. A. Quintus Maximus, & L. Paullus, & Cato Censorius: & inter Græcos Anaxagoras, & Xenophon. N. Cur tu non potius istorum sapientum, & illustriū hominum, quam obscurorum exempla imitari vis? A. Volo, si possim modo. Sed naturæ stimuli sunt peracres, cui nescio an semper resisti debeat: certè non semper potest. N. Non negauerim. A. Quid sacræ literæ? an non Moysen & Aaronem ab Israelitis 30. Saulū 7. Iudam Machabæum diebus compluribus defletos commemorant? N. Recordor me ista legisse, nec improbasse tam humanum factum. A. Licet igitur tam grauibus, testatisq; exemplis lugere mortuos, nec parum diu. Quia verò tu de hoc loco plura non requiris, de vestibus lugubribus, si placet, cæptū sermonem pertexamus, ostendamusq; tum apud quos vsitata, tum quales fuerint. N. Mihi verò, & vehementer quidem placet: nec seriò illa dixi, quæ in primo congressu dixi: iocabar scilicet, & ex te hanc ipsam scholam elicere volebam: quamquam ea quoq; mihi periucunda accidit, quam de luctus tempore explicaui. A. Visne à profanis, an à sacris libris ordiamur? N. Malo equidem à sacris, quòrum auctoritas & pondus cæteris scriptoribus lumen addit, & robur ad fidem faciendam conciliat. Siquidem tum potissimùm aliquid cum veritate coniunctū esse credimus, cum sacri cuiuspiam voluminis testimonio fuerit confirmatum. A. Rectè. Cognoscimus sanè ex libro, qui Iudith inscribitur, viduarum certum quoddam fuisse genus vestiū, quas lugubres appellare quid prohibet? Abstulit, inquit,

quit, cilicium suum, & exiit se vestimentis viduitatis suæ. Ante id tempus, iam inde vsque à mariti morte, cum in squalore iacens corpus negligeret, non vnguentis, non sandalis, non mundo muliebri vteretur, quid agebat aliud, quàm luctui indulgebat? Cæterùm infra, vbi exponitur. quo se pacto lauerit, compserit, ornauerit. vt Holofernem Nabuchodonosoris Regis potentissimi Ducé amoris spiculo vsque ad venas & ossa vulneraret, inter alia: induit se, inquit, vestimentis iucunditatis suæ. De sanctissima item regina Esther scriptum est, propter imminens suæ genti internecionis periculum, vestem regiam posuisse, & illi tempori aptam induisse, suumque caput cinere & stercore impleuisse. Illa insuper famina, quæ Absalonem Dauidis filium in patris gratiam reducere conabatur, lugubri indumento viduam se esse limulabat. Thamar quoque cultum viduitatis deposuisse traditur. N. Tantum mulieres? Immo & viros: sed breuitatem secutus, duos solum, eosque reges proponam. De Ezechia his verbis in quarto regum legimus: Quæ cum audisset Rex scidit vestimenta sua, & opertus est sacco. Illustrissimum porro testimonium est apud Ionam Prophetam de Niniuitis. Et prædicauerunt ieiunium, & vestiti sunt saccis à maiore vsq; ad minorem. Et peruenit verbum ad Regem Ninive. Et surrexit de solio suo, & abiicit vestimentum suum à se, & indutus est sacco, & sedit in cinere. N. Exemplorum sat est. At ego non tam de lugubribus, quam de funebribus vestimentis, an ea nimirum in vsu fuissent, doceri cupiebam. Amphora capta est institui, cur-
rente

rente rota exiuit vrceus. A. Quid dubitas, cum in luctu gesserint vestes singulares, num eas etiam eo in luctu gesserint, qui plerunque intolerabilis, & immensus est, ob interitum videlicet charissimorum accensus? N. Nō aduersabor tibi hac quidem in re diutius. Cuiusnam coloris, seu quale fuisse existimas illud vestimentorum genus? A. Nigrum, pullum siue atrum ferme, & magna ex parte. Tamen apud Græcos viri fæminæq̃, Syracusani, Argiui candidis in luctu vestibus amicti leguntur. Nostræ quidē mulieres pullatæ cum sint in luctu, nihilominus subtili stamine linteum candidū capitibus imponunt. Apud Iapones, de quorū moribus & insula scribunt multa societatis IESU Patres, & Petrus Ioannes Maffæius præsertim historiarū Indicarū lib. 12. tristis color habetur albus, niger lætus: ac proinde hunc rebus secundis, illū aduersis, adeoq̃ in luctibus & funeribus adhibent. N. Quæ tua est sententia? A. Nigrū esse communiorē, suæq̃ natura ad dolorē & mœstitiam prodendam magis idoneū, quam vllum aliū. N. Mihi idem videtur. Quid autē est, cur sancti Doctores, vt Chrysostomus, Hieronymus, Cyprianus suis Concionibus harum vestium vsum tam acriter insectantur? A. Non vsum, sed abusum in vituperationem adducunt, & id, quod nimium est, culpæ dant, nō quod satis, vt etiam in luctu. Nolunt enim Christianos tantum in his ritibus momentū putare & ab ethnicorum stultitia eos desiderant longius recedere. N. De cubiculorum, hypocæustorum, totiusque domicilij parietibus atro panno ad mœrorem indicandum coopertis quid sentis? A. Hanc

consuetudinem non solum esse, verum etiam esse illorum oportere, qui pecuniarum modo, & nobilitate generis præstant aliis; quorum vniuersa ratio funebris (neque id immerito) apparatior & gloriosior est. Quod si etiam fenestrae claudantur, ut degatur in perpetuis tenebris, & in meridie lumen accendatur, non probo. N. Probant tamen qui faciunt: quanquam in Germania nostra haud credo vsquam fieri. A. Cordatior genus, multa respuit, quæ cæterarum mollities, & imbecillitas contemnere potest.

ANNOTATIONES.

NEC CAPVT, NEC BARBAM) *Ægyptij & Assyrij squalore & sordibus obsiti, cæno obliti, capillum summittentes, & barba detonsa; Milesii rasis capitibus: Persæ coniugibus & liberis detonsis lugebant mortuos. In funere autem clarorum virorum seipsos, equos, & iumenta tondebant. Apud Græcos viri capillum barbamq; summittebāt, mulieres tonsis crinibus erant. Lege Alex. ab Alex. lib. 3. cap. 7. In grauissimo luctu, ingentique calamitate caput etiam cinere conspergebant, seu puluere deturpabāt aliqui, quod Homerus non vno loco testatur. Euripides in Supplicibus. Virgil. lib. 10. FACERE LITERAM LONGAM) In Aulul. est suspendio semet afficere, suspendio vitam abrumpere. In quem locum vidēdus Lamb. Controuersia enim est, quæ sit intelligen-*
da li-

dalitera longa ibidem: utrum certa aliqua, an quæ-
 niscarum, quas nos appellamus maiusculas, Cicero
 maximas, & grandes: ut minutulas, quas nos minu-
 sculas. QVEM NON ALIQUIS ALIQVANDO)
 Euripidis quidē Hecuba: κείνος δ' ὀλβιώτατος, ὅτε καὶ
 ἡμᾶς τυγχάνει μὲν κακόν. Ille felicissimus, cui nihil
 in diem obtingit mali. Proferatur tamen aliquis, cui
 vel unicus dies tam feliciter, & tam sincera in letitia
 exactus sit, ut eodem non vel delictorum conscientia
 illum pupugerint: vel irarum faces non incenderint:
 vel motiones aliqua rationi parum obtemperantes nō
 exagitarint? Quis tutus fuit à superbia? ab invidia?
 à libidine, idque vel paucas horas, quid dicam totum
 diem? Quem nō laesit, non perturbavit aliqua in par-
 te quippiam? Quis integro die nihil iniucundum a-
 spexit? nihil molestum audiuit? nihil, quod nollet ul-
 lo sensum hausit? Nullum in hac vita merum pu-
 rumque gaudium, & voluptati semper dolor it comes. A
 parentibus quoque, ab uxoribus, à liberis, à charissi-
 mis denique sollicitudines & angores nobis suboriuntur:
 & cum ad somnum, ut ad medicinam, ut ad securis-
 simum portum confugiamus, in eo ipso persape atroces
 tempestates inuenimus. PRINCIPIO. I. FAST.
 OVID.) Causas anni à Romulo decem mensibus cir-
 tumscripti, duas affert. Ouid.

Est tamen & ratio, Caesar, qua mouerit illum,
 Erroremque suum quo taceatur habet.

Kk

Quid

*Quod satis est vtero matris dum prodeat infans,
 Hoc anno statuit temporis esse satis.
 Per totidem menses à funere coniugis vxor
 Sustinet in viduali tristitia signa demo.*

*Q. MAXIMVS, L. PAVLVS, ET CATO) Fate-
 tur Cic. épist. 6. lib. 4. qua ad consolatoriam Sulpitij
 respondet, hosce viros clarissimos non luxisse filios:
 sed tamen non defuisse illis in ea fortuna magnū quod-
 dam solatium affirmat, quo recreati casus suos ferrent
 moderatius. Sibi autem ad consolationem nihil reli-
 ctum. ANAXAGORAS, ET XENOPHON) A-
 naxagora quidem cum esset renunciata & damnatio
 sua, & filiorum mors, ad alterum dixit: iam pridem
 aduersum Athenienses atq; se ex aquo naturam tu-
 lisse sententiam. Ad alterum: sciebam me genuisse
 mortales. Laert. lib. 2. Cic. Tuscul. 3. Valer. lib. 5.
 cap. 10. de Xenophonte. Cum sollempne sacrificium
 perageret, è duobus filiis maiorem natu, nomine Gryl-
 lum, apud Mantineam in pralio cecidisse cognouit:
 nec ideo institutum deorum cultum omittendum pu-
 tauit, sed tantummodo coronam deponere contentus
 fuit. Quam ipsam, percontatus quonam modo occi-
 disset, ut audiret fortissimè pugnatem interiisse, capiti
 reposuit: numina quibus sacrificabat testatus, maio-
 rem se ex virtute filij voluptatem, quam ex morte a-
 maritudinem sentire. PLVRA NON REQVIRIS)
 Quoniam de tempore luctus hac disputata sunt, ad-
 damus per pauca, de luctu scilicet minuendo, eoq; pub-
 lico*

lico & privato. Minuebatur populo luctus adis dedicatione, cum à censoribus lustrum condebatur: cum votum publice susceptum soluebatur. Privatis autē, cum liberi nascerentur: cum honos in familiam veniret: cum pater aut liberi, aut vir, aut frater ab hoste captus domum rediret: cum puella desponderetur: cū propiore quis cognatione, quàm is qui lugebatur nasceretur. Festus. Blond. Roma triumph. lib. 2. Crinit. lib. 19. cap. 12.

PROGYMNASMA
NONVM ET QVINQVA-
GESIMVM.

Apparatus, & pompa funerum.

SERVATIVS, GRATIANVS, EVODIVS.

SERVATIVS. Ecquid hesternò die lugubri spectaculo, exsequiisq; præsentes interfuistis, cum efferebatur apparatissimo funere huius Reip. Cos. vir omnibus rebus clarissimus atq; amplissimus? G. Non defuimus Seruati: sumus enim uterq; istiusmodi celebritatū pomparūq; paulò audiores: & magnificētiam funeris cum libenter contēplati, tū vehementer admirati sumus. E. Ego quidē splendidius aliquid & ornatī⁹ in hoc genere me vspiciā vidisse haud recordor. Primò enim feretrū (quem etiā lectum, & lectulū, & sandapilā Latini vocant) non visēbatur coopertū pallio atro

Kk 2 lineo

lineo seu laneo, quod longa crux per medium, alba siue rubra, panni damasceni siue aurei distingueret: sed sericum, in quo Saluatoris de cruce pendētis, Marięq; & Ioannis astantium pulcherri-
 mis coloribus, auro etiam argētoque intermixto depictę imagines. Oram circum emblemata seu parerga mirificè decorabant. Velum illud candi-
 dum, quod infra est, & loculum proximè attingit, atque ex omni parte ante nigrum prominet, erat nimirum carbasinum: vt iam aliquanto minus mirum videatur, si Principum, Regum, & Imperatorum feretra purpureis, aureisue tegumen-
 tis insternantur. S. Illa simpliciora pallia seu tegmina, quę dicebas, tenuiorum ciuium, & opifi-
 tum cadaueribus plerunque adhibentur, quę etiam linteis detritis, & foraminum plenis inuolui solent, sine vnguentis, sine odoribus. Ferebant au-
 tem humeris exanime corpus sex, totius ciuitatis honestissimi, quos senatores fuisse interpretor: de facie non satis cognoscebam. G. Non indecorè à sui ordinis hominibus ad tumulum est deportatus. E. Quomodo? S. Cernimus opifices ab opi-
 ficibus ὀνοτέχους, monachos à monachis, sacerdo-
 tes à sacerdotibus, milites à militibus efferri. Est vbi virgines à virginibus, puerperę à nuptis effe-
 runtur. Qui mos nec mihi displicet, nec cuiquam prudenti improbabitur. Quin item arbitror Epi-
 scopos ab Episcopis, si affuerint plures, ad sepultu-
 ram gestandos. Vniuersè vt loquar, nullum est ex omnibus oneribus onus honorificentius, quam in ceruicibus Christiani mortuus. Et, si tolluntur laudibus, qui extinctos terrę mandant, non æquè tollen-

tollendi erunt, qui mandandos apportât? E. Omnes ego in laude ponendos duco, qui funeri quoquo modo dant operam, dum id modo non solo mercedis amore agitent: vt designatores, libitinarios, sandapilarios, bustuarios, qui funebrem psalmodiam canunt, qui faculas præferunt daduchos, qui iusta faciunt, qui glebam in os iniiciunt, qui sequuntur: quorum erat heri vtriusq; sexus multitudo immensa: è qua complurium vultus fletu irrigatos aspiciebam, qui est honor mortuis honestissimus: lacrymæ namq; viuorum sunt ornamenta mortuorum. Profectò hic vir lectissimus, atque ornatissimus, senatus columen, præsidium populi nec ἄταρος est, nec ἀκλαύτος. S. Quis Consul nomen & personam vnquam gessit dignius? quàm multi etiam sacerdotes linteati in hac exsequiarum pompa? quam multæ maiorum imagines? G. Mostenet quibusdam in regionibus, vt eius artis atque studij instrumenta vel præferantur, vel feretro imponantur, quod in vita defunctus excoluerit. Exempli causâ, militi, aut equiti aurato galea, gladius, calcaria: Doctori volumina, seu codices. Solent præterea familiæ insignia eleganter picta, & cereis facibus, & vesti stragulæ, quo feretrum contegitur, affigi. E. Nec istud heri desiderabatur: & quidem præ multitudine funalia numerari non poterant. Domorum fenestræ spectatoribus complebantur. S. Verius illa ex duodecimo vsurpemus.

*Tum studio effusa matres, & vulgus inermum,
Inualidiq; senes, turres & tecta domorum
Obsedere.*

E. Cantum & hymnos funebres præ campanarum strepitu, & lamentantium vocibus ægre audiebamus. Sanè postquam in ædem ventum est, laquearia resonabant. S. Valde commendanda consuetudo, vt antequam sepulchro tradatur cadaver, ante aram collocetur, dum iusta sacrorum, & funeralia illa absoluta sint: quo tempore bis aram circumeuntes demortuorum cognati & affines, eorum expiandis animis offerre pecuniam in usus sacerdotum consueverunt. G. Nec illa non laudanda, cum à certo homine gratiæ aguntur honoratioribus, quod in funus prodierint. S. De pænegyrico autem, seu laudatione funebri, quam habuit Curio maximus, quid iudicatis? E. Ita commendasse mortuum, tanta rerum copia & splendore verborum, vt melius nemo possit. G. Idem est meum iudicium. S. Tutum est post fata laudari, quando in superbiam nullus concitatur. Est etiam vtile & honestum: nam ita dolor amicorum nimius aliquantum lenitur, iuuentus ad virtutis imitationem spe honoris & gloriæ accenditur, & bene de Rep. meritis gratiæ referuntur.

ANNOTATIONES.

APPARATVS ET POMPA) Quo apparatu, qua celebritate, quibusq; ritibus eorum corpora, qui magistratus & honores gessissent, Romani ad rogum producerent, copiose ac diligenter Alex. ab Alex. lib. 3. cap. 7. De tibiis item & tubis in funeribus, Magius

*Magius libro primo, capite decimo tertio, in eodem
quinam fuerint Siticines. Fuit item usus luminum
cereorumque in funeribus & parentalibus, ut patet ex
Suetonij Augusto, Tiberio, aliisque scriptoribus. Bene
tamen D. August. Cuius libro primo, capite duodeci-
mo. Omnia ista, id est, curatio funeris, conditio sepul-
tura, pompa exsequiarum, magis sunt viuorum solat-
ia, quam subsidia mortuorum. Si aliquid prodest im-
pio sepultura pretiosa, oberit pio vilis, aut nulla. PRI-
MO ENIM FERETRV) Positi mortui dicuntur,
cum aut in feretro, aut in pyra sunt collocati. Ouid. ad
Liniam de morte Drusi.*

Tene ego sustinco positum scelerata videre?

Idem.

Nec iuuenis positi supremos destrue honores.

*GLEBAM IN OS INIICIUNT) Veteres non in-
tegras ac solidas glebas, sed tritum ac minutum pul-
uerem iniiciebant mortuis: credo, ne pressu dolorem
eis aliquem afferrent. Quo respexit Horatius, cum
in Archita Tarentini epitaphio bis puluerem nomi-
nat lib. 1. Ode 28. Romani, ut ex Cicerone ac Varrone
notum est, glebā iniicere solebant. Muret. lib. 10. cap.
19. Nos Christiani quoque sepeliendis terrā iniicimus,
nulla superstitione, sed desiderio perpetrāda misericor-
dia, cuius una pars est, sepelire mortuos. LACRYMÆ
NAMQUE VIVORVM) Signū quippe sunt amoris:
amari autem, & amatum esse, etiam lumini vitali
perfunctis honestum gloriosumque ducitur. Iudei cum*

Iesum Seruatorem ad tumulum Laxari plorantem intuerentur, ecce, aiebant, quomodo amabat eum. Sunt item indices doloris, qui ex eo creatur, quod is qui anima caret, viuentes orbos, aut magnis utilitatibus spoliatos deserit. Hoc similiter honorificum est defunctis. Ornant autem mirabiliter mortuum publica & communes lacrymae, quas populi & ciuitates bonis Principibus, Rectoribusque, ut parentibus persolunt. Simonidis quidē epigramma in Nicodicum est huiusmodi.

Τῶν αὐτῷ πρὸς ἑκαστος ἀπολλυμένων ἀνιᾶται,
Νικοδικὸν τε φίλοι, καὶ πόλις ἦδε κλάει.

Vnusquisque lugetur à propinquis, & consanguineis suis, ubi decessit, aſt Nicodicum amici, & tota hac ciuitas amiſſum deplorat. Sed Ambroſium audiamus, cuius hæc ſunt in oratione de obitu Valentiani Imp. Soluamus bono principi ſtipendiarias lacrymas, quia ille nobis ſoluit etiam mortis ſux ſtipendium. Nec tamen flendi admonitio neceſſaria. Flent omnes, flent & ignoti, flent & timentes, flent & inuiti, flent & barbari, flent & qui videntur inimici. Quantos iſte de Galliis vſque huc totius tractu itineris populorum egit gemitus? Omnes enim non tanquam Imperatorem ſibi, ſed tanquam parentem publicum obiiſſe domeſtico fletu doloris illacrymant, ſuâque omnes funera dolent. Amiſimus enim Imperatorem, in quo duo pariter acerbant dolorem, amorum immaturitas, & conſiliorum ſenectus
MAIORVM IMAGINES) *Tria hæc erant iura*
apud

apud antiquos, agrotationis, gentilitatis, stirpis. Nobiliorum fuit gentilitas, eorum scilicet, qui imagines generis sui proferre poterant. Unde imagines pro nobilitate generis accipi sæpe solent. Cic. de lege Agraria orat. 2. significare volens, se nouum hominem, id est, nulla generis nobilitate commendabilem, Consul tamen factum: quemadmodum cum petebam, inquit, nulli me vobis auctores generis mei commendarunt: sic, si quid deliquero, nulla sint imagines, quæ me à vobis deprecentur. In Pisonem fumosas imagines appellat antiquissimi generis stemma. Mos autem viguit Romæ, ut imagines maiorum in funeribus ducerentur ad gentilitatem ostendendam. Cicer. 2. de Orat. Brute quid sedes? quid animum illam patri nuntiare vis tuo? Quid illis omnibus, quorum imagines duci vides? Loquitur de anu Iunia, Bruti agnata, quæ efferebatur. Hæc, & quidem multo copiosius Budæus in Pandect. LAUDATIONE FVNEBRI) Cic. lib. 2. de legibus. Honoratorum virorum laudes in concione memorator, eosq; etiam ad cantus, ad tibicinem prosequuntur. Primus omnium P. Valerius Publicola L. Iunium Brutum collegam pro concione laudauit. Translata est eadem res postea ad feminas, laudatæq; princeps Popilia mater Catuli. Cæsar Quæstor, ut refert Suetonius, Iuliam amitam, & uxorem Corneliam defunctas pro rostris laudauit. Instituerunt etiam Græci laudationes huiusmodi,

quas ἐπιφώρις λόγους vocarunt, quoniam primum ad
tumulos pronuntiarentur eorum, quos ita laudibus
decorabant. At non nisi iis, qui in praelio occubuis-
sent, ut apud Platonem, Thucididem, & Demosthe-
nem videre est. M. Tullij 14. Philipp. bona ex par-
te in legionem Martiam, qua ad Mutinam oppeti-
nerat, ut item 9. in Servium Sulpitium in legatione
ad Antonium pro Repub. obeunda mortuum scripta.
Scripsit ornatissimam funebrem Isocrates ad Euago-
ram Regem Salamina Cypri, patrem Nicoclis. Chri-
stiani quoque hunc honorem mortuis habendum indi-
caverunt. Inde est quod complures antiquorum Pa-
trum funebres orationes legimus.

PROGYMNASMA

SEXAGESIMVM.

*Flosculi, herbæ odoriferæ,serta,
coronæ, quibus anima exuti
cobonestantur.*

CAMILLVS, DECENTIVS.

CAMILLVS. Cum ante meridiem adiissem
visitatum Doctorem nostrum, quem affe-
ctum esse heri primis tenebris famulus eius
mihi renuntiauerat, cum in exedra sedentem, &
paulò

paulò sese habentem melius, quam per noctem habuisset: pallore tamen multo adhuc suffusum, & immoderata vomitione nō mediocriter debilitatum ac nauseabundum inueni. Aderat eidem Flaminius, homo, vt nosti, literarum studiis mirificè deditus, & vrbani- tate præcipuus. Postquam inter nos consalutauimus: Quid tu? inquam, mi Præceptor, rectène iam, atq; vt vis vales? nuntius enim hesternus ad summum me timorem nil tale suspicantem traduxit. Hic ille. Egone? vt queo, Camille. Reliquiæ sunt, quas hoc biduo depellam. Tu asside in hac sella, & pauxillum da operâ, dum inchoatum sermonem decurrimus. Libenter gero morem, inquam, capiq; confestim sedere ad lauam, nec me pœnitet: recessi enim doctrina auctior. D. Indicasses vno verbo te iturum, comitem tibi me addidissẽ. Sed quoniam de eius inualetudine nihil cognoui, dabit veniam absentia. C. Nondum sol ad occasum commeauit. D. Intelligenti pauca: ita sum facturũ: nam mihi tam charus est quàm tibi: pœne dicam, quam ipse sibi. Quis autem fuit ille sermo? C. Elegantiorẽ scientia, qua pollet, refertus. D. De Eloquentia? cuius magister est optimus. C. Non. D. de studio antiquitatis? C. nec istuc. D. Ne tam diu me hiare sinas: impinge bolum faucibus, & dimitte. Qua de re colloquium miscuerint, quid memoria dignum attulerint, narra: vt quomodo tu illi, sic ego tibi beneficio improuiso deuinciar. C. Non patiar me rogari pluribus. De rebus funebribus mentio inciderat. Et cum Flaminius conspexisset forte variis aspersum flosculis pueri de-

functi

functi corpusculum, hoc ipsum magistro detulerat, familiariterq; ex eo quæsierat, quid ex probatis scriptoribus de hoc more exanimes floribus, herbis odoratis ac sertis honorandi in medium proferri, quæq; illius rei ratio videri posset. At enim quasi agatur res, non quasi commemoretur, ita suauissimam illorum disputationem, festiuissimumq; dialogum exponam, si annuis. D. Beabis me: tuo arbitrato Camille. C. Pæne igitur ad hunc modum exorsus erat Flaminius (mea siquidem caussa à capite repetebatur oratio). F. In hac nobili ciuitate cōsuetudinem offendo, honore quodam prosequēdi mortuos, quam nostratibus inuitatam atq; incognitam esse autumo. Non pueros duntaxat, puellasq; , sed adultos etiam, vbi vitam terminauerunt, bene olentibus sertis ornant, eorumq; monumenta floribus, & odorifero gramine conspergunt: quod & aliās vidi, et iam in itinere cum ad te ire properarem, in puerulo factum notauī. Apud veteres (quantum ego veterum libros legi) id obseruatū est: Verūm an apud Christo dicatos locum habere debeat, cum ad gentiliū ineptias pertinere videatur, dubitatione nō nulla tangor. Tu me doctior es: quod senseris, idem ego mihi sentiendum, & in tuo vestigio pedem ponendum putabo. M. Errore magno laboris Flamini, si continuò superstitiosum, aut impium, proindeq; nobis interdictum credis, quidquid illi mortales à verō vnius Dei cultu alieni aut fecerunt, aut docuerunt. Exemplis, quam plurimis id faxo intelligas. Deos adorantes manus suas osculabantur: nos honoratos alloquētes

tes idem facimus: num idcirco eos tanquam deos adoramus? iidem imagines ac statuas deorū suorum, in quibus aliquid diuinitatis inesse opinabantur, deosculari solebant: eodem nos honore Christi, B. Mariæ, sanctorum, sanctarumq; signa, & statuas veneramur. Expiationis ergo sese frigida aspergebant. Quid nos? nonne aspergimur? hostias mactabant: Iudæi similiter. Radebant sacerdotes barbam: nostri quoq; radunt, in Germania quidem certè. Accendebant lampades & faces in sacris: defunctos iam humatos luminibus honorabant: nos æquè. Abbluebant cadauera, & vnguentis perlinebant: nos, si eundem morem vsurpemus, num scelestum & capitale facinus consciscimus? F. Atqui cum non odorentur hac luce carentes, immo cum sint omni sensu orbatifunditus, quorsum illis flores? M. Quære etiam, quorsum vnguenta, quorsum aromata, quorsum balsamum, quo Principum corpora euiscerata referciuntur, quorsum lotio, quorsum cœmeterium, quorsum vniuersi tandem ritus funerei. Cur non canibus & volucris inhumati proiicimur? F. Homines, id est, Dei simulachra sumus, & animus noster cum corpore extinguere non potest, quod eius natura sempiterna est: cui iniuriam irrogare videamur, si eiusdem domicilium, quod olim redeuntibus in vitam omnium terrarum sæculorumq; hominibus recepturus est, vel potius Dei tabernaculum (quandoquidem sumus templum Dei, & spiritus eius habitat in nobis) indignè tractemus. M. Rectissimè. Tute soluisti nodum tibi. Non gelido cadueri, quod à lapide aut trunco nihil

hil differt, sed diuino templo, & habitaculo spiritus nobilissimi, qui ad cælestis præstantiam nūminis prope, ad angelorum excellentiam quàm proximè accedit, honores isti habentur. F. Non valde repugnem: perpulisti enim me. Velim tamen rem sententiis exemplisq; stabilias. M. Nihil procliuius. Atq; vt à poëtis sumatur initium, occurrit illud ex Virgilio de Ænea ad Anchisæ sepulcrum in 5. *Purpureosq; iacit flores. Et in Marcellū Octauie, sororis Augusti filium, eximia spe, & summe virtutis adolescentem: cuius tumultum Anchises floribus & liliis decorari postulat.*

manibus date lilia plenis.

*Purpureos spargam flores, animamq; nepotis
His saltem accumulem donis, & fungar inanis
Munere.*

Tibull. lib. 2. eleg. 4.

*Atque aliquis senior Veteres Veneratus amores.
Annua constructo farta dabis tumulo.*

Iuuenal. sat. 8.

*Dij maiorum Vmbria tenuem & sine pondere terram,
Spirantesq; crocos, & in Verna perpetuum Ver.*

Statius in Glauci epicedio.

*Quid Cilicum flores, quid munera graminis Inds?
Recentiores in suis epitaphiis sæpe, vt Iouianus.
Vnguenta atque rosam, & costum properate puella,
Et violam, & cunctas spargite Veris opes.
Spargite opes Arabum.*

Sannazarius.

Da sacros cineri flores.

Nec rarò Græci, vt videre est in 3. Anthologiæ epigrammatū, qui totus constat epitaphiis. F. Nihilne ex historicis? M. Accipe. Sueton. in Aug. cap. 18. Per idem tempus conditorium, & corpus Magni Alexandri,

xandri, cum platum ē penetrali subiecisset oculis,
 corona aurea imposita, ac florib' aspersis venera-
 tus est. Capitolinus in vita M. Aurelij. Tantū, inq̃t,
 honoris magistris suis detulit, vt imagines eorum
 aureas in larario haberet, ac sepulcra eorū additis
 hostiis, & floribus semper ornaret. Plinius lib. 21.
 cap. 3. Iam tum coronę deorum honos erant, ac la-
 rium publicorum priuatorumq̃, ac sepulcrorum
 & manium. Varro de lingua latina lib. 6. Itaq̃ nūc
 cum ad sepulcrum ferūt frondes & flores, addunt
 lanas. Spartani fortium virorū cadauera puniceo
 velo cooperta, desuper frondibus oleaginis asper-
 gebant. Achillis tumulum ferunt apud Thessalos
 amarantho exornatum, ob virtutem bellicā nimi-
 rum. Inde morem natū scribit Philostratus, sepul-
 cra amarantho coronandi. Quæ etiā genere floris
 candidi, qui pothos, latinē desiderium dicebatur,
 solebant coronari: quasi is desideratis destinatus
 esset. Et apio quoq̃ ornabātur. Hinc prouerbium,
 τὸ σελίνε δειπνῶ, apio est opus, quoties morbū capita-
 lem, & periculū vitæ impendere significabāt. Flo-
 rum funeraliū D. Ambrosius oratione in obitum
 Valentiniani Imperatoris meminit, nec vsum in
 crimen vocat, vt minus attēto statim apparet. sed
 alio quodā, ac meliore modo defunctum Augustū
 se honoraturū profitetur. D. Memoria tenes ver-
 ba? C. Etiam. Non ego floribus tumulum asper-
 gam, sed spiritum eius Christi odore perfundam.
 Spargant alij plenis lilia calathis, nobis lilium est
 Christus: hoc reliquias eius sacrabo, hoc eius gra-
 tiam cōmendabo. M. Testis est præterea huius sol-
 lemnis etiā Hieronymus ad Pammachium. Ceteri
 mariti, inquit, super coniugum suarum tumulos
 violas

violas spargunt, & rosas, floresq; purpureos, atque pectoris sui dolorem his officiis consolantur. Accedit his Poëta Christianus Aurelius Prudentius, cuius in hymno de exsequiis sunt isti versus.

*Nos lecta fouebimus ossa,
Violis & fronde frequenti,
Tumulumq; & frigida saxa
Liquido spargemus odore.*

F. De tumulis honoratis isto honore satis dixisti. Age iam de coronis & fertis. M. Defuncti caput olim fertis redimiri solitum nimis palam est. F. Quam ob causam tandem? M. ut hoc signo declararetur, superatis huius vitæ laboribus, & ærumnis partam esse mortuo victoriam, & triumphum. Hinc est, quod Græci mortuos appellabant *μακαίτας* beatos, siue *κατ' ευφημισμὸν*, id est, boni ominis causa, siue: quasi iam vitæ calamitatibus miserisq; humanis perfunctos. Et nos ita loqui consueuimus: beatæ memoriæ, felicitis recordationis Petrus, Margaretha, &c. hoc ipsum videlicet indicantes, quod vna voce Græci. Quam autē meritò, ostendit, quod iidem mortuos vocant *κακμηκός*, & *χαμόντας*, id est, laboribus defatigatos, seu qui iam laborarunt, quiue laborando defatigati fuerunt: à quibus cum iam vacent, & vacaturi sint in tempus sempiternum, haud iniquè beati numerantur. F. Quam multis ergo donandi sunt coronis martyres, quiq; aduersus diabolum, & vitiosas animi cupiditates assiduò decertarunt? M. Præstantiores illi coronas adipiscuntur, de quibus D. Paulus: nemo coronabitur, nisi qui legitimè certauerit. Et de se ipso. Reposita est mihi corona iusti-

iustitię. In Apocalypsi: Esto fidelis vsq; ad mortem, & dabo tibi coronam vitę. Romani pro virtute castrensi ac militari, muralibus, ciuicis, obsidionalibus, castrensis coronis coronabantur, quas omnes interire, & corrumpi necesse fuit: nōne multo magis Christiani milites pro salute æterna præliantes, tamq; potentes inimicos deuincētes, cælestibus & immortalibus coronis digni iudicentur? Nec tamen ē ros, aliisq; floribus,serta contexta sepulcris & capitibus virginum, martyrum, cæterorumq; diuorum neganda sunt: quorū illæ æstuantem in corporibus flammam restinguere, & pudicitię suę florem pulcherrimum indecēptum conseruare potuerunt: isti per vulnera & mortes Regi suo præclarum testimonium dederunt: hi in edomandis libidinibus, afflictandisq; corporibus vehemēter quotidie sudarunt. Si fortibus viris, vt docui, hic honor est tributus, qui nostris fortiores? quin & aureas, & lapillis gemmisq; fabricatas coronas horum capitibus addere conuenit, quod etiam fieri videmus: vt omittam, quod ossa illa sancta & cineres argenteis thecis includuntur.

Hæc ille, Decenti, non quidem iisdem planè verbis, quibus ego: attamen iisdem sententiis disputabat. Si tu plura requiris de rebus funebribus, ab aliis requirito. D. De hoc argumento sanè amplius nihil: de aliis ad idem genus pertinentibus videro, vbi otium dabitur. Iam rectā hinc ad magistrū me conferam, cui narrabo, eius disputationis vtilitatē ad me quoq; cōfluxisse. C. Bene facis. Ad me redi, vbi ab illo digressus fueris. D. Redibo.

ANNOTATIONES.

EXPIATIONIS ERGO SESE FRIGIDA)
Antequam re divina operarentur veteres, quibusdam sacris se preparabant & expiabant, in quibus ablutio, qua tum animi labes tolli, tum castimoniam corporis conciliari existimabant. Ex quo Aeneas apud Maronem 2. Aeneid.

*Tu genitor cape sacra manu, patriosq; penates.
 Me bello è tanto digressum, & cade recenti
 Attrectare nefas, donec me flumine viuo
 Abluero.*

Similiter Dido diis inferis sacrificatura, lib. 4.

Dic corpus properet fluminali spargere Lympha.


Et in 6.

*Occupat Aeneas aditum, corpusq; recenti
 Spargit aqua.*

Planè quod apud nos est piè sanctèque in more positum, ut ingredientes, seu ingressi templum aqua lustrali nos aspergamus, id etiam Ethnici aqua pura, & eadem de causa qua nos, faciebant. Lege Magi cap. 11. lib. 4. UT A POETIS SUMMATVR INITIVM) Non rara mentio coronarum, flosculorum, lacrymarum in epitaphiis, praesertim puerorum, puellarum, & adolescentium: meritò: quandoquidem illa etas ut flos marcescit ac decidit cum extinguitur. Quia quidem re non mediocris suauitas carmini accedit. Cauendum tamen, ne dum
hic

his naminibus, lilia, viola, rosa, lusus, ioci, corolla, laurus, unguentum, costum, lacryma, *Musa* & similibus tumulos nostros ornare studemus, ipsa frequentia potius contaminemus: id quod in Iouiani Pontaniti tumulorum libris vituperatur. PUDICITIAE SVAE FLOREM) Virginitatem perfectam, hoc est, corpus animumq; ab obscœna libidine integrum sacri scriptores soliti sunt cum flore, præcipuè que cum lilio & rosa comparare. Quid illo candidius, quid formosius? quid hac fragrantius, quid amœnium? Eodem modo pudicitia illa virginali qua homines humana sorte superiores: & caelestibus illis, atque ab omni concretionemundana segregatis mentibus aequales enadunt, nihil est quasi venustius, mundius, suauolentius, delectabilius iis, in quibus iam Christus viuit: qui terrena amplius non sapiunt: sed mentem & cogitationem suam omnem ad supera transtulerunt. Mos etiam fuit veteribus, ut cum diis suis diuersis coronas necterent è diuersis floribus, *Musas* coronarent rosis: flore scilicet fragrantissimo, & pulcherrimo virgines. Vi-

Etor. libro 14. capite 18.



PROGYMNASMA

PRIMUM ET SEXAGESIMUM.

*Mortuos terræ commendandos,
& cæmeteria.*

*MARIANVS, RENATVS, LVCEIVS,
HIEREMIAS.*

MARIANVS. Qui se priscis temporibus venditarunt pro philosophis, eorum quidam, immo enimvero permulti hoc tam graui nomine indigni, philosophi potius nominandi fuerunt. In quos illud Ciceronis verissimè proprièq; conuenit: nihil tam absurdum dici posse, quin ab aliquo philosopho asseratur. Ecce enim hic docuit niuem esse nigram. R. Puto hunc caruisse oculis: & tamen idem fuit, nisi me fallit, qui se solis, lune, astrorumq; videndorum causa natum affirmaret; tantam è siderum contemplatione voluptatem animo hauriebat. M. alius omnia esse vnum: ille, non esse motum: Thales aquam rerum omnium principium: Zenonis schola solum sapientem diuitem; formosum, regem. Non pauci animos vnâ cum corporibus interire statuebant. Iam verò, quod naturæ humanæ, communiq; sensui aduersati sunt nonnulli, ac sibimet tam inimici extiterunt, quis non reprehendat? L. Nondum odoramur, quorsum procedas. M. In extrema
prima

prima Tusculana fit mentio Theodori Cyrenæi, vocaturq; non ignobilis philosophus: cui cum Lyfimachus Rex crucem minaretur: istis quæso, inquit, ista horribilia minitare purpuratis tuis. Theodori quidem nihil interest, humine an sublimè putrescat. Hoc responsum. M. Tullius admiratur, ego irridendum duco. H. Nec ego ad hoc sapientiæ fastigium ascendere gestio, vt meipsum adeo contemnam. M. Ibidem profertur Diogenes & Anaxagoras: quorum ille se inhumatum volucris & canibus in agrum proici iussit: hic cum Lampfaci moreretur, quærentibus amicis, vellétne Clazomenas deferri in patriam, si quid accidisset: nihil necesse est, inquit: vndique enim ad inferos tantundem est viæ. O præclaram virtutem, imitari bestias, quas nulla sepulturæ cura sollicitat. R. Sed additur Socrates, princeps & velut Dictator philosophorum, cuius auctoritas vincit omnia: qui rogatus à Critone, quemadmodum sepeliri vellet, se hinc auolaturum, nec quidquam sui relicturum respondit. M. Haud falsò quidem Socrates, si nostri pars corpus non esset. Nam inde sequebatur, vt de sepulcro nihil laboraret: nec tamen à vulturibus, & coruis laniari voluisset fortasse, vt superiores illi. L. Mihi sanè arrogantiam & fastidium redolentia eiusmodi dicta semper displicuerunt. Pertinet quidem ad corpus humatio siue sepultura, non tamen quasi sensurum, nihil enim sentit. Sed non tantum ad corpus, vt illi magistri impietatis duces affirmarunt: ad animum quoq; pertinet: qui, vnde mortis imperio discessit, eò aliquando, iubente Dei filio,

est reuersurus: nec potest, cum violenta sit, æternum hac durare disiunctio. Verum hoc mysterium resurrectionis illi nesciebant. H. Stolidi profectò sapientia, putare diuini spiritus templum, & immortalis animi sedem abiiciendam in sterquilinum. R. Contemnamus igitur etiam poetarum voces illas ex hoc fonte profluentes: facili iactura sepulchri: calo tegitur qui non habet urnam, & similes. M. Salomon pigros & inertes ad formicas mittit: ego istos *μωροὺς* ad easdem misero, à quibus humanitatem doceantur. Prodiderunt quidam scriptores formicas habere cubile sub terra tanquam cœmeterium, quò defunctos suos efferunt. Admiremur huius tantilli animantis ingenium, laudemus industriam, cum de cognatis corpusculis tumulandistam est sollicitum. L. Si equos suos, & canes honorificè quidam Principes sepelierunt, nonne humano corpori tanquam rei sacræ, & olim in vitam redituræ multò iustius hoc officij tribuatur? R. Quid nobis absentibus futurum sit liberis, domui, seruis, vestibus solliciti sumus: & de corpore omnem curam abiiciemus, quo nihil post animum ipsum nobis est charius, ut nihil etiam coniunctius atque copulatius? Feræ homines sepelisse leguntur, & homo hominem non sepeliet? H. Vtrisque impertienda laus: & qui filiis ac hæredibus suis mandant de monumentis suis: & qui seu iussi, seu iniussi mortuis terram iniiciunt. M. Quo in officio Tobias ille notissimus est. L. Notissimi quoque Nicodemus, & Iosephus Arimathæus. R. Athenis lege latum
prodi-

proditur, vt viator, si fortè in aliquod cadauer incidere, illud tumularet. Duces autem, si quem militum non sepelissent, capite plectebantur. H. Quoniam de humatione hæc inter nos hucusque dicta sunt, par videtur, vt de loco etiam colloquamur.

M. Cœmeterium appellatur locus, vbi conduntur mortui: polyandrium præterea, & sepulchretum. Postremi notio manifesta est: alteri à multitudinē sitōrum nomen est: primo à dormitione, vt ita dicā, quasi dicas dormitorium: mors enim Christianorum somnus est. Lazarus amicus noster dormit, inquit Seruator: & Stephanus princeps martyr obdormiuit in domino. Paulus itē non vult nos ignorare de dormientibus. Quocirca immoderatos eiulatus, ploratus, planctus & lamenta in funeribus non tolerat. Antiquitus Christianis erant Cœmeteria, quod nunc templa. In iis & synodi celebrabantur & psalmi cantabantur, & sacramenta distribuebantur. Erant enim ibi extracta quædam ad vsum sacrorum domicilia. Quamobrem Imperatores tyranni Christianos illos primēuos à cœmeteriis inprimis arcebant. L. Legisse memini sæculis illis vetustis intra urbē, & domesticos intra parietes humo coopertos fuisse mortuos, vnde larium & penatium religio extiterit. Post, XII. tabularum lege extra urbē tumulari ceptos. Plato item in legibus suis agros steriles sepulturis destinauit. Inueni & illud, Adrianum Augustum multā XL. aureorum nummū in eos decreuisse, qui quempiam intra mœnia humassent. Qua pœna animad-

uerti uoluit etiam in magistratus, qui id sustinissent: locum autem publicari, & cadauer effossam transferri. R. Seuerus utique Imperator, L. Romani secus uias militares, & publicas sepeliabant, defunctos, Flaminiam, Latinam, Salariam, & alias. Athenienses in Ceramico. H. Quanam ob causas, Mariane, extra urbem suos humabant? M. Ut fœdo cadauerum aspiratione urbs libera, pestilens cælum effugeret: aër enim tetrus, iisq; assiduis afflationibus inquinatur, & corrumpitur. H. Amplector quod dicis. M. Alia causa, ut illic iter habentes, & conditionis humanæ admonerentur: & legendis defunctorum eclogiis, ad similem virtutis excellentiam inflammarentur. R. Præclare. M. Si quando hostem ad urbem venire contingeret, ut eum à maiorum suorum monumentis dum repellerent, simul à mœnibus portisque arcerent, & ita patriam suam impendenti periculo eriperent. Christiani uero intus & foris, ante urbem & in templis, ac sacellis diuorum sepeliuntur. L. Arguit hoc, ut arbitror, pium affectu uiuorum erga mortuos. Cum enim recordantur, quorum sanctorum in locis charorum corpora sint composita, eorum illis opem uti patronorum, precibus suis exorant. Et quia sæpe sacramentorum concionumq; causa conuentus ibi aguntur, dubium non est, quin illic siti, à populo crebrius Deo commendentur. Quid quod etiam sacerdotes, dum ibidem sacris funguntur, non raro pro illic tumulatis cælestem agnum immolant? H. Dolendum tamen hæreticos, usurarios, aliosq; scelerum cumulatisimos homines illis locis condi,

condi, in quibus olim tantum Regibus sepultura dabatur, & nunc sanctorum duntaxat cineribus, piorumque corporibus dari debet. Quid prodest miseris terra consecrata obrui? R. Cum hæc ita sint, naturâ tamen nescio quomodo ingeneratum est, in maiorum suorum charissimorumque monumenta, & in sepulcra familiaria, & hæreditaria velle inferri, eaque plurimum venerari. Ita quibuscum in vita concorditer amanterque versabamur, & à quorum consuetudine conuictuque diuelli non poteramus, nec vero debebamus, cum illis quoque post obitum cubare iucundissimum esse consuevit. Hinc Iacob, Ioseph ex Ægypto ossa sua reportari, & in sepulchris Patrum suorum reponi mandauerunt. Et pro supplicio irrogatur Prophetæ, ut cadauer eius in sepulchrum patrum ipsius ne inferatur. Monica D. Augustini mater, ad virum suum ut sepeliretur, moriens rogauit. Tobias quoque filium monet, uti matrem suam Annam eodem tumulo secum componat. Iudith in mariti monumentum illata est. Ad profana progrediamur, ne quod huic disputationi ornamentum defuisse videatur. Alexander Magnus Darij lacerum corpus maiorum sepulchris credi iussit. Apud principem poetarum Mezëtius Hetruscorum Rex cum filio Lauso sepeliri rogat. Hector Achillem rogauit, ut se examinem parentibus redderet, patria sepultura afficiendum. Ennius eodem monumento cum Scipione clausus est, à quo fuerat familiarissimè dilectus. M. Antequam finem huic colloquio faciamus, de Regum sepultura dicam pauca. L. Etiam multa si lubet, & si otium est. M. In cam-

po Martio putant quidam ante Syllam reges solū funerari solitos. Ægypti Reges apud Memphim, vbi etiam plures, & altissimæ pyramides erigebantur. Macedoniæ Ægis oppido condebantur. In Ceramico apud Athenas ij tantum, qui in conflictu pro patria cecidissent. Iosephus memorat, Daniele[m] Ecbatanis Mausolæum fabricasse, in quo Medorum, Persarum, Parthorumque reges sepelirentur. Reges Israëliti in arce montis Sion, quæ ciuitas Dauid appellatur. Nostri quoque reges sua habent loca, & quidam Gallorum ad D. Dionisij, secundo à Lutetia lapide. Lusitanorum Vlyssiponæ in ædæ Bethleem. Chrysostomus scribit, reges in summi beneficij loco ducere, si non prope Apostolos, sed si vel extra vestibula eorum sepeliantur, fiântque reges ostiarij Piscatorum. R. Nemo hinc discedet ἀν' μολος : quisque aliquid auditu dignum pro se in medium contulit.

ANNOTATIONES.

MORTUOS TERRÆ COMMENDANDOS)
Falli Plinium, qui lib. 7. cap. 54. doceat, ipsum cremari cadavera non fuisse apud Romanos vetustiores in usu, ostendit Magius libro tertio, capite decimo. Idem querit cap. 11. ecquid etiam apud Hebraeos istem fuerit. Humabant autem mortuos, seu condebant mortuorū cineres in agris tam Græci quàm Romani Victor. lib. 14. cap. 21. Qui egregia virtute, rebûsque clarissime gestis id meriti putabantur, in vrbe sepeliebantur.

bantur. Lege quæ narrat Crinit. lib. 21. cap. 12. Commune sepulcrum quid fuerit, explanat his verbis Turneb. lib. 5. cap. 16. Cum olim, qui locupletes erant, in suis fundis aliquid loci sepultura seponerent, & privata haberent ibi sepulcra sibi familiæq; suæ, aut hereditibus, plebs, quæ agris fundisque carebat, in loco aliquo communi sepultura destinato humabatur: sepulcrumq; commune vocabatur, ubi sepeliebatur: ex quo scripsit Horat. sat. 8. lib. 1. Hoc misera plebs stabat commune sepulcrum. Et elegantissimus poeta Catullus fata fratris sui deplorans, apud Troiam mortui & conditi, ubi tot quondam heroes bello Troiano ex Asia & Europa occuberant, & compositi fuerant, eam urbem commune sepulchrum eodem modo appellat. Dicamus etiam quid sit cenotaphium. Est imaginarium sepulcrum, quale Virgilius describit 3. Aneid.

Sollemnes sum fortè dapes & tristia dona
Libabat cineri Andromache, manesque vocabas
Hectorum ad tumulum, Viridi quem cespite inanem
Et geminas caussam lacrymis sacrauerat aras.

Græce νεκρός inanēs, & τάφος sepulcrum, unde nomen inunctum. Suetonius honorarium tumulum nominat in Claudio, ubi verba facit de Druso, cuius corpus Romam ex Germania deuentum erat. Sic vocari possunt hodie funerum expositorum imagines, quas representationes in anniuersariis exequiis vocamus. Budæus in Pandect. Quorum cadauera haberi ad sepulcrum non poterant, ut qui peregre obissent, aut naufragio periis-

periissent, iis cenotaphium extruebatur: quod tantum valebat, quantum sepultura plena. Hoc autem ideo, ne defunctorum anima aliquot annos ad infernorum fluminum ripas vagarentur. Insepultos ab aliarum animarum societate repelli conqueritur Homericus Patroclus Iliad. 4. & Elpenor Odys. 2. Hinc Æneid. 6. Aeneas. Tunc egomet tumulum Rhæteo in littore inanem Constitui. Et Palinurus honorariū tumulum sibi ab Ænea extrui postulat. ROGATVS A CRITONE) Hac propterea Socrates, quod vnumquemq; nostrum suum esse animum putaret, corpus autem tantummodo instrumentum & domiciliū animi. Locus ex Phædone Platonis ita conuersus est à Tullio 2. Tuscul. Cum enim de animorum immortalitate disputauisset, & iam moriendi tempus urgeret, rogatus à Critone quemadmodum sepeliri vellet: multam verò, inquit, operam, amici, frustra consumpsi: Critoni enim nostro non persuasi, me hinc auolaturū, neq; quidquam mei relicturū. Veruntamen, Crito, si me assequi poteris, aut sicubi nactus eris, ubi tibi videbitur, sepelito. Sed, mihi crede, nemo me vestrum cum hinc excessero, consequetur. Cum Socrate facit ipsemet Tullius, cuius ex eadem Tuscul. hæc sunt. Non enim, credo, id precipit, ut membra nostra, aut statueram figuramue noscamus: neque nos corpora sumus: neq; ego tibi hæc dicens, corpori tuo dico. Cum igitur, Nosce te, dicit, hoc dicit: nosce animum tuum. Nam

corpus

corpus quidem quasi vas est, aut aliquod animi receptaculum: ab animo tuo quidquid agitur, id agitur à te. Item in Som. Scip. Tu verò enitere, & sic habeo, te non esse mortalem, sed corpus hoc. Nec enim tu is es, quem forma ista declarat, sed mens cuiusq; est quisq;: non ea figura, qua digito demonstrari potest. Veruntamen hanc delirantem sapientiam Ciceroni & Platoniciis relinquamus. SECVS VIAS MILITARES ET PVBLICAS) Monumenta sepulchrorū, ait Varro, secundum viam ponuntur, quo praterentes admoneant & se fuisse, & illos esse mortales: ab eoq; cetera scripta & facta memoria caussa, monumēta dicta. EQVOS SVOS, ET CANES) Apud Persas equi, apud Molossos canes sepulcris & exsequiis honorabantur. Agrigentinos quoque sepulcra & pyramides equis fecisse tradit Plin. lib. 8. cap. 42. Augustus & Hadrianus Impp. equos suos tumulis honorarunt. Plin. Dio, Xiphilinus. Idem legitur de M. Antonino, Commodo. Alexander autem Magnus in honorem canis mortui dicitur urbem condidisse. (VM FILIO LAVSO SEPELIRI) In extremo decimo Æueid.

Vnum hoc per (si qua est victis Venia hostibus) oro:
Corpus humo patiare regi: scio acerba meorum
Circumstare odia: hunc oro defende furorem:
Et me confortam nati concede sepulchro.



PROGYMNASMA

ALTERVM ET SEXA-

GESIMVM.

*Genera, materia, formæ se=
pulchrorum.*

VALENS, ACHILLES.

VALENS. Artemisiam Mausoli Cariæ regis vxorem, vltra affectionis humanæ fidem suum amasse virum probati rerum auctores tradiderunt. Cuius argumentum, quod ei sepulchrum illud fama literisque celebratissimum, & ex orbis septem miraculis vnū sumptibus plusquam regalibus construxit, cinerem & ossa contusa, atque in puluerem redacta, odoribusque & vino permista ebibit: vt in mediis visceribus, ac si posset, etiam in intimis medullis, quo liceret modo inclusum gestaret thesaurum sibi multò charissimum. Dicat igitur quis, Mausolum habuisse animatum viuūque, ac spirans mausolum: in quo, si sese conditum iri sciuisset antea, quàm à rebus humanis demigraret, obstupuisset vtique tam incredibili, & omnibus sæculis inaudita amoris magnitudine. Dubitare tamen mihi in mentem venit, vtrumne ibi, an in pretioso aliquo, artificiosèque ædificato monumento quiescere maluisset.

A. Affectus pudicæ illius fæminæ laudandus est, & imi-

imitandus probis vxoribus: factum non perinde. Nec sepulchro nobiliore iacuit Mausolus, quam ab anthropophagis quispiam deuoratus in India aut Brasilia. Ac non modò nostrorum, qui humanum ciuilemque cultum percepimus. sed barbarorum etiam atque agrestium populorum nemo, opinor, ita sepeliri cupiat: non magis certè, quam in auium, ferarum, canum denique coporibus, quos publicos in Hyrcania plebs alebat: optimates domesticos (quod quidem genus canum erat nobilius) à quibus laniati consumerentur, qui sepulchrales dicti: & hanc immanitate efferata illa gens optimam sepulturam credebat. V. Non ergo animatum homini sepulchrum dari pateris. A. Quì patiar? quid enim tetrius? quid eius eximia natura indignius? vt præsertim comesus ab alio homine in ventre circumferatur, cum ne ceteræ animantium sui generis vllam comedant: non canis canem, lupus lupum, leo leonem. V. Si nos animalium tumuli sumus (quotidie namque carnes earum assas, & elixas absumimus) cur non illa vicissim nostri fiunt, vt par pari referatur, & ab aliis expectemus, quod aliis facimus? A. Quando te sic funerari delectat, mittemus te ad Diomedem Thraciæ tyrannum, qui te mactatum pro pabulo suis equis apponat. Hac ratione viuum animatumque sepulchrum es habiturus. V. aufer iocum. In aquis, vt qui submerguntur, aut in aëre, vt qui de crucibus, & qui apud gentem nescio quam de arboribus suspenduntur, malim putrescere. A. Quid narras? tunc aut præfocari aquis vt parricida, aut laqueo suspendi vt fur concupiscis

piscis? V. Non me hoc concupiscere, sed in hisce duobus elementis sepeliri non nolle aio: vt ne iumentorum bestiarumue cibus sim. A. Quid si pyra cremeris, tuiq; cineres amicorum sparsi lacrymis, & in urnam collecti humo abduantur? V. Hoc quidem Romanum esset. Simplicius reor, & ex vsu Christiano, terra operiri: vt tanto clarius verū appareat illud Iobi. Nudus egressus sum de vtero matris meæ, nudus reuertar. Mater illa utiq; terra est, & quæ nostrum quemque genuit mulier, terra fuit. Nam si vterus ille, in quo infantes delituim⁹, terra non fuit, in vterum matris non reuertimur, quando vel morimur tantum, vel mortui etiam humo contegimur. A. Bene colligis, & assentior conclusioni tuæ. At illa quoque sepulchra dici possunt, in quibus spectatur materia: quæ nimirum de metallis & lapidibus extruuntur: vt auro, argento, ferro, plumbo, ære, stanno, orichalco, electro, marmore, porphyretico, lateribus, lignis, cristallo, vitro. V. Possunt, si corpus mortuum continent, quod officium sepulchri est, idq; veteres mortuorum domicilium credebant. Ex qua opinione est illud Maronis in 3. animamq; sepulchro cōdimus. Ex eadem opinione Ennius vocauit portum corporis. A. Memini versum apud Ciceronem.

*Neq; sepulchrum quo recipiatur habeat, portum corporis:
Vbi remissa humana & vita, corpus requiescat à malis.*

Execratur Thyestes Atreum, à quo sibi prandium tam crudele paratum fuerat. Quanquam verò hæc M. Tullius vituperet, vt qui iudicet errore Thyestis ea dici, putantis corpus sentire, & corpora insepulta inquieta esse, ac velut in tempestate iactari:

iaſtari: nos tamen, qui adeo mente alienata non ſumus, nihilominus ita loquimur, vt corpus poſt mortem requieſcere dicamus.

V. Legiſſe te apud Homerum puto, Achillem Patrocli amici ſui cineres phialæ aureæ commiſiſſe: Hectoris quoque urna aurea exceptos. Papiniano Iureconſulto, propter ſummam eius in ea facultate claritudinem Seuerus Auguſtus thecam argenteam fieri curauit. Ipſius autem Seueri puluerem è Britannia Romam in vaſculo aureo allatum ſcribunt. A. Multò rectius hic honos in martyres, aliòſque cælo iam receptos confertur, & à maioribus noſtris collatus eſt. Mèretur hoc illorum egregia, & nunquam pro dignitate prædicata virtus. merentur tam multa in homines beneficia. Quæ enim tam admiranda, tam noua ſunt opera, vt ad eorum tumulos, thecas, urnas, capſas edita non ſint? quot ibi cæcis lumen redditum? quot claudis greſſus reſtitutus? quot ægroti curati? quot dæmones ex humanis corporibus proſtigati? quot mortui in vitam reuocati? Annus nimium breuis ſit, ſi omnia percenſere coner. Ad eos etiam Reges & Imperatores adeunt, omnique faſtu depoſito, eorum opem ſupplices implorant. Quare qui ſanctiſſimis oſibus & reliquiis, vnde cæleſtis quædam virtus, & vis ſingularis emanat, aſſeruandis, auro margaratiſque veſtiendis ſtudent, non mediocrem à Diuis ipſis gratiam inire exiſtimandi ſunt. V. Quàm conſpirant cogitationes tuæ cum meis? Nihil eſt ſimilius. Liceat tamen Principum quoque, Regumq; corporibus magnifica & ſumptuoſa extruere monumenta, non beatis modò.

A. Liceat : at illis minimè concessum sit , qui hinc profecti , rectà ad cælestium abiisse concilium non censentur , neq; in tam alto nobilitatis fastigio collocati fuerunt , quamvis pecunia eis ampla sit. V. Intelligo , homines non ita excellenti & omnibus nota sanctitate : item vsurarios , cerdones , tonsores , & lanios dicis. A. Aut hos , aut non longe diuersos.

Mira porrò apud veteres etiam in forma sepulchrorum varietas ac dissimilitudo : cum alij columellas , alij pluteos quasi , alij arculas , scrinia , alij tanquam lectulos pararent , alij gradus quoq; ad tumulos adderent : quidam in obeliscis & colossis post obitum habitare vellent. Cryptas subterraneas familiarum & olim in vsu fuisse , & nūc esse non ignoramus. Quin imagines quoque , seu statuas è gypso aut polline marmoreo , aut marmore , aut è metallo quopiam confectas , solatij memoriæque causâ aliqui monumentis imponebant : quæ res nec à nostris moribus est abhorrens. V. At nos qualis figura sepulchri manet ? Longa pedum sex , septem : lata duorum : accommodata scilicet corpori vtriusvis nostrum , quod spatium libitinarius decempeda sua dimetietur , cum terram nobis sepeliendis effodere iubebitur. A. Non sumus meliores patribus nostris.

ANNOTATIONES.

A^RTEMISIAM MAVSOLI) *De amore mulieris huius erga virum quamvis extinctum , & de*

de sepulchro magnificentissimo quod ei comparavit
 & de certamine ad id instituto Gellius lib. 10. cap. 18.
 Describit Mausoleum Plin. lib. 36. cap. 5. Anaxa-
 goras cum illud vidisset: monumentum, inquit pre-
 tiosum, & lapidibus ornatum, diuitiarum imago.
 Laert. lib. 2. Meminit huius Artemisia, eiusque lu-
 ctus Cic. Tuscul. 3. ubi de aegritudine differit, his ver-
 bis. Ut Artemisia illa Mausoli Caria Regis uxor (qua
 nobile illud Halicarnassi fecit sepulchrum) quamdiu
 vixit, vixit in luctu, eodemque etiam confecta conta-
 buit. CINERES AMICORVM SPARSI LACRY-
 MIS) Crines cognatorum, eorumq; lacryma in urnam
 collecta sepulcro immittebantur cum defuncti cineri-
 bus, quos vino, & unguento, & lacrymis quoq; asper-
 gebant. Quò respexit Horatius Ode 6. lib. 2.

Ille te mecum locus & beata

Postulant arces: ibi tu calentem

Debita sparges lacryma favillam

Vatis amici.

Sappho apud Ovid.

Sex mihi natales ierant, cum lecta parentis

Ante diem lacrymas ossa bibere meas.

HIC HONOS IN MARTYRES, ALIOSQUE)
 D. Eligius antequam episcopatum capesseret, cum
 esset aurifex nobilis, sumptibus Dagoberti Regis Frā-
 torū multas sanctorū ex auro, argento, gemmis thecas
 sine tumbas fabricavit. ETIAM REGES ET IMPE-
 RATORES) Theodosius quidem senior, bello cū Eu-
 genio tyranno decertaturus, ac de euentu mirū in mo-

M m 2

dum

dum sollicitus, quod ille omnibus rebus necessariis dicebatur esse paratissimus, primum sibi diuinam, deinde humanam exposcendam opem existimauit. Itaq; ieiuniis vigiliisq; perfunctus, cum sacerdotibus, & populo templa supplicabundus obiuit, atq; ante martyrum apostolorumque sepulcra cilicio indutus procubuit, ac fida sanctorum praesidia implorauit.

PROGYMNASMA
TERTIVM ET SEXA-
GESIMVM.

*Legitima sepultura negata,
& exhumatio.*

AQVILIANVS, SILVERIVS,
FRVCTVOSVS.

AQVILIANVS. Quaestionem mihi ponebas inter cœnam heri, quamobrem qui sibi met sponte necem attulissent, communi iure sepulcri prohiberentur. Respondi tum id, quod ad tempus occurrebat: nunc audi, si videtur, quid hic libellus tibi respondeat. *His ita expositis, tam varios sepeliendi ritus morésq; afferam: si tamen illud te prius admonuero, eos quondam publico ferè hominum consensu sepultura honore carere, qui sibi manus iniecissent, quique, ut est Pythagoræ sententia, iniussu Imperatoris ex statione & praesidio vita decessissent, hoc est qui se*
intere-

interemissent. Dignissimum enim esse ait Egesippus, eos qui Dei patris imperium non expectarent, priuari quasi quodam matris gremio, terra sepulcro. Alij tamen his dextram à cætero corpore abscindebant, ea ratione, ne membrum quod Vesano quodam furore in corpus sauerat suum, cum eo pariter sepeliretur. S. Quisnam est hic liber, aut qua de re? A. Lilius Gyraldus de vario sepeliendi ritu. S. Vt te hominem naturà tristem, & melancholicum tristitia legere iuuat? A. Quidquid ingenio perfectum, & industria elaboratum est, legotitiens, seu triste, seu lætum fuerit. Doctrinam specto ante omnia, cætera minoris æstimo. Et tamen, scias velim, non carent omni iucunditate etiam hi funebres commentarij. Atque vt nihil aliud, suauem quendam miserationis sensum gignunt, & dulcem erga mortuos affectum exsuscitant. S. Quem huc sese ferentem conspicio? Fructuosus est. A. nisi errant oculi, ipse est. Hem Fructuose, plurimum salue, F. Et vos saluete tantundem. Quid agitur? S. Viuitur. F. Satin' ex sententia? A. Si eueniunt quæ volumus, satis. F. Credibile est. Quid nugarum? S. Aquilinus hic noster, sui perpetuo similis, cum mortuis societatem fœdusque paciscitur. F. Eia, nimium se vixisse arbitratur forsitan. Dic sine inuolucro, quid est? S. Legit librum de funestis rebus. F. Funestum igitur facinus designat. Narra mihi aliquid, Aquiline, de tuis mortuis. A. Iam recitaui causam Siluerio, cur non cū vfitata cærimonia ritūq; mandarentur sepulcris, qui suimet ipsorum crudelissimi carnifices extitissent. F. Non me fugit causa. An vero alia hominum genera sunt, qui legitima sepultura

excluduntur? A. Omnes qui iure Pontificio exhumari iubentur, quos sepeliri profectò non fuit licitum. S. Qui sunt illi? A. Fœneratores manifesti, ludis equestribus ac duellis interempti, raptores, blasphemæ, semel in anno sacrum confessionis mysterium obire negligentes, absque piaculo, spretis videlicet apertè sacramentis emortui, & quibus templum ingredi nefas est, Iudæi, Ethnici, hæretica tabe infecti, infantes aqua vitali nondum abluti, omnes demum sacra detestatione iugulati, seu fidelium communione exterminati. F. Papæ, ex hoc numero non neminem ego in sanctissimis templis, & prope Sanctorum tumulos humari nō semel vidi. A. Quasi ego de consuetudine, non de iure loquerer. S. Vincit in multis vsus, & iustitia non omni tempore, nec vbique, nec secundum omnem partem seruari potest. A. Regem Ioacim, vt scriptum video apud Hieremiam, ob scelestissima facinora, quibus alligatus erat, extra portas Hierusalem proiectum & putrefactum, sepultura asini sepultum iri prædixit Deus. Maximinus Imperator cum filio apud Aquileiam est vita priuatus: quorum cadauera canibus & volucris relicta Herodianus scribit. Caracallæ corpus in Tiberim abiectū constat. Impium illum Iasonem lib. 2. Machabæorum sua scelera vlta sunt: & qui prius non paucos insepultos abiecerat, ipse insepultus manlit. Atheniensium legibus, qui essent prodictionis conuicti, sepultura carebant. F. Nos Christiani, nisi qui rogo concremantur; aut in patibulis appenduntur, sepelimus omnes: tametsi non omnes solemnî ritu ac eximonia, quæ apud hæreticos

reticos nulla est prorsus: nec lux, nec crux, nec cātus, nec sacerdos, nec vllæ preces, nec vlli gemitus, vllæue lacrymę: vt dubites homōne, an vitulus efferatur. S. Tolerabilius porrò dedecus iudico, non humari, quam exhumari: quod notæ turpissimæ suppliciū in hæreticos, & Ecclesiæ castris horrendo execrationis carmine expulsos decretū est. Hi vt viuentes digni non erant, qui supra terram ambularent: sic postquā ducere spiritū desierunt, digni non sunt, qui in cōplexu & gremio terræ consecratæ putrescant. F. Reperiturne in diuinis voluminibus exhumationis exemplum aliquod? A. Et illustre satis in Regum historia. Religiosissimus Deoq; charissimus Rex Iosias facinorosorū sacerdotū ossa, sepulchris refoffa flāmis perdidit eo ipso in altari, q̄ Hieroboam ædificarat. Quin existimandū est, bellicis tumultibus ac seditionibus ciuilibus interdū à Deo hanc mentē dari militibus, vt aduersum quos gladiū suum stringere Ecclesia, quibꝰ, inquā, iusta imponere supplicia nō poterat, ipsi eorū tumbas & monumenta prædandi studio disiciant, destruāt, corpora furiosè atq; contumeliosè tractent. S. Quid illi, qui in piorū cœlestiumq; cineres, & ossa per summū furorē debacchātur? vt qui in Galliis Hilariū, Radegundam Pictauis, Martinum Turonibus tam christianè habuerunt? A. O Deum immortalē, factum execrabile. S. Adde q̄ corpus quoq; Ludouici XI. & Francisci II. cor ē monumētis extracta cōbusserunt: cui immanitati similem detestantur in Cambyse historici. F. Quid fecit? S. Amasis Ægyptiorū Regis cadauer effodit: quod cū verberibus creberrimis cecidisset, in ignē

coniecit. Quanto res magis in iis detestanda, qui se germanos Christi discipulos prædicant? A. Benignitas Dei hos perditorum hominum flagitiosissimos greges, qui omnia diuina & humana iura violarunt, vexarunt, euerterunt, ad pœnitentiam exspectat. Iura sepulcri apud Romanos, Græcos, Iudæos, Barbaros religiosa semper & sancta fuerunt. Scythæ cum à Dario bello peterentur, pugnamque retrocedentes detrectarent, & idcirco à Persis pro ignauis haberentur, responderunt: cum ad maiorum ipsorum sepulcra ventum foret, tum intellecturum Regem, essentne illa aduersus Persarum iniuriam defensuri. Sepulcrorum sanctitas in ipso solo est, inquit, Tullius, quod nulla vi moueri, neque deleri potest. Atque vt cætera extinguuntur: sic sepulcra sanctiora fiunt vetustate. F. Vetus Romanorum lex fertur ista. Vbi demortui hominis corpus condas, locus sacer esto. Quæ pœna autem sepulcrorum violatoribus irrogetur, Iureconfulti docebunt: siquidem contra eos edicta habemus.

ANNOTATIONES.

QVT SIBIMET SPONTE NECEM) Concedebant sapientes antiqui, & affirmabant aliquandò iustam à Deo causam dari quibusdam sese in malis interficiendi, quasi ipsis ultra vitam propagare non modo non incundum, sed nec honestum esse posset. Illud tempus, cum afferre sibi manus sine re-
pre-

prehensione quis posset, vocabant, *εὐλογον ἐξαγωγὴν* iustam eductionem, tanquam è custodia videlicet. Lege totum caput undecimū Viēt. libro sexto. Plutarchus libro contra Coloten, primò grauiſſima oratione eos refellit, qui licitū putant in rebus aduerſis mortem ſibi conſciſcere. Negat item Ariſtoteles Ethicor. 4. magnanimi eſſe, in aduerſa fortuna ſemet hac luce ſpoliare. Idem libro quinto, qui ſe manu ſua interficiat, eum iniuriam facere, ſi non ſibi, certè ciuitati. Cic. 1. Tuſcul. Vētat enim dominans ille in nobis deus, in iſſu hinc nos ſuo demigrare. Non eſt ſanè deſpiciendum dei donum, quod nimirum vita eſt, quam ille nobis, impertiuit. Quod ſi præterea is numeratur improbiſſimus, qui hominis depositum malè tractauit: non erit improbus qui dei depositum contempſerit & per extremam nequitiam è corpore ſuo eiecerit? Nec citius velle debemus diſcedere, nec diutius manere, quam velit is, cui debemus quod nati ſumus, & viuimus. Deo ſeruimus, cuius igitur imperia nobis exſpectanda ſunt. Cum ſuaderent ſocij Flanio Iosepho in puteo illo, in quo vnà latitabant, ne ſe Romanis dederet: ſed aut ipſe letum ſibi manu ſua conſciſceret, aut ab alio ſe interfici pateretur ipſe longa, & argumētoſa oratione docuit, nemini ſine grauiſſimo ſcelere licere ſibi necem afferre: potiusq; ſeruitutem & vltima quæq; perferunda: ſolutis quæ in partem alteram prolata fuerāt rationibus. De bello Iudaico lib. 3. cap. 25. Egeſippus lib. 3. cap. 16. & 17. Vide in ſuper Macrob.

lib.1. in som. Scip. cap.13. ubi Platonis ex Phadone,
 & Plotini rationes producuntur. Apud Hebraeos
 qui semet intermiserunt, amputata dextra inhumati
 proiciebantur. Cur autem luctuosus sit huiusmodi
 hominum interitus voluntarius, indicat Plin. ep.12.
 lib.1. Nam utcumque in illis qui morbo finiuntur,
 magnum ex ipsa necessitate solatium est: in iis vero,
 quos accersita mors aufert, hic insanabilis dolor est,
 quod creduntur potuisse diu vivere. QVI ESSENT
 PRODITIONIS CONVICTI) Vnde originem
 duxerit mos non sepeliendi proditorum corpora, Vi-
 ctor. lib.28. cap.13. (CONTRA EOS EDICTA) De
 sepulcris, inquit Cicero 2. de leg. nihil est apud Solo-
 nem amplius, quam ne quis ea deleat, neque alienum
 inferat: pœnaq; est, si quis bustum (nam id puto ap-
 pellari tymbon) aut monumentum, aut columnam
 violarit, deiecerit, fregerit. Vlpianus. Sepulcri, in-
 quit, violati actio infamiam irrogat. Paulus quoque
 ita scribit. Rei sepulcrorum violatorum si corpora ip-
 sa extraxerint, vel ossa eruerint, humiliores quidem
 fortuna summo afficiuntur supplicio: honestiores in
 insulam deportantur, aut relegantur, aut in metat-
 lum damnantur. Plura de sepulcrorum reli-
 gione Rhodigin. lib.17.

cap.19.



PRO

PROGYMNASMA

QUARTVM ET SEXA-

GESIMVM.

Quæ solerent vnâ sepeliri.

MEMMIVS, GERMANVS.

MEMMIVS. Pecuniosus homo semper est iudicatus pater tuus. Quantus, quæso, thesaurus vnâ cum eius corpore sepultus est? G. Scilicet sarcophagus, & linteum peruetus, quo eum mater obuoluit: cum hac gaza tumulatus est: hoc illi aurum, hoc argentum, hæ vestes pretiosæ, hæc monilia & ornamenta, hæ argenteæ, & inauratæ phialæ ipsi fuerunt: nam cum hisce rebus mortales stultos olim sepulcris commendari voluisse didicimus: quam consuetudinem communis Christianorum consensus iampridem sustulit. M. Saltem nummum ei in os inseruissetis, quem traiecturus Acherontem pro nauulo Charonti solueret. G. Hæc superstitio delirantium Græcorum fuerit, quos poëtarum figmenta luserunt. Nullos amnes, nullas illic paludes, nullos Rhadamantos nouimus. Quid porro volebant sibi? quo fine thesauros secum tumulabant? vt ærugine absumerentur? an non ad laudem honestius fecissent, si tenuiorum fortunis succurrissent: si propinquos posterósque suos ditiores reddidissent? si lapides prægrandes sepe-
liuissent secum, eundem illi vsum quem aurum,
argen-

argentum, gemmæ illic defossæ habuissent. M. Si inuidiæ causâ hoc egerunt, quod suis frui rebus alios noluerunt, in crimine meritò ponendi sunt. Si solatij, quæro quod solatium corpus inanimum sentire possit ex metallo illo, quod nec videat, nec tangat, nec odoretur? Si idcirco illic opes suas abdiderunt, quod nusquam tutius seruari posse viderentur: propterea quod magna semper fuit sepulcrorum religio, & eam violare scelestissimi facinoris crimen vsq; hodie censetur, non reprehendo factum: inde cogente necessitate licebat promere quantum opus esset. Memorabile est, quod Iosephus & Egesippus de Dauidis sepulcro scriptum reliquerunt. G. Quid nam? M. Hyrcanus Iudæorum princeps, cum bello premeretur ab Antiocho, atq; etiam arctè obsideretur, sumptusq; deficerent, dicitur aperto Regis sanctissimi monumento tria millia talentorum auri inde e-ruisse, id est, decies octies centena coronatorum millia. quem numerum à Salomone ibi repositum arbitrantur. G. Non absimile vero: fuit enim Salomon ditissimus. M. Auaritiæ tamen causâ nullo modo faciendum est. Sceleratiores sunt, qui homines secum mori cogunt, ne in comitati ad inferos proficiscantur. De Sardanapalo scribit Diodorus, cum desperasset salutem, ne in hostium potestatem veniret, in regia pyram ingentem componi iussisse, & super eam auri argentiq; vim maximam, omnemq; vestem regiam iniecisse: vxores quoq; & eunuchos in medium pyræ inclusisse, atque ita sese demum cum his omnibus exussisse. Apud Indos quæ vxorum volebat videri studio-

fissima

fissima & amantissima defuncti fuisse, cum eodem libens, & gaudens in rogam imponeretur. Quade re Propertius. G. Hinc natos arbitror, tam crudeles parentationes, cum ad tumulos non pecudes solum, sed homines etiam iugularentur, quorum sanguine manes illi placatum iri credebantur. Laudo Babylam martyrem, qui catenas & compedes suas secum sepeliri orauit. G. Quid eum mouit? M. Ut hic iacenti mihi sint ornameto, inquit. Pluris fecit catenas propter Christum toleratas, & maiori sibi apud Christianos honori putauit fore, quam si vniuersum Midæ aurum, aut diuitias Cræsi secum in tumulo habuisset. G. Si possemus iudicem illum, qui ad ferendam de omnium temporum hominibus sententiam cum potestate & maiestate multa venturus est, auro corrumpere, tum non absurdè hunc morem tenerent opulenti. At ne Oratorem quidem vllum adhibere licebit: vnicuique pro se ipso causa erit dicenda. M. Si Christianis virtutibus comitati ad tribunal hoc accesserimus, eæ causam pro nobis orabunt. G. Et eam obtinebunt.

ANNOTATIONES.

SALTEM NUMMVM EI IN OS) Græci quidam hoc factitasse memorantur, ut haberet scilicet quod Charonti naulum daret mortuus. Dabant & placentam, quam nimirum latranti Cerbero obiiiceret. NVLLOS AMNES, NVLLAS ILLIC PALVDES) Styx, Lethe paludes sunt, Cocytus, Phlegeton.

geton, Acheron fluuij, de quibus consulendus Nātalis Comes, & alij, qui poëtarum fabulas persecuti sunt. Inferos antiquissimi illi, ut refert Macrobi. lib. i. in som. Scipionis, aliud esse negauerunt, quàm ipsa corpora, quibus inclusa anima, carcerem sadum tenebris, horridum sordibus, & cruore patiuntur. Hoc anima sepulcrum, hoc Ditis concana, hoc inferos vocauerunt. Lethen esse errorem anima obliuiscantis maiestatem vitæ prioris, quæ ante potita est, quàm in corpus truderetur. Plhegetontem ardorem irarum & cupiditatum. Acherontem, quidquid fecisse dixisse ne, usque ad tristitiam, humane varietatis more nos penitet. Cocytum, quidquid homines in luctum lacrymasq; compellit. Stygem, quidquid inter se humanos animos in gurgite mergit odiorum. Lege, si placet, reliqua. Per Stygem autem soliti sunt iurare dij, quod erat insurandum haud violabile. Ouid. 3.

*Quoq; magis credas, stygi quoque conscia sunt
Flumina torrentis: timor, & deus ille deorum est.*

AVARITIÆ TAMEN CAUSSA) Nitocris Regina Babylonis supra portas urbis celeberrimas, loco edito atque conspicuo sepulcrum sibi edificauit, inscripsitq;. Si cui Regum Babylonis post me futurorum pecunia defuerit, aperto sepulcro sumito quantum libuerit. Nemo tamen aparuit ante Darium, qui auaritia stimulante id ausus est: verum nihil præter cadauer inuenit, cum hac scriptura. Nisi pecunia esses inexpl-

inexplebilis, & turpis lucri cupidus, defunctorum sepul-
 cra non aperuisses. *Herodotus lib. 1. QVA DE RE*
PROPERTIVS) Elegia 12. lib. 3.

*Felix Eois lex funeris vna maritis,
 Quos aurora suis rubra colorat equis.
 Namq; ubi mortifero iacta est fax & ultima lecto,
 Vxorum fufis stat pia turba comis.
 Et certamen habent leti, qua vna sequatur
 Coniugium, pudor est non licuisse mori.
 Ardent vultrices, & flamma pectora præbent
 Imponuntq; suis ora perusta viris.*

*Quas item res in vita defunctus dilexerat, seu anima-
 tas, seu inanimas, eas eodem rogo simul cum cadaue-
 re cremebant. In quem se etiam ipsi homines doloris
 impatientes nonnunquam coniiciebant. Lege Alex.
 ab Alex. lib. 3. cap. 7. & in eundem Tiraquellum.
 HOMINES ETIAM IUGVLARENTVR) In fu-
 nere & sepultura fortium præsertim, ut *Aeneas lib.
 11. in funere Pallantis captos de Rutulis adolescen-
 tes. Apud Homerum item Iliad. 22. In Hecuba Eu-
 ripidis Achilli mactatur Polyxena à Pyrrho. VNI-
 CVIQUE PRO SE IPSO) Cic. 1. Tuscul. Fortasse
 etiam inexorabiles iudices Minos & Rhadaman-
 thus, apud quos nec te L. Crassus defendet, nec M.
 Antonius: nec, quoniam apud Græcos iudices res a-
 getur, poteris adhibere Demosthenem. Tibi ipsi
 pro te erit maxima corona caus-
 sa dicenda.**

PROGYMNASMA

QVINTVM ET SEXA-

GESIMVM.

*Epitaphia, sculpturæ, pyramides,
columellæ, cruces ad se=
pulcra.*

FLORVS, EVSTORGIVS, SERVANDVS.

FLORVS. Quid tu labris semihiantibus cantas Eustorgi, idq; tam pressè, vt hinc verba cantus tui exaudire non detur? E. Versiculos, si scire vultis, cantabam mecum. S. Veteri tuo more. Sed qui tandem sunt isti versus? E. Qui? graues, nec inelegantes. F. Illud exploratum est nobis, te nihil delectare, quod ingeniosum, nitidum, rotundum, & absolutum non sit. Quod ergo carmen modulabare? auemus enim gustare illam grauitatem & elegantiam, si tu non inuideas. E. Erat epitaphium quoddam hexastichon. S. in quem? E. Heu, inuitus, nec sine acri doloris morsu dicam. In M. Antonium Muretum nostræ ætatis eloquentium facile principem, qui Romæ relictis rebus mortalibus ad exoptatam immortalitatem discessit, omnesq; mansuetiorum literarum cultores mœstissimo orbitatis luctu impleuit. Et quamuis sexagenarius, tamen mihi quoq;, vt Plinio iuniori, videtur acerba semper & immatura

matura mors eorum, qui immortale aliquid parant. Nam qui dediti corporis gaudiis quasi in diem viuunt, viuendi causas quotidie finiunt. Qui verò posteros cogitant, & memoriâ sui operibus extendunt, his nulla mors non repentina est, vt quæ semper inchoatum aliquod abrumpat. F. Quid ais? Noster Muretus crudelibus occubat vmbris? O nuncium illatabilem. S. Vnde cognouisti? E. Franciscus Bencius qui cum multis iam annis omnes mihi sunt amicitiae necessitudines, cuiusq; in me nee pauca, & suauissimi studij plena constant officia, Mureti quondâ auditor, ab eoq; mirum in modum dilectus, per litteras super hac re certiore me fecit: simulque orationem quam in eius funere pronunciaffet, æneis formis descriptam, cum effigie, subiecto ad basin epitaphio misit. F. Ille ipse hoc, in magistrum suum composuit, nisi aberrat coniectura. E. Ille ipse. S. Imaginem ostendes, cum ad te domum venerimus: nunc versiculorum fac nos participes, quorum tenemur desiderio. E. Explebo cupiditatem vestram. F. Attendimus. E.

*Hic Marci caros cineres Roma incluta seruat,
Quos patria optasset Gallia habere sinu.
Stat colle horrorum tumulus, stat proximus astris,
Qua propius puro contigit ille animo.
Tu sacros latice lacrumans asperge, viator,
Et dic: heu, lingua hic fulmina fracta iacent.*

S. Quid si te remunerarer quam simillimo munere? E. Facias, licet: etenim talium munerum quam sim appetens, tu non potes nescire. S. Non insuaue mihi visum est, quod nudiustertius in

Nn farra-

farragine quadam poematorum offendi, in Lydium infantem.

Luderet in viridi dum cespite Lydius infans

Prepter aquam ab pietas, morsus ab angue cadis.

Infelix mater natum complexa iacentem

Occidit: angue puer, vixit a dolore parens.

F. Ne me huiusmodi bonorum prorsus pauperrium existimare possitis, afferam ego quoque epitaphium, sed brevissimū iuxta ac vulgatissimum.

E. Audiamus. F.

Mantua me genuit, Calabri rapuere, tenet nunc

Parthenope. Cecini pascua, rura, duces.

E. Hoc Regis poetarum est, cuius ipsemet auctor. Cultissimum sanè, & torno factum, nec paucas res complectens. Docet ubi natus, ubi mortuus, ubi conditus, quam artem exercuerit, quot monumenta, & quæ reliquerit: nullum verbum ibi non necessarium. Ipsæ *χαεῖρες* non pangant aliquid *χαιρεῖσθες*. S. Occurrit aliud? F. vel sexcenta. E. quī dum? F. Ex veteribus ac recentibus poetis collegi tumulorum libros. Atque ut ad imitandum mihi & amicis pateret, in locos communes descripsi. S. Quo pacto? F. Non mihi ordini, quem tenui. tamen scio hos esse locos. In Eruditos, & rursus, in Philosophos, in Poetas, in Oratores, in Medicos, in Principes, Reges, Imperatores, in Duces, in milites, in varios artifices, in viros bonos, in pueros, in adolescentes, in mulieres maritas, in principes faminas, in virgines. Etiam in animalia: nam & in hac luserunt festiua ingenia scribendis epitaphiis, è quibus multum me permulcet illud Martialis in formicam.

Dum

*Dum Phacrontea formica vagatur in ſombra,
 Implicuit tenuem ſuccina gutta feram.
 Sic modo qua fuerat ſorta contempta manente,
 Funeribus facta eſt nunc pretioſa ſuis.*

E. Perutilem tibi cæteriſq; laborem ſuſcepisti. Mos peruetus bene de Repub. meritis referre gratias, exaratis in eorum monumentis ſeu ſoluta, ſeu ligata oratione epitaphiis: ſic enim omnes inſcriptiones, ſeu epigrammata ſepulcraria vocauerim, etiamſi titulos tantum, officiâque mortuorum, ætatis annos, menſem & diem obitus teneant. In cippis ſeu tumulis militum anni quoque militiæ notabantur, & gradus quem in cohorte aut legione obtinuiffent. S. Gloria illis tribuenda eſt, qui modeste cupiunt ſuum nomen, genus, conditionem cognosci à poſteris: idque magis ut eorum precibus adiuuentur, quam ut valde celebrentur, & per ora hominum voluntur. Sine virtute vera laus nulla eſt: cum qua vixiſſe ſolita laus & ſufficiens, etiamſi nulla præterea commendatio acceſſerit. Quod ergo ne in ethnicis quidem probatur, quomodo in Chriſtianis toleraretur. F. Quorſum hoc? S. Adducit Næuij poëtæ epitaphium Gellius, quod ſibi met ille conſcripſerat ante diem ſuum, & factus ac ſuperbiæ Campanæ plenum affirmat. E. Recita ſi meministi. S. Memini.

*Immortales mortales flere ſi foret fas,
 Flerent Diua Camæna Næuium poëtam.
 Itaq; poſtquam Orcino eſt traditus theſauro,
 Obliti ſunt Roma loquies lingua latina.*

Parum certè modestum etiam Plauti: modestissimum verò Pacuij. F. Vt in aliis aliàs, sic in hoc abusus irrepfit. Cum enim antiquitus viui de mortuis huiusmodi elogia ob virtutem & doctrinam impertirent, adulatio poetarumq; leuitas fecit, vt quibuscunque placuisset, etiam nullis ad Rempub. collatis officiis, nec vilo ornamento insignibus tribuerentur. Quin eò res euasit, vt parum honesta etiam, parumq; pudica istis in epitaphiis afferrentur. S. Sic est, vti memoras. Nam quidam in his suas libidines, sceleraq; posteritati prodere non erubuerunt. Vt Sardanapalus ille Assyriorum Rex, deliciis vltra modum effeminatus, incidi iussit in busto,

Hæc habeo, qua edo, quæq; ex saturata libido

Hausit: at illa iacent multa & præclara relicta.

Quid aliud, inquit Aristoteles, in bouis, non in Regis sepulcro inscriberes? Tales extant tumuli meretricum nobilium: quâquam ita sunt scripti plerique, vt illarum nequitia magis vituperentur, quàm formæ illecebræq; laudentur.

E. Mihi videntur pro epitaphiis fuisse sculptura, & picta instrumenta quædam super tumulis, quibus defunctorum artes conditionesue significarentur: verbi gratia, nauis seu remi indicabant nautam, rete piscatorem, malleus fabrum, mola molitorem, securis lignatorem, dolium seu calix potatorem, aratrum agricolam, aquilæ & leones viros fortes magnosq; duces. De sepulchro Miseni tibicinis ita est in sexto apud Maronem.

At pira Aeneas ingenti mole sepulcrum

Imposuit, suaq; arma viro, remumq; tubamq;

Monte sub acro.

F. Numa

F. Num hoc in liberalibus quoque disciplinis ob-
 seruatum credis? E. Ita conicio, & de Archimede
 Syracusano excellēti astrologo testimonium gra-
 ue M. Tullij afferre possum. S. Arrigimur ad au-
 diendum. E. V. Tuscul. *Cuius ego Quæstor ignoratum
 à Syracusanis, cum esse omnino negarent, septum vndique,
 & vestitum de pribus & dumetis indagavi sepulcrum. Te-
 nebam enim quosdam senariolos, quos in eius monumento
 esse inscriptos acceperam: qui declarabant in summo sepul-
 cro sphaeram esse positam cum cylindro: ego autem cum om-
 nia collustrarem oculis (est enim ad portas Agragianas
 magna frequentia sepulcrorum) animaduerti collumellam
 non multum è dumis eminentem, in qua inerat sphaera figu-
 ra, & cylindri. Meo quidem iudicio cylindrus ad
 Geometricam, sphaera ad syderum scientiam in-
 dicandam pertinet. Quarum vtraque Archime-
 des excelluit. F. Eadem est nostra opinio. E. No-
 tum est item, boues, vrsos, aquilas super fortium
 virorum tumulis expressas. Arma quoq; & insi-
 gnia defunctorum faxis parietum, & columnis
 adiungebant. S. Quid de obeliscis, pyramidibus,
 statuis, columnis? E. Pyramides Regū Ægyptio-
 rum inuentum esse, sub quibus conderentur. Cæ-
 terum & has, & alia quæ nominasti, locum in se-
 pulcris illustrium virorum habuisse. Apud maio-
 res, inquit Seruius, nobiles aut sub montibus, aut
 in montibus sepeliebantur: vnde natum est, vt su-
 pra cadauera aut pyramides fierent, aut ingentes
 collocarentur columnæ. Alibi putat ideo colum-
 nas mortuis nobilibus superponi solitas, vt eo-
 rum culmen ostenderetur. Scoti iis qui in pugna
 cecidissent prægrandes obeliscos statuebant, & tot
 cuique militi, quot hostes interfecisset. Hodie cru-*

ces ligneas, quibusdam locis æneas desigere in sepulcris mos est. F. Cur hoc? E. Ut intelligatur sepultum ad crucifixi curam & providentiam pertinere, eiusq; nomine ac potentia rediuiuū ad illud seuerum tribunal listendum fore. Pro corollario addam, fugiendos esse nimios sepulcrorum sumptus, quo in genere Ægyptij peccauerunt. Studioſius enim hi, & sumptuosius monumenta cōstruebant, quā domicilia: quod dicerent, falli eos, & errare, qui operosè ædificarent domos, in quibus parum diu victuri essent: sepulcra autem, quibus in sempiternum, aut certè in longinquum tempus requiescendum foret, non impentius curarent. De hac moderatione etiam Plato sapientissimus aliquid dicendum sibi credidit.

ANNOTATIONES.

PARVM CERTE MODESTVM ETIAM
 (PLAVTI) Plauti apud Gellium lib. 1. capite 24.
 hoc est..

*Postquam est mortem apertus Plautus, comedia luget,
 Scena est deserta: hinc lusus, risusq; iocusq;
 Et numeri innumeri simul omnes collacrumarunt.*

Pacuvij.

*Adolescens tamen si properas, boete saxum vogas
 Vis se aspicias: deinde quod scriptum est legas.
 Hec sunt poeta Marci Pacuvii sita
 Ossa. Hoc volebam, nescius ne esses, Gale.*

*Possent et aliorum poetarum adducere epitaphia, quæ
 sibi met fecerunt, veterum ac recentium: sed nolim ci-
 tra causam videri longior. Apponam adhuc Seneca
 philo-*

philosophi, qui à sacris Musarum non penitus abhorruit, & ponam idcirco, quia moderationis vetustatisq; plenum est, et in eo rerum humanarum contemptio, pectusq; philosophicum elucet.

Cura, labor, meritum, sumpti promovere honores,

Ite, alius posthac sollicitate animas.

Me procul à vobis deus evocet, ilicet altis

Rebus terrenis, hospita terra vale.

Corpus anara tamen sollemnibus accipe saxis,

Namq; animum calo reddimus, ossa tibi.

UT SARDANAPALVS ILLE) Reprehendit hoc epitaphium, & ab Aristotele reprehensum memorat in 5. Tuscul. M. Tullius. In 2. de finib. idem. Corporis autem voluptas etiam si praterita delectat, non intelligo cur Aristoteles Sardanapali epigramma tantopere derideat: in quo ille Rex Syria gloriatur, se omnes secum libidinum voluptates abstulisse. Quod enim ne vivus quidem, inquit, diutius sentire poterat, quam dum fruebatur, quomodo id potuit mortuo permanere. Vide insuper Athenam libro duodecimo. Victor. lib. 25. capite 17. CRV-
CES LIGNEAS) Ramulos myrti imponebant sepulcris Graci, & ita quasi inferias faciebant. Plura Victor. lib. 16. cap. 2. NIMIOS SEPVLCRORVM
SVMPVS) Etiam Christiani veterum luxum imitantur nonnunquam, & cum Reges ac Principes non sint, regie tamen sepeliri volunt. De Egyptiis regibus, quorum fuit portentosa in sepulcris magnificencia, Diodorus lib. 1. cap. 4. Magnis impensis

Licinius tonsor sibi sepulcrum construxerat, quod nemo non moleste ferebat, hominem ignobilem tam sumptuose tumulatum. Proinde scripsit poeta quidam iratus:

Marmoreo Licinus tumulo iacet, at Cato paruo,

Pompeius nullo: credimus esse deos?

ALIQUID DICENDVM SIBI) Plato breuitatē amauit in epitaphio, & sepulcra fieri magnis impendiis vetuit. Cuius sententiam ita retulit in extremo 2. de Leg. Cic. Extrui autem vetat sepulcrum altius, quàm quod quinque diebus homines quinque absoluerint: nec è lapide excitari plus, nec imponi, quàm quod capiat laudem mortui, incisam quatuor heroicis versibus, quos longos appellat Ennius. Sanxit & Solon, ne quis sepulcrum faceret operiosius, quàm quod decem homines effecerint triduo. Neque id opere tectorio exornari, nec Hermas imponi, nec de mortui laude, nisi in publicis sepulturis, nec ab alio, nisi qui publice ad eam rem constitutus esset, dici licebat. Cic. eod. lib.

PROGYMNASMA

SEXTVM ET SEXAGESIMVM.

Inferiæ, ludi funebres, bene precari mortuos.

MARTI-

MARTINVS, SIGEFRIQVS.

MARTINVS. Cum totam Æneidem, tum præcipuè sex priores & fructu & voluptate mirabili euoluere soleo, in quibus Odyssææ imaginem cerno: & tam suauibus est permista affectibus oratio, vt interdum πρὸς συμπάθειαν vix à lacrymis me abstinenceam. Quàm flebilis sunt illa, quæ in tertio de Polydoro minimo natorum Priami à Polymestore avarissimo per summum scelus interempto, non longè ab initio commemorantur? Ex illis autem versibus, qui continenter succedunt, rationem quandam sacrorum sepulcralium didici.

*Ergo instauramus Polydoro funus, & ingens
Aggeritur tumulo tellus, stant manibus ara
Caruleis mæsta vittis, atraq; cupresso,
Et circum Iliades crinem de more soluta.
Inferimus tepido spumantia cymbia lacte,
Sanguinis & sacri pateras, animamq; sepulcro
Condimus, & magna supremum voce ciemus.*

S. Licet eadem discere etiam ex quinto, vbi paræta facit Anchisæ Æneas. Et solemne antiquis fuit, epulas etiam inferre monumentis, ac pascere mortuos: quin & superstites ibi epulabantur: vnde feræ cœnæ, filicernia, funerum fercula apud auctores. Quem morem sustulit Christianismus: nisi quod hanc consuetudinem apud quosdam alia pensari putant docti nonnulli: vt nempe iustis solutis, domum inuitentur cognati & amici, ibiq; opiparum conuiuium instruatur. M. Non absurdum sit existimare, has esse moris illius veteris quasdam reliquias. Ex eodem quinto Æneidos

cognoscimus item de ludis funebribus, quos varios Æneas ad tumulum patris comittit. S. Sumpsit poeta locum ex Homero, apud quem ludos celebrat Achilles Patroclo amico suo, fiebatq; hoc more apud Græcos, à quibus ad Romanos promanavit. De istis ludis in rerum Romanarum auctoribus leges cum voluntas feret. Cæterum valedicere mortuis, eosq; salutare etiam mos tenebat: sic enim ad Pallantem Euandri filium Æneas.

Salve æternum mihi maxime Palla

Æternumq; vale.

Et ad Anchisen reuersus ex Africa in Siciliam.

Salve sancte parens, iterum saluete recepti

Nequicquam cineres, animaq; Æmbræq; paterna

Et apud Catullum.

Atq; in perpetuum frater aue, atq; vale.

Non enim decet nos amicitiam post mortem charorum abiicere. Dum viuit, hominem noueris: ubi mortuus est, quiescas, ait in Truculento parum honesta famina. Verum istuc liceat lucrum voluptatemq; sectantibus: nos quidem, quos superstites, ad paucos tantum dies peregrè abeuntes cum bonis precationibus, & ominibus dimittebamus, blandissimisq; salutationibus redeuntes recipiebamus, eos iam adeo longam viam ingredientiæ negligere, nec ad eorum ossa cineresq; quidquam amicū & humanum effari, non conuenit: quasi non illorum quos in vita dileximus, sed alienorū prorsus sint exuuiæ. M. Cum hunc morem non damno, tum Christianum maximè laudo. S. Quē illum? M. Vbi audiuius aliquem vita celsisse, ita precamur: *Requiescat in pace.* Quæ voces nonnunquam in sepulcrorum monumentis incisæ reperiuntur.

riuntur. Item: *Requiem aeternam dona ei Domine*, quæ sunt initium sacrorum funebrium. S. Pia precatio. Nam in hac vita quamdiu versamur, dies noctesq; militamus, nec vnquam ab hostibus dantur induciæ. Quid ergo rectius Christiano militi, quã aeternam, & beatissimam requiem optemus? M. Censen' prodesse mortuo, cum quis tumultu prætergrediens, cum suspirio aut gemitu memor est defuncti, animo ad Deum conuerso? S. Equidem ita censeo. Nam lacrymæ, pia vota, gemitus, quid sunt nisi tacitæ preces animi? sine quibus parum valent, quæ ore præcâtes pronunciamus. Et Deus, qui recessus & latebras animorum omnes contuetur, pluris æstimat clamorem mētis, quam vocis. M. Nihil certius. Solebant antiqui mortuis leuem terram, leuem lapidem sepulcri optare, ne cineres & ossa premerentur: perinde vt si restaret sensus aliquis. S. habes in promptu exempla? M. Habeo ex poetis, è quorum carminibus cùm alias, tum sepulcrales antiquitates maximam partē cognoscimus. S. Credo istuc facillimè. Sed recita versus aliquot. M.

Iuuenalis.

Dij maiorum Symbria tenuem, & sine pondere terram.

Ouidius.

Et patris Anchisa molliter ossa cubent.

Idem in mortem Tibulli.

Ossa quieta precor tuta requiescite in urna,

Et sit humus cineri non onerosa pio.

Martialis.

Sit tibi terra leuis, mulier dignissima Vita,

Tibullus contrarium precatur vetulæ.

injalix vrg eat ossa lapis.

Græci,

Græci. ἐκείνῳ κοῦον γῆ.

In veteribus monumentis frequens legebatur hæc inscriptio. S. T. T. L. sit tibi terra levis.

ANNOTATIONES.

INFERIAE) Inferiarū nomen inde manauit, quod mortuorum sepulcris inferri solerent. Virgil. 3. *Aeneid.* Inferimus tepido spumantia cymbia lacte καὶ à Græcis vocantur, à fundendo. Fundebant lac, mel, aquam, vinum, oliuas: flores etiam spargebant. Turneb. lib. 4. cap. 22. qui in hanc rem Æschyli quoque versus affert. **A** POLYMESTORE AVARISSIMO) Lege prologum Hecuba apud Euripidem, in quo umbra Polydori & causam quare à patre Priamo ad hospitem illum missus, & quare ab eodem ingulatus sit. **VALEDICERE MORTUIS)** Dimittendorum manium hæc erat olim formula. Post peraëta tumuli solemnia dicebatur: salue & vale. **Q**UOS VARIOS COMMITTIT) In funeribus clarorum virorum etiā decursiones militares fiebant: milites enim suis instructi armis, & tanquam in procinctu, gradu militari, & exercitatione quadam ludicra decurrebant. Tacitus. Princeps ipse cum legionibus decurrit. Sueton. in Claud. cap. 1. Caterū exercitus ei tumulum honorariū excitauit, circa quem deinceps statim die quotānis miles decurreret. Id Virgilius in funere Pallantis imitatus est 11. *Aeneid.* Ter circum accensos cuncti fulgentibus armis Decurrere rogos. Sed laues orbis
agere,

agere, circumq³ in sinistram decurrere primū solē-
bant: deinde ut expiarēt contagionem funeris, in dex-
tram decurrebant. Papinius lib. 6. Thebaid. lustratq³
ex more sinistro Orbe regum. Deinde subiicit.

hic luctus abolere, noniq³

*Funeris auspicium, & ates, quanquam omnia sentis
Vera, iubet dextro gyro & vibrantibus armis.*

Hac redeunt.

Hac Turneb. lib. 4. cap. 8.

PROGYMNASMA

SEPTIMUM ET SEXA-

GESIMUM.

*Ossium humanorum saluta-
ris contemplatio.*

MYSTAGOGVS, ADOLESCENS.

MYSTAGOGVS. Posteaquam, fili, huius cœ-
meterij septa intrauimus, sculpturas, ico-
nes, monumenta visimus, inscriptiones &
epitaphia nonnulla perlegimus, super tumulo ma-
tris tuæ, integerrimæ atq³ grauissimæ fæminæ in-
genua subsidentes, Deo pro eius anima ab expia-
toriis inferorum cruciatibus liberanda compræ-
cationem fundimus, & lapidem aqua lustrali irro-
rauimus, accedamus nunc ad illud, quod propter
ædiculam conspicitur σκελετοφυλάκιον: sic enim oc-
currit

currit mihi in præsentia ut appellarem custodiam
 illam, qua eruta ac resossa sepulcris, cute carnibus-
 que nudata prorsus, & æceruatim congesta mor-
 tuorum ossa servantur. A. Quid ibi facturum Pater?
 M. Id nēpe, cuius causa à maioribus nostris Chri-
 sti militiam professis hominibus excogitata est ista
 ossium asseruatio. A. Equidem non ignoratis sum,
 quamobrem refodi soleant ossa consumptis cada-
 ueribus: nimirum, ut ahis quoq; humo tegendis sit
 locus. Nam si cuiq; perpetuo suum sibi sepulcrum
 relinqueretur, quod spatium, quæ vastitas loci su-
 nerandis, in amplissima præsertim ciuitate, vno
 sæculo, ne dicam plurimis sufficeret? M. Crema-
 rentur proinde ignibus ossa quandoquidem nihil
 nisi ossa sunt, cineresq; in profluentem dissipantur.
 A. Cur id non fiat, Pater, in ordinem autem
 redigantur, ut hinc sint tibiae, ibi crania, illic spinæ
 dorsii, & minora ossium, puto in causa esse reuerē-
 tiam & honorem, quo prosequimur lumine cas-
 sos, à quibus illa supremo qui mundo illuxerit die
 receptum iri, sacrarum litterarum nobis persuasit
 auctoritas. Et quemadmodum ossa ipsi nostra in-
 dignè haberi nollemus: sic eos quoq; nolle statui-
 mus, qui ante nos ad huius vitæ metas terminum-
 que pertigerunt. M. Prudenter fili, & probabilem
 veramq; rationem producis: veriore tamen o-
 misisti. A. Ex ore tuo illam accipere percipio, si
 me docere non grauaberis. M. Haud grauabor, mi
 adolescens: tu modo attende dictis animum, & te
 ipso cura ut melior euadas. A. Curabo, & Deus se-
 cundabit mea consilia. M. Speculum quoddam
 salutiferum hoc loco nobis adhuc in vita manen-
 tibus proponitur: in quo cum nosmetipsos probè

fueris

fuerimus contemplati, cogitemus non aliud esse quam sumus: vilissimum puluerē, & ossa arida: atq; idcirco ex animis omnē fastum superbiamq; funditus excludamus, prauissimas peccandi consuetudines deferamus, præteritas maculas eluamus, morēsq; nostros in futurū ad diuinorū præceptorum sanctitatem accommodare atq; dirigere contendamus. Nihil utiq; ad vitā piē christianēq; instituendā æque conducit, vt assidua mortis commētatio. Memorare, inquit, nouissima tua, & in æternū non peccabis. A. Explica mihi istuc paulò latius, si placet. M. Etiam, explicabo, & præteribo iudiciū, supplicia infera, & gaudia illa cælestia, quoniā ad institutū non faciunt: de sola morte agā tecum. A. Id exspecto. M. Interfuiſti aliquando, cū quis iam euiſta, & prostrata natura, defectusq; viribus spiritum reddere cogeretur? A. Interfui aliquoties. M. Non tu ibi iacētem miserāda specie moriturum, & iam iamq; relictis rebus mundanis omnibus quātumcunq; charis in alia quædā incognita loca migraturum, iudicisq; incorruptissimi ac seuerissimi de se sentētiā immutabilē audirum miseratus es? A. Immo. M. Nōne cogitaſti. En qui paucos ante dies sanus, robustus, hilaris, animosus, vt nunc horū nihil est? vt totum corp⁹ decolor, pedes frigidi, frons vt buxus pallida, mēbra omnia gelidissima, capillus decidit, labia liuēt, oculi hebetātur, totus vult⁹ immutatur, cessant venarū pulsus, forma & dec⁹ omne perit, mors per art⁹ serpit, sudor letalis prorūpit: vno verbo, disturbatur domiciliū, & anima exturbatur? A. Cogitaui hæc. M. Si tū quādo ista cogitabas, quispiā proposuisset tibi forma liberali & ætate florēti mulierem, nū ad rē voluptatis?

vina & condimentis apparatissimas epulas, num ad ebrietatem & intemperantiam? si pecuniam, num ad auaritiam? si honores maximos, num ad superbiam, & ambitionem? si quamcunq; malam cuiuscunque generis oblectationem, num ad eam perfruendam valde fuisses incitatus? A. Nihil prorsus, ô pater. M. Si tum quispiam grauius te læsisset, tunc illum occidisses? A. Nec digito attigissem. M. Si inimicus abs te veniam petisset, tu illi veniam negasses? A. Ignouissem libentissimè. M. Nec ira igitur, nec odium apud te valuisset. Idem intellige de inuidia, sacrilegio, obrectatione, cæterisque sceleribus, quorum nullum tibi ex illa morientis cõtemplatione sic affecto perpetrare libuisset. Sed quare non libuisset? A. Noli quærere, nescio: hoc tantum scio, non libuisset: immo non libuit, nec mihi, nec cuiquam eorum qui affuerunt. M. Quæ itaque vidimus, quæq; fieri solere scimus morienti, ea ante oculos nobis ponamus, & de iis multum ac sedulò cogitemus, ita peccatis temperabimus. Ac enim nulla res tam vehementer mortis nos admonet: nulla discessum ab his rebus caducis æquè in mentem redigit, vt ossium illorum aridissimorum consideratio. A. Sic mihi videtur, & hinc te domi tuæ in Musæo caluariam vitro inclusam tenere opinor, vt quam frequentissimè illam respiciens, mortalem te esse recordere. M. Facio ego istuc, fili, non tamen primus facio: sed piorum virorum sollemne imitor. En tibi caluariam istam: caret pelle, caret capilia mento, caret etiam carnibus, caret dignitate omni. O quàm deformis & horribile aspectu caput? vide vt nasus extremus
deci-

deciderit, vt foramen pateat fœdissimum, vt oculorum loco sint duæ cauernæ profundæ admodum, vt os ringatur, vt dentes partim amiserit, partim quos retinuit paucos ostendet. Heu vbi nunc coloris mira suauitas? vbi labella purpurea? vbi decora & nigra supercilia? vbi demum oculi ludibundi, stellarum instar fulgentissimi? vbi frons explicatissima & serenissima? nusquam video auricomos crines, nō apparent cincinnuli, non in aures: nihil hic nisi nudum & informe os spectandum obijci-tur. A. Tua oratio non paruam mihi commotionem dat, plena neruorū utiq; plena ossium, quāuis de ossibus. M. Quæramus porro in hac congerie candidissima brachia, man⁹ mollicellas, succiple-num & eburneum corpusculum, membra cætera quàm venustissima & compositissima, vnde sibi mortales plurimum plaudere consueuerunt: nihil horum reperiemus. Dicite ossa, dicite cuius estis? nam nos quidem hîc diuitem à paupere, nobilem ab ignobili, clarum ab obscuro, eruditum ab indocto internoscere non possumus. Quis pater, quis filius, quæ vxor, quis maritus, quis frater, quæ soror? ante mortem longè dispar conditio: in morte, & post mortem omnium æqua sors, nullum discrimen. Quamuis in sepulcris argenteis nonnulli putrescant, tamen illorum ossa istis nec meliora, nec elegantiora conspiciuntur. Cadauera certè potentium, quæq; luxuria distenta fuerint, aliquantò intolerabiliorem exhalare fœtorem aiunt, quam inopum. A. Iam dudum fœdet mihi voluptas, sordent opes, sordent omnia.

O curas hominum, ô quantum est in rebus inane.

O o

Sed

Sed nolo te remorari. M. Prodeant è tumultis, qui ostro & auro vestiebantur: qui torquibus, annulis, gemmis onusti incedebant: qui è poculis gemmatis vini florem hauriebant: qui inuehebantur curribus inauratis: quos satellicum cateruæ stipabant: qui cætum viginti prouinciis imperitabant: qui cum Ioue diuisum habebant imperium. Veniant in medium septem illi sapientes: veniant Philosophi, Oratores, Poetæ, Mathematici: veniant Reges, Imperatores, & Monarchæ: Veniant etiam Episcopi, Cardinales, & Pontifices Maximi: veniāt nobilissimæ & decantatissimæ fæminæ. Quid ab istis ossibus different? aut quid illis nunc opulenta forma, luxus, nobilitas, maiestas, amplitudo, eruditio prodest? Vanitas vanitatum, & omnia vanitas. Opera illorum secuta sunt illos, præterea nihil. Quam singularis & eximia pulchritudo fuit Absalonis? Quam incomparabilis venustas illius fæminæ, propter quam Græcia Barbariæ est lento collisa duello, & quæ de forma omnibus gentibus est notissima? Attamen hi puluis & ossa facti sunt. Quantæ vires Sampsonis? quantæ Herculis? & hi conuersi sunt in cineres: nō enim assentimur poetarum figmentis, quibus ad Deos abiisse Hercules traditur: ad inferos potius descēdisse hunc Deum, & Iouis hunc filium credimus. Sapientiam Salomonis admirabatur omnes mortales, & Plato fuit totius Græciæ vir sapientissimus: vterq; sub terra positus computruit. Quid eloquentius Cicerone? Quid demosthene? perierunt ambo, solutiq; sunt in puluerem. Pompeius, qui sæpius cum hoste cōflixit, quam quisquam cum inimico concertauit: plura

plura bella gessit, quam cæteri legerunt: plures
 prouincias confecit, quam alij concupiuerunt. Cæ-
 sar qui domuit gentes immanitate barbaras, mul-
 tudine innumerabiles, locis infinitas, omni co-
 piarum genere abundantes, vterque clarissimus
 & fortunatissimus Imperator, mortis effugere
 morsum non potuit. Quid Asuërus, quid Nabu-
 chodonosor de sua potentia? Quid Nero, quid
 Heliogabalus de suo luxu retinuerunt? Nihil ma-
 gnificandum, præter amorem erga Deum, in
 quo solo sunt omnia, & sine quo nihil sunt om-
 nia, quia nihil prosunt. A. Nunquam fortis hu-
 manæ abiectiōem humilitatēque tam clarē, vt
 modo te differente perspexi: & posthac diem il-
 lum, quo ex isto diuersorio exeundum erit, cre-
 brius mihi subiiciam: quando nemini, quamuis
 adolescenti exploratum est, se ad vesperum esse
 victurum. M. Salutaris cogitatio. Non imparat-
 um si te mors offenderit, ipsa tibi ad lætitiā
 sempiternā ianua erit. Sic autem inueniet, si eam
 quotidie venturā cogitaueris. Nec solet esse for-
 midabilis illa, nisi iis qui obliuisci salutis suæ, obliu-
 isci rerum cælestium, totique corporum voluptati-
 bus, & fluxis naturis immerfi, tanquam pecudes
 inertem vitam traducunt: de abitu ē vita nec au-
 dire, nec loqui, nec cogitare sustinent: qui in hoc
 exilio tanquam in patria securi, metisque futuro-
 rum soluti viuunt. Væ igitur illis, qui hīc habent
 consolationem suā: væ illis qui nunc rident,
 quoniam plorabunt & ululabūt miserrimē. O ni-
 mium dura, o ferrea pectora, quæ nec moriētium
 aspectus, nec quotidiana funera, nec sepulcrorum,

ossiumq; spectacula ad timorem mortis, vitæq; commendationem excitare possunt. Qui ossa vti marmora, sepulcra vti fossas, & tumulos vti quosdam terræ tumores, morientésq; non alio sensu, quam si essent bestię, ipsi autem dii, & immortales, intuentur. Vellem porro Principes, & qui honores magnos gerunt, imitarentur Imperatores Constantinopolitanos, de quibus narratur, quo die primum in solium Augustorum ascendebant, purpura & corona insignes, accedere solitum fabrum cœmentarium cum lapidibus variorum generum, ita dicentem: *Imperator, elige de his saxis, Unde velis tibi sepulcrum fieri.* Qui autem Ecclesiasticis magistratibus funguntur, vtinam Ioannem, qui ἐλεήμων Eleemosynarius est cognominatus, fuitq;, Alexandrinus Patriarcha. Splendidum sepulcrum inchoari iussit, imperfectumq; relinqui. Diebus autem præcipuæ religioni insignibus, cum ornatu pontificio coram præsentē populo in throno atque templo consideret, essetq; summæ venerationi, accedere ad se certum ministrum, qui sibi hæc verba loqueretur. Tuum sepulcrum, Episcope, nondum est perfectum: iube perfici, quoniam neque diem scis, neq; horam. A. Exempla ista lectissima dum memor mei fuero, non obliuiscar.

ANNOTATIONES.

OSSIVM) Ossa sunt corporis solidamenta. In his enim positio omnis, roburq; subsistit. Ossa autem ab isto dicta, propterea quod cremantur ab antiquis, sine, vt alij putant, ab ore, quod ibi pateant. Nam ubi-
que

que cute visceribusq³ obiecta celantur. Isid. lib. 11. cap. 1. Osculatim, ut simulatim. Nonius, PROPTER ÆDICVLAM) Non modo caussa, verum & alia significatio inest in hac particula, eadem scilicet, quæ prope, iuxta. apud. Cic. pro Sex. Ros. Duo filij propter patrẽ cubantes. In Bruto. In pratulo propter Platonis statuam confedimus Contra Rul. Fluvius Eurotas, qui propter Lacedamonẽm fluit. Lucret. lib. 2.

*Cum tamen inter se prostrati in gramine molli
Propter aquarium, sub ramis arboris alta.*

Virgil. Georg. 3.

*Et Viridi in campo templum de marmore ponam
Propter aquam.*

PROPTER QVAM GRÆCIA) *Isocrates in Encomio Helena, Homerus 3. Illiad. ubi illa in turrim ascendit, unde hostium exercitum Priamus & proceres spectabant, Antenorem, ni fallor, dicentem facit, non esse indignũ, pro tali forma tantum bellum geri. Stultus Antenor, quis non videt? Stultus etiam Priamus. Quid ni vero stultus etiam Propertius? cuius illa sunt lib. 2. eleg. 3.*

*Nec semper nobiscum humana cubilia vises,
Post Helenam hac terris forma secunda redit.
Hac ego non mirer flagret si nostra iuventus,
Pulchrius hac fuerat Troia perire tibi.*

MORTIS EFFUGERE MORSV) *Vnde mors dicta sit, Grammatici viderint. Infantium quidem esse acerbam, iuuenum immaturam, senum naturam seu naturalem, dicit Isid. lib. 11.*

PROGYMNASMA
OCTAVVM ET SEXA-
GESIMVM.

*Gnomica, seu Philosophorum
sapienter dicta.*

ARTHEMIVS, ELEAZARVS.

ARTHEMIUS. Ecquid peruolutasti aliquādo, Eleazare, Diogenem Laertium, legistiq; philosophorum vitas, doctrinæ cuiusq; capita, seu dogmata, & apophthegmata? E. Peruolutavi, legi; ad finem inde vsque à principio: & aliās, vt vsus postulauit, hic, illic locos partēsq; legi. A. Qualis tibi visus scriptor ille? E. Vt præteream in quibus aut leuiter perstrictum, aut grauius reprehensum, memini à doctioribus, narrationes texit confusissimas, permiscētq; omnia, nullum custodit ordinem, multa passim dicit loco tam alieno, quam suo. Nunc de vita & moribus eorum agit: mox de libris & dogmatis. Rursum de vita particulam infercit: statim nescio quid apophthegmatum, aut aliquid de libris & opinionibus. Atq; vbi tu putares iam finem esse, ibi aut pertexitur inchoata, aut incipit noua narratio: & postquā scripsit de obitu, denuo tanquam de viuis differit: vt videatur ab inferis excitare mortuos. Historia est, cui nec caput, nec pedes. Quare si velis membra totius narrationis, & summam quandam seriemq;

riemq; mandare memoriæ, non plus agas, quam si aut apros iaculo veneris in medio mari, aut pisce-
ris in aëre. Frustra quædā licebit retinere, quæ si cō-
iungas, non magis vnā reddant formam, quàm in
mōstro Horatiano caput muliebre, ceruix equina,
varix plume, cauda piscis. A. Nihil abs te dissentio:
distinctius ac distributius res tam illustres perscri-
bi conueniebat. De ipsiſ porro vitis quid iudicas?
E. quod video placuisse doctissimis quibuscū vi-
ris. A. Hoc ipsum est quod scire gestio. E. Melius ac
verius appellari & posse, & debere vitas philoso-
phorum, quā philosophicas: plerosq; enim longē
nimium abesse à dignitate, sanctitate, & disciplina
philosophiæ: cum in iis cernamus impudentiā, ar-
rogantiā, adulationē, mentiendi audaciam, amo-
rem pecuniæ, iocos scurriles, cauillos & scommata,
consecrationes deniq; indignarum eruditis homi-
nibus voluptatū. A. Hoc nimirum est, quod in Tu-
sculanis conqueritur M. Tullius. Cum enim dixis-
set philosophiā mederi animis, inanes sollicitudi-
nes detrahare, cupiditatib⁹ liberare, pellere timo-
res, continuò addit. Sed hæc eius vis non idem po-
test apud omnes: tum valet multū, cum est ido-
neam complexa naturā. Et interiectis aliquot ver-
sibus: Hæc eadē num censes apud eos ipsos valere,
nisi admodū paucos, à quibus inuenta, disputata,
conscrip̄ta sunt? Quotus enim quisq; philosopho-
rum inuenitur, qui sit ita moratus, ita animo ac
vita constitutus, vt ratio postulat? Qui disciplinam
suam non ostentationem scientiæ, sed legem vitæ
putet? qui obtemperet ipse sibi, & decretis suis
pareat? Audi iam quemadmodum sua præcepta

obseruent. Videre licet alios, inquit, tanta leuitate
& iactatione, vt iis fuerit non didicisse melius. A-
lios pecuniæ cupidos, gloriæ nonnullos, multos
libidinum seruos: vt cum eorum vita mirabiliter
pugnet oratio. Quod quidem mihi videtur esse
turpissimum. Hæc omnia in philosophos Laertia-
nos bene multos quadrauerint. Cæterum vt hæc
ita sint, sicuti reuera sunt, nihilominus factorum
dictorumq; laudabilium, verè philosophicorum
& sapientium magna messis in eo libro. E. Haud
inficior. Nam Socratis, qui princeps à rebus occul-
tis, & ab ipsa natura inuolutis philosophiam auo-
cavit, & ad vitam communem adduxit, vt de vir-
tutibus & vitiis, omninoq; de bonis rebus & ma-
lis quæreret, quiq; philosophiæ parens audit, viri
sine controuersia virtutis & sapientiæ gloria præ-
stantissimi, quàm præclarum; & ad memoriam
insigne illud est? *Mirari se aiebat, cur hi, qui lapidea si-
gna sculperent summa ope niterentur, & lapis homini red-
deretur quàm simillimus: se ipsos curare negligerent, ne si-
miles lapidibus & viderentur, & essent.* A. Hoc in lapi-
dibus positum, transferri potest in omnes res ali-
as, in quibus per varios artifices hominis figura
exprimitur, in ære, ferro, plumbo, auro, argento,
gemmis, ligno. Quocirca artifices permulti hoc
eodem dicto admonentur, vt ne ipsi velint esse si-
miles metallis & lignis cælatis, sculptis, pictis, cum
iis artificio suo quodammodo vitam, & præstan-
tiam humanam impertiri conentur. E. Delectauit
etiam me, q; respondit Æschini. Etenim cum ille
dixisset, pauper sum, meipsum tibi do, subiecit So-
crates. An verò tu non aduertis, quàm magnā rem
mihi

mihi tradas? Certè magna res ipse homo, nec vlla in terris maior. Omnia reliqua cum homine cõparata vilia & abiecta sunt: omnia homini parent ac seruiunt: eius siquidem gratia procreata sunt, vt ipse pareat ac seruiat vni deo, cuius caussa est conditus. Eundem cum inopia premeretur, Socrates admonuit, vt à semetipso vsuras exigeret, sibi subducendo cibum. Persape à nobis ipsis possemus auxilium adipisci: sed nescimus quonam modo: sapientes sciunt, quos longissimo intervallo sequimur, & ad sensus omnia referimus. A. Magistrum discipulus statim comitetur, Socratem Plato: ille sublimis apex philosophorum & columen, quem Cicero quasi quendam deum philosophorum pronuntiat, qui cygnæos cantus edit: tenes enim memoria, vt opinor, quid somniarit Socrates. E. Ego verò. A. Huic displicebat somnus immodicus, quò etiam scripsit in legibus: dormiens nemo vllius pretij est. E. Somno sese irrigantes ac pascentes vsq; in multam diem, ne vigilantes quidem alicuius pretij censuerim. A. Veritatem dicebat suauiore auditu omnibus quæ dicerentur. Huius cognitionem Lactantius quoque suauissimum animi cibum vocauit. Seruo peccantiam vapulasses, inquit, nisi iratus essem. At nostri serui ideo vapulant, quia irati sumus, etiamsi meritò irati non sumus. E. Et hunc magistrum discipulus Aristoteles excipiat: cui cum daretur probro, quod flagitioso tulisset opem, respondit: non mores miseratus sum, sed hominem. A. Perquam simile, quod cum stipem improbo dedisset, addidit: non homini dedi, sed humanitati. Græcè

melius. ἢ τῷ ἀνθρώπῳ (Φησὶν) ἔδωκε, ἀλλὰ τῷ ἀνθρώ-
 πῳ. Glorianti, quod magna vrbis ciuis esset: moli ait, hoc
 attendere: sed an dignus sis magna illustrā, patria, hoc vi-
 de. Homines plerosque ita parcos esse, ac si semper vincturi
 sint: alios ita prodigos, ac si continuo morituri. Studiorum
 liberalium amaras radices, fructus autem dulces esse.
 Pulchritudinem plus quam epistolas omnes valere ad com-
 mendationem. In Theophrasto, qui Aristoteli fuit
 quod ipse Platoni, & quod Plato Socrati, hæc duo
 tantum notavi. Illi qui in conuiuio tacebat dixit:
 si quidem imperitus es, prudenter facis: si autem
 peritus, imprudenter. Nos, cum viuere incipimus,
 tunc emori. Atq; hi tres velut patres atq; coryphæi
 philosophorum habentur. Nunc tibi ex Aristippo
 quædam. Recreatus sum legens id, quod gloriante
 quendam quod multa didicisset, pulchrè tetigit,
 ac nos docuit, quomodo in literis cum fructu &
 honore versaremur. *Non qui plurimum comedunt, &
 exercentur, melius valent, quam qui sumunt necessaria: ita
 non qui plura, sed qui vtilia legerint, studiosi numerandi
 sunt & eruditi.* E. Papæ, quam pauci hoc norunt,
 qui vnam studendi laudem arbitrantur esse mul-
 ta, seu potius multos legere? Tales, quoniam ubiq;
 sunt, nusquam sunt. Et cum in vnoquoque rerum
 genere quod optimum est, penes paucos inuenia-
 tur, illi hoc ipsum in multitudine quærunt: homi-
 nes eo ipso otio, quod stultissime conterunt, indi-
 gnissimi. Quid nostra quæso interest, quid quisque
 scribat? Non ideo dico, quod solos antiquos admi-
 rer, nostros & sæculorum proximorum omnes vi-
 lipendam: quid enim hoc insipientius? Sed quod,
 cum nō omnibus antiquis plurimum, tum recen-
 tiorum non ita multis multum tribuendum exi-
 stimem

stimem: nec recusō, quin quantum de hoc iudicio meo detrahitur, tantum de ingenij mei opinione, si qua est, detrahatur. A. Dicis idem p̄ne quod epist. quadā Plinius. Sum ex iis qui mirer antiquos: non tamen, vt quidam, temporum nostrorum ingenia despicio. Neq; enim quasi lassā & effœta natura, vt nihil iam laudabile pariat. His omīssis, in incæpto pergamus. Habes aliud Aristippi? A. Immo. Iactabat se quispiam de natandi peritia: huic, non erubescis de iis gloriari, quæ delphinum sunt propria? Egregia laus scilicet, & homine digna, bene natare. E. Moneor alterius responsi, quod cum hoc prorsus consentit. Gloria se efferebat alius, q̄ multum biberet, nec tamen inebriaretur. Tum Aristippus. hoc etiam mulus facit. Recordare Xenocratis, cuius sine dubio admirabilis constantia, qua Phrynæ & Laidi profligatæ pudicitæ mulieribus restitit: quiq; sua morum integritate ita se probauit Atheniensibus, vt ei soli iniurato crederent. Huius, Xenocratis inquam, illud mihi placebat, quod cupiēti ludum suum obire cuidam, qui neq; mūsica, neq; geometria, neq; astronomia instructus erat: abi, inquit, ansis enim philosophiæ, & adminiculis cares. A. Quam ille hodie paucos haberet auditores? Quid Arcesilai responsū, nonne tibi visum est cōmodum etiam hac ætate ad retundēdos hæreticos? E. Quod? meminisse desij. A. Percontanti cur ex discipulis aliis pleriq; ad sectā Epicuream transirent, ex Epicureis verò nullus se ad ceteras conferret: quia ex viris, inquit, quidā Galli sunt, ex Gallis viri nunquam. E. Appositissimè, & vrbanisimè, & sapientissimè. Iuuenes debent,
domi

domi parentes, in itinere obuios, in solitudine se-
 ipsos reuereri. A. Cuius hoc? E. Demetrii Phale-
 rei: cuius etiam istuc. Quantum in bello ferrum,
 tantum in Repub. valere eloquentiam. Bionis au-
 tem: magnum esse malum, non posse ferre ma-
 lum. Facilem ad inferos viam: clausis enim ocu-
 lis illuc iri. Tantum prudentiam differre à cæteris
 virtutibus, quantum visus à cæteris sensibus. A.
 Diogenem Cynicum legens, quoties, quoties ad-
 miratus sum. Sunt in ea vita lepida: sunt item se-
 ria & graua, exemplaꝝ tolerantix, contemptus
 rerum humanarum, continentix, magnanimita-
 tis permulta. Sed facta omittamus, dicta aliquot
 recenseamus, quibus meliores & doctiores euade-
 re possimus. E. Vtinam qui tractant literas, hos
 fines sibi proponerent. A. *Grammaticos admiraba-*
tur, qui Ulyssis mala requirerent, sua ignorarent. Musicos
item, qui lyra chordas congruè aptarent, animi mores in-
concinnos haberent. Manus ad amicos non complicatis di-
gitis extendendas. Interrogatus ubi in Græcia viros & dis-
set bonos. Viros quidem, ait, nusquam. Lacedæmone & di-
pueros. E. Geminum huic, quod Lacedæmone A-
 thenas reuertens, cum interrogaretur quò & vn-
 de: à viris, inquit, ad mulieres. A. *Clamabat, heus*
heus homines. Cum plurimi conuenissent, baculo eos abigēs,
homines, inquit non purgamenta & vocaui. E balineis exiens
interrogabatur, num multi homines lauarent, negauit:
num turba multa? confessus est. E. Præteristi quod
 meo iudicio vel in fronte collocandum erat, &
 quod me vehementer ad virtutem incitauit cum
 legerem. A. Iam præcipio quid sit illud, & modo
 eram dicturus: sed relinquam tibi. E. Quando

cætera

cætera retulisti, etiam hoc refer: ita libenter audiam, quasi antea ignorauerim. A. *Cum illi diceretur, senex iam es, quiesce à laboribus. Quid enim, ait, si in stadio currerem, ad finem oporteret me cursum remittere, & non magis intenderes?* E. Dictū verè aureum: nunquam quiescendum antequam ad terminum peruenias. Id est, quamdiu viuas, virtuti danda opera: ac tum etiam aliquantò studiosius, cum præmij est vicinior. A. Quam ob rem? obsecro. E. Quoniam cum præmij consideratio & desiderium ad laborem nos excitârit, quando adhuc distabat à nobis longius, nōne magis excitabit, cum minus distabit? vehementius enim appetetur: ob quem appetitum labor dulcescet amplius: vt iam non solum præmij, sed etiam laboris ipsius tam suauis caussa laborare, & quidem cōtentius laborare delectet. A. non insulsè probauisti quod volebam. De Zenone promamus aliquid. E. Idcirco nobis datas duas aures, linguam vnā, vt plura audiamus, loquamur pauca. Hinc etiam adolescenti loquaciori: aures tuæ, inquit, in linguam defluxere. A. De Antisthene. E. *Necessitate urgente præstat in coruos quam in adulatores incidere. Illi mortuos, isti viuentes deuorant. Vt rubigo ferrum, ita inuidia consumit inuidos. Cum à malis laudaretur: miser, inquit, metuo ne quid mali commiserim. Qua disciplina esset magis necessaria, rogatus, respondit: mala dediscere.* A. at ego putabam bona discere. E. Non fallitur Antisthenes. Necessarium est nos bonos esse: sed magis, non esse malos. Et potest quidem hoc sine illo fieri: non autem illud sine hoc. A. Sapienter quoque Anacharsis. Mirari se quomodo apud Græcos certarent artifices, & iudicarent, qui artifices non essent.

sent. E. Quàm sæpe fit istud? De carminibus iudicant non poëtæ: de orationibus non oratores: de studiis indocti. Quis dicebat ebrios dupliciter puniendos, si deliquissent, ut cauerent temulentiam?

A. Pittacus. E. A quo profectum est illud? *quod facere instituis, noli pradicare: nam si non potueris deinde facere, rideberis.* A. Ab eodem. E. Responde mihi ex eodem, si nō exciderunt, ad hæc. *Quid maximè gratū?*

A. Tempus. E. *Quid maximè obscurum?* A. *futurorum euentus.* E. *Quid maximè fidele?* A. *terra.* E. *Quid maximè infidum?* A. *mare.* Vis tibi par referam? E. Age refer.

A. Similes quæstiones mihi ex Thalete soluas. E. si meminero. A. non plus desidero. *Quid est antiquissimum?* E. *deus.* A. *quid pulcherrimum?* E. *mundus.* A.

Quid maximum? E. *locus.* A. *Quid velocissimum?* E. *mens.* A. *Quid fortissimum?* E. *necessitas.* A. *Quid sapiētissimum?*

E. *tempus.* A. *Quid difficillimum?* E. *se ipsum nosse.* A.

Adhuc, quid difficillimum? E. Vidisse tyrannum senem. A. Ita est prorsus: vnde Chilo felicem aiebat tyrannum, cui sine sanguine contigisset mori. E.

*Ad generum Cereris sine cede & sanguine pauci
Descendunt Reges, & sicca morte tyranni.*

A. Quid idem Chilo dicebat difficile? E. Arcana reticere, otium bene dispensare, iniurias tolerare.

A. Tam multa & minutæ te memoriter? E. Tu hoc in me, ego idem in te. Magno emam huiuscemodi sermones tinctos humanitatis & doctrinæ notis, si venales sint: ac semper malim cum libris viuis (quos doctos homines appellitare consueui) quam cum mortuis hominibus in libris mutis colloqui.

A. Vellem hoc in theatro audiri.

ANNOTATIONES.

GNOMICA) Licebit hac etiam philosophorum, apophthegmata appellare, quomodo nos principio dialogi appellauimus. Est autem apophthegma sententiosè & breuiter dictum, seu breuis & scita sententia, nō solum oratorum, ducum, legatorum, imperatorum, illustrium deniq; virorum, ut somniat Erasmus, sed cuiuslibet, etiā obscuri. Apophthegmaticus, qui est ingenio prompto ad enuntiandas huiusmodi sententiās, siue qui gaudet apophthegmatis. Quae si loco & tempore, parcè ac sobrie in sermonibus intericiuntur, aut scriptis etiam illigantur, mirificè tenent animos. (VI NEC CAPUT NEC PEDES) Nec principium aptum, nec finis. Confusio & ordinis perturbatio hoc sermone indicatur: quae res historia maxime repugnat, in qua debent omnia plana esse & dilucida: at ubi nullus ordo, ibi obscuritas. Sic apud Plaut. Capt. cum Tyndarus Aristophontem Hegioni absurda, perturbata, indistincta, non coherentia, more furientium dicturum affirmare vellet,

nugus ludificabitur,

Garriet quod neq; pes unquam, neq; caput compareat.

Ornamenta absunt: Aiace, hunc cum vides, ipsum vides.

INDIGNARVM ERVDITIS HOMINIBVS)

In impuram belluarum intemperantiam se abiicere, & auidè haurire eas voluptates, quae gustatu & ratione potissimum capiuntur, nec hominis est, ne dum sapien-

sapientis, qui longè liquidioribus & maioribus oblecta-
 mentis continenter fruitur, quàm possint esse hæc cor-
 poreæ, quibus finitimum est fastidium, ut alia cum iis
 coniuncta incommoda pratermittam. Nec inscienter
 Minervam artium præsidem ἀμύτοεσς, & virginem
 finxit antiquitas. Gloriatur etiam M. Tull. initio 2:
 de Off. cum dominatu unius omnia tenerentur, ne-
 què esset usquam consilio, aut auctoritati locus: socios
 deniq³ tuenda Reipub. summos viros amisisset, nec se
 dedisse angoribus, quibus esset confectus, nisi his resti-
 tisset, nec indignis homine docto voluptatibus. QUID
 SOMNIAVERIT SOCRATES) Fovere se gremio
 cygnum pullum, qui paulatim plumescens sublimè
 enolaret, cantusq³ dulcissimos ederet. Cum postridie
 Aristo puerum Platonem adduceret, eumq³ So-
 crati in disciplinam traderet, dixit discipulis So-
 crates: hunc ipsum fore cygnum illum, de quo somnium
 sibi fuisset oblatum. Laërt. in Plat. & Pausan. in At-
 ticiis. SVAVIOREM AUDITV OMNIBVS) Nisi
 cum nostra nobis vitia demonstrantur et obiciuntur,
 tum profectò veritate ad audiendum nihil odiosius:
 verba omnia sunt lapides, & cerebrum nobis excu-
 tiunt. SI AVTEM PERITVS, IMPRVDEN-
 TER) Silentium suum in conuiuio ita excusabat Iso-
 crates. De quibus ego loqui possim, illi nesciunt: quæ
 illi sciunt, ego nescio. Et cur detur crimini, assiduò in
 literis occupato, si de rebus novis, quæ ex Hispania,
 Gallia, India & terrarum angulis afferuntur, ipse
 loqui

loqui nesciat? Nec certè alienus est ab hilaritate con-
uiuiorum etiam eruditus sermo, sicut aliàs docuimus.

QUANTVM VISVS A CÆTERIS SENSIBVS)
Quomodo & cur prudentia inter quatuor virtutes
qua cardinales vsurpantur, primo loco constituatur,
secundo fortitudo, tertio temperantia, quarto iustitia,
eruditè ostendit Philo lib. 1. Allegoriarum legis. In
quo etiam hoc: sicut metallorum optimum & proba-
tissimum est aurum: ita inter animæ virtutes pruden-
tia habetur probatissima. EX THALETE) Thales
primus vocatus est sapiens, primus animos immor-
tales asseruit, primus astrologie secreta rimatus est
Laërt. Huiusmodi autem questionēs non paucas ad-
ducit Plutarchus in Conuiuio.

PROGYMNASMA

NONVM ET SEXAGE-

SIMVM.

Quatuor philosophorum fa- milie.

QVoties philosophiam omnium laudandarum artium
parētem & procreatricem rerumq; humanarum
atq; celestium explicatricem & magistrā ante oculos mi-
hi propono, eius per omnes huius Vniuersitatis partes, per
supera, media, infima, per vitam privatorum, per domos, ci-
uitates,

natates, imperia committentis immensam celeritatem diuina-
 namq; solertiam confidero, toties optimo iure latendam il-
 lis existimo, quibus concessum est, eam quasi domum deducere,
 eius castissimis amplexibus foueri, sapientissimis suauissimisque collo-
 cutionibus deliniri. Hanc decum inueniunt nominat Cicero: & ea nullum maius donum ab iis-
 dem datum esse hominibus, neq; datum iri Plato scripsit.
 Barbari eam studiose coluerunt quidem, apud Persas Ma-
 gi, Babylonios Chaldaei, Aegyptios sacerdotes, ac Prophetae,
 Gallos Druidae, Indos Gymnosophista: sed vix quandam ex
 ea particulam degustarunt. & in eiusdem penetralia ma-
 gis introspexerunt, quam introiuerunt. Parca omnino phi-
 losophia mysteria cognouerunt, & hac ipsa multis turbulen-
 tiis, perniciosus corrupta & inquinata erroribus ad posteri-
 tatem propagauerunt. Graecorum natio ingenio, studio, &
 otio abundans, eius se compotem fecit, eam in gymnasium col-
 locauit, suisq; disputationibus & libris, quibus bibliotheca
 completa sunt, ita illustrauit, ut non alij quondam quam
 Graeci sapientes numerarentur. Ceterum ubi ex dissensio-
 nibus & controuersis, ex dogmatum sententiarumq; va-
 rietatibus secta paulatim & familia complures profeminata
 sunt, & alij hunc, alij alium ducem ac praeceptorem se-
 quendum audiendumq; putauerunt, nec tamen omnes ve-
 rum, quod simplex & vnum est, indagando comprehendere
 potuerunt, non mediocriter imminui philosophia existi-
 mario, & obscurari claritas capta est: cum magistra fieret
 insipientia, a qua sola petebatur cognitio veritatis. Atque
 ut reliquas familias, siue illa ab Urbibus ut Megarensium,
 Cyrenaeorum: siue a turpitudine & maledicentia ut Cy-
 nicorum: siue a doctrina quam tradebant, ut Physicorum,
 Ethicorum: siue aliunde nomen obtinuerunt missas facia-
 mus in praesentia: quatuor insigniores omni aetate sunt ha-
 bita, Epicureorum, Academicorum, Stoicorum, Peripatet-
 ticorum. In quarum mentionem cum nuperrime Faluius
 noster, ad quem visendum veneramus, incidisset, exposuit
 nobis

nobis perutilem & eruditam scholam Mutiani de optimo genere philosophandi, quam habuisset ille rogatus a se & Caleno patruele suo, qui cum Fulvio aduenerat, & intima secum Mutiano familiaritate deuinxerat. Eius disputationis capita, nobilioresq; sententias memoria custodui, quas hoc loco ita reddam, & ipsos loquentes inducam, ac proinde & velut à presentibus sermo miscatur. Veniunt ergo adolescentes duo ad Mutianum & dixi, hominem in philosophia perfectum, ipsi ardenti quodam studio ad philosophandum concitati. De Valeruline, deq; omni & vita statu, & amicis est in more, percunctantur: ab eo in bibliothecam adducuntur: cum aliarum artium, tum philosophici libri graeci latiniq; permixti ostenduntur: consideratur, incipit Fuluius.

FVLVIVS, MUTIANVS, CALENVS.

FVLVIVS. Etiam si me clam esset, Mutiane, te quanquam senio fessum, philosophia quam deditissimum esse, tua tamen philosophica ista adeo electa & diues supellex dubitatione mihi omnem eximeret. Solent quippe, quibus bellum cordi est, armis sese quamuis multis instructos ostendere: & qui agricultura delectantur, rustica instrumenta conquirere: & alij in artibus suis similiter. Sic inter literatos, qui ad poetica, aut oratoria adiunxerunt animos: qui iuris prudentiam, qui medicinam, qui mathematicas disciplinas vehementius concupierunt, eius generis librorum multitudinem commercantur. Proinde tu quoque ut philosophia cupidissimus, Aristoteles, Platones, Alexandros, Auerroas, & mille praeterea cum veteres tum recetes tibi parauisti, quos helluareris. M. Cur satear inuitus, mi Fului, quod

non solum nulli ignominia, sed etiam magne gloriæ mihi futurum si dubitem, homo non sim. Quid enim philosophia, hoc est studio sapientiæ præstantius? aut qua demum scientia mortales ad Deum propius accedimus? in quo ipso nihil utique est sapientia maius atque diuinius. C. Quia tu plurimum temporis in ambulandis istis philosophicis itineribus consumpsisti, & processus maximos omnium qui quidem hæc tractauerunt assensu effecisti, utrumque nostrum (ut pro Fulvio etiam pollicear) nouo tibi vinculo astringes, si, quoniam incensa ad philosophandum cupiditate rapimur, & adhuc hæremus in ipso limine, docere non grauaberis, quam philosophiæ rationem ex quatuor illis notissimis, Epicureorum nimirum, Academicorum, Stoicorum, Peripateticorum imprimis amplectare, & nobis excolendam arbitrare. M. Ego verò, Calene, quoniam ita vultis, & me rogatis, non tergiuer labor, & quid sentiam, breuius tamen quam res patitur, sed apte, & ad id quod requiritis, latè satis exponam. F. Nihil hoc neque gratius nobis fore statuito, neque utilius. M. Quia philosophia in duas est distributa partes, quarum vna de vita & moribus, seu de bonis rebus & malis, de expetendis fugiendisque præcipit: altera in obscuritate naturæ, & rerum occultarum contemplatione potissimum occupatur, commemorabo quæ cum hîc tum illic singulorum præcipua dogmata, quæ philosophandi disciplina fuerit: vnde vos, etiam non moniti, quorum instituta præcellant animaduertetis. C. iste abs te conceptus atque propositus ordo aridet. M. Epicurei doctis

doctis despiciatui, & explosi semper fuerunt: quo vno satis indicatur eorum decreta neque præclarum quidquam habere, neque sanum. Discipuli & sectatores doctorem suum tantopere venerati sunt, tantumq; suspexerunt, vt eius effigiem non in tabulis duntaxat, sed in poculis quoq; & annulis exprimendam locarent: & illum vidisse verum, animos hominum erroribus grauissimis liberauissse, quæq; ad beatæ vitæ institutionem pertinerent omnia tradidisse, impudenter affirmarent. Eius natalem in annos singulos atque in singulos menses vicissimum diem, quod testamento iusserat, celebrabant: contemptisq; cæteris hunc tanquam deum prædicare non cessabant: nempe vt architectum felicitatis, inuentoremq; veritatis æternitate donarent immortalium testificatione titulorum. Lucretius quidem in exorsu libri tertij versibus ornatissimis atq; optimis, quamquam re ipsa stultis, quos, vt Lactantius, nunquam sine risu legere possum. Non enim (inquit idem) de Socrate & Platone hoc saltem dixit, qui velut reges habentur philosophorum: sed de homine, quo sano & vigente nullus æger ineptius delirauit. Itaq; poëta inanissimus leonis laudibus murem non ornauit, sed obruit & obtriuuit. Tanta fuit Epicuri istius, tamq; insolens arrogantia, vt cum magno esset in timore, ne quid ab aliis didicisse putaretur, omnes philosophos maledictis & contumeliis oneraret, & in scriptis suis à nemine se disciplinam accepisse gloriaretur. Bene hunc Cleomedes talpa cæciorem appellans, cum Therpite Homérico, homine deterrimo, turpissimo,

audacissimo, loquacissimo, superbissimo comparat: & quod ille se cum Pythagora, Heraclito, Socrate numeret, principemq; inter eos locum postulet, non aliud facere ait, quam si sacrilegi inter Sacerdotes sacrorumq; principes locum sibi vindicare conentur. F. Quæso, antequâdemonstres qualis in philosophia de natura & moribus Epicurus cum suo grege fuerit, doce, cur dialecticam philosophiæ tertiam partem non constituas (nam in propositione tua illius hæud meministi) & quantum in dialecticis, orationisq; facultate eidem monstro tribuere debeamus. M. Scio Stoicos, Platonicos, & Ciceronem non vno tantum in loco tripartitam philosophiam constituisse: verum nunc communi opinioni inhæreremalo. Et nihilominus, quia dialectica singuli vñ sunt, præter Epicureos, dicam etiam posterius de hac. Et enim Epicurus, cum philosophiam trifariam partitus esset, in Canonicam, Phylicam, Ethicam, Dialecticam repudiavit. Sustulit definitiones, nihil de diuidendo ac partiendo præscripsit: non quomodo efficeretur concludereturq; ratio: non qua via captiosa soluerentur, ambigua distinguerentur tradidit. Orationis cultum & ornamenta neglexit, & ad persuadendum sufficere dixit, perspicuè loqui. Quare libros illorum qui eius sectam sectabantur, nisi ipsi inter se, nullus legebat. Nulla enim arte adhibita, de rebus ante oculos positis vulgari sermone disputabant: nihil definiebant, nihil partiebantur, nihil apta interrogatione concludebāt. C. satis noscimus indoctos & rudes fuisse carum artium, quas qui tenet, eruditi appellantur.

tur. Iam quantus Physicus fuerit iste Neoclis filius audire studemus. M. Rerum iudicia ponebat in sensibus, quos nunquam falli contēdebat. Si quid erroris obiiceretur in videndo, audiendo, gustando, &c. eum errorem ex opinione, non ex sensibus existere. Si semel in vita mentitus sit sensus, nulli vnquam fidem habendam: sublatum esse veri falliq; iudicium. Solem, Lunam & Stellās ea esse magnitudine, qua conspicerentur à nobis, aut non multò vel maiore vel minore. Totam naturam rerum duobus constare, corporibus, & inani, eoque immenso & infinito, in quo nec summum nec medium, nec infimum sit: quod nec natum, nec interiturum sit. In hoc inani seu vacuo corpuscula quædam indiuidua, atomi Græcis, huc & illuc ferri, fortuitisq; concursionibus inter se cohærescentia omnia efficeret. Mundos innumerabiles in hoc infinito ex atomis temerè oriri quotidie ac interire, siue similes sint mundi, siue non sint. Hoc loco Arnobij prudens reprehensio commodum occurrit. Qui hunc mundi totius ornatum non diuina ratione perfectum volunt, sed frustis quibusdam temerè cohærentibus conglobatum, mentem, sensum, oculos deniq; ipsos mihi habere nō videntur. Cuiusvis corporis minimas esse partes asseruit, nempe eiusmodi, quibus nullæ queant esse minores: ad quas cum deuentum sit, diuisioni locus amplius non sit. Peripatetici omne corpus in partes infinitas secari posse volunt, neque vllas adeo paruas esse, vt non possint minores fieri. C. Placet ergo his, si rectè interpretamur, infini-

tum nihileffe re, & vfu feu functione, & vt vulgò loquuntur, actu, sed τῇ δυνάμει, potestate. M. Rectè intelligis. F. Quoniam atomorum paulò ante meministi, quò Epicuream opinionem melius percipiamus, enoda nobis istam vocem. Credunt enim plerique ab Epicuro & philosophis atomos nominari ramenta seu puluisculos illos, quos in radiis solis videmus volitare, quasi ex tali materia res omnes coagmentatæ consisterent. M. Absurdè. Intelligi debent certa quædam corpuscula, quæ sub aspectum non cadunt, simplicia, indiuidua seu infecabilia, ex quibus omnis rerum natura componatur, & in quæ resoluator. Hac ratione, vt è rerum ex atomis iam compositarum summo corpore, seu extremitate, aut superficie quasi detergeantur, ac defluant, posteaq; in inani passim moueantur ac volitent, tandemq; assiduò motu adhæSIONES consequantur, atque ita rursus corpora resq; aliæ procreentur, qualia cæteri dicunt esse ignem, ærem, terram, aquam. Cicero ea describens, ait esse corpora indiuidua, corpuscula leuia, alia aspera, alia rotunda, alia hamata, vncinata, partim angulata, curuata quædam, & quasi adunca. Lucretius nunc corpuscula, nunc elementa, nunc principia, nunc corpora prima, nunc semina rerum, nunc corpora cæca vocat. C. De animorum immortalitate quid sentiunt? Num eos manere post mortem, an morte ipsa interire? M. Interire Calene, deleriq; funditus: ac pinde mortem nihil ad nos pertinere, quod sine sensu sit id quod dissoluitur. Scripsit quidem de natura Epicurus libros septem & triginta, sed tamen in physica

ficis totus plumbeus est, totus alienus, pleraque omnia auertit à Democrito, quædam adiiciens, quædam mutans, & ea ipsa mutando deprauans. F. De diis piè philosophatus est forsitan. M. Piè? impiè, & ut nihil possit obtusius, atque inscitius. Esse quidem eos (siquidem in omnium animis eorum notionem ab ipsa natura impressam videbat, quam sine doctrina anticipationem, seu anteceptam animo rei quandam informationem *πρόληψιν* primus nominauit) & propter præstantem excellentemque naturam ab hominibus venerandos. Sed nec bene meritis capi, nec gratia flecti, nec irasci, nec res mortalium respicere, prouidentiamque planè nullam esse. Quam sententiam impiam Lucretius lib. 1. carminibus suis inclusit. C. Quæso vberius ex Cicerone de istis, quas Græci *πρόληψεις* nominant. M. Obseruauit dictas ab eodem inchoatas intelligentias, quæ in animis imprimuntur. Anteceptas animo rei quasdam informationes, sine quibus nec intelligi quidquam, nec sciri potest. Ipsum autem hominem, inquit 1. de leg. eadem natura non solum celeritate mentis ornauit, sed etiam sensus, tanquam satellites attribuit: & rerum plurimarum obscuras, nec satis apertas intelligentias inchoauit, quasi fundamenta quædam scientiæ. In Topicis, quàm Græci *ἐννοίαν* & *πρόληψιν*, ipse notionem vocans, ait esse insitam, & ante perceptam cuiusque formæ cognitionem, enodationis indigentem. Ex quo patet quid sibi velit quod eodem libro ait, definitionem adhiberi, quæ quasi inuolutum euoluit id, de quo quæritur. Et 3. Off.

Explica atq; excute intelligentiam tuam, vt videas quæ sit in ea species, forma, & notio boni viri. Rursum. Si quis voluerit animi sui complicatam notionem euoluere. Vocantur item communes, & adumbratæ intelligentiæ. C. Satis de hoc. Ad propositum reuertamur. F. Non vidit ergo illa bellua, quod nemo sapiens ignorauit? Quis enim non credidit, dominos ac moderatores mundi esse deos? Omnia quæ gererentur, eorum iudicio ac numine geri? eorum benignitatem hominum generi consulere: eos qualis quisque sit, quid agat, quid in se admittat, qua mente, qua pietate, religiones colat intueri, piorumque & impiorum habere rationem. Ita ne est? in deorum opinione ille tam turpiter lapsus est? Quæ huius causa tam stolidæ sapientiæ? M. Animaduertebat ille bonorum vitam rebus aduersis atque incommodis, vt paupertati, laboribus, fortunarum amissioni, exiliis plerumq; propositam esse: contra improbos clarescere honoribus, potentiam adipisci, impune flagitia consciscere, mortem inexorabilem, sine discrimine in quemuis ruere, & alios lucis vsuram reddere infantes, alios senes, alios in media ætate emori. In bello æquè nauū vt ignauum letho dari, homines religiosos, & diis colendis inprimis addictos intolerabilioribus malis obsideri, & obrui, quam eorundem contemptores & sacrilegos, qui etiam sæpe fælices & beati viuerent. Cùm hæc & similia perpenderet Epicurus, velut rei indignitate, & iniquitate commotus, prouidentiam è medio sustulit, & pro suo hoc decreto pertinaciter propugnauit. In tractatione autem morali, ita se gessit,

gessit, vt virtutem omnem profligauerit. Vltimum enim bonum in voluptate duxit, summum malum in dolore. Potest ne talis esse fortis? potest ne temperans? omnia metiri voluptate & dolore: ad hæc duo referre quæ fugiamus, quæq; sequamur, & nihil inter illa intercedere, quam habet rationem? C. Quid si ille in honesta, ingenua, animorum denique voluptate boni summam possit? M. Garriebant quidem discipuli ita magistrum sentisse, vt ne erubescerent. Verum ille de impura voluptate corporis ac sensuum est locutus. Sic enim ait. Nec equidem habeo quod intelligam bonum illud, detrahens eas voluptates quæ sapore percipiuntur: detrahens eas etiam quæ auditu & cantibus: detrahens eas etiam, quæ ex formis percipiuntur oculis suaues motiones. Et alibi testatur se præter illud bonum, quod cibo aut potione, & aurium delectatione, & obscena voluptate capiatur, nullum aliud intelligere. F. O bestię vocem, non hominis: trans mundi fines cum istis philosophis: immo cum istis magis & veneficis. De Academicis proximum est caput.

M. A loco hoc illis nomen factum constat. Nam Ecademia nemus erat Athenis in suburbano, in quo Ecademus heros scholam ædificârît. Horatius ad Florum.

*Scilicet vt possem curuo dinoscere rectum,
Atq; inter syluas Ecademi quarere verum.*

Postea mutatione primæ litteræ Academia appellata est: ex qua velut officina innumeri oratores, poetæ, philosophi prodierunt: eoque nomine Principum

cipum sumptibus publice ædificatæ scholæ vsque
 hodie signantur. Fuit secta Academicorū duplex,
 veterum & nouorum. Laertius antiquam, mediā,
 & nouam nominat: & veteris quidem principem
 Platonē, mediæ Arcefilaum, nouę Lacydem. Sex-
 tus Empiricus Plutarchi ex sorore nepos, scriptor
 acutissimus, lib. 1. Pyrrhoniæ Hypotyposeon
 quinque Academicorum genera enumerat, omnes-
 que à Scepticorum placitis aliena sentire docet.
 Age verò, repudiatis reliquis, de veteribus ac no-
 uis, quoniam ea diuisio vulgatior ac notior est, di-
 sputemus. De antiquioribus igitur ita accepimus,
 eos cum veteribus Peripateticis rebus congruen-
 tes, verbis nonnihil discrepuisse. Reliquerat Plato
 discipulos duos, studio & doctrina inclytos, Xeno-
 cratem & Aristotelem. Qui cum hoc erant, iis ab-
 ōuentu Peripateticos nominari contigit: cetera in-
 āambulantes in Lycio disputarent: qui Platonis in-
 stituto in Academia cœtus & sermones habebant
 (quorum duces Speusippus & Xenocrates) eos ex
 loci vocabulo nuncuparunt. Vtriusque sectæ eadem
 rerum bonarum malarumque distributio. Ac ciuili-
 lem quidem scientiam grauissimè, copiosissimèque
 pertractarunt: vnde πολίτικοι à græcis. De iustitia,
 fortitudine, amicitia, temperantia, de gerenda Re-
 pub. multa diuinitus literis commendarunt. In
 his Academicis & Peripateticis veteribus nume-
 rantur à Cicerone, Plato, Aristoteles, Speusippus,
 Xenocrates, Polemo, Crantor: de quibus coniun-
 ctim sic prædicat idem in 5. de finibus. *Ex eorū enim
 scriptis & institutis omnis doctrina liberalis, omnis histo-
 ria, omnis sermo elegans sumi potest: tum varietas est tanta
 artium,*

artium, Et nemo sine eo instrumēto ad rem ullam, illustriorem satis ornatus possit accedere. Ab his oratores, ab his Imperatores ac Rerum publicarum principes extiterunt. Vt ad minora veniam, mathematici, poeta, musici, medici denique ex hac tanquam ex omnium artium officina profecti sunt. Deinceps ad nouam Academiam transeamus, in qua Euander, Lacydes, Egesimus, Carneades, & Clitomachus, atque ipse etiam Arcesilas siue Arcesilaus floruerunt. Horum fuit ἀρχαλιψία: negabāt enim quidquam sciri comprehendique: vsque adeo, vt negarent quenquam intelligentia posse consequi, solem esse. Carneades ne illud quidem, quod est omnium euidentissimum, concedebat esse credendum: magnitudine vni cuiuspiam æqualia, etiā inter se esse æqualia. Hinc de omni questione proposita in vtramque partem argumentis pugnabant, discipulisque permittebant, vtrum vellent eligere. Aduersabantur omnibus, & communes opinionones aliqua ratione oppugnātes, in aliorum decreta inuadebant, ac ruinas edebant, assensum in omni re cohibebant, quod ἰστέχειν dicebant. Sed planissimè morem horum philosophorum explicat in 2. off. M. Tullius hisce verbis. *Occurritur autem nobis, & quidem à doctis, & eruditis quarentibus, satisne constanter facere videamur, qui cum percipi nihil posse dicamus, tamē & aliis de rebus differere soleamus, & hoc ipso tēpore præcepta officij persequamur. Quibus vellem satis cognita esset nostra sententia. Non enim sumus ij, quorum vagetur animus errore, nec habeat vnuquam quod sequatur. Quæ enim esset ista mens, vel qua vita potius, non modò disputandi, sed etiam viuēdi ratione sublata? Nos autem, Et ceteri, quæ alia certa, alia incerta esse dicunt: sic ab his dissidentes, alia probabilia, cōtrā, alia improbabilia esse dicimus. Quid*

*est igitur quod me impediāt, ea, quæ mihi probabilia vidē-
antur, sequi: quæ contra, improbaretq; affirmandi arro-
ganciam vitantem, fugere temeritatē, quæ à sapientia dis-
sidet plurimum? Contra autem omnia disputāter à nostris,
quod hoc ipsum probabile elucere non posset, nisi ex utraque
parte causarum esset facta contentio. C. Nec disertius,
nec planius rationem huius sectæ explicare potu-
isset. Dixit hac de re breuiter etiam i. de nat. deor.
non longè ab initio. Non enim sumus ij, qui om-
nibus veris falsa quædam adiuncta esse dicamus,
tanta similitudine, vt in iis nulla insit certa iudi-
candi & assentiendi nota. M. Horum itaq; seu in
physicis, seu in moribus sollemne & vnicum pene
placitum fuit, nihil posse percipi. Quod ita iplis ar-
rilit, vt vltimum bonorum, & summum sapientii-
tis munus esse dicerent, obistere visis, & assensio-
nes firmè sustinere. Qui vniuersam philosophiam
videntur sustulisse. Quos cum alij, tum Firmianus
lib. 2. diuinarum institut. & August. libris tribus e-
ruditè confutarunt. Ad eos plenius cognoscendos
libros Academ. quæst. Ciceronis legite. F. Non
valde studemus eos cognoscere, qui nos nihil scire
doceant. Stoici in philosophia nomen habent il-
lustrissimum, & in dialecticis quoq; commendan-
tur vehementer.*

M. Hi à principe & parente suo primùm Zeno-
nij, postmodū à porticu in qua docebat Zeno, Sto-
ici cognominati sunt. Is apud Athenienses tanto
erat in nomine, vt vrbs claues apud eum depone-
rent, corona aurea & statua ærea donarent. Ergo
hi, Stoici inquam, philosophiam tribus partibus
definierunt, differendi ratione, naturæ scientia,
vita & moribus, cum animali eam conferentes.

Ofsi-

Ofsibus ac nervis similem aiebant esse Logicen, carnibus Ethicen, animæ physicen. Caterùm cum Logica bifariam secetur, in inuentionem ac iudicium, quarum illa ab Aristotele *τοπική*, hæc *ἀναλυτική*, ab aliis *κριτική* dicitur, dimissa priore, in posteriore solum elaborauerunt, omnesque vias & modos explicandorum argumentorum sollertissime tradiderunt, quam dialecticen nominarunt, quod deinde totius artis nomen vt fieret, consuetudo fecit. Itaq; in 2. dial. ad Q. F. Cicero, in hac arte, inquit, nullum est præceptum quomodo verum inueniatur, sed tantum est, quomodo iudicetur. Et rursum 4. de finibus. Cumque duæ sint artes, quibus perfectè ratio & oratio compleatur, vna inueniendi, altera differendi: hanc posteriorè & Stoici & Peripatetici, priorem autem illi egregiè tradiderunt, hinc ne attigerunt quidè. Nam è quibus locis quasi thesauris argumenta depromerètur, vestri (Catonem Stoicum alloquitur) ne suspicati quidem sunt: superiores (Peripatetici) artificio & via tradiderunt. Idè in Topicis confirmat. Verùm dialectica istorum, vt nimis contentiosa & sophistica, non vsquequaq; probabatur. Præterea genus sermonis afferebāt non liquidum, non fusum ac profluēs: sed exile, aridum, concisum, minutum, spinosum, cōtortulis quibusdā cōclusiunculis, & interrogatiunculis velut laqueis aduersariū irretientes. In Physicis haud multum elaborabant. Deos (& quidè vt oportuit) mundum administrare, ac rebus humanis consulere statuerunt, Mundum esse animal, ratione regi, & sapientem. alioqui ex se non posse animantem rationis compotem procreare. Omnia constare ex quatuor elementis.

Extra

Extra mundum immensum quoddam patere vacuum. Diu super futuros animos postquam è corpore exceſſerint, non ſemper. Ethica horum philoſophia horrida eſt, humanæq; naturæ intolerabilis. *Απαθεία* ſeu affectuum vacuitatem introducunt: quæ ſi vlla eſt, hominum ſanctiſſimorū, deoque ſimillimorum eſt. Solos ſapientes aſſerunt eſſe: ſi diſtortiſſimi ſint, formoſos: ſi egentiſſimi, diuites: ſi ſeruiant, reges: contrà, omnes qui ſapiētes non ſunt, deformes, egentes, exules, miſeros & inſanos. Omnia peccata æqualia: vt ſi gallum gallinaceum occidere peccatū ſit, non maius ſit, quàm patrē interficere. Nullam virtutē alia maiore eſſe. Sapiētem nihil opinari. Solū bonū honeſtū: ſolūm honeſtum bonum: ſolum turpe malū. Cætera indifferentia, & ex his alia *ωενυμένα* producta, promota, præpoſita ſeu præcipua, quæ habent aliquid cur expetantur, vt eſt ſanitas, vt ſunt diuitiæ: alia *ἀποωενυμένα* reiecta, remota, vt eſt paupertas, morbus & ſimilia. Quo loco non tam re, quàm verbo, à Peripateticis diſſentiunt. Iſti enim hæc bona, illi aliis nominibus idē declarantibus vocauerunt. Docuerūt iidem humanas carnes, non alienorum modo, verum etiam propinquorum atq; parētum comedendas. Sex. Empiricus lib. 6. contra Mathematicos, & lib. 3. Pyrrhoniæ hypotypos. nonnulla obſcœniſſima eorundem dogmata recenſet: quæ quo minus producam, pudore prohibeor. Sectam hanc explorabitis abſolutius, ſi libros M. Tullij in manus ſumpſeritis, ſtoica doctrina, & ſententiis refertiſſimos. Legite præſertim de officiis, de
fini-

finibus tertium & quartum, Tusculanas, de nat. deor. paradoxa. Voluite etiam commentariū, quī Plutarcho tribuitur de placitis philosophorum, & de Stoicis contrarietatibus. Laertij Zenonem, & Chrysippum, & seuerissimum illum Senecam. F. Cur ipsum Plutarchum omittis? M. Non perinde durus & austerus ille, & tamen Stoicus. C. Adhuc nullos descripsisti philosophos, sub quorum signis militare cuperemus. Nisi Peripateticam disciplinam nobis dilaudaueris, recurremus è stadio, in quo currere iam cæperamus. M. Aut hoc philosophiæ genus amplectendum, aut nullum.

F. Vnde Peripateticorum nomen? M. ab inambulando, vt antea diximus. C. Quare? M. Aristoteles huius familiæ conditor & princeps in Lycio philosophiam & reliquas ieuiorum artium disciplinas inambulans discipulis suis tradere solitus est. Quam illi consuetudinem à magistro acceptā retinuerunt. Censent quidam id prius fecisse Platonem: illud ambiguum nō habetur, Aristotelem Peripateticorū ducem ac principem iam inde ab initio semper esse iudicatum. Horum philosophia sola tam graui nomine digna mihi videtur. Epicurei diu est quòd exhibitati, memoria propemodū cesserūt. Academici nouam docent ignorantiam. Stoici in moribus docendis potissimum enituerunt: enitescere quidem certè voluerunt: reliquas partes imperfectas ac mutilas reliquerunt. Et exigunt à nobis ea quæ finguntur, & optantur, non quæ aut cernuntur in vita, aut fieri possunt. Præcepta illorum immitia, immania, rigida, ferrea. Opiniones & sententiæ nulli nisi ipsis probabiles;

immo aliis falsæ, ipsis certissimæ. Peripatetici discussis inscitæ tenebris, humano generi clarissimum lumen veritatis intulerunt. Nam cum tota propemodum philosophia fabularum integumentis ab antiquis esset occultata, & tanquam ab aspectu imperitæ multitudinis remota: scilicet ne res admirabiles temerè in vulgus enuntiarentur, & à quouis perceptæ paulatim contemnerentur, hi spretis eiusmodi inuolucris, operosisque figmentis, rem ipsam simplici oratione verbisque propriis præclarè nobis pandere instituerunt, ac sine fabulis vniuersæ naturæ rationem, viuendique disciplinam elegantissimis explicatam literis proposuerunt. Caret ergo figmentis fabularum Aristoteles, cum satis fabulosus sit adhuc magister eius, Plato. Quo pacto Peripateticos collaudarit Tullius, supra audisti. Hos eosdem oratori adeundos ac sequendos, in 3. ad Q. F. L. Crassus præcepit. Eius philosophiæ forma, vt propius ad rem accedamus, triplex est (placet enim imitari Stoicos, & propter præstantiam Peripateticæ huius sectæ declarandæ, logicam in philosophiæ partibus tertiam numerare, quamuis ipsimet partem esse nolint, sed *ὄργανον* seu instrumentum, & quasi manum philosophiæ, quam in agentem & contemplantem distribuerunt.) Vnâ differendi leges complectitur, quæ ab ipsis primùm Logicæ nomē tulit: altera naturæ arcana scrutatur: tertia actiones atq; mores conformat. Prima rursus in inuentionem & iudicium diuiditur. Aristoteles vtriusq; princeps fuit, & vtramq; copiosissimè ac subtilissimè libris non paucis est persecutus. Inuentionem
seu

ſeu τοπικῶ 8. libris Topicorum, vno categoriarū,
 vno de interpretatione. κερικῶ duobus de ſyllo-
 giſmo, totidem de demonſtratione, In 2. ad Q. F. &
 4. de finib. idem confirmatur. In 5. autem ſcriptum
 eſt ita. Ab Ariſtotelēque principe de ſingulis re-
 bus in vtramque partem dicendi exercitatio eſt
 inſtituta, vt non contra omnia ſemper, ſicut Ar-
 ceſilaus, diceret, & tamen vt in omnibus rebus
 quidquid ex vtraque parte dici poſſet, exprome-
 ret. Atque vtinam Ariſtotelis de dialecticis rebus
 volumina, quæ Laertius adeo multa recenset, ab
 iniuria temporum vindicata non periſſent: pro-
 cul dubio illam veri falſique diſceptatricem ac iu-
 dicem inſigniter deſcriptā haberemus. Qua vero
 diligētia Peripatetici noſtri præſtiterint in natura
 cognoscenda, labor eſt effari. Cælum, maria, ter-
 ras cum animis peragræſſent, abdiſſimāsque re-
 rum cauſſas inueſtigæſſent, nihilque prætermiſiſ-
 ſent, quod non, quantum hominibus fas eſt, per-
 ſpexiſſent ac penetræſſent, omnia ſplendidiffimis
 ingeniorum ſuorum luminibus illuſtrata cum
 humano genere comunicauerunt. Nolo hîc
 multam operam ſumere, vt eos cum cæteris per
 capita contendam: illud generatim à me dictum
 eſto, Democriticos, (qui phyſicorum cogno-
 nementum immeritiſſimò obtinuerunt) inanita-
 tem & atomos illas, mundosque infinitos ſtatu-
 entes: alios de rerum primordiis, de loco, de a-
 nimatorum noſtrorum natura & poteſtate abſur-
 diſſimè philoſophantes, nihil præter ſomnia me-
 ra venditaſſe, ac deliramenta effutiuiſſe. Quam

multa Aristoteles de animantium ortu, victu, figura? quam præclara Theophrastus de stirpibus, atq; iis rebus, quæ è terra gignuntur? quarum illi antiqui suis disputationibus scriptisque nihil ferme attingebant, aut summis, vt aiunt, digitis. Cumq; de rebus tam variis, & à communi popularis intelligentiæ modulo semotis diuinitus loquerentur, plurima non probabili modo argumentatione, verum etiam necessaria mathematicorum ratione concluderunt. Quid ego de illa tertia parte memorem? aut quos tandem hîc cum illis componam? nullos profectò, nullos. Etenim cum huius partis triplex forma sit, quarum prima ad priuatam vitam: altera ad rei familiaris ac domesticæ administrationem: tertia ad gerendam Rempub. refertur, omnium harum præcepta eruditissimè ab illis, luculentissimè, ornatissimè conscripta extant. Hi 3. bonorum genera constituerunt, eaq; ad perficiendam beâtitudinem, frustra Stoicis obliuantibus, necessaria esse demonstrarunt. Idem perturbationum mediocritatem ponentes, easque vtiliter à natura inditas constanter pronuntiantes, de singulis prope acutè sapienterq; scripserunt. Disputauerunt illi grauissimè de honestis ac turpibus, de commodis & incommodis, de iucundis & molestis. Docuerunt quid rei familiari conducere, quid non conducere, qua ratione diuitiæ pararètur: quomodo rectè gubernaretur domus, familia bene institueretur: quales rogandæ leges in ciuitate: quomodo pace belloq; viuendum: quo pacto tutandæ vrbes, defendendi fines, conseruanda vestigalia. Quidquid autem de Peripateticis asserui-

seruimus, hoc de illorum antesignano inprimis & ante omnia intelligere debemus. Hunc veritatis philosophum appellare cum Platone audemus & audebimus: quo nemo doctior: nemo humanarum rerum peritior, acutior, diligentior: nemo in rebus tum inueniendis, tum diiudicandis acrior. Nobilissima & excellentissima ingenia illa ætas effudit: veruntamen ex omnibus, quotquot post hominum memoriam ob sapientiæ literarumque studium, memoriam sui diuturnam effecerunt, neminem reperias, qui non sit Aristotele minor, quanquam aliis non paucis maior: summus est in omni scientia, & immensæ subtilitatis vir, ingenio immortalis, atque cælesti: de quo dubites, cognitione rerum innumerabilium, an scriptorum copia, an loquendi suauitate clariorem putes. Nec sanè præter meritum dæmonij, hoc est admirandi atque diuini cognomen est affecutus: naturalium quippe rerum scientiâ incredibili studio excoluit: quæ res mundo eo qui sub luna est, fermè continentur: quas regiones antiqui à dæmonibus id est diis seu genijs habitari opinabantur. Hunc vobis vnicè commendo: cum hoc, vt Cicero cum Platone suo, errare malo, quàm cum cæteris vera sentire. Is se profecisse in philosophia sciat, cui Aristoteles valde placuerit. Ipsemet Cicero summus admirator & prædicator Platonis, huic tamen adeo non parum tribuit, vt hæc de eo variis locis scripserit. *Aristoteles abundantia quadam ingenij præstabat, Et mihi quidem videtur. Flumen orationis aureum fundens. Meo iudicio in philosophia prope singularis. Quo profectò nihil acutius nihil politius. Princeps Peripateticorum. Quem excepto Platone, haud scio an rectè dixerim principem philosophorum. Vir*

summo ingenio, scientia, copia. Longè omnibus (Platonem) semper excipio) prastans & ingenio & diligentia. Singularris ingenio, & pane diuino F. Abundè laudatur, qui sic & à tali viro prædicatur. Atqui per obscurus est, & difficilis admodum ad intelligendum. M. Si libuisset, ita perspicuè scribere omnia potuisset, ut ea vel mediocria ingenia caperent. Sed cum institutum priscorum philosophorum nihil non fabulis inuoluentium contemneret, nec sua tamen à quouis, profano etiam, & cerdone intelligi vellet, aliam quandam celandi rationem complexus est. Vfus est ille quidè oratione simplici, verbisq; propriis: sed philosophiam suam artificiosè inuoluit & obscurauit. Nihilominus eius disciplina & floruit, & florebit semper: nec defuerunt, nec deerunt præclara ingenia, quæ ad eius libros percipiendos exponendosq; omnem industriam suam contulerunt, & collatura sint. F. Aristotelem igitur eiusq; philosophiã anteponendam reliquis omnino censes. M. Quid ni censeam? & parricidium prope admittere arbitror, qui eam vituperat. Plato sit *ῥεῖσιανώτερος*, Aristoteles *φιλοσοφώτερος*: de quorū duorum discriminibus & convenientia libri feruntur, & ubi opportunum fuerit, ex me audietis. C. Gaudemus isto promisso: & cum ad te redierimus in hoc quasi Tusculanum tuū, seu in hanc Academiam tuã, istuc ipsum q; humanissimè promittis exigemus, atque in hac amaltheo tuo horas plures iucundissimorū, doctissimorūq; sermonū communicatione cōteremus. M. Ita ut optatis eueniat.

A N N O T A T I O N E S.

PHILOSOPHIAM OMNIUM LAUDANDARVM) Sic
de

de philosophia Tullius noster, 1. de Oratore, & aliis mille locis alia de eadem per honorifica. Quod ad nomen attinet: nec quidquam est aliud philosophia, inquit, 1. off. si interpretari velis, quā studium sapientia. Itē 1. de legi. sapientia, à cuius amore græco verbo philosophia nomen inuenit. Eius nominis primus auctor Pythagoras, qui se primus philosophum appellauit, ante cuius ætatem, omnes qui in rerum contemplatione studia ponebant, sapientes & habebantur & nominabantur. Tuscul. 5. ubi præclara similitudine Leontii Phliasiorum tyranno idem Pythagoras declarasse dicitur, quid inter philosophos, & reliquos homines interesset. Extat longiuscula philosophia commendatio in 5. Tuscula. Seneca epist. 89. quid inter philosophiā & sapientiam intersit, quo pacto à diuersis definita & distributa sit docet. BARBARI EAM STUDIOSE) Laert. proæmio, à barbaris ortam philosophiā, & quo nomine apud quosq; barbaros philosophi dicti sint indicat. Indorū philosophis ideo Gymnosophistis additum nomē, q̄ nudi incederent, de quorū tolerantia Cic. Tuscul. 5. Que barbaria India vastior, aut agrestior? In ea tamen gente primū ij qui sapientes habentur, nudi ætatem agunt, & Caucasi nives, hyemalēq; vim perferunt sine dolore: cumq; ad flammam se applicauerunt, sine gemitu aduruntur. Idem à literatis etiam Brachmanes vocantur. NEC TAMEN OMNES VERVM) Veritas una est & simplex, opiniones multe. Possunt omnes ille aberrare à vero, plus una non potest verum attingere.

gere. Optime Firmianus lib. 3. cap. 1. Neq; enim nunc reprehendo eorum studium qui veritatem scire voluerunt, quia naturā hominis deus veri adipiscendi cupientissimā fecit: sed id arguo, id reinco, quod honestam illorum, & optimam voluntatem non sit secutus effectus: quia neq; quid esset verum ipsum, sciebant: neq; quomodo, aut ubi, aut qua mente quarendum. Ita dum succurrere humanis erroribus cupiunt, ipsi se in plagas & errores maximos induxerunt. Non male cum his B. Basilij sententiam coniūxerimus. Homil. 1. in hex. De rerum natura multa Graci philosophi, sed nulla apud eos ratio, nulla sententia fixa, stabilis, immobilis permansit, posteriore semper antecedentem eiciēte: ut absq; ullo negotio, opiniones illorū possimus coercere, cum ipsi mutua dissensione ad subuertēdum se ipsos sufficiāt. Quin etiam Cic. 1. de nat. deor. Quorum (philosophorum) opiniones cum tam varia sint, tamq; inter se dissidentes: alterū fieri profectō potest, ut earū nulla, alterum certē non potest, ut plus una vera sit. IN DVAS EST DISTRIBUTA PARTES) Perfectio animi & philosophia, cuius duae sunt partes, mēs & voluntas. Naturalis rerum cognitionē afferens, intelligentiam alit. Moralis explicanda virtute voluntatem ad actionū honestatē instituit, eamq; habitibus pulcherrimis velut cōdecorat & exornat. Hac, opinor, causa fuit, cur duabus partibus philosophia distingueretur. CVM THERSITE HOMERICO) Ita & corpore, & animo vitiosum hunc describit, & tā lepidē profectō describit

Homo-

Homerus 2. Iliad. ut risum lector agere teneat: praesertim cum, nisi conticescat, & obloqui desinat, detracto subligaculo virgis eum se eximie tacturum Ulysses comminatur. Strabus erat, altero pede claudus, humeris in pectus contractis, capite acuto, raro capillo, deformissimus denique, protervus, loquax, seditiosus, & in summa apud Achillem & Ulyssem offensa atque odio: quod aperte significat, fuisse hominem nequam: nam boni bonos odisse non solent. MUNDOS INNUMERABILES) Sic Democritus, ex cuius scilicet fontibus suos hortulos Epicurus irrigavit, & quæ paucis mutatis secutus est. Hoc dogma cum ad aures Alexandri Magni rumor pertulisset, ingemuisse fertur: innumerabiles nimirum mundos sibi vincendos restare, cum necdum unicum perfecte sub imperium coëgisset. Tam immensa fuit istius hominis ad imperandum cupiditas. Veruntamen illi mundi Democritici tam firmis propugnaculis, & excelsis mœnibus ac turribus non erant, ut subigi eos multis militum copiis, & diuturnis obsidionibus opus esset. Poterat eos omnes Regi donare Democritus eorundem, faber atque molitor. TOTVS PLUMBEVS EST) Plumbi verbum ad hebetudinem, stuporem, ruditatem inscitiam, tarditatem, futilitatem, ineptiam declarandam adhibetur. Cic. 1. Tuscul. Nisi planè in physicis plumbei sumus. Hinc etiam plumbeus pugio apud eundem 4. de finib. Et plumbeo gladio ingulare, est leni, frigido, ac futili argumento convincere.

Cicero, cum dicit ad Att. epist. 13. lib. 1. sed ductus odio (Hortensius) properavit rem deducere in iudicium, cum illum (Clodium) plumbeo gladio ingulatum iri tamen diceret, intelligit quovis iudicio cōdemnatum iri. Diogenes adolescentem egregie formosum pudendum quippiam dicentem audiens: ex eburnea vagina, inquit plumbeum educis gladium. QVAS GRÆCI (αἰγλήεις) Has ita explicat Scalig. poet. lib. 3. cap. 1. Nobiscum simul nascuntur cognitiones quaedā, quae omnibus aequè eadem, ab omnibus aequè probantur. Cuiusmodi sunt propositiones illa, quae sunt quasi principia quadam contemplationum, quarum è numero ea, quae cum ipso sensu cōiunctum intellectum, & tanquam unū efficiunt, qualis: de quacungq; re alterum verè dici potest: est: non est. Et illa. Omne totum est maius sua parte. PROVIDENTIAM E MEDIO) Qui nullos esse deos affirmare ausi sunt, & qui, num essent, dubitarunt, hos certissimum est negasse providentiam. Epicurus deos re sustulit, oratione reliquit: nam rerū procuratione eos spolianit, ac prorsus otiosos fecit, ne vita eorū beatissima, vlla cogitatione aut labore turbaretur, & ne animi eorundem vitiis hominum atq; sceleribus offensi in iram sese effunderent, quod divina maiestate indignum esset. VIRTUTEM OMNEM PROFLIGAVERIT) Quo pacto hoc efficiatur, perspicue docet M. Tullius 1. Off. Sunt nonnullae disciplinae, quae propositis bonorum & malorum finibus officium omne pervertunt, & c. GARRIEBANT QUI-

DEM RIVS DISCIPVLI) Inducit 1. de finib. Cicerō Torquatum Epicuri sententiam enucleantem, & ad animum illam voluptatem referentem, quam lib. 2. refellit planissime. Huc quadrant, quæ scripta legimus 1. de nat. deor. his verbis. Quorum tandem bonorum? voluptatum. Credo: nempe ad corpus pertinentium: nullam enim novistis, nisi profectam à corpore. & redeuntem ad corpus animi voluptatē. Non arbitror te, Vellei, simile esse Epicureorum reliquorum, quos pudeat earum Epicuri vocum, quibus ille testatur, se, ne intelligere quidem ullum bonum, quod sit se-
iunctū à delicatis & obscænis voluptatibus: quas quidem nō erubescens persequitur omnes nominatim. TEMERITATEM, QUÆ A SAPIENTIA) Sic 1. de nat. deorū, cum affirmasset prudenter Academicos à rebus incertis assensionē cohibuisse, addit. Quid est enim temeritate fadius? aut quid tam temerarium, tamq̃ indignum sapientis gravitate atq; constantia, quam aut falsum sentire, aut, quod nō satis exploratè perceptum sit, & cognitum, sine vlla dubitatione defendere? (CUM ANIMALI EAM CONFERENTES) Quo etiam comparabant: superficiem seu corticem statuebant. Logicen, albumen Ethicen, vitellum Physicen, quia de rebus ab?usis agit. Item agro frugifero: ac sapi quidem Logicam, fructui Ethicam, humo & arboribus Physicam. Civitati denique muris seu mœnibus validis circumdata, & convenienter digni-

dignitati administrata. Laërt. in Zenone. VT NIMIS CONTENTIOSA, ET SOPHISTICA) Dialecticam Stoicorum inutilem esse oratori confirmat. Antonius 2. de Orat. maximè propter genus sermonis, quod afferunt non liquidum, non fustum, ac profluens, sed exile, aridum, concisum, ac minutum. Hæc autem nostra oratio multitudinis est auribus accommodanda, ad delectandos animos, ad impellendos, ad ea probanda, quæ non aurificis statera, sed quadam populari trutina examinantur. SOLOS SAPIENTES) Huiusmodi sententia quia sunt admirabiles, contraq; opinionem omnium, ab ipsis etiam Stoicis *παράδοξα* appellantur. Collegimus aliquot exempli causa. Est & schema *παράδοξον*, cum aliquid præter expectationem auditoris profertur. UTILITER A NATURA INDITAS) Quis ad agendum accedat, nisi prius mou. atur, afficiaturq;? Monent & excitant nos affectus, & si vehementiores fuerint, etiam impellunt: in quibus moderandis suum munus ratio exercet, & ea quasi prima virtutis elementa sunt. Cum autem, ut præclare Cic. in Off. sit omni generi animantium à natura tributum, ut se, vitam, corpusq; tueatur, declinetq; ea, quæ nocitura videantur, timere nos oportet quæ videantur nocitura, & appetere, quæ profutura iudicemus. Inde manant item amor & odium: nam utilia amamus, incommoda & molesta odimus. Quod si nihil timeretur, quis cautioni ac diligentia locus? si nihil doleremus, ubi placabilitas

litas & misericordia? Si nullum laudis & gloria desiderium, ubi in virtute & rectè factis concertatio? Amor patriæ & libertatis integros exercitus ad mortem misit. Ob eundem tyranni è medio sublatis. Propter amorem discendi ultimas terras quidam peragrarunt. Nulli susciperentur labores nobiles & eximij: nihil quisquam moliretur singulare, nisi illum, stimuli gloria, & famis quadam fama eò adigerent.

ANTEPONENDAM RELIQUIS OMNIBUS) Qui propter nonnulla à sacris Christianis abhorrentia in Aristoteleis libris inuenta vel eius lectione abstinere, vel philosophia Christianis interdiciendum sentiunt, nihil prorsus sentiunt. Qui contrà eius philosophi ingenium & doctrinæ copiam tantopere admirantur, ut nisi quod ille dixerit, aut nisi cum eius institutionibus concordet, nihil verè ingeniosè dictum, ac propterea reiiciendum opinentur, superiores illos stoliditate vincunt. Qui verò in eius viri litteris cognoscendis cum iudicio salutariter versantur, ut pauca cum nostra religionis sanctitate pugnantia reiiciant, reliqua innumera, quæ & ad vsum vitæ necessaria, & ad scientiam pulcherrima sunt, approbent atque retineant, hi demum sapiunt.

IN HOC AMALTHÆO TVO) Amalthiam & amalthæum appellavit Cic. gymnasium Attici, à multitudine librorum. Capra siquidem Amalthæa, quæ Iouem aluit, fabulosis poetarum carminibus decantata, altero cornu ambrosiam, altero nectâr copiose

piosè fuisse dicitur. Vel à copia igitur, vel à suanitate librorum, quibus pasceret animum ut cibo sapidissimo, vel ab utroque nomen seu gymnasio, seu bibliotheca imposuit Atticus.

PROGYMNASMA

SEPTVAGESIMVM.

Mores gentium.

ARSACIVS, PAPIAS, MAMERTINVS.

ARSACIVS. Animaduerti sæpenumero, quemadmodum iisdem coloribus res discrepantes pinguntur, ita easdem sententias, eademq; facta bellè vsurpari, & valere non parum in rebus, quamquam dissimilibus: quicq; tum illas, tum ista aliò scitè transferre, & appositè accommodare queunt, eos ingenio iudicioq; magis videri. Quantum mutatus ab illo, exclamat Æneas de Hectore, quem per somnium videt concretos sanguine crines, & vulnera gerentem plurima: qualis certè haud erat, cum cæso Patroclo Achilleis indutus spoliis, aut cum ab inflammatis Græcorum nauibus lætabundus ad suos se reciperet. Istuc in vna quadam re dictum, ad quam multas atque varias adhibere liceat, quia scilicet hominū mutationes innumerabiles sunt, iuxta mecum perspicitis. Sic Enniana illa, de via comiter monstranda errantibus: de alieno lumine ab no-

ab nostro accendendo: & quod tertio loco ponit, *nilominus ipsi lucet, cum ei accenderit*, vel M. Tullio iudice in aliis quoque rebus peridoneum habebunt usum. Nam si fient in aliis, etiam dicentur in aliis. Vna ex re, inquit, satis præcipitur, ut quidquid sine detrimento possit commodari, id tribuatur cuique vel ignoto. Ex quo sunt illa communia: non prohibere aqua profluente: pati ab igne ignem capere: consilium fidele deliberanti dare: quæ sunt iis utilia, qui accipiunt, danti non molesta. P. At verò Plautinus ille Euclio, Quod quispiam ignem quærat, extinguere volo: ne videlicet quippiam causæ sit, cur alienus quispiam in ædes intromittatur: quia thesauro timet. Perge porro ut occæpisti. A. Dubitat Hecuba apud Euripidem, num captiua ipsa Agamemnoni supplicet de Polydoro filio vindicando, quem fractis Teucrorum opibus victricia secutus arma Polymestor Rex amicus, ut videbatur, Græcorum, suæ fidei creditum à Priamo, occiderat. Tandem sic ait. *τολμᾶν ἀνάγκη καὶν τύχῳ, καὶν μὴ τύχῳ*. Necessesse est audere, siue impetrem, siue non impetrem. Hoc milites in mille negotiis valebit similiter. Atque ut ad facta progrediamur, eodem modo legem, seu morem Persarum humanissimum ad suos, quos edebat libros conuertit, lectoresq; uti eum aduersus scripta sua vellent obseruare rogauit, vir nostræ memoriæ vnicum prope veteris illius eloquentiæ exemplar. M. Quæ tandem ista lex, & quomodo ea ille vir, quem tacitum abs te suspicione attingo, in rem suam usus est? A. Vtrumque eloquar. Erat apud Persas ita constitutum, ut cum aliquis

aliquis argueretur in iudicio peccasse in leges, quamuis culpa adeo esset manifesta, vt tegi, aut excusari non posset, non tamen statim condemnaretur: sed prius in omnem illius vitam anteaquam curiosius inquireretur, & quæ rectè, quæ secus fecisset compararentur. Si turpia vincebant numero, condemnabatur: si honestis præponderabantur, absoluebatur. Vult igitur libros suos à nobis, cum legerimus, si qua in eis peccata inuenerimus, non illic reiici: sed considerari prius, ecquid τῶν ἐσφαλμένων, ἢ τῶν χερσὶν ὀρθωμένων maior sit numerus. Si erratorum, quin condemnetur, non recusat. P. Optimè vtrumque. Vt namq; imbecillitatis humanæ non est, nihil vnquam offendere: & ille numerandus est bonus, qui sæpius conseruat officium: sic cum ingeniorum ea sit conditio, vt interdum caligent, fallantur, & etiam in apertis, scriptorum illi sunt probandi, in quibus plura reperiās quæ commendes, quam quæ vituperes. M. Huic affirmationi nimium quantum assentior, & Horatianos versiculos, de condonandis poëtarum erratis ad omne genus scriptorum refero. Sunt autem hi in epistola ad Pionem.

*Verum tibi plura nitent in carmine, non ego paucis
Offendar maculis, quos aut incuria fudit,
Aut humana parum cavit natura.*

P. Itaque vt ad Persas reuertamur, sapienter fecerunt illa lege ferenda: & alioqui in eorum moribus præclara & laudabilia multa reperio.

Persarum mores.

Etenim quæcunque apud eos factu erant indecora,

tora, ne dictu quidem honesta censebantur. Men-
 tiri ducebant in turpissimis. Sacrificantes veta-
 bantur sibi priuatim bona à diis petere: sed omni-
 bus communiter, & regi potissimum. Diem nul-
 lum lætioribus gaudiis, & apparationibus epulis
 quàm natalé quisque suum exigebant. Et ad illam
 sollemnem lauticiam, quibus res amplior, maio-
 res pecudes: quibus paupercula, minores macta-
 bant. Nec vomere, nec lotium facere quopiam
 aspiciente honestum ponebatur. Ex occurſu ſci-
 res, num pares sibi essent. Loco salutationis mu-
 tuis sese osculis impertiebantur. Qui altero nobi-
 litate multò esset inferior, nobiliorem incuruato
 corpore toto venerabatur. Secundum militarem
 fortitudinem πολυτεχνίαν, multorumue libero-
 rum procreationem commendabant. Proinde
 qui pater audiret à multis, in annos singulos mu-
 neribus à rege honorabatur. Filios ab anno ætatis
 quinto vsq; ad vicesimum in tribus curabant in-
 stitui, in equitando, in sagittis mittendis, in veri-
 tate proloquenda. Credebant (vt noscatis, quan-
 tæ illis execrationi fuerit parricidium, quod eti-
 am sapientissimus Solon neminem designatu-
 rum putauit, vt in Rosciana dixit Cic. atque ideo
 de puniendis parricidis legem nullam sanxit) pa-
 trem suum, aut matrem nullum vnquam interfe-
 cisse: si qui interfecissent, eos, si eorum origo vsque
 à stirpe exquireretur, necessario aut suppositios,
 aut spurios deprehensum iri. Nec enim fieri pos-
 se ducebant, eo immanitatis quemquam prodire,
 & vsque adeo à se vim omnem humanitatis repel-
 lere, vt hac luce eos indignissimè priuaret, pro-

pter quos ipse hanc suauissimam lucem aspiceret. A. Illi hoc censuerint, illi crediderint: nos & factum esse, & sæpius futurum esse nihil ambigimus. Nullum, nullum tam horribile, tam præter naturam scelus est, quo sese ad extremam progressa magnitudinem humana improbitas obstringere vereatur. P. Dispositio equorum cum totidem equitibus in singulorum dierum itinera, quos neq; niues, neque imbres, neque vlla turbulenta tempestas à cursu impediēbat, quorūque primus mandata quæ acceperat, tradebat secundo, secundus tertio, & sic deinceps, Persarum excogitatum est. A. Percensita hætenus laudem merentur. P. Est ita, & quæ subiungam, eorum partim media sunt, partim reprehensionī affinia. M. Reprehendendum sine controuersia, quod in vino de rebus non leuissimis consultabant. Postridie in iisdem ædibus decretum pridie factum expendebant. Si etiā ficcis placuisset, quod temulenti ac madidi probauerant, exsequebantur: sin autem, omittebant. De quibuscunq; porro deliberassent sobrij, ea demū ad examen & disquisitionem ebrij reuocabant. Quis hoc laudauerit? P. Neq; hoc Mamertine, neq; illud, quod cum virginibus multa matrimonia copulabant, & complures pellices alebant. Solem, lunam, tellurē, ignem, aquam, ventos inter numina colebant: nullumq; sacrificium sine mago pro legitimo estimabant. In rebus omnibus sibi met præ vniuersis mortalibus præstantiam tribuebant: quos ita bonos iudicabant, & ita honore dignabantur, vt quisq; eorum regioni esset vicinior. Remotissimos asseuerabant
esse

esse deterrimos. In flumina, & vesicam soluere, & inspuere, & manus lauatam demittere propter ingentem animis offusam religionē nequaquam voluissent. Cadauera ceris circumlita humō iniecta contegebant. Magi suis ipsi manibus extra hominē quoduis genus animantis, & canem iugulabant. Quod si formicam, serpentem, reptile aut volatile occidissent, palmarium se perpetrasse gloriabātur. A. Miror, Papia, cur non potius de Ægyptiorum moribus disserueris quorum regionem scribit Herodotus pluribus abundare miraculis, quā ceteras. P. Si pinde de Ægyptiis, ut de Persis incidisset occasio, & quē libēter de illis memorassem: quod ne iam quidē intempestiuum ac serum opinor. M. Sit hæc altera expositio: spero te nō esse nobis negaturum vel tertiā. P. Etiamne tertiā? Præcipit animus istam tertiā, de Scythiis videlicet. M. Profecto de his ipsis, & eam ex iisdem fontibus deriuatis, vnde istas deriuasti. P. Videbitur.

Ægyptiorum mores.

Instituta & iura Ægyptiorum magnā partē ceterorum mortalium iuribus institutisq; pugnantia fuerunt. Negotiabantur, cauponabantur, mercaturam faciebant scēminæ, viri sedentes domi lanificio operabantur: & hi capitibus, illæ humeris ferebāt onera, sacerdotioq; penitus excludēbātur. Filij, si nollent, parentes alere nō cogebantur. Qui demortuum propinquitate attingebant, in luctu capillum, & barbā demittebāt. Huic genti mos farinam aqua maceratam pedibus subigere: viros binis, mulieres vnica veste cooperiri: ductus

literarum finistrorsum pingere, & alias habere sacras, alias populares. Vestitus illis lineus, quem la-
uabant creberrimè. Sacerdotibus consuetudo to-
tum corpus radere tertio quoque die: nempe ne
pediculi, alixue sordes hærent in corporibus
diuinorum ministrorum, quo nihil putabant in-
dignius. Fabas vulgò non ferebant, nec esitabant:
sacerdotes ne aspiciebant quidem: qui gregatim
cuique deorum, non sigillatim initiabantur, & iis
mortuis filij sufficiebantur. Quare nullius anima-
lis caput gustarint, in caussa est, quod victimarum
capitibus mala omnia solerent imprecari. Nec pi-
scem edebant, nisi vel ad solem arefactum, vel sale
conditum. Fœminam bouem, utpote sacram Isi-
di non immolabant: cuius simulacrum cornu-
tum faciebant, propter eius metamorphosin ni-
mirum, quam ex Græcis describit Ouid. in cuius
item gratiam religiosissimè omnium vaccam co-
lebant: suam ut lutulentam, & spurcam belluam
execrantes: quam si quis prætereundo forte atti-
gisset, ut primum poterat, flumini se vestitus, ut
erat, maculæ eluendæ immergebat. Ex eo subulci
templorum aditu arcebantur, & cum alios non
inuenirent, compellebantur suas ipsi inter se fi-
lias locare, & ducere. A. In libro Moyſis, qui est de
mundi origine, scriptum memini Ægyptios de-
testari solitos opiliones: cuius detestationis cau-
sam valde velim cognoscere. M. Et ego velim. P.
Et ego non nolim: sed interim ignoremus, quid
refert? Sues quamuis odissent, tamen Lunæ & Li-
bero cum eas mactassent, carnibus illis vefcebantur.
Capitale fuit Ibin, aut accipitrem interemisse.

Fele

Fele mortua, domestici omnes supercilia sola eradebant: cane extincto totum corpus & caput. Qui frumenti feram plagam habitarent, mensibus singulis triduo deiectionibus moliendis, & vomitionibus se purgabant, arbitrabanturq; è cibis exoriri omnes inualetudines. Vinum illis ex hordeo factitium. In conuiujs locupletiorum corporis humani & mortui species, è ligno fabre sculpta, locelloq; imposita circumferebatur, duos circiter cubitos longa, ostendebaturq; singulis conuiujs, cum hoc sermone. Hoc intuens bibe, & delectare, talis post mortem futurus. Quam ego inuitationem ad voluptatem, non admonitionem nescio quam ad meditationem mortis fuisse arbitror. M. Audiui tamen quosdam concionatores huc detorquere morem istum. A. At ego quoties audiui illud Platicum, Philosophia est meditatio mortis, de morte ista corporis dictum audacissimè affirmari? in quo risum vix potest tenere, cui philosophia nota est. Aliam mortem vir diuinus intellexit: quam haud scio rectiusne vitam appellemus. Tum enim viuit maximè, & viget animus noster, cum se à corpore plurimùm se vocauit, & nihil habet amplius cum perturbationibus commercij. Hoc sapiens ille vocabat mortuum esse, de quo in 1. Tuscul. legendus est Cicero. P. Probè. Cum obuiam fierent, minores nati qui essent, senioribus via decedebant, ac prætereuntibus assurgebant. Genu tenus demissa manu se venerabantur, cum sibi occurrissent. Singularum corporis partium certi apud eos medici. Inter ditiores ac nobiliores, cum aliquis in fata concessisset, familie

illiſ mulieres caput ſibi vultumq; luto ſœdabāt. Deinde nodo fluentes veſtium ſinus collectæ & nudæ vbera, per urbem ſeſe plangentes vagabantur. Etiam viri ſuccincti, & oberrantes ſeſe diuerberabant. Tum cadauer ad ſepeliendum deferbant: deferentibus buſtuarij exemplaria mortuorum lignea, & pictura ad veri imitationem ornata mōſtrabant: interrogantes, ad cuius normam ſua vellēt effingi. Verboſius de Aegyptiorum moribus Herodotus: ſed parum credibilia multa. A. Non enim fruſtra dixit M. Tullius, innumerabiles eſſe apud eum fabulas: & tamen hitorix patrem nominat. In 2. autem de Orat. ſic eum prædicat. Namq; & Herodotum illum, qui princeps genus hoc ornavit, in cauſiſ nihil omnino verſatum eſſe accepinus. Atqui tanta eſt eloquentia, vt me quidem, quantū ego græcè ſcripta intelligere poſſum, magnopere delectet. M. Illam primam hitorix legem, vt nihil falſum, quotumquemq; hitoricum cuſtodiffe autumabimus? quis (de Græciſ præſertim) non mentitur? niſi mentitur ille ipſe, cuius eſt hoc: & quidquid Græcia mendax Audet in hitoria. Porro ipſum Ciceronem ſæpe miratus ſum: qui cum à Luceo res ſuas memorię commendari peteret, hanc legem negligere iuſſit, & amorī pluſculum quàm concederet veritas largiri. Adeone vir clariſſimus parum ſibi glorię adepturus videbatur, niſi ad aliena mendacia confuſiſſet? P. Condonandum hoc illi ingenio: glorię, vt de ſe ipſe in eadem epiſtola confitetur, pluſ quam ſapiſ eſſet, auido. Commemoratio poſterioris ad ſpē immortalitatis bonū virum rapiebat.

De Aegyptiis longè plura, quàm Herodotus affert Diodorus Siculus Bibliothecæ lib. 1. leges sanè eorum tam egregias, vt nihil iudicem lectione dignius. A. Produc aliquas, ac testibus proba, quod asseris. P. Non sumus in iudicio: de Aegypto in Scythiam commigremus: & cauetote, ne quid de antiquitate Aegyptiorum, ne fortè vos miseris modis malè accipiant. M. Non me fugit inter hæc duas gentes diuturna de vetustate generis digladiatio, de qua ex Trogo Iustinus, vt etiam inter Athenienses & Argiuos, inter Phrygas & Aegyptios, quod in Atticis relatum est à Pausania: sed ea nihil ad institutum. P. Quæ memini de Scythiarum moribus, breuiter edisseram. Grauis est apud me voluntas vestra, & dat mihi animos attentio ista mirifica. M. Audin' Arfaci? A. Quid ni? Sed hoc agamus.

Scythiarum mores.

P. Nulli apud eos agrorum termini, atque inde finium regundorū nulla lis: neq; enim agricolationem nouerunt. Pastoritiam agitare vitā absq; domibus, vagariq; syluis, & incultis solitudinibus, vxoresq; & filios circūuehere in plaustreis, quæ in lecta corio contra cælestes iniurias pro domiciliis erant, res illis barbaris periucunda: apud quos iustitia non legibus, sed naturā colebatur. Nulla auri argentiq; cupido. Furtum detestabile facinus. Vitæ tant lacte & melle, ferarum & murium pelli- bus se conuestiunt. Quàm esset genus intractabile bello, senserunt Vexoris Aegypti Rex, Darius, Cyrus, Alexander. Captiuorum bibere sanguinem,

cæſorum in acie capita amputare, eaq; regi offerre, tam illis iucundum, quam quod iucundiſſimum. Qui ita feciſſent, partem prædæ capiebant. Suaue etiam; detractis hoſtium pellibus veſtire pharetras, cōficere fræna, caluarias in pocula vertere. Cuiusque gubernator prouinciæ in ſingulos annos ſemel vinum miſcet: quod illis ſolis datur bibere, qui hoſtes ſuos peremerint. Varius vaticinandi mos, de quo Herodotus lib. 4. Religioſiſſimum iuſiurandum per regis ſolium: qui ſi quos capite damnauit, eorum quoque filios mares trucidat. In fœderibus faciundis hunc tenent ritum. In capaciſſimam, & fictilem ſtateram vinum infundunt, quod humani corporis ſanguine, quem vtraque pars ſponte vulneratis ferro membrīs ſuppeditat permiſcent. Mox acinaces, ſagittas, ſecurim, & gladium intingunt, & diriſſimis ſeſe execrationibus deuouent. Tandem vinum deguſtant. Plurimis vtuntur, & ſuperſtitioſiſſimis cæremoniis in regum ſepultura. Alios luce & vita orbatos, proximi quiq; in plauſtris compoſitos ad amicos circumuectant, qui ſinguli cadauer comitantes epulo excipiunt. Sic priuati homines ad dies quadraginta ante humationem circumaguntur. Hæc mihi de tribus gentibus antiquiſſimis dicta ſunt. A. Quod tu Papia huius tui laboris præmiũ à nobis optas? P. Ego præmiũ? Libero vos iſta cura. Sanè ſi poſſem meritò à vobis præmiũ petere, id eſt, ſi rem præmio dignam præſtitiſſem, Thaletis præmiũ mihi dari vellem. Veruntamen ne ſic quidem vellem, quia ſcilicet non poſſem, vt ille, primum me harum rerum auſtorem

florem gloriari, quas nunc à me audistis, quasq; e-
 tiam antea melius quàm ego tenebatis. M. De Tha-
 lete fac nos scire quid egerit. P. Amabo, mi Papia,
 narra quod nos vides ignorare. P. Imò quod ob-
 litos puto. Thales Milesius præstanti vir ingenio,
 qui se in astrologia contriuit, & in ea multùm ex-
 celluit, cum reperisset, quam rationē haberet ma-
 gnitudo solis ad eius circuli seu ambitus magni-
 tudinem, quem annua lustratione sol ipse descri-
 bit, & quī nam id subtilitate Geometrica demon-
 straretur, id inuentum cum homine quodam Pri-
 enensi, talium rerum curioso, ac diuite communi-
 cavit. Is cum acumen philosophi, tum inuenti ele-
 gantiam admiratus, præmium pro arbitrio à se
 petere iussit. Ego verò, inquit Thales, aliam mer-
 cedem te nullam posco, nisi hanc, vt nunquam ti-
 bi huius inuentionis gloriam arroges: sed si quan-
 do alios scire volueris, me illius primum aucto-
 rem extitisse perpetuò confitearis. A. Meretur me-
 moriam historiola. Nihilominus remunerabor te
 quamuis nolentem. P. Eia, etiam nolentem? Quid
 ergo accipiam? A. Vt tu, sic ego de barbaris genti-
 bus aliqua nuper mihi lecta referam, & quę te nō-
 dum legisse suspicor. P. Quę illę gentes obsecro?
 A. Recentiores, Turcæ, Moscovitæ (vt quidem ho-
 die nominantur) Iaponenses & Sinenſes. P. Age
 Arſaci, munera nec sperno. A. De Turcis prius. M.
 Ah, non audiemus, Papia, tam multa consilio &
 rationi consentanea in Turcarum Moscorūque
 moribus, vt in Persarum & Ægyptiorum. A. At
 certe in Iaponiorū, & Sinenſium, præ quibus Tur-

cæ sunt belluæ, & Moschi agrestes plane ac barbari, quamvis Christiani.

Turcarum mores.

Templa apud Turcas nec angusta, & sumptuose ædificata visuntur, Meschit appellant. Imaginibus vacua, albo tectorio inducto. In plerisque lingua patria hæc verba parieti inscripta leguntur. *Non est Deus nisi Unus, Mahomet autem Propheta eius.* Aut ista. *Creator Unus, & Propheta aequales:* Aut hoc. *Non est fortis sicut deus.* Lampades ibi frequentissæ. Solum primò storea, deinde tapeto constratum. Propter ædem præcelsa turris: in cuius speculam sacerdos ascendens, ingenti vociferatione, digitis aures obturans plebem ad vota fundenda inuitat. Clamat autem: *deus Verus Unus.* Antequam in templum pedem ponant, ad fontem manus, pedes, & velanda corporis expiationis ergò abluunt, & tertiùm capita irrorantes dicunt: *gloria deo meo.* Mulieres loco à viris discernuntur: non sæpe templum incunt, dum preces faciunt: sine intermissione corpus motitant: adeoque contente clamant, ut nonnunquam viribus defectæ collabantur. Viri caput non aperiunt: primòribus tamen digitis pileos honoris habendi attingunt: ingeniculantur, & terræ sæpius dant oscula. Sacerdos circiter duas horas concionatur. Secundùm concionem pueri duo suggestum conscendentes, quasdam preculas cantillant. Postea sacerdos summis, agitando corpus, cum populo canit *la Illah, Ill-elah*, vnus tantum deus, idque ad horæ dimidium. Cæterùm cantus isti & conciones statim duntaxat temporibus

bus habentur. Anniuersarium ieiunium suscipiunt ad mensem, & vnam præterea hebdomadam: etli mutant menses. Sic expletis annis duodecim, annum integrum cum hebdomadibus duodecim decimarum nomine deo offerunt. Sic autem tolerant inedia, vt nihil prorsus gustent, donec Hesperus procedat. P. Hem istuc mitti oportet Lutheranos, vt vel à barbaris discant à cibis abstinentiam, qui à nobis nolunt discere. M. Sed Lutherani hanc superstitionem vocant. P. Vocant illi quidem, & hoc nomine omnes sanctitates repudiant: omnia illis superstitiones sunt, & tota antiquitas præ illis delirauit. O tempora. A. Septimo aut octauo anno pueris masculis præputium resecatur, ex eo Musulmani, id est, circumcisi nominantur. Mox vt materno utero prodierunt, nomina iis sunt. Post conuiuium triduanum circumcisis magna pompa in balneum deducitur: exeunti à conuiuiis munera præbentur vestes carbasinæ, scyphi argentei, pecuniæ, equi. Mulieres donant indusia, sudariola, & alia textilia. Qui de Christianis suo pte nutu circumcidi se sustinent, ij per vrbis regiones cum honore plausuque & tympani strepitu ducuntur, columnisque muneribus, & tributorum immunitate donantur. Sacerdotibus satis est, si Alcoranum, & Mussapham norint legere: quem qui ex Arabico in Turcicum interpretatus fuerit, is peritissimus ritè haberi solet. Schedâ si forte inuenerint, in qua descriptum quippiam de Alcorano, aut nomen dei, tollunt humo, aut vbi inuenerint: deinde iterum iterum.

iterumque exosculantur, & tandem in rimam aliquam parietis condunt, eamque obstruunt. M. Nos legibus nostris sanctissimis tantum honoris unquam haberemus? A. Multis rebus in suo genere barbari Christianis meliores, id est, diligentiores, religiosiores, iustiores, temperantiores, patientiores sunt. Etiam ludos aperire dicuntur, in quibus pueri astronomicis & poeticis studiis operentur. Indotatas ducunt uxores; nec quidquam ornamentum gerit sponsa, quod non redimat à foceris. Diuortiorij causa duplex, morum improbitas, & sterilitas. Votiuas peregrinationes obest Mecham, ubi sepulcrum est Mahometi, & Medinum ubi decessit. Xenodochia sunt Regum testamento constructa, & vectigalibus annuis instructa; ubi pauperibus & peregrinis victus & hospitium. Victimæ eorum ferme votiuæ sunt: vouent autem vota in morbo, aut periculis. Verum ex victimæ non incenduntur. Caput, pellis, pedes, quarta pars carnis sacerdoti datur, altera pauperibus, tertia vicinis. Reliqua obtinet victimarius. Defunctorum marium corpora mares, foeminarum foeminæ curant. Cadauer lauant, linteisque mundis inuolutum extra urbem efferunt cum cereis, & sacerdotum cantu. Satraparum, ac principum nullus prouinciam, aut urbem possidet iure hæreditario: nec nisi afflicta valetudo, cuiquam militiæ vacationem impetrat. Nemo dum imperatori loquitur, oculos in eius vultum intendere audet. Dum Veredarius aliquod mittitur, quoscunque in viâ equos repererit, suis defatigatis potest sufficere. Literæ cum reuerentia & osculo accipiuntur, mandataque celerissime

mè conficiuntur. Prouinciæ ita traduntur Præfe-
ctis, vt earum pensionibus certus militum nume-
rus bello paceq; alatur. Quare, sicut in Ecclesiasti-
cis opibus, nisi totæ amittantur prouinciæ, semper
sunt qui alantur milites, quiq; in demortuorum
locum succedant. Milites famis, sitis, frigoris tole-
rantissimi, & alioqui modico viliq; cibo victitan-
tes. Milites raptores supplicio vindicantur. Cum
de victoria nuntius affertur, in omnem se lætitiā
vrbes effundunt: quam sub primam facem auspi-
cantur: funalibus, cereis vbiq; dispositis, & accen-
sis, ædes, & viæ quā Imperator ingressurus est
aulæis consternuntur. Venationibus Turcæ im-
pendiò delectantur, nec vlla eis tam aspera sunt
loca, quæ feris indagandis capiendisq; non pene-
trent. Si aprum ceperint, Christianis comedendum
donant: porcina enim est apud eos in vetitis. Mer-
caturam studiosius exercent. Homicidas & fures
morte puniunt. Adulter in custodiam traditus, e-
lapsis aliquot mensibus pecunia redimitur: mul-
lier mœcha asinæ imposita viciatim circumduci-
tur, flagrisq; cæditur, & lapidibus petitur, bubulis
intestinis ad collum appensis. Ædes plerq; lateri-
tiæ, tecta displuuiā: in Asia minore plana in modū
tabulati, paulū tamen propter aquarum deflu-
xum decliuiā. Cultus eorum ē lana, lino, serico, sa-
tis lautus. Diuitum mulieres faciem obuelatæ in-
grediuntur, nunquam in publico apparēt. Varius
ciborū condiendorum modus. Piscibus mirè ab-
stinēt. Nulla diuersoria, sed in plateis cibaria ven-
duntur. Potus ē saccharo, aut mulsā. Item decoctū
ex vua passa, addita aqua rosacea, & pauxillo mel-
lis.

lis. Cibum capturi storeas humi extendunt: dein de tapetia, aut puluinaria insternunt, atque ita infident. Tenuiores nudo pavimento discumbunt. Mensa è corio, explicatur, & contrahitur vt marsupium: pedibus decussatim complicatis sedent. Præces ante epulas concipiunt, festinatòque & silentio edunt. Atque hæc de Turcis. M. Si percensere velles, quibus illi modis Christianos captiuos affligerent, quàm feri in eos, & crudeles sint, magna tibi copia nasceretur ad percensendum. A. Magna Mamertine, & commiserationis plenissima. Nec quidquam aliud captiuorum illorum vita, quàm quotidiana mors est. P. Non sua virtus, sed ignauia nostra Turcam tot regnis auxit. Nos Athenienses & fuimus, & sumus: ille Philippus. Verissimè igitur quod illis, hoc nobis Demosthenes aliquis exprobet. νῦν δὲ τὸ μὲν παρὸν αἰὲν ὡς ἱέμενοι, τὰ δὲ μέλλοντα αὐτόματα οἰόμενοι ᾔσθεν καλῶς, καὶ ἠυξήσαμεν, ὃ ἄνδρες χριστιανοὶ, τὸν τῦρκον ἡμεῖς, καὶ καταστήσαμεν πηλικῦτον, ἡλικὸς ὑδείσῃ βασιλεὺς γέγονε. Nunc autem dum quæ instant semper negligimus, & futura per se, sine opera nostra bene habitura confidimus, & Turcæ imperium amplificauimus, & tantam ei potentiam dedimus, quanta adhuc regum nullus fuit. Cohibeamus tamen querimoniam, & de Moscis te porrò, id quod promissisti, differentem audiamus. A. Etiam hoc nomen dissoluam vobis. A Mamertino nihilne petimus? P. Reponendum est tibi aliquid, Mamertine, & quidem huius generis, in quo vtriusque nostrum versata est oratio. Non hinc abibis, nisi nos quarundam gentium

mores

mores docueris. M. Libri vos melius, vel docuerunt, vel docebunt. A. Atqui non quosuis libros legendi tempus datur. Et tu hodie nobis non liber, sed libellus eris hac quidem in re: tamen libellus loquens. M. Percommode factum est à me, quod hesternæ nocte apud scriptorem planè recentem, & adhuc viuentem, etimque prudentem, & imprimis disertum gentis vnius mores non sine iucundo sensu legi, & vt solemus proxima quæque meminisse firmiter, omnia pane retineo. A. Gaudemus tuo facto & tua memoria. Sed quæ illa gens? M. Audietis.

Moscorum mores.

A. Quæ munera, quantumcunque pretiosa legati ad externos principes missi reportant, ea Rex seu Dux Moscorum in suum ærarium reponit, alias se illis res repensurum promittens. De omnium, seu Ecclesiasticorum seu ciuiliū hominū vitæ & facultatibus omne arbitrium penes Principem est, à cuius sententia consiliariorum nullus dissentire audet. Vulgò dictitant, Principis voluntatem eandem esse dei voluntatem: ob id etiam clauigerum, & cubicularium dei vocant, diuinique nutus interpretem, & cælestium decretorum executorem credunt. Si pro captiuo rogetur, aut in re graui, respondet, *cum deus iusserit*. Interrogati Mosci de re incerta, *deus scit, inquit, & magnus Princeps*. Et is Pontif. Max. tantum Doctorem appellat. Cum ad Imp. Romanum dat literas, nomen suum præponit. Græcos ritus sequuntur Mosci, vt Rhuteni omnes:

nes: & Metropolitanos à Patriarcha Constantino-
politano accipiunt, qui carnibus perpetuò absti-
nent, vt etiam Episcopi & Archiepiscopi. Furti, aut
ebrietatis, aut alijs criminis comperti sacerdotes,
ciuili magistratui pœnas persoluunt. In templis
singulis vnicum altare, & indies singulos vnicum
sacrificium faciendum putant. Sacerdotes omnes
gestant scipiones, quibus ingredientiæ nituntur.
Monachi carnibus nunquam vescuntur. Si quis
musicum instrumentum habuerit, punitur seue-
rius. Mitras nigras & rotundas ferunt Archiepi-
scopi, Episcopi, & Abbates. Nouogardienses albam
bicornem, vt nostri. Vestes quotidianæ Episcopo-
rum respondent monachorum vestibus. Interdû
fericeis induuntur, gestâtq; pallium nigrum, quod
à pectore vtrinque insignitur liciis albis tribus, in-
star riuulorû obliquorum, quæ significant ex cor-
de, & ore illorum riuulos doctrinæ fidei, & exem-
plorum bonorum manare. Puer natus, ter totus in
sacrum fontem immergitur. Aqua singulis infan-
tibus lustrandis consecratur, & peracta lustratio-
ne extra templum effunditur. Semper in templo
abluuntur infantes. Compatres siue sponsores, quo-
ties præeunte sacerdote vicem infantis diabolo
bellum indicunt, in terram expuunt. Euangelio-
rum volumen non nisi locis honestis, vt rem sa-
cræ reponunt, neq; attingunt, nisi prius cruce se
signauerint, & aperto inclinatoq; capite honorem
habuerint: post maxime venerabundi in manus
sumunt. Dies festos nobiliores epulis, potationi-
bus, & cultu insigni vestium traducunt: vulgus, &
seruitia plerumque, opus faciunt, dicuntq; feriari
domi-

dominorum esse. Plebi mulso ac ceruisia interdicitur: diebus sacrationibus, vt Natalis Domini, Pasca, Pentecoste & aliis permittitur: quibus diebus non tam sacrorum, & diuini cultus, quàm potus gratia vacant ab operis: & nonnunquam ita intemperantissimis perpotationibus indulgent, vt etiam crepent. Quadragesima eorum septem constat hebdomadibus. Earum prima lactariis vtuntur: sequentibus etiam piscibus abstinent. Quod Principem credere aut opinari vident, id rectum & sequendum statuunt. Probrosus est adolescenti puellam vxorem petere: pater virginis iuuenem de filia ducenda compellat. In dotem dantur plerunque equi, vestes, pecora, serui & similia. Tertiam vxorem ducere, nisi graui de causa, eorum moribus nefas habetur. Quartum coniugium esse Christianum nō putant. Mulieres in ædibus perpetuo mansitant, velut in libera custodia, lana ac tela facienda tempus suum transmittentes: nec satis pudica censetur, quam externorum oculi contigerint. Nihil agunt præterea: omnia quippe opera nisi in pauperiorum domibus, seruis relinquuntur. Quidquid mulierum manibus interficitur animalium, ab eo vt impuro abhorrent. Rarò in templa, rarius ad amicorum colloquia, nisi admodum senes admittuntur. Qui à domino inuito discedit, alium dominum non inuenit. Gens seruili ingenio, minis & verberibus potius, quàm laudibus ducitur. Conqueruntur serui, si à dominis non egregiè verberantur, quasi displiceant illis. Contra, signum amoris bona & crebra verbera interpretantur.

Admirabile est, quod de Germano quodam fabro legi: qui cum Moscouiæ (ea est sedes Principis) vxorem duxisset, illa aliquando blandè maritum affata, quid est, inquit, marite mi, quod me non amas? Tum faber. Ego verò amo te vxor mea, & quidem multum. Subiicit mulier, ego istius amoris nulla adhuc indicia video. Ille, quænam indicia requiris? Nunquam me pulcasti, ait illa. Mihi profectò, respondet faber, hæc amoris indicia non videbantur. Sed tamen quia tibi aliter videtur, fiet quod optas. Non multo post vxorem dirisimè verberauit, narrauitque homini nobili Germano, qui per id tempus pro Maximiliano I. legationem apud Principem obibat, se de cætero longe ardentiorē in se tam bene contusæ coniugis amorem sensisse. Cum morituri vt plurimū certos seruos manumittant, illi tamen mox suam libertatem aliis dominis pretij dulcedine capti addicunt. Qui equitant, flagello maiorem partem, non calcaribus vtuntur. Hostem primo impetu acerrimè inuadunt, statimque languescunt: vt si dicerent, aut vos fugite, aut nos fugiemus. Vrbes magis diuturnitate obsidionis, fame, proditione quàm armis ad deditionem cogunt. Moscici in fuga comprehensi, nec se defendunt, nec veniam precantur. Qua in re longè à Tartaris & Turcis differunt. Nam illi ex equo deiecti, armis omnibus exuti, grauissimè insuper sauciati, manibus, pedibus, dentibus, & quamdiu, & quacunque ratione possunt, vsque ad supremum halitum sese tuentur. Hi dum nullam effugiendi spem vident, suppliciter veniam petunt, abiectis-

quæ

quæ armis, manus iunctas in vincula ultro porrigunt, & vitam hoc modo cum seruitute se impetraturos confidunt. In multitudine quàm robore militum plus spei ponunt, felicitusque eminus, quam cominus præliantur. Quocirca hostem à tergo adoriri præcipuè conantur. Non ventrem, sed femora cingunt, quo magis venter propendeat. Vnius nobilis testimonium multorum ignobilium testimoniis antefertur. Coloni sex dies laborant domino, septimo sibi. Nobilis quantumvis pauper, inhonestum ducit sibi, manu & arte victum quæritare. Turpe autem non existimat, fructuum putamina, peponum præsertim, alij, cæparum humo leuare atque deuorare. Vestibula ædium ampla & alta sunt, fores habitaculorum adeo humiles, vt ingredientibus se inclinare necesse sit. In domibus singulis, conclauiusque singulis imagines cernes sanctorum, aut pictas, aut opere fusili. Cum se mutuò adeunt, statim caput nudant, & oculis imaginem requirunt. Eà visa, ter crucis signo se signant, capitæque submittentes dicunt: *Domine miserere*. Deinde salutant patrem familiâs his verbis: *Deus det sanitatem*. Pauperioribus & ignotis perdifficilis est aditus, etiam ad nobiles infimi ordinis: qui fere perpetuò intra domum se tenent, quò ita auctoritatem suam tueantur. Nobiles paulò locupletiores, ad quartam aut quintam domum non vadunt, nisi equo subsequente. Domini intra ædes semper sedet: raro aut nunquam inambulando quidquam negotij tractant. Usura patet late, quàm etsi cum scelere coniunctam esse confiteantur, tamè nemo propemodum

inuenitur, qui pecuniam suam ſcœnore grandi nō occupet. Quintam partem exigunt, de centum, viginti. De Moſcis ne plura afferam, temporis breuitas me impedit, & Mamertini audiendi deſideriū. P. Mira ſanè expoſuiſti nobis, & quæ à teſte oculato videntur literis prodita. A. Fuit verò oculatus teſtis, apud quem iſta legi. M. At non meus: quamquam ab iis hauſit omnia, qui ipſimet ea viderant. A. Incipiam nunc commemorare, quæ magna me admiratione affecerunt de Iaponiis.

Iaponiorum mores.

Elegantiore corporum habitu, & ſtatura proceriore mirum quam ſibi placeant. Sunt viuaces plerique, & pollent viribus. Famem, ſitim, æſtum, frigora, vigilias, & labores tolerantiffimè ferunt. Vt primùm naſcuntur, vel adulta hyeme ad profluentem lauandi apportantur. Storeis in modum culcitæ tumentibus pauimenta conſternunt, illic ſomnum capiunt, ſuppoſito ceruicibus lapide vel tigillo, & cibum capiunt genibus nixi, cruribus inſidentes. Conuiuandi ac propinandi multas habent leges, cū ritibus exquisitis. Uſum vitis ignorant: oriza exprimunt vinum. Sed ipſi quoque ante omnia delectantur hauſtibus aquæ pæne feruentis. Mira dignitas nudis gladiatorum laminis certorum opificum, vti nonnullæ aureorum circiter quinque millium æſtimentur. Ob crebros terræ motus ligneis plerique vtuntur ædibus, elegantia atque arte viſendis. Magnifica extruunt templa, & ſacerdotum vtriuſque ſexus ampla, ac ſumptuoſa cœnobîa. Sermo vnus, & communis omnium: ſed

sed ita varius, & multiplex, vt plures videantur. Vniuscuiusq; enim rei ac notionis plura sunt vocabula, quorum alia contemptus, alia honoris causa: alia apud Principes, alia apud plebem: alia viri, alia foeminae vsurpant. Adhæc aliter loquuntur, ac scribunt: & in ipsa scriptione aliter epistolas, aliter volumina libròsque conficiunt. Armis deditissima gens, quæ sunt, præter ferream fistulam, arcum & sagittas, gladius incuruus & pugio (queis à duodecimo ætatis anno præcinguntur) tam egregia chalybis temperatura, vt ferrum nostrum acie propemodum illæsa diffindat. Hastis egregiè vtuntur, quæ nostras & leuitate, & longitudine superant. Calceis crepidisue, sine obstragulo, sandaliorum instar, vtuntur. Flabella gerunt, tum ad velandam faciem, tum ad auram colligendam, auro sericoque intertexta. Sub vmbella fere procures, alioquin aperto capite, in sole pariter ac pluuia vterque sexus incedit. E coloribus festum habent nigrum, & puniceum: albus in luctu est. Credi vix potest, quantum plurimis in rebus victus eorum cultusque à nostro abhorreat. Nostros suffitus minimè ferunt, condimenta nostra aspernantur, calidam hyeme & æstate bibunt. In nigritia ipsa dentium decorem ponunt: quocirca atro quodam eos pigmento inficiunt. Equum nos à læua, illi à dextra ascendant. Inter salutandum nos caput: illi perleui crepidarum vel sandaliorum excussu pedes aperiunt. Aduenienti amico nos assurgimus: illi subsidunt. Nobis gemmæ, illis ferrea, vel fusilia vasa in honore sunt. In curationibus nos dulcia, & bene co-

Et illi falsa & acria, & cruda ægrotis apponunt: nos pullos, & altilia: illi pisces & conchyliæ. Pharmacis nos ferme olidis & amaris: illi perquam suauius, & odoratis vtuntur. Nos crebrò sanguinem, illi nunquam eliciunt. Acuta, sagax, & bene à natura informata gens est, iudicio, docilitate, memoria omnibus nationibus antecellit. Paupertas nulli probro est: vix etiam in multis agnoscitur: adeo accuratè familiarem dispensant rem, & pro sua tenuitate concinni, ac nitentes incedunt. Maledicta, furta, impiam temere iurandi consuetudinem, aleam auersantur. Famæ gloriæque auidissimi, dignitatis retinentissimi æque summi atque infimi sunt. Ne dictum quidem paullo asperius ferunt. Reuerentur inter se, præcipuè nobiles, certantque officiis, & honore verborum. Ipsi rerum vilissimarum artifices, qui que se in diem locant, comiter appellandi, si eorum vti velis industria, alioqui irritantur, spretoque lucello cœptum opus abiiciunt. Constantiam atque decorum ita custodiunt vulgò, vt vel ab imminente ruina, sensim ac sine trepidatione vlla recedant: cauētque diligenter, ne quid abiectum, aut timidum, vel in dictis, vel in factis appareat. Intemperantiam linguæ maximo animo minimè dignam putant. Ac proinde vociferationes, & iurgia, neque inter populares in publico, neque domi inter maritum vxorēque, parentes ac liberos, herum ac famulos audiuntur. Etiam inter ipsas noxiorum pœnas conuitia remouentur, & verborum acerbitas. Asperis aduersisque in rebus incredibilem
animi

animi æquitatem præstant, & quidquid euenit, sine gemitu excipiunt. Hæc quædam summa est bonorum, quibus excellunt Iaponij, cum interim multa etiam apud eos, haud probes: nec mirum: non enim Christiani sunt, & multi tamen capti sunt fieri, qui ab illis vitiis paternis se remouent. Nunc de Sinensibus.

Sinensium mores.

Sinenses sunt longis crinibus, quos acuratè comptos, & in verticem coactos illaqueant, & oblongum ex argento clauum in laqueum inferunt. Primarij ac diuites, quique militiam exercent, versicolore serico: plebei ac pauperes, lino, seu gossipio tegunt corpora. Caput operiunt præcelso ac rotundo pileo, è tenuissimis virgulis atro filo prætextis. Caligas induunt affabre factas, & elegantes cothurnos, aut calceos bombycino obstragulo perpolitos. Per æstatem ad reliqua remedia caloribus leniendis, illud etiam accedit. Subterraneos idoneo loco effodiunt specus: inde conceptam auram, intensiorem aut remissiorem, prout libuerit, per omnes ædium partes admirabili machinatione dispensant. Magnus apud nobiles matronas honos pudicitæ. Rarò visuntur, nec in publicum prodeunt, nisi gestatoria sella, prætentis ex omni parte velis, & occultæ speculationis causa reticulatis ex ebore fenestellis ad latera apposi-

tis. Succollant serui, magna vndique stipante familia. Deprehensum adulterium æquè viri ac fœminæ capite luitur. Ad nuptias dotem non viro fœmina, sed vir fœminæ defert. Principium anni à Martij mensis nouilunio auspicantur. Eum diem publica hilaritate, natalem quisque suum priuata gratulatione concelebrant. Munera sibi, & sportulas inuicem mittunt. Apparatissimis dein epulis, noctu præsertim, exquisitissimi interponuntur ludi. Comœdias ac tragœdias exhibent sumptuosas, vel fabulis in præsens à poeta confictis, vel actionibus è vetere historia repetitis. Petauristæ, arctalogi, præstigiatores, mimi non desunt. Parietes fornicésque viridi fronde, micantibus rosis, & pretioso peristromate vestiuntur. Fragrant odoramentis ac floribus viæ, accensis funalibus, ac laternis arbores, pergulæ, fenestræ colucent: neruorum pulsu, tibiarum vocumque concentu omnia personant. Cum sagina omnis generis, ferina æquè ac domestica, & piscibus, ostreisque & cunctis ferme illecebris, & condimentis abundant, suilla tamen præcipuè caro summorum pariter, & infimorum expetitur mensis: neque ex alio vlllo animali copiosior ganea. Cibos digitis attrectare (vt sunt vulgò munditiarum diligentissimi) rusticitatis putant. Bracteatis paxillis, vel argenteis aureisue fuscinulis, concisa minutatim frustra in os inserunt. Exiguïs poculis crebro haustu sitim sedant: magno cum honore verborum sibi mutuò propinant. Miro interim silentio atque ordine lances ab atrienſibus inferuntur, & in singula fercula instrumenta

strumentum omne mutatur. Salutandi ritus inter plebeios eiusmodi: læuam in pugnum compressam obtegunt dextera. Ambas dein pectori sæpius admovent, & simul accommodato ad gestum sermone demonstrant, amicum conditum sibi hære in medullis. At primores brachiis arcuatim extensis, ac digitis vtriusque manus implexis, identidem sese ad terram vsque demittunt: certantq; verborum officiis inter se, vter posterior, alterius honoris causa quiescat. Aenea tormenta conflare, literas imaginesq; subiectis prælo typis excudere vetustissimo in vsu apud Sinas esse compertum est. Versus ad imum ab summo scribendo perducunt. Literis vtuntur velut hieroglyphicis. Ex singulæ singulis nominibus seruiunt, atque etiam integris interdum sensibus. Præter suum cuiusque nationis ac prouinciæ certus insuper, & communis eruditorum est sermo, latinæ apud nos linguæ respondet, vulgò Mandarinum appellant. Hoc aulici, scribæ, iurisconsulti, iudices, magistratus vtuntur: huic impensa cura dant operam. Mancī, vel aliqua parte corporis debiles, vel morbo impliciti grauiore, quàm vt sibi parare victum vllō modo possint, cognatis affinibusque alendi attribuuntur à magistratu. Luminibus capti si premat egestas, pistrino ac molæ: manci, aut quoquo modo mutili, dum suppetunt vires, aliis alij ministeriis affiguntur. Nullus inertix vel ignauix locus est. Pretia rerum non moneta nummisque: sed (ne locus adulterio pateat) concisi maximè argenti pondere metiuntur: atq; in idipsum forfices, & habilem trutinam ligneolæ

theatrum inclusam in sinu circumferunt. Fœneratores, utpote reipublice noxii, cum aliis pœnis, tum pecunia multantur, in fœnore deprehensi. Suarum quisque mercium institor, descriptum indicē, pharmopolæ etiam singulorum simplicium specimen ipsum coguntur pro tabernæ foribus habere propositum. Ea sæpe ab ædilibus inspiciuntur: neque componendi miscendique, nisi præsens necessitas urgeat, neque composita diutius asseruādi cuiquam omnino ius est. Nauigiorum fluuiialium incredibilis copia. Quippe in iis magna pars hominum cum cōiugibus & liberis degunt: è quibus alij vecturam exercent: alij pro cauponibus & institoribus in perpetua statione sunt: nec solum in cibos, verum etiā in cultum ac vestitum, ipsasque delicias habent cuncta venalia: ut in ipso itinere, ac fluuiis urbana commoda, & copiam non requiras. Gymnasia cum egregiis doctoribus ferme oppidatim amplè & copiosè sustentat Rex. In ea gymnasia è ludo literario primisque rudimentis pueri, & adollescentes leguntur. Studiorum præfecti quos cessatores, vel tardos animaduenterint, obiurgant primum: dein plagis afficiunt: & ad extremum ignominia notatos expellunt. Cæteros pro cuiusque profectu ac diligentia tollunt laudibus. Adhæc regij censores tertio quoque anno gymnasia publicè recognoscunt. Demortuo Regi è filiis maximus natus: si defint liberi (quod in tanta vxorum turba perarum est) proximus è regia stirpe succedit. Ceteri, ne quis eorum causa tumultus existat, remotis inde palatiis instar oppidorum, incredibili magnificentia, regio cultu apparatusque, in libera custodia detinentur.

nentur: propofita capitis pœna, fi extra eos fines iniuffu pedem extulerint. De adminiftratione politica, & re bellica plurima dici poffent. Sed nolim nimium cupidus videri ea recēfendi, quæ iam nuper edita funt in lucem, & patent omnibus. P. Dugiftæ gentes admirabiles mihi viſæ, & Europæis comparandæ, multis etiam præferendæ. Etiâ mne illa, de qua tu Mamertine verba es facturur? M. Non fanè, eſt autem vna de Peruanis, prouinciâ S. Crucis Hiſpani vocant. A. Qualiſcunq; ſit, agendum in medium, quæ legiſti.

*Mores Peruanorum in prouincia
S. Crucis.*

M. Diſtat à Suquifachenſi, & Potoſinâ vrbibus, id eſt, à fine Peruâni regni, non procul: cingitur Orientem verſus prouinciis latiffimis, vbi homines crudelitatis infandæ. regio ipſa æqua & plana: polum Australem conſpicit ad gradus prope duodeuiginti: & quamuis torreatur caloribus, interim afflatur vento, ſic frigido, vt afficiat corpora. Bona incolæ ſunt omnes, & integra valetudine: vita longiſſima: quam multi ad centefimum vſque annum, nonnulli ad decimum præterea extendunt: venatui indulgent: ſolum goſſipij ferax, infæcundum frumenti vinique: abundat maicio, & oryza, communi cibo: frumentum enim, & vinum à Peruano regno accerſitur, longa difficilique vecturâ: ſed præſertim vinum, per abrupta ſcilicet viarum, & ardua montium: vt vnus plerunque cadus centenſis aureis æſtimetur. Ferarum genera ad S. Crucis, diuerſa ab Hiſpaniëſibus permul-

permulta. In iis Struthiocameli: quorum in nidis quadragena, quinquagena oua reperiuntur, tantæ amplitudinis, vt in vnius diei victum satis sint hominibus trecentis: nec desunt viperæ, & pestiferæ serpentes. Redditum est proximè de Sonaliis, quæ suum ipsarum aduentum tinnitu indicant, vt ne obsint imprudentibus: huc addendum quod sunt hebeti oculorum visu, cist tertiam vltimam: natura prouidente, vt quo virus illis nocentius, eò minorem habeant facultatem ad nocendum. Flumina plurima & auctu pluuiarum imbrium latè stagnantia, vt vtram in partem fluant non faciliè dignoscas. Vrbs ipsa in accliu colle, ex quo & vniuersæ prouinciæ nomen S. Crucis in monte. Alluitur riuulo ab initio Quadragesimæ ad diem vsque dominicæ Ascensionis pisculento. Mites sunt incolæ naturâ, nec inhumani: cæterùm si irriterentur, intractabiles. Itatini finitimi feroces, cæteros mortalium habent contemptui, solos Hispanos in pretio, à quibus se iactant oriundos: gens acceptarum iniuriarum apprime tenax, vt nesciant obliuisci. Mulier quædam grauissimo affecta morbo, cum esset morti proxima, dolere vehementer cepit, & conqueri: nec lacrymis parcebat. Sciscitanti hero causam fletus (is erat Hispanus) quia, inquit, ante hos annos viginti à te colaphum accepi, cum essemus ad Paraguaos: eius iniuriæ dolor adimit mihi vitam. Adeo verum est, quod vulgò iactatur. Qui facit iniuriam, scribere in aquam: qui accipit, in aëre. Vestium nullus vsus: fœminæ tantum foliis aut corticibus arborum aduelant corpus: vbi traditæ sunt nuptui, minor

minor cura tegumenti: cum tamen Hispanorum oppida adeuntur, sumitur amictus, in egressu deponendus. Vbi sæuit frigus, quod fit plerunq; flante Austro, domi se continent, totos dies iuxta focum, atque ignem agentes: exeuntes titionem gestant manibus, eumq; identidem applicant ad stomachum flatu subinde vim eius reuocantes, ne obtorpeat. Comam non nutriunt, sed diuerso tonsu se à cæteris Peruanis distinguunt. Sinciput alij, alij occipitium, quidam dexteram partem capitis, quidam sinistram acutis conchis, ad eum modum, quo nos nouaculis, abradunt. Sunt etiam qui circumtonso capite longiores capillos relinquunt in vertice, eumq; morem, longa sæculorum serie, à viro quodam, cui Paicumæ nomen, prædicant accepisse: cum beatum Thomam Hispani arbitrantur, à quo Indorum illud nomen non valde abhorret: & perhibent Paraguais euangelium annuntiasse: quin etiam quodam in lapide, si velis credere, pedum ipsius vestigia monstrantur. Cataclysmum agnoscunt. Multæ singulis vxores, octo, decem, plures, quot quisq; potest alere: neptis auo nubit. Sunt & apud illos, quæ impediunt matrimonium contrahendum, & quæ dirimunt contractum: sunt etiam, quæ, iniustum licet, contractum non soluunt. Sancta coniunctionis vincula, & affinitatis. A satù concepto, dum edatur in lucem, secubant vir & vxor: carneq; & piscibus abstinent, sollemni ieiunio. Vbi mulier peperit, si quidem marem, auus superstes, aut alius quiuis genere proximus, nomen imponit: arcum & sagittas offert: si fœminam, auia filo quodam
 alii-

alligat furas, non sine cærimonia: pater interea per dies aliquot in lecto quiescit: vbi surrexit, religio est animal ferire, vel leui ictu: quod is ad infantem pertineat: comesse quodlibet dentatum, etiam piscem: ad vxorem accedere, donec puer primis plantis vestigia infistat. Vt puella excessit annum, parentes virum destinant (is est proximus à cognationis gradu secundo) ad illum adeunt, arcum, sagittas, & ligonem afferunt symbola sponsalia: si accipiuntur, ex templo gener oppigneratus abducitur domum, vt procuret rem familiarem socerorum, donec puella nubilis fiat. Quod si adolescentulus petere occupet, fert se ad soceros cum fasce lignorum: si placet sponsus, vterque admittitur. Nulla apud illos Deorum simulacra: demonem solum venerantur, ei primitias offerunt frugum messisq; in venatu, piscatuq; (quod studium apud illos homines præcipuum) ei se addicunt totos, deuouentque: non tam spe boni adipiscendi, quam mali arcèdi cupidine. Namq; & eorum corporibus assiduè nocet. Sed id inter eos, qui Varai, id est, bellicosi appellantur, frequentissimū. Certis anni diebus lymphata mente in syluas aguntur, vastamq; solitudinem, & inconcinnis saltibus, vocibusq; inconditis Candire inclamantes (de illo absurdam nescio quam texunt fabulam, iam inde ab eluione orbis terrarum) per præruptos scopulos, densaq; arbuta, per ardentes etiā prunas, & mortíferas serpentes incedunt, sine vlla noxa. Funerum ingens superstitio. Vt mulier viro tradita est, funebrem tunicam sibi atq; illi perpolitè textit, in qua cadauera insuenda. Vbi desperata est ægro-
ti va-

ti valetudo, propinqui plurimum arenæ congerunt, in qua deponatur semimortuum corpus: eum existimant lectum esse quàm mollissimum: & aliquot ante mortem diebus moribundo adsunt, viuenti, & videnti sepulcrum effodiunt: dein cadauer rubro nigróque illinunt, horrendum in modum: diuersis plumis exornant: arcum, & sagittas, reliquaq; arma apponunt, quibus olim vsus in bello: nonnihil etiam cibi & potionis: cadum ex maicio in similitudinem vini corrupto: anatem præterea, & gallinam: & post vltimam conclamationem admonet, vt festinet fugam, dum suppetit cõmeatus. Coniunctissimus quisq; attonso capite luctum ostentat. Octauo post die à præcone indicuntur exsequiæ: & cõueniunt frequentes. Sed pridie eius diei, vt habeatur hic mortuo honos, sese vino ingurgitant. Post annũ instauratur funus eodem ritu, & repetitur ornatus cõptusq; capitis toto anno neglectus. Varai nõ adeo superstitiosi, nec tamen funerũ negligentes. Vt quis mortuus est, q sunt ex eodẽ genere, ad parietem solũmue allidunt caput, corpus etiam ex alto præcipites agunt, quasi quærentes mortẽ per speciem mœstitiæ. Mira dieb⁹ festis crudelitas. Si quem in prælio cœperunt, eum per illos dies nigro purpureoq; colore depictum, adornatũ plumis, repletum mero, quo latior contemnat mortẽ, alligant arbori: is vel ab ebrietate, vel à desperatione animo sumpto (neq; enim seredimi vlla ratione pateretur) cõtumeliis iaciẽdis in circumstantes, probrisq; fœdissimis, instigat vltro ad cædẽ. Tum testulis coniectis in faciẽ carnificis, exprobrans virium infirmitatem, adeo incendit homi-

hominem, vt vix tandem ligneum pugionem, duratum olim ad ignem, terq; quaterq; magna vi adigens in caput, medium diffindat: accurrunt statim mulieres, & (quod horreant aures) recentes à morte artus, & adhuc tepidos auidè deuorant, laniatu infando. Noctu iter faciebat Hispanus cum indigena, viarum & sermonum perito: ad radices montis audit non procul, duos verba facientes: quærit de comite qui sint: Indus, inquit ille, cum dæmone colloquitur. Tum curiositate humani ingenij, cum accessissent propiùs suspenso vestigio, Indus solus repertus: & interrogatus vbinam esset alter, qui loquebatur, diffugisse respondit ad eorum aduentum: tum orauit, vt apud se quiescerent illam noctem. Domus erat longa pedibus centum, & latè patens, vt alià in illo tractu, nullis distincta contignationibus, aut cubiculis: nullum in ea instrumentum, aut supellex, præter pharetram, & arcum, ac rete pensile pro lecto, cui hiberno tempore substernunt prunas, ad rigorem frigorum molliendum. Cognouit Hispanus huc sæpe dæmonem se afferre: ergo cum clanculum in pariete IESVS NAZARENVS carbone scripsisset, audiuit iratum diabolum attulisse mortem domino, dein amplius eam domum ingredi non esse ausum. Varai habitant in locis proceritate arborum opacissimis: earum pleræq; feraces fructuum, Peruano regno, nedum Europæ ignotorum. Poma sunt infra magnitudinem pyri, nigra extrinsecus, intrinsecus alba: nascuntur in ipso trunco arboris, non sub foliis: ita densa, vt corticem operiant. Inter Varaos nullum honoris discrimen

scrimen aut dignitatis: sed ipsos inter se equales esse iudicant, finitimis superiores: quos etiam bello captos, opere exercent, eosque contemnunt. Scytharum more nullam habent ciuitatem: domos facile mutant, & supellectilem: & si hæc illis omnino curta, aut, præter arcum, & sagittas, grandesque cucurbitas, quas minutis quibusdam uten-silibus stipant, potius nulla. Plures vxores habere decorum est: à reliquis abstinent. Filiorum exortum parentes trimestri ieiunio excipiunt, certa-que ciborum abstinentia: trimi pueri, aut quadrimi depelluntur à lacte, tum eos ad omne crudelitatis genus exercent: bello captos illis permittunt sagittis petendos: qui certo ictu expositum interfecerit, laude & præmio, insuper etiam interfecti cognomine honoratur. Hi lusus infantium: hæc iuuenum æmulatio: quin & viri ipsi in magno nominum ambitu sunt, pro numero scilicet occisorum in bello. E crudelitate enim accæde genti nobilitas: adeamque excitari se volunt impositis nominibus canum, tigridum, aliarumque ferarum animantium. Lunam nascentem ingenti clamore, totiusque corporis iactatione venerantur. Nulli dij. Nullæ deorum imagines. Nulla formula, aut consuetudo iurisiurandi. Religio nulla. Septem genera dæmonum, & nomina agnoscunt: eos ut colant, malorum, quæ ab ipsis inferuntur, moris etiam timor facit. Sunt tamen superstitionibus maximè dediti. Ineuntibus bellum si sagittæ deciderint, si lectorum pensilium funes rumpan-tur, pro omine habetur: venefici inspectas sagittas reiciunt, probantur: infelices illæ, & si retinean-tur,

tur, hæsuræ in corpore retinentis: hæc certè, & nunquam frustra mittendæ. Cæterùm cum se luna curuare cœperit in cornua, vt colliment, brachia: vt celerius currant, furas & femora, plurifariam incidunt: mox puluere è combustis corporibus ferarum rapacium, aut velocium aspergunt: eodem modo mulieres brachia, faciem, crura, quæ postea cuiusdam arboris succo (cæruleus est, atq; omnino indelebilis) ornatus caussa perfundunt. Sed hæc eorum consuetudo affligendi punctiunculis corpora cõmunis est, non secus atq; apud nos flagellis verberandi. Hac formidine pueri coërcentur: pueri, inquam, nam in adolescentes, aut natu grandiores nulla animaduersio. Furti crimen apud eos ex omni memoria ignotum: & ideo magis vitatur, quàm si vetitum esset. Nihil venale: si quis veste, aut re alia careat, donatur ab his, qui abundât. Mortuorùm corpora contingere nefas: eos tamen lacrymis & lamentatione prosequuntur. Mulieres continuantes diem ac noctem eiulando ieiunè cadaueri adsunt, tunduntq; parietem capite, & pauimentum crebra corporis volutatione verrunt. Mitius viri se gerunt, ostendunt defuncti sagittas, arcum, & clauam (claua enim magni ponderis in præliis Varai vtuntur) non sine eius laudum, & rerum præclare gestarum commemoratione. Totos dies octo peraguntur hæc tristitiæ imitamenta: noctes interea ducuntur insomnes: aut à somno reditur ad vociferationem, & luctum. Quibus autem lacrymis & conclamationibus prosequuntur funera, iisdem etiam excipiunt carorum aduentum: vt iam nostri ab effusa illa comploratione,

tionē, vel decessisse aliquem cognoscant, vel accessisse. Atque hæc de moribus Varaorum, qui nunc paulatim, Deo annuente, mitigari, & ad humanitatem traduci cœpere: & apparent in eis aliqua vestigia bonitatis. Repertus vnus, qui in illa plures vxores habendi licentiâ vitam castam, & cœlibem duxerat iam annum quinquagesimum: interrogatus, vllôsne stimulos sensisset, ignêsue libidinis: plurimos respondit, & acerrimos: sed omnes illos, quòd admoneretur animus, vni Deo, cui placeret castimonia, morem gerendum esse, superatos: is nunc ablutus baptismo, in suscepto vitæ proposito libentius perseverat. Hæc erant, quæ cupiebatis, & ego debebam. A. Fuerunt sanè iucunda. Quod reliquum est, suadeo, vt cognoscendis gentium moribus maiorem demus operam: habet enim ista res utilitates non modicas, nec paucas, quantum ego videre animo possum.

ANNOTATIONES.

Qua de Persis, Aegyptiis, Scythis diximus, ab Herodoto, & Iustino deprompsimus: poteramus etiam à Diodoro. De rebus Turcarum elegimus aliqua è libello Bartholomæi Georgienizij Peregrini Hierosolymitani. De Mosconiticis qua afferimus, tradidit Sigismundus Baro, qui binis legationibus ad Basilium Magnum Ducem, missus à Maximiliano I. functus est, & diu in Russia commoratus, omnia

diligenter exploravit. *Mores Iaponiorum, & Sinen-*
sium verbis Petri Ioannis Maffai retulimus è libris
historiarum Indicarum 6. & 12. De Peruanis ista, &
plura ad nos Patres nostri, qui illis in locis rei Chri-
stiana dant operam. Dictio est Francisci Bency,
quem tibi ex orationibus & versibus Ingolstadij re-
cusis notum esse arbitror. Vixit Roma, professor olim
eloquentia: nunc, quemadmodum accepi, philosophia
de moribus. QVOD QVISPIAM IGNEM QVÆ-
RAT) Hunc locum Plauti ex Aulularia, qui in vul-
gatis libris depravatè legitur, & correxit, & simili-
bus ex eodem poëta prolatis explicavit Commenta-
riis in Catullum Muretus, in epig. ad Furium. FI-
NIVM REGVNDORVM) Ad agros, non ad adi-
ficia urbana pertinens loquendi genus. Regere vetu-
sto significatu est discernere, discriminare. Tibull.
Qui regeret certis finibus arua lapis. Ergo finium re-
gundorum, est finium statuendorum, discernendo-
rum, &c. NOS ATHENIENSES) Ex Eusta-
thio docemur viros Athenis natos dici solitos ἀθηναῖος
Athenienses: mulieres autem ἀθηναῖα: ut virum fortem
ἀνδρείον, feminam ἀνδρείην. Hinc Glycerium
apud Terentium rectè vocatur civis At-
tica, non Atheniensis.



PROGYMNASMA
PRIMUM ET SEPTVAGE-
SIMVM.

Sacrum florilegium,
Id est, Christiana, Catholica, seu
Ecclesiastica, Monastica bono nu-
mero aut latino ex barbaris, aut
latinius, ornatius, copio-
sius expressa.

CARLESIVS, IANVARIVS.

CARLESIVS. Omnimodis, Ianuari, vehe-
méterq; probo, quod te solere inaudiui iam
pridem, & paulò ante, quàm tu salutationis
officiiq; causa pedem huc inferres, ex ore Dona-
telli, tui an mei? quando tibi non concedo, vt eum
plus ames, quàm ego, fidelius cognoui, quodq; a-
cerrimum tuum in colenda latinitate studium
manifestè prodit: vt cum legis scriptores, quos
Græci patres τῶς ἑξω, externos seu extraneos, non
Christianos videlicet appellant, haud oscitanter
incuriosèq; obserues, si qua inde verborum mun-
dices ac lepos, si quæ loquendi formæ rebus Rêi-
pub. nostræ melius, hoc est, vt ego interpretor, pu-
rius, magis propriè, planius, decentius, vberius


etiam eloquendis sumi percomodè possint. Quam operam maiore utique cura & sedulitate adhibere conuesti in Christianis tum veteribus nonnullis, tum recentioribus multis: qui quidè ad notitiam rerum orationis limatè ac perpolitæ laudè adiungendâ sibi putauerunt. Etenim si in ciuilibus ac profanis vetusta nouis, electa triuialib⁹, nitidiora fordidioribus anteponimus, cauemusq[;], ne in barbarorum semilatinorumq[;] turbam cōiciamur, cur tandè isto honore sacra & diuina impertiri fugiamus. nempe ut sententiarū dignitati auctoritatiq[;], sermonis (quanta nimirū potest) quali pulchritudo respondeat? Deteruntur, obfuscantur, languēt, frigent, iacent, quæ, cum per se illustria, magna & mirabilia sunt, oratione agresti, horrida, inquinata & immunda deniq[;] efferuntur. Quæ dico, nō ita velim intelligi, ac si voces omnes, sermonē totum quo nostri vritur mutari, & ad Ciceronis priscorumq[;] illorum perpendiculum omnia exigi postulè: cuius enim hoc foret stultitiæ, vel insanie potiti? Pleraq[;] impropria admodū, insulsiōra, ac velut deformiora, magisq[;] ab ignoratione, quàm à necessitate inuecta, melioribus inter loquendū scribendumq[;] emēdari posse autumauerim. I. Equidem facio, Carlesī, quod dicis, idq[;] adeo semota segnitie, ut mihi indices quoq[;] ad vsum priuatum confecerim. Et volupe est, hunc potissimū sermonem nobis incidisse: assentiorq[;] tibi in eo maxime opere quæ sis, res nostrates & posse, & debere, nisi causa aliqua vetet, verbis lectiorib⁹ explicari. Illud præterea, neutiq[;] inficiandum censeo, de materiæ splendore, & nobilitate multum detrahère sermonis

nis informe, illotum, incomptum, & tanquã scabie
 fœda respersum genus. Verum enim uero, in sacris
 videndum est (iam enim ciuilia dimittimus) quate-
 nus, & quando id fiat. Nec enim omnia eodẽ ordi-
 ne, aut semper habere ius sit. Quædam fortasse nũ-
 quam cõmutauerim: quædam, non sæpe: quædam
 quoties videbitur: toties autẽ videbitur quoties aut
 congregiendum, aut quippiam conscribendũ erit.
 C. Si teneo sensum tuum, nec fallit cõiectura, non
 diceris trias pro trinitate, sacrum pneuma aut fla-
 men pro spiritu sancto (quamquã poëtis, qui me-
 tri legibus compulsi, in verbis licentiam sibi pmit-
 tunt, & alioq; suos idiotismos sequuntur, per quos
 ab usitata ratione loquendi, vt debet, recedunt, ta-
 lia prohibere non solemus) aut legatus Christi pro
 Apostolo, aut Vestalis pro sacrata virgine, quod ta-
 men quibusdam ineptis gemmeum visum est: qui,
 miror cur nõ etiam sacerdotes nostros popas vo-
 cent, quò eos rerum Romanarũ tanto scientiores
 crederemus. I. Ego vt ad istorũ exemplũ malè sa-
 perem? sub stomacho, cum in huiuscemodi an si-
 perstitutiones, an deliramẽta? legẽdo incurro. C. Ra-
 rius porrò, & loco, Patres purpurati pro Cardina-
 libus, vates pro Prophetis, testes pro Martyribus,
 vetus aut nouum instrumentum pro Testamento.
 I. Sanè. C. At nunquam non, in diuos referre pro
 canonizare, templũ pro ecclesia, sacerdotium pro
 praebenda, aut beneficio. Nam vel inscientiam, vel
 latinitatis contemptionem, vel hac ambo iun-
 ctim progenerasse nobis tot vocabula aliena, mō-
 strosa, lutulenta certum est: quod similiter de
 locutionibus accipiatur. I. Bene iudicas de iudi-

cio meo. Sunt enim mutationes quædam odiosæ, etiam doctis, & sermonum vtriusque linguæ non ignaris: aliæ non ita multis gratæ: nonnullæ offendunt neminem: quandoquidem propriè rem, clarè, & festiuè declarant. Cæterùm semper in vñu vocum istarum, & loquendi generum, quæ latinittis & ornatus desiderio in scriptura aut sermone à nobis adhibentur, idq; egregiis ac piis auctoribus viam præeuntibus, non cuiusvis de populo, sed prudentium eruditorumq; placito hærendum: quorum arbitrium, & existimatio valere debet, & plus æquùm quàm iniquùm posse oratio. C. Permirum est, cum artifex nullus alterius artis hominem corrigere, aut reprehendere audeat, nec sutores cocus, nec pistorem lanius: atque vt ad liberales disciplinas veniam, non dialecticus astronomum, non rhetorem musicus, de sermone tamen omnes iudicare, & velut rogati sententiam dicere volunt, etiam qui sine solœcismis nihil ferme loquuntur. I. Sic profectò: latissimè fusam, & infinitatem quandam completentem linguæ scientiam etiam elingues sibi arrogant: quibus Propertius occinat illud suum: Vnusquisq; sua nouerit ire via. Sed tolerandum, quod mutari nequit: hi sunt iam mori mores. Non præteribo adhuc animaduersionem necessariam, quæ nisi adsit, pro laude risum merebimur. C. Quæ illa? I. Non ita intexenda sunt omnia in oratione, vt posita cernuntur in istis indicibus, sed considerandum, ecquid hoc verbum, hoc genus loquendi, pro barbaro, nulla mutatione, in hac sententia, hoc articulo vsurpádum sit. Et quædam

nisi

nisi cum scribimus non adhibebimus: quæ item si nuda ponantur, nimis comparata, & puerilis ostentationis plena videbuntur: quoniam eorum vis & usus nisi in contextu orationis apparere & exerceri non potest. Verùm istuc magis præcipiendum pueris quàm grandioribus videatur, & tu quid velim per te intelligis. C. Etiam. Tuum indicem illum cum ad me redieris tecum apportabis. I. Fecero. Nunc aliò nobis sermo conuertatur.



INDEX.

A.

Abbas) Cœnobiarcha, Monachorum Præfectus, antistes, pater: hoc enim vox Syra Abbas sonat, Græcis ἀρχιμανδρίτης. Budæo in Forensibus Heteriarchus, quasi princeps sodalitatis.

Absolvere ab excommunicatione) Ecclesiæ communioni restituere, Vinculo Ecclesiæ solvere.

Absolutus ab hæresi) Expiatus ab hæresi.

Abbatissa) Antistita sacrarum virginum. Ascetiarum præfecta. Quæ Vestali-

bus olim præerat, Maxima dicebatur. Sic nos aliquando venustè Maximam appellabimus, quæ deo dicatarum virginum collegium moderatur. Dixi aliquando, quoniam res est iudicij, de quo nihil possumus præcipere: & vereor, ne tyrones quam plurimis ex hoc indice peritis abutantur. Malè & ridiculè sic loqueris ex abrupto: mea soror est Maxima. Rectè autem, si sermo sit de illis consecratis virginibus, & incidat in eodem sermone mentio Abbatissæ, illam Maximam sine adiuncto nominabis. Rectè item

si dicas: foror mea, in illo monasterio creata est Maxima. Atque ut illæ puellæ sunt & dicuntur monachæ, sic earum rectrix dicetur monacharum mater.

Acceptio personarum) Discrimen hominum, personarum. Non est acceptio personarum apud deum. Non respicit personam deus. Inter homines nullum facit discrimen deus.

A creatione mundi) Ab vltima mundi origine. Ab orbe condito. Post hominum memoriam. Post homines natos.

Adam vetus, seu caro) Inferiores animæ vires, cupiditates, libidines.

Ad pedes Apostolorum) Priuatis opibus in comune collatis. Quidquid habebant, ad pedes Antistitis abiecerunt, ut proprium cuiquam nihil esset. Nihil sibi reseruantes, in commune omnia collocabant.

Aduentus domini) Dies sacri dominico aduentui. Hebdomades quæ anniuersariam Christi nascetis memoriam præcurrant. Quo tempore expectatio virginis partus celebratur.

Aduersitates, tribulationes) Res incommodæ, & asperæ, graues, afflictæ, duræ, turbidæ. Casus aduersi, calamitates, tempora: hoc enim postremo M. Tullius casus iniquos appellare consuevit, ut lib. 1. epist. 9. Scripsi versibus tres libros de temporibus meis. Ibid. Habui non temporum meorum solum rationem, sed etiam naturæ. Et epist. 6. lib. 4. Seruius tamen tuus omnibus officiis quæ illi temporibus tribui potuerunt. Pro lege Manili. Omne meum tempus amicorum temporibus transmittendum putauit.

A edificare) Ut cum dicimus, hoc non ædificat, est paruæ ædificationis, &c. Bono, malo exemplo esse. Res aut homo boni, seu mali exempli. Res nouo & pessimo exemplo acta.

Agnus dei) Cereæ agni cælestis imagines, effigies. Agni è cera ritè consecrata ficti. Sacrata in cera effigies agni cælestis. Diuinus agnus in cerea effigie. Sacra agni Dei imago. Sacra sigillaria cerea diuini agni.

Alsare portatile) Subdu-
ctile.

Aile, explicatile. Altaretē. por. rium.

Ana ore) Genus interpretandi, cum apertum orationis argumentum ad sententias interiores sanctioresq. traducitur.

Angeli) Beatæ mentes. Mentes illæ cælestes, & ab omni concretionē mortali segregatæ. Cælestes animi. Mentes beatæ, corporibus semper vacantes. Quæ sunt ab omni admistione corporum puræ atq; sinceræ

Anno domini) Anno post Christum natū, Christi nati. Anno à salute humano generi restituta, recuperata. Anno à puerpera Virgine, à partu virginis.

Antipedium) Palliū quo altare prætexitur. Sacra vestis ad ornatum altaris.

Apostatare à fide) Ad hereticorum castra transfugere. Sacra Christi deserere.

Apostata & apostatare à religione) Desertor religionis. Fœdistragus monachus, transfuga, encullū abiicere.

Apparere, apparitio. N. imago secundum quietem mihi obuersata est.

Aqua benedicta) Aqua lustralis, piacularis, sacra. Vas ipsum græcè *πνευματικόν*, ut ipsum quoque aspergillum.

Arma Passionis) Christi suppliciorum imitamenta. Christi cruciametorum insignia. Sacra monumenta redemptionis nostræ.

Articuli fidei) capita fidei.

Assistere alicui in agone) Confirmare aliquem in supremo vitæ tempore, quo anima discepratur. Succurrere cuiuspiam in extremo certamine. Adiuti firmatiq; morientes, illa præcipue hora, quæ de annis omnibus sententiam fert. In supremis firmare quempiam.

Assumptio Maria) Qui dies diuæ dei genitricis assumptioni sacratus est. Vide, *Dies assumptionis*.

Audire missam) Interesse rei diuinæ, sacra, diuino sacrificio Rem diuinam obire. Missa autem Græcis Patribus *λειτουργία, ιερουργία, μυσταγωγία, ποσθοροσ, θύ-*

εία, τελετή. Quorum vocū explanationem require à Stephano Duranto de ritibus Ecclesiæ, lib. 1. cap. 1. Quod noster, Ite missa est, ἀπὸς ἀντίκων dicebant, λαοὶς ἄφεσις.

Aue Maria) Angelica salutatio.

Austeritas Vita) Victus cultusq; imprimis horridus & asper.

B.

Bacchanalia) Hilaria vocant nonnulli. Liberalia. Dionysia. Quibus diebus bacchatur hominum effrænata licentia. Lupercalia. Illud anni tempus, quo proni esse in licentiam, & fluere in luxum homines solent. Dies quibus bacchatur impunita licentia. Quibus proni homines in lasciviam, & in luxuriam fluentes.

Baptizare, baptismus, baptizatus) Salutare lauacrū. Sacro baptismo ablui. Salutari ablutus aqua. Sacro sancto Christianorum ritu abluere. Baptismo inficere. Sacro rore tinctus. Sacro sancto, æternæ salutis fonte ablutus, tinctus, initiatus.

Sacram ab eo ablutionem accepit. Sancto ablutionis sacramento initiare. Sacro lauacro tingi. Qua hora pueris sacra aqua ad salutem inficiendis opera impenditur. Tingi aqua lustrali.

Baptisterium) Dionysius τὸ μῆτερά τῆς ὑποδοσίας matrē adoptionis, Zonaras κολυμβήθραν, Amb. Damas. alij fontem sacrū, regenerationis sacrarium vocitant.

Baptismi dies) Lustricus dies. Ad baptismum quoque pertinent, lustrare & lustrator.

Benedicere, benedictio) Bene precari. Fausta cum prece dimissi sunt à Pontifice. Sancta benedictione afficere. Sollemni precatione quempiam lustrare. Crucis vexillum, quod sollemni precatione consecratur Pōt. Max.

Beneficium) Sacerdotiū.

Bene vivere) Purè & castè vitam colere.

Blasphemia, blasphema-re) Atroces voces, quales multè à nefariis hominibus in deum ac dei providentiā iactantur. Verborum impietas. Diuinum numen verbo violare.

violare. Scelesta lingua deū violare. Impia verba in deū profundere, iacere.

Bona opera, & bona operafacere) Virtutum officiis fungi. Virtutum officia præstare. Piæ, sanctæ actiones. Actiones cum pietate susceptæ, præclaræ. Virtutis exercitatio. Vsurpatio piorum munerum.

Bona conscientia homo) Homo rectus. Homo extra culpam viuens.

Bona, felici memoria, recordationis) Cui mortuo beneficit. Cui Deus mortuo beneficiat.

Breuiarium) Codex precum horariarū. Non tamen male breuiarium, quam vocem suo loco explicauimus in annotationibus.

C.

Calum, caelestes) Cælestes domus, consilium cælestium, superæ sedes, ad illas oras, vbi placidissima quies, & vita sempiterna vigent.

Carimonia) ritus Ecclesiastici.

Calendarium) Fasti, Diarium.

Calend. nouum seruare) Anni obseruationē ad præscriptum noui Calend. dirigere.

Canonicatus) Sacerdotium. Pinguis canonicatus, opulentum sacerdotium.

Canonizare) In diuos referre. Ad sanctorum numerum, ordinem adscribere. Cælestes honores alicui discernere.

Cantare vigilias mortuorum) Funebris psalmodia alicubi parentare. Funeralia.

Cantus figuratus) Symphonia.

Capitulum) Canonicoꝝ senatus, collegium.

Caputium cappa) Cucullus, non cuculla.

Caro) Vide Adam vetus. Concupiscentiæ.

Carnis priuū) Vide Bacchanalia.

Cardinales) Patres purpurati. Ecclesiæ summum consilium. Summum orbis Christiani consilium. Supremus Ecclesiæ senatus. Cardinalium collegium.

Casula, cappa) Sacræ vestes. Vestitus sacerdotis. Ornatus sacrificialis.

Casus cōscientiæ tractare)
Expli-

Explicare quæstiones de moribus ad Christianā vitam, conscientiamq; moderandam. / Officia hominis Christiani tradere. Res ad Christianū officiū pertinentes. Suscipere doctrinā perutilem, quid sit officium hominis Christiani. Explicare controuersias, quæ ad conscientiam pertinent. Quæ docentur de finibus bonorū & malorū in re Christiana.

Catechismus, & Catechizare) Scholæ catechismi. Catechistica disciplina. Lex christiana. Christianis præceptis pueritiam instituere. Expolire, excolere catechismo pueros, plebem, rudes. Christianæ disciplinæ elementa. Initiamēta christiana. Instituire scholas doctrinæ christianæ. Imbuere christianis rudimentis. Erudire fidei nostræ mysteriis. Fidei christianæ præceptiones. Christiana catechesi populum formare. Christianæ fidei dogmata. Christianæ doctrinæ rudimentis instituere pueros. Instituire pueritiam in præceptionibus christianis. Initia christianæ legis exponere.

Catholicum fieri) Catholica dogmata amplecti. Cū catholica religione recōciliari. Se ad catholica mysteria conuertere. Vide, *Conuertere ab hæresi*.

Celebrare, & missam celebrare) Sacrificare Sacrificiū, sacra, rem diuinā facere, conficere, peragere, Sacris operari. Sacra perpetrare. Cælestē hostiam immolare. Res diuina apparitissima pompa confecta. Sollemnia missarum inire.

Cella monachorum) Cubiculum.

Chorus in templo, seu monasterio) Odeum, a cantu. Veruntamē licebit contentū dicere, ut arbitror, de cōteto: & quoniā chorus multitudinē & coronā conuenientiū certo loco templi ad canendum significat, eadem voce exprimere locum.

Christiana religio, seu Ecclesia) Christiana Respub. Res christiana. Christi instituta.

Christiani, nō christiani) Qui Christi disciplinā profitentur. Christianorum sacris imbuti. Qui falsas religiones colunt.

Chri-

Christianum facere, seu *feri*) Ad Christū adiungere. Christo nomen dare. Christiana sacra suscipere. Christianis sacris imbui. Christianā disciplinam complecti. Christianæ militiæ adscribi. Ad sanā religionē à Brachmanarū fabulis, & impura superstitione traducti. Reiecto idolorum cultu ad Christianam Ecclesiam se aggregarunt.

Christus redemit) Hominum mentes expiauit. Patris numen humano generi infensum placauit, aditumq; nobis in cælū patefecit. Seruile iugum à ceruicibus nostris deiecit.

Clericum fieri) Clericum profiteri.

Coadiutor Episcopi, Abbatu, &c.) Episcopus, Abbas designatus.

Coadiutor, seu conuersus) Administer rei domesticæ. Qui domestico opere exercetur. Rei familiaris adiutor. Ad domestica ministeria adscriptus. Adiutor operum.

Cena Domini) Dies sacer cænæ Domini.

Commendare Deo aliquid in oratione) Consulto per

preces ac sacrificia domino. Consulto suppliciter deo.

Communicare, cōmunio) Ad sacram synaxim, mēsam accedere. Sacro munitus viatico, de moriente. Panē cælestē accipere. Cæleste epulū. Cælesti pane refici. Sacro sancto Christi corpore pasci. Cælesti exceptus conuiuio. Elutis animi sordibus diuinū conuiuū celebrare. Pabulo cælesti refecti. Percipere sacrosancta mysteria.

Communicare cū aliquo) Communionē iungi.

Concionari, Cōcionatores) De rebus diuinis ad populū dicere. Oratores Euāgelicī. Euāgelij præcones, nuntij. Euāgelia explicare. Qui sunt populo à concionibus. Ecclesiasten agere.

Concupiscētia) Libidines, cupiditates. Indomitæ animi cupiditates. Effrænatae libidines. Turbulētæ, & cōcitatæ animi permotiones.

Confessarius) A cōfessionibus. Qui sibi cōfidenti aures dederat. Sux consciētix iudicem. Missi qui delicta cōfidentibus aures cōmodarent. Quo ad sacras confessiones utebatur.

Confess

Confessio, confiteri) Eluere animos peccatorum sordibus. Confessionis sacramēto perpurigare animum. Patefacere conscientiae labes ac vulnera. Expiare peccatorum sordes. Perpurgatus salutari confessione peccatorum, commissorum. Vitae noxas confessione delere. Pestilentiae virus euomere. Obire confessionis sacrum mysterium. Crimina sua apud sacerdotem accusare, exponere. Conscientiae maculas poenitentiae sacramento eluere. Sacerdoti se ritu catholico aperire. Peccata confessione deponere. Confessione sordes conscientiae abstergere, maculas abolere.

Confiteri generaliter, confessio generalis) Expiare superioris vitae noxas. Confessio omnis anteaet vitae. Omnium annorum confessione expiati. Aperire omnia peccata, quae vel à pueritia meminerimus. Totius vitae flagitia sacra confessione expiare. Repetita confessione omnium à pueritia peccatorum. Exposuere omnes sacerdoti, quid quisque dolendum gisset in vita. Con-

fessio vniuersae vitae Repetita confessio, vel ex eo tempore, quo iudicium facere poterant. Confiteri de peccatis tota vita admissis. Animi labes quas in omni vita collegeris expiare. Totius vitae maculas confessione eluere. Non reticentibus qua in re per omnem vitam deliquisset. Ut alterius quasi ordirentur vitae initium, veteris planè omnis crimina sacerdotibus aperiendo repetiuerunt. Annorum omnium culpas exponere. De criminibus vel ab ipsa pueritia confiteri. Absoluti noxiis, quas vel à pueritia contraxerāt. Retroactam vitam confessione detegere, aperire.

Contritio) Dolor ex flagitiorum recordatione susceptus.

Controuersia) Dogmata quae in controuersiam vocantur.

Conuerſi, conuertere ab haeresi) Ad Ecclesiam reduci. Posita contumacia suauissimo Ecclesiae iugo ceruices suas subiicere. E summa caligine ac tenebris in lucem catholicae veritatis erui. Ad

finum

sinum catholicæ Ecclesiæ redire. Respexerunt fidem catholicam. Restituti, redditi catholicæ religioni. Ad Ecclesiæ, seu Põtificis max. auctoritatem redire. Cum sancta Romana Ecclesia in gratiam restituere aliquem. Ecclesiæ recõciliari. Deduci de prauis opinionibus. Ereptus error deprauatæ religionis hominibus. Eiicere, eiurare hæresim. Haurire orthodoxam doctrinã. Reddere se Ecclesiæ. Peruersarũ opinionum venenum, virus eiicere. Abiurata hæresi se cum Ecclesia catholica coniũgere. Religionem Catholicam respexere viginti. Eiicere se à prauis opinionibus de religione. E seditiosis sectis extulere se nonnulli. E falsarũ opinionũ salo transferre se in catholicam cymbam. Ad cõctum recte sentientium redire. Ad imperium Romanæ Ecclesiæ se reuocare. Repudiare falsarũ cõmentata opinionum Romanæ Ecclesiæ manus dare. Executere prauas opiniones. Eiecerunt pestem, quam in animo habebant. Perfugæ ad Ecclesiã Catholicã reducti.

Conuersi, conuerti ab improbitate) E corruptis moribus ad emendatiorem vitã traducti. Ad bonã frugem reducti, redire. E peccatorum, scelerũ gurgite extrahere quempiam. Ab improba peccandi consuetudine se reuocare.

Cõueriti à paganismo) Qui reiectis tenebris vanarũ superstitionum, lucẽ diuinis immissa ad Christianam religionẽ se applicant. Simulacrorũ cultu abiecto, vnus Christi cultui se consecrare. Ad sanctum Christi cultum redigi. Christianis se sacris addicere. Vide *Christianum fieri*.

Corporalis theca) Sacrorũ linteolorum thecæ.

Creator) Vis diuina rerũ omnium effectrix.

Crucifixus, crucifigere) Signum pendentis Iesu. Simulacrũ Christi domini in cruce expirantis. In crucem actus, sublatus, cruci affixus. In crucem tollere. Supplicio crucis affectus, cruce affectus.

S. Crux) Lignũ in quo salus nostra ingemiscente rerum natura pependit.

VN

Cum,

Cum, seu in superpelliceo) Linteati, linteis induti tunicis, albat, linteae vestis.

Cum, seu in casula) Cum veste ornatuq; sacrificantiũ.

D.

Damnare) Sempiternis suppliciis mactare. In æternas miseras & tenebras deicere.

Dare eleemosynam) Stipem conferre in egentes, mendicos. Benigne facere.

Dare penitentiam) Piaculum imponere.

David præfiguravit Christum) Moribus & factis vêturum Christum multis in rebus representavit.

Dedicatio) Religionibus cõsecratum, dedicatũ templum. Sollemnia ac iusta consecrationis.

Degradatus, degradare) Exauctoratus. Sacerdotij dignitate cum ignominia spoliatus. Exaugurare. Præbyterio abdicare.

Devotus) Religioni deditus, religiosus, castus, pius, sanctus.

Devotum esse alicui sancto) Præcipuo quodam cul-

tu D. Petrum venerari. In S. Pauli maximè clietelam fidemq; confugere. In fidem ac patrociniũ D. Magdalene se conferre. Religione magna S. Catharinæ tenebatur. Ioanni Baptistæ gens illa eximio cultu, ac præcipua religione deferuit.

Diabolus) Hostis humani generis. Vaser humani generis inimicus.

Dies annuntiationis) Dies cælesti ad Virginem nuntio sacer.

Dies assumptionis) Dies assumptę in cælum genetricis sacer. Quo die assumptionis Mariæ anniuersaria gratulatio celebratur. Quo die assumptæ in cælum Virginis memoriã recolitur. Commemoratio Virginis in cælum ascendentis.

Dies S. Catharina) Quo die Catharinam Martyrem Christiana veneratur Ecclesia. Dies D. Catharinæ festus, sacer. Qua luce S. Catharinæ sacra natalicia celebrantur.

Dies cinerum) Cineralia. Ex lib. Q. Corradi de serm. lat. copia discas quo pacto alios dies religioni dicatos,

ad

ad veterem formulam nominis. Laurentia, Paulina, Fabiana, Antoniana festiva Octodalia, qui octo dies sunt attributi Diuis quibusdam augustioris religionis causa. Octauas vocant.

Dies corporis Christi) Dies quem augustissimo ritu Eucharistiae anniuersarium sacrum colimus.

Disciplinas facere) Penae nomine se acerrime verberare. Voluntarium de se poenae verberibus sumere. Corpus voluntaria verberatio nec coercere. Se flagellis caedere. Se voluntario cruciatu conciderunt flagris. Verberibus in suum corpus animaduertere. Flagris semulatare. Ad domandum corpus verberum adhibere disciplinam. Supplicium non leue de se voluntaria diuerberatione sumpserunt. Acerbissimis flagris castigare corpus.

Dispensare cum aliquo) Canonis, seu legis gratiam facere alicui.

Dispensare in voto) Voti religionem soluere.

Domuncula sacramenti) Sanctuarium augustissimo

Christi corpori custodiendo, Eucharistiae asseruandae. Praeclsum Eucharistiae pegma. Hunc eundem locum in quem arcula Eucharistiae includitur, veteres appellauerunt *πασσόμενον*, quae vox thalamum sonat. Bene plane, cum ibi reponatur Iesus, qui est Ecclesiae, animarumque nostrarum sponsum.

E.

Ecclesia catholica) Catholicorum castra.

Ecclesia primitiua) Ecclesia oriens, nascens, Christianorum tum primum adest Ecclesia.

Ecclesia Romana) Princeps & magistra orbis terrarum Ecclesia.

Eleemosyna, ex eleemosyna, eleemosynam petere, dare) Ex collatitia, collectitia pecunia. Stipem quaeritare, colligere, corrogare, conquirere, precario cogere, panem praebere mendiculis. Ostiatim victum petere.

Elevatio in missa, elevare) Cum extolleret sacerdos caelestem hostiam, populo venerandam.

Epiphania festum) Regalia.

Episcopū, aut pontificem fieri) Ad pontificatū ascendere. Delatam Ecclesiæ Romanæ accepit administrationem.

Eremus) Inculca solitudo.

Ethnici) Qui nullā Christianæ religionis disciplinā acceperunt. Quos deus vera sui cognitione non afflauit. Veteres, quorū animi densissimis errorū tenebris inuoluti, ea quæ nobis diuinitus affulsit, veritatis luce caruerunt.

Examinare conscientiā) Sua dicta, facta per diem diligentissimè recognoscere. Rationem docebat, qua se quisq. excuteret. Conscientiā excutere. In seipsū quotidie diligenter inquirere. Explorare latebras conscientiæ, & diurna facta ad Christianæ religionis rationem exquirere. Quotidiana perscrutatione intimos animorum recessus inspicere. Traditus est modus, quo quisq; totum diem secū scrutetur, factaque & dicta omnia noctu remetiatur. Quotidia-

no examiue conscientiā explorare.

Excommunicare, excommunicari, excommunicatus) A piorum societate, & communione secludi. Ab Ecclesiæ cōmunionē repelli. Extra Ecclesiæ septa eiectus. Cōmunionē secludere, multare, remouere. Anathemate percellere, iugulare. Cōmunionē depulsus, spoliatus, secretus, semotus. Cōmunionem alicui interdicere, aliquem cōmunionē deicere. Anathema dicere. N. Abdicatus, abdicare aliquē. A corpore Ecclesiæ segregare. Dirum, graue anathema in eum contorsit. A sacris amouit. Sacro anathemate persequi. Nominatim diro in eum carmine composito, pœnis inferorum deuotus. Cōmunionē piorum eiectus. Anathema alicui affirmare. Diri, detestati, abominati, sacri, pro excommunicatis.

Exercitia spiritualia, & facere exercitia) Exercitationibus sacris, piis excoli, expoliri. Diuinarū rerū cōmentationes. Cōmentationibus spiritualibus exerceri.

Extre-

Extremū iudiciū) Quo die in vitam genus humanū reuocabitur, & pro se quisq; apud diuinū tribunal causam dicet. Dies ille nouissimus, quo vniuersum genus humanum ad vitam reuocabitur, & Christus de cælo ad iudicia exercenda descēdet. Quo omnium sæculorum mortui reuiuiscunt. Ille dies de omnibus annis nostris sententiam laturus.

Extremam unctionem suscipere) Sacro perungi oleo. Extremo delibutus oleo, ad luctandum cum aduersario.

F.

Facere crucem) Signum crucis digito in fronte pingere, effingere.

Facere penitentiam) Labem aliquo piaculo diluere. Voluntarias pœnas vltro suscipere. Præteritæ vitæ peccata quam acerrimè vindicare. In suum corpus sæuire, & debita vitæ licentius actæ supplicia à semetipso exigere.

Facere primitias) Sacerdotij primitias diuinæ maiestati libare. Primas diuinæ maiestati hostias immolare.

Sacrificandi facere initium.

Festum instituere) Syluester diem inuentæ crucis festum Christianis esse sollemni posthac cæremonia statuit. Sollemne tanto miraculo, quod nunc quoq; seruatur, instituit.

Festum) Fabianæ, Antonianæ, Paulinæ, &c. feriæ.

Figura) Vmbræ & imagines. Rerum futurarum imago, adumbratio. Præfigurauit, adumbrauit.

Fomes peccati) In ipsa conceptione contrahimus labem, & procliuitatē incredibilem ad peccandum, quæ ad omnia scelera, & flagitia impellit.

Fundatores religionis) Qui monastico ordini leges dederunt, ac rigidæ vitæ disciplinam descripserunt. Patres, conditores, auctores religionum.

G.

Genesis) Quidam appellant hunc librum, historiam mundi *γενεσις*. Historia est certe. Item sacrarū originum.

Gentiles) Tenebris gentilitatis oppressi.

Grana benedicta) Piaculares globuli, orbiculi.

Guardianus) Custos cœnobij, Pater monachorum.

H.

Hæreticus, hæresis, hæreticum fieri) Homo pestiferis opinionibus corruptus. Hæresū pestilentia fœdatus, inquinatus. Pestifera labe prauarū opinionum corruptus. Hæretica labe pollutus, cõtaminatus. Prauarū religionum virus. Male de Ecclesia sentiens. Hæreseos labe infectus. Secernere se ab Ecclesiæ catholicæ corpore. Lutherum, Caluinū profiteri. Aberrare à regula & præscriptione Catholicæ fidei.

Hebdomada sancta) Hebdomas maior, magna.

Hora) Preces horariæ. Preces primæ, tercię, vespertinę, matutinæ, nocturnæ.

Hospitale infirmorū) Nosocomium. Valetudinarium publicum.

Hospitale peregrinorum, pauperum) Xenodochium.

Humilitas, humiliter, humilis) Modestia, modeste, summissè. Despicientia sui insignis fuit D. Franciscus.

Hausarme Leuth) Qui, cū propter paupertatē aliena

indigeant misericordia, ingenuo pudore à quærendo deterrentur. Quibus fame potior est pudor. Pauperes verecundi. Quos inopia domo egredi prohibet.

I.

Ieiunare, ieiuniū) Inedia se macerare, inediā tolerare, perferre. Cibo abstinere. Ieiunia inire. Inedia corpus affligere. Ciborum statis temporibus abstinentia.

Incātatus) Maleficis artibus carminibusq; deuinctus.

Indulgentia) Condonationes. Indulgentiæ plenarię iubilęi, expiationes publicę.

Infernus) Æterni cruciatus. Vbi impij seclusi a concilio cœlestium, in perpetuis miseriis versabuntur.

Ingređi in religionem, religio) Mancipare se cœnobitis. Inter Fræiscanos admitti, ascisci. Addicere se religioni. Adscribi in Societatē Iesu. Adscitus, adscriptus in familiam, ordinem Benedictinorum. In commilitium nostrum adscripti. Vt in religiosorum familiis humanarum rerū cura soluti deo liberius operētur. Ad Christi vexilla confugere. Concludere, includere se in cœnobio.

bia. Deo se deuouere in religione. In religiosam se dicare familiam. Religionis arctissimo se sacramento obligare. Monasticę vitę se addicere. Religiosorū instituta profiteri. Christianę militię, Capucinatorū ordini nomen dare. Christiana philosophia. Dicatę deo familię. In monachum tōsus est. Ad religiosorum ordinē appellere animum. Religiosorum vitam inire. Religiosorum castra sequi. In cōnobiū se causla religionis cōferre.

In honorē annuntiationis, natiuitatis B. Marię dicatum) B. M. salutatę ab angelo, nascenti, &c. dicatum.

Inquisitor, inquirere) Hęreticarū causlarū quęsitor. Sacri quęsitores. Quęstionem fidei in aliquę exercere. Sacra Quęsitorū tribunalia. Qui causlarū ad fidem spectantiū quęstionibus pręsunt. Pręses Inquisitionis, Sacrarū quęstionū Pręses.

Innocare B. Virginē) Beatam Dei matrē intenta supplicatione propitiare.

L.

Lacticia) Lactaria.

Legere horę) Recitare

preces horarias. Psallere.

Liberare ab obedientia subiectos) Sacramenti quo se illi obligauerant, religione exsoluit.

Liberū arbitrium) Libera hominis voluntas.

Litania) Religiosa supplicatio, diuinę supplicationes. Modulatum letaniarū carmen, quibus sanctorum suffragationes exposcimus.

M.

Mala conscientia) Impedita scelere conscientia.

Maledictus) Execratione deuinctus.

Manna) Roscidum illud pabulum ē cęlo sereno atq; puro demissum.

Martyrizari) Sacra martyrij corona donari. Pro Christi cōfessione supplicio se deuouere. Glorioso martyrio donatus, affectus est. Martyrium de Timotheo sumptum est. Sacrū sequente Nerone martyrium pertulerunt.

Mediator) Deprecator.

Meditari, meditationes) In contemplatione superarum rerum atque cęlestium exercere animum. Pię commentationes.

Vu 4

Mere.

Meretrices cōuersæ) A meretricio abductæ. E libidinis cœno emerſæ. Ad vitæ honestatem traduci. Mulierculæ è cœno turpitudinis extractæ. Ad amorē pudicitia reuocari. Mulieres præmortui pudoris vitā turpem cū honesta mutarunt. Fœminæ quarum fama notabatur, ad frugē conuerſæ. E turpi corporis quæſtu abstractæ. Mulieres prostituti corporis ad bonam mentem reductæ. A flagitiōſa conſuetudine remotæ mulierculæ. Meretriciū deſerere. Eiicere ſe è vago concubitu. Deſerūt ſeruire multorum amoribus. Turpi vitæ multam ſalutem dixerunt. A turpi quæſtu ad pudorem & ſanctimoniam ſe reuocarunt. Ad pudorem deſerta nequitia in qua diu habitauerunt, conuerſæ.

Miracula, & miracula facere) Signorū editio. Mirandis operibus editis, & ſupra hominis conditionē in vitā nobilitatus. Res ſupra naturæ vim, & ordinem effectæ.

Miſſam audire) Vide *Audire miſſam*.

Monachi Frāciſcani, Do-

miricani) Collegium ſodalium D. Frāciſci, Dominici. Familia ſacra D. Franciſci. E diſciplina S. Franciſci homines. Qui D. Franciſci inſtituta profitentur.

Monachum fieri) Vide *Ingreſſi religionem*.

Moniales, monialē fieri) Virgines Chriſto cōſecratæ, deo addictæ. Perpetuæ religioni & caſtitati ſe cōſecrare. Virginitatis ſponſione ſe obligare. Cœnobiis virginū ſe deuouit. Sacrarū virginū collegium. Deo ſe in religioſarū familiis dedicare. Virginitatem ſuam in perpetuū domino cōſecrare.

Mortale peccatū) Capitale crimē, facinus mortiferū, lethalis noxæ piaculo obſtrictus, lethale peccatū, crimen. Peſtiferæ maculæ animorum.

Mortificare, mortificatio) In ſemetipſum durum ac ſeuerum exiſtere. Acriter ſibi met imperare. Salutare odiū ſui. Abſtrahere ſe à corpore, & cupiditatibus imperare. Aſperitas vitæ. Volūtaria corporis afflictatio. Animum frangere.

Mundi

Mundi Vanitates, & res temporales) Rerum fluxarum blandimēta. Voluptatum illecebræ. Res fugaces, peritura, caduca, inanes, mortales. Ea quæ apud cæcos mortales prima putantur.

N.

Natiuitas domini) Natales Christi feriæ. Natalia simpliciter, & natalitia. Sollemne natalitium. Theophania Nazianzeno.

Natiuitas Ioan. Baptiste) in eum ipsum diem Ioann. Bapt. sollemnia incidunt: cuius felicem lætumq; humano generi exortum, è cælestis oraculi promisso, totus pæne orbis terrarum exquisitis ludis, & anniuersaria gratulatione concelebrat.

Novitius, novitiatus) Tyro, candidatus alicuius religiosæ familiæ. Qui nomen dederunt in Benedictinos. Tyrocinium. Qui e novitiorum disciplina vitam fiungunt.

O.

Obedientiam deferre
summo Pont.) Clemēti VIII.

vi Ecclesiæ vniuersæ pastori, & summo in terris dei vicario, paratam ad omne obsequium volūtatem ac studium, nomine N. sollemni cum adoratione ac pedum osculo detulit.

Orare) Deo preces adhibere. In diuinas preces se effundere. Precationes inire.

Oratio mentalis) Tacita precatio.

Ordines suscipere) Sactis initiari. Per omnes ordinum gradus ad apicem sacerdotij euecti. Sacerdotio, diaconatu inaugurari.

Originale peccatum) Nativa labes. Infitum naturæ crimen. Peccati inhærentis contagio.

P.

Palmarum dies) Oschophoria, ramalia, verbenalia, palmaria.

Parasceua seu dies Veneris sanctus) Dies quo se pro nobis Christus in cruce tradidit. Soteria. Dies dicatus redempto orbi. Sollemnes tum forte agebantur feriæ, quibus cælestes iras in omne genus humanum intentas,

tas, olim suo potissimum capite Christus excepit.

Parochus, parochia, parochiales) Antistes sacrorum, Curiones maximi. Curatos barbari nominant. Curia. Curiales. Qua voce nonnulli appellant famulos ac ministros Principum, ineptè sicut & curiam, quã latini vel aulam, vel regiam.

Passio Domini) Acerbissima nex, mors, cruciatus, tormenta. Asperi cruciatus Christi. Acerbissima Christi mors pro humano genere obita. Recitata historia Christi domini patientis. Sermo de Domini excessu publicè habitus est.

Patina in missa) Pollubrum. Cum binis guttis maluium.

Patrinum fieri) E sacro fonte suscipere. Patrinos aliqui vocant susceptores, alij compatres Tertullianus sponsores, Augustinus fidei iussores, fidei doctores, nepe illi, quẽ suscipiunt. Dionysius *advocatus*.

Pecare) Flagitia & impuritates suscipere

Peccare venialiter et ge-

nialia) Noxarum sordes aliquas contrahere. Minorz piacula. Minimæ noxæ, & leuiora peccata, quæ magis crebra & quotidiana sunt.

Pentecoste) Diei quinquagesimi celebritas, quam græco nomine Pentecosten vocant.

Peregrinationes, peregrinari ad loca pia) Votivæ peregrinationes. Religionis causa aliquò proficisci, adire. Sacras peregrinationes obire.

Persecutiones) Vexationes Christianorum acerbè exercuit. Sævissimas in Christianos quæstiones exercuit.

Pœnitentia, pœnitentiam facere) Quæ ad incommoda, & macerationem corporis pertinent. Rebus duris numini propitiando operam dare.

Prædestinatio) Præsentio atque præscriptio diuina.

Prædicantes) Magistrelli, & ranunculi in popinis clamitantes, quos Prædicantes vocant.

Præsumptio) Præcepta confidentia.

Processio) Pompa sollemnis, sacra. Publica supplicatio. Sollemnes ducere pompas. Cum magna clericorum & ciuium pompa duceretur ad templum maximum, ad ædem principem huius ciuitatis

Propheta, prophetia, prophetare) Sancti vates. Prophetico spiritu clari. Vaticinij laude florentes. Vaticinia. Varicationes. Prædictiones. Spiritum prophetiæ habere. Latinius, diuino afflatus spiritu multa vaticinari. Oracula canere. Diuino afflatus numine vaticinium prorulit.

Proponere casum) Propone re speciem facti communiter excutiendam.

Psalms) Diuina Davidis carmina. Hymni sanctissimi Davidis.

Puella in periculo) Quarum pudicitia fluctuabat, locata in portu. Virginitibus consultum, quarum pudicitiam inopia periclitabatur.

Purificatio) Expiatio, lustratio.

Q.
Quadragesima) Cinera-

lium tempus. Ieiunia cinerum. Quadragesima. Quadragesima dies vernalis ieiunij. Tempus seu dies maioris ieiunij. Ieiunium quadragesimum dierum. Maximum ieiunium. Hebdomades quæ anniuersariâ Christi mortis, reuiuiscantisque memoriam præcurrunt. Quadragesima dies sollemnis ieiunij.

Quæ nec oculus vidit) In cælesti & sempiterna domo dei talia bona nos manent, ut ea neque aspectu oculorum comprehendi, neque auribus percipi, neque vlla cogitatione queant adumbrari.

Quos prædestinauit) Quos ex infinita mortalium multitudine selegit, quod vitam puram, & castam agentes in terris, postea beati quo sempiterno fruerentur in cælo.

R.

Raptus) Alienatus à sensibus.

Redemptor) Vindex & parens nostræ libertatis.

Refectorium) Cœnatio, triclinium.

Refec.

Reformare, reformatio) Elisis stirpibus prauarum consuetudinum, quæ caput tollebant, effecerunt, ut oppida magna sibi ad Christianæ vitæ statum subsidia pararent. Instaurare disciplinam cœnobiorum. Legibus labentem monachorum disciplinam coercuit. Laudabiliorem vitæ rationem instituerunt. Cleri disciplinam corrigere est aggressus. Restituta disciplina lapsa. S. Benedicti disciplinam prope inter mortuam excitauit. Ad arctiorem disciplinam crudire. Ad rem ecclesiasticam inspiciendam, & ordinandam.

Religio) Vide *Ingrede religionem*.

Renuntiare mundo) Nuntium rebus humanis remittere. Rebus mortalibus valere iussis. Vide *Ingrede religionem*, *Monachum fieri*.

Requiem, requiem legere) Sacrum funebre. Piaculare sacrum facere. Iustis sollemni Christianorum ritu peractis.

Resurrectio Christi) Christi reditus ad vitam. Dies an-

niuersarius domini reuiuiscantis.

Resurrectio hominum, resurgere) In vitam redire, reuocari. Reditus, reuocatio ad vitam.

Res tēperales) Vide *Mundi Vanitates*.

Rogationum dies) Rogalia, ambarualia, amburbalia. Sed videndum, ut in pfatione monuimus, quando & quomodo his & similibus utamur: habendumq; ante oculos prouerbium: ὅτε πάλιν, ὅτε πάλιν, ὅτε πάλιν, ὅτε πάλιν, ὅτε πάλιν. Nec omnia, nec omnino, nec ubique, nec apud omnes.

S.

Sacramenta frequentare) Sacra mysteria in templis obire.

Sacra scriptura) Sanctæ, diuinæ literæ, diuini libri, diuinarum legum, diuinorum librorum, sacrorum scriptorum monumenta. Possumus interdum nominare cælestia scripta, cælestē doctrinam: non ita tamen, ut dicamus, cælestis doctrina est difficilis ad intelligentiam.

tiam. Quidam Theologus Parisienſis, cuius extant cōmentarij in cæleſtia ſcripta, & ſimilia. Res eſt iudicij, quod præcipi non poſteſt.

Sacrificium deo ſpiritus contribulatus) Animus fractus, atque propter criminis admiſſi conſcientiam iuſto mœrore deiectus deo pro hoſtia eſt.

Sacriſtanius, ſacriſta, ſacriſtia) Ædituus. Sacrariū, veſtiarium. In eo reponitur ſacra ſupellex, ſacer ornatus, ſacrum inſtrumentum.

Scandalum, ſcandalizari) Offenſio offendi. Vide *Ædificare*.

Schiſmatici) Chriſtiani quidem, ſed à Pōt. Max. auctoritate diſiuncti.

Scrupulus, ſcrupuloſus) Obſtrictus religione. Anxiſeris ſcrupulorum aculeis malè accipiebatur. Magnis conficior ſollicitudinum aculeis ſcrupulisq; ex recordatione vitæ prioris, nullâque animo prorsus ægro & ſaucio quietē capio. Amariffima ſuperſtitione ſuperiorum annorū delicta, occupatum animum tōrque-

bant. Sufpicionēs, ægritudines, pauores, metus, fluctus æſtusque ſollicitudinum. Conſcientiæ ſtimuli. Inſelix ſui calumniandi miſeria ac pœna. *Habuit ſcrupulū hoc faciendi*) Impetum retardabat ſuſpicio latentis in tam ſpeciōſâ cogitatione piaculi. *Non ſcrupuloſus*) Solutus religione animus. *Scrupulum ſolvere*) Multorum qui religione obſtricti tenebantur exſoluta conſcientia.

Senſus literalis) Hiſtoricus. Explanādi ratio hiſtorica. Genus interpretandi hiſtoricum. Quod ab apertiore orationis argumēto non recedit. Inhærens ſententiæ ſacrorum librorum explanatio.

Simonia) Sacrorum nūdinatio. Sacrilegus mercatus ſacerdotiorum.

Somnus peccatorum) Lethalis animi veternus.

Suffraganeus) Cōcpiſcopus. Sic enim in Concilio Antiocheno dicuntur Vicarij Epiſcoporū, qui erāt ipſimet Epiſcopi conſecrati, & alios initiare poterant.

Vozari

Vocari etiam possunt ab eodem officio Initiatores.

Suspendere ab officio, seu deponere) Sacerdotio exuerre. Officium episcopi ei abrogauit. Patriarchali honore priuauit. Depelli ab officio sacerdotis. Sacerdotali officio spoliare.

T.

Talentum) Egregia animi bona, & quasi talenta.

Templum cathedrale) Templū maximum, princeps, summum. Aedes primaria.

Testamentum vetus) Priscæ legis instituta.

Tonsurâ accipere) Sacra tonsione affici.

Tribulationes) Vide, *Adversitates*.

V.

Vespera) Vespertinæ preces.

Vigilia S. Thoma) Peruigilium, aut alterius diui.

In Vigilia annuntiationis) Silentio noctis eius, cui dies festus angelicæ salutationis illuxit.

Visitatio) Ad res componendas. Ad ordinanda monasteria.

Vouere, castitatem conuertere) Voto se deuincire, obstringere. Suum corpus perpetua sponcione voti Deo consecrare. Seruaturam se pudorem perpetuum voto obstrinxit. Suam Deo castitatem voto dedicare.

COROLLARIJ loco at-
texam verba siue sermonem
quendam ex historia Indica
Ioann. Petri Maffei, in
quo multa huius generis,
quod nos quærimus. Vnius
æterni trinique Dei prouidentiam : vniuersitatis huiusce molitionem ex nihilo : primi hominis crimen in posteros homines lethali contagione transfusum : necessitatem satisfactionis infinitæ, quam præter deum præstare cū posset nemo : deus ipse redimendi generis humani gratia factus homo, volens prudensque pro sua immensa bonitate subierit : ad hunc humanæ salutis auctorem, quotquot sese per fidem & imitationem & charitatem adiunxerint : hisce omnibus inenarrabilia quædam & sempiterna esse in celo præmia

præmia constituta: qui secus, hisce in tartaro item exquisitissima in omnem æternitatem parata supplicia: ad utram quisque pertineat classem, extremo voluentium sæculorum die,

cū animæ vita functæ rursus corpora induerint, deum ipsum iudicem in celeberrimo superum inferumque conuentu lata sententia planum esse facturum.

ANNOTATIONES.

QUamquam de hoc indice nonnulla variis locis per dialogorum meorum voluminibus illigauerim, tamen ratus sum è re studiosorum fore, si omnia huius generis unam in seriem uno in loco, plurimis accumulata proponerentur. Quibus cautè consideratèq; utendum moneo. Quod enim cum modo, loco, tempore aptè atq; opportunè adhibitum festinitatem, & elegantiam habere potuisset, id ineptè usurpatum cachinnos etiam mouebit. Pro Angelis (tamen si hoc magis non latinum, quàm barbarum est) ostendimus dici beatas mentes. Dicat ergo puer aliquis, aut annis fortasse adolescens, iudicio planè puer, pictorem pinxisse beatas mentes. Aut, ad Mariam virginem sapius venisse beatas mentes. Nonne ridebis? Omnia sunt iudicij, quod legendis auctioribus aliquantulum iam tritum, & expositum esse conuenit. Quocirca pleraq; sic attuli, ac representauimus, quemadmodum in ipsis auctioribus suis legeram: nec generibus, casibus, temporibus, partibus orationis variatis: ma-

teriam ipsam locutionis suppeditavi, unde quisq; sibi quod veller, & posset, conficeret, & sapissimè cum phrasiant verbo nitidioribus ipsum eorum usum demonstravi, quoniam ea sic adduxi, ut quomodo utendum sit, nemo harere possit. Licebit latina lingua cupidis ad exemplum nostrum vel proprios sibi indices corradere, vel huic ipsum quem damus augere, & sibi ad arbitratum accommodare. *Qua in re Q. Marius Corradus, lib. de copia lat. serm. permultum eis proderit. Qua nos collegimus, ea bonam partem Francisco Bencio debentur, cuius elegantissima scripta inter nostros homines cum voluptate leguntur. Nunc in ea qua præsari διαλογικὸς necessario debuimus antequam Indicem afferremus, pauca annotationum loco dicamus. TVI, AN MEI?) In re parum certa veteres huiusmodi loquendi genus usurpabant Cic. ad Att. lib. 1. epist. 3. Ex quodam rumore an ex literis tuis ad alios missis? lib. 2. Is dicitur vidisse an euntem, an iam in Asia? In Bruto. Quam orationem in Origines suas retulit paucis antequam mortuus est an diebus, an mensibus? Simile illud. Proximus Pompeio sedebam, intellexi hominem moueri, utrum Crassum inire eam gratiam, quam ipse pratermisisset, an esse tantas res nostras, &c. QVOS GRÆCI PATRESTVS ἔχω.) Et τὸς ἔχω δὲν. Sic οἱ ἔχω δὲν λόγοι sunt illis studia profana, non sacra, disciplinae saculares, ad sacras literas non spectantes. DETERVNTVR, OBFVSCAN-*

TVR) Horat. ode 6. lib. 3. vocat culpa ingenij detere-
re. Sic ode 3. lib. 3. ad Musam suam in extremo.

desine pernicax

Referre sermone s decorum, &

Magna modis tenuare parvis.

SERMONEM TOTVM, QVO NOSTRI) Hoc
omnium minimè faciendum in sententiis, quæ de sacris
bibliis adducuntur. In quo vir quidam eloquens, sed
non satis tamen prudēs persape errauit. TESTES PRO
MARTYRIBVS) Martyres Græca lingua (inquit
Isid. lib. 8. cap. 11.) latine testes dicuntur unde & testi-
monia græcè martyria nuncupantur. Testes autem ideo
vocati sunt, quia propter testimoniū Christi passionēs
sustinuerunt, & vsq; ad mortem pro veritate certaue-
runt. Quia verò nō testes (quod latine utiq; possumus)
sed græcè martyres appellamus, familiarius Ecclesiæ
auribus hoc græcum verbum sonat, sicut multa græcæ
nomina, quibus pro latinis utimur.

PROGYMNASMA

ALTERVM ET, SEPTVAGESIMVM.

Supplicia sanctorum Martyrum.

TROPHYMVS, GENVTIVS.

TROPHYMVS. Alexandrum illum Philippi
Macedonis, adhuc agentem pueritiam, pro-
ditum scriptis est, quoties audiret de nun-
tiantibus, urbem aliquā patris auspicio expugna-
tam,

tam, imperioq; Macedonico adiunctam, toties lacrymis excidentibus tristiculum factum: causam interrogatum, ita responsisse. Quia pater meus nihil mihi reliquū facit: ipse subigit & vincit omnia. Profluebat ista vox ab excelssima indole, atque ab animo altissimo, qui laudes regias in difficilibus arduisq; rebus, quamvis laboriosè periculosèq; gerendis potius, quàm in amplissimi, & opulentissimi possessione regni cum imbelli otio fitas esse duceret: nec tam verè ac propriè nuncupari se regem posse arbitraretur, quia plurimis ciuitatibus iura & leges daret, quàm quia plurimas debellaret, armorumq; suorum virtuti ac felicitati cedere cogeret. Nos Christianæ disciplinæ præceptis eruditi, cum de maiorum nostrorum magna cum pietate susceptis ac frequētatis actionibus cognoscimus, veluti sues tubam audientes nihil commouemur: ne dum vt illacrymemus, illosq; occasionem nobis exercendæ sanctimonix, & materiā gloriæ præripuisse indignemur. Quod ipsum tamē si faceremus, haud ex officio, opinor, faceremus. Quanquam enim in institutis partibusq; Christianæ vitæ præclarum nihil est, in quo eos flagrantior diuini numinis charitas non exercuerit, vt præoccupasse omnia videātur: nihilominus nō est illarum rerum eadem quæ vrbium populorumq; conditio. Hi semel, aut si fidem prodiderint, iterum vel deditiōe, vel certatione sub potestatem victoris succedūt: vitæ puriter, & cum singularibus exemplis habēdæ studium nullius est peculiare: quoniam virtus ceu solis huius lumina, & quæ ducuntur respiranturq; animæ, cōmunis &

expo-

exposita est vniuersis, nec vsura deperit. G. Neq;
fictis, neq; pictis, neq; scriptis, neq; dictis priscorum
Christianorum laudib⁹ plus mouemur, quàm illa
corui salutatione motus est Augustus Imp. Vt enim
ille salutàti se volucris respondit: eiusmodi salu-
tatorũ satis domi habeo: sic nos non qdem verbo,
at re ipsa ad hæc respondemus: sæpe ista mihi ficta,
picta, visa, scripta, lecta, dicta, audita sunt. Quò fit,
vt omnis opera in nobis ad innocentia, & sanctita-
tem inducendis inutiliter sumatur. T. Veruntamen
minus horrescimus, cū cogitamus, aut à puellis in
perpetuum deo voti spōsione intercedente serua-
tam pudicitiam: aut à viris cōstantissimè perlatas
tot res asperrimas, cum recordamur eorũ victum
tenuissimum, cultum incultum prorsus atq; hor-
ridum, longam inedia, diuerberationes volunta-
rias, puigationes, caumenias, aliaq; generis eiu-
dem, quibus corpora sua cruciabiliter accipiebāt:
his, inquam, non adeo percellimur, nec ad eorum
vel recordationem, vel commemorationem con-
tremiscimus, etsi ea complecti, & imitatione per-
sequi nolumus: Martyrũ pœnas & cuiusquemodì
cruciamēta ea verò, Deum immortalem, vt corde
intimo extimescimus? vt, ne tam pestiferũ malum
vnquã nos attingat optamus? In acie quidem ad-
uersum pectus in hostem ferre, mādāta ab eo vul-
nera excipere, & purpureas animas vomere possu-
mus: ppter Christum grauius nihil pati possumus:
vel leuiter iniuriosum in iudiciũ vocamus: ver-
borum contumeliam colapho, colaphum cruenta
plaga, plagam morte pensamus. G. O semiuiros. O
verè Phrygiæ, neq; enim Phryges, exclamat Virgi-

lius. Et hoc etiam negatum nobis est, ut vel mulieres nominemur, qui virorum nomen amisimus: quando tantæ fœminarum cateruæ durissimos Christi causâ cruciatus exhausserunt, seseq; in necem acerbissimam obtulerunt. Bartholomæus vir fuit, qui pellē sibi viuo detrahendam præbuit. Andreas fuit, qui crucem etiā salutauit, & amplexatus est, nec de ea deponi sustinuit. Stephanus fuit, q; lapidatus oppetiit. Laurentius fuit, qui prunas irriit, & tyrannum ad carnes suas degustādas summa vocis libertate inuitauit. T. Si nominatim insigniores duntaxat pcensere Martyres, quamq; infanda & multiplicia perpepsi sint cōmemorare instituemus, ante dies hic, quā sermo finietur. G. Age, summatim q; varia, quamq; multa, quā deniq; atrocia in eos tyranni supplicia expenderint, quibus ordo Martyrum cōstat, qualescunq; illi vel statu, vel sexu, vel conditione, vel etate fuerint. T. Eia summatim: tamen & ita grādescet, & in rebus maximis omniumq; auditione dignissimis exultabit oratio. G. A veteribus illis tyrannis, quos historiæ loquuntur, nullum puto cuiquā adhibitum tormenti genus, quod non itē à Neronibus, Traianis, Hadrianis, Diocletianis in Christianorum corpora collatum sit: etsi non pauca genera iidem experiri & exhaurire debuerunt, quæ vel Busyridi in mentem nunquam venissent: tam inextenuabili odio in Christum Imperatores amentissimi pbacchabantur. Hinc Tertullianus nouas persequentiu Ecclesiam tormētorum molitiones, bellissimē ingenia pœnarum appellauit. T. Gladio defectis ceruicibus innumerabiles ad mortem dati, quos per-
diu

diu nulla, quamuis acerbissimorum cruciamen-
torum vis vel ad mutandā sententiam adigere vel
extorto spiritu ad mortuos aggregare potuerat.
Quā multi pscriptis, ereptis ac direptis faculta-
tibus exilio sunt affecti? In teterrimis autē carceri-
bus pedore, fame, frigore quot millia consumpta?
Quæ loca homicidis, furibus, sacrilegis comparata
erant, in fontibus adeo cōplebantur, vt iam fontes
ac malefici quo truderentur non haberent. Nec v-
nus Laurentius sup crate ferrea assatus inuenitur:
nec solus Thomas confossus, nec solus Iacobus Al-
phæi p̄cipitio interemptus. G. Certē nō soli. Quot
in cruce suffixi? quot fustibus ad mortem contusi?
quot sagittis cōfixi? ferris per medium corpus dis-
secti, arenis terræue obruti, aquis, puteis, mari, flu-
minibus, stagnis, summersi, cōpressis laqueo fauci-
bus elisi, in frustra dilaniati, cum vel duabus admo-
tis quadrigis, in currus earum distenti illigarētur:
deinde in diuersum iter equi concitati, lacerum in
vtrōq; curru corpus, quā inhæserāt vinculis mem-
bra portarent: vel reflexis arborum ramis alligati,
deinde iis pro natura sua cum impetu diffusis di-
stractisq; ipsi vnā distraherentur. T. Aliis intra vn-
ges adactæ subulæ: alij sup testulas nudo corpore
volutati: alij plumbo, cera, sebo, ac pice feruenti
perfusi, alij bestiis obiecti, leopardis, vrsis, tauris,
leonibus: multi hæc omnia simul, & alia insuper fi-
dentissimē passi. Sunt quibus eruti oculi, quibus
prætruncatæ manus, cū naribus præcisæ aures, fer-
ro candenti adusta membra, flagris, pectinibus, &
nouaculis lacerata cutis. G. Coniecti plures in o-
leum bulliens, adipem, resinā, picem vt excoque-

.Xx 3 rentur.

rentur. Excussi plurimiq; dentes, exsectæ linguæ, foeminis etiam mammæ auulsæ. Lego confracta crura, detruncata brachia, poplites succisos, admotas ad membra faces, catastas, eculeos, cippos. T. Mugire multos in tauro Phalaridis oportuit: multos super prunas nudatis pedibus, aut in crepidis clauatis ambulare. Caudisequorum alligati quidam, pedibus per strata viarum resupini tracti sunt: quidam tostii in sartagine: pars fumo præfocati: pars veneno sublati: pars deniq; particulatim dissecti, auibusq; & canibus ad deuorandum proiecti. Quis talia fando Téperet à gemitibus? O qui designare istiusmodi carnificia in naturæ socios potuistis, vbi mentes habuistis?

Quanam vos genuit sola sub rupe leana?

Quod mare conceptos spumantibus expuit Undis?

Qua Syrtis, qua Scylla vorax, qua Vasta Charybdis?

T. Quàm etiam hoc vel ipsa morte tristius, quòd filij in conspectu parentum, parètes ante filiorum oculos, coniuges ante ora coniugum crudelissimè excarnificati & occisi? Sic alterum in alterius matratos sanguine cum cernerent, acrior sæpe dolor æstuabat in animo, quàm qui per membra sentiebatur. Fælicitas illa, quæ septem ante se filios morientes vidit, septies ante mortem suam mortua est. Poterimúsne alias adhuc cruciatuum species reperire? G. Poterimus, si Eusebium & veteris Ecclesiæ historicos legamus. Vno pede, aut brachio suspendi, quàm graue supplicium? ademptis vestibus cum intima tunica melle perunctum in ardētissimo sole muscis & culicibus exponi quàm intolerabile? Suffixi sunt quidam palis, quidam obtriti

obtriti ponderibus, quidam, immo verò permul-
ti, flammis incensi. Quantus autem virginibus, &
quàm erubescendus cruciatus, per ora hominum
nullo tectas velamine circūduci, & in lupanar ad
turpissimè patiendum compingi? Vt blandum, vt
dirum simul tormētum adolescentibus castitatis,
& fidei expugnatrices immixtæ mulieres? Si imbe-
cillitatem humanæ naturæ spectemus, difficilli-
mum fuit aduersus Sirenarum istarum cantus
blandissimos obsurdescere. Et quis quæso pœna-
rum omnia genera percensebit?

*Quantus ab occasu sensens pluuiialibus hædis
Verberat imber humum, quàm multa grandine nimbi
In vada precipitant, cum turpiter horridus Austris
Torquet aquosam hyemem, Et calo caua nubila rumpit.*

Sécures feriendo obtusæ, carnifices torquendo ac
trucidando defatigati, mutuis operis traditis al-
ter ad alterum subleuandum successerunt. Inte-
rim supra modum & opinionem, alacritatem, a-
nimitq; propensionem obstupescendam in Chri-
stianis intueri licuit. Simul enim sentētia in prio-
res pronunciata esset, alij aliunde ad tribunal iu-
dicis accurrebant, seseq; Christianos confiteban-
tur, genus omne tormenti pro nihilo putantes, &
sine consternatione quæ vellent proloquentes, &
cum gaudio ad mortem festinantes. Sed vt initio
dicebamus, ignauia nostra huiuscemodi exem-
plis constantiæ & fortitudinis in cruciatibus

Christi causâ sustinendis nihil moue-
tur. G. O præfractos, & à vera
pietate remotos ho-
mines.

ANNOTATIONES.

SUPPLICIA SANCTORVM) De disparibus suppliciis, quæ ad sanctos martyres peruertendos excogitata sunt, dedita opera Niceph. libr. 7. cap. 9. Euseb. libr. 8. & sequent. MARTYRVM) Nascente adhuc Ecclesia, martyres nominabantur, qui in confessione diuinitatis Iesu Christi usq; ad necem perseuerantissimè mansissent. Confessores, qui vel in carcere, vel in questionibus Christum citra mortem constanter confessi essent, parati vitam amittere. Qui etiam aliquando martyres dicebantur, & Tertulliano designati martyres. ILLA CORVI SALVATIONE) Scribit Macrob. libr. 1. Saturnal. cap. 4. Augustum Cæsarem cum Actiaca victoria reuerterem, coruum se salutantem, Ave Cæsar, victor, imperator viginti millibus nummum emisse. Similiter psittacum & picam, à quibus erat salutatus, emi iussisse. Exemplum sutorem pauperem sollicitavit, ut coruum institueret ad parem salutationem: qui impendio exhaustus, sæpe ad auem non respondentem, dicere solebat: opera & impensa periit. Ad quod Cæsar risit: emig; auem iussit, quanti nullam adhuc emerat. (VM VEL DVABVS ADMOTIS) Mutuati sumus huius descriptionem supplicij à Tito Liniò, qui lib. 1. iisdem verbis distractionem Metij Futetij complexus est. FELICITAS ILLA QUÆ SEPTEM)

In hanc

*In hanc diuinam matrem eiusq; filios olim, rogatus,
hymnum antiquorum hymnographorū exempla mi-
hi proponens, idest pietatem magis, quàm elegantia,
ecclesiastico more, spectans composui, & hoc loco in
gratiam pij lectoris apposui, cui potissimum totū hoc
progymnasma scriptum est.*

IN SANCTAM FELICITATEM
ET SEPTEM FILIOS MAR-
tyres, Hymnus.

Regis aeterni meritos honores
Nos decet clavis resonare linguæ
Nomen inuictum gerimus per orbem
Quotquot ab ipso.

Qui suis dextram famulis potentem
Porrigenz contra genus omne lethi
Reddit audentes, superiq; tandem
Sedibus infert.

Testis albatum per amens cali
Agmen incedens, manibusq; ramos
Prospera gestans monumenta pugna,
Dulce canendo.

Testis & septem comitata natis
Mater, exemplum decus atq; matrum
Cui chorus noster celebrat libenter
Annua festa.

Te beat multum generosa proles,
Dum fidem Christi intrepidè fatetur:
Teq; adhortante horribilem tyrannum
Morte triumphat.

Haud secus Vixitrix tibi palma crescit

Ense sacratum feriente collum,

Opium germen, soboles beata,

Opia mater.

Laus Deo patri genitoq, semper,

Eti tibi amborum Paraclete amor,

Vnicum Serè, tamen haud sub Æno

Nomine numen.

PROGYMNASMA
TERTIVM ET SEPTV-
GESIMVM.

Sales.

*SYLVANVS, ESAIAS, CIN-
CINNATVS.*

SYLVANVS. Catullianum illud de nescio quo:
est enim leporum Disertus pater ac facetiarū,
in Sedulium nostrum aptissimè cadit ac ve-
rissimè: siquidem nihil eo urbanius, nec in iocan-
do acutius, elegantius, ac festiuius. Id quomodo
antea multoties in congressibus, in symposiis de
amicis nostris alij, sic vos ambo nec infrequenter,
& præterita nocte præsertim, cum apud eundem
cœnauius, re experiundo discere, opinor, potui-
stis. Ita multa, ita varia pro occasione, non secus
atque de reposito aliquo thesauro in medium ex-
promebat, totum vt conuiuium hilaritate mirifi-
ca, risique liberali redundaret. E. Illum virum,
Syluane, Gratix finxerunt, lepores Attici educa-
runt.

runt: aliter dici non potest. Sed ama me, non libenter inde domum redij, tibiq̃ue discessum urgenti paulum succensui. S. Iam propemodum nox humida celo præcipitabat, & de somno in-
eundo cadentia sidera nos admonebant. C. Ego quoque talibus cupediarumne, an sermonum epulis? & sæpe, & complusculas horas non inuitus accubuerim. Nam illud Ciceronianum ex epistola quadam in me transmuto: ego autem, inquit, (existimes quod lubet) mirificè capior facetiis, maximè nostratibus. At tibi quoque, Syluane, non deficit, quod crebrò perspeximus, promptum & extemporaneū ad iocationes ingenium. Quod si Esaia à Gratiis videtur fictus Sedulius, quia tam iucundi & iocosi sermonis est, & sale facetiisque politissimis omnibus antestare reperitur, an non in labris tuis Pitho ipsa venusque sessitare merito dicantur, qui ab eius festiuitate tam prope abes, vt haud sciam, an quisquam propius? S. Hem, cicadæ apem, elephanto culicem, pegaso testudinem, rosæ anemonen confers. Non prope, procul ab illo absūm, millibus trecentis. Vos potius non caretis ea, quam (audemus imitari vel Ciceronem, & rebus similitudine nouata imponere vocabula) aut facetudinem, aut facetiem nominare poterimus. Certè illa, quæ superioribus diebus perpaucis tanquam ab alio dicta narrabas, Esaia, cum reuera tu exco-
gitauisses, multum mihi delectationis dederunt. E. Abstulit ea mihi obliuio, dilapsa sunt è memoriola mea. S. Mihi verò non abstulit. C. Quia facile talium soles meminisse, accipe hoc etiam
huius

huius quem laudas sodalis nostri Eſaię. Interrogabatur me audiente à quodam de impuris illorum gregibus, qui impiarum de religione opinionum commenta ſectantur, quid ſibi vellent Papicolę (hoc enim nomine criminofiffimę nos appellat) tot cereis per templa, claro iam lumine, & die proueſto accendendis, & circumgeſtandis: ſolem utique lucis parentem & auctorem ſufficere. Reſpōdit. Nos ideo hoc facimus, vt calices, pelues, vrceos, cęteraque instrumenta, vaſa aurea, & argentea, quę nobis ſacrilegia veſtra rapuerunt, quęritemus. S. Ha, ha, tetigifti contra ſatellitem diaboli: nec potuit quidquam vt minus exſpectatum, ita magis falſum iaci. C. Sit ergo hoc, vt eſt, falſum & aculeatum: at iſtuc lepidum, quod afferetur. Quidam meorum affinium natus die diuīs omnibus dicato, Kalēdis Nouembribus ſcilicet, appellatūſque Chriſtophorus, rogabatur, quid ita hoc potiffimum nomen tali die in lucem productus accepiſſet. Reſponſum reddidit: quoniam pater meus, cum tam innumerabilem cęleſtiū turbam intueretur, & ei in oculos propter eximiam, ſuprāque omnes toto vertice eminentem proceritatem S. Chriſtophorus primus incurreret, ab eo mihi nomen faciendū cenſuit. S. Bellē & improuiſō. Sunt autem improuiſa, nec meditata, in ſacetiis gratioſa, quia magis ingenium arguūt. E. Perfaceti ſunt, qui contorta in ſe dicta, cum ſale retorquent. Vt ille gratas inter menſas. C. Quid dixit? da Tityre nobis. E. Cum alij conuiuę oſſa, deſecta, & abraſa prius diligenter caruncula ſub menſam deiicerent (quod pro venuſto haberi apud quaſdā gentes audio)

dio) fuit qui in quadra aceruatim retineret. Cæteri
 studētes se facetos videri, tu inquit, canes imi-
 taris, qui tantum ossium habes ante te. Immo, ex-
 cipit ille, vos canes imitamini: omnia siquidem of-
 sa deuorastis, quod illi solent: ego morem homi-
 num sequor, qui carnes comedi, ossa reliqui, vt
 cernitis. S. Hoc est quodammodo eadem mensura
 qua acceperis remetiri. Sed attendite oro, dum
 quiddam festiū narro de vino theologico. In
 vrbe quadam Galliæ perantiqua & nobili mera-
 cissimum validissimumq; vini genus vinū theo-
 logicum vocant. Huius caussam nominis, seu pro-
 uerbij huius rationem interrogatus quidam, au-
 dite quam vrbane expediuerit. A Iureconsultis,
 inquit, sacerdotia, decanatus, archidiaconatus
 hoc sæculo incubantur, Theologis præter curio-
 natus seu parœcias nihil relinquitur. Et quia de
 Pastoribus Christianorum scriptum est: peccata
 populi comedetis, ad confectiōē cibi adeo parū
 stomacho obsequētis & duri, opus esse vino quā
 efficacissimo quis non intelligat? E. Quā cupio
 pitissare de hoc vino, si id tantopere concoctiōē
 adiuuat? sum enim, quod nostis, *κακός μαι γος*. Retu-
 lit mihi aliquando frater meus dictum cuiusdam
 Mathematici, non quidem illud argutum, sed ta-
 men, vt aiebat, multo risu exceptum, quia ad ludi-
 ficandū erat perappositum. C. Forsitan nos quo-
 que in risum erumpemus: itera quæsumus. E. Ro-
 mæ in gymnasio scholis publicis docebat excellēs
 Mathematicus: ad quem audiendum viri quoque
 honorati ac nobiles ventitabant. Explicauerat
 horologium, seu solariorum quæstiones, & ad fi-
 nem

nem illarum disputationum addiderat, omnia tum demum valere, veraque inueniri, si sol luce-
ret. Et subiecerat. Quid ergo si intra nubes latue-
rit? quid tum istis solariis facietis? Omnes audito-
res nouum prorsus, & singularem aliquem mo-
dum, quo solaria ista etiam non micante sole v-
sum haberent, propter summam viri opinionem
attentissimè expectabant. Postquam conticuit
eouſque, dum altum silentium est consecutum, ita
fatus est: patientiam adhibere oportebit. S. Ha,
ha, ha. En, quæ obuia sunt, & quæ vsurpamus quo-
tidie propemodum, vt aliquando sermonem con-
diunt, & habent suam Venerem? C. Habent certè,
& in isto genere cuiusdam fatui dictum reposue-
rim, quod adiuncta rerum fecerunt prudens, &
acutum: cum alioqui plebeium sit, & rem ipsam
communis sensus approbet. S. Olitores inter-
dum opportuna loquuntur: si etiam fatui, hoc
est, quod mirabile numerari possit. Nihil quippe
tam remotum à stultitia, quàm prudentia. Ve-
rùm hæc *παράλογος*. Dic Cincinnate quod exorsus
es. C. Fatuus sub armis videns exercitum proce-
dentem via militari, quærebat à viatore quid hoc
esset. Audiuit in bellum iri. Rursus, quid sit in
bello? respondit viator. Tun' hoc ignoras? Ex-
uruntur pagi, opprimuntur, & vastantur ciuita-
tes, fruges in agris corrumpuntur, homines inter-
ficiuntur. Ille, quam ob causam hæc omnia? Vt
compositiones de pace fiant. At quanto satius e-
rat, subiecit fatuus, prius pacē componere, quàm
adeo graua mala patrarentur, & tantæ clades ac-
cipe-

ciperentur? E. Perbene Germani, Kinder vnd
Warren sagen die Wahrheit. Quis sapiens quid-
quam enuntiasset aut verius, aut sapientius? Iam
quia profectum est à fatuo, aliquid fatuitatis pu-
tatur habere, quod secus est: nam reuera præ-
stat sapientem omnia prius, quam armis experi-
ri, vt dixit ille purissimi oris, & emendatissimæ
dictionis Comicus. Nulla salus bello, pacem te
poscimus omnes, ait ille inter latinos poëtas non
tantum heros, sed etiam herus. Age verò, prome-
si quid præterea de ridiculis clausum contines in
pectore. C. Ludis anniuersariis & publicis præ-
mium ponebatur etiam illi, qui mendacium ab-
surdissimum, fideiꝫ longè omnium alienissimum
commentatus esset. Cum ergo quidam de concer-
tantibus diceret, se vidisse pulicem incubantem
globo turris excelsissimæ, vrbis illius ad quam lu-
di committebantur: eius se oculum mox sagitta
ex arcu appetiuisse, & eiecisse: hunc oculum deci-
disse, suoꝫ casu ad octoginta hominum millia ob-
triuisse: alij deinceps aut æqualia, aut maiora pro-
ferebant, astantibꝫ cachinnos excutiebant. Ve-
nitur ad extremum. Is ita palmam tulit, vt neces-
sario tulerit, nec potuerit non ferre, quomodo-
cunꝫ tandem, & quantumcunꝫ se alij mutuò su-
perassent. Quid igitur ille? hoc tātū. Omnia quæ
isti antagonistæ mei dixerūt, sunt verissima: & ego
omniū auribus atꝫ oculatus testis sum. Obstupu-
erunt præsentēs tam inopinato, & incomparabili
mendacio. S. Libet opinari huius responsum non
præmeditatū fuisse: quippe qui se vltimū fore non
præuiderat. Sane perlepidum est, nec sine ingenio.

Rusti-

Rusticani hominis filius ex Academia domū re-
uersus, & à patre de scientia sæpe tentatus, semper
respondebat, declarandæ suæ doctrinæ tēpus non-
dum adesse. Accubuit aliquando cum parentibus:
posita patri oua assa tria. Ibi tunc filius: nunc ego
pater quid didicerim ostendā tibi, & probabo hīc
esse oua quinque. Quomodo? Quia ubi tria sunt,
etiam duo sunt: tria autem & duo conficiūt quin-
que. Ergo quamuis hīc tria tantum cernātur oua,
sunt tamen quinque. Tum pater. Bene est fili, laudo
acumen tuum. Ego itaq; ex istis quinque ouīs come-
dam duo, vnum dabo matri, cætera duo, quæ non
apparent, licebit ipse comedas: quinque enim hīc
oua esse docuisti. E. Hoc est cum Care Carizare.
Recordor quemadmodum illudenti mēdico Rex
illuserit. C. Eia memora dum. E. A rege Galliarum
in itinere mendicus quidam vaser stipem flagita-
bat. Rex staterem dari iussit. Inæqualiter mecum
partiris frater, ait mendiculus: maiore enim spe-
cula alebatur, vt qui ab rege petisset. Quīnam?
e-gone frater tuus? Sic precamur, occurrit mendi-
cus: Pater noster qui es in cælis. Cum ergo habea-
mus communem parentem, sequitur nos esse fra-
tres. Miratus secū enthymema Rex, vade, inquit,
& si ab vnoquoq; fratrum tuorum tantū acceperis,
scito opes tuas meis longè maiores futuras. S. Sic
ars deluditur arte, cantant ex distichis Catonianis
pueri: quorum auctorem ferunt Aufonium. Ad
supplicium capitis luendum educebatur homo hæ-
reticus: hunc dum, vti mos tenet, eiusdem religio-
nis Præco ad mortem æqua mente perferendam
per viam cohortatur, iniicit hoc etiam, voce suavi,
& vul-

& vultu hilari. Bonum habeto animum, mi frater, sub horam vndecimā in paradysum cælestem peruenies. Tum capitalis ille: ego verò si vel tertia pomeridiana eò peruenirem, satis citò me venisse arbitrarer. C. Ha ha ha. Post annos mille satis citò. O hæresiarchæ, qui omnia diuina & humana iura nefario scelere polluistis, quàm falsò mortalibus miseris cælum spondidistis? Recordaris, Syluane, quid nobis nuper Antonius de homine emotæ mentis narrauerit? S. Recordor, & Esaia repetam. E. Bene facis. S. Filium valetudine mentis laborantem pater in conclaue compegerat, ex quo per fenestram in forum prospectus. Videt forte adolescentem prætereuntem, gestantemq; super dextra accipitrem. Aduocat hominem, percūctatur quid sibi velit cum tam ingenti volucre, & quanam in re vtatur. In venationibus, ait, minorum auium, & leporum. Sapitne præda potiris? Rarò. Magnone stetit? magno, duobus coronatis. Quo cibo eam alis? auiculis, delicatisq; carnibus, quas precio non paruo emere soleo. Tum mente captus exclamat: fuge fuge quàm celerrimè. Etenim me qui paululum insanio pater meus idcirco in hunc carcerem condidit: si te offenderit, maiore pœna accipiet: grauius enim tu insanis. E. Vt nonnunquam vim suam humana ratio ceu lumen ibi ostendit, vbi nulla habitare creditur? Verè insaniunt, qui in res nõ necessarias, & nihili pecuniam coniiciunt, magnam præsertim. Inhomonymia, est quando iocus latet. Mulier virum asotum criminis in iudicio postulabat: meam, inquit mihi paupertatem absumit (reculam suam, quam dotis nomine ad

virum attulisset, sic appellabat.) Falsum loqueris, respondit maritus: non enim ego tibi paupertatem tuam absumo, sed amplifico. S. Egregia verò, & nimio plus Rhetorica amplificatio. Est & in illo ambiguum, quod allaturus sum. Propter surrepta sex septem electa poma dominus seruū domo pepulerat. Miserati hominem serui reliqui, herum adeunt, rogant, eiectum reuocet, quia culpa leuis. Propter sex poma, inquit, miserum exegisti. At ille. Num nescitis Adamum propter vnicum pomum exactum? E. Ha ha, argumentum à minorum comparatione, & status qualitatis. Suppeditat aliud? S. Immo. Iuuenis viso sene incuruo in arcus similitudinē (est enim curua senectus) quanti arcum istum vendis? Suscepit seniculus: nil opus est tibi pecuniam disperdere. Si ad annos meos vita te perduxerit, ipsa natura arcum tibi similem gratis paratura est. Plura quidem ego in præsens non memini. C. Satis fuerit nos istorum memoriam custodire. E. Suauem utiq; nec inutilem esse iocum & salem, non in causis modo, atque in dicendo, verum etiam extra causas, in sermonum nostrorum vicissitudine, & in omni vita denique, cuilibet prudenti creditu facillimum est. Salis autem facetiarumq; doctrinam tradi vix posse, quoniam ex naturæ sint propriæ, docet 2. de Orat. M. Tullius. Vbi duo constituuntur ridiculorum seu iocorum genera: quorum alterum in perpetuitate sermonis cernitur, & cauilatio dicitur: alterum in celeritate atq; dicto ponitur, & est peracutum, & breue, dicacitasq; nominatur. In eodem libro prudenter monemur, ut cum locus, & quasi regio ridi-

diculi

diculi sit turpitudine quædam, & deformitas, quæq;
designat turpitudinem aliquam non turpiter, quæ
rursum partim in animo, partim in corpore, par-
tim in externis rebus collocata sunt, ne rideamus,
neue iocemur in ea, quæ vel odium magnum, vel
misericordiam maximam merentur: id est, ne la-
cessamus facetiis insignitè improbos: ne vehemē-
ter miseros & calamitosos: facinorosi quippe vin-
culis, carcere, ferro, ingni, non ridiculariis perse-
quendi sunt: miseros aut illudi nolumus, nisi si se
forte iactent. Additur etiam hoc præceptum, ne si-
mus urbani in eos, qui diliguntur. De vitâ scur-
rilitate nihilominus ibidem præcipitur: quod fa-
ciemus, si rationē hominum, rerū, temporum ha-
buerimus: si non quotiescunq; potuerit aliquid fa-
cetè dici, ac lepidè, statim effundemus: sed rarius,
& postulante causa aliqua. Nam scurrarū est totos
dies, & sine causa iocari. Præterea etiā, quæ perri-
diculè, & falsissimè dici possunt, interdum conti-
nenda sunt, ne à gravitate discedatur. Postremò sci-
endū, nō omnia ridicula esse in facetiis: nec omnia
faceta in ridiculis. Quod quia vulg⁹ ignorat, & ri-
diculos quosq; facetos vocat: & nisi dicto pariatur
risus, facetè dictum non putat. Est autem, ut rectè
Tullius, tenuissimus fructus ingenij risus: multo
maior, & optabilior, laus & admiratio: quam, qui
sunt verè faceti, & urbani, sæpissime consequun-
tur. Eidem placent, & probabiliōra iudicantur,
quæ lacesiti, ac prouocati dicimus, quàm quæ
priors. Nam & ingenij celeritas maior est quæ ap-
paret in respondendo, & humanitatis est respon-
sio. Videmur enim quieturi fuisse, nisi essemus

laceffiti. S. *Quam tu multa, Eſaia, paucis conſtrinxiſti? Sed ſalis quidem, ſeu ſalium nomē vnde manarit, apertum eſt: facetiæ à verbo facio dicuntur. Cuius verbi cum apud Latinos creberrimus, maximéque varius eſſet uſus, dixerunt illi etiam facere verba, facere verſus, orationem, iocos. Verùm qui in comitiis, in conſultationibus, in ſenatu, in concionibus cum grauitate & copia id facerent, facundos, & virtutem eam, ſeu habitum facundiæ nominarunt, ab oratione nimirū faciendā. Qui in circulis, congreſſionibus, cōuiuiis communibꝫque ſermonibus, & conſuetudinibus ad animorū iucunditatem recreationemqꝫ cum quadam moderatione & lepore id facerent, eos facetos, dicta ipſa facetias appellarunt: habitum nullo nomine affecerunt: quem quidem, vt initio dixi, imitatione facetudinem, vt manſuetudinem, & facetiem, vt auaritiem, amaritiem, & facecitatem (quod tamen duriuſculum eſt) vt caſtitem, pietatem vocabimus. C. Non exiſtimabam ſanè tam erudito exitu concluſum iri, quos alternis lepores commemorauimus.*

ANNOTATIONES.

GRATIAE FINXERVNT) *Gratias, quas Graci ἀπὸ τῆς χαεῖας à latitia χαεῖτας, tres eſſe inter plurimos conuenit, de nominibus diſſenſio eſt. Heſiod. Theogon. Pindarus Olymp. Plutarchus commentario: Cum Principibus maxime philoſopho diſputandum, Aglaïam, Euphroſynam, Thaliām nominant. Finguntur comites Veneris, & prædita omnibus ele-*

gan-

gantiis, & decentissima. Ex quo commune earum vocabulum ad omnia iucunda, venusta, lepida, amabilia, decora translatum est, cum in rebus, tum in verbis. Illud non cuius notum est, Venerem non tantum amoribus praeesse existimatam: sed etiam commendationi, conciliationi^q, hominum, ut facilius aliquid impetrarent ab aliquo, & in aliorum amicitiam influerent, & gratiam emererentur. Seneca lib. 2. de benef. cap. 28. Ille non est mihi par virtutibus, nec officiis: sed habuit suam Venerem. Hoc est, ei fauit Venus, qua gratiam ei quandam commodavit, qua placuit, facile^q, beneficium consecutus est. Horat. epist. 6. lib. 1. Et bene nummatum decorat Suadela Venus^q. Sunt enim hac duarum nomina dearum, qua nullo negotio homines quibus fauent, suis muneribus benevolentia & amicitia aliorum tradunt. Hac à Turneb. lib. 9. cap. 30. NON DEFIT) Verbum priscum desit, prodeest. Terent. Eunuch. Nihil cum est, nihil desit tamen. Hecyra. Nihil apud me tibi desieri patiar. Virg. Lac mihi nō astate novum, non frigore desit. Propert. Et nullo vacuus tempore desit amor. CICADÆ APEM, ELEPHANTO CVLICEM) Omnia ista adagia ad inaequalitatem, & dissimilitudinem spectant: at non eodem modo, seu nō ad eandem. Cicada & apis magnitudine differunt: multo magis elephas & culex. Sed cicada insuper vocalis est, apis pane muta. Pegasus celerimus, seu volaticus, testudo tardissima. Rosa odorem efflat suavisimum, anemone autem genus papa-

neris per agros passim nascens : cuius flos rosam specie
cum imitesur , non tamen bene olet. (CLARO IAM
LUMINE) Claro & adulto iā die. Sic Catull. de nupt.
Pelci & Thetid. extremis versibus, loquens, de disces-
su deorum ē terris, propter humana flagitia, qua am-
plius intueri nōn possent.

Quare nec tales dignantur visere cœtus,

Nec se contingi patiuntur lumine claro.

Quod alius poeta dixit, aperta in luce videri. SACER-
DOTIA) Sacerdotiū est ipsa dignitas, qua ornatus est
is, qui sacerdos usurpatur. Hinc inire sacerdotiū, seu
inaugurari, initiari sacerdotio. Sed is quoq; inire sa-
cerdotiū venuste dicitur, qui prima sua sacra conficit.
Barbari, facere primitias. Est itē proventus, vectigal,
pensio seu merces, quā sacerdos capit: beneficia, præbe-
das solet vocare, quibus in more est illota & inquinata
modis omnibus latinitas. Loquēdi genera erūt, sacer-
dotiū alicui dare, conferre, sacerdotiū cōsequi, in sacer-
dotiū venire, sacerdotiū habere, occupare. SEV SOLA-
RIORVM) Multiplicē notionem huius verbi, solariū,
adducit Uict. lib. 21. c. 13. Turn. lib. 18. cap. 2. & lib. 28.
cap. 20. (VM CARE CARIZARE) cum rustico agere ru-
sticē, cū impudēte audacter, cū inepto ineptē. Simile,
vulpinari cū vulpe, cū astutis scilicet agere astutē. IN
HOMONYMIA) ὁμώνυμα, & συνώνυμα, qua dialecticis
nostris aquinoca, & uninoça dicuntur, ex ipsa vocabu-
lorū gracorū in magis propriē in res, quā in voces con-
ueniūt. Habere enim idē cōmune nomen, q; illa græca
significant, sine dubio de rebus intelligitur. Verū de his
nomi-

nominibus lege Petri Fonseca dialect. Instit. lib. 1. c. 19. 20. 21. 22. VIRVM ASOTVM) Decoctores, inquit Bud. in Pand. dicti sunt id ferme genus hominum, qui asoti verbo greco, id est, luxu, & ganea studio perdit, & latine nequā, verbo significantissimo, eorumq; vitium asotia, & nequitia: quā Gellius luxum & propinatio- nem interpretatur. Cic. 2. de finibus. Nolim enim mihi fingere asotos, qui in mensam vomant, & qui de cō- muniis auferantur, crudiq; postridie se rursus ingurgi- tent, & qua sequuntur. Locus Gellij est lib. 7. cap. 11.

PROGYMNASMA

QUARTVM ET SEPTVAGESIMVM.

Prisciritus.

EVLAMPIVS, SPINELLVS.

EVLAMPIVS. Dū in istoc quāuis opulēto regno tuo, Spinelle, inter Musæa organa, libros, in- quam, & libraria confidentes variis colloca- tionibus tempus fallimus, incessit quiddā menti, quo de opinionē ante sciscitabor tuam, quā hinc me digressū pedes domū reportent. S. Ita vt facias equidē rogo, mi Eulampi. E. Quod Plinius Secun- dus, vbi auūculi sui tot eximia ingenij opera, & la- boriosissimam studiorū sedulitatem (qua cū no- stra, qui otii omne q̄ datur, literis transmittimus, nauitas si cōponatur, desidia merissima, altissimū (que somnus iurē videatur) per epistolā ad posteros euulgat, eūdem testatur nihil legere consuetum, q̄

non excerperet, quid tu de hoc sollemni sentien-
dum autumas? S. Egone? dicam: nec docendi, sed
obsequendi causâ dicam. Vir animi strenuissimi,
& exempli rarissimi compendiarium sibi, & pro-
ximam viam excogitavit, quâ ad summas erudi-
tionum facultates, atq; copias & graderetur ipse,
& eosdem ad vsum fructum publicum in aspectû
lucemque proderet. De libris aliis ab illo confectis
vt nihil loquar, Historia naturalis, quæ sola suorû
iratum, immo enimvero communem & vltimâ
antiquorû monumetorum calamitatem effugere
potuit, hisce instituta originibus, iisdem aucta profe-
cit incrementis. Quando enim ille viginti millia re-
rum dignarû cura, & lectione voluminum circiter
duum milliû, sex & triginta libris inclusisset, si nō
è tot scriptoribus (quorû vocabula voluminibus
etiam singulis partitione facta præscripsit, quæ nûc
in aditu, vna serie post argumeta capitû leguntur)
locos præcipuos adnotasset, & tanquâ summarum
summas collegisset? Quod quidè iudicio, non te-
merè: ordinè, nō promiscuè, atq; confusè eû fecis-
se suspicari libet. Quomodo præterea, quid quisq;
quâ distributione, quid propriû, quid alienû, aut
in medio positû, quid electum, ac recôditum, quid
peruulgatum ac populare afferret, diuturna custo-
dire memoria, (qua vna re propemodû doctrina-
rû possessio cōtinetur) sine hoc certissimo oppor-
tunissimoq; subsidio potuisset? Quæ tâquâ breuia-
ria, paruasq; epitomas, quoties vellet (volebat aut
sepissime) opera non difficili percurreret. E. Am-
plector respôsum, sentioq; Pliniû sectatores habu-
isse: quanquâ id scriptis de nullo extat, qd legerim:

nec

nec dubitem hodie quoque reperiri, quibus dicere concessum sit: inque tuis nunc Fixa pedum pono pressis vestigia signis. S. Reperiuntur, Eulampi: & in eorum numero ducas licet hunc sodalem tuum, hunc συμφορολόγον tuum. E. Te ipsum? salve ô Plinicola, & gaude solidissimum gaudium: germanam incedis per semitam. ὁλύμπια δώματ' ἔχοντες coeptis allabantur. Quàm pridem autem ad istuc bonum facinus es aggressus, aut quam obrem abs te celatus sum? S. Amplius sunt quini menses, cum huius à me instituti suscepta est aggressio: & prius de segetibus meis, quam se in spicas induerint, ut quantis messibus me beaturæ sint dubitare iam nequeam, haud libenter fabulor: nec enim felicibus consiliis etiam felices rerum exitus perpetuò respondent. En tibi Excerptorum exordia, ex ipso, de quo sermo nobis, Plinio, ex Platone, ex ethicis & politicis Aristotelis, ex Plutarcho, M. Tullio, Seneca, Quintiliano. E. Tantum è vetustis? S. E recentioribus insuper. Hem observata ex Budæo, Rhodigino, Turnebo. Etiam è recentissimis, & adhuc spiritum è cælo ducentibus. E quibus tandem istis? Ego enim hoc ævo nostro video neminem, qui librorum editionibus memoriam nominis sui consecrare occæperit. Deseruerunt terras, ereptique rebus humanis in cælum abierunt, quibus stabant res Humanitatis, Mureti, Sigonij, Manutij, Victorij, Turnebi. S. Tu neminem? E. Profecto. S. Non igitur te ipsum nosti. E. Quid dum. S. Quia præceptum hoc: nosce te ipsum, hanc habet vim, ut non solum mala & vitia, verum-

etiam bona virtutesq; nostras nouerimus. E. O cælites, quæ hic portenta somniat? Quæ tu bona in me perspexisti? amabo mi Spinelle. S. Ingenium animi celerrimum, & inprimis dulce ac festiuum, eruditionem multam ac priscam, & Veneres latin-
nitatis, quas tu omnes omnibus scriptoribus ad sponsam tuam, ceu Pandoram aliquam exornan-
dam, fauentibus & adiuantibus Mercurio illâ-
que Musarum procreatrice Mnemosyne felici-
ter surripuisti. E. Dij vostram fidem, ait Teren-
tius: hic adolescens vt multa de me mentitur? vt
mihi hodie falsas laudes affingit? S. Nec veras
detraho, nec falsas affingo, vera dico. In variis
lectionibus tuis quem nuper adeo commenta-
rium mihi legendum obtulisti, de ritibus anti-
quis, quàm breuissimè datum est *συνηρημαίνον*
hoc excerpsti: quæquæ abs te sparsim posita pa-
tent, sub vnum veluti iugum deuinxî. E. Te
huic insanix deuolutum? A me petit nummum
mutuum, ipse thesauris, & congestis vndique sac-
cis indormit. Manum vix cohibeo, quin te ob-
torto collo rapiam in iudicium. Cur quæso nu-
gas meas sic exoscularis? S. Faciamus esse nu-
gas, vt tu vis: an Plinius tantummodo bonis le-
ctitandis sese dabat? Ille verò etiam non bonis,
& id ipsum quod in malis occurrebat, bonum ex-
cerpebat. E. Si mali, certè nihil aliud quàm ma-
li. Quomodo ergo in malis bona? S. Pergin' ar-
gutarier? Certum est, non esse ex vlla parte bo-
num, quod est ex omni parte malum: vt ille apud
pistorem Sarsinatem recordare quàm lepidè af-
firmat.

firmat. Si is est, cum oportet esse. Fac etiam te memorem, quid Plinius secundus prolata abs te sententiæ de excerptis statim subiungat. Dicere etiam solebat (Plinius auunculus) nullum esse librum tam malum, ut non aliqua parte prodesset. Potui ergo è tuo commentario vel malo proficisci: quanto tandem plus ex optimo atq; doctissimo? Obmutuit, censen' posse vllum verbum proloqui? E. At iam rumpo vocem. S. Perbreuis est, non libellus, sed libellulus, chartis tribus. Verum, ut tuus ille Veronensis, ad cuius venam te fingis, & eam bellè effingis, exclamat: doctis, Iupiter, & laboriosis. Legam, vbi voluero interloquar: tu quin idem facias, nihil impedio. Fortasse tua te imago magis delectabit expressa in annulo, quàm in tabula. E. Fieri poterit, itaq; ausculto.

S. I. *Athenis virgines Panathenæicis Minerva pepulum contexebant, in eoq; præclara, & fortia heroum facta exprimebant, Euripid. scholiast. in Hecuba. Aristoph. in Equitibus, & interpres eius in Anibus.*

II. *Supplicaturi manibus præferebant corollam, vel oleaginam, vel lauream, seu oliuæ ramum. Scholiast. Euripid. in Orest. & Andromach.*

III. *Cum fiebant supplices, mentum tangebant seu barbam eius cui supplicabāt: item dexteram, aut genua. Aliquando simul omnia. Euripid. Hecuba, Oreste, Medea.*

Plin. lib. 11. cap. 45. Homer. Iliad. w. IV. Olim qui ab oraculo consulto redibant, coronati redibant, et ab omnibus domesticis genibus flexis excipiebantur: tanta erat eorum veneratio. Interpres Euripid. Hippo-

lyto,

lyto. V. Sponsa his, qui sponsum cognatione attingebant, tempore nuptiarum vestes donabant. Eustath. Odyss. ζ. VI. In magna indignatione semur feriebant. Homerus Iliad. α. Odyss. v. VII. Mater sponsi, sponsa in nuptiis tadam ardorem praeferebat. Scholiast. Euripid. in Phœniss. Euripid. Iphig. Aulid. Interpres Apollonij, Cœlius lib. 28. cap. 15. VIII. Venatores solebant partem prædæ, vel caput, vel pedem affigere clauo in aliqua arbore, in honorem Dianæ. Interpres Aristoph. Pluto. IX. Qui se aliquem iure putabant occidisse, gladium sublatum soli, argumentum iustæ cadis ostentabant. Scholiast. Euripid. Orest. Cades autem non sponte perpetrata, exilio expiatur voluntario, & annuo, maximè cognatorum. Scholiastes Iliad. ο. Euripid. Scholiast. Hippolyto. X. Conuiuia discumbentes iam, antequam cibi inferrentur, vasa & alia quæ essent in adibus, ipsamq; domum laudabant. Interpres Aristoph. in Vesp. Athenæus lib. 4. XI. Ornatus causa in summis sceptris aues, in regum verò aquila exprimebatur. Interp. Aristoph. in Auib. E. Adhuc nihil se offert, quod in his excerptis collectaneisq; tuis reprehendam: quandoquidem excerpta sunt, & epitome quædam est, in qua, si quis longiorem cuiusq; rei explanationem, compluribus ad fidem faciendam testimoniis instructam desideret, sapere non videatur. S. Accedit hoc item ad me omni calumniæ eximendum, quod ad meum palatum, ad
vsum

vsum meum hæc per saltum tuum floriferum li-
 baii. Alius iudicio suo obsequatur, & si volet, to-
 tum librum tuum, aut certè capita tota ad ver-
 bum describat: quod quidem quàm sit à Pliniana
 consuetudine, quam ego imitari cupio, alienum,
 ipse vides. Spero autem te in cæteris quoque riti-
 bus, qui multi sequuntur, colligendis, diligentiam
 iudiciumq; meum probaturum. Omnes certè non
 collegi, quia non æquè me delectabant. E. Pro-
 gredere sis in recitando. Quid ego rerum tua-
 rum vnquã improbaui? S. XII. Diuites in men-
 ses singulos Hecata parabant epulas, quibus pauperes
 vescebantur. Interp. Aristoph. Pluto. Prouerb. Cæna
 Hecates. XIII. Apud Tibarenos, mulieres ubi pe-
 perissent, maritos in lecto collocabant, accurateq; tra-
 ctabant. Apolloniÿ interpres lib. 2. Calius lib. 18. cap. 30.
 XIV. Heroes galeam gestabant triplici cono insi-
 gnem, & ita ab aliis discernebantur. Interp. Euripid.
 Oreste. Homerus, & interpres Iliad. τ. Virgil. lib. 7.
 ad finem. XV. Conuiuatori schedula exhibebatur,
 qua quæ essent apparatus ad conuiuium notabantur,
 ut sciret, quodnam obsonium cocus esses illaturus. A-
 then. lib. 2. cap. 7. XVI. Reges in bellum profecturi,
 ante sacris operabantur. Euripid. Scholiast. in Orest.
 XVII. Receptum fuit in nuptiis, ut puer aliquis co-
 ronatus spinis, & quernis glandibus sportulam pani-
 bus repletam circumferret, ac diceret ἐκφυγὲν κακόν,
 ἔργον ἀμεινον. Effugi malum, inueni melius. Zenod.
 in prouerb. XVIII. Apud Athenienses in more
 positum

positum fuit, quosdam viles & contemptos alere publice, quos immolarent tempore pestilentia, aut famis, pro repub. illisq; tāquam publicis victimis expiarent placarentq; superos. Hos appellarunt *capuāxos*, καὶ καπάχατος. Interp. Aristoph. Equitib. Calius lib. 6. cap. 12. XIX. In nuptiis cum rem diuinam facerēt, victima seleximētes, post aram id abiciebant: significantes, bilem & iram à coniugali thoro prorsus remouendam esse. Calius lib. 28. cap. 21. XX. Consueuerant Lacones gestare in bello vestes purpureas: ut nota sanguinis vulneratorum coloris cognatione regerētur, & alij minus terrerentur. Eustath. Odys. 8. XXI. Mos belli indicendi fuit, hasta proiecta in hostium agros. Homer. Batrach. Iustinus lib. 11. Lilius lib. 1. XXII. Cornua victimarum inaurabantur. Hom. Odys. 7. Iliad. 2. Maro lib. 1. Georg. & lib. 9. Et statuam ante aras aurata fronte iuuentum. Ouid lib. 7. & 10. & 15. Macrobius lib. 3. cap. 5. Alex. Neap. lib. 3. cap. 12. XXIII. Solebant Athenienses adolescentes suos cum ad pubertatem peruenissent, artificijs statim destinare, hoc modo. Proponebantur omnis generis instrumenta, quibus cum adhibiti essent adolescentes, ad quod quisq; accommodare se, & quasi oblectari visus, eius artificio quasi natura aptius adhibebatur. Basil. epistola ad Eudoxum Rhetorem. Quāquam ritus non paucos prætereo, Eulampi, attamē tam multos recensebo, ut quis existimare possit, quia ex tuo volumine eos decerpsi, te illo nihil

nihil aliud p̄ne fuisse complexum. Cum contra alia innumera studiis humanioribus ornandis, & augendis perutilia abs te per tot libros explicata cernantur: quos vt iuris communis facere ne diutius cunctere, neue tibi illud de nono anno Horatianum simpliciter obseruandum putes, te vehementer oratum volo. Equidem mihi videor rationibus meis isto labore multum cōmodasse. E. Et illis quoq; Spinelle, cōmodabis, quos tecum animaduersa ista participare volueris. S. Tu si istuc me hortaris, currentē incitas. E. Hortor profecto: nam tibi & aliis cecini si tamen cecini, id est, si oēs ita vt tu comprobauerint. Quanquam nō intelligo, cur quis eiusmodi in obseruāda antiquitate sedulitatem, & narrationem vetustatis breuem atq; simplicē reprehensione magis quam laude prosequatur. S. Ita est. E. Vna de caussa nollem tua hæc in pluriū manus venire. S. Quanam? E. Vt ne mea minus veniāt. S. Cur istud, quæso, vereris? E. Cur? sequuntur enim nonnulli auidius epitomas, libros ipsos & fontes negligunt: quo tamen sine ac scilicet po epitomę non conscribuntur. Non enim quemadmodum in itinēribus, qui breuiori vadit, longiore non indiget, & citius ad destinatum locum peruenit: ita in scientiis, qui libellos de hac aut illa legit, iam totū cognouit: sed facilius cognoscet, si, antequam ad eas accedat, fuerit his summarū velut summis initiatus: & vt viam longam bene ambulet, breuē prius oportet ambulasse. S. Apta similitudine epitomarum vtilitatē finemq; declarasti. At ego minimē hoc tibi euenturū, sed famē potius librorum tuorum voluendorum iniectū iri credo
omni-

omnibus, qui hæc mea ex tuis legerint. Deo nos & nostra tradamus: hoc facere melius nihil possumus. Prosequar cætera. *XXIV. Cum Athenienses ad obsecandas conciones conuentusq; segiores essent, duo ministri publici, qui miniato funiculo populum cingerent, & eo modo cogerent ad concionem, mitebantur: & quicumque eo colore notatus deprehendebatur, multabatur. Interp. Aristoph. Acharnens. Quàm cuperem hodie quippiam simile fieri nostris hominibus, qui cum se Catholicos nominari velint, diebus religioni consecratis in foro citius, quàm in templis inueniuntur: neq; sacrificio, neq; concionibus intersunt. Aut si sunt, ante finem se proripiunt, & circum ædem obambulant. Quare illis faciendum à curionibus & episcopis, quod suis fecisse legitur Ioannes Alexandrinus, qui elemosynarius est cognominatus. E. Quid is obsecro fecit? S. Cum die festo animaduerneret re diuina nondum perfecta plerosq; templo egredi, & inambulare foris, ipse relicto altari, cum veste sacra ad eos egressus, se ambulatium cœtibus inferuit, mirantibusq; dixit: vbi essent oues, ibi quoque pastorem esse oportere. E. O factum bene. S. *XXV. In luctu grauissimo, & ingenti calamitate, capita cinere seu puluere conspergebant. Homerus Odyss. 6. & aliàs Iliad. 18. de Achille. Euripid. in Supplicibus. Virgil. lib. 10. Caniciem immundo deformat puluere. XXVI. Nobilium & heroum mos fuit, progressuri in publicum ut canes haberent comites. Pollux lib. 1. cap. 4. Homer. Odyss. 6. Virgil. lib.**

lib. 8. de Euandro. XXVII. Sortiebantur veteres coniectis in galeam fortibus. Homer. Iliad. 4. Virgil. lib. 5. Sophocles in Aiace. XXVIII. Romani ciues in castris non virgis aut fustibus, sed vitibus cadebantur. Tacit. lib. 1. Iuuenalis sat. 8. & 14. Alex. Neap. libr. 1. cap. 20. Calius lib. 4. cap. 20. XXIX. Peregrè mortui extra patriam cremabatur, eorumq; cineres in vasculis in patriam reportabantur. Isacius. XXX. Apud Syracusanos nullo auro, aut pictis vestibus mulieres ornabantur, neque textis purpureis: nisi si qua pro publico prostibulo, & addicta Veneri, qua & ipsa meretrix est, haberi vellet. Nec viro comere aut lasciuè ornari permittebatur, nisi mœchus, aut cinædus videri vellet. Eustath. Iliad. 7. XXXI. Quicumq; sacra facturum erat, præsabatur, & quasi bene ominata dicebat, ἐννεύειτε, latine, linguis fauete. Interp. Aristoph. XXXII. Consuetudo Athenis fuit, alicuius capitalis flagitij reis cōcedere eligenda pœna arbitrium. Cic. 2. de Orat. XXXIII. In omni publica priuataq; letitia receptum, ianuam ornari lauro & lucernis. Eiusmodi autem lucerna penfiles erant, suspendebanturq; catenulis, accensa ad adium singularum iannuas, aut fenestras. Nec solum adibus, sed arboribus quoque appendebantur hæ lucerna: arboribus quidem sacris, & quibus vellent exhibitum cultum. Sed & sacrificuli ac vates præserebant lucernam ac laurum: credo, ut augustiores se facerent ornatu illo festo, & quasi sacro. Nec dissimilis

priscorum vatum in Gracia mos, qui ignem præfere-
 bant. Confirmari & latius hac differi possunt ex Iu-
 uenalis sat. 12. Seneca epist. 68. Tertull. in Apolog. &
 ad uxorem lib. 2. Apuleio lib. 4. Xiphilino in Ne-
 rone. XXXIV. In usu frequenti fuit calida ad con-
 iunia, etiam apud Græcos: nec in usu solum, sed eti-
 am in deliciis. Inde apud Plantum thermopolij men-
 tio, cum hilarior inuitatio describitur, aut solutior
 luxus: non enim aliud illi thermopolia quam campo-
 na, in quibus hac calida veniret: calida pura puta:
 non potio, nescio quæ dulcis & confecta. Fuit autem
 in deliciis mixta vino, quamuis alioqui & solitaria,
 & infusa vino biberetur. Mensa initio statim du-
 plicem aquam poni mos erat, calidam & frigidam.
 Iuuenal. Seneca de ira Dei libro primo, capite duo-
 decimo, & libro secundo, cap. 25. Martialis. Am-
 mianus libr. 28. XXXV. Tenuit mos temporibus
 Imperatorum, ut liberti alij à studiis, à voluptatibus,
 à libellis, ab epistolis, à memoria essent. Quæ omnia,
 sic efferebant, Polybius à studiis, Thallus à manu, etc.
 Læmprid. in Alexandro. Herodian. libro quarto.
 Vopiscus in Caro. XXXVI. Nona nupta lectus
 sternebatur magnifico apparatu, quem Catullus de-
 scripsit, & Lucanus in 2. Is lectus in nuptiis ipsis ge-
 nialis dicebatur: vel quia Genio & Innoni sacer, vel
 omnis causa, à genendo. At post nuptias, idem
 mutato nomine plerumq; Aduersus, vel etiam Genia-
 lis. Causa alterius nominis, quod hunc lectulum re-
 ligiose

digiosè seruari mos fuit, & in atrio collocari ianue
 exaduersum, scilicet coniugij monumentum, & quasi
 pignus. Ab ea positura lectus Aduersus. Cuiq; autē ma-
 trona suus hic lectus: & in nouo coniugio nouus. Hic
 lectus non tam ad vsum, quam ad religionem serua-
 batur: aut si ad vsum, non promiscuum coniugum,
 sed matronarum tantum, qua in eo solita sedere, &
 nere, texere, suere. Asconius in Milon. Valerius apud
 Gellium, Cic. pro Cluent. XXXVII. Lanificium
 Romanis antiquis impense cura. Docent nuptia, in
 quibus sponse colus praeferbatur cum lana: cingulum
 erat è lana: postes velati lana: omnia videlicet signa
 & indicia matronis opera futura. Lanam enim do-
 mi sedulo exercebant, telam texebant, conficiebant
 vestem. Et hac omnia matrona etiam primi ordinis.
 Sanè textrina, & quiddam ad perficiendā vestem, olim
 muliebre opus. Eiusmodi operas exercebāt in primore
 parte adium, id est, in atrio: scilicet ad testificandam
 diligentiam suā, siue ad exemplum. Sueton. Aug. cap.
 73. et 63. Arnob. contra gentes lib. 2. Æmilius Probus
 praeferat. XXXVIII. Vates & actores seu histriones inter
 canendum agendumq; lauriratum manu tenebant.
 Apud Græcos quos histriones, & saltatores praesertim
 manu gestabant, baculi inflexi erant siue ad cōcinni-
 tatē aliquam motus, siue ad gesticulandū. Nec è ligno
 solum illi baculi, sed è ferro. Sueton. Nerone cap. 24.
 Apuleius apologia altera. XXXIX. Generis apud Ro-
 manos discrimen duplex. Alij patricij, alij plebeij.

Rursum ex utrisque alij nobiles, alij novi. Nobiles censebantur illi soli, quorum maiores magistratum ceperant, quiq; ius habebant imaginis ponende. Novi, quorum maiores vitam priuatam vixerat, & quibus imagines nulla. Regum temporibus, & post Regifugium aliquot annis, penes solos patricios magistratus erant: ideo & nobilitas. Postea per contentiones Tribunitias, communicati cum plebe honores, simulq; nobilitas & imagines. Immo non raro ex eo plebeius quispiam nobilis ante patricium: ut Claudij Marcelli, ut Decij, Flaminij, Lucretij, & quae alia è plebe familiae plena honorum. Non enim ex genere, sed ex imaginum multitudine omnis nobilitas & imagines ex magistratu: non tamen quouis, sed curuli. Quaestura, Tribunatus, & qui alij inferiores honores, ius imaginis non dabant. Haec imagines non aliud fuerunt, quam expressa corporis effigies humerorum tenuis, & cera, capitis scilicet atque vultus. Ob id poeta ceras appellant. Imagines autem istae in atrijs collocabantur ordine in ligneis thecis, siue, ut Plinius appellat, armariis, quae diebus festis, aut latioribus tantum aperiebantur, cui cura praefectus Atrienfis. His subscripti tituli, siue indices honorum, & rerum in magistratu gestarum. Usus praecipuus, ut in funere nobilium ferrentur. Ratio ferendi in oblongis perticis erat, siue hastis, ut fercula solent triumphorum. Si quis turpi & immani crimine damnatus esset, damnabatur etiam, & frangebatur eius imago, nec in exsequiis fereba-

firebatur *Linii* lib. 1. & 22. & alibi. *Plin.* lib. 35. *O-*
uid. 1. *Amorum.* *Seneca, Valerius* lib. 5. cap. 8. XL.
Osculum adhibebant in cultu deorum tripliciter. Aut
 enim os iis venerabundi osculabatur, aut manus, aut
 pedes. *Cic.* in *Verrem*, *Lucretius*, *Apuleius*. Sed quia
 verebantur plerumq; deos ipsos ore profano suo tange-
 re, eminus stantes manum porrigebant, eamq; statim
 verenter, ad os suum referebant, & suaviabantur.
Plinius, *Minutius Felix*, *Apuleius*. *Syris* etiam & *O-*
rienti hic mos. *Iob* cap. 31. Si vidi solem cum fulgeret,
 & lunam incedentem clarè, & osculatus sum manum
 meam ore meo. Id est, si lunam, aut solem adoravi.
Reg. 3. Quorum genua non sunt incurvata ante Baal,
 & omne os quod non adoravit eum osculans manum.
Sapius in *Hebraorum* phrasi deosculatio est adora-
 tio. Atq; ego latinis ipsis hinc censeo formatum ado-
 randi verbum: quia manus ad ora admovebant. Da-
 bant etiam oscula liminibus templorum, postibus, aris
 rebus in arctis, & crinibus passis fœmina templa ver-
 rebant. *Tibullus*, *Stattius*, *Linii* lib. 3. & 26. *Poly-*
bii, *Apuleius* lib. 5. Erant aliâ oscula humana, eaq;
 non tam amoris, quam officij, & urbani cuiusdam cul-
 tus. Ea variè usurpata, & in omni ferè corporis parte.
 Primum in facie, ibiq; os, genas, oculos suaviaban-
 tur: in itin, reditu, gratulatione, immo in salutatione,
 & quotidiano occursum. Qui mos maxime inualuit
 sub *Augusto*. Secundo manus osculabantur, sed non
 tamen, nisi potentiorum. Is mos etiam libera *Repub.*

quancquam *tarus*. *Plutarch. in Catone. Natus à blan-*
ditis candidatorum, prensantium, rogantium, & a-
lienarum manus osculantium. Seneca epist. CXIX. In-
crebuit statim tota urbe, immo orbe, idq; in petitione,
in gratiarum actione, gratulatione, atque omni officij
aut demissionis nota. Plin. Tacitus, Sueton. Apule-
ius, Seneca. Quancquam, ut ex Arriano colligitur, vi-
liores & serui propriè manus osculabantur, quod po-
sterioris aui scriptores, sua & peculiari phrasi dixerunt,
ad manum accedere. Tertio deniq; genua osculaban-
tur, immo & pedes. Ammianus, Capitolinus, Dio.
non autem os admovebatur pedibus, sed dextra: eaq;
deinceps ad os referebatur. Quancq; Caligula et Prin-
cipes aliquot secuti, pedes reipsa osculo sibi affici tuler-
runt. XL I. Rome, etiam vna libertate consuetudo,
ut viros primates, & gratia aut dignitate conspicuos,
venientes in theatra, composito plausu exciperent: iis-
dem assurgerent. Utrumq; honoris habendi causa,
& promendi fauoris. Contrà, eos qui infames, aut in-
grati, sibilo velut reuicerent ac segregarent. Hoc testi-
monium vniuersi populi multum valere censebant
in utramq; partem. Mansit ad Imperatores: sed ita,
ut hunc honorem, sicut pleriq; alios, sibi ferè seponer-
ent, nec communicatum vellent cum reliquo sena-
tu, non certè vulgò. Nam quin etiam sub Imperato-
ribus quibusdam applausum & assurrectum, non ne-
go: sed ferè iis, qui aut ex domo, & gente Principali,
aut interiari amicorum cohorte. Præter plausum &
assur-

assurrectionem etiam acclamatio fuit : antiquitus quidem in re subita, noua, tristi, lata, sed postea transfata tota ad laudes, sine adulationes Principum, in eosq, effusè exercita: nec vocibus solum singulis, sed contextu quodam ad modulum & cantum, vt Domitiano, Domino & Domina Feliciter. Tacito. Tacite Auguste dy te seruent. In Martiale de Titulidis. populorum vox tamen vna est, Cum verus patria diceris esse pater. Et quoniam fausta, & fauentia acclamationis verba, rem ipsam tanquam suo, & peculiari verbo dixerunt, Fauere, & Fauorem. Horat. Suetonius, Martialis, Vopiscus, Lampridius, Capitolinus. Hæc ego, vt tu optimè vnus, & solus intelligis, velut canis è Nilo bibens, & in transcurso quodammodo. Quod tamen mihi vt verum tibi narrem, perdifficile fuit. Mirabiliter quippe tua horum rituum ornatissima explicatio, accomodatissimis & plurimis nobilium scriptorum testimoniis refertissima capiebar, hærebámque multum in capitibus singulis, vbi aliquid vetustæ consuetudinis inueniebam. Vtilis, utilis est rituum ista piscorum intelligentia : cuius qui sunt expertes, eos sæpissime hallucinari, dubitare, errare, plurima præterire in poëtis, historicis, oratoribus necesse est. E. Istud ipsum cum me non fugeret, libris meis passim inferui, quæ cupidis literarum emolumento esse in hanc partem viderentur: & memet dum vnumquemque ritum distinctè, apertè, attextis ad confirmandum locis idoneis explicare conor, non

parum profecisse confiteor. Quod si quid est, in quo tibi aut obscurior, aut indiligentior appareo, peto abs te, ne mihi occultes: membranæ enim intus adhuc positis emendare licebit: vox missa reuerti nescit. S. Nihil equidem habeo quod his duobus nominibus tibi obijciam. Scito tamen etiam mihi in mentem nonnunquam venisse, quæ tuis non malè adiungerentur. Fit enim nescio quo pacto, ut legentibus nobis similitudine rerum ac sententiarum quas legimus, multa quæ antea legeramus occurrant. Sed tu, ut hætenus, aures mihi commoda, & si quid in ratione ista mea displicuerit tibi, me monè. Non te à me, sed me abs te corrigi æquum est. Tu maior, tibi me est æquum parere Menalca. E. Dixi iam pridem quid sentirem de labore istoc tuo. S. Haud multa restant.

XL I. I Solebant qui vectores ad nānim inuitabant, aut scandentes eam excipiebant, dicere: Quod bene vertat, conscende, ἐμβαίνε τὴν ἀνάβη. *XL III. Sa-*

penumero legimus expositos fuisse pueros in fabulis latinis è palliatis sumptis. Id facere solebant plerunq,

pueris in olla collocatis. Unde & expositio χλεισμός

vocatur. Hesychius. χλεισμός ἡ τῶν βρεφῶν ἐν ταῖς χυ-

τρεῦς ἐκδεῖσι. *XL IV. Sono digiti loco nutus, aut*

etiam vocis utebantur, qui sibi sine cunctatione parituros præsto habebant, ut imperium maius, aut vlla

vocis significatione opus non esset. Itaque Cicero 3. Off. Si concrepauerit digitis, & digitorum percussio-

nem, cum videlicet inter se colliduntur, ut concre-

sur. XLV. In diis placandis diis non solum limina osculabantur, sed & postea caput allidebant, & ad sacram aram seu sedē eius Dei quem placare cupiebant, supplices replebant, non incedebāt. Tibull. lib. 1. eleg. 2.

XLVI. Latini populi statim natos infantes ad flumen ferebant. Idem solebant Ligures. Item Lacones in Eurota solebāt lauare editos infantes suos. XLVII.

Mos fuit ducum exercitus, cum frangere volebant animos hostium, ostendereq; se penitus eos despicere in urbe quam obsidebant, prope ipsorum castra ludos quosdam facere, & cursum equorum instituere, proposito pramio illi qui vicisset. Ecce conatum meum. E. Et quidem laude dignum. Vellem autem alia excerpta tua videre: sed id aliās. S. Libet illud Terentij promere.

Si tibi quid feci, aut facio, quod placeat Simo, & Id gratum fuisse aduersum te, habeo gratiam.

ANNOTATIONES.

PRISCI RITVS) Hos ex Hartungo, Iusto Lipsio, Turnebo, Victorio collegimus. Ex Hartungi capitibus octauis decuriarum quatuor, vsque ad ritum 33. Ex Electis Lipsii inde vsque ad 42. nempe ex lib. primi cap. 3. 4. 12. 17. 28. 29. lib. secundi cap. 6. 10. Ceteros ex aduersariis Turnebi, & variis lectionibus Victorij. Illius lib. 30. cap. 31. 28. lib. 29. cap. 30. lib. 23. cap. 6. huius lib. 34. cap. 2. lib. 37. cap. 17. **INTER MUSAEA ORGANA)** Musarum nomine literas,

& scientiam artium honestarū notari, quem tandem latet, quamvis in ludo adhuc elemētario versantem? Lucretius adiectivum hoc ad poeticam suavitatem, & elegantiam, ex numeris videlicet verbisq³, & loquendi figuris, seu modis quibusdam propriis existentem significandam adhibere gaudet. lib. 1. & initio 3.

*Deinde quod obscura de re tam lucida pango
Carmina, Musæo contingens cuncta lepore.*

Rursum in 1.

Solus tibi suaviloquenti

*Carmine Pierio rationem exponere nostram,
Et quasi Musæo dulci contingere melle.*

Lib. 2. musæa mele cantilenas musicas appellat. Iam ὄργανον est instrumentum. Literatorum instrumenta sunt libri: ergo iidem organa. Sic Palladas lib. 1. Anthol. propter paupertatem se libros suos venditurum affirmans, ὄργανα μουσικῶν vocat. TOT EXIMIA INGENII OPERA) Indicem & ordinem inuenies apud Plin. Secundum epist. 5. lib. 1. HISTORIA NATURALIS) Historia, inquit in poetica Scaliger, si capiatur pro expositione cuiuscunque rei, rectè inscripsit libros suos Plinius Historiam naturalem, & historiā animalium Aristoteles, & plantarum Theophrastus. Si pro narratione rerum gestarum, non rectè. Ob hūc librum ita Muret. orat. 13. volum. 2. Illum vero primum condum rerum omnium scitu dignarum, illud receptaculum ingenuarum artium, illum eruditionis Oceanum (C. Plinium quis unquam satis pro dignitate vel admirari, vel celebrare poterit? Qui nullū unquam

quam librum vidit, quem non legerit: nihil cognitum dignum legit, quod non excerpserit: nihil excerpserit, quod non in litteras retulerit. Itaq; unum ipsius opus, quod de plurimis extat, naturalis historia, instar ingentis bibliotheca videri potest. SOLA SVORVM FRATRVM) Ouid. eleg. 1. lib. 1. Trist. alloquens librū, venuste alios domi in arculis latentes, fratres eius nominat. Carmina apponere iuvat.

Cum tamen in nostrum fueris penetrabile receptus,

Contigerisq; tuam scrinia parua domum,

Aspicias illic positos ex ordine fratres,

Quos studium cunctos exiguauit idem.

COMMVNEM, ET VLTIMAM) Vox, ultimum, ut extremum, est eodem intellectu, quo grauissimū, maximum, summū: cum dicimus nempe, quempiam ad ultimam redactū miseriam, inopiam. ὁλύμπια δώματ' ἐχούτες) Frequenter sic Homerus. Latine vertas, caelestia templa colentes, calicola, caelestes, dii superi. APVD PISTOREM SARSINATEM) Plantus, teste Festo, initio Plotus audiebat, à pedū planitia: ploti enim dicebantur ab Vmbris, qui essent pedibus planis: postea Plantus dici solitus est. Hinc etiam semiplotia calceamēta, quibus utebātur in venationibus, ut planius starent. Patriā habuit Sarsinā Vmbria oppidū, q̄ ipsemet in Mostellaria videtur insinuare. Quidā Farsinatē appellare malūt. Vixit, & in scena floruit, autore Gellio, anno ferme XV. postquā bellū Punicū secundū geri captū fuerat. M. Varro scripsit eū omni pecunia in scenicis ornāmētis consumpta, ad summā inopiā deuolu-

denotatum in urbem rediisse: atq. ut vilius suppeditaret, operam suam piscatori addidisse, versanda mole, quam transfacilem nominarunt. Gelum aut hoc facere coactum perditam pecunia in mercatibus, quam ex operis scenicotum artificum sibi quaeserat. (Censui piscatori cum seruasse. IAM RUMPO VOCEM) Genus dicendi petium à Grecis, ἰχθυόμα, de aliquo, qui cum diu tacerit, repente quippiam edit. Vixit Virgil. 2. Aeneid. Amplius super hoc, & verbosius more suo. Victor lib. 10. cap. 8. DOCTIS, IUPITER, ET LAETORIOSIS) Admirantis in hanc vocem erumpabant, quemodo Græci, ἰχθυόμας. (Catull.

Iam tum cum ausus es Venas Italorum
Omne animum tribus explicare charym,
Dodu Iupiter, & Laboriosus.

Et alibi. Iupiter, ut cersisti lumina saepe manu? MANIEVS PRAEFEREBANT COROLLAM) Vide initium Iliad. ubi Chryses sacerdos ad naues accedit, ab Agamemnone, & Græcis filiam suppliciter sibi restitui petēs. GLADIUM SYBLATVM SOLI) Aliter de hoc more Victorius lib. 35. cap. 15. adducens Euripidis locum ex Oreste, & praterea duos ē Cicerone: unum ē Philipp. 2. de M. Bruto, alterum ē Miloniana de Milone. EFFUGI MALVM, INVENI MELIVS) Dici solitum hemistichium græcum, quod hunc sensum continet: si quando prosperior fortuna quempiam amplexa esset. Natum ē caremoniis nuptialibus. Siquidem in nuptiis Athenis puer quispiam indu-

inducebatur undique spineis frondibus, & quernis glandibus opertus, coronatusq; cunas gestans panibus impletas, qui dicebat, ἐφ' ὅσον ῥαχὸν, εὖ ἐγὼ ἀμεινον. *Malum enim vocabat spinas & glandes; panes bonum: propterea quod steriles spine, & glandibus victitabant agrestes illi prisca. Reperto frumentorum usu glandium esus fastidiri captus. Hac pluribus paræmiographus.*

PROGYMNASMA
 QUINTVM ET SEPTV-
 GESIMVM.

*Formularum veterum
 eclogæ.*

PETILLIVS, FRONTINVS.

PETILLIVS. Formulæ illis antiquis, quæ etiã actiones dicuntur, erantq; certæ sollemnium verborum conceptiones, iurecōsultis aucto-ribus & architectis, quibus eadem in re populus Romanus vti solebat (vnde formularij Fabio, & Ciceroni cantores formularum) his dico formulæ, quem vulgus hodie stylum appellat, quoties in aliquam aliquâsue incurro, haud leuiter delector, idq; tribus de causis. Primum quia mihi aliquid vetusti moris subiiciunt: deinde quia odorẽ quasi, & saporem sanæ illius incorruptæq; latinitatis retinent: postremo, quia mihi vsui esse possunt ad scripto-

scriptorum nodos expediendos: in quibus nonnunquam implicatum hærere necesse est, quem cognitio ista formularia, ingenua profecto, & elegantium literarum studio dignissima fugit. Atque ego frequens optavi, dari mihi, qui cum de his agerem & quæ vellem, & quo modo. An tu igitur vis, Frontine, quando iisdem in castris militamus, eodem studiorum genere deuincti, inter nos ista recolamus ac celebremus, & tanquam tabulas aliquot magni cuiusdā naufragij colligamus? F. His etiam ego recreor, motus iisdem rationibus, quibus tu adduceres, ut tantum inde percipias voluptatis. Edam autem quarum adhuc infidet in animo memoria: quæ defluerunt, eas vnde recipiam, scio: & te idem scire haud nescio. P. Seruemus eū ordinem, si placet, quo se elementa consequuntur: & in quibus est aliquid tenebrarum, eas relinquamus. F. Age, tu i præ, ego secundum iuero. P. Ut ergo hinc potissimum rem inchoemus. **ABDICATIONIS** formula talis apud Valerium extat lib. 5. cap. 8. *Cum Silanum filium meū pecunias à sociis accepisse mihi probatum sit, & repub. eum, & domo mea indignum iudico, protinusq; e conspectu meo abire iubeo.* **ACTIONIS FVRTI ADIVTL** Ope, consilio tuo furtum factum esse aio. Cic. lib. 3. de nat. deor. **ACTIONIS IN REM, SEV VINDICATIONIS.** Cicero pro Muræna huiusmodi formulam testatur fuisse. *Fundus qui est in agro, qui Sabinus vocatur, meus est: eum ego ex iure meum esse aio. Inde ego te ex iure manum confertum voco.* Hæc erant verba

verba eius qui vindicabat. A quo vero vindicabatur, eius hæc erant verba. *Vnde tu me ex iure manum confertum vocasti, inde ibi ego terenoco.* Sed illud, manum, seu manus confertum explanare libet. F. Mihi quoque explanationem audire tam libet, quàm quod maximè. P. Olim in re præfenti, præfente Prætore, aduersariis rem manu prehendentibus ex 12. tabulis iure vindicatio fiebat. Sed propagatis Italiæ finibus, latis iurisdictionibus, negotiis occupati, proficisci vindiciarum dicendarum caussa in longinquas res grauabantur. Quare tacito consensu contra XII. institutum est, vt litigantes non ex iure apud Prætorem manum confererent, sed ex iure manum confertum vocarent, id est, alter alterum ex iure ad conferendam manum in rem de qua ageretur vocaret. Atque profecti simul in agrum de quo litigabatur, terræ aliquid ex eo, vti vnam glebam in ius, in urbem ad Prætorem deferrent, & in ea gleba tanquam in toto agro vindicarent. Prodiibo vltèrius. ADDICTIONIS IN DIEM. *Ille fundus centum esto tibi emptus: nisi si quis intra Kalendas Ianuarias proximæ meliorem condicionem fecerit, seu attulerit, quo res à domino abeat.* Emptionis formula simile quiddam habebat. Solebat enim emptor in auctionibus, cum ex præcone rei venalis pretium audierat, clarè pronuntiare, *emptum, nisi quis meliorem conditionem afferat.* ANNULI AUREI IN CONCIONE DONANDI. *Quandoquidem tu in pralio, in bello, in re militari mihi nūquam defuisti,*

defuisti, omnibusq₃ in periculis mecum versatus es, ob
 hæc res hoc annulo aureo te dono. ANTESTANDI.
 Componitur hoc verbum ab an, quod in compo-
 sitione valet circum, & testari. Et erat antestari v-
 num aliquem ex iis qui assunt, prehensa auricula
 testem sumere cum his verbis *licet antestari*? si ille
 respondebat, *licet*, permittebatur ei qui vadibus
 acceptis quempiam in ius vocasset, manus iniice-
 re, eumq₃ in ius rapere. Quod si quis nō antestatus,
 manu iniecta aduersarium suum in ius raperet, in-
 iuriarum actione tenebatur. Verba legis XII. tab.
 hæc videntur fuisse. *Si in ius vocat, ni it, antestatus*
manum iniicito, aurem antestati capito. Antestatus
 dicebatur, qui adductus aut inuentus erat, & testis
 factus. Etenim patiendi & agendi verbum est an-
 testatus. ARROGATIONIS. De hac videndum caput
 Gellij 19. lib. 6. Formula quidem talis fuit. *Velis*
inbeatis Quirites, uti L. Valerius L. Titio tam iure
legeq₃ filius fiet, quàm si ex eo patre matreq₃ familiàs
eius natus esset: utique ei vita necisq₃ in eum potestas
fiet, uti patriendo filio est: hoc ita, ut dixi, ita vos Qui-
rites rogo. ASSERENDI IN LIBERTATEM.
Hunc ego hominem ex iure Quiritium liberali assero
caussa manu. Apud Terent. Adelph. Plautum Pœ-
 nulo, Curcul. F. Quid hic vult liberalis caussa? P.
 Iudicium quod in se actionem continet libertatis.
 Fiebat autem quod formula dicit, quoties quis li-
 berum hominem iniusta seruitute oppressum in
 libertatem vindicabat, id est, liberum esse decer-
 nebat: seu ut Liuius lib. 3. dabat vindicias ab servi-
 tute

tute secundum libertatem. Testatur porro Tur-
 neb. lib. 27. cap. 15. in peruetusto vocabulario bilin-
 gui Assertor exponi *ἁρπισταὺς*, Assertio *ἁρπισία*:
 Charisius quoque lib. 1. vindicias *ἁρπιστίαν* expo-
 nit, ab iniectione prehensioneque manus: quod ni-
 mirum qui assererat vindicabatque, manu asserere-
 bat, manuque comprehendebat. Ad formulam
 BELLI INDICENDI venio, qua plures continen-
 tur: eam ubi addidero, te cæteras huius elementi
 prosequenter audiam. Veruntamen quoniam res
 tota grauiter & insigniter à Liuiio lib. 1. descripta
 est, & ego librum in manibus habeo, ecce tibi, le-
 gam locum ad verbum, si pateris. F. Liuiianam fa-
 cundiam amo: quare non est cur quæras an velim,
 quod tu vis. P. Censuit è dignitate sua futurum
 Ancus Martius Romanorum Rex quartus, si, quem-
 admodum Numa qui Romulum excepit in pace
 religiones instituisset, ita ipse bellicas caerimonias
 proderet: ut non modo gererentur, verum etiam
 indicerentur ritu aliquo, ius quo res repetuntur
 àb Æquicolis antiqua gente descripsit. Legatus v-
 bi ad fines eorum venit, unde res repetuntur, ca-
 pite velato (filum lanæ velamen est) Audi Iupiter,
 inquit, audite fines (cuiuscunque gentis sunt, nomi-
 nat) audiat fas: Ego sum publicus nuntius populi
 Romani, iuste pieque legatus venio, verbisque meis
 fides sit. Peragit deinde postulata: inde Iouem te-
 stem facit: si ego iniuste impieque illos homines, il-
 lasque res dedier nuntio populi Romani mihi expo-
 sco, tum patriæ compotem me nunquam finas es-
 se. Hæc cum fines supra scandit, hæc quicunque ei

primus vir obuius fuerit, hæc portam ingredienti,
 hæc forum ingressus & quæ sequuntur, nolo omnia
 legenda te remorari. F. CARMINIS SEV CAN-
 TVS NVPTIALIS quæ formula fuerit dicam: nam
 aliæ mihi de litera B. non occurrunt hodie. Apud
 Romanos quidem ingeminabāt *Talassio, Talassio*:
 sed postea imitati Græcos, Hymenæum (quem
 deum nubentium præsidem credebant) lætissimis
 vocibus, iterarunt. Huius moris exempla petemus
 ex Aristoph. in Auibus. ὕμνον ὦ ὕμνον ὦ ὕμνον. Theo-
 crit. Epitaph. Adon. & nuptiis Helenæ. Lucretius
 lib. 1.

*non sit sollemni more sacrorum
 Perfecto posset claro comitari Hymenæo.*

Catull.

Hymen, ô hymenæe, hymen, ades ô hymenæe

Item.

O. Hymen, hymenæe, hymen, hymen, ô hymenæe.

Terentio Adelph. Verum hoc mihi moræ est, tibi-
 cina, & hymenæum qui carent. Plaut. Cas.

*Age tibi cen, dum illam educunt huc nonam nuptiâ foras,
 Suavi cantu concelebra omnem hanc plateam hymenæo.
 Io hymen hymenæe, iô hymen.*

CAUTIONIS DE DOLO MALO. Vtine propter te fidem
 tuam captus, fraudatusve sim. CESSIONIS IN IURE.
 In iure cessio fit hoc modo. Apud magistratū po-
 puli Romani, vel apud Prætorem, vel apud Præsi-
 dem provinciæ, is cui res in iure ceditur, rem te-
 nens ita vindicat. *Hunc ego hominem ex iure Qui-
 ritium meum esse aio.* Deinde posteaquam hic vin-
 dicauerit: Prætor interrogat eū qui cedit, an con-
 trā vindicet: quo negante aut tacente, tunc ei qui
 vindi-

vindicauerit eū addicit, idq; legis actio vocabatur.

COMMEATVS. *Si quis vestrum suos inuifere vult, comneatum do: primo vere adfistis edico.* Hæc formula reperitur apud Liuiū lib. 30. Et est comneatus tēpus illud, quo miles ire & redire potest, quod spatium excedens, emānsoris, aut desertoris loco habebatur. Hæc potestas nisi iustissimis de causis non dabatur: expeditionis tempore, hostibus imminuentibus nunquam: nec vnquam amplius 30. diebus. Dabatur porro à Tribunis cohortium, aut à Præpositis militū, aut vicariis vel domesticis eorum, vel à Principe. Nazianzenus *ἡ ἐπιταγή τοῦ ἀφ' ἐστῶτος* vocat, literas dimissorias. Præterea Bud. in Forens. sic prouocatus, inquit, ob desertam prouocationis executionem, è citatis & prouocatis eximitur, & vadimonio soluitur. Quod comneatū dare dicitur. Hinc comneatum petere, dare, accipere, impetrare. Cōmeatales milites, qui vnā comneatum accipiunt, vel qui in stipendij partē accipiunt alimenta ex comneatu, id est, ex alimento publico. CONLUCANDI LUCI. P. Prius quam formulam recites, verbum conlucare declara. F. Sic agam. Ab eodem fonte cadūt tria priscorum verba, & rustica, collucare, sublucare, interlucare. Collucare, est succisis arboribus locum luce implere, seu ramos lumini officientes decidere. Sublucare est ramos earum supputare, & veluti subtus lucem immittere. Interlucare est in arboribus frugiferis per interualla deputare ramos in densitate ramorum, qui sunt superuacui: vnde interlucatio, cui in vitibus similis pampinatio. Luci sacri

erant incædui, dicati Syluano. Voluit Cato cap.
139. de re rust. modum docere, quo rectè atq; extra
piaculum cædi possent, cuius verba hæc sunt. Lu-
cum conlucare Romano more sic oportet. Porco
piaculo facito. Sic verba concipito. *Si deus, si dea es
quo in m illud sacrum est, uti tibi ius fiet porco piaculo
facere, illiusce sacri coërcendi ergo. Harumce rerum
ergo, siue ego, siue quis in ssu meo fecerit, uti id rectè
factum fiet. Eius rei ergo, te hoc porco piaculo immo-
lando, bonas preces precor, uti sis volens propitius mi-
hi, domo, familiaq; mea, liberisq; meis. Harumce re-
rum ergo maëti hoc porco piaculo immolando esto.*

CONTESTANDÆ LITIS. Contestari litem di-
cuntur duo, aut plures aduersarij, quod ordinato
iudicio vtraq; pars dicere solet, *Testes estote.* Ita Fe-
stus. Contestatio autè litis, est eius rei, de qua con-
trouersia est, apud iudicem ex vtraque parte facta
narratio testibus præsentibus. Hoc genere res in
iudicium deducitur, & litis nomen accipit: nec e-
nim lis est, antequam contestetur, sed controuer-
sia. CRETIONIS IN HÆREDITATIBVS. Cre-
tio, vt definiuit Vlpianus, est certorū dierum spa-
tium, quod datur instituto hæredi ad deliberan-
dum, vtrum expediat ei hæreditatē adire nec ne:
velut. *Titius hæres esto, cernitoq; in diebus centū pro-
ximis, quibus scierit poteritq;: nisi ita creuerit, ex hæ-
res esto.* Cernere, est verba cretionis dicere, ad hunc
modum. Cum me Mæuius hæredem instituerit,
eam hæreditatem adeo, cernoq;. P. Tangit hanc
formulam cretionis priorem Crassus apud Cice-
ronem

ronem 1. de Orat. pro conditionibus enim legendū est, cretionibus, & ita legunt viri quidam eruditissimi. Locus hic est. Tum Cotta. Quoniam id, quod difficillimum nobis videbatur, vt omnino de his rebus Crasse loquerere, affecuti sumus: de reliquo iam nostra culpa fuerit, si te, nisi omnia, quæ per cunctati erimus, explicaris, dimiserimus. De his, credo, rebus, inquit Crassus, vt in cretionibus scribi solet, *quibus sciam, poteroq.* F. Nunc dedicationis cuiusdam, & deditiois formulas proferam. DEDICATIONIS. Cœninenſium rege obtruncato spoliatoque, Romulus ea spolia fabricato ad id apte ferculo gerens in Capitolium ascendit: ibiq; ea cum ad quercum pastoribus sacram deposuisset, simul cum dono designauit templo Iouis fines, cognomēque addidit deo. *Iupiter Feretri, inquit, hæc tibi victor Romulus rex regia arma fero, templumq; iis regionibus, quas modo animo metatus sum, dedico: sedem optimis spoliis, quæ regibus ducibusq; hostium casis me auctorem sequentes posteri ferent.* Liuius lib. 1. DEDITIONIS A PATRE PATRATO. *Quandoquidem hīc homines iniussu populi Rom. Quiritium fœdus ictum iri spoponderunt, atq; ob eam rem noxam nocuerunt: ob eam rem, quò populus Romanus scelere impio sit solutus, hosce homines vobis dedo.* Liuius lib. 9. DEDITIONIS. Rex interrogauit: *Estisne vos legati oratoresq; missi à populo Collatino, vt vos populūque Collatinum dederetis? sumus. Estne populus Collatinus in sua potestate? Est.*

Deditisne vos populum Collatinum, urbem, agros, aquam, terminos, delubra, utensilia, diuina humanaque omnia in meam populiq; Romani ditionem? Dedimus. At ego recipio. Liuius lib. 1. P. Hoc loci in mentem venit de signis deditiois, quæ apud alias gentes alia fuisse certum est. F. Et in eandem rem mihi quædam subeunt animum. Tu priore dicit. P. Galli & Hispani brachia manusq; exarmatas, seu inermes tendebant. Qualis mos etiam seruatur apud Virgil. lib. 11. Vbi ita est. Oremus pacem, & dexteras tendamus inermes. Romani clypeis capita subiiciebant, armaq; tradebant. In acie Pharsalica victi Pompeiani, passis palmis proiecti ad terram flentes salutem à Cæsare victore petierunt. Proiectis armis more militari salutatio- nem facere aliquando re desperata militibus saluti fuit. Græci iunctis ac velatis manibus, aut cum infulis & velamentis supplicabant. F. De velatis manibus quod ais, monet me deditiois Teleboarum, de qua sic in Amphit. Plaut.

Postridie in castra ex urbe ad nos veniunt flentes principes:

Velatis manibus orant, ignoscamus peccatum suum,

Deduntq; se, diuina humanaque omnia, urbem & liberos

In ditionem atq; in arbitratum cuncti Thebano populo.

P. Quomodo explicas illud, velatis manibus? F. manibus oliuæ ramos ferentes. Virgil. lib. 11. Velati ramis oleæ veniámque rogantes. Vbi Seruius, non coronati, inquit, ramis oleæ (nec enim lugentes decebat)

decebat) sed instructi atq; ornati. Item lib. 7. Centum oratores augusta ad mœnia regis, Ire iubet ramis Velatos Palladis omnes. Indi cum pateris, vina libantes procedebant. Dexteris exertis, sublatisque manibus incedere Græcis & Persis signum pacis ac deditiois erat. Barbaris quibusdam sollemne fuit capitibus corollas gestare. Ægyptij veste supplici sumpta, prælatisque sacris omnibus pacem precabantur. Galli etiam magistratus cum pueris & fæminis mittebant hosti obuiam. Apud Persas item terram & aquam offerre deditiois argumentum erat. Redeamus ad formulas recolendas. DEFERENDI NOMINIS cum in ius ventū esset, dicebat apud Prætorem accusator reo, *Nō te Siculos spoliasse*. Si tacuisset, lis ei æstimabatur, ut victo: si negabatur, petebatur à magistratu dies inquirendorum eius criminum, & instituebatur accusatio. Deuotionem urbium & exercituum ex Macrobij libro tertio, capite nono, recitarem, si probè tenerem: est enim longior. DEVOTIONIS DECII verba ex Liuij 8. tibi legam. Da librum. *Iane, Iupiter, Mars pater, Quirine, Bellona, Lares, diui Nouensiles, dij indigetes, diui, quorum est potestas nostrorum, hostiumque, diuinque Manes, vos precor, veneror, veniam peto, seroque, uti populo Rom. Quiritium vim victoriàmque prosperetis: hostesque populi Romani Quiritium terrore, formidine, mortèque affliccatis. Sicut verbis nuncupari, ita pro Repub. Quiritium, exercitu, legionibus, auxiliis populi Rom.*

Quiritium, legiones, auxiliâque hostium mecum diis manibus, Tellurîq; deuoueo. Prætiū fuerit, quip-
 piam de hac deuotione in medium afferre. Bello
 latino P. Decius & Manlius Torquatus Consules,
 dum castra ad Capuam habent, vocem noctu ex-
 cipiunt incertam, ex altera acie Imperatorem, ex
 altera exercitum diis manibus, Terræq; matri de-
 beri: addici autem victoriam illi parti populôque,
 cuius exercitus Imperator legiones hostium, su-
 pèrque eas se quoque deuouisset. Conuenit inter
 Coss. vt vtrius cornu in acie, primùm laboraret, is
 sese diis manibus deuoueret. Prælio cômisso Decij
 cornu fluctuabat, qui sese hostesque Latinos de-
 uouit, M. Valerio Pontifice verba sollemnia præ-
 eunte. Post annos 45. filius more patris bello Etru-
 sco idem fecit, de quo Liuius in 10. Florus lib. 1.
 cap. 14. & 17. P. Idem bello aduersus Pyrrhum De-
 cius nepos præstitit. Testem laudare licet Cicero-
 nem cum in 1. Tuscul. vbi hæc sunt: Non cum La-
 tinis decertans pater Decius, cum Etruscis filius,
 etiam cum Pyrrho nepos, se hostium telis obieci-
 sent: tum in 2. de finib. Non esset Decium patrem
 imitatus quarto consulatu filius, neq; porro ex eo
 natus cum Pyrrho bellum gerens, consul cecidisset
 in prælio: seseque è continenti tertiam victi-
 mam Reipub. præbuisset. Iam Trib. pl. concio-
 nem hoc sermone dimittebat. *Si vobis videtur,*
discedite Quirites. Populus à funere dismitteba-
 tur verbo *Illicet*, id est, ire licet. Pronuntiabatur
 autem à prætica feralibus officiis persolutis, post
 lamenta & conclamationes scilicet. Sacris item
 finitis

finitis clamabat sacerdos ILICET, significans, se,
 qui presentes affuissent, missos facere. Alioqui vox
 hæc sæpe vsurpatur re aliqua perfecta & transacta.
 Plaut. Cistell. Ilicet: actum est. Terent. Eunuch. A-
 ctum est, ilicet. Phorm. Hoc nihil est Phædria: ili-
 cet. Quid cōterimus operam frustra? quin abeam?
 Vbi Donatus. Semper, ilicet, finem rei significat.
 Iudicium eodem verbo per præconem dimitte-
 batur. Cum vtraq; pars dixisset, Prætor seu præco
 pronuntiabat, DIXERVNT, vt iretur in consi-
 lium. Dimittendis manibus, cum nimirum ab ex-
 sequiis recederent, vsurpabant: *Vale & salve, nos te
 quo natura permiserit ordine cuncti sequemur.*
 De dimissionibus hætenus. DIVORTII. Tuas
 res tibi habeto. Tuas res tibi agito. EVOCATIO
 DEORVM his verbis peragebatur, quæ retulit
 Macrobius lib. 3. cap. 9. *Si deus, si dea es, cui populus ci-
 vitasq; Carthaginensis est in tutela, teq; maxime ille,
 qui urbis huius, populiq; tutelam recepisti, precor, ve-
 nerorq; veniamq; à vobis peto, ut vos populumq; ci-
 vilitatemq; Carthaginensiam deseratis: loca, templa,
 sacra, urbemq; eorum relinquatis, absq; his abeatis:
 eiq; populo, civitatiq; metum, formidinē, obliuionem
 iniiciatis: proditiq; ad me Romam veniatis: nostraq;
 vobis loca, templa, sacra, urbs acceptior, probatiór-
 que sit, mihi quoque, populoque Rom. militib;que
 meis prapositi sitis, ut sciamus intelligam;que.*
Si ita feceritis, voneo vobis templa ludosq; facturum.
 FIDE IVBENDI. *Centum quæ mihi Caius debet.*

antea nunquam factum, per tribunos militum, a voluntario sacramento ad legitimum iusiurandum milites adacti fuere. Quod quidem Imperator præstare tenebatur primus, suo mox ordine subsequerentur Legati, deinde Tribuni, deinde Cæturiones, postea Decuriones, mox Præfecti castrorum, demum milites: quod singulis annis Kalendis Ianuariis denuo præstabatur. Iurabant enim per deos sollemne iusiurandum: postea in acta principum, se iussu Consulum conuenturos, neque e castris eorum iniussu, quæsitis occasionibus abituros, non fugæ formidinisne causa extra ordinem recessuros, nisi teli sumendi, vel hostis feriendi, aut ciuis seruandi causa. Neque in exercitu propèue decem passuum millia, pluris argentei nummi furtum facturos: extraque hastam, ligna, pabulum, vitem, follem, si quid quod pluris esset, nacti fuissent, id omne ad Consules delaturos, aut dominis reddituros. IOVEM LAPIDEM IURARE dicuntur, qui sanctè & religiosè deierant. Dictum à ritu fœderis feriendi, in quo Pater patratus, ut ante dictum est ex Liviò, lapidem tenebat, quo porcum feriebat. Plura Paræmiographus. Ad L. literam accessimus, quam tibi cum tribus sequentibus relinquam: nec te in cursu retardabo interpellatione aliqua. P. LEGIS FERENDÆ. *Velitis inbeatis Quiritis, &c. Lex P. R. Cōs. Imp. Trib. miles, Commilito armate, quisquis es, manipulariue Centurio, turmaue Legionarie hic sistito, vexillum finito, arma deponito, nec citra hunc amnem Rubiconem signa, ductum exercitum, commeatumque*
tradu-

traducito. Siquis huiusce inſionis ergò aduerſus præcepta ierit feceritue, adiudicatus eſto hoſtis P. R. ac ſi contra patriam arma tulerit, penatesq; e ſacris penetrabilibus aſportauerit. S. P. Q. R. LITTERARVM INITIVM, quas incolumi exercitu Imp. ad ſenatum mittebant. Si vos liberiq; veſtri bene valetis, bene eſt: ego & exercitus valemus. Cicer. ſape in epiſt. LVSTRANDI AGRİ apud Catonem cap. 141. hanc inuenio formulam. Mars pater te precor, quaſq; uti ſies volens propitius mihi, domo, familiaq; noſtra: quo ius rei ergò agrum, terram, fundumq; meum ſuone taurilia circumagi iuſſi, ut tu morbos viſos, inuiſosq; viduertatem, vaſtitudinēque, calamitates, intemperiasq; prohibeſſis, defendas, auerruncesq; utiq; tu fruges, frumenta, vineta, virgultaq; grandire, beneq; enenire ſiris, paſtores pecuāque ſalua ſeruāſſis, dñisq; bonam ſalutem, valetudinemq; mihi, domo, familiaq; noſtra, & qua ſequuntur. MANVM ISSIONIS. Manumitti ſeruus dicebatur, docente Feſto, cum dñus aut caput eius ſerui, aut aliud membrum tenens dicebat. Hunc hominem liberum eſſe volo, & emittebat eum è manu. Manumiſſi autem mox manumiſſori dicebāt: ſalue patrone. MISSIONIS. IGNO MINIOSAE, C. Auiene, quòd in Italia milites pop. Rom. contra Rempub. inſtigavi, rapinasq; per municipia feciſti, quodq; mihi Reiꝰ publicæ inutilis fuiſti, & pro militibus tuam familiam iumentaꝰ in naues impoſuiſti, tuaq;

tuaq₃ opera militibusq₃ tempore necessario Respub.
 caret, ob eas res ignominia causa ab exercitu meo te
 remoueo: hodiéque ex Africa abesse, & quantum
 potes, proficisci iubeo. Itemque te A. Fonteius, quod
 Tribunus militum seditiosus, malusq₃ ciuis fuisti, ab
 exercitu dimitto. T. Alliene, M. Tiro, C. Clusiane,
 cum ordines in meo exercitu, beneficio non virtu-
 te consecuti, ita vos gesseritis, ut neq₃ bello fortes, ne-
 que pace boni, aut utiles fueritis, & magis in seditione,
 concitandisq₃ militibus, aduersariorum nostro-
 rum Imperatoris, quam pudoris modestiaq₃ fueritis
 studiosiores, indignos vos esse arbitror, qui in meo ex-
 exercitu ordines ducatis, missosq₃ facio, & quantum
 potestis abesse ex Africa iubeo. MULTAE MINIMA-
 MAE. Quid suprema, quid minima multa sit, at-
 que adeo de hac ipsa voce legendus Gellius lib. 11.
 cap. 1. In quo multae minimae verba hunc in mo-
 dum concepta sunt. M. Terentio, quando cita-
 tus neque respondit, neque excusatus est, ego ei unam
 onem multam dico. NEXVS FACIENDI. Man-
 cipatio est imaginaria quaedam venditio, quae sic
 fiebat. Adhibitis non minus quinque testibus pu-
 beribus ciuibus Rom. & praeterea alio eiusdem
 conditionis, qui libram aeneam tenebat, qui ap-
 pellabatur Libripens, is qui mancipium accipit,
 & tenens ita dicit: *Hunc ego hominem ex iure*
Quiritium meum esse aio, isq₃ mihi emptus est hoc
aere, aeneaque libra. Deinde aere percutit libram
 idq₃ aere dat ei, à quo mancipium accipit, quasi pretij
 loco

loco. Boët. in Top. Cic. ORACVLI DELPHICI. Tum, si faxitis Romani, vestra res meliora, feliciora q̄ erunt, magis ex sententia Respub. vestra vobis procedet: victoria q̄, duelli pop. Romani erit. Pythio Apollini Repub. vestra bene gesta seruata q̄, lucris meritis donum mittitote: de q̄, prada, manubiis spoliis q̄, honore habetote. Superaddam aliquas preces, ut ita qui reliquus est, tibi laborem tuum minuam. F. Libens merito id patiar: ac si vis, tota partem meam tibi permittam. P. Non decet me esse tam immodestum. PRECATIO P. SCIPIONIS. hanc tibi de Liuiio recitabo: posita est autem lib. 29. Diui Diua q̄, qui maria terrasque colitis, vos precor quaeso q̄, qua in meo imperio gesta sunt, geruntur, postque geretur, ea mihi, populo, plebi q̄, Romana, sociis, nominique Latino, qui populi Romani, qui q̄, meam sectam, imperium, auspiciu q̄, terra, mari, omnibus q̄, sequuntur, bene vertat: ea q̄, vos omnia bene inuenitis: bonis auctoribus auxitis: saluos, incolumes q̄, victis perduellibus victores spoliis decoratos, triumphantes q̄, mecum domos reduces sistatis: inimicorum hostiu q̄, ulciscendorum copia faxitis: qua q̄, populus Carthaginensis in ciuitatem nostram, facere molitus est, ea ut mihi populo q̄, Romano in ciuitate Carthaginensem exempla edendi facultatem detis. Herfilia vxor Romuli, cum apud T. Tatiu verba faceret, referente Gellio lib. 13. cap. 21. pacem q̄ oraret, ita precata est. Neria Martis, te obsecro pacem dare, ut liceat nuptiis propriis & prosperis uti, quod de tui coniugis consilio contigit, uti

nos itidem integras raperent, unde liberos sibi, & suis
 posteris patria pararent. In renuntiando Consule
 sic precari mos erat. *Quod bonum, faustum, felix,*
fortunatumq; sit, mihi, magistratuiq; meo, populo,
plebique Romanae, L. Licinium, Cos. renuntio.
 Cic. pro Muræna. Age Frontine, & recensitis reli-
 quis formularum generibus, huic colloquio fi-
 nem impone. F. **PRAECONIS VERBA** in sacri-
 ficiis hæc fuisse reperio: *Hoc age. Fauete linguis.*
POSTHUMI NEPOTES, sic hæredes instituebantur.
Filius meus hæres esto. Si filius meus me viuo moria-
tur, tunc si quis mihi ex eo nepos, sine qua neptis post
mortem meam in decem mensibus proximis, quibus
filius meus moreretur, natus nata erit, hæredes sunt.
INTERREGIS DE REGE CREANDO.
Quod bonum, faustum, felixq; sit, Quirites, Regem
create. Ita Patribus visum est: Patres deinde, si di-
gnum, qui secundus ab Romulo numeretur, crearitis,
auctores fient. Liuius lib. 1. **REGIS INAVGV-
 RANDI**, eodem lib. *Iupiter pater, si est fas, hunc Nu-*
mam Pompilium, cuius ego caput teneo, regem Ro-
mae esse, ut tua signa nobis certa ac clara sint inter eos
finis, quos feci. **RELEGANDI.** *Illum provincia il-*
la, insulisq; eis relego: recederéque debet intra illum
diem. **SENTENTIAE IN DAMNATVM** perdu-
 ellionis. *Ilictor colliga manus, caput obnubito, in fe-*
lici arbori suspendito. Liuius lib. 1. Gell. lib. 12. cap. 3.
SENTENTIAE IN DAMNATOS. *Ilictor, adde*
virgas,

virgas, & in eum lege agito SENTENTIAE PER
TABELLAM FERENDAE. In causis maioribus
 iudices in cistam tabellas coniciebant suas, hasce
 literas insculptas habentes. A. absolutionis. C.
 condemnationis: cum de alicuius capite agebatur.
 N. L. non liquet, ampliatiōis. STIPULANDI.
Spondes? spondeo. Promittis? promitto. Fide iubes?
fide iubeo. Dabis? dabo. Facies? faciam. TESTA-
 MENTI NVNCVPATI. Tabulas testamenti te-
 stator tenens ita dicit. *Hæc uti in his tabulis cerisue*
scripta sunt, ita do, ita testor. Itaq; vos Quirites testi-
monium præbetote. TESTIMONII DICENDI.
 Maiorum hæc fuit diligentia, Voluerunt, ut qui
 testimonium diceret, ARBITRARI se diceret,
 etiam quod ipse vidisset Cic. Academ. 2. Idem pro
 Fonteio. Primum illud verbum consideratissi-
 mum nostræ consuetudinis, ARBITROR, quo nos
 etiam tunc utimur, cum ea dicimus iurati, quæ
 comperta habemus, quæ ipsi vidimus, ex toto te-
 stimonio sustulit. TRANSFVGAM recipiebat Im-
 perator his verbis. *Quisquis es, noster eris.* Quam
 formulam tetigit Virgilius 2. Æneid. qui teste Ser-
 uio variam scientiam suo inferit carmini. *Quis-*
quis es, amissos hinc iam obliuiscere Graios, No-
STER ERIS. Verba sunt Priami, Sinoni salutem &
 libertatem spondentis. VOTI CONCIPENDI.
Tuo ductu Pythice Apollo, tuoque nomine instinctus
pergo ad delendam urbem Veios, tibiq; hinc decimam
partem prada voueo, Te simul Iuno Regina, qua nunc
Veios colis, precor, ut nos victores in nostram tuamq;

mox futuram urbem sequare: ubi te dignum amplitudine tua templum accipias. Liuius lib. 5. Plura nolum, ne si incidant quidem: sunt enim quas vterque omisimus vel plurium verborum vel obscuriores, & potius principia formularum, quam ipsæ formulæ. Nec idcirco auctores qui dimidiatas retulerunt debemus reprehendere: de rebus enim notissimis loquebantur, quas etiam nos vno verbo indicare consueuimus. P. Habet veritatem hæc oratio. Itaque ambo à sermone quiescamus.

ANNOTATIONES.

Ante omnia monitum volumus lectorem, nos complures formulas alibi, ut occasiones inciderunt, allatas, hoc progymnasmate prateriisse, ut coemptionis in matrimonio, exercitus euocandi, iubenda vel antiquanda legis, precationis triumphantium, prefationis in rebus agendis, repudij, nonnullarum in senatusconsultis, senatus dimittendi, Vestalis à Pontifice legenda, et alias quasdam. Quod autem huic dialogo inscriptionem dedimus eclogas, rationem audi. Sic nominabant Græci disputationes, aut sermones, aut etiam quosdam locos breues, insignes, eximios, & electos. Quid verò his sermonibus breuius, insignius, magis eximium & electum? Horatij sermones in quibusdam manuscriptis eclogas appellatos aiunt. Ansonius suas odas hoc nomine affecit. CICERONI CANTORES FORMVLARVM) Verba Antonij ad

nij ad Crassum 1. de Orat. sunt. Oratorem negas, nisi illam scientiam assumpserit (iuris civilis) esse posse. Ita & tibi iurisconsultus ipse per se nihil, nisi leguleius quidam, cautus & acutus, praco actionum cantor (sive, ut vetus quidam liber) cantor formularum, anteceps syllabarum. ABDICATIONIS) Exheredare pater filium dicitur, qui tantum summonet ab hereditate. Abdicare, qui priuat omni iure filij. Quare qui abdicatus est, idem est exheredatus: non contra. Abdicatio verò adoptioni opponitur. Dicitur autem se quis magistratu abdicare, honore, &c. Plin. lib. 5. cap. 17. Gens sola, in toto orbe præter ceteras mira: sine vlla fœmina, omni venere abdicata, id est, repudiata, cõtempta, Terent. And. Ex Glycerio natũ ut vidit puerulum Chremes, recusat nuptias, generũ abdicat. EMPTVM NISI QVIS MELIOREM) Hinc urbanitas illa apud Plaut. Capt. Cũ enim cuperet parasitus esuriens se à sene Hegione ad cœnam vocari, interrogariq, num se affuturum promitteret, ut responderet, promitto, et ita stipulatio nasceretur, senex emptionem quasi pro stipulatione, aliò sermonem conuertens, induxit, & se emptorem, parasitum venditorem fecit. Versiculos apponimus.

P. Age sis roga. H. emptum, nisi quis meliorem afferet.

P. Qua mihi atq, amicis placeat conditio magis?

Quasi fundum vendens meis me addicam legibus.

H. Profundum vendis tu quidem, haud fundum mihi.

Profundum, id est, voraginem quandam vocat ventrem parafiti inexplebilem. ANNULI AVREI) So-

erant in cædui, dicati Sylluano. Voluit Cato cap. 139. de re rust. modum docere, quo rectè atq; extra piaculum cædi possent, cuius verba hæc sunt. Lucum conlucare Romano more sic oportet. Porco piaculo facito. Sic verba concipito. *Si dem, si dea es quoinm illud sacrum est, uti tibi ius fiet porco piaculo facere, illiusce sacri coërcendi ergô. Harumce rerum ergô, siue ego, siue quis iussu meo fecerit, uti id rectè factum fiet. Eius rei ergô, te hoc porco piaculo immolando, bonas preces precor, uti sis volens propitius mihi, domo, familiaq; mea, liberisq; meis. Harumce rerum ergô macti hoc porco piaculo immolando esto.*

CONTESTANDÆ LITIS. Contestari litem dicuntur duo, aut plures aduersarij, quòd ordinato iudicio vtraq; pars dicere solet, *Testes estote.* Ita Festus. Contestatio autè litis, est eius rei, de qua controuersia est, apud iudicem ex vtraque parte facta narratio testibus præsentibus. Hoc genere res in iudicium deducitur, & litis nomen accipit: nec enim lis est, antequam contestetur, sed controuersia.

CRETIONIS IN HÆREDITATIBVS. Cretio, vt definiuit Vlpianus, est certorū dierum spatium, quod datur instituto hæredi ad deliberandum, vtrum expediat ei hæreditatē adire nec ne: velut. *Titius hæres esto, cernitoq; in diebus centū proximis, quibus scierit poteritq;: nisi ita creuerit, ex hæres esto.* Cernere, est verba cretionis dicere, ad hunc modum. Cum me Mæuius hæredem instituerit, eam hæreditatem adeo, cernoq;. P. Tangit hanc formulam cretionis priorem Crassus apud Ciceronem

ronem 1. de Orat. pro conditionibus enim legendū est, cretionibus, & ita legunt viri quidam eruditissimi. Locus hic est. Tum Cotta. Quoniam id, quod difficillimum nobis videbatur, ut omnino de his rebus Crasse loquerere, assēcuti sumus: de reliquo iam nostra culpa fuerit, si te, nisi omnia, quæ percunctati erimus, explicaris, dimiserimus. De his, credo, rebus, inquit Crassus, ut in cretionibus scribi solet, *quibus sciam, poteroq̃*. F. Nunc dedicationis cuiusdam, & deditiois formulas proferam. DEDICATIONIS. Cœninentium rege obtruncato spoliatoque, Romulus ea spolia fabricato ad id aptè ferculo gerens in Capitolium ascendit: ibiq̃ ea cum ad quercum pastoribus sacram deposuisset, simul cum dono designauit templo Iouis fines, cognomēque addidit deo. *Iupiter Feretri, inquit, hæc tibi victor Romulus rex regia arma fero, templumq̃ iis regionibus, quas modo animo metatus sum, dedico: sedem opimis spoliis, quæ regibus ducibusq̃ hostium casis me auctorem sequentes posterī ferent.* Liuius lib. 1. DEDITIONIS A PATRE PATRATO. *Quandoquidem hīc homines iniussu populi Rom. Quiritium fœdus iētum iri sponderunt, atq̃ ob eam rem noxam nocuerunt: ob eam rem, quò populus Romanus scelere impio sit solutus, hosce homines vobis dedo.* Liuius lib. 9. DEDITIONIS. Rex interrogauit: *Estisne vos legati oratoresq̃ missi à populo Collatino, ut vos populumque Collatinum dederetis? sumus. Estne populus Collatinus in sua potestate? Est.*

Deditisne vos populum Collatinum, urbem, agros, aquam, terminos, delubra, utensilia, diuina humanaque omnia in meam populiq; Romani ditionem? Dedimus. At ego recipio. Liuius lib. 1. P. Hoc loci in mentem venit de signis deditio- nis, quæ apud alias gentes alia fuisse certum est. F. Et in eandem rem mihi quædam subeunt animum. Tu prior edicito. P. Galli & Hispani brachia manusq; exarmatas, seu inermes tendebant. Qualis mos etiam seruatur apud Virgil. lib. 11. Vbi ita est. Oremus pacem, & dexteras tendamus inermes. Romani clypeis capita subiiciebant, armatq; tradebant. In acie Pharsalica victi Pompeiani, passis palmis proiecti ad terram flentes salutem à Cæsare victore petiuerunt. Proiectis armis more militari salutatio- nem facere aliquando re desperata militibus saluti fuit. Græci iunctis ac velatis manibus, aut cum infulis & velamentis supplicabant. F. De velatis manibus quod ais, monet me deditio- nis Teleboarum, de qua sic in Amphit. Plaut.

Postridie in castra ex Urbe ad nos veniunt flentes principes:

Velatis manibus orant, ignoscamus peccatum suum,

Deduntq; se, diuina humanaque omnia, Urbem & liberos

In ditionem atq; in arbitratum cuncti Thebano populo.

P. Quomodo explicas illud, velatis manibus? F. manibus oliuæ ramos ferentes. Virgil. lib. 11. Velati ramis oleæ veniámque rogantes. Vbi Seruius, non coronati, inquit, ramis oleæ (nec enim lugentes decebat)

decebat) sed instructi atq; ornati. Item lib. 7. Centum oratores augusta ad mœnia regis, Ire iubet ramis Velatos Palladis omnes. Indi cum pateris, vina libantes procedebant. Dexteris exertis, sublatisque manibus incedere Græcis & Persis signum pacis ac deditiois erat. Barbaris quibusdam sollemne fuit capitibus corollas gestare. Ægyptij veste supplici sumpta, prælatisque sacris omnibus pacem precabantur. Galli etiã magistratus cum pueris & fæminis mittebant hosti obuiam. Apud Persas item terram & aquam offerre deditiois argumentum erat. Redeamus ad formulas recolendas. DEFERENDI NOMINIS cum in ius ventũ esset, dicebat apud Prætorem accusator reo, *Mi te Siculos spoliassè.* Si tacuisset, lis ei æstimabatur, vt victo: si negabatur, petebatur à magistratu dies inquirendorum eius criminum, & instituebatur accusatio. Deuotionem vrbiũ & exercituum ex Macrobij libro tertio, capite nono, recitarem, si probè tenerem: est enim longior. DEVOTIONIS DECII verba ex Liuij 8. tibi legam. Da librum. *Iane, Iupiter, Mars pater, Quirine, Bellona, Lares, diui Nouensiles, di indigetes, diui, quorum est potestas nostrorum, hostiũque, diuque Manes, vos precor, veneror, veniam peto, feròque, uti populo Rom. Quiritium vim victoriãque prosperetis: hostesque populi Romani Quiritium terrore, formidine, mortẽque afficiatis. Sicut verbis nuncupari, ita pro Repub. Quiritium, exercitu, legionibus, auxiliis populi Rom.*

Quiritium, legiones, auxiliaque hostium mecum diis manibus, Tellurique deuoueo. Præitium fuerit, quippiam de hac deuotione in medium afferre. Bello latino P. Decius & Manlius Torquatus Consules, dum castra ad Capuam habent, vocem noctu excipiunt incertam, ex altera acie Imperatorem, ex altera exercitum diis manibus, Terræque matri deberi: addici autem victoriam illi parti populoque, cuius exercitus Imperator legiones hostium, superque eas se quoque deuouisset. Conuenit inter Coss. ut utrius cornu in acie, primum laboraret, is sese diis manibus deuoueret. Prælio commisso Decij cornu fluctuabat, qui sese hostesque Latinos deuouit, M. Valerio Pontifice verba sollemnia præeunte. Post annos 45. filius more patris bello Etrusco idem fecit, de quo Liuius in 10. Florus lib. 1. cap. 14. & 17. P. Idem bello aduersus Pyrrhum Decius nepos præstitit. Testem laudare licet Cicero-
nem cum in 1. Tuscul. ubi hæc sunt: Non cum Latinis decertans pater Decius, cum Etruscis filius, etiam cum Pyrrho nepos, se hostium telis obiecissent: tum in 2. de finib. Non esset Decium patrem imitatus quarto consulatu filius, neque porro ex eo natus cum Pyrrho bellum gerens, consul cecidisset in prælio: seseque è continenti tertiam victimam Reipub. præbuisset. Iam Trib. pl. concionem hoc sermone dimittebat. *Si vobis videtur, discedite Quirites.* Populus à funere dimittebatur verbo *Illicet*, id est, ire licet. Pronuntiabatur autem à præfica feralibus officiis persolutis, post lamenta & conclamationes scilicet. Sacris item
finitis

finitis clamabat sacerdos ILICET, significans, se, qui presentes affuissent, missos facere. Alioqui vox hæc sæpe vsurpatur re aliqua perfecta & transacta. Plaut. Cistell. Ilicet: actum est. Terent. Eunuch. Actum est, ilicet. Phorm. Hoc nihil est Phædria: ilicet. Quid cōterimus operam frustra? quin abeam? Vbi Donatus. Semper, ilicet, finem rei significat. Iudicium eodem verbo per præconem dimittebatur. Cum vtraq; pars dixisset, Prætor seu præco pronuntiabat, DIXERVNT, vt iretur in consilium. Dimittendis manibus, cum nimirum ab exsequiis recederent, vsurpabant: *Vale & salve, nos te quo natura permiserit ordine cuncti sequemur.* De dimissionibus hætenus. DIVORTII. Tuas res tibi habeto. Tuas res tibi agito. EVOCATIO DEORVM his verbis peragebatur, quæ retulit Macrobius lib. 3. cap. 9. *Si deus, si dea es, cui populus ciuitasq; Carthaginensis est in tutela, teq; maxime ille, qui urbis huius, populiq; tutelam recepisti, precor, venerorq;, veniamq; à vobis peto, ut vos populumq; ciuitatemq; Carthaginensium deseratis: loca, templa, sacra, urbemq; eorum relinquatis, absq; his abeatis: eiq; populo, ciuitatiq; metum, formidinē, obliuionem iniiciatis: proditiq; ad me Roman: veniatis: nostraq; vobis loca, templa, sacra, urbs acceptior, probatiorque sit, mihi quoque, populoque Rom. militib;que meis prapositi sitis, ut sciamus intelligam;que. Si ita feceritis, voueo vobis templa ludosq; fructurum.* FIDE IVBENDI. *Centum quæ mihi Caius debet.*

eadem mihi dare spondes? spondeo. Stichum, aut decem fide tua iubes? iubeo. Quantā pecuniam credidero, fide tua esse iubes? iubeo. Sireus quadraginta non solucrit, fide tua esse iubes? FIDVCIÆ formula hæc est, relata à Cic. in 3. Off. epist. 12. libr. 1. & in Top. Ut inter bonos bene agier oportet. FOEDERIS PERAGENDI legam tibi è Liuij lib. 1. Fecialis regem Tullum ita rogauit. Iubes ne me rex cum patre patrato populi Albani fœdus ferire? Iubente rege. Sagmina, inquit, te rex posco. Rex ait, puram tollito. Fecialis ex acie graminis herbam puram attulit: postea regem ita rogauit. Rex facisne me regium nuntium popul. Rom. Quiritium? vasa comitēsque meos? Rex respondit. Quod sine fraude mea, populiq; Rom. Quiritiū fiat, facio. Dein Fecialis Patrem patrātū facit, qui legibus fœderis recitatis, Audi, inquit, Iupiter, audi pater patrato populi Albani, audi tu populus Albanus: ut illa palam prima postrema ex illis tabulis ceræue recitata sunt sine dolo malo, utiq; ea hîc hodie rectissime intellecta sunt, illis legibus pop. Rom. prior non deficiet. Si prior defecerit publica cōsilio, dolo malo, tum Diespiter pop. Rom. sic ferito, ut ego hunc porcum hodie feriam; tantoq; magis ferito, quāto magis potes pollesq;. Quod ubi dixit, porcum faxyo silice percussit. INTERCESSIONIS TRIBVNITIAE VOX erat. Veto. INTERDICTI, DE BONIS PRODIGI. Quando tu bona paterna anitæque nequitia tua disperdis, liberōsque tuos
ad ege-

ad egestatem perducis, ob eam rem tibi ære commercioque interdicto. INTERROGATIONIS CENSORVM de vxore. Certum est, Censores cum lustrum conderent, vetere apud Romanos instituto cum primis rei vxoriz curam habuisse. Et cum propagatio sobolis ad imperij vel dignitatem, vel æternitatem maximè pertineret, diligèter cauisset, ne quis ciuis Romanus cælebs, & sine vxore esset. Solebant aut Censores aliiq; magistratus iniureiurando exigendo sollemnia hæc verba præmittere.

Ex animi tui sententia. Id est, Responde ad id quod rogabo, ex animi tui sententia, ita vti sentis, nèue me sciens fallas. Ac deinde addebant: *Tu equum habes? Tu vxorem habes?* Hinc locus ille 2. de Orat. in facetiis, vbi Porcius Nasica Censori interroganti de vxore respondens introducitur, malè inter punctus, & obscurus, quomodo interpungendus atq; intelligendus sit cognoscitur. Est autem corruptus etiam apud Gellium lib. 4. cap. 20. IVRIS IVRANDI à P. SCIPIONE CONCEPTI. *Ex mei animi sententia iuro, vt ego Rempub. nō descam, neq; alium ciuem Romanum deserere patiar: si sciens fallo, tum me Iupiter opt. max. domum, familiam, remq; meam pessimo letho afficiat.* F. Mira lectu, valdeque scitu vtilia de vario ac multiplici iureiurando apud diuersas gentes scripsit Alex. Neap. lib. 5. cap. 10. Idem de iureiurando militari sic lib. 1. cap. 20. Sed prius sua spōte decuriati eqtes, centuriati pedites, sacramenta mutuò præstabāt. Paulo deinde Æmylio, & Terentio Varrone Cōsulibus, tunc primū, quod
antea

antea nunquam factum, per tribunos militum, a voluntario sacramento ad legitimum iusiurandum milites adacti fuere. Quod quidem Imperator præstare tenebatur primus, suo mox ordine subsequerentur Legati, deinde Tribuni, deinde Cæturiones, postea Decuriones, mox Præfecti castrorum, demum milites: quod singulis annis Kalèdis Ianuariis denuo præstabatur. Iurabant enim per deos sollemne iusiurandum: postea in acta principum, se iussu Consulum conuenturos, neq; e castris eorum iniussu, quæsitis occasionibus abituros, non fugæ formidinisne causa extra ordinem recessuros, nisi teli sumendi, vel hostis ferendi, aut ciuis seruandi causa. Neq; in exercitu propèue decem passuum millia, pluris argentei nummi furtum facturos: extraq; hastam, ligna, pabulum, vtrem, follem, si quid quod pluris esset, nacti fuissent, id omne ad Consules delaturos, aut dominis reddituros. IOVEM LAPIDEM IVRARE dicuntur, qui sanctè & religiosè deierant. Dictum à ritu fœderis ferendi, in quo Pater patratus, vt ante dictum est ex Liviò, lapidem tenebat, quo porcum feriebat. Plura Parœmiographus. Ad L. literam accessimus, quam tibi cum tribus sequentibus relinquam: nec te in cursu retardabo interpellatione aliqua. P. LEGIS FERENDÆ. *Velitis inbeatis Quiritis, &c. Lex P. R. Cos. Imp. Trib. miles, Commilito armate, quisquis es, manipulariue Centurio, turmæue Legionarie hic sistito, vexillum finito, arma deponito, nec citra hunc amnem Rubiconem signa, ductum exercitum, commeatumq;*
tradu-

traducito. Siquis huiusce iussionis ergo aduersus precepta ierit feceritue, adiudicatus esto hostis P. R. ac si contra patriam arma tulerit, penatesq; è sacris peneralibus asportauerit. S. P. Q. R. LITTERARVM INITIVM, quas incolumi exercitu Imp. ad senatum mittebant. Si vos liberiq; vestri bene valetis, bene est: ego & exercitus valemus. Cicer. saepe in epist. LVSTRANDI AGRİ apud Catonem cap. 141. hanc inuenio formulam. Mars pater te precor, quasq; uti sis volens propitius mihi, domo, familiaq; nostra: quo ius rei ergo agrum, terram, fundumq; meum suone taurilia circumagi iussi, ut tu morbos visos, inuisosq; viduertatem, vastitudinemque, calamitates, intemperiasq; prohibeas, defendas, auerruncesq; utiq; tu fruges, frumenta, vineta, virgultaq; grandire, beneq; enenire sis, pastores pecuaque salua seruassis, dūsq; bonam salutem, valetudinemq; mihi, domo, familiaq; nostra, & qua sequitur. MANVMİSSIONIS. Manumitti seruus dicebatur, docente Festo, cum dominus aut caput eius serui, aut aliud membrum tenens dicebat. Hunc hominem liberum esse volo, & emittebat eum è manu. Manumissi autem mox manumissori dicebāt: salue patrone. MISSIONIS. IGNOMINIOSAE, C. Auiene, quod in Italia milites pop. Rom. contra Rempub. instigasti, rapinasq; per municipia fecisti, quodq; mihi Rei, publica inutilis fuisti, & pro milibus tuam familiam iumenta, in naues imposuisti, tuaq;

tuaq₃ opera militibusq₃ tempore necessario Respub.
 caret, ob eas res ignominia caussa ab exercitu meo te
 remoueo: hodieque ex Africa abesse. & quantum
 potes, proficisci inbeo. Itemque te A. Fonteius, quod
 Tribunus militum seditiosus, malusq₃ ciuis fuisti, ab
 exercitu dimitto. T. Alliene, M. Tiro, C. Clusiane,
 cum ordines in meo exercitu, beneficio non virtute
 consecuti, ita vos gesseritis, ut neq₃ bello fortes, neque
 pace boni, aut utiles fueritis, & magis in seditione,
 concitandisq₃ militibus, aduersariorum nostrorum
 Imperatoris, quam pudoris modestiaq₃ fueritis
 studiosiores, indignos vos esse arbitror, qui in meo exercitu
 ordines ducatis, missosq₃ facio, & quantum
 potestis abesse ex Africa inbeo. MULTAE MINIMAE.
 Quid suprema, quid minima multa sit, atque adeo de hac ipsa voce legendus Gellius lib. II.
 cap. I. In quo multae minimae verba hunc in modum concepta sunt. M. Terentio, quando citatus
 neque respondit, neque excusatus est, ego ei unam
 ouem multam dico. NEXVS FACIENDI. Mancipatio est imaginaria quaedam venditio, quae sic
 fiebat. Adhibitis non minus quinque testibus puberibus ciuibus Rom. & praeterea alio eiusdem
 conditionis, qui libram aeneam tenebat, qui appellabatur Libripens, is qui mancipium accipit,
 æ tenens ita dicit: *Hunc ego hominem ex iure Quiritium meum esse aio*, isq₃ mihi emptus est hoc
 ære, aeneaque libra. Deinde ære percutit libram
 idq₃ æs dat ei, à quo mancipium accipit, quasi pretij
 loco

loco. Boët. in Top. Cic. ORACVLI DELPHICI.
*Tum, si faxitis Romani, vestra res meliores, felicioresq̃
 erunt, magis ex sententia Respub. vestra vobis proce-
 det: victoriaq̃, duelli pop. Romani erit. Pythio Apolli-
 ni Repub. vestra bene gesta seruataq̃, lucris meritis do-
 num mittitote: deq̃, prada, manubiis spoliisq̃, honore
 habetote. Superaddam aliquas preces, vt ita
 qui reliquus est, tibi laborem tuum minuam. F.
 Libens meritò id patiar: ac si vis, totà partem me-
 am tibi permittam. P. Non decet me esse tam im-
 modestum. PRECATIO P. SCIPIONIS. hanc tibi de
 Liuiio recitabo: posita est autem lib. 29. Diui Di-
 uaq̃, qui maria terrasque colitis, vos precor quasq̃,
 qua in meo imperio gesta sunt, geruntur, postque gerẽ-
 tur, ea mihi, populo, plebiq̃, Romana, sociis, nominique
 Latino, qui populi Romani, quiq̃, meam sectam, impe-
 rium, auspiciūq̃, terra, mari, amnibusq̃, sequuntur,
 bene vertat: eaq̃, vos omnia bene inuenitis: bonis aucto-
 ribus auxitis: saluos, incolumesq̃, victis perduellibus
 victores spoliis decoratos, triumphantesq̃, mecum domos
 reduces sistatis: inimicorum hostiumq̃, ulciscendorum
 copiā faxitis: quaq̃, populus Carthaginensis in ciuita-
 tem nostram, fatere molitus est, ea vt mihi populoq̃,
 Romano in ciuitate Carthaginensem exempla edendi
 facultatem detis. Herfilia vxor Romuli, cum apud
 T. Tatiū verba faceret, referēte Gellio lib. 13. cap.
 21. pacemq̃ oraret, ita precata est. Neria Martis, te
 obsecro pacem dare, vt liceat nuptiis propriis & pro-
 speris uti, quod de tui coniugis consilio contigit, uti*

nos itidem integras raperent, unde liberos sibi, & suis
 posteris patria pararent. In renuntiando Consule
 sic precari mos erat. *Quod bonum, faustum, felix,
 fortunatumq; sit, mihi, magistratuiq; meo, populo,
 plebique Romanae, L. Licinium, Cos. renuntio.*
 Cic. pro Muræna. Age Frontine, & recensitis reli-
 quis formularum generibus, huic colloquio fi-
 nem impone. F. PRAECONIS VERBA in sacri-
 ficiis hæc fuisse reperio: *Hoc age. Faucte linguis.*
 POSTHUMI NEPOTES, sic hæredes instituebantur.
Filius meus hæres esto. Si filius meus me viuo moria-
tur, tunc si quis mihi ex eo nepos, sine qua neptis post
mortem meam in decem mensibus proximis, quibus
filius meus moreretur, natus nata erit, hæredes sunt.
 INTERREGIS DE REGE CREANDO.
Quod bonum, faustum, felixq; sit, Quirites, Regem
create. Ita Patribus visum est: Patres deinde, si di-
gnum, qui secundus ab Romulo numeretur, crearitis,
auctores fient. Liuius lib. 1. REGIS INAVGVRAN-
 DI, eodem lib. *Iupiter pater, si est fas, hunc Nu-*
mam Pompilium, cuius ego caput teneo, regem Ro-
ma esse, ut tua signa nobis certa ac clara sint inter eos
finis, quos feci. RELEGANDI. *Illum provincia il-*
la, insulisq; eis relego: recederéque debet intra illum
diem. SENTENTIAE IN DAMNATVM perdu-
 ellionis. *Illictor colliga manus, caput obnubito, infe-*
lici arbori suspendito. Liuius lib. 1. Gell. lib. 12. cap. 3.
 SENTENTIAE IN DAMNATOS. *Illictor, adde*
virgas,

virgas, & in cum lege agito SENTENTIAE PER
TABELLAM FERENDAE. In causis maioribus
 iudices in cistam tabellas coniciebant suas, hasce
 literas insculptas habentes. A. absolutionis. C.
 condemnationis: cum de alicuius capite agebatur.
 N. L. non liquet, ampliacionis. STIPULANDI.
Spondes? spondeo. Promittis? promitto. Fide iubes?
fide iubeo. Dabis? dabo. Facies? faciam. TESTA-
 MENTI NVNCVPATI. Tabulas testamenti te-
 stator tenens ita dicit. *Hæc vti in his tabulis cerisue*
scripta sunt, ita do, ita testor. Itaq; vos Quirites testi-
monium præbetote. TESTIMONII DICENDI.
 Maiorum hæc fuit diligentia, Voluerunt, vt qui
 testimonium diceret, ARBITRARI se diceret,
 etiam quod ipse vidisset Cic. Academ. 2. Idem pro
 Fonteio. Primum illud verbum consideratissi-
 mum nostræ consuetudinis, ARBITROR, quo nos
 etiam tunc vtimur, cum ea dicimus iurati, quæ
 comperta habemus, quæ ipsi vidimus, ex toto te-
 stimonio sustulit. TRANSFVGAM recipiebat Im-
 perator his verbis. *Quisquis es, noster eris.* Quam
 formulam tetigit Virgilius 2. Æneid. qui teste Ser-
 uio variam scientiam suo inserit carmini. *Quis-*
quis es, amissos hinc iam obliuiscere Graios, No-
STER ERIS. Verba sunt Priami, Sinoni salutem &
 libertatem spondentis. VOTI CONCIPIENDI.
Tuo ductu Pythice Apollo, tuoque nomine instinctus
pergo ad delendam urbem Veios, tibiq; hinc decimam
partem prada voueo. Te simul Iuno Regina, qua nunc
Veios colis, precor, vt nos victores in nostram tuamq;

mox futuram urbem sequare: ubi te dignum amplitudine tua templum accipias. Liuius lib. 5. Plura nolum, ne si incidant quidem: sunt enim quas vterque omisimus vel plurium verborum vel obscuriores, & potius principia formularum, quàm ipsæ formulæ. Nec idcirco auctores qui dimidiatas retulerunt debemus reprehendere: de rebus enim notissimis loquebantur, quas etiam nos vno verbo indicare consueuimus. P. Habet veritatem hæc oratio. Itaque ambo à sermone quiescamus.

ANNOTATIONES.

Ante omnia monitum volumus lectorem, nos complures formulas alibi, ut occasiones inciderunt, allatas, hoc progymnasmate prateriisse, ut coemptionis in matrimonio, exercitus euocandi, iubenda vel antiquanda legis, precationis triumphantium, praefationis in rebus agendis, repudij, nonnullarum in senatusconsultis, senatus dimittendi, Vestalis à Pontifice legenda, et alias quasdam. Quod autem huic dialogo inscriptionem dedimus eclogas, rationem audi. Sic nominabant Græci disputationes, aut sermones, aut etiam quosdam locos breues, insignes, eximios, & electos. Quid verò his sermonibus breuius, insignius, magis eximium & electum? Horatij sermones in quibusdam manuscriptis eclogas appellatos aiunt. ANTONIUS CANTORES FORMVLARVM) Verba Antonij ad

nij ad Crassum 1. de Orat. sunt. Oratorem negas, nisi illam scientiam assumpserit (iuris civilis) esse posse. Ita & tibi iuriconsultus ipse per se nihil, nisi leguleius quidam, cautus & acutus, praco actionum cantor (sive, ut vetus quidam liber) cantor formularum, anteceps syllabarum. **ABDICATIONIS**) Exheredare pater filium dicitur, qui tantum summonet ab hereditate. Abdicare, qui priuat omni iure filij. Quare qui abdicatus est, idem est exheredatus: non contra. Abdicatio verò adoptioni opponitur. Dicitur autem se quis magistratu abdicare, honore, &c. Plin. lib. 5. cap. 17. Gens sola, in toto orbe prater ceteras mira: sine ulla fœmina, omni venere abdicata, id est, repudiata, cōtempta, Terent. And. Ex Glycerio natū ut vidit puerulum Chremes, recusat nuptias, generū abdicat. **EMPTVM NISI QVIS MELIOREM**) Hinc urbanitas illa apud Plaut. Capt. Cū enim cuperet parasitus efuriens se à sene Hegione ad cœnam vocari, interrogariq̃, num se affuturum promitteret, ut responderet, promitto, et ita stipulatio nasceretur, senex emptionem quasi pro stipulatione, aliò sermonem conuertens, induxit, & se emptorem, parasitum venditorem fecit. Versiculos apponimus.

P. Age sis roga. H. emptum, nisi quis meliorem afferet.

P. Qua mihi atq; amicis placeat conditio magis?

Quasi fundum vendens meis me addicam legibus.

H. Profundum vendis tu quidem, haud fundum mihi.

Profundum, id est, voraginem quandam vocat ventrem parafiti inexplebilem. **ANNVLI AVREI**) So-

lis ingenuis ferre annulos licitum. Proinde liberti ius annulorum aureorum impetrabant à Principe, ut ingenuitatis munia consequerentur. Tantus autem luxus veterum fuit, ut haberent annulos alios aestiuos, qui erant leuiores: alios hybernos, qui ponderosiores. sat. 1. Hinc Iuuenal.

Ventilet aestiuum digitis sudantibus aurum:
Nec sufferre queat maioris pondera gemma.

Et sat. 7.

Semestri datum digitos circumligat auro.

Annuli enim aestiui & hyberni semestres sunt. Turneb. libr. 20. cap. 2. ibidem quid annulus somothracius & thynicus. VIDENDVM CAP. GELLII) Initium capitis hoc est. Cum in alienam familiam, inq³ liberorum locum extranei sumuntur: aut per Praetorem fit, aut per populum. Quod per Praetorem fit, adoptatio dicitur: quod per populum arrogatio, etc. TALASSIO, TALASSIO) Quomodo hac vox nuptialis, & boni ominis facta sit, Linius lib. 1. narrat. Agens enim de raptu Sabinarum, Vnam, inquit, longe ante alias specie ac pulchritudine insignem à globo Talassij cuiusdam raptam ferunt: multisq³ sciscitantibus cuinam eam ferrent, identidem ne quis violaret, Talassio ferri clamitatum: inde nuptialem hanc vocem factam. CESSIONIS IN IVRE) Cedere in iure dicebatur, qui dominium rei suae in alium transferebant, à quo ipsi abibant. Fiebat autem in iure cessio, ut docuit Vlpianus, per tres personas, in iure cedentis,

dentis, vindicantis, & addicentis. In iure cedit dominus, vindicat is cui ceditur, addicit Prætor. PORCO PIACULO) id est piaculari. Alioqui piaculo (Catoni etiam verbum est, significans expio: ut cum dicit cap. 141. te hisce suone taurilibus piaculo. SI DEVS, SI DEA ES) In Romanorum precibus sollemnia verba, cum deos sexu distinctos, perinde ut homines existimarent, in quo ridentur ab Arnobio libr. 3. his verbis. Nam consueſtis in precibus, siue tu deus es, siue tu dea dicere, &c. BONAS PRECES PRECOR) Quoniam & malæ preces sunt, ut diræ & detestationes, & imprecationes. Sic cap. 141. in lustratione agri dicit: duiſq; bonam salutem: quasi etiam sit quadam mala salus, cum minus commoda est valetudo & sanitas. Turneb. lib. 15. cap. 14. DEDITIONIS) Notanda aliquot locutiones insigniores ex hoc verbo nata. Ad deditionem subigere. In deditionem, sub deditionem redigere. In deditionem concedere. Deditionem facere, subire. In deditionem accipere, recipere: quas testimoniis confirmare quid attinet? DE SIGNIS DEDITIONIS) Lege Alexand. Neapolit. lib. 4. cap. 7. DIVI NOVENSILES) Herculem, Vestam, Salutem, Fortunam, Fortem, Fidem horum nomine intelligit Varro: à Sabinis Romanam deducti existimantur, quibus Titus Tatius Rex templa ex voto construxerit. Putant quidam appellatos, quod nouissimè in deorum numerum recepti sint, quasi nouissimè, id est, nuper salientes: hoc

est, in decorum numerum ascendentes. Plura Gyrald. Syntag. 1. hist. decorum. DII INDIGETES) Seruius ita vocatos arbitratur in 12. Aeneid. vel quod nullius rei egeant, vel quasi in diis agentes, qui ex hominibus ad diuinitatem peruenissent. Lege Gyrald. Syntag. 1. VERBO ILICET) De quo vide Alexan. Neapolit. lib. 3. cap. 7. & lib. 4. cap. 17. EUOCATIO DEORVM) Persuadebāt sibi Romani, civitatibus singulis deos quosdā certos tutelares praesidere, qui eas vel conservare possent, vel perdere. Quocircacum urbem aliquam obsidione premere, eamq; in potestatem iam venturam considerent, certo carmine per sacerdotes deos illos evocabant, quod aut aliter urbem capi non posse crederent: aut si posset, nefas putarent deos habere captivos. Orabant itaq; deum illum, ne imperio & felicitati Romanorum aduersari vellet: longē etiam maiorem cultum, maioresq; honores quam eo loco haberet, Roma consecuturum promittebant. Vel si ibi permanere mallet, longē celebriora templa et sacra ibi se extructuros recipiebant. Quade causa Veientes, auctore Livio, ignari se iam à suis vatibus, & externis oraculis proditos, iam deos suos votis ex urbe sua evocatos, hostium templa novāsq; sedes spectare, in muros pro se quisq; frustra discurrunt. Idcirco etiam, ut scribit Plin. lib. 28. cap. 2. Alex. Neapolit. lib. 2. cap. 22. & lib. 6. cap. 4. nomen eius dei, qui imperatrici urbi praesidebat, sacro silentio occultabatur, ne hostes Romanorum, eodem consilio

filio vfi, illum fimiliter forte euocarent. Et hinc principio tam paucos Roma deos fuiſſe tradit Prudētius 2. contra Symmachum.

*Innumeros poſt deinde deos, Virtute ſubactis
Vrbibus, & claris peperit ſibi Roma triumphis.
Inter ſumantes templorum armata ruinas
Dextera victoris ſimulacra hoſtilia capit
Et captiua domum Venerans ceu numina Vexit.*

Ad hanc conſuetudinem Virgilij locum lib. 2. Æneid. Exceſſere omnes adytis arisq; relictis, Di quibus imperium hoc ſteterat, Seruius & Macrobius referendum cenſuerūt. Muretus lib. 5. cap. 19. & Turneb. lib. 14. cap. 15. et ſi hanc opinionē non damnant, aliam tamen vt probabiliorē ſequuntur. REI VXORIAE CVRAM) Cicer. in lib. de Repub. Nec verò mulieribus præfectus præponatur, qui apud Græcos creari ſolet, ſed ſit Cenſor qui viros doceat moderari vxoribus. Et de Legibus, cum officia Cenſorum deſcribit. Populi ciuitates, ſuboles, familias, pecuniâſque cenſento, calibes eſſe prohibento. QVOMODO INTERPVNGENDVS ATQVE INTELLIGENDVS) Diſertiſſimam ſuper eo loco diſputationem Lipſij legat qui volet variari. lect. lib. 1. cap. 1. unde nos quoq; nonnihil decerpiſimus. MANVMITTI SERVVS) Tribus modis ſerui manumittebantur, cenſu, vindicta, teſtamento. Cenſu ſi quis conſentiente, vel iubente domino nomē ſerui in cenſu detuliſſet. Vindicta ſi virga in caput ſerui à Pratore eſſet impoſita, quæ vindicta dicebatur. Teſtamento, ſi dominus illum

testamento factō liberum reliquisset. Vide plura apud Sigon. de antiq. iure (C. R. cap. 6. lib. 1, MISSIONIS IGNOMINIOSÆ) Missionum tria fuerunt genera. Honestā, quæ emeritis stipendiis dabatur: quo tempore scuta, gladios & arma dicabant Laribus. Testatur id præter ceteros Ouid. eleg. 7. lib. 4. Trist.

Miles Ut emeritis non est satis utilis armis,
 Ponit ad antiquos, quæ tulit arma, Lares.
 Sic igitur tarda vires adimēte senectā,
 Me quoque donari iam rude tempus erat.

Causaria, cum senectā aut valetudine aduersā, vitiō-
 ne corporis domos vellent, aut res inuisere suas, vel
 viribus parum validi, minus idonei muneribus essent.
 Ignominiosā, quæ et probrosā dicitur quum ob delictū
 & graue crimen, miles, ignominia notabatur, & ex-
 auctorabatur. Alexand. Neapolit. ex Vlpiano lib. 6.
 cap. 22.

PROGYMNASMA

SEXTVM ET SEPTVAGESIMVM.

Χρόνια, siue explicationes
 temporum.

PRO CVLVS, FANNIVS, VIBVLLIVS.

PRO CVLVS. De temporibus, quæ hoc anno
 circumactō, partim gymnasium subeuntes ex
 ore

ore doctorum Latinitatis, vt se res dabat, accepi-
 mus, partim domi suæ quisque, vt reor, dum lecti-
 tamus legimus, ecquid faciendum vobis videtur,
 vt vnum velut in locum cōducamus, ordinatimq;
 per quæsitā & responsa celebremus: aliquanto ta-
 men liberius ac festiuius, quā receptum est mo-
 re in ludo Grammatico, vbi magistri pueris cum
 ferula aut virga superstantes, de generibus & in-
 clinatione nominum in casus, de verborum præ-
 teritis & supinis eos seuera fronte an examinant,
 anexanimant? F. Audita lecta q; & apud semet re-
 colere, & adhibitis eiusdem studij sociis etiam vo-
 ce iterare, nūquam mihi negotium infrugiferum
 videri poterit. Qui sensus, quin item à mente tua
 sit, Vibulli, si bene te noui (& nouisse debeo, vt qui
 sim ex sinu tuo) non queo dubitare. V. Est vero à
 mente mea mēs tua Fanni. Sed hoc primū, Pro-
 cule, in hac re prædico tibi: Quem dicis esse hunc,
 non est. P. Ego adolescentem bonæ frugi, & exem-
 pli nō mali te esse credo. Si aliter est, aut si me istuc
 credere non pateris, do fidem, me tibi fidem de
 cætero non habiturum. F. Quid ait, Vibulli? sen-
 tin' te tactum? V. Aliud volebam. P. Et ego aliud
 tibi respondi. V. nimium lepidè dissimulas, F. Cui
 partes sciscitandi dabimus? P. Cui? proximus sum
 egomet mihi. V. Et ego mihi. F. Et ego mihi. P.
 Singuli aliās interrogantium, aliās respondentū
 fungamur muneribus: veruntamen ne permixtè,
 sed disertè, & electè agamus. F. Tu ordinem, quem
 custodiamus, edicta. P. Tempus distribuo in mo-
 mentum, horam, diem, noctem, hebdomadem,
 mensem, annum, lustrum seu olympiadem, sæcu-

lum siue ætatem. Prima duo ab hoc sermonere iiciamus. Quem enim fugit, momentum, pro quo Lucretius momen, esse tempus angustissimū, seu interuallum temporis, moramque breuissimam? vnde proximè conficiuntur horæ: hora siquidem dici potest complexio multorum momentorum, vt dies multarum horarum, hebdomas plurium dierum, annus plurimarum hebdomadum, lustrū plurimorum annorum, sæculum lustrorum plurimorum. Ergo à diebus proficiscamur.

D I E S.

Quæ nam est princeps diei diuisio Fanni? F. Dierum alius est naturalis, seu ciuilis, alius artificiosus. Ille est tempus horarū quatuor & viginti, quibus scilicet semel cælum circumuoluitur: cuius pars est nox. Diei nomen accipit à parte meliore, & ea appellatione ipsæ etiam noctes intelliguntur: vt cum dicimus aliquem ægrotasse diebus triginta: aut cum hoste pactas inducias dierū quindecim. Ex quo ille reprehenditur, qui noctu agros hostiū populabatur. Artificiosus dies est, qui cursu solis ab ortu ad occasum definitur. P. Catè responsum. Iam dic qui, quando diem legitimum seu ciuilem inchoent. F. Astrologi quidem à meridie eius sumunt initium: Babylonij ab exoriente sole: Græci similiter: Hebræi ab occumbente, vti Athenienses quoq;: Romani à medio noctis. Naturalis æqualibus horis constat, quarum vnaquæq; est pars diei sui quarta & vicesima. Artificiosus inæqualibus, quarum vnaquæq; est duodecima portio temporis, quod inter emergentem & occumbentem solem

lem intercedit. Sic autem dicuntur, quod diurnæ inæquales sunt nocturnis, & brumales æstiuis. P. Diei naturalis quot sunt partes Vibulli? V. 12. Prima est mediæ noctis inclinatio: altera gallicinium seu galli cantus: tertia conticinium, cum & galli silent, & homines quiescunt: quarta diluculum, cū incipit dignosci dies seu aurora, ab auri colore dicta, quod ab igne solis, velut ab auro aër aurescit: seu crepusculum matutinum, tempus inter tenebras & lucem, diei clarescentis exordium: quinta mane, dum dies iam clarus est, inde clarum mane Persio: sexta meridies, id videlicet spatium, quod est à mane ad diem medium, quod & antemeridianum tempus: septima tempus occiduum, quod meridiem seu pomeridianum sequitur: octaua suprema tempestas, id est extremum, seu nouissimū diei tempus. Hinc in XII. tabulis, solis occasus suprema tempestas esto: nona vespera, quod Græcorum more dicitur, illi enim *ἠσπέρα* ab Hespero stella, item crepusculū vespertinū: decima, prima fax: vndecima, concubia nox: quod tunc omnes cubēt, seu concubiū: duodecima, intempesta nox, noctis meridies Varroni, quæ nō habet tempus gerendis rebus idoneum. P. Artificiosi quas partes facis? V. mane, meridiem, supremā tempestatem. P. Quid? altera diuisio dierum quænam est? V. Hæc est, quidam sunt festi, quidam profesti, quidam intercisi. Primi per sacrificia religionésque colendis numinibus dicati erans: secundi dabantur hominibus ad res suas ipsorum gerendas: postremi deorum & hominū communes erant, partim scilicet festi, partim non festi. Festorū exempli
caussa

caussa Robigalia, Feralia, Paganalia, Pandiculares dies, &c. In festis numerantur feriæ: in profestis fasti, comitiales, comperendini, statii, præliares, &c. Genera feriarum publicarum quatuor recenset Macrobius, statiuas, conceptiuas, imperatiuas, nundinas. Statiuæ quæ & statæ & anniuersariæ dici possunt, quæ quotannis constitutis diebus atque mensibus recurrunt, & in fastis statis obseruationibus annotatæ fuerunt, ut est apud nos sollemne natalitium Saluatoris, & apud Romanos Agonalia, Carmentalia, Palilia, &c. Conceptiuæ quæ à Pont. aut eo permittente à sacerdotibus in dies certos, aut etiam incertos annis singulis concipiebantur, ut latinæ, sementiuæ, compitalia, nobis festa mobilia. Imperatiuæ, quas pro arbitrio Consules, aut Prætores ob victoriæ nuntium, aut salutem principis indicunt. Nundinæ Paganorum negotiis & institutorum mercibus dicatæ erant. P. Non sunt aliæ feriæ præterea Fanni? F. Etiam, sunt familiarum, ut Claudiar, Iuliar, &c. Sunt Præcidaneæ, quæ scilicet ferias legitimas præcedunt, ut apud nos per uigilia. Nefastos item festis annumerant, quibus nimirum Prætori nefas erat tria illa verba prætoriam iurisdictionem comprehendentia profari, do, dico, addico. Fasti contra, quibus ius dicebatur, dies iudiciales. P. Quid de his Ouid. in Fastis? F.

Ne tamen ignores Variorum iura dierum,

Non habet officium lucifer omnis idem.

Ille nefastus erit, per quem tria verba silentur,

Fastus erit per quem lege licebit agi.

Nec toto perstare die sua iura putaris:

Qui iam fastus erit, manè nefastus erat.

Nam

*Nam simul extra deo data sunt, licet omnia fari,
Verbaq; honoratus libera Prætor habet.*

P. Fasti ergo intercisi erant. F. Videtur sanè. P. Dic Vibulli de profectis. V. Comitiales quibus cum populo agi potest, quibus comitia habentur, & ad ferenda suffragia conuenitur. Ouid. Est quoq; quo populum ius est includere septis. Comperendini, quibus vadimonium licet dicere. Stati qui iudicij caussa cum peregrino instituuntur. Præliares à iustis non separantur. Sunt porrò iusti continui triginta dies, quibus exercitui imperato, vexillum rufi coloris in arce positum est. Præliares autem omnes, quibus fas est res repetere, vel hostem lacerare. Dies atrii sunt, qui proximè Calendas, Nonas, Idus sequuntur, cuius appellationis causam indicat Gell. lib. 5. cap. 17. & Macrob. Saturnal. lib. 1. cap. 16. Imperitè autem nefasti nominantur hi atrii dies, quorum & Ouid. meminit in Fastis, vt etiam religiosi dies perperam nefasti. Cæterùm religiosi dicuntur, auctore Gellio lib. 4. cap. 9. tristi omine infames impeditiq; in quibus & res diuinas facere, & rem quampiam nouam exordiri temperandum est. Cic. ad Att. epist. 4. lib. 9. Vt maiores nostri funestiores diem esse voluerunt Alliensis pugnae, quàm vrbis captæ, quòd hoc malum ex illo: itaque alter religiosus etiam nunc dies, alter in vulgus ignotus, &c. Dies lustricus, quo infans lustrabatur, & nomen ei imponebatur. Dies emortuales, quibus homines vita decedunt. Dies Critici, seu decretorii, quibus aut salutis, aut exitij apparent indicia. Dies intercalares & insititij, qui quarto quoq; anno, bissextili videlicet, inseruntur

mense

mense Februario. Dies iusti, qui confesso ætis con-
 ceduntur conquirendæ pecuniæ causa, quibus ni-
 hil cum eo agi licebat. Dies compitalitij, qui diis
 compitorum præsidibus celebrabantur, simile quid-
 dam encæniorum nostrorum. P. Vnde hæc no-
 mina diebus? Solis, Lunæ, Martis, &c. A diis, quo-
 rum nomina Romani quibusdam sideribus con-
 secrarunt. Primum à sole dixerunt, quoniam vt
 sol princeps siderum, sic ille dierum. Christiani do-
 minicam vocant, cuius mira reperiuntur apud
 quosdam scriptores nostros præconia. Alterum à
 Luna, quæ splendore Soli proxima est. Tertium à
 stella Martis, & sic deinceps. Ideo autem hisce stel-
 lis deorum indidere vocabula, quod ab iisdem se
 adipisci quædam arbitrarentur, de quibus Isido-
 rus. P. De Hebdomade quid affert Fannius? F. A
 numero septem dierum esse nūcupatam. Eius ite-
 ratione metimur primum menses, deinde etiam
 annos. Nos, inquit Isidorus, septimanā vocamus,
 quasi septem luces: nam mane lux est. In Daniele
 magnum hac voce mysterium tegitur, vbi de se-
 ptuaginta hebdomadibus sermo est. P. At at, no-
 etis cur obliuiscimur? De hac ego continenter di-
 cam.

N O X.

Nihil aliud nox est, nisi terræ vmbra, quā sol post
 occasum in hemisphærio inferiore currens, sur-
 sum cogit emitti. Ita Macrobius. Nox est sol sub
 terra: sicut dies præsentia solis super terram, ait I-
 sid. A nocendo dicitur, quod oculis noceat. Lunæ
 siderumque luce insignitur, vt ne indecora sit, & vt
 noctu laborantes delectet. Item vt hac ratione qui-
 busdam

busdam animantibus seruiatur, quæ solis lucē non ferunt. Partes sunt septem, vesper, crepusculum, conticinium, intempestum, gallicinium, matutinum, diluculum. Quoniam verò militibus molestiam dabat, tota nocte peruigilare, in quatuor eam vigilias distribuerunt. Prima à principio noctis ad initium horæ quartæ inæqualis porrigitur. Secunda à fine tertię horæ ad medium noctis extenditur. Tertia inde ad nonæ horæ terminum. Quarta ad auroram seu ortum solis. Vnicuiq; igitur tres horæ dantur. Est porrò nox illunis obscura nox, quando scilicet luna nubibus obtegatur: sublustris, quæ sideribus illustratur. De priore hūc in modum & venustè Virgil. in 2.

*Veritur interea calum, & ruit Oceano nox,
Inuoluens Umbra magna terrasq; polumq;.*

De posteriore Horat. Sat. 5. lib. 1.

*iam nox inducere terris
Umbras, & calo diffundere signa parabat.*

Et Ouid. 15. Metamorph.

*Candidus Oceano nitidum caput abdiderat sol,
Et caput extulerat densissima sidereum nox.*

Et 3. de Ponto.

Nox erat, & bisores intrabat luna fenestras.

Quoniam de die dictum est satis, cuius pars est nox, naturalis inquam, diei: similiter aliquid de hebdomade, sequitur vt de mensibus agendum videatur. Qua in parte tu, Fanni, personam magistri sustineas licet, nos discipulorum geremus: tu percontare: nos respondebimus. F. Leuabo vos hoc labore, & te, Procule, imitatus, perpetua

petua aratione quæ recordabor in medium adducam. P. Non refragor certè. V. Nec ego.

M E N S E S.

P. Mensibus datum nomē, quod mensa spatia conficiunt: vel à græca voce *μήνη* luna, vnde & græcis *μήνες*: siquidem veteribus ad lunæ cursum computabantur, quæ inchoabat & finiebat mensē. Hebræis quoque à luna appellatur: quo factum est, ut naturali quodam usu nationum lunæ vox pro die usurparetur. Hinc toties illud audimus in rebus Hebræorum, eos quartadecima luna Pascha egisse. Sic utuntur hac voce Hesiodus & Virgilius. Mensium alij naturales sunt, qui antiquiores omniumque gentium communes sunt: iique partim solis, partim lunæ, quos missos facio: alij ciuiles, qui sunt numeri quidam dierum, quem suo more & instituto vnaquæque ciuitas obseruabat. Atque hi numero ipso dierum inter se plurimum discrepabāt. Exempli causa, Albanis Martius habebat dies sex & triginta, Romanis vnum & triginta. Fuerunt porro apud omnes gentes duodecim: etsi Romulus eos tantum decem instituerit ob rationes prolatas ab Ouidio. Numa deinde, qui Romulum excepit, duos addidit, Ianuarium & Februarium. De nominibus mensium Romanorum, atque adeo nostrorum, & de aliis quibusdam per singulos menses fieri solitis disseramus, si fert animus vester, si inquam, non est molestum. F. Molestum? iucundum etiam. V. iucundissimū, ne tu quid secus sentias. P.

MARTIVM, qui illi primus erat, Romulo inquam, & Aprilem à parentibus suis putatur nominasse:

minasse: Illum à Marte patre: creditus est enim Martis filius: hunc ab Aphrodite Venere, quam maiores eius matrem habuerunt: siquidem ab Ænea filio Veneris oriundi. Hinc in sacris vsurpatus est Mars pater, qui & Marspiter, & Venus genitrix, Duos consequentes à populo dixit, Maium à maioribus, Iunium à iunioribus. Reliquos ab ordine, quo quisq; sequebatur. Quintilem, Sextilem, Septembrem, &c. Ita docet Ouidius in Fastis. Varroni placet Martium mensē à Marte quidem nominatum, non quod is Romuli pater, sed à bellica Latinæ gentis fortitudine: aliæ enim vrbes quoq; in Latio hoc nomine mensē habuerunt. Huius mensis Kalend. matronæ celebrabant, quod eo die Iunonis Lucinæ ædēs colī capta est. Seruius in illum versum Virgil. Æneid. 8. Tatióque seni, Curibusq; seueris. Iure, inquit, dixit seueris. Cum enim filias perdidissent Ceninenses, Antemnates, Crustumij, Sabini, cæteris quiescentibus, soli bellum susceperunt Sabini: qui interuenientibus triginta fæminis iam enixis, de illis quæ raptæ fuerant, pacem fecerunt: ex quarum nominibus curiæ dictæ sunt. Præterea in communem mulierum honorem Kalend. Martiæ fæminis dicatæ sūt. Iuuenal. Munera fæmineis tractat secreta Kalendis. Nec enim aliter congruit Kalend. Martias esse fæminarum, nisi quia fæminæ, vt diximus, bella sedauerunt. Diem hunc ipsi mariti cum religione, & feriis exigebant, quo Iunones suas (sic enim vxorculas suas per blandimentū appellabant) sibi propitias, & pudicas haberent. Atque vt Iuuenalis Kalend. istas fæmineas: sic Martialis easdem Saturna-

lia muliebria dixit. Hoc eodem die ignem nouum in ara Vestæ accendebant: vt incipiente anno, cura denuo seruandi ignis nouati inciperet. Hoc mense item publicè priuatimq; ad Annam Perennam sacrificatum ibatur, vt annare & perennare commodè liceret. Hæc de Martio. APRILEM dictum puto ab aperiendo: vt sit potius quasi Aperilis, quam Aphrilis ab ἀφρὸς spuma, vnde Aphrodite Venus: quoniam tunc sese natura aperiat, & omnia gigni incipiant: quomodo Atheniensibus idem mensis ἀνθεστηριον, ab eo quod hoc tempore cuncta florescant. Cincius qui de fastis scripsit, imperitiæ damnat eos, qui à Venere dictum hunc mensem arbitrantur, cum nullus dies festus, nullumq; sacrificium insigni ei per hunc mensem à maioribus institutum sit: & Varro affirmat, nomen Veneris ne sub regibus quidem apud Romanos vel græcum, vel latinum fuisse: & ideo non potuisse mensem ab eo nominari. Fuit tamen postea aliquândo constitutum, vt eo matronæ Veneri operarentur. MAIUM à maioribus nominatum antè docui, ex quorundam scilicet sententia. Quod tamè non ita esse inde ostenditur, quod ante urbem conditam Maij mensis nomen teste Festo extitit. Ouidius etiam à Maiestate appellatum scribit, Honoris & Reuerentiæ filia. Quidam à Maia Mercurij matre, cuius signum sit, quòd hoc mense mercatores omnes Maij pariter, & Mercurio sacrificarent. Latius hæc Macrob. Nubere Maio religioni habebatur: causam his verbis retulit Porphyrio ad vltimâ epist. Horatij. Lemures dicti quasi Remures, à Remo, cuius cum occisi vmbra frater Romulus placare vellet,

vellet, Lemuria instituit, id est, parentalia, quæ mense Maio per triduum celebrari solebant, ante additum anno Februarium: ob quam rem nubere mense Maio fuit religio. IUNIVS apud Latinos Iunonius appellabatur, quod illi nomen etiam apud priscos Romanos diu mansit: postmodum detritis quibusdam literis, ex Iunonio Iunius euasit. Ædes quidē Iunoni Monetæ Kalend. Iuniis dedicata est. Agrætius vetustus Grammaticus ab Iuuenta dea appellatum contendit, vxore Herculis, quæ græcè Hebe dicitur. Idem affirmat Ouid. à quo etiam hæc narratur opinio: vocatum à coniunctis Sabinis & Romanis, Rege Romulo & Tatío.

*Et lare communi generos socerosq; receptos,
His nomen iunctis Iunius, inquit, habet.*

Scriptum est præterea, à Iunio Bruto primo Consule nominatū, qui Kalend. Iuniis rege Tarquinio expulso, Carnæ deæ in monte Cælio voti cōiunctus sacrum fecit. Hæc dea vitalibus humanis præesse credebatur, & ab ea petebatur, vt iecinora, & corda, quæq; intrinsecus sunt viscera, salua conseruaret. Huic pulte fabacia & larido sacrum fiebat, & Kalendæ ipsæ Iunix fabaciæ dicebantur. QVINTILIS à Caio Iulio Cæsare, M. Antonio legem ferente, mutato nomine dictus est Iulius: quod eo mense natus esset Iulius, ad quartum Idus. Et quanquam post additos à Numæ Ianuarium & Februarium non tam quintus, sed septimus esset, nihilominus nomen suū retinuit, donec Iulius, vt diximus, vocari cæptus est. SEXTILIS quoq; in honorem Augusti aliter dictus, idq; ex senatus consulto: cuius hæc sunt verba. *Cum Imp. Caesar Augustus*

*menſe Sextili & primum conſulatum inierit, & triumphos
 tres in urbem intulerit: & ex Ianiculo legiones deducta, ſe-
 cutaq; ſint eius auſpicia ac ſidem: & Aegyptus hoc menſe
 in poteſtatem pop. Romani redacta ſit: ſiniſq; hoc menſe bel-
 lis civilibus impoſitus ſit: atq; ob has cauſas hic menſis huic
 imperio feliciffimus ſit, ac fuerit, placere ſenatui, & menſis
 Auguſtus appelletur. Hoc exemplo poſtea principes
 menſibus auſi ſunt alia imponere nomina, vel ſua,
 vel aliena, de quo Gyrald. & Alex. Neapolit. lib. 3.
 cap. 24. SEPTEMBER, quem à ſe Tiberium dixit Ti-
 berius, vt Octobré Liuium, vt Domitianus illum
 Germanicum, hunc Domitianum, & Senatus in
 honorem Antonini Pij & Fauſtinæ alterum Anto-
 ninum, alterum Fauſtinum, September, inquam,
 in tutela Vulcani fuit. Cuius die ſecundo commiſ-
 ſum eſt nauale bellum inter Auguſtum & Anto-
 nium cum Cleopatra, indeq; eius monarchiæ anni
 numerati. OCTOBER, Marti erat ſacer, cui deo e-
 quus immolabatur, quem Octobrem vocabant,
 idibus Octob. in campo Martio. Illius caput pani-
 bus redimebatur. A multis autem gentibus equus
 hoſtiarum numero habitus eſt, ait Feſtus, vt à La-
 cedæmoniis, Sallentinis, Rhodiis, & poeta: Placat
 equo Perſis radiis Hyperiona cinctum. NOVEMBER
 in tutela Dianæ fuit, quo Ioui epulum celebra-
 tur, & videntur acta Vacunalia. Vacunæ ſcilicet
 deæ vacantium & otioſorum, agricolæ ſoluti iam
 poſt fruges inuectas & cōditas laboribus, per hye-
 mem ſacris operabātur. DECEMBER Veſtæ dicatus,
 & Saturno. Eo Saturnalia agitabātur, quibus bel-
 lum ſumere nefas: à nocente pœnas exigere piacu-
 lare. IANVARIUS à Iano, cui conſecratus. FEBRUA-*

RIVS dictus, quod tum, id est, extremo mense anni populus februa retur, hoc est lustraretur ac purgaretur: februo enim est lustrare, purgo. Quæcunq; autem purgamenti causa in quibuscq; sacrificiis adhibebantur, februa appellabantur: id verò quod purgatur, dicitur februatium. Plinius: Vulgata priscis temporibus opinio obtinuit, februa esse omnia, quibus delerentur peccata, aut manes animabus defunctorum placidi redderentur. Ovidium legite, cuius de mensibus sex prioribus totidem libri extant: scripserat autem 12. sed posteriores perierunt. Testis est ipse.

*Sex ego Fastorum scripsi, totidemq; libellos,
Cumq; suo finem mense libellus habet.*

Mensis quilibet in tres dierum formas diuiditur. Kalendas, nonas, idus. Kalendæ à καλεῖν, quòd his diebus Pontifex calata, id est vocata in Capitoliū plebe, quæ dies à Kalendis ad nonas superessent pronuntiabat. Nonæ, quod ab his ad Idus semper nouem sint. Idus, quod nonas à calendis diuidant: iduare enim est diuidere, hetruscum vocabulum. Copiosè ista differit Macrobius in Saturnal. lib. 1. cap. 15. Quot autem dies quisq; mensis, quot Nonas & Idus comprehendat, hi versus docebunt.

*Ter denos September habet, totidemq; November,
Iulius, Aprilis, reliquis superadditur unus.
Sit nisi bissextus, Sicenæ Februus octo.
Prima dies mensis cuiusq; est dicta Kalenda.
Sex Maius Nonas, October, Iulius, & Mars.
Quatuor at reliqui. Tene Idus quilibet octo.
Inde dies alios omnes discesse Kalendas,
Quas retro numerans dices à mense sequenti.*

Sed quoniam non ita pridem in librum quendam
incidi, in quo festiuè singulorum mēſium opera,
& labores elegio deſcribebantur, & ego id memo-
riæ mandauī, cur non recitem, nihil, opinor, cauſ-
ſæ eſt. V. Nihil, recita.

IANE biceps, anni finis, redeuntis origo,
Latus ad igniuomum decoque parua focum.

Qui FEBRVO tibi nec pelles, nec ligna reſeruas,
Falleris: hac currum qua ratis ibat, ages.

Vomere ſcindit agros, nocteſq; diebus adæquat
MARTIVS: & Veris nuncia hirundo redit.

Cana & vires tellus, è fronditus induit arbor,
APRILI gemmans eliciente decus.

Salue ter falax ó MAIE ſmaragdine, ſalue,
Temperie certant tempora cuncta tua.

IVNIVS æſtuo deſorta tempore lana
Defendas pecori ſolſtitiumq; iubet.

Sub Brumam ne forte pecus moriatur, IULI,
Proſpicias, & curua gramina falce ſecas.

Tam matureſcunt AVGVSTI munere fruges:
Cumq; amplo ſortem ſanore reddit uger.

AVGVSTI Ceres eſt, SEPTEMBRIS munus Iacchus
Vnde homines viuunt, nos duo perſicimus.

OCTOBER muſtum calcatis exprimit & uis:
Et ſerit hoc anno, qua redeunte metat.

Autumnus quacunq; dedit, conſumo NOVEMBER:
Et pinguem hybernaglande trucido ſuem.

Hand auiſ, hand fera & enanti deeſt illa DECEMBRI:
Quamuis ningat atrox & gelet & ſq; vadum.

Breuiffimè.

Pocula IANVS amat: FEBRVVS ſed Frigeo clamat:
MARTIVS arua fodit: ſed APRILIS florida nutrit:
Ros & ſtos nemorum MAIO ſunt & ar: & amorum.
IVNIVS hinc lanam dat: IVLIVS addit auenam:

AVGV.

AVGVSTVS *segetes profert*: SEPTEMBER *& Quas*:
Seminas OCTOBER: *spoliat* VIRGULTA NOVEMBER:
Bos mihi mactatur prapinguus mense DECEMBRI.

Atque hæc de mense pro instituto multa satis. Tu nunc, Vibulli, aut nos imitare, & de anno scholam habe: aut nos interroga. V. Malo interrogare: sunt enim nonnulla, quæ tenere desui: ea vos tenetis, & ita me interrogantem erudietis. P. Ut iste, Fanni, callidus dissimulator est? V. Caue, Procule, ne te magnum irrisorem contra appellem. Incipio.

A N N V S.

Quid habes, præferre de etymo anni Procule? P. Varronis verba ex 5. recitabo. Annus, inquit, quod ut paruuli circuli annuli: sic magni dicebantur anni, unde annus. Huius temporis pars prima hyems, quod tū multi himbres. Hinc hibernacula, hibernum: vel quod tum anima quæ flatur, omniū apparet, ab hiatu hiemps. Tempus secundum, Ver, quod tum virere incipiūt virgulta, ac vertere se tempus anni, nisi quod Iones dicunt βῆρ. Tertiū ab æstu æstas, hinc æstiuum. Nisi forte à græco αἰθέρα. Quartum Autumnus, sed hic lacuna est in libro, ut nesciamus, quid dixerit deinceps. Ab annulo igitur annum dici Varronis est sententia. Hinc Ægyptij nota hieroglyphica ita expresse runt annū, ut draconem pingerent, qui caudæ extremum ore suo comprehenderet. Nam ut Virg. ait: Atque in se sua per vestigia voluitur annus. Festus, annus ex græco venit quem illi εἴρον: & quod nos triennium, illi τεῖερον. Est autem εἴρον circulus. Atteius Capcio scripsit à circuitu temporis nominatum, quoniam

veteres Am pro circum posuerint. Quidam ab *ἀνα-
νέσθαι* ab innouatione : suo siquidem naturali or-
dine omnia innouat. V. Rectè responsum sentio.
Age Fanni, paucis te volo. F. Vel etiam non paucis.
V. Quot in formas pleriq; annum diuidunt? F. In
tres. V. Cedò quas? F. In magnum, seu mundanū,
seu perfectum, in solstitialem seu vertentem, seu
naturalem, in lunarem. V. Et lunaris quis Procu-
le? P. qui est vnus mensis. V. Vertens? P. dierum
trecentorum sexaginta quinq;. V. Magnus? P. De
eo varij varia senserunt, & disputat Macrobius in
Som. Scip. Item Gyrالد. libello de anno & mensi-
bus. Producam tantū verba M. Tullij ex lib. 6. de
Repub. seu Som. Scipionis. Homines annum tan-
tū solis, id est, vnus astri reditu metiuntur : re
autem ipsa, cū ad idem, vnde semel profecta sunt,
cuncta astra redierint, eandēque totius cæli de-
scriptionem longis interuallis retulerint, tunc ille
verè vertēs annus appellari potest. V. Linquamus
igitur hoc genus anni quoque, & de medio illo au-
diamus, qui Romulo dies non plus trecentos &
quatuor habuit. Numa quinquaginta dies addi-
dit: vt essent trecenti quinquaginta quatuor. Atq;
his à se additis, alios sex adiecit, ablatis à sex men-
sibus, qui triginta dies habebant. Postmodum Iu-
lius Cæsar quinque adiunxit, vt essent tercentum
sexaginta quinque. Sed mittamus annum, ad lu-
strum veniamus.

L V S T R V M.

Quid est Iustrum Fanni? F. Tempus quinquenna-
le, à luendo, hoc est soluendo : quod quinto quoq;
anno vectigalia, & vltro tributa per Censores per-
solue-

soluebantur. Et cum veteres ferè locare solerent prædia tum urbana, tum rustica in quinquèniū, vocarunt hoc tempus locationis lustrum. Non autem quinquèniū integrum intelligitur: sed quadriennium exactum, & quintus annus incipiens: quod idem dictum volo de olympiadibus, quas nihilominus Græci *πενταετίδας* à spatio quinquennij, cum satis constet quinto quoq; anno non exacto, sed ineunte celebrari solitas. V. Nihil requiro nunc quidem de lustro amplius. Dicam tamen de hac voce ex Festo quippiam adhuc. Lustrum significat lacunas lutosas (à luto utiq;) quæ sunt in sylvis aprorum cubilia: à qua similitudine, ij qui in locis abditis, & sordidis ventri & desidiæ operam dant, dicuntur in lustris vitam agitare. Plautus *Cas.* Vbi in lustra iacuisti? id est ob lustra, lustrorum gratia, seu super lustra, & in lustris, ad lustrandum, id est, scortandum. *Ibid.* Vbi lustratus? vbi bibisti? Restat quærere de sæculo.

S A E C V L V M.

Vnde nam vox hæc? F. Varro in 5. de ling. lat. spatium esse ait centum annorum, dictum à sene, quod longissimum spatium senescendorum hominum id antiqui putarint: & sæculares ludi, inquit Festus, apud Romanos post cētum annos fiebant, quia sæculum in centum annos extendi existimabant. Volunt quidam sæculum esse spatium annorum centum & decem. Sunt qui à sequendo dictum autement, quod seipsa tempora sequuntur, primamq; syllabam producunt quidam, & cum diphthongo scribunt: Censorius ait esse spatium

humanæ vitæ longissimum, partu & morte definitum. Quocirca qui annos triginta sæculū putarunt, à veritate recesserunt hodie. V. Nihil occurrit amplius. Tu Procule, si vis interroga. P. Imponamus finem: ne nimium simus Grammatici. F. Imponamus, & aliās de aliis modo simili, quod profit studiis nostris. V. Etiam.

ANNOTATIONES.

EXPLICATIONES TEMPORVM) *Tempus definit Aristot. lib. 4. Physicor. numerum motionis ex eo quod est prius & posterius, dicitq; numerū esse, q̄ numerari potest, aut q̄ numeratur, nō quo numeramus. Lucret. li. 1. Statuit esse ōy siue ens ratione tantū, nō re, ac per se non esse, sed ex rebus olim gestis ac p̄teritis, tempus præteritū nos cognoscere atq; percipere: ex iis rebus quæ hodie sunt, ac fiunt, præsens: ex iis, quæ sunt futura, quasq; futuras suspicamur, aut diuinamus, aut cogitamus, futurum. Ante mundum fabricatum nullum fuisse tempus certum est, quia nec motus. Quidā senserunt fuisse, at non sub intelligentiam cadens, nec distinctum, sed quasi quoddam chaos confusum, quod imaginari possumus. PROCVLVS) Is dicitur Proculus, qui natus est patre peregrinante à patria procul. Proculos sunt, qui credunt ideo dictos, quia patribus senibus, quasi procul progressis ætate, nati sint. Festus. EX SINV TVO) Hoc genere loquendi, cum scilicet aliquem ex huius aut illius sinu esse dicimus, intimam familiaritatē significamus. Cic. Verrina 3.*

Verres

Verres simul ac tetigit prouinciam, statim Messanam literas dedit, Dionē euocauit, calumniatores ex sinu suo apposuit, qui illam hereditatem Veneri Erycina commissam esse dicerent. Et Catilinar. 2. Postremum autem genus est non solum numero, verum etiam genere ipso atq; vita, quod proprium est Catiline de eius delectu, immo vero de complexis eius ac sinu. **BONÆ FRUGI**) Homo bona frugi est homo probus, & sine adiuncto, frugi: ut ille Piso, qui cognominatus est frugi. Plant. Capt. Fui ego bellus, lepidus, bonus vir nunquam, neq; frugi bona. Et Currul. Fac ut bona frugis. Cas. perbona frugi hominem iampridem esse arbitror. Trinum. dixit ad frugem applicare animum. Ibid. ad frugem corrigere.

Qui tua mandatus est fidei, & fiducia,

Quin eum restituis? quin ad frugem corrigis?

Et Pænulo, facere frugem. Herus tuus si uolet facere frugem, meum herum perdet, id est, rem utilem. **(VI PARTES SCISCITANDI)** Ab histrionibus sumptum loquendi genus, per translationem, quibus seniles, pueriles mandari partes dicit Horatius ad Pison. sic epist. 18. lib. 1. tractare partes.

Ut puerum sano credas dictata magistro

Reddere, vel partes mimum tractare secundas.

Plautum dicit cuiusq; personae partes tutari, id est, decorum personarum seruare epist. 1. lib. 2.

aspice, Plautus

Quo pacto partes tuteatur amanti ephabi,

Ut patris attenti, lenonis & insidiosi,

Terent.

*Terent. Heaut. Ne cui sit vestrum mirum, cur partes
 seni poëta dederit, qua sunt adolescentium. Translati
 vsus exempla sunt etiam hac. Partes sibi deponere,
 partes imponere, suscipere, sumere, obtinere, agere,
 transigere: nec aliud sunt hic partes, quam munus &
 officium, quo quis fungitur. EX QVO ILLE) Cleo-
 menes Lacedæmonius, bellum gerens aduersus Ar-
 ginus. Rem explanat Cic. 1. Off. in hūc modum. Exi-
 stunt etiam saepe iniuria calumnia quadam, & nimis
 callida & malitiosa iuris interpretatione. Ex quo il-
 lud: summum ius, summa iniuria, factum est iam tri-
 tum sermone proverbiū. Quo in genere etiam in
 Repub. multa peccātur: ut ille, qui, cum triginta die-
 rum essent cum hoste pacta inducia, noctu populaba-
 tur agros, quod dierum essent pacta, non noctium in-
 ducia. Sophisma attulit: cum pro die civili, quod non
 debuit, quem vocant artificiosum accepit, quem sol
 supra horizonta nostrum volutus efficit. ASTROLO-
 GI QUIDEM) De ista varietate Macrobius, lib. 1. Sa-
 turnal. cap. 3. Gyrald. de annis & mēsis. QUINTA
 MANE) Mane inquit Varro lib. 5. quod tum ma-
 nat dies ab oriente. Nonius, manum dicitur clarum:
 unde etiam mane post tenebras noctis dici pars pri-
 ma: inde Matuta qua græcis λευκόδια. Festus. Ma-
 ne à diis manibus dixerunt, nam mana bona dicun-
 tur. Vide insuper Isid. lib. 5. cap. 30. VARRONI
 NOCTIS MERIDIES) Nonius. Mediam diei
 partem omnes solummodo dicendum putant, cum &
 noctis*

noctis esse eam partem doctorum auctoritatis dixerit.
Varro Marci pore.

*Repente noctis circiter meridiem
Cum pictus aer feruidis latè ignibus
Cali ora anastrica ostenderent.*

MANE, MERIDIEM, SUPREMAM) Sic Isid. Sed de etymo vocis mane supra dictum est. Meridies quasi medidies: hoc est, medius dies: vel quia tunc purior dies est: merum enim purum dicitur. In toto enim die nihil clarius meridie: quando sol è medio calo rutilat: & omnem terram pari claritate illustrat. Suprema est postrema pars diei, quando sol cursum suum in occasum vertit: dicta eo quod superest ad partem ultimam diei. Serum vocatur à causis seris, quando iam nox venit, ut unusquisq; somno tutior sit. Hec Isid. **QVIDAM SVNT FESTI)** Macrobi. lib. 1. cap. 16. **FERALIA)** Ab inferis & ferendo, ut vult Varro lib. 5. quod ferunt tum epulas ad sepulcrum, quibus ius ibi parentare. Hinc & Ovid. Hanc, quia iusta ferunt, dixere Feralia lacem. Inde inferia: & arferia aqua, quæ afferebatur ad sepulcra, ut libaretur mortuis. Arferre pro Adferre dicebant veteres: ut Aruenire pro Aduenire: item Arcedere pro accedere. **PANDICVLARES DIES)** Iidem communicarij, quibus omnibus diis communiter sacrificabant: qualis est apud nos is, quo omnium diuorum memoria ab Ecclesia Catholica augusta carimonia colitur. **NON-DINAS)** Dubitatum est tamen apud antiquos, ec-
quid

quid nundinarum dies inter ferias essent referendi.
*Varias sententias colligit Gyraldus. STATI QUI
 IUDICII CAUSSA) Indicant XII. Tabula. AVT
 STATUS DIES CVM HOSTE) Itemq³ Plaut. Currul.*

*Si media nox est siue est prima vespéra:
 Si status, conditus cum hoste intercedit dies
 Tamen est eundem quò imperant, nigratis.*

QVORVM ET OVIDIVS) Fast. lib. 1. sunt hi versus.

*Vendicat Ausonias Iunonis cura Kalendas:
 Idibus alba Iovi grandior agna cadit.
 Nouarum tutela deo caret: omnibus istis
 (Ne fallare caue) proximus ater erit.
 Omen ab euentu est: illis nam Roma diebus
 Morte sub aduerso tristia damna tulit.*

DIES LVSTRICVS QVO INFANS) Festus.

*Lustrici dies infantium appellantur, puellarum octa-
 nus, puerorum nonus: quia his lustrantur, atque eis
 nomina imponantur. Tertulliano dictus Nominalia.*

DIES INTERCALARES) De intercalatione le-

ge Macrob. lib. 1. cap. 13. CHRISTIANI DOMI-

NICVM VOCANT) Laudes huius diei ex Com-

ment. Bened. Pererij in Genesin libr. 1. strictim po-

nam. Hic fuit primus mundi dies, quò lux facta. Hoc

sicco pede Hebraei per mare transierunt. Hoc primum

manna è calo venit: ablatus est Iesus in Iordane: pri-

imum signum edidit in nuptiis: quinque panibus &

duobus piscibus, quinque hominum millia refecit: in-

vitam est reuersus: octauo post die clausis iannuis ad

discipulos acceffit, & spiritu sancto eos impertinuit,

pecca-

peccatis exsoluendi potestatem dedit: Euangelium totum per orbem nuntiare, homines aqua saluari in-
ficere iussit. Hoc die acta est Pentecoste, qua spiritus
sanctus e' celo delapsus est supra discipulos. Hoc Io-
anni admiranda illa apocalypses oblata sunt. Hoc no-
strorum corporum instauratio, ac totius mundi reno-
vatio futura creditur.

PROGYMNASMA

SEPTIMUM ET SEPTVA- GESIMUM.

Venatio, aucupium, piscatus.

CAESELLIVS, ARVNTIVS, NICOSTRATVS.

CÆSELLIVS. Infinitarum rerum notatio-
nes, & (quod inde consequitur) notiones à
nobis ignorari, M. Varronem potissimum
lectitans intelligere, & manib⁹ tangere soleo: qua-
rum tamen, notationum, inquam, ille multas for-
tasse aut perperam tradidit, aut prætermisit. Non
longè abiero, Venator ait lib. 4. à venatu, quod se-
quitur ceruum ad ventum, & in vento. Quo quidè
loco memini eruditorum linguæ latinæ nō nemi-
nem extrema sic præoptasse legere: hinc venatus.
Idem in præcedentibus pro, cerbum (quæ scriptu-
ra vetus librarios rudiores erroris compleuit, ve
ita facerent *quod sequitur Verbum ad Ventum*) sine
hæsitazione, ceruum, legit. Igitur Varroni à vento
vena-

venatio, quoniam & venatus, & venator, & ipsum
 utiq; verbum, venari, cæterorum origo atque ca-
 put. At enimvero mihi lubet opinari dictum ve-
 nari à venis: vt sit nimirum venari, scrutari venas:
 & qui animalia venatur, is quasi venas indagare
scrutariq; videatur. Ecquid arridet vobis hoc a-
 cumen? A. Aliquantum mihi quidem. Tamen à
 Varrone non temerè in alia omnia eundum arbi-
 tror. N. Et rectè id quidem: vtpote cui latino, & è
 latinis prognato, & inter latinos educato, Græcè
 insuper doctissimo exploratius cognitæ esse po-
 tuerint verborum latinorum etymologiz, quàm
 alienigenis & peregrinis nobis, qui sermonem la-
 tinum vsq; ad capulum discimus, nec perdisci-
 mus. Est autem miserum *πάλιν μενδάνειν, καὶ μη-
 δε ποτε εἰς ἐπύρωσιν ἀληθείας ἐλθεῖν διωαδῶν.* A. Vtinā
 istuc cum veritate affirmaretur, nos semper latinè
 discere: non omnia sursum ac deorsum agi fer-
 riq; viderentur in nostra Rep. Sed hæc nihil sanè
 ad hoc tempus. C. Ergo relinquamus rem in in-
 tegro, nec Varroni pergamus dicam scribere. Græ-
 ci venationē ab ipsismet feris apertius *θηρεῖμα*, &
θηρολογία appellarunt: vt sit ferarum vestigatio,
 consecratio, captatio, siue captio: vtor enim pluri-
 bus de industria, quò duo illa græca magis expri-
 mam. N. Sunt qui non tam græci, aut latini vim
 nominis à Varrone allatam spectâtes, quàm rem,
 negotiumq; ipsi nomini subiectum consideran-
 tes, tripartitam venationem inducant: quarum
 prima ab vsu canum *κυνήγετον* vocatur Græcis:
 quanquam & retibus, & aliis infidiis perpetratur,
 idq;

idq; in terrestribus animantibus: quę eadem commune venationis vocabulum facit suum. Huiusmodi animantium quędam vt maiora, sic immeniora visuntur, vt leones, apri, pardi, lynces, vrsi: quędam minora, & non æquę sęua ac terribilia, vt lepores, vulpes, cerui etiam. Altera est æriorum seu volatiliū, quam Gręci ἰξευπηκὴν & ὀρνιθικὴν, nos aucupium dicimus. Postrema aquaticorum, per mare, flumina, stagna, & aquulas fieri solita: nobis piscatus siue piscatio, illis ἀλιευπηκή. Tot enim, tria nempe sunt animalium genera, hominibus in alimentum idonea: quę singula cum quærere, captare, persequi cogamur cum molestia & defatigationibus, & sepe non sine frustrationibus, quid est, cur non in omnia communiter venationis nomen vsurpemus? præsertim si venari à venis, non à vento velimus ducere? A. Abs te sto Nicistrate, & hoc amplius censeo, primum genus iure concedi Principibus, atq; heroibus, illisq; maximè, qui ruri colunt arces, habentq; illic prædia & prætoria, & iis contigua ferè viuaria, syluas, nemora. Nam his omnium sententia animorum maior quędam, & crebrior oblectatio permittitur, licetq; lautius ac delicatius viuere. Secundum autem, & tertium potius ignobilibus, fricti ciceris & nucis emptoribus, & qui sunt è medio: siquidè non perinde, vt de quo dictum est, videntur liberalia. Communia porrò omnibus aio esse dolum, vim, veneficia. Etenim cui obscurum est, retibus, nassis, tendiculis, pedicis, laqueis, viscatis virgis strui fallacias miseris animalibus? Arcus, sagittę,

sclopi, venabula, fuscinae ad vim pertinent. Veneficiis ferae & aues decipiuntur rarius, pisces saepius: qualia numerantur aconitum, tithymallum, ranunculi: quae pabulo commissa necem pennigeris, quadrupedibus, & natantibus afferunt. Nonnulla quanquam deuorata non perimunt illa quidem, tamen stupida, & proinde ad capiendum facilia reddunt animalia. At at quid istuc rei est? dum de etymo venationis sermunculum serimus, in sermonem de venatione imprudentes effundimur. Addiderunt certe equi se in spatia: Vin' tu, Caeselli, vti currus habenas audiat, & tanquam ad carceres oratio reuocetur? C. Ergone? Quinimmo, quando ita nec opinato euenit, teneamus quam optare potuimus occasionem, nec eam amittamus, ac de re auditu spectatuque iucundissima producamus colloquium: de venatione primo loco, post de aucupio, ad extremum de piscatu: fiamusque vno die sine feris venatores, sine auibus aucupes, sine piscibus piscatores. N. Fiamus, age, fiamus. Ite vos praee, ego subsequar. A. Quin tu ito praee. N. En facilitatem meam. Bipartita est venatio. C. Quomodo istuc? N. Quomodo? quia scilicet alia agrestis siue campestris est, quae per campos apertos, per montes, colles, sylvas, agros hominibus, canibus, equis feras acerrime insequitur. De hac rex carminum Virgilius in quarto Aeneidos his ipsis versibus.

*Oceanum interea surgens aurora reliquit,
It portis inbare exorto delecta iuuentus.
Retia rara, plage, lato venabula ferro,
Maslyiaq; ruunt equites, & odora canum vis.*

Et pau-

Et paulo infrà.

Postquam altos ventum in montes, atq; inuia lustra,

Ecce, fera saxi deserta vertice capra

Decurrere iugis: alia de parte patentes

Transmittunt cursu campos, atque agmina cerui

Palmerulenta fuga glomerant, montesq; relinquunt.

Alia amphitheatralis, de qua non paruum est operæ pretium cognoscere. sed faciam breue. Vt in theatro ludì dabantur scenici, sic in amphitheatro gladiatorij, & venatorij, quam Græci rerum scriptores *θηρῶν*, & *μαχῶν θηρίων* cædem ferarum, & pugnam ad bestias nominarunt. Qui contra eas dimicationem capefferent, *θηριομαχῆς*, latine bestiarij, arenarij, Tertulliano damnati in ludum dicebantur. Quandoque inermes certare compellebantur, aut etiam ad palum deligati, atrocium belluarum in se emissarum morsus laniatusq; sustinebant, quos item bestiis obiectos vocabant. Cæterum, cum in tale discrimen non obicerentur nisi serui pœnam commeriti, aut alioqui homines, qui capital fecissent, quique bello capti essent, contingebat interdum, vt huius farinae deessent: quorum in locum emebantur, conducebanturq; qui populi oculos animosq; tam bello spectaculo satiarent. Ac proditum est eò leuitatis & insanix, vt non plebei solum, verum & honorati, & si diis placet, etiã mulieres istiusmodi pugnx accingeretur. Mulierum qdem *θηριομαχίαν* à Domitiano editam testatur Martialis, & Suetonius. Præterea Papinius i. Sylvarum.

Stat sexus rudis, insciusq; ferri

Et pugnas capit improbus viroles.

D d d 2

Credas

*Credas ad Tanaim, ferumq; Phasin
Thermodontiacas calere iurmas.*

Meminit eiusdem rei Xiphilinus in Nerone ac Tito. Bellux è cauea in ipsam amphitheatri caueam emittebantur aliàs vna, aliàs plures simul. Depugnabant vel è superiore loco iaculis, in quo peritiam iaculandi suam ostentabant: vel ex æquo venabulis, lanceis siue hastis. Illis cominus fgebant leones, apros, pardos, quæ ἀγχιμαχα θηρία dicuntur, Herodiano ζῶα γυναια: his eminus ceruos, capreas, & similes bestias, quæ vocata sunt βοτὰ θηρία, herbacea seu pascentia animalia. De amphitheatrali venatu verborum nihil addam. C. Ad campestem ergo, quod proximum est, nos transferamus, contra quam quid verisimiliter dici possit, exordior explicare. A. Tu bonam causam studes, credo, malam facere: aut in obscuro & incredibili thēmate quātum ingenio & eloquentia valeas, more veterum sophistarum ostendere. C. Erras, & me ignoras Arunti. A. Quid ergo est? C. Tibi venatoriæ laudandæ causam opportuniorē suppeditare volo. Est enim laudatoribus plerumq; irritamentum maius ipsa rerum laudandarum vituperatio. Sic igitur quis aduersum venatores insurgat. Vita vestra quietis & tranquillitatis expers, turbarum ac tumultuū plena est. Quod, vt nihil ei præterea insit incommodorum, satis valet ad deterrendum. Inesse autem plura hinc mecum recognoscite. Tempus insidiando, expectando, ad retia sedendo, huc illuc cursitando, & per dumeta oberrando cum vestris canib⁹ totos dies,

vnius

vnus lepusculi gratia, in otioso negotio cōteritis: & qua nulla maior est iactura, temporis nimirum, quo nihil est pretiosius, eam vos nullius coactu, sponte vestra, libentes atq; gaudentes facitis. Quid est aliud desipere? Quare autem legitimis voluptatibus bellū indicitis? num ē quercubus prodiistis? quare eas ita immaniter auersamini, vt omnia cōtraria vobis sint quodāmodo in optatissimis? Vestrum quippe est manere sub Ioue frigido, tenerarum cōiugum immemores. Vestrum est, inquam, perpeti algorem, ambulare genuū tenus per niues, torrerī caloribus, perferre sitim, tolerare inedia, quiescere humi, cælestes perferre iniurias, non ob virtutem, non ob Remp. nō ob ingentem aliquam vtilitatem: sed ob vnicam bestiolā, quam neq; vtrum capturi sitis potestis statuere, & sæpe numero non capitis. Huius amentix vestræ testis est in 2. Tusculana Cicero. Pernoctant, inquit, venatores in niue, in montibus vri se patiuntur, & rursus in eodem libro. Apud quos autē venandi, & equitandi laus viget, qui hanc petessunt, nullū fugiunt dolorē. En quam vitiosa, quam adulterina est voluptas vestra, si modo dicenda est voluptas. Frigora, lassitudinem, esuriem, sitim, sudorē; pluuias, & alia cōpluscula mala complectitur. Quid? Nonne vos calamitates magnas datis humano generi? Dum enim feras canibus, & equis insectamini, conculcatis sata, laceratis vineas, corrumpitis plantaria, conuellitis syluas, deuastatis agros. En quā præclara, & vtilia molimini opera. Fiunt efferaiores, & inhumaniores, qui exagitant, & ad mortem toties indagant bestias, eamq; immanita-

tem postea in homines conuertunt. Multa insidiarum genera nouerunt venatores, quibus abstinere aduersus naturæ participes ægrè possunt : ut eapropter rusticis non temerè venatus interdicitur : ne ob duriora alioqui, & ferociora ingenia uenientur homines, exerceantq; latrocinia, aut certè damis & leporibus agitandis intenti, agriculturam dimittant. Adeo porro in sumptus ad alendos canes, ad equos, ad homines huius fucatae voluptatis vestræ ministros prodigi estis, ut nonnunquam fundo suspiret nummus in imo, & ad paupertatem deuoluti, rebus ipsis intelligatis quam verum dixerit, qui dixit : Sera est in fundo parsimonia. Hoc poëtæ sapienter in Actæonis fabula monere voluerunt, quem venationis nimio plus quam satis erat, studiosum, & in canes profundentem opes suas, in ceruum abiisse, & ab illis ipsis canibus dilaniatum cecinerunt. Docebo etiam quàm sitis audaces, & φιλοκίνδυνοι. Quoties per abrupta, & præcipitia cursatis? quoties propter diuturnas, aut immodicas tempestates in morbos periculosissimos inciditis? quoties in arbores incursando corpus atteritis? quoties caballis excussi iacetis fracti aut luxati membrum aliquod? quoties dum apros, aliasq; importuniores bestias vulnerare conamini, ipsi ab illis grauiter vulneramini? Merito Martialis: *inter Casarea discrimina seuæ Diana*. Profecto sæuis se discriminibus committunt, vitam habent vilissimam, qui venantur. Et cum hæc ita sint, inueniuntur nihilominus etiam scæminæ venatrices : quibus (quoniam venationes progymnasmata putantur mi-

lita-

litaria) idem quis faceret occinuerit, quod apud Homerum Veneri, dum Æneam suum morti subducere conatur, in prælio à Diomede sauciata per reprehensionem dicit Iupiter. Nunc meam hanc disputationem ita claudam, ut ad eam versiculos Lucretij perelegantes de libro secundo accommodem,

Desine quapropter (Arunti) nouitate exterritus ipsa

Exspuere ex animo rationem: sed magis acris

Iudicio perpende: Et si tibi Vera videtur,

Dede manus: aut si falsa est, accingere contra.

A. Non accedam ad singula refutanda, quæ tu, Cæfelli, εἰσενένομεν, & per ludum contra studium venatorum differuisti. Opponam autem tuis cuiusmodi propugnationem laudationemque venatoris, ut tu, & vnà Nicostratus vno velut impetu omnes machinationes concidisse fateamini. Quidquid immoderatum ac intempestiuum est, vitio affine est, & eò iure damnatur. Erit igitur moderata venatio, ut sit laudabilis. Et cur tandem non sit laudabilis? Habet omnino causas probabiles atque iustas: quarum princeps videtur illa, ut à ferarum sæuitia, & iniuriis securè degere liceat. An non lupi in viatores inuadunt? an illi imbellæ pecus oues non discerpunt? an vrsi, cerni, cuniculi, vulpes segetibus, vineis parum incommodant? longus ero, si quantum detrimentorum ab agrestibus animalibus capiamus, memorare instituerò. Venamur etiam honestè idcirco, ut carnes in victum ne desint. Mundo quidem recentiore non carnibus, sed frugibus tantum, & glandibus homines famem depellere consue-

fuisse non negamus. At post eluuiōem terrarum, permissam diuinitus potestatem constat non ci- cures tantum vt boues, capros, oues, sed etiam syl- uaticas bestias, & aeriuiagas, & fluuicolas capiendi, occidendi, comedendi. Nec si id necessarium non est, quia domesticis cōtenti esse possimus (si modo semper possimus) ideo statim vitiosum est. Nam si ita voles, ne carnibus quidem opus sit: quoniam vt olim, sic etiam nunc victum terra fundit. Sa- tis tegebant corpus villosæ pelles animalium, & frigora satis defendebant: satis arcebant ventos, pluuias, grandines, & nines tuguriola congestis cespitibus: nihilominus vtroque adiuncta est sensim ad necessitatem commoditas & elegancia, quod nemo vnquam non probauit. Præterea cum homines rerum ceterarū domini sint à principio constituti, cur illis pro arbitrio non vtantur? Eti- amsi tantummodo oblectamentum ex venatione quæretur, vt sæpe quæritur, non debet id continuò cū crimine culpæ coniungi. Quid quod plurima è feris vel ad persanandum, vel ad protegendum corpus, vel ad alios vsus accommodata & necessa- ria adipiscimur? Otium fugiendū iis, quibus cordi esset pudicitie virginalis conseruatio, per hanc po- tissimum exercitationem, quasi honestissimam & liberalissimam insinuare poëtæ studuerunt, dum Dianam intactam, & venationibus assiduò deditā fabulati sunt. Sic Hippolytus Thesei fili⁹ apud Eu- ripidem & Senecā castitatis seruandæ, atq; ob eam rem otij vitandi (quod libidinis quasi diuersoriū, & inuiolatis mentibus etiā atq; etiam cogitationū impurita: generanda inimicum est) consecretandis
per

per nemora feris sese exercet. Quæ exercitatio corpus firmat, animum in rebus arduis audentem, locorum peritum, ad itinerum difficultates subeundas alacrem, ac tolerantem reddit. Afferit & M. Tullius 2. de nat. Deor. eam ad victum, & disciplinam militarem conducere, his verbis. Iam verò immanes feras & belluas nanciscimur venando, ut & vescamur his, & ut exerceamur in venando ad similitudinē disciplinæ bellicæ. Xenophon, ubi docet qua ratione instituerentur apud Persas, qui ex ephœbis excessissent, narrat eos vnoquoque mense venatum cum rege exire, idque sæpius. Causam quam veram & prudentem adducat, mecum perpenditote. Quod hæc (quemadmodum paulò antè Ciceronem affirmare audiebatis) vtilissima sit bellicæ disciplinæ meditatio: siquidem asuefacit diluculo exsurgere, frigus caloremque iuxta pati. Itineribus item, atque cursu exercet, & feras ubique occurrerint, sagitta aut iaculo necesse est petere. Frequenter venantibus acuitur animus, cum immanior aliqua bellua sese obtulerit, quam propius accedendo ferire, contraque irruentem declinare oportet: quæ quidem similiter solent in bello euenire. Idem in extremo primo, ubi Cambyfes pater Cyrum filium militaribus præceptis informat, dolos venatorios in homines belli tempore transferendos suadet. In commentario autem de venatione, quam egregias commoditates pariat venatio, longiuscula oratione commemorat, cuius summam accipitote. Valetudini venatores cōsulunt, aspiciendi, audiendique sensibus proficiunt, tardius senescunt, ad prælia vitamque castrensem

præparantur: in qua si vias incômodas sub armorum onere ambulant, nihil illis nouû, qui id sæpe, dum feras persequi properant, citra defatigationem fecerint. Cubabunt humi, ad imperatoris vocem aduolabunt, in fronte locati non retrocedent, hostem viriliter aggredientur, fugientem & propter audaciam acriter, & propter locorum notitiam tutò insequentur. Si aduerso Marte conflixerint, cum se, tum commilitones in locis syluestribus, præruptis, & aliis sibi exploratis facile seruabunt. Quin frequenter tales parua manu hostes insequentes, & ob locorum difficultatem errantes repulerint. Hæc voluptas temperantes & iustos facit, honestarumque actionum exercitamentis, vt aliæ illaudatæ voluptates nequaquam aduersatur. Hinc ergo strenui milites, hinc boni imperatores euadunt. Quorum enim labores ab animis corporibusque nefanda & infamia quæcunque prohibent, contrà verò amorem virtutis inferunt, ij optimi censendi sunt: quippe qui nec patriæ iniurias, nec regionis suæ calamitates negligunt. Secundùm hæc idem historicus iis respondet, qui per venationem rem familiarem deserunt clamitant. Nesciunt isti, inquit, qui de repub. & amicis bene merentur, eos omnes rei familiaris diligentiores esse. Quod si studiosi venationis ita se comparant, vt patriæ in rebus maximis commodent quàm maximè, hi certè nec priuata contempserint, quorum salus & pernicies in communi salute pernitièque inclusa est. Optimi & laudatissimi Principes interdum animos suos à sollicitudinibus & curarum molibus auocatos, istoc ludicro

dicro. reficiebant, & quodammodo redintegrabant, quod de Marco Antonino philosopho, Alexandro Seuero legimus. Enumerat Xenophōn heroes multos, qui sub magistro Chirone ab in-
eunte atate venatibus operam dederint, itaque in rebus gerendis animosi ac strenui euaserint, & simul *καλῶς νοεῖν, καὶ λέγειν, καὶ πράττειν* didicerint. Veruntamen extra culpam non sunt Principes, qui quod sibi est voluptati, id committunt vt subiectis populis sit fraudi: quando nempe ab administratione publica sese remoquentes, totos in venatione collocant. Vt Mithridates, quem septem ipsos annos nec vrbs, nec ruris tectum subiisse propter venationem inuenio. Vt Antiochus, qui dum inter venandum per auia fertur, amissis comitibus ad casulam rusticani oppressus nocte diuertit. Eum percontatus, quid de rege vulgaretur, audiuit: regem ipsum esse quidem virum bonum, sed vti consiliariis improbis, & nimis venationi addictum. Affirmauit postea rex, ad eum diem neminem sibi de se vera dixisse, præter illum rusticulum. Iucunditas huius laboris quantafit, cum alia, tum illa Xenophonteadeclarent de Cyro etiamnum puero: quem cum auo materno Astyage Medorum Rege versantem, venationis campestris cupidissimum introducit. Ceruam fugientem oblitus custodum monita, & solum quonam fugiat attendens, equum calcaribus fodiens, & altum clamitans persequitur. Aprum iaculo in frontem vibrato prosternit. Inter sodales & coæuulos latabundus asserit feras, quas ei ante auus in viuario agitandas con-

concefferat, aliarum per plana camporum, montiumque ardua volitantium comparatione videri sibi in carcere inclusas, claudas, vinctas, scabiofas, mutilas. *Quas autem in montuosis & campestribus locis inuenimus, inquit, hæ quàm pulchre, quàm magna, quàm opima apparebant? Cerni instar alitum saltare ad astra videbantur. Apri, quemadmodum fortes viros, & strenuos facere dicunt, contrà ferebantur: atque præ latitudine vix fieri poterat ut aberrares ab eis. Denique pulchriores esse mihi hæ videntur vel mortua, quàm vine illa septa & inclusa.* Et quia de regio puero producti sumus ut loqueremur, venit in mentem alterius item pueri, & regij sanè, cui regnum Italiæ, & Romana tellus debebantur. Similem huius animum, vel maiorem etiam, similem in venatu voluptatem expressit latinus vates.

*At puer Ascanius mediis in vallibus acri
Gaudet equo: iamq; hos cursu, iam præterit illos:
Spumantemq; dari pecora inter inertia votis
Optat aprum, aut fuluum descendere monte leonem.*

Effudi encomium venatoriæ, in quo fuisset disertior, si tempus ad meditandum habuisset. N. Nobis hoc tuum extemporaneum satis placet. Ego iam vicissim tibi venatorem, si potero, describam. C. Quæso mi Nicostrate, & ita quidem, ut si nos discipulos esses nactus. A. Qualem ergo venatorem postulas? N. Qui primum se ad feliciter venandum, & ad labores venatorios quibusdam exercitationibus comparauerit, ut sunt iacula torquere eminus, arcu sagittas ad scopum mittere, iactare discum, pugnare cestibus, lucta contendere, equos in gyrum flectere, natare, currere. Alienum

num à grandi ætate hoc studium: siquidem cum canibus & catulis feras sectari venator sæpe debet: malè currunt senes. Ergo iuueni hoc negotium mandemus potius, cui corpus agile, & quadratum, membra valida & torosa, laboribus minimè cedentia, animus hilaris, nec fastidiosus. Siue autem pedibus, siue equo insidens ad venatum incumbat, cultus eius commodus & expeditus esto. Omnino, strictæ, quam fluentes & laxæ vestes aptius quadrant venatoribus. Iam si de colore quaeritis, fuerunt in ea opinione veteres, ad ceruos comprehendendos referre, si esset viridis, ad apros, si fuscus: etsi leucophæzum, seu cineritium, & nigrum non interdicerent. A puniceo abstinent dum ducebant, quoniam hunc tanquam conspectiorem & celerius perciperent feræ, & velocius fugerent. Pileum vesti concolorem volebant, & villosum præterea. Calceos altos in morum cothurnorum, quò tutius per loca vliginosa se penetraret. De collo pendeat cornu seu buccinâ, qua pro indiciorum varietate signa mittebat, siue bellua se mouisset, siue inuenta, siue elapsa, siue intercepta esset, siue exhortaretur, siue requireret, siue receptum imperaret. Quos modos pro regionum consuetudine etiam diuersos existere non nescitis. Prædiscenda illi loca, in quibus quænam belluæ stabulentur. Nam non quauis regione quamuis inuenias. Non sunt pauci nos elephantum, in Africa nulli cerui, Armenia abundat tygribus. Præterea natura & mores earum noscendi sunt prius, ob quæ non est eadem earum capiendarum ratio. Aliter capiuntur lepores, aliter cerui, aliter lupi,
aliter

aliter apri: leones autem vel insidiis, vel aperte capere difficillimū est: qui latronum tela ore cruento frementes confringunt, canes prosternunt, equos & homines præ sauitia & iracundia perdunt. Longo usu vestigia ferarum ei nota sunt, unde & qua regione vagentur, & ætatem earum coniiciat. Noscendum est præterea, quibus exclamationibus vtatur, iō canes, iō segnes, bene canes, probē canes. Euge euge ō canes, instate canes. Et cum reuocat, retro retro heus canes. Ad custodem retium, puer ha, puer ō, ō puer. Erit adhæc præditus cultro venatorio (Μαϊδραξεν) cum aliis de causis, tum vt ramos extruendis scenis decutiat. Altera manu venabulum seu scloppum portabit, altera ducet canes, circumuoluētque brachio, aut ad baltheum suspendet funiculos, quos copulas vocant, quibus canes quoties usus venit, vel colliget ac retineat, vel soluat, ac dimittat: quorum, canum inquam, voces atque mores necesse est eum intelligere, nunc hos, nunc illos propriis nominibus compellare, sonumque nominis cuiusque quān licebit multipliciter variare, nunc ex graui in acutum, nunc vicissim ex acuto in grauem, nunc in summissum, nunc in elatum. Quocirca scriptores *θηρευτικοὶ* nomina canina aut monosyllaba, aut *δυσόλλαβα*, certē breuia, & pronuntiatiu vocatiueque facillima esse iubent. Talia sunt apud Xenophontem *ψυγή*, *θυμὸς*, *πάρπαξ*, *σύραξ*, *λόγχη*, *λόχος*, *φρυγὰ*, *φύλαξ*, *τάξις*, *ξίφος*, *φόνεξ*, *φλέγων*, *ἀλκή*, *τεύχων*, *ύλεὺς*, *μήδαις*, & alia, quæ,

quæ, ut sim brevis, prætereo. Germanis *Lax/*
falk/ Wolff/ Beer. Quamobrem dubitaue-
 rit aliquis, num sit excusabilis Ovidius, qui in
 fabula Actæonis, eiusdem canibus nomina, ex
 natura quidem & proprietatibus eorum ducta,
 sed trisyllaba etiam & tetrasyllaba indidit, Ich-
 nobates, Melampus, Pamphagus, Nebropho-
 nus, &c. cum apud Xenophontem nullum dua-
 bus syllabis longius reperiebatur, qui tamen plu-
 ra quam Ovidius recensuit. A. De omni genere
 canum venaticorum, an de certo intelligis, quod
 ais de nominibus? Sunt enim quidam indaga-
 tores, seu vestigatores magis: quidam perniti-
 tatis, quidam roboris causa educuntur: ut ta-
 ceam de illis, qui ad aquaticam venaturam in-
 stituuntur. N. De omnibus. Albos ad inda-
 gandum minus valere tradunt. Qui sunt tergo
 nigro, ventre & pedibus spadiceis, laudantur
 præ aliis. Commendantur indagatores auribus
 pendulis, caudis longiusculis, capitibus magnis,
 pectoribus latis, cervicibus longis, oculis ful-
 gentibus, rostris nigris, iisque brevibus ac va-
 lidis, cruribus robustis, ac prioribus, aliquan-
 to brevioribus, clunibus latiusculis, ventre ina-
 ni, natura agiles & alacres. Tales enim impri-
 mis sagaces putantur. Emissarii autem erunt
 longi, agiles, expediti, cruribus prioribus lon-
 gioribus, capite etiam longiusculo, nec eo carno-
 so, sed levi, oculis micantibus, pectore torosi,
 cauda longa, nec hirsuta. Canes Xenophoni vult
 esse magnanimos, sagaces, duripedes, & nitidos. Si
 non

non inueniantur feræ, prodest tamen eos agitare per aspera: quod pedes durantur, & corpora canina huiusmodi locis exercentur. Agitandi æstate ad meridiem, hyeme per solidum diem, autumno quauis diei parte præter meridiem, vere etiam toto die, præter vesperum. De forma, colore, generibus, educatione venaticorum plura different, qui se huic studio impensius dediderunt. C. Permirum, hoc animal tantum valere odoratu, ut è solis vestigiis, in quibus tenuissimus odor hæret aut hominis, aut feræ, & dominum, & feram quamuis longo distantem spatio inueniat. At cornutorum omnium fissam esse ungulam aiunt: bisulcam nihilominus etiam apri & onagri. Frigus aiunt officere vestigiorum odoribus, ut item rorem & pruina. Et Borea spirante si ningat, diutius in niue remanere vestigia: Austro flante citius perire. Matutina vestigia certiora sunt, si à medio noctis ningere desinat. Noctes hybernæ quia longiores, vestigia longinqua præbent. Vere ob anni temperamentum certior est per vestigia vestigatus: nisi quod terra ubi submittit flores, odores confundit. Præterea feruor æstatis terræ halitus consumit, ut inde canum nares minus ad percipiendum inueniant. Hyeme & æstate vestigia plerunque recta sunt: Vere confusa, leporum præsertim, qui tum præcipue lasciuiunt, hac illac vagantur, & implicant vestigia in glabretis: proinde, ut in locis puluerulentis ac squalidis, odor exilis & fugax. In herbidis & vepretis odoratiores sunt ideo, quod non pedum duntaxat, sed crurum quoque, & corporis affricu vestigiaria semita odorem

rem retinet. In opacis locis odor minus vanescit. Olfaciendis cubilibus quam vestigiis diutius immorantur canes. Sed quod de scenis extruendis dicebas vno verbo, Nicostrate, cum de venatore ageres, id dicito paulò fufius, ac simul de tempore venationibus instituendis. N. Cum grandiorum ferarum suscipitur venatio, de frondosis arborum ramis, tum in syluis, tum in campis, quâ transituræ sint feræ, ante oppansa retia scenæ, seu umbracula componuntur, quibus ductores emissariorum se occultant, expectantes dum adueniant illæ, vt confestim eos cum clamoribus emittant, & misellas in retia compellant. Quod minimè faciendum, antequam præter scenas cucurrerint. Magno ibidem opus est silentio: sunt enim auritæ feræ, facilèque insidias suspicantur, & alio cursum ferunt. His umbraculis etiam vtuntur heroinæ, quas spectacula illa delectant, & qui præsentés vagari per carrecta propter molestiam nolunt. Æstate optima est venatio à mane ad meridiem: tum quippe solis spicula vestigiorum halitum dissipant, quem etiam luna pleno orbe extenuat. Vespera verni temporis idonea habetur irretiendis leporibus, & figendis ceruis libidinantibus. Tempestas, pluuia, imbres odorem vestigiorum præpediunt, & aures canum fruteta stirpèsque concursantium aqua opplentur. Flante Austro, quia humidus est, quemadmodum pluuiis, olere vestigia desinunt. Aquilonibus, sereno cælo, odor manet. Cæpta & confossa fera additur comœdiæ venatoriæ suæ

catastrophe, quæ exenteratio seu visceratio dicitur. Canes sparsi ad militiæ suæ præmia accipiendæ cornuum cantu, vniuersis acclamantibus conuocantur. Certi ritus in exenterando adhibentur: intestina gestientibus, & id ipsum velut iure suo flagitantibus canibus pro epulis partitè obiciuntur: panis etiam offæ ex ferarum sanguine præbentur, præcipuorumque canum maior ratio ducitur, & iis singularia pro labore cum laudibus redduntur. De venabulo, quo maiores & cominus, more scilicet generosorum militum congregientes conficiuntur, bene moneant, vti eius hastile ligni sit durissimi, quò difficilior frangatur. Ferrum præfixum sit anceps, & acutum probè, & acuminatum satis, quò celerimè & maximè in corpus descendat. Quà hastili committitur, aures vtrique extantes habeat: aut certè transuersim ad commissuram pefculus corneus alligetur, ne percussa bestia se in venabulum præ ira eo vsque induat, vt quasi veru affixa ad venatorem ipsum perueniat. Separatim iam de huius aut illius feræ capiendæ modo disputare, ostenderèque quomodo taxi, cuniculi, capreoli, vulpes, lepores, damæ; cerui, simiæ, lupi, vrsi, leones, pardi, elephanti, alces, tygrides; vri, crocodili capiantur, operosius foret, & admodum vacui temporis. Sanè ceruorum venatio periucunda & regalis est, herosumque voluptati accommodatissima. Ac senum quidem alia sunt vestigia, quàm iuuenum, qui ex attritu arborum cognoscuntur, vt magnitudo ex loco, in quo antequam è pastu recederet, decu-

decubuerunt. Quod si priorum pedum vestigia longius distabunt à posteriorum vestigiis, indicium est ingentium esse corporum, & adipatos. Vrsi retibus, sagittis, foueis, sicut & lupi capiuntur. Facetum genus insidiarum. In Polonia ad arbores, in quibus apes mellificant, malleos ingentes, & ponderosos suspendunt. Vrsus qui mellis dulcedine nimio opere delectatur, ad apiarium accedit, sese erigens ad arborem applicat, impendentem malleum à foramine seu ostio capite in altum protrudit. Sed quo id sapius, & vehementius facit, hoc magis & crudelius contunditur. Consueuerunt item ad os aluearis cultros insigere, quibus ascendens se ipsum lacerat. Quandoque venator armis cōtectus & communitus, sica præcinctus vrsum aggreditur. Ille erectus pedibus prioribus hominem velut suffocaturus completitur quàm arctissimè. Vanator eductam sicam in eius corde defigit. De arboribus humilioribus, in quas pomorum cātissa ascendit, defilire solet. Quare circum eas palos sursum versus acutos defodiunt, in quos se cum perniciæ sua induit. Aporum venatus hybernis mēsis suscipitur: quippe tum glandibus & fructibus eximie saginati, & ganeæ percommodi habentur. Obseruantur eorum volutabra: conscendit arborem propinquam venator, venturum præstolatur: venit plerunque sub vesperam. Tum se volutantem sclopo aut sagitta traiecit. Modus alius non æque iucundus, & periculosus est, cum quæsitus & inuentus canibus agitur, & venabulo petitur. Ruit in vulnus, perque ipsum venabulum in

ferientem contendit. Eius tantam esse vim narrat Xenophon, ut etiam dentes occisi ferueant, & pili admoti contrahantur. Nam viuentis setæ, si quando irritatur ignescunt. Canum villos cum corpora non assequitur, adurit. Cum autem varix sint artes capiendarum ferarum, in illis etiam hæc. E quercu suspendunt intestina animalis aliquius, & intus abscondunt vncum ferreum, quem assiliens fera cum deuorauerit, pendens in aëre latentem venatorem delectat. A. Tamen aliquid ferarum nos capere docuisti. Vellem lepores docuisses, quorum ego carnibus non possum satiari. C. Ego in delitiis pono aprugnam recentem, non salitam. De auibus autem quibus tua gula gaudet amplius? A. Optimis. N. Credo equidem. Mirum enim etiam piscibus optimis, & denique in qualibet re eo quod est optimum. Consideremus quod secundo loco propositum initio fuit, aucupium. Et quoniam ego venator fui, aprosque & vrsos cepi, tu Cæsellage aucupem, & nobis aues capito. C. Nondum paratus sum ab instrumentis. A. Quæ defuerint, à nobis mutua sumas licebit. C. Proficiscamur ergo aucupatum.

DE AUCUPIO.

Ingenuum, honestum, iucundum, corpori salubre studium est auibus moliri insidias, moderatam habet exercitationem, mediocri aut paruo labore, & citra periculum. N. Recte, citra periculum, & mediocri aut paruo cum labore: quo-

quorum neutrum in venationem cadit. Nam profectò per inuia properare, per arbuſta, ſpina, per ſaxoſa & aſpera locorum, per ſylvas modo huc modo illuc, modo ſurſum modo deorſum per montes currere, quantas conciliat laſſitudines? Incidere autem vel in horribilem vrſum, vel in ſpumantem aprum, vel in furibundum ceruum, vel in iracundum leonem, quam dirum? Et adhuc quærantur iſta pericula, & itur obuiam morti quodammodo. C. Tolerabilior ſumptus, minor apparatus capiendis volucribus. Cum contra illic canum centuriæ, magnarum impenſarum, & formarum complurium retia, venatorum, famulorumque turba ſit neceſſaria. Solo propemodum reti, viſco, accipitre auceps ſuum munus, ſine comitibus, ſine canibus facilè exequatur. At enim cum diuerſa ſit natura ferarum, volucrum etiam, quæ locorum, quibus nidificant, & viſſitant, & pabulorum, quibus aluntur, non quæuis ratio aucupandi in quoduis genus conueniet. Sunt campeſtres, & veſcuntur ſeminibus, & maturis frugibus, & fructibus, & vuis, ficibus, oliuis. Sunt lacuſtres & paluſtres, & marinæ, & amantes flumina, quæ herbarum fibras, & vermiculos, & oua gurgulionum locuſtarumque pro nutrimentis habent. Aliis retia aptiora, aliis pedicæ, aliis viſcum quo implicentur. Aucupium accipitrum viris principibus hodie ſolemne, antiquis pæne ignotum: & Ariſtoteles naturam tot animalium cuiuſque generis cum li-

teristraderet, huius naturæ in isthac aue non meminit. Scriptum à Plinio, Thraciæ populos, & accipitres velut coniurare solitos ad aucupandum. Nam illos è sylvis & arundinetis exciuisse aues: hos superuolitantes depreßisse. Accipitrum plura sunt genera, & alij prædam inuolant, alij deprimunt. Videre est nonnullos humi delitentem prædam, in orbem supra locum volitando, eamque velut circumscribendo prodere. Cum autem latratu canum & vociferatione venatorum latibulo expulsa fuerit, sursum & deorsum celerrimo volatu ferri, ipsamque aut vellicare, aut terræ allisam enecare. Sunt qui prædam nisi volantem non inuadunt. Quidam cum præda capta ad terram deuolant. Nonnulli delectati apricatione interdum longius per ætherem tranant. Quocirca tintinnabula cum cælati dominorum insignibus appenduntur, per quæ cuius sint cognoscantur, suisque dominis restituantur. Debet accipitrarius accipitrem dextræ chiroteca munitæ insidentem circumferre crebrius, eumque è manu pascere, quo magistrum, eiusque vocem tanto perfectius agnoscat. Fulicæ spuma, quam auidè appetunt, in spersa capiuntur. Struthiocameli celeriter currunt, non volant. Defecti viribus, per cursum ab equitibus comprehenduntur. Valet in eosdem etiam arcus. Perdices, & coturnices nec valde sublimè, nec admodum longè volant. Quò ab aucupibus tutæ sint, in segetibus & yepretis oua deponunt, & excubant.

Pullos

Pullos ad exemplum gallinarum fouent, atque ducunt. Perdix, cum accesserit ad nidum auceps, ante eius pedes tanquam vultis alis se volutat, spem sui capiendi faciens, & hoc astu eum remorans, dum pulli auolant. Fit perdicum venatio aut accipitre, aut nassa. Docenda est autem vna, quæ cæteras illiciat. Item canis excitat, accipiter capit. Verum ad perdicis, & coturnicis aucupium canis instituentus est, qui ante aucupem currat, & huc illuc discurret, inuentaque præda consistat immotus, sapius respectans, & caudam agitans. Tum retia pandenda, & cani auibusque iniicienda erunt. Coturnix fistula vocem muliebrem imitante inuitatur. In via media plaga extenditur, in quam se accurrendo induit. Quidam tradunt allium ita coctum, ut germinare nequeat, obiectum & deuoratum stuporem auibus vertiginemque tantam inducere, ut manu comprehendantur. Eodem valentescis immista semina lappæ, hyosciami. Nonnulli idipsum consequuntur vino, aut fæce vinaria fontes inficiendo: qua ratione inebriantur. Funiculis visco illitis, eorumque capitibus ad ripam religatis, reliquo in aquam immisso volucres per gurgitem summum nantes impediuntur & retinentur. Hic de optimo genere visci plura dicenda essent. De monedulis, sturnis, & omnibus pennigeris gregatim volantibus, quomodo capiantur hanc doctrinam legi in poeta no-

stri sæculi sanè non spernendo, cuius extat liber
ἱεὺπικῶν.

*Iam verò ruri vacuum si forte per umbram
Usurpare oculis spectacula dulcia tendes,
Cum volat, inquit globum teretem se plurima ver-
sat
Nigra pedes, nigris velata monedula pennis:
Aera seu sturni densa implere caterua:
Illicet è manibus raptim volet unus aut alteri
Assperso filum visco qui pone trahentes
Aeream repetant turbam, & se pluribus addant,
Namque illos medio redeuntes agmine lati,
Dum forte excipiunt alij circumque supraque
Et nunc subter eunt, filo retinentur, & alas
Impliciti calum magnis stridoribus implent.
Nec mora: ceu summo demissus ab aethere turbo,
Infima precipiti labuntur in arua ruina.*

Dispositis item per ramos arborum virgis visco
perlitis, adhibitæque noctua scæmina, aut bu-
bone, non difficile aves capientur. Sunt enim
hæ volucres duæ cæteris nescio quomodo natu-
rà inuisæ, ad quas persequendas & vellicandas
congregantur. Itaque vbi illæ sunt, magnam
cernes reliquarum copiam. De gruibus, ana-
ticulis, turdis, oloribus cornicibus capiendis
legi etiam: sed nihil, opinor, necesse est sigil-
latim omnia proferre. De sylua ad aucupium
auicularum commoda: quibus scilicet arbori-
bus ferenda sit, ex eodem poeta versus non ille-
pidos, & paulo plures reddam ex memoria,

Sed

Sed tibi præcipuè rectis stet consita Sylua
Tramissibus, mollem longe qua iactet odorem,
Quæq; adeo duram bacca turgente Volucres
Inuiter sedare famem. Sit plurima laurus
Scilicet, & dulces hedera viridante corymbis
Sit qua facundos fundat labrusca racemos:
Nec non & Cereri, pariterq; accepta Diona
Myrtus: & haud unquam cariem passura sena-
ta
Iuniperus; nimioque breui qua flore iuuenta
est
Sambucus consuetæ frui: sit grata voraci
Ante omnes turdo planta syluestris olina:
Et salices, semperque graues, semperque viren-
tes
Lentisci, triplici solita grandescere fatu:
Tum qua purpureo sunt matura colore,
Arbuta, tum fuscis corna immiscenda ligustris,
Quiq; suum frutices duxere à sanguine nomen:
Quaque ferunt planas Viburnæ nigrantia fru-
ges:
Et circum suaves pergant inolescere ficus.
Hæc nullam pronisæ tibi sine diuite prada
Autumniq; hyemisq; sinens discedere par-
tem:
Sed tu viscatis fraudes componere ramis,
Sed densas inter frutices, syluamq; virentem
Curraces laqueos, pedicæque intendere malis.

De aucupio ferè omnia quæ tenebam edisserui.
 Quæ pars de tribus extrema superest, eam si per
 Nicostratum licet, tractandam sumat Aruntius.

N. Licet verò. A. Ego vt squamigerum pecus non quidem pascam, sed capiam? opus magnum iniungitis, vt per aquas ambulem frigidas, à quo inde vsque à puero semper abhorruì. C. Lingua non pedibus ambulabis, ne time: & capies quod voles. A. Si hæc conditio feratur conchitis istis, hamiotis & furibus maritimis vt Plautus eos facete nominat, faxo se piscatores, quam vel aucupes, vel venatores, vel scrospascos, aut cuiuscunque ordinis opifices esse malint. Nimirum dulce est, capere posse quod velis. C. O te simulatorem callidum. Mitte ludum, & ad rem progredere.

DE PISCATIONE.

A. Piscatio paucorum est illustrata literis, cum de piscium natura, & educatione (quæ pars quædam villaticæ pastionis dici potest) complures conscripserint Græci & Latini: Oppiani vnus quod sciam, poëma fertur ἀλιευτικόν. Veruntamen in eo de marinis tantum piscibus capiendis agitur. Quorum plerique cum aspectu, vt corpore, vasti sint, veluti inter animalia terrestria boues, cameli, elephanti, & ita visu terrifici, mirum est nihilominus eos ab vno piscatore non valido, idque non multis machinis, nec magno molimine capi & interfici. Sed hic est ille ab æternæ mentis numine iam olim homini omnium sub cælo naturarum principi in omnes animantes cum summa gloria concessus domina-

minatus. Et præbentur non minus varix atque illecebrosa è piscibus, quam ex auibus, aut quadrupedibus delicia: quas res Apicioꝝ gulæ plus facis nouerunt. N. Et ille similiter, cui lucius non amplius erat piscis: de quo, nisi erro, in tertio de re rustica M. Varro scriptum reliquit. Sunt tamen iidem pisces aliis locis meliores. A. Piscatorem ipsum non dubitatis, credo, hominem esse oportere laboris patientem, vigilantem ac sagacem, qui piscium fraudibus possit occurrere. Eius instrumenta sunt retia, & horum plures formæ, tridentes, fuscina, & naucula. Vericulum oblongum, non ita latum, à verrendo. Alligantur eius extrema funibus, quibus hinc globi plumbei, hinc suberis frustilla annectuntur: ut ex vna videlicet parte descendat propter grauitatem plumbi deorsum trahentis, ex altera in superficie aquarum maneat propter leuitatem ligni. Sed de generibus retis Isid. & alij. Capiuntur pisces omni tempore anni: quidam tamen magis æstate, quidam hyeme. Et quidem hyeme alij in vadis morantur, alij limo aut arenæ se credunt, alij sub scopulis habitare gaudent: & alioqui non iisdem locis omne genus delectatur, cum sit quosdam inuenire inter saxa, quosdam in locis arenosis, quosdam in herbidis, & in multa vlua. Censent auctores, sub orientem, & post occasum solem (quia tum visus eorum maximè fallitur) vtiliter piscatum institui. Addunt alij, sub noctem eos dormire. Quis autem nescit, dormientes etiam homines perfacile opprimi? Venti tamen
ratio

ratio ducenda est ad piscandum. Tranquillitas & *Æquitas* plurimum prodest Aliàs flante Austro retia aduersus Boream: hoc spirante aduersus Austrum trahenda sunt. Eodem modo Euro & Zephyro spirantibus faciendum. Retium piscatio est ditior, & ea piscatoribus quam venatoribus facilius conseruantur. C. Nisi videlicet ipsa copia & magnitudine captiuorum rumpantur. Rumpebatur autem eorum rete, scribitur in sacra historia: quia nimirum inerant centum quinquaginta tres magni pisces. A. Piscantur alij nassa, alij hamo, quidam conto. Item corbis & fiscellis nonnulli vtuntur. Hybernis mensibus cum flumina glacie constiterunt, solent eam in orbem frangere: eò cum pisces lucis cupiditate adnatent, sine negotio capiuntur. Si verriculo piscatio fiat, interest iterare gurgitem: plures enim secundo tractu venient in potestatem. Nec verò non odorantur etiam pisces: inde fit, vt ad quosdam odores sibi gratos confluant, & ita facillime in nassas cogantur. Polypum aiunt petris, nisi admota cunila auelli non posse. Delphinum, vtpote hominum amantem, & piscatoribus auxilium ferentem capere parcant. Cui nisi partem prædæ permiserint, deinceps cæteruas piscium in retia ducere non consuevit. Sargus capras mire amat. Itaque ad earum umbras siue pelles capitur commodissimè. Observantur quædam singularia in multis dum captantur, quæ te Cæfelli imitatus non referam. Nec si velim, satis memoriæ suppeditaret ad singula.

gula. Fateor interim mirum in modum delectari me, cum post vniuersam piscandi rationem, separatim de hoc aut illo piscis genere capiendo aliquid lego, & quinam reti, qui nassis, qui utroque modo capiantur, qui fuscinis figantur. De balæna seu orca, canibus, lannis, phocis, testudinibus, purpuris, scaris, cephalis, salmonibus, mugilibus, apuis, thynnus, halecibus, spongiis, sepiis, hippuris, trutis, alburnis, gobiis, anguillis, &c. Quare quod vobismetipsis indulistis, nempe ut cessaretis quando liberet, idem mihi nunc ne denegatis, vos oratos velim. C. Gratis istuc largimur voluntati tuæ, & explicationi tuæ, quam tu nostris æquè libentem atque alacrem operam dedimus. A. Deus vos amet: exsurgamus aliquando.



ANNOTATIONES.

VENATIO) *Plauto etiam venatura, qua voce, ut aucupio, translate usus est in Milite. Viden' tu illam oculis venaturam facere atque aucupium auribus? Sic venari, aucupari, piscari peritæque non raro dicuntur. Venari in aliqua re laudem modestiæ. Assentatiuncula quadam alicuius gratiam, aucupari, rumusculus, delectationem, opiniones hominum, ex omni genere orationem aucupari. Piscari in aëre, id est, inanem sumere operam. Sic verbum iunctum, expiscari. Ab aliquo quippiam expiscari. PISCATUS.) In dialogis rusticis nonnihil verborum fecimus de piscibus tractandis, & educandis, quæ potest ad pastionem villaticam pertinere disputatio: hoc progymnasmate de capiendis loquimur, piscinarum, ac piscinariorum nullam, at piscatorum crebram mentionem habemus. NON LONGE ABIERO) Istuc verbum, abeo, venustè significat interdum, quod cesso, desino, desisto. Sed usus observandus est ex Cicerone. Nausea iam planè abiit. De loco nunc quidem abiit pestilentia. Nos, iam non est amplius pestis Augusta. Illa mea, qua solebas antea laudare, abierunt. Adhibetur item à Latinis pro accedere, demittere, in huiusmodi locutionibus. Quid ad istas ineptias abis? abire ad vulgi*
opinio-

opinionem. Longè autem abire, est alte repetere: petere aut sumere aliquid à longinquo, ut barbarorum est elegantia, exempla remotiora petere. Non longè abieris, num ius civile vestrum ex iis libris cognosci potest? &c. Multos nominatim proferre possum, ne longius abeam. Illa etiam notanda cupidis incorrupta & prisca latinitatis. Non poteris sic abire. Mirabar hoc si sic abires. Ab hoc parumper abeamus, abire magistratu, à iure non abire, abire in malum cruciatum, malam pestem, malam crucem. IN ALIA OMNIA EVNDVM) Ire, transire, discedere in alia omnia eodem sensu dicuntur, pro dissentire. Vide Manut. Schol. in epistola secunda, libro primo. AGI FERRIQUE) Grai ἀγειν καὶ ἐφευ, quod Virgilius expressit in 2. Aeneid. alij rapiunt incensa feruntque Pergama. DICAM SCRIBERE) Sicut iudiciorum praeses Dea. Nonnunquam idem quod iudicium, aut actio in iudicio. Hinc scribere dicam, vocare in iudicium, actionem intendere, Terent. Phorm. Enunquam iniuriarum audisti mihi scriptam dicam? Idem. Si tu istam attigeris secus quam dignum est liberam, dicam impingam tibi grandem. Adhuc sexcentas proinde potius scribito iam mihi dicas. Plaut. Aulul. Iam quidem hercle ad Pratorem te rapiam, & tibi scribam dicam, Cicer. Verr. 3. scribitur Heraclio dica. Verbum iuris est scribere, ex

re, ex Græco γράφειν. Etiam formulam scribere dicebatur, qui in iudicio alterum pronocabat. TRIPARTITAM VENATIONEM) Perspicue Oppianus libro primo κυνηγετικῶν, & asserit plus laboris inesse in primo genere. Sunt autem hi versus.

Τειχασίῳ θήρῳ θεὸς ὅπασεν ἀνθρώποισιν,

Ἡεῖλῳ, χθονίῳ τε, καὶ εἰναλίῳ ἐρξείνῃν.

Ἀλλ' ὅκ' ἴσθ' ἄθλῳ. ἐπεὶ πόθεν ἴσα τέτυκται,

Ἰχθὺν ἀπαίροντα βυθῶν ἀπομηρύσασθαι.

Καὶ ταναὺς ὄρνιθας ἀπ' ἡέρος εἰρύσασθαι.

Ἡ θηρὸν φορέοισιν ἐν ὕρεσι θηεῖσθαι.

Complexus est eadem hæc tria 1. Georg. his carminibus noster Maro.

Tam laqueis captare feras, & fallere visco

Inuentum: & magnos canibus circumdare sal-
tus,

Atque alius latum funda iam verberat am-
nem

Alta petens: pelagóque alius trahit humida
lina.

FRICTI CICERIS, ET NVCIS EMPTO-
RIBVS) Horum nomine Horat. ad Pisones plebe-
ios, egentes, vulgares, obscuros homines significat.
Quales erant, qui dum fabulæ agebantur, & aliás
item

item frictio cicere & nucibus famem pellebant. QVI
CAPITAL FECISSENT) Præter ea quæ à Var-
rone & Festo adducuntur de texta fasciola, quæ ca-
pillum in capite colligarent etiam sacerdotula, aut
de linteis, quo in sacrificiis uterentur, capital est cri-
men, facinus, capitis supplicio vindicandum, seu
quod capitis pœna luitur, ex quo capitis periculum
impendet. Iureconsultus Arrius Menander. Si
quis commilitonem vulnerauerit, si quidem lapide,
militia reiicitur: si gladio, capital admittit. Cicer. 2.
de lege. Quique non paruerit, capitale esto. Plaut.
Menach. Nunquam a depol fugiet, tametsi capi-
tal fecerit. Mercat. Eutyche capital facis. TE-
STATVR MARTIALIS) Epigramma profertur
de lib. 1.

Belliger inuictis quod Mars tibi sauit in armis,

Non satis est Caesar, sauit & ipsa Venus.

Prostratum Nemees, & Vasta in Valle leonem,

Nobile & Herculeum fama canebat opus.

*Prisca fides taceat: nam post tua munera Ca-
sar*

Hæc iam faminea vidimus acta manu.

ET SVETONIUS) In Domitiano capite quarto:
Spectacula magnifice, assidue, & sumptuosa edi-
dit, non in amphitheatro modo, verum & in Cir-
co: ubi præter sollemnes bigarum, quadrigarumque
cursus, prælium duplex etiam equestre ac pedestre

Essf

commi-

commisit: atque in amphitheatro navale quoque. Nam venationes, gladiatoresq; & noctibus ad lychnuchos: nec virorum modo pugnas, sed & fœminarum. ERRAS, ET ME IGNORAS) Non me novisti qualis sim. Cicer. Academ. libro quarto. Maiore studio Lucullus philosophia studio deditus fuit, quam qui illum ignorabant, arbitrabantur. Terent. Heant. Erras si id credis, & me ignoras. Clinia. Horatius sat. tertia, libro primo. Heus tu, Quidam ait, ignoras te? SUB IOVE FRIGIDO) Iupiter pro calo græcis latinisq; poetis tritum est. Horatij sunt, exempli causa, Manet sub Iove frigido. Quod latus mundi nebula malûsque Iupiter urget. Nivêsq; deducunt Iovem. Virgilius. Et iam maturis metuendus Iupiter visis. Aliorum locis super sedeo. Catullus eo vocabulo ventum expressit: siue utrunque Iupiter simul secundus incidisset in pedem. Iam, Iupiter frigidus ideo rectè dicitur, quia latini dicunt calum grave, tenue, æstuosum, frigidum, caliginosum, crassum, humidum: non, bonus, malus, gravis, calidus aër. Multo minus bona, mala, tranquilla aura. IN ACTÆONIS FABULA) Causa mutationis seu μεταμορφώσεως, in valle Gargaphia (quamquam non dedita opera) visa corpus de venatu fessum liquido rore perfundens Diana. Laniatus his versibus absolvitur.

Vndique

*Vndique circumstant (canes) mersisq; in corpore
rostris*

Dilacerant falsi dominum sub imagine cerni.

Nec, nisi finita per plurima vulnere vita

Ira pharetrata fertur satiata Diana.

QVOD APVD HOMERVM VENERI)
Iliad. 5.

Οὔτοι τέκνον ἐμὸν δέδοται πολεμήϊα ἔργα.

Αλλὰ σύ γ' ἰμερέεντα μετέρχειο ἔργα γάμοιο,

Ταῦτα δ' ἄρ' ἦι δοῶ, καὶ ἀθήνη πάντα μελήσει.

DIANAM SEMPER VIRG. ET VENAT.)

Tuende virginitati inprimis necessarium est, hominum vitare consortia : deinde otium fugere : quorum utrunque faciunt, qui sylvas assiduis venatibus pererrant. Querit Venus à Cupidine apud Lucianum, cur saltem Dianam suis iaculis sine telis non figat, siquidem Musas & Minervam non possit. Cui ille sic respondet. Τὸ μὲν ὅλον, ὃ δὲ καταλαβεῖν αὐτῷ δύοιτε, φεύγουσαν αἰεὶ διὰ τῶν ὄρεων, εἴτα καὶ ἴδιον πῖνα ἔρωτα ἥδην ἔρ' Ἄφρ. τὴν αὖ τὸ τέκνον: Ερ.

θήρας, καὶ ἐλάφω, καὶ νεβρῶν αἰρεῖντε, διώκουσα, καὶ καταλοξεύειν, καὶ ὅλως πρὸς τῷ τοιῷτῳ ὄρει. Vi paucis dicā.

Hanc ne deprehendere quidem usquam queo: quippe perpetuo per montes fugitantem: Adhac, alterius cuiusdam cupidinis illa tenetur cupidine: nempe venatu cervorum, & hinnulorum, quos insecta-

tur ut capiat, ut iaculo figat. Ac prorsum tota rerum huiusmodi studio tenetur. HIPPOLYTUS THESEI FILIUS) Quum Phædra nocuerca pellicere quo volebat non potuisset, nec blanditiis expugnare inuictum castissimi adolescentis animum, suspendio vitam corpore seclusit, relictis tabellis, quibus innoxium apud patrem falsi criminis accusaret. Mire exprimit Euripides huius & in Dianam ut virginem & venatricem, ac proinde duplici nomine patronam suam, ingentem amorem, & acerbum in mulieres odium. Quodam loco ait eas creari non debuisse. Si quis obiciat, unde ergo soboles ad propagandum genus, vide commentum obsecro. Tuis templis Iupiter, inquit, aut as, aut ferrum, aut aurum donaria ferre debuerunt, filiorum cupidi, & inde semen aliquod liberorum, mercari, unusquisque pro pretio oblatis muneris, & vitam transigere expertem prorsus mulierum. EX NATURA QUIDEM, ET PROPRIETATIBUS) Hoc mihi statim ut legerint gracè docti credent. Melampus à nigris pedibus, Ichnobates vestigia sectans. Oribasus montes percursans. Sticte, à punctis variorum colorum, &c. à regione & patria canum sunt ibidem Gnosius, Sicyonius, Lacon. Auctor Batrachomyomachia cum muribus & ranis nomina imponeret, etiam admodum propria, & ridicula tamen imposuit. ET QUADRATVM)

In Indice elegantiarum Celsi, quæ est appendix ad dialogos medicos; quid esset corpus quadratum exposuimus. VEL SCROFIPASCIS) Scrofa est fœmina, scrofipascus qui alit scrofas quod pistores solent. De quibus perlepide parasitus in Capt. dum monet, ne quis sibi cursuro in platea obstat obuiam.


Tum pistores scrofipasci qui alunt fursuri sues,
Quarum odore praterire nemo pistrinum potest.
Eorum si cuiusquam scrofam in publico conspexero,

Ex ipsis dominis meis pugnis exculcabo fursures.

ISIDORVS ET ALII) Isid libro decimo nono, capite tertio. Retia vocata sunt à retinendis piscibus, siue à restibus quibus tenduntur. Plagas proprie dicimus funes istos, quibus retia tenduntur circa imam & summam partem. Funda genus est retis piscatorij, dicta ab eo, quod in fundum mittatur. Eadem etiam à iactando iaculum dicitur. Tragum genus retis, ab eo quod trahatur nuncupatum, ipsum & vermiculū. Verrere enim trahere est. Nassa ex viminibus tanquam rete contextum, &c. SARGVS CAPRAS) Mirum in modum hic piscis capras amare fertur: earum in littore pascantium si umbram conspiciat, gestit latitia, & quam maxime potest adnatat, & salire frustra cupit. Earum odorem in fluctibus etiam percipit. Piscator

itaque caprinam induit pellem cum cornibus,
 struit insidias, sole à tergo relicto: atque farinam
 iure caprino madefactam in eam maris partem de-
 iicit, in qua sargi sunt: quo illico odore capti occur-
 runt, farinam degustant, & maxime pellis capri-
 ne aspectu detinentur. Hæc *Ælian. de ani-
 malibus libro primo, capite vige-
 simo tertio.*

Laus DEO, Virginiq̃ue Matri
 MARIE.



INGOLSTADII.

Ex officina Typographica
 DAVIDIS SARTORII.

Anno

M. D. XCIV.





